


Ra 'da'yonhogui
nangue ma Hmuħu ra
Jesucristo



New Testament in Otomi, Eastern Highland (MX:otm:Otomí,
Eastern Highland)

Ra' da'yongoui nangue ma Hmuha ra Jesucristo

New Testament in Otomi, Eastern Highland (MX:otm:Otomi, Eastern Highland)

copyright © 1974 Wycliffe Bible Translators, Inc.

Language: Otomi, Eastern Highland

Translation by: Wycliffe Bible Translators, Inc.

Otomí, Sierra [otm], Mexico

Copyright Information

© 1974, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Otomi, Eastern Highland

© 1974, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 25 Aug 2023 from source files dated 29 Jan 2022
eed5311a-6154-516f-aead-3829b2989366

Contents

SAN MATEO	1
SAN MARCOS	48
SAN LUCAS	76
SAN JUAN	122
HECHOS	156
ROMANOS	199
1 CORINTIOS	218
2 CORINTIOS	237
GÁLATAS	249
EFESIOS	256
FILIPENSES	263
COLOSENSESES	268
1 TESALONICENSESES	273
2 TESALONICENSESES	277
1 TIMOTEO	279
2 TIMOTEO	284
TITO	288
FILEMÓN	290
HEBREOS	291
SANTIAGO	305
1 PEDRO	310
2 PEDRO	315
1 JUAN	318
2 JUAN	323
3 JUAN	324
JUDAS	325
APOCALIPSIS	327

MATEO

Ran ho ma'da'yo bi 'yo't'a ra Mateo

Yám bombøta ra Jesucristo

¹ Guehna n'da ra søcuq i ja ua im ma to'o yú ngurpa bøta ra Jesucristo. Nu'a n'da ra Abraham ne man'da ra David ne xøn ngu mi'da gätho yú ngurpa bombøta a.

² Nu ra Abraham bim 'bø a n'da rá ts'unt'a ngue ra Isaac. Nu ra Isaac xø bim 'bøh rá ts'unt'a, ra Jacob a. Ne nu ra Jacob xø bim 'bøh yú ts'unt'a. Nu'a n'da ra Judá a ne'u yán 'yohu. Ne gue'a bi xøndgahe a dyu ja'i israelgähe, dyu judíohe. ³ Ne nu ra Judá bim 'bø i yoho yú ts'unt'a. N'dam'bøi thoho yoho. Nu'a n'da ra Fares. Nu'a man'da ra Zara. Ne nu'a rá mbe a rá thuhu ra Tamar a. Ne nu ra Fares bim 'bø a n'da rá ts'unt'a ngue ra Esrom. Ne nu ra Esrom, xø bim 'bøh rá ts'unt'a, ra Aram a. ⁴ Ne nu ra Aram bim 'bø a n'da rá ts'unt'a ngue ra Aminadab. Ne nu ra Aminadab, xø bim 'bø a n'da rá ts'unt'a, ra Naason a. Ne nu ra Naason, xø bim 'bøh rá ts'unt'a, ra Salmón a. ⁵ Nu ra Salmón xø bim 'bøh rá ts'unt'a, ra Booz a. Ne nu ra Booz, rá mbe a ra Rahab. Ne nu ra Booz xø bim 'bøh rá ts'unt'a, ra Obed a. Ne nu rá mbe ra Obed, ra Rut a. Ne nu ra Obed xø bim 'bøh rá ts'unt'a, ra Isaí a. ⁶ Ne nu ra Isaí xø bim 'bøh rá ts'unt'a, ra David a. Ne nu ra David gue'a bin ts'ut'abi a. Ne nu ra David xø bim 'bøh rá ts'unt'a, ra Salomón a. Ne nu rá mbe ra Salomón, gue'a xí du rá ndø rá thuhu Urias.

⁷ Ne nu ra Salomón xø bim 'bøh rá ts'unt'a, ra Roboam a. Ne nu ra Roboam xø bim 'bøh rá ts'unt'a, ra Abías a. Ne nu ra Abías xø bim 'bøh rá ts'unt'a, ra Asa a. ⁸ Ne nu ra Asa xø bim 'bøh rá ts'unt'a, ra Josafat a. Ne nu ra Josafat xø bim 'bøh rá ts'unt'a, ra Joram a. Ne nu ra Joram xø bim 'bøh rá ts'unt'a, ra Uzías a. ⁹ Ne nu ra Uzías xø bim 'bøh rá ts'unt'a, ra Jotam a. Ne nu ra Jotam xø bim 'bøh rá ts'unt'a, ra Acaz a. Ne nu ra Acaz, xø bim 'bøh rá ts'unt'a, ra Ezequías a. ¹⁰ Ne nu ra Ezequías xø bim 'bøh rá ts'unt'a, ra Manasés a. Ne nu ra Manasés, xø bim 'bøh rá ts'unt'a, ra Amón a. Ne nu ra Amón, xø bim 'bøh rá ts'unt'a, ra Josías a. ¹¹ Ne nu

ra Josías, xø bim 'bøh rá ts'unt'a ra Jeconías a, ne'u yán 'yohu. Ne gue'a yø pa bi ts'ix a ma mi israelhe dyu judíohe bø ja ra häi Babilonia. Bi zix yén shihü.

¹² Ne nubøya nu ra Jeconías bin xønd bø ra häi Babilonia a, ne'a rá ts'unt'a ngue ra Salatiel. Nu ra Salatiel xø bim 'bøh rá ts'unt'a, ra Zorobabel a. ¹³ Ne nu ra Zorobabel xø bim 'bøh rá ts'unt'a ra Abiud a. Ne nu ra Abiud xø bim 'bøh rá ts'unt'a, ra Eliaquim a. Ne nu ra Eliaquim xø bim 'bøh rá ts'unt'a, ra Azor a. ¹⁴ Ne nu ra Azor xø bim 'bøh rá ts'unt'a, ra Sadoc a. Ne nu ra Sadoc xø bim 'bøh rá ts'unt'a, ra Aquim a. Ne nu ra Aquim xø bim 'bøh rá ts'unt'a, ra Eliud a. ¹⁵ Ne nu ra Eliud xø bim 'bøh rá ts'unt'a, ra Eleazar a. Ne nu ra Eleazar xø bim 'bøh rá ts'unt'a, ra Matán a. Ne nu ra Matán xø bim 'bøh rá ts'unt'a, ra Jacob a. ¹⁶ Ne nu ra Jacob xø bim 'bøh rá ts'unt'a, ra José a. Gue'a rá ndø ra María a. Ne gue'a rá mbe ra Jesús a, ngue ra Cristo a bøya, rá thahni Oja.

¹⁷ Ne gue'a gätho yám bombøta ra Jesucristo a. Mbødi tho ra Abraham, ná 'de'magoho a ra David. Ne xø bim 'bøh mi 'de'magoho yám bombøta ne gue'a yø pa bi ts'ix pø Babilonia. Ne xø bim 'bøh mi 'de'magoho, ná 'de'magoho a ra Cristo bøya.

Nu'a bin ja 'bø mim 'bøh ra Jesucristo

¹⁸ Ne nu'bø mim 'bøh ra Jesucristo, nu'a rá mbe ngue ra María bi 'yän'na ra José, ne ya in nde din that'ui, pe nu'bø hin ním 'bøhmi, ya bi hnu ngue in hat'uhni ra María, pegue bi nequi zehé rá t'uhni nangue rá Hogandøhi Oja. ¹⁹ Ne nu ra José bøya bi bøni hanja bin hat'uhni a ra María. Pegue ra hocja'i a ra José ne him mi nde di yøp'a ra María bø 'bøh rá ze'mi pegue bi bøni da hyetho. ²⁰ Ne nu ra José, nu'bø ngubø mim bøni, bi 'uji n'da ra t'j 'bø min apø rán ngunse, bi nu rám'bøhni Oja bi 'yømbi:

—Nu'i, hague José, rám bom'bøto i ra David, xøn ho 'bø gam 'bøhmi a ra xisu, nguetho nu ra 'uere dim 'bøi, dim 'bøi nangue rá Hogandøhi Oja a. ²¹ Ne dim 'bø a n'da rá ts'unt'a ra María, gui xip rá thuhu ra Jesús. Nu'a ra Jesús nam bøni ngue da yanäi gätho yú mijudíohe, yø israel, nangue

yú ts'oqui a, bi 'yémp'a rám 'behni Ojá a ra José 'bá min aha.

²² Nguetho maya'bá thoho bi zän Ojá a ra María 'bá mi man'a ra pøngahyá ngue bi 'yéna:

²³ N'da ra hmute ngue hin jäm'bá n'dandí bi zo a n'da ran 'yohá, n'e din hat'uhni. N'e nu'a rá t'uhni dim 'bái da t'ëmbi ra Emanuel, bi 'yéna' ra pøngahyá maya'bá.

N'e nu'a ra Emanuel in nde da ma: "Dí 'báhmbá Ojá."

²⁴ Janangue'a nu'bá mi hyax báya a ra José, bi 'yot'e 'be'a bi xi a rám 'behni Ojá, n'e 'bex bi zin'a ra María. ²⁵ Pe him 'bexque njuäntho bim 'báhmi, ja gue'bá bim 'báh rá ts'ant'á ra María. N'e nu ra José báya bi xih rá thuhu ra Jesús a ra t'uhni bim 'bái.

2

Nu'á 'da yan 'yohá bi dande ra Jesús 'bá min 'uere

¹ N'e nu ra Jesús bám 'báphá ra hnini Belén guephá ra häi Judea. N'e min ts'at'abi bá ja a ra xequi a ra Herodes, n'e mí zäm bá ra dähnini Jerusalén. N'e bi zöm bá Jerusalén 'da yan 'yohá ngue yá 'befi mí hand yá sø. N'e nu'á bí nexpá mbe ní bøx ra hyadi a. ² N'e nu'bá mi zöm bá Jerusalén bi 'yän'dá 'báphá:

—Hapá i 'bacua a rá hmuts'at'abi yá judío ja bim 'bái, bi 'yéna'. Nguetho dán nuhe n'da ra sø njäm'bá dá nuhe n'dandí. N'e gue'a ra hmepya bi 'yurcahe ngue ya bim 'bái, n'e bá éhmbe ya ga thändehe a, bi 'yéna' bi nu ra sø.

³ N'e nu ra ts'at'abi Herodes, nu'bá mi sifi 'be'a bi man'u yan 'yohá bi zöm bá, bi hyonya thoho nangue a ram hma ngue bim 'báh man'da ra ts'at'abi. N'e gätho 'báphá Jerusalén bin su nguetho im bëni: "Masque i ja 'be'a din ja ya," én a. ⁴ N'e nu'a ra ts'at'abi Herodes báya bi zon'dá yá hmumbájá n'e yá xänbate nijsá, bi 'yänni hapá im man yá sòcuá yá pøngahyá dim 'bá a rá hmuts'at'abi yá judío, ngue ra Cristo. ⁵ N'e nu'á bi 'yëmbi:

—Guephá Belén ra häi Judea dim 'bái, nguetho gue'a bi man ra pøngahyá 'bá maya'bá 'bá mi hma ngue,

⁶ Nu ra hnini Belén bá ra häi Judea,

ra t'uhnini a, pëgue din ja tengu n'da ra dähnini

nguetho guephá dim 'báphá ra Hmu di jamansu ma t'uhni yá ja'i israel, i én Ojá, bi 'yéna' ra pøngahyá maya'bá, bi 'yéna' yá mbäjá.

⁷ Nu'bá mi mbenc'á yá mbäjá n'e yá xänbate nijsá, nu ra Herodes bi zon'dá bi nu ra sø, pe njon mi ndepe da nu 'bá mam bá ts'i. N'e nu'bá mam bá ts'i bá 'báh ra Herodes, bi 'yänni:

—Ma njäm'bá bi nequi a ra sø, bi t'ëmp'á.

⁸ N'e nu'bá mi xifi, nu ra Herodes báya bi 'yémp'á bi nu ra sø:

—Ní mbähä bá Belén, gui hyomhbá hapá bim 'bá a ra 'uere, n'e nu'bá gá tñmhbá hapá i 'bái, gua éhmbá gui xijá, nécá ga mba ga thände a, bi t'ëmp'á bi nu ra sø. Pe hinga gue'a mim bëna.

⁹ N'e nu'á yan 'yohá báya bi mba da hyoni hapá bim 'bá a ra 'uere, n'e xø bi nequi mahón'a a ra sø xpí nu bá yá häi. N'e i 'bet'o a. N'e nu'bá mi zöm bá Belén, bin säya a ra sø bá din 'yé'tui a ra ngu nubá mí 'bá a ra 'uere. ¹⁰ N'e nu'á yan 'yohá 'bá mí nu bin säya a ra sø, bin johya yá mbái báya. ¹¹ N'e bi yat'ambo, bi nu a ra 'uere n'e ra María rá mbe. N'e bin dänyahmu, bi dände a ra 'uere. N'e 'bexque bi xo't' yá 'beni bá tu, n'e bi un yan t'unni a ra 'uere ngue émme xan ngu di muui. Bi unna n'da ra oro, n'e rá ndega ra za bi unni, n'e n'da ra 'yéthi yanman'u. ¹² N'e nu'bá min a a yan 'yohá ngue bi nu ra sø, Ojá bi 'yut'a n'da ra t'í ngue nu'bá bi mbengui hin dí mba bá bí 'báh ra Herodes. Janangue'a n'danni n'da ra 'yu bi hyaq 'bá mi mbeng bá yá häi báya.

Ra Jesús bi ts'ix bá Egipto

¹³ N'e nu'bá mí mba a yan 'yohá báya, n'da rám 'behni Ojá bi xi a ra José 'bá min aha:

—Dami ndants'i. Dami six'a ra 'uere n'e a rá mbe. Gui' dahmbá, ni mbähä bá ra häi Egipto n'e gam 'báhmbá bá 'da yá pa. N'e him 'bex gua pengüi, jague'bá dá xi'ai gua pengüi. Nguetho nu ra Herodes da hyon'a ra 'uere, n'e nu'bá da díni da hyo, bi 'yémp'a rám 'behni Ojá a ra José.

¹⁴ N'e 'bex bi ndanc'a ra José a ra xui a. Bi zix a ra María n'e rá t'uhni, n'e bi mba bá ra häi Egipto. Him bi dø'mi 'be da

hyats'i. ¹⁵ Nε bám 'bapu Egipto jague'bū mi du ra Herodes, ja bá penc'ū buya. Nε bin ja 'be'a bi man Ojā maya'bū, bi 'yēna: "Gan zohn'na ma t'uhni bū Egipto," i ḥn Ojā, bi 'yēn'a rá pōngahyā.

Ra ts'ut'abi Herodes bi manda dí ho yu t'uhni

¹⁶ Nε nu ra Herodes ḥmm̄e bin cuε ngue ya bi thät'i, nguetho nū'ū yuñ 'yohū bi nu ra sō hin í mbeng bū 'bū mi dīn'a ra t'uhni. Janangue'a bi mben'ndū yú dofai ngue da hyo yū 'uere bū Belén ne yū hnini i hänbū. Nε gätho u yū t'uhni hinga na pe'ts'a nyojeya gätho bi hyo. Nguetho bi man u yuñ 'yohū, ya mbε má nyojeya ya bi nequi a ra sō. ¹⁷ Nε nu'a bin ja, maya'bū thoho bi man a ra pōngahyā ra Jeremías ngue ngubū din ja 'bū mi 'yēna:

¹⁸ Bin ja n'da ran ts'oni bū ra hnini Ramá, nts'edi bi mbah yé xisu yū judío, bin zoni ne him bi 'yø a bi xi u bi hyurpa yū mbui, nguetho ḥmm̄e im bēn'ū yū t'uhni bi thopi, bi 'yēn'a ra Jeremías 'bū maya'bū.

¹⁹ Nε nu'bū mi du ra Herodes buya bi 'uī man'da rám 'bəhni Ojā a ra José 'bū min xui, bū ra häi Egipto.

²⁰ —Dami ndants'i. Dami six a ra t'uhni ne a rá mbe. Dami penju bū ra häi Israel, nguetho ya bi du u mí nde xtá hyo a ra t'uhni, bi t'emp'a ra José.

²¹ Nε nu ra José buya bi hyaq̄ ra 'yu ní mba bū ra häi Israel 'bū mi hyats'i, ne bi zix a ra t'uhni ne'a rá mbe ra t'uhni bi zits'i, ḥna xtán zōm bū ra xequi Judea. ²² Pe nu'bū mí 'yø a ra José ngue in ts'ut'abi bū ra Arquelao, bi zu da zōm bū mahøn'a, nguetho nu ra Arquelao rá ts'ant'ū ra Herodes a. Nε'a xí 'uī xø bi bəm buya, ngue'a hin da mba bū Judea. Janangue'a í mba bū ra xequi Galilea buya. ²³ Nε bi mba dim 'bapu ra hnini Nazaret. Janangue'a bin ja 'be'a xmán t'o'i bū ja yū sōcuq̄ yū pōngahyā Ojā, gue nu ra Jesús da t'emb̄i ra məngu Nazaret.

3

Bi man rám hma Ojā bū ja ra dapo ra Xuua Nxixyq̄

¹⁻² Nε nubuya nu ra Xuua Nxixyq̄ bi dū'mi bi xih yū ja'i ne bi 'yēna:

—Dami päh nin 'yomfənihū nguetho ya mi ts'utho di manda ua rá ts'edi Ojā, bi t'emb̄ yū ja'i.

Nε mí 'bapu ja ra dapo bū ra xequi Judea 'bū min yəhū yū ja'i a ra Xuua.

³ Nε nu a ra Xuua gue'a bi man ra pōngahyā Isaías maya'bū ngue bi ma ba ḥhe, 'bū mi 'yēna:

N'da ra ja'i din yā bū ja ra dapo ne da 'yēna: "Damin sähū ga simhbū ra Hmu mi ts'utho da zōcua, dami hoc ni mbəihū ga təmhbū xən ho," da 'yēna, bi 'yēn a ra Isaías maya'bū.

⁴ Nu yū he ra Xuua ám 'be yū xingu yū camello, ne midín gət'ū yū xifani, ne mi sa yū t'əxi ne mi si yū t'afi t'asa dapo. ⁵ Nε nu'bū mi dū'mi bi man rám hman a ra Xuua, bi mba u yū məngu bū Jerusalén, bi zōm bū 'bəh ra Xuua, ne yū məngu bū ra xequi Judea, ne'u mi 'bapu hänbū ra dət̄he Jordán, ngue nde da 'yøde 'be'a da man'a ra Xuua. ⁶ Nε nu ra Xuua bi xixyq̄a u to'o bi 'yømanho 'be'a bi ma, ne bin juənni nangue yū ts'oqui. Nε xən ngu bi xixyq̄a bū ja ra dət̄he Jordán.

⁷ Nε xən ngu ma ngərpihe dyū israelhe, dyū judíohe, bi zōm bū mí 'bəh ra Xuua ḥna din xixyq̄ u. Nu'u da yū fariseo u, ne u da yū saduceo u. Nε nu ra Xuua buya bi 'yēmp'ū:

—Nu'ahū tengu'bū ni mənihū yū pozū nguetho gyū tontohū. To'o bi xi ahū gua ḥmbū ua ngue gua 'dahmbū bū ja ran ūnbi xən u tho, bi 'yēna. ⁸ Ha guím bəmhbū da zä gan yəmhbū 'bū hin gui 'yøthū a rán säui u to'o bi päh yū mbui, bi t'emp'ū ma ngərpihe.

⁹ Pe hin din ja ran 'yēts'i ni mbəihū ngue gui 'yēmhbū: "Nugähe yū t'uhnidähe ra Abraham, ya hin gan nuhe ran ūnbi," hingui sägui 'yēmhbū, nguetho nəhya yū do i 'bongua da zä din ja'i ngue da 'yēmbi yū t'uhni ra Abraham 'bū gue'a da nde Ojā da 'yøt'e, bi 'yēn'a ra Xuua. ¹⁰ Nε nu'a ra aza ya mahoqui xən ho ngue da 'yēx u yū za hingui ho yān dät'ā, ne da thəspu ja ra sibi din zō. Nε nu'ahū tengu'bū gyū zahū ngue hingui ho yān dät'ā, bi t'emp'ū yū fariseo ne yū saduceo.

¹¹ Nε xø bi xi u mi'da:

—Nugähe dí xixyq̄ ahū nangue ra dehe 'bū ya gá päh ni mbəihū, pe nu'a man'da ba ḥhe, di hoc'ahū nangue rá Hogandähi Ojā tengu'bū n'da ra sibi. Nε nu'a, man'da i ja

rá ts'edi xinda guecä. Hin dí sacä tengu a, i ḥn a ra Xuua. ¹² Ne da 'yøt' ran juanbi, tengutho 'bø i pa ma hoqui yø ja, ngue n'danni i pa m'bø'ts'i u yø ja ne n'danni da t'ēn u yø häi. Ne nu u yø häi da t'upøja ra sibi njam'bo i huet'i, bi 'yømb yø ja'i a ra Xuua.

Bin xixyq ra Jesús

¹³ Ne nubøya bi nøxpø ra häi Galilea ra Jesús, bi zøm bø ja ra døthe Jordán guepø ja ra døpo bí 'bøh ra Xuua. Bi zøm bø ngue bi nde din xixyq a ra Jesús. ¹⁴ Pe nu ra Xuua him mi ndehma di xixyabi ra Jesús, ne bi 'yømbi:

—Pe nu'i guí ḥna ga xixyq i, pe go man sá'be go gui xixyagui, bi 'yøn'a ra Xuua.

¹⁵ —Pe nuya xøn ho 'bø gui xixyagui, nguetho i jatho ga øthø 'bø'a bi man Ojø, bi 'yøn'a ra Jesús.

—Da nde 'bø, bi 'yøn'a ra Xuua bøya.

¹⁶ Ne nu'bø mi gua a bin xixyq ra Jesús ne bi bøx bø ja ra dehe, 'bex bi nu ngue bi xoh mahøts'i, ne bi nu bá cøh rá Hogandøhi Ojø tengu n'da ra t'azø, bi zøpø mí 'bø a ra Jesús. ¹⁷ Ne 'bex bi t'ø a n'da ra nde bí 'yøh mahøts'i, bi 'yøna:

—Nuna guehna ma Ts'ønt'øgä na, ngue emme dídi huëcä ne dí numanho, bi 'yøn Ojø.

4

Bi mba nts'ä a ra Jesús nangue ra zøthu

¹ Ne nu rá Hogandøhi Ojø bøya 'bex bi zixpø ja ra døpo, in ndepe da mba nts'ä a ra Jesús nangue ra zøthu.

² Ne nyote pa ne nyote nxui bim 'bøpø ja ra døpo, ne him bin sihmø, ne emme bin tumanthuhu maha. ³ Ne nubøya, bi zøm bø a ra zøthu ngue da zäp rá mbøi ra Jesús. Ne bi 'yømbi:

—Nu'bø majuani rá Ts'ønt'ø i Ojø, dami japi dim hmø yø do i 'bongua ne gui si, bi 'yøn'a ra zøthu.

⁴ Nu ra Jesús bi døti:

—Hin ga øt'ä a, bi 'yøna. Nguetho mán t'o't'i bø ja rám hman Ojø, hinga hønt'a ra hmø dám 'bøh yø ja'i pe ne a gätho i ma Ojø, bi t'ømp'a ra zøthu.

⁵ Nu ra zøthu xø bi zixpø Jerusalén a ra Jesús, ne bi 'yøxpø magøts'i rá 'bet'e ra dønjø. ⁶ Ne bi 'yømbi:

—Nu'bø majuani gue'e rá Ts'ønt'ø i Ojø, damin säqui ne gui so nø häi, Ne Ojø ba pøhn yøm 'bøhni mahøts'ingue da mbäx'i'i ne da bønt'i i,

ne hin hapø gui 'uaqui nangue yø do, tengutho im mam bø ja rám hman Ojø, bi 'yøn'a ra zøthu, bi t'ømp'a ra Jesús bøya.

⁷ Nu ra Jesús bi 'yøna:

—Høha, gue'a i hmam bø, pe ne a i hmam bø, ngue “Nu Ojø ma Hmuñø njongui sä da zä a ngue da bø 'bø majuani da 'yøt'a im man'a,” bi 'yøn'a ra Jesús.

⁸ Ne xø man'dandø bøya, bi zix mahøn'a ra zøthu a ra Jesús bø rá nyø n'da ra t'øhø xøn høts'i, ne bi 'yuti gätho na ndoho ra ximhäi ne gätho 'bø'a xøn ho i ja bø ja yø hnini. ⁹ Ne bi 'yømbi:

—Gätho ga 'da a ya 'bø'a dá ut'i i 'bø gan dønyahmu gui thøndegui, bi t'ømp'a ra Jesús, bi 'yøn'a ra zøthu.

¹⁰ Ne bi døh mahøn'a ra Jesús, bi 'yømbi:

—Nu'i grá zøthu, dami 'dagui nanguecä, nguetho nu rám hman Ojø i ḥna: “Hønt'a Ojø ra Hmu ga thøndehø ne ga ørpahø rá 'bøfi a,” bi 'yøn'a ra Jesús.

¹¹ Ne nubøya bi 'da'a ra zøthu bø 'bøh ra Jesús, ne bá ḥh yøm 'bøhni Ojø bi zøpø mí 'bø a ra Jesús bø døpo ne bi 'uñ a.

Ra Jesús bi dømp rá 'bøfi bø ra xequi Galilea

¹² Ne bi bøm bø ja ra døpo a ra Jesús bøya. Ne nu'bø mí bøm bø, bi 'yøde ngue bi jot'a fädi ra Xuua nxixyq. Janangue'a bi mbengda bø ra häi Galilea. Guepø ra hnini Nazaret bim 'bøpø mahøn'a. ¹³ Pe hinga nya'a bim 'bøpø ne bi mba bø ra hnini Capernaum, nubø ra ndendødehe guepø ra xequi yø häi mam bombøtahe ra Zabulón ne mam bombøtahe ra Neftalí. ¹⁴⁻¹⁵ Nu'bø mi zøm bø a ra Jesús bin ja 'bø'a bi 'yo't'a ra pøngahyø Isaías maya'bø ngue din ja bø ra häi Zabulón ne ra häi Neftalí, i hänbø ra dødehe, 'danguadi ra døthe Jordán, ngue ne a i t'ømbi Galilea, guepø 'bø u i thønde yø ojazøhe. Ne bi 'yøn'a ra pøngahyø ngue:

¹⁶ Nu yø ja'i mi 'bøpø tengu'bø i bøpø ja ra 'bøxui, ne i ja bø ran døte,

pe nuya bi nequi n'da ran nequi ngue di yot'i,
bi 'yen'a ra Isaías 'bu maya'bu. Ne gue'a bin ja 'bu mi zøm bu ra Jesús.

¹⁷ Ne nu ra Jesús bi du'mi bi mam bu rám hma ne bi 'yen'a:

—Dami päh nin 'yomfənihu nangue yu ts'oqui, ngue da zä di manda ua rá ts'edi Oja bi zøcua guí 'buhmbu, bi 'yen'bu yu ja'i a ra Jesús 'bu mim 'bupu.

Goho yu mbahuq bi den'na ra Jesús

¹⁸ Ne n'da ra pa mí 'yo bu ja ra ndendädehe a ra Jesús nubu ra häi Galilea, ne bi nu yoho yun 'yohu din 'yohu zehu. Nu'a n'da ra Simón, gue'a ra Pedro a. Ne nu man'da ra Andrés. Ne nu'u yu mbahuq u, ne mi enxit'a bu ja ra dädehe. ¹⁹ Ne nu ra Jesús bi 'yenmp'u:

—Ba tengau, gui xihmbu yu ja'i da 'yen'yueigui, tengu thoho bu gní theui yu huq guí øt'ui, bi 'yenmp'u.

²⁰ Ne 'bex bi hyepu yu xit'a ne bi den'na ra Jesús.

²¹ Ne bi thopuya bin 'yo mi ts'u a ra Jesús, ne bi nu mi yoho yun 'yohu din 'yohu zehu, ne nu n'da ra Jacobo, ne nu man'da ra Xuua, gätho yoho yu ts'unt'u ra Zebedeo u. Ne mín 'yohu a rá ta mi hu bu 'ben yu mbosa, mí 'uet yu xit'a. Ne xo bi xi u da denni mahøn'a. ²² Ne 'bex bi zopu rá ta ne'u yu mbosa, 'bex bi den'na ra Jesús buya.

Ra Jesús bi xänbi xun ngu yu ja'i

²³ Ne nu ra Jesús mí 'yo gätho ra häi Galilea ne mí xänba u yu ja'i bu ja yu nju ne bi ma 'bepu dí manda ua rá ts'edi Oja. Ne midí hoc yu hyenni ngue 'be'a gä ní gëhu mí hëmp'a n'da ngu n'da. ²⁴ Ne gätho yu ja'i bu ra xequi Siria bi 'yode 'be'a øt ra Jesús, ne bá thunba u yu hyenni ngue 'dahma 'dan'yo yun u mí hëmbi ne'u mín 'yohu yu zjuthu, ne'u zant'a mi sändate 'da yu ora, ne'u xí ts'a rá ja'i, ne gätho bi hoc'a ra Jesús. ²⁵ Ne xun ngu yu ja'i bi den'na ra Jesús. Mín numanhu da denthoho yu ja'i nangue 'be'a bi 'yøt'e. Nu'u 'da yu mengu bu ra xequi Galilea, ne 'da yu mengu bu ra xequi Decápolis, ne'u 'da mí 'bupu Judea, ne'u 'da mí 'bupu 'danguadi ra däthe Jordán, ne'u 'da mí 'bupu ra hnini Jerusalén. Gätho bi zøm bu mi 'bu a ra Jesús.

5

Ra Jesús bi mba bu ja ra nyuni

¹ Ne nu ra Jesús 'bu mi nu yu ja'i ñemmu xun ngu bi zøpu, ne bi ndex bu ja ra nyuni ne mi hupu. Ne'u yu xädi buya bi zøm bu mí hudi, 'darpu mi huhmbu. ² Ne bi xänba u.

Nu'u i hqan rán jaipi Oja

³ Ne bi 'yenmp'u yu xädi ra Jesús:

—Nu'u to'o paqe hingui ho yu mbuhi bu na nu Oja ne da hyon Oja di zedi, nu Oja da zimanu bu di manda rá ts'edi, janangue'a majäpi u buya.

⁴ Ne nu'u tu yu mbuhi, Oja da hyurpa yu mbuhi, janangue'a majäpi u.

⁵ Ne nu'u im beni i cose häi, da hyqan a ra hogahäi bi man Oja di unni, janangue'a majäpi u.

⁶ Ne nu'u i humbi da 'yøt' ran ho, Oja di japi da 'yøt'e xun ho, janangue'a majäpi u.

⁷ Ne nu'u di huçc yu miju'ihu, xin di huçc Oja u, janangue'a majäpi u.

⁸ Ne nu'u n'dat'a im beni, dim 'buhmbu Oja u, janangue'a majäpi u.

⁹ Ne nu'u øt' ran hocpate, nu Oja da 'yenmbi yu tuhni u, janangue'a majäpi u.

¹⁰ Ne nu'u i nu ran unbi nangue ran ho i øt'e, da yurpu di manda rá ts'edi Oja u, janangue'a majäpi u, i ñ'a ra Jesús.

¹¹ Ne gan johyahu 'bu i u'ts'ahu yu ja'i ne i then'nahu ne i xi ahu yu fehni 'bu guí tengahu, bi 'yen'a ra Jesús. ¹² Ne da hyu ni mbuihu, gan johyahu, guim bemhbu ngue 'dat'a ran unbi guín nuhu u yu pøngahyu mam 'bet'o, ne i ja 'be'a din 'da ahu ngue am 'be'ts'i mahets'i, bi 'yen'a ra Jesús.

Ra u ua ja ra ximhäi

¹³ —Nu'ahu gyu qh hapu 'buh yu ja'i, nguetho nu'a ra qu di hoqui 'be'a i pa njapi, ne ngutho ahu guídí hoju yu ja'i, i ñ'a ra Jesús. Ne nu'bu bi 'beh rá ts'edi ra qu, ya hin'yu 'be'a sä dí hoqui, janangue da mba ma bunt'i thoho bu häi. Dami jamansuhu hin din ja bu gui 'yøthu tengu a, bi 'yenmp'u yu xädi ra Jesús.

Ran nequi ua ja ra ximhäi

¹⁴ Ne bi 'yen'a ra Jesús:

—Nu ahu gyu nhu bu 'buh yu ja'i, bi 'yenmp'u yu xädi. Dami jafu da hnu a ran

n̄equi. Tengu n̄da ra hnini i ja b̄a ja rá nyä ra t'øhø, am 'batho x̄an ho ngue hin'yä 'be'a i juti. ¹⁵ Ngutho n̄da ra sibi, hingui s̄ä da mba ma c̄u't'i b̄a ja ra huada 'b̄a da mba ma s̄øque, i jatho da t'expa m'batho, janangue'a di yot'i gätho 'b̄apu. ¹⁶ Ne ngutho gui 'yøthu ngue tengu'b̄a gyä sibihä emme di hyärpu i 'b̄ah yä ja'i. Janangue'a da hnut'ahä x̄an ho nin t'øt'ehä, ne u da 'yëspa Ojä ma Tahä 'b̄apu mahëts'i u b̄uya, bi 'yëmp'ä yä xädi ra Jesùs.

Ra Jesùs bi 'yurcahu 'be'a nam bøn'ä yän t'ëdi ra Moisés

¹⁷ Ne xø bi 'yën'a ra Jesùs:

—O guim bëmhbu ngue ga 'bëcä yän t'ëdi bi man ra Moisés ne 'bë'a bin xänbate u yä pøngahyä, pe bá ëcä ngue ga ut'ahä 'bë'a majuäni nam bøn. ¹⁸ Majuäni dí xi ahä, gätho 'bë'a nt'o't'i b̄a, ne xínga n̄da u ngue hin din ja, 'b̄a guexta'i jatho ra ximhäi ne mahëts'i. ¹⁹ Janangue'a madí ts'utho maha a ram hma ngue hingui nde da 'yärpä ra güenda n̄da, ne i xi u mi'da ngue din jabä da 'yøt'e, pe zi ts'utho rá ts'ëdi di n̄equi b̄a bí ja rá ts'ëdi Ojä b̄a mahëts'i 'b̄a. Pe nu'u di ja'ts'i gätho u mam b̄a ja rám hma Ojä, ne i xi u mi'da ngue din ja b̄a da 'yøt'e, ne man'da x̄an ngu rá ts'ëdi di n̄equi b̄a bí ja rá ts'ëdi Ojä, bi 'yën'a ra Jesùs. ²⁰ Ne gue'a dí xi ahä a, nde'b̄a man'da x̄an ho gui 'yøthu xinda gue ma ngärpihu yä fariseo ne yä xänbate nijä. Nguetho nu'b̄a hin gui 'yøthu x̄an ho, njäm'b̄a da zä gui cäthä hapu di manda rá ts'ëdi Ojä, bi 'yëmp'ä yä xädi ra Jesùs.

Ra Jesùs bi ma hingui ho ra cue

²¹ Ne man'da bi man ra Jesùs, bi 'yëna:

—Gue'b̄a go maya'b̄a bi sih mam bombøtahä ran t'ëdi ngue im ma: “O guí hacpahä rá te ni mijä'ihä, ne nu to'o da hyäcpa rá te rá mijä'ui, i jatho da ts'änba rá muui a bi 'yøt'e,” bi t'ëmp'ä. ²² Pe i jagä man'da ga xi ahä, ngue nu'b̄a 'bo'o di cuep rá mijä'ui nangue'a bi 'yørpe, ngue im bëni di co'ts'i, guehma da nu ran ts'ëmbi. Ne nu'a to'o da xih ra ts'ore b̄a ja rá hmi rá mijä'ui, da ts'ixpä 'b̄ah yä ngärpi da ts'ëmbi. Ne nu to'o emme then rá mijä'ui dí mba b̄a ja ran ts'ëmbi ngue ra sibi njäm'b̄a i huët'i, bi 'yën'a ra Jesùs.

²³ Janangue'a nu'b̄a guí pähä b̄a ja ra nijä ngue guí éna gui thändehä Ojä, pe nu'b̄a gá sømhbu b̄a ne 'bex gá bëmhbu 'be'a xquín xihmi ni mijä'ihä, ²⁴ gua peng thohä ne 'bë gui mba b̄a i 'b̄a a ni mijä'ui gam punbaui, ja da zä gui thändehä Ojä b̄uya, bi 'yën'a ra Jesùs.

²⁵ Ne nu'b̄a guí pähmbu ja 'bë'a guidín xihmbu n̄da ni mijä'ihä, pe gan hocpa zehëhä, ne hin gui tømhbu da ts'ix ahä b̄a 'b̄ah yä ts'ut'abi. Nguetho nu'b̄a gui sømhbu b̄a, ²⁶ guehma da jo ahä ne hin da hyëc'a thohohä ra ze'mi jague'b̄a gui unhdä ra mbëti hangu da 'yä ahä, ne xínga n̄da centavo da nde gui 'yëspahä, bi 'yën a ra Jesùs.

Ra Jesùs bi 'yëna hingui ho ran 'yomt'ëni

²⁷ Ne man'da bi xih yä xädi ra Jesùs:

—Nu man'da ran t'ëdi maya'b̄a i éna: “O guí øthu ran 'yomt'ëni.” ²⁸ Pe i jagä man'da ga xi ahä, ngue nu'b̄a n̄da ran 'yohä da hyant'a n̄da ra xisu, ne im bëni a n̄da ran 'yomfëni x̄an ts'o nangue a, madague'b̄a bi bëntho, tengu'b̄a ya bi 'yøt' ran 'yomt'ëni b̄a rá mbäi a b̄uya, bi 'yën a ra Jesùs.

²⁹⁻³⁰ Janangue nu'b̄a i ja a i ut'ahä ra ts'oqui, pe gui sämzehä ni mbäihä madague'b̄a guim bëmhbu emme x̄an u 'b̄a gui 'yëshä. Tengu'b̄a xquí hyä'a n̄da ni dähä ne xquí 'yëmhbu b̄a ma'ueni ne xquí n'dadä thohohä, uague tengu'b̄a xquí hyëc'a nin 'yeihä ne xquí 'yëmhbu b̄a ma'ueni ne xquí n̄da'yë thohohä. Pe man'da x̄an ho guin nuhä nangue gá 'bëhmbu yä ts'oqui, xinda gue'b̄a xquí 'yøthu yä ts'oqui ne xquí 'bëhmbu ran ho mazai b̄a ja ra sibi.

Ra Jesùs bi 'yëna hin da hyëh rá xisu n̄da ran 'yohä

³¹ Ne man'da bi man ra Jesùs, bi 'yëna:

—Ne a bi mam 'b̄a maya'b̄a gue: “Nu'b̄a n̄da ran 'yohä in nde da hyëh rá xisu, ijatho da 'yøt'a n̄da ra sòcuä din xummi.” ³² Pe i jagä man'da ga xi ahä, ngue hingui s̄ä da hyëh rá xisu n̄da ran 'yohä gue'b̄a hingui øt' ran 'yomt'ëni a ra xisu. Nguetho nu'b̄a bi hyëh rá xisu n̄da ran 'yohä, di japi da 'yøt' ran 'yomt'ëni a ra xisu 'b̄a bi hyëgui ne dim 'bëhmi man'da ran' yohä. Ne 'b̄a n̄da ran 'yohä dim 'bëhmi n̄da ra xisu bi thegui, ra 'yomt'ëni a, bi 'yën a ra Jesùs.

Nte ga ndønbahu rá thuhu, bi 'yεn'a ra Jesús

³³ —Nε guí pāhmbu ran t'εdi mí hmam 'bu maya'bu ngue i εna: “Pε nu'bu gá ndønbahu rá thuhu Ojaq, guehma gui ja'ts'a gá mamhbu.” ³⁴ Pε nuya i jagä man'da ga xi ahu, bi 'yεn'a ra Jesús. Hin'yu 'bε'a i ságui ndønbahu rá thuhu 'bu ja a guí xihmbu ni mijaq'ihu ngue guín ndefu da 'yεc'yεi a guí xihmbu. Hingui ságui ndømhbu Ojaq, pe ngutho hingui ságui ndømhbu mahets'i, nguetho nu bu mahets'i bí ja bu rá ts'εdi Ojaq. ³⁵ Nε xíngui ságui ndømhbu ra ximhäi, nguetho necua i ja ua rá ts'εdi Ojaq. Nε xíngui ságui ndømhbu ra hnini Jerusalén, nguetho rá hnini rá Thahni Ojaq a. ³⁶ Nε xíngui ságui ndømhbu ni yaqhu, nguetho 'dat'a Ojaq bi zän'na, ne xíngu n'da ni xtaqhu ságui sänzehhu gue'bu xan t'axi o gue xam pothi da gohi. ³⁷ Pε nu'bu ja a guí xihmbu ni mijaq'ihu, “da zä,” ga εmhbu 'bu da zä, “hin da zä,” ga εnthohu 'bu hin da zä. Pε gätho mi'da yam hma bí nexpu ja rán 'yomfeni ra zqthu, bi 'yεn'a ra Jesús.

Bi 'yεn'a ra Jesús hin ga cos'hu 'bu ja a da t'ørcahu

³⁸ Nε xo bi 'yεn'a ra Jesús:

—Nu'ahu gá 'yøhmbu 'bε'a bi sih mam bombøtahu ngue: “Nu'bu n'da ra ja'i di ts'onba rá dä rá mijaq'iui, pe ne a da mba ma ts'onbi rá dä. Nε nu'bu rá ts'i da 'yøcpe, ngutho ne'a xin da t'øcpa rá ts'i.” ³⁹ Pε nuya i jagä man'da ga xi ahu ya, ngue nu'bu 'bu a n'da in nde di un'nahu, pe o guí sahmbu a. Nε nu'bu 'bo'o da mbep'ahu 'danguadi ni hmihu, gui unhdu man'da nguadi da mbep'ahu. ⁴⁰ Nε nu'bu 'bo'o da zix ahu bu 'buhu ra zε'mi ngue da gaqn'u ni pahnihu, pe ne a ni cotohu*u* gui unhdu. ⁴¹ Nε nu'bu i si ahu gui tuspahu rá 'beni n'da ra ja'i n'da ora, xan ho 'bu nyo ora gui tuxhu a rá 'beni. ⁴² Nε hønt'a go to'o da 'yä ahu 'bε'a i honi, dami unhdu. Nε nu'bu 'bo'o da mip'ahu 'bu ja a guí pes'hu, pe xan ho 'bu gui unhdu, bi 'yεn'a ra Jesús.

Ga huεc man saihu, bi 'yεn'a ra Jesús

⁴³ —Nε a n'da ram hma maya'bu i εna: “Dami huεc ni amigohu ne gui ucpa nin saihu,” mí t'εn'ahu. ⁴⁴ Pε i ja man'da

ga xi ahu, ngue gui huεc nin saihu, gan yamanhohu u man yu ts'ore nangue ahu, ne gui 'yørpahu ran ho to'o di uc'ahu. Nε dami 'yäfu rá mate Ojaq u to'o i numan'u ahu ne u di un'nahu, bi 'yεn'a ra Jesús. ⁴⁵ Nε nu'bu ngubu gui 'yøthu, 'da'angu gá 'yøthu a ma Tahu 'bupu mahets'i ngue bá penh ra 'ye ne ra hyadi. Pε hinga hønbu 'bu u yu hocja'i gue i so ra 'ye ne ra hyadi, pe nepu i 'buh yu ts'om'bäi, bi 'yεn'a. ⁴⁶ Pε nu'bu hønt'u to'o di huεc'ahu guidí huεju, 'bε'a gue gá taqhmbu 'bu ngubu gá 'yøthu. Pε ne n'dat'a gá 'yøthu u yu ziyyate hyacahäi. ⁴⁷ Pε ha guí εmhbu xan ho guí øthu 'bu hønt'u ni cuhu guidí zenguahu. Nu'bu guin jahu bu, 'da'angu guí øthu u i thaqnde yu ojaq zehe. ⁴⁸ Pε nde'bu xan hotho gui 'yøthu, nguetho xan hotho Ojaq ma Tahu bí 'bupu mahets'i, bi 'yεmp'u yu xädi ra Jesús.

6

Hin ga øthu ran 'yεts'i 'bu dí øthu yan t'øt'e xan ho

¹ Nε man'da bi man ra Jesús, bi 'yεmp'u mi 'bupu:

—Pε nu'bu guí øthu rá 'befi Ojaq, hin gui 'yøthu da 'yεs'a ni mijaq'ihu, nguetho hin te di 'da ahu ma Tahu 'bupu mahets'i 'bu din jabu gui 'yøthu, bi 'yεn'a. ² Nε nu'bu guín nde gui fäxhu n'da ra hyoya, hin gui 'yøthu ngue da nu ahu yu ja'i, tengu øt'u di yorpa a im beni 'bu di un'na n'da ran t'unni yu hyoya, ngue di um bu ja yu nijaq o guepu ja yu 'yu ngue in nde da 'yεspa yu ja'i 'bε'a i øt'e. Majuaqni dí xi ahu, ya hønt'a ran 'yεts'i bi daqha 'bu ngubu i øt'e, bi 'yεn'a. ³ Pε nu'bu i ja a guí nde gui unhdu n'da zi hyoya, nde'bu hin gui xihmbu u mi'da 'bε'a gá 'yøthu. ⁴ Nε man'da xan ho 'bu hin njon da nu 'bε'a guídí unhdu, pe go da nu Ojaq ma Tahu, ne i ja 'bε'a din 'da ahu buya, bi 'yεn'a ra Jesús.

Hingui yoho guim bεmhbu 'bu guí yaqhu Ojaq

⁵ Nε man'da dí xi ahu:

—Nu'bu guí yaqhu Ojaq, o guí øthu tengu i øt'u di yorpa a im beni, bi 'yεn'a ra Jesús. Nu'u, i 'bäpu ja yu nijaq nepu ja yu xo'yu, εna i yaqhu Ojaq pe hønt'a ran 'yεts'i im beni. Majuaqni dí xi ahu, hønt'a ran 'yεts'i bi daqha nangue 'bε'a i øt'e. ⁶ Nε nu'bu guí yaqhu Ojaq

gui mbähä bę njon da nu ahę, pę Ojä ma Tahę go i nu ahę ne di 'da ahę 'be'a guí äfę a, i ḵna.

⁷ Pę hinga guexta'a ram hma gui mamhbę ngue nte ní mba tho 'bę guí yąhę Ojä, tengu i øt'ę ten yę ojä zehę. Ne sää im bęni i ø'a Ojä 'be'a im ma 'bę xən ngu i xifi. ⁸ Ne o guí øthę tengu i øt'ę, nguetho nu Ojä ma Tahę ya i pądi 'be'a gätho guí homhbę gue'bę hinga ná äfę, i ḵna. ⁹ Pę guim bęmhbę 'bę guí yąhę Ojä 'da yęm hma tengu dí xi ahę ngue:

Nuya ma Ta ahe guí 'bępę mahęts'i.

Da hnumansu ni thuhu.

¹⁰ Ne dín ndehe din ja ua n'dihi ni ts'edi ngue di manda ua.

Ne da t'øt' ua ni pähä ua ja ra häi tengu tho i t'ørpę mahęts'i.

¹¹ Ne dami 'daje ran ts'ihmę dí homhbe ra pa i jabę ya.

¹² Dami punga ma ts'oquihe, tengu thoho bę na punbahe ę i ørcahe ran ts'o.

¹³ Ne o guí hęgahe da daje ran ts'o, pę dami yanje nangue ran ts'o.

Nguetho nu'i gra hmuts'ęt'abi, gä di manda ua ja ra häi ni ts'edi, ne i ja ni ts'edi mixte njam'bę da guadi gätho yę pa mazai.

Ne hønt'a dí xi'ahe ya.

¹⁴ Nguetho nu'bę gadí punbahę yę ts'oqui ni miją'ihę, ngutho da 'yøt'ahę Ojä ma Tahę 'bępę mahęts'i, di pun'na ni ts'oquihę. ¹⁵ Pę nu'bę hin gadí punbahę ni miją'ihę, ne ahę hin di pun'nahę Ojä ma Tahę 'bępę mahęts'i 'bę, bi 'yęn'a ra Jesús.

Hin gui 'yuhmbę 'bę guí et'yęn ts'ihmę 'bę guín yqhę Ojä

¹⁶ —Ne nu'ahę, nu'bę guí nde gui 'yet' nin sihmehę n'da ora ngue guim bęmhbę Ojä, o guí øthę tengu øt'ę di yorpa a im bęni. Nu'ę i ut yę ja'i 'be'a øt'e, nde'a dí hnumanho, pę hønt'a ran 'yęts'i bi dąha nangue 'be'a bi 'yøzehę, bi 'yęn'a ra Jesús. ¹⁷ Pę nu ahę, 'bę guí et' nin sihmehę ngue guim bęmhbę Ojä, pę gan 'yomanhohę tengu'bę ya gán sihmehę. ¹⁸ N'dahma njon da bądi 'be'a gá 'yøthę gue gá 'yet' nin sihmehę, ne hønt'a Ojä ma Tahę i nu ahę 'be'a gá 'yøthę, ne i ja 'be'a di 'da ahę bęya, bi 'yęn'a ra Jesús.

Gui hyomhbę 'be'a dí necmanho bę mahęts'i

¹⁹ Ne man'da bi man ra Jesús, bi 'yęna:

—Hin gui muns'hę 'be'a gdám membętihę ua ja ra ximhäi, nguetho nuua i 'bęh yę zu'uę ngue di ts'oni 'be'a gätho guí pes'hę, ne ja'bę da boxjua, ne ja'bę da bę ahę yę bę. ²⁰ Pegue gui hyoni gui xanthę 'be'a dí hnumanho ahę bę mahęts'i. Nguetho hin te dim 'bępę, hin da yarpę yę bę ngue da bę ahę 'be'a guí pes'hę bę, ne hin da boxjua, ne njo'o bę yę zu'uę ngue di ts'oni. ²¹ Nguetho hønbę i ja ním pe'ts'i n'da im bęn rá mbęi n'da. Nu'bę guecua ja ra ximhäi i ja 'be'a i pe'ts'a n'da, hønt'ua im bęn a n'da, ne nu'bę guepę mahęts'i, guepę im bęn a n'da 'bę, bi 'yęn'a ra Jesús.

Ran nęqui ní mbęi n'da

²² Ne xø bi 'yęna:

—Ne nu'bę hønt'a xən ho guim bęmhbę nę guí øthę, din ja ahę tengutho 'bę n'da ra ja'i xən ho rá dä, i handi xən ho ran nęqui, din jabę ni mbęihę. ²³ Pę nu'bę hinga gue'a guim bęmhbę, sää guí ḵmhę i ja ahę ran nęqui, pegue xəm 'bęxui thoho ni mbęihę, tengutho 'bę n'da ra ja'i ngue hingui ho rá dä, ne xəm 'bęxui thoho bę i handi, bi 'yęn'a ra Jesús.

Hin di yoho yę hmu n'da

²⁴ Ne xø bi 'yęna:

—Ne hingui sää dim 'bę i yoho yę hmu n'da ra 'yęhe. Nguetho nu'bę yoho yę hmu i 'bę a n'da, nu'a n'da da numanho, ne nu'a man'da hin da numanho. Uague nu'a n'da da hyumbi dim pęhmi a, pę nu'a man'da da zocpa thoho rá 'bęfi a. Janangue'a hingui sää yoho yę hmu da den'na n'da. Hingui sää da 'yęmp Ojä rá Hmu 'bę i numanho ę yę mbęti, nguetho tengu'bę rá hmu a ra mbęti, bi 'yęn'a ra Jesús.

Ojä di jamansu yę 'yęc'yęi

²⁵ —Janangue'a dí xi ahę, hin go guim bęnsehę 'be'a gui sihę ngue gdám 'bęhmbę, ne xín guim bęmhbę 'be'a gui hyehę. Pę guim bęmhbę ngue man'da di muui ni tehę xinda gue ę nin ts'ihmehę, ne man'da di muui ni ja'ihę xinda gue ę ni hehę, bi 'yęn'a ra Jesús. ²⁶ Dami nuhę yę doja i 'yo hønbę go hapę, ne hin'yę yę huahi, ne xín te i pe'ts'i, pę

dí xi ahü, nu Oja ma Tahü bí 'büpü mahëts'i gätho i 'uïn ü. Ne nu ahü, man'da di mu ahü xinda gue ü yü doja, bi 'yën'a ra Jesüs.

27 Ne ha guím bëmhbü man'da nya'a gam 'bühmbü ua ja ra ximhäi 'bü emme guím bëndumbüihü 'büe'a gätho guidí 'bühmbü.

28 Ne hanja emme go guím bënsehü nangue ni hehü. Xøgue ts'uütho guí c'yeihü, bi 'yën'a ra Jesüs. Pe dami nuhü yü döni i ja bü däpo, ne nu'ü hingui dim pëfi ne xíngui di hoc yü he. **29** Pe dí xi ahü, man'da mahotho yü döni xínda gue a rá he ra ts'uüabi Salomón ngue mí he 'bü mi ja rá ts'ëdi, bi 'yën'a ra Jesüs. **30** Ne ngubü bi 'yøt'a Oja nangue yü döni, mahotho nám pa ya, ne nixudi da mba nts'equi ne da t'udi. Janangue'a guim bëmhbü, man'da xün ho da 'yøt'ahü Oja xinda gue ü yü döni, bi 'yën'a. **31** Janangue o guí emhbü: "Be'a hmaha ga sihü." Uague: "Be'a hmaha ga hehü." **32** Nguetho nu'ü i thände yü oja zëhü, gue'a zai i hon'ü, pe nu'ahü i 'büpü ni Tahü bü mahëts'i, ne i pädi 'büe'a gä guidí 'bühmbü, bi 'yën'a ra Jesüs. **33** Janague'a nu ahü, m'bët'o thoho gan umhbü di manda ahü rá ts'ëdi Oja, ne gui hyomhbü n'da ra hogambüi nangue rá pähä Oja, ne nubüya di 'da ahü 'büe'a gätho gui hyomhbü. **34** O guím bëndumbüihü, o guí emhbü: "Be'a da zä ga òthü 'bü nixudi." Pegue gui tömhbü, 'bü nixudi ja gui pähmbü büya 'büe'a da zä gui 'yøthü. N'da pa ngu n'da pa i ja 'büe'a din ja, bi 'yën'a ra Jesüs.

7

Ra Jesüs bi ma hingui ho ran yapi

1 —"Nuna bi 'yøt' yü ts'oqui," hin gui 'yëmhbü, n'dahma hinga gue'a dí ts'ep'ahü a, bi 'yëngähe ra Jesüs. **2** Pe nu'bü guídi yüfa ü mi'da ngue guím bëmhbü hönse ahü xün ho ahü, pe Oja hin da numanho ahü 'bü. Ne 'da'ingu da 'yøt'ahü Oja tengu gá 'yørpahü ü gá yüfa, bi 'yëna. **3** Hanja bi zä gá nurpahü ra zi häi i o rá dä ni mijä'ihü, ne hin go guí pähmbü i o ra xëcza ni dähu. In jabü ní nequi ni ts'oquihü. **4** Ne ha da zä gui xihmbü ni mijä'ihü: "Mba ga hap'a ra häi o ni dä," sä gui 'yëmfü, ne go man'da xün ndoho ra xëcza i o ni dähu. **5** Emme guidí yorpaü a guí òthü. Pe nde'bü m'bët'o gan hoju nangue

yü ts'oqui guídi hosehü, janangue'a da zä gui hyamp'ahü ra häi o rá dä ni mijä'ihü, bi 'yën'a ra Jesüs.

6 O guidí unhdü a xün ho ü yü fo'yo, ndetho da za ahü. O gue'bü guidí unhdü a di muui ü yü ts'uüdi, ndetho da nem bü häi, bi 'yën'a ra Jesüs.

Nu'bü ja da t'äp'a Oja di uni

7 Ne xü bi 'yëmp'uh:

—Dami 'yäfü Oja 'büe'a guí homhbü, ne nu'a di 'da ahü. **8** Nguetho nu'a to'o da 'yädi, Oja di un'na bi 'yäpi. Ne nu'a to'o ja a i honi, di und Oja a i honi. Ne nu'a to'o da hyoni da socpa n'da ra goxthi njut'i thoho, Oja da xocpa a, bi 'yën'a ra Jesüs.

9-11 Pe nu'ahü madague'bü gyü ts'om'bäihu, xínga n'da ahü guidí unhdü ra do ni t'uhnihihü 'bü i ä'ahü ra hmü, ne xíng ra c'yeqü guidí unhdü 'bü i ä'ahü ra huqü, pe hönt'a xün ho guidí unhdü ni t'uhnihihü. Ha maguet'a Oja ma Tahü 'büpü mahëts'i ngue hin di 'da ahü xün ho 'bü ja a guí äfü, bi 'yën'a ra Jesüs.

12 Ne nu'bü guí nde da 'yøt'ahü ran ho ni mijä'ihü, nde'bü gui 'yørpahü ran ho. Gue'a nam bön'a rán t'ëdi ra Moisés ne rám hma yü pøngahyü maya'bü, bi 'yën'a ra Jesüs.

N'da ran t'uti nangue ra goxthi ne yü 'yü

13-14 Ne man'da bi man ra Jesüs, bi 'yëna:

—Nu'a ní yüt'a n'da bü ja ra te mazai, tengu'bü n'da ra goxthi xün ts'it'i, uague n'da ra t'uh'yü, ne hingui ngu yü ja'i i numanho da thopü. Pe dami hyomhbü gui cäthü bü. Nguetho nu'a ra goxthi xün ndoho ne ra däyu ní zix a n'da bü ja ran uübi mazai, ne xün ngu ü yü ja'i i numanho da thopü, bi 'yën'a ra Jesüs.

Nda'a ü yü hyäte pøngahyü

15 —Pe gam fähmbü nangue yü hyäte pøngahyü. Nu'bü i söm bü guí 'bühmbü, sä òt'e tengu'bü yü de'yo ngue xün ho, pe nu yü mbüi tengu'bü n'da ra zate. **16** Ne da zä gui pähmbü yü hyäte pøngahyü nangue yün t'òt'e i òt'e, tengu thoho yü za da bü a n'da nangue yün dät'ä i zäpu. Nguetho hin din zäpu ja n'da ra za n'da ran dät'ä 'bü hinga gue'a rá za a. **17** Pe nu ra za xün ho i zäh yün dät'ä xün ho, ne ngutho ra za hingui ho i zäh yün dät'ä hingui ho. **18** Nguetho nu'a ra za xün ho hin da zä din zäpu yün dät'ä

ngue hingui ho, ne ngutho a ra za hingui ho
hin njäm'bü da zä din züpü yán dät'ä xän ho.
¹⁹ Ne nu yü za hingui ho ü yán dät'ä, da mba
nt'ets'i ne da t'udi. ²⁰ Janangue'a da zä gui
pähmbü ü yü hyäte pøngahyä nangue 'be'a da
'yøt'e, bi 'yën'a ra Jesús.

Nda'a # di manda rá ts'edi Oja

²¹ Ne xö bi 'yën'a ra Jesús:

—Ne sä ñna yü hmujü ü 'da, pe hin da
yürpü di manda rá ts'edi Oja ü. Pe hønt'ü
majuani i øt' rá pähä ma Ta mahëts'i da
yürpü ü. ²² Ne nu'bü bi zön ra pa ran
juñbi 'bü rán zegui, xän ngu da mbarqui
da 'yëngui: "Ma Hmu, nugähe dá mamhbe
a nim hma, ne nangue ni thuhu dá hømhbe
thi yü zjithu, ne nangue ni thuhu xän ngu
yän t'øt'e mixte dá øthe," da 'yëngui. ²³ Pe
nugä ga ñmp'ü: "Njäm'bü dá pä ahü. Dami
'uehmbü ua ja ma hmigä, gyü ts'om'bäihü,"
ga ñmbi, bi 'yën'a ra Jesús.

Hønt'a go to'o in nde da 'yø a dím ma, bi 'yën'a ra Jesús

²⁴ —Pe nu'a to'o i øh ma nde ne i øt'a ma
pähägä, i øt'e tengu bi 'yøt'a n'da ran 'yohü
ngue mí ja rán 'yomfëni ne bi hyø a n'da rá
ngu bü ja n'da ra dongu xän juñni. ²⁵ Ne bin
ja n'da ra dä'ye, ne ñmme xän ngu yü dehe bi
'yugui, ne bá ñh ran dähi xän ndoho mí nde
xtí yøt'a ra ngu. Pe him bi yøt'a, ngeutho
nu'a ra ngu mí høpü ja ra dongu xän ho.
²⁶ Pe nu'a to'o i ø'a dí ma ne hingui ürpü
ra güenda a, i øt'e tengu bi 'yøt'a n'da ran
'yohü ngue ra 'yämbü, ne bi hyøh rá ngu bü
mi ja n'da ra 'bomu. ²⁷ Ne bin ja n'da ra
dä'ye ngue bi 'yuh yü dehe, ne ran dähi xän
ndoho, ne bi yøt'a rá ngu. Ne ñmme nts'utho
bin ja büya, bi 'yën'a ra Jesús.

Nu yü ja'i bi numanho rán xädi ra Jesús

²⁸⁻²⁹ Ne nu'bü mi gua a bi ma ra Jesús 'bü
mí hyupü ja ra nyuni, nu yü ja'i mi huhmbü
bü bi hyonya ü.

—Haguen ja i xänbi xän ho, ne hinga
ngubü i xängahü ma xänbatehü bü ja ra nijä,
bi 'yën'ü yü ja'i.

Ngeutho nu'bü mi xänba ra Jesús, bi 'yuti
ngue mi ja rá ts'edi xän ho a.

8

*Ra Jesús bi hoc'a n'da ran 'yohü mi hëmb
ra t'axca'ya*

¹ Ne nu'bü mi gua a bi man ra Jesús, ne
bi gapü ja ra nyuni büya, ne ñmme xän ngu
yü ja'i mí numanho da denthoho mahøn'a.

² Ne bá ñ'a n'da ran 'yohü ngue mi hëmb ra
t'axca'ya. Bin dänyahmu bü mí 'bäh ra Jesús,
ne bi 'yëmbi:

—Gra Hmu, nu'bü ni pähä, da zä gui 'uec'i
ts'ü ran ü dí hëmbi.

³ Ne nu ra Jesús büya bi uat rá 'yë bi dädi
ne bi 'yëmbi:

—I jagä ra pähä ngue 'bex da zä i. Dami
yäni.

Ne nu'bü mí 'yëmbi, 'bexgue bi yan'a ran
'yohü. ⁴ Ne nu ra Jesús büya bi hëcpa a ran
'yohü njon da xifi to'o a bi japi bi yan'i, ne bi
'yëmbi:

—Ní mba bü 'büh yü mbäjä da nu i ngue
ya bi yan'i, ne gui un'na n'da ra 'bøts'e tengu
i man yän t'ëdi ra Moisés, bi 'yën'a ra Jesús.

Ne ja bi thopü ra hnini Capernaum büya.

*Ra Jesús bi hocpa rá 'yëhë n'da ra
hmudofüi*

⁵ Ne nu'bü mí zöm bü ra hnini Capernaum
a ra Jesús, 'bex bá ñ'a n'da ra hmudofüi ra
mengü bü Roma, ne bin c'at'ui ne bi 'yäp ra
mate, ⁶ bi 'yëmbi:

—Nu'i grá Hmu, nu n'da ma 'yëhë i 'bëm
bü ja ma ngu, i ts'a rá ja'i, hingui sää di 'yan'i,
ñmme xän 'doni, bi 'yëmbi.

⁷ Ne nu ra Jesús bi 'yëmp'a:

—Ga mba bü ga hoqui.

⁸⁻⁹ Pe nu ra hmudofüi büya bi 'yëmbi:

—Hingui jatho gui mba bü ja ma ngu, grá
Hmu, nugä hin dí sëcä tengu e ne hin drá
judiogä. Pe dí pädi ngue i ja ni ts'edi zëhë,
ngue nu'bü guim ma da yan'i, ne 'bexgue da
yan'i, bi 'yëna. Tengu thohogä bin 'dac'i ts'ü
man t'ëdi, ne nu'bü i ja 'bë'a dí xi ü ma dofüi
ne'ü ma 'yëhë, 'bexgue 'dahmantho in ja. Ne
ngutho i, da zä guim mantho ua ne 'bexgue
da yäm büya, bi 'yën'a ra hmudofüi.

¹⁰ Nu'bü mí 'yøh ra Jesús 'bë'a bi man a ra
hmudofüi, bi hyonya thoho ne bi xi ü min
'yohü:

—Majuani dí xi ahü, njäm'bü xtá tjingä
n'da ma menguhü yü ja'i israel dyü judiöhü

ngue xtám bádi i ja ma ts'edi xán ho tengu na ran 'yohu, bi 'yén'a ra Jesús. ¹¹ Guim bémhbá a dí xi ahá, xán ngu yá ja'i ngue gátho na ndoho ra ximhái, ngue him ma mijudío, da 'yec'yéigui ne da yárpá di manda rá ts'edi Ojá, 'darbá dim 'báhmbá ma ngúrpa bombótahá ra Abraham, ne ra Isaac ne ra Jacob. ¹² Pe xán ngu ma mijudío ngue yán sáhá xtán yárpá, pe man'da go da t'entpá ja ra 'bexui, ne din zom bá ne din guxpa yá ts'i, bi t'emp'á yá ja'i 'bá mi 'yén'a ra Jesús.

¹³ Ne nubáya bi t'emp'a ra hmudofái:

—Ní mba ni ngu, ya bin ja a gám ma nguetho gá 'yec'yéi i ja ma ts'edi, bi 'yén'a ra Jesús.

Ne 'bexgue bi yan a rá 'yéhá báya.

Ra Jesús bi hocpa rá suto ra Pedro

¹⁴ Ne nu'bá mí mbenc'a ra hmudofái báya, xó bi tho a ra Jesús, bi zóm bá rá ngu ra Pedro. Ne bi nu 'bem bá rá oi a rá suto ra Pedro, mi hembá ra pa. ¹⁵ Ne nu ra Jesús báya bi bändba rá 'ye, ne 'bex bi bón a ra pa mi hembá. Ne bi ndanc'a ra xisu báya, bi hyonba ra hme a ra Jesús ne a mí 'yohu, nguetho ya bi yan a ra xisu báya.

Xán ngu yá hyénni bi hoc'a ra Jesús

¹⁶ Ne nu'bá min xui báya xán ngu yá ja'i bá ts'i bá mi 'báh ra Jesús ngue min 'yohu yá zíthu. Ne hont'a n'dare bi man ra Jesús, 'bexgue gátho bi hyón a thi a yá zíthu, ne bi hoc'a yá hyénni. ¹⁷ Gátho bin ja 'be'a bi man a ra póngahyá Isaías maya'bá ngue din ja 'bá mi 'yéna: "Da du zéhá 'be'a gátho xán héri dín nuhbá, ne da nuse 'be'a gá man a dí hembá," bi 'yén'a ra Isaías 'bá maya'bá.

Yoho yán 'yohu éna da den'na ra Jesús

¹⁸ Ne nu'bá mínu ra Jesús ngue émmé xán ngu yá ja'i mi 'bápá, bi 'yemp'á yá zádi:

—Masque xán ho 'bá ga thohmbá 'danguadi ra dadehe, bi 'yéna.

¹⁹ Ne nu n'da ra xänbate njá bi 'yembá:

—Xänbate i, dín nde ga ten'ni i hónbá go hapá gui mba, bi 'yemp'a ra Jesús.

²⁰ Ne bi dá a ra Jesús ne bi 'yembá:

—Pe nu yá haho i ja yá ngu ne yá doja i ja hapá da 'yo. Pe nugá ngue dán ja'igá ua ja ra ximhái, hin'yá ma ngungá ua, bi 'yemthoho ra Jesús.

²¹ Ne xó bi 'yén'a man'da ra ja'i min 'yohu báya:

—Ma Hmu, dami tøcpí ts'á, 'bë ga äcä ts'á ma ta ne ga ten'na báya, bi 'yembá.

²² Bi dá'a ra Jesús, bi 'yembá:

—Tenga maha, nu'á xán du da 'yá a 'bápá, tengu'bá ne a xán du a, bi 'yéna.

Ra Jesús bi säyaba ran dähi ne ra t'øthe

²³ Ne nu'bá mi gua'a man ra Jesús báya, 'bex bi hyu bá ja ra mbosa ne bi mbähä yá zádi, dí mba bá 'danguadi ra dadehe. ²⁴ Ne bi mbá'a n'da ran dähi ts'edi bi 'yén ra dehe, ne émmé di thoni yá t'øthe, bi dons i ts'á ra dehe a ra mbosa. Pe nu ra Jesús mí qha, him bi 'yárpá ra güénda 'bë'a midí ja ra dehe.

²⁵ Ne bi 'yá a yá zádi ne bi 'yembá:

—Gra Hmu, dami nuhu, guin yanje, nguetho ya in nde ga tonthá mbo ra dehe, bi 'yembá.

²⁶ Ne nu ra Jesús bi dädi:

—Hanja, ha émmé zi ts'átho guí ec'yéigahá ngue i ja ma ts'edi, ne guín suhá.

Ne nubáya bi ndanc'a ra Jesús ne bi xi a ran dähi ngue din hë ne ra dehe, ne 'bexgue bin hë báya. ²⁷ Ne nu'á yán 'yohu báya bi hyonya thoho 'bë'a bi 'yøt'a ra Jesús.

—'Bë'a di 'yé't'ui na ran 'yohu, nguetho ne ran dähi i ø'a i xifi, ne ra dehe i ø'a i xifi, bin 'yemzéhá a.

Ra Jesús bi hoc'iyoho yán 'yohu min 'yohu yá zíthu

²⁸ Ne nubáya bi zóm bá 'danguadi ra dadehe báya, nguepá ra xequi Gadara. Ne 'bex bá épa yoho yán 'yohu ngue min 'yohu yá zíthu, ne mán ts'utho a, tengutho a yá zate. Mí 'bápá ja yán 'yägui a, janangue'a nu yá ja'i i su da thopá hänbá ja ran 'yägui. Ne 'bex bá éa yán 'yohu bin c'athá a ra Jesús, ne bi mbafi:

²⁹ —'Bë'a gní 'yécua gra Jesús, rá Ts'ant'á i Ojá. Ha cpí 'yéhá gui angahe, ne hinga na són ra pa gui angahe, bi 'yén yá zíthu min 'yohu a yán 'yohu.

³⁰ Ne hinga yatho bá mi 'bá i 'da yá ts'ádi.

³¹ Ne nu'á yá zíthu báya bi 'yemp'a ra Jesús:

—Nu'bá guín nde gui hyónje thi, dami 'daje ran t'ëdi ga cathe na 'yo yá ts'ádi, bi 'yén a:

32 —Ni mbähä, dami cəthə nu, bi 'yęn'a ra Jesús.

Nε nu yə zjithu bəya bi bəm bə ja rá mbəi u yən 'yohə, nε 'bexgue bi yurpu 'bəh yə ts'ədi. Nε nu yə ts'ədi bəya bin tihi nε bi gəpə ja ra nguani, him bi zä bin säya, nin uəm bə ja ra dehe, bim 'bəpə. **33** Nε nu'ə mi fə u yə ts'ədi bəya, 'bexgue bi mba n'dih i bə ja ra hnini, nε nu'bə mi zəm bə, bi mam bəya ngue 'bə'a bin ja nangue u yən 'yohə min 'yohə yə zjithu, nε nangue u yə ts'ədi. **34** Nε bá əh yə məngu bə ra hnini bəya, bi zəpə 'bəh ra Jesús, nε nts'ədi bi 'yäp ra mate ngue da mbengui, nguetho him bi numanho 'bə'a bi 'yøt'a.

9

Ra Jesús bi hoc'a n'da ran 'yohə xí ts'a rá ja'i

1 Nε nu ra Jesús bəya, xə bá hu mahən'a ra mbosa, bá peng bə 'danguadi ra dədehe. Bi zəm bə ra hnini mi 'bəi. **2** Nε bá thunba bə man'da ra hyənni mahən'a, ngue n'da ran 'yohə bá 'yox ra 'beza nguetho midí ts'a rá ja'i. Nε 'bexgue mí pə a ra Jesús mí əc'yəi u ngue i jase rá ts'ədi, janangue'a bi 'yəmp'a ra hyənni:

—O te guím bəni n'yø, nguetho ya dá pun'na ni ts'oqui, bi 'yęn'a ra Jesús.

3 Nε nu'ə 'da yə xənbate nijə bəya, nu'bə mi 'yøde 'bə'a bi man ra Jesús, 'bex bi bən u:

—Nuna ran 'yohə hingui ho i øt' na, ha hinga hønt'a Ojə sā di punba n'da, mi ənse u.

4 Pε nu ra Jesús 'bex bi bədi 'bə'a mim bən'ə yə xənbate nijə, nε bi 'yəmp'u:

—Hingui ho guím bəmhəbə mbo ni mbəihə, ngue guí əmhəbə hingui ho 'bə'a dá øt'ə, bi 'yəna. **5-6** Ha guím bəmhəbə nte ní mbatho dá xicä ran 'yohə, ngue rá ts'oqui ya dá punbi. Ha guím bəmhəbə man'da xquí pəhmbə i ja ma ts'ədi 'bə ga xifi da ndants'i, din 'yo. Pε nuya ga ut'ahə ngue i ja man t'ədigä ua ja ra häi ga punba yə ts'oqui yə ja'i, nugä ngue dán ja'igä ua ja ra ximhäi, bi 'yəmp'u.

Nε xø bi 'yəmp'a ran 'yohə i ts'a rá ja'i bəya:

—Dami ndants'i, cəx ni fidi, ní mba ni ngu, bi 'yəmbi.

7 'Bex bi ndanc'a ran 'yohə mi ts'a rá ja'i, bi mba rá ngu. **8** Nε nu'bə mí nū yə ja'i 'bə'a bi 'yøt'a ra Jesús, bin su nε bi 'yəspa Ojə nangue a n'da ra ja'i bin t'un'na ran t'ədi ngue di punba yə ts'oqui yə ja'i.

Ra Mateo bi den'na ra Jesús

9 Nε nu'bə mi bəm bə ra Jesús, bi thopə mi hucä bə dí həcä ra renta, drá hyəcəhäägä ngue drá Mateo, nε bi 'yəngui:

—Dami tengui.

Nε nubəya dá ndangui nε dá tenni.

10 Nε nubəya 'darbə dán sihməgähe ra Jesús yə xədigähe a ya. Nε bi zəm bə xən ngu yə ziyate hyəcəhääi nε yə ts'om'bäi, 'darbə dá hühmbe bə dán sihməhe. **11** Nε nu yə fariseo bəya, ngue im bəni hənse xən ho, 'bə mi nu 'bə'a bi 'yøt'a ra Jesús, bi 'yängähe ngue yə xədigähe bəya:

—Hanja in jabə ni xənbatehə 'darbə i sihməhə yə ziyate hyəcəhääi nε yə ts'om'bäi, bi 'yęn'ə.

12 Nu'bə mí 'yøt'a ra Jesús 'bə'a bi man u, bi 'yəmp'u:

—Hingui honi to'o da mbäx u im bənse xən zaqui tengu ahə, pε hønt'ə i pəsə xəm bəca i honi to'o da mbäx u tengu ya i nde da dəngui, bi 'yəmp'u. **13** Ní mbähä bán xähmbə bə ja ni səcuqə 'bə'a nam bən'a rám hma Ojə ngue i əna: “Pε nugä man'da dí numanho 'bə gui 'yøthə ran huəcate xinda gue u yə 'bəts'e guidí 'dajə,” i ən Ojə, i əm bə ja yə səcuqə Ojə, bi 'yęn'a ra Jesús. Nε nugä him bá əcä gan zon'də im bənse xən ho, pε bá əcä gan zon'də i pədi hingui ho, janangue da zä di päh yən 'yomfəni, bi 'yęn'a ra Jesús, bi 'yəmp'u yə fariseo.

Ra Jesús bi ma nda'a ní pa da 'yə't' yən sihme yə xädi

14 Nε n'da ra pa bəya bi zəm bə 'bəh ra Jesús yə xädi ra Xuua Nxixyə, nε bi 'yənni:

—Hanja dí ə't'əhe man ts'ihmə, nε yə fariseo, pε nu ni xädi hingui ə't' yən ts'ihmə u, bi t'əmp'a ra Jesús.

15 Ra Jesús bi man'a n'da ran t'uti 'bə mi dədi, bi 'yəmbi:

—Pε nu'ə i 'bəpə ja ran thəti hin da du yə mbəi, nguetho 'bəpə a ran 'yohə din thəti. Pε da zən ra ora da ts'ispa a ran 'yohə, nε ja da 'yə't' yən ts'ihmə bəya, bi 'yęn'a ra Jesús.

16 Pe nu'a din xä ma xädigä hin da bömanho 'bä ne'a ram hma maya'bä da dën ya, bi 'yëna. Tengutho'bä n'da ra 'ya'bö't'e 'bä dí 'bö't'a ra 'bö't'e ma'da'yo, hin da bömanho, ne nu'a ra 'bö't'e ma'da'yo di ts'on a ra 'ya'bö't'e. **17** Ne tengutho i öt' yä ja'i 'bä da xit' ra gui'uva ma'da'yo bä ja ra 'yambot'asëi, da fä'a ne dim fäni. Janangue i xit'a ra gui'uva ma'da'yo bä ja ra mbot'asëi ma'da'yo, ne hin da fogue ne hin dim fäni, bi 'yën'a ra Jesús, bi 'yëmp'ä yä xädi ra Xuua.

Ra Jesús bi xoxa n'da ra hmute xí du, ne bi hoc'a n'da ra xisu mi hëmb ra mbäji

18 Ne nu'bä mí yähu ä, 'bexgue bi zøm bä n'da ra ngürpi bä ja ra nija, ne bin dänyahmu bä mí 'bäh ra Jesús ne bi 'yëmbi:

—Bi du n'da ma t'ixu, 'yörqui ts'ä ra mate ga mbe'gui cäx ni 'ye, ne da dämbëni.

19 'Bex bi mba a ra Jesús, bi dën'na bi du rá t'uhni. Ne gätho dá mbäcähe dyä xädigähe.

20 Ne nu'bä má mbähmbe bä 'yu, hin da nä sømhbe bä ja rá ngu a ra ngürpi, bi za'je n'da ra xisu ngue nä 'de'mayo njëya min 'youi ra mbäji. Bi hyän bä rá xätha ra Jesús ne bi därpä rá nyäni rá pahni. **21** Nguetho mí ënsë ra xisu: "Go höntho ga thärpa rá pahni, ya da yängui." **22** Ne nu'bä mi därpä rá pahni ra Jesús a ra xisu, 'bex bi nyë a ra Jesús, bi nu a ra xisu ne bi 'yëmbi:

—Damin johya gra xisu, ya bi yan i nguetho gá 'yëc'yei i ja ma ts'edi, bi 'yëmbi. 'Bexgue gue'a ra ora bi yan'a ra xisu bäya.

23 Ne bi tho a ra Jesús bäya, dá søngähe bä rá ngun'a ra ngürpi, ne mí 'bäpä yä mbë'bida ne xäun ngu yä ja'i mi 'bäpä ngue mí ëna xtä 'yäh ra hmute xí du. **24** Ne bi 'yën'a ra Jesús:

—Dami pømhbu thi, nguetho nuna ra hmute him bi du, ne i åtho, bi 'yëmbi.

Pe bin thetho ä yä ja'i 'bä mi 'yø a bi xifi, nguetho mi pä ä ya xí du ra hmute. **25** Ne nu'bä mi bøn'ä yä ja'i bäya, bi thopä mbo mi 'ben a ra hmute ra Jesús, ne bi bëndba rá 'ye 'bex bi ndanc'a n'dihi ra hmute. **26** Ne gätho na ndoho ra xëqui bä bi 'yø ä yä ja'i 'be'a bin ja.

Yoho yä xädiä bi hoc'a ra Jesús

27 Ne bi bøm bä rá ngu ra ngürpi a ra Jesús. Ne bi dënni yoho yä xädiä, ne i mba't' bä ní mba:

—Dami huëgä'be, gram bom'bëto i ra David, bi 'yëmbi.

28 Ne bi zøm bä ja ra ngu a ra Jesús, bi dën'ndä yä xädiä. Nu ra Jesús bi 'yänni:

—Ha guí ëc'yeiui i ja ma ts'ëdigä ngue ga xoc'a ni däui, bi 'yën a ra Jesús.

—Dí ëc'yei'be ngue i ja ni ts'ëdi, gra Hmu, bi 'yën ä yä xädiä.

29 Nu ra Jesús bäya bi därpä yä dä ne bi 'yëmbi:

—Din ja tengu a gá 'yëc'yeiui, bi 'yëmbi.

30 Ne 'bex bi xo ä yä dä. Ne nu ra Jesús bäya bi hecpa ä yä 'yohä, bi 'yëmbi:

—Njon gui xihmi 'be'a dä öt'au.

31 Pe höntho bi bøm bä yä xädiä, 'bex bi xih yä ja'i 'be'a bi 'yörpa ra Jesús.

Ra Jesús bi xocpa rá nde n'da ra gore

32 Nu'bä mi bøn ä yä xädiä, xø bá ts'inba man'da ran 'yohä a ra Jesús. Midí goreba n'da ra zjithu min 'youi. **33** Nu ra Jesús bäya bi hyønba thi ra zjithu min 'youi a ra gore, 'bex bi nyä a bäya. Nu yä ja'i bäya bi hyonya thoho 'bä mi nu a bin ja, ne bi 'yëna:

—Hinjam'bä xtä nuhü ua ja ma häihü ra Israel tengu dí nuhü ya, bi 'yën ä.

34 Pe nu ä yä fariseo sä i ëna:

—Nuna ran 'yohä i høn a thi yä zjithu nangue rán t'ëdi bi un'na rá hmu yä zjithu, sä i ën ä.

Bi huëc yä ja'i ra Jesús

35 Ne nu ra Jesús nzäi mi pa bä ja yä hnini ne min xärbate bä ja yä nija, ne mim mam bä ran ho ma'da'yo ngue 'bëpä ní manda rá ts'ëdi Ojä. Ne midí hoqui hønt'a go man ä mi hëmb yä ja'i. **36** Ne bi huëc'ä yä ja'i a ra Jesús nguetho mi 'bäi tengu'bä yä de'yo 'bä njon midí jamansu, i 'yodumbäi thoho. **37-38** Ne bi 'yëngähe ngue yä xädigähe:

—Majuäni dí xi ahä, xäun ngu yä ja'i i 'bäi ngue di däp rá mbäi Ojä 'bä 'bo'o da xifi nangue'a, pe hingui ngu i 'bäi ngue da xifi. Nde'bä gui 'yäfä Ojä di un ra 'bëfi mi'da da mbäx'a rá 'bëfi. Tengu'bä i ja n'da ra huähi xä 'yot'i, ne hingui ngu yä mbëfi, ne da 'yäp'a ra mehuähi mi'da yä mbëfi 'dahma da xoc'a n'dihi, bi 'yën'a ra Jesús.

10

Nu ra Jesús bi zänni 'de'mayoho yá xädi

¹ Nε nu ra Jesús bøya bi zängahe dí 'de'mayoho gähe yá xädigähe, nε bi 'daje rán t'edi ga hømhbe thi yø zithu nε ga hoje 'be'a gä nín u i hëmb yø ja'i.

² Nε nugähe 'de'mayoho bi zängahe, m'bøt'o ra Simón, gue'a ra Pedro, nε'a ra Andrés rán 'yohø a ra Pedro. Nε ra Jacobo nε a ra Xuua rán 'yohø a ra Jacobo, ngue gätho yoho yá ts'ant'ø ra Zebedeo ø. ³ Nε ra Felipe, nε ra Bartolomé, nε ra Tomás, nεcä dra Mateogä ngue min hacahäigä, nε ra Jacobo rá ts'ant'ø ra Alfeo, nε ra Lebeo ngue gue'a rá thuhu ra Tadeo; ⁴ nε ra Simón t'ëmbi ra cananista; nε ra Judas Iscariote, gue'a xí dä a ra Jesús. Nε guecähe 'de'mayoho bi huangähe ra Jesús.

Bi mbøn'dø yá xädi da mamp'a rám hma

⁵ Nε nu'bø mí zängahe dí 'de'ma yohogähe bi 'yëngje:

—Nuya hin gui mbähä bø i 'bø u him ma mijudíohø, dyø israelhø. Xínga guepø ra xequi Samaria gui mbähä. ⁶ Pe nuya gui mbähä bø 'bø u ma menguhø yø israel. Nu'u i 'bøi tengu yø de'yo bi 'bøh ra 'yu in nde xtán donspø ja ran däte. ⁷ Nε nubø hapø gui mbähä gui 'yëmfø: "Damin umhbø ya ngue di manda ahø rá ts'edi Ojø," bi 'yëngähe ra Jesús. ⁸ Gui hojø u i hëmp'a ra t'axca'ya, nε hønt'a go man u i hëmb yø ja'i, nε gui xoxhø u xøn du, nε gui hyømhø thi yø zithu in 'yohø 'da yø ja'i. Nε nu'bø gui 'yøthø u, hin gui 'yäh nin zäbihø, nguetho hin dá pø ahø a ma ts'edigä, bi 'yëngähe ra Jesús.

⁹ Nε hin te ma mbøti gui hyøxhø 'bø gá mbähä, bi 'yëngähe. ¹⁰ Nε xín ni tu'døzä gui tuxhø, nε hønt'a ni he guí hehø nε hønt'a ni thixfani gui 'yøthø, nε hin'yø 'be'a gui hyøxhø, nguetho nubø gui sømhø i ja nin t'edi ngue da zimanho ahø u.

¹¹ Nε nu'bø gá sømhø bø ja yø hnini ma mi israelhø gui 'yænhðø hapø 'bø a n'da ran 'yohø ngue ra hocjø'i nε nu'a gätho yø ja'i i numansu a. Nε guepø gam 'bøhmbø bø, jague'bø gui thohmbø bø man'da ra hnini mahøn'a, bi 'yëngähe ra Jesús. ¹² Nu'bø gá sømhø bø ja rá ngu, gui zenguahø, gui 'yäfø rán jøpi Ojø nangue'a. ¹³ Nε nu'bø rán

säui a da 'yøt'ahø u yø mengu bø hapø gui sømhø, Ojø di un rán jøpi gá 'yäfø bøya. Pe nu'bø hin'na, tengutho 'bø nte gamí 'yäfø.

¹⁴ Nε nubø hapø gui sømhø, nu'bø hin da zimanho ahø nε hingui nde da 'yømanho a guí xihmbø, dami pømhø bø nε gui huajø yø bøhái ni guahø. Nu'a nam bøn'a gui sohmbø bø u. ¹⁵ Nε majuqni dí xi ahø, nu yø mengu bø i ja n'da ra hnini hin da zimanho ahø, pe nu'bø bin ja ra pa ran juanbi, man'da ñmme xøn u tho da nu, xinda gue'a mí 'bøpø maya'bø bø ja ra hnini Sodoma nε ra hnini Gomorra, bi 'yëngje a ra Jesús.

Yøn unbi da nu yá xädi ra Jesús

¹⁶ Nε xø bi 'yëna:

—Nuya hønbø go hapø ga pøn'nahø, ñmme di un'nahø u 'bøpø, tenguthoho yø zate di unba yø de'yo. Damim fähmbø tengu yø c'øya nε gui 'yøthø tengu øt' yø t'azø, hønt'a ran ho gui 'yøthø. ¹⁷ Nε gam fähmbø, nguetho nu yø ja'i di dá ahø bø 'bøh yø ngørpi bø ja yø nijø, nε da mbøp'ahø.

¹⁸ Nε da zix'ahø bø 'bøh yø ze'mi nε yø ts'ut'abi, nguetho guí ëc'yøigahø, pe hinga ndetho da zix ahø bø. Nguetho nu'bø da zix ahø bø, da zä gui xihmbø yø ze'mi nε yø ts'ut'abi nangue ma thuhugä, n'dahma nε u yø judío nε u i thønde yø ojø zehe da 'yøde nanguecä. ¹⁹ Nε nu'bø da ts'ix ahø bø 'bøh yø ts'ut'abi, o guí hødumbøihø 'be'a guim mamhbø o gue'bø da zä gan yøhø uague hin'na, nguetho Ojø di 'da ahø ran 'yomføni 'be'a gui mamhbø 'bø bi mba ma juan'ni ahø. ²⁰ Nguetho hinga guesø ahø gan yøhø 'bø bi mba ma juan'ni ahø, pe gue'a rá Hogandøhi Ojø ma Tahø din yø, bi 'yëngähe ra Jesús.

²¹ Nε dim 'bø i 'da di däse yán 'yohø da mba ntho. Nε nu'u 'da di däse yú ts'ant'ø bø 'bøh ra ze'mi da tho. Nε dim 'bø i 'da yø ts'ant'ø di yøp zehe yø ta ngue da tho. Nε din jabø da t'ørpa u i ëc'yøigui, bi 'yëng'a ra Jesús. ²² Nε gätho na ndoho ra ximhøi da ts'an ahø nangue guí tengahø, pe nu'bø gui hyøthø gue'bø go ran zøgui, gui tøha gan yømhø bøya, bi 'yëng'a ra Jesús. ²³ Nε nu'bø n'da ra hnini di uc'ahø, dami 'dahmbø bø, nε gui mbähä bø man'da ra hnini bøya. Nε majuqni dí xi ahø, hin gní tøthø gätho yø

hnini Israel gui xihmbu rám hma Ojá ne gui 'dahmbu, 'bu bá pengä.

24-25 Ne tengu thoho n'da ra xädi hin da t'ëmbi xän ho 'bu him bi t'ëmbi xän ho rá xänbate; ne hin da hnumanho n'da ra 'yëhe 'bu him bi hnumanho rá hmu. Ne din jabu da 'yøt'ahu, hin da numanho ahu yu ja'i, tengu thohogui him bi hnumanhogui, ne i t'ëngui drá zjithu, bi 'yën'a ra Jesús.

Ra Jesús bi ma hønt'a Ojá da ts'u

26 —Janangue'a hin gui suhu 'be'a da 'yøt'ahu yu ja'i, guehma gui mamhbu a dí xi ahu. Hin gui cömhbu a. **27** Nu'a dí xi ahu ua njonguin nu, dami mamhbu bu 'bu yu ja'i, ne nu'a dí xi ahu njongui øde, dami mbahmbu bu ja yu hnini, da t'øp'be'a gätho dá xi ahu ya, bi 'yëngähe ra Jesús. **28** Ne o guí suhu in nde da hyo ahu, hin'yu yu ts'edi ne'a ni mbuihu di juat'ahu. Man'da xän ho 'bu gui suhu a Ojá, ne hønt'a i sá di un'na ni ja'iuhu ne ni mbuihu bu ja ran unbi mazai, bi 'yëngähe ra Jesús.

29-31 Janangue 'yo guí hadnmbuihu, guim bëmhbu yu doja i 'bä bu ja yu täi, hingui ngu di muui, pe nu'u xinga n'da da du 'bu hin rá pähä Ojá da du. Janangue'a guim bëmhbu, hin'yu 'be'a din ja ahu 'bu hin rá pähä Ojá din ja. Nguetho man'da di mu ahu bu na nu Ojá xinda gue u yu doja, ne i padi gätho nangue ahu. Janangue'a hin gan suhu, bi 'yëngähe ra Jesús.

Da ma to'o ten ra Jesús

32 —Ne gätho to'o da mam bu 'bu yu ja'i ngue i tengä, necä gam ma bu 'bu ma Ta nubu mahets'i nangue u. **33** Pe nu'a to'o din cöm bu i 'bu yu ja'i nanguecä, necä xin ga cöm bu bí 'bu ma Ta bu mahets'i, bi 'yëngähe ra Jesús.

Ra Jesús bi ma da ts'u to'o da denni

34 —Ne hin guim bëmhbu ngue bá çä da zeh yu shi, pe man'da din ja yu shi nanguecä. **35-36** Nu yu 'yëc'yei da ts'upu ja rá nguse, nu'bu hing yu 'yëc'yei 'bu. Nu yu 'yohu din suhmbu yu ta, ne nu yu xisu buya din suhmbu yu mbe ne u yu cä, nangue u hingui çc'yeigui, bi 'yëna.

37 Pe nu'bu n'da ra ja'i man'da im bën'a rá ta ne rá mbe xinda guecä, hin ga çmbi ngue rá hmugui. Ne nu'bu n'da ra ja'i man'da

im bën'a rá ts'ant'u ne rá t'ixu xinda guecä, ngutho u hin da zä ga çmbi ngue rá hmugui, bi 'yën'a ra Jesús. **38** Pe nu'bu 'bo'o çna i tengui ne hingui hät' yu unbi da t'ørpe, necä xín ga çmbi rá hmugui. **39** Ne nu'a to'o da zu da thäcpa rá te nanguecä, da mba ma unbi bu ja ran däte rá te a, pe nu to'o hin da zu da thäcpa rá te nanguecä, hin da mba ma unbi bu ja ran däte a, bi 'yëngähe ra Jesús.

Ra Jesús i man yuun tunni

40 Ne xø bi 'yën'a ra Jesús:

—Nu'a to'o da zimanho ahu, necä xin bi zimanhogui, ne'a bá pëngä xim bi zimanho a. **41** Ne nu'a to'o da zimanho n'da rá pøngahyä Ojá nangue a ra 'befi i øt'e, 'da'angu ran ho din t'unui a ra pøngahyä. Ne nu'bu 'bo'o da zimanho n'da ra hocjä'i nangue a ran hocjä'i i øt'e, 'da'angu ran ho din t'unui a. **42** Ne nu'bu n'da ra ja'i i ja 'be'a di un'na n'da ma xädigä ngue'a i tengui, madague'bu hønt'i ts'u ra dehe di unni, pe ne a i ja 'be'a din t'unni ngue man'da xän ho, bi 'yën'a ra Jesús.

11

Ra Xuua Nxixyä bi manda dí änni to'o a ra Jesús

1 Nu'bu mi gua a man ra Jesús buya, bi mbengähe dí 'de'mayohogähe. Ne n'danni bi mbase ra Jesús buya. Bi mba bin xänbate bu mi'da yu hnini bu ra häi Galilea.

2 Ne mi ofädi ra Xuua Nxixyä, ne bi sifi 'be'a gätho bi 'yøt'a ra Cristo, janangue'a bi mben'ndu yoho yu xädi a ra Xuua. Ne nu'bu mi zøm bu 'bu ra Jesús, **3** bi 'yänni:

—Ha gue'e gra Cristo, gra Thahni i Ojá, ngue mi hma ba çhe, uague ga thoqui ga tømhbu, bi 'yën'u yu xädi ra Xuua.

4-5 Nu ra Jesús buya bi 'yëmp'u yu xädi ra Xuua:

—Ni mbe bu, gui xihmi a ra Xuua 'be'a gätho guí øhmi, bi 'yëmbi. Dami xihmi 'be'a guín nuui, ngue nu yu xädä bin zø yu dä ya, ne'u yu dogua i 'yo, ne'u mi hëmb ra t'axca'ya ya bi yan u, ne'u yu gogu ya i øhnahyä ya, ne'u 'da xøn du i pa nsots'i, ne yu hyoya i si a ram hma ngue 'bepu dím pø u.

6 Majäpi u to'o hin di u't' yu mbhi nanguecä, bi 'yën'a ra Jesús 'bu mi 'yëmp'u yu xädi ra Xuua.

⁷ Ne nu'bu mi mbenc'u yu xädi ra Xuua, nu
ra Jesús bi xih yu ja*'i* 'be'a øt' ra Xuua, ne bi
'yεmbi:

—'Be'a guí mbähä guin nuhu bu ja ra
däpo 'bu mi 'bupu ra Xuua. Ha gá mbähä
gbá nuhu n'da tengu ra xithi i εn ran dähi.

⁸ Uague gá mbähä gbá nuhu n'da ran 'yohu
mahotho rá he mí he. Pe guí pahmbu to'o
mahotho yu he i 'bupu ja yu ngunts'ut'abi
u.

⁹ Uague gá mbähä gbá nuhu n'da rá
pøngahyq Oja. Majuani ngue gán nuhu n'da
rá pøngahyq Oja, ne nu'a, man'da xun hεts'i
rá ts'edi a xínda gue'u gä mi'da yu pøngahyq.

¹⁰ Nguetho gue'a ra Xuua a mí hmam bu ja
rám hman Oja maya'bu 'bu mí 'yεna:

M'bεt'o ga pehna n'da ran 'yohu ngue mam
'bεhni
da xih yu ja*'i* ngue da døp'e'e xun ho,
bi 'yεn Oja, bi 'yεn'a ra Jesús.

¹¹ Majuani dí xi ahu, njon mí 'buh man'da
ran 'yohu man'da xun hεts'i nangue a rá
'bεfi bin t'unni xínda gue a ra Xuua. Pe
hεnt'a go to'o din uni ngue di manda rá
ts'edi Oja, madague'a hingui hεts'i rá 'bεfi
din t'unni, pe man'da xtán hεts'i bu dí nequi,
xinda guepu ni nequi a ra Xuua ya, bi 'yεna.

¹² Asta gue'bu mi damp' rá 'bεfi ra Xuua
ne guehya, i honi da yurpu di manda rá
ts'edi Oja yu ja*'i*. Ne nu'u i humbi i honi, da
däha da yurpu, bi 'yεn'a ra Jesús. ¹³ Ne gue'a
bi man u yu pøngahyq maya'bu u bin ja, ne
mí 'εm bu ja yun t'εdi Oja, ne gue'u mí man
u 'bu hín nim 'buh ra Xuua. ¹⁴ Ne nu'bu guí
'c'y*ε*i a dí xi ahu, gui pahmbu ngue tengu'bu
da gue a ra Elías a ra Xuua, ngue gue'a
ra Elías guí tømhbu ngue mí 'buh maya'bu.
¹⁵ Ne nu'bu 'bo'o i ja rá zagu di jamansu a
dím mangä ya, bi 'yεn'a ra Jesús.

¹⁶ Ga xi ahu 'be'a guí øthu ya, ngue nte
guí urpahra güenda. Guí øthu tengu i
øt' yu t'uhni 'bu in εni. Din susε u, ne i
xih yu mit'uhniu: ¹⁷ "Dá pixt' mam 'bixt'i
pe hin gá 'urpahra güenda, ne hin gán
nεhbu," i εn'u 'da. "Pe nugähe dá pe'be
n'da ra 'bei ngue tengu'bu xun du n'da, pe
nte gá bεmhu ne hin gán zomhbu," i εn'u
mi'da yu t'uhni. ¹⁸ Ne ngutho guí øthu, hin
gá 'urpahra güenda a ra Xuua, ngue him
mi ho yun sihmε ne him bi zi ra vino, pe gá
'yεmdahu in 'youi ra zjthu. ¹⁹ Pe nugä, dán

ja*'i*gä ua ja ra ximhäi, xun ho man ts'ihmε
'bu n'dandu ne ma ts'ithegä, pe xínga guecä
guí urcahra güenda. Pe guí xiju yu fεhni,
guí εnju: "Nuna ran 'yohu ran zäthu ne ra
mihni na, ne yu amigo yu ts'om'bäi ne yu
ziyate hyacahäi," guí εnju. Pe Oja i pädi 'be'a
xun ho da 'yøt'e ngue bi zänga'be, bi 'yεn a
ra Jesús.

*N'da ram hma nangue ran unbi da nu yu
ja*'i* him bi päh yu mbui*

²⁰ Ne man'da ram hma bi man ra Jesús
nangue yu hnini bu bi 'yøt'e xun ngu yun
t'øt'e mixte. Nguetho nu yu ja*'i* bu, njam'bu
bi nde bi päh yu mbui, madague'a bi nu yun
t'øt'e mixte. Ne bi 'yεn'a ra Jesús:

²¹ —Huεhi maha ahu gyu menguhu bu
ra hnini Corazín ne ra hnini Betsaida,
nguetho nu'bu xcá øt'ä yun t'øt'e xcá ut'ahu
bu ja ra hnini Tiro ne ra hnini Sidón, xtán
du yu mbui nangue ran ts'o mí øt'u ne xtí
päh yu mbui u. ²² Janangue'a nu'bu bi zøn
ra pa din ja ran juanbi, man'da xun u tho
ran unbi gui nuhu xínda gue u 'bupu Tiro
nepu Sidón, bi 'yεmbi. ²³ Ngutho ahu gyu
menguhu ra hnini Capernaum. Masque
guí 'εmhu man'da xun hεts'i rá ts'edi ni
hniniu xínda gue u mi'da. Pegue hin'na,
guehma da mba ma juadi ahu. Nguetho
nu'bu xcá øt'ä yun t'øt'e mixte bu ra hnini
Sodoma tengu dá ørpu ja ni hniniu, hin
xtán guadi nangue ra sibi, nguetho xtím
päh yun 'yomfεni yu mengu bu, ne guexta'a
di jat'a ra hnini ya. ²⁴ Pe guehma majuani
dí xi ahu, 'bu bin ja ran juanbi, man'da xun
u tho ran unbi gui nuhu, xínda gue a da nu
yu mengu bu ra hnini Sodoma, bi 'yεn'a ra
Jesús.

Ra Jesús i hurpa rá mbui n'da

²⁵ Ne nubuya nu ra Jesús bin yuai Oja ne
bi 'yεna:

—Ma Ta i, gra Hmu mahεts'i, ne gra Hmu
ua ja ra häi, jamadi ya ngue gá japi him bi
bä'a ram hma nangue ni ts'edi u im bεnsε ja
yun 'yomfεnise, pe gá japi bi bädi nangue'e
u i hon'a'i, tengu yu t'uhni ngue hin te i pädi.

²⁶ Ne gue'a gá 'yøt'e ma Ta i, ngue gue'a gá
numanhose guí øt'u, bi 'yεn'a ra Jesús 'bu
min yuai Oja rá Ta.

²⁷ Ne xø bi 'yεmp'u yu ja*'i* buya:

—Gätho 'be'a i ja, bi 'dacä ma Ta. Ne njon da bąqui xən ho, hinda hønt'a ma Ta i pąqui. Ne njon da bądi xən ho ma Ta, hinda høngdä ngue rá Ts'unt'ugui dí pacä a, ne u ngue ma pähä ga japi da bądi, bi 'yęn'a ra Jesús. ²⁸⁻³⁰ Ne nu'bę gá yähmbę ne gán xəmbuihę nangue 'be'a gätho guí øthę, ba ęhmbę gui tengahę, ne nugä ga hut'a ni mbuihę. Ne nu'a ra 'befi dí 'da ahę hingui hęi a, tengu'bę dí huthę ran thuyä dín hyanbahę ya. Ne nugä dí set ma mbui ne hin'yę ran 'yęts'i ma mbui, ne ga xän'nahę ngue njabę gui 'yothę, ne ga hut'a ni mbuihę, bi 'yęn'a ra Jesús.

12

Ra Jesús bi 'yuti nda'a man'da xən ho xtá 'yøt'ę yę fariseo

¹ Ne nu'a n'da ra pa mi 'yo a ra Jesús bę ja yę huąhi. Necähe dá mbähmbe yę xädigähe a, 'bę ra pa ran ts'äya. Dá ndehmehne ne dá tħje 'da yę trigo. Dá tħent' ma 'yęhe u yę trigo ne dá sahe. ² Nu yę fariseo bi nu 'be'a dá øthe ne bi 'yęmp'a ra Jesús:

—Nu ni xädi bi 'yøt'a hin xtá 'yøt'e, nguetho bi 'yøt'a n'da ra 'befi ra pa ran ts'äya, 'bę mi dac yę trigo.

³ Ne bi dą'a ra Jesús, bi 'yęmbi:

—Ha hin gán nuhę bę ja ni səcuąhę, ngue ne a ra David bi mbesta a rán t'ędi Ojä 'bę mi mbähä u 'da, ne bin tumanthuhu, má hin'yę 'be'a da zi u. ⁴ Janangue'a bi yärpę ja rá ngu Ojä, bi zi u yę 'bøxthuhme him mi sä da zi u, pe hønt'u yę mbäjä mi si u. Pe hin guí ęmhę bi 'yøt' ra ts'oqui ra David, bi 'yęn'a ra Jesús. ⁵ Uague hin guím bęmhę 'be'a mam bę ja rán t'ędi ra Moisés nangue yę mbäjä 'bępę ja ra njaj, ngue ne'bę ra pa ran ts'äya i øt' yę 'befi. Pe hing ra ts'oqui a i øt'e, nguetho guepę ja ra njaj dim pefi. ⁶ Ne nugä dí xi ahę, man'da xən hęts'i ma ts'edigä xínda gue ra njaj, hanja guí ęmhę bi 'yøt' ra ts'oqui ma xädigä, bi 'yęmbi. ⁷ Pe nu ahę hin guí pąhmbę 'be'a nam bøn'a im ma bę ja rám hman Ojä ngue i ęna: "Nugä man'da dí nde din ja nin huęcatehę, xında gue gui hyohę yę zu'uę ngue gui pøscahę," i ęn Ojä, bi 'yęn'a ra Jesús. Nu'bę xquí pąhmbę 'be'a nam bøn'a, hin xcami yąfę u hin'yę yę ts'oqui, bi 'yęn'a ra Jesús. ⁸ Ne nugä guecä dán ja'igä ua ja ra ximhäi, drá hmu, ne i ja

man t'ędi ga mangä 'be'a da 'yøt' yę ja'i ra pa ran ts'äya, bi 'yęmbi.

N'da ran'yohę ra mbədi rá 'yę bi hoc'a ra Jesüs

⁹ Ne bi thoh paya ne bi yärpę ja ra njaj. ¹⁰ Ne nu yán suiħę a ra Jesús mi nde xtán dīnba n'da ra ts'oqui ngue mi sä xtí yäpi, ne bi t'ęmp'a ra Jesús:

—Ha da zä da mba ma hoqui a ra pa ran ts'äya n'da ra hyęnni, uague hin'na, bi 'yęn'ę. Nguetho mí 'bępę n'da ran 'yohę ngue ra mbədi rá 'yę.

¹¹ Ne bi dą'a ra Jesús:

—Ha i 'bę a n'da ahę ngue nu'bę ni de'yohę da däpę ja ra hyahäi gue'bę ra pa ran ts'äya, ha hin gui jħxhę. ¹² Ha má guet'a n'da ra ja'i ngue hin da zä da t'ørpa ran ho 'bę ra pa ran ts'äya. Ne nu'a, man'da di muui xinda gue yę de'yo, bi 'yęn'a ra Jesús.

¹³ Ne nubęya, bi 'yęn'a ra Jesús:

—Dami juqan ni 'yę, bi t'ęmp'a ran 'yohę.

Ne bi juqan bęya. Ne 'bex bi gohi xən ho tengu man'da rá 'yę xən ho. ¹⁴ Ne nu yę fariseo ęmmę bin cue bęya. Bi bøm bę ja ra njaj, bi nyäse u 'be'a dí zä da hyo ra Jesús.

Maya'bę bi hma 'be'a bi 'yøt'a ra Jesüs

¹⁵ Ne nu'bę mi bęn'a ra Jesús 'be'a mi nde xtá 'yørpa u yę fariseo, bi bøm bę bęya, bi mba n'danni, ne ęmmę xən ngu yę ja'i bi numanho da dənthoho. Ne gätho midin hyęnni bi hoc'a ra Jesús. ¹⁶ Ne bi xi u njon da xifi to'o a bi hoqui. ¹⁷ Ne nu'a bi 'yøt'a ra Jesús ngue njon bi ndepe da xifi, bin theui a mi hma maya'bę 'bę mi 'yęn'a ra pøngahyä Isaías:

¹⁸ Nuna guehna ma 'yęhęgä dá huahni ngue ęmmę didi huęcä ne i hurca ma mbui, ga un ma Hogandaħi ngue da xi u i thandę yę ojä zehę, nangue ran juqanbi ga øt'ä 'bę ran zegui ra pa.

¹⁹ Ne hin din sute a ne xín dim mbatho, ne hingan ts'ędi din yę hapę din 'yo.

²⁰ Ne nu'u in ja tengu'bę ra xithi bi domp' ran dähi, da xots'i mahən'a. Ngutho u in ja tengu n'da ra sibi mi ts'atho da huęzehę, di japi ngue da de xən ho mahən'a, asta gue'bę bi zəni dim hmu xən ho ua ja ra ximhäi, ne din jabę da 'yøt'e.

²¹ Ne gätho yu ja'i 'dahma 'dan'yo bu na yu da dömp' ran ho da 'yörpa u, i 'en Oja, bi 'yen'a ra Isaías maya'bu.

Gue'a bi ma nangue ra Cristo rá Thahni Oja.

*Bi t'ëmbi n'youi rá ts'ëdi ra zìthu a ra Jesú*s

²² Ne n'da ran 'yohu min 'youi ra zìthu ne mi xädä ne mi gore, bi ts'ixpu 'bu a ra Jesú, ngue di hoqui. Ne 'bexgue bin zø yu dä, ne bi nyu buya. ²³ Nu'u gätho bi nu 'bë'a bi 'yøt'e bi hyonya thoho u, ne bi 'yenna:

—Masque guehna mi man u yu pøngahyu, ngue rám bom'bëto ra David, ngue rá Thahni Oja, bi 'yen'u yu ja'i.

²⁴ Ne nu yu fariseo 'bu mi 'yøde 'bë'a i man yu ja'i, bin cue u, bi 'yenna:

—Nuna ran 'yohu na i høn a thi yu zìthu nguetho in 'youi rá ts'ëdi a yu hmu, sä 'en' u.

²⁵⁻²⁶ Ne 'bex bi bä'a ra Jesú 'bë'a mim bën'u yu fariseo ne bi 'yëmp'u:

—Pe him majuqni guí mamhbu, nguetho nu ra zìthu hin da zä din susëhu yum fäts'ihu. Nu'bu din susë din juase yu ts'ëdi u 'bu, tenguthoho 'bu n'da ra ts'ut'abi din heque ne din tunhdu u yum fäts'ihu, di 'besë yu ts'ëdi 'bu. Ne ngutho n'da ra hnini o gue n'da ra ngu 'bu din heque, pe gä dim 'bë u. ²⁷ Nu'ahu guí 'emhbu dín 'yo'be rá ts'ëdi ra zìthu, janangue'a i sä dí høn a thi yu zìthu, sä guí 'emhbu. Pe xi'bu da gue'a dí 'ot'ä, ha in jabu u guí xänbahu 'bu i høn a thi yu zìthu u. Ne guesë u i ut'ahu ngue him majuqni a guí mamhbu, bi 'yen'a ra Jesú. ²⁸ Pégue rá Hogandähi Oja dá høn a thi yu zìthu ne dá ut'ahu ngue ya di manda rá ts'ëdi Oja ua guí 'buhmbu, bi 'yëmp'u.

²⁹ Ne tenguthoho n'da ran 'yohu 'bu i 'bëpu ja rá ngu, hin njongui sä da yurpu 'bu hinga m'bët'o da mba nthurpi yu'yë, ne nuya sä da yurpu ne da hyaspi 'bë'a gätho i ja bu. Dín jagä bu, him mí sä xcá mispa yu zìthu 'bu hin xcá tapä u yu hmu, bi 'yen'a ra Jesú.

³⁰ Ne nu'a to'o hingui numansugui, man shu'i'be a. Ne nu'a to'o hingui 'ot' ma 'bëfi i di japi dim 'bë u mi'da, bi 'yen'a ra Jesú.

³¹ Janangue'a dí xi ahu, hønt'a go má ts'oqui ne hønt'a go má ts'ore da man a n'da, i sä da mba ma punbi, pe nu'bu i man ra ts'ore nangue rá Hogandähi Oja n'da,

ya hin da zä da mba ma punbi n'da 'bu.

³² Pe dí xi ahu, nu'bu 'bo'o da man ra ts'ore nanguecä, dán ja'igä ua ja ra ximhäi, pe i sä da mba ma punbi a. Pe nu'a da man ra ts'ore nangue rá Hogandähi Oja, pe hin ja'm'bu da mba ma punbi a, bi 'yen'a ra Jesú.

Ra Jesú bi ma 'da'anguui a rá mbäi n'da a rán t'ot'e n'da

³³ —Pe nu'bu xën ho ran t'ot'e ngue dä høn a thi u yu zìthu, nde'bu gui numanhoju 'bu, nguetho gui 'yëmfu xën ho ra za gue'bu xën ho rán dät'ä. Pe nu'bu hingui ho yun dät'ä gui 'yëmfu hingui ho ra za 'bu. Nguetho nu yun dät'ä i zupu da bäa n'da nda'a ní za a, bi 'yen'a ra Jesú. ³⁴ Nu ahu, tengu'bu yu meni ahu yu pozu. Hague dán zä gui mamhbu n'da ra nde xën ho 'bu xën ts'otho ahu. Nguetho nu'a i yupu rá mbäi n'da, gue'a i pøn rá nde n'da, bi t'ëmp'u yu fariseo.

³⁵ Nu'a ran 'yohu i yuh ran ho rá mbäi, hønt'a xën ho im ma, pe nu'a ran 'yohu xën ts'ø, hønt'a im ma, nguetho xën yuh ran ts'ø rá mbäi. ³⁶ Ne dí xi ahu ngue nu'a ra pa din ja ran juanbi, gätho yu ja'i da mba ma juanbi nangue a him bin 'yomfëni 'bë'a í mba a bi man u. ³⁷ Ne nangue yum hma gá mamhbu dí ts'än'nahu ran anbi 'da ahu në dí mba ma thøgue 'da ahu, bi 'yen'a ra Jesú.

Ra Jesú nte ma hmepya bi 'yu 'bu mi t'äp yu hmepya

³⁸ Ne nubuya, bi t'ëmp'a ra Jesú, bi 'yëmp'u 'da ma ngurpihe yu fariseo ne yu xänbate nijä:

—Gra xänbate, dami 'yurcahe n'da ra hmepya ngue'bu majuqni Oja bi 'da'a ni ts'ëdi.

³⁹ Bi dä'a ra Jesú:

—Nu'u xø 'uegue nangue Oja ne xën ts'ø yu mbäi, gue'u i äh yu hmepya u. Pe hin da t'ut yu hmepya u, pe hønt'a n'da ra hmepya da t'uti, tengu bi 'yøt'a ra Jonás. ⁴⁰ Ngue tengu thoho ra Jonás, hyu pa ne hyu xui bi 'yo bu mbo rá foho n'da ra dähuq, ne ngutho din jacä guecä dán ja'igä ua ja ra ximhäi, hyupa ne hyu xui ga o bu 'bu u xën du, bi 'yen'a ra Jesú 'bu mi 'yëmp'u. ⁴¹ Ne dí xi ahu, nu'u mí 'bëpu ra dähnini Nínive 'darbu gam 'bähmbu 'bu bin ja ran juanbi 'bu ran zëgui, ne da 'yut'ahu i ja ni ts'oquihu. Nguetho

nu'ü 'bex bi päh yá mbai 'bü mí 'yø a bi man a ra Jonás, pe nu ahü xø hin guín nde gui päh ni mbaihü nangue'a dí mangä. Né nugä, man'da xän hëts'i ma ts'edi xinda gue ra Jonás, bi 'yën'a ra Jesús. ⁴² Né'a ra xisu min ts'ü't'abi bü Sur, 'darbü gam 'bähmbü a 'bü bin ja ran juanbi 'bü ran zegui. Né da 'yut'ahü ngue i ja ni ts'oquihü. Nguetho nu'a yatho bá Ɂhë ngue mi nde da 'yø a 'be'a bi man a ra ts'ü't'abi Salomón nangue ran 'yomfëni bi un Oja, pe nu'ahü hin guí nde gui 'yöhmbü a dím mangä. Pe nugä man'da i ja rá ts'edi mam hmangä xinda gue ra Salomón, bi 'yëmp'ü yü fariseo a ra Jesús.

Nu rá mbai n'da da da yü' ra zithu mahön'a bü hin da bëñ Oja

⁴³ —Pe nu'a ran ts'o guidí hohü, din ja ahü tengu bi 'yot'a n'da ra ja'i min 'youi n'da ra zithu. Né bi bøn a ra zithu, bin 'yo bü ja ra 'yonhäi, mí honi hapü din säya pe him bi dñi hapü din säya. Né bi mbeng bü ja rá mbai ra ja'i bü bá nets'i. ⁴⁴ “Man'da xän ho 'bü ga peng bü bá nets'i,” bi 'yënsé a ra zithu. Né nu'bü mi mbeng büya, bi zøm bü ja rá mbai a ra ja'i mahön'a, né bi nu tengu'bü n'da ra ngu ngue mán joqui bü rá mbai, né njom mí 'bapü nguetho him bin zäm bü rám hman Oja. ⁴⁵ Né xø bi mba büya bá si mí yoto yá minzithuhü ngue man'da Ɂmmë xün ts'o i øt'e, né bi yärpu, bin säya bü rá mbai a ra ja'i. Né man'da Ɂmmë xün ts'o bi 'yot'a ra ja'i büya. Né gan jahü bü, bi 'yëmp'ü yü ja'i a ra Jesús.

Nda'a ü i din cuhü ra Jesús

⁴⁶ Né nu ra Jesús mi yähu yü ja'i 'bü mi zøm bü a rá mbe né yán 'yohü. Bi zøm bü ja ra ngu mí 'bui. Pe him bi yärpu, bim 'bätho bü thi, mi nde xtín yäui a rá ts'ünt'ü. ⁴⁷ Né nu'ü 'da büya bi xi a ra Jesús:

—I 'bäcua thi ni mbe né nin 'yohü, né in nde gan yähu 'na, bi t'ëmp'a ra Jesús.

⁴⁸ Né bi dä a ra Jesús:

—Ga xi ahü to'o a ma mbe né to'o ü man 'yohü.

⁴⁹ Né bi 'yut'ü yü xädi büya:

—I 'bäcua ya ma mbe né ma cu, bi 'yëna.

⁵⁰ Nguetho hønt'a go to'o i øt' rá pähä ma Ta bí 'bapü mahëts'i, gue ü man 'yohü ü, né

gue ü man ju ü, né gue'ü ma mbe ü, bi 'yën'a ra Jesús.

13

Rán t'uti ra mbomhmadä

¹ Né nubaya bi bøn'a ra Jesús bü ja ra ngu mí 'bui, né bi mba nín hupü ja ra ndendejä. ² Né Ɂmmë bim peti bü yü ja'i, janangue'a nu ra Jesús bi ndexpü ja n'da ra mbosa né bi hyu bü. Pe hingui 'yo a ra mbosa, bá copü ndenthe. ³ Né bi xänba ü yü ja'i, bi xi i 'da yän t'uti. Né nu'a n'da ran t'uti bi mam bü, bi 'yëna:

—N'da ra mbomhmadä bi mba bü huähi.

⁴ Né nu'bü mi mbon yü hmudä, nu'ü 'da bi zo bü ja ra 'yu, né bá Ɂh yü doja bi za ü. ⁵ Né nu mi'da yü hmudä bi zo bü ja yü 'bodo, 'bexgue bi bøts'e nguetho hingui pidi ra häi.

⁶ Pe nu'bü mambá pøx ra hyadi 'bexgue bi 'yot'ü nguetho him mi ja yü 'yu xän ho. ⁷ Né nu mi'da yü hmudä büya bi zo bü ja yü 'bo'ujni, né bi bøx'ü yü hmudä. Pe nu'bü min te yü 'ujni büya bi go'mi, né bim 'bëdi. ⁸ Pe nu'ü 'da bi zo bü ja ra hogahäi, né bin ja xän ho ü. Nu 'da bi ndø'a n'da ciento, né nu'ü 'da bi ndø'i hyate, né 'däte ma 'det'a bi ndø ü 'da.

⁹ Pe nu'bü i ja ni zuguhü, dami jamansu 'bë'a dí xi ahü, bi 'yëmp'ü yü ja'i a ra Jesús.

I än'dü yü xädi ra Jesús hanja i xih yän t'uti yü ja'i

¹⁰ Né dá xihmbe ra Jesús büya, dá Ɂmfe:

—Hanja gní xänba yän t'uti yü ja'i, né hingui pü ü 'bë'a nam bøn ü, dá Ɂmfe.

¹¹ Né nu ra Jesús bi därcuhe büya, né bi 'yënge:

—Nu ahü bin ja ahü gá pähmbü a njom mi päh mam'bët'o 'bepü ní manda rá ts'edi Oja, pe nu'ü mi'da, him bin japi da bædi, bi 'yëngähe ra Jesús. ¹² Né tengu thoho a ram hma i Ɂna: “Nu'a i ja, man'da xän ngu din t'unni, né nu'a zi ts'ütho i ja, né'a i ja da thänba a,” gan jahü bü. Nu'ü i honi da bædi, man'da xän ngu da bædi. Pe nangue ü hingui honi da bædi, né a zi ts'ü mi padi da thänba ü. ¹³ Janangue'a yän t'uti thoho dí xi ü, nguetho i øde pe Ɂna gue'bü him bi 'yøde, né i nu pe tengutho 'bü hin te xtá nu; him bi yü' yá mbai a dá xifi, bi 'yëna a ra Jesús. ¹⁴ Né majuäni i man'a ra pøngahyä Isaiás nangue ü 'bü mi 'yëna:

Gui 'yøhmbu pe hin gui pøhmbu 'bø'a gá
'yøhmbu.

Nø nuhø pe hin gui pøhmbu 'bø'a nám
bøn'a guin nuhu.

¹⁵ Nguetho nu ni mbøihø ñmmø xøm møtho,
nø njam'bu gui 'yøhmbu, tengu'bu njot'i ni
guhu,

nø njam'bu gui nuhu, tengu'bu guidí ts'qant'
ni dähø,

nø hin jøm'bu i sä da bøn ni mbøihø ngue
dim pädi nangue ran ts'o, ngue ga
nyan ahø,

i øn Ojø, bi 'yøn'a ra pøngahyø Isaías 'bu
maya'bu, bi 'yøn'a ra Jesùs.

¹⁶ Pe nu'ahø majøpi ahø nguetho i nu
ni dähø ne i øh ni guhu, bi 'yøngähe ra
Jesùs. ¹⁷ Majuøni dí xi ahø ñmmø xøn ngu yø
pøngahyø Ojø ne xøn ngu yø ja'i ngue 'dat'
Ojø mim bøni, mí nde xtå nuna gätho guí
nuhu ya, pe him bi zä bi nu; ne ñmmø mí
nde xtå 'yøhna guí øhmbu ya, pe him bi zä bi
'yøde, nguetho him mí zøn ra ora xtám bødi,
bi 'yøngähe dyu xädigähe ra Jesùs.

'Bø'a rán theui a ran t'uti ra mbomhmuðä

¹⁸ —Nø nuya ga xi ahø 'bø'a nam bøn'a
rán t'uti a ra mbomhmuðä, bi 'yøngähe ra
Jesùs. ¹⁹ Nø nu'a to'o bi sih ram hma ngue
di manda ua rá ts'edi Ojø, ne him bi bødi
'bø'a nam bøn'a, in ja tengu u yø hmudä bi
zo bu ja ra 'yu, ne 'bex bá ø'a ra zjøthu bi hyø
a ra hmudä bi thupu ja yø mbøi u. ²⁰ Nø
nu' u yø hmudä bi zo bu ja yø do, tengu'bu
n'da ra ja'i ñmmø di johya 'bu ja bi 'yø a ram
hma, pe maxøts'e thoho. ²¹ Nø hinga gätho
mbo yø mbøi, nguetho hin'yø yø 'yu xøn ho,
ne go zi ts'u din unbi nangue a ram hma,
'bexgue da 'uegue. ²² Nø nu'a ra hmudä dá
xi ahø bi zo bu ja yø 'uøni, nam bøni tengu
n'da ra ja'i bi 'yø a ram hma, pe hønt'a ñmmø
im bøn ra ximhäi ne ra mbøti ngue i høt'i,
janangue'a bi japi bim 'bø a ne hin te bin ja
rá 'bøfi Ojø nangue'a ra ja'i tengu a. ²³ Pe
nu'a ra hmudä dá ma ngue bi zo bu ja ra
hogahäi, nam bøni tengu u i ømanho a ram
hma ne i pødi 'bø'a yøn thehø a, ne din te xøn
ho u ne da ndøgue tengutho yø hmudä, ngue
nu' da bi ndø'a n'da ciønto, ne' u da bi ndø
a hyøte, ne u da bi ndø a 'dæte ma 'det'a.

Rán t'uti ra hmudä xøn ho nø a hingui ho

²⁴ Nø nu ra Jesùs bøya bi xih mi'da yøn
t'uti u yø ja'i, ne bi 'yømbi:

—Nu'bu bi 'yøt' ran ts'ut'abi Ojø, in ja
tengutho 'bu n'da ra ja'i bi du a n'da yø
hmudä xøn ho bu ja rá huøhi. ²⁵ Pe nu'bu
mín xui ne gätho bin qha, bi mba a rán sñui
ne 'darbu bi duhmi a n'da yø hmudä hingui
ho bu ja rá huøhi, ne bi mba bøya. ²⁶ Nø
nu'bu mí bøx bøya, bi bøx'u xøn ho ne u
hingui ho, 'darbu bi bøts'e. ²⁷ Nø nu'u yø
'yøhe bøya bi mba bi xi u yø hmu: "Nu
yø hmudä gá tupu ja ra huøhi, xøn ho 'bu
gmi tuhu, hapu bi nequi u yø hmudä hingui
ho," bi 'yømbi. ²⁸ Nø nu u yø hmu bøya bi
'yømbi: "Nø masque n'da man sñi'be bá øhe
bi ts'onga ma huøhi," bi 'yøna. "Ha ga xathu
u yø paxi hingui ho," bi 'yøn'u yø 'yøhe bøya.
²⁹ Nø nu yø hmu bi 'yømbi: "Hin'na, hin da
zä guí mbøhø guí xathu u yø paxi hingui ho,
nguetho xøhma ts'urpu thoho ne u xøn ho
gui xathu. ³⁰ Man'da xøn ho gui hyøthohø
'darpu din te, ja gue'bu bin ja ran sofo. Nø
nubøya ga xi u yø mbøfi ngue nu' u hingui
ho di peti ne da 'yudi, ne nu u xøn ho bøya
da mbe'ts' bu ja ma ngu," bi 'yøn u yø hmu,
bi 'yøn'a ra Jesùs.

Nø guehna man'da ran t'uti bi mam 'bu
mi xi u yø ja'i.

Rán t'uti rá hmudä ra mostaza

³¹ Nø man'da ran t'uti bi man'a ra Jesùs ne
bi 'yøna:

—Nø tengu n'da rá hmudä ra mostaza bi
dupu ja rá huøhi n'da ra ja'i. Nø zi ts'utho
a, ñmmø man'da zi ts'u xínda gue u mi'da
yø hmudä. ³² Pe nu'bu bin te ne man'da
xøn ndøho bu ni nequi, madague'bu ra c'ani
thoho, pe i te tengu'bu n'da ra za guepu da
zä da 'yøt' yø 'bafi yø doja bu ja yø 'ye. In
jabu rá ts'edi Ojø bu ni nequi ngue di manda
ua, bi 'yøn'a ra Jesùs.

Rán t'uti rá íxi ra hocjøni

³³ Nø man'da ran t'uti bi ma ra Jesùs ne bi
'yøna:

—Nø tengu ra íxi 'bu din jap'a ra hocjøni,
ne gätho bi nden a ra jøni bøya. In jabu rá
ts'edi Ojø bu ni nequi ngue di manda ua, bi
'yøna.

Maya'bu bi ts'ønni da man yøn t'uti a ra Jesùs

³⁴ Ne nguba bi 'yøt'a ra Jesús, hønt' u yøn t'uti bi 'yut' u yø ja'i bø mi xänbi. ³⁵ Ne gue'a bi man'a ra pøngahyø maya'bø ngue din ja 'bø mi 'yøna:
 Ga utä yø ja'i yøn t'uti,
 Ga xänba a njon mi pødi asta gue'bø go mi mbøh ra ximhäi,
 i øn Ojø, bi 'yøn'a ra Isaías 'bø mim pøngahyø.

'Bø'a rán thøui a rán t'uti ra hmudä xøn ho ne'a hingui ho'

³⁶ Ne nubøya bi xi u yø ja'i a ra Jesús ngue da mbengui. Ne nu'bø gätho mí mba u, bi mba ra Jesús bø ja ra ngu. Ne dá tendähe bøya. Ne nu'bø mí hyupø ja a ra ngu, dá änhde:

—Dami xije ts' u 'bø'a nam bøn'a ran t'uti gá ma nangue ra hmudä hingui ho bi dupø rá huøhi a ran 'yohø, dá ømfe.

³⁷ Ne bi 'yøngähe ra Jesús bøya:

—Nu'a nam bøni ngue yø hmudä xøn ho u dí tucä, guecä dán ja'igä ua ja ra ximhäi.

³⁸ Ne nu a ra huøhi nam bøni gue'a ra ximhäi. Ne nu'a ra hogahmudä nam bøni gue'u di manda rá ts'edi Ojø u. Ne nu'a ra hmudä hingui ho nam bøni yø ja'i ngue rá mbøti ra zøthu. ³⁹ Ne nu a rán sñui a rá mbøti ra huøhi ngue bi dupø yø hmudä hingui ho, gue'a ra zøthu a. Ne nu'a ran sofo nam bøni rán zegui ra pa. Ne nu'u yø mbøfi da xoqui nam bøni ngue yám 'behni Ojø mahëts'i. ⁴⁰ Ne tengu thoho u yø hmudä bi bøts'e ngue hingui ho ne bi mba ma munts'i ne bi mba nt'udi, din ja bø 'bø ran zegui ra pa. ⁴¹ Nugä ngue dán ja'igä ua ja ra ximhäi, 'bø rán zegui ra pa ga peñ'dø mam 'behni di peti gätho nangu yø ja'i ra ximhäi. Ne gätho u bi 'yøt' ran ts'o da thøn a thi, ne u gätho midí parpa yá mijø'ihø da 'yøt' yø ts'oqui.

⁴² Ne da thøspø ja ra sibi njam'bø i huët'i, guepø din zoni ne din guxt' yø ts'i bø. ⁴³ Ne nubøya, nu'u to'o i øt' rá pähä Ojø, di nec thoho tengu ra hyadi bø di manda rá ts'edi ma Tahø mahëts'i. To'o gätho ja yá zugø, di jamansu a dím mangä ya, bi 'yøngähe ra Jesús.

Rán t'uti a ra mbøti man t'qgui

⁴⁴ Ne man'da ran t'uti bi man'a ra Jesús, bi 'yøna:

—Nu n'da ran 'yohø bi dín'a n'da ra mbøti bø mbo ra häi ngue ømmø di muui a. Ne bi

gärpø mahøn'a. Ne midí johya, ne bi mba bøya da mbä 'bø'a gätho mi pe'ts'i guepø bi zä bi dän'a ra xøqui a guepø bi dín'a di muui, ngue mi pødi man'da da däpi bø. Ne din jabø gui 'yøthø ngue ømmø gui hyomhbø ngue di manda rá ts'edi Ojø, bi 'yøn'a ra Jesús.

Rán t'uti a ra do ømmø di muui xøm hmadi

⁴⁵ Ne xø bi 'yøna:

—Nu n'da ra pøhø ngue mi honi da dän yø do i thøm bø mbo ra dehe xøm hmadi di muui. ⁴⁶ Ne nu'bø mí dín a n'da man'da mahotho xinda gue'u gä min nu mam'bøt'o, bi mbä 'bø'a gätho mí pe'ts'i ne bi dän'a ømmø mahotho bøya. Ne din jabø gui 'yøthø ngue ømmø gui hyomhbø ngue di manda rá ts'edi Ojø, bi 'yøn'a ra Jesús.

Rán t'uti n'da ra xit'q án t'ei bø ja ra däqädehe

⁴⁷ Ne man'da bi man'a ra Jesús, bi 'yøna:

—Nu'a ní 'yøt' ran ts'at'abi Ojø, in ja tengu n'da ra xit'q ngue i pa nt'ei bø ja ra däqädehe, ne i the hønt'a go ní huø i 'bøpø mbo ra dehe. ⁴⁸ Ne nu'bø ya bi yu'a yú xit'q yø mbahuø, da gøx bøya, da mba nín hupø ja ra ndenthe ne da huan'dø yø huø xøn ho da 'yørpø ja yú 'bøts'e ne nu'u hingui ho bøya di bønt'i. ⁴⁹⁻⁵⁰ Ne din jabø 'bø rán zegui ra pa, 'darbø dim 'bähmbø u yø ts'om'bäi u xøn ho bi 'yøt'e. Ne nu yám 'behni Ojø mahëts'i da huan'dø yø ts'om'bäi ne da 'yøntpø ja ra sibi njam'bø i huët'i, nguepø din zom bø u ne din guxt pø yá ts'i, bi 'yøngähe ra Jesús.

Mahyoni a mi pezøhe ne'a xø bi dím ma'da'yø

⁵¹ Ne nu'a ra Jesús bøya bi 'yøngähe yá xädigähe:

—Ha guí pøhmbø a dí xi ahø ya.

—Høha, ma Hmu, ya dí pøhmbø a guím ma, dá ømbähe a.

⁵² Ne xø bi 'yøngähe bøya:

—Nu'u midín xäh ram hma maya'bø, ne a ram hma ma'da'yo da hyumbi din xädi, ngue 'bøpø ní manda rá ts'edi Ojø, hin te di 'beh rán xädi u bøya, ne da zä da xänba u mi'da. Din ja tengu'bø n'da ra ja'i i ja 'bø'a i pe'ts'i ngue gä mahyoni. Ne'a bi zocpa yám

bombøta n̄'a bi dñsø. Janangue'a hin te di 'bø' bøpø ja rá ngu, bi 'yøngähe ra Jesús.

Yø mengu bø rá hnini zøhe him bi 'yøc'yøi rá ts'edi ra Jesús

⁵³ Nø nu'bø mi gua'a bi man ra Jesús bøya bi bøm bø. ⁵⁴ Nø bi mba bø rá hnini zøhe ngue Nazaret. Nø bin xäpø ja ra njø, nø nu yø ja'i bøya bi hyonya thoho 'bø'a bi 'yøt'a, nø bi 'yøna:

—Hapø bí hyø rán 'yomføni na, ngue da zä da 'yøt'a i øt'e. ⁵⁵ Ha hinga guehna rá ts'ant'ø ra yaxi na, ngue i 'bøcua rá mbe í María. Nø nu yán 'yohø ra Jacobo nø ra José nø ra Simón nø ra Judas. ⁵⁶ Nø yán ju dí 'bøhmbø ua. Pe hapø bí hyø a ran 'yomføni na, bi 'yøn ø yø menguhø. ⁵⁷ Nø him bi numanho a ra Jesús. Pe nu ra Jesús bi 'yømp'ø:

—Gätho yø ja'i in jabø. Nubø ja yø hnini zøhe hin da hnumanho n'da rá pøngahyø Ojø, xínga gue'ø i 'bøpø rá ngu da numanho, bi 'yøn'a ra Jesús.

⁵⁸ Janangue'a hingui ngu yøn t'øt'e mixte bi 'yørpø, ngue him bi 'yøc'yøi ø bøpø.

14

Ra Xuua Nxixyø bi thecpa rá yøga

¹ Nø min ts'ut'abi bø ra xøqui Galilea a ra Herodes. Nø nu'bø mi sifi 'bø'a gä bi 'yøt'a ra Jesús 'bø min 'yo bø, bi 'yøn'a:

² —Masque ra Xuua Nxixyø a, bi dømbøni bø 'bø ø xøn du, janangue'a i ja rá ts'edi xøn ho i øt' yøn t'øt'e mixte, bi 'yøm bøya.

³⁻⁵ Nguetho guesø a ra Herodes bi hyo a ra Xuua Nxixyø. Bin cuø a ra Herodes 'bø mi sifi ngue hingui ho a bi 'yøt'e ngue bi zinse a rá 'bøpo, nu'a ra xisu mi 'bøhmi a ra Felipe 'bø mi sin'a ra Herodes. Nø nu'a ra xisu, ra Herodías a. Nø bi 'yøn'a ra Xuua: "Hingui ho gá 'yøt'e ngue gá sinba rá xisu a nin 'yohø," bi t'ømp'a ra Herodes. Bin cuøtho ra Herodes bøya bi got'a fädi a ra Xuua nø bi manda dí tu't'i con yø cadena. Nø mim bøni xta hyo a ra Xuua, pe him bi hyo nguetho mi su din cuø yø ja'i, ngue nu yø ja'i mi pødi rá pøngahyø Ojø a ra Xuua.

⁶ Pe nu'bø mi zøn ra pa bin ja rá ngopa a ra Herodes 'bø mi dät ra jøya mahøn'a, bi 'yøt'a n'da ran ts'ihme nø bin nø a rá t'ixu a ra Herodías. Nø bi numanho a ra Herodes

a ran hnøi bi 'yøt' bøya. ⁷ Nø bi 'yømp'a ra hmute: "Dami 'yädi 'bø'a gätho guí nde gui 'yäqui. Majuøni dí xi i, ga 'da i 'bø'a gätho guí 'yäqui," bi 'yøn'a ra Herodes. ⁸ Nø nu'a ra hmute bøya bi 'yä a rá yø ra Xuua Nxixyø ngue di o ra mbohi, nguetho gue'a xí xi a rá mbe a da 'yäp'a.

⁹ Nø bi du rá mbøi a ra Herodes bøya, him mi ndehma da hyo a ra Xuua, pe hin'yø 'bø'a sää da 'yøt'e nguetho ya xí xifi di unni 'bø'a gä da 'yäpi, nø ya xí 'yøh yø ja'i di unni 'bø'a gätho da 'yäpi. ¹⁰ Nø bi manda bøya ngue da mba ba thecpa rá yø ra Xuua Nxixyø bø ja ra fädi, nø ba jät'a n'da ra mbohi din t'un'na ra hmute. ¹¹ Nø nu'bø min t'unni bi døn a ra mbohi bi un'na rá mbe bøya.

¹² Nø nu yø xädi ra Xuua bøya, bá tunba a rá ngøc'yøi bø ja ra fädi, bi 'yägui. Nø bi mba bøya bá xi a ra Jesús ngue ya bi du ra Xuua.

Bi 'uøn'i cøt'a mahuøhi yøn 'yohø ra Jesús

¹³ Nø nu ra Jesús 'bø mí 'yøde bi du ra Xuua, 'bex dá mbähmbe dá huhe bø ja ra mbosa mí nde xcá sømhbe bø 'danguadi, mi øna xcám 'bøsehe n'da zi ora. Pe nu'bø mi pø yø ja'i ngue dá mbähmbe bø a ra Jesús, nø bá nøxpø ja yø hnini bi døngähe, bin 'yogua thoho gätho bø ja rá nyøni a ra dødehe. ¹⁴ Nø nu'bø má cøhmbe bø ja ra mbosa a ra Jesús, xøn ngu ø yø ja'i xí zøm bø. Nø ømmø bi huøc'ø bøya nø bi hoqui hønt'a go to'o mí ø. ¹⁵ Nø nu'bø min de bøya dá ømbøhe a ra Hmu:

—Ya bin de ya, nø njongui 'bøcua ja ra xøqui ua, dami xih yø ja'i da mba bø ja yø hnini nø da däm bø 'bø'a da zi, dá ømbøhe a.

¹⁶ Nø bi 'yøn'a ra Jesús:

—Pe hingui jatho da mba, pe guesø ahø dami 'uømhø, bi 'yøngähe.

¹⁷ Nø dá thøhmbe bøya:

—Pe hin'yø 'bø'a da zi, nø hønt'i cøt'a yø hme i ja ua nø yoho yø huø, dá ømfø bøya.

¹⁸ —Bá cøhø ua, bi 'yøn'a ra Jesús.

¹⁹ Nø bi xih yø ja'i ngue din säya bø ja yø t'øi, nø bi hyøn ø cøt'a yø hme nø yoho yø huø. Bi ndøs' mahøts'i nø bi 'yäp rán jøpi Ojø, nø bi xøm bøya nø bi 'dacähe dá darpähe yø ja'i. ²⁰ Gätho bin sihme ø yø ja'i nø bin niyø nø bi bong mi'da yø xøqui bi yø i 'de'ma yoho yø 'bøts'e. ²¹ Nø nu'ø gätho bin sihme í

ju'a'i cət'a mahuəhi u yən 'yohə, nə hin njon bi mbeh yə xisu xinga gue yə t'uhni.

Bin 'yo maxəts'e ra dədehe a ra Jesús

22 Nə nubəya, bi xije ga mbähmbe ngue ga 'daxhe ra dədehe mahən'a. Dá huhe a ra mbosa dá mbähmbe bəya. Go bi gose bə a ra Jesús, bin 'yəhmbə yə ja'i. **23** Nə nu'bə mi mba u yə ja'i bi ndezəhə bə ja ra nyuni nə bi nyəui bə Ojə. Bá hazəhə bə a. **24** Nə nu'bə má mbähmbe ngue dá huhe ra mbosa, 'bə mi zəm made ra dehe, bi zəh ran dəhi nə əmmə bin ja yə t'øthe, nə ts'edi midí cos'a ra mbosa. **25** Nə nu'bə ya mbe mí ts'utho da hyats'i, nə 'yo a ra Jesús bə maxəts'e ra dehe ngue da za'a ra mbosa. **26** Nə nu'bə mambá əpə ra Jesús, nə i 'yo bə maxəts'e ra dehe dá handāhe bəya, ba əpə nə hin dí pəhmbe ngue gue'a. Əmmə dán suhe nə dá mbahmbe:

—Ba əhnə n'da ra áнима, dá əmhbe.

27 Nə bi dərcähe a ra Jesús:

—Dami hyuthə nzambəi, o guín suhə, guecä, bi 'yəngähe.

28 Nə bi dət'a ra Pedro bəya:

—Nu'bə gue'e ma Hmu i, dami jaqui nəcä dan 'yo maxəts'e ra dehe nə ga səm bə guí 'bäi, bi 'yən'a.

29 —Ba əcua, bi 'yən'a ra Jesús, bi t'əmp'a ra Pedro bəya.

Nə nu'a ra Pedro bəya bi əgapə ja ra mbosa nə bi du'mi bin 'yo maxəts'e ra dehe ngue in nde da zəm bə bí 'bä a ra Jesús. **30** Pe bi nu ngue əmmə nts'edi ran dəhi nə 'bex bin su bəya, nə bi du'mi bi dont'a mbonthe. Nə nts'edi bi mbah pəya:

—Ma Hmu, dami yəngui, bi 'yəna.

31 Nə 'bex bi bəndba rá 'yə a ra Jesús bəya.

—Hanja ts'utho guí əc'yəi ngue i ja ma ts'edi nə 'bexgue gá su 'bə'a gán nu, bi 'yəmp'a rá hmu.

32 Nə nu'bə mi hyu ra mbosa a ra Pedro nə ra Jesús bəya, 'bex bin hə a ran dəhi. **33** Nə nugähe mí huhmbe bə mbo ra mbosa dán dənyahmuhe bə mí 'bä a ra Jesús nə dá əmfe:

—Majuəni maha, gue'e rá Ts'ənt'ə i Ojə, dá əmfe.

Bi hoc'ə yə hyənni bə ra hnini Genesaret a ra Jesús

34 Nə dá thohmbe bəya dá səmhbe bə 'danguadi ra dehe bə mi ja ra xəqui Genesaret. **35** Nə nu'ə yə ja'i mi 'bəpə, 'bə mi nu bi zəm bə ra Jesús, 'bexgue bi mbənh ra nde hənbə go hapə ja yə hnini ngue ya mí 'bəpə ra Jesús. Nə bá ts'inbi gätho yə hyənni bə mi 'bəcähe a ra Jesús. **36** Nə bi 'yäh ra mate u ngue bi dərpa rá nyəni rá pahni ra Jesús, nə 'bex bi yən u bəya.

15

Ra Jesús bi ma 'bə'a di ts'onba rá mbəi n'da

1 Nə nubəya bá ə i 'da ma ngərphe ngue yə fariseo nə yə xənbate nijə. Bá nəxpə Jerusalén ə, nə bi 'yən'na ra Jesús:

—Hanja u ni xədi hingui tən yən t'øt'e mam bombətahə nə him 'bə i xət'yə 'bə i sihme, bi 'yən'ə.

3 Bi də a ra Jesús nə bi 'yəmbi:

—Pe nə ahə guí festhohohə rán t'ədi Ojə 'bə guí homhbə guí 'yøt' nin t'øt'e zəhəhə, bi t'əmp'ə yə fariseo. **4** Nguetho i mam bə ja rám hman Ojə: “Guí numansu ni ta nə ni mbe.” Nə a i mam bə ngue: “Nu'a to'o san rá ta nə rá mbe i jatho da tho,” bi 'yən'a ra Jesús. **5** Pe nu ahə, 'dan'yo thoho guí mamhbə, ngue guí əmhbə xən ho 'bə di yərpa Ojə a mi ja ngue xtá mbəx'a rá mbe o gue rá ta n'da ran 'yohə. Nə hin gá xihmbə ngue him bi numansu rá ta 'bə ngubə bi 'yøt'e. **6** Gá 'yəmhbə nte ní mba tho yən t'ədi Ojə 'bə guim bənsə nin t'ədihə, bi 'yən'a ra Jesús, bi t'əmp'ə yə fariseo. **7** Pe əmmə guidí yorpahə a guim bəmhbə, bi 'yəmp'a ra Jesús. Majuəni bi man Ojə bə ja rá səcuə ra Isaías 'bə'a guí ətəhə ngue bi 'yəna:

8 Nuya yə ja'i ya i əsqui nangue yə nde, pe maxəts'e thoho nə hinga gätho yə mbəi.

9 Nə səti thoho 'bə i thəndegui, nguetho hənt'ə yən t'ədi zəhə i xənba u mi'da,

i ən Ojə, bi 'yən'a ra Isaías 'bə maya'bə, bi 'yən'a ra Jesús.

10 Nə nubəya, nu ra Jesús bi zon'də yə ja'i:

—Dami 'yøhmbə 'bə'a dí xi ahə janangue'a gui pəhmbe 'bə'a nam bən'a.

11 Hinga gue'a i ts'i di ts'onba rá mbəi n'da, pe gue'a ní bəm bə rá nde n'da, bi 'yən'a ra Jesús.

12 Nε dá mbähmbe bu mi 'bäh ra Jesús.
—Nu'u yu fariseo bi beman'u a gám ma,
dá emfe.

13 Nε bi dah ra Jesús, bi 'yena:
—Hont'a go 'be'a ma paxi him bi 'yezehe
ma Ta, i jatho da mba nsat'i. **14** Nte guim
bemhbu nangue u nguetho tengu'bu i xädä
u, ne ena da 'yut' ra 'yu yu mixädähu. Nε
nu'bu n'da ra xädä i six'a rá mixädäui,
thämbeñi tho gätho yoho da zo bu ja n'da ra
hyähi, bi 'yengähe ra Jesús 'bu má emfe.

15 Nu ra Pedro buya bi xi a ra Jesús:
—Dami xije nangue a ran t'uti gá ma
mahe'bu, 'be'a nam bon'a, bi 'yembi.

16 Nε bi da'a ra Jesús:
—Ha ne ahu xíngui ts'u guí pahmb'be'a
nam bon'a dí xi ahu, bi 'yena. **17** Ha hin guí
pahmb'nu 'be'a da zi n'da, da yarp'u ja rá
nde ne da mba bu ja rá foho, ne hingui zám
bu, bi 'yengähe. **18** Pe nu 'be'a gätho da bon
bu ja rá nde n'da í nexp'u rá mbui ne gue'a di
ts'on'a n'da. **19** Nguetho guepu mbo rá mbui
n'da ni nex'u yu ts'on'yomfeni, ran thodu,
ran 'yomt'eni madague'bu bin that'a n'da o
hin gana din thati, ne yam fe, ne yu fehni, ne
yan ts'ante, ne gue'u gätho ní nexp'u rá mbui
n'da u. **20** Ne gätho u gue'u ní ts'om'bäi n'da
ra ja'u u. Pe nu'bu bin sihme ne him bi 'yot'a
ran t'ot'e ngue din xat'ye, hinga gue'a dán
ts'on'a, bi 'yengähe ra Jesús.

*N'da ra xisu hin rá menguh'u a ra Jesús bi
'yec'yei a rá ts'edi ne bi yaq'a rá t'ixu*

21 Nε nubuya dá pomhbe bu a ra Jesús dá
mbähmbe bu ja rá xequi ra hnini Tiro ne ra
hnini Sidón. **22** Nε dán c'athe n'da ra xisu ra
meng Canaan, hing ra israel a. Nε ts'edi bi
mbafi, bi 'yemp'a ra Jesús:

—Gra Hmu, rám bom'beto i ra David, din
ja nin huecate nangue ma t'ixu in 'youi n'da
ra zjthu ngue emme di unbi.

23 Nu ra Jesús bi thotho, tengu'bu him bi
'yø a bi xifi. Nugähe buya dá xihmbe ra
Jesús:

—Dami 'yørpa ra mate a ra xisu,
janangue'a da mbengui, ne i mbafi i
tengahu.

24 Nu ra Jesús buya bi 'yena:
—Nu Ojaq bá pengui ga Ørpa rá 'befi ngue
hønt'u ma menguh'u yu israel ga jamansu,

nguetho i 'bui tengu yu de'yo bi 'beh ra 'yu,
bi 'yena.

25 Pe nu ra xisu bi zøm bu 'bäh ra Jesús bin
danyahmu ne bi 'yembi:

—Gra Hmu, dami zequi.

26 Pe nu ra Jesús bi 'yembi:

—Hingui ho 'bu n'da ran 'yohu da hyanba
rá hme yu t'uhni, go di un'du yu t'u'yo, bi
'yembi.

Ngubu bi xifi nguetho hing ra israel a ra
xisu. **27** Bi 'yen'a ra xisu buya:

—Majuaqni guíma gra Hmu, pe ne'u yu
t'u'yo i si yu xeca hme 'bom bu ja ra 'bimexa
ngue i hu u yu hmu.

28 Ra Jesús buya bi 'yemp'a ra xisu:

—Gra xisu, emme guí ec'yei xan ho a
ma mate. Janangue'a din ja a gá 'yadi, bi
'yembi.

Ne 'bexgue gue'a ra ora bi yan'a rá t'ixu.

Bi hoc mi'da yu hyenni a ra Jesús

29 Nε nubuya nu ra Jesús bi bøm bu. Dá
mbähmbe bu ja ra ndendädehe bu Galilea ne
dá texhe bu ja ra nyuni, ne bi hyupu a ra
Jesús. **30** Nε xan ngu yu ja'u bi zøm bu mi
hudi, ne bá ts'inba yu dogua, ne yu xädä, ne
yu gore, ne yu do'ye, ne xan ngu mi'da yu
mbedi ne yu hyenni bá ts'inba bu mi hu'a
ra Jesús. Ne nu ra Jesús buya gätho bi hoc'u.

31 Nε nu yu ja'u bi hyonya thoho 'bu mi nu
bin yaq yu gore ne bin 'yo u mí dogua ne bi
yan'u mi do'ye, ne bin zøyu dä u mi xädä. Ne
nu'bu mi nu 'be'a bi 'yøt'a ra Jesús, bi 'yespa
Ojaq, ngue ma Ojaqhe dyu israelhe. Ne hyu pa
dán degähe bu yu ja'u.

Bi ujn'i goho mahuqhiyun 'yohu ra Jesús

32 Nε nu ra Jesús bi zongahe bi 'yengähe:

—Emme dím bengä yu ja'u i 'bucua
nguetho ya ná hyupa i 'bucua ne hin'yu 'be'a
da zi yu. Nε nu'bu ga xifi da mba bu yu ngu,
masque hin da hyät'i da zøm bu ja yu ngu,
bi 'yen'a ra Jesús.

33 Nε dá emhbe buya:

—Pe hin hapu ga tjmhbu ra hme ga
unhndu yu ja'u, nguetho emme xan ngu i
'bucua, ne njongui 'bucua ngue ga tämfu ra
hme, dá emfe.

34 —Hangu guí haqra hme thaq, bi 'yen'a
ra Jesús.

—Yoto thoho yu hme ne zi yoho yu tuhuq, da ɛmfe.

³⁵ Ne nu ra Jesús bi xih yu ja*'i* din säya bu häi. ³⁶ Ne bi hyan'u yu hme a ra Jesús ne yu huq, ne bi 'yäp rán japi Ojä nangue u bi hyäni. Nubuya, nu ra Jesús bi xen yu hme ne yu huq ne bi dargähe ngue ga unhde yu ja*'i* bu mí hudi. ³⁷ Ne gätho u mí 'bupu bin sihme u ne bin niyä, ne bi bongui yoto yu 'bots'e 'bu mi niyä. ³⁸ Ne goho muahuahi u yen 'yohu bin sihme, ne njom bi mbeh yu xisu ne yu tuhni. ³⁹ Ne nu ra Jesús buya bi xih yu ja*'i* da mbeng yu ngu. Ne nu'bu mi mbeng yu ja*'i* buya da mbähmbu mahon'a a ra Jesús, da huhe ra mbosa mahon'a ngue ga sømhbe bu ra xequi Magdala.

16

Yu ngurpiyu judío bi 'yäh mi'dayu hmepya

¹ Ne nu'bu ma sømhbe bu, bi zøm bu'da ma ngurpihe ngue yu fariseo ne yu saduceo, in nde da zäp rá mbui a ra Jesús, bi 'yembi:

—Yurcahe n'da ra hmepya ngue ga pahmbe majuani Ojä bá pen'ni i, bi 'yen'u.

² —Pe nu'ehu, bi 'yen'a ra Jesús, guí nuhu xen theni yu güi 'bu xøn de ne guí ɛmhbu buya ngue din hyadi 'bu bi hyats'i. ³ Ne nu'bu guí nuhu ts'utho xen theni yu güi 'bu xudi, guí ɛmhbu din da'ye buya. ɛmme guidí yorpahu a guím bømhu. Hanja ngue guí pahmbe 'be'a nam bøn'u yu güi güi nuhu ne hin go guí pahmbe 'be'a nam bøn yu hmepya guí nuhu ya, bi 'yen'a ra Jesús. ⁴ Nu ahu guí 'buhmu ya, gue ahu gyu ts'om'bäihu, xcá 'uehmu bu rá 'yu Ojä, ne sä guí ähmu ra hmepya ya pe hin da tut'ahu ra hmepya. Pe hont'a ra hmepya da tut'ahu tengu bi 'yot'a ra Jonás maya'bu, bi 'yen'a ra Jesús bi 'yemp'u yu fariseo. Ne xø da mbäcähe a ra Jesús buya.

Ra Jesús bi xih yu xädi dijamansu nangue rá íxi yu fariseo

⁵ Ne nubuya da penje mahon'a 'danguadi ra dädehe a ra Jesús. Ne da pumbenihe a ra hme nzai mí sihe ngue min 'youi ra íxi. ⁶ Nu ra Jesús buya bi 'yengähe:

—Damim fähmbu nangue yu íxi yu fariseo ne yu saduceo, bi 'yena.

⁷ Ne da ɛnsehe:

—I man na ya ngue him bá haqra hme.

⁸ Ne nu ra Jesús bi baq 'be'a da bømhbe ne bi 'yenje:

—Hanja guí ɛmhbu: “Hin'yu ra hme ga sihu.” Pe ts'utho guí ɛc'yeihu. ⁹ Ha gá pumbenihi 'bu má 'ujngä goho muahuahi yen 'yohu ngue hont'i yoto yu hme ne yoho yu tuhuq, ne bi bong thoho yoto yu 'bots'e yu hme. ¹⁰ Ne'bu má 'ujn'i cat'a muahuahi yen 'yohu ngue hont'i cat'a yu hme mi ja, ne xan ngu yu 'bots'e bi yu 'bu mi bongui. ¹¹ Hanja hin gá pahmbe 'bu má xi ahu nangue yu íxi yu fariseo ne yu saduceo, pe hin nangue u yu hme da xi ahu, bi 'yengähe.

¹² Ja da pahmbe buya 'be'a nam bøn'a bi xixe ra Jesús. Dá pahmbe ngue gue'a yen xädi yu fariseo ne yu saduceo, ne hinga gue'a njuantho ra íxi bi ma.

Ra Pedro bi ma to'o a ra Jesús

¹³ Ne nubuya da mbähmbu ra Jesús bu ra xequi Cesarea, guepu min ts'utho abi ra Felipe. Ne bi 'yängahe dyu xädigähe ra Jesús:

—'Be'a im ben'u yu ja*'i* ngue to'ogä, ngue guecä dán ja*'igä* ua ja ra ximhäi, bi 'yena.

¹⁴ Dá thäthe buya:

—Nu'u 'da yu ja*'i* im beni gue'e gra Xuua Nxixiyä, ne nu'u 'da im beni ngue gue'e gra Elías mi 'buh maya'bu. Ne nu'u 'da im beni gue'e grá Jeremías ngue maya'bu xøn du, uague man'da rá pøngahyä Ojä, i ɛn'u, da ɛmfe buya.

¹⁵ Nu ra Jesús buya bi 'yängähe:

—Xi'ahu, 'be'a guím bømhu ngue to'ogä.

¹⁶ Ra Simón Pedro buya bi dati:

—Gue'e rá thahni i Ojä ngue ra Cristo, rá Ts'unt'u i Ojä i 'bui.

¹⁷ Ra Jesús bi 'yembi:

—Majäpi i gra Simón, rá ts'unt'u i ra Jonás, nguetho nu'a gá ma hinga n'da ra ja*'i* bi ben'ni i, pegue Ojä ma Ta bí 'buh mahets'i bi ben'ni i. ¹⁸ Pe ne'a dí xi i, nu'i gra Pedro, nu'a ni thuhu nam bøni gue ra do. Nguetho tengu 'bu da gue'e gra dongu guepu dí mbuh rán ngu Ojä, nangue'e ga du'mä ga pet'u da 'yec'yeigui. Ne hin'yu 'be'a da zä di jua u, xíng ran date, bi 'yen'a ra Jesús.

¹⁹ Ne ga 'da a n'da nin tɛdi ngue gui xih yu ja*'i* 'bep'u dí yut'a n'da bu di manda Ojä. Tengu'bu ga 'da a n'da ran sogui ngue gui

xocpu di manda rá ts'edi Oja. Ne nu'a gui 'yɛmbi hingui ho ua ja ra ximhäi, nepu mahɛts'i da t'ɛmbi hingui ho a. Ne ngutho a gui 'yɛmbi xan ho, nepu mahɛts'i da t'ɛmbi xan ho a, bi 'yɛn'a ra Jesus.

²⁰ Pe nubuya, nu ra Jesus bi hɛgähe hin ga mamhbe bu 'buh yu ja*'i* ngue guese a rá Thahni Oja, ngue ra Cristo.

Ra Jesus bi ma da tho ne da daqmbɛni

²¹ Ne nu'a ra pa a, bi du'mi bi xije jatho da mba bu Jerusalén di unba buma ngärpihe, ngue yu dac'yɛi ne yu mbäju ne yu xänbate niju. Ne bi xije da tho ne da daqmbɛni 'bu ná hyupa. ²² Ne nubuya bi zixpu ma'uenui a ra Pedro ne bi zai, bi 'yɛmbi:

—O guidí japi da bent'i i, damin yan*'i*, bi t'ɛmp'a ra Jesus, bi 'yɛn'a ra Pedro.

²³ Ne bi da'ra Jesus:

—Dami poni gra zithu. Ní mba, nguetho guí ɛngui hin ga øt'ä a bi zän Oja. Hin'yu nin 'yomfɛni tengu im ben Oja, pe hønt'a im ben yu ja*'i* guim beni, bi 'yɛn'a ra Jesus, bi t'ɛmp'a ra Pedro.

²⁴ Ne nubuya, bi 'yɛngähe:

—Pe to'o gätho in nde da dengui i jatho hin da ben'a rá pähä zehe ne da hyät yan unbu madague'bu da tho. ²⁵ Nguetho nu'a to'o di huɛczehe rá te, da mba ma unbu rá te bu ja ran date, pe nu'a to'o hingui su da thäcpa rá te nanguecä, da din'a ra te mazai a. ²⁶ Pe nu'bu n'da ra ja*'i*, madague da 'yøt'e rá mbeti 'bɛ'a gätho i ja ua ja ra ximhäi, pe nte ní mbatho bu him bi pøh rá te. Nguetho njo'o n'da ra ja*'i* da zä da guzehe rá te, bi 'yɛn'a ra Jesus. ²⁷ Nguetho nugä ngue dán ja*'igä* ua ja ra ximhäi, ne din jagä rá ts'edi ma Ta bu mahɛts'i 'bu bá pengä mahøn'a, ne gätho yám 'behni ban 'yohe 'bu bá ɛcä. Ne i ja 'bɛ'a ga undä nangue 'bɛ'a bi 'yøt'a n'da ngu n'da yu ja*'i*. ²⁸ Majuqni dí xi ahu, hinga gä gní tuhu 'bu bi du'mi di manda ma ts'edi ua, guecä dán ja*'igä* ua ja ra ximhäi, bi 'yɛngähe ra Jesus.

17

N'da ran t'u*ti* bi 'yøt' ra Jesus

¹ Ne nu'bu mi tho i 'dato pa nu ra Jesus bi zix ra Pedro ne ra Jacobo ne ra Xuua, rán 'yohu ra Jacobo, ne bi mbähä bu ja ra t'øho.

² Ne nu'bu mí zøm bu bim pä'a ra Jesus. Nu rá hmi bi hyät'i tengu'bu ra hyadi, ne nu rá he bi t'axqui tengu'bu ran nequi. ³ Ne nu'u ma mixädihe min 'yohu, bi nu bi zøm bu ra Elías ne ra Moisés, bin yaqhu ra Jesus.

⁴ Ne nu ra Pedro buya bi 'yɛmp'a ra Jesus:

—Gra Hmu, xan ho ngue dí 'buhmbe ua, ne ga høcähe hyu yu t'øngu. Nu n'da gam 'buse, nu n'da dim 'buh ra Moisés, ne nu'a man'da dim 'buh ra Elías, bi 'yɛn'a ra Pedro.

⁵ Pe nu'bu mí yaq ra Pedro, bi nequi n'da ra güi di fexni, ngue bi go'bu, ne bi 'yø'a n'da ra nde bin yaq bu ja ra güi: "Guehna ma Ts'unt'ugä na, ɛmme dídi huɛcä na ne dí numanho. Dami 'yøhmbu 'bɛ'a i xi ahu." Gue'a bi man'a ra nde bi 'yøpu.

⁶ Ne nu'bu mí 'yø a ra nde u ma mixädihe 'bex bin daqnyahmu bu häi ne bi nyetho nguetho bin su u. ⁷ Ne nu ra Jesus buya bi mba bu mí daqnyahmu u ne bi 'yɛmbi:

—Dami ndanju, o guín suhu.

⁸ Ne nu'bu mi ndøx'u buya njom bi nu, pe hønt'a ra Jesus mí 'bäpu.

⁹ Ne nu'bu mam bá ɛpu 'yu bu ja ra t'øho buya, bi 'yɛn'a ra Jesus:

—Nuya njon gui xihmbu 'bɛ'a gá nuhu bu, jague'bu dá thämbɛnigä bu 'bu u xøn du, nugä ngue dán ja*'igä* ua ja ra ximhäi, bi t'ɛmp'u.

¹⁰ Ne nu ma mixädihe buya bi 'yänni:

—Hanja i ɛn'u yu xänbate niju ngue m'bet'o thoho ba penc'a ra Elías, ne ja ba ɛ'a rá Thahni Oja ngue ra Cristo buya, bi 'yɛn'u.

¹¹ —Majuqni im ma ngue m'bet'o ba ɛh ra Elías di hoqui gätho. ¹² Pe dí xi ahu, ya bi zøh ra Elías ne njon bi bädi ngue gue'a. Pegue bi mba ma unbu ne bi mba ma ucpu, ne ngutho da t'ørcä ya, nugä ngue dán ja*'igä* ua ja ra ximhäi, bi 'yɛn'a ra Jesus.

¹³ Ja bi bä u ma mixädihe buya gue tengu'bu ra Elías a ra Xuua Nxixyq.

Nu ra Jesus bi hoc'a n'da ra sändæte

¹⁴ Ne nu'bu mi zøm bu 'buh yu ja*'i*, bi zøm bu n'da ran 'yohu bu mí 'bäh ra Jesus, ne bi 'yɛmbi:

¹⁵ —Gra Hmu, dami 'yørqui ts'u ran huɛcate a ma ts'unt'u, jant'a thoho i sändæte ne hønbu go i so 'bu xø 'yagui. Ja'bu i so bu ja ra sibi, ne ja'bu i so bu ja ra dehe, hønbu

go hapu 'yo 'bu xn zändate. ¹⁶ Ne bá sigä bu mi 'bu u ni xädi, pe him bi zä bi hyäcpa a ran u in 'youi, bi 'yen'a ran 'yohu.

¹⁷ Ne bi 'yen'a ra Jessús:

—Gya ts'om'bäihu, hin guí ec'yeihu Ojaq xn ho. Hangu yu pa ga top'a thoho ahu ngue gui 'yec'yeigahu, bi 'yen'a ra Jessús. Ba si ni ts'ant'u guim ma, bi t'emp'a ran 'yohu.

¹⁸ Nu'bu mi zopu buya, nu'a ra Jessús bi zu a ra zjithu min 'youi, ne bi xifi da boni. 'Bex bi yan'a ra ts'ant'u buya.

¹⁹ M'bejua buya bin yaqhu ma mixädihe a ra Jessús nubu dám 'bushe.

—Hanja him bi zä dá høngähe thi a ra zjithu min 'youi a ra ts'ant'u, bi 'yen'u.

²⁰ Bi da a ra Jessús ne bi 'yena:

—Him bi zä gá hyømhu thi ra zjithu, nguetho ts'utho guí ec'yeihu. Man'da zi ts'utho ni t'ec'yeihu xinda gue n'da rá hmudä ra c'u ngue emme zicue. Ne nu'bu da zoni gui 'yec'yeihu tengu n'da rá hmudä ra c'u, da zä gui xihmbu n'da ra t'øho: "Dami 'uegue gui than nu n'danni," gui 'yemfu, ne da 'uegue. Hin te gui hyemfu 'bu majuani gui 'yec'yeihu. Gätho xn hei i sägui 'yøthu, bi 'yenje. ²¹ Pe nu'u 'da'u yu zjithu tengu min 'youi a ra ts'ant'u, xn hei da hyøn a thi u, pe hønt'u emme haq rá mbui din yaui Ojaq ne da 'yet' ran ts'ihme n'da, da zä da hyøn a thi u, bi 'yengähe ra Jessús.

Ra Jessús bi ma to'o xtán høts'i bu dán nu Ojaq

²²⁻²³ Ne nu'bu mán 'yohe bu ra häi Galilea, bi 'yenje mahon'a a ra Jessús:

—Nugä ngue dán ja'igä ua ja ra ximhäi, dan dägä bu 'bu hu yu ja'i ngue da thogä. Pe ga thämbeni 'bu ná hyu pa, bi 'yen'a ra Jessús. Ne emme bi du ma mbuigähe buya.

N'da ran t'änni to'o i jut ra mbeti nangue ra nijaq

²⁴ Ne nu'bu má sømhbe bu ra hnini Caper-naum a ra Jessús, bi t'emp'a ra Pedro:

—Xi ni xänbatehu, ha hingui jut'a ra mbeti dí haqähe nangue ra nijaq, bi t'embi.

²⁵ Bi da a ra Pedro buya:

—Haqä i jut'i, bi 'yemp'u.

Ne nubuya nu'bu mi yørpu ja ra ngu xin säya a ra Jessús, 'bex bi t'än'na ra Pedro:

—'Be'a guim beni gra Simón, ha ne'u yá tuhni yu ts'ut'abi i jut'a ra mbeti ua ja ma häihu, uague hønt'u yu ja'i thoho, bi 'yen'a ra Jessús.

²⁶ Bi da a ra Pedro:

—Nu'u yu ja'i thoho.

—Janangue'a hin mán zähma'be ga jut'ä 'bu hingui jut'u yá tuhni yu ts'ut'abi, bi 'yen'a ra Jessús.

²⁷ —Pe ni mba bu ja ra dädehe, gui hyu'ts'a n'da ra huq, ne gui xemba rá nde. Gui tjm bu n'da ra mbeti, ngue'a xot'a ga jut'ui a ra cota a ra nijaq, n'dahma hin da beman'u u i haq ra mbeti, bi 'yen'a ra Jessús.

18

Ra Jessús bi ma to'o xtán høts'i bu dán nu Ojaq

¹ Ne xø dá änhde a ra Jessús:

—Xiya, to'o man'da xn høts'i rán t'edi bu na hnu bu di manda rá ts'edi Ojaq, dá emfe.

² Nu ra Jessús buya bi zohna n'da ra t'uhni ne bi guts'i bi mbämp'u made, ³ ne bi 'yenje:

—Majuani dí xi ahu, nde'bu gui päh ni mbuihu gui cohmbu tengu'bu gyu t'uhnihu, nu'bu hin'na hin gui sägui cæthu bu di manda rá ts'edi Ojaq 'bu, bi 'yenje. ⁴ Ne nu'a to'o da gohi tengu'bu ra t'uhni ne da 'yøt'e ngue hin'yu rá ts'edi, gue'a xtán høts'i rán t'edi bu na hnu bu di manda rá ts'edi Ojaq.

⁵ Ne nu'a to'o da numanho n'da ra t'uhni nangue ma thuhugä, nam boni bi zingä buya, bi 'yengähe ra Jessús.

Yun t'u't'ate i ja ua

⁶ —Pe nu'bu 'bo' di japi da 'ue a n'da ra t'uhni ngue i ec'yeigui, xn utho ran anbi da nu. Man'da xn u xinda gue'bu da t'erpa ra dojeni rá 'uga ne da thørpu ja ra dädehe, bi 'yen'a ra Jessús.

⁷ —Nhuçcate ahu nangue yam 'bepate xn ngu da t'øt'ahu. Guehma gui nuhu u, pe í huçhi maha to'o di 'bep'ahu, bi 'yenna.

⁸ Pe nu'bu guí emhbu gue'a ni 'yehu o gue ni guahu di 'bep'ahu gui 'yøthu ra ts'oqui, pe xn ho 'bu gui hyeju gui 'yemhbu bu yatho. Nguetho man'da xn ho 'bu dan 'datho ni guahu o gue dan 'datho ni 'yehu 'bu gá mba bu ja ra te mazaqi, xinda gue'bu di yoho ni 'ye o gue di yoho ni gua ne gui mba bu ja

ra sibi njäm'bä da huët'i. ⁹ Nε ngutho 'bä guí ñmhba gue'a n'da ni dähä di 'bep'ahä gui 'yøthä ra ts'oqui, pe xän ho 'bä gui hyähmbä gui 'yemhbä bä yatho. Nguetho man'da xän ho 'bä dan 'datho ni dähä 'bä gui cäthä bä ja ra te mazäi xinda gue'bä di yoho ni dähä nε gui mba bä ja ra sibi njäm'bä da huët'i, bi 'yën'a ra Jesús.

Ran t'uti nangue ra dë'yo bim 'bëdi

¹⁰ —Dami jamansuhä a guí øtha. Hin gui 'yøthä tengu'bä nte di muui u zicue, nguetho dí xi ahä nu yám 'behni Oja di jamansu ä, nε zäi i 'bepä ja rá hmi ma Ta bä mahëtsi u yám 'behni. ¹¹ Nguetho nugä, ngue dán ja'igä ua ja ra ximhäi, bá ñcä ngue ga nyänta yá te u xom 'bëdi nangue ya ts'oqui, bi 'yën'a ra Jesús.

¹²⁻¹³ —'Bë'a guím bëmhba bi 'yøt'a n'da ran 'yohä ngue mí si n'da ciénto yá dë'yo. Nε bim 'bë a n'da. Ha him bi hyon'a bim 'bëdi. Pe bi zopä u goho 'däte ma 'dë'ma gäto bä mi sapaxi ä, bi mba bi hyon'a bim 'bëdi. Nε nu'bä mi dñi, man'da bin johya nangue'a, xinda gue'u mi'da ngue him bim 'bëdi. ¹⁴ In jabä ma Tahä bí 'bepä mahëts'i, in ndepe xinga n'da dim 'bëdi, madague'a hin te di muui bä na hnu, bi 'yën'a ra Jesús.

N'da ran hocpi nangue yä 'yëc'yëi

¹⁵ Nε man'da ram hma bi man ra Jesús, bi 'yëngähe:

—Nu'bä n'da ni cuhä bä ja ram pëti, 'bä hinga gue'a da 'yøt'e e, gui xi 'bä guí 'bäseui, janangue'a da bädi hingui ho a bi 'yøt'e e, bi 'yëngähe ra Jesús. Nε nu'bä bi 'yømanho a gui xifi, ya gá tåha gá hocpa rá mbui a ni cu. ¹⁶ Pe nu'bä hingui urpa ra güenda a gá xifi, gui six man'da o gue mí yoho ya cu din testigo nangue'a guí mammi. ¹⁷ Pe nu'bä guexta'a him bi 'yørpathoho ra güenda a guí mammi mahøn'a, gui mam bä ja ram pëti bäya. Nε nu'bä him bi 'yørpa ra güenda a 'bë'a gá xihmbä bä, pëgue gui 'yøthä tengu'bä hin ni cuhä a bäya, bi 'yëngähe ra Jesús.

¹⁸ —Majuani dí xi ahä, nu 'bë'a guí ñmhba hingui ho ua ja ra ximhäi, nëpä mahëts'i i t'ëmbi hingui ho a. Nε ngutho a guí ñmfä xän ho, nëpä mahëts'i i t'ëmbi xän ho a, bi 'yëngähe ra Jesús.

¹⁹ —Nε nu'bä guí yohmi 'bä n'dat'a guím bëmmi 'bä ja a guí ähui ma Tahä 'bepä mahëts'i, nu'a di 'da aui a gá 'yähi.

²⁰ Nguetho nu'bä dim pëti nangue ma thuhugä 'da, madague'bä yoho o gue hyu, pëgue dí 'bä i nde bä, bi 'yën'a ra Jesús.

²¹ Nε bi 'yän'a ra Pedro:

—Gra Hmu, xi'bä ja 'bë'a da 'yørca n'da ra ja'i, hangu ya nidi ga punbi. Ha xøt'a yoto nidi, bi 'yën'a ra Pedro.

²² Bi dä a ra Jesús:

—Hinga hønt'i yoto nidi, pe nde'bä thocpa tho gui punbahä, bi 'yën'a ra Jesús.

N'da ran t'uti a him bi punba rá mimbeifiui

²³ —Janangue'a dí xi ahä, nu'a nán ts'ut'abi Oja, i øt'e tengu bi 'yøt'a n'da ra ts'ut'abi 'bä mi 'yørpa ra güenda hangu in dupate yám fäts'ihä. ²⁴ Nε nu'bä mi nu rá sœcuä, 'bexgue bi manda ba ts'i a n'da ngue min dupate yä millone thoho. ²⁵ Pe nu'a ra ja'i, hin'ya 'bë'a mi ja ngue xtán zä xtán gut'a min dupate. Nε nu ra ts'ut'abi bäya, mi nde xtá mbä a, nε yä t'uhni, nε rá xisu mí 'bepä ja rá ngu, nε 'bë'a gä mi pe'ts'i, ngue da gut'a ndupate. ²⁶ Nε nu'a ran 'yohä bäya bin dänyahmu nε nts'ëdi bi 'yäp ra mate a rá hmu: “Gra hmu, tøcpí ts'ä, jante tho ga jut'i i.” ²⁷ Nu rá hmu bäya bi huëc'a, nε bi punba a rán dupate nε bi thøh pëya. ²⁸ Pe nu'bä mi nexpä, bin c'at'ui n'da rá mimbeifiui xí hmit'i ts'ä ra mbeti. Nu'a xí mba ma thøgue bäya, 'bexgue bim bent'äte, bi bëndba rá 'yøga a bin c'at'ui, nε bi 'yëmbi: “Curca a ma mbeti guí tuc ya,” bi 'yëmbi. ²⁹ Nε nu'a rá mimbeifiui bäya bin dänyahmu nε nts'ëdi bi 'yäp rá mate, bi 'yëmbi: “Tøcpí ts'ä, jante tho ga jut'i i,” bi 'yëmbi. ³⁰ Pe nu'a xí mba ma punbi him bi dø'mi, bi got'a fädi, ñmbi din ofädi jague'bä da gut'a in dupate. ³¹ Nε nu yä mimbeifiui bäya ñmme bi bëndumbäi 'bë'a bi 'yøt'a xí mba ma punbi, nε bi mba bi xi a rá hmu 'bë'a bi 'yøt'a. ³² Nu yä hmu bäya bi manda bá ts'i a ran 'yohä mahøn'a nε bi 'yëmbi: “Gra ts'om'bäi, nugä dá pun'ni i 'bä gmí 'yäc ra mate, madague'a xän ngu guí tuqui. ³³ Nde'bä nε'e xquí huëc'a ni mimbeifiui,” bi 'yën'a rá hmu. ³⁴ Ñmme bin cué a rá hmu, bi manda da jot'i gue'bä go

bi gut'a gätho yu millone min dupatese, bi 'yęn'a ra Jesús, 'bu mi man a ran t'uti.

³⁵ Din jabu da 'yøt'ahu ma Tahu 'buhu mahęts'i 'bu hin gui punbahu ni miję'ihiu ngue gätho ni mbuihu, bi 'yęngähe ra Jesús.

19

Man'da ram hma nangue ran hyęgui

¹ Ne nu'buh mi gua'a man ra Jesús, bi bøm bu Galilea, bi hyax ra 'yu ni mba bu ra xęqui Judea, 'danguadi ra dąthe Jordán. ² Ne xən ngu yu ja'i bi dənthoho ne bi hoqui xən ngu yu hyęnni.

³ Ne nubuya, bi zøm bu'da ma ngürpihe ngue yu fariseo, bu mi 'bäh ra Jesús. Míhonı 'be'a dí yapi, ne bi 'yęmbi:

—Ha sā da hyęh rá xisu n'da 'bu madí ts'utho 'be'a da 'yøt'e, bi 'yęn'uh.

⁴ Nu ra Jesús bi dąti:

—Ha hin gá nuh bu ja rám hman Oja, ngue'bu rá mbüdi thoho ra ximhäi bi zän Oja n'da ran 'yohu ne n'da rá xisu. ⁵ Ne i mam bu: "Nu n'da ran 'yohu him man da dən'na rá ta o rá mbe 'bu dim 'bühmi rá xisu, pe dim 'bühmi da gohi tengu'bu n'dan ja'itho," i ęm bu ja rám hma Oja.

⁶ Janangue'a nu'buh n'da ran 'yohu i 'bühmi rá xisu, pe hingui yonja'i bu na hnu, n'datho. Ne nu'a bi zän Oja, dim 'bu tengu'bu n'dan ja'itho, pe hin njon da bęni din hyęgui, bi 'yęn'a ra Jesús, bi t'ęmp'uh yu fariseo.

⁷ —Hanja gní 'yęnje, ne nu ra Moisés bi ma da t'øt'a n'da rá sōcuq ran xuni 'bu da hyęh rá xisu n'da ran 'yohu, bi 'yęn'uh yu fariseo.

⁸ Xø bi 'yęn'a ra Jesús buya:

—Gue'a bi 'yo't'a ra Moisés, nguetho ęmme xäm me ni mbuihu. Pe nu'buh rá mbüdi ra ximhäi him míñ jabu. ⁹ Ne dí xi ahu, nu'buh n'da ran 'yohu bi hyęh rá xisu ne him mi 'yomt'ęni a rá xisu, pe nu'buh bin thät'ui man'da ra xisu a ran 'yohu, ya i 'yomt'ęni a buya. Ne ngutho 'bu n'da ran 'yohu din thät'ui n'da ra xisu bi thegui, ne a ra 'yomt'ęni a buya, bi 'yęn'a ra Jesús.

¹⁰ Ne nubuya, dá ęmbähe ra Jesús:

—Nu'buh hingui sā da hyęh rá xisu n'da, man'da xən ho 'bu hin din thät'a n'da 'bu.

¹¹ Ra Jesús bi 'yęna:

—Pe hinga gätho da zä din jabu, pe hønt'uh bi zän Oja din jabu. ¹² Nguetho i 'bu i 'da ngue him bim 'buh rá xisu nguetho yu mbüdi gue'bu go mim 'bu. Ne nu'u mi'da yu 'yohu him bim 'buh yu xisu nguetho bi mbocpa u yu hmu. Ne nu'u mi'da, yu pähä zehé him bim 'buh rá xisu nguetho gue'a í ts'anni ngue hin dim 'buh rá xisu, ngue nte di hęni nangue rá 'befi Oja mahęts'i da 'yøt'e. Nu'a to'o da bęn'na ram hma na, gue'a da ba a, bi 'yęn'a ra Jesús.

Ra Jesús bi 'yäp rán jąpi Oja nangue'uh yu t'uhni

¹³ Ne nubuya bá ts'inba 'da yu t'uhni bu mi 'buh ra Jesús, ngue'a mi hndepa da dospa yu yu t'uhni, ne da 'yäp rán jąpi Oja nangue u yu t'uhni. Nugähe buya, dá hecpähe u yu t'uhni ngue hin da thopu 'bä a ra Jesús.

¹⁴ Pe nu ra Jesús bi 'yęnje:

—O guí hecpahu yu t'uhni ngue him ba thocua, pe dami jafu ba thocua, nguetho nu'u to'o di manda rá ts'edi Oja, tengu'bu yu t'uhni u, bi 'yęna.

¹⁵ Ne bi dospa yu yu t'uhni buya ne bi 'yäp rá mfäts'i Oja. Ne nu'buh mi jua a bi 'yøt'a ra Jesús, dá pøngähe bu buya.

N'da ra membeti bi nyqui ra Jesús

¹⁶ Ne man'da ra ts'unt'uh bi mba bu 'bä a ra Jesús ne bi 'yęna:

—Hoga xänbate i, 'be'a nin ho da zä ga øt'ä ngue ga tıngä ra te, bi 'yęna.

¹⁷ Ra Jesús bi 'yęmp'a:

—Ha guim bęni 'be'a guí ma ngue guí ęngui xən hogui, nguetho hønt'a xən ho a Oja. Pe nu'buh guín nde gui tıñ ra te, dami ja'ts'uh yu t'ędi.

¹⁸ —Nda'a nín t'ędi, bi 'yęn'a ra ts'unt'uh.

¹⁹ Bi dą'a ra Jesús:

—O guí hacpa rá te ni miję'iui, o guí 'yomt'ęni, ne o guim pe, ne o guí man yu fehni, ne gui numansu ni ta ne ni mbe, ne gui huęc ni miję'iui tengu'bu da guesę i, bi 'yęn'a ra Jesús.

²⁰ —Gätho u xtá ja'ts'i gue'bu go mán t'uhni, 'be'a man'da di 'bedi ga øt'e, bi 'yęn'a ra ts'unt'uh.

²¹ Nu ra Jesús bi 'yęmp'a:

—Nu'buh guí nde gui tıñ ra te, ní mba bá pää 'be'a gätho i ja i, ne gui darpa yu hyoya a rá muui 'be'a gätho gá pää, ne din ja'a man'da

di muui bu mahets'i buya, ne nubuya ba xegui tengui.

²² Pe nu ra ts'ut'u 'bu mí 'yo a bi xifi, emme bi du rá mbui, nguetho emme xenngu 'be'a gä mi ja, ne bi mbeng thoho buya.

²³ Ne nu a ra Jesus buya:

—Majuuni dí xi ahu, bi 'yenna, xen hei da yurpu di manda rá ts'edi Oja n'da ra membeti. ²⁴ Dami 'yohmbu mahon'a. Man'da hingui hei da yut'a ra camello bu ja rá gu ra 'yofani, xinda gue'a n'da ra membeti da yurpu di manda rá ts'edi Oja, bi 'yenje.

²⁵ Ne dá hyonya thohohe 'bu má Øhmbe bi ma ra Jesus. "To'o maha da zä din yan*ni*," dán 'yem zehhe buya.

²⁶ Bi hyercähe ra Jesus ne bi 'yenje:

—Hin da zä da 'yozeh*e* yu ja*i*, pe nu'a Oja hingui hemp'a da 'yorpa u yu ja*i*.

²⁷ Nu ra Pedro buya bi 'yemp'a ra Jesus:

—Gra Hmu, nugähe dá socähe gätho 'be'a mí pets'ähe ne dá ten'nahe, 'be'a maha ga tümhbe ya.

²⁸ Ra Jesus buya bi 'yenje:

—Majuuni dí xi ahu, 'bu bin ja ma'da'yo mahets'i ne ma'da'yo ra ximhäi, din ja ma ts'edi mixte, ga hupu ja ma mexa ga ø't' ran ts'ut'abi, nugä ngue dán ja*igä* ua ja ra ximhäi. Ne ahu guí 'de'mayoho ahu, 'darbu ga huhmbu, ga comhbu ma ts'edigä, ne'ahu ga juanbahu ma mi israelhu dyu judíou, bi 'yengähe ra Jesus.

²⁹ Ne man'da bi man ra Jesus, bi 'yenna:

—Nu'a to'o bi zoh rá ngu, o gue rán 'yohu o gue rán ju, o gue rá ta o gue rá mbe, o gue rá xisu o gue yu tuhni bi zogui ngue bi dengui, o gue rá huuhi, da däha man'da xenngu xinda guet'a n'da ciento nidi, ne a ra te mazai da hyuni, bi 'yengähe ra Jesus. ³⁰ Pe que nu'u im beni i 'bet'o dim 'bejua u. Pe nu'u tembbi i 'bejua, dim 'bet'o u, bi 'yengähe ra Jesus.

20

N'da ran t'uti bi 'yot'a n'da ra me'befi

¹ Ne man'da ran t'uti bi man ra Jesus, bi 'yenna:

—Nu'bu bi 'yot' ran ts'ut'abi Oja, din ja tengui bi 'yot'a n'da ran 'yohu mí ja ra dähuuhi. Midi 'yonba yu mbefi 'bu xudi

thoho. ² Ne 'bex bi xifi hangu da gu't'i, ne bi mba bu ja rá huuhi u buya. ³ Nu'bu mbeguto xudi, xo i 'yo bu hnini a ra me'befi mahon'a, ne bi nu 'da yun 'yohu mi 'yotho bu ne bi mben bu ja rá huuhi. ⁴ "Ní mbähä, gam pehmbu, ga jut'ahu hangu dí nde ahu gui tähmbu," bi 'yembi. Ne bi mba u buya. ⁵ Ne nu'bu mi hyuxyadi, xo 'yo bu ja ra hnini mahon'a ra me'befi ne bi mbenh mi'da bu rá huuhi. Ne'bu mi zon'a hyu nde, xo bi mbenh mi'da. ⁶ Ne'bu mi zon a cet'a nde, xo 'yo bu mahon'a ne bi nu bu mi'da yu ja*i*: "Hanja ngue xcán dethohu," bi 'yembi.

⁷ "Nguetho njon bi xije ra 'befi," bi 'yen'u. Ne bi 'yemp'u: "Ní mbähä bu ja ma 'befigä gam pehmbu bu, ga jut'ahu hangu dín ndegä ga jut'ahu," bi 'yembi. ⁸ Nu'bu min de buya nu ra me'befi bi xi a rá ngurpa mbefi: "Dami zon'du yu mbefi, m'bet'o gui jut' u m'bejua bi zoni," bi 'yemp'a. ⁹ Ne nu'bu mi mba nju't'i u xi zonm bu ja ra huuhi 'bu cet'a nde, bin ju't'i tengu'bu gä ra pa xtüm pefi. ¹⁰ Ne nu'bu min ju't'u bi mbenmxudi ra 'befi, bi beni ngue man'da xtán däha xen ho xinda gue'u n'da ora tho bim pefi. Pe que 'da'angu bi däha. ¹¹ Janangue'a bin cue u 'da ¹² ne bi 'yemp'a ra me'befi: "Hanja ngue 'da angu gá jurcahe u m'bejua bi zohø, ne ts'ut'ho bim pefi u. Pe nugähe, gätho ra pa dám pehmbe, madague'a xam pa ra hyadi," bi 'yembi. ¹³ Pe bi däti, bi 'yemp'a n'da mí 'bäpu: "Xi'e n'yo, nte man ts'o dá øt'e e. Ha hinga gue'a dá xi i dá jut'i i. ¹⁴ Dami hyuna nin zäbi, ní mba. Nugä, i ja ma pähä 'da angu ga jut'ahu u rán zegui bi zohø. ¹⁵ Ha hin'yu man tëdi ga øt'ä a dín nde ga øt'ä nangue ma mbeti, uague guí seya nguetho dá ørpa ran hocujä i n'da," bi 'yen'a ra me'befi buya, bi 'yen'a ra Jesus 'bu mi man a ran t'uti. ¹⁶ Ne ngubu din ja 'bu bin ts'ut'abi Oja. Nu'u m'bejua dim 'bet'o u, ne nu'u 'bet'o dim 'bejua u. Xenngu bi zonhd Oja, pe hinga gätho bi huahni, bi 'yengähe ra Jesus.

Xo bi ma mahon'a ngue da du ne da dämbeni ra Jesus

¹⁷ Ne nu'bu mi ts'ut'ho ga somhbe bu Jerusalén, dí 'yohe bu ja ra nguani. Ne bi gügähe bu ma'uenu ts'u a ra Jesus, dí 'de'mayohohe, ne bi 'yenje:

¹⁸ —Nuya ga mbähä bø Jerusalén. Nu'bø dá sømhbu bø, da mba ma dägä bø 'buh yø hmumbäjä ne yø xänbate nijä, ngue da hyogä, guecä dán ja'igä ua ja ra ximhäi.

¹⁹ Ne di dägä bø 'bø u him ma mijudíohu, ne din thengui ne da thexcä ne di cuarcä bø ja ra za, ga tu bø, ne da t'ägui. Pe nu'bø ná hyupa ga thämbëñigä, bi 'yøngähe ra Jesús.

Rá mbe ra Jacobo ne ra Xuua bi 'yäp rá mate ra Jesús nangue yø ts'unt'u

²⁰ Ne nu'a rá mbe ra Jacobo ne ra Xuua, ngue yø ts'unt'u ra Zebedeo u, bin dänyahmu bø ja a rá gua ra Jesús, in nde 'be'a da 'yäpi.

²¹ Ne nu ra Jesús bi 'yømbi:

—'Be'a guí nde ga øt'e e, bi 'yømbi.

—Dami 'yørca ra mate ngue nu'bø gui 'yøt' ran ts'ut'abi, 'da xtí hyut'u ma t'uhni, bi 'yøn'a ra xisu.

²² Bi dä a ra Jesús:

—Pe hin guí pødi 'be'a nam bøn'a gá 'yäqui. Ne bi 'yän'na ra Jacobo ne ra Xuua:

—Ha guí ñna ne'auí gui hyät'ui gui nuui ran unbi tengu gan nugä, bi 'yøn'a ra Jesús.

Ne bi dä u bøya:

—Høha, ga hät'be.

²³ —Majuäni maha, ne'auí gui nuui ran unbi tengu gan nugä, pe hingui sã ga 'da'a ran t'ëdi guí ähmi. Pe gue'a ma Ta di un rán t'ëdi to'o in ndepe 'da xtí hyutho 'bø dán ts'ut'abigä, bi 'yøn'a ra Jesús.

²⁴ Ne nugähe dí 'døt'agähe bøya dán cue 'bø má øhmbe a 'be'a bi man u yoho. ²⁵ Ne gä bi zongahe ra Jesús dí 'de'mayohohe, ne bi 'yønje:

—Nu'u yø ts'ut'abi ua ja ra ximhäi i øt' yø 'yøhø to'o gätho di manda, ne tengu'bø maguesø yø ts'ëdi u. ²⁶ Pe nu'ahu hinga gue'a gui 'yøthu a. Pe gue gan 'yøhø thohu nangue u mi'da 'bø guí nde din ja ni ts'ëdihu. ²⁷⁻²⁸ Ne nu'ahu 'bø guín nde gam 'bet'ohu, gui 'yøthu ngue hin'yø ni ts'ëdihu ne gan 'yøhø thohohu, tengu thohogä ngue dán ja'igä ua ja ra ximhäi, him bá ñcä dam hmugä, pe bá ñcä dan 'yøhøgä ne ga dä ma te gan yanba yø te yø ja'i, bi 'yønje ra Jesús.

Yoho yø xädä bi hoc'a ra Jesús

²⁹ Ne nu'bø xø má nexhe bø ra hnini Jericó, xøngu yø ja'i bi dënþho na ra Jesús. ³⁰ Ne mí hupu yoho yø xädä bø ja ra

nden'yu. Nu'bø mí 'yøde mba bø ra Jesús, bi mbafi:

—Grá Hmu, rám bom'bøto i ra David, dami huëgä'be, bi 'yøn'u yø xädä.

³¹ Ne nu yø ja'i min 'yohu ra Jesús bi hecpa u yø xädä. Pe man'da bi mba u, bi 'yøm mahøn'a:

—Grá Hmu, rám bom'bøto i ra David, dami huëgä'be, bi 'yøn'u.

³² Nu ra Jesús bøya 'bø mí 'yø a man u yø xädä, bi 'yänni:

—'Be'a guín nde ga øt'auí, bi 'yømp'u.

³³ Nu'u bi däti:

—Grá Hmu, xoga ma dä'be, bi 'yøn'u.

³⁴ Èmmø bi huëc'a ra Jesús u, bi därpa thoho yø dä, 'bex bi xoh yø dä ne bi dën'na ra Jesús bøya.

21

Yø ja'i bi 'yøspa a ra Jesús 'bø mí yørpø Jerusalén

¹ Ne bi zøm bø ja ra ndehnini Betfagé, nubu ja ra nyuni Olivos, ne him ma yabu ra hnini Jerusalén. Nu ra Jesús bøya bi mbøn'ndu yoho ma mixädihe, ² ne bi 'yømbi:

—Ní mbe nu ja ra t'uhnini, guehnø gua tñmni n'da ra buru in 'youi rá başi. Bá xocui, ne bá siui ua u. ³ Nu'bø da t'ën'auí 'be'a gui jahui, “Nu'a ra hmu da hyon'i ts'u ne 'bexgue ba sin'a thoho'be,” gui 'yøm thohoui, bi 'yøn'a ra Jesús.

⁴ Ne guehna bi man ra pøngahyø maya'bø ngue din ja 'bø mi 'yøna:

⁵ Gui 'yømfø yø mengu bø Jerusalén:

“Dami nuhø ya ba ñcua ni hmuts'ut'abihu, ne hin din 'yøts'i, ba hyux'a n'da zi buru thoho

bán 'youi rá başi,” gui 'yømfø, bi 'yøn'a ra pøngahyø maya'bø.

⁶ Nu ma mixädihe bøya bi mba ne bi 'yøt'a bi xih ra Jesús. ⁷ Ne bá si ra buru ne'a rá başi, ne bi gøspa yø coto ne bi hyux'a ra Jesús bøya.

⁸ Ne nu yø ja'i èmmø xøngu u bi dënni ne bi mbøh yø coto bø ja ra 'yu ne yø pahni, ne yø paxi yø za bi mbøcpa bø ngue da thopu ra Jesús. Ne bi 'yøt'inde ra Jesús.

⁹ Ne nu'u i 'bet'o ne'u bim 'bejua bi mbøh na thuhu bøya, bi 'yøna:

—Mixte thoho rá ts'ëdi rám bom'bøto ra David. Ne xøngu rán jápi in 'youi, nguetho

bá Ɂhε nangue rá thuhu Ojä, ra Hmu. Mixte thoho Ojä mahëts'i, bi 'yëñ'ü yü ja'i bü ní mba.

¹⁰ Ne nu'bü bi yërpü Jerusalén ra Jesús, gätho mi 'büpü ja ra hnini bi hyonya thoho, ne bi 'yän'ndü míñ 'yohü ra Jesús:

—To'o nín 'yohü na, bi 'yëñ'ü.

¹¹ —Guehna ra pøngahya, ra Jesús, ra mengu Nazaret bü ra häi Galilea, bi 'yëñ'ü bi t'änni.

Bi hyøn a thi ü mim pä bü ja ra nijä ra Jesús

¹² Ne nu'bü mi zøm bü Jerusalén a ra Jesús bi yërpü ja rá däniјä Ojä, bi hyøn a thi gätho ü míñ pä bü ne'ü míñ täi bü. Ne bi ndønpa yü mexa ü midí päh yü mbeti, ne bi buntpa yán thuts'i ü mi pä yü ts'äha, ne bi 'yëmp'ü:

¹³ “I thø a ma ngu ngue da mba nthandegä bü,” i ñ Ojä, i ñm bü ja rám hma. Pe nu'ahü gá 'yørpadahü tengu'bü ra hyädo guepü nín 'yäñ'ü yü bë, bi 'yëñ'a ra Jesús.

¹⁴ Ne nu'bü mí 'büpü ja ra däniјä, xø bi zøm bü mi'da yü xädä, ne'ü mi dogua. Nu ra Jesús bi hoc'ü büya. ¹⁵ Pe nu yü hmumbäjä ne yü xänbate nijä him bi numanho yán t'ot'e bi 'yøt'a ra Jesús bü. Ne bin cue 'bü mí 'yø a bi man'ü yü t'uhni 'bü mí 'yëna: “Majäpi rám bom'bëto ra David,” bi t'ëmp'a ra Jesús:

¹⁶ —Ha hin guí ø'a 'bë'a man yü t'uhni ngue i ñ't's'i i, bi t'ëmp'a ra Jesús.

—Dí ñcä a i man'ü, bi 'yëñ'a. Pe xi ahü ha hin guím bëmhü a i mam bü ja rám hma Ojä ngue i ñna:

Gá japi bi bømanho a i man
ü yü t'uhni 'bü i ñ't's'i i,
bi t'ëmp'a Ojä 'bü mi t'ëmbi, bi 'yëñ'a ra Jesús.

¹⁷ Ne bi zotpü ü yü hmumbäjä ne yü xänbate, dá mbäcähe a ra Jesús, bán oxähe bü ja ra hnini Betania.

Ra Jesús bijapi da 'yot'a n'da ra za

¹⁸ Ne nu'bü mí hyax büya, xø dá pengähe a ra Jesús bü Jerusalén. Ne bin tumanthuhu bü 'yu. ¹⁹ Ne bi nu n'da ra za bü ja ra nden'yu, bi mba ñna da dacpa n'da rán dät'ä. Pe hønt'ü yü paxi mi ja. Ne bi 'yëñ'a ra Jesús:

—Nuya, njäm'bü din zäh nin dät'ä ya.

Ne 'bexgue bi 'yot'a ra za büya.

²⁰ Nu'bü mán nuhe bi 'yot'a ra za, dá hyonya thohohe ne dá änhde ra Jesús:

—Hanja í 'yot'a n'dihí ra za, dá ñmfe.

²¹ Bi dä'a ra Jesús:

—Majuäni dí xi ahü, nu'bü gui 'yëc'yëigahü xäñ ho, ne n'dat'a guim bëmhü a rá ts'edi Ojä, hinga hønt'a dá ñt'ä sä gui 'yøthü, pe sä gui 'yøthü man'da xäñ hëi. Sä gui xihmbü nü ra t'øhø: “Dami 'uegue guin hyøzehé bü ja ra dejä,” gui 'yëmfü, ne da 'ueh püya. ²² Ne nu Ojä di 'da ahü 'bë'a gä guí äfü 'bü n'dat'a guím bëmhü a rá ts'edi Ojä, bi 'yëngähe ra Jesús.

Bi t'än'na ra Jesús to'o bi un rán t'ëdi

²³ Ne nu'bü má sømhbe bü Jerusalén, xø bin xänbate bü ja ra däniјä a ra Jesús. Ne xø bi mba bü yü hmumbäjä ne mi'da ma ngürpihe, ne bi 'yän mahøn'a:

—Hanja gní 'yøt'a njabü. To'o bi 'da'a nin t'ëdi, bi 'yëñ'ü.

²⁴⁻²⁵ Bi 'yëñ'a ra Jesús büya:

—Ñecä ga än'nahü to'o bi un rán t'ëdi ra Xuua ngue bi 'yøt' ran xixyä. Hague Ojä uague yü ja'i. Nu'bü gui xijü, ñecä ga xi ahü to'o bi 'dacä man t'ëdi büya, bi 'yëñ'a ra Jesús.

Ne bin 'yëmzehé ü yü hmumbäjä ne yü xänbate nijä:

—“Bë'a gue ga xihmbü, nguetho nu'bü ga ñmfü, “Ojä bi un rán t'ëdi a ra Xuua,” ne da 'yëna: “Hanja hin gá 'yëc'yëihü thä.” ²⁶ Ne nu'bü ga ñmfü, “yü ja'i thoho bi un rán t'ëdi ra Xuua,” pe da zäjü yü ja'i 'bü, nguetho im bëñ ü ngue rá pøngahya Ojä a ra Xuua, bin 'yëmzehé ü.

²⁷ Janangue'a bi 'yëmp'a ra Jesús:

—Hin dí pähmbe, bi 'yëntho ü.

Nu ra Jesús büya bi 'yëna:

—Xínga guecä ga xi ahü to'o bi 'dacä man t'ëdi ga ñt'ä a dí ñt'ä, bi t'ëmp'ü.

Ran t'uti a yoho yü ts'ünt'ü bi sih ra 'bëfi

²⁸ Ne man'da bi man ra Jesús, bi 'yëna:

—Nu n'da ran 'yohü mí 'bü i yoho yü ts'ünt'ü. Ne bi 'yëmp'a n'da rá ts'ünt'ü: “Ní mba bü huähi, bám pëfi,” bi 'yëmbi. ²⁹ Ne bi dä'a rá ts'ünt'ü: “Hin'na, hin ga mba,” bi 'yëntho. Pe m'bëjua bin 'yomfëni ts'ü ne bi mba bim pëfi. ³⁰ Ne'a man'da rá ts'ünt'ü bi xifi da mba mahøn'a. “Häha, ga mba,” bi

'yęna. Pe him bi mba, bi 'yęn'a ra Jesús. ³¹ Ne xø bi 'yän'ndu yu xänbate nijä:

—Nuya, dami xiqui nangue ran t'uti dá xi ahü, nda'a ní ts'unt'ü ngue njuqantho bi 'yöt'a rá pähä rá ta, bi 'yęn'a ra Jesús.

Ne'ü bi däti:

—Masque nu'a ra ts'unt'ü him mi nde da mba 'bü ra mbädi, gue'a njuqantho bi 'yöt'a rá pähä rá ta, bi 'yęn'ü.

Ne nubuya bi 'yęn'a ra Jesús:

—Guehma majuqani dí xi ahü, nu yu ziyate hyäcahääi ne yu xisu 'yomt'ëni, man'da da yärpü di manda rá ts'edi Oja, pe nu ahü hin gui cathü bü. ³² Nguetho nu'bü mi xi'ahü a ra Xuua Nxixya, bi xän'nahü a ra 'yu xän ho, ne nu ahü hin gá 'yęc'yehü. Pe nu yu hyäcahääi ne yu xisu i 'yomt'ëni, man'da go bi 'yęc'yei ü ne bi päh yu mbü. Ne nu'bü gmí nuhü ü, ne guexta'a hin gá nde gá päh ni mbüihü, bi t'ëmp'ü yu hmumbäjä ne yu xänbate nijä.

Rán t'uti yu ts'om'bäi mbefi

³³ Ne bi 'yęm mahön'a ra Jesús:

—'Yohmbü ts'ü man'da ran t'uti ga xi ahü. Mí 'bü a n'da ran 'yohü mi ja rán uändät'ä, ne bi föt'e, ne bi hyö a n'da ra ngu guepu da themp' yu guindät'ä. Ne bi mbä'ma n'da ra jädo xän hęts'i, da ndex'ü da nu rá häi.

Ne nubuya bi hmit yu häi ü 'da yu mbefi, ne bi nde bi mba n'danni a ran 'yohü buya.

³⁴ Ne nu'bü mi ts'ütho din ja yän dät'ä, bá pehn'i 'da yu 'yehü da duspa ü yän dät'ä, nguetho gue'a án yähu a, ngue di un'ni ts'ü 'bë'a da bøm bü. ³⁵ Pe nu'ü yu mbefi bi bent'ü yäm 'behni a ra hmu. Nu'a n'da bi mbemthoho. Nu'a man'da bi hyotho. Ne nu'a man'da, bi hyøta dotho a. ³⁶ Ne xø mahön'a, bá pehn mi'da xän ngu yu 'yehü ngue xtan duspa yän dät'ä a rá mbeti ran uändät'ä. Pe nu'ü yu mbefi xø bi bent mahön'a 'bü mi zöpu ü, ne 'da'angu bi t'ørpe tengu bi t'ørpa ü mbüdi bi zöpu.

³⁷ Ne nubuya bá pen'na rá ts'unt'ü zehü a rá mbeti ra huähi. Bi bëni: "Masque da numansu na ma ts'unt'ü." ³⁸ Pe nu'bü mí nu ba ępu rá ts'unt'ü, nu yu mbefi xø bi bën'ü: "Nuna, rá ts'unt'ü zehü, da gohmi ra häi na 'bü bi du rá ta. Pe mbähä ga hohü, janangue ga cosehü ra häi buya." ³⁹ Ne bi bent buya, bi zixpu ma'ueni ne bi hyo, bi 'yęn'a ra Jesús.

⁴⁰ Nu ra Jesús bi 'yän'ndü mí 'bäpu:
—Xi'bü da mbase na ra hmu, 'bë'a da jap'ü yu mbefi 'bü, bi 'yęmp'ü.

⁴¹ Bi dä ü buya:

—Masque da hyo ü yu mbefi, nguetho emme yu ts'om'bäi ü, ne nu rá häi buya di hmit'ü i pädi da gu't'a ra renta 'bü bi zön ra pa da gu't'i, bi 'yęn'ü.

⁴² Ne xø bi 'yęm buya:

—Ha njam'bü gá nuhü bü ja rám hma Oja a ram hma i ęna:
Nu'a ra do bi bënt'ü yu gädo 'bü mi hyöh ra ngu,

gue'a ra do man'da mahyon, tengu thoho yu guangu.
Gue'a bi zän Oja a,
ne gui hyonya thohohü,
i ęm bü rám hma Oja, bi 'yęn'a ra Jesús.

Ne gue'a i mam bü nangue a rá Thahni Oja ngue ra Cristo. ⁴³ Janangue'a dí xi ahü, Oja him bi numanho a gá 'yöthü ne da thän'nahü a ra 'bëfi bü di manda rá ts'edi Oja, din t'un'dü mi'da ngue da 'yöt'manho a ra 'bëfi gmí öthü. ⁴⁴ Ne nu'a ra do bi mba ma bënt'i, tengu'bü n'da ra xjndo i ti bü ja ra 'yu. Ne hënt'a go to'o da däng bü ja ra do, din tüni, ne hënt'a go to'o da ze'ma ra do, 'bexgue da 'yët'i, bi 'yęn'a ra Jesús.

⁴⁵ Nu'bü mi 'yö'a bi man a ra Jesús, bi bę ü yu fariseo ne yu hmumbäjä, gue guesü ü bi 'yöt'ü bi sifi. ⁴⁶ Ne mí nde 'bexgue xtám bënt'a ra Jesús, pe him bi bënt'i, nguetho mi su ü yu ja'i, ngue mi ęn'ü, rá pøngahyä Oja a ra Jesús.

22

N'da ran t'uti ngue ran thäti

¹ Ne xø bi thoqui bi xänba yu ja'i nangue yän t'uti thoho bi man a ra Jesús, ne bi 'yęmp'ü:

² —Nu'a ní manda rá ts'edi Oja, i t'öt'e tengu bi 'yöt'a n'da ra ts'unt'abi. Nu'a ra ts'unt'abi bi zän'na n'da ra ngo 'bü min thäta n'da rá ts'unt'ü. ³ Ne bi mben'dü yäm 'behni ngue ba sinba yu amigo, pe him bi nde bá ęhe. ⁴ Ne xø bi mbëhn mi'da, bi 'yęmbi: "Dami xihmbü ma amigo ba ęhe, nguetho ya dá hoc ran ts'ihme. Dá manda bi tho 'da man däni xän zaqui ne ya gätho mahoqui, i ęn'a ra hmu, gui 'yęmfü." Ne gue'a bi man ü

yám 'behni. ⁵ Pe him bi 'yurpatho ra güenda u yá amigo, ne bi mba da huähi a n'da, nu man'da bi mba bám pätho, ⁶ ne nu'ü mi'da bi bënt thoho yám 'behni ne i thenthoho ne bi hyo u. ⁷ Nu'bü mí 'yø a bin ja, emme bin cue ra ts'ut'abi büya, bi mbënh yá dofui bá ho u yü hyote ne bi 'yump'a yá hnini. ⁸ Ne bi xih mahön'a u yám 'behni: "Nuya him bá 'ü ma amigo nguetho hing yán sähü ba 'he. ⁹ Ní mbähä bü ja yü 'yu ne gbá sihü ua hõnt'a go má ja'i gba tñmhbü bu, nguetho ya ma hoqui 'be'a da zi ua ja ran thäti." ¹⁰ Nu yám 'behni büya bi mba bu ja yü 'yu ne bá pen bü ja ran thäti to'o gätho bin c'athü bu, pe hinga mfädi 'bu yü ts'om'bäi o gue yü hocja'i 'da. Ne bi yupü ja rá ngu ra ts'ut'abi yü ja'i.

¹¹ Ne nu ra ts'ut'abi büya bi yurpu mbo da nu u yü ja'i bi zóm bu. Ne bi nu n'da ran 'yohü ngue him mi he u yá he i the 'bu in ja n'da ran thäti. ¹² Ne bi 'yén'a ra ts'ut'abi büya: "Xi'i grán 'yohü, hanja gá cüt'ua ne hin guí he yán säui da the ua ja ran thäti," bi 'yëmbi. Pe nu ran 'yohü him bi zä bi däti. ¹³ Ne bi 'yëmp'ü yü 'yëhe ra ts'ut'abi: "Dami turpahü yá gua na ran 'yohü ne yü 'ye, ne gui 'yenthä bu ja ra 'bexui. Din zom bu ne din guxpu yü ts'iü," bi 'yén'a ra ts'ut'abi, bi 'yén'a ra Jesú. ¹⁴ Nguetho xan ngu i ts'ohni pe hinga gä yán sähü ngue da yurpu, bi 'yëna.

N'da ran t'änni nangue ra renta bi t'än'na ra Jesú

¹⁵ Ne nubüya bi mba u yü fariseo. N'danni bá nyäse u, bi hyoni 'be'a dí ucpa ra Jesú ngue di yapı. ¹⁶ Janangue bi 'bëhn pü 'bëh ra Jesú u mi'da yü mifariseohü, ne mi'da ma ngäripihe mi ten'na ra ts'ut'abi Herodes. Nu'bü mi zóm bu, bi 'yén'ü:

—Grá xänbate, dí pähmbe gätho majuäni guím ma, bi 'yëmp'a ra Jesú u. Ne guí u a majuäni rá 'yu Ojä, ne hin guí su 'bu da hnumanho iogue hin'na, bi 'yén'ü. ¹⁷ Pe dín ndehe gui xije ts'ü 'be'a guím bëni. Ha din theui yán t'ëdi Ojä ngue dí juthe ra renta a ra ts'ut'abi Roma in ts'ut'abi ua, uague hin'na.

¹⁸ Pe nu ra Jesú bi bëdi 'be'a mim bëñ'ü ngue in nde da dñi 'be'a dí yapı. Janangue'a bi 'yëmbi:

—Emme guidí yorpahü a guím bëmhü. Höntho guí nde gui sägdahü. ¹⁹ Xi ni mbëti

gní jut ni rentahü, ga nugä, bi 'yén'a ra Jesú.

Bi un'na ra mbëti büya. ²⁰ Ne nu'bü mi nu a ra mbëti, bi 'yén'a ra Jesú:

—To'o rá hmi na i cuat na ra mbëti, ne to'o rá thuhu mán t'o't'i ua, bi 'yén'a ra Jesú.

²¹ —Rá hmi ra ts'ut'abi Roma ne rá thuhu a, bi 'yén'ü.

Nu ra Jesú büya bi 'yëmp'ü:

—Nu'a rá mbëti ra ts'ut'abi gui unhdü a. Nu'a xin rá mbëti Ojä, gui unhdü Ojä a, bi 'yén'a ra Jesú.

²² Ne nu'bü mí 'yø a bi man ra Jesú, bi hyonya thoho u ngue mi nde xtí yapı. Ne xø bi mbatho u.

N'da ran t'änni gue'bü bi dämbëni u xön du

²³ Ne m'bëjua büya xø bi zóm bu 'da ma ngäripihe ngue yü saduceo. Nu'ü him mi 'yëci ngue da dämbëni u xön du, nguetho mi 'yén'ü, nu rá mbäi n'da, ma zä dim 'be'bu bi du. Ne nu'ü bi 'yän'na ra Jesú, bi 'yëmbi:

²⁴ —Xänbate i, dím bënthohe ran t'ëdi bi man ra Moisés, ngue nu'bü da du n'da ran 'yohü, 'bu 'bëh rá xisu, ne hin ním 'bu a n'da rá t'ëhni 'bu mi du, nu'a rán 'yohü din thätui a rá xisu a ra du, ne nu'bü dim 'bëh rá mbädi t'ëhni, da t'ëmbi rá t'ëhni a xí du. ²⁵ Pe mí 'bëcua yoto yán 'yohü midín 'yohüzehe u. Nu'a ra mbädi n'yohü bin thätui n'da ra xisu, pegue bi du n'dihi a ran 'yohü. Ne hin ním 'bëh yü t'ëhni 'bu mi du, janangue'a bi zinba rá xisu a rán 'yohüzehe. ²⁶ Pe ne'a guexta'a bi du n'dihi, ne hin ní dñintho rá t'ëhni a ra xisu 'bu mi du. Janangue'a xø bim 'bëhmi a man'da rá mbegue. Ne bin ja gue'bü go mi dät'i bim 'bëhmi gätho u yü mbegue a ra xisu.

²⁷ M'bëjua büya nesë ra xisu bi du, bi 'yén'ü.

²⁸ Nuya, dami xije 'be'a din ja 'bu majuäni da dämbëni u xön du, ngue guí mamhbü. Nda'a nín 'yohü da 'yëmbi rá xisu a ra xisu, nguetho gätho yoto bim 'bëhmi, bi 'yëmp'a ra Jesú 'bu mi denthoho u.

²⁹ Bi dät'a ra Jesú:

—Nu ahü guídí 'bëthohü, nguetho hin guím bëmhü 'be'a mam bu ja rá t'ohni Ojä, ne xín guí pähmbe rá ts'ëdi Ojä. ³⁰ Nu'bü bi dämbëni u xön du, ya him man ja ran thäti, pegue dim 'bëtho tengu yám 'behni Ojä mahëts'i, bi 'yén'a ra Jesú.

31-32 Ne nangue'a ram hma ngue da dambegni u xøn du. Ha hin gá nuhu bu ja rá t'ohni Oja 'be'a bi ma nangue u ma ndu mbombøtahu 'bu mi 'yena: "Nugä drá Ojagä, nu ra Abraham ne ra Isaac ne ra Jacob, i ec'yeigui," bi 'yen Oja. Ngubu im ma nguetho guexta'a i 'buh yu mbui u, bi 'yen'a ra Jessús.

33 Ne nu'u yu ja'i 'bu mí 'yo a bi man ra Jessús, bi hyonya thoho a bi xifi 'bu mi xänbi.

Ra Jessús bi ma nda'a nín t'ëdi man'da mahyoni

34 Ne nu mi'da ma ngurpihe ngue yu fariseo, 'bu mi nu hin'yu man'da sä da man'u yu saduceo, bin 'yänzehu 'be'a mí sä ngue dí yap'a ra Jessús. **35** Nu'a n'da ra xänbate nangue u yu fariseo buya, bi 'yän'na ra Jessús:

36 —Xänbate i, bi 'yena, nda'a rán t'ëdi Oja hnehi thoho ga øt'ähe.

37 Bi dua a ra Jessús buya:

—Nu'a ran t'ëdi i ena: "Gam bemhbu Oja ngue gätho ma mbulhu, ne gätho ma ja'i ihu, ne gätho man 'yomfenihu." **38** Guehna ran t'ëdi i 'bet'o na, nangue u gä mi'da yun t'ëdi. **39** Ne'a ena: "Dami huc ni mija'ihu tengu bu gní huczehu ni ja'i ihu." Guehna ná yoho ran t'ëdi guexta'a mahyoni na. **40** Ne nu'bu gá 'yothu ya yoho yun t'ëdi, tengu'bu gá jashu gätho yun t'ëdi ra Moisés ne yum hman yupengahyu Oja, bi 'yen'a ra Jessús.

To'o rá yu a ra Cristo

41 Ne guexta'a mi 'bapu yu fariseo, **42** ne bi t'ëmp'u buya:

—Be'a guim bemhbu, to'o rá 'yu a ra Cristo, rá Thahni Oja, bi 'yemp'u, bi 'yen'a ra Jessús.

Bi dua u yu fariseo buya:

—Nu rá Thahni Oja, rám bom'beto ra David a, bi 'yen'u.

43 Ne xø bi 'yen'a ra Jessús:

—Pe ne guese ra David bi 'yembi rá hmu a ra Cristo 'bu hin ním 'bui, nguetho bi 'yena:

44 Nu Oja bi 'yemp'a ma Hmu:

"Hyucua ja man 'yei ga conhui ma ts'ëdi gue'bu go dá tapä gätho u man suihu ngue gui manda u buya," bi t'ëmp'a ma Hmu, bi 'yen'a ra David, 'bu mi benba rá Hogandahi Oja 'be'a bi ma.

45 Hanja i ëmbi rá hmu ne xin rám bom'beto a rá Thahni Oja, ngue ra Cristo, bi 'yen'a ra Jessús, bi 'yemp'u.

46 Ne hin'yu 'be'a bi zä dí däti, janangue'a him man'dandu bi zä da 'yän'ndu yu fariseo buya.

23

Bi man ra Jessús 'be'a nam bøn'a øt'u yu fariseo ne yu xänbate niju

1 Ne nu ra Jessús bi xi u yu ja'i, ne cähe buya:
2 —I ja yun t'ëdi da xän'nahu u yun t'ëdi ra Moisés u yu xänbate niju ne yu fariseo.
3 Dami 'yøhmbu 'bu i xän'nahu u, pe hin gui 'yøthu tengu yun t'øt'e i sänzehu, nguetho 'dan'yo thoho gä mi'da i øt'e. **4** Ne xun hei i xi ahu gui 'yøthu, tengu'bu n'da ra 'beni xun hyu i xi ahu gui tuxhu, pe nuse'u xíngui ts'u in nde da 'yøt'a i sän zehu. **5** Ne hønt'a i honi da hnumanho yun t'øt'e i ørpu 'buh yu ja'i. Janangue'a di cuat yud du yun t'ëdi Oja ngue xun ndoho ne i pät' yu'yε, ne ëmme di ho di hoc yun zudi yu nyampahni. **6** Ne ëmme di ho rá mbudi din sihme bu i t'øt' yun ts'ihmu; ne di ho da mipu ja ran thuts'i mahoqui bu ja ra niju. **7** Ne ëmme di ho da t'ëspa 'bu din zenguate. Ne i honi da t'ëmbi yu xänbate u. Høntho in nde da hnumansu.

8 Pe nu ahu o guí ndehu da t'ën ahu gyu xänbatehu, nguetho høngdä ni Xänbateju ngue drá Thahni Oja, ne nu'a hu guidín cuhu, bi 'yengähe ra Jessús. **9** Ne hin gui 'yemfu ni tahu 'da u i 'bacua ja ra häi, nguetho nu'a ni Tahu bí 'bapu mahets'i a. **10** Ne xun gui ndehu ngue da t'ën ahu gyu hmuu, nguetho guecä drá Thahni Oja ngue ra Cristo, ni Hmuu. **11** Nu'a to'o din 'yehu thoho nangue yu mija'ihu, pe gue'a man'da xtán hets'i bu dá nu Oja a. **12** Nguetho nu'a i øt'e ngue xun hets'i, man'da zi cue bu dá nu Oja a, pe nu'a i øt'e ngue hingui hets'i, pe man'da xtán hets'i bu dá nu Oja a, bi 'yen'a ra Jessús.

13 Ne nubuya bi 'yemp'u yu xänbate niju ne yu fariseo:

—Huehi maha ahu, gyu xänbatehu bu ja ra niju, ne gyu fariseohu, ëmme guidí yorpahu a guim bemhbu, nguetho gá xihmbu u míñ nde xtán yurpu di manda rá ts'ëdi Oja, ngue xquí 'yuthu ra 'yu, pe ne tengu'bu gá corpora

zehetra goxthi, nguetho 'dan'yo thoho gá xänbah. Nese ah hin da zä gui cetha bu, bi 'yen'a ra Jesús.

14 Huëhi maha ah, gyu xänbateh ne gyu fariseoh, emme guidí yorpah a guí ñoth. Sä nya'a guí yah Ojä bu ja yu ngun yu xisu xøn du yu ndø, ngue guí emhb bu guí äf rám fäts'i Ojä, pe ne guí häspah 'be'a bi zopa yu ndø. Janangue'a man'da xan tho ran unbi gui nuh.

15 Huëhi maha ah, gyu xänbateh ne gyu fariseoh, emme guidí yorpah a guí ñoth. Säti thoho gán 'yoh hønb go hap ne yatho gá mbähä, ngue gá somhb bu 'bu i thande yu ojä zehetra, ngue gá xihmb da dñen'na nin xädiha. Pe nu'a to'o bi dñen'nah man'da gá jaf bim 'bedi, ne 'da gdí mbähä bu ja ran unbi mazai, bi 'yemp'.

16 Huëhi maha ah, gyu ngurpih, pegue tengu'bu gyu xädäh ne guí xihmb bu guí xänbah: "Nu'bu ja 'be'a bi ma n'da ra ja'i, ne bi ndønba rá thuhu ra nijä, hingui jatho di ja'ts'a," guí emf. "Pe nu'bu bi ndønba a rá oro i ja bu ja ra nijä, i jatho di ja'ts'a bi ma," guí emhb. **17** Gyu 'yambuih ne gyu xädäh. Guí emhb man'da di muui ra oro xinda gue ra nijä, pegue hin'na maha nguetho gue'a ra nijä ni t'ëmbi xan ho a ra oro i ja bu, bi 'yen'a ra Jesús. **18** Ne guí emhb: "Nu'bu ja 'be'a bi man a n'da ra ja'i, ne bi ndønba rá thuhu ran ts'äya bu ja ra nijä, guí emhb hingui jatho di ja'ts'i. Pe nu'bu bi ndønba rá thuhu ran t'unni i høxpja ran ts'äya, ya ra ts'oqui a buya 'bu him bi ja'ts'i," guí emhb. **19** Gyu 'yambuih, tengu'bu gyu xädäh. Guí emhb man'da di muui u yu 'bøts'e i ja bu xinda gue ran ts'äya. Pegue hin'na maha, gue'a ran ts'äya ni t'ëmbi xan ho u yu 'bøts'e bí ja bu. **20** Nguetho nu'a bi ndønba rá thuhu ran ts'äya bu ja ra nijä, hinga hønt'a ran ts'äya, pe gätho í ndønba rá thuhu 'be'a gätho høxp. **21** Ne nu'a to'o bi ndønba rá thuhu ra nijä, hinga hønt'a ra nijä bi ndønba rá thuhu, pe ne a rá thuhu Ojä bi ndønbi, nguetho rá ngu Ojä a ra nijä. **22** Ne'bu n'da bi ndønba rá thuhu mahëts'i, pe hinga høn bu mahëts'i bi ndøni, pe ne a rá thuhu Ojä bi ndønbi, nguetho bí 'bupe Ojä bu mahëts'i.

23 Huëhi maha ah, gyu xänbateh ne gyu fariseoh, emme guidí yorpah a guí ñoth. Hin njäm'bu gá pumbenih gá hyäxha bu ja ra nijä a ná 'det'a yu 'yëthi yu täh bi bøxpja ja ni huähih, tengu bi man ra Moisés, pe gá pumbenih u yu t'ëdi man'da mahyon, ngue i ena: "Da gdí numanhoh ni mijä'ih, ne din ja nin huëcateh, ne gui 'yëc'yeh Ojä." Guehya nde'bu man'da gan chya gui 'yøth, madague'bu gui thoqui gui 'yøth u mi'da. **24** Pe gá 'yøth tengu'bu gám fähmbu ngue xinga n'da ra 'uë i sá di uäsh 'bu ja a guí sih, pe nu'a go ra fani ne man'da go hin gá nuh 'bu gmí tuth a, nguetho hin guí pähmbu nda'a nín t'ëdi man'da xan ndoho.

25 Huëhi maha ah, gyu xänbateh ne gyu fariseoh, emme guidí yorpah a guim bëmhbu. Gá 'yemhb xan hotho ah, pe gá 'yøth tengu'bu n'da ra baso bi mba m'berpe bu maxøts'e, pe hinga nepu mbo. Ne tengu'bu n'da ra mbohi høn bu ní ndi a häi bi 'berpe, ne guín jah bu nguetho emme i yuh ni mbuih nangue ram fë ne ran ts'iyate. **26** Gyu xädäh, nde'bu gui 'yøth tengu'bu nepu mbo bin sët'i n'da ra mbohi, ne majuani xtán ho ah buya, bi 'yen'a ra Jesús.

27 Huëhi maha ah, gyu xänbateh ne gyu fariseoh, emme guidí yorpah a guim bëmhbu. Ne guín jah tengu'bu ra jado bu ja ran 'yägui ngue xan t'axi maxøts'e, ne mahotho, pe nubu mbo, yupu yu do'yodu ne gä mi'da xan xätho. **28** Guín jah bu. Nubu na nu ah yu ja'i, ena xan ho ah. Emme guidí yorpah a guim bëmhbu ne emme yuh ran ts'o ni mbuih, bi 'yen'a ra Jesús.

29 Pe í huëhi maha ah, gyu xänbateh ne gyu fariseoh. Guidí yorpah a guí ñoth. Gá hocpah yu jadon'yägui u yu pøngahyä Ojä maya'bu bi hyo nim bombøtah, ne' u yu jadon'yägui u guí emf u hocjä'i gá hocpah. **30** Ne sá guí emhb: "Nu'bu di 'buhmbu u 'bu mi hyo yu pøngahyä Ojä u mam bombøtah, ne xcá uth ngue hingui ho a bi 'yøt'e, ne xcá 'uethoh," guidin 'yemf. **31** Janangue'a gadín juanzehet ya ngue yu 'yu ah yu hyote. **32** Dami juahmbu a ra 'befi bi 'yut'ahu nim bombøtah, bi 'yen'a ra Jesús.

³³ Tengu'bu gyu pozahu. Hin da zä gui 'dahmbu bu ja ra sibi njäm'bu i huët'i. ³⁴ Nguetho, nu'bu ba pen'nahu ma pøngahyä ne ma xänbate, hin gui simanhohu u, gui hyohu u 'da, ne gui cuathu bu ja ra za u 'da, ne gui fëhmbu u 'da bu ja ni nijahu. Ne emme gui ucpadahu u 'da 'bu i 'yo bu ja ni hninihu. ³⁵ Ne nangue a gui 'yøthu, tengu'bu gá hyosehu u gä yun hocja*'i* bi tho gue'bu go rá mbudi ra ximhäi, 'bu mí tho ra Abel ngue man ra hocja*'i* ne asta gue'bu mi tho a ra Zacarías, rá ts'antu ra Berequías, gá hyohu bu ja rá goxthi ra niju. ³⁶ Majuani dí xi ahu, tengu'bu ni ts'oqui zehu u gä yun thote i jatho ya, ne da ts'än'nahu ran unbi nangue u, bi 'yen'a ra Jesus, bi t'ëmp'u yu xänbate niju ne yu fariseo.

Bi huëc'u yu mengu Jerusalén ra Jesus

³⁷ Ne nubuya bi xi a n'da ram hma u yu mengu bu Jerusalén, bi 'yenbi:

—Emme dím ben ahu gyu menguhu Jerusalén. Nzai guí hohu yu pøngahyä, ne guidí bat'adohu u mi'da ba pen'nahu Oju. Ne xen ngu yu nidi dím bengä xcá pet'ahu xcá jamansu ahu, tengu'bu n'da ra sumfo di pet yu tuhni ne i comp' rá hua, pe nu'ahu, hin gá ndehu xcá ja ahu bu, bi 'yen'a ra Jesus. ³⁸ Dami nuhu ya, nu ni hninihu tengu'bu ya njongui 'bapu ya, ³⁹ nguetho hin gui nuju mahuna jaque'bu bi zon ra ora ba pengä ua ne gui 'yescahu. "Majapi a ba ehe nangue rá thuhu ma Hmuhu Oju," gui 'yenju, bi 'yen'a ra Jesus.

24

Bi ma ra Jesus da guah ra danijq

¹ Ne nubuya, nu ra Jesus 'bu mi bom bu ja ra danijq, dá utähe 'be'a gä mí ja bu ja ra ngu.

—Mahotho ua, dá emfe.

² Pe nu ra Jesus bi 'yenje:

—Guí nuhu ngue mahotho i ja ua, pe gätho da mba nso't*i*, ne xíngu n'da ra do din tøcua ngue hin da mba ma juadi, bi 'yen'a ra Jesus.

M'bet'o din ja yu hmepya 'bu ran zegui

³ Ne dá nexähe dá mbähmbe bu ja ra nyuni Olivos. Ne ní mipu ra Jesus dá ändähe 'bu njom mí øde, yu xädigähe:

—Dín ndehe gui xije nda'a ní pa din ja a gám mam bu ja ra niju. 'Be'a ní hmepya din ja 'bu guá pengui mahun'a ne'bu ran zegui ra pa, dá emfe buya.

⁴ Ne bi 'yengähe ra Jesus:

—Damim fähmbu 'dahma njon da hyä ahu. ⁵ Nguetho xen ngu yu hyäte ba ehe da 'yena: "Nugä, guecä, rá thahnigä Oju, drá Cristogä," da 'yen ahu. Ne xen ngu da hyä'tu nangue ra fehni da man u. ⁶ Ne nu'bu gui 'yøhmbu ngue din ja yu su*u*, o gue'bu gui 'yøhmbu i ja bu ja 'da yu hnini ya, pe o guín suhu, nguetho jatho din ja u. Ne nu'bu bin ja u, xíngu gue'bu rán zeguibu. ⁷ Nguetho da ndants'u 'da yu ts'ut'abi din sahmbu u yu mi ts'ut'abihu, ne da ndanc'u 'da yu hnini din sahmbu mi'da yu hnini. Ne xen ngu yu nidi din ja ra thuhu, ne ra daggehz, ne din ja yu 'yamhäi bu ja yu xequi ua ja ra ximhäi. ⁸ Pe nu'u, yu mbudi thoho yun unbi din ja u.

⁹ Ne da mba ma dä ahu ne da ts'ix ahu ngue din un'nahu, ne da tho ahu 'da ahu. Ne gätho yu ja*'i* da zan ahu nguetho guí tengahu. ¹⁰ Ne nu'u 'da mí ec'yegui, m'bejua da 'uese. Ne guese u di dä u ma 'yec'yei da mba ma unbi. ¹¹ Ne dim 'bai xen ngu yu hyäte pøngahyä ne xen ngu yu ja*'i* da hyä'tu. ¹² Ne nangue a ran ts'o xtá ngu, him ma din ja yen huëcate u 'da. ¹³ Pe nu'a da hyä't*i* gue'bu go ran zegui, da däha dim pø a. ¹⁴ Ne gätho na ndoho ra ximhäi da hma 'be'a da zä dí yarpu di manda rá ts'edi Oju n'da. Ne gätho yu ja*'i* 'dahma 'dan'yo bu na yu da sifi, ne nubuya, gue'a ra pa ran zegui a buya, bi 'yen'a ra Jesus.

¹⁵⁻¹⁶ Nu ra pøngahyä Daniel maya'bu bi ma ngue din ja n'da ran ts'o di ts'oni gätho. Janangue'a nu'bu gá nuhu da mbudi din ja bu ja ra danijq a, dami 'dahmbu bu ra xequi Judea, ní mbähä bu ja yu dapo. Nguetho nts'utho ran unbi din jabu. ¹⁷ 'Bex gui mbähä. Nu'bu gdi tøhmbu bu maxøts'e ra tøcangu, hin gui cathu mbo ra ngu ngue gui hyaxhu 'be'a di ja bu. Dami 'dathohu. ¹⁸ Ne nu'bu gdi 'bähmbu bu ja ni huähihu, hin 'be'gui mbähä bu ni ngumhbu ngue gba caq ni xi'yohu. Dami 'dathohu. ¹⁹ Huëcate u yu xisu in hat'uhni u yu pa u, ne'u i 'buh yu 'uere, nguetho xen hei thoho da 'da u. ²⁰ 'Yäfu rá mate Oju hinga gue'u yu pa xtan se din

ja ahu ran 'dagui, ne xínga gue'bu ra pa ran ts'äya, nguetho i man u yun t'ëdi hinga yatho gan 'yohu a ra pa ran ts'äya. ²¹ Dami 'yäfu rá mate Oju, nguetho nu'a ran unbi din ja, hin jäm'bu n'dandj xun ja gue'bu go rá mbudi ra ximhäi. Ne nu'bu ya bin ja, hin man'dandj din ja a ran unbi tengu a. ²² Ne nu Oju da zänba thoho u yun unbi din ja nangue a di huëc'u xí huahni. Nu'bu hin'na, njon da bongui.

²³ Nu'u yu pa u, "Dami nuhu ua, i 'bäcua ra Cristo," da 'yen ahu. Ne nu'u mi'da da 'yen ahu: "Dami nuhu i 'bähnu ra Cristo." Pe o guí ec'yeihu u. ²⁴ Nguetho xun ngu yu hyäte dim 'bui, sä da 'yen'u: "Guecä, rá thahni Oju, drá Cristogä," sä da 'yen'u. Ne xun ngu da 'yena ngue dim pøngahyu nangue Oju, ne da 'yot' yu hyonya nt'ot'e ne yu hmepya ngue da nde da hyät yu ja'i. Ne da hyoni 'bue'a da zä dí hyät'u xí huahn Oju. ²⁵ Nuya gätho dá xi ahu guepu da zä gui pähmbu 'bue'a din ja. ²⁶ Janangue nu'bu da 'yen ahu: "Ní mbähä, bí 'bäpu ma'ueni a ra Cristo," da 'yen'ahu, pe o guí pähä. O gue da 'yen'ahu: "Bá cuthu ua, i 'bäcua ra Cristo," da 'yen'ahu, pe o guí cuthu bu. ²⁷ Nguetho nu'bu bá pengä ua mahun'a, nugä ngue dán ja'igä ua ja ra ximhäi, dan jagä tengu rán nequi ra huei ngue dam 'bathogä gätho ra ximhäi. ²⁸ Ne tengu i øt' yu pada, èmmu di peti bu 'bun u xun du, din jabu a ran ts'ëmbi din ja bu 'bu u yu ts'om'bäi.

Bu bá peng ra Jesúus

²⁹ Ne xo bi thoqui bi man ra Jesúus ne bi 'yena:

—Nu'bu bin ja a ran unbi buya, him man di nec ra hyadi ne ra zäna, nu'u yu so 'bupu mahuts'i da dägui. Gätho bí ja bu mahuts'i gä di 'buh yu ts'ëdi u. ³⁰ Ne nubuya di nequi bu mahuts'i ra hmepya nanguecä ngue dán ja'igä ua ja ra ximhäi, ne gätho yu hnini ua ja ra ximhäi din su. Ne da nugui ba ècä bu ja yu güi, dan 'yo'be ma ts'ëdi tate thoho, mixte thoho, bi 'yen'a ra Jesúus. ³¹ Ne nts'ëdi din yu ra thuxi. Ne ba penhdä yum 'buhni Oju di peti gätho u bi huahn Oju, gä na ndoho ra ximhäi.

³² Guim bemhbu 'bue'a dí øthu ua ma häihu dyu israelhu, ngue nu'bu dí nuhu bi mbudi dim pah yu mbui 'da yu za, ya dí pähmbu mi

ts'utho ba èpu yu pa ra pa'ye. ³³ Ne ngutho 'bu guín nuhu bin ja gätho ya yun unbi dí xi ahu, gui pähmbu buya ngue mbue rán zegui. ³⁴ Ne majuqani dí xi ahu, di 'butho ua 'da ahu 'bu bi mbudi din ja. ³⁵ Nu ra ximhäi ne mahuts'i da zoni da gua u, pe nu'a mam hmangä njam'bu da gua a.

³⁶ Pe njongui pädi nda'a ní pa din ja a dím mangä ya, xínga gue'u yum 'buhni Oju mahuts'i ne xínga guengä rá Ts'unt'ugä Oju dí pädi, pe hont'a Oju ma Ta i pä a ra ora din ja.

³⁷ Ne tengu thoho bin ja 'bu mí 'buh ra Noé, ngutho din ja 'bu bá pengä mahun'a, nugä ngue dán ja'igä ua ja ra ximhäi. ³⁸ Nu yu pa u ngue'bu mi ts'utho din ja ra dämbunt'i, nu yu ja'i mi 'buhmbu ra Noé hont'a ran ts'ihme mim buni ne hont'a ran thäti mí honi, gue'bu go mí yurpu ja ra mbosa ra Noé. ³⁹ Ne him bi 'yurpu ra güenda a bi sifi ngue din ja ra 'ye, jague'bu mi mbuh ra 'ye, ne bi yuh ra dehe ua ja ra häi ne gätho bi gua u. Ne din jabu 'bu bá pengä mahun'a, guecä dán ja'igä ua ja ra ximhäi. ⁴⁰ Ne dim 'bu i yoho yun 'yohu bu ja a ra huahi, nu'a n'da da mba nts'its'i ne man'da da ts'opu. ⁴¹ Ne'bu di cum bu ja n'da ra ngu yu xisu, nu'a n'da da mba nts'its'i ne nu man'da da ts'opu.

⁴² Janangue'a dí xi ahu, o guí tonspahu ra t'äha, nguetho hin guí pähmbu 'bue'a ní ora ba è a ni hmuu. ⁴³ Nu'bu n'da ran 'yohu xtám budi nda'a ní xui xtán yurpu yu bue bu ja rá ngu, xtán ätha, xtán do'mi, ne hin xtá japi xtá nyurpu ja rá ngu ngue da buepi 'bue'a i ja bu. Pe hingui pädi 'bue'a ní pa, janangue'a i to'mi gätho yu pa. ⁴⁴ Janangue'a dí xi ahu, damin sähu nguetho ts'ärpu thoho ga socä, guecä dán ja'igä ua ja ra ximhäi, ngue ra ora njongui töcpä ga socä, bi 'yen'a ra Jesúus.

Rán t'uti ra hogambefi ne ra ts'om'bäi mbefi

⁴⁵⁻⁴⁶ Ne xo bi 'yena:

—Dami 'yøthu tengu'bu gyu hogambefihu. Nu'a ra ngarpambefi 'bu xun ho i øt'e, ne nu'bu da mba n'danni rá hmu da zopu ja rá ngu, da 'yot'e tengu'bu i 'buse bu rá hmu. Ne nu'bu bá penc'a rá hmu, bi nu bi jamansu rá 'buefi, ne xun ngu ran japi da

nu a b̄uya. ⁴⁷ Majuqni dí xi ah̄, nu'a ra nḡerpambefi, man'da din t'un ra ts'edi, ne 'be'a gätho i pe'ts'a rá hmu di jamansu a. ⁴⁸ Pe nu'b̄ ra ts'om'bäi a ra nḡerpambefi, ne im b̄eni ngue him 'be ba penc'a rá hmu, ⁴⁹ ne di unba yú 'ȳeh̄e ne i tenthoho yú mihni, ⁵⁰ ts'urp̄ thoho ba penc'a rá hmu n'da ra pa ngue hingui p̄a a ra nḡerpambefi. ⁵¹ Ne nub̄ya din t'un'na n'da ran unbi x̄en tho, ne n'dat'a ran unbi da nuh̄ u di yorpa a im b̄eni. Ne din zom b̄ya ne din guxtp̄ yú ts'i bu ja ran unbi mazai, bi 'ȳen'a ra Jesús.

25

N'da ran t'uti nangue yú hmute xtí hyun yun thäti

¹ Ne x̄o bi 'ȳena:

—Nu'b̄ bi 'ȳot' ran ts'ut'abi Oj̄a, din ja tengu bin ja 'b̄ min ja n'da ran thäti. Nu'a to'o gä bin s̄ä, bi thop̄ mbo, pe nu'u him bin s̄ä, bi gop̄ thi u. Nu'b̄ min ja ran thäti, 'det'a yú hmute bi mba, x̄na xtín hyamhb̄ u din thäti. Ne bá the yú bombilla mi t̄om'ma ran 'yoh̄ din thäti. ² Pe nu'u c̄t'a yú hmute yú 'ȳamb̄i u, ne nu'u mi c̄t'a bin 'yomf̄eni u. ³ Ne nu'u yú 'ȳamb̄i him bi dux man'da ra sibi ngue xta xirpa yú bombilla 'b̄ bin the a po b̄. ⁴ Pe nu'u bin 'yomf̄eni, bi dux yú sibi ngue da xirba rá bombilla 'b̄ bin the a po b̄. ⁵ Ne nu'a ran 'yoh̄ him 'be bi z̄om b̄. Ne nu yú d̄o'mate bi z̄uh ra t̄äha u. ⁶ Nu'b̄ made ra xui bi 'ȳo a n'da ra nde bi 'ȳena: "Ya ba x̄cua ran 'yoh̄, ndansh̄, ba thämb̄u," bi 'ȳena. ⁷ Gätho bi ndang b̄uya ne bi hoc yú sibi u. ⁸ Pe nu'u yú 'ȳamb̄i, bi 'ȳemp'u bin 'yomf̄eni: "Daje ts'u ni sibih̄ ngue tho i nde da huët ma bombillahe," bi 'ȳen'u. ⁹ Pe bi d̄a u bi dux yú sibi: "Hin da zä, ngue tho nu'b̄ ga 'da ahe go da huët' ma sibih̄ 'b̄. Pe x̄en ho 'b̄ gui mbähä gba tämh̄u." ¹⁰ Pe nu'b̄ mi mba ba tän ra sibi, 'bexgue bi z̄om b̄ a ran 'yoh̄ din thäti. Ne nu'u yú hmute bi dux yú sibi bi ȳarp̄ mbo ngue da nu ra ngo ran thäti, ne 'bex bi mba njut'i ra goxthi b̄uya. ¹¹ Ne nu'b̄ mi z̄om b̄ x̄i mba bá tän ra sibi, bi nu ngue njut'i tho ra goxthi, ne bi mba u, bi 'ȳen'u: "Gra hmu, grá hmu, dami xoqui," bi 'ȳen'u. ¹² Pe nu'a ra hmu bi d̄at'u: "Hin dí padit'o ah̄, bi 'ȳembi, ne him bi xocpi, bi 'ȳen'a ra Jesús.

¹³ Ne bi 'ȳenje ra Jesús b̄uya:

—Gue'a dí xi ah̄, nde'b̄ gan äthähu ngue tho hin guí p̄ahmb̄ a ra pa ba pengä ua, guecä dán ja'igä ua ja ra ximhäi, bi 'ȳen'a ra Jesús 'b̄ mí 'ȳengähe.

N'da rán t'uti yú 'ȳeh̄e bi ts'ocpa ra mb̄eti

¹⁴ Ne man'da ran t'uti bi man ra Jesús, ne bi 'ȳena:

—Nu'b̄ bi 'ȳot' ran ts'ut'abi Oj̄a, da 'ȳot'e tengu bi 'ȳot'a n'da ran 'yoh̄ 'b̄ mi zon'ndu yú 'ȳeh̄e, bi 'ȳan'na rá mb̄eti xí zocpi. Nguetho nu'b̄ mí mba n'danni n'da ra häi, bi zon'ndu yú 'ȳeh̄e da zocpa rá mb̄eti.

¹⁵ Nu n'da rá 'ȳeh̄e bi zocpa c̄t'a mahuähi ngue di pepi; ne nu man'da, yo mahuähi bi zocpa a; ne nu man'da bi zocpa n'da mahuähi. Bi unni hangu x̄ot'a di pepi n'da ngu n'da. Ne bi mba b̄uya. ¹⁶ Ne nu'a bi unni c̄t'a mahuähi, bi pepi ne bi däh mi c̄t'a mahuähi. ¹⁷ Ne'a bi unni yomahuähi, yomahuähi x̄o bi däpi. ¹⁸ Pe nu'a bi un'na n'da mahuähi, bi mba bá c̄t'a häi a rá mb̄eti xi un'na rá hmu.

¹⁹ Ne him 'be bá penc rá hmu. Pe nu'b̄ mi z̄oh̄ bi zon'ndu yú 'ȳeh̄e mahōn'a ngue da nu 'be'a xí 'ȳot'u. ²⁰ M'bet'o bi z̄on'a xín t'unni c̄t'a mahuähi, ne bi däp'a rá hmu c̄t'a mahuähi ngue rá mb̄eti z̄eh̄e rá hmu. Ne x̄o bi un'na xí däha ngue mi c̄t'a mahuähi, ne bi 'ȳembi: "Grá hmu, i ja ua ni mb̄eti, nehna c̄t'a mahuähi dá t̄äha," bi 'ȳembi. ²¹ "X̄en ho," bi 'ȳen'a rá hmu. "Nu'i grá hogambefi," bi t̄em b̄uya. "X̄en ho gá 'ȳorpa a ts'ut'ho dá 'da i, janangue'a ga 'da i man'da x̄en ngu ya. Bá thocua mbo 'dat'ua dan johyaui," bi 'ȳen'a rá hmu. ²² Ne x̄o bi z̄om b̄ man'da xí unni yo mahuähi, ne bi 'ȳena: "Grá hmu, i ja ua ra mb̄eti gá 'daqui, nehna mi yomahuähi dá t̄äha i ja ua," bi 'ȳemp'a rá hmu. ²³ Ne nu'a rá hmu b̄uya bi 'ȳembi: "X̄en ho, grá hogambefi, x̄en ho gá 'ȳot'e, madague'b̄ hingui ngu dá 'da i, nuya man'da x̄en ngu ga 'da i. Bá thocua mbo 'dat'ua dan johyaui," bi 'ȳembi. ²⁴ Pe nu'b̄ mí z̄om b̄ a xi hyan'a n'da mahuähi, bi 'ȳemp'a rá hmu: "Grá hmu, mí p̄acä ngue hin'yú nin huëcate ne nzai guí honi 'bep̄ gdí hyanba rá mb̄eti yú ja'i ne gui hyanba yú huähi u 'da. ²⁵ Janangue'a dá pes' thoho

a gá 'daqui, dí su gui səqui 'bə xcá 'bətho, nə i ja ua ni mbəti gá 'dac ya," bi 'yəna. ²⁶ Nə nu'a rá hmu bəya bi 'yəmbi: "Gra ndədənhyəi, hingui ho gá 'yət'e ngue hin gá pəp'a ra mbəti. ²⁷ Nu'bə guí pədi ngue dí numanhogä ga təcä, sə xquí hmi a ra mbəti nə xtán dəh rán zäbi, nə hin xtím 'bəh pəya," bi 'yən'a rá hmu. ²⁸ Nə bi 'yəmp'ə mi'da yə 'yəhe mí 'bəpə: "Hyənba na ra mbəti, dami un'na bin t'unni 'dət'a mahuəhi. ²⁹ Nguetho nu'a bim pəfi xən ho, man'da xən ngue din t'unni. Pə nu'a him bim pəfi, pə da thənba a zi ts'ə mí pə'ts'i. ³⁰ Nə nuna ra ts'om'bəi mbəfi na, bá həthə bə ja ra 'bəxui guepə din zom bə nə din guxtpə yə ts'i," bi 'yən'a ra hmu bəya, bi 'yən'a ra Jesús 'bə mi man na ran t'uti. Nə njabə din ja 'bə bi 'yət'a ran ts'ət'abi Ojə.

Ran t'uti nangue ran ts'əmbi da t'ørpa yə ja'i

³¹ Nə bi 'yəm mahən'a ra Jesús:

—Nu'bə bá pengä, nugä ngue dán ja'igä ua ja ra ximhäi, dam mixtegä, dan ts'ət'abigä; dan 'yohe yəm 'bəhni Ojə nə ga hupə ja ma mexa ngue din ja ma ts'ədi xən ho. ³² Nə dim peti gätho yə ja'i gä na ndoho ra ximhäi bə ga hucä. Nə gätho ga huan'də tengu øt'a n'da ra mbändē'yō, ngue n'danni ga fā'bə yə de'yō nə n'danni ga fā'bə yə denzu. ³³ Nə nu yə de'yō ga fämp'ə ja man 'yəi nə nu yə denzu ga fämp'ə ja ma gəha. ³⁴ Nə ga ḥemp'ə dim 'bəpə man 'yəi: "Ba ḥembə ua, bi jəp'ahə Ojə. Ga 'da ahə ra ts'ədi án ts'ənni ngue gui hyəmhə gue'bə go rá mbədi ra ximhäi," ga ḥemp'ə. ³⁵ "Nguetho gá 'dajə ra hme 'bə mán tumanthuhu; nə gá 'dajə ra dehe 'bə mán tuthe; nə gá säyagahə 'da ahə 'bə mán 'yo bə n'danni ni hninihə.

³⁶ Nə gá 'dajə ma he 'bə gmí nuhə hin'yə ma hegä; nə gá nuc 'bə mán hyənni, nə gá zənguagahə 'bə mán ofädi," ga ḥemp'ə, bi 'yən'a ra Jesús. ³⁷ Nə da 'yənc'ə: "Grá Hmu, 'bə'a ní pa dá øt'ahe a guím ma. Hin dím bəmhbe ngue gán tumanthuhu n'dandı nə gamá 'ujn ahe. Nə hin dím bəmhbe ngue gán tuthe nə xcá 'da ahe ra dehe. ³⁸ Nə hin dím bəmhbe 'bə xcamá säya ahe, nə xcá 'da ahe ni he. ³⁹ Nə hin dím bəmhbe 'bə gamán hyənni o gue gamán ofädi ngue

xcá nu ahe," da 'yəngui. ⁴⁰ Nə nugä drá hmuts'ət'abigä, ga ḥembə u bəya: "Majuəni dí xi ahə, nu'a ran ho gá 'yørpahə n'da ma cuhə, madague'a nte di muui bə na hnu, pə guecä gá 'yørcä a," ga ḥemp'ə bəya, bi 'yən'a ra Jesús.

⁴¹ —Nə nubəya, nugä drá hmuts'ət'abigä, ga ḥemp'ə 'bəpə ja ma gəha: "Dami 'uehməbə ua ja ma hmi, ní mbähä bə ja ra sibi njəm'bə da huət'i, nguepə dá sənni din zə a ra zjithu nə u yə mizjithuhə. ⁴² Nguetho dán tumanthuhu nə hin gá 'ujnja, nə dán tuthe, nə hin gá sithegahə, ⁴³ nə hin gá säyagahə 'bə mán 'yo bə n'danni, nə hin te má he gá 'dajə 'bə gəmín nuhə hin'yə ma hegä; nə hin gá nugui 'bə mán hyənni, nə hin gbán nujə 'bə mán ofädi," ga ḥemp'ə. ⁴⁴ Nə nu u da 'yəngui: "Grá hmu, 'bə'a ní pa dá nu ahe ngue gán tumanthuhu o gue gán tuthe o gue gán 'yo bə n'danni ra hnini. Nə 'bə'a ní pa dá nuhe hin mí he ni he; o gue xquín hyənni o gue xcamín ofädi," da 'yən'ə. ⁴⁵ Pə nugä drá hmuts'ət'abigä, ga ḥemp'ə bəya: "Majuəni dí xi ahə, n'da ma cu madague'a nte di muui bə na hnu, 'bə hin gá 'yørpahə ran ho, nəcä hin gá 'yørcahə ran ho," ga ḥemp'ə. ⁴⁶ Nə nu u bəya da nu ran uñbi mazai. Pə nu'ə bi 'yət' ran ho din ja ra te mazai u, bi 'yən'a ra Jesús.

26

Nu yə ngərpi bi ma da bənt'ra Jesús

¹ Nə nu'bə mi gua a bi man ra Jesús, bi 'yəngähe:

² —Nuya man yopa thoho di 'bədi ngue din ja ra dəmpeti a ran dəbaxjua, nə nubəya da mba ma dágä ngue da mba ma cuatigä bə ja ra za, guecä dán ja'igä ua ja ra ximhäi, bi 'yəngähe ra Jesús.

³ Pə nu'ə ma ngərpihe ngue yə hmumbäjə, nə yə xənbate nijə, nə yə dəc'yəi, bim peti bə mbo rá mbä'ti rá ngu ra Caifás, nu'a mi hmumbäjə a ra jəya a. ⁴ Nə bi nyəsə u, bi ma nda'a ní fəhni da xi a ra Jesús ngue da bənt'i da hyo. ⁵ Nə bi ma, 'bə da gua a ra dəmpeti, ja da tho a. Nguetho bi zu din junthə yə ja'i mi 'yo bə ja ram peti.

N'da ra xisu bi hocpa rá ngøc'yəi ra Jesús

⁶ Nə nu'bə mi mbeng bə ra hnini Betania a ra Jesús, bi zəm bə ja rá ngu a ra Simón

mí hemb ra t'axca'ya mam'bet'o. ⁷ Ne bi hyuph mi ja a rá m^{ex}a a, ⁸na din sihme. Bi zom bu n'da ra xisu mí tu n'da ra xaro xum hmadi, án t'ot'e ra do ra alabastro. Ne mi po bu ra 'yethi yuman'u, ne'a emme di muui a. Ne nu'bu mi zom bu a ra xisu bu i hudi, bi xo'ts'a rá 'yethi bi xispa rá yaq ra Jesús. ⁹ Ne dán cuéhe 'bu mán nuhe 'be'a bi t'ørpa ra Jesús, ne dá emhe:

—Ndetho bi xispa ra 'yethi, ⁹ xen ho 'bu xta 'bä, xtá mba ma darpi yu hyoya a ra mbeti, dá emhe buya.

¹⁰ Ne bi bq'a ra Jesús 'be'a dá bemhe, ne bi 'yenje:

—Hanja gní unbahu rá mbai na ra xisu, ne xen ho 'be'a bi 'yorque. ¹¹ Nu yu hyoya nzai gam'buhmbu ua u, ne hont'a go má pa da zä gui fäxhu u. Pe nugä hin dan zangä ua, bi 'yengähe ra Jesús. ¹² Nuna ra xisu bi hoga ma ngoc'yei 'bu mi xiscä ra 'yethi, ngue da mba nt'äguigä bu ja ran 'yägui. ¹³ Ne majuqn*i*dí xi ahu, honbu go hapu da hman a rán ho ma'da'yo Ojä, nehn*a* da hman na bi 'yorcä na ra xisu, n'dahma honbu go hapu da fen'a, bi 'yen'a ra Jesús.

Nu ra Judas bi ma di dä ra Jesús

¹⁴ Ne nubuya, nu'a ma mixädihe ra Judas Iscariote, bi mba bi nyaqhu yu hmumbäjä ¹⁵ ne bi 'yembi:

—Hangu gui 'daju ngue ga dä ahu ra Jesús, bi 'yemp'u.

Ne 'bexgue bi unni 'däte ma 'det'a yu mbeti ngue ra t'axi buya. Ne xø bi mbeng bu 'bu a ra Jesús buya. ¹⁶ Pe emme mí honi 'be'a ní ora da zä dí dä a ra Jesús.

Rán ts'ihme ra Hmu

¹⁷ Ne nu'a rá mbudi pa ra dämpeti nangue ran däbaxjua 'bu zai dí sihe a ra hme hinguin 'youi ra íxi, ngue dyu judíohe, dyu israelhe, dá änhde ra Jesús yu xädigähe:

—Hapu guín nde ga hoje a rán ts'ihme ram baxjua ga sihu ya, dá emfe:

¹⁸ Ne bi xi u yoho ma mixädihe a ra Jesús, ne bi 'yemp'u:

—Ní mbe bu ja ra hnini Jerusalén ne gu xihmi a ran 'yohu, gu 'yenui: "Nugä, ya mi ts'utho da zøn ma ora, ne dí nde ga si rán sihme ram baxjua bu ja ni ngu, ne u ma xädigä, i en'a bá pengähe," gu 'yenui.

¹⁹ Ne bi 'yot'a bi xi u buya, ne bi hoc'a rán zibde a ram baxjua u buya. ²⁰⁻²¹ Nu'bu míñ de buya, dá somhe bu Jerusalén, 'darpu dán sihmehe bu ja ra mexa ra Jesús, ne bi 'yenje:

—Majuqn*i*dí xi ahu, i 'bu a n'da ahu ngue gui däju, bi 'yenje.

²² Ne emme bi du ma mbhihe, ne n'da ngu n'dagähe dá emfe:

—Grá hmu, ha guengä ga dä i, dá emfe n'da ngu n'daje.

²³ Ne bi dä a ra Jesús:

—Gue'a dí com'be ma mbohi ua dí sihmehu, gue'a dí dägä a, bi 'yem buya.

²⁴ Guecä ngue dán ja'igä ua ja ra ximhäi, da t'orcä 'be'a gätho i mam bu ja rám hma Ojä ya, pe í huehhi maha a ran 'yohu ngue nu'a di dägä. Man'da xen ho 'bu hin xtím 'bu a, bi 'yen'a ra Jesús.

²⁵ Ne bi dä a ra Judas buya:

—Xänbate i, ha guecä.

—Häha, gue'e, bi 'yemp'a ra Jesús.

²⁶ Ne nubuya bi hyac'a ra hme ra Jesús ne bi 'yäp rán japi Ojä, bi xem buya, bi darcähe a.

—Dami sihu na, guehna nim bøni ma ngoc'yei na, bi 'yenje.

²⁷ Ne bi dec'a ra vaso mi po rán gui ra uva buya, bi un ra jamadi Ojä mahøn'a, ne bi 'daje a ra vaso, bi 'yenje:

—Gätho dami sihu, ²⁸ guehna nam bøni, ma jigä ngue bi hoc'a ra 'da'yo 'yu bi 'yot'ahu Ojä na. Ne dim fäni dí punba yu ts'oqui yu ja'i. ²⁹ Ne dí xi ahu, him man'dandu ga sigä ra guindät'ä jague'bu bi zøn ra pa ga sihu ma'da'yo bu di manda rá ts'edi ma Ta, bi 'yengähe ra Jesús.

Ra Jesús bi bqadi din con'a ra Pedro

³⁰ Ne dán tuhmbe a ra thuhu ne dá mbähmbe bu ja ra nyuni Olivos buya. ³¹ Ne bi 'yengähe ra Jesús mahøn'a:

—Dí paqdi, nu'bu ni xui, gätho gui soga thohohu, bi 'yengähe ra Jesús. Ne gue'a nt'o't'i bu ja rám hman Ojä, i en: "Ga ho ra mbändu'yo ne din 'uext'u yu de'yo buya," i en Ojä, bi 'yen'a ra Jesús. ³² Pe nu'bu dá thambenigä, ga mbagä bu Galilea ní tin ahu bu, bi 'yengähe ngue yu xädigähe.

³³ Ne bi 'yen'a ra Pedro:

—Madague'bu gätho da 'uegue pe nugä, hin'nagä, bi 'yen'a.

³⁴ Bi dä a ra Jesús:

—Majuani dí xi i, guet'a ra xui i jabuya ná hyundi xquí cōnc 'bū bi mbah ra øni.

³⁵ Nu ra Pedro bi däti mahøn'a:

—Madague'bū 'darpu ga tuui, pe njam'bū ga cōn'i, bi 'yéna.

Né n'dat'a gätho dá mamhbe ngue hin ga 'uehmbe u ma mixädihe.

Ra Jesús bi du rá mbui bū ja ra nuqndät'ä Getsemaní

³⁶ Né nu'bū má sømhbe bū ra nyuni Olivos, dá cüthe a ra Jesús bū ja ra nuqndät'ä mí ñembi Getsemaní.

—Dami huhmbū ua ya, ga mbagä ua njongua ts'u, da nyä'be Ojä ma Ta, bi 'yéne.

³⁷ Né hyu u ma mixädihe bi zits'i, bi zix'a ra Pedro ne'u yoho yu ts'ant'u ra Zebedeo. Né ñemme man'da bi du rá mbui a ra Jesús.

³⁸ Né bi 'yémp'u ma mixädihe min 'yohu:

—Ñna da fóh ma mbui a ra dumbui, ñna ga tugä. Dami tøcpahu, 'dat'a dan äthahu, bi 'yémp'u.

³⁹ Né xø bi däm mi ts'u ra Jesús bū mi huhmbū u, ne bin dñyahmu bū, bi nye'ma häi, bi nyäui Ojä, bi 'yémbi:

—Ma Ta i, nu'bū da zä, dami japi hin gan nugä a ra mbohi xcá sänni; pe hin dín nde ma pähä zehé pe hønt'a go ni pähä zehé gui 'yøt'e, bi 'yémp'a Ojä.

⁴⁰ Né bá peng bū mí hu u xí zopu buya, né mí q u. Né bi 'yémp'a ra Pedro:

—Ha xínga n'da zi ora xquí sethu a ra t'øha, ngue 'be xcán hyumhbū ts'u. ⁴¹ Damin äthahu ne gui nyähu Ojä, guepu da zä hin hapu gui tñju 'bū bi ts'ä ahu ya, nguetho nu ní mbui n'da i ja ra pähä nangue Ojä, pe nu ní ngøc'yei n'da xñn güent'i thoho.

⁴² Né ná yondi buya bi mba bi nyäui Ojä mahøn'a:

—Ma Ta i, nu'bū ya hin da zä ga socä a xcá sänni, pe hønt'a ni pähä zehé gui 'yøt'e, bi 'yéna ra Jesús.

⁴³ Né xø bi mbeng bū mi 'bū u ma mixädihe. Xø mí øtho 'bū xø mi zøm bū mahøn'a, nguetho ñemme mí nde t'øha u.

⁴⁴ Né xø bi zopu u mahøn'a, ya ná hyundi buya bi mbengui di nyäui Ojä, né guexta'a bi ma. ⁴⁵ Né xø bi mbeng bū mí 'būh ma mixädihe mahøn'a, né bi 'yémbi:

—Nuya, 'da'angutho 'bū gán øhmbū ya o hin'na, nguetho ya bi zøn ra ora da mba ma dägä bū 'buh yu ts'om'bäi, guecä dán ja'igä ua ja ra ximhäi. ⁴⁶ Dami ndanshu, ga mbähä ba nuhu ya ba ñcua ngue di dägä, bi 'yémp'u.

Bifent'a ra Jesús

⁴⁷ Né guexta'a mí yähu u ma mixädihe 'bū mi zøm bū a ra Judas, n'da ma mixädihe dí 'dë'mayoho gähe. Né bán 'yohu xñn ngu yu ja'i ba hyä yu juai ne yu ts'aza. Né gue'u yúm 'behni yu hmumbäjä ne yu dac'yei, ma ngurpa judíohe. ⁴⁸ Né nu'a di dä ra Jesús bi xi a n'da ran t'uti da 'yøt' bū bi zøm bū: "Nu'a ga sus 'bū dán zengua'be, gue'a guim benthu a," bi 'yéna ra Judas. ⁴⁹ Janangue'a nu'bū mí zøm bū 'bä a ra Jesús, bi 'yémbi:

—Xude ya 'bū, grá xänbate, bi 'yémbi.

Né bi zäspa rá 'yogu buya. ⁵⁰ Né bi dä'a ra Jesús buya:

—Xi'e n'yø, ha gue'a gní 'yé a.

Né nu'u mi'da buya bi hyäm bū 'bä a ra Jesús ne bi bent'i.

⁵¹ Né nu'a n'da ma mixädihe min 'yohu ra Jesús, bi c'os' rá juai ne bi zecpa rá gu a rá 'yéhe ra hmumbäjä. ⁵² Né bi 'yéna ra Jesús buya:

—Dami pe'ts'a ni juai bū ja rán t'o. Nu'u din tuhni nangue ra juai, ne'u dí du ra juai u, bi 'yémp'a. ⁵³ Ha guí ñna hin xtan zä ga äp'a rám fäts'i Ojä ma Ta ne ba penhua 'dë'mayo munts'i yúm 'behni da yängui, bi 'yémp'a n'da ma mixädihe. ⁵⁴ Pe nu'bū da gue'a xcá mangä a, hague dán zä ga ja'ts'ä a bi man rá t'ohni Ojä, ngue 'be'a i jatho din ja, bi 'yéna ra Jesús.

⁵⁵ Né bi 'yémp'u yu ja'i buya:

—'Be'a guí homhbū ua ngue guí hø ni juaihu ne ni zahu. Ha guí ñmhbū drá bëgä, ne nya'a thoho dá xän'nahu bū ja ra dñijä ne njam'bū gá bëndgahu bū, bi 'yémp'u. ⁵⁶ Pe gue'a din ja a tengu bi man'u yu pøngahyä Ojä 'bū maya'bū, bi 'yéna ra Jesús.

Né nugähe buya dyu xädigähe, 'bexgue dá 'dahmbe, dá sohmbe bū ra Hmu.

Bijuqnba a ra Jesús u yu ngurpi yu judío

⁵⁷ Né bi bent'a ra Jesús, bá si bū 'buh ra Caifás, ngue ra ngurpa mbäjä. Né ya xím pëti gätho ma xänbate nijähe ne yu dac'yei,

ma ngərpihe dyə judíohe. ⁵⁸ Nε bi dən'na ra Pedro bəya pəgue a ná 'bəjua thoho, bi zəm bə ja rá ngun'yu a ra hmumbäjə bə hapə xí zən'a ra Jesús. Nε 'darbə bi hyuhmbə u yə asmayo, ngue in nde da nu a da t'ørpa a ra Jesús.

⁵⁹ Nε nu'ə yə hmumbäjə nε yə dac'yεi nε gä mi'da ma ngərpihe dyə judíohe, dyə israelhe, mi hon'a n'da ra fəhni ngue da zä dí yəp'a nε da hyo. ⁶⁰ Pε guehma nte bi dīnbi, madague'bə xən ngu u bin juənni, bi 'yəmbi majuəni u yə fəhni. Nε m'bəjua bəya, bi zəm bə yoho yən 'yohə din testigo, ⁶¹ nε bi 'yən'ə:

—Nuna ran 'yohə na bi 'yəna: “Nugä da zä ga xo'tra dənijə nε man hyupa thoho da zä ga həe mahən'a,” bi 'yəna, bi 'yən'ə bin juən bə.

⁶² Nε bi ndanc'a ra hmumbäjə bəya bim 'bəi, bi t'əmp'a ra Jesús:

—Hanja hin guí thəti 'bə'a i man ya yən 'yohə.

⁶³ Pε nu ra Jesús bin hətho. Nε bi 'yən'a ra hmumbäjə bəya:

—Nangue rá thuhu Ojə mahəts'i, dami xije 'bə majuəni gue'e grá Thahni, grá Cristo, rá Ts'ənt'ə i Ojə, bi t'əmp'a ra Jesús.

⁶⁴ Bi də a ra Jesús bəya:

—Gue'a gám ma. Nε dí xi ahə, guin nujə, guecə dán jə'igä ua ja ra ximhəi, dam mix-tegə ga com'be rá ts'ədi Ojə təte thoho rá ts'ədi. Nε guin nujə 'bə bá cəcə mahəts'i mahən'a, ba əcə bə ja yə güi, bi t'əmp'a ra hmumbäjə.

⁶⁵ Nε nu ra hmumbäjə bəya, bi dənse rá pahni. Nam bəni əmbi hingui əspa Ojə ra Jesús nangue'a bi ma. Nε bi 'yəna:

—Nuna ran 'yohə na, bi man ra ts'ore nangue Ojə. Him man ga homhbə yə testigo. Nε gätho gahə dá əhmbə a bi ma. ⁶⁶ 'Bə'a guí ndehə ga əthə ya, bi t'əmp'ə yə mingərpihə.

Bi də u:

—Nuna i ja rá ts'oqui, i jatho da du, bi 'yən'ə.

⁶⁷ Nε nubəya, 'dahma 'dan'yo bi t'ørpa ra Jesús. Bi zox u 'da, bi mbə'mi u mi'da, bi mbənpa rá hmi u mi'da, ⁶⁸ bi 'yəmbi:

—Nu'bə majuəni grá Thahni i Ojə, ngue ra Cristo, dami xije to'o bi mbəp'i.

Nε əmmə bi denthoho.

Ra Pedro bi gən'a ra Jesús

⁶⁹ Nε nu ra Pedro mi hupə thi bə ja ra ngun'yu, nε nu n'da ra xisu rá 'yəhə ra hmumbäjə, bi mba bə hu a ra Pedro, bi 'yəmbi:

—Eña nε'e gmín 'yohə na ra Jesús ra məngu Galilea, bi 'yəmp'a ra Pedro.

⁷⁰ Nε bi də a ra Pedro, bin cəni:

—Hin dí pədi, bi 'yən'a.

Nε gätho u mi 'bəpə bi 'yø a bi man ra Pedro.

⁷¹ Nε nu'bə mi nde da bən'a ra Pedro, bi nu man'da ra xisu bəya nε bi 'yəmp'ə mí 'bəpə:

—Nuna ran 'yohə na min 'youi ra Jesús, ra məngu bə Nazaret, bi 'yən'a ra xisu.

⁷² Nε xə bin cən'a ra Pedro:

—Majuəni dím mangä ngue hin dí pəcə a ran 'yohə guím ma, bi 'yəmp'a ra xisu.

⁷³ M'bəjua bəya nu u 'da mi 'yo bə, bi mba bə 'bəh ra Pedro, nε bi 'yəmbi:

—Majuəni maha, nε'e gmín 'yohə a, mfədi thoho ni ndehə nε 'da'angu bə gna yəhə a, bi 'yəmp'a.

⁷⁴ Nε nts'ədi bi mam bəya nε bin juənni, bi 'yəna:

—Ojə i pədi majuəni hin dí pəcə a ran 'yohə guí mamhbə, bi 'yən'a ra Pedro.

Nε 'bəxgue bi mbah ra tamfə bəya. ⁷⁵ Nε nu ra Pedro bəya, ja bi bən'a xí man a ra Jesús 'bə mi 'yəmbi: “Dí pədi hin ní mbah ra tamfə 'bə na hyundj xquí cəngui.” Nε bi nəxpə bəya nε əmmə bin zoni, xən u bi bəni nangue a bi 'yøt'e.

27

Ra Jesús bi mba ma dä bə 'bəh ra ts'ət'abi Pilato

¹ Nε nu'bə mi hyax bəya, gätho yə hmumbäjə nε yə dac'yεi, ma ngərpihe dyə judíohe, dyə israelhe, 'da'angu bi bəni ngue di dä ra Jesús bə 'bə a ra ts'ət'abi, ngue da hyo. ² Nε án thu't'i 'bə mi mba ma dä bə 'bə a ra Poncio Pilato, ra ts'ət'abi bə a.

Bi zət rá 'yəga ra Judas

³ Nε nu'a ra Judas xí dä a ra Jesús, 'bə mi 'yøde 'bə'a bi man u ma ngərpihe ngue da hyo a ra Jesús, bi mba bəya bi cospa a 'däte ma 'dət'a yə mbəti ngue ra t'axi xí un'ndə

yu hmumbäja, bi beni 'be'a bi 'yøt'e. 4 Ne bi 'yen'a ra Judas:

—Hingui ho hma a dá øt'e. Dá fänba rá ji n'da ran 'yohu hin'yu rá ts'oqui, bi 'yømp'uu hmumbäja.

Pe nu'u bi däti:

—Him ma güendagähe 'be'a gá 'yøt'e. Ya guí pa'a guím bense bu, bi 'yen'uu yu hmumbäja.

5 Ba en bu ra mbeti bu ja ra nija a ra Judas buya, ne bi mba bá sut rá 'yuga bu ja ra ndehnini.

6 Ne nu'u yu hmumbäja bi hyaq'a ra mbeti ne bi 'yena:

—Hingui sä ga pes'hu ua na ra mbeti ngue dim pecua mahøn'a, nguetho rán jut'ui ra ji na, bi 'yen'uu, ne gue'a i mam bu ja man t'ëdiuu.

7 Ne bin 'yænni 'be'a di jap'a ra mbeti. Ne bi beni da dämba n'da xequi rá häi a ra 'yøt'ats'øe, guepu da t'äh yu 'damhnini 'bu da du bu. 8 Ne asta guetya ní hutu "rá häi ra ji" a ra xequi bu. 9 Ne nu'a bin ja, maya'bu bi man'a ra pøngahyä Jeremías ngue din ja 'bu mí 'yena ngue: "Da thaq i 'däte ma 'det'a yu mbeti ngue ra t'axi, rá muui a ra ja*q*'i. Gue'a bi man u yu mengu israel ngue di muui.

10 Ne bi dänba rá häi a ra 'yøt'ats'øe, ngubu bi xicä ra Hmu," bi 'yen'a ra Jeremías 'bu maya'bu 'bu mí ma.

Ra Pilato bijuqnba a ra Jesús

11 Nu'bu mim 'bäpu ja rá hmi ra ts'ut'abi Pilato, bi 'yømp'a ra Jesús:

—Ha gue'e grá hmuts'ut'abi yu judío, bi t'ëmbi.

Bi daq a ra Jesús:

—Gue'a guím ma.

12 Ne nu'bu mi yap'u yu hmumbäja ne mi'da ma ngärp*hi*e a ra Jesús, pe hin te i tätho a ra Jesús. 13 Nu ra Pilato bi 'yømp'a ra Jesús:

—Ha hin guí ø'a i man'u di yap'i i, ne hin guí thäti.

14 Pe nu ra Jesús guexta'a hin te bi ma. Ne ñemme bi hyonya thoho ra ts'ut'abi, him mi pädi 'be'a sä da beni.

Bi hma da mba ma cuati bu ja ra pont'i ra Jesús

15 Ne nu ra ts'ut'abi nzai midi thø a n'da ra ofädi 'bu ra pa ra dämpeti ran däbaxjua. Midi thø'a to'o bi huan'ndu yu ja*q*'i. 16 Ne mi o bu n'da ran 'yohu í Barrabás, gätho mi fäpu 'be'a mí øt'a. 17 Nu ra Pilato buya bi 'yän'ndu bim peti bu:

—To'o guí ndehu ga xocpahu ya. Ha gue ra Barrabás uague ra Jesús ngue nu'a ñembi ra Cristo, bi 'yømp'uu.

18 Ngubu bi ma nguetho mi pädi yu zeya u yu yapate.

19 Ne nu'bu mi hupu ja ran ts'embate ra Pilato, bi mbenpa ra nde a rá xisu bi 'yembi: "Hin te gui 'yørpa a ra hogan'yohä, nguetho má xui dá 'u*j* n'da ra t'ï nts'utho nangue a," bi 'yømp'a ra nde bi mbenbi.

20 Pe nu yu hmumbäja ne u yu däc'yei, bi 'bep'u yu ja*q*'i da 'yäpi go da mba ma thøgue a ra Barrabás, ne go da mba ntho a ra Jesús.

21 Ne bi 'yän mahøn'a a ra ts'ut'abi:

—Nda'a guín ndehu ga thøcä, bi 'yømp'uu yu ja*q*'i.

Ne bi daq u buya:

—Gue'a ra Barrabás gui thøgue, bi 'yen'uu.

22 Ne bi daq a ra Pilato buya:

—Xi'a ra Jesús ñembi ra Cristo, 'be'a ga ñorpä a thaq.

Gätho bi 'yen'uu 'bupu:

—Dami cuatpu ja ra pont'i a.

23 —Pe hin te mán ts'o dá tänba na, bi 'yen'a ra Pilato.

Pe nts'edi bi daq u:

—Dami cuatpu ja ra pont'i.

24 Min nu ra Pilato buya ngue hingui sä dim päh yu mbui yu ja*q*'i, pe man'da bin junthu u. Janangue'a bi manda bá thunba ra dehe buya, bin xat'yu bu yu hmi yu ja*q*'i, ne bi 'yem buya:

—Ne nugä hin ma ts'oquigä rán däte da nu na ran 'yohu hin te in dupate, pe go ni ts'oqui zehhu, bi t'ëmp'uu yu ja*q*'i.

25 Ne bi daq u yu ja*q*'i buya:

—Häha, madague'a i 'yose ma güendahe a rán däte na ran 'yohu, necähe ne mam bom'betohe dim 'bu 'bu niya'bu, bi 'yen'uu.

26 Nu ra Pilato buya bi xocpa a ra Barrabás, ne bi manda dí fei a ra Jesús buya. Ne bi manda da mba ma cuati bu ja ra pont'i.

²⁷ Nε nu y✉ dofai b✉ya bi zix'a ra Jesús b✉ mí ja y✉ ngun'✉ y✉ dofai b✉ ja ra ngunts'✉t'abi. Nε gätho y✉ dofai mí 'b✉pa bim peti, midi fäts'a ra Jesús. ²⁸ Nε bi mbøcpa rá he b✉ya nε bi het'a n'da ra he x✉n j✉poi tengu mi he y✉ ts'✉t'abi. ²⁹ Nε nts'✉di bi huspa n'da ra corona tengu mí hu'ts' y✉ ts'✉t'abi, p✉gue ran thenni thoho bi 'y✉rpe, janangue'a ám 'be ra 'y✉uñi a ra corona. Nε bi un'na n'da ra tøhø rán 'y✉i tengu mí h✉ y✉ ts'✉t'abi. Nε bin dñyahmu b✉ ja rá hmi nε bi 'y✉mbi: "Grá hmuts'✉t'abi y✉ judío." Nε bi 'y✉ens' y✉ biba, p✉gue ran thenni thoho bi 'y✉rpe.

³⁰ Nε bi ts'ots'i, nε bi hyanba a rá tøhø nε bi mbärpa rá y✉. ³¹ Nε nu'b✉ mi gua'a bi 'y✉spi bi mbøcpa a ra he xí het p✉ya, bi het'✉ y✉ hesé mahøn'a. Nε bi zix b✉ya ngue di cuatp✉ ja ra pont'i b✉ ndehnini.

Bi cuatp✉ ja ra pont'i ra Jesús

³² Nε nu'b✉ mi ts'✉tho da bøm b✉ ja ra hnini, bin c'ath✉ b✉ n'da ran 'yoh✉ ra mèngu b✉ Cirene, í Simón a. Nε bi t'ørpa ra ts'✉di da duspa rá pont'i ra Jesús.

³³ Nε bi zøm b✉ ja ra nyuni ñmbi Gólgota b✉ya. Nu'a ra Gólgota in nde da ma "ra t'øhø nyqxmu" a. ³⁴ Nε nub✉ya bi un'na n'da ra vino mauqspi ra 'y✉thi x✉n ju. Nu'b✉ ya mí zä a ra Jesús, him bi nde bi zi.

³⁵ Nε nu'b✉ mi jua a bi cuatp✉ ja ra pont'i b✉ya, nu'✉ y✉ dofai bi 'y✉t'a n'da ran tøha nangue rá he ra Jesús. Gue'a bi man'a ra pøngahyä maya'b✉ ngue din ja 'b✉ mi 'y✉na: "Da mba ma dat'i a ma he nangue n'da ran tøha da 'y✉t'e."

³⁶ Nε mi hup✉ y✉ dofai mi fädi. ³⁷ Nε nub✉ rá y✉ a ra pont'i bi mba nt'o't'i b✉ ram hma bi ma 'b'e'a í ts'emb a ra Jesús, bi 'y✉n'a ra t'ohni: "Nuna ra Jesús na, rá hmuts'✉t'abi y✉ judío na."

³⁸ Nε bi mba ma cuatih✉ ra Jesús yoho y✉ b✉, 'da a n'da y✉ pont'i. Nε bi 'bämp'✉ ja rán 'y✉i a n'da nε bi 'bämp'✉ ja rá qah a man'da.

³⁹ Nε nu y✉ ja'i mi thop✉, bi zani, ⁴⁰ nε bi 'y✉mbi:

—Nu'i guí ñna gui xo't' ra dñnjä nε xø man hyupa thoho gui hyøh mahøn'a, 'b'e'a guí øt' ya thä. Nu'b✉ majuqni gue'e rá Ts'✉nt'✉ i Ojä, dami çap✉ ja ra pont'i, gan yanse, bi 'y✉n'✉.

⁴¹ Nε'✉ y✉ hmumbäjä bi 'y✉spi nε y✉ xänbate nijä, nε y✉ fariseo, nε y✉ däc'y✉i, gätho ma ngürpihe, din 'y✉mp'✉:

⁴² —Bi yanba y✉ te ✉ 'da, p✉ hingui sä din yanse ya. P✉ nu'b✉ majuqni da guehna ma hmuts'✉t'abih✉, dy✉ israelh✉, sä xtán gäse b✉ ja ra pont'i nε xcá ec'y✉ih✉ b✉ya. ⁴³ Bi ma, i ñna i tøp'ma rám fäts'i Ojä, da zä da yan a Ojä ya 'b✉, nguetho ya bi ma, guesé rá ts'✉nt'✉ Ojä na, bi 'y✉n'✉ 'b✉ mi 'y✉spi.

⁴⁴ Nε'✉ y✉ b✉ 'darb✉ bi guat'✉ bi zan a ra Jesús.

Bi du ra Jesús

⁴⁵ Nε nu'b✉ mi hyuxadi b✉ya bim 'bexui ra häi, nε jague'b✉ hyunde bi nequi mahøn'a. ⁴⁶ Nu'b✉ mi ts'✉tho da zøn a hyunde, nts'✉di bi mbah ra Jesús, bi 'y✉na:

—Elí, Elí, lama sabactani, bi 'y✉na ngue ra nde ra arameo.

Nu'a nam bøni: "Ma Ojä i, ma Ojä i, hanja gá hyëga thoho," bi 'y✉na.

⁴⁷ Nu'b✉ mi 'y✉'a bi man ra Jesús 'da y✉ ja'i mi 'bäp✉, bi 'y✉na:

—Nuna ran 'yoh✉ na, i mba't'a ra pøngahyä Elías, mí 'b✉ 'b✉ maya'b✉.

⁴⁸ Nε nu'a n'da mí 'bäp✉ 'bex bi mba bá h✉ n'da ñna ra fñajo, bi dñrp✉ ja ra vino nε bi ndøcta n'da ra xithi, nε bi 'uqspa a ra Jesús, ñmbi da zi. ⁴⁹ Nε bi 'y✉n'✉ mi'da mí 'bäp✉:

—Dami hyëhmb✉. O te guidí unhd✉. 'Bé gan nuh✉ 'b✉ ba ñh ra Elías da yan, bi 'y✉n'✉.

⁵⁰ Nε xø bi mbafi nts'✉di mahøn'a ra Jesús, nε 'bex bi du b✉ya. ⁵¹ Nε nu'a ra ora a b✉ya, nu'a ra 'bø't'e mi ndam b✉ man'da mbo ra dñnjä bá fñp✉ magats'i bi xet'i nε 'bexgue bi zøt'a häi. Nε bi 'yñ ra häi b✉ya, nε bi fñ'i 'da y✉ do hønb✉ go hap✉. ⁵² Nεp✉ ja y✉n 'yägui bi fñh y✉ jñdo. Nε nu'b✉ mi dñmbñni ra Jesús, bi bøx ✉ 'da y✉ 'y✉c'y✉ xi du, bi dñmbñni b✉ ja y✉n 'yägui ✉, ⁵³ bi mba b✉ ra hnini Jerusalén ✉ nε bi nu ✉ 'da y✉ ja'i ✉ xi du. P✉ hinga gätho y✉ pa.

⁵⁴ Nε nu'b✉ mi du ra Jesús, nε nu'a ra hmudofai mí fä a ra Jesús, nε'✉ mi'da min 'yoh✉, 'b✉ mi nu di 'yñ ra häi, nε'✉ gä mi'da bin ja, ñmmë bin su ✉, nε bi 'y✉n'✉:

—Majuqni maha, rá Ts'✉nt'✉ Ojä na ran 'yoh✉.

⁵⁵ Nε mí 'bäp✉ njomb✉ ts'✉ 'da y✉ xisu ngue man yáñ fäts'iñ a ra Jesús 'b✉ mán

'yohe bu ja ra 'yu, 'bu mambá n^exhe bu Galilea. Mi 'bäpu u, nguetho mi nde da nu 'bε'a da t'ørpa ra Jesú. Nε nu'u bi nu 'bε'a gä bin ja. ⁵⁶ Nε nu'a n'da mi 'bäpu, ra María Magdalena a; nε'a man'da ra María mi 'bäpu, ngue rá mbe ra Jacobo nε ra José; nε nu man'da ra xisu mi 'bäpu, gue'a rá mbe ra Jacobo nε ra Xuua, yú ts'unt'u ra Zebedeo u; nε'u mi'da yú xisu mi 'bäpu.

Bi mba nt'ägui a ra Jesú

⁵⁷⁻⁵⁸ Nε nu'a ra José, n'da ra mεmbeti bu ra hnini Arimatea, bi mba bu 'buh ra Pilato 'bu mi ts'utho da yéh ra hyadi. Bi 'yädi da 'yäcpa rá ngøc'yεi ra Jesú, nguetho mi εc'yεi a. Nε bi manda ra Pilato buya din t'unni. ⁵⁹ Nu ra José buya bi duspa rá ngøc'yεi a ra Jesú nε bi mbärpa n'da ra 'bøt'e xen ho. ⁶⁰ Nε bi gärpu ja rán 'yägui zehe a ra José. N'da ra hyado xí manda xí mba nthεqui. Nu'bu mi gua'a bi gärpu, bi juaspu n'da ra xindo xen hyu bu ja rá goxthi ra hyado, nε bi mba buya. ⁶¹ Nε mi hupu ra María Magdalena, nε man'da ra María mi hupu ja rá goxthi ra hyado.

Yu dofui bi mbäh ran 'yägui

⁶² Nε nu'bu mi hyax a ra pa ran ts'äya buya, xudi thoho bi mba u yu hmumbäju nε yu fariseo, bá nu ra Pilato, ⁶³ nε sä bi 'yεmbi:

—Ma ts'ut'abi ahe, dá bεmhbe man'da bi man'a ra hyäte 'bu him maní du, bi 'yεna: "Nu'bu ná hyupa ga thämbεn*i* bu 'bu u xøn du," bi 'yεna. ⁶⁴ Janangue'a xen ho 'bu guipu to'o da mbäh ran 'yägui an hyupa, xøhma ba ε u yú xädi 'bu bin xui da gäcpa a rá ngøc'yεi, nε da 'yεna bi dämbεn*i* buya. Man'da xen ts'o ra fehni tengu a, xinda gue a bi mansu 'bu mi 'bui, sä bi 'yεn'u yu hmumbäju nε yu fariseo.

⁶⁵ Bi dä a ra Pilato buya, bi 'yεmbi:

—Sixhu u n'dan nε'ts'i ni dofui dá 'da'ahu. Dami cothu xen ho bu ja rá goxthi a ra hyado, nε njon da zä da xo't'i.

⁶⁶ Nε bi mbähä u yu mbäju nε yu fariseo, bi got'i xen ho a ra hyado nε bi mεpya, nε bá peng buya, bá copu yu dofui ngue da mbädi.

¹ Nε nu'bu ya mi thoh ra pa ran ts'äya, xø rá mbudi ra semana, bi mba mxudi thoho u yoho yú xisu. Nu'a n'da ra María Magdalena nε'a man'da ra María. Nu'bu mí nεs'i ní mba bu bí ja a ra hyado. ² Nε nu'bu mí mba u, 'bexgue nts'uedi bi 'yqan ra häi mahøn'a. Nguetho bi 'yøt'a rám 'bεhni Ojä xí zøpu 'bu mí 'uec'a ra do mi juaxpu ja rá goxthi ra hyado. ³⁻⁵ Nε nu'a rám 'bεhni Ojä di fexni tengu n'da ra huei. Nε nu rá he buya, xen t'axi tengu n'da ran nεqui. Nε nu'u yu dofui 'bu mí nu a rám 'bεhni Ojä εmme bin su, bi fet'i, nε nte sä da 'yøt'e, tengu'bu xi du. Nu'a rám 'bεhni Ojä, mi hupu ja a ra do xí 'ueque, nε bi 'yεmp'u yu xisu 'bu mi zøm bu:

—O guín suui. Dí pädi ngue guí hommi a ra Jesú xí cuatpu ja ra pont'i u. ⁶ Pe njo'o ua, bi mba nsots'i tengu mi ma. Ba thohmi gui nuui ua mí 'bεni, bi 'yεn'a rám 'bεhni Ojä 'bu mi 'yεmp'u yu xisu. ⁷ Nuya, ní mbε 'dahmantho, gui xihmi yú xädi: "Bi dämbεn*i* bu 'bu u xøn du ya," gui 'yεnui. Nε nde'bu gätho ahu gui mbähä bu Galilea nε guepu guin c'athu bu. Nε gue'a bá εcä ua ngue ga xi aui, bi 'yεmp'a rám 'bεhni Ojä mahøt's'i.

⁸ Nε bi bøm bu ja ra hyado u yu xisu, bin su nε xim midi johya. Bin tihi, bi mba bá xi u yú xädi ra Jesú 'bε'a bi sifi. ⁹ Nε bi zøpu 'yu a ra Jesú u yu xisu.

—Xihats'i, bi 'yεmp'u.

Nu yu xisu buya bin dänyahmu nε bi hyupu yu gua, bi dände buya. ¹⁰ Nε bi 'yεn'a ra Jesú:

—O guín suui, ni mbε ba xihmi u ma cuhu, ní mbähä bu Galilea, ja nín tømhu bu, bi 'yεn'a ra Jesú.

Rafehni bi man yu dofui

¹¹ Nε nu'bu mí mbenc'u yu xisu, nε'u yu dofui mí fäh ran 'yägui bi mba bá xi u yu hmumbäju 'bε'a gätho bin ja. ¹² Bim peti yu hmumbäju buya, nε yu däc'yεi. Bi ma 'bε'a da zä da 'yøt'e. Nε nubuya xen ngu ra mbeti bi un'ndu yu dofui ¹³ nε bi 'yεmp'u:

—Gui 'yεmhbu: "Bá ε u yú xädi 'bu min xui 'bu mán qähbe, bi bεp'a rá ngøc'yεi," gui 'yεmhbu, bi 'yεmp'u. ¹⁴ Nε nu'bu da 'yø'a ra ts'ut'abi ngue gán qähbe, nε da 'yεna da zu ahu, nugähe dan yähe ga fäx ahe, bi 'yεn yu hmumbäju 'bu mi 'yεmp'u yu dofui.

¹⁵ Ne bi hyaŋ a ra mbeti u yu dofai buya. Bi mba da 'yøt'a bi sifi. Ne nu'a ra fehni bi man u, xun ngu bi 'yøc'yøi u ma mijudíohé dyu israelhe. Ne guexta'a ra fehni i man u.

Yú xädi ra Jesús bi un yáñ t'ëdi da mamp'a rám hma

¹⁶ Ne dá mbähmbe bu ra häi Galilea buya, dí 'de'ma'da gähe, yá xädigähe ra Jesús. Ne dá sømhbe bu ja ra nyuni xi xije ra Jesús dan c'athe bu. ¹⁷ Ne nu'bø má nuhe, dá spahe a, pe nu'u 'da him mi øc'yøi gue gue'a. ¹⁸ Ne bi hyäm bu dí 'bähmbe a ra Jesús ne bi 'yønje:

—Gätho ra ts'ëdi bin 'dacä ga manda gätho ra ximhäi ne mahëts'i, bi 'yønje.

¹⁹ Janangue'a ní mbähä ya hønbø go hapu 'bøh yu ja'i gä na ndoho ra ximhäi, gui xihmbø da 'yøc'yøigui. Ne nu'u to'o di dacä yá mbøi, gui xixyøbahu nangue rá thuhu ma Ta, ne nangue rá thuhu rá Ts'ønt'u, ne rá thuhu rá Hogandøhi Oja. ²⁰ Ne gui xänbahu da 'yøt'e 'be'a gätho dá xi ahu. Ne guim bømhbu dín 'yohu gätho yu pa asta gue'bu da guah ra ximhäi, bi 'yøngähe ra Jesús buya.

MARCOS

Ran ho ma'da'yo bi 'yo't' ra Marcos

Nu ra Xuua Nxixyq bi ma mi ts'utho da zəh ra Hmu

¹ Ja ua rá mbədi ran ho ma'da'yo nangue'a ra Jesucristo, rá Ts'unt'ə Ojə. ² Bin ja a mán t'o't'i 'bə maya'bə bə ja rá səcua Ojə 'bə mí 'yəna:

Nugä ga pəhn'na n'da mam 'behni dim 'bət'o bə gni mba.

Nu'a da xih yə ja'i da dəp'e'e, bi 'yəmp'a rá Ts'unt'ə.

³ Ne'a ra pəngahyq Isaías bi ma nguehna rám 'behni 'bə mi 'yəna ngue:

N'da ra ja'i din yə nts'edi bə ja ra dəpo ngue da 'yəna:

"Damin səhə ga simhbə ra hmu mi ts'utho da zəcua,

Dami hoc ni mbəihə ga təmhə xən ho," da 'yən a mam 'behni, i ən Ojə, bi 'yən'a ra Isaías.

⁴ Ne gue'a ra Xuua bi 'yət' ran xixyq bə ja ra dəpo bi man Ojə maya'bə. Nu ra Xuua bi xih yə ja'i din xixyq to'o di pəh yən 'yomfəni ne da mba ma punbi yə ts'oqui bəya. ⁵ Gətho yə ja'i mi 'bəpə ra xəqui Judea, nəpə ra dəhnihi Jerusalén, bi zəm bə i ət' ran xixyq ra Xuua. Ne nu'ə 'da bi pəh yən 'yomfəni ne bi mam bəya ngue hingui ho 'bə'a xí 'yət'e. Ne bi mba ma xixyqba bə ja ra dəthe Jordán ə bəya.

⁶ Nu ra Xuua mí he n'da ra mbapahni án t'ət'e ngue yə xingu yə camello ne mi ja rán gət'i ra xifani. Ne hənt'ə yə t'əxi nán sihme ne ra t'afí t'asa dəpo. ⁷ Ne bi 'yəna:

—Ba əpə n'da man'da ja rá ts'edi xinda guecä, hin dí səcä tengu a. ⁸ Nugä xtá xixyq ahə nangue ra dehe thoho, pə nu'a di 'da'ahə rá Hogandəhi Ojə, bi 'yəmb yə ja'i a ra Xuua.

Bi mba ma xixyqbi ra Jesús

⁹ Ne nu yə pa bi 'yət' ran xixyq ra Xuua, bi nəxpə ra hnini Nazaret ra Jesús, ngue ra xəqui Galilea. Ne bi zəm bə ra Jesús bin xixyq'a bəya bə ja ra dəthe Jordán. Gue'a ra Xuua bi 'yət' ran xixyq. ¹⁰ Ne nu'bə mí

bəxpə ja ra dehe bəya 'bex bi nu bi xoh mahəts'i ne bá cəh rá Hogandəhi Ojə, tengu n'da ra t'azə, bi zəpə 'bäh ra Jesús. ¹¹ Ne bi t'ə a n'da ra nde mahəts'i bi 'yəna:

—Ma Ts'unt'ə i, dadí huçc'i i ne dín numanho i, bi 'yən a ra nde.

Nu ra Jesús bi ts'äp rá mbəi bə ma'ueni

¹² Ne nubəya nu rá Hogandəhi Ojə 'bex bi bənbi da mba bə ma'ueni a ra Jesús. ¹³ Ne nyote pa bim 'bəpə ne nyote xui. Ne nu ra zəthu ra Satanás bi zəp rá mbəi a ra Jesús gätho yə pa bim 'bəpə, ne mí 'bəhmbə bə yəzate. Pə bi mbəx'ə yəm 'behni Ojə mahəts'i a ra Jesús 'bə'a gä bi nu bə.

Nu ra Jesús bi də'mi bi man a rám hma bə jayə hnini

¹⁴ Ya xí jot'a fədi ra Xuua Nxixyq 'bə mi bəm bə ra Jesús bə ra xəqui Judea, bi mba bə Galilea. Ne bi mam bə ran ho ma'da'yo ngue 'bəpə dí manda rá ts'edi Ojə n'da. ¹⁵ Ne bi 'yəmb yə ja'i:

—Mi ts'utho da zən ra pa di manda ua rá ts'edi Ojə, dami pəh nin 'yomfənihə, damin unsehə di manda ahə Ojə 'dahma din ja ahə ra te ma'da'yo. Gue'a bi man a ra Jesús 'bə mí 'yəmp'ə yə ja'i.

Ra Jesús bi zohni goho yə mbahuq

¹⁶ N'da ra pa mi 'yo bə a ra Jesús bə ndendədehe t'əmbi Galilea. Ne nubəya bi nu a ra Simón n'youi rán 'yohə i Andrés a, mi ənxit'ə bə ja ra dədehe ə, ngue yə 'bəfi yə mbahuq ə. ¹⁷ Ra Jesús bi 'yəmp'ə:

—Ba təngau ga ja aui gui xihmi yə ja'i da 'yəc'yəigui tengu thoho bə gní theui yə huq ngubə guí ət'ui, bi 'yəmp'ə.

¹⁸ 'Bex bi hyepə yə xit'ə bəya ne bi dənni.

¹⁹ Ne xə bi thogui bin 'yo mi ts'ə ne bi nu a ra Jacobo n'youi rán 'yohə i Xuua a, gätho ə yohə yə ts'unt'ə ra Zebedeo ə. Mi hubə ja yə mbosa ə, midi hoc yə xit'ə. ²⁰ Ne xə bi xifi da dən'də. 'Bex bi dən'də bəya bi zopə rá ta bə ja ra mbosa ə bəya ne yə mbəfi.

Ra Jesús bi hoc'a n'da ran 'yohə min 'youi ra zəthu

²¹ Ne nubəya nu ra Jesús bi yəthə bə ja ra hnini Capernaum ə xí tənni. Nu ra pa ran säya mí ərəpə ja ra nijə ne mi xənba bə yə ja'i. ²² Ne nu'ə bəya, əmmə bi hyonya thoho

'ba mí 'yø a bi man ra Jessús, nguetho bi xänbi xæn ho ne hinga nguba mí man a ma xänbate sehe ngue dya israelhe, dya judíohe. 'Bex gue bi bädi ja rán t'ëdi ra Jessús. ²³ Ne mi 'bäpa n'da ran 'yoha n'youi ra zïthu ne nts'ëdi bi mbah päya, bi 'yëna:

²⁴ —'Be'a guí nde gui 'yørcahe grá Jessús, grá mëngu Nazaret. Ha guí juaje ya. Dí pädi gue'e rá Thahni i Oja gue xæn hotho, bi 'yëna.

²⁵ Pe nu ra Jessús bi dämhyä ra zïthu, bi 'yëmbi:

—Daman hë, dami pøm ba ja rá mbäi na ran 'yoha, bi 'yëmbi.

²⁶ Nu ra zïthu baya nts'ëdi bi huä'ts'a ran 'yoha, nts'ëdi bi mbafi, ne bi bøm baya.

²⁷ Gätho bi hyonya thoho a 'bäpa ne bin 'yëmzëhe a:

—'Be'a nam bøn'a dí nuha ya. 'Be'a ni 'da'yonxädi na, nguetho i ja rán t'ëdi na i suh ya zïthu ne i su a, bin 'yëmzëhe a.

²⁸ Ne 'bexque 'dahmantho bi hmam ba gätho ra häi Galilea 'be'a bi 'yøt'a ra Jessús.

Bi hoc'a rá suto ra Simón a ra Jessús

²⁹ Nu'ba mi bøm ba ja ra nija a ra Jessús bi mbähä ra Simón, ne ra Andrés, ne ra Jacobo, ne ra Xuua. Bi zømhba ba rá ngu ra Simón.

³⁰ Ne nu'a rá suto ra Simón 'bem ba rá oi, i hëmb ra pa. Ne bi si a ra Jessús. ³¹ Ne bi nu bu i 'ben'a ra xisu baya, bi benba rá 'ye ne bi xots'i. 'Bex bi bøn a ra pa, hin hapa xæn'u, ne 'bex bi zä bi hoc yán sihme baya.

Ra Jessús bi hoqui xæn ngu ya hyënni

³² Ne nu'ba mí yøh ra hyadi gätho a mi a bá ts'inba a ra Jessús ba mi 'bäi, ne a min 'yoha ra zïthu bá ts'inbi. ³³ Bim peti ba ja ra goxthi gätho ya jä'i 'bäpa ja ra hnini.

³⁴ Gätho na ngu ya hyënni bi hoqui, ne bi hyënba thi ya zïthu min 'yoha a 'da. Ne nu ya zïthu, emme mi ndehma da ma to'o a ra Jessús, pe nu ra Jessús him bi japi din yä a.

Nu ra Jessús bi xänba ya jä'i ba ra xequi Galilea

³⁵ Ne nu'ba mi ts'utho da hyax baya, bi ndants'a ra Jessús bi bøm ba ja ra hnini, bi mba ba ma'ueni bin yäui Oja. ³⁶ Ne nu'ba mi hyats'i xæn ho baya, bi mba ra Simón da hyoni, ne'a mi'da mi 'bähmba bi mbähä da

hyomhba ra Jessús. ³⁷ Pe nu'ba mí däm baya, bi 'yëmbi:

—Mbähä ba ja ra ngu nguetho gätho ya ja*'i* hon'a ba mahøn'a, bi 'yëmbi.

³⁸ —Hin'na, pe man'da xæn ho 'ba ga mbähä ba ja mi'da ya hnini, nepu ga mangä ba mam hmam ba, nguetho gue'a bá ëcä ua a, bi 'yën'a ra Jessús.

³⁹ 'Bex bi mbähä baya, bin 'yo gätho ra häi Galilea, bi man rám hman Oja ba ja ya nja ne bi hyøn'a thi ya zïthu mí'n 'yoha 'da ya ja*'i* ba bi thogui.

Bi hoc'a n'da ran 'yoha mi hëmb ra t'axca'ya

⁴⁰ Ne bi zøm ba n'da ran 'yoha ba 'bäh ra Jessús, i hëmb ra t'axca'ya. Bin dänyahmu, bi 'yäp ra mate, bi 'yëna:

—Nu'ba ni pähä da zä guí hogui ts'a, bi 'yëmbi.

⁴¹ Bin yeh rá mbäi ra Jessús, bi dä'a ra hyënni, ne bi 'yëmb baya:

—I jagä ra pähä da yan'a ya, bi 'yëmbi.

⁴² 'Bex bim 'be'u ya 'ya mi hëmbi. ⁴³⁻⁴⁴ Nu ra Jessús baya, nts'ëdi bi hecpi ne bi 'yëmbi:

—Nuya, njon guí xifi 'be'a dá øt'e'e. Ni mba, bán 'yupa 'bäh ra mbäjä, guí un ba n'da ra 'bøt's'e i man rán t'ëdi ra Moisés da hyäxpa n'da 'ba ya bi yan ra t'axca'ya, ne da fäh baya ngue bi zä i, bi 'yëmbi.

Ne bi xifi da mba baya. ⁴⁵ Pe nu ran 'yoha 'ba mi bøm ba bi mbädi emme mma. Ne bi xih ya ja*'i* 'be'a xí t'ørpe. Jannangue'a nu ra Jessús ya him bi zä da yärpa ja ya hnini ne 'yotho ba ma'ueni nguetho emme bi muns ya ja*'i* 'ba i cärpa ja ra hnini. Pe guehma xæn ngu ya ja*'i* mi zøm ba hapa mi 'yo ngue høn ba go hapa ní nets'i.

2

Bi hoc'a n'da raja'i mi ts'a rá raja'i

¹ Nu'ba mi tho i ts'a 'da ya pa bi yat mahøn'a ba Capernaum ra Jessús. Nu'ba mí 'yøh ya ja*'i* ngue 'bäpa ja ra ngu, ² 'bexque xæn ngu bi zøm ba ya ja*'i* gue'ba go mi yupa mbo ra ngu nepu thi. Nu ra Jessús baya, bi xih rám hman Oja a ya ja*'i*. ³ Ne nubaya, bi zøm ba 'da yán 'yoha i tu n'da ra hyënni ngue mí ts'a rá ja*'i*. Goho ma 'yoha a yandute. ⁴ Ne hingui sä da thopa 'bäh ra Jessús

ngue tho mi da bu yu ja'i. Janangue'a bi xo'ts'a n'da xequi ra 'bet'e, bi cämp' u a ra hyënni con rá 'beza. ⁵ 'Bex bi båh ra Jesúus ngue mi p å u ngue i jasç rá ts'edi, ne bi 'yëmp'a ra hyënni baya:

—Nu'i, n'yø, ni ts'oqui ya xam pun'ni i, bi 'yëmbi.

⁶ Ne nu'u 'da yu xänbate njä, mi hupu. Ne nu'b u mí 'yø'a 'be'a i man ra Jesúus, ⁷ bi 'yënsé mbo yu mbui n'da ngu n'da: "Xina, hanja ni man na tengu na. Pe hingui numansu Ojä na, njo'o n'da ra ja'i da zä di punba yu ts'oqui n'da, hinda hønt'a Ojä," bi 'yënsé yu mbui u. ⁸ Pe nu ra Jesúus 'bexque bi båtho 'be'a mbën u, ne bi 'yëmp' u:

—Hanja ngubu guim bëmhbu mbo ni mbuihu. ⁹ Ha guim bëmhbu ngue nte ni mba tho a dá xicä na ran 'yohu ngue rá ts'oqui ya xam punbi. Ha guim bëmhbu man'da xquí pahmbu ngue i ja ma ts'edi 'bu ga xifi da ndants'i, da gax rá fidi din 'yo. ¹⁰ Pe nugä ngue dán ja'igä ua ja ra ximhäi, ga ut'ahu ya i ja man t'ëdi ua ja ra häi ngue ga punba yu ts'oqui n'da ra ja'i, jannangue'a ga japi din 'yo na ran 'yohu ya, bi 'yëna ra Jesúus.

Ne nubuya, bi 'yëmp'a mí ts'a rá ja'i:

¹¹ —Nu'i, dí xi i, ndants'i, cax ni fidi, ni mba ni ngu, bi 'yëmbi.

¹² Nubuya, 'bex bi ndants'i, bi gax rá fidi, bi bøm bu i ja ra ngu. Ne bi nu u gätho mi 'bupu. Ne bi hyonya thoho u. Jannangue a bi 'yëspa Ojä u baya ne bi 'yënu:

—Njäm'bu xtá nuhu tengu a bin ja ya, bi 'yënu:

Nu ra Leví 'bex bi den'na ra Jesúus

¹³ M'bëjua baya xo bi mba mahøn'a bu ja ra ndendädehe a ra Jesúus. Ne mi søm bu yu ja'i ne mi xänba bu u. ¹⁴ Nu'b u mi thopu 'bu a ra Leví, i hupu ja rá mexa gue'a ra hyäcahái a. Nu'a ra Leví rá ts'ant'u ra Alfeo a. Nu ra Jesúus baya bi 'yëmbi:

—Ba tengui.

'Bex bi ndants'a ra Leví baya, bi dënni.

Jesúus bin sihmehu yu ts'om'bäi

¹⁵ Ne bin sihmehu ra Jesúus ne yu xädi bu ja rá ngu a ra Leví. 'Darpu bin sihmehu 'da yu ziyate hyäcahái ne mi'da yu ts'om'bäi. Xan ngu mi 'bupu nguetho xan ngu u ya xí

'yëc'yëi a. ¹⁶ Ne nu'u 'da ma xänbatehe bu njä, yu fariseo u, ne nu'b u mi nu ra Jesúus ne yu xädi sihmehu u yu ziyate hyäcahái ne yu ts'om'bäi ne bi 'yëmp' u yu xädi ra Jesúus:

—Hanja ngubu øt' ni Hmuhu. Hingui ho øt'a ngue i sihmehu yu ziyate hyäcahái ne yu ts'om'bäi, bi 'yënu:

¹⁷ Nu'b u mí 'yøh ra Jesúus 'be'a bi man u, bi 'yëmp' u:

—Nu'u im bënsé xan zaqui hingui honi to'o da mbäts'i, hinda hønt'u i pæse in zäman'u i honi to'o da mbäx u. Ne nugä bá ecä ga fäx u i pædi ja yu ts'oqui, him bá ecä ga fäx u im bënsé yu hocja'i, bi 'yënu a ra Jesúus.

Ran t'anni nangue u ε't' yu sihmë

¹⁸ Nu'u yu xädi ra Xuua Nxixyä ne yu xädi yu fariseo mí ε't' yu sihmë u. Ne bi zøm bu u 'da bu mí 'buh ra Jesúus ngue bi 'yënni ne bi 'yëmbi:

—Hanja hingui ε't' yu sihmë u ni xädi ne i ε't' yu sihmë u yu xädi ra Xuua ne yu xädi yu fariseo, bi 'yënu:

¹⁹ Ra Jesúus bi xi'a n'da ran t'uti ngue ran thäti 'bu mi dat'u, bi 'yëmbi:

—Pe nu'u i 'bupu ja ran thäti hin da du yu mbui nguetho 'bupu a ran 'yohu din thäti. Hin da 'yëna ngue hin din sihmë u. ²⁰ Pe da zøn ra ora da ts'ispa a ran 'yohu ne ja da 'yët' yu sihmë baya, bi 'yënu a ra Jesúus. ²¹ Ne nu'a din xä u ma xädigä hin da bømanho 'bu ne'a ra nyomhma da dën ya, tengu thoho ra naxca 'bø't'e hin da zä di 'bø't'a ra 'ya'bø't'e nguetho da xø thoho mahøn'a.

²² Ne ngutho a ra vino ma'da'yo hin da zä da sirpu ja ra 'yambot'asëi nguetho nu'a ra vino ma'da'yo da dën 'bu da sirpu ne dim fän a ra vino baya, gätho 'da dín ts'ontho baya. Nu'a ra vino ma'da'yo i pa nsit'i bu ja yu mbot'asëi ma'da'yo, pi 'yënu a ra Jesúus 'bu mí dädi.

Bi t'ëmbi i øt' ra 'befi u yu xädi ra Jesúus a ra pa ran ts'äya

²³ Ne nu'a ra pa ran ts'äya bi mbähä yu xädi ra Jesúus, bi thopu ja n'da rá huähi yu trigo. Nu yu xädi baya i toc yu trigo bu bi thogui. ²⁴ Nu yu fariseo bi nu 'be'a bi 'yøt'u yu xädi ra Jesúus ne bi t'ëmp'a ra Jesúus baya:

—Hanja nguba i øt' u ni xädihu ya ne i ma man t'edihu hin dam pehmbu a ra pa ran ts'äya, bi 'yën' u yu fariseo.

25 Pe nu'a ra Jesús bi 'yëmp' u:

—Ha hin guí nu bu ni sôcuqhü ngue ne ra David bi mbesta rán t'ëdi Ojä 'bu n'dandı 'bu min tumanthuhu bu bin 'yo ne u min 'yohu. **26** Janangue'a bi yërpü ja rá ngu Ojä ne bi zihü bu yu 'bøxthuhme. Pe him mi sä xtán zi u ne hont'u yu mbäjä i sä da zi u. Ne nu ra Abiatar, ra hmumbäjä bu a, bi 'yëmp' u.

27 Ne xø bi 'yëna:

—Í ts'än'na ra pa ran ts'äya nguetho bi ndep yu ja'i hin ε din ubni, hin í ts'änni ngue da mba nts'upi. **28** Ne nugä ngue dán ja'igä ua ja ra ximhäi, drá hmugä ne i ja man t'ëdi gam mangä 'be'a da 'yot' yu ja'i ra pa ran ts'äya, bi 'yën a ra Jesús.

3

Bi hoc'a n'da ran 'yohu him mi sä di juan rá 'ye

1 Ne nu ra Jesús buya bi yërpü ja ra nija mahøn'a. Ne mí 'büpü n'da ran 'yohu him mi sä di juan rá 'ye. **2** Ne mi 'büpü 'da di qxtho ra Jesús 'bu di hocpa rá 'ye ran 'yohu. Ne nu 'bu da nu di hocpi di yap puya nguetho ra pa ran ts'äya a. **3** Pe nu ra Jesús bi 'yëmp'a ran 'yohu:

—Ndants'i, gam 'bähnu made i 'bäh yu ja'i, bi 'yëmbi.

4 Ne nubuya, bi 'yän'du 'büpü ne bi 'yëmp' u:

—Dami xijü ya 'be'a xän ho da t'ot' 'bu ra pa ran ts'äya. Ha da t'ot'a n'da ran ho uague da t'ot'a n'da ran ts'o. Ha xän ho 'bu da yanba rá te rá mijä'iui n'da, uague xän ho 'bu da hyäcpa rá te rá mijä'iui n'da.

Pe nu'u hin'yu 'be'a sä dí däti. **5** Nu ra Jesús bi hyanman' u yu ja'i buya ne bi zöt rá mbäi nguetho hin'yu ran hocja'i u. Nubuya bi 'yëmp'a mi u rá 'ye:

—Dami juan ni 'ye.

Ne 'bex bi juan rá 'ye buya, bi gomanho.

6 Bi bøn yu fariseo buya ne in cuë. Bin yahü mahøn'a u yän suiħu ngue mi ten ra Herodes, ne mí hon u 'bëpü dí hyo a ra Jesús.

Xän ngu yu ja'i bim peti bu ja ra dqdehe mahøn'a

7 Nu ra Jesús bi 'uegue bi mbähä yu xädi bu ja ra dädehe ne xän ngu yu ja'i mi 'büpü ra häi Galilea bi denthoho. **8** Ne u yu mëngu bu ja ra häi Judea, nebü ra hnini Jerusalén, nebü ra häi Idumea, nebü 'danguadi ra Jordán, nebü ra xequi Tiro ne Sidón, bi 'yø u 'be'a gätho bi 'yot'a ra Jesús. Janangue a gätho bi zøm bu mi 'bu a. **9** Ne nu ra Jesús bi 'yëmp' u yu xädi:

—Damin sähü, gui jomhbü n'da ra t'umbosa nu ja ra dehe, bi 'yëmp' u.

Nguba bi xifi nguetho i nu man'da man'da ní zøntho yu ja'i ne nu'bu bin du bu yu ja'i da hyuxpu ja ra mbosa ra Jesús buya. **10** Nguetho ya xí hoqui xän ngu yu hyënni, janangue a din tønthoho u yän zäman' u in nde da benba rá pahni ra Jesús ngue mi pø u, høntho ga thärpa thoho rá pahni 'bex gue da yanqui, mi èn' u. **11** Ne nu'u min 'yohu ra zithu bin dänyahmu bu 'bäh ra Jesús ne mbafi, èn u:

—Nu'i gue'e rá Ts'unt' u i Ojä, bi 'yën u.

12 Pe nu ra Jesús nts'ëdi bi hecpa u nguetho hingui ndepe gue' u yu zithu dí bu a yu ja'i gue gue'a rá Ts'unt' u Ojä a.

Ra Jesús bi huahni 'de'mayoho yu xädi

13 M'bëjua buya bi guam bu ja ra nyuni a ra Jesús. Nubuya bi zohn'du 'da yu xädi ne nu'u bi mba bu 'bäh ra Jesús u buya. **14** Ne nubuya bi huahn'du 'de'mayoho, bi zänni din 'yohu ngue da zä da mbëhni da xih yu ja'i rám hman Ojä. **15** Ne bi un yu ts'ëdi di hoc yu hyënni ne da hyøn a thi yu zithu n'yohu 'da yu ja'i. **16** Bi zänna ra Simón, ne bi zänbi dí huti ra Pedro a. **17** Ne ra Jacobo ne'a ra Xuua rán 'yohu na ra Jacobo. Gätho yoho yu ts'unt' u ra Zebedeo ya. Ne bi zänba yän sopathuhu Boanerges, i nde da ma tengu n'da ra ngäni. **18** Ne'a ra Andrés bi zänni, ne ra Felipe, ne ra Bartolomé, ne ra Mateo, ne ra Tomás, ne man'da ra Jacobo ngue rá ts'unt' u ra Alfeo, ne ra Tadeo, ne man'da ra Simón, t'ëmbi ra cananista. **19** Ne ra Judas Iscariote gue'a di dä a ra Jesús. Ne nu'bu mí gua'a bi un yu ts'ëdi u, bá èh yu ngu.

Bi t'ëmbi in 'youi rá ts'ëdi ra zithu a ra Jesús

20 Ne xø bi zøm bu xän ngu yu ja'i mahøn'a xø him mi pongui din sihme ts' u ra Jesús ne

yú xädi. ²¹ Nu'bu mí 'yø u yú meni ra Jesús 'b'e'a gätho i øt'a, εmbi in gat'i, ne bá ε u bi zom bu 'buh ra Jesús i nde da zits'i.

²² Ne nu yu xänbate nija xpí 'ye a Jerusalén, sä εn u n'youi ra zithu ra Jesús, ne εn u nangue rá ts'edi yú hmu ra zithu gue'a ní zä i høn a thi yu zithu ra Jesús, sä bi 'yεn u yu xänbate nija.

²³ Nu'bu mí buh ra Jesús 'b'e'a bi man u, bi zon'du buya ne bi xih yan t'uti da budi hinga gue'a man u. Bi 'yεmp'u:

—Hin da zä a ra zithu din susuhu yu minzjuthuhu, ne xtí 'butho rá ts'edi. ²⁴ Tengu n'da ra ts'ut'abi bu ja ra hnini hingui sä da hyq rá ts'edi 'bu din susuhu u yu ja'i. ²⁵ Ne ngutho n'da ra ngu 'darpu 'buhmbu yu ts'unt'u n'da ran 'yohu da guase u 'bu hinga 'dat'a im buni. ²⁶ Ngutho u yu zithu 'bu xtín susuhu yu hmu, xtan guase u 'bu hinga 'dat'a im bun'u, bi 'yεn'a ra Jesús.

²⁷ Ne xø bi xih man'da ran t'uti nangue 'b'e'a bi 'yørpa ra zithu, bi 'yεmbi:

—Njon da zä da yurpu ja rá ngu n'da ran 'yohu i ja rá ts'edi gue'bu hinga m'but'o da thu't'i. Pe nu'bu ya bi thu't'i, hingui hei da thaspi 'b'e'a gätho i pes' puya, bi 'yεn a ra Jesús.

²⁸ Pe majuuni dí xi ahu hønt'a go ma ts'oqui bi 'yøt' yu ja'i da mba ma punbi 'bu da hyon ra punbi, ne hønt'a go ma ts'ore bi ma. ²⁹ Pe nu'u to'o im man ra ts'ore nangue rá Hoganduhi Oju njam'bu da zä da mba ma punbi u, da nu ran u**u**bi gätho yu pa mazai, bi 'yεn a ra Jesús.

³⁰ Ngubu bi xih yu xänbate nija ra Jesús nguetho bi 'yεn'u hinga gue'a rá ts'edi rá Hoganduhi Oju in 'youi ra Jesús, ngue mi høn a thi yu zithu.

Ra Jesús i εmbi rá mbe ne yán 'yohu u i øt' rá pähä Oju

³¹ Ne nubuya bá εse rá mbe ra Jesús ne yán 'yohu. Pe mí 'butho bu thi nguetho him bi zä bi yut'a mbo. Ne bi xi u 'bupu mbo:

—Xihmi ts'u ra Jesús ngue dín zohndähe ua thi, bi 'yεmp'u.

³² Ne nu'u 'darpu mí huhmbu ra Jesús bi 'yεmp'u buya:

—Bupu thi ni mbe ne nin 'yohu, i hon a i 'na.

³³ Nu ra Jesús buya bi dat'u:

—Ga xi ahu te'o a ma mbe ne man 'yohu.

³⁴⁻³⁵ Ne bi hyant'u 'darpu huhmbu buya, ne bi 'yεna:

—Bucua ya ma mbe, ne man 'yohu, nguetho hønt'a go te'o da 'yørpa rá pähä Oju, gue'a man 'yohu a, ne gue'a man ju a, ne gue a ma mbe a, bi 'yεmp 'bu mi dädi.

4

Ran t'uti ra mbomhmuðä

¹ Ne xø bi xänba yu ja'i mahøn'a bu ja ra ndendädehe a ra Jesús. Ne εmmε xun ngu yu ja'i bim putihu bu. Janangue'a bi yurbu ja ra t'ambosa bi däp i ts'u bu ja ra ndenthe. Nu yu ja'i bi gopu ndenthe buya. ² Nu ra Jesús buya xun ngu yan t'uti bi xih yu ja'i 'bu mí xänbi, ne bi 'yεna:

³ —'Yøhmbu ts'u ran t'uti ga xi ahu ya. Nu'a n'da ra uuhi bi mba bá pon yu hmudä.

⁴ Ne bi zo 'da bu 'yu. Nubuya bá εh yu doja bi jua'a nts'a yu hmudä xí zo bu. ⁵ Nu'u mi'da yu hmudä bi zo bu ja yu ndaxnado ne ts'ut'ho ra häi bu. Janangue'a 'bex bi buxa n'dihi. ⁶ Pe nu'bu mam bá pux ra hyadi 'bex bi 'yot'u nguetho hin hapu sä da mba yu 'yu.

⁷ Nu'u mi'da bi zo bu ja yu däpo, bi buts'e pugue bi gom' yu däpo, ne nte bi ndø'u. ⁸ Pe nu'u mi'da buya bi zo bu ja ra häi xun ho. Bi buts'e ne bin te, ne bi ndøgue. Nu'u 'da 'däte ma'det'a bi ndøgue, nu'u 'da hyate, nu'u 'da n'da ciuento bi ndøgue ngue n'da 'buai, bi 'yεn a ra Jesús.

⁹ Ne xø bi 'yεmp'u yu ja'i:

—Hønt'a go to'o ja yu zugu bi 'yø a dá ma, bi 'yεmbi.

Hanj*a* i xih yan t'uti yu ja'i a ra Jesús

¹⁰ Nu'bu mi 'busuhu 'de'ma yoho yu xädi ra Jesús ne'u mi'da yu 'yεc'yεi, bi xif*i* da xi u 'b'e'a na mbøn a ran t'uti bi ma. ¹¹ Nu ra Jesús bi 'yεmp'u buya:

—Gue'ahu bi ja ahu gui puahmbu a him mam fädi mam 'but'o ngue 'bupu ní manda rá ts'edi Oju. Pe nu'u yu ja'i thoho gue'u da sänba yan t'uti, ¹² madague da nu pe hin da 'yørpa masu 'b'e'a da nu, ne madague da 'yøde pe hin da budi 'b'e'a ní mba a, ne hin da buni di päh yu mbuai ngue da hyon ra punbi, bi 'yεn'a ra Jesús.

Rán theui a ran t'uti a ra mbomhmuðä

13 Nε xø bi 'yεmp'✉ mahøn'a:

—Nu'b✉ hin guí pahmb✉ 'bε'a na mbøn'a ran t'uti dá mangä, ha da zä gui pahmb✉ gätho mi'da ga xi ah✉ 'bu. **14** Nu'a na mbøn'a dá mangä, nu'a ra uähi que'a bá man rám hman Ojä hønb✉ go hap✉. **15** Guehya bi zo b✉ ja ra 'yu na mbøni bi 'yømanho rám hman Ojä ya. Pe nu ra zj̄thu 'bex bi japi bi pumbëni a ram hma bi sifi. **16** Ximangutya bi zo b✉ ja y✉ ndaxnado na mbøni bi 'yøh ram hma ne bin johya. **17** Pégue hinga gätho rá mbøni bi bëni. Janangue'a nu'b✉ bi nu yøn acpi ne yøn unbi nangue rám hman Ojä him bi hyät'i, 'bex gue bi zu ne bi 'uegue. **18** Nε nuya bi zo b✉ ja ra däpo na mbøni bi 'yømanho ram hma **19** pe εmme di ho ra ximhäi ne ra mbëti i hät'i, ne di ho da 'yøt' y✉ pähä zehε. Tengu'b✉ bi gomba ram hma, ne hin di japi din te y✉ mbui. **20** Pe nuya bi zo b✉ ja ra häi xøn ho, na mbøni bi 'yømanho rám hman Ojä, bi hyäni, ne bin te y✉ mbui xøn ho, ne bi xänt'a ram hma xøn ho, tengutho y✉ hmudä, gue bi ndø'a 'däte ma'det'a ✉ 'da, ne hyäte ✉ 'da, ne n'da ciénto ✉ 'da, bi 'yεmp'✉ y✉ xädi 'b✉ mi xifi 'bε'a na mbøn'a ran t'uti bi ma.

Gätho him mam fädi da zøni da fädi

21 Nε xø bi 'yεn'a ra Jesús:

—Nu'a mam hmangä nts'änni gätho y✉ ja'i da 'yøde, tengu n'da ra nyot'i nts'änni di yot'i gätho b✉ mbo ra ngu, hingan ts'änni da mba ma cü't'i b✉ ja ra 'bihuanza o ra 'bit'ots'i. **22** Nguetho gätho 'bε'a him mam fädi da zøni da fädi, ne gätho 'bε'a him midí nequi da zøni da hnu. **23** Hønt'a go to'o ja y✉ zagu bi 'yø a dá ma. **24** Nε nu'a di jamansu a i øde da bädi xøn ho ne Ojä di japi man'da xøn ngu da zøni da bädi. Pe nu'a hin ε di jamansu a i øde, pe ne'a zi ts'✉ mi pädi dim 'bädi, ne tengu ni t'eni gnán emhmb✉ gue'a dí t'en'nah✉, ne man'da mbongui thoho din 'da ah✉. **25** Din ja ah✉ tengu ram hma i εna: "Nu'a xøn ngu i ja man'da xøn ngu din t'unni pe nu'a ts'✉tho i ja man'da da thämba a."

Rán t'uti ra hmudä i te

26-27 Nu ra Jesús bi 'yεmp'✉ mahøn'a:

—Nuya di manda ua rá ts'edi Ojä madague'b✉ hin di nequi, tengu thoho n'da ra hmudä 'b✉ bi du a n'da ran 'yoh✉,

madague'b✉ hingui nu hague ám bøts'e pégue i pädi da bøts'e, nte im bøntho. **28** Nguetho nu'a ra häi dí tesε y✉ thuhu a. Nu'b✉ bi mbødi bi bøts'e, y✉ paxi thoho, m'bøjua bøya da ndøh y✉ däxi, ne nubøya din thä ✉. **29** Nε nu ran 'yoh✉ bøya da xoqui nguetho bi zøn ra ora da 'bε'ts'i, bi 'yεn a ra Jesús. In jab✉ rá ts'edi Ojä ngue di manda ua ne njongui nu hague na te.

Ran t'uti rá hmudä ra mostaza

30 Nε man'da ran t'uti bi xih y✉ xädi ra Jesús mahøn'a, ne bi 'yεmp'✉:

—'Bep✉ dä bømhøb✉ hague di manda ua rá ts'edi Ojä. Ga xi ah✉ n'da ran t'uti nangue'a. **31-32** In ja tengu n'da rá hmudä ra mostaza i pa m'boni, ne εmme zicue tho, εmme man'da zicue xinda gue mi'da y✉ hmudä, pe man'da i te xøn ngu y✉ 'yε, xinda gue gä mi'da y✉ paxi ne xøgue sä da 'yøt' y✉ 'bafi y✉ doja b✉ ja y✉ xaha. Njab✉ rá ts'edi Ojä b✉ ni nequi ngue di manda ua, bi 'yεn'a ra Jesús.

Hanja bi xih y✉n t'uti ✉ y✉ ja'i

33 Nε xøn ngu mi'da yøn t'uti bi xänba y✉ ja'i a ra Jesús 'b✉ mi xänbi tengu ya i hmangua, pe hønt'✉ hingui hëi b✉ dä fädi bi xifi. **34** Nε nte bi xih mi'da yøm hma, hønt'✉ yøn t'uti bi xifi. Pe nu'b✉ mi 'bøseh✉ y✉ xädi bi xih pøya 'bε'a na mbøn'✉ yøn t'uti bi mam b✉ 'bah y✉ ja'i.

Bi xifi din hε ran dähi ra Jesús

35 Nu'b✉ míñ de bøya nu ra Jesús bi 'yεmp'✉ y✉ xädi:

—Nuya ga thohmb✉ n✉ 'danguadi ra dädehe, bi 'yεmp'✉.

36 Nε nubøya bi xih y✉ ja'i da mbeng b✉ y✉ ngu. Nu y✉ xädi bøya bi 'yon a ra mbosa mi huh✉ ra Jesús, bi mbähä bøya. Nε xøn ngu mi'da y✉ ja'i bi dønni ngue bi hyuse y✉ mbosa ✉. **37** Nε nu'b✉ ya i 'yo b✉ ja ra dehe ne nts'edi ran dähi bin ja, ne bi donts' ra dehe ra mbosa ne mi ts'✉tho xtán yudi. **38** Pe nu ra Jesús mi hunh ra huhni, ne mi ąpu ja ra mbosa. Nu y✉ xädi bi 'yä ra Jesús ne bi 'yεmbi:

—Xänbate i, ha nte guím bëni ne nde ga tuh✉, bi 'yεmp'✉.

39 Bi ndants'a ra Jesús bøya ne bi 'yεmp'a ran dähi ne a ra dehe:

—Daman hε, bi 'yεmbi.

'Bex gue bin hę ran dąhi ne ra dehe bęya him mam bi 'yäni. ⁴⁰ Nubęya, bi 'yęmp'ę yę xädi:

—Guín suhę nguetho ts'ętho guíęc'yęigahę.

⁴¹ Nu yę xädi bęya bi zu a ra hmu, ne bi hyonya thoho a bin ja. Bin 'yęmzehę n'da ngu n'da ę:

—'Bę'a di 'yęt'ui na ran 'yohę, ne ya 'bex gue in hę a ran dąhi ne ra dehe di hęcpi.

5

Ra Jesús bi hyønba thi yę zjithu a ra męngu bę Gadara

¹ Nubęya nu ra Jesús ne yę xädi bi zom bę 'danguadi ra dądehe nubę ja ra häi Gadara.

²⁻⁶ Ne mi 'bępę n'da ran 'yohę min 'youi yę zjithu. Nu'a mi zäm bę ja ran 'yägui, ne njo'o to'o mi sä da zämmi nguetho gä i xęcthoho yę cadena mi pa nthäf'i. Xęn ngu yę nidi bi thurpa yę 'yę ne yę gua nangue yę cadena, pę gätho i xęcthoho. Njon mi sä di hęcpi. Gätho ra pa ne ra xui mi mbapę ja ra dąpo o guepę ja ran 'yägui, ne midi unba zehę nguetho mi hezehę rá ja'i nangue yę do. Nu'bę mí bóm bę ja ra mbosa a ra Jesús ne yę xädi, 'bex bá ę a ran 'yohę bin c'athę, bí 'yępę ja ran 'yägui, bin dąnyahmu bę 'bäh ra Jesús, bi dąnde, ⁷ ne nts'ędi mbafi, bi 'yęna:

—'Bę'a guí nde gui 'yørcahe grá Jesús, rá Ts'ęnt'ę i Ojä mahęts'i. Nuya dí ä a ra mate hin gui ungahe, ⁸ bi 'yęn'ę yę zjithu 'bę mi sifi da bóm bę rá mbüi ran 'yohę. ⁹ Ne nubęya nu ra Jesús bi 'yän'ę yę zjithu:

—'Bę'a ní thuhu, bi 'yęmbi.

—Ma thuhu "N'dan nęts'igähe" ne emme xęn ngu gähe, bi 'yęna. ¹⁰⁻¹² Ne nts'ędi dí ä a ra mate gue'bę ga pömhbe hin gui pengahe bę n'danni i ja yę häi, dami 'yørcahe ra mate gui pengahe nę 'bęh yę ts'ędi ga cüthe nę, bi 'yęn'ę. Nguetho hinga yatho mí 'yo ę yę ts'ędi xęn ngu, mi sapaxi bę.

¹³ Nu ra Jesús ya bi un ran t'ędi da yęrpę 'bęh yę ts'ędi. Nu'bę mí yęrpę ya 'bex bán tih yę ts'ędi bá cępę ja ra nguani ę 'bex bi yępę ja ra dehe ę, ne gä bi du bę bęya. Mę yo muhuqhi i jua ę.

¹⁴ Nu ę yän 'yohę midi jamansu yę ts'ędi, 'bex bi 'da 'bę min nu 'bę'a bi 'yøt'ę yę ts'ędi. Bi mba bá mam bę ja ra hnini nepę huqhi a

bin ja. 'Bex bi mba yę ja'i bęya da nuse ę 'bę'a bi man ę yę mbädi yę ts'ędi. ¹⁵ Nu'bę mí zom bę, bi nu i hupę a ran 'yohę madí unba ra zjithu, ya xí zä ne i he rá zi pahni. Emme bi mbidi yę ja'i bęya. ¹⁶ Nu'ę xí nu yę ts'ędi, xø bi xifi xęn ho yę ja'i mahęn'a 'bę'a xın ja. ¹⁷ Ne nubęya, nu yę męngu bę emme bi 'yäp ra mate ngue 'bex gue da bön a ra Jesús bę ja yę häi ę.

¹⁸ Bi mba da ndex ra mbosa a ra Jesús bęya. Ne nu'a ran 'yohę xí unba ra zjithu emme i nde da den'na ra Jesús gue 'darpu din 'yohę. ¹⁹ Pe nu ra Jesús him bi un ran t'ędi ne bi hęcpi.

—Ni mba bę ni ngu, ne gui xi ę nim 'bęihę ran ho bi 'yøt'a Ojä ra Hmu ngue bi huęc'a i, bi 'yęmp'a ran 'yohę.

²⁰ Nu'a min 'youi ra zjithu bęya, bi mba rá ngu. Bi dę'mi bi mam bę gätho ra xęqui Decapolis 'bę'a xí 'yørpa ra Jesús. Ne gätho ę bi xifi bi hyonya thoho ę.

Ra Jesús bi 'yä'a rá t'ixu ra Jairo ne bi hoc'a n'da ra xisu mi hęmb ra mbeji

²¹ Ne nu'bę ya mi zon ra Jesús bę ná 'danguadi ra dądehe, emme xęn ngu yę ja'i bim peti bę ndenthe mahęn'a guepę bin säya ra mbosa. ²² Bi zö'a n'da rá ngärbi ra nijä i Jairo a, bin danyahmu bę ja rá gua ra Jesús. ²³ Ne emme bi 'yäp ra mate, bi 'yęmbi:

—'Yørqui ts'ę ra mate ga mbähä ba căx ni 'yę ma t'ixu nguetho emmei, janangue'a da yanı ne hin da du, bi 'yęmbi.

²⁴ Nu ra Jesús bi mbe bęya, ne xęn ngu yę ja'i bi den'ndę, xęgue bin dę bę ni mba ę.

²⁵ Ne bi zıpę 'yu n'da ra xisu ná 'de'mayon jeya mi hęmb ra mbeji. ²⁶ Emme xí nu ran unbi nangue xęn ngu yę 'yøthebate xí 'yøthe. Xi juadi gätho rá mbeji mi ja, ne xingui ts'ę bi dıts'i, xęgue man'da emmei. ²⁷ Pe nuya i hon a ra Jesús nguetho xí 'yø'am man yę ja'i ngue di hoqui hønt'a go 'bę'a man ę. Janangue nu'bę mi züdi 'bex bi yęt'i nde bę ní mba ę, bi därpa rá xęthapahni ra Jesús bęya. ²⁸ Nguetho mí ęnsę ra xisu, "Høntho ga thärpa rá pahni, ya da yanqui," mi ęna.

²⁹ Ne nu'bę mi därpa rá pahni ra Jesús 'bex bin hę a rá mbeji mí hęmb bęya. 'Bex bi bę a ra xisu ngue ya bi zä xęn ho. ³⁰ 'Bex bi bęh ra Jesús ngue bi hoc'a n'da ra ja'i rá ts'ędi

'bu mí därsa rá pahni. Janangue bi nyɛ'a ra Jesús, bi hyɛt'u yu ja*'i* min 'yohu ne bi 'yɛna:
—To'o bi därc*a* ma pahni, bi 'yɛna.

31 Nu yu xädi buya bi 'yɛmbi:

—Guín nuhma ɛmme du ua yu ja*'i*, “To'o bi därc*a* ma pahni,” ne güi ɛna.

32 Nu ra Jesús i to'mi da manse to'o xí därsa rá pahni. 33 Ne nu ra xisu buya, bin su ne di fet'i nguetho paq a xí tørpe. Ne bi mba bu 'bäh ra Jesús bin dänyahmu bu ja rá hmi ne bi xifi gätho 'be'a xí 'yøt'e. 34 Nu ra Jesús buya bi 'yɛmbi:

—Nu'i grá zi xisu, bi zä i nguetho gá 'yɛc'yɛigui. Ni mba da hyu ni mbai, him man di an'a a gmi hɛmbi.

35 Gätho na yaqi a ra xisu 'bex bi zøpu mi'da yu ja*'i* bí 'yɛpu ja rá ngu a ra Jairo, bi tɛmp'a ra Jairo:

—Nu'a ni tixu ya bi du. Säti thoho man'da gadi pah na ra xärbate.

36 Pe nu ra Jesús 'bu mí 'yø a bi man'u, bi 'yɛmp'a ra Jairo buya:

—O di tu ni mbai, høntho gui 'yec'yei ngue majuqni i ja ma ts'edi, bi 'yɛmp'a.

37 Guehma bi thoh puya ne njom bi japi da denni. Hønt'a ra Pedro, ne ra Jacobo ne ra Xuua rán 'yohu ra Jacobo, bi xifi da mbäh bu rá ngu ra Jairo. 38 Nu'bu mi zøm bu ja rá ngun a ra Jairo buya, bi nu ngue i zon'u yu ja*'i* 'bupu, ne ɛmme di mbahni na ts'oni. 39 Bi yærpu mbo ra Jesús buya, bi 'yɛmp'u 'bupu:

—Hanja ɛmme gadi hijhu na ts'oni. Nuna ra hmute hingui tu pegue i qha.

40 Nu'bu mi 'yøh yu ja*'i* 'be'a bi man a, bi den thoho buya. Nu ra Jesús buya, bi 'yɛmp'u yu ja*'i*:

—Dami pømhbu thi, bi 'yɛmbi.

Hønt'a rá ta ne'a rá mbe ra hmute xí du ne yu xädi, bi yuthu ra Jesús bu 'ben a ra hmute.

41 Nu'a ra Jesús buya bi benba rá 'ye a ra hmute ne bi 'yɛmbi:

—Talita cumi, bi 'yɛmbi. I nde da ma: “Nu'i grá hmute dí xi i, dami ndants'i.”

42 Nu'a ra hmute buya 'bex bi ndants'i ne bin 'yo. 'De'mayon jeya mi pe'ts'a. Nu'u bi yuthu mbo bi hyonya thoho. 43 Nu'a ra Jesús buya nts'edi bi 'yɛmp'u:

—Njon gui xihmbu 'be'a dá øt'ä, bi 'yɛmp'u. Ne nubuya bi 'yɛmp'a ra Jairo:

—Dami 'uin na ni tixu ya, bi 'yɛmbi.

6

Ra Jesús bi zøm bu rá hninizeh

1 Bi bøm bu ra Jesús buya, bi mba bu ja rá hnini zehe Nazaret. Bi mbäh yu xädi. 2 Ne nu'a ra pa ran ts'äya, bi mbäh yu xädi bu ja ra nijä. Nu ra Jesús buya bi xänbu bu yu ja*'i*. Nu'bu mi 'yøh yu ja*'i* a bi man'a ra Jesús, bi hyonya thoho ne din 'yɛrneh u:

—'Be'a nin xädi im man na. 'Be'a ni ts'edi i ja na, ngue i sä i øt' yun tøt'e mixte na.

3 Ha hinga guehna ra yaxi na, rá ts'ant'ra María. Ne yán 'yohu ra Jacobo, ne ra José, ne ra Judas, ne ra Simón, ne u yán ju dí buhmbu ua, bi 'yen u.

Ne bi u't' yu mbai zehe u. 4 Janangue'a nu'a ra Jesús bi 'yɛmp'u:

—Gätho yu pøngahyq Ojaq i hnumansu, pe hønbu ja rá häizehe nepu 'buh yu meni, nepu ja rá nguse hingui hnumansu bu, bi 'yena.

5 Ne hingui ngu yun tøt'e bi 'yørpu ngue xtá 'yut rá ts'edi. Hønt'u zi yoho yun zäman'u bi gäx rá 'ye bi japi bi yan'u. 6 Ne bi hyonya thoho a ra Jesús nguetho him bi 'yɛc'yei u ngue i ja rá ts'edi u yu menguhu. Ne nubuya bi mba bu ja yu tøhnihi jombu Nazaret, ne bi xänbu bu u yu ja*'i*.

Bi mbehndu 'de'mayoho da mamp'a rám hma

7 M'bejua buya bi xi u 'de'mayoho yu xädi ngue da mba bu ja yu hnini. Ne 'da i yoho bi zänni, ne bi un yu ts'edi da hyøn'a thi yu zithu in 'yohu u 'da yu ja*'i*. 8-9 Ne bi xi u nte da hyaq 'bu bi mba u. Hønt'a n'da ra tøhø da hyqts'i n'da ngu n'da u. Ne hønt'u yu thixfani da 'yat'i. Xíng yun ju'døzä, xíng yun zedi da hyqts'i, xing ra mbeti, ne xíñ da gaq u yojo'ts'i yu pahni.

10 Ne man'da bi 'yɛmp'u:

—Hønbu go hapu da mba ma säya ahu 'bu gá sømhbu bu ja yu hnini, gam 'buhmbu bu gue'bu go gá nexhu bu. 11 Ne nubu hapu guí sømhbu ngue hin da zin ahu ne hin da 'yømanho a guí mamhbu, dami pømhbu bu, dami huaju ra häi ja ni xínguahu, ra hmepya ngue guí sohmbu bu u. Ne majuqni dí xi ahu, nu'a ra hnini hin da zin ahu, man'da xan ngu ran anbi da nu a 'bu bi zøn ra pa ran

juānbi, xinda gue'a ra hnini Sodoma ne ra hnini Gomorra, bi 'yēmp'ū yá xädi.

¹² Ne bi bōm bū 'dē'mayoho būya, bi mba. Hōnbū go hapū bin 'yo bi xih yū ja'i di pāh yān 'yomfēni nangue yū ts'oqui bi 'yōt'e.
¹³ Ne bi hyōn a thi xān ngu yū zjthu mí 'yohū 'da yū ja'i ne xān ngu yān zāman'ū bi gox ra aceite ne bi japi bi zā u.

Rán dāte ra Xuua Nxixyā

¹⁴ Mí ø a ra ts'et'abi Herodes ngue mí man yū ja'i 'bē'a mí øt'a ra Jesús bū mí 'yo, ne bi 'yēmb būya:

—Masque gue'a ra Xuua Nxixyā a bi dāmbēni, janangue'a i øt yān t'øt'e ngue i uh rā ts'edi, bi 'yēna.

¹⁵ Pe nu'ū 'da yū ja'i, mi ḵna:

—Ra Elías a ra Jesús.

Ne nu'ū 'da i ḵna:

—Ra pōngahyā tengu mi 'būh maya'bū.

¹⁶ Pe nu ra Herodes 'dat'a im ma, bi 'yēna:

—Gue'a ra Xuua Nxixyā a ngue dá manda da ts'ecpa rá 'yāga, masque bi dāmbēni, bi 'yēn a ra Herodes.

¹⁷⁻¹⁸ Nguetho guesē ra Herodes bi mbēnh'dū bá bēnt ra Xuua, bi du't'i ne bi got'a fädi. Nguetho in cue ra Herodes 'bū mí t'ēmbi hingui ho a bi 'yōt'e ngue xí zin a rá 'bēpo. Ne nu'bū mí zin'a ra xisu, mi 'būhmi a ra Felipe. Ne nu'a ra Felipe, rán 'yohū zēhe a ra Herodes. Ne nu ra xisu i Herodías a. Ne gue'a ra Xuua Nxixyā bin yāqui ra Herodes, bi xifi hingui ho a bi 'yōt'e. Him bi 'yōmanho ra Herodes būya, janangue bi manda dí cot'a fädi ra Xuua Nxixyā.

¹⁹ Ne a ra Herodías bin cue ne ḵmmē honi 'bēpū dí hyo a ra Xuua. Pe him 'bex bi zā bi hyo. ²⁰ Nguetho nu ra Herodes mi pādi ra hocja'i a ra Xuua, ne bi xi u yū mbängoxthi njon da japi da yārpū ngue di anba ra Xuua. Ne nu ra Herodes, ja'bū di manda bá ts'inba ra Xuua ngue i nde da 'yō i ts'u rám hman ra Xuua. Ne bi 'yōmanho tho madague'bū hinga gätho i pādi 'bē'a nam bōn'a i man ra Xuua.

²¹ Nu'bū mi zōn ra pa rá ngopa ra Herodes, nu ra Herodías būya bi dīni 'bēpū dí hyo ra Xuua būya. Bi 'yōt'a n'da ra dānsihmē ra Herodes bá si yām fāts'iħū, ne yū hmudofū n'e u yū ngārpi bū ja ra häi Galilea. ²² Nu'bū min sihme u bi yārpū rá

t'jxu ra Herodías, bin nēse a ra hmute. Nu ra Herodes ne u gā mi huhmbū bū ḵmmē bi numanhop rán hnei ra hmute.

—Nuya gui 'yāqui 'bē'a guí nde gui 'yāqui, nūgā ga 'da i, bi 'yēmbi.

²³ Ne xō bi 'yēmbi:

—'Yēc'yēi Ojā majuāni ga 'da i 'bē'a guí 'yāqui madague a guí 'yāc made gätho 'bē'a dí pe'ts'ā, bi 'yēmbi.

²⁴ Nu'a ra hmute būya bi bōni ne bi 'yān'na rá mbe ngue ra Herodías, bi 'yēmbi:

—'Bē'a sā ga äpi, mbe.

Nu'a rá mbe būya bi 'yēmbi:

—'Yāp'a rá yā ra Xuua Nxixyā.

²⁵ Bi mbenga n'dihi ra hmute būya bi 'yēmp'a ra Herodes:

—Dí nde 'bexque guehya guí 'dac'a rá yā ra Xuua Nxixyā, guí cärca ra mbohi, bi 'yēmbi.

²⁶ Nu ra Herodes būya bi du rá mbēi 'bū mi 'yō a bi man a ra hmute, pe hingui sā 'bē'a da mam būya nguetho hupū ja ran sihme u xí 'yōde 'bē'a bim ma ngue ya xi ma majuāni di unni 'bē'a da t'äpi. ²⁷ Janangue a guehma bi mbēnhna n'da ra dofūi bá hānba rá yā ra Xuua. ²⁸ Nu'a ra dofūi būya bi mba bá secpa rá yā ra Xuua nubū ja ra fädi ne bá cät'a n'da ra mbohi, bi unna ra hmute būya. Nu ra hmute būya, bi unna rá mbe a rá yā ra Xuua. Ne gue'a bin ja 'bū mi du ra Xuua Nxixyā.

²⁹ Nu'bū mí 'yōh yū xädi ra Xuua ngue bi ts'ecpa rá yā, bá ḵ u, bi duspa rá ngōc'yēi ne bi mba bi 'yāpū ja ran 'yāgui būya.

Bi un ran ts'iħme cut'a mahuqli a ra Jesús

³⁰ Nu'bū jam bá penc u yū xädi a ra Jesús, bi xifi 'bē'a gätho xi 'yōrpū bin 'yo, ne bi ma 'bē'a gätho bi mam bū 'būh yū ja'i 'bū mi xih rám hman Ojā u. ³¹ Nu ra Jesús bi 'yēmp'u:

—Ga mbähä ts'u nū n'danni ngue dan säyahū ts'u nū, xōhma guí yāhmbū, bi 'yēmp'u.

Nguetho xān ngu yū ja'i i sōm bū, ní mba ne ní 'yēhe, ne xíngui ts'u im bongui din sihme u. ³² Janangue a bi hyu ra mbosa u im bēni da zōm bū ma'ueni u guepū da zā dim 'būse u. ³³ Pe xān ngu mi'da yū ja'i bi hyant'a ra mbosa bū ni mba ne bi bādi i hu bū ra Jesús. Ne bá nēxpū ja yū hnini u, ne ḵmmē bin ti u ne 'yogua thoho ne m'bēt'o bi

zøm bu da zøn'a ra mbosa. ³⁴ Nu'bø mi gäh ra mbosa ra Jesús ne yø xädi, bi nu xæn ngu yø ja'i ya xí zøm bu, ne bi huęc'ø ngue in ja tengu yø dë'yo njo'o di jamansu. Ne 'bex bi dø'mi bi xih yø ja'i rám hman ra Jesús mahøn'a asta gue'bø go míin de. ³⁵⁻³⁶ Nu'bø míin de buya bi t'ęmp'a ra Jesús:

—Emme bin de ya, ne hinga nan sihme yø ja'i, dami pønpø ja yø t'uhnnini ya da dän yø hmø bu nguetho ma'ueni ua ne hin'yø 'be'a da zi, bi 'yøn'ø yø xädi.

³⁷ Pe nu'a ra Jesús bi 'yøna:

—Gue'ahø gui 'uimhbu yø ja'i, bi 'yømbi.

Ne bi 'yøn'ø yø xädi:

—Pe ha guí ęnje gua tämhbe yociento ra hmø ngue ga unhdø yø ja'i da zi, bi 'yøn'ø.

³⁸ Nu ra Jesús buya bi 'yømp'ø:

—Bá nuhø bu hangu yø hmø ja bu.

Nu'bø mí bødi, bi 'yømbi:

—Cø't'a mhme ne yoho yø huq ja ua, bi 'yøn'ø.

³⁹ Ne bi xih pøya:

—Dami xihmbø yø ja'i din säya nø i ja yø 'bot'ei.

⁴⁰ Ne 'darpø bi hyu ø n'da ciento, ne 'darpø bi hyu ø mi yote ma 'det'a, ne njabø bi 'yøt'e gätho ø mi'da. ⁴¹ Nu'bø mi gøn'ø cø't'a yø hmø ne ø yoho yø huq ra Jesús, bi ndøs mahøts'i, bi 'yäp rán jøpi Ojø ne bi xøn'ø yø hmø. Ne ø yø huq buya. Nubøya bi un'dø yø xädi di darpa yø ja'i. ⁴² Gätho bin sihme ø 'bøpø ne bin niyø xæn ho ø. ⁴³ Ne nu'bø mi jua'a bi pøt'ø bi bongui, 'dø'mayo 'bøts'e bi yudi. ⁴⁴ Ne nu'ø bin sihme cø't'a mahuähi ma 'yohø ø.

Ra Jesús bin 'yo maxøts'e bu ja ra dädehe

⁴⁵⁻⁴⁶ Nu ra Jesús buya bi xih yø xädi m'bøt'o da mba ø da zøm bu ra hnini Bet-saida, ne bi yøt'a n'dihi bu ja ra mbosa ø buya. Nu ra Jesús him 'bex gue bi mba ne nu'bø min 'yøhmbø gätho yø ja'i, bi ndexpø ja ra nyuni bin yøui Ojø bu. ⁴⁷ Nu'bø min xui, ya i 'yo bu ra mbosa bu made ra dehe. Nu ra Jesús mi 'bøtho bu bán ts'ogui. ⁴⁸ Ne nu'bø mí hyant'ø 'be'a øt'ø yø xädi, bi nu ngue xæn hej bu ni 'yon yø mbosa nguetho di costa'a ran dähi a ra mbosa. Ne nu'bø maguembø da hyax pøya bá øh ra Jesús bu ní mba yø xädi, ba 'yo maxøts'e ra dehe. Ne nu'bø mi zødi ęna da mi'ts'a ra mbosa.

⁴⁹⁻⁵⁰ Nu'ø yø xädi 'bø mi nu bi bøn ø: "N'da ra du i mba bu," ęn'ø. Ne ęmmø bi mba ø nguetho bin su. Nu'a ra Jesús bi 'yømp'ø:

—Guecä o te guim bømhbu. Damin jo-hyahø, bi 'yømp'ø.

⁵¹ Ne bi ndexpø ja ra mbosa buya. 'Bex bin hø ran dähi, ne ęmmø bi hyonya thoho yø xädi 'bø mi nu 'yo maxøts'e ra dehe ra Jesús, ne bin hø n'dihi ran dähi. ⁵² Bi hyonya thoho nguetho him bi bøni 'be'a bi nu 'bø mi 'uñ'i cø't'a mahuähi yøn 'yohø bu ndenthe, nguetho hingana pødi xæn ho ø.

Ra Jesús bi hoc'ø yøn zäman'ø bu ja ra xequi Genesaret

⁵³ Ne bi zøm bu 'danguadi ra dädehe buya, nubø ra häi Genesaret, bi zopø yø mbosa.

⁵⁴ Nu'bø mi gøpø ja ra mbosa, gätho yø ja'i bi bødi gue gue'a ra Jesús. ⁵⁵ Ne nu yø ja'i buya 'bex bi mba bá si yø hyønni, bi zixpø da thoh ra Jesús. Mi oxpø ja yø 'beza 'da, hønbø go hapø ní nets'i. Ne nu'bø mi thopø ra Jesús bu ja yø häi ø, ⁵⁶ hønbø go hapø bi thogui, o gue yø t'uhnnini o gue yø dähnini, o guepø ma'ueni yø hnini, ya xí 'bom bu yøn zäman'ø. Ne gätho bu bi thogui bi si a ra Jesús: "Mada hønt'a ni pahni ga thät'i i," bi t'ęmbi. Ne hønt'a go to'o bi därpø rá nyämpahni 'bex bi zä buya.

7

Ra Jesús bi ma nda'a dí ts'onba rá mbøi n'da rajø'i

1 Ne bi nexpø Jerusalén 'da yø fariseo ne yø xärbate nijø, bi zøm bu mi 'bøh ra Jesús.

2 Ne bi nu ø 'da yø xädi ra Jesús i sihme ne hin nin xø'yø tengu rán sø'yø bi zänzehø yøn t'ętizehø ø. Ne bi 'yømbi øt ra ts'ogui ø.

3 Nguetho nu'ø yø fariseo ne gätho mi'da ma mijudíohe ęmmø i tønda'ø yøn t'ędi yø däc'yøi. Ne nu'bø hin nin xø'yø tengu man yøn t'ędi, ya hin din sihme 'bø. 4 Ne ngutho 'bø xpá mbenga täi, him 'bex gue i sihme, 'be'ø din xø'yø xæn ho tengu yøn t'ędizehø i tøn'dø. Ne man'da xæn ngu yøn søt'i i tøn'dø, tengu yøn t'ędi yø däc'yøi. Yøn søt'i ngue yø tasa, ne yø xaro, ne yø t'egui, ne yøm 'be't'e yø t'ots'i. 5 Janangue nu yø fariseo ne yø xärbate nijø bi 'yänna ra Jesús:

—Hanja **u** ni xädi hingui tén yén t'ëdi yu däc'yei ne i sihme ne hin nin xu'yε, bi 'yεmp'**u**.

6 Bi dah ra Jesús, bi 'yεmp'**u**:

—Nu'ahu yoho nin 'yomfεnihu, bi 'yεmp'**u**. Ne majuani bi man ra Isaías nangueehu 'bu mim pøngahyq, bi 'yεna: Nuya yu ja'i nangue yu nde i εcagui, pe maxots'e thoho, hinga gätho mbo yu mbui im bεngui.

7 Säti thoho i εcagui nguetho hønt'**u** yεn t'ëdi zεhe i xänba **u** mi'da, i en Oja, bi 'yεn a ra Isaías, bi 'yεn a ra Jesús. **8** Gue'a gá 'yøthu a nguetho gá hyεhmbu yεn t'ëdi Oja ne gá tεnhdu yεn nt'ëdi zεhe yu ja'i nangue yεn sεt'i yu xaro, ne yu tasa ne xεn ngu mi'da guí øthu, bi 'yεmp'**u**.

9 Ne man'da bi xi **u**, bi 'yεmp'**u**:

—Ne hønt'a ram fe'ts'i guí øthu nangue yεn t'ëdi Oja, tengu 'bu nte di muui, nguetho hønt'**u** nin t'ëdi zεhøthu guí nde gui tεnhdu. **10** Gue'a gní festahu rán t'ëdi Oja bi xi a ra Moisés a guí øthu, nguetho nu a ra Moisés bi 'yεna: "Gui numansu ni tahu ne ni mbeh**u**" Ne man'da ram hma bi ma: "Nu'a to'o da zan rá ta o gue rá mbe, jatho da tho a." **11-12** Pe nu'ahu 'dan'yo thoho guí mamhbu ngue guí ømhbu hing ra ts'oqui 'bu bi yørba Oja a mi ja ngue xtá mbäx a rá mbe o gue rá ta n'da ran 'yohu. Ne hin gá xihmbu ngue him bi numansu yu ta 'bu ngubu bi 'yøt'e. **13** Gue'a gní combahu rám hman Oja a, nangue ni t'ëc'yei zεhøthu guí xänbahu mi'da yu ja'i. Ne xεn ngu mi'da guí øthu, bi 'yεmp'**u** yu fariseo a ra Jesús.

14 Ne nubuya bi zohni gätho yu ja'i bi 'yεmp'**u**:

—Dami 'yøhmbu, gätho ahu, ne dami pøhmbu na ga xi ahu ya. **15** Hin'yu 'bε'a da yørpu mbo rá mbui n'da, gue di ts'onba bu, pegue nu'a ní bøm bu ja rá mbui n'da gue a di ts'onba rá ja'i n'da a. **16** Hønt'a go to'o ja yu zugu bi 'yø a dím mangä, bi 'yεmp'**u** yu ja'i a ra Jesús.

17 Ne bi 'uepu 'buh yu ja'i a ra Jesús, bi mbøhä yu xädi bu ja ra ngu. Ne nubuya bi 'yøn'du yu xädi:

—Bε'a gue na mbøn'a ran t'uti gá ma.

18 Ne bi 'yεmp'**u** yu xädi buya:

—Ha ne ahu hin guí pøhmbu a dá mangä. Ha hin guí pøhmbu hin'yu 'bε'a da yørpu mbo rá mbui n'da, gue hinga gue'a dí ts'onba bu a. **19** Nguetho nu'a 'bε'a gätho i si n'da, hin din zäm bu rá mbui n'da, pe da mba bu rá foho n'da ne da thotho a, bi 'yεn a ra Jesús.

Ngubu bi man ra Jesús i ndepe da fadi ngue xεn ho 'bε'a gätho i ja ua ngue da zi n'da. **20** Ne mi εn'a ra Jesús:

—Nu'a ní bøm bu rá mbui n'da ra ja'i, gue a dí ts'on'a n'da a. **21** Nguetho nubu ja yu mbui yu ja'i ní bøm bu gätho yu ts'on'yomfεni, ne'bu i 'yomt'εni thoho n'da, ne'bu di 'yomt'εniba n'da ra xisu ne i 'buh rá xisu, ne'bu i hacpa rá te rá mijε'ui. **22** Ne'bu øt' ram fε, ne'bu øt' ran ts'iyate, ne'bu nzai øt ran ts'o, ne'bu i häte, ne'bu ra 'yøsä o gue ran ts'eyu, o gue yεn c'ate, o gue yεn 'yøts'i, o gue bu i øt'e tengu 'bu hin'yu rán 'yomfεni n'da. **23** Gue'u gätho ní bøm bu yu mbui yu ja'i ne gue'u ní ts'onba yu mbui yu ja'i **u**, bi 'yεmp'**u** yu xädi ra Jesús.

N'da ra xisu ngue hing yu judío bi 'yεc'yei ra Jesús

24 Nu'bu mi ju a bin yøhø yu xädi a ra Jesús, bi mbøhä bu ra xεqui yu hnini Tiro ne Sidón. Ne nu'bu mi díni hapu din säya bi nde ngue njon da bødi, pe njam'bu bi zä bin 'yøgui. **25-26** Nguetho 'bex bi zøm bu n'da ra xisu mi 'bu a n'da rá t'ixu min 'youi ra zøthu. Bi zøm bu ngue ya xí 'yøde nangue rá ts'ëdi ra Jesús. Nu ra xisu, hin ma mijudíohe a, ra mengu bu ra xεqui Sirofenicia. Bin dänyahmu bu ja rá gua ra Jesús ne nts'ëdi bi 'yøp ra mate ngue da hyønba thi a ra zøthu in 'youi a rá t'ixu. **27** Nu'a ra Jesús bi 'yεmbi:

—Hin nin säui ga øt'a a guim ma nguetho him ma menguhu. Tenguthoho bu ja n'da ra ngu hin rán sähu rá mbudi da t'ïn **u** yu t'ü'yo, yu mbudi **u** go yu t'uhni, bi 'yεmbi.

28 Bi dä a ra xisu bøya:

Majuani guim ma, gra Hmu, pe ne'u yu t'ü'yo i sip yu xeni yu ts'ënt'u i hepu 'bimexa.

29 Nu'a ra Jesús bi 'yεmp'a:

Xεn ho ngue ngubu gá bεni, janangue nu ra zøthu min 'youi ni t'ixu ya bi bøni. Ni mba ya.

³⁰ Nu'bu mi zmbu rá ngu bi nu a rá t'jxu bmbu ja rá oi, ya xí 'ue a ra zlthu buya.

Ra Jessús bi hoc'a n'da ran 'yohu i gogu ne i 'bare

³¹ Ne bi bmbu ra häi Tiro a ra Jessús bi thotho bura hnini Sidón, nepu yu hnini ra häi Decápolis, ne bi zmbu ja ra dädehe Galilea mahøn'a. ³² Bá ts'inba n'da ra gogu ne i 'bare, bi t'äp ra mate ra Jessús da dospa rá yq a. ³³ Nu'a ra Jessús bi zixa ra gogu buma'ueni ts'unguepu njongui 'buh yujäi, ne bi dümba rá saha bu ja yuzagu, ne nu rá jïni bi gospa rá jan*i*. ³⁴ Ne nubuya, bi ndøts'mahëts'i a ra Jessús ne bin ga'ts'i ne bi 'yëna: —Efata, bi 'yën a ra Jessús.

Nu'a i nde da ma: "Dami xoqui."

³⁵ Ne 'bex bi xoh yuzagu, ne bi xoh rá nde ne bin yq xñen ho buya. ³⁶ Nu ra Jessús buya nts'edi bi xifi njon da xifi 'bue'a bi 'yørpe. Pe nu'bu mi sifi hin da ma pe man'da bi ma. ³⁷ Ne gätho u bi xifi ëmmë bi hyonya thohu, ne bi 'yënu:

—Xøgue xñen ho tho gätho i øt'a ra Jessús. Di jap yugogu da 'yøhnahyq ne di japi din yq yugore, bi 'yënu.

8

Ra Jessús bi un ran ts'i hmë goho mahuqhi

¹ Nu'u yu pa u, xñen ngu yujäi bim peti mahøn'a buma'ueni mi 'buh ra Jessús, ne nte mi ja bu'bue'a da zi, nguetho ma'ueni bu. Janangue a bi zohn'du yuxädi ra Jessús ne bi 'yëmpu:

² —Nhuëcate tho yujäi nguetho ná hyupa dí 'buhmbu ua ya, ne hin'yu da zi. ³ Ne nu'bu ga penpu yungu yujäi ngue ban sihme bu masque da güent ra thuhu bu'yu nguetho nu'u 'da yabu bá nets'i, bi 'yën a ra Jessús.

⁴ Bi dä u yuxädi buya:

—Ma'ueni ua, hapu da zä da thïn a da zi ya 'bucua.

⁵ Nu ra Jessús bi 'yän'du:

—Hangu yuhmë guí cahu, bi 'yëmpu.

—Yotomhmë, bi 'yënu:

⁶ Nu ra Jessús buya bi xifi da hyupu häi yujäi. Ne bi hyan u yotomhmë bi 'yäp ra jamadi Ojä ne bi xem buya, bi un'du yuxädi di darpa u yujäi i hupu. ⁷ Ne yut'huq mi cu u, bi japi ne bi un'du yuxädi buya bi

darpa yujäi hupu. ⁸ Gätho bin sihme u ne bin niyq xñen ho. Ne nu'bu mi mba ma peti u bi bongui, bin ja yoto 'bøts'e. ⁹ Ne nu'u bin sihme mi jua'i goho mahuqhi. Ne nubuya, bi xih yujäi da mba yungu. ¹⁰ Ne bi yärpu ja ra mbosa ra Jessús buya ne yuxädi, bi zmbu ra häi Dalmanuta.

Yu fariseo i äp ra hmëpya a ra Jessús

¹¹ 'Bex bi zmbu yu fariseo buya bi zä ra Jessús 'bu majuqni Ojä bi un rá ts'edi ne bi 'yäp yuhmëpya mahëts'i. ¹² Pe nu ra Jessús bin ga'ts'i, bi du rá mbuai nguetho guexta'a hingui ëc'yei gue ja rá ts'edi, ne bi 'yëmpu:

—Hanja ngue guexta'a guí äju yuhmëpya. Majuqni dí xi ahu hin te ma hmëpya ga ut'ahu ya.

¹³ Ne bi zopu u buya, bi mba bi yärpu ja ra mbosa mahøn'a u, bi mba bu'danguadi.

Yu xädi ra Jessús bi xifi di jamansu nangue yän xädi yu fariseo

¹⁴ Pe nu yuxädi ra Jessús bi pumbëni him bi hyaq ra hmë. Ne hønt'a zi n'dam hmë mi o bu ja ra mbosa. ¹⁵ N'da ran t'uti bi xih yuxädi ra Jessús ne bi 'yëmbi:

—Dami jamansuhu nangue rá íxi yufariseo ne rá íxi ra Herodes, bi 'yëmpu.

¹⁶ Pe yuxädi buya sä bin 'yëmzehu n'da ngu n'da u:

—Masque i xiju nguetho him bá hähu ra hmë.

¹⁷ Pe nu ra Jessús 'bex bi bädi ngue him mi pä u ngue gue'u yän t'ot'e yufariseo ne mi ten ra Herodes bi xifi, ne bi 'yëmpu:

—Ha gue'a gnín 'yänhdu a, ngue nte bá hähu ra hmë. Hin gadin 'yomfñenihu, xñam me tho ni mbuihu. ¹⁸ Ja ni dähu ne hin guím bemhbu'bue'a gá nuhu, ja ni zuguhu ne hin guím bemhbu a gá 'yøhmu. ¹⁹ Ne nu'bu má xñengä cat'a yuhmë dá japi bin xñandi janague bin niyq xñen ho cat'a mahuqhi dá 'uñgä, ha'mi 'bøts'e yuxñequi gá pethu thä.

Ne bi 'yënu:

—De'mayo 'bøts'e.

²⁰ Ne nu'bu má xñengä yoto yuhmë dá japi bin xñandi janague a bin niyq xñen ho goho mahuqhi dá 'uñgä, ha'mi 'bøts'e gá pethu yuxñequi thä.

Ne bi 'yënu:

—Yoto 'bøts'e.

21 —Ha guexta'a hin guí pahmbu a dím mangä, bi 'yεn'a ra Jesús.

Ra Jesús bi hoc'a n'da ra xädä bu ra hnini Betsaida

22 Nu'bū mi zōm bu ra hnini Betsaida ra Jesús ne yú xädi, 'bex bá ts'inba n'da ra xädä, ne bi t'äp ra mate da dädi. **23** Nu ra Jesús buya bi bənba rá 'ye ra xädä ne bi zix bu ma'ueni ts' u ra hnini. Bi zorpa yú dä ne bi därpa yú xidä, ne nubuya bi 'yän 'bu in nu ts' u ran nequi. **24** Ne nu'bū min hanni ra xädä bi 'yεna:

—Dín nugä yu ja'i ya, εna yu za, pe i 'yo, bi 'yεna.

25 Ne bi därpa yú dä mahøn'a ne bi japi bi nu xun ho ran nequi buya. **26** Ne nu ra Jesús buya bi mbənpu rá ngu bi 'yεmbi:

—Hin gui mba bu hnini ne njo'o to gui xifi nangue a dá øt'e'e, bi 'yεmp'a mí xädä.

Ra Pedro bi ma gue gue'a rá Thahni Ojá a ra Jesús

27 Ne nu'bū mi bōm bu rā hnini Betsaida a ra Jesús ne yé xädi, bi mbähä bu ja yu hnini ra xequi Cesarea Filipo. Nu'bū mi mba bu 'yu bi 'yän'ndu yú xädi ne bi 'yεmp'u:

—'Bε'a i man yu ja'i nanguecä, bi 'yεn'a ra Jesús.

28 Ne nu'u bi däti:

—En u 'da yu ja'i gue'e grá Xuua Nxixya. Ne nu'u mi'da i εn u gue'e grá Elías. Ne mi'da i εn u, gue'e 'da u yu pøngahyä mi 'bu maya'bū, bi 'yεn u yé xädi.

29 Nu ra Jesús bi 'yänzehë yú xädi mahøn'a:

—Xi ahu, 'Bε'a guí mamhbū nanguecä.

'Bex bi dä a ra Pedro, bi 'yεmbi:

—Nu'i gue'e grá Cristo, rá Thahni i Ojá, bi 'yεn'a. **30** Ne nu'a ra Jesús bi hecua yú xädi ngue hin da ma to'o a.

Bi man ra Jesús nangue rán dætezehë

31 Nu ra Jesús bi du'mi bi xi u yu xädi 'Bε'a da t'ørpe ngue gue'a bin ja'i ua ja ra ximhäi a, ne bi xi'u ngue hin da numanho ma ngärbihe yu dac'yεi, ne yu ngärba mbäjä ne yu xänbate njä, ne bi xi u jatho da nu xun ngu ran unbi ne da tho, ne da dämben'i 'bu ná hyupa. **32** Ne bi xifi xun ho 'Bε'a da t'ørpe, hin'yu 'Bε'a bi gøn'du. Pe nu ra Pedro bi zixmanhë ne bi hecpi, bi 'yεmbi:

—Njon gui japi da bent'i i, damin yaní, bi 'yεmbi. **33** Nu ra Jesús bi hyand bu mi 'bäh mi'da yu xädi 'bu mi 'yεmp'a ra Pedro:

—Dami 'uegue nangue ma hmigä grá zithu Satanás. Nu'i hingui sä guim bəni tengu im bən Ojá, hønt'a guim bən a guín nu ua ja ra ximhäi, bi 'yεmbi.

34 Nu'a ra Jesús buya bi zohn'du yu ja'i ne yu xädi ne bi 'yεmp'u:

Hønt'a go to'o i nde da dəngui, hin da zän zehë 'Bε'a da 'yøt'e ne da hyät yu nbi madague da tho, ne da bəni tengu dím bengä. **35** Nguetho nu'u to'o i su da du nanguecä, pe gätho yu pa da nu ran nbi mazai u, pe nu'u hingui su da du nanguecä ne nangue mam hmangä, gätho yu pa mazai dim 'bu u. **36** Hin'yu 'Bε'a xun ho da nu u yu ja'i 'bu xtí peti gätho 'Bε'a i ja ua ja ra ximhäi, ne hønt'a ran nbi mazai da nu u. **37** Hin'yu 'Bε'a sä da 'yøt'a n'da ra ja'i ngue da 'yεna di pøse rá te, bi 'yεn a ra Jesús.

38 Ne xø bi 'yεna:

—Ne nu'a to'o i pe'ts' rá sä nanguecä ne nangue mam hmangä bu 'bu u hingui εc'yεi Ojá, neçä ngue dán ja'igä ua ja ra ximhäi, xin ga εmbi ma t'uhni 'bu rán zəgui ra pa a, 'bu bá pengä mahøn'a. Ne din jagä rá ts'edi ma Ta bu mahøts'i ne gätho yu 'Bεhni ban 'yohe 'bu bá εcä mahøn'a, bi 'yεn a ra Jesús.

9

Ra Jesús bim pā a n'da ora bu ja ra nyuni

1 Ne man'da bi xi u, bi 'yεmbi:

Majuani dí xi ahu, 'bu i 'da ahu ngue hin gni tuhu 'bu bi du'mi di manda ua rá ts'edi Ojá.

2 Nu'bū mi tho'a n'dato pa xim man ra Jesús na, bi zixa ra Pedro ne'a ra Jacobo ne ra Xuua bu ma'ueni bu bí ja n'da ra t'øhø xun høts'i. Nu'bū mí zōm bu, bi nu yu xädi bim pā'a ra Jesús. **3** Ne rá pahni bim pādi bi fexni, ne εmmε bi t'axqui xinda gue'u gätho mi'da t'εmbi xun t'axi. **4** Ne bi nequi bu ra Elías n'youi ra Moisés, bin yahu ra Jesús, mi 'bu maya'bū u. **5** Nu ra Pedro buya bi xih ra Jesús:

—Ma xänbate i, xun ho ngue gätho dí 'bu hmbu ua ya, bi 'yεna. Ga høhmbe hyu yu t'angu. N'da'e ne n'da Moisés, ne n'da Elías, bi 'yεna.

⁶ Nguba bi ma nguetho him mi padi 'be'a bi ma nguetho emme bi mbidi. ⁷ Ne nubuya, ba eh yu güi bi gomp' u mi 'baa u ne bi 'yo a n'da ra nde u ngue bin ya bu ja yu güi, bi 'yena:

—Guehna ma Ts'ant' u emme dadí huéqui, dami 'yomanhohu 'be'a da man na, bi 'yen a ra nde bin ya.

⁸ Ne nu'b u min hanni u yu xädi ra Jesús, njon mam bi nu, hont'a ra Jesús bi nu i 'bäpu.

⁹ Ne nu'b u mi gap u ja ra t'ohø, bi 'yemp' u yu xädi ngue njo'o to da xifi 'be'a xi nu bu, jague'b u bi dambenise a ra Jesús gue nu'a bin ja'i ua ja ra ximhäi a. ¹⁰ Janangue a bi benthö a ram hma bi sifi ne him bi ma. Ne bin 'yänzehne ne bin 'yemp' u:

—Be'a ní mba a ram hma bi ma ra Jesús ngue da dambeni.

¹¹ Ne bi 'yän'na ra Jesús u buya:

—Be'a ní mba a i man yu xänbate nijs ngue jatho duam 'bet'o ra Elías ne m'bejua ra Cristo, bi 'yembi.

¹² Mi dä a ra Jesús, bi 'yemp' u:

Majuani im man u, bam 'bet'o ra Elías di hoqui gätho 'be'a ja ua. Ne ha guím bëmhbu 'be'a man rám hman Oja ngue din ja buya, ngue da zöh man'da din ja'i ua ja ra ximhäi, da nu xan ngu ran unbi ne da t'ëmbi nte di muui. ¹³ Pe dí xi ah u ngue bi zöcua a gue bi thocpa rá 'befi ra Elías, ne bi 'yörpe gätho mí ndes yu ja'i da 'yörpe, tengu nt'o't'i nangue a, bi 'yena.

Ra Jesús bi hoc'a n'da ra t'uhni min 'youi ra zithu

¹⁴ Ne nu'b u mi zöpu 'buh mi'da yu xädi bi nu n'da munts'i yu ja'i ngue madi the't's u. Ne nu'u 'da yu xänbate nijs ngue madin junthu yu xädizehne ra Jesús. ¹⁵ Gätho yu ja'i mi 'bepu bi hyonya thoho 'bu min nu ba epu ra Jesús ne bin 'yemp' u: "Be'a din ja ya." Ne 'bex bin tihi bi mba bí zengua. ¹⁶ Ne nu ra Jesús bi 'yän'du ne bi 'yemp' u:

—Be'a gue gnín junthu, bi 'yemp' u.

¹⁷ 'Bex bi dä a n'da ran 'yohu min 'yohu yu ja'i:

—Xänbate i, nugä bá sigä ua n'da ma ts'ant' u ngue in 'youi ra zithu di japi i gore.

¹⁸ Ne hönbu go hapu i sits'i, ne i huq'ts'i, ne i

pöñ yu fugui rá nde buya. Ne di cuxt' yu ts'i ne di böcabi. Ne dá xi u ni xädi buya gue da hyönbä thi ra zithu pe him bi zä, bi 'yen'a.

¹⁹ Nu'a ra Jesús bi 'yemp' u:

—Nu'ehu guexta a hin guí ec'yeihu 'be'a dí xi ah u. Ha'mi pa ngue ga tøp'a thoho ah u ngue gui 'yec'yeigahu. Nu'a ni ts'ant' u ba singa ya, bi 'yén'a ra Jesús.

²⁰ Bá ts'i buya. Nu'a ra zithu 'bu mi nu ra Jesús 'bex bi dëxa häi ra ts'ant' u min 'youi. Ne nu'b u mi zo bu häi din dän buya, ne i pöñ yu fugui rá nde. ²¹ Nu ra Jesús bi 'yän'na rá ta ra ts'ant' u:

—Man jäm'b u bi mbädi.

Bi dä a rá ta ra ts'ant' u buya:

—Bi mbu 'bu min t'uhni. ²² Ne xan ngu yu njid i japi i apu ja ra sibi nepu po ra dehe 'bu i 'yo bu, i nde dí du a. Nu'b u da zä, dami zec'be gui huëga'be, bi 'yembi.

²³ Nu ra Jesús bi dädi:

—Hähä, nu'b u guí ec'yei gue i ja ma ts'edi. Gätho din ja a da nde n'da ra ja'i 'bu i ec'yei i ja rá ts'edi Oja, bi 'yembi.

²⁴ Nu'a rá ta ra t'uhni 'bex bi däti nts'edi:

—Majuani dí ec'yei pe dami jaqui man'da ga ec'yei xan ho, bi 'yena.

²⁵ Ne min nu ra Jesús, man'da ni zötho yu ja'i, janangue a 'bex bi hyönbä thi ra zithu min 'youi ra ts'ant' u, bi 'yembi:

—Grá gore zithu ne grá gogu, dami pöñ bu ne him man gui cärpu rá mbui na ra ts'ant' u, bi 'yembi.

²⁶ Ne nu'a ra zithu bi mbafi ne nts'edi bi huäspa rá ja'i ra t'uhni, ne bi bøm buya. Nu'a ra t'uhni bi gohi tengu 'bu xi du. Ne xan ngu u'ena: "Bi du." ²⁷ Pe nu'a ra Jesús bi benba rá 'yé, ne bi xots'i, ne bim 'bäh ra t'uhni buya.

²⁸ Ne bi mbähä yu xädi ra Jesús bu ja ra ngu buya. Nu'b u mi zöm bu bi 'yän bu ma'ueni ts' u:

—Hanja him bi zä dá hømhbe thi ra zithu min 'youi ra t'uhni, bi 'yén' u yu xädi.

²⁹ Ne nu ra Jesús bi 'yemp' u:

—Nuna ra zithu tengu na, hin da zä gui hyömhbu thi 'bu hinga m'bet'o gui 'yé't' nin sihmehu ne emme gan yahu Oja, bi 'yemp' u yu xädi ra Jesús.

Ra Jesús im ma mahön'a rán dæte

³⁰ Nu'b u mi bøm bu ra Jesús ne yu xädi, bi mbähä bu Galilea, ne nu ra Jesús njom bi

ndepe da bədi ngue i 'yo bə. ³¹ Nguetho mí xänba yú xädi ne mí embi:

—Nugä nque dán ja'igä ua ja ra ximhäi, da mba ma dägä bə ja yé 'ye yən 'yohə ne da thogä. Ne nu'bə dá tu, ga thämbənigä 'bə na hyupa. ³² Pe nu yé xädi him bi bədi 'bə'a nam bən'a bi ma ne mí su da 'yänni.

Nu'a i nde dim 'bət'o din 'yəhə thoho a

³³ Ne bi zəm bə Capernaum bəya. Ne nu'bə mi zəm bu ja yé ngu, nu ra Jesús bi 'yän 'də yé xädi:

—'Bə'a gnín junthə bə 'yu.

³⁴ Ne him bi də nguetho xin junt pə 'yu, xin 'yänni nangue'a to'o dim 'bət'o. ³⁵ Nu'bə min säya ra Jesús,

—Bá thämhə ua, bi 'yəmp'ə 'de'mayoho yé xädi. Ne nubəya bi 'yəmp'ə:

—To'o nde di ngurbi da 'yət'e ngue dim 'bəjua thoho ne din 'yəhə nangue gätho mi'da, bi 'yən'a ra Jesús.

³⁶ Ne nubəya bi japi dim 'bä inde n'da ra t'əhni, ne bi dospa rá xixi ne bi 'yəmp'ə:

³⁷ —Nu'a te'o i simanho n'da ra t'əhni nangue ma thuhugä, necä i simanhogui. Ne nu'a to'o i simanhogui, hinga høngdä i simanhogä a pe ne'a Oja bá pengä ua i simanho a, bi 'yən a ra Jesús.

Nu'a i ten rá ts'ədi ra Jesús rám fäts'iui a

³⁸ Nu ra Xuua bi 'yəmp'a ra Jesús:

—Xänbate i, xtán nuhe n'da ran 'yohə i ndən'na ni thuhu 'bə i hən a thi yə zithu in 'youi'da yə ja'i, ne dá hecpahe, nguetho hin dín 'yohə.

³⁹ Pe nu ra Jesús bi 'yəmp'ə:

—Nde'bə hin xqui hecpahə nguetho hin di c'əman'əgä to'o øt' yən t'øt'e mixte nangue ma ts'etigä. ⁴⁰ Ne nu'ə to'o i 'bəi ngue him man səihə, gue'ə mam fäts'iuhə.

⁴¹ Hønt'a go te'o di 'da ahə ts'ə ra dehe ngue i pədi guí tengahə, majuəni dí xi ahə i ja 'bə'a di un Oja a nangue ran ho bi 'yət'ahə, bi 'yən a ra Jesús.

Nu'a da 'yət' ran ts'o xən ngu ran ənbi da nu a

⁴² Ne xə bi 'yən'a ra Jesús:

—Hønt'a te'o di 'bəpi da 'yət' ran ts'o n'da ra t'əhni i əc'yəigui, xən ətho ran ts'əmbi da nu a. Man'da xən ə xinda gue'bə da thurpi rá 'yəga bə ja ra do ngue ra jəni xən hyə, ne

da t'en bə mbonthe ja ra dejə. ⁴³ Nu'bə ni 'yəhə di ja ahə gui 'yøthə ran ts'o, xən ho 'bə gui 'yøthə tengu 'bə gui hyejə. Madague gan do'yəhə pegue gui t̄imhbə ra te mazai, xinda gue'bə di ja yoho ni 'yəhə ne gui nuhə ran ənbi mazai guepə ja ra sibi njəm'bə i huət'i. ⁴⁴ Xən ətho guin nuhə bə 'bə, tengu tho 'bə i sa a ni ngøhə yə zu'uə, ne njəm'bə din hə a dí zapi gätho yə pa, ne tengu 'bə n'da ra sibi njəm'bə da huət'i.

⁴⁵ O nu'bə ni guahə di ja ahə gui 'yøthə ran ts'o, xən ho 'bə gui 'yøthə tengu 'bə gui hyejə. Madague gan doguahə pegue gui t̄imhbə ra te mazai xinda gue'bə di ja yoho ni guahə ne gui nuhə ran ənbi mazai. ⁴⁶ Xən ətho guin nuhə bə 'bə, tengu tho n'da ra du ngue 'bəh yə zu'uə sap yə ngø ne njəm'bə din hə a ni zapi gätho yə pa, ne tengu 'bə n'da ra sibi njəm'bə da huət'i.

⁴⁷ O nu'bə ni dähə di ja ahə gui 'yøthə ran ts'o, xən ho 'bə gui 'yøthə tengu 'bə gui hyəhmbə. Madague gan 'dadä thohohə, pegue gui cəthə bə di manda rá ts'ədi Oja, xinda gue'bə di ja yoho ni dähə ne gui nuhə ran ənbi mazai. ⁴⁸ Xən ətho guin nuhə bə 'bə, tengu tho n'da ra du ngue 'bəh yə zu'uə sap yə ngø ne njəm'bə din hə a ni zapi gätho yə pa, ne tengu 'bə n'da ra sibi njəm'bə da huət'i.

⁴⁹ Gätho ahə din ja ahə yən ənbi 'dahma gui pəmanhohə, tengu tho ə yə 'bəts'e din t'un Oja i pa ma japi ra ə ngue da bəmanho.

⁵⁰ Nu ra ə xən ho. Pe nu'bə bi 'bəh rá ts'ədi ya hin'yə 'bə'a sə dín hoqui. Ne ngutho ahə o guidi jafə gui 'bəhmbə ran ho i ja ahə. Pe guim 'bəmanhohə ni mijə'ihə.

10

Ra Jesús bi ma njon da hyəh rá xisu

¹ Nu'bə mam bá əpə Capernaum ra Jesús bi zəm bə ra xəqui Judea, ne bin 'yo bə rá nyəni ra häi Judea nəpə 'danguadi ra dətə Jordán. Bi mbəh yə ja'i bim peti mahən'a bə mi 'bəh ra Jesús, ne bi xənbi mahən'a tengu nzai mi øt'e. ² Ne nu'bə mi zəm bə yə fariseo, bi 'yən 'bə da zä da hyəh rá xisu n'da ran'yohə, nguetho i nde da dñəbi 'bə'a dí yəp'a ra Jesús. ³ Nu'bə mi də a ra Jesús:

—'Bə'a mam bə ja rán t'ədi ra Moisés nangue ran hyəgui.

⁴ Bi dä' u yu fariseo buya:

—Nu ra Moisés bi ma ngue nu'bä n'da ran 'yohä in nde da hyeh rá xisu, da t'ørpa ra sœcuä ngue ran xuni.

⁵ Nu'bä mi dä a ra Jesús bi 'yëmp'ü:

—Nangue'a xäm me ni mbäihä janangue a gue a ran t'ëdi bi man ra Moisés a. ⁶ Pe nu'bä rá mbädi ra ximhäi, Ojä bi zänna n'da ran 'yohä ne rá xisu. ⁷ Janangue a nu'bä n'da ran 'yohä da zin a n'da ra xisu him man i 'yo rá güienda rá ta o gue rá mbe, ⁸ pegue dim 'bähmi rá xisu ne din ja tengu 'bä n'dan ja'itho. Nu mam 'bet'o mí yonja'i, pe nu'bä bi zini din ja tengu 'bä n'dan ja'itho. ⁹ Ne nu'u di penba Ojä u, njon da zä di xunba u, bi 'yen a ra Jesús.

¹⁰ M'bejua bi zom bä ja n'da ra ngu ne bi 'yän'du yu xädi:

—'Bë'a nam bön a gám ma, bi 'yen u.

¹¹ Nu ra Jesús bi 'yëmp'ü:

—Gätho te'o da hyeh rá xisu ne da zim man'da, nu'a øt' ra 'yomt'ëni a. ¹² Ne ngutho n'da ra xisu 'bä da hyeh rá ndø ne da zim man'da ran 'yohä ne'a øt' ra 'yomt'ëni a, bi 'yen a ra Jesús.

Nu ra Jesús i numanho yu t'uhni

¹³ Nu'u 'da yu ja'i bi zix yu t'uhni bä 'bäh ra Jesús, i ndepe da dospa yu ya. Pe nu yu xädi bi hecpa u ngue hin da zix yu t'uhni bä 'bäh ra Jesús. ¹⁴ Nu'bä mi nu ra Jesús 'bë'a bi 'yot' yu xädi bin cué buya, ne bi 'yen a:

—Dami jafu yu t'uhni ba thocua, 'yo gui corpahä bä, nguetho hønt'ü to'o da gohi tengu n'da ra t'uhni ngue din unse di manda rá ts'edi Ojä, da yärpä di manda rá ts'edi Ojä u. ¹⁵ Majuani dí xi ahä, nu'bä hin gui cohmbä tengu n'da ra t'uhni hin da zä gui cäthä bä di manda rá ts'edi Ojä 'bä, bi 'yen a ra Jesús.

¹⁶ Ne nubäya i thex'ü yu t'uhni ne bi dospa yu ya ne bi 'yäp rám fäts'i Ojä nangue u.

Ra membeti ts'unt'ü bi si a ra te mazai

¹⁷ Nu'bä mi bön'a ra Jesús bä mí 'bäi, 'bex bá ë a n'dihi n'da ra ts'unt'ü. Bi zäpä 'yu, bin dänyahmu bä ja rá gua ra Jesús ne bi 'yëmbi:

—Hoga xänbate i, 'bë'a ga øt'ä ngue din jagä ra te mazai, bi 'yen a.

¹⁸ —Ha güim bëni 'bë'a güim ma ngue güi engui xän hogui. Nguetho hønt'a Ojä xän

ho. ¹⁹ Ha güipä u yánt'ëdi Ojä ngue i ñna: "O güi 'yomt'ëni, o güi hacpa rá te ni mijä'iui, o güim pe, o güi man yu fehni, hin gan siyate, ne güi numansu ni ta ne ni mbe, ne gue'a man yän t'ëdi a," bi 'yen a ra Jesús.

²⁰ Ne bi dä a ra ts'unt'ü buya:

—Xänbate i, gätho yän t'ëdi dá øt'ä gue'bä go man t'uhnidä.

²¹ Nu ra Jesús emme bi huëc 'bä min hyëtui ne bi 'yëmbi:

—I ja a man'da di 'bëdi gui 'yot'e. Ni mba, bá pä 'bë'a gätho i ja i, ne güi darpa yu hyoya ni mbeti buya. Ne din ja a 'bë'a m'bëts'i bä mahëts'i gue di muui. Ne nubäya ba ñhe güi tengui, ne güi hyät' yän unbi madague güi tu, bi 'yëmbi.

²² Pe nu ra ts'unt'ü bi du rá mbäi 'bä mi 'yø a bi man a ra Jesús nguetho emme ra membeti a. Janangue a bi 'uetho.

²³ Nu ra Jesús bi hyant'ü gätho mi 'bäpä ne bi xih yu xädi buya:

—Emme xän heï n'da ra membeti da yärpä di manda rá ts'edi Ojä, bi 'yen a.

²⁴ Ne nu yu xädi bi hyonya thoho a bi man ra Jesús. Pe nu ra Jesús xö bi 'yëmp'ü yu xädi mahö'n'a:

—Ma zä t'uhni ahä, xän heï da yärpä di manda rá ts'edi Ojä n'da 'bä i hu rá mbäi nangue ra mbeti. ²⁵ Man'da hingui heï ra camello da yärpä ja rá zugra ra 'yofani, xinda gue n'da ra membeti da yärpä di manda rá ts'edi Ojä, bi 'yëmp'ü.

²⁶ Ne xö man'da bi hyonya tho u yu xädi ne bin 'yëmzëhe u:

—To'o maha da zä da dñ a ra te mazai 'bä, bi 'yen a.

²⁷ Nu ra Jesús bin hyëtä yu xädi ne bi 'yëmp'ü:

—Hingui sä da dñse ra te mazai n'da ra ja'i pe nu Ojä gätho da zä da 'yot'e, bi 'yen a ra Jesús.

²⁸ Nu ra Pedro buya bi 'yëmp'a ra Jesús:

—Nugähe, gätho 'bë'a mi jaje xtá sohmbe ne dá tén'nahe.

²⁹⁻³⁰ —Majuani, ña ra Jesús, ne dí xi ahä ya, hønt'a go to'o bi zoh rá ngu, o gue yu cu, o gue rá ta, o gue rá mbe, o gue rá xisu, o gue yu t'uhni, o gue yu häi, ngue da dëngui, pe emme man'da xän ngu din ja ngue yu ngu, o gue yän 'yohä, o gue yän ju, o gue yu

mbe, o gue yé t'uhni, o gue yé häi, xinda gue u gätho mi ja mam 'bet'o, pe ne'u yun unbi da nu, ne da nu ran ho gätho yu pa mazai 'bu rán zegui ra pa. ³¹ Ne xan ngu u mi 'bet'o dim 'bejua ne nu'u mi 'bejua dim 'bet'o u, bi 'yen'a ra Jesús.

Ra Jesús bi ma mahøn'a rán døte

³² Nu'bø mi mba bu 'yu Jerusalén ra Jesús, xan ngu yu ja'i bi dønni. Nu ra Jesús mi 'bet'o, min 'yohu yu xädi, ne mí 'bejua yu ja'i. Ne min su u yu xädi, midi hyonya thoho u ngue nde da mba bu Jerusalén ra Jesús. Ne nu ra Jesús bi zix bu ma'u eni ts'u yu xädi nde da xifi 'be'a da t'ørpe. ³³ Ne bi 'yømp'u:

—Nuya ná mbähä bu Jerusalén. Ne nugä ngue dán ja'igä ua ja ra ximhäi, da mba ma dägä bu 'bøh yu ngarpa mbäjä ne'u yu xänbate njä, ne da 'yørcä ran juanbi u ngue ga tu, ne di dägä bu 'bø u him ma mi-judiohu. ³⁴ Ne da mba nthengui ne da mba m'be'migui, ne da mba nts'ots'igä, ne da thogui. Pe nu'bø ná hyupa ga thambenigä, bi 'yømp'u yu xädi.

Äh ra mate ra Jacobo ne ra Xuua

³⁵ Nu ra Jacobo ne ra Xuua, yu ts'unt'u ra Zebedeo, man'da bi hyäm bu mí 'bäh ra Jesús ne bi 'yømbi:

—N'da ra mate dí nde ga ä'a'be.

³⁶ Ne nu ra Jesús bi 'yømp'u:

—'Be'a guí nde ga øt'aui.

³⁷ Ne bi 'yømp'u buya:

—Dí nde'be 'darpu ga huhmbø ngue 'da xtä hutho'be bu ja ni mexa 'bu gán ts'ut'abi, bi 'yømbi.

³⁸ Ne nu ra Jesús bi 'yømp'u:

—Nu'ai, hin guí pahmi 'be'a nam bøn'a guí ähmi. Ha da zä ne'ai gui säui ran unbi ga sägä. Ha da zä ne aui gui hyät'ui ra dumbui ga hät'ä.

³⁹ —Da zä, bi 'yen' u.

Ne nu ra Jesús bi 'yømp'u:

—Majuani, nu ran unbi ga sägä gui säui a, ne nu a ra dumbui ga hät'ä ne aui gui hyät'ui a. ⁴⁰ Pe hinga gue'a man t'edigä gam mangä to'o dan hyuhmbe bu ja ma mexa. Pegue gue'a Oja di un ran t'edi to'o xan zänni, bi 'yen' a ra Jesús.

⁴¹ Nu'bø mi 'yo u yu mixädihu 'be'a bi man ra Jacobo ne ra Xuua, bi mbødi bin cu'e u.

⁴² Janangue'a nu ra Jesús bi 'yømp'u gätho 'de'mayoho yu xädi buya:

—Nu'u i ja yu ts'edi ua ja ra häi emme xan høi i ørpa u to'o di manda u, ne emme din 'yøx'u. ⁴³ Pe nu'ahu hinga ngubu gu 'yøthu. Pe hønt'a go to'o da nde din ja rán t'edi xan ho, pegue jatho din 'yøhe ngue gätho mi'da. ⁴⁴ Ne nu'bø 'bu a n'da ahu ngue i nde dim 'bet'o, pegue din 'yøhe thoho ngue gätho mi'da. ⁴⁵ Tengu thohogä, ngue dán ja'igä ua ja ra ximhäi, him bá ecä ngue dam hmugä, pe bá ecä ngue dan 'yøhe thohogä, ne ga dä ma te gan yanba yu te yu ja'i, bi 'yen' a ra Jesús.

Ra Jesús bi hoc'a ra xäda i Bartimeo a

⁴⁶ Ne mi thopu ja ra hnini Jericó ra Jesús ne yu xädi, n'yohu xan ngu yu ja'i. Ne mi hupu nden'yu n'da ra xäda rá thuhu ra Bartimeo, rá ts'unt'u ra Timeo. Mí äh ra mbøti a. ⁴⁷ Ne nu'bø mi 'yøde ngue gue'a ra Jesús ra mengu Nazaret ní mba bu, bi mba'ti, bi 'yømbi:

—Hague Jesús, rám bom'beto i ra David, dami huëgui, bi 'yen'a.

⁴⁸ Pe nu yu ja'i bi hecpi, bi xifi din hø. Pe nu'a ra xäda man'da nts'edi mbafi:

—Rám bom'beto i ra David, dín ja a nin huëcate nanguecä, bi 'yen'a.

⁴⁹ Nu ra Jesús bim 'bäh pøya, bi zonhna ra xäda. Nu yu ja'i mí 'bejua bi xi a ra xäda:

—Dami ndants'i, gan johya, nguetho in zon'na i ra Jesús, bi 'yømp'u.

⁵⁰ Bi tonts'a rá coto ra xäda buya, bi ndants'i ne bi mba bu mi 'bäh ra Jesús.

⁵¹ Nu'a ra Jesús bi 'yømp'a:

—'Be'a guí nde ga øt'a i.

Ne nu ra xäda bi 'yømbi:

—Xänbate i, dí nde gui xoga ma dä.

⁵² Ne nu ra Jesús bi 'yømbi:

—Ni mba, bi zä i nguetho gá 'yøc'yøigui, bi 'yen'a.

Ne 'bex bin zø yu dä ne 'bex bi den bu ni mba ra Jesús.

11

Bi hyux ra buru a ra Jesús ne bi t'espí

¹ Ne mi ts'utho da zøm bu Jerusalén ra Jesús ne u mí'n 'yohu. Bin 'yo bu hämbu ra hnini Betfagé ne ra hnini Betania, hørpø ja

ra nyuni Olivos. Ne nubaya bi mbəhn'da yoho yá xädi ra Jesús.

² —Ni mbə ne njon ne bí ja ra hnini ne nu'bə gá səmmi, gui t̄immi bə n'da ra buru nthat'i ngue njo'o to xí hyux'a n'dandj, ne gua xoc p̄aya ne gua siui ua. ³ Ne nu'bə da t'ɛn'aui: "Hanja ngubə guí òt'ui," bə da t'ɛn aui, gui 'ȳenui: "Nu'a ra Hmu i honi ne xø ba si'be ua mahən'a," gui 'ȳenui, bi 'ȳen'a ra Jesús.

⁴ Ne bi mba b̄aya, ne bi d̄im b̄a a ra buru, nthat'i b̄a ja ra goxthi nguep̄ i thoh ra 'yu. Ne bi xoc'ə b̄aya.

⁵ Nu'ə mi 'b̄ep̄ bi 'ȳen'ə:

—'Be'a guí òt'ui b̄a, hanja guí xocui ra buru.

⁶ Nu'ə yá xädi bi d̄at'ə ne bi xifi tengu xi xih ra Jesús.

—Dami sixui 'b̄a, bi t'ɛmp'ə yá xädi b̄aya.

⁷ Bá ts'inba a ra buru a ra Jesús b̄aya ne bi mbəh yá coto ə bá si ra buru, ngue bi gaspi ne bi hyuxa ra Jesús b̄aya. ⁸ Ne'ə yá ja'i bi mbəh yám 'b̄exəts'e pahni bi ximbə b̄a 'yu, ne nu'ə mi'da yá ja'i bi xec yá paxi ne bi mbəcpa b̄a ja ra 'yu.

⁹ Nu'ə mi 'b̄et'o b̄a ní mba a ra Jesús, ne ə mi 'b̄ejua, gätho í mba ə bi 'ȳen'ə:

—Majəpi a bá penhd Ojə, bi 'ȳen ə. ¹⁰ Din ts'ut'abi a tengu tho ma mbombətahe ra David. Mixte rá ts'edi Ojə, bi 'ȳem b̄a ní mba ə.

¹¹ Bi yəthə b̄a Jerusalén ra Jesús b̄aya. Ne bi yərp̄ ja ra dənijə, ne bi nu 'b̄e'a gätho i t'ørp̄ ne bi bəm b̄aya ngue tho bin de. Bi mba b̄a ra hnini Betania ne ə 'd̄e'mayoho yá xädi bi mbəh.

Ra Jesús him bi numanho ra za him mi zəh yá ndät'ā

¹² Nu'b̄a mi hyax b̄aya bi bəm b̄a Betania ra Jesús, bi mbeng b̄a Jerusalén. Ne bin tumanthuhu b̄a 'yu a. ¹³ Ne mi hant'a n'da ra za ja yá paxi, bi mba da nu 'b̄a i zəp̄ yá ndät'o. Pe nu'b̄a mi zəm b̄a, nte bi d̄im b̄a, hənt'ə yá xi ngue tho hinga gue'ə yá pa i zəh yá ndät'o, ne säti tho ja yá xi. ¹⁴ Nu ra Jesús b̄aya bi 'ȳemp'a ra za:

—Njäm'b̄a to da zi mahən'a ə ni ndät'o, bi 'ȳembi.

Ne bi 'ȳoh yá xädi a bi man ra Jesús.

Ra Jesús bi hyøn a thi ə yá mbä ne ə yá däi b̄a ja ra dənijə

¹⁵ Ne bi thop̄ Jerusalén ra Jesús ne yá xädi. Ne bi yərp̄ ja ra dənijə mahən'a. Ne bi hyøn a thi gätho yá mbä ne yá däi mi 'b̄ep̄. Ne bi ndənba yá mexa yám pämbeti ne yán thuts'i yá mbät'azə. ¹⁶ Ne njon di japi da thop̄ nijə 'b̄a i tu yá 'b̄eni. ¹⁷ Ne bi 'ȳemp'ə yá ja'i b̄aya:

—Ha hinga nt'o't'i b̄a ja rá səcuə Ojə ngue bi 'ȳena: "I thø a ma ngu nguep̄ da dəndegui gätho yá ja'i 'b̄acua ja ra ximhäi," i ən Ojə, bi 'ȳen a ra Jesús. Pe nu'ahə, xcá 'yørpahə tengu 'b̄a rá hyädo nguep̄ nin yán ə yá b̄e, bi 'ȳemp'ə b̄aya.

¹⁸ Bi 'yø ə yá xänbate nijə ne yá ngärpa mbäjə 'b̄e'a xí man'a ra Jesús, ne i honi hague dán zä da hyo, ngue tho bin su 'b̄a mi nu gätho yá ja'i madi hyonya thoho nangue a 'b̄e'a bi xänba ra Jesús. ¹⁹ Nu'b̄a mí de bi bəm b̄a ra Jesús b̄a ja ra dənijni Jerusalén ne yá xädi. Bi mbəhə b̄a ra hnini Betania mahən'a.

Bi 'yot'a ra za

²⁰ Nu'b̄a mi hyax b̄aya bi thoh mahən'a b̄a 'b̄a a ra za ngue mi əna xtán zip yán dät'o ra Jesús. Nu'b̄a mi nu'ə, ya xí 'yot'i gätho yá 'yu.

²¹ Nu ra Pedro b̄aya bi bən a xí man ra Jesús ne bi 'ȳembi:

—Xänbate i, ne nunə ra za gá 'ȳembi him man'dandj da ts'ip yán dät'o ne ya xø 'yot' ya, bi 'ȳen a ra Pedro.

²² Ne nu'b̄a mi dəh ra Jesús, bi 'ȳemp'ə:

—Dami 'ȳc'yəihə ngue gätho da zä da 'yot' Ojə a xən həi. ²³ Janangue'a nu'b̄a ya gá ximbə n'da ra t'əhə da 'uegue din hyøzəhə b̄a ja ra dejə, din ja a gá mamhbə 'b̄a hingui yoho guim bəmhə, ne guí pahmbə majuəni gätho sää da 'yot' Ojə a xən həi. ²⁴ Janangue'a dí xi ahə ngue nu'b̄a ja a guí äfə Ojə, dami 'ȳc'yəihə ngue di 'da ahə a guí äfə ne din ja a b̄aya. ²⁵ Ne nu'b̄a guí yəphə Ojə him man guim bəmhə a bi 'yot'ahə ni mijə'ihə, gam punbahə ə ne'a Ojə di pun'nahə b̄aya. ²⁶ Nguetho nu'b̄a hin gadim punbahə ni mijə'ihə xinga gue'a ni Tahə bí 'b̄ep̄ mahəts'i di pun'nahə, bi 'ȳemp'ə yá xädi ra Jesús.

Ran t'ənni nangue rán t'ədi ra Jesús

²⁷ Bi zōm bə Jerusalén ra Jesús ne yá xädi, ne xø bi zōm bə ja ra däniqə. Ne nu yə ngərpa mbäjə bi zōm bə mi 'bäh ra Jesús, n'yohə yə xänbate niqə ne yə dac'yei. ²⁸ Nu'ə bi 'yän'na ra Jesús:

—To'o bi 'da a ran t'ëdi gui 'yøt'a guí øt'e.
²⁹⁻³⁰ Ne nu ra Jesús 'bə mi dädi bi 'yəna:

—Necä ga än'nahə to'o bi un rán t'ëdi ra Xuua Nxixyə, hague Ojə uague yə ja'ithoho. Ne nu'bə gá xijə, necä ga xi ahə to'o bi 'dacä man t'ëdi bəya. ³¹ Nu'ə bin 'yəmzəhə ə bəya:

—Xi'bə ga xihmbə ngue gue'a Ojə bi un rán t'ëdi, ne da 'yənju: "Hanja hin gá 'yəc'yəihə thə," da 'yənju bəya. ³² Ne nu'bə ga əmhəbə yə ja'i thoho bi un ran t'ëdi ra Xuua, pə hingui sā ga xihmbə tengu a, bi 'yən ə, nguetho gätho yə ja'i mi əspa ra Xuua ne bi 'yəc'yəi ngue rá pøngahyə Ojə a. ³³ Ne nu'bə mi dä ə yə xänbate niqə ne ə gätho min 'yohə,

—Hin dí pəhmbe, bi 'yəntho ə.

Nu ra Jesús bi 'yəmp'ə:

—Xinga guecä ga xi ahə to'o bi 'dacä man t'ëdi, bi 'yən'a.

12

Rán t'uti yən ts'ombefi

¹ Nu ra Jesús 'bex bi də'mi bi xi a n'da ran t'uti ne bi 'yəmp'ə:

—Nu n'da ran 'yohə bi 'yøt'a n'da ra nuqndät'o, ne bi fø't'e ne bi 'ya'ma n'da ra hyahäi guepə da 'yøt'a n'da ran the'ma guindät'o, ne bi hyø a n'da ra jədo xən həts'i da ndex ə da nu rá häi.

Ne bi hmit'ə yə mbəfi a rá häi ngue dim pəpə, ne bi mba n'danni a ran 'yohə. ² Nu'bə bi zən ra pa din ja ə yən dät'o, bá pəhna n'da rá 'yəhə ba tu a xí mamhbə di unni. ³ Pe nu'ə yə mbəfi bi bənt'a ra 'yəhə, ne bi mbə'mi ne bi mbənthoho bəya ne nte bi unni. ⁴ Nu rá mbəti ra nuqndät'ə bá pəhn man'da rá 'yəhə bəya. Pe ne'a bi mba ma bat'a do a, ne bi mba ma ənba rá ya, ne bi zantho, ne xø bi mbənthoho bəya. ⁵ Ne bá pəhn man'da, ne xø bá tho a. Ne xən ngu mi'da bí 'bəhni. Nu'ə 'da bi ənba thoho ne nu mi'da bi hyo.

⁶ Mi 'bə a n'da rá ts'ənt'ə a rá mbəti ra nuqndät'o ne əmmə di huçc'a. "Nu yə mbəfi masque da numansu ma ts'ənt'ə," bi 'yənse, ne bá pən'na bəya. ⁷ Pe nu ə yə mbəfi 'bə mi

nurpa a rá ts'ənt'ə, bin 'yəmzəhə ə: "Nuna, guehna da gohmi ra häi 'bə bi du rá ta. Mbähä ga hohə ne nubəya ma mbəti zəhəhə ra nuqndät'o," bin 'yəmzəhə ə. ⁸ Ne bi bənt'i ne bi hyo ne bi 'yəm bə ma'ueni bə ja ra nuqndät'o, bi 'yən'a ra Jesús 'bə mi man a ran t'uti.

⁹ —Nuya guim bəmhəbə 'bə'a da 'yøt'a rá mbəti ra nuqndät'o, bi 'yəmp'ə. Guehma ba əse ne da hyo ə xí hmit'a rá nuqndät'o ne di un ra nuqndät'o ə mi'da, bi 'yən a ra Jesús. ¹⁰ Ha hin gán xähmbə rá t'ohni Ojə ngue i əna:

Nu'a ra do bi bənt'ə yə gədo, gue'a man'da mahyoni tengutho bə ná thon yə guangu.

¹¹ Gue'a bi zänd Ojə, hanja gní hyonya thohohə, əm bə rám hman Ojə, bi 'yən a ra Jesús.

¹² Nu yə ngərba mbäjə ne'ə min 'yohə, bi nde da bənt'a ra Jesús nguetho bi bədi ngue go yán t'uti ə nangue a bi man ra Jesús, pəgue bi zutho din cuə yə ja'i, janangue him bi bənt'i. Bi mbatho ə bəya.

Ran t'ənni nangue ra renta im man ra ts'ət'abi Roma

¹³ Ne bi 'bənpə 'bəh ra Jesús ə mi'da yə fariseo ne ə 'da ma ngərpihe mi tən'na ra ts'ət'abi Herodes. Bi 'bəhni ngue da 'yən'na n'da ran t'ənni ne nu'bə hinga gue a da ma, 'bex gue di yəpi. ¹⁴ Nu'bə mi zōm bə bi 'yən ə:

—Xänbate i, dí pəhmbe gätho majuqni guím ma ne njon guí su, nguetho hin guí Ørpa masu a man yə ja'i ne guí xänba a majuqni rám hman Ojə ə yə ja'i. Dín nde gui xije, ha din theui yán t'ëdi Ojə 'bə dí øthə ngue dí juthə ra renta im man ra ts'ət'abi bə Roma in ts'ət'abi ua, uague hin'na. Ha xən ho 'bə ga thoqui ga juthə uague hin'na, bi 'yən ə. ¹⁵ Pe nu'a ra Jesús mi pədi həntho i nde da dīnbi 'bə'a dí yəp'a, janangue a bi 'yəmp'ə:

—Hanja gní 'yängahə, xi'a ni mbəti gní juthə ra renta im man ra ts'ət'abi, gan nugä.

¹⁶ Ne bi un bəya.

—To'o rá pøte ne rá thuhu i cuat na ra mbəti, bi 'yən a ra Jesús.

Ne nu'ə bi 'yən ə:

—Rá pôte ne rá thuhu ra ts'ut'abi Roma i cuat na.

¹⁷ Mí däh ra Jesús ne bi 'yëmp':

—Nu'a rá mbeti ra ts'ut'abi Roma, gui un'na. Nu'a xin rá mbeti Ojä gui un'na Ojä a, bi 'yëmp':

Ne nu'ü bi hyonya thoho nangue a bi man'a ra Jesús.

Ran t'änni nangue ü da dämbëni

¹⁸ Ne bá ü 'da yü saduceo büya ngue mi èn ü njo'o to da dämbëni. Ne bi 'yän'na ra Jesús, bi 'yëmbi:

¹⁹ —Xänbate i, nu'a n'da ran t'ëdi bi man'a ra Moisés i èna, ngue nu'bü da du n'da ran 'yohü ne njo'o rá t'uhni 'bü bi du, ne nu'a rán 'yohü zehë da zinba a rá xisu a rán 'yohü bi du. Ne nu'a rá t'uhni dim 'bëi da t'ëmbi rá t'uhni a xí du. ²⁰ Ne mi 'bü i yoto yän 'yohü i din 'yohü zehë ü. Ne nu'a ra 'bet'o n'yohü bi zin'a n'da ra xisu, ne nu'bü mi du njo'o yü t'uhni. ²¹ Janangue'a nu a rán 'yohü a bi du bi zin a ra xisu mahöñ'a. Ne'a bi du a, ne xinga gue a bim 'bëh yü t'uhni a. Ne ná hyu ngutho. ²² Ne gätho ü yoto ma 'yohü ne 'dat'a ra xisu bi zini, ne xinga n'da mím 'bëh yü t'uhni 'bü bi du ü. Ne nzegui nesë ra xisu bi du. ²³ Nuya dami xije nu'bü majuäni da dämbëni yü ja'i, nda'a nin 'yohü dim 'bëhmi ra xisu, nguetho gätho yoto bim 'bëhmi, bi 'yëñ ü yü saduceo. ²⁴ Mi däh ra Jesús ne bi 'yëmp':

—Nu'ahü 'dan'yo thoho guí mamhbü nguetho hin guím bëmhü 'be'a mam bü ja rá t'ohni Ojä xín rá ts'ëdi Ojä guí pähmbü.

²⁵ Nu'bü bi dämbëni ü xün du him man ja ran sini bü pëgue dim 'bëtho yü ja'i tengu yüm 'bëhni Ojä 'bëpü mahëts'i. ²⁶ Ne nu'a ram hma ngue da dämbëni ü xün du, majuäni a ne guin nuhü bü ja rám hman Ojä ngue nu'bü min yäqui Ojä ra Moisés bü ja ra t'aza bi 'yëmbi: "Nugä drá Ojägä, nu ra Abraham ne ra Isaac ne ra Jacob ngue nim bombøtahü, i èc'yëigui," bi 'yëñ Ojä.

²⁷ Ngubü bi ma nguetho guexta'a i 'bëh yü mbëi ü. Pë hin guím bëmhü, nguetho 'dan'yo thoho guí mamhbü, bi 'yëñ a ra Jesús.

Rán t'ëdi Ojä man'da ja ts'ëditho

²⁸ Nu'bü min yäqui yü saduceo ra Jesús, mi 'bëpü n'da ra xänbate nijà bi 'yöde 'be'a bi man ra Jesús ne bi bëdi ngue xün ho a bi ma. Janangue'a bi 'yänni:

—Nda'a rán t'ëdi Ojä ngue man'da ja ts'ëditho ga øthü, bi 'yëñ'a.

²⁹⁻³⁰ Bi da'a ra Jesús:

—Nu'a rán t'ëdi Ojä man'da jats'ëditho ga øthü, gue'a ran t'ëdi ngue i èna: "Dami 'yøhmbü gyü ja'i israelhü, nu'a Ojä ra Hmu, n'datho a. Ne guim bëmhü a nangue gätho ni mbëihü, ne gätho ni tehü, ne gätho nin 'yomfënihü, ne gätho ni ts'ëdihü," i èn rá t'ohni Ojä. Pë guehna ran t'ëdi man'da ja ts'ëdi tho ga øthü, bi 'yëñ'a ra Jesús. ³¹ Ne 'da'angutho ui ná yoho ran t'ëdi ga øthü i èna: "Gui huëc ni mijä'ihü tengu bü gnin huëc zehëhü," i èn rá t'ohni Ojä. Guehya yän t'ëdi man'da ja ts'ëditho ga øthü xinda gue ü mi'da, bi 'yëñ a ra Jesús.

³² Ne nu'a ra xänbate nijà, bi 'yëm büya:

—Xänbate i, majuäni xün ho guím ma, ngue hønt'a n'da Ojä i 'bëi ne njo'o man'da tengu a. Ne ja ts'ëdi tho da bëñ Ojä n'da ngue gätho rá mbëi, ne gätho rá te, ne gätho rán 'yomfëni, ne gätho rá ts'ëdi, ³³ ne di huëc rá mijä'ui tengu bü nin huëczehë n'da. Man'da ja ts'ëditho da 'yøt'a n'da ü xinda gue ü gätho yü 'bëts'e ne yän t'unni dí mbøspa Ojä n'da, bi 'yëñ a ra xänbate nijà.

³⁴ Ne nu ra Jesús 'bü mí 'yø a bi man ra xänbate nijà bi bëdi ngue n'dat'a Ojä im bëni janangue a bi 'yëmbi:

—Nu'its'ütho di 'be i ngue da zä gui cärpu di manda rá ts'ëdi Ojä, bi 'yëmp'a.

Ne nubüya njom man'da bi zäpi da 'yän mi'da yän t'änni.

To'o gue rá Ts'ünt'ü a ra Cristo

³⁵⁻³⁶ Ne mí xänba yü ja'i a ra Jesús bü ja ra dänijs, ne bi 'yëmp':

—Hanja èn ü yü xänbate nijà ngue nu ra Cristo rám bom'bëto ra David a, ne xim mi èmbi rá Hmu 'bü hin ním 'bëi, nguetho mi èn'a ra David:

Nu'a Ojä bi 'yëmp'a ma Hmu:

"Dat'ua ga huhmi ga conhui ma ts'ëdi gue'bü go dá tapä nin sëihü ua ja ra ximhäi ne guim manda ü büya,"
bi t'ëmp'a ma Hmu, bi 'yëñ a ra David 'bü mí bënba rá Hogandähi Ojä nangue 'be'a da

'yøt' ra Cristo. ³⁷ Guesε ra David bi 'yεmbi rá Hmu a ra Cristo. Hague nja pε ne rám bom'beto a, bi 'yεn a ra Jesús.

Pε nu yu ja'i, bi 'yømanho gätho a bi man ra Jesús.

Ra Jesús bi ma 'be'a i øt' u yu xänbate nijq

³⁸ Ne bi thoqui bi xänba yu ja'i a ra Jesús bi 'yεmp' u:

—Gam fähmbu nangue a i xi ahu yu xänbate nijq, nguetho hønt'a ran 'yεts'i i øt' u ne di ho da hye yu pahni xu mba guep u 'yo, ne di ho da mba ma zengua bu ja yu täi,

³⁹ ne di ho da hyux bu ja yu thuts'i xan ho bu ja yu nijq, ne di ho yu mbadi din sihme bu ja yu sihme u, ⁴⁰ ne i häspi 'be'a gätho bi ts'ocpa u yu xisu xon du yu ndø, ne sä nya'a thoho in yaqh Ojä ngue i nde da t'εmbi xan ho tho yu mbai. Man'da xan ngu ran unbi da nu ya, bi 'yεn'a ra Jesús.

Ran t'unni man'da di muui bu na nu Ojä

⁴¹ Ne mi hupu ra Jesús bu mí ja ra huada guep u i pa njät'i ra mbeti rán t'unni Ojä. Ne in nu bu i cät' ra mbeti u yu ja'i bu ja ra huada. Ne bi nu xan ngu yu membeti bi thopu ngue xan ngu ra mbeti bi gärpu ja ra huada n'da ngu n'da u. ⁴² Ne bi zom bu n'da ra hyoya xisu xi du rá ndø, ne bi gät'i yocentavo thoho. ⁴³ Ne nu'bu mi nu a bi 'yøt'a ra xisu buya ne bi 'yεmp' u:

—Majuani dí xi ahu nuna za hyoya xisu man'da xan ngu di muui a bi gärpu ja ra huada xinda gue' u gätho mi'da. ⁴⁴ Nguetho gätho u mi'da bi gät'a i pongui, pe nuna ra xisu madague i hyoya na, pe bi gät'i gätho mi pe'ts'i, bi 'yεmp' u yu xädi a ra Jesús.

13

Ra Jesús bi ma ngue da mba nso't'i ra däniya

¹ Nu'bu mi bøm bu ja ra däniya ra Jesús ne yu xädi, nu'a n'da bi 'yεn'a:

—Xänbate i, hyandi ts' u nu ra nijq, εmmε xu ndoho yu do n'yohu ne εmmε mahotho.

² Mi däh ra Jesús ne bi 'yεmp' u:

—Guín nuhu ngue mahotho ne εmmε ndoho yu do, pεgue da zon ra pa da so't'i, bi 'yεmp' u.

Yu hmepya ngue rán zegui

³ Ne nu'bu mi zom bu ja ra nyuni Olivos, bi hyupu ra Jesús, hε't ra däniya. Ne hønt'u yu xädi mi 'bu hmbu bu. Ne nubuya ra Pedro ne ra Jacobo ne ra Xuua ne ra Andrés:

⁴ —Nda'a ní pa da mba nso't'i ra nijq gá xije, bi 'yεn u. Nda'a ni hmepya da hnu 'bu din ja a guim ma, t'εmp'a ra Jesús.

⁵ Mi dä a ra Jesús ne bi 'yεmp' u:

—Gam fähmbu njon da hyä ahu, ⁶ nguetho xan ngu ba εhe ngue sä da 'yεna: "Nugä, guecä drá Cristogä," da 'yεn'u. Ne xan ngu u da hyät'i.

⁷ Ne nu'bu gui 'yøhmbu yu shi ne'bu da hma ngue din ja yu shi, o guin suhu nguetho jatho din ja u. Pe nu'bu din ja u xinga gue'bu ran zegui 'bu. ⁸ Nguetho nu yu ja'i bu 'da yu häi din sahmi yu mijä'ihu. Ne nu 'da yu ts'ut'abi din sahmbu yu mits'ut'abihu, ne din ja yu 'yanhäi, ne xan ngu yu njdi din ja ra thuhu ne yu 'yo'ts'i. Ne guehya yu mbadi yu unbi ya, bi 'yεmp' u.

⁹ Ne xø bi 'yεn'a:

—Ne gam fähmbu njon di 'uec'ahu bu ja rá 'yu Ojä, nguetho da mba ma dä ahu bu ja ran juanbate, nepu ja yu nijq ma mijudiohu da 'be'p'ahu, ne nangue guí εc'yεigahu da ts'on'nahu bu 'buh yu ts'ut'abi, nepu 'buh yu dats'ut'abi ngue da ts'ep'ahu. Ne xan ho 'bu din jabu ne gue'a dí zä gui xihmbu mam hmangä u. ¹⁰ Pe m'bet'o thoho da mba nsifi gätho yu ja'i 'bucua ja ra ximhäi ran ho ma'da'yo dí pø u. ¹¹ Ne nu'bu da zix ahu di dä ahu bu 'buh ra ts'ut'abi, pe him 'be'gui hyonsehu 'be'a gui mamhbu 'bu da mba ma juan'ni ahu, nguetho nu'bu bi zon ra ora da t'än'nahu, hønt'a rá Hogandähi Ojä da zä di bë'n'nahu 'be'a gui mamhbu. ¹² Ne nu n'da ran 'yohu di manda da tho rán 'yohu, ne nu'a rá ta di manda da tho rá ts'unt' u. Ne da ndants' u yu ts'unt' u din tunhdu u yu ta ne yu mbe ne di manda da tho rá ta ne rá mbe 'da yu ts'unt' u. ¹³ Ne gätho yu ja'i da zan ahu nangue a guí εc'yεigahu. Ne nu' u to'o gätho da hyät yu unbi gue'bu go rán zegui, gue u dim pø u, bi 'yεmp' u.

¹⁴ Ne bi thoqui bi xi u:

—Ba ε a n'da ra ts'edi xan ts'o ngue di ts'oni gätho. Ngubu bi man ra Daniel gue rá pøngahyä Ojä. Ne nu'bu gá nuhu dim 'bäp u guep u hin rán säui dim 'bäi, dami 'dahmbu

gyú menguhú ba Judea, gui mbähä bù ja yù t'øhø guin 'yämhbu bù. Nu a to'o da nu ra sœcuq i ja ua, da 'yé't'ambéhi na. ¹⁵ Né nu'bù bin ja a, to'o i 'bäpù goxthi hin da yärpù mbo rá ngu, hin da bëni ja 'be'a 'be da hyäts'i, 'bex gue da 'dagui. ¹⁶ Né nu'a to'o 'bäpù ja yù huähi hin da mbeng bu ja yù ngu ngue ba cä yù coto, 'bex gue da 'datho bù. ¹⁷ Huëcate u yù xisu in hat'uhni né u 'bah yù 'uere yù pa u. ¹⁸ 'Yäfù rá mate Ojä ngue hin din ja ahù ran 'dagui 'bù yù pa xùn se xøhma hin da zä gui 'dahmbù. ¹⁹ Né nu'u yù pa u, din ja xùn ngu yùn unbi hin jäm'bù n'dandì xòn ja gue'bù go rá mbùdi ra ximhäi. Né nu'bù ya bin ja, him man'dandì din ja yùn unbi tengu u. ²⁰ Pe nangue u yù 'yéc'yéi, Ojä di japi hingui ngu yù pa din ja yùn unbi, nu'bù hin'na njon xtam bongui, bi 'yén a ra Jesús.

²¹ Né bi thoqui bi ma, bi 'yén:

—Né nu'bù da si ahù: “Dami hyanthu, 'bæcua ra Cristo ya, rá Thahni Ojä,” da t'èn ahù. O gue da t'èn'ahù: “Ba nuhu 'bæpù ra Cristo ya, rá Thahni Ojä,” da t'èn ahù, pe o guí 'yéc'yéihù. ²² Nguetho xùn ngu dim 'bù u yù hyäte Cristo né yù hyäte pøngahyä da 'yøt' yù hyonya nt'øt'e nguetho i nde da hyät yù 'yéc'yéi gue bi huanh Oja, 'bù da zä da hyät'u. ²³ Pe nde'bù gam fäsehù nguetho ya dá xi ahù 'be'a gätho din ja m'bejua, bi 'yén a ra Jesús.

Nu'a din ja 'bù bi zøcua mahøn'a ra Jesús

²⁴ Né xø bi 'yemp'u yù xädi a ra Jesús:

—Né nu'bù ya bi guah yùn unbi, nu a ra hyadi di 'bèh rá ts'edi né ra zäna him man ja rán neequi. ²⁵ Né nu yù sø da dägui. Né gätho mi'da di 'bèh yù ts'edi u gä bí ja bù mahëts'i, di 'yäni. ²⁶ Né nubuya da hnugui ba 'çä ua ngue dán jämäga ua ja ra ximhäi, ba ogä bù ja yù güi, dan 'yo'be xùn ngu ma ts'edi né dam mixte xùn ho. ²⁷ Ga pen'dù yùm 'bèhni Ojä mahëts'i buya, di pet'u gätho xtá huahni guecua gätho na ngäni ra ximhäi, bi 'yén a ra Jesús.

²⁸ Nuya da zä gui pähmbù 'be'a gue nin t'uti i ut'ahù 'da yù za. Nu'bù bi bøx yù 'dogui u yù 'yé guí pähmbù mi ts'utho din ja ra hyethe buya. ²⁹ Ngutho 'bù ya bin ja gätho u dá xi ahù, gui pähmbù ngue mi ts'utho ba pengä ua mahøn'a buya, bi 'yén a.

³⁰ Majuäni dí xi ahù di 'bætho ua 'da ahù 'bù bi mbùdi din ja a dí xi ahù. ³¹ Mahëts'i da guadi, nœcua ja ra häi, pe nu'a mam hmangä hin jäm'bù da gua a.

³² Pe nu'a ra pa a, njongui pàdi 'be'a ní ora din ja a dím mangä, xinga gue u yùm 'bèhni Ojä 'bæpù mahëts'i, xinga guecä ngue dán jämäga ua ja ra ximhäi dí pàdi. Hønt'a Ojä ma Ta i pàdi, bi 'yén a ra Jesús.

³³ Né xø bi 'yén:

—Thocpa thoho gan nuhmbù tengu'bù hin gui tonspahù ra t'äha. Né xinga n'da zi ora gui pumbëñihù Ojä né thocpa thoho gan yähù a, nguetho hin guí pähmbù nda'a ni pa ba pengä mahøn'a. ³⁴ Tengu n'da ran 'yohù bi mba yatho bi zoh rá ngu, bi un yùn t'èdi yù 'yéhë ngue di jamansu bù, n'da ngu n'da bi xi a da 'yøt'e. Né bi xi a ra mbängoxthi ngue hin di tonspa ra t'äha.

³⁵ Né ngutho dí xi ahù, dami tømhbu tengu'bù gan äthähù nguetho hin guí pähmbù 'be'a ní pa ba pengä ua, o gue'bù bin de, o gue'bù made ra xui, o gue'bù bi mbah yù ñoni, o gue'bù bi hyats'i. ³⁶ Nguetho hin guí pähmbù nda'a ni ora ba 'çä, xi'bù ba 'çä né ga tìn ahù bù gdi ahmbù. ³⁷ Né nu'a dí xi ahù, ngutho dí xicä gätho mi'da: “Dami tømhbu,” bi 'yemp'u yù xädi a ra Jesús.

14

Yù ngärbi yù judío i nde 'bex gue da bent'a ra Jesús

¹ Né man yopa da dät ra pa 'bù mi bëg a xí 'yøt' ma mbombøtahe bù Egipto dyù judíohe. Nu yù ngärpa mbäjä bùya né yù xänbate nijä bi bëni 'be'a ni fëhni da xi a ra Jesús guepù da zä da bent'i ngue da hyo.

² Né bin 'yempzehë u:

—Hinga gue a ra pa ra dampeti gam benthù né xøhma din cué yù jä'i, bi 'yén u.

N'da ra xisu bi naspa ra 'yëthi rá yäq ra Jesús

³ Né mi 'bæpù ra Jesús bù ja rá ngu ra Simón bù ja ra hnini Betania. Gue'a ra Simón mi hëmb ra t'axca'ya 'bù mam 'bet'o. Né nu'bù mi sihme bù ra Jesús bi zøpù n'da ra xisu i tu n'da ra xito nt'øt'e ngue ra do'yaxi, mi po ra 'yëthi èmme yùman'u a, né xùn ngu di muui a. Bi xëcpa rá nde buya né

bi naspa rá ya ra Jesús. ⁴ Nu' da mí 'bapu, bin cue e buya ne bi 'yen u:

—Hanja bim 'betho ra 'yethi ne xam hmadi di muui. ⁵ Mi sá xtá 'bá xtin t'un ya hyoya a hyu ciento rá muui a ra 'yethi, bi 'yen u.

Ne bi numan' u ra xisu u. ⁶ Ne nu ra Jesús bi 'yemp' u:

—Hanja guín jah u, o guidi pahmb u ra xisu nguetho xan ho bi 'yorcá na. ⁷ Nu'ah thocpa thoho gam 'buhmb u ya hyoya ne hont'a go ma pa da zä gui fäxhu u. Pe nugä hinga thocpa thoho dam 'buhmb u. ⁸ Bi 'yorcá ra xisu a mi sá da 'yot'e, bi hoga ma ngoc'yei ngue da t'ägä bu ja ran 'yägui. ⁹ Majuani dí xi ah u gue hnb u go hapu da hman ran ho ma'da'yo gätho na ndoho ra ximhäi, nehna bi 'yorcá ra xisu da hman na, 'dahma ne'a da fén a, bi 'yen'a ra Jesús.

Ra Judas im ma di dä a ra Jesús

¹⁰ Nu'a ra Judas Iscariote buya, ngue'a n'da yá xädi ra Jesús, bi mba bu 'buh ya ngarpa mbajä bi xifi di däp'ra ra Jesús. ¹¹ Ne bi hyu yá mbai u ya ngarpa mbajä ne bi xifi di un ra mbeti. Ne bi mbenc'a ra Judas buya mi honi jam'b u di dä a ra Jesús.

Bin sihmehu ra Hmu u yá xädi

¹² Nu rá mbadi ra pa ra dämpeti ngue ran däbaxjua i ts'i ra thuhme hin'y u rá ixi, ne i ho ra t'ud'e'yo. Ne nu yá xädi ra Jesús bi 'yembi:

—Hapu guí ndeje ga hoje ran ts'ihme ra mbaxjua ga sih u, bi 'yen u.

¹³ Ne nubuya bi xi u yoho yá xädi:

—Ni mbe bu ja ra dähnihni Jerusalén, ne nu'bu gá nuui bu n'da ran 'yohu i tu n'daxaro ra dehe gui tenui bu da zoni. ¹⁴ Ne nu'bu gá somhb u gui 'yenui a ra mengu bu: "Nu'a ra Hmu bá pengähe ngue ga än'nahe hapu i ja a ra cuarto ngue ga sihe ran ts'ihme ra mbaxjua," gui 'yenui. ¹⁵ Ne nu'a buya da 'yut'aui n'da ra cuarto i ja bu magats'i xan ndoho ne mahoqui. Guepu ja gui hocui bu a ran sihme ga sih u, bi 'yen'a ra Jesús.

¹⁶ Bi mba yá xädi buya ne bi zom bu ja ra dähnihni Jerusalén ne bi däm bu gätho 'be'a xi sifi. Gätho bi hocp u 'be'a da zi bu 'bu bin de, ne bi mbeng bu 'buh ra Jesús buya. ¹⁷ Nu'bu min de ts'u, bi mbähä ra Jesús 'de'mayoho

yá xädi buya. ¹⁸ Gätho bin sihme u. Ne nu ra Jesús bi 'yemp' u:

—Majuani dí xi ah u, dí sihmehu ua n'da gue di dägä, bi 'yemp' u.

¹⁹ Nu yá xädi buya bi du yá mbai, n'da ngu n'da bi 'yänni:

—Ha guecä, bi 'yen' u.

²⁰ Ne nu'a ra Jesús bi dat' u:

—Go gue'a n'da gue gue'ah u guí 'de'mayoho ah u gue dí comh ma mbohi'be.

²¹ Majuani nugä ngue dán ja'igä ua ja ra ximhäi, ga tugä tengu nt'o't'i nanguecä. Pe í huéhi maha a ran 'yohu ngue di dägä. Man'da xan ho 'bu hin xtim 'bu a, bi 'yen a ra Jesús.

²² Gätho na sihme u bi hyac man'da ra hme ra Jesús, bi un ra jamadi Oja, bi xeni ne bi darpa yá xädi buya.

—Dami sih u na. Guehna nam bøn'a ma ngoc'yeigä na, bi 'yemp' u.

²³ Ne bi dec'a ra vaso mi po a nzai mi si u. Bi un ra jamadi Oja ne bi un'du buya, bi zi n'da ngu n'da u.

²⁴ —Guehna tengu 'bu ma jigä na, i øt' ra 'da'yo nhogui, dim fäni dí yanba yá te yu ja'i 'bucua ja ra ximhäi. ²⁵ Majuani dí xi ah u, hin ga si man'da ra gui uva ja gue'bu bi zon ra pa ga si ma'da'yo bu di manda rá ts'edi Oja, bi 'yen a ra Jesús.

Jesús bi bædi gue a ra Pedro da gøn'a

²⁶ Ne bin tu a n'da rá thuhu Oja u buya. Bi bøm bu mi sihme u ne bi mba bu ja ra nyuni Olivos. ²⁷ Ne nu ra Jesús bi 'yemp' u yá xädi:

—Nu'ah dí pacä ngue gui 'dahmb u, gui sogah u nán xui ya, tengu nt'o't'i bu ja rám hman Oja i ña: "Ga ho ra mbänd'e'yo ne din 'uext'u yá de'yo," i ñm bu ja rá t'ohni, bi 'yen a. ²⁸ Pe nu'bu dá thämbenigä dan tñmhbu bu Galilea, bi 'yemp' u yá xädi a ra Jesús. ²⁹ Nu'a ra Pedro bi 'yen'a:

—Madague a gätho da 'dah ya 'da, pe nugä hin ga soc'i'i.

³⁰ Nu ra Jesús bi dä'a buya:

—Häha, dí pacä 'be'a gui 'yot'a ra xui jabuya, ná hyundj xqui cõngä 'bu bi mbah ná yondj ra óni, bi 'yen a.

³¹ Pe nu'a ra Pedro man'da nts'edi bi 'yen'a:

—Nugä hin ga cøn'a i madague'bu 'darp u ga tuui, bi 'yembi.

Nε 'da'angu bi ma gätho u mi'da yá xädi buya.

Ra Jesúsi tu rá mbái ne gue'a ra ora da nu yuán ubni a

32 Nε bi yərpə ja ra nuqdøni Getsemaní guepə ja ra nyuni Olivos. Nu ra Jesúsi buya bi 'yɛmp' u yú xädi:

—Hyuhmbə ua gätho ahə, 'be dán yagä'be Ojə ua nan jongua ts'ə, bi 'yɛn'a.

33 Nε nubuya bi zixa ra Pedro, nε ra Jacobo, nε ra Xuua. Nε nu ra Jesúsi ɛmmə bi hyundumbai ne bin su. 34 Nε bi 'yɛmp' u:

—ɛmmə tu ma mbái, ɛna da hyog ra dumbai. Gui cohmbə ua ne gan äthəhə, bi 'yɛmp' u.

35 Nε bi mba bə njom bə ts'ə. Bin danyahmu bə ja ra häi bin yəui Ojə, gue'bə da zä hin da nu ran ubni a da nu. 36 Nε bi 'yɛna:

—Ma Ta i, hin te guí həmbi, gätho da zä gui 'yøt'e. Dami 'uegä a ran ubni. Pe hin dín nde gue gue'a ma pähä zəhə ga øt'ä pe gue'a go guí nde da t'øt'e, bi 'yɛna.

37 Nε bi mbeng bə xi go u hyu ne bi 'yɛmp' a ra Pedro:

—Hague grá Simón, ha guí qha. Ha hingui sä xquin äthä n'da ora. 38 Damin äthəhə ne gui 'yäfə Ojə ngue gui serbahə 'be'a di bən'nahə ra zithu. Nu rá mbái n'da ja ra pähä nangue ran ho, pe nu rá ngøc'yəi n'da xən güent'i a, bi 'yɛn a ra Jesúsi.

39 Nε bi mbeng mahøn'a ra Jesúsi bin yəui Ojə ne guexta'a bi xifi. 40 Nε nubuya bi mbeng bə bá co u hyu ne bi dím bə i qha nguetho ɛmmə mí ndet'qha u. Janangue nu'bə mi zo u hingui pədi 'be'a dí də u. 41 Ná hyqndi bán yəui Ojə, 'bə mam bá pengbə bá co u hyu, ne bi 'yɛmp' u:

—Ahmahə ya, damin säyahə ya, bi 'yɛn'a. Nuya bi zən ra ora ngue da mba ma dägä bə 'bəh yə ts'om'bäi, nugä ngue dán ja'igä ua ja ra ximhäi. 42 Dami ndanshə, ga mbähä dan c'athə a di dägä, ya häntua, bi 'yɛmp' u yá xädi a ra Jesúsi.

Ra Jesúsi bi bent' u yán səihə

43 Gätho ná yəhə yá xädi 'bex bi zəm bə ra Judas, gue'a n'da rá xädi. Nε xən ngu yə ja'i bi zix'a, mi hə yá juai ne yə ts'at'egui. Nε gue'u yám 'bəhni yə ngərpa mbäjə ne

yə xänbate niјə ne yə dac'yəi. 44 Nε nu'a ra Judas ya xí xi u: "Nu'a ga səspa rá 'yogu gue a ra Jesúsi a, 'bex guim benthə buya ne gui sixhə, ne hin gui thøhmbə," xi 'yɛmp' u min 'yohə. 45 Janangue a nu'bə mi zøpə mi 'bäh ra Jesúsi:

—Xänbate i, xänbate i, bi 'yɛmbi.

Nε bi zəspa rá 'yogu. 46 'Bex bi bent pəya.

47 Nε 'bex bi c'o't's' rá juai a n'da min 'yohə ra Jesúsi ne bi zəcpa rá zagu rá 'yɛhe ra dämbäjə. 48 Nε nu ra Jesúsi bi 'yɛmp' u bi bent'i:

—Ha guí ɛmhə drá bəgä ngue guá həhə ni juaihə ne ni zahə ngue gui bentcahə. 49 Gätho yə pa dám 'bəhmbə, dá xän'nahə bə ja ra dənija ne hin gá bentcahə bə. Pe ja xi jabə thoho, ngue din ja a nt'ot'i bə ja rám hman Ojə ngue mi hma din ja, bi t'ɛmp' u yám 'bəhni yə mbäjə.

50 Pe nu'u yá xädi buya gätho bi 'dagui, bi zopə a ra Jesúsi.

Ra ts'ant' u ngue bi 'dagui

51 Hønt'a n'da ra ts'ant' u bi dən'nə 'bə mi ts'ix a ra Jesúsi, dim pät'a ra the'bø't'e, ne mí ɛn u ne'a xtám bent'a. 52 Pe nu'a hønt'a ra the'bø't'e bi bentpa a, ne bi 'dah pəya ne bin 'yo mánxi bə ní mba.

Ra Jesúsi bi mba ma dä bə 'bəh yə mbäjə

53 Nu'bə mi mba ma dä bə 'bəh ra dämbäjə, bim peti u ma ngurbihə ngue yə ngərpambäjə ne yə dac'yəi ne yə xänbate niјə. 54 Nε nu ra Pedro bin tet'i, i 'bəjua thoho bə ni mba, gue'bə go mi zəm bə mbo rá mbä't'i rá ngu ra dämbäjə, ne bi hyuhmbə bə u yə asmayo niјə, bin təspihə u. 55 Nu yə ngərba mbäjə ne gätho u mi'da i øt' ran juənbate, mi honi to'o da ma xən ho 'bəpə dí yap'a ra Jesúsi ngue da hyo, ne madague'a xən ngu u bin yə pe xinga n'da u bi ma njuəntho. 56 Xən ngu bi man yə fəhni pe him bin tən yám hma. 57 Xəbi ndants'u 'da mahøn'a bi zənba man'da ra fəhni u, ne bi 'yɛn u:

58 —Nuna ran 'yohə bi ma ne bi 'yɛna, "Nugä ga yø't' ra niјə ua, nt'øt'e yá 'yɛ yə ja'i, ne nu'bə ná hyupa ga høcä n'da ngue hinga nt'øt'e yá 'yɛ yə ja'i," bi 'yɛnna ran 'yohə, ne nugähe dá Øhmbe 'bə mí 'yɛnna, bi 'yɛm buya.

⁵⁹ Pe xinga gue'✉ bin tịn ✉ yám hman ✉.
⁶⁰ Pe nu ra Jesús bin hetho. Njo'o to bi däti.
⁶¹ Nu'a ra ngurpa mbäjä bi 'yän mahön'a:
 —Ha gue'e grá Cristo. Ha gue'e rá Ts'ant'✉ i Oja nuixté rá ts'edi.

⁶² Nu ra Jesús bi däti:
 —Guecä, ne guin nuj✉, nugä ngue dán ja'igä ua ja ra ximhäi, ga com'be rá ts'edi Oja madä rá ts'edi. Ne guin nuj✉ 'b✉ bá pengä, ba ɛcä b✉ ja y✉ güi, bi 'yén'a ra Jesús.

⁶³ Pe nu'a ra dämbäjä bi dänsé rá pahni, ɛmbi hingui ɛspa Oja ra Jesús nangue a bi ma. Ne bi 'yém b✉ya:

—Ya hin ga homhb✉ mi'da y✉ testigo,
⁶⁴ ne dá øhmb✉ ya ngue hingui ɛspa Oja na ran 'yoh✉. 'Be'a guí mamhb✉ ga ørpah✉ ya, bi 'yén a ra dämbäjä.

Ne gätho 'da'angu bi man ✉ ngue di un ran ts'embı ngue da hyo. ⁶⁵ Nu'✉ 'da b✉ya bi zox'a ra Jesús, ne bi gorpa rá dä, ne bi mbe'mi ne bi 'yembı, "Grá pøngahya, man ya, to'o bi mbe'p'a'i," bi 'yén ✉. Ne nu y✉ asmayo b✉ nijä ɛmme bi mbe'p'a rá hmi.

Ra Pedro bi gøn a ra Jesús

⁶⁶ Nu'b✉ mim 'bäp✉ ra Pedro b✉ mbo ra mbä't'i, bi thop✉ n'da ra xisu ngue rá 'yehë ra dämbäjä. ⁶⁷ Ne bi nu'a ra Pedro din tøspi, bi hye't'i ne bi 'yembı:

—Ena ne'e gmín 'yoh✉ ra Jesús ra mengu b✉ Nazaret, bi 'yemp'a ra Pedro.

⁶⁸ Pe nu'a ra Pedro bin cøni.

—Hin dí padi 'be'a nam bøn'a guím ma, bi 'yén a ra Pedro.

Ne bi 'uegue bi mba b✉ hänt ra goxthi. Ne bi mbah ra tamfø b✉ya. ⁶⁹ Ná ya'a ts'✉ b✉ya xø bi thop✉ ra 'yehexisu b✉ 'bäh ra Pedro, ne bi 'yemp'✉ 'bap✉:

—Nuna ran 'yoh✉, min 'yoh✉ ✉ mi tøn'na ra Jesús.

⁷⁰ Pe nu'a ra Pedro bin cøni mahön'a. Ná ya'a ts'✉ b✉ya, gues✉ ✉ mí 'bap✉ mi 'bäh ra Pedro bi 'yén ✉:

—Majuani guín 'yoh✉ ✉ nguetho grá mengu Galilea ne 'da igu b✉ gná yah✉ ✉, bi t'çmp'a ra Pedro.

⁷¹ Nu'a ra Pedro b✉ya bi 'yemp'✉:

—Nu'b✉ him majuani dí xi ah✉, Oja da zegbä, janangue dí xi ah✉, hin dí pacyä a ran 'yoh✉ guí mamhb✉, bi 'yén a.

⁷² 'Bex bi mbah ná yondi ra tamfø b✉ya. 'Bex bi bøn a ra Pedro 'be'a xí xih ra Jesús ngue xí 'yembı: "Dí pacyä ngue ná hyundi xqui cøngä 'b✉ bi mbah ná yondi ra øni," xí 'yemp'a ra Jesús. Ne nu'b✉ mi bøn a xí 'yøt'e, bi du rá mbøi ra Pedro ne 'bex bin zoni.

15

Ra Jesús bi mba ma dä b✉ b✉h ra ts'✉t'abi ra Pilato

¹ Nu'b✉ t'uxudi tho, nu y✉ ngurba mbäjä ne y✉ däc'yei ne y✉ xänbate nijä ne gätho ✉ mi'da ma ngurbihe dyá judíohe, bin yøse ✉. Ne nub✉ya bi zix a ra Jesús ngue di däp'a ra Pilato. Bin thä't' 'b✉ mi zits'i. ² Ne nu ra Pilato bi 'yän'na ra Jesús:

—Ha gue e grá hmuts'✉t'abi y✉ judío, bi 'yemp'a.

Bi dä a ra Jesús:

—Gue'a guím ma, bi 'yén'a.

³ Ne nu y✉ ngurpa mbäjä ɛmmę bi yøpi.

⁴ Janangue a nu ra Pilato bi 'yän'na ra Jesús mahön'a, bi 'yembı:

—Hanja hin ni thatya i di yøpi'i. Ne xæn ngu 'be'a gätho i xi'i, bi 'yembı.

⁵ Pe nu ra Jesús guexta'a him bi däti a ra Pilato. Janangue'a nu ra Pilato bi hyonya thoho.

Ra Jesús bin t'un ran ts'embı ngue da du

⁶ Nu'a ra pa ram peti ra mbaxjua, zai di tho a n'da ra ofädi ra Pilato hønt'a go nda'a da man y✉ ja'i. ⁷ Ne min ofädi n'da ran 'yoh✉ i Barrabás, 'darpa mi ofädiha ✉ 'da'ingu bi 'yøth✉ ngue bin hote ✉, bi dum'ma n'da ra shi. ⁸ Nu'b✉ mi zøh y✉ ja'i xæn ngu b✉ mi 'bøh ra Pilato, nu'✉ bi xih ra Pilato di thøcpa n'da ra ofädi tengu nzai bi 'yøt' 'bøh ra pa ram peti. ⁹ Janangue a nu ra Pilato bi 'yemp'✉:

—Ha gue'a ni hmuts'✉t'abih✉ gyá israelh✉, gyá judíohe, ga thøc'ah✉, bi 'yemp'✉.

¹⁰ Nguetho mi pah ra Pilato di seya thohoba ra Jesús y✉ ngurpa mbäjä 'b✉ mi däp'a.

¹¹ Pe nu y✉ ngurpa mbäjä bi parpa y✉ ja'i gue'a ra Barrabás da 'yäh y✉ ja'i. ¹² Nu ra Pilato xø bi 'yemp'✉ mahön'a:

—Xina ni hmuts'✉t'abih✉, gyá israelh✉, gyá judíohe, 'be'a ga ørpä na b✉ya, bi 'yén'a.

¹³ Nu y✉ ja'i b✉ya nts'edi bi 'yén ✉:

—Go gui cuarp✉ ja ra pont'i na ra Jesús.

¹⁴ Pe nu ra Pilato bi 'yemp'✉:

—'Bε'a gue man ts'o xə 'yøt'na, bi 'yømp'u.
Nε nu'u yu ja'i man'da nts'edi bi 'yøn u:
—Go cuarpu ja ra pont'i na, bi 'yøn u.

¹⁵ Nu ra Pilato bi nde da 'yørpa rá pähä yu ja'i, janangue guehma go bi thøcpa a ra Barrabás. Nε bi manda da mba m'bei a ra Jesús ne da mba ma cuati bu ja ra pont'i.

¹⁶ Nu yu dofui buya, bi zixa ra Jesús bu mbo guepu ja yán säya yu dofui, ne bi zo u gätho yá mindofuihü 'bepu. ¹⁷ Nε bi mba ma hete n'da ra pahni xan jupoi a ra Jesús ngue tengu he yu ts'ut'abi, ne nts'edi bi mba ma huspi n'da ra corona á m'be yu 'yu'uñi nguetho bi den thoho. ¹⁸ Nε bi zengua u ne bi 'yenspa yá biba u: "Damim 'bumanho gra hmuts'ut'abi yu judío," bi 'yømp 'bu mi denthoho. ¹⁹ Nε bi despa rá yq yu za ne bi zots'i, ne bin dñyahmu, ñna i thände pegue bi denthoho. ²⁰ Nu'bu mi jua'a bi denni bi tonspa a ra pahni xan jupoi ne bi het'a rá pahni zehé. Bi gac puya ngue bi zits'i da 'døm'pu ja ra pont'i.

Ra Jesús bi mba ma cuati bu ja ra pont'i ne bi du

²¹ Nε nu'bu mi mba bu 'yu, bin c'athra Simón, ra mengu bu Cirene, rá ta ra Alejandro ne ra Rufo, bí 'yø a huahi a. Nε nu yu dofui buya bi 'yørpa ra ts'edi a ra Simón da duspa rá pont'i a ra Jesús. ²² Nε guepu ja ra nyuni Gólgota ní ts'ixa ra Jesús. Nu'a Gólgota in nde da ma "ra Nyuni Yaxmu." ²³ Nε nu'bu mi zom bu, bin t'un ra vino ngue ma uants'i n'da ra 'yøthi xan ju a ra Jesús. Pe nu'a him bi zi a. ²⁴ Nε nu'bu mi 'døm'pu ja ra pont'i bu, nu yu dofui bi 'yøt'a n'da ran tøha u nangue yá he ra Jesús ngue i nde da bødi nda'a ní 'bø't'e da qaxa n'da ngu n'da. ²⁵ Gato xudi 'bu mi mba n'dø'mi bu ja ra pont'i a ra Jesús. ²⁶ Nε mán t'o't'i bu ja ra pont'i a í yap'a bi 'yøna, "Rá hmuts'ut'abi yu judío na," ñm bu.

²⁷ Nε bi mba ma cuati bu ra Jesús yoho yu bø. 'Da a n'da yu pont'i. Nε bi 'bäm'pu ja rán 'yei a n'da ne bi 'bäm'pu ja rá qaha a man'da. ²⁸ Nε nuna bin ja, mi mam bu ja rá t'ohni Ojá maya'bu, bi 'yøna: "Da t'ëmbi ngue 'da'anguui u yu dñdits'equi a." ²⁹ Nε nu yu ja'i bi thopu, bi acpi ne bi denthoho, bi 'yømbi:

—Ha hinga gue e gá ma ngue gui xo't' ma nijahü ne hyupa tho gui hyøh mahøn'a. ³⁰ Sä gui capu ja ra pont'i ya 'bu, ne gan yanse, bi 'yømbi.

³¹ Nε ximangutho bi man u yu ngurba mbajäq bin 'yømp'u:

—Nuna, bi yanba yá te u 'da, pe hingui sä din yanse ya. ³² Gan nuhü ra Cristo, rá hmuts'ut'abi yu judío 'bu ba capu ja ra pont'i, gan nugähü, ne ga ec'yeihü buya, bi 'yømp 'bu mi denthoho. Nε u mi cuathü bu, bi acpa ra Jesús.

Bi du ra Jesús

³³ Nu'bu mi zon a huxhyadi buya bim 'bexui gätho ra häi, ja gue'bu mi zon a hyunde bin nequi mahøn'a. ³⁴ Nε nu'a ra ora a ε xø i huxhyadi, nts'edi bi mbah ra Jesús, bi 'yøna:

—Eloi, Eloi, lama sabactani, bi 'yøna. Nde da ma: "Ma Ojá i, ma Ojá i, hanja xcá hyega thoho."

³⁵ Nu'bu mi 'yø u 'da 'bepu, bin 'yømp'u:

—Nuna, nzo a ra Elías, bin 'yømp'u.

³⁶ Nε bán ti a n'da mí hø n'da tengu ra fñjø xí 'yøt'i, bi fospu ja ra vino xan ju, ne bi ndøct'a n'da ra xithi. Pi uaspø ra Jesús ñmbi da zi, ne bi 'yømp'u min 'yohü:

—Pe 'bø ga undä na, ga nuhü 'bu da zøh ra Elías di tongui, bi 'yømp'u.

³⁷ Pe nu'a ra Jesús nts'edi bi mbafi ne 'bex bi du. ³⁸ Nε nubu mbo ra dñnjäq 'bex gue bin xengui nde ra 'bø't'e mi ndam bu. Bá fuh magats'i ne bi zøtahäi a bin xeni. ³⁹ Nε nu'a rá hmu yu dofui, mi høt'a ra Jesús bi mba 'bu mi du, ne bi 'yøna:

—Majuani nuna ran 'yohü na, rá Ts'ant'ü Ojá na, bi 'yøna a ra hmudofui.

⁴⁰ Nε mi 'bepu 'da yu xisu bu ma'ueni ts'u, mi hant'a ra Jesús. Nu'a n'da ra Salomé a, ne nu'a man'da ra María, ra mengu Magdalena, ne nu'a man'da ra María, rá mbe ra Jacobo ne ra José. ⁴¹ Guehya yu xisu mi ten ra Jesús 'bu mi 'bepu Galilea ne mi fäts'i. Nε u mi'da yu xisu bi den 'bu mi mba bu Jerusalén, mi 'bäpa.

Jesús bi mba nt'ägui

⁴²⁻⁴³ Nε ya bin de, ne mim bøni da 'yäcpa n'dihi rá ngøc'yei ra Jesús nguetho mi ts'utho da døma ra pa ran ts'äya, ne

nu ra pa ran ts'äya njongui sä da t'ä a. Janangue a nu ra José ra mëngu Arimatea, bi hyut'anzambäi bi mba bän yäui ra Pilato, bi 'yäp a rá ngöc'yëi ra Jesús. Nu ra José n'da rá ngärbi yä ja'i israel, pe gue'a n'da majuäni mi ç'c'yëi Oja ne mi tøm'ma ra pa di manda ua rá ts'edi Oja. ⁴⁴ Nu ra Pilato bi hyonya thoho 'bä mi sifi bi du ra Jesús. Ne nubäya bi mbehna n'da ba si a rá hmu yä dofäi ngue da 'yän 'bä majuäni ya bi du. ⁴⁵ Ne nu'bä mi man a rá hmu yä dofäi gue bi du, nu ra Pilato bi 'yëmp'a ra José:

—Da zä gui tuxa rá ngöc'yëi ra Jesús 'bä.

⁴⁶ Nu a ra José bäya, bi dän a n'da ra 'bø't'e ne bi mba bi tongba rá ngöc'yëi ra Jesús, ne bi mbant'a ra 'bø't'e xi däi ne bi cä't' pü ja n'da ra hyädo gue ran 'yägui xí mba nthëqui bä ja n'da ra t'umba'ye. Ne bi juaspa n'da ra xïndo xän ndoho bä ja rá goxthi ran 'yägui. ⁴⁷ Ne nu'a ra María, ra mëngu bä Magdala, ne man'da ra María ngue rá mbe a man'da ra José, bi nu hapü bi jät'i.

16

Bi dämbëni ra Jesús

¹ Nu'bä mi thoh ra pa ran ts'äya, nu'a ra María ra mëngu bä Magdala, ne ra María rá mbe a man'da ra José, ne man'da ra xisu ngue ra Salomé, bi dän yä 'yëthi ngue yäman'u ngue da mba bä ja ran 'yägui da gospa rá ngöc'yëi ra Jesús, tengu man t'ot'ehe dyä judíohe. ² Ne nt'ëxudi dä ndomingo 'bä mi bøx ra hyadi bi mba bä ja ran 'yägui ü bäya. ³ Ne bin 'yëmzëhe ü:

—To'o da zä di 'uec'a ra do bí juaxpü ja ra hyädo, bi 'yën ü.

⁴ Ne nu'bä mi zøm bä bi nu bäya, ya ma 'ueque a ra do, ngue xän ndoho. ⁵ Ne nu'bä mi yärpü ja ra hyädo bäya, bi nu n'da ran 'yohü mi hupü rá hyo ngue rán 'yëi ra hyädo, mi he n'da ra pahni xän t'axi. Ne nu'ü yä xisu bin su 'bä mi nu. ⁶ Pe nu'a, bi 'yëmp'ü:

—O guín suhü. Dí pácä güí homhbä ra Jesús ra mëngu Nazaret, ngue bi 'døm'pu ja ra pont'i, pe bi dämbëni a, njo'o ua ya. Damí nuhü ua mí 'beni, bi t'ëmp'ü yä xisu.

⁷ Ne xø bi 'yëna:

—Pe nuya ni mbähä güí xihmbä ra Pedro ne'ü mi'da yä xädi ne güi 'yëmfü güi tñmhü

bä Galilea a ra Jesús tengu tho bi xi ahü," bi t'ëmp'ü yä xisu.

⁸ Ne nu'ü yä xisu bäya 'bex bi bøn'a n'dihi bä ja ran 'yägui ne bá ç ü, çmmë di fët'ü nguetho bin su, ne njo'o to min nde din yähu ngue bin su.

Ra Jesús bin tñmme ra María Magdalena

⁹ Nu'a ra Jesús bi dämbëni 'bä xudi thoho ndomingo. M'bët'o thoho bin tñmme ra María ra mëngu bä Magdala, ngue gue'a xí hyønba thi yoto yä zithu. ¹⁰ Ne nubäya bi mba a ra María, bá xip'ü yä xädi ngue bi dämbëni a ra Jesús, ne mí zon'ü ngue tu yä mbäi, ngue bi du ra Jesús. ¹¹ Ne nu'bä mi 'yöde ngue bi dämbëni ne bi man a ra María ngue bi nuse, pe him bi 'yëc'yëi ü.

Ra Jesús bin tñmhü yoho yä xädi

¹² Nubäya bin tñmhü mi yoho yä xädi a ra Jesús bä 'yu, 'dan'yo ts'ü bä án nu ü. ¹³ Ne nu'ü, bi mba ü bäya, bá xi ü mi'da ngue xø bi nu mahøn'a, pe ngutho him bi 'yëc'yëi a bi man ü.

Ra Jesús bi xi ü yä xädi da mamp'a rám hma 'bä mí index mahëts'i

¹⁴ Rán zegui thoho bin tñmhü gätho 'dë'ma'da yä xädi ra Jesús. Mi hupü ja ra mexa ü. Ne bi zu ü nguetho him bi 'yëc'yëi a xi sifi ngue bi dämbëni a. ¹⁵ Ne nubäya bi 'yëmp'ü:

—Ni mbähä gätho na ngäni ra ximhäi, güi mamhbä ran ho ma'da'yo. Hønbä go hapü i 'bäh yä ja'i güi xihmbä. ¹⁶ Nu'a to'o da 'yëc'yëi ne din xixyä, gan yanba rá te a. Pe nu'a hin da 'yëc'yëi, da nu ran ünbi gätho yä pa mazai a. ¹⁷ Ne nu'ü to'o da 'yëc'yëigüi xän ngü yä hmëpya ga japi da 'yot'ü. Nangue ma ts'ëdigä da hyøn a thi yä zithu in 'yohü 'da yä ja'i, ne din yä 'dahma 'dan'yo yä nde, ¹⁸ ne nu'bä da bent'ü yä pozü nte da ja ü, ngutho 'bä da zi ra 'yëthi ngue ran däte, nte da ja ü. Ne di japi da yan ü yan zäman'ü 'bä da gäspa yä 'yë, bi 'yëmp'ü yä xädi a ra Jesús.

Bi index mahëts'i a ra Jesús

¹⁹ Ne nu'bä mi gua a bi xih yä xädi, bi ts'ix bä mahëts'i a ra Hmu, ne 'darpu ní conhui rá ts'ëdi Oja. ²⁰ Nu'ü yä xädi bi mba bäya bi man rám hman Oja hønbä go hapü bi mba. Ne nu ra Hmu bi japi da zä da ma xän ho ne

bi japi da 'yøt' yø hmøpya 'dahma da 'yøc'yøi
yø ja'i yøm hman ø. Ne hønt'a dí xi ahø ya.

LUCAS Ran ho Ma'da'yo bi 'Yo't'a ra Lucas

'Bε'a í 'yo't' rá sōcuq ra Lucas

¹ Dí pācā xān ngu yu ja'i bi 'yo't' yu sōcuq ngue i man'a bin ja 'bū mím 'būcua ja ra ximħāi ra Cristo. ² Nu'u bi 'yo't', tengu thoho bi xāngahu u bi nuse 'bū mi 'yøt' rá 'bēfi ra Cristo, ne tengu thoho bi man'u hōnbū go hapu. ³ Nēcā dra Lucasgä dí o't'na ra sōcuq ngue im man'a bin ja, ne dí pen'na i, hague Teófilo, ma amigo i xān ho. Ne dá änzehé yu ja'i to'o bi nu 'bē'a gā bin ja. Ne emmē dá hongä 'bē'a nt'o't'i gā mi'da yu sōcuq, janangue'a da bōmanho 'bē'a dí o't'. ⁴ Nguetho dín nde gui pādi xān ho ngue majuani a bi sān'na i.

Rám 'bēhni Ojä bi ma dim 'būh ra Xuua

⁵ Nu'u yu pa min ts'ut'abi ra Herodes bū ja ra xequi Judea, mi 'būpū n'da rá mbäjä yu judío, ra Zacarías a. Madim pēhmbū n'dan nēts'i yu mbäjä bi dūm'ma ra mbäjä Abías. Nu'a ra Elisabet, rá xisu ra Zacarías, gue'a n'da rám bom'bēto ra Aarón a, ngue ra hmumbäjä maya'bū. ⁶ Nu'a ra Zacarías ne ra Elisabet, gätho yonja'i, Ojä bi numanho u, nguetho xān ho yu mbūi, ne mi øt'e gätho yán t'edi Ojä. ⁷ Nu ra Elisabet ne ra Zacarías, xān dāc'yēi u ne xínga n'dandī mi 'būh rá t'uhni a ra Elisabet.

⁸⁻⁹ Ne nu'bū xōn zōn ra pa dim pēpū ja ra dānijä u n'dan nēts'i yu mbäjä bi dū'ma ra Abías, janangue'a madim pēpū ra Zacarías. Ne zāi mi thahna n'da ra mbäjä, ngue da yārpū man'da mbo ra dānijä da 'yuh yu xiza yūmanho. Ne gue'a ra Zacarías bi mba nthahni ngue da yārpū mbo. ¹⁰ Ne xān ngu yu ja'i mi 'bāpū thi mi yāhū Ojä 'bū ra ora bi 'yuh ra xiza ra Zacarías. ¹¹ Ne 'bex bi zō a n'da rám 'bēhni Ojä bū mi 'bāh ra Zacarías. Ne mi 'bāpū rá hyo rán 'yēi ra mēxa guepū mí uh yu xiza. ¹² Nu'bū mi nu a būya, emmē bin su ne hingui pādi 'bē'a da bēni. ¹³ Ne nu'a rám 'bēhni Ojä bi 'yēmbi:

—O guín su Zacarías, nguetho bi 'yø Ojä 'bē'a guí äpi, nangue ni xisu ra Elisabet din hat'uhni ne dim 'bū a n'da rá ts'unt', ne gui

xip rá thuhu dí Xuua. ¹⁴ Ne gan johya ne emmē da hyu ni mbūi, ne xān ngu yu ja'i din johya 'bū bim 'būi. ¹⁵ Nguetho Ojä di un ra 'bēfi nujte a. Ne nu'a, hin da zi ra vino xínga gue'a ra sēi, ne din 'youi rá Hogandāhi Ojä gue'bū go bim 'būi. ¹⁶ Ne nu'a rá 'bēfi da 'yøt'e, gue'a dí japi xān ngu yu ja'i israel di pāh yán 'yomfēni ne da 'yēc'yēi Ojä ra Hmu. ¹⁷ Ne nu'a ni t'uhni bam 'bēt'o a 'bū bá ȑh ra Hmu mahēts'i, ne din ja rá ts'edi tenguthoho ra pōngahyä Elías, ne di japi din hocpahu yá t'uhni u yu ja'i. Ne nu'u nzai hingui øde 'bē'a pa nsifi, di japi da 'yøde. Ne nangue rám hman ra Xuua di pāh yán 'yomfēni yu ja'i n'dahma da zä da zimanho ra Hmu 'bū bá ȑh, bi t'ēmp'a ra Zacarías 'bū min yāqui rám 'bēhni Ojä.

¹⁸ Nu ra Zacarías būya:

—Hague dán zä ga pācā a guí xiqui nguetho xtán dāc'yēigä ne'a ma xisu, bi 'yēna.

¹⁹ Nu rám 'bēhni Ojä bi 'yēmp'a būya:

—Nugä dí Gabriel ne dí 'bācā bū ja rá hmi Ojä, ne Ojä bá pēngä gue ga xi a ran ho din ja ahu. ²⁰ Pe nuya, gan gore ya, nguetho hin guí ȑc'yēi a dí xi i. Nuya hin da zä gan yā astague'bū go bin ja a dā xi a i, nguetho gätho din ja a dā xi a i, bi 'yēn'a rám 'bēhni Ojä.

²¹ Nu yu ja'i mi 'bāpū thi, mi tō'ma ra Zacarías, ne him mi pā'u hanja him 'bexque pōni. ²² Ne nu'bū mi bōm bū ra Zacarías hingui sā din yā, hōnt'a bi uānda rá 'yē. Nu yu ja'i bi bāh pāya ngue bi nu n'da ran t'uti bū mbo.

²³ Ne nu'bū mi guah yu pa dim pēpū ra Zacarías bi mba rá ngu būya. ²⁴ Ne bin hat'uhni ra Elisabet, ne nubuya hin hapū í mba an cāt'a zāna, bim 'bētho bū rá ngu. Ne bi 'yēna: ²⁵ "Xān ngu rá mate bi 'yōrcā Ojä, nuya him man da zangä yu ja'i nguetho dim 'bū'a n'da ma t'uhni ya," bi 'yēnse.

Rám 'bēhni Ojä mahēts'i bi ma dim 'būh ra Jesús

²⁶ Nu'bū mi tho i cāt'a zāna, nu'a Ojä bi mbēhn mahōn'a a rám 'bēhni ngue í Gabriel. Bi mbēhn pū ra hnini Nazaret bū ra xequi Galilea. ²⁷ Nu'a, bi zōm bū mi 'bū a ra María. Nu ra María xínga n'dandī bin yāqui n'da ran 'yohu, pe ya mi än'na ra

José, n'da rám bom 'beto ra ts'at'abi David a. ²⁸ Nu rám 'behni Oja bi zengua, bi 'yembi:

—Nu'i María ya bi 'yot'a n'da rá mate Oja ne guín 'youi a. Pe man'da bi jąp'a Oja xinda gue'ü gätho mi'da yu xisu, bi 'yembi.

²⁹ Nu'a ra María 'bu mi nu rám 'behni Oja, bin su ne bin 'yomfəni 'be'a ním bón'a bi sifi.

³⁰ Nu rám 'behni Oja bi 'yemp'a buya:

—O guín su María nguetho guín 'youi rá mate Oja, ³¹ ne dim 'bu'a n'da ni Ts'ant'ü ne gui xip rá thuhu ra Jesús. ³² Ne nu'a, din ja rá ts'edi ne da fadi ngue rá Ts'ant'ü Oja tate thohu rá ts'edi. Ne nu'a Oja di japi din ts'at'abi tengu rám bombota ngue ra David. ³³ Ne di manda yu ja'i israel gätho yu pa ne hin jäm'bu da guah rá ts'edi a, bi 'yen'a rám 'behni Oja.

³⁴ Nu ra María bi 'yen'a:

—Hague dán zä din jabu ne hin jäm'bu dán yä'be n'da ran 'yohu, bi 'yena.

³⁵ Pe nu rám 'behni Oja bi 'yemp'a:

—Nu rá ts'edi rá Hogandahi Oja di ja i guitni ni t'uhni, ne nu'a dim 'bu, rá Ts'ant'ü Oja a. ³⁶ Ne'a ni meni ra Elisabet xun dac'yeyi a, pe dim 'bu a n'da rá ts'ant'ü. N'dato zana ya i hä'a rá t'uhni ne mi en yu ja'i ngue hin jäm'bu da dün rá t'uhni. ³⁷ Nu Oja gätho sä da 'yot'a, hin'yu 'be'a gue hingui sä da 'yot'e, bi 'yen'a rám 'behni Oja.

³⁸ Nu'a ra María bi 'yen'a:

—Nugä rá 'yehgä Oja, nu'bu gue'a in nde Oja, da 'yörque gätho guim ma, bi 'yena.

'Bex bi mbeng mahets'i rám 'behni Oja buya.

Ra María bi mba bí zengua ra Elisabet

³⁹⁻⁴⁰ Nu'a ra María buya, 'bex bi mba bí zengua yu meni mí 'bepu ja yu nyuni bu ra xequi Judea, gue'a ra Zacarías ne rá xisu ra Elisabet. ⁴¹ Ne nu'bu mi mba ma zengua ra Elisabet, 'bexque bi 'yan'a rá t'uhni mí o rá mbui. 'Bex bin 'youi rá Hogandahi Oja ra Elisabet buya, ⁴² ne bi 'yena:

—Oja man'da bi jąp'i i María, xinda gue'ü mi'da yu xisu. Ne nu'a ni ts'ant'ü dim 'bu, majapi a. ⁴³ Pe xun ngu ra mate gá 'yörque ngue gá zenguagui, nguetho gue'e rá mbe a ma Hmu. ⁴⁴ Ne dí padi gue'e rá mbe a ma Hmu nguetho nu'bu má ñocä nin zengua, 'bex bin johya a ra t'uhni o ma mbui ne bi

'yani. ⁴⁵ Bi jąp'a Oja nguetho gá 'yec'yeyi a bi xi i, ne majuqani da 'yot' Oja a bi xi i, bi 'yen'a ra Elisabet, bi 'yemp'a ra María.

⁴⁶ Nu ra María buya bi 'ySPA Oja ne bi 'yena:

Emme dí espaa Oja ma Hmu,

⁴⁷ ne din johya ma mbui nangue Oja mam pörpate.

⁴⁸ Nguetho Oja bi bengä ngue dra hyoya 'yehgä, ne gätho yu ja'i da 'yengui dá tingä rá mate Oja.

⁴⁹ Xun ngu ran ho bi 'yörca Oja madä rá ts'edi, ne xun hotho a. ⁵⁰ Ne da nu rá yembai to'o gätho da numansu a.

⁵¹ Nu Oja nuixte tho yán t'ot'e, bi 'berpa yu ts'edi ü din yezehé ngue im benni jasé yu ts'edi.

⁵² Ne bi 'berba yu ts'edi yu ts'at'abi, ne go bi un yu ts'edi yu ja'i thohu.

⁵³ Ne bi japi da ba ü to'o i honi da badi, pe nu'ü to'o him bi hyoni da badi bi japi di 'be'ü.

⁵⁴ Ne nu Oja bi mbäxcahu ya ngue dyu ja'i israelgähu, ngue bi 'yenju yu t'uhnidahu a, ne him bi pumbeni a ran ho bi ma da 'yörcahu.

⁵⁵ Pe bi 'yot'e tenguthoho bi si a ra Abraham ta t'ørcahu, yám bom'betoju, gätho yu pa mazai, bi 'yen'a ra María 'bu mi 'ySPA Oja.

⁵⁶ Ne nu'a ra María hyuzna bi gopu rá ngu ra Elisabet, m'bejua bi mbeng bu rá nguse.

Bim 'buh ra Xuua Nxixyq

⁵⁷ Ne bi zon ra pa dim 'bu a rá ts'ant'ü ra Elisabet. ⁵⁸ Ne gätho yu meni ne yu menguhu bin johya 'be'a bi 'yörpa Oja a ra Elisabet, ne bi zom bu rá ngu bi zengua a. ⁵⁹ Nu'bu mi gua'an hyato pa xim 'bu a ra t'uhni, bi mba nts'its'i da thecua rá xifani. Ne gätho ü mi 'bepu, bi ma da hyanba rá thuhu rá ta ngue dí Zacarías. ⁶⁰ Pe nu rá mbe bi ma ngue hin da zä, pegue jatho da hyux rá thuhu ngue dí Xuua. ⁶¹ Ne gätho mi 'bepu bi 'yena:

—Pe njo'o n'da ni menihu í Xuua, bi 'yembi.

⁶² Ne nu'ü, bi uaq yu 'ye, bi 'yän'na rá ta: "Be'a rá thuhu a ni t'uhni," bi 'yembi. ⁶³ Nu rá ta buya bi 'yäh ra sòcuq ne bi 'yo't'a n'da ram hma ngue bi 'yena: "Dí Xuua a ma

t'uhni." ⁶⁴ 'Bex bi zä bin ya mahon'a ra Zacarías buya, ne bi 'yëspa Ojä a. ⁶⁵ Ne bi hyonya thoho gätho mi 'bëpü. Ne gätho ya ja'i mi 'bëpü ja yë nyuni a ra xequi Judea bi 'yø a bin ja. ⁶⁶ Ne gätho bin 'yomfënisë 'be'a da 'yøt'a ra t'uhni, nguetho Ojä bi jäpi.

Bi 'yëspa Ojä ra Zacarías 'bë mim 'bëh rá t'uhni

⁶⁷ Ne bin 'youi rá Hogandähi Ojä ra Zacarias, ne bim pøngahyä a, bi 'yëna:

⁶⁸ Emme dí çspa Ojä ra Hmu nguetho bi bënjä dyä ja'i israelgähä, dyä judíoħä, ngue da yänjä.

⁶⁹ Ne nanguehna ma t'uhni bim 'bëi, janangue'a dí padi him ma ya'a ba pënga mam pörpatehü i ja rá ts'edi, rám bom'bëto ra ts'ut'abi David a.

⁷⁰ Gue'a bi bënba Ojä u yë pøngahyä maya'bë thoho,

⁷¹ ngue bi ma da yänjä nangue man sëihä, ne nangue gätho u i numan'ujä.

⁷² Pe nu Ojä bi huç'ü mam bombötahä, ne him bi pumbëni ran ho mi çna da 'yørcähä.

⁷³ Ne majuqni da 'yøt' Ojä a bi xih mam bombötahä ra Abraham,

⁷⁴ ngue bi xifi da yänjä nangue u man sëihä, ne hin ga su ga thändehä a Ojä buya.

⁷⁵ Janangue da gohi xën ho ma mbëihä bë dá nu a Ojä, ne ga øthü ra hogam'bëi bë ja rá hmi.

⁷⁶ Ne nuna ma t'uhni, da 'yëmb yë ja'i rá pøngahyä Ojä mahëts'i, ne da xih yë ja'i di päh yén 'yomfëni, da dø'ma ra Hmu.

⁷⁷ Ne da xi u da mba ma punbi yë ts'oqui, ne da mba nhyaní.

⁷⁸ Gätho da 'yøt' Ojä nguetho di huëgahä ne ba pëngahä ra Hmu ngue guesë rán nequi ma mbëihä.

⁷⁹ Ne gue'a di yorpa yë mbëi u i 'bëpü ja ra 'bëxui

ne i 'yo bë ja rá 'yu ran däte, ne da zixpü ja ran nequi, bi 'yën'a ra Zacarías 'bë mim pøngahyä.

⁸⁰ Ne nu rá t'uhni, ngue ra Xuua, bin te mán zaqui ne bin te rá mbëi nangue Ojä. Ne nu'bë min te, bim 'bëpü ja ra däpo asta

gue'bë go bi zën ra pa bi dämp' rá 'bëfi bi xi Ojä, guepü 'bëh yë mi'israelhä.

2

Bim 'bë'a ra Jesús

¹ Nu'bë mím 'bëh ra Jesús, gue'u yë pa bin ja ra däpede bi 'yøt'a ra hmuts'ut'abi ngue ra Augusto César. ² Ne gue'u yë pa bin ts'ut'abi ra Cirenio bë ja ra xequi Siria, ne gue'u yë pa ja bi dë'mi bi 'yøt' ra pede u. ³ Gätho ya ja'i bi mba bë ja rá hnini zëhe yám bomböta ngue da thuspa bë yë thuhu. ⁴ Janangue nu ra José bi nexpü ja ra hnini Nazaret ngue ra xequi Galilea, ne bi mba bë ja ra hnini Belén ngue ra xequi Judea, nguetho guepü rá hnini a rám bomböta a ra José, ngue ra David. ⁵ Ne bi mba da thuspa bë rá thuhu. Bi mbë a ra María rá xisu. Pe nu'a ra María ya min hat'uhni a. ⁶ Ne nu'bë mi zöm bë ja ra hnini Belén, bi zën ra pa dim 'bëh rá t'uhni buya. ⁷ Ne bim 'bë a rá mbëdi ts'ut'ü a ra María ngue ra Jesús. Ne bi mbant yë bazu, ne bi cärpü ja rán ts'adethä yë fani bë ja ra ngumfani, nguetho hin'yë bë din säya bë ja n'da ra ngu.

Yám 'bëhni Ojä bi xih yë mbändë'yo ngue bim 'bëh ra Jesús

⁸ Nu'a ra xui a buya, mi 'bëpü häntho ra hnini Belén 'da yë mbändë'yo, madí jامانسی yë dë'yo u. ⁹ 'Bex bi nu n'da rám 'bëhni Ojä u, ne bi yorpü rán nequi Ojä bë 'bëi, ne emme bin su'u. ¹⁰ Pe nu'a rám 'bëhni Ojä bi 'yëmp'ü:

—O guín suhä, nguetho bá չä ga xi ahä n'da ram hma gue di ja ahä gan johyahä gyü ja'iħä ua ja ra ximħäi. ¹¹ Nu bë ra hnini Belén, ngue rá hnini ra David, ja bim 'bë'a nim pörpatehü, gue'a ra Cristo ra Hmu bi ma ba pen'nahä Ojä. ¹² Ne nu'bë gá tħimbħä n'da ra 'uere xí järpü ja rá yänza yë fani m'bant'i yám 'bahni, gue'a gdí pāħmbü a buya, bi 'yën'a rám 'bëhni Ojä 'bë mi 'yëmp'ü yë mbändë'yo.

¹³ 'Bex bi nequi n'dan nets'i yám 'bëhni Ojä, bi 'yëspa Ojä ngue bin tuhu, ne bi 'yën': ¹⁴ Nuixte rá ts'edi Ojä mahëts'i.

Ojä da hyurpa yë mbëi gätho u i 'bëcua ja ra häi, hønt'a go to'o da hyän'a rá mate, bi 'yëm 'bë min tuhu.

15 Nε bi mbeng mahęts'i yám 'behni Ojä buya. Nε nu'✉ y✉ mbändę'yo bin 'yęmp'✉ buya:

—Ga mbähä bu ja ra hnini Belén, ga nuhu a bin ja ngue bi jaj✉ ra Hmu ga pähmb✉.

16 Bi mba n'dihı ✉ buya, ne bi dım b✉ a ra María ne ra José ne ra 'uere. Nε nu'a ra uere mi o b✉ ja rá yänza ra fani. **17** Nε nu'b✉ mi nu'✉ y✉ mbändę'yo b✉ya, bi mam bu a xí xih rám 'behni Ojä nangue ra t'uhni bim 'b✉i. **18** Nε gätho ✉ bi 'yø'a bi man'✉ y✉ mbändę'yo, bi hyonya thoho ✉. **19** Pε nu'a ra María, bi bęm b✉ mbo rá mb✉i 'be'a gätho bin ja. **20** Nε nu y✉ mbändę'yo bi mbeng buya, ne bi 'yęspa Ojä, ngue gätho bin ja'✉ 'be'a gätho bi sifi, ne xí nu.

Bi mba ma däpi Ojä a ra 'uere Jesús bu ja ra dąnijq

21 Nu'b✉ mi gua'an hyaто pa xím 'b✉i, bi thecua rá xifani ra 'uere, ne bi thuspa rá thuhu dí Jesús, ne ngue'a xí xih rám 'behni Ojä a ra María 'b✉ hin ní hya rá t'uhni.

22 Nε nu'b✉ mí gua'a ra pa nts'änni da dø'ma ra María, tengu bi man yán t'ędi ra Moisés, ya i sä da mba bu ja ra dąnijq bu Jerusalén. Nε bi zixa rá t'uhni ✉ ngue di däp Ojä. **23** In ja bu bi 'yø't'e nguetho ne'a i mam bu ja rán t'ędi ra Moisés, ngue: "Gätho y✉ mbədi ts'unt'✉ da mba ma däpi Ojä," i ęm bu ja yán t'ędi. **24** Nε bi hyaто n'da ra 'bøts'e bu ja ra dąnijq tengu bi mam bu ja rán t'ędi ra Moisés ngue i ęna: "Yoho y✉ t'az✉ uague yoho y✉ ts'ąha ngue da hyo bu ja nijq to'o im 'b✉h y✉ t'uhni."

Nur a Simeón i thex ra 'uere Jesús

25 Nε mi 'b✉p✉ Jerusalén n'da ran 'yoh✉ i Simeón, ra hocjä'i a, mi numansu Ojä ne mi tø'ma ra pa ngue da mba nhyanı ✉ y✉ ja'i israel, ne min 'youi rá Hogandähi Ojä a.

26 Nu rá Hogandähi Ojä bi bęnba ra Simeón gue hin da du asta gue'b✉ go da nu'a rá Thahni Ojä ba pehni ngue ra Cristo a. **27** Nε nu'a rá Hogandähi Ojä bi bęnbi da zøm bu a ra Simeón bu ja ra dąnijq 'b✉ mi zøm bu rá ta ne rá mbe di dä'a ra Jesús. **28** Nu ra Simeón bi dëxa ra 'uere ne bi 'yęspa Ojä buya, bi 'yęna:

29 Ma Hmu i, pε hin te dím bęngä 'b✉ ga tugä ya,

nguetho dá nugä na gá xiqui ngue ga nugä, ni 'yęhegä.

30 Nuya dá nusegä mam pörpatehe,

31 ngue gá sänni ngue da yanba yá te ✉ to'o da bąh na.

32 Nuna di japi da nu ran nεqui ✉ hing y✉ judío,

ne gue'a dí t'ęscahe dy✉ ja'i israelgähe, dy✉ judíohe, bi 'yęn'a ra Simeón 'b✉ mi dëxa ra 'uere Jesús.

Bim pøngahyq ra Simeón 'b✉ mi nu ra Jesús

33 Nu ra José ne rá mbe ra Jesús bi hyonya thoho 'be'a bi man ra Simeón nangue'a ra 'uere. **34-35** Nu ra Simeón buya, bi 'yäp Ojä da 'yęnspa rán japi ra José ne ra María, ne bi 'yęna:

—Nuna ra t'uhni 'b✉ din dąn'yoh✉ nts'änni xan ngu ✉ yá mi'israelh✉ dim 'bədi 'b✉ hin da numanho. Pε nu'✉ to'o da numanho da yan'a. Guehna dí fądi 'be'a im bęm b✉ mbo yá mb✉i n'da ngu n'da y✉ ja'i. Nε nu'i María, gui nu ra dumb✉i xan ✉ tho ngue 'be'a da t'ørpa na ni ts'unt'✉, bi 'yęn'a ra Simeón.

Nε'a ra Ana bim pøngahyq 'b✉ mi nu ra Jesús

36 Nε'a n'da ra dac'yεi xisu ngue í Ana mi 'b✉p✉ ja ra dąnijq, ne'a xin rá pøngahyq Ojä a. Nu'a, rá t'ixu ra Fanuel a, rám bom'beto ra Aser ngue n'da rá ts'unt'✉ ra Israel. Nu ra Ana, nu'a nyoto jeya bim 'buhmi rá ndø ne 'bex bi du. **37** Nε bim 'b✉se goho 'däte ma goho njεya, ya xan dac'yεi a. Nε nu ra Ana, mi zäm bu ja ra dąnijq a. Min yąui Ojä ra pa ne ra xui, ne ja y✉ pa him mi sihme 'b✉ i thąnde Ojä. **38** Nu'b✉ min yąh✉ ra Simeón ra María ne ra José, bi zøm bu ra Ana, ne 'bex bi xi Ojä jamadi 'b✉ mi nu'a ra 'uere, nguetho bi bądi gue yá yąnte ✉. Janangue'a bi 'yęmp'✉ to'o mi tømp' yá yąnte ngue ya bi zøh ya.

Bi mbenc'a ra José b✉ ra hnini Nazaret ne rá xisu

39 Nu'b✉ mi 'yøt'✉ gätho mi man rán t'ędi Ojä ngue da 'yøt'e, nu ra José ne ra María bi mbeng bu ja ra hnini Nazaret bu ja ra xęqui Galilea. **40** Nε nu'a ra t'uhni bin te mán zaqui a, ne mi ja rán 'yomfęni xan ho. Nε ęmme bi jąp Ojä a.

*Dε'mayon jeya pε'ts'a ra Jesús 'b✉ mi mba
b✉ ja ra dənijq*

⁴¹ Nu ra José nε ra María zai n'dandj n'da jeya i pa b✉ ja ra hnini Jerusalén da nu ra dəmpeti ngue ran dəbaxjua. ⁴² Ne nu'b✉ mi mbε'ts'a 'dε'mayon jeya ra Jesús, bi mbähä b✉ ja ra hnini Jerusalén ngue da nu ra dəmpeti b✉. ⁴³ Nu'b✉ mi gua'a ram pεti, bi mbeng b✉ yá ngue y✉ ja'i. Ne nu'b✉ mi mba b✉ 'yu ra José nε ra María, him mi p✉'ngue bá cop✉ a ra Jesús. ⁴⁴ Pε mim bεni min 'yoh✉ yá amigo. Ne n'dapa bin 'yo b✉ ja ra 'yu. Ne nu'b✉ mín de bin säya b✉ya, ne njo'o b✉ ra Jesús. Ne nu rá mbe nε rá ta bi 'yän'd✉ yá amigo: "Ha gbán 'yoh✉ a ra Jesús," ne' yá meni bi 'yänni. ⁴⁵ Pε him bi dñi, janangue'a bi mbeng b✉ Jerusalén, bi hyom b✉.

⁴⁶ Ne ná hyupa b✉ya ja bi dñi b✉ ja ra dənijq. Mi 'bahmb✉ b✉ y✉ xänbate nijq. Ne nu'a ra Jesús mi øde 'bε'a mi man'✉ nε bi 'yän y✉nt'änni 'bε'a bi 'yøde. ⁴⁷ Nu y✉ xänbate nijq b✉ya bi hyonya thoho nangue gätho 'bε'a mi p✉'ra ra Jesús. ⁴⁸ Ne nu'a rá mbe nε ra José, bi hyonya thoho 'b✉ mi nu i yähu y✉ xänbate. Nu'a rá mbe bi 'yεmbi:

—Ts'ant '✉, hanja in jab✉ gá 'yørca'be, nguetho nu'a ni ta necä emme dá hon'a'be nε mi tu ma mbai'be.

⁴⁹ Nu ra Jesús bi dädi:

—Pε nde'b✉ hin xquí hyongüi, nguetho guí pahmi ngue jatho ga øt'ä rá 'bεfi ma Ta.

⁵⁰ Pε nu'✉, him bi bədi 'bε'a nam bøn'a bi man'a.

⁵¹ Pε nu'a ra Jesús 'bex bi mbähä b✉ ja rá ngue b✉ ra hnini Nazaret, nε nzai mi øt'a i pa nsifi. Pε nu'a rá mbe mim bεntho b✉ ja rá mbai 'bε'a gätho bin ja. ⁵² Nu ra Jesús, in te rá ja'i nε in te rán 'yomfεni. Ne gätho y✉ ja'i mi numanho a nε'a Ojä mi numanho a.

3

*Xuua Nxixyq bi d✉'mi bi man rám hma
Ojä b✉ ma'ueni*

¹⁻² Nu'b✉ ná 'dε'ma cət'a njeya in ts'at'abi ra hmuts'at'abi Tiberio, nε bin yäui Ojä ra Xuua b✉ ja ra dəpo mi 'bəi, bi xifi di dəmp'a rá 'bεfi. Ne gue'a ra Xuua rá ts'ant'✉ ra Zacarías a. Ne guet'a ra jeya bin ts'at'abi ra Poncio Pilato b✉ ja ra xequi Galilea, nε n'dat'a ra jeya bin ts'at'abi a ra Felipe b✉ ja

ra xequi Iturea nε ra xequi Traconite. Nu'a ra Felipe ngue rán 'yoh✉ ra Poncio Pilato. Ne guet'a ra jeya a bin ts'at'abi ra Lisaniás b✉ ja ra xequi Abilinia. Ne 'dat'a ra jeya mi ngärpa mbäjä ra Anás nε ra Caifás b✉ Jerusalén. ³ Ne nub✉ya, bi dəmp' rá 'bεfi ra Xuua Nxixyq, bin 'yo b✉ n'danguadi ra dəthe Jordán nε bi xih y✉ ja'i di päh yán 'yomfεni nangue yá ts'oqui, n'dahma da mba ma punbi. Ne bi xifi din xixyq b✉ya. ⁴ Ne guehna ra Xuua bi man'a ra Isaías 'b✉ mi 'yεna:

N'da ra ja'i din yä b✉ ja ra dəpo nε da 'yεna: "Dami päh nin 'yomfεnih✉, ga simhb✉ ra Hmu mi ts'at'ho da zəcua.

Dami hoc ni mbaih✉, ga təmhbh✉ xən ho.

⁵ Tengu y✉ mbothäi nε y✉ t'øhø din juani tengu n'da ra 'yu i pa ma hoqui, hindui ndaxni, i uεntho, din ja b✉ ni mbaih✉.

⁶ Ne gätho y✉ ja'i da nu'a ram pørpate ba pənd Ojä," da 'yεna, bi 'yεn'a ra Isaías.

⁷ Ne bi zəm b✉ y✉ ja'i b✉ 'bəh ra Xuua ngue in nde din xixyq a. Ne nu ra Xuua bi 'yεmp'✉:

—Nu'ah✉ tengu thoho 'b✉ gyá pozuh✉, nε guí εnseh✉ hin guin nuh✉ rá muui ni ts'oquih✉ 'b✉ gan xixyqh✉, ne hin gui hoc ni mbaih✉. ⁸ Pε nte di muui 'b✉ guí εmhbh✉ gán yämhb✉ ngue ya nim bombøtah✉ ra Abraham. Pε nəhya y✉ do i 'bongua mi sä xtá 'yεna y✉ t'əhni ra Abraham gue'b✉ gue'a xtán nde Ojä a. ⁹ Ne nu'a to'o gätho him bi päh yán 'yomfεni nangue yá ts'oqui, tengu'b✉ y✉ za ngue hingui ho yán dät'o. Ne nu rán ts'onza Ojä ya mahoqui xən ho ngue da 'yεx'✉ y✉ za hingui ho yán dät'o, nε da thøsp✉ ja ra sibi din zø, bi 'yεn a ra Xuua.

¹⁰ Nu y✉ ja'i b✉ya, bi 'yεn'✉:

—'Bε'a sä ga øt'ähe 'b✉, bi 'yεmp'a ra Xuua.

¹¹ Nu ra Xuua bi däti:

—Nu'a to'o i ja yoho yá pahni, di un'na n'da to'o hin'y✉ rá pahni. Ne nu'a to'o i ja 'bε'a da zi, di unni ts'✉ a to'o hin'y✉ da zi, bi 'yεna.

¹² Ne'✉ 'da y✉ hyacahäi xí zəm b✉ ngue in nde da mba ma xixyabi, bi 'yän'd✉:

—Xänbate i, 'bε'a sä ga øt'ähe.

¹³ Nu ra Xuua bi däti:

—Yo guí huspah^u man'da ra renta, pe hønt'a i man rán t'ëdi ra häi gui hyaj^u.

¹⁴ Ne'ü 'da y^u dof^ui bi 'yänni:

—Necähe, 'be'a sä ga øt'ähe, bi 'y^{en}n^u.

Nu ra Xuua bi däti:

—O guí hacuah^u ra mbeti y^u ja'i nangue ni ts'edizeh^h. Ne o gadí yaf^u n'da ra ja'i 'b^u guí pähmb^u him majuani a guí mamhb^u. Ne hin guim b^{em}hb^u ngue man'da çmm^e xun ngu gui tähmb^u, pe hønt'a nin zäbi gui tähmb^u, bi 'y^{en}'a ra Xuua.

¹⁵ Ne xun ngu u ngue mi tø'ma ra Cristo mim b^{en}sse u ngue çmbi ra Cristo a ra Xuua.

¹⁶ Pe nu'a ra Xuua bi 'y^{emp}'u:

—Nugä dí xixyä ah^u ngue ra dehe thoho, pe ba ç'a n'da ja rá ts'ëdi xinda guecä, hin dí s^{uc}cä tengu a. Nu'a di hoc'ah^u nangue rá Hogandähi Ojä tengu'b^u xtí hoc'ah^u ra sibi. ¹⁷ Ne da huahn'd^u y^u ja'i tengu 'b^u i pa nt'e i y^u trigo. Nu rá xi di 'uec ran dähi, ne nu y^u trigo da mba m'b^e'ts'i, pe nu y^u xi da t'up^u ja ra sibi njäm'b^u i huët'i, in jab^u da 'y^{ot}' 'b^u bi huahn y^u ja'i a ra Cristo, bi 'y^{en} a ra Xuua.

¹⁸ Ne xun ngu mi'da y^{em}hma bi xi u y^u ja'i nangue ran ho ma'da'yo. ¹⁹ Pe nu ra Xuua bi dämhyä ra ts'ut'abi Herodes nguetho nu ra Herodes bi zin'a rá 'bepozeh^h, ngue rá xisu ra Felipe, í Herodías a ra xisu. Ne hinga hønt'a pe xun ngu mi'da y^{en} ts'o bi 'y^{ot}'a, janangue bi dämhyä. ²⁰ Pe nu ra Herodes man'da xun ngu rá ts'oqui bi 'y^{ot}'e nguetho bi got'a fädi a ra Xuua.

Ra Jesúis bin xixyä

²¹ Nu'b^u mi xixyäba y^u ja'i a ra Xuua, ne'a ra Jesúis bi mba b^u, bin xixyä. ²² Ne nu ra Jesúis 'b^u mi yäui Ojä, 'bex bá xoh mahëts'i ne bá cä a rá Hogandähi Ojä tengu n'da ra t'az^u, ne bi zoxp^uja rá ja'i ra Jesúis. Ne bi t'ø'a n'da ra nde mahëts'i bi 'y^{en}a:

—Nu'i ma Ts'unt'u i, çmm^e dadí huëc'i i, ne dí numanho i, bi 'y^{en} Ojä.

Nu'ü y^{am} bombøta ra Jesúis

²³ Nu ra Jesúis mi pe'ts'a n'däte ma'det'a njëya 'b^u mi d^{um}p' rá 'befi ua ja ra häi. Nu y^u ja'i mim b^{en}i rá ts'unt'u ra José a ra Jesúis. Ne nu ra José rá ts'unt'u ra Elí a. ²⁴ Nu ra Elí, nu'a rá ta, gue'a ra Matat a. Nu ra Matat, nu'a rá ta gue'a ra Leví a. Nu ra Leví, nu'a rá ta gue'a ra Melqui a. Nu ra Melqui, nu'a

rá ta gue'a ra Jana a. Nu ra Jana, nu'a rá ta gue'a ra José a. ²⁵ Nu ra José, nu'a rá ta ra Matatías a. Nu ra Matatías, nu'a rá ta ra Amós a. Nu ra Amós, nu'a rá ta ra Nahum a. Nu ra Nahum, nu'a rá ta ra Esli a. Nu ra Esli, nu'a rá ta ra Nagai a. ²⁶ Nu ra Nagai, nu'a rá ta ra Maat a. Nu ra Maat, nu'a rá ta, ra Matatías a. Nu ra Matatías, nu'a rá ta ra Semei a. Nu ra Semei, nu'a rá ta ra José a. Nu ra José, nu'a rá ta ra Judá a. ²⁷ Nu ra Judá, nu'a rá ta ra Joana a. Nu ra Joana, nu'a rá ta ra Resa a. Nu ra Resa, nu'a rá ta ra Zorobabel a. Nu ra Zorobabel, nu'a rá ta ra Salatiel a. Nu'a ra Salatiel, nu'a rá ta ra Neri a. ²⁸ Nu ra Neri, nu'a rá ta ra Melqui a. Nu ra Melqui, nu'a rá ta ra Adi a. Nu ra Adi, nu'a rá ta ra Cosam a. Nu ra Cosam, nu'a rá ta ra Elmodam a. Nu ra Elmodam, nu'a rá ta, ra Er a. ²⁹ Nu ra Er nu'a rá ta ra Josué a. Nu ra Josué, nu'a rá ta ra Eliezer a. Nu ra Eliezer, nu'a rá ta ra Jorim a. Nu ra Jorim, nu'a rá ta ra Matat a. ³⁰ Nu ra Matat, nu'a rá ta ra Leví a. Nu ra Leví, nu'a rá ta ra Simeón a. Nu ra Simeón, nu'a rá ta ra Judá a. Nu ra Judá, nu'a rá ta ra José a. Nu ra José, nu'a rá ta ra Jonán a. Nu ra Jonán, nu'a rá ta ra Eliaquim a. ³¹ Nu ra Eliaquim, nu'a rá ta, ra Melea a. Nu ra Melea, nu'a rá ta, ra Mainán a. Nu ra Mainán, nu'a rá ta ra Matata a. Nu ra Matata, nu'a rá ta, ra Natán a. ³² Nu ra Natán, nu'a rá ta, ra David a. Nu ra David, nu'a rá ta, ra Isaí a. Nu ra Isaí, nu'a rá ta, ra Obed a. Nu ra Obed, nu'a rá ta, ra Booz a. Nu ra Booz, nu'a rá ta ra Salmón a. Nu ra Salmón, nu'a rá ta, ra Naasón a. ³³ Nu ra Naasón, nu'a rá ta ra Aminadab a. Nu ra Aminadab, nu'a rá ta ra Aram a. Nu ra Aram, nu'a rá ta ra Esrom a. Nu ra Esrom, nu'a rá ta ra Fares a. Nu ra Fares, nu'a rá ta ra Judá a. ³⁴ Nu ra Judá, nu'a rá ta ra Jacob a. Nu ra Jacob, nu'a rá ta ra Isaac a. Nu ra Isaac, nu'a rá ta ra Abraham a. Nu ra Abraham, nu'a rá ta, ra Taré a. Nu ra Taré, nu'a rá ta ra Nacor a. ³⁵ Nu ra Nacor, nu'a rá ta ra Serug a. Nu ra Serug, nu'a rá ta ra Ragau a. Nu ra Ragau, nu'a rá ta, ra Peleg a. Nu ra Peleg, nu'a rá ta, ra Heber a. Nu ra Heber, nu'a rá ta, ra Sala a. ³⁶ Nu ra Sala, nu'a rá ta, ra Cainán a. Nu ra Cainán, nu'a rá ta ra Arfaxad a. Nu ra Arfaxad, nu'a rá ta, ra Sem a. Nu ra Sem, nu'a rá ta, ra Noé a. Nu ra Noé, nu'a rá ta, ra Lamec a. ³⁷ Nu ra Lamec, nu'a rá ta, ra

Matusalén a. Nu ra Matusalén, nu'a rá ta, ra Enoc a. Nu ra Enoc, nu'a rá ta, ra Jared a. Nu ra Jared, nu'a rá ta, ra Mahalaleel a. Nu ra Mahalaleel, nu'a rá ta ra Cainán a. ³⁸ Nu ra Cainán, nu'a rá ta ra Enós a. Nu ra Enós, nu'a rá ta ra Set a. Nu ra Set, nu'a rá ta ra Adán a. Nε nu ra Adán, bi zänd Ojá a.

4

Ra Jesús bi nu rán ts'äte ra zíthu

¹ Nu ra Jesús bi nexpa ja ra däthe Jordán ne min 'youi rá Hogandähi Ojá. Nε nu'a rá Hogandähi Ojá bi bënbì da mba bù ma'ueni bù ja ra däpo. ² Nε nyote pa ne nyote xui bim 'bëpù ja ra däpo ra Jesús. Nε bi ts'äp rá mbai, bi zä'a ra zíthu. Nε xíngui ts'ù bin sihmë gätho yù pa bim 'bëpù, ne bin tumanthuhu bùya. ³ Nε bi 'yèn'a ra zíthu:

—Nu'bù majuäni gue'e rá ts'unt'ù Ojá, dami japi dim hmë ra do 'bengua, bi t'ëmp'a ra Jesús.

⁴ Nu ra Jesús bi däti:

—Nt'o't'i bù ja rám hman Ojá: "Hinga hønt'a ra hmë dím 'bëh yù ja'i pe ne'a gätho i man Ojá," bi t'ëmp'a ra zíthu. Nε him bi 'yøt'a bi sifi.

⁵ Pe nubuya, nu ra zíthu bi zix a ra Jesús bù ja n'da ra t'øhø xñ hëts'i, ne bi 'yuti hapù gätho 'bù'ù ja yù ts'edi yù ts'ut'abi ua ja ra häi, ⁶ ne bi 'yëmbi:

—Gätho guí nu ya ga 'da'a'i, nguetho ma mbëtigä. Ya bin'daqi ne sä ga unni to'o gätho dín nde ga unni. ⁷ Nε nu'bù gan dñyahmu bù ja ma gua ne gui thändegui, ga 'da a i gätho guín nu ya, i èn'a ra zíthu.

⁸ Nu ra Jesús bi däti:

—“Hønt'a Ojá, ra Hmu, ga thändehù ne ga ørpahù rá 'bëfi a,” i èm bù ja rám hman Ojá, bi 'yèn'a ra Jesús.

⁹ Nubuya, nu ra zíthu bi zix mahøn'a a ra Jesús bù ra hnini Jerusalén, ne bin tøpù magats'i thoho ra dñnjä. Nε bi 'yëmbi:

—Nu'bù majuäni gue'e rá ts'unt'ù i Ojá, damin säqui, gui sonù häi, ne hin hapù gui 'uaqui, ¹⁰ nguetho nt'o't'i bù ja rám hman Ojá:

Nu'a Ojá ba pen'dù yám 'bëhni da mbäx'i i.

¹¹ Nε da bënt'i i ne hin hapù gui 'uaqui, i èm bù ja rá t'ohni Ojá, bi 'yèn'a ra zíthu.

¹² Nu ra Jesús bi däti:

—Pe ne'a i mam bù ngue: “Nu Ojá ma Hmu hñ jongui sä da zä'a ngue da bù 'bù majuäni da 'yøt'a im man'a,” i èm bù ja rá t'ohni Ojá, bi 'yèn'a ra Jesús.

¹³ Nu'bù mi gua'a bi man yén ts'äte ra zíthu, bi 'uepuya, bi zo'a ra Jesús 'da yù pa.

Ra Jesús bi dëmp' rá 'bëfi bù ja ra xequi Galilea

¹⁴ Nu ra Jesús bi mbeng bù ja ra häi Galilea, min 'youi rá Hogandähi Ojá. Nε gätho yù ja'i mi 'bëpù bi 'yø'a i øt' ra Jesús.

¹⁵ Nε bi xänba yù ja'i bù ja yù nijä, ne gätho bi numanho a.

Nu ra Jesús bi mba bù ja ra hnini Nazaret guepù bin te

¹⁶ Nu ra Jesús bùya bi mba bù ja ra hnini Nazaret, guepù bin te. Nu ra pa ran säya bi mba bù ja ra nijä tengu zäi mi ørpù hapù mí 'yo. Nε bim 'bái ngue da neh rám hman Ojá. ¹⁷ Nε bin t'un'na rá sòcuä bi 'yo't'a ra pøngahyä Isaías, ne bi tønts'a ra sòcuä guepù i èna:

¹⁸ Nu'a Ojá bi 'yènscä rá Hogandähi nguetho bi huangä ne bá pøngä ga xih yù hyoya ran ho ma'da'yo.

Bá pøngä ngue ga hurpa yù mbai to'o i ja yù dumbai.

Nε ga xocua u to'o xí bënt'a ra zíthu tengu'bù i ofädi u.

Ga xocpa yén 'yomfëni yù ja'i ne da bù'a majuäni rá 'yu Ojá u.

Nε ga japi him man zä ran u u di unba yù hmu.

¹⁹ Nε ga xih yù ja'i ngue bi zòn ra ora da 'yørpa rá mate Ojá u, i èm bù ja rá sòcuä ra Isaías guepù bi neh ra Jesús.

²⁰ Nu ra Jesús 'bù mi gua'a bi neh ra sòcuä, bi mbants'i, bi uni da 'bes' mahøn'a ra sòcuä. Nε bi hyuh pùya ngue da xi u 'bë'a mí mam bù. Nε gätho yù ja'i mi 'bëpù ja ra nijä bi hyët'a ra Jesús. ²¹ Nu'a bi 'yèna:

—Nu'a dá nècä ya, mi mam bù ja rá sòcuä ra Isaías ngue mi ma din ja, ne bin ja a ya, nguetho dí 'bùcä ua, bi 'yèna.

²² Nε gätho yù ja'i bin yämanho nangue ra Jesús ne bi hyonya thoho nguetho mahotho a bi man ra Jesús bù ja ra nijä. Nε èn'ù:

—Hanja ngubù i øt'e, èn'ù nguetho im bëni gue ra Jesús rá ts'unt'ù ra José.

²³ Nu ra Jesús bùya bi 'yëmp'ù:

—Masque guí nde gui xija a ram hma i ɛna: “Grá 'yøthebate, damin hoczehe,” masque guí nde gui xija a, nguetho guím bønschh, hin dí øt'ua ja ma hnini zehe u yuñ t'øt'e nujxte tengu dá øt'ä bu ja ra hnini Capernaum, bi 'yɛna. ²⁴ Majuqni dí xi ahu, n'da rá pøngahyq Ojaq hingui hnumansu bu ja rá häizehe. ²⁵ Njabu bi 'yøt' ra pøngahyq Elías 'bu maya'bu. Xan ngu yu xisu xí du yú ndø mi 'bui ngue yu mijudíoh, gue'bu him bin 'ye hyu jeya made, ne bin ja ra thuhu bu. ²⁶ Pe him bi mbäx'a n'da ra xisu xí du rá ndø bu ja rá häizehe, pegue bi 'ben bu ra hnini Sarepta guepu ra häi Sidón, da mbäx a n'da ra xisu mi 'bupu, bi 'yɛna. ²⁷ Ne ngutho bi 'yøt' ra pøngahyq Eliseo, guexta'a xan ngu yu mijudíoh mi hɛmb ra t'axca'ya, pe xínga n'da bi hoc'a ra pøngahyq ngue yu mɛnguzehh, hønt'a ra hmudofu Naamán, ra mɛngu bu ra häi Siria, bi hoqui, bi 'yɛn'a ra Jesús.

²⁸ Ne nu'bu mi man'a ra Jesús a bi ma, nu yu jä'i mi 'bupu ja ra nijaq ɛmme bin cuebuya. ²⁹ Ne bi ndants'u bi bent'a ra Jesús ne bi zixpu mayq ra nyuni, im benni da hyøm bu ja ra mba'ye. ³⁰ Pe nu'a ra Jesús bi tho in de bu 'buh yu jä'i, ne bi zopu u, ne hin te bin jap'a.

Bi hoc'a n'da ran 'yohu min 'youi ra zjithu a ra Jesús bu ja ra nijaq

³¹ Ne nu'a ra Jesús bi mbeng bu ja ra hnini Capernaum bu ja ra häi Galilea, ne i xänba yujä'i 'bura pa ran säya. ³² Ne gätho yujä'i bi hyonya thoho nangue rán xädi a, nguetho ra Jesús bi 'yuti xan ho ngue mi ja rán t'ødi gue'bu mi xänbi.

³³ Nu n'da ra pa mi 'bupu ra Jesús bu ja ra däniq ne mi 'bupu n'da ran 'yohu min 'youi ra zjithu, ne ɛmme nts'ødi bi mbafi, ne bi 'yɛna:

³⁴ —Gra Jesús, ra mɛngu Nazaret, 'be'a guí nde gui 'yørcuhe, ha gui juaje ya. Nugä dí päcä to'o i, rá Hogam 'behni Ojaq i.

³⁵ Ne nu ra Jesús bi 'yɛmbi:

—Damin hɛ ne gui pøm bu ja rá mbui na ran 'yohu.

Ne nu'a ra zjithu nts'ødi bi hyømma häi ran 'yohu bu 'bäh yu jä'i ne bi bøm bu rá mbui ran 'yohu buya, pe hin hapu bi unba ran 'yohu. ³⁶ Ne bi hyonya thoho yujä'i 'be'a bin

ja na ran 'yohu. Ne bin 'yɛmzehe n'da ngu n'da: “Be'a ní ts'ødi i ja na ran 'yohu ne i sä i høn'a thi yu zjithu,” bin 'yɛmzehe u.

³⁷ Ne bi t'øde gätho ra xequi bu 'be'a bi 'yøt'a ra Jesús.

Ra Jesús bi hocpa rá suto ra Simón Pedro

³⁸ Nu ra Jesús buya bi bøm bu ja ra nijaq, bi mba bu ja rá ngu ra Simón Pedro. Ne nu'a rá suto ra Simón Pedro, xan u, nts'ødi ra pa mi ja. Ne bi si a ra Jesús ngue xan u a ra xisu. ³⁹ Nu ra Jesús bim 'bäpu mi 'ben'a ra hyønni, ne bi ma ngue da bøn'a ra pa. 'Bex bi bøn'a ra pa, hin hapu xan u buya. 'Bex bi ndants'a ra xisu ne bi hoc ran sihme, bi 'uln'u.

Nu ra Jesús bi hoqui xan ngu yu ja'i

⁴⁰ Ne nu'bu mí yuh ra hyadi, gätho yu hyønni bi ts'ixpu 'buh ra Jesús. Ne 'bex bi yan'u yu hyønni 'bu mi mba nthädi n'da ngu n'da u, bi dä'a ra Jesús. ⁴¹ Ne yu zjithu min 'yohu 'da yu ja'i bi japi da bøn'u. Ne nts'ødi i mba'u, i ɛn'u:

—Nu'i, rá Ts'unt'u i Ojaq, bi t'ømp'a ra Jesús.

Pe nu ra Jesús him bi japi din yq nguetho mi päpu gue ra Cristo a ra Jesús.

Nu ra Jesús bi man rám hma bu ra xequi Galilea

⁴² Ne nu'bu mi hyax buya, t'øxuditho bi mbase bu ma'ueni ra Jesús. Nu yu jä'i bi hyoni gue'bu go mi düni, ne him min nde'u da mba ra Jesús. ⁴³ Pe nu'a ra Jesús bi 'yɛmp'u:

—Nugä jatho ga mbagä mi'da yu hnini, ga mam bu ran ho ma'da'yo, ga xih yu jä'i 'bupu ní manda rá ts'ødi Ojaq ua, jananjabu bá pengä Ojaq, bi 'yɛna.

⁴⁴ Ne bi thopu ja mi'da yu hnini ja ra xequi Galilea buya, ne bi mam bu rám hma bu ja yu nijaq.

5

'Da yu mbahuq bi jap'a ra Jesús xan ngu bi de yu huq

¹ Ne man'da ra pa, ra Jesús mi 'bäpu ja ndendädehe Genesaret. Ne ɛmme mi dü bu yu jä'i in nde da 'yøh rám hman Ojaq, ne hingui sä bu dim 'bä'a ra Jesús. ² Ne bi nu, i høpu yoho yu mbosa hin te i ja bu mbo. Ne bi zo'u yu mbeti bu ndenthe gue'bu mi

mben yá xit'q. ³ Nu'a n'da, rá mbeti ra Simón Pedro, ne bi hyu'a ra Jesús. Ne bi xi'a ra Simón da gon'i ts'ü ra mbosa. Ne nu yü ja'i bim 'bäpü ndenthe ü. Nu ra Jesús bi xänba ü yü ja'i baya. ⁴ Ne nu'bü mi gua'a bi man ra Jesús bi 'yëmp'a ra Simón:

—Dami thäm bu xän hez ra dehe, ne gui 'yëm bu ni xit'q. Guepü da zä gui the yü huä.

⁵ Pe bi 'yën'a ra Simón:

—Xänbate, gätho ra xui dám pëhmbé ne hin te dá thehe yü huä, pe nu'bü guím ma, ga emhbe mahøn'a, bi 'yëna.

⁶ Ne bi 'yëm baya, ne xän ngu bi de yü huä gue'bu go mi mbädi bin tän yá xit'q. ⁷ Ne bi xi'ü yá mimbahuqü di ze'i ts'ü. Ne bi yuts'i gätho yoho yá mbosa, ne in nde da dom bu mbo ra dehe yü mbosa nangue nán hyü yü huä. ⁸ Ne nu'bü mi nu ra Simón Pedro 'be'a bin ja, bin dänyahmu bu ja rá gua ra Jesús, ne bi 'yëmbi:

—Dami 'ue'i ts'ü nanguecä nguetho nugä drá dädits'oquigä, bi 'yën'a ra Pedro.

⁹ Ngubü bi ma nguetho bi hyonya thoho ngue xän ngu yü huä bi de. ¹⁰ Ne'a ra Jacobo ne ra Xuua ngue yá ts'unt'ü ra Zebedeo, bi hyonya thoho ü. Ne nu'ü mi comhbü rá 'befi a ra Pedro. Pe nu ra Jesús bi 'yëmp'a ra Simón:

—O guín su ne nuya gui dü'mi gui hyon yü ja'i to'o da 'yëc'yëigui, bi 'yëmbi.

¹¹ Ne nu'bü mí zøm bu ndenthe ü yü mbosa baya, bi den'na ra Jesús.

Nu ra Jesús bi hoc'a n'da mí hëmb ra t'axca'ya

¹² Nu n'da ra pa mi 'büpü ja n'da ra hnini ra Jesús. Ne'a n'da ran 'yohü mi 'büpü, mi hëmb ra t'axca'ya gätho rá ja'i. Ne nu'a ran 'yohü bu mi nu a ra Jesús, 'bex bim 'bemfo bu ja rá gua ra Jesús, ne bi 'yäp ra mate ran 'yohü ngue in nde da yan'i, bi 'yëmbi:

—Ma Hmu i nu'bü guín nde, da zä gui jaqui da yan'gä.

¹³ Nu ra Jesús bi däti ne bi 'yëmbi:

—Nugä, dín nde ngue 'bex da zä i. Nuya bi yan'a ya, bi 'yëmbi.

'Bex bi zä'a ran 'yohü baya.

¹⁴ Ne nu ra Jesús bi hëcua a ran 'yohü gue hin da mam bu 'büh yü ja'i, pe da mam bu 'büh yü mbäjä. Ne bi 'yëmbi:

—Ní mba bu 'büh yü mbäjä, gui 'yøt'a rán t'ëdi ra Moisés ngue da 'yøt'a n'da 'büh bi yan'a ra t'axca'ya, n'dahma da bäh yü ja'i ngue majuqni bi yan'i, bi 'yën'a ra Jesús.

¹⁵ Pe nu'ü yü ja'i guemhma mi ma hønbü go hapü ja yü hnini 'be'a gätho øt'a ra Jesús, ne man'da xän ngu bi mba bu mi 'bäi ngue da 'yøse ü 'be'a i man'a, ngue in nde din hocpa yán ü i hëmp'i 'da'ü. Ne xän ngu bi hoc'a ra Jesús, madague'a hønt'a go mán ü mi hëmp'ü. ¹⁶ Nu'a ra Jesús baya mi pa bu ma'ueni guepü hingui 'büh yü ja'i, din yan'i Oja.

Nu ra Jesús bi hoc'a n'da mi ts'a rá ja'i

¹⁷ Nu n'da ra pa bi xänba yü ja'i ra Jesús. Ne mi 'büpü 'da yü fariseo ne 'da yü xänbate nijä, xpí 'yë'ü hønbü go hapü i ja yü hnini bu ra xequi Galilea ne ra xequi Judea, neprü ra dähnini Jerusalén. Ne nu'a ra Jesús bi 'yut'ü ngue min 'youi xän ngu rá ts'ëdi Oja 'büh mi hoc yan zäman'ü. ¹⁸ Ne bi zøm bu 'da yan 'yohü, bá tu n'da ran 'yohü xän ü, mi ts'a rá ja'i a, ox ra 'beza. Ne min nde xtán yärpu mbo 'büh ra Jesús. ¹⁹ Pe èmme du yü ja'i bu ja ra goxthi, ne hin hapü sä dí yan'i. Janangue'a bi zix ra därgëhe bu maxøts'e ra ngu, ne bi xospa rá 'bet'e ne bi cä'ma ran 'yohü bu made i 'bä'a ra Jesús. Ne ox ra 'beza 'büh mi cämp'ü. ²⁰ Bi bäh ra Jesús baya gue i 'yëc'yëi xän ho ü yan 'yohü gue i ja rá ts'ëdi a, 'büh mi nu'a bi 'yøt'ü. Janangue'a bi 'yëmp'a ra därgëhe:

—Amigo, ya ma punbi ni ts'oqui, bi 'yëmbi.

²¹ Pe nu'ü yü fariseo ne yü xänbate nijä bin 'yëmzehü: "Hanja na ran 'yohü ngue èna da 'yøt'a i øt' Oja, ne ya èna sä di punba rá ts'oqui n'da ra ja'i. Hingui numansu Oja na," bi 'yëmp'ü yü xänbate ne yü fariseo.

²² Pe nu'a ra Jesús i pädi 'be'a im bëñ'ü, ne bi 'yëmp'ü:

—Hanja in jabü guím bëmhü. ²³ Ha guím bëmhü ngue nte ní mbatho dá xicä ran 'yohü, ngue rá ts'oqui ya xäm punbi. Ha guím bëmhü man'da xquí pähmbü ngue i ja ma ts'ëdi 'büh ga xifi da ndants'i, din 'yo. ²⁴ Pe ga ut'ahü ngue i ja man t'ëdi ua ja ra häi ga punba yü ts'oqui n'da ra ja'i, ngue ga japi

din 'yo na ran 'yohu, guecä gue dán ja'igä ua ja ra ximhäi, bi 'yën'a ra Jesús.

Në nubuya bi 'yëmp'a mí ts'a rá ja'i:

—Dami ndants'i, gui cax ni fidi ne guimba ni ngu, bi t'ëmbi.

²⁵ 'Bex bi ndants'a ran 'yohu bi gax rá fidi ne bi mba rá ngu, ne bi 'yëspa Oja bu ní mba. Në gätho yu ja'i mi 'bapu bi nu 'be'a bin ja. ²⁶ Në gätho bi hyonya thoho u, ne bin su, bi 'yëspa Oja ne bi 'yën'u:

—N'da ran t'ot'e nuixte dá nuhu ra pa jabu ya, bi 'yën'u yu ja'i.

Ra Jesús bi xih ra Leví da dënni

²⁷ M'bëjua buya, bi bøm bu ja ra ngu ra Jesús, ne bi thopu mi hu'a ra Leví, guepu mí hac rán ju't'i ra häi, nguetho ra hyäcahäi a. Në nu'a ra Jesús bi 'yëna:

—Dami tengui, bi t'ëmp'a ra Leví.

²⁸ Nu ra Leví buya, 'bex bi ndants'a, bi zopu gätho mi ja ne bi dën'na ra Jesús.

²⁹ Në nu'a ra Leví buya, bi 'yøt'a n'da ran sihme xen ndoho bu ja rá ngu, ngue bin sihme bu ra Jesús. Në bi zøm bu ja ran sihme xen ngu yu hyäcahäi ne xen ngu mi'da yu ja'i, 'darpu bin sihmehu ra Jesús. ³⁰ Pe nu'u yu fariseo ne yu xänbate nijä bi 'yëna:

—Hanja gní sihmehu yu dädits'oqui ne yu ziyyate hyäcahäi, bi t'ëmp'u yu xädi ra Jesús.

³¹ Nu ra Jesús bi xi a n'da ran t'uti 'bu mi dat'u:

—To'o i 'bu h mán zaqui hingui hon'a to'o da 'yøthe, pe hønt'a to'o xen u i hon'a da 'yøthe. ³² Nugä ma 'bëfigä ngue ga xih yu dädits'oqui di päh yén 'yomfëni. Pe nu'u to'o ense mahoqui yu mbui, ne hingui sä ga ze'u, bi 'yën'a ra Jesús.

Bi t'än'na ra Jesús hanja him bi 'yë't' yán sihme yu xädi

³³ Në bi t'ëmp'a ra Jesús:

—Nu yu xädi ra Xuua Nxixya nzai ε't' yán sihme 'bu i yäqui Oja, ne'u yu xädi yu fariseo, pe nu ni xädi hin ja'm'bu ε't' yán sihme. Hanja ngue in jabu, bi 'yëmbi.

³⁴ Nu ra Jesús bi dat*i*:

—Pe nu'u i 'bapu ja ran thäti, hin da du yu mbui nguetho 'bapu a ran 'yohu din thäti. Hin da 'yëna ngue hin din sihme u. ³⁵ Pe da zøn ra ora da ts'ispa a ran 'yohu, ne ja da 'yë't' yán sihme buya, bi 'yën'a ra Jesús.

³⁶ Në xø bi xih man'da ran t'uti, ngue da 'yuti hingui sä yu xädizehe ra Jesús da dën'na ran yonxädi, ne bi 'yëmp'u:

—Njo'o n'da ra ja'i da xen ma'da'yo rá pahni ngue da mbørba rá 'yapahni, nguetho nu'bu da mbørba a, hin da bømanho ne di ts'ontho a ma'da'yo. ³⁷ Në njo'o to da xirpu ra 'yaxfani mbot'asëi ra vino ma'da'yo, nguetho nu'bu bin hogui, da føh ra 'yaxfani buya. Në dim fän ra vino ne di ts'on'a ra 'yaxfani, gätho dim 'bedi. ³⁸ Nu'a ra vino ma'da'yo da sirpu ma'da'yo ra xifani, ngue hin dim 'beh ra vino, ne xín din ts'on'a ra xifani.

³⁹ Në to'o in zai i si ra nyomvino, pe hingui nde a ra vino ma'da'yo, nguetho man'da xen chi ra nyomvino, εn'u. Guín jahu bu ngue hin guí numanhohu man xädigä, bi 'yën'a ra Jesús.

6

Nu ra Jesús bi ma 'bë'a da t'ot' ra pa ran säya

¹ Nu n'da ra pa ran säya, nu ra Jesús ne yu xädi bi thopu ja n'da ran uätrigo. Nu u yu xädi bi dci 'da yu trigo. Bi dënt yu 'yë'u yu trigo, bi za buya. ² Në nu'u 'da yu fariseo bi 'yëmp'u:

—Hanja in jabu guí øthu, nguetho i mam bu ja man t'ëdi hingui sä gui 'yøthu ra 'befi a ra pa ran säya, bi 'yën'u.

³ Nu ra Jesús bi dat*i*:

—Ha hin guí pahmbu 'bë'a mam bu ja rá sœcuä Oja ngue ne'a ra David bi mbësta man'da rán t'ëdi Oja, ne'u min 'yohu, nu'bu mi tumanthuhu. ⁴ Nu'a ra David bi yarpu ja rá ngu Oja ne bi zi yu thuhme rán t'unni Oja oxpu ja ra mexa, ne bi un'du min 'yohu. Në hønse yu mbäjä i sä da zi u. Pe hin guím bëmhu ra ts'oqui bi 'yøt'a ra David ne yán 'yohu nguetho xen ho bi 'yøt'u, bi 'yën'a.

⁵ Në man'da bi man'a ra Jesús, bi 'yëna:

—Në nugä ngue dán ja'igä ua ja ra ximhäi, dra Hmugä, ne ja man t'ëdi ga mangä 'bë'a da 'yøt' yu ja'i ra pa ran säya.

Ra Jesús bi hoc'a n'da ran 'yohu mi mbëdi rá 'yë

⁶ Në xø man'da ra pa ran säya, nu ra Jesús bi xänba yu ja'i bu ja ra nijä. Në mi 'bapu n'da ran 'yohu ra mbëdi rán 'yëi. ⁷ Në'u 'da

yu xänbate nija ne 'da yu fariseo mi 'bapu, mi tomthoho, in nde da nu 'be'a da 'yot'a ra Jessus ra pa ran säya, nguetho in nde di yap'a. 8 Pe nu ra Jessus i padi 'be'a im ben'u. Ne bi xi'a ran 'yohu mi ja rá mbedi'ye:

—Ba ecua, damim 'bäcua da nu'a yu jä'i, bi 'yembi.

Ne 'bex bi mba bu ran 'yohu. 9 Nu ra Jessus bi 'yemp'u buya:

—'Be'a i mam bu ja man t'edihu, nda'a xan ho ga othu. Ha i mam bu ga othu ran ho uague ran ts'o ga othu ra pa ran säya. Uague i man bu gan yanbahu rá te n'da uague i mam bu ga jafu da du n'da a ra pa ran säya, bi 'yen'a ra Jessus.

10 Nubuya, nu ra Jessus bi hyet'u yu jä'i, ne bi 'yemp'u ran 'yohu:

—Dami juan ni 'ye.

Nu'a ran 'yohu bi juan rá 'ye, ne bin hogui xan ho. 11 Pe nu yu fariseo ne yu xänbate nija emme bin cue'u ne bi hyoni 'be'a sä da 'yorpa ra Jessus.

Ra Jessus bi huahn'du 'de'mayoho yu xädi

12 M'bejua buya bi mba bu ja n'da ra nyuni ra Jessus, haxa ín youi Oja. 13 Nu'bu mi hyats'i bi zohn'du yu xädi ngue i ja a da xifi mahon'a. Ne bi huahni 'de'mayoho din 'yohu ngue yu 'bäihu. 14 Ne nu'u bi huahni, gue'a ra Simón t'embi ra Pedro, gue'a rá thuhu bi xih ra Jessus a. Ne'a ra Andres, rán 'yohu a ra Simón, ne ra Jacobo, ne ra Xuua, ne ra Felipe, ne ra Bartolomé. 15 Ne ra Mateo, ne ra Tomás, ne man'da ra Jacobo rá ts'ant'u ra Alfeo, ne ra Simón Zelotes, 16 ne ra Judas rán 'yohu ra Jacobo, ne ra Judas Iscariote, gue'a xí dä'a ra Jessus 'bu m'bejua. Ne gue'u bi huan'na ra Jessus u ngue yu 'bäihu.

Xan ngu yu jä'i bi xänba a ra Jessus

17 Nubuya, nu ra Jessus ne yu xädi bi gapu ja ra nyuni ne bin theehu xan ngu yu jä'i bu xan juan*i*, bí nexpu yu hnini ra xequi Judea, neptu ra dahnni Jerusalén, neptu ndendädehe, guepu i ja ra hnini Tiro ne ra hnini Sidón. Ne nu'u, bi zom bu ngue in nde da 'yode 'be'a man ra Jessus, ne nu'u mi'da buya, in nde da mba ma hoqui u. Ne nu ra Jessus bi hoc'u. 18 Ne xan ngu u min 'yohu ra zjithu bi zom bu, ne nu'a ra Jessus bi

hyon'a thi u. 19 Ne gätho u min nde da därpu rá jä'i ra Jessus, nguetho gätho yu hyenni bi hoc'a nangue rá ts'edi.

Ra Jessus bi ma to'o din johya ne to'o da nu ra dumbai

20 Ne nubuya, nu ra Jessus bi hyet'u yu xädi ne bi 'yemp'u:

—Guí hyoyahu, pe ya gá cathu bu di manda rá ts'edi Oja janangue'a majapi ahu.

21 Ne guí tumanthuhuhu, pe Oja di ja ahu gui tmhbu a guí homhbu, janangue'a majapi ahu.

Ne guí sähu ra dumbai ya, pe Oja da hyut'a ni mbaihu, janangue'a majapi ahu.

22 Ne ngutho 'bu i san ahu yu jä'i, ne'bu i 'uegue nangue ahu, ne'bu di c'aman'u ahu, ne'bu da ndøm mants'o ni thuhuhu ngue guí tengahu, guecä ngue dán jä'igä ua ja ra ximhäi, guemhma majapi ahu. 23 Gan johyahu, da hyu ni mbaihu 'bu din jabu da 'yot'ahu yu jä'i, nguetho ngutho bi t'ørpa u yu pøngahyu mam'bet'o, ne i ja 'be'a din 'da ahu ngue am 'be'ts'i mahet'i, bi 'yen'a ra Jessus.

24 Ne xø bi 'yemp'u:

—Pe í huehi maha ahu gyu membetihu ngue hønt'a ni mbeti guim bemhbu, nguetho ya hin guin nuhu man'da ran johya njam'u da guadi.

25 Ne í huehi maha ahu, ngue guí emhbu hin te gadí 'behmbu, pegue gan tumanthuhuhu.

Í huehi maha ahu, ngue ja nin johya zehehu, nguetho m'bejua da du ni mbaihu.

26 Í huehi maha ahu ngue gätho i manmanho nangue ahu yu jä'i. Bin jabu yu hyäte pøngahyu bi numanho gätho yu jä'i, bi 'yen'a ra Jessus.

Dami huec nin saihu, bi 'yen'a ra Jessus

27 Pe dami 'yøhmbu na ga xi ahu ya, bi 'yen'a ra Jessus:

—Guí huec nin saihu ne gui 'yørpa ran ho u to'o i numan'u ahu. 28 Ne dami 'yäp Oja da mbæk'u di c'aman'u ahu, ne gui 'yäp Oja da 'yenspa rán jäpi u di un'nahu. 29 Ne nu'bu n'da da mbep'a ni 'yoguhu, gui 'bät ni hmihu da mbep'a man'da nguadi ni 'yoguhu. Ne nu'bu n'da da gan'na ni cotohu, ne'a ni pahni gui unhdu. 30 Dami unhdu 'be'a gätho da 'yä ahu, ne nu'a da

than'nahu hingui 'yähmbu. ³¹ Nu'bu guí ndehu da 'yøt'ahu ran ho ni mijä'ihu nde'bu gui 'yørpahu ran ho.

³² Pe nu'bu hønt'u di huëc'ahu gui huëju, hin te di muui a 'bu, 'da'angu gá 'yøthu u him mahoqui yá mbui. ³³ Ne nu'bu hønt'u bi 'yøt'ahu ran ho guí ørpahu ran ho, hin te di muui 'bu, nguetho in jabu øt'u him mahoqui yá mbui. ³⁴ Ne nu'bu hønt'u guí pahmbu i jut'i guí hmit ni mbetihu, hin te di muui 'bu, nguetho gue'a i øt' yu ts'om'bäi, di hmit yá mits'om'bäihu ngue im beni da mba ma cospi rá mbeti. ³⁵ Pe dí xi ahu, dami huëc nin saihu, ne gui 'yørpahu ran ho u, ne gui hmithu madague'a guí padi hin di cos'ahu. Nu'bu ngubu gui 'yøthu, gue'a nám fadi gue yá t'uhni ahu Ojä. Ne i ja 'be'a di 'da ahu Ojä buya. Nguetho gue'a i øt' Ojä, gätho i ørpa ran ho madague'a hin da 'yøn'u: "Jamadi Ojä." Ne gätho i ørpa ran ho madague yu ts'om'bäi u. ³⁶ Dami huëc ni mijä'ihu tengutho bu í huëc'ahu Ojä ma Tahu, bi 'yøn'a ra Jesús.

*Hin gui 'yømhbu bi 'yøt' yu ts'oqui u mi'da yuj*ä*'i*

³⁷ Ne man'da bi man'a ra Jesús, bi 'yøna:

—“Nuna bi 'yøt' yu ts'oqui,” hin gui 'yømhbu, ne hin da t'xn'ahu gá 'yøthu yu ts'oqui 'bu. Ne 'yo gadí yafu ni mijä'ihu ne hin da zep'ahu Ojä, pe gam punbahu ne Ojä di pun'nahu buya. ³⁸ Dami un'du 'be'a i hon ni mijä'ihu, ne Ojä man'da xen ngu di co'ts'ahu ne dim fons thoho a di 'da ahu xinda gue'a gadí un ni mijä'ihu. Nguetho da 'yøt'ahu Ojä tengu guí ørpahu ni mijä'ihu, bi 'yøn'a ra Jesús.

³⁹ Ne xo bi xi'a n'da ran t'uti, bi 'yøna:

—Hingui sä n'da ra xädä da 'yut ra 'yu rá mixädäui, ts'ärpu thoho da däpu ja ra hyu. Ne ngutho n'da ra ja'i hingui sä da 'yut ran ho rá mijä'iui 'bu hingui pase ran ho. ⁴⁰ Ne ngutho n'da ra xädi, man'da hingui ngu padi xinda gue'a rá xänbate, ne nu'bu bi juah rán xädi, 'da'ingu i pahmi a. Nu'bu ts'utho i pa'a ra xänbate ne ts'utho i pa'a rá xädi.

⁴¹ Ne hingui sä gui mamhbu nangue to'o i ja za ts'u ran ts'o 'bu xen ts'o ni mbuihu.

⁴² Hanja gní 'yømhbu gui zehmbu u mi'da yu ja'i di hoc yá mbui, ne emme go xen ts'o

ni mbuizehu. Jatho 'be gui hoczehu ni mbuihu, ja da zä gui zehmbu u mi'da, bi 'yøn'a ra Jesús.

Nangue rán dät'o difq'a ra za

⁴³ Ne man'da bi man'a ra Jesús ngue bi 'yøna:

—Nu n'da ra hogaza hingui sä din zeh yán dät'o ngue hingui ho. Ne ngutho a n'da ra za hingui ho, hingui sä din zeh yán dät'o xen ho. ⁴⁴ Nu yán dät'o i zapu, gue'a ctí pahmbu 'be'a ní za a ra za, nguetho hingui sä din zeh yán dät'o ngue yu higo bu ja ra 'uïnza. Ne xín din zeh yán dät'o ngue yu uva bu ja yu t'ax'uïni. ⁴⁵ Ngutho n'da ra ja'i xen ho rá mbui, i øt' ran ho tengu i ja bu mbo rá mbui. Ne ngutho n'da ra ts'om'bäi i øt' ran ts'o tengu i ja bu mbo rá mbui, nguetho gätho a i ja bu mbo rá mbui n'da, gue'a ní bøn rá nde n'da a, bi 'yøn'a ra Jesús.

Rán t'uti u i øt'a man ra Jesús ne'u hingui øt'e

⁴⁶ Ne xo bi 'yøn'a ra Jesús:

—Hanja gní 'yønju ni hmuju ne hin guí øthu 'be'a dí xi ahu. ⁴⁷ Ga xi ahu rán t'uti u i øt'a dí mangä. ⁴⁸ Nu'u, i øt'e tengu bi 'yøt'a n'da ran 'yohu bi hyø'a n'da rá ngu, ne xen hu bi 'yamp'ra häi ngue da mbämp'u yu jádo. Ne nu'bu mam bá eh ra mboxthe, nte bi jap'a ra ngu, nguetho mbo bim foxa ra jádo. ⁴⁹ Pe nu'u i øh ma nde ne hingui øt'a dí mangä, rán t'uti u tengu n'da ran 'yohu bi hyøh rá ngu ne bi 'yøx maxøts'e yu jádo, ne nu'bu mambá ea n'da ra mboxthe, 'bex bi yøt rán ngu buya, bi 'yøn'a ra Jesús.

7

Ra Jesús bi hocpa rá 'yøhe n'da ra hmudofui

¹ Ne nu'bu mi gua'a man'a ra Jesús, bi mba mahøn'a bu ja ra hnini Capernaum.

² Ne mi 'bupu n'da ra hmudofui, ra mengu bu Roma a. Ne xen'u n'da rá 'yøhe, nde da du. Ne nu'a ra hmudofui emme madi huëc'a rá 'yøhe. ³ Ne nu'bu mi 'yøde 'bupu ra Jesús bá pehni 'da yu ngurbi bu ja ra hnini ngue da zix'a ra Jesús di hocpa rá 'yøhe. ⁴ Ne nu'bu mi zøm bu 'beh ra Jesús, bi 'yäp ra mate da mba, ne bi 'yømbi:

—Dín nde gui 'yørcuhe ra mate gui mba, nguetho nu'a ra hmudofai ra hocja'i a, ⁵ ne emme di huégahue ngue dyu judío. Ne nu'a bi guzehue a í thøh ma nijahue, madague hing ra judío a, bi 'yømbi.

⁶ Nu ra Jesús bi mbähä, ne nu'bä mi ts'ütho da zøm bë ja rá ngu a ra hmudofai, pe nu'a ra hmudofai bá pëhni 'da yú amigo mahøn'a, din c'athue a ra Jesús, da 'yømbi:

—Hingui jatho gui süm bë ja ma ngu, nguetho nugä hin dí sucä tengu i, ⁷ xíngui sä ga ña ga mba gan yäui, ne hin drá judiogä. Pe dí padi ngue i ja ni ts'edizehue, ngue nu'bä guim ma da yaní, ne 'bex gue da yaní. ⁸ Tengu thohogä bin 'dac'i ts'ü man t'ëdi, ne nu'bä i ja 'bë'a dí xi ü ma dofai, ne'ü ma 'yøhe, 'bexgue 'dahmantho in ja. Ne ngutho i, sä guim mantho bë guí 'bäi ne 'bexgue da yan bëya, bi 'yøn'a ra nde bá pëhna ra hmudofai ngue bi man'ü yú amigo. ⁹ Nu ra Jesús bi hyonya thoho 'bä mi 'yø'a bi man'ü yan 'yohue ngue bá pëhna ra hmudofai, ne bin yøgui bi xi'ü mí tenni, ne bi 'yøna:

—Xínga n'da ma mijudío dá tjingä ngue i ñc'yei i ja ma ts'ëdi tengu a ran 'yohue, bi 'yøn'a ra Jesús. Nuya bin ja a bi 'yäqui, bi 'yøna.

¹⁰ Ne bi mbeng bë ja ra ngu ü yú amigo a ra hmudofai bëya, ne bi nu'a rá 'yøhe ra hmudofai ngue ya xi zä.

Nu ra Jesús bi xox rá ts'ünt'ü n'da ra xisu xí du rá ndø

¹¹ Man'da ra pa bëya, ra Jesús bi mbähä yü xädi bë ja ra hnini Naín. Ne xæn ngu yü ja'i mi tenni. ¹² Ne nu'bä mi zøm bu ndehnini, ba ñpü yü 'yägui, ba tu rá ts'ünt'ü n'da ra xisu xí du rá ndø. Ne njo'o man'da rá ts'ünt'ü. Ne xæn ngu yü ja'i min 'yohue yü 'yägui. ¹³ Ne nu ra Jesús 'bä mi nu a ra xisu bëya, bi huëc'a ne bi 'yømbi:

—O guí zoni, ñn'a.

¹⁴ Ne nubëya, bi dä'a ra huada mi o ra du a ra Jesús ne bim 'bä'ü yan dute. Nu ra Jesús bi 'yømp'a ra du bëya:

—Grá ts'ünt'ü, dami ndants'i, bi 'yømbi.

¹⁵ Ne nu'a xí du 'bex bi ndants pü ja rá huada ne bin yä. Nu ra Jesús bëya, bi xi'a rá mbe da zits'i. ¹⁶ Ne gätho yü ja'i mi 'bäpü bin su, ne bi 'yøspa Ojä ü.

—Nuya, n'da ra pøngahyä nuixte dí 'buhmbü ua, ne Ojä da yanju ya, yü ja'igähü Ojä ya, bi 'yøn'ü.

¹⁷ Ne gätho yü ja'i mi 'bäpü, ne pü ra xequi Judea, bi ma 'bë'a bi 'yøt'a ra Jesús.

Ra Xuua Nxixyä bi mbëhni 'da da 'yänni to'o a ra Cristo

¹⁸ Ne bi si'a ra Xuua Nxixyä 'bë'a bi 'yøt'a ra Jesús, bi man ü yü xädi. ¹⁹ Janangue'a nu ra Xuua bi zon'dü yoho yü xädi ngue da mben bë 'buh ra Jesús ne da 'yänni: "Ha gue'e ra Cristo mi hma ba ñhe, uague ga thoqui ga tømhbe," gui 'yønui, bi 'yøn'a ra Xuua. ²⁰ Ne nu'bä mi dñ'a ra Jesús ü yüm 'bëhni ra Xuua, bi 'yømbi:

—Nu'a ra Xuua Nxixyä bá pøngä'be nguetho in nde da bædi gue'bä gue'e ra Cristo i hma ba ñhe, uague ga thoqui ga tømhbe, bi 'yøn'ü.

²¹ Ne 'bex bi hoc'ü 'da yü hyønni a ra Jesús bëya, ne bi hyøn'a thi yü zíthu ngue mí 'yohue 'da yü ja'i, ne bi xocpa yü dä yü xädä.

²² Ne nubëya, bi 'yømp'ü yü xädi ra Xuua:

—Ní mbë ya, gui xihmi ra Xuua 'bë'a gá nuui ua, ne 'bë'a gá 'yøhmi ya. Gui 'yønui: "Nu yü xädä i nu ran nequi ya, ne yü dogua i sä i 'yo ya, ne nu'ü mi hëmb ra t'axca'ya bi yan'ü ya, ne yü gogu i øhnahyä ya, ne'ü xí du bi ndants'i, ne yü hyoya i ø'a ran ho ma'da'yo ya. ²³ Din johya ü to'o i ñc'yei xæn ho, ne hin di ü't' yü mbüi ü," gui 'yønui, bi 'yøn'a ra Jesús.

²⁴ Ne nu'bä mi mbenc'ü yüm 'bëhni ra Xuua bëya, nu ra Jesús bi ma 'bë'a øt' ra Xuua, ne bi 'yømp'ü yü ja'i:

—Nu'bä gá mbähä bë ma'ueni ngue gá nuhü ra Xuua, 'bë'a gá bëmhü ngue gua nuhü bë. Ha guá nuhü n'da ran 'yohue xæn güent'i tengu n'da ra xithi i en ran dähi.

²⁵ Uague gá nuhü n'da ran 'yohue mi he ra pahni xæm hmadi. Pe nu'ü, 'bäpü ja ra ngunts'ü'abi ü. ²⁶ Uague guá nuhü n'da rá pøngahyä Ojä. Majuani a gá nuhü, ne hinga hønt'a n'da rá pøngahyä Ojä, pe nu'a, xæn hëts'i rá ts'ëdi xinda gue'ü mi'da yü pøngahyä. ²⁷ Gue'a ra Xuua i hmam bë ja rá sòcuä Ojä, gue i ñna:

Nugä, ga pëhn'na n'da mam 'bëhni dim 'bët'o bë gní mba, da xih yü ja'i da

döp'e xən ho, i ɛm bə ja rám hman Ojə, bi 'yɛn'a ra Jesús.

28 Xínga n'da ra ja'i mi 'bəi ngue nuixté rá 'bəfi tengu ra Xuua. Pe nu'a to'o dim 'bəpə di manda rá ts'edi Ojə, nu rá 'bəfi da 'yørpə madague'a ts'utho, pe man'da nuixté a xinda gue'a ra 'bəfi i øt' ra Xuua ya, bi 'yɛn'a ra Jesús.

29 Ne nu yə hyäcahäi ne mi'da yə ja'i xí xixyäba ra Xuua Nxixyä, 'bə mi 'yø a bi man ra Jesús, bi bə'ə xən ho i øt' Ojə. **30** Pe nu yə fariseo ne yə xänbate nijà, ngue him bi nde'a ran xixyä bi 'yøt' ra Xuua, him bi numanho'a bi nde Ojə da 'yørpa'. **31** Ne xø bi 'yɛn'a ra Jesús:

—Be'a nín t'uti ga xi ahə ngue gui pəhmbə 'bə'a guí øthə. **32** Guí øthə tengu øt' yə t'uhni 'bə in ɛni ne i ɛmp'ə yə mit'uhnihə: "Nugähe, dá pəhmbe ra 'bida pe nu'ahə hin gán nəhmbə," ɛn'ə 'da. Ne xø ɛn'ə mi'da buya: "Pe nugähe, dá pəhmbe yə thuhu tengu'bə xən du n'da, ne nu ahə hin gán zomhbə," ɛn'ə mi'da. **33** Ne ngutho guí øthə tengu øt' yə t'uhni, ngue nu ra Xuua Nxixyä bi zəcua, ne him bin sihme'hə yə ja'i ne xím bi zi ra vino. Pe nu ahə gá 'yɛmdahə in 'youi ra z̄ithu. **34** Pe nugä, ngue dán ja'igä ua ja ra ximhäi, ne bá ɛcä ne dí sihmehe yə ja'i, ne nu ahə sā guí ɛnjə drá hyugugä ne drá mihnigä, ne guí ɛnjə dín amigogähe yə ziyate hyäcahäi ne yə ts'om'bäi. **35** Pe nu'bə majuəni i ja rán 'yomfəni n'da, da bədi to'o a ngue majuəni bi un rán 'yomfəni Ojə, bi 'yɛn'a ra Jesús.

Nu ra Jesús bin sihme bə ja rá ngu n'da ra fariseo i Simón

36 Ne n'da ran 'yohə mí tən rán xädi yə fariseo, bi xi'a ra Jesús din sihme bə ja rá ngu. Ne bi mbähä ra Jesús bəya, din sihme bə. **37** Ne nu'a n'da ra xisu ra 'yomt'ɛni a, ne nu'bə mi 'yøde 'bəpə ra Jesús, bi yərpə mi hu a ra Jesús, i tu n'da ra xito án t'øt'e ra do alabastro, mi po ra 'yɛthi yəmanho, xəm hmadi di muui. **38** Ne nu'a ra xisu mi hupə ja rá gua ra Jesús, ne mi zoni. Janangue bi mboxpə ja rá gua ra Jesús a rá guidä, ne bi ducua rá gua yə xtə, ne ɛmmə zəspa rá gua ra Jesús, ne bi xispa rá gua ra 'yɛthi yəmanho. **39** Ne nu'a ra mengu bə, 'bə mi nu

'bə'a i øt'a ra xisu, bi bənse: "Him majuəni rá pøngahyä Ojə a ra Jesús," ngue tho ɛmbi hingui pədi ra 'yomt'ɛni a ra xisu. **40** Nu ra Jesús buya, bi 'yɛmp'a:

—Nu'i grá Simón i ja'a ga xi'i.

Nu ra Simón bi 'yɛna:

—Gra xänbate, dami xic 'bə.

41 Nu ra Jesús bəya, bi xih ra Simón n'da ran t'uti, ne bi 'yɛmbi:

—Mi 'bə a n'da ran 'yohə zai di hmih ra mbeti. Ne mi 'bə'a n'da ran 'yohə bi hmiti cət'a ciénto, ne man'da bəya bi hmiti yote ma'det'a thoho. **42** Ne nu'u gätho yoho hin'yə 'bə'a dí co'ts'a ra mbeti xí mba ma hmít. Janangue nu'a xí hmih ra mbeti bəya, bi punba thoho. Dami xic ya, Simón, nda'a man'da da bən'a ra mate bi t'ørpe, bi 'yɛn'a ra Jesús.

43 Nu ra Simón bi dəh pəya, ne bi 'yɛna:

—Masque gue'a ran 'yohə min dupate xən ngu, man'da da bən'a ra mate bi t'ørpe, bi 'yɛna.

—Majuəni a guím bəni, bi 'yɛn'a ra Jesús.

44 Nu ra Jesús bəya, bi hyɛt'a ra xisu ne bi 'yɛmp'a ra Simón:

—Guí nu na ra xisu 'bəcua, nu'bə má cət'ua ja ni ngu xíngui ts'ə gá 'dac ra dehe gue xcá pe'tä ma gua, pe nu ra xisu i hucua, rá guidä í mbercä ma gua ne yə xtə í dugä ma gua. **45** Pe nu'i, hin gá səsca ma 'yogu ngue xquí zənguagui, pe nuna ra xisu him bin hə a ní zəsca ma gua. **46** Ne nu'i, hin gá cosca ma yə ra aceite, pe nuna ra xisu i hucua, bi xisca ma gua ra 'yɛthi yəman'u.

47 Guehna dí xi a i na, xən ngu rá ts'oqui na ra xisu ne xən ngu rá punbi ya, janangue ɛmmə im bəngä na. Pe nu'u im bənse ts'utho ra punbi i honi, man'da ts'utho im bəngä a, bi 'yɛn'a ra Jesús.

48 Ne nubəya, bi 'yɛmp'a ra xisu:

—Ya ma punbi ni ts'oqui ya, bi 'yɛn'a ra Jesús.

49 Ne nu'u i sihme bə bin 'yɛmzəhə a:

—To'o nín 'yohə na, gue i ɛna sā di punba yə ts'oqui n'da, bin 'yɛmzəhə a.

50 Pe nu ra Jesús bi 'yɛmp'a ra xisu:

—Gá 'yɛc'yɛgui, janangue ya ma punbi ni ts'oqui ya. Ní mba ya ne gan johya, bi 'yɛmbi.

8

Yü xisu bi mbäxa ra Jesús

¹ Nu'bu mi tho'i 'da yu pa, nu ra Jesús bi mbähä 'de'mayoho yu xädi bu ja yu hnini, ne bi mam bu 'bepu ni manda rá ts'edi Oja. ² Ne bi mbähä a ra Jesús 'da yu xisu xí hoc 'bu mí u, ne'u 'da xí hyønba thi yu zithu min 'yohu, ne'a ra María ra mengu bu ra hnini Magdala, gue mí 'yohu yoto yu zithu 'bu mi hoc'a ra Jesús. ³ Ne'a ra Juana, rá xisu ra Chuza, n'da ran 'yohu im hmu bu ja rá ngu ra ts'ut'abi Herodes. Ne'a ra Susana, ne xen ngu mi'da yu xisu bi mbähä, mi fäx'a ra Jesús ne yu xädi nangue yu mbeti zehu.

Rán t'uti ra mbomhmadä

⁴ Ne xen ngu yu ja'i bi nexpu i ja mi'da yu hnini, ne bim peti bu 'buh ra Jesús. Ne nu'a ra Jesús bi xi'a n'da ran t'uti, bi 'yemp'u:

⁵ —Nu n'da ran 'yohu bi mba bu ja rá huähi bá pom bu yu hmudä. Nu'u 'da yu hmudä bi zo bu ja ra 'yu, ne nu yu ja'i bi nem buya ne yu doja bi za. ⁶ Ne 'da'u yu hmudä bi zo bu ja yu ndaxnado, ne nu'bu mi bots'e 'bex bi hmanc'a n'dih*i*, nguetho hin'yu ra dehe bu ja yu do. ⁷ Nu'u mi'da yu hmudä bi zo bu ja yu 'uini, ne nu'bu mi bots'e, bi gom' yu 'uini u, ne him bin te. ⁸ Ne'u 'da yu hmudä bi zo bu ja ra hogahäi ne bin te xen ho bu, ne bin xandi, xen ngu bin ja, bi 'yem 'bu mi man ran t'uti.

Nu'u i ja yu zagu, bi 'yø'a dá ma, bi 'yemp'u yu ja'i ra Jesús.

Hanja bi xih yen t'uti yu ja'i a ra Jesús

⁹ Nu'u yu xädi, bi 'yän'na ra Jesús:
—'Be'a nam bon'a ran t'uti gá ma.

¹⁰ Nu'a ra Jesús bi 'ymp'u:

—Nu'ahu, Oja bi ja ahu gui pahmbu 'bepu ni manda rá ts'edi. Pe nu'u mi'da, dí xih yen t'uti u, nguetho in nu yu dä pe hingui padi 'be'a in nu, ne i ja yu zagu, pe hingui padi 'be'a i øde, bi 'yen'a ra Jesús.

Ra Jesús bi ma 'be'a nam bon'a rán t'uti ra mbomhmadä

¹¹ —Nuya, ga xi ahu 'be'a nim bon'a ran t'uti dá mangä. Nu'u yu hmudä, ra hmepya rám hman Oja u. ¹² Nu'u bi zo bu ja ra 'yu, ra hmepya u to'o bi 'yøh rám hman Oja, pe nu ra zithu bi japi 'bex bi pumbeni, ne him bi zä bi 'yc'yei ngue da mba nhyan*i*. ¹³ Ne

nu yu hmudä bi zo bu ja yu do, ra hmepya u to'o bi 'yøh rám hman Oja ne bin johya 'da yu pa. Pe him bi gopu mbo yu mbui rá hman Oja ne nu'bu bi zä ra zithu u, 'bex bi 'ueh puya. ¹⁴ Ne nu'u yu hmudä bi zo bu ja yu 'uini, ra hmepya u to'o bi 'yøh rám hman Oja, pe hont'a bi beni 'be'a dí hyuse yu mbui, ne 'be'a i ja ua, ne 'be'a bi numanhose, hinga xot'a din te bu yoho yu hmudä, ne nte bin ja a ra hoga hmudä. ¹⁵ Ne nu'u yu hmudä bi zo bu ja ra hogahäi, ra hmepya u to'o bi 'yøh rám hman Oja, ne bi mbes'pu mbo rá mbui, ne bi xi'u mi'da yu ja'i, ne xen ngu mi'da bi 'yc'yei nangue u, bi 'yen'a ra Jesús.

Ran nequi hinga nt'qgui

¹⁶ Ne man'da ran t'uti bi ma ra Jesús, bi 'yena:

—Xínga n'da ra ja'i di soc yu bombilla ngue da go'mi, o gue da mboxpu 'bit'ots'i, pe da 'yexpu m'batho ngue di nec bu mbo ra ngu. ¹⁷ Ngutho mam hmangä. 'Be'a gätho dí xi a zehehu, pe jatho gui xihmbu mi'da yu ja'i, janangue'a din ja ran nequi yu mbui.

¹⁸ Dami jamansuhu xen ho 'bu guí Øhmbu mam hmangä, nguetho nu'bu guí Øhmbu xen ho, sä guí pahmbu xen ho a mam hmangä. Pe nu'u to'o hingui øde xen ho, di pumbeni a zu ts'u bi 'yøde, bi 'ymp'u yu xädi ra Jesús.

Ra Jesús bi ma to'o rá mbe ne yu cu

¹⁹ N'da ra pa bi mba bu rá mbe ne'u yu cu ngue da nu'a ra Jesús. Pe him bi zä da nu nguetho emme du yu ja'i bu mi 'bui. ²⁰ Ne bi si'a ra Jesús i 'bapu thi rá mbe ne yu cu, in nde da nu a. ²¹ Nu ra Jesús bi dati, bi 'yena:

—Nu ma mbe ne ma cu, gue'u to'o i Øh rám hman Oja, ne øt'a i mam bu, bi 'yen'a ra Jesús.

Nu ra Jesús di japi din hę ran daqhi ne ra dehe

²² Nu'a ra Jesús n'da ra pa bi hyu n'da ra mbosa, bi mbähä yu xädi, ne bi 'ymp'u:

—Ga mbähä bu 'danguadi ra dadehe, bi 'yena. Ne 'bex bi mba buya.

²³ Pe nu'bu i 'yo'a ra mbosa bu ja ra dehe, bin a'ra Jesús. Ne emme nts'edi ran daqhi bi 'yen'a ra dehe, gue'bu go mi mbo ra dehe bu mbo ra mbosa, nts'utho a bin ja. ²⁴ Pe nu'u yu xädi, bi 'yents'a ra Jesús:

—Xänbate i, xänbate i, nde da goguahra dehe, bi 'y^embi.

Bi ndants'a ra Jessús, bi hecua ran dähi ne ra dehe, bin he'u baya, ne xan ho ra dehe baya. ²⁵ Nu ra Jessús bi 'y^emp'u yá xädi:

—Hanja, ha zu ts'utho guí ec'yeigahra.

Pe nu'u yá xädi bin su, ne bi hyonya thoho. Ne bin 'y^emzehe u:

—'Be'a din 'y^et'ui na ran 'yohra, ne ya 'bexque in he'a ran dähi ne ra dehe di hecp*i*, bi 'y^en'u.

Ra Jessús bi hoc'a n'da ran 'yohra min 'youi ra zithu

²⁶ Ne nu'bu min he ran dähi, bi thopuya, bi zøm bu ja ra häi Gadara, din hyant'ui bu 'danguadi ra häi Galilea. ²⁷ Ne nu'bu mi ga'a ra Jessús bu ja ra mbosa, bin c'at'ui n'da ran 'yohra ra mengu bu, min 'yohra yá zithu a. Ne nu'a ran 'yohra, him mí he rá he, ne him mi 'bupu ja rá ngu, pe mi 'bupu ja yan 'yägui. ²⁸ Ne nu'bu mi nu'a ra Jessús baya, 'bex bin dänyahmu bu ja rá gua ne nts'edi bi mba'a ra zithu:

—Nu'i Jessús, rá ts'unt'u i Ojá nuixte, 'be'a gui 'yorcähe ya. 'Yorcähe ts'u ra mate, o gadí angahe, ²⁹ bi 'y^en'a ra zithu 'bu mi xifi da bøm bu rá mbui ran 'yohra.

Nguetho na ya'a thoho bi unba ran 'yohra ne i xecta yu cadena i pa thu't'i, nangue rá ts'edi ra zithu, ne i sixpu ma'ueni mahøn'a. ³⁰ Nu ra Jessús bi 'yänba rá thuhu a ran 'yohra.

—Dí n'dan nets'igähe, bi 'y^em 'bu mi dädi.

Nguetho min 'yohra xan ngu yu zithu. ³¹ Ne nu'u yu zithu bi 'yäp ra mate ra Jessús hin da 'yentpu hapu bí nets'i, neguepu ja ra mba'ye xan hetho ne nts'utho. ³² Ne mi 'bupu xan ngu yu ts'udi mi sihme bu. ³³ Ne nu yu zithu bi bøm bu ja rá mbui ran 'yohra ne bi yarpu 'buh yu ts'udi. Ne gätho yu ts'udi 'bex bin tihi, bin gøxpu ja ra neguani, gätho bi zo bu dehe, bim 'bedi.

³⁴ Ne yan 'yohra mi fäh yu ts'udi, 'bex bi 'dah puya 'bu mi nu 'be'a bi 'yot'u yu ts'udi. Bi mba bu ja ra hnini nepu ja yu huähi, bi ma 'be'a bin ja. ³⁵ Ne xan ngu bi mba bu, ba nuse 'be'a bin ja. Ne bi nu'a ran 'yohra min 'yohra yu zithu, mi hupu ja rá gua ra Jessús, mi he rá he. Ya xí yam baya. Ne gätho yu ja'i bin su 'bu mi nu 'be'a bi t'ørpa ran 'yohra. ³⁶ Ne nu'u yu ja'i in 'yohra a ra Jessús, 'bu mi hoc'a ran

'yohra, bi xi'u m'bueju**a** bi zøm bu 'be'a gätho bi 'yot'a ra Jessús. ³⁷ Ne gätho mi 'bupu ja ra häi Gadara bi 'yäp ra mate ngue hin din 'yo bu ja ra xequi a, neguetho emme min su gätho u. Janangue'a nu ra Jessús, bi hyu ra mbosa mahøn'a ne bi mbähä yá xädi baya. ³⁸ Ne a ran 'yohra min 'yohra ra zithu, emme in ndehma da den'na ra Jessús. Pe nu'a ra Jessús him bi japi da mba. Pe bi 'y^embi:

³⁹ —Ní mba ni ngu ne gui mam bu 'be'a bi 'yot'a'a Ojá.

Ne nu'a ran 'yohra bi mba rá ngu baya, ne bi mam bu rá hnini a ran ho bi 'yorpa ra Jessús.

*Nu ra Jessús bi xoxa rá t'ixu ra Jairo, ne bi hocpu 'yu n'da ra xisu mi hemb ra mbej*i**

⁴⁰ Nu'bu mi mbeng bu ra Jessús 'danguadi ra dädehe, emme bin johya yu ja'i neguetho xan ngu mi tømp'u. ⁴¹ Ne 'bex bi zøm bu 'buh ra Jessús a ra Jairo, n'da ra ngärpi bu ja ra nijá, ne bin dänyahmu bu ja rá gua, ne bi 'yäp ra mate da mba ra Jessús bu ja rá ngu. ⁴² Nguetho hønt'a n'datho rá t'ixu mi 'bui, nengue 'de'ma yonjéya mi pe'ts'i, ne in nde da du. Ne nu'bu mi mbähä ra Jessús, emme da bu yu ja'i bu ní mba.

⁴³ Ne nu'bu mi mba bu 'yu, hin ní zøm bu ja rá ngu ra Jairo, bi zu'a n'da ra xisu mi hemb ra mbäji, nengue 'de'ma yonjéya mi hemp'a ran u. ⁴⁴ Pe nu'a ra xisu baya bi därpu rá nyampahni bu ja rá xathä ra Jessús, ne 'bex bin he'a ran u mi hembi.

⁴⁵ 'Bex bi 'yän'na ra Jessús:

—To'o bi därc*a* ma pahni, bi 'yena.

Pe gätho u mi 'bäpu bi 'y^embi: "Njom bi dä'i." Ne'a ra Pedro ne mi'da yá xädi bi 'y^emp'a:

—Hanja gní 'yena 'bo'o bi dä'a i, ne emme i du yu ja'i bu gní mba, bi 'y^embi.

⁴⁶ Pe nu ra Jessús bi 'y^emp'u:

—Pe dí pädi ngue n'da ra ja'i bi däqui neguetho ma ts'edigä ín ho'a, bi 'yena.

⁴⁷ Ne nu'bu mi bä'a ra xisu hingui sä din cøni, emme bin su, ne di fet'i, ne bin dänyahmu bu ja rá gua ra Jessús, ne bi xifi 'be'a í dädi. Ne bi 'yena ngue 'bex bi yam 'bu mi dädi. ⁴⁸ Nu ra Jessús bi 'y^emhthoh*o*:

—Grá xisu, bi zä bi yan'i nguetho gá 'yεc'yεi i ja ma ts'edi. Ní mba ya nε da hyu ni mbai, bi 'yεmbi.

⁴⁹ Nε yaqi ra xisu a ra Jesús 'bū mi zōm bū 'da yū 'yεhε ra Jairo xí nεxp̄a ja rá ngu, nε bi 'yεmbi:

—Nu ni t'ixu ya bi du'a, säti thoho guí pah na ra Hmu, bi t'εmp'a ra Jairo.

⁵⁰ Pe nu'a ra Jesús mi øde 'bε'a bi man'a, nε bi 'yεmp'a ra Jairo buya:

—O guín su, pe dami 'yεc'yεi nε din nu'a ni t'ixu, bi 'yεmbi.

⁵¹ Nε nu'bū mi zōm bū ja rá ngu a ra Jairo buya, nu ra Jesús him bi japi da tho'a mbo yū ja'i bū 'ben'a ra hmute xí du. Hønt'a ra Pedro nε ra Jacobo nε ra Xuua, nε rá mbe nε rá ta ra hmute bi thop̄a. ⁵² Nε mi 'bep̄a xan ngu yū ja'i mi zoni ngue xí du'a ra hmute. Nu'a ra Jesús bi 'yεmp̄a:

—O guí zomhbū nguetho hingui tu na, i qtho na, bi 'yεn'a.

⁵³ Pe nu yū ja'i bi den'na ra Jesús nguetho mi padi ya xí du'a ra hmute. ⁵⁴ Nu'a ra Jesús bi bñtpa rá 'yε ra hmute nε bi 'yεmbi:

—Nu'i grá hmute, dami ndants'i.

⁵⁵ Nε 'bex bi ndants' p̄ya, bin ja rá te, bim 'bñi mahøn'a.

Nu ra Jesús bi 'yεna:

—Dami 'ujmmi na ni t'ixuui ya, bi t'εmp'a rá ta nε rá mbe.

⁵⁶ Nu rá ta nε rá mbe bi hyonya thoho ngue bi dãmbñi rá t'ixu. Pe nu'a ra Jesús bi xifi njon da xifi 'bε'a bin ja.

9

Nu ra Jesús bi mbəhni 'dε'mayoho yū xädi da mamp'a rám hma

¹ Nu ra Jesús bi zohn'dū 'dε'mayoho yū xädi nε bi un yén t'edi ngue da hyøn'a thi yū zithu in 'yohū 'da yū ja'i, nε di hocua yén u i hεmb yū ja'i. ² Nε bi mbəhn'dū yū xädi din 'yo bū ja yū hnini bū, nε da mam bū 'bep̄a ní manda rá ts'edi Ojā, nε di hoc yén zäman'u. ³ Nε bi xi'u hin te da hyq̄ts'i, nε hin da hyq̄x rá tøhø xíng ra mbeti xínga gue mi'da yū pahni. Da mbatho. ⁴ Nε bi 'yεmp̄a:

—Hønt'a to'o rá ngu bū guí cəthū, gam 'bəhmbū bū gue'bū go gá thohmbū bū ja man'da ra hnini. ⁵ Nε nu'bū gá cəthū bū ja 'da yū hnini nε hin da 'yømanho yū ja'i bū

'bε'a guí mamhbū bū, nε 'bex gui pømhba bū ja yū hnini nε gui huajbū rá häi i pät ni mbonguahū, ra hmepya ngue gui zohmbū bū u, bi 'yεn'a ra Jesús.

⁶ Nu yū xädi buya bi mba hønbū go hap̄a ja yū hnini nε bi mam bū ran ho ma'da'yo. Nε bi hoc yū hyønni.

Nu ra Herodes bi ma bi hyεcpa rá 'yεga ra Xuua Nxixyq̄

⁷ Nε mí Ø'a ra ts'ut'abi Herodes 'bε'a gätho i øt'a ra Jesús, nε bi hyonya thoho. Nguetho nū 'da yū ja'i bi bñni gue'a ra Xuua Nxixyq̄ a, gue bi ndants' mahøn'a. ⁸ Nu'ū mi'da bi bñni gue gue'a ra Eliás a ra Jesús, uague man'da rá pøngahyq̄ Ojā ngue bi dãmbñi.

⁹ Pe nu'a ra Herodes bi 'yεna:

—Nugä dá manda bi thecpa rá 'yεga ra Xuua Nxixyq̄, janangue'a dí padi hinga gue'a ra Xuua a guí mamhbū. Pe to'o maha a, bi 'yεn'a ra Herodes.

Janangue εmmε min nde da nuse a ra Jesús.

Nu ra Jesús bi 'ujn'u cət'a mahuq̄hi yū ja'i

¹⁰ Nu yū xädi buya bá peng bū xí 'bəhni, nε bi xih ra Jesús 'bε'a bi 'yørp̄a bin 'yo. Nε nu'a ra Jesús buya bi mbäsehū yū xädi bū ja ra hnini Betsaida. ¹¹ Pe nu'bū mi ba'ū yū ja'i hap̄a ní mba a ra Jesús, bi dñnni. Nε nu'a ra Jesús bi zomanho u 'bū mi zädi, nε bi xi'u buya 'bep̄a ní manda rá ts'edi Ojā, nε bi hoc'u gätho yén zäman'u.

¹² Pe nu'bū mi ts'utho da yūh ra hyadi, gätho u 'dε'mayoho yū xädi ra Jesús bi xifi da 'yεt' yū ja'i, da mba bū n'danni ja yū hnini, din sihme bū nε bá op̄a 'bū bin xui. "Nguetho hin'yū 'bε'a da zi ua ma'ueni," εn'u.

¹³ Pe nu'a ra Jesús bi 'yεmp̄a yū xädi:

—Pe nu'a zehəhū gui 'ujmhba.

Nu'ū yū xädi buya bi 'yεmp'a ra Jesús:

—Pe hønt'u cət'a yū hme nε yoho yū t'uhuq̄ i ja ua. Pe hinda høn 'bū ga tämhbe mi'da yū hme, sä ga 'ujmhbe gätho yū ja'i i 'bəcua buya.

¹⁴ Nguetho mbε cət'a mahuq̄hi mi 'bep̄a yén 'yohū. Nu'a ra Jesús buya bi xi'u yū xädi di japi 'da n'danni da hyu'i yote ma 'det'a yū ja'i. ¹⁵ Nε bi hyu p̄a ya gätho tengu xi xifi.

¹⁶ Nε nu'a ra Jesús bi hyq̄n'a ra hme nε yū

huā, bi ndøs' mahëts'i, ne bi jąp'. Ne bi xeni bi un yá xädi di darpa u yá ją'i. ¹⁷ Ne gätho na ngu yá ją'i bin niyä ne bi bong thoho, 'dë'mayo 'bøts'e bi mbës'u yá xädi.

Nura Pedro bi ma gue'a ra Jesús ra Cristo

¹⁸ N'da ra pa bin yäseui Ojá ra Jesús, min 'yohu u yá xädi. Nu'bü mi gua'a bin yäui Ojá, bi 'yän'dü yá xädi:

—'Bë'a man yá ją'i nanguecä, 'bë'a im bën'u to'ogä.

¹⁹ Nu yá xädi bi 'yëmp'a:

—Nu'u 'da i ma gue'e grá Xuua Nxixya. Ne nu'u mi'da i ma gue'e gra Elías, ne nu'u mi'da i ma gue'e man'da ra pøngahyä mi 'büh maya'bü ngue bi dämbëni, bi 'yën'ü.

²⁰ Ne nu'a ra Jesús bi 'yänzehé yá xädi:

—Pe xi ahü, 'bë'a guím bëmhbu to'ogä.

Ne nu'a ra Pedro bi 'yëmbi:

—Nu'i gra Cristo rá Thahni i Ojá, bi 'yëmbi.

²¹ Ne nu'a ra Jesús büya bi hëcpa yá xädi njon da xifi to'o a.

Nu ra Jesús bi man rán däte

²² Ne bi 'yëmp'ü:

—Nugä ngue dán ja'igä ua ja ra ximhäi, i jatho ga nu ran ünbi xan ngu. Nu ma ngürpihü yá däc'yëi ne yá ngürpa mbäjä ne yá xänbate niyä hin da 'yëc'yëigui. Ne nu'u da hyogä u, pe ná hyu pa ga thämbënígä ne dam 'büi mahøn'a, bi 'yën'a ra Jesús.

²³ Ne man'da bi xi'u yá xadi, bi 'yëmp'ü:

—To'o gätho in nde da dëngui da hyeh rán t'ëdi zehé ne da hyät yän ünbi n'da pa ngu n'da pa, madague da tho. Ne da bëni tengu dím bëngä. ²⁴ Pe nu'bü 'bü a n'da im bën rá te, ne i su da nu yän ünbi, pe da nu ran ünbi mazai a. Pe nu'a hinguim bën rá te madague da tho 'bü da dëngä, di pøh rá te a. ²⁵ Hin te di muui n'da ran 'yohu 'bü da 'yøt'e rá mbëti 'bë'a gä i ja ua ja ra ximhäi, 'bü hin da dñ'a ra temazai.

²⁶ Ne nu'a gätho to'o i pes' rá sää nanguecä ne nangue mam hmangä, necä hín ga çëmbi ma t'uhni u 'bü bá çëcä ua ne gan 'yohe yá hoga m'bëhni Ojá mahëts'i, ne din jagä rá ts'ëdi Ojá ma Ta, nugä ngue dán ja'igä ua ja ra ximhäi. ²⁷ Pe majuani dí xi ahü, 'bëcua 'da hin da nu ran däte asta gue'bü go di du'mi di manda rá ts'ëdi Ojá ua ja ra ximhäi.

Ra Jesús 'dan'yo bü í nequi bü ja ra t'øhö

²⁸ Mbë ná hyato pa büya, ra Jesús bi mbähä bü ja n'da ra nyuni ra Pedro, ra Jacobo ne ra Xuua, ngue din yäui Ojá. ²⁹ Ne nu'bü min yäui Ojá a ra Jesús, 'dan'yo bü í nequi a rá hmi ne nu rá pahni çëmme xan t'axi, di fexni a. ³⁰ Ne 'bex bi nequi bü ra Moisés ne ra Elías bin yähu ra Jesús, mi 'büh maya'bü u. ³¹ Ne bi hyärpü n'da ran nequi hapü mi 'bä u. Ne nu'u bi mamhbü 'bë'a da t'ørpa 'bü bi tho bü Jerusalén a ra Jesús. ³² Pe nu'a ra Pedro ne'u min 'yohu bi züh ra t'äha u, pe nu'bü min nuhu bi nu di hyärpü n'da ran nequi bü 'bäh ra Jesús ne ra Moisés ne ra Elías. ³³ Ne nu'bü ma guepü da mba ra Moisés ne ra Elías, nu ra Pedro bi 'yëna:

—Ma Hmu i, çëmme xan ho ngue dí 'bühmbü ua ya, ga høcähe hyu yá t'üngu, 'da'a n'da ni mbëtihü. Nu'i, ne ra Moisés ne ra Elías, bi 'yëna.

Pe him mim bën'a mi man'a. ³⁴ Ne nu'bü mi 'yën'a ra Pedro, 'bex bá cä n'da ra güi bi go'ma ra Moisés ne ra Elías, ne çëmme bin su'u yá xadi ra Jesús. ³⁵ Ne bi t'øpü n'da ra nde bü ja ra güi ngue bi 'yëna:

—Nuna ma ts'ënt'ü dadí huçä na, dami 'yøhmbü 'bë'a i man na, bi 'yën'a ra nde.

³⁶ Ne nu'bü mi gua'a bi man'a ra nde bü ja ra güi, nu yá xädi bi nu 'bäse bü ra Jesús. Ne nu'u yá xädi, njom bi xi'u 'bë'a bi nu'u.

Ra Jesús bi hoc'a n'da ra t'uhni min 'youi ra zithu

³⁷ Nu'bü mi hyax büya, bi gäpü ja ra nyuni ra Jesús ne'u hyu yá xädi min 'yohu. Ne xan ngu yá jà'i bin c'athü ra Jesús. ³⁸ Nu n'da ran 'yohu nts'ëdi bi mbafi:

—Xänbate i, nurqui ts'ü ma ts'ënt'ü nguetho hønna zü n'datho dí si. ³⁹ Ne ja'bü im bënt ra zithu ne çëmme di ünba a, i texa hai, ne çëmme mbafi, ne di fet rá jà'i, ne i soh yá fëgui. Ne zäi di ja bü ra zithu. ⁴⁰ Ne dá xi'u ni xädi di hoqui, pe nu'u him bi zä bi hoqui, bi 'yën'a ran 'yohu.

⁴¹ Nu ra Jesús bi 'yëmp'ü:

—Nu'ahü guexta'a hin guí çëc'yëihü 'bë'a dí xi ahü. Ham'mi pa ngue ga tøp'a thohohü ngue gui 'yëc'yëigahü.

Ne xø bi 'yëmp'a ran 'yohu büya:

—Bá si ua ni ts'ënt'ü.

42 Ne nu'bu bá si ra ts'unt'u, bi bent mahøn'a a ra zjihu, bi døxa häi ne nts'edi bi unbi. Pe nu'a ra Jesúus bi xi'a ra zjihu da bøni, ne bi hoc'a ra ts'unt'u buya. Bi xi'a rá ta da zix buya. **43** Ne gätho yu ja'i bi hyonya thoho a rá ts'edi Oja.

Ra Jesúus bi ma mahøn'a rán døte

Ne guexta'a i yu ja'i ne i ma 'be'a gätho i øt'a ra Jesúus. Nu ra Jesúus buya, bi 'yømp'u yu xädi:

44 —Dami 'yøhmbu xun ho a dí xi ahu ya, nugä ngue dán ja'igä ua ja ra ximhäi, da mba ma dägä bu 'buh yu ts'om'bäi, bi 'yømbi.

45 Pe nu'u yu xädi him mi pødi 'be'a nam bøn'a i man'a ra Jesúus, nguetho Oja hin ni japi da bu'u, ne bi zu da 'yän'na ra Jesúus 'be'a nam bøn'a bi man'a.

Ra Jesúus bi 'yut yu xädi nda'a dim 'bet'o

46 Nu'u yu xädi bin junzehe u nangue'a to'o dim 'bet'o. **47** Ne nu'a ra Jesúus mi pødi 'be'a mim bu'u, ne bá si n'da ra t'uhni bi mbämp'u i 'bäi, **48** bi 'yømp'u yu xädi:

—Hønt'a go to'o da zimanho n'da ra t'uhni tengu na ngue i c'yeigui, neçä bi zimanhog 'bu ya bi 'yøt'a. Ne to'o bi zimanhogä nam bøni bi zimanho ma Ta. Ne nu'a to'o i øt'e ngue nte di muui, gue'a dim 'bet'o a, bi 'yøn'a ra Jesúus.

Nu'u hingui suju, ma amigohu u, bi 'yøn'a ra Jesúus

49 Nu ra Xuua buya bi xi'a ra Jesúus, bi 'yømbi:

—Nugähe dá nuhe n'da ran 'yohu bi ndøn'na ni thuhu 'bu mi hyøn'a thi yu zjihu, ne dá hecuahé nguetho him man 'yogähe a ran 'yohu.

50 Pe nu'a ra Jesúus bi 'yømbi:

—Nde'bu hin xquí hecuahu, nguetho nu'u hingui suju ma amigohu u, bi 'yømbi.

Nu ra Jesúus bi dømhyq ra Jacobo ne ra Xuua

51 Ne ya mi ts'utho da zøn ra pa da mba mahøts'i ra Jesúus. Ne bi nde bi mba bu Jerusalén, madague i pødi da mba ma unbi bu. **52** Nu'bu mi mba bu 'yu, bi xifi da tho'u 'da yu xädi, da hyonbi hapu din säya. Ne nu'u yu xädi buya, bi yørpu ja n'da ra hnini bu ra xuqui Samaria. **53** Pe nu yu ja'i

bu hinguin ndepe din säya bura Jesúus, nguetho him bi numanho ngue ni mba ba nu ra dømptet bu Jerusalén. **54** Ne nu ra Jacobo ne ra Xuua emme bin cuë 'be'a bi man yu ja'i bu buya. Ne bi 'yømp'a ra Jesúus:

—Ha guín nde ngue ga mandagä'be ra sibi ba cuh mahøts'i, ne din zø'u gätho bucua, bi 'yøn'u.

55 Pe nu ra Jesúus bi dømhyq u yu xädi buya, gue hingui ho a im bun'u. **56** Ne bi thopu man'da ra hnini buya.

Hu yun 'yohu ena da døn'na ra Jesúus

57 Ne nu'bu mi 'yo bu 'yu ra Jesúus bi 'yøn'a n'da ran 'yohu:

—Ma Hmu i, nugä ga tøn'ni i hønbu go hapu guí mba, bi 'yømbi.

58 Nu ra Jesúus bi 'yømp'a:

—Nu yu haho i ja yu oi bu ja yu hyødo, ne yu doja i ja hapu din säya u, pe nugä ngue dán ja'igä ua ja ra ximhäi, hin hapu i jasë ma oigä ua, bi 'yømbi.

59 Nu ra Jesúus buya, bi 'yømp'a man'da ran 'yohu:

—Dami tengui, bi 'yømbi.

Pe nu'a ran 'yohu bi 'yøm buya:

—Grá Hmu, 'be ga äcä ma ta 'bu bi du.

60 Nu ra Jesúus bi 'yømbi:

—Pe gue'u hingui ja ra te ma'da'yo, da 'yä'u xøn du. Pe nu'i gui tengui, gui xih yu ja'i 'bupu ni manda rá ts'edi Oja.

61 Xø man'da ran 'yohu bi 'yømp'a ra Jesúus:

—Ma Hmu i, dín nde ga tøn'ni i, pe 'be ga mbagä bu ma ngu dan 'yø'be ma ta ne ma mbe.

62 Pe nu ra Jesúus bi 'yømbi:

—Gätho to'o ena da dengui ne im bun'a bi zogui, hing yun sähu bu di manda rá ts'edi Oja u. Nu'a i øt'u tengu øt'a n'da ran 'yohu 'bu i hønhäi ne in yøh rá xuthä, hingui uøntho yu the i heequi.

10

Ra Jesúus bi mbun'du hyøte ma'det'a bujay yu hnini

1 Nubuya nu'a ra Jesúus bi huan'du hyøte ma 'det'a yu xädi ne bi mbuhní 'da'i yoho bu ja yu hnini guepu da those ra Jesúus. **2** Ne bi 'yømbi:

—Tenguthoho 'bu ya xø 'yo't'a n'da ra huähi, pe zü yonja'i tho ü yü xofo, xän ngu ü yü ja'i da 'yëc'yëi, pe go zü yoho thoho ü da xifi. Dami 'yäfù Ojä ra Hmu ba pënh mi'da yü mbëfi da xih yü ja'i da 'yëc'yëi.

³ 'Bex gui mbähä ya, ne nugä dí pën'nahü tengu'ü yü de'yo 'bu da mba bu 'bäh yü zate. ⁴ Ne o guí hax ni mbëtihä, xín ni buxahü, xín gui cæxhä ná yopare ni thixfanihü, gui mbäthohü ne hinga nya'a gui zenguahü yü ja'i bu 'yu.

⁵ Ne nu'bü guí cæthü bu ja n'da ra ngu ngue di säya ahü a ra mëngu bu, gui zenguahü, ne gui 'yäfù Ojä da 'yënspa rán japi a ra mëngu bu. ⁶ Ne nu'bü in nde rán japi Ojä a ra mëngu bu, da gohmi a rán japi Ojä 'bu, pe nu'bü hinguin nde, nte da gohmi 'bu. ⁷ Ne nu'bü gá sëmhbu bu ja n'da ra hnini, gam 'bähmbü bu hapü rá mbëdi da mba ma säya ahü. Hin gui päpü gam 'bähmbü. Ne gui sihü 'be'a gätho din 'da ahü, ne hin gui pes' ni säägui sihü nguetho gue'a guí tähmbü a ngue guí xihmbü rám hman Ojä ü. Ne njo'o n'da ra mbëfi ngue hin da mba njut'i. ⁸ Ne hønt'a go má hnini nguepü da ts'in ahü, gui sihü 'be'a gätho di 'da ahü yü ja'i.

⁹ Ne gui hoc'ü yün zäman'ü i 'bäpü, ne gui xihmbü yü ja'i ngue mi ts'ütho di manda rá ts'edi Ojä ua. ¹⁰ Pe hønt'a go nda'a má hnini gui cæthü, ne nu'bü hin da zin ahü yü ja'i bu, gan 'yohü bu ja ra hnini, ne gui 'yëmfü yü ja'i; ¹¹ "Nugähe dí huac ma guahe ra fonthäi ua ja ni hninihä, ra hmëpya ngue ga sogache ua. Pe gui pähmbü çna xtí manda maha ua rá ts'edi Ojä," gui 'yëmfü ü. ¹² Ne dí xi ahü, nu'bü bi zön ra pa ran juanbi, man'da xän ü tho ran unbi da nu'ü, xinda gue'ü mi 'bäpü ja ra hnini Sodoma, bi 'yën'a ra Jesús 'bu mi 'yëmp'ü yü xädi.

Da ts'änba rá muui yü ts'oqui ü him bi 'yëc'yëi ra Jesús

¹³ Í huëhi gätho ahü guí 'bähmbü bu ja ra hnini Corazín, ne gätho ahü guí 'bähmbü bu ja ra hnini Betsaida, nguetho ya gá nuhü yün t'ot'e nujxte dá øt'ä ne hin gá päh nin 'yomfënihä. Nu yü ja'i mi 'bäpü ja ra hnini Sidón ne'ü mi 'bäpü ja ra hnini Tiro, nu'bü xtá nu'ü yün t'ot'e nujxte gá nuhü ya, xtí päh yün 'yomfëni ü, ne xtá hye yü pahni

tengu yü 'døzä ne xtá 'yax yü 'bospi yü ja'i, ra hmëpya ngue çmme tu yü mbü nangue yü ts'oqui ü. ¹⁴ Ne nu'a ra pa rán juanbi Ojä, nu ahü man'da da zän'nahü ran unbi xinda gue'ü mi 'bäpü ja ra hnini Tiro nepü ja ra hnini Sidón. ¹⁵ Ne ahü guí 'bähmbü bu ja ra hnini Capernaum, gnín 'yëxhü a ngue guí çmhbü gui sëmhbu bu mahëts'i, pe hin'na, pe guepü ja ran unbi mazai gui mbähä, bi 'yën'a ra Jesús.

¹⁶ Ne bi 'yëmp'ü yü xädi baya:

—Nu'ü i øh ni ndehü, tengu'bü ma ndesegä bi 'yø'ü. Nu'ü to'o hin da zin ahü tengu tho'bü him bi zingä'ü, ne nu'ü him bi zingä, xím bi zin'a ma Ta bá pëngä, bi 'yën'a ra Jesús.

Bá penc'ü hyqte ma 'det'a xí mben'na ra Jesús

¹⁷ Nu'bü mambá penc'ü hyqte ma'det'a yü xädi a ra Jesús bu bi mbëhni, çmme bin johya ü. Ne bi 'yëmp'ü:

—Grá Hmu, hinga hønt'ü yün zäman'ü dá hoje pe ne'ü yü zithu dá hømhbe thi 'bu má ndømhbe ni thuhu, bi 'yëmbi.

¹⁸ Nu ra Jesús bi 'yëmp'ü baya:

—Dá nugä rá hmu yü zithu 'bu gmí tafü, bi mba häi tengu ra huei 'bu xän gäi, bi 'yëna, ne ya dá 'da ahü ra ts'edi gui tafü rá ts'edi man shihü. ¹⁹ Pe madague gui nes'hü yü pozü bu gui thohmbü, ne yü mbozu, pe nte da ja ahü. ²⁰ Pe hin gan johyahü ngue bi zä guí hømhbu thi yü zithu, pe nu'a gdín johyahü ngue bi zin ahü Ojä ne bi hyux ni thuhuhü bu mahëts'i, bi 'yën'a ra Jesús 'bu mi 'yëmp'ü yü xädi.

Bin johya ra Jesús

²¹ Nubaya nu rá Hogandähi Ojä bi japi çmme di johya ra Jesús, ne bi 'yëna:

—Dí ç'ts'a i nguetho gá japi bi bå'a ni ts'edi ü i hon'i, tengu yü t'ühni ngue hin te i padi, ne hinga gue'ü im bënsé ja yán 'yomfënië gá japi bi bå'ü. Ne gue'a gá 'yøt'e ma Ojä i, ngue gue'a gá numanhose guí øt'e, bi 'yëmp'a Ojä.

²² Ne man'da bi man ra Jesús, bi 'yëna:

—Gätho i ja a ma Ta bi 'daqui. Ne hønsé ma Ta i pácä xän ho ngue rá Ts'ünt'ügä, ne hønségä rá Ts'ünt'ügä dí pácä xän ho a ma Ta, ne'ü to'o ga japi da bå'a, bi 'yën'a ra Jesús.

23 Nε bi 'yεmp' u yú xädi:

—Gan johyahu ngue guín nuhu a dí øt'ä ya. **24** Majuqni dí xi ahu, xnngu yu pøngahyq Ojq nε xnngu yu ts'ut'abi mi 'bui, mi nde da nu'a guín nuhu ya, nε da 'yø'a guí øhmbu ya, pε him bi zä, bi 'yεmp' u yú xädi ra Jesús.

Rán t'uti a ran 'yohu bi huëc rá mijq'iui

25 Nε bi zøm bu 'buh ra Jesús n'da ra xänbate nijs, im beni da zä'a ra Jesús, nε bi 'yänni:

—Xänbate i, 'bε'a sä ga øt'ä n'dahma din jagä ra te mazai, bi 'yεna.

26 —Bε'a mam bu ja yán t'ëdi ra Moisés, bi 'yεn'a ra Jesús.

27 Nu'a ra xänbate nijs bi 'yεna:

—I mam bu: “Gam bεmhbu Ojq ra Hmu ngue gätho ma mbuihu nε gätho ma tehu, nε gätho ma ts'edihu, nε gätho man 'yomfεñihu, nε ga huëc ma mijq'ihu tengu bu nan huëc zehεhu,” i en rán t'ëdi Ojq, bi 'yεn'a ra xänbate nijs.

28 Bi dä'a ra Jesús buya:

—Majuqni guí ma. Nuya gui 'yøt' u nε din ja'a ra te mazai, bi 'yεmbi.

29 Nu ra xänbate nijs mi pap u mbo rá mbui ngue hinga gue'a mí øt'e, nε bi 'yεmthoho:

—Pε to'o ma mijq'i'be ga huëcä, bi 'yεn'a.

30 Nε nu'a ra Jesús bi xi'a n'da ran t'uti nε bi 'yεmbi:

—Nu n'da ran 'yohu mi 'yo bu ja ra 'yu, bí nexp u Njerusalén ní mba bu Jericó. Nε nu'u 'da yu bε bi gorpa'yu nε bi unba'a ran 'yohu, nε gätho u yá pahni mi he bi gaspi nε'a rá mbuti. Nε bi zopu nden'yu a ran 'yohu buya, ena da du. **31** Nε bi thopu n'da ra mbäju, nε bi nu'a ran 'yohu 'bem bu pε bi mbäcthoho.

32 Nε'a man'da ran 'yohu, ra mbufi bura nijs a, bi thopu, bi nu'a ran 'yohu 'bem bu, nε'a bi mbäcthoho tengu bi 'yøt' ra mbäju. **33** Pε nu'a n'da ran 'yohu, ra mengu Samaria, 'bu mi thopu buya, bi nu mi 'bem bu a ran 'yohu, nε bi huëc'a. **34** Nε bi xispu ra aceite nε ra vino bu xí ts'urbi, nε bi mbantpa ra 'bøt'e. Nε bi 'yεxa rá fani buya, bi zixpu ja n'da ra ngun'oi nε bi jamansu'a. **35** Nε nu'bu mi hyats'i, bi thopu ní mba, nε bi zocpi ts'u ra mbuti a ra mengu bu, nε bi xifu di jamansu'a

ran 'yohu, nε da gurpa rá gasto 'bu hin dí gua'a 'bu bá peng bu ní mba, bi 'yεn'a ra Jesús 'bu mi man ran t'uti.

36 Nubuya bi 'yän'na ra xänbate nijs:

—Xiya, nda'a nín 'yohu bi 'yørpa ran huëcate rá mijq'iui.

Bi dä'a ra xänbate nijs:

37 —Nu'a bi mbäts'i.

Nu ra Jesús bi 'yεmp'a buya:

—Ní mba din jabu gui 'yørpa ni mijq'ihu, bi 'yεmbi.

Ra Jesús bi mba bá nu'a ra Marta ne ra María

38 Ra Jesús nε'u yú xädi mi 'yo bu ja ra 'yu ní mba bu ja ra hnini Jerusalén, nε bi zøm bu ja n'da ra hnini guepu 'bu'a n'da ra xisu í Marta a. Nε nu'a ra Marta bi xi'u din säya bu ja rá ngu. **39** Nε mi 'bupu n'da rá juhue í María. Nu'a mi hupu i yá ra Jesús, bi 'yø'a bi man'a. **40** Pε nu'a ra Marta, xnngu ra 'befi i øt'e. Nε bi 'yεmp'a ra Jesús:

—Ma Hmu'i, ha hin guí urpa ra güenda 'bε'a øt' ma cu, nde'bu gui xifu di zεqui, bi 'yεmbi.

41 Nu ra Jesús bi dat'a:

—Ma zu Marta, emme guím ben'a ni 'befi.

42 Pε n'datho a mahyoní xnho, nε gue'a bi huan'na ra María, nε njon di 'uecpa'a mam hmangä i øde, bi 'yεn'a ra Jesús.

11

Ra Jesús bi xänba yú xädi din yaqh u Ojq

1 N'da ra pa bi 'ue'a ra Jesús nε bin yaqi Ojq. Nε nu'bu mi gua'a bin yaqi Ojq, n'da rá xädi bi 'yεmbi:

—Ma Hmu'i, dami xängahe dan yaqe Ojq tengu thoho ra Xuua bi xänba yú xädi.

2 Nu ra Jesús bi 'yεna:

—Ngubu gui mamhbu 'bu guí yaqh u Ojq:

Ma Ta ahe,
Da hnumansu ni thuhu
Nε dín ndehe din ja ua n'dihi ni ts'ëdi ngue
di manda ua.

3 Nε dami 'daje ra hmε dí homhbe ra pa i ja
bu ya.

4 Dami punga ma ts'oquuhe tengu thoho bu
na punbahe u i ørcaehe ran ts'o.
O guí hegähe da daje ran ts'o, gui 'yεmhbu,
bi 'yεn'a ra Jesús.

5 Ne xø bi xih man'da ran t'uti u, bi 'yεna:

—Xi'bø n'da ran 'yohø xtí mba bø rá ngu n'da rá amigo, made ra xui, ne xtá 'yεmbi: "Hmiqui ts'ø hyun thuhmø, **6** nguetho nu'a n'da ma amigo ja bi zøm bø ja ma ngu, ne hin'yø 'be'a ga unni da zi," xtá 'yεmbi.

7 Ne xi'bø xtá 'yεmp thoho: "Yo gadí paqui, nguetho ya án thø't'i ma ngu ne ya dá ohmbe gätho ma t'ahni, ne hingui sá ga ndants'i ngue ga 'da'i," xtá 'yεntho. **8** 'Be'a hmaha xtá 'yøt'a ran 'yohø 'bø. Nu'bø hingui pøs' rá sá di thoqui da 'yäpi, ne guehma da ndants'a rá amigo ne di un'na bi 'yädi, bi 'yεn'a ra Jesús. **9** In ja bø 'bø guí yahø Ojø, gui thoqui gui 'yäfø ne sá thocua thoho gui hyømhø. Thocua thoho gui hyømhø ne thocua thoho da zä guí tømhø. Thocua thoho guin zohmbø ne Ojø da xoc'ahø. **10** Nguetho gätho to'o da 'yädi da hyøni, ne gätho to'o da hyoni, da dñi, ne gätho to'o da zofo da xocpi, bi 'yεna.

11-13 Ne nu ahø madague gyø ts'om'bäihø, xínga n'da ahø gadí unhdø ra pozø ni t'uhnihø 'bø i ä ahø ra huø, ne xíng ra mbozø gadí unhdø 'bø i ä'ahø ra do'øni, pe hønt'a xøn ho gadí un ni t'uhnihø. Ha maguet'a Ojø ma Tahø 'bøpø mahøts'i ngue him ba pen'nahø rá Hogandøhi 'bø guí äfø a, bi 'yεn'a ra Jesús.

Bi t'εmp'a ra Jesús in 'you i ra zíthu

14 Ne mi 'bøpø n'da ran 'yohø hingui sá din yø, nguetho madi goreba ra zíthu. Ne nu ra Jesús bi hyøn'a thi ra zíthu ne bin yø ran 'yohø bøya. Nu yø ja'i εmmø bi hyonya thoho. **15** Pe nu'ø 'da bi 'yεna:

—Nuna ran 'yohø sá i høn'a thi yø zíthu, nguetho gue'a rá hmu yø zíthu bi un rán t'ødi na, sá εn'ø 'da.

16 Ne nu'ø mi'da bi zä ra Jesús 'bø ya majuøni Ojø bi un rá ts'ødi, ne bi 'yäp ra hmøpya mahøts'i. **17** Pe nu ra Jesús mi pørpa yøn 'yomføni n'da ngu n'da'ø ne bi 'yεmp'ø:

—Nu'bø din heczøhe yø ja'i 'bøpø ja n'da ra hnini, ne ba εh yøn saihø, hin da zä din tunhdø yøn saihø 'bø. Da mba ma juadi ø. Ne ngutho ø 'bøpø ja n'da ra ngu, 'bø din søse ø dim 'bødi. **18** Ne ngutho rá ts'ødi ra zíthu, ha da zä din søse ø ngue di 'bøh yø ts'ødi, ne sá guí εmhø, ngue'a rá ts'ødi ra

zíthu a ná høn'a thi yø zíthu ø. **19** 'Be'a ni ts'ødi guí εmhø i ja ni xädiø 'bø i høn'a thi yø zíthu. Guesø'ø i ut ahø ngue him majuøni guíø mamhø. **20** Nugä dí høn'a thi yø zíthu nangue rá ts'ødi Ojø, gue'a ctí pøhmbø ngue ya di manda rá ts'ødi Ojø ua guí 'bøhmbø, bi 'yεn'a ra Jesús.

21 Ne man'da ran t'uti bi ma, ne bi 'yεna:

—Nu'bø 'bø'a n'da i ja rá ts'ødi ne i ja 'be'a dám fädi xøn ho bø ja rá ngu, hin te da ja. **22** Pe nu'bø da zøm bø n'da ngue man'da i ja rá ts'ødi ne da døpi, da hyønba a nám fädi ne da duspi 'be'a gätho i ja bø ja rá ngu bøya.

23 Nu'a to'o hinga 'da'ingu dí mam'be, man saø'be a. Ne nu'a to'o hingui øt' ma 'befi, di japi dim 'be'ø mi'da.

Rán t'uti ra zíthu bá peng bø ja rá mbøi n'da raja'i

24 Ne man'da ran t'uti bi ma, bi 'yεna:

—Nu'bø bi bøm bø ja rá mbøi n'da ra ja'i ra zíthu, bin 'yo bø ja ra 'yonhäi, bi hyoni hapø sá dim 'bøi, ne nu'bø him bi dñi, bi bønsø ba peng mahøn'a hapø mi 'bøi. **25** Ne nu'bø mi zøm bø, bi nu njongui 'bøpø, ne ma hoqui xøn ho. **26** Ne nubøya, bi mba bá hom mi yoto yø zíthu man'da xøn ts'o xinda guesø'a bin honte, ne gätho bim 'bøhmbø bø. Ne nu'a ra ja'i bøya, bi gohi man'da xøn ts'o xinda gue'bø mi 'bøpø n'datho ra zíthu, bi 'yεn'a ra Jesús 'bø mi man ran t'uti. Din ja bø ø hinga gätho rá mbøi i εc'yei.

Ranjapi majuøni

27 Gätho na yø ra Jesús ne bi dø'a n'da ra xisu, bi 'yεna:

—Majapi'a ra xisu bi te'e, bi 'yεmbi.

28 Pe nu ra Jesús bøya bi 'yεmp'a:

—Pe ne'ø man'da majapi gätho to'o i øh rám hman Ojø ne i øt'a gätho i mam bø, bi 'yεmbi.

Yø ts'om'bäi bi 'yäh yø hmøpya mahøts'i

29 Bi munts'ø yø ja'i bø 'bäh ra Jesús, ne nu ra Jesús bi xi'ø man'da ram hma, ne bi 'yεmp'ø:

—Nu'ahø guí 'bøhmbø yø pa ja bø ya, gyø ts'om'bäihø, guí äjø ra hmøpya mahøts'i, pe hin te ma hmøpya da t'ut'ahø, pe hønt'a n'da ra hmøpya da t'ut'ahø tengu bi 'yøt'a ra Jonás. **30** Ne gue'a ra hmøpya bi 'yøt' ra Jonás, bi bøh yø ja'i bø ja ra hnini Nínive

majuani Ojä bí mbəhn'na. Ngutho ahü, sää güi pähmbü majuani bá pəngä Ojä 'bü gá nuhü 'be'a din jacä, nugä ngue dán ja'igä ua ja ra ximhäi, bi 'yëna. ³¹ Në dí xi ahü, nu'a ra xisu min ts'ut'abi bu Sur, 'dat'a güi ndans'hü a 'bü bin ja ran juanbi 'bü ran zegui. Në da 'yut'ahü ngue i ja ni ts'oquihü. Nguetho nu'a yatho bá ɛhë ngue míndé da 'yø'a bi man'a ra ts'ut'abi Salomón nangue rán 'yomfëni bi und Ojä, pe nu ahü, hin guín nde güi 'yøhmbü a dí mangä ngue dí 'buhmbü ua. Pe nugä man'da i ja rá ts'edi mam hmangä xinda gue ra Salomón, bi 'yën'a ra Jesús.

³² Në xø bi 'yëna:

—Në'ü mi 'büpü ja ra hnini Nínive 'dat'a güi ndans'hü a 'bü bin ja ran juanbi 'bü ran zegui, né da 'yut'ahü ngue i ja ni ts'oquihü, nguetho nu'ü 'bex bi päh yá mbü'i 'bü mí 'yø'a bi man'a ra Jonás, pe nu ahü, xø hin guín nde güi päh ni mbüihü nangue ni ts'oquihü. Në nugä, man'da xän hëts'i mam hmangä xinda gue ra Jonás, bi 'yën'a ra Jesús.

Nu'a dá pähmbü rán nequi Ojä

³³ Në xø bi 'yën'a ra Jesús:

—Pe njon di sòc'a n'da ra sibi ngue da go'mi, uague di cü't' pü ja ra huada. Pe i tixpü ja ra mbøxasibi, ndepe di yot'i gätho to'o ba ɛhë. ³⁴ Gue'a ni dähü di ja ahü güi hyanthü ran nequi. Nu'bü xän ho ni dähü, güi hanthü xän ho ran nequi, né nu'bü hingui ho ni dähü, xäm 'bexuitho bü güi hanthü. ³⁵ Në ngutho ni mbüihü di ja ahü güi pähmbü rán nequi Ojä. Nu'bü i hon ni mbüihü rán ho Ojä, i ja ahü ran nequi 'bü, nu'bü hin'na, sää güi ɛmhbü i ja ahü ran nequi, pe hont'a ra 'bexui i ja ahü. ³⁶ Nguetho hont'bü guín ndehü bü ni mbüihü, di 'uec'ahü ra 'bexui a Ojä né di 'da ahü rán nequi, né nubaya güi 'yøthü tengu'bü gyü sibihü né güi 'yuthü mi'da rá 'yu Ojä, tengu ra nyot'i di yorpü ní mba n'da, bi 'yën'a ra Jesús.

Nu ra Jesús bi xi'ü yü fariseo ne yü xänbate nijq maxøts'e thoho iyq'ü

³⁷ Në nu'bü mi gua'a man ra Jesús, n'da ra fariseo bi xih ná ts'ihme a ra Jesús, né bi mba bin sihmëhü. ³⁸ Në nu ra fariseo bi

nu him bin xü'yë ra Jesús, tengu i man yán t'edizehë yü fariseo, né bi hyonya thoho. ³⁹ Pe nu'a ra Jesús bi 'yëmp'a:

—Nu ahü gyü fariseohü, güi pethü xän ho ni ja'ihü, pe guexta'a xän ts'o ni mbüihü. Hont'a ran ts'iyate güim bëmhbü, gyü ts'om'bäi thohohü. ⁴⁰ Xøgue, xäm me tho ni mbüihü. Nu Ojä i padi 'be'a gadí jafü ni ja'ihü, pe ne'a ni mbüihü i padi 'be'a im bëni, nguetho Ojä gätho bi zän'dü, bi 'yëna. ⁴¹ Pe nu'bü güi huëc ni mijä'ihü né güi fäxhü, da fah puya mahoqui ni mbüihü.

⁴² Í huëhi maha ahü, gyü fariseohü, nguetho güi häxhü bü ja ra nijä a ná 'det'a yü 'yëthi yü tähü bi böxpü ja ni huähihü, pe go hin gá 'yøthü a man'da in nde Ojä ngue 'da xquín numanhohü ni mijä'ihü né xquí huëjü. Guehya nde'bü man'da güi 'yøthü, madague'bü güi thoqui güi 'yøthü a mi'da. ⁴³ Huëhi maha ahü, gyü fariseohü, emmë güi homhbü ngue da hnumansu ahü bü ja ra nijä, né gadí hohü yün zengua 'bü güi 'yohü bü ja ra täi. ⁴⁴ Í huëhi maha ahü, nu'ahü tenguthoho n'da ran 'yägui hingam fädi, né nu'a da thopü hin da bädi o bü xü 'ya. Ngutho ahü, im bëni yü ja'i ngue xän ho ahü, pe him majuani.

⁴⁵ Në mi 'büpü n'da ra xänbate nijä, né bi 'yëna:

—Nu'i grá Jesús, gra xänbate i, emmë gadí ünga ma mbüihü a gá ma, bi 'yëmbi.

⁴⁶ Bi dat'a ra Jesús:

—Në ahü, gyü xänbatehü, í huëhi maha ahü, nguetho emmë xän hëi a gá hyuspahü yán t'edí ra Moisés ngue güi xihmbü yü ja'i da 'yø't'e, pe nuse ahü xíngui ts'ü güi øthü a güi xihmbü da 'yø't'. ⁴⁷ Í huëhi maha ahü, güi hocpahü yü jadon'yägui ü yü pøngahyä Ojä bi hyo'ü nim bombøtahü, ngue güi nde da 'yën'ahü yü ja'i xän ho ahü. ⁴⁸ Pe gue'a gní 'yuhmbü ngue güi numanhohü yán t'øt'e ü nim bombøtahü, bi hyo'ü yü pøngahyä Ojä né go gadí hocpahü yü jadon'yägui bi 'yo ü.

⁴⁹ Pe nu Ojä i padi 'be'a gätho din ja, janangue'a bi 'yëna: “Ga pëhndä ü ma pøngahyä, né'ü mi'da da mam mam hmangä. Nu'ü 'da da tho, né nu'ü 'da da t'ëthoho,” bi 'yën Ojä. ⁵⁰ Janangue'a gue'a ctí nuhü rán ts'ëmbi Ojä nangue gätho yü

pøngahyä Ojä ne yám 'behni bi mba ntho gue'bä go rá mbädi ra ximhäi. ⁵¹ Nu rá mbädi ra Abel bi tho asta gue'bä ne'a ra Zacarías bi tho bä mbo ra däniä, tengu thoho 'bä ni ts'oquihä a gätho í tho'ä yá pøngahyä Ojä, ne gue'a dí un'nahä a.

⁵² Í huëhi maha ahä gyä xänbatehä, guí pähmbä 'be'a nam bön'a rá hman Ojä pe hinga gue'a guí xänbahä yä ja'i. Him majuäni guí tenhdä a ne hín gadí jafä da den'dä in nde da denni, bi 'yen'a ra Jesús. ⁵³⁻⁵⁴ Ne bi böm bä ra Jesús baya. Pe nu yä xänbate nijà ne yä fariseo emme bin cue, ne xö bi du'mi emme bi 'yän yan t'anni, ngue i honi 'bepä dí yäp'a ra Jesús.

12

Ra Jesús bi ma 'be'a din ja to'o i mam maxöts'e thoho

¹ Ne bim peti bä 'buh ra Jesús xan ngu yä ja'i, ne emme din tønthoho. Nu ra Jesús bi 'yemp'ä yä xädi:

—Gam fähmbä nangue yä ixi yä fariseo ngue hin gui tenbahä yän t'ot'e, éna xan ho bä na hnu ä pe n'dan'yo thoho im bën yä mbäi. ² Hin gui 'yothä tengu'ä nguetho gätho 'be'a im bëm bä mbo rá mbäi n'da, da fädi. Madague'bä én'ä njon da bädi, pe guehma din c'ä yä ts'oqui. ³ Ne gätho a i man'a n'da bä njongui øde, da hmam bä 'buh yä ja'i. Ne gätho i mam mant'ägui n'da bä ja rá ngu, da fäpä 'buh yä ja'i, bi 'yemp'ä yä xädi ra Jesús.

Gui suhü Ojä, bi 'yen'a ra Jesús

⁴ Ne xö bi 'yen'a:

—Nu'ahä, ma amigo ahä, o guí suhü in nde da hyo ahä. Nu'ä, sä da hyo'a ni ja'ihä pe hin'yä 'be'a man'da i sä da 'yot'e. ⁵ Ga xi ahä to'o a gui suhü. Dami suhü Ojä nguetho nu'a, i sä da hyo ahä ne i ja rá ts'edi da 'yen't'ahä bä ja ran unbi mazai. Majuäni dí xi ahä, jatho gui suhü Ojä.

⁶ Ne njom man'da gui suhü. Guim bëmhü yä doja, ts'ätho di muui, hønt'a zu yocentavo di muui ä cut'a ndoja, pe guexta'a i pa mfëni ä, Ojä im bën'ä. ⁷ Ne nu ahä man'da di mu ahä xinda gue yä doja bä ni bën Ojä, ne asta i pädi hangu na ngu i ja ni xtähu. Janangue'a o guín suhü.

To'o hingui su da ma nangue ra Jesús

⁸ Ne man'da bi man ra Jesús, bi 'yen'a:

—Majuäni dí xi ahä, gätho to'o hingui su da mangua ja ra häi gue i päqui, nugä, ngue dán ja'igä ua ja ra ximhäi, ga mam bä ja yä hmi yám 'behni Ojä, gue dí päcä ä. ⁹ Pe nu'a to'o da gøngä ua ja ra häi, necä ga cøngä bä mahëts'i a.

¹⁰ Nu'a to'o di c'äman'ugä nguecä ngue dán ja'igä ua ja ra ximhäi, sä da mba ma punbi 'bä da bën'a bi ma. Pe nu'ä to'o di c'äman'ä rá Hogandähi Ojä, hin'yä rá punbi ä.

¹¹ Nu'bä pa ma yäpi'ahä ne da ts'ix ahä bä 'buh yä ngärpi ja ra nijà o guepu 'buh yä ze'mi ne yä ts'ut'abi, pe o emme guim bëmhü 'be'a sä gui mamhü 'bä da mba ma juänni ahä, ¹² nguetho nu'bä gám 'bähmbä bä ja rá hmi ä, nu'a rá Hogandähi Ojä 'bex di bën'nahä gui mamhü, bi 'yen'a ra Jesús.

Rán t'uti ra membëti bi bënsë 'be'a da hyoni

¹³ Ne nu'bä min yä'a ra Jesús, mi 'bä inde bä 'buh yä ja'i n'da ran 'yohä, ne bi 'yen'mbi:

—Xänbate i, dami xih man 'yohä da xegäts'ä ra häi bi zoh ma ta'be.

¹⁴ Nu ra Jesús bi 'yen'a:

—Nu'i, grán 'yohä, hin dra ze'migä ngue ga øt'ä a guí ma, bi 'yen'mbi.

¹⁵ Ne xö bi 'yemp'ä 'bäpä:

—Dami jamansu ni mbäihä hin din ja ahä ran 'yuya. Nguetho hinga gue'a i ja n'da dám 'bä'a n'da, madague'a xan ngu i ja.

¹⁶ Ne nubäya, bi xi'a n'da ran t'uti, ne bi 'yemp'ä:

—Mi 'bä'a n'da ran 'yohä ra membëti. Ne nu'a rá häi emme xan ho, ne xan ngu 'be'a gätho bin ja bä. ¹⁷ Ne nu'ä yä ngumpe'ts'i, emme bi yudi ne bi bongthoho 'be'a mi ja bä ja rá huähi. Ne nu'a ran 'yohä bäya, bi bëni 'be'a sä da 'yot'e. ¹⁸ Ne bi bënsë: “Nuya, ga xo't' ma ngumpe'ts'i ne ga høh mi'da xan ndoho, n'dahma din ja hapä ga pe'ts'ä 'be'a gätho i jagä. ¹⁹ Ne nubäya, dam 'bätho, hønt'a dí hyu ma mbäi ga øt'ä,” bi 'yen'së ran 'yohä. ²⁰ Pe nu'a Ojä bi 'yemp'a: “Nu'i, hin guí pädi 'be'a guim ma, nguetho nán xui ya gui tu. Ne to'o hmaha da gohmi 'be'a gätho

guím bëni gui hyonse," bi 'yëmbi, bi 'yën'a ra Jesús.

²¹ Ngubü din ja gätho yü 'yëya, ngue'a hønt'a i ja ua ja ra ximhäi im bëni, pe hinga gue'a rá mbeti dí yanba yü te ü, bi 'yën a ra Jesús.

Nu Ojä dijamansu yü t'uhni

²² Në nubüya, bi 'yëmp'ü yü xädi:

—'Yo ñemme gui hyädumbüihü 'bë'a gui sihü ne 'bë'a gui hyehü. ²³ Në man'da xän ho guim bëmhü ni tehu xinda gue nin sihmehü, nguetho man'da di muui ni tehu, ne'a ni ja'ihü man'da di muui xinda gue ni hehü. ²⁴ Damin 'yomfënihü ts'ü 'bë'a i øt' yü ca. Nu'ü, hingui øt' yü huähi ne hin te i pe'ts'i 'bë'a i honi, pe nu Ojä di jamansu'ü. Pe man'da di jamansu ahü Ojä xinda gue yü doja, nguetho man'da di mu ahü. ²⁵ Nte sää gui tñsehü, xinga gue nin sihmehü, xinga gue ni hehü, xinga gue ni tehu, gue gam 'bühmbü ua nya'a thoho. ²⁶ Janangue'a hin gui hyädumbüihü ü nte di muui.

²⁷ Dami nuhü yü döni. Hin te má 'befi i øt'e, pe guehma i te. Në nu'a ra ts'ü't'abi Salomón mi he rá pahni mahotho ne xäm hmadi. Pe nu yü döni man'da mahotho xinda gue rá pahni mi he ra Salomón. ²⁸ Nu'a Ojä di jamansu yü döni ne di japi din te, madague n'da pa thoho i döni. Xi ahü, ha hin guím bëmhü ngue man'da xän ho di 'da ahü Ojä. Xøgue ts'ü'tho güi ëc'yëihü. ²⁹ Janangue o güi hyädumbüihü 'bë'a gui sihü n'da pa ngu n'da pa, ³⁰ nguetho nu'ü hingui ëc'yëi Ojä, gue'a i øt'ü. Pe nu'ahü ni Tahü 'büpü mahëts'i i padi 'bë'a gätho güi homhbü. ³¹ M'bët'o thoho guin unsehü di manda ahü rá ts'ëdi Ojä, ne nubüya di 'da ahü Ojä 'bë'a gätho güi homhbü, bi 'yën'a ra Jesús.

To'o di membeti bu mahëts'i

³² Xø bi 'yën'a ra Jesús:

—O guín suhü, madague'a hingui ngu ahü, nguetho i hu rá mbüi Ojä ngue ya güi 'bühmbü bu di manda rá ts'ëdi. ³³ Dami pähü 'bë'a i ja ahü, gui unhdü yü hyoya, ne din ja ahü xän ngu bu mahëts'i. Nubü, nte dim 'bëpü ne njäm'bu din thegue, hingui sä n'da ra bë da yärpu, xinga gue'ü yü zu'uë.

³⁴ Nu'bü guecua ja ra ximhäi i ja 'bë'a pe'ts'a

n'da, hønt'ua im bën'a n'da, ne nu'bü guepü mahëts'i, guepü im bën'a n'da bu, bi 'yën'a ra Jesús.

Ra Jesús bi ma da thø'mi xän ho

³⁵ Në xø bi 'yën'a ra Jesús:

—Dami tøgbahü ne gan sähü tengu'bu i sø ni sibihü. ³⁶ Tengu i øt' yü 'yëhe 'bü i tøm'bü yü hmu da mbeng bu xín sihme bu ja ran thäti, n'dahma 'bex da xocpa n'dihi 'bü bi zofo. ³⁷ Ñemme din johya ü bi dø'mi, nguetho da xi'ü da hyupü ja rá mexa, go gues'e'a ra hmu din 'yëhe buya, ngue da 'uïn'ü yü 'yëhe. ³⁸ Din johya ü bi dø'mi madague'a made nxui uague t'üxuditho 'bü bi zøh ra hmu. ³⁹ Nu n'da ran 'yohü 'bü xtám badi 'bë'a ní pa da yärpu ra bë bu ja rá ngu, xtán dø'mi, hin di japi da fëpi 'bë'a pe'ts'i. Pe hingui padi 'bë'a ní pa da yärpu ra bë, janangue i tø'mi gätho yü pa. ⁴⁰ Ngutho ahü gui tøgbahü nguetho hin güi pähmbü 'bë'a ní ora ba pengä, nugä ngue dán ja'igä ua ja ra ximhäi, bi 'yën'a ra Jesús.

Rán t'uti yü 'yëhe xän ho ne'a hingui ho

⁴¹ Nu'a ra Pedro buya, bi 'yänni 'bë'a bi man ra Jesús, bi 'yëmbi:

—Ma Hmu i, ha høngdähe güi xije ran t'uti, uague gätho ü mi'da güi xifi.

⁴² Nu ra Jesús bi dati:

—Nu'a ra 'yëhe xän ho, nzai i øt' rá 'befi xän ho, ne di manda bu ja rá ngu rá hmu, ne di darpa yü mi'yëhehü. Në nu'bü bi zøn ra ora din sihme ts'ü yü mi'yëhehü, i 'uïn'ü xän ho. ⁴³ Në nu'a ra 'yëhe, da dñ'a rá hmu bu dim peh 'bü bi zøhø, da nu ran johya a buya. ⁴⁴ Nguetho majuäni dí xi ahü, nu rá hmu di un man'da ra 'befi ngue di manda buya 'bë'a gätho i pe'ts'i. ⁴⁵ Pe nu'bü n'da ra 'yëhe im bënsé him ba ë'a n'dihi rá hmu, ne di dë'mi dí ünba yü mi'yëhehü, madague yü xisu o gue yän 'yohü, ne i sihmëzëhe ne i mihi, ⁴⁶ ts'ürpü thoho ba çh rá hmu ne bi dñ'a rá 'yëhe bu hin di jamansu rá 'befi, ne da za'a rá 'yëhe buya. Në da hyön'a thi, ne da 'yëmbi nte rán jaui a. Në da mbënpü ba nu ran ünbi bu 'bëh mi'da guexta'a him bi 'yøt'a xí sifi, bi 'yën'a ra Jesús.

⁴⁷ Në man'da ran t'uti bi xi'ü, ne bi 'yëmp'ü:

—Nu n'da ra 'y়েহে 'bu mi bাদি 'be'a in nde rá hmu, ne him bi 'y়োt'e, pe xan u tho ram fei din jap'a. ⁴⁸ Pe nu'a n'da ra 'y়েহে 'bu hingui padí 'be'a in nde rá hmu, ne him bi 'y়োt'a i numanhó rá hmu, pe ts'utho ram fei din jap'a. Nu'a to'o bin japi da bাদি xan ngu, jatho da 'y়োt'e xan ngu. Ijatho da 'y়োt'e n'da ngu n'da hangu na ngu bin japi da bাদি, bi 'y়েn'a ra Jesús.

Din ja yun heque

⁴⁹ Ne xø bi 'y়েn'a ra Jesús:

—Nugä bá ęcä, pe hinga gätho yu ja'i da numanhogui, janangue din sa'ü 'da. Pe guexta'a hinga nan ja xan ho. ⁵⁰ M'bët'o ga nu xan ngu yan unbi, ne nu'bu bi zon ra pa din ja'a dím ma, n'da ran unbi xan uthro ga nugä buya. Ne xan ho 'bu ga nu n'dihi. ⁵¹ Pe o guí ęmhbu din hę yu sui ngue bá ęcä ua, pe man'da din ja yu sui. ⁵² Nuya din hec yán 'yomfensi u 'bepu ja n'da ra ngu. Tengu'bu hyu'u 'bepu da dengui, yoho u hin da dengui. ⁵³ Ne din hec yán 'yomfensi yan 'yohu ne din sahmbu yu ts'ant'u nanguecä. Ne yu xisu din sahmbu yu t'ixu ne din sahmbu yu ts'ihue, hinga 'da'angu da bemhbü, bi 'y়েn'a ra Jesús.

Nu yu ja'i him bi bq'a rá hmepya ra Jesús

⁵⁴ Ne xø bi 'y়েn'a ra Jesús:

—Nu'bu guí nuhu n'da ra güi ní bøxpü ní yuh ra hyadi, guí ęmhbu din 'ye, ne din 'ye buya. ⁵⁵ Ne nu'bu guí nuhu ba ęh ran dähi bu sur, guí ęmhbu xtám pa ra pa buya, ne xtám pa buya. ⁵⁶ Maxøts'e tho guím mamhbü, guí pahmbu 'be'a din ja ra pa, pe ne hin guí pahmbu 'be'a ní hmepya guí nuhu ya, bi 'y়েn'a ra Jesús.

Damin hocpazehé nin suihu

⁵⁷ —Hanja ngue hingui sä gan 'yomfensi 'be'a xan ho gui 'yothu, bi 'y়েn'a ra Jesús. ⁵⁸ Nu'bu 'bu'a n'da da zix ahu buh ra ze'mi in nde di yap'ahu, nu'bu gá mbe bu 'yu, gan hocuazehéhu bu 'yu. Nu'bu hin'na, guehma gui sømmi buh buh ra ze'mi, ne di manda da jo ahu. ⁵⁹ Ne hin da zä gui pømhbü bu asta gue'bu go gá juthu gätho bi zanni gui juthu, bi 'y়েn'a ra Jesús.

13

Hnehi thoho di pah rán 'yomfensi n'da

¹ Ne bi si'a ra Jesús 'be'a xí t'ørpa 'da yu mengu bu Galilea ne bi t'ęmbi:

—Nu'a ra Pilato bi manda dí ho'ü 'da nu'bu mim bøx yu 'bøts'e bu ja ra däniјa Njerusalén, bi 'y়েmbi.

² Nu'a ra Jesús bi 'y়েmp'ü:

—Ha guím bemhbü man'da i ja yu ts'oqui u to'o bi mba ntho xinda gue'u mi'da yu menguhu. ³ Pe hin'na maha. Pe dí xi ahu, ngubu dín un'nahu. Gui nuhu ran ts'embü mazaj 'bu hin gui päh nin 'yomfensi. ⁴ Ne'u 'de'ma hyato bi du bu Siloé 'bu mi yøt' ra jado, ha guí ęmhbu man'da mi ja yu ts'oqui u xinda gue'u mi'da 'bepu Jerusalén. ⁵ Hin'na maha, ne ngutho ahu guin nuhu ran unbi 'bu hin gui päh nin 'yomfensi, bi 'y়েn'a ra Jesús.

Ra hmepya ra za him bin zuh yán dät'o

⁶ Ne nubaya, bi xi'a n'da ran t'uti, bi 'y়েna:

—Mi 'bu'a n'da ran 'yohu mi ja n'da rá huahi. Ne bi 'y়েt'a n'danza ra higo. Ne mi pa ran 'yohu da nu 'bu di zupu yán dät'o, pe xinga n'dandí bin zah yán dät'o ra higo. ⁷ Janangue bi zon'na rá mbefi bu ja rá huahi ne bi xifi da 'yexa ra za: “Nuya, ná hyu jeya ya ngue dí tø'mi din ja yán dät'o na ra za, pe hin te i zudi. Dami 'yex ya, ndetho í sənba yu dehe ra häi a ra za,” bi 'y়েmbi. ⁸ Pe nu'a rá mbefi bi 'y়েna: “Dím 'bepu man'da jeya, ga zənspa ra häi bu rán dui, ne ga ponbä xan ho yu häi. ⁹ Xøhma din zah yán dät'o buya. Pe nu'bu hin din zudi, ga exä 'bu,” bi 'y়েn'a ra mbefi buya, bi 'y়েn'a ra Jesús 'bu mi man'a ran t'uti.

Nu'a ra Jesús bi hoc'a n'da ra mbedi xisu

¹⁰ N'da ra pa ran säya buya, min xänbate bu ja ra nijsa ra Jesús. ¹¹ Ne mi 'bepu n'da ra xisu ngue ná 'de'ma hyato jeya madí unba ra zjithu, him madi japi di juan rá ja'i. ¹² Ne nu'bu mi nu'a ra Jesús, bi 'y়েmbi:

—Grá xisu, ya bi zä ni ja'i ya, bi 'y়েmbi.

¹³ Ne bi mba nthädi ra xisu buya, bi dä'a ra Jesús, 'bex bi juan rá ja'i a buya. Ne nu'a ra xisu bi 'yexpa Oja. ¹⁴ Pe nu'a ra ngurpi bu ja ra nijsa emme bin cué nguetho bi nu ra Jesús bi hoc'a n'da ra ja'i ra pa ran säya. Ne bi 'y়েmp'ü mi 'bepu:

—Nts'anni 'dato pa gam pøhmbu n'da se-mana, ne gue'u yu pa gua ęhmbu ngue din

hoc'ahua, pe hinga gue ra pa ran säya gua
xi hmbua da mba ma hoc'ihua, bi 'yen'a ra
ngärpi bu ja ra nijä.

15 Nu ra Jesús bi 'yen'a:

—Xi ahua, ha hin guí xoju nin dänihu ne guí
sixhu bu ja ra dehe madague ra pa ran säya.

16 Ne mi 'bäcua n'da ra xisu rám bom'beto ra
Abraham, ná 'de'mahiyo njeya madi unba
ra zjithu tengu'bu án thu't*i*, ne guí emhbu
hingui ho ngue dá xocpä a nangue rá ts'edi
ra zjithu, nguetho ra pa ran säya ya, bi 'yen'a
ra Jesús.

17 Bin hetho u yan saihu ra Jesús buya, ne
bi mbes' yu sä. Pe nu'u yu ja'i bin johya 'bu
mi nu yan t'ot'e nujxte bi 'yot'a ra Jesús.

Rán t'uti ra hmudä ra mostaza

18 Ne xø bi 'yen'a:

—'Be'a ní hmepya sä ga xi ahua ngue ga
ut'ahu 'bepu ní manda rá ts'edi Ojau.

19 Nu'a, tengu rá hmudä ra mostaza. Za ts'u
'bu xu 'boni, pe nu'bu xum bots'e, i te tengu
n'da ra za, ne yu doja i øt' yu 'bafi bu ja yu
'yε, bi 'yen'a ra Jesús.

Ran t'uti rá íxi ra thuhme

20 Ne xø bi 'yen'a:

—Be'a man'da ra hmepya sä ga xi ahua
ngue ga ut'ahu 'bepu ní manda rá ts'edi Ojau.
21 Nu'a, tengu ra íxi 'bu din jap'a ra jäni,
ne gätho bi nden'a ra jäni buya, bi 'yen'a ra
Jesús.

Ran t'uti ra goxthi xun ts'it'i

22 Nu ra Jesús i 'yo ra 'yu ní mba bu
Jerusalén, ne bi xänba yu ja'i bu ja yu hnini
bi thogui. **23** Ne nu'u da yu ja'i bi 'yänni:

—Ha hin ε ngu'u yu ja'i dim pøhø, gue da
mba nhyanu, εn'u.

24 Nu'a ra Jesús bi däti:

—Nu'a ní yet'a n'da bu mahets'i, tengu
n'da ra goxthi xun ts'it'i. Dami hyomhbu
gui cathu bu, nguetho dí xi ahua, da zøn ra
ora xun ngu da nde da yerpu, pe ya him
man zä. **25** Nguetho da zøn ra ora da gut
ra goxthi ra Hmu, ne dim bäpu thi u 'da da
zo'a, da 'yembi: "Ma Hmu i, dami xogahe."
Pe nu'a ra Hmu da 'yemdau: "Hin dí paq
ahua," da 'yembi. **26** Ne nu'u da 'yen'u: "Pe dán
sihmehu, ne gá xängah bu ja ma hninihe,"
da 'yembi. **27** Pe nu'a ra Hmu da 'yena:
"Pe dí xi ahua, hin dí paq ahua, ní mbähä bu,

hin da zä gui cathu ua, gyu ts'om'bäihu," da
'yemthoho u.

28 Ne emme da bendumbhi u 'bu dim 'bäpu
thi bu di manda rá ts'edi Oja. Ne din zom bu
di cuxt' pu yu ts'i u nangue ran unbi da nu
bu. Ne da hyant'a ra Abraham 'bepu mbo,
ne ra Isaac, ne ra Jacob, ne gätho mi'da yu
pøngahyq Oja, **29** ne da hnu u xun ngu mi'da
yu ja'i ngue bi nexpu gä na ngeni ra ximhäi i
hupu di manda rá ts'edi Oja. **30** Ne dí xi ahua,
to'o εna i 'bet'o ua, dim 'bejua bu u, ne nu'u
t'εmbi i 'bejua ua, dim 'bet'o bu u, bi 'yen'a ra
Jesús.

Ra Jesús min nde xtí huec'u 'bepu Jerusalén

31 Nu'bu mi man'a ra Jesús, bi zø'i 'da yu
fariseo ne bi 'yen'u:

—Nde'bu gui pøn'a n'dihi ua di manda rá
ts'edi ra Herodes, ne in nde da hyo'a i.

32 Bi dä'a ra Jesús:

—Nu ra Herodes ra hyäte a. Ní mbähä
gui xihmbu ngue nuya ne nixudi ga thoqui
ga øt' ma 'befi, ga høn'a thi yu zjithu, ne ga
hoc yu hyenni bu ga thogui. Nimani buya
ga juacä ma 'befi, gui 'yemfu, bi 'yembi.
33 Nuya, ne nixudi, ne nimani dan 'yogä, i
jatho ga søm bu Jerusalén, nguetho guepu i
tho bu yu pøngahyq Oja, bi 'yen'a ra Jesús.

34 Ne emme bi du rá mbui ra Jesús
nangue'u i 'bepu Jerusalén, ne bi 'yen'a:

—Nu ahua gyu menguhu Jerusalén, guí
hohu yu pøngahyq Oja, ne gadí bat'adohu
u bí pen'nahu Oja. Hangu yu pa dá nde
ga jamansu ahua tengutho n'da ra c'u'oni i
comp' yu basi 'bu xun de, pe nu ahua hin gá
ndehu. **35** Nuya njon da mbäh ni hninihu ne
hin din ja ahua rán japi Oja. Ne dí xi ahua, hin
gui nuju mahøn'a jague'bu bá εcä mahøn'a.
Ne nu'bu gá nuju, gui 'yenju: "Majapi a bá
εhu nangue rá thuhu ra Hmu," gui 'yenju, bi
'yen'a ra Jesús 'bu mi 'yemp'u yu mengu bu
Jerusalén.

14

Nu'ara Jesús bi hoc'an'da xun nden rá ja'i

1 Nu n'da ra pa ran säya, bi mba bán
sihmeh bu rá ngu n'da ra ngärpa fariseo a
ra Jesús. Ne gätho i 'bepu ja ran sihmeh
emme bi dø'mi da nu 'be'a da 'yot'a ra Jesús.

² Nguetho mi 'bepa n'da ran 'yohu xu nden rá ja'i. ³ Ne nu'a ra Jesús bi 'yän'du yu fariseo ne yu xänbate njä buya:

—Ha din theui yun t'ëdi 'bu di hoc'a n'da ra hyënni 'bu ra pa ran säya, ën'a.

⁴ Pe xínga n'dau bi dat'a. Nu ra Jesús buya, bi hoc'a ran 'yohu ne bin 'yëhmi. ⁵ Ne nubuya, bi 'yëmp'u yu fariseo ne yu xänbate njä:

—Xi'bu n'da ahu, 'bu xtan däh nin danihu ogue ni buruhu bu ja ra hyahi a ra pa ran säya, ha hin guí jaxhu madague ra pa ran säya, bi 'yën'a ra Jesús.

⁶ Pe xínga n'da bi zä bi däd*i*.

Ra Jesús bi ma hin da hyoni din nujxte zëhe n'da

⁷ Nu ra Jesús buya, bi nu'u 'da i hon yun thuts'i, in nde 'darpu da hyuhmbu u i pa nt'ëspi bu ja ran sihme, ne bi 'yëna:

⁸⁻⁹ —O guí homhbu ngue 'darpu gui hyuhmbu u ja yu ts'ëdi, nguetho nu'bu 'darpu guí huhmbu u, xi'bu da zom bu n'da ngue man'da da t'ëspi, ne da xi ahu ra mengu bu, "Guí ndanju nguetho rán säui da hyupu na," da 'yën'ahu. "Bá huhnu," da 'yën'ahu, ne emme gui pes' ni sähu buya.

¹⁰ Man'da xun ho gui hyuxhu bu ma'ueni ts'u 'bu gá cathu bu ja ran sihme, ne nu'bu bi nu ahu ra mengu bu, da xi ahu: "Amigo ahu, ba çhmbu ua, gui hyuxhu ua man'da xun ho," da 'yën'ahu. Ne gätho' u 'bepu da numanho ahu buya, bi 'yën'a ra Jesús.

¹¹ Nguetho gätho' u din 'yëzehu, da zon ra pa da go'ahu. Pe gätho to'o hin din 'yëzehu, da zon ra pa da t'ëspi, bi 'yën'a ra Jesús.

¹² Ne xo bi 'yën'a ra Jesús, bi 'yëmp'a ra mengu bu:

—Nu'bu gui 'yot'a n'da ran sihme, o guí zon'du ni amigo, xínga gue'u ni cu, xínga gue'u ni meni, xínga gue'u yu membeti guin ttot'am'baihu, nu'u, m'bejua da zix'i i gan sihme, tengu gá 'yorpe. ¹³ Pe nu'bu gui 'yot'a n'da ran sihme, dami zon'du yu hyoya, ne yu mbedi, ne yu dogua, ne yu xäda, ¹⁴ ne di jap'ahu Oja buya. Nguetho nu'u, hin da zä di co'ts'a'i 'be'a gá 'yorpa u. Pe Oja di co'ts'a 'bu bi zon ra pa da xox'u yu 'yc'yei xun du, bi 'yën'a ra Jesús.

Ran t'uti ra dqnsihme

¹⁵ N'da ran 'yohu mi sihmebu, 'bu mi 'yø'a bi man ra Jesús, bi 'yëna:

—Majapi gätho to'o din sihme bu di manda rá ts'ëdi Oja, bi 'yën'a ran 'yohu.

¹⁶ Ne nu'a ra Jesús bi xi'a n'da ran t'uti nangue'u to'o njuqantho din sihme bu di manda rá ts'ëdi Oja, ne bi 'yëmp'u:

—Mi 'bu'a n'da ran 'yohu bi 'yot'a n'da ra dqnsihme, ne emme xun ngu u bi xifi din sihme bu. ¹⁷ Ne nu'bu mi gua'a bi hoc ran sihme, bi mben'na rá 'yehe da xi'u 'bex ba ehu. ¹⁸ Pe gätho u bi ma hingui sä da mba. Nu n'da ran 'yohu bi 'yëna: "Nugä ja dá tängä n'da ma huahi, jatho ga mba ba nugä. Dami pungagui, hingui sä ga mba," bi 'yën'a n'da. ¹⁹ Ne nu'a man'da ran 'yohu xo bi 'yëna: "Nugä ja dá tängä cut'a pare yu mbandu*ni*, jatho ga säpi ga pepi, dami pungagui, hingui sä ga mba," bi 'yën'a man'da. ²⁰ Ne xo man'da buya bi 'yëna: "Ja dá singä n'da ma xisu ne hingui sä ga mba bu," bi 'yën'a.

²¹ Nu'a ra 'yehe buya, bi mbengbu ja rá ngu'a rá hmu, ne bi xifi 'be'a gätho bi man'u yun 'yohu. 'Bex bin cu'e'a rá hmu buya, ne xo bi mbenh mahon'a ngue da mba n'dihu bu ja yu 'yu ra hnini, ne ba si'u yu hyoya, yu mbedi, ne yu xäda, ne yu dogua da dijm bu, ba ehu din sihme. ²² Nubuya, nu ra 'yehe bi 'yëmp'a rá hmu: "Bucua ya bá sigä ya, pe him bi yuh ni ngu." ²³ Nu rá hmu buya, bi 'yëmbi: "Ní mba bu ma'ueni ts'u ra hnini, ne dami 'yorpa ts'ëdi ba çhmbu hont'a go to'o guitu bu 'yu, da yuh ma ngu. ²⁴ Pe xínga n'da ran 'yohu rá mbedi dá zohndä da zi na man sihmega," bi 'yën'a rá hmu, bi 'yën'a ra Jesús 'bu mi man na ran t'uti. Bi ma nangue'u t'ëmbi hin yun sähu, pe man'da go da yorpa di manda rá ts'ëdi Oja u.

Da nu yun u**nbi to'o da den'na ra Cristo**

²⁵ Ne xun ngu yu ja'i mi ten bu 'yu ra Jesús. Nu ra Jesús buya, bi nyëgui ne bi 'yëmp'u:

²⁶ —To'o gätho in nde da dengui, jatho man'da xun ngu da bengä xinda guepu nam ben'a rá ta o gue rá mbe, ogue rá xisu, ogue yu tuhni, o gue yu cu. Jatho man'da da bengä xinda guepu nín huczehu. Nu'bu hin'na, hin da zä da dengui. ²⁷ Ne to'o gätho

hin da hyät yän unbi, ngue i su da tho 'bu da dëngui, hin da zä da dëngä.

²⁸ Nε 'be gan 'yomfëniha ts' 'bu gui hyäthä gui tengahä, tenguthoho n'da ran 'yohä 'bu da 'yëna da hyöhrá ngu. ²⁹ M'bët'o din 'yomfëni 'be'a da 'yøt'e, nu'bu hin'na, ts'urpä thoho hinga xöt'a dí jua'a rá ngu. Nu yä ja'l'i bëya da denthoho, ³⁰ ne da 'yën': "Nuna ran 'yohä bi dë'ma rá ngu, pe hinga xöt'a bi juadi," da 'yën, bi 'yën'a ra Jesús. ³¹ Nε ngutho n'da ra ts'ut'abi 'bu i 'bu'i 'dë't'a mahuähi yä dofäi, pe m'bët'o din 'yomfëni 'bu da zä din tunhui a man'da ra ts'ut'abi 'bu'i 'däte mahuähi yä dofäi. ³² Nε nu'bu im bëni hingui sä da däpi, pe da mbëhna n'da rám 'behni da 'yän 'bu da zä din hocpadahä.

³³ Nε ngutho ahu, pe jatho 'be gan 'yomfëniha 'bu da zä gui 'yëts' ni pähä zehëhä, ne him man guim bëmhba 'be'a i ja ahu, janangue da zä gui tengahä bëya, bi 'yën'a ra Jesús.

Hingui ho ra ü 'bu di 'beh rán ho

³⁴ Nε man'da bi man ra Jesús, bi 'yëna:

—Nu ra ü mahyoni a, pe nu'bu di 'beh rán ho, hin'yä 'be'a din hogui. ³⁵ Nε nte da mbëfi, xínga gue ra häi sä di hoqui, ne da mba ma bënt'i thoho. Guín jahä bu 'bu hin'yä nin hohä, bi 'yën'a ra Jesús.

15

Ran t'uti ra dë'yo bim 'bedi

¹ N'da ra pa, xän ngu yä hyäcahää ne mi'da yä ts'om'bäi bim peti bu, da 'yøde 'be'a i man'a ra Jesús. ² Janangue'a nu'ü yä fariseo ne yä xänbate nijä bi c'äman'ü ra Jesús, ne bi 'yën'ü:

—Hingui ho øt'na ran 'yohä, nguetho i yäha ne i sihmehä yä ts'om'bäi, sä bi 'yën'ü.

³ Nε nu'a ra Jesús bi xi'a n'da ran t'uti, ne bi 'yëmp'ü:

⁴ —Xi'bu n'da ran 'yohä i 'bu'a n'da ciënto yä dë'yo, ne xtim 'be'a n'da, ne hønt'ü goho 'däte ma'de'ma gäto di 'bäpa, 'be'a da 'yøt'a. Ha hin da zopä goho 'däte ma'de'ma gäto, ngue da mba ba hon'a bim 'bedi gue'bu go bi dñi. ⁵ Nε nu'bu bi dñi, da gäx rá xixi, din johya bëya. ⁶ Da duxpä ja rá ngu, da zon'da yä amigo, ne'ü din tøt'am'buuhä, ne da 'yëmp'ü: "Dan johyahä ya, nguetho dá

tjingä na ma dë'yo bim 'bedi," da 'yëmp'ü.

⁷ Ngutho bu mahëts'i, emme di johya bi 'bäpä 'bu bi päh rán 'yomfëni n'da ra dädits'oqui ua ja ra ximhäi. Man'da di johya nangue'a, xinda gue'ü mbëni hingui dim 'bedi, ngue ñna hin'yä yä ts'oqui, bi 'yën'a ra Jesús.

Ran t'uti n'da ra xisu bi 'beh rá mbëti

⁸ Nε man'da ran t'uti bi man ra Jesús, bi 'yëna:

—Ne ximangutho n'da ra xisu mi ja 'dë't'a yä mbëti ne bi 'be a n'da, pe 'be'a hmaha da 'yøt' ra xisu bëya. Ha hin di sòc rá sibi ne da goc rá ngu, da hyoni gue'bu go bi dñi. ⁹ Nε nu'bu bi dñm bëya, da zon'da yä amigo ne'ü din tøt'am'buuhä, ne da 'yëmbi: "Dan johyahä nguetho dá tjingä ma mbëti dá 'bëcä," da 'yëmbi. ¹⁰ Ngutho ü yám 'behni Oja bí 'bäpä mahëts'i, emme di johya 'bu bi päh rá mbëi n'da ra ja'l'i ua, bi 'yën'a ra Jesús.

Ran t'uti n'da ran 'yohä bi huëc rá ts'ünt'ü

¹¹ Ra Jesús bi ma man'da ran t'uti 'bëpä ní huëgahä Oja ne bi 'yëna:

—Mi 'bu'a n'da ran 'yohä yoho yä ts'ünt'ü mi 'bu. ¹² Nu'a ná yoho rá ts'ünt'ü bi 'yëmp'a rá ta: "Dami 'dac ya 'be'a guím bëni gui soga 'bu gá tu," bi 'yëmbi. Janangue nu'a ran 'yohä bëya, bi unni 'be'a gätho in ndepe da gohmi'ü yä ts'ünt'ü. ¹³ Mi tho'i ts'ü yä pa bëya, bi hyäxa bin t'un'na to'o xí 'yäh ra erencia, ne bi mba. Bi mba n'danni ra häi, yatho, ne 'bexque 'dahmantho bi jua'a bi hyäts'i, nguetho bi 'yøt'e 'be'a bi numanhose. ¹⁴ Gätho bi juadi, xíngui ts'ü nte bi 'yëgui. Ne guepä ra häi xí zöni bin ja n'da ra däthu, ne xíngui ts'ü 'be'a da zi.

¹⁵ Pe nubäya bi hyon ra 'befi ra ts'ünt'ü. Nε nu n'da ran 'yohä, ra mengu bu, bi xifi di jamansup yä ts'üdi. ¹⁶ Pe njon bi 'uïn'a ra ts'ünt'ü ne in nde da zi'a mi si yä ts'üdi, nguetho emme tumanthuhu. ¹⁷ Nε nu'bu mi thoh yä pa, bin 'yomfëni bëya, bi bëni: "Nubä ja rá ngu ma ta, mbongui thoho 'be'a da zi yä 'yëhe, ne nugä dí sägä ran unbi ngue hin'yä ga sigä ua. ¹⁸ Pe man'da xän ho 'bu ga pengä ne ga xi'a ma ta: "Nu'i ma ta'i, nugä dä øt'ä ram fe'ts'i nangue'e ne nangue Oja, ¹⁹ ne him man sä'be gui 'yëngui ni

ts'unt'ugä ya. Gui 'y়engui ni 'y়ehethohogä ya, ga য়embi," bi 'y়ense a ra ts'unt'.

²⁰ 'Bex bi mba bায়া bi hyাখ ra 'yu í mba bু 'bাহ rá ta. Pe nu'bু mi ts'utho da zৱn rá ngu, 'bex bi hyant'a rá ta ngue ba য়pu, nে য়emmę bin johya, bi hu়ec'a rá ts'unt'. Bin ti'a rá ta, bin c'at'ui bু 'yu, bi hyাফি nে bi z়aspa rá 'yogu. ²¹ Pe nu'a ra ts'unt' bi xi'a rá ta: "Nugä, dá ot'ä ram fe'ts'i nangue'e nে nangue Oja. Né him man sää'be gui 'y়engui ni ts'unt'ugä ya," bi 'y়embi.

²² Pe nu'a rá ta, bi xih yá 'y়ehে: "Dami hetha ra pahni man'da xান ho, nে dami carpah ন'da ram fo'yে rá xান, nে gui 'y়arpah যা� zapato. ²³ Né ba sih ন'a t'undani xান zaqui nে gui hyoh যা�, gui hoj ন'a ran sihmę nে dan johyah যা�. ²⁴ Nguetho nuna ma ts'unt' tengu'bু bi du, pe nuya, tengu'bু bim 'bাই mahon'a. Bim 'bedi pe nuya dá tjan ya," bi 'y়en'a rá ta.

Né 'bex bin ja ran sihmę.

²⁵ Pe nu'a ra 'bet'o ts'unt' mi 'yo bু huাহি, nে nu'bু mi mba bু ja rá ngu, i ঠra 'bida nে ran johya mi ja bু ja rá ngu rá ta. ²⁶ Né nu'a, bi zohn'na n'da rá 'y়ehে bi 'y়anni: "Be'a i ja bু ja rá ngu ma ta," bi 'y়embi.

²⁷ Né nu ra 'y়ehে bi 'y়embi: "Nu'a nin 'yoh যা� bi zৱhø, nে ni ta bi hyo ran dani xান zaqui, bi 'y়ot'a n'da ran sihmę xান ndoho. Nguetho bin johya ngue ya bá penc'a nin 'yoh যা�, bi 'y়embi.

²⁸ Pe nu'a rá mbudi ts'unt' bin cuে nে him bi nde bi yৱpু mbo ra ngu. Né nu'a rá ta bi bৱni, bi 'y়orpaa ts'edi da yৱrpু mbo. ²⁹ Pe nu rá ts'unt' bi 'y়emp'a: "Yemmę xান ngu yাজ্যa dá ot'ä ni 'bেfi nে xিংga n'dandi dá festhoho a gá xiqui. Né hin jাম'bু xcá 'dac'a n'da ra t'uchibo ngue dan sihmęhe ma amigo. ³⁰ Pe nu'bু go mi zৱ'a ni ts'unt' bi juat'a ni mbeti nে xান ts'o bi 'y়ot'e, 'bex gá hyo ra t'undani xান zaqui," bi 'y়embi.

³¹ Pe nu'a rá ta bi 'y়embi: "Pe ma zান ts'unt' i, thocua thoho dí 'bাহmi ua, nে gätho 'bে'a ijagä, gätho ni mbeti. ³² Pe xান ho 'bে'a dá ot'ä nguetho nu nin 'yoh যা� tengu'bু ya xí du nে i 'bাই mahon'a, nu'a bim 'bedi pe ya dá tjanhbু," bi 'y়en'a rá ta, bi 'y়en'a rá Jesùs 'bু mi man ran t'uti.

16

Ra nt'uti ra ngurpa 'y়ehে hinga gue'a bi 'y়ot'e

1 Né xø bi ma man'da ran t'uti a ra Jesùs, nে bi 'y়ena:

—Mi 'bু'a n'da ra membeti, nে mi si n'da rá ngurpa 'y়ehে bi xifi di manda 'bে'a gätho i pe'ts'i. Pe bi si'a ra membeti hingui ho ot' rá ngurpa 'y়ehে nguetho i haczehে 'bে'a i ndesে.

² Janangue'a bi zon'na rá 'y়ehে nে bi 'y়embi: "Dá অcā hingui ho'a guí ot'e. Nuya, dami däqui hangu din theui ma 'bেfi nguetho ya him man gam pecua," bi 'y়embi.

³ Nu'a ra 'y়ehে bi bেm bায়া 'bে'a da 'y়ot'e. Bi 'y়ense: "Nuya him man zাদam pecua ya, nে hingui sাদam peh na huাহi, nে dí pe'ts'ma sাদga ätho ra mbeti, 'bে'a hmaha ga ot'ya," bi 'y়ense. ⁴ Bi bেm bায়া 'bে'a da 'y়ot'e n'dahma dim 'bাহ yা� amigo di ze 'bু hin'yা� rá 'bেfi.

⁵ Né nu ra ngurpa 'y়ehে bi zon'da to'o i tup'a rá hmu. Né bi 'y়an'na n'da hangu in dupate. ⁶ Né bi däti, bi 'y়ena: "N'da ciento dämbot'egui ra aceite dí tupi." Né nu'a ra 'y়ehে bi 'y়embi: "Dami ts'on ni sৱcuq nে gui 'yo't' ma'da'yo gui hyuxpু ngue hønt'a yote ma'det'a yাদ dämbot'egui guí tupa ma hmu," bi 'y়embi. ⁷ Né xø bi 'y়an'na man'da ran 'yoh যা� hangu xø in dupate a. Nu'a bi däti: "N'da ciento t'eni ra trigo dí tupi." Né nu'a ra 'y়ehে bi 'y়embi: "Dami päh ni sৱcuq, nে dami hyuxpু goho 'däte t'eni thoho guí tupi."

⁸ Né nu'bু mi pa'a rá hmu 'bে'a bi 'y়ot' rá 'y়ehে, bi 'y়embi: "Yemmę guí pাদi 'bে'a sাদgui 'y়ot'e ngue din jase 'bে'a gätho gui hyoni," bi 'y়en'a rá hmu. Nu yাজাব যায়, য়emmę i pাদi da hyাত' yামijাব ন'dahma da dase. Pe nu' i 'yo bু ja ran nেqui, hingui pাদi da 'y়ot'e tengu na, bi 'y়en'a ra Jesùs.

⁹ Né dí xi ah যা� ngue nu ra mbeti di ts'onba rán 'yomfেni ন'da, pe da zৱn ra pa ngue hin te di muui a, pe nu ni mbetih যান ho 'bু gui fাখ যাজাব, nে dim 'bাহ ni amigoh যা� ngue 'darpু gnim 'bাহmbু bু mahets'i.

¹⁰ 'Bু'i 'da zান ts'utho i ja da 'y়ot'e, pe i pাদi di jamansu a, janangue'a mfাদi da bাদi di jamansu 'bু di ja xান ngu 'bে'a da 'y়ot'e. Pe 'bাই 'da zান ts'utho i ja da 'y়ot'e, nে hingui pাদi di jamansu a, janangue mfাদi ngue hin

da bədi di jamansu 'bə di ja xən ngu 'be'a da 'yø't'e. ¹¹ Nu'bə hingui pədi di jamansu 'be'a i ja ua ja ra ximhäi, ne xín da bədi di jamansu rá 'bəfi Ojə. ¹² Ne nu'bə hingui pədi di jamansu a hin rá mbəti zəhe, njon da zä di un'na njuqantho rá mbəti 'bə.

¹³ Njo'o n'da ra ja'i sə dim 'bə'i yoho yá hmu, nguetho nu'a n'da ra hmu hin da numanho a, ne nu man'da di huęc'a. Uague da 'yørpa rá 'bəfi a n'da ne da zocpada bə rá 'bəfi a man'da rá hmu. Ngutho n'da ra ja'i hingui sə da 'yęmbi rá hmu a Ojə 'bə ęmmə di ho ra mbəti, bi 'yęn'a ra Jesús.

¹⁴ Nu yá fariseo ęmmə di ho ra mbəti, ne nu'bə mi 'yø'a bi man ra Jesús, bi denthoho.

¹⁵ Pe nu'a ra Jesús bi 'yęmp':

—Nu ahə gyá fariseohə, guí øthə 'be'a ní numansu ahə yá ja'i, pe nu Ojə i pədi 'be'a i ja bə mbo ni mbəihə. Ne nu'u gätho im bənse yá ja'i ngue di muui, pe hin te di muui bə na nu Ojə, bi 'yęn'a ra Jesús.

Ra Jesús bi ma din theui u yən t'ędi a rá ts'ędi Ojə

¹⁶ —Nu mam 'bət'o gán xähmbə yán t'ędi ra Moisés, ne gán xähmbə 'be'a bi 'yo't' yá pøngahyä maya'bə, bi 'yęmp'. Pe nu ra Xuua Nxixyä bi də'mi bi man ran ho ma'da'yo ne bi ma 'bəpə ní manda rá ts'ędi Ojə. Ne xən ngu yá ja'i ya i øt'ra ts'ędi da yərpa di manda rá ts'ędi Ojə.

¹⁷ Pe madague'a, pe xíng'a n'dant'ohni dim 'be'a yən t'ędi. Nu ra ximhäi ne mahəts'i da guadi, pe hin dim 'be'a yən t'ędi, bi 'yęn'a ra Jesús.

Ra Jesús bi ma hingui ho ran hyęgui

¹⁸ —Ne nu'a to'o da hyęh rá xisu ne da zim man'da, ra 'yomt'ęni a. Ne nu'a to'o da zin'a ra xisu bi thegui, ne gue'a dín 'yomt'ęni a bəya, bi 'yęn'a ra Jesús.

Ran t'uti ra membəti ne ra hyoya í Lázaro

¹⁹ Ne bi ma man'da ran t'uti ra Jesús, bi 'yęna:

—Mi 'bə'a n'da ra membəti ne mahotho rá pahni xəm hmadi a mi he, ne ęmmə mi 'bəmanho bə ja rá ngu, tengu thoho 'bə i ja ra ngo. ²⁰ Ne i 'bə'a n'da ra hyoya, ęmmə mi sə ran ənbi, í Lázaro a. Ne gätho rá ja'i mi ja yá 'ya. Ne mi hupə ja rá goxthi ra membəti, ²¹ ngue mim bəni da zi 'be'a da

hyępa ja rá məxa a ra membəti. Ne nu'u yá xə'yō bi decpa yá 'ya bə i hudi.

²² Bi zən ra pa bi du'a ra hyoya. Ne nu yám 'behni Ojə bi zixpə mahəts'i nguepə 'bə'a ra Abraham. Mbəjua bəya bi du'a ra membəti. ²³ Ne nu'bə mi du'a ra membəti bəya, ęmmə bi nu ran ənbi bə bi mba.

Ne bi ndəts'e, bi nu yabə bí 'bə'a ra Abraham ne ra Lázaro 'darpə bí 'bəhmi.

²⁴ Nu ra membəti bi mbəfi, bi 'yęmp'a ra Abraham: "Nu'i mam bombəta i Abraham, dami huęgui ts'ə, ba pənhua ra Lázaro da dət'ra dehe rá xä, da därcə ma jańi, nguetho ęmmə di əng na ra sibi i ja ua." ²⁵ Pe nu ra Abraham bi 'yęmp'a: "Nu'i, mam bom'bəto i, dami bən'i ts'ə 'be'a gá 'yø't'e 'bə gmi 'bəpə ja ra ximhäi. Gätho xən ho 'be'a mi ja i, pe nu'a ra Lázaro hənt'a ran ənbi bi nu bə. Pe nuya din johya ua ra Lázaro ya, pe go hənt'a ran ənbi guí nu ya. ²⁶ Ne man'da dí xi'i, hingui sə n'da da nexua da zərpə guí 'bəi, nguetho i ja inde n'da ra mba'ye xən ndoho. Ne nu'i hingui sə gua nəxpə guí 'bəi gui səcua, nguetho i cot'a ra mba'ye bə," bi 'yęn'a ra Abraham.

²⁷ Nu ra membəti xə mahən'a bi xi'a ra Abraham: "Pe nu'bə hin da zä ba pənhua, pe guí pən'na ra Lázaro bə ja rá ngu ma ta da xi'ə 'bəpə 'be'a dí səgä. ²⁸ Nguetho i 'bəpə cət'a man 'yohə, ne dí ndepe ne'u da zəm bə guí 'bəhmi 'bə bi du, ne him ba ęcua ja ran ənbi," bi 'yęn'a. ²⁹ Pe nu ra Abraham bi 'yęmp'a: "Nubə 'bəh nin 'yohə, i ja bə rám hman ra Moisés ne yá pøngahyä Ojə, i sə da 'yoxə 'be'a i man'ə." ³⁰ Pe nu ra membəti bi 'yęn'a: "Pe nu'i ma ta Abraham, hinga xət'a rám hman ra Moisés ngue da 'yø'ə man 'yohə, pe nu'bə da ndants'a n'da xən du ngue da xifi, da 'yø 'bə." ³¹ Pe nu ra Abraham bi 'yęmbi: "Nu'bə hin da 'yərpa ra güienda 'be'a i man ra Moisés ne yá pøngahyä Ojə, xín da 'yərpa ra güienda 'bə da ndants'a n'da xən du," bi 'yęn'a ra Abraham, bi 'yęn'a ra Jesús 'bə mi man ran t'uti.

—Hin'ya n'da ra pa hin da ts'ä a ni mbuihü gue i nde di 'bep ahü gui 'yøthü ra ts'oqui. Pe ndumbüitho da nu'a to'o di japi da 'yøt' ya ts'oqui rá mijä'iui. ² Dí xi ahü, to'o di japi da 'yøt' ran ts'o n'da hinga na te rá mbui, man'da xän ho 'bü xtín tharpa n'da ra dojüni rá 'yüga ne xtá t'entpu ja ra dejä, xinda gue'bü xtí japi xta 'yøt' ran ts'o a n'da hinga na te rá mbui. ³ Dami jamansu 'be'a guí øthü. Nu'bü 'bü a n'da ni mijä'ihü bi 'yøt'ahü ran ts'o, dami xihmbü hingui ho'a bi 'yøt'ahü. Ne nu'bü da 'yømanho a guí xihmbü, damim punbahü 'bü. ⁴ Ne nu'bü yoto nidi n'dapa da 'yøt'ahü ran ts'o, ne n'dandj ngu n'dandj da 'yä ahü ra punbi, dami punbahü gätho, bi 'yøn'a ra Jesús.

Gätho xän hei sä da 'yøt'a n'da 'bü i εc'yεi xän ho

⁵ Nu'ü yü xädi bi 'yøm bøya:

—Grá Hmu, dami jaje ga εc'yεihe xän ho, bi 'yømp'a ra Jesús.

⁶ Nu'a ra Jesús bi 'yømp'ü:

—Madague'a εmme zü ts'ütho gui 'yøc'yεigahü, tengü bü ni nequi rá hmudära c'u, sä gui xihmbü ra za 'bäcua da 'uegue dím 'bäpü ja ra dejä ne da 'ueh pøya. Hin'ya 'be'a xän hei 'bü gui 'yøc'yεigahü, bi 'yøn'a ra Jesús.

Hin ga εmfü xän ho dí øthü 'bü dí øthü'a i sijü

⁷ —Nu'bü n'da ran 'yohü 'buh rá 'yøhë di jamansup yü dë'yo uague dim pøpü rá huähi, ne nu'bü bin de bá εpü ja rá ngu bøya, ha da sifi din sihme. ⁸ Pe hin'na, pe da sifi di hocpa rán sihme rá hmu, ne nu'bü bi niyä, ja din sihme ra 'yøhë bøya. ⁹ Nu'a ra 'yøhë 'bü bi 'yøt' rá 'bøfi bi xih rá hmu, hingui t'εmbi "jamadi gá 'yørca ma 'bøfi," hingui t'εmbi, ngue ya ra 'yøhë thoho. ¹⁰ Ne ngutho ahü 'bü gá 'yøthü rá 'bøfi Ojä, gui 'yønthohü bøya: "Hin nte dá øthe ngue dí hnumanhoje, nguetho hønt'a bi xije Ojä dá øthe," gui 'yømhbü, bi 'yøn'a ra Jesús.

Ra Jesús bi hoqui 'dët'ayü'n 'yohü mí hεmbra t'axca'ya

¹¹ Nu'a ra Jesús 'bü mi 'yo bü ja ra 'yu ní mba Jerusalén, bi tho inde bü ja yän yaní yü xequi Samaria ne Galilea. ¹² Ne nu'bü mi ts'ütho da yü't'a n'da ra hnini, ba εpü 'dët'a

yän 'yohü i nde din c'athü ra Jesús. Gätho mi hεmbra t'axca'ya ü. Ne nu'ü yän 'yohü yabü ts'ü bim 'bäi ne nts'üdi bi mbafi, bi 'yøn'ü:

¹³ —Nu'i Jesús, grá xänbate i, dami huëgahe ts'ü, bi 'yømbi.

¹⁴ Nu ra Jesús 'bü mi nu'ü bøya, bi xi'ü da 'yut yü ja'i ü yü mbäjä. Ne nu'bü mi mba ü, nu'a ra Jesús bi japi bin hoc yü ja'i bü ní mba. ¹⁵ Ne nu n'da, 'bü mi bødi bi zä rá ja'i, 'bex bá peng bü 'bäh ra Jesús ne nts'üdi bi 'yøspa Ojä. ¹⁶ Bin dänyahmu bü ja rá gua ra Jesús, bi 'yäp ra jamadi nguetho bi yan'a. Ne nu'a, ra mëngu Samaria a, hing rá mijudiohü ra Jesús. ¹⁷ Pe nu ra Jesús bi 'yøna:

¹⁸ —Ha hinga gue'ü 'dët'a dá hoqui. Hapü i 'bü'ü mi guto. Ha hingui sä ba ε'ü 'da xtí un ra jamadi Ojä. Pe hønna n'da ran'yohü hing ra judío bi bøn'a ra mate bi 'yørpa Ojä, ne im bønsé ü mi'da ngue εna i pø Ojä ü, bi 'yøna.

¹⁹ Ne xø bi 'yømp'a ran 'yohü:

—Damim 'bäi, ní mba ya. Bin yan'a ya nguetho gá 'yøc'yεi gue i ja ma ts'üdi, bi 'yøn'a ra Jesús.

Ra Jesús bi ma 'be'a di ja bü di manda rá ts'üdi Ojä

²⁰ Nu'ü 'da yü fariseo bi 'yän'na ra Jesús:

—'Be'a ní pa di manda ua rá ts'üdi Ojä, bi 'yøn'ü.

Nu ra Jesús bi 'yømp'ü:

—Hin da fä 'bü bi manda rá ts'üdi Ojä ua. ²¹ Hingui sä n'da da 'yøna: "Guecua di manda ua rá ts'üdi Ojä," xíngui sä n'da da 'yøna: "Guembü di manda rá ts'üdi Ojä bü," njon da zä da 'yøna, nguetho guepü ja ní mbui n'da di manda rá ts'üdi Ojä, bi 'yøn'a ra Jesús.

²² Ne nubøya, bi 'yømp'ü yü xädi:

—Da zøn ra pa εmme guin ndehü ba pengä, nugä ngue dán ja'igä ua ja ra ximhäi. Pe di 'bøtho yü pa ba pengä. ²³ Pe nu'ü 'da da 'yøn'ahü: "Guecua i 'bøcua ya," da 'yøn'ahü. Ne nu'ü mi'da da 'yøn'ahü: "Guembü i 'bøpü a." Pe 'yo guí øhmbü 'be'a da man'ü. ²⁴ Nguetho nu'bü bá pengä, nugä ngue dán ja'igä ua ja ra ximhäi, di nequi tengü ra huei ngue di hyät'i gätho na ngüni ra ximhäi. ²⁵ Pe m'bøt'o thoho ga nugä xän

ngu ran unbi, nguetho yu ja'i 'bucua ya, hin da 'yec'yεigui.

²⁶ Nu'a ra pa ba pengä, nugä ngue dán ja'igä ua ja ra ximhäi, nu yu ja'i dim 'bui da 'yot'a tengu bi 'yot' yu ja'i mi 'buhmbu a ra Noé. ²⁷ Nu'u yu pa mi 'bu'a ra Noé, gätho yu ja'i mi øt'e 'bε'a mi numanhose, mi sihme, mi mihni, ne mi sin yu xisu, ne gue'a mi øt'u gätho yu pa gue'bu go mi zøn ra pa bi yat ra dambosa ra Noé. Ne bin da'ye buya, bi go'mi gätho ra häi a radehe, bi du gätho yu ja'i mi 'bui. Din jabu da 'yot' yu ja'i 'bu bá pengä.

²⁸ Ne tengu bi 'yot' yu ja'i yu pa mi 'bu'a ra Lot, ne ngutho da 'yot' yu ja'i dim 'bu'bu bá pengä. Gätho yu ja'i bi 'yot'e 'bε'a mi numanhose da 'yot'e, bin sihme, bim mihni, bim pä, ne bin täi, bi 'yot' yu huah*hi*, bi hyøh yu ngu. ²⁹ Gue'bu go mi zøn ra pa bi bon ra Lot bu ja ra hnini Sodoma, ne bá cah mahets'i ra sibi ma uqns*pi* ra azufre, bi juah ra hnini, ne gätho mi 'bupu bi du buya. ³⁰ Ne din jabu da 'yot' yu ja'i 'bu bi zøn ra pa gua pengä.

³¹ Ne to'o i 'bäpu maxøts'e ra zets'angu, hin da yørpu mbo rá ngu ngue da hyats'i 'bε'a ja bu, da mba tho. Ne gätho to'o dim pepu ja rá huah*hi*, hin ba peng bu ja rá ngu. ³² Dami bεmhbu ts'u 'bε'a bi 'yot'a rá xisu ra Lot 'bu mi sifi da 'da'u, ne man'da bi bense rá ngu, ne gue'a í du'a buya. ³³ Ne gätho to'o in nde da yqnse rá te, da nu ran unbi mazai a. Pe gätho to'o hin da beni da yqnse rá te, din ja ra te mazai a.

³⁴ Nu'bu bi zøn ra ora gua pengä, di qapu yoho bu ja rá oi, nu'a n'da da ts'ix'a, ne nu'a n'da da gopu. ³⁵ Ne nu'bu yoho yu xisu 'darpu i jüni, nu'a n'da da ts'ix'a, ne nu'a man'da da gopu. ³⁶ Ne nu'bu yoho yu 'yoh*u* i 'yo bu ja yu huah*hi*, nu'a n'da da ts'ixa, ne nu'a man'da da gopu, ne hønt'a to'o da 'yec'yεi, da ts'its'i, bi 'yen'a ra Jesus.

³⁷ —Grá Hmu, hapu din ja'a guím ma, bi 'yεmp' u yu xädi.

—Nubu hapu di peti yu pada, gui paqhmbu gue di 'bom bu xun du, bi 'yen'a ra Jesus.

18

Ran t'uti ra xisu ne ra ze'mi

¹ N'da ra pa, bi xi'a n'da ran t'uti yu xädi ra Jesus, ra hmepya jatho thocua thoho din

yaqi Ojaq ne hin din xømbui da 'yädi gue'bu go din ja 'bε'a ädi. ² Ne bi 'yεna:

—Mi 'bu a n'da ra ze'mi bu ja n'da ra hnini, him bi numansu Ojaq xínga gue yu mijaq'ihu. ³ Ne mi 'bupu n'da ra xisu xí du rá ndø. Ne thocua thoho mi søm bu ne mi äpi da mbäts'i nangue rán shiui i 'bui. ⁴ Ne him 'be bi 'yørpu ra güεnda 'bε'a bi man ra xisu a ra ze'mi. Jague'bu min xømbui ne bi 'yεnse: "Nugä, hin dí numansu Ojaq, xínga gue'u yu ja'i. ⁵ Pe emme di pac na ra xisu, masque ga øt'a 'bε'a in nde n'dahma hin di thoqui da zøcua ngue di xuhnanyagui," bi 'yεnse ra ze'mi, bi 'yen'a ra Jesus.

⁶ Nubuya, bi 'yεmp' u yu xädi:

—Dami bεmhbu 'bε'a bi 'yot'a ra ze'mi. Madague ra ts'om'bäi. ⁷ Dí xi ahu, man'da da 'yø'a Ojaq 'bu gui hyumbi gui 'yäf'u rám fäts'i ngue yu tähni ahu a. Nu'a Ojaq hingui tø'mi 'bε din xømbuizeh a. ⁸ Pe dí xi ahu, 'bexque da mbäx ahu 'bu guí äfu rám fäts'i. Janangue'a gui 'yäf'u Ojaq di zet'a ni mbuih, ne hin da du ni mbuih ngue him 'be ba pengä ua. Ne nu'bu bá pengä nugä ngue dán ja'igä ua ja ra ximhäi, ga tin ahu bu guí 'yec'yεigah, bi 'yen'a ra Jesus.

Ran t'uti n'da ra fariseo ne ra hyøcah*ä*

⁹ Ne xø bi xih man'da ran t'uti u im beni xun hose, ne i numan'u u yu mijaq'ihu. Ne bi 'yεna:

¹⁰ —Yoho yu 'yoh*u* bi mba bu ja ra daqnijaq, din yaqi Ojaq. Nu'a n'da ra fariseo, ne nu'a man'da ra hyøcah*ä*. ¹¹ Nu'a ra fariseo, bim 'bäi ne bin yaq, bi 'yεna: "Jamadi Ojaq, nguetho nugä xíngui ts'u xun ts'o ma mbui, nugä hin drá siyategä, ne hin drá hyøtegä, ne hin drá 'yomt'ënígä tengu'u gätho mi'da. Jamadi ngue nugä hin dí øt'a tengu øt'na ra hyøcah*ä* i 'bacua. ¹² Nugä zai dí ε't' man sihme yondi n'da semana, ne dí un'a ná 'det'a a dí taq pu ja ra nijaq," sä bi 'yen'a ra fariseo 'bu min yaqi Ojaq.

¹³ Pe nu'a ra hyøcah*ä*, n'danni ts'u mi 'bäi, ne i su da ndøts' mahets'i, bi hyø'mah*ä*, ne emme tu rá mbui. Ne bi 'yεmp' a Ojaq: "Ma Ojaq i, dín yeh ni mbui, nguetho drá daqdit'soquigä," bi 'yen'a ra hyøcah*ä*. ¹⁴ Pe dí xi ahu, nu'a ra hyøcah*ä* ya xí punba Ojaq 'bu mi mbeng bu ja rá ngu. Pe hin'na a ra fariseo, guexta'a xun ts'o rá mbui 'bu mi

bøm bø. Nguetho to'o din 'yøts'i, gue'a dín unba u. Pe gätho to'o hin din 'yøts'i, gue'a dí t'ëspa u, bi 'yøn'a ra Jesús.

Ra Jesús bi jqp yu t'uhni

¹⁵ N'da ra pa, nu 'da yu ja'i bá si yu t'uhni bø 'bøh ra Jesús ngue da mba nthädi u yu t'uhni. Pe nu'bø mi nu'u yu xädi 'be'a øt' yu ja'i, him bi japi da ts'ix u yu t'uhni bø 'bø'a ra hmu, bi dämyø thoho u. ¹⁶ Pe nu'a ra Jesús bi zon'du yu t'uhni nø bi 'yømp'u yu xädi:

—Dami jafø ba thocua ya yu t'uhni, o gadí hecuahø, nguetho gätho to'o da yørpø di manda rá ts'edi Ojø, jatho 'be da gohi tengu n'da ra t'uhni. ¹⁷ Dami 'yøhmbø 'be'a dí xi ahø: Jatho gui 'yøthø tengu'bø gyø t'uhnihø 'bø guí ëc'yøihø. Nu'bø hin'na, hin guí cøthø bø di manda rá ts'edi Ojø, bi 'yøn'a ra Jesús.

N'da ra mëmbeti iyqui ra Jesús

¹⁸ Nø nu'a n'da rá ngarpø yu judío, bi 'yän'na ra Jesús:

—Grá hogaxänbate, 'be'a sä ga øt'ä ngue din jagä ra te mazai.

¹⁹ Bi døh ra Jesús:

—Ha guím bøni 'be'a guím ma ngue guí ñgui xøn hogui, nguetho hønt'a Ojø xøn ho. ²⁰ Gui pødi 'be'a i mam bø ja yøn t'ëdi ngue i ñm bø: “O guí 'yomt'ëni, o guí hodú, o guím pø, o guí man ra fehni, nø gui numansu ni ta nø ni mbe,” i mam bø, bi 'yøn'a ra Jesús.

²¹ Nu ran 'yohø bi døti:

—Gätho dí øt'ä u gue'bø go mán t'uhnidä, bi 'yøn'a ran 'yohø.

²² Nø nu'a ra Jesús 'bø mi 'yøde 'be'a bi ma, bi 'yømp'a:

—Gadí 'be'its'. Ní mba, gui pø gätho 'be'a i ja i, nø gui darpa yu hyoya. Gua ñh pøya, gui tengui. Nø nubøya, xøn ngu din ja i bø mahëts'i, bi 'yøn'a ra Jesús.

²³ Pe nu'a ran 'yohø 'bø mi 'yø'a bi man ra Jesús, ñmmø bi du rá mbøi, nguetho ñmmø ra mëmbeti a. ²⁴ Nu'a ra Jesús 'bø mi nu bi du rá mbøi a ran 'yohø, bi 'yøna:

—Xøn hëi yu mëmbeti da yørpø di manda rá ts'edi Ojø. ²⁵ Man'da hingui hëi n'da ra camello da yørpø ja rá gu ra 'yofani, xinda gue'u yu mëmbeti da yørpø di manda rá ts'edi Ojø, bi 'yøn'a ra Jesús.

²⁶ Nø nu'u yu ja'i 'bøpø bi 'yøn'u:

—Pe nu'bø in jabø, to'o maha da zä dim pøhø 'bø, bi t'ëmp'a ra Jesús.

²⁷ Nu'a ra Jesús bi døt'ø:

—Nu'a Ojø sä da 'yøt'a hingui sä da 'yøzøhø yu ja'i, bi 'yøn'a ra Jesús.

²⁸ Nu'a ra Pedro bøya, bi 'yømbi:

—Nugähe, gätho a mi jaje dá sohmbe nø dá tøn'nahe.

²⁹⁻³⁰ Nu ra Jesús bi 'yøna:

—Guehma dí xi ahø, gätho to'o bi zoh rá ngu, ogue rá xisu, ogue yu cu, ogue rá ta, ogue rá mbe, ogue yu t'uhni, ngue bin unsø di manda rá ts'edi Ojø u, Ojø di unni man'da xøn ngu xinda gue'a mí ja. Pe nø'a ra te mazai bøya, bi 'yøn'a ra Jesús.

Xø bi ma mahøn'a rán døte ra Jesús

³¹ Nu ra Jesús, bi zixpø ma'ueni gätho 'dø'mayoho yu xädi, nø bi 'yømp'u:

—Dami 'yøhmbø ya. Ga mbähä bø Jerusalén, nø din ja bø 'be'a gätho bi man yu pøngahyø maya'bø nanguecä, ngue dán ja'igä ua ja ra ximhäi. ³² Nu yu ja'i di dägä bø ja rá ts'edi u hing yu judío, nø nu'u da dengui, nø di c'qaman'ugui, nø da zoxqui. ³³ Nø da mbøgbä, nø da hyogä. Pe ná hyu pa bøya ga ndants'i mahøn'a, bi 'yøn'a ra Jesús.

³⁴ Pe nu'u yu xädi, him bi bødi 'be'a nam bøn'a bi man ra Jesús. Nguetho njo'mitho yøn 'yomføni u.

Nu'a ra Jesús bi hoc'a n'da ra xädä mi hæxt'a mi

³⁵ Nø mi 'yo bø hänthø bø ja ra hnini Jericó a ra Jesús, nø mi hupø nden'yu n'da zø xädä mi hæxt'a mi si. ³⁶ Nø nu'bø mi 'yø'a ra xädä ngue xøn ngu yu ja'i mba bø, bi 'yønni 'be'a øt'ø. ³⁷ Nø bi sifi mba bø ra Jesús ra mëngu Nazaret. ³⁸ Nø nu'a ra xädä bøya, nts'edi bi mbafi, bi 'yøna:

—Nu'i gra Jesús, rám bom'bøto i ra David, dami huëgui ts'ø.

³⁹ Nø nu'u yu ja'i mi 'bøpø, bi xifi din hø. Pe madague him mi ndepe din yø, pe man'da nts'edi bi mbafi, bi 'yøna:

—Gra Jesús, rám bom'bøto i ra David, dami huëgui ts'ø.

⁴⁰ Nu'a ra Jesús bim 'bøh pøya nø bi manda ba ts'inba a ra xädä. Nø nu'bø mim

'bähmi ra Jesús a ra xädä, bi 'yän'na ra Jesús baya:

⁴¹ —'Be'a guí nde ga øt'a'i, bi 'yëmbi.

Në nu ra xädä bi däti:

—Dín nde ga nu ran nequi.

⁴² —Sä guin nu ya, bi zä ni dä nguetho gá 'yëc'yei i ja ma ts'edi, bi 'yëmp'a ra Jesús.

⁴³ —Bex bi zä bi nu ran nequi rá dä baya. Në bi den'na ra Jesús. Bi 'yëspa Oja bu ní mba. Në'ü gätho yü ja'i mi 'bëpü, bi 'yëspa Oja baya.

19

Ra Jesús ne ra Zaqueo

¹ Nu'a ra Jesús bi yarpü ja ra hnini Jericó, mi 'yo bu, ena da thogui. ² Në mi 'bëpü n'da ra ngärpa hyäcahái, emme ra mëmbeti a, í Zaqueo a. ³ Në nu'a ra Zaqueo, emme min ndehma da nu'a ra Jesús, pe him mi sä nguetho hingui hëts'i, ne emme du yü ja'i bu mi 'yo'a ra Jesús. ⁴ Janangue'a, bin tihi bi ndexa n'da ra za ra sicómoro, ngue da zä da nu ra Jesús 'bu bi thopü. ⁵ Në nu'bü mi zon'a ra Jesús bu 'bä'a ra za mi huxa ra Zaqueo, bi ndøts'e ne bi 'yëmbi:

—Zaqueo, bá ca n'dihí nguetho ga süm bu ja ni ngu ra pa ya, bi 'yëmbi.

⁶ Në nu'a ra Zaqueo bin johya, 'dahman-tho bi gäi, bi mba rá ngu ne bi zimanho a ra Jesús 'bu mi züm bu rá ngu. ⁷ Pe nu'ü yü ja'i him bi numanho nguetho bin säya bu ra Jesús bu ja rá ngu n'da ra ziyate. ⁸ Në nu'a ra Zaqueo bim 'bäi bi 'yëmp'a ra Jesús:

—Ma Hmu i, nuya ga undä yü hyoya made 'be'a gätho i jagä. Në nu'bü mi siyagä n'da ra ja'i ngue hin rá 'yu 'be'a mi øt'a, goho nidi ga cospa a dá siyabi, bi 'yën'a ra Zaqueo.

⁹ Në nu'a ra Jesús bi 'yëmbi:

—Gá päh nin 'yomfëni ne i ja ra punbi ni ts'oqui ya, ne gätho i 'bucua ja ni ngu, gra Zaqueo, rám bom'beto i ra Abraham. ¹⁰ Në gue'a ná ecä, ngue guecä dán ja'igä ua ja ra ximhäi, ngue gan yanba yü te'ü i padi ja yü ts'oqui, ne hin da nu ran unbi mazai, pegue din ja ra te mazai ü, bi 'yën'a ra Jesús.

Ran t'uti yü 'yëhe him bi xand ra mbëti

¹¹ Nu ra Jesús bi xih man'da ran t'uti ü yü ja'i, nguetho bi bën'ü yü ja'i ngue nu'bü

da züm bu Jerusalén ra Jesús, 'bex di japi di manda bu rá ts'edi Oja. ¹² Në bi 'yëmp'ü:

—Mi 'bu'a n'da ran 'yohü, ra ts'ut'abi rá ta. Në bi mba bu n'danni n'da ra hnini ngue bin nde bín t'un bu rá 'bëfi ngue din ts'ut'abi bu rá häizéhe. ¹³ Pe nu'bü mi nets'i, bi zon'dü 'det'a yü 'yëhe, 'da'a n'da bi un ra mbëti ngue ra oro xän ngu di muui. Në bi 'yëmp'ü: "Guí hyomhbü 'be'a da zä gui 'yøthü ngue di xand ma mbëti," bi 'yëmbi.

¹⁴ Në nu'ü yü ja'i mi 'bëpü ja rá häi, him mi numanho a ran 'yohü. Janangue bi mbëhni 'da yäm 'bëhni ngue m'bët'o da zoni da ma ngue hin din t'un rá ts'edi a ran 'yohü.

¹⁵ Pe nu'a ran 'yohü, bin t'un ran t'ëdi din ts'ut'abi ne bi mbeng bu rá häi baya. Nu'bü mi züm baya, bi zon'dü yü 'yëhe xí un ra mbëti, nde da bädi hangu bi hyuxa rá mbëti xí un'na n'da ngu n'da ü.

¹⁶ Nu ra mbëdi 'yëhe bi 'yëmp'a: "Nuya bin ja 'det'a a ni mbëti," bi 'yën'a. ¹⁷ Bi 'yëmp'a rá hmu baya: "Xän ho gá 'yøt'e, gra 'yëhe xän ho, gá xända zu ts'ü dá 'da'i, pe ne ga 'da'a nin t'ëdi ngue gui manda 'det'a yü hnini," bi 'yëmbi. ¹⁸ Nu ná yoho ra 'yëhe bi 'yëmp'a: "Nuya bin ja cët'a a ni mbëti gá 'daqui ga xändä," bi 'yën'a. ¹⁹ "Nu'i, ga 'da'a nin t'ëdi ngue gui manda cët'a yü hnini 'bu," bi 'yëmp'a rá hmu baya.

²⁰ Në xø man'da ra 'yëhe bi 'yëmp'a rá hmu baya: "I ja ua ni mbëti gá 'daqui. Dá pe'ts'ä xän ho. ²¹ Nguetho dí pácä 'be'a nim 'bäi, ngue ya hin'yü nin huëcate. Guí honi 'bëpü gdí hyänba rá mbëti yü ja'i. Në guí hänbä yü huähi, janangue dá pe'ts'ä ni mbëti ngue dí su ga 'bëdi," bi 'yën'a. ²² Nu'a rá hmu bi 'yëmbi: "Nu'a gá ma i udi ngue grá ts'om'bäi. ²³ Hanja hin gá hmi'a ma mbëti n'dahma xtí hyux'i ts'ü," bi 'yëmbi.

²⁴ Në bi 'yëmp'ü mi 'bëpü: "Dami hyänbahü rá mbëti na ran 'yohü ne guí unhdü a ra mbëdi 'yëhe, nu'a to'o bi däha xän ngu," bi 'yëmbi. ²⁵ Pe nu'ü mi 'bëpü, him bi nde da 'yøt'e 'be'a bi man yü hmu, nguetho xän ngu i ja a ra mbëdi 'yëhe. ²⁶ Pe nu'a ra hmu bi 'yëmp'ü: "Nu'a to'o i humbi i øt' ma 'bëfi, hinga hønt'a rán zäbi da däha, pe man'da xän ngu ga unni. Pe nu'a hingui nde da 'yøt' ma 'bëfi, hin te da däha, ne ga hänbä'a dá unni," bi 'yëna. ²⁷ "Në nu'ü

him mi ndeje dan ts'ut'abi ua, ba sihu, gui secpah yú 'yega ua," bi 'yen'a ra hmu buya, bi 'yen'a ra Jess 'bu mi man ran t'uti.

Ra Jess bi yurpu ja ra hnini Jerusalén

²⁸ Ne nu'bu mi gua'a bi man ra Jess, bi thopuya, ní mba bu Jerusalén. ²⁹ Ne nu'bu mi ts'ut'ho da zmbu ja ra nyuni guepu i ja ra hnini Betfagé ne ra hnini Betania, ³⁰ bi mbehni yoho yú xädi, bi 'yembi:

—Ní mbe bu nán jombu ja ra hnini. Ne gui timmi bu n'da ra taburu án that'i bu ja ra nden'yu, ne xínga n'da ra ja*j*'i ní hyuts'i. Bá xocui ne ba siui ua. ³¹ Ne nu'bu 'bo'o da 'yän'nau: "Hanja gní xocui ra buru," gui 'yenui: "Nu'a ra hmu i hon'a ra buru," gui 'yenui, bi 'yemp'u yoho yú xädi.

³² Ne bi mba buya, ne bi din'a 'be'a xí xi'a ra Jess. ³³ Ne nu'bu mi xoc ra buru, bi 'yän'nau rá mbeti:

—Hanja gní xocui na ra buru, bi 'yembi.

³⁴ Bi daq yu xädi buya:

—Nu'a ra Hmu i honi, bi 'yen'u. Ne bi ndepe da zix buya.

³⁵ Ne nu'u yu xädi bá si ra buru buya, ne bi gaspa yú coto bu ja rá xathä ra buru ne bi hyuxa ra Jess. ³⁶ Ne nu'bu mi mba bu 'yu ra Jess, nu'u yu ja*j*'i 'bex bi mbøcua yú pahni bu ja ra 'yu ngue da thopu a ra Jess.

³⁷ Ne nu'bu mi gapu ja ra nyuni ní mba bu Jerusalén, gätho u min 'yohu nts'edi i mbafi, bin johya ne bi 'yespa Ojaq nangue yan t'ot'e nujxte bi nu. ³⁸ Bi 'yen'u:

—Majapi ra ts'ut'abi bá eh nangue rá thuhu ra Hmu. Ne din ja rán johya Ojaq yu mbui yu ja*j*'i. Nujxtetho rá ts'edi Ojaq, bi 'yen'u.

³⁹ Ne nu 'da'u yu fariseo bi 'yemp'a ra Jess:

—Dami hecua ni xädi din hę.

⁴⁰ Pe nu'a ra Jess bi 'yemp'u:

—Nu'bu ga hecpä yu ngue i espa Ojaq, pe go da 'yespa Ojaq ya yu do bongua, bi 'yen'a ra Jess.

Ra Jess bin zoni nangue yu ja*j*'i 'bupu ja ra hnini Jerusalén

⁴¹ Ne nu'bu mi hyän bu ra hnini Jerusalén a ra Jess, bin zoni. ⁴² Ne bi 'yen'a:

—Min ndegä ngue xquí pahmbu a dí yan'ahu bu ja ran anbi mazaqi, pe hin gán nde gá pahmbu, pe nuya him man zä, nguetho

tengu'bu njo'mi ni dähu. ⁴³ Ne da zmn ra pa ba eh nin saihu di mbät'a ni hninihu ne njon da zä da bøni ngue din yan*i*, ne gan tunhdu a buya. ⁴⁴ Ne gätho ahu ngue guí 'buhmbu nu, da hyo ahu ne da guah ni hninihu. Ne da mba nso't'i, ne xínga n'da ra jado da gopu. Nguetho nu ahu xíngui ts'u gá pahmbu a ra pa xtí po ahu Ojaq, bi 'yen'a ra Jess.

Nu ra Jess bi hyøn'a thi yu mbä bu ja ra danijq

⁴⁵ Ne nu'a ra Jess buya, bi mba bu ja ra danijq ne bi hyøn'a thi gätho yu mbä mi 'bapu. ⁴⁶ Ne nu'a ra Jess bi 'yemp'u:

—I mam bu ja rám hman Ojaq: "Í thø'a ma ngu ngue da mba nthandegä bu," i en Ojaq. Pe nu ahu gá 'yørpadah tengu'bu ra hyado guepu nín 'yan' yu bε, bi 'yen'a ra Jess.

Bi tømanho a bi man ra Jess

⁴⁷ Nu'a ra Jess thocua thoho min xänbate bu ja ra danijq. Pe nu'u yu ngarpa mbäjä, ne yu xänbate nijq, ne yu dac'yei, min nde da hyo'a ra Jess. ⁴⁸ Pe hin'yu 'be'a da 'yøt'e ngue da hyo. Nguetho gätho yu ja*j*'i bi 'yørpada ra güenda 'be'a bi man ra Jess. Njon bin nde bi u't' yu mbui u 'da.

20

Rán tøedi ra Jess

¹ Ne nu ra Jess n'da ra pa bi xänba yu ja*j*'i bu ja ra danijq nangue ran ho ma'da'yo. Ne'u yu ngarpa mbäjä ne yu xänbate nijq, ne yu dac'yei, gätho bi zmbu. ² Ne bi tän'na ra Jess:

—Hanja sá guí øt'e 'be'a guí øt'e. To'o bi 'da'a nin tøedi, bi 'yembi.

³ Pe nu ra Jess bi dati:

—Necä, ga än'nahu, ⁴ to'o bi un rán tøedi ra Xuua ngue bi 'yøt' ran xixyq, hague Ojaq uague yu ja*j*'i, bi 'yena.

⁵ Pe nu'u bin 'yänzehe u 'be'a dí dati. Ne bi 'yense:

—Nu'bu ga emf ngue Ojaq bi un'na rán tøedi a ra Xuua, ne da 'yenju buya: "Hanja hin gá 'yec'yeh 'bu." ⁶ Pe nu'bu ga emf, yu ja*j*'i thohu bi un rán tøedi, dí bat'adoju yu ja*j*'i nguetho xan ngu yu ja*j*'i ec'yei rá pøngahy Ojaq ra Xuua, bin 'yemzeh u.

⁷ Janangue'a bi tømp'a ra Jess:

—Hin dí pahmbe to'o bi un rán t'ëdi ra Xuua, bi 'yëntho.

⁸ Necä hin ga xi ahü to'o bi 'dacä ran t'ëdi ga øt'ä 'be'a dí øt'ä, bi 'yëna.

Ran t'uti yü ts'ombefi

⁹ Ne bi xih man'da ran t'uti a ra Jesús, bi 'yëna:

—Mi 'bü'a n'da ran 'yohü bi 'yøt'a n'da ra nuqndät'o, ne bi hmit'i 'da yü mbefi. Nu'a rá mbeti bi mba n'danni buya, ne nya'atho bám 'büpa. ¹⁰ Ne nu'bü mi zön yü pa da thac yün dät'o, nu'a rá mbeti bá pehna n'da rá 'yëhe da duspa 'da yán dät'o, ngue'a án yähü a. Pe nu'ü bi zocpa a ra nuqndät'o, bi mbemba thoho ra 'yëhe ne bi 'yët'i, xín te bi unni. ¹¹ Ne ná yoho rá 'yëhe bá pehna rá mbeti ra nuqndät'o, pe ngutho bi 'yörpa ra 'yëhe, ne'a bi mbemba thoho mahön'a, bi 'yer buya ne nte bi unni. ¹² Ne ná hyu rá 'yëhe xø bi mbehni mahön'a a ran 'yohü, ngutho bi t'ørpe, bi ünba yü mbefi ne bi 'yët'i, xingui ts'ü bi unni.

¹³ Ne nubuya, nu ra mendät'o bi bëni 'be'a da 'yøt'e. Ne bi 'yëna: "Masque ga pehn'na ma ts'unt'ü, dadí huequi, xóhma da numansu na," bi 'yënsé. ¹⁴ Pe nu'bü mi nurpa rá ts'unt'ü ü yü mbefi, bi mam buya ngue da hyo, bi 'yën'ü: "Mbähä ga hohü rá ts'unt'ü, janangue da zä ga cosehü ra nuqndät'o," bi 'yën'ü. ¹⁵ Janangue'a bi zix pü ma'ueni, bi hyøn'a thi ra ts'unt'ü, ne bi hyo bu, bi 'yën'a ra Jesús.

Ne xø bi 'yän'dü yü ja'i mi 'bäpü:

—Bë'a guím bëmhbu da 'yøt'a rá mbeti ra nuqndät'o ya, bi 'yëna.

¹⁶ Pe dí xi ahü, ba ñse ne da hyo'ü, ne n'dan'yo di un'na rá nuqndät'o buya, bi 'yën'a ra Jesús.

Ne nu'bü mi 'yø'ü yü ja'i 'be'a bi man ra Jesús, nu'ü bi 'yën'ü:

—Oja da 'yøt'e hin din ja a guím ma, bi 'yën'ü.

¹⁷ Pe nu'a ra Jesús bi hyet'ü, ne bi 'yëmbi:

—Pe 'be'a nam bøn'a rám hman Oja nt'o't'i maya'bü 'bü, ngue i ñna:

Nu'a ra do bi bunt'ü yü gädo 'bü mi hyøh ra ngu, gue'a ra do man'da mahyon, tengu thoho yü guangu, i ñm bü ja rám hman Oja.

¹⁸ Ne tengu'bü da guesëgä a ra do i hmam bü. Hønt'a go to'o hingui ñc'yëigui, din ünbazehë, tengu'bü da dạng bü ja ra do din tuni, ne go ga sempä a tengu'bü ra do da ze'mi ne da 'yët'i, bi 'yën'a ra Jesús.

Bin t'än'na ra Jesús 'bü din jut' ra renta ogue hin'na

¹⁹ Nu yü ngärpa mbäjä ne yü xänbate nijä 'bü mi 'yø'a ran t'uti bi man ra Jesús nangue'ü yü hyote mbefi, min nde da got'a fädi ra Jesús, nguetho bi badi tengu'bü guesë ü yü hyote mbefi ü yü mbäjä ne yü xänbate nijä. Pe him bi got'i nguetho bi zutho yü ja'i. ²⁰ Janangue bi bëm mahön'a buya ne bi mbehni 'da yün 'yohü ngue da 'yän yün t'änni a ra Jesús, n'dahma din ja 'be'a sää dí fent'a ra Jesús ngue di dä bü 'büh ra ts'ut'abi.

²¹ Ne nu'ü yün 'yohü bi xi a ra Jesús:

—Xänbate i, dí pahmbe hønt'a majuani güima. Ne dí pahmbe güi xänbi xün ho hønt'a go to'o má ja'i ne hin güi huahni to'o güi xänbi, pe güi xifi xün ho nangue Oja. ²² Dami xije ya, ha din theui man t'ëdiha bi 'dajü Oja 'bü ga juthü ra renta a ra ts'ut'abi Roma, uague hin'na, bi 'yën'ü.

²³ Pe nu'a ra Jesús mi padi i ts'ämhyä thoho. ²⁴ Ne bi 'yëmp'ü:

—Hanja güi 'yängui, xi ni mbeti güi juthü ra renta ra ts'ut'abi, gan nugä, bi 'yëna.

Ne bi un buya.

—To'o rá pöte ne rá thuhu i cuat na ra mbeti, bi 'yën'a ra Jesús.

Ne nu'ü bi 'yën'ü:

—Rá pöte ne rá thuhu ra ts'ut'abi Roma i cuat na.

²⁵ Bi däh ra Jesús buya ne bi 'yëmp'ü:

—Nu'a rá mbeti ra ts'ut'abi Roma, güi un'na. Nu'a xin rá mbeti Oja, güi un'na Oja a, bi 'yëmp'ü.

²⁶ Janangue nu yün 'yohü him bi zä xtä hyät'a ra Jesús, pe bi hyonya thoho ü 'be'a bi man'a ra Jesús.

Ran t'änni 'bü da ndants'ü xün du

²⁷ Ne nu'ü 'da yü saduceo, bi züm bü 'büh ra Jesús, gue'ü hingui ñc'yëi da ndants'ü xün du. Nu'ü bi 'yëmp'a ra Jesús:

²⁸ —Nu'a ra Moisés bi 'dajü n'da man t'ëdiha ne bi 'yëna: "Nu'bü bi du n'da ran 'yohü ngue mi 'büh rá xisu ne njo'o yü t'uhni, nu'a rán 'yohü da zinba a rá xisu. Ne

nu'a rá mbədi t'əhni dim 'bəi, da thuspa rá thuhu a ran 'yohə bi du nə da'yəmbi rá ta a," bi man ra Moisés.

²⁹ Pe gue'a ga än'nahe. Bim 'bə'i yoto yən 'yohə din 'yohə zəhə. Nu'a ra mbədi n'yohə bi zin'a n'da ra xisu, nə m'bəjua bəya bi du a ran 'yohə nə him bim 'bəh rá t'əhni.

³⁰ Nə nu'bə mi du ran 'yohə bəya, ná yoho rán 'yohə bi zin'a ra xisu mahən'a, nə xə bi du a. ³¹ Nə xə bi zin'a man'da rán 'yohə bəya, 'da'ingu bi 'yət'ə gätho yoto yən 'yohə, gätho bi du nə xíng'a n'da bim 'bəh yá t'əhni. ³² Mbəjua bəya, bi duse ra xisu, bi 'yən'ə. ³³ Nuya, dami xije 'bə'a din ja a ra pa da ndants'ə xən du. To'o da 'yəmbi rá xisu a ra xisu, nguetho gätho yoto bim 'bəhmbəra xisu ua ja ra häi, bi 'yən'ə yə saduceo.

³⁴ Nə nu'a ra Jesús bi dəti:

—Hənt'ua ja ra häi din that'ə yə ja'i. ³⁵ Nə gätho to'o yán sähə da mba bə mahəts'i 'bə bi ndants'ə xən du, nə him man ja ran thati bə. ³⁶ Nguetho da gohi tengu tho yám 'bəhni Ojə ə, nə him man da du bə. Nə ma'da'yo da gohi 'bə bi xoxa Ojə ə ngue yá t'əhnise Ojə ə.

³⁷ Pe nə'a ra Moisés bi ma da ndants'ə xən du 'bə mi 'yo't'i 'bə'a bin ja, nu'bə mi nu mī zə ra za 'bə maya'bə. Nə i mam bə ngue nu Ojə rá Ojə ra Abraham nə ra Isaac nə ra Jacob, nə nu'ə, ná ya'a thoho xí du ə 'bə mi 'yəmp'a Ojə ra Moisés. ³⁸ Ngubə bi ma nguetho guexta'a i 'bəh yá mbəi. Nubə na nu Ojə 'da'ingutho 'bə i 'bə'a n'da ogue xən du n'da. Guexta'a i jatho yá te ə xən du, bi 'yən'ə ra Jesús.

³⁹ Nə nu'ə 'da yə xənbate nijə, bi 'yəmp'a ra Jesús:

—Emme xən ho a gá ma, bi 'yən'ə.

⁴⁰ Nə nu'ə yə saduceo ya him mi sä da 'yān mi'da yən t'ənni.

To'o rám bom'bəto a ra Cristo

⁴¹ Nə nubəya, bi 'yən'ə ra Jesús:

—Hague nán zä guí əmfə ra Cristo rám bom'bəto ra David a. ⁴² Nguetho bi mansə ra David bə ja ra səcuə bi 'yo't'a:

Nu'a Ojə bi 'yəmp'a ma Hmu:

"Hyucua ga conhui ma ts'ədi,

⁴³ gue'bə go dá təpä gätho ə nin səihə," i ən Ojə, bi 'yən'ə ra David 'bə mi ma nangue ra Cristo.

⁴⁴ Hanja i əmbi rá Hmu, nə rám bom'bəto a, bi 'yən'ə ra Jesús.

Ra Jesús bi ma hinga gue'a bə nán xənbate ə yə xənbate nijə

⁴⁵ Nu'a ra Jesús bəya, ní jat'a nyəhə yá xädi, gätho mi 'bəpə mi øde 'bə'a bi man ra Jesús. Bi 'yəmp' ə bəya:

—O guí ərpahə masu 'bə'a da man'ə yə xənbate nijə, nguetho i he yá mbapahni xəm hmadi ngue da t'əspi, nə əmmə di ho da mba ma zəngua ngue da 'yəspa yə ja'i. Nə əmmə i honi da hyupə ja yən thuts'i xən ho bə ja yə nijə, nəpə ja yən sihme. ⁴⁷ Nə i siyabi 'bə'a i pə'ts' yə xisu xən du yán ndø, nə i tunba yá ngu, nə ní jat'i nya'a thoho i yəhə Ojə bə ja yə nijə. Pe nu'ə, man'da xən ətho ran ənbi da nu, bi 'yən'ə ra Jesús.

21

Nu'a ran t'unni man'da di muui

¹ Nu'a ra Jesús mi 'bəpə ja ra dənijə nə bi nu yə membeti i cät yə mbeti bə ja ra huada, ngue rán t'unni Ojə. ² Nə bi nu n'da za hyoya xisu bi gärpə yoho yə t'əc'axt'i. ³ Nu ra Jesús bi 'yəmp' ə mi 'bəpə bəya:

—Majuəni dí xi ahə, nuna ra hyoya xisu man'da di muui bi uni xinda gue'ə gätho mi'da. ⁴ Nguetho gätho yə membeti 'bə ya bi gät'a n'da ra mbeti ja ra huada, pe ya mbongui thoho yə mbeti, pe nu'a za hyoya xisu, bi uni gätho mi ja, xíngui ts'ə bi bongui 'bə'a da hyonse, bi 'yən'ə ra Jesús.

Ra Jesús bi ma 'bə'a din ja ra dənijə

⁵ Nu'a ra Jesús mi ø'a man yə ja'i: "Mahotho ra dənijə, nə mahotho yən t'unni i zəpə." Pe ra Jesús bi 'yəmp' ə:

⁶ —Nuna gätho guín nuhə ya, da zən ra pa hin te din ja ua, xíngui ts'ə da bonga n'da za xəqui ngue hin da yət'e, bi 'yən'ə ra Jesús.

Ran ənbi din ja ua ja ra häi

⁷ Nə nu'ə 'da yə ja'i mi ø'a bi man ra Jesús, nə bi 'yānni:

—Gra xənbate i, nda'a ní pa din ja a guím ma, 'bə'a ní hməpya din ja sä ga pəhmbə.

⁸ Nə nu ra Jesús bi 'yəmp' ə:

—Dami jamansu 'bə'a guí əc'yəihə. Nguetho da zən ra pa ba əh yə hyäte da hyä ahə: "Nugä drá Cristogä," da 'yən'ahə. Nə da 'yən'ə: "Ya bi zən ra pa ran zəgui,"

da 'yęn'✉. Pe o guí ec'yεih✉ 'be'a da man'✉.
9 Ga xi ah✉ 'be'a gätho din ja ua ja ra häi gue'b✉ go ba εcä mahøn'a. O guí suh✉ 'be'a gui 'yøhmb✉, nguetho din ja y✉ däshai, ne y✉ ja'i hinga 'da'angu da bεni. Pe hinga gue'b✉ ran zεgui din ja ✉, bi 'yęn'a ra Jesús.

10 Ne xø bi 'yęna:

—Ne 'da'a n'danni y✉ häi din ja y✉ sñi. Ne din sñse n'da ngu n'da y✉ ts'ut'abi. **11** Ne din ja y✉ 'yamhäi nts'utho, ne din ja ra däthu, ne ra dägεhe, ne din ja y✉ hmepya nts'utho b✉ mahεts'i.

12 Pe hin nín ja a dím mangä 'b✉ bim fεnt'ah✉ ne da mba ma un'ni ah✉. Ne da ts'ix ah✉ bu ja y✉ nijä, di un'nah✉ b✉. Ne da mba ma dä ah✉ bu 'buh y✉ ts'ut'abi nep✉ 'b✉ ja y✉ ts'edi. Gätho ngub✉ da t'ot'ah✉ ngue guí tengah✉. **13** Pe nu'b✉ da ts'ix ah✉ bu, da zä gui mamhb✉ bu ran ho ma'da'yo. **14** Ne 'yo gadín 'yomfεnih✉ 'be'a gui mamhb✉ bu bi mba ma juan'ni ah✉.

15 Nguetho nugä, ga bεn'nah✉ 'be'a da zä gui mamhb✉ ra ora gam 'bähmb✉ bu. Ne nu'a ga bεn'nah✉, xínga n'da nin sñih✉ da zä da däti 'be'a gui mamhb✉ bu. **16** Ne madague'b✉, ni tah✉ ogue ni mbeh✉, ogue ni cuh✉, ogue ni menih✉, ogue ni amigoh✉, pe guemhma di dä ah✉ bu 'buh y✉ ts'ut'abi. Ne 'da'ah✉ da tho ah✉ ngue guí ec'yεigah✉. **17** Ne gätho da ts'an ah✉ nanguecä. **18** Pe o guín suh✉ nguetho xínga n'da ni xtähu dim 'bep✉ ja ni yah✉. **19** Pe nu'b✉ gui hyäth✉ y✉ unbi, Ojä di 'da ah✉ ra te mazai, bi 'yęn'a ra Jesús.

Ra Jesús bi ma 'be'a din ja ra dähnini Jerusalén

20 Ne man'da bi man ra Jesús, bi 'yęna:

—Nu'b✉ guin nuh✉ xí mbät ra hnini Jerusalén y✉ dofεi, gui pähmb✉ mi ts'ut'ho da guah ra hnini. **21** Ne nu'b✉ bin ja bu Njerusalén, gätho ✉ 'bep✉ ja ra xεqui Judea xñ ho 'bu da 'dagui da mba bu däpo bu ja y✉ nyuni. Ne'✉ i 'bep✉ ja ra hnini, xñ ho 'bu da bøni, ne gätho i 'bep✉ däpo hin da 'yęna da mba bu ja ra hnini. **22** Nguetho gue'a ra pa di un rán unbi Ojä ✉, ne gätho din ja tengu tho i mam bu ja rá hman Ojä din ja. **23** Ne nu'b✉ bin ja a, huεcate ✉ in hät'uhni, ne'✉ gätho ✉ 'buh y✉ 'uere. Nguetho ndumbaito rán ts'emb̄i Ojä din ja ua ja ra häi ne xñ ngu

y✉ unbi da nu y✉ ja'i. **24** Ne nu'✉ 'da'✉ dí mba ntho ra juai, ne nu'✉ mi'da da ts'ixp✉ n'danni y✉ häi ne da gohi tengu'b✉ i ofädi. Gue'a hing y✉ judío di ts'on na ra dähnini ne di manda ua, gue'b✉ go da zøn ra pa da hyanba y✉ ts'edi Ojä, bi 'yęn'a ra Jesús.

'Bu bi zøn ra pa ba εh ra Cristo

25 Ne man'da bi man ra Jesús, bi 'yęna:

—Nu Ojä da 'yøt' y✉ hmepya bu ja ra hyadi, nep✉ ja ra zäna nep✉ ja y✉ sø. Ne y✉ ja'i 'bucua ja ra häi εmme din su'✉ 'b✉ da 'yøde nts'edi da 'yęn ran dähi y✉ dejä. **26** Ne εmme da güent y✉ mbui nangue ra mbidi din ja. 'Ne da zu 'bu da bεni 'be'a din ja gätho ua ja ra ximhäi. Ne gätho 'be'a bí ja bu mahεts'i di 'yäni. **27** Ne nu'b✉ bin ja a dí xi ah✉, 'bex gua εcä, ngue dán ja'igä ua ja ra ximhäi, ba εcä bu ja y✉ güi, ban 'yo'be ma ts'edi xñ nguue dán nułxtegä. **28** Ne nu'b✉ gán nuh✉ da mbüdi din ja, dami hyuth✉ nzämbui ne gui ndøs'h✉ mahεts'i, nguetho ba εh ni pørpateh✉ da yan ah✉, bi 'yęn'a ra Jesús.

29 Ne man'da bi man ra Jesús ngue bi man'a n'da ran t'uti, bi 'yęna:

—Gan 'yomfεnih✉ ts'✉ 'be'a di ja ra za ra higo ne'✉ mi'da y✉ za. **30** Nu'b✉ guín nuh✉ i pøx y✉ paxi y✉ za, guí pähmb✉ 'bex ba εh y✉ pa xñm pa. **31** Ngutho 'bu bi mbu'a dí xi ah✉, gui pähmb✉ mi ts'ut'ho di manda rá ts'edi Ojä ua buya.

32 Majuani dí xi ah✉, nu y✉ ja'i 'bucua ya, hinga gätho xtí du 'bu bi mbüdi din ja a dí xi ah✉. **33** Nu bu mahεts'i ne ra ximhäi da guadi, pe nu'a mam hmangä hin da gua'a, bi 'yęna.

34 Janangue dami jamansu 'be'a guí øthu, o guín nde gui 'yøth✉ ni pähä zεheh✉, ne hinga hønt'a guim bεmhbu nin sihmeh✉. Dami jamansu a gui 'yøth✉, hin ga tñ'nah✉ ngue gdí øthu a 'bu bá pengä. **35** Nguetho njon da bø'a ra ora ba εcä, pe gätho y✉ ja'i 'bucua ja ra ximhäi da nu. **36** Dami tøm thohoh✉ ne thocua thoho gan yah✉ Ojä, n'dahma din ja ni ts'edih✉ gui hyäth✉ y✉ unbi din ja. Nu'b✉ ngub✉ gui 'yøth✉, hin gui pes' ni säh✉ 'bu gá 'bähmb✉ bu ja ma hmigä, nugä ngue dán ja'igä ua ja ra ximhäi, bi

'yęn'a ra Jesús 'bę mi xih yá xädi 'bę'a gätho din ja.

³⁷ Nε nu'a ra Jesús 'bę mi 'bępü Jerusalén, gätho yü pa mi xänba ü yü ja'i bę ja ra däniqä. Pε nu'bę ra xui bęya, mi pa bę ja ra nyuni Olivos. ³⁸ Nε gätho yü xudi mi pa bę yü ja'i bę ja ra däniqä, da 'yø'a i man ra Jesús.

22

Bi hma da tho ra Jesús

¹ Nuya mi ts'atho da zön ra pa da ts'i ra hme hin'yü rá íxi. Gue'ü yü pa ra dämpeti ran däbaxjua. ² Nu'ü yü ngärpa mbäjä nε yü xänbate njä, mi honi 'bę'a dí hyo ra Jesús. Pε mi su'ü 'bę'a da 'yøt' yü ja'i 'bę da hyo'a.

³ Nε nu'a ra zjthu bi yü't' rá mbü'i ra Judas Iscariote, gue'a n'da rá xädi ra Jesús. ⁴ Nu'a ra Judas bi mba, bin yähu yü ngärpa mbäjä nε yü hmu dofüi, nε bi xifi 'bę'a da 'yøt' 'bę di dä'a ra Jesús. ⁵ Nu'ü bi hyu yü mbü'i 'bę mi man'a ra Judas 'bę'a da 'yøt'e. Nε bi xifi da gut rán zäbi ra Judas. ⁶ Nε nu ra Judas bęya, bi dö'ma ra ora 'bę njongui 'bępü yü ja'i ngue di dä'a ra Jesús.

Rán sihme ra Hmu

⁷ Nε mi sön ra pa bin ja ra dänts'ihme i ts'i ra hme hin'yü rá íxi, nε i ho ra t'üde'yo.

⁸ Nε nu'a ra Jesús bi mben'na ra Pedro nε ra Xuua nε bi xifi di hoc ran sihme ran däbaxjua, da zi 'bę bin de. ⁹ Nu ra Pedro nε ra Xuua bęya:

—Hapü guín nde ga hoc'be, ęn'ü.

¹⁰ Nu ra Jesús bi 'yømp'ü:

—Nu'bę gán 'youi bę ja ra ndenhnni nε gui nuui n'da ran 'yohü i tu n'da ra xaro ra dehe, dami tendui a ran 'yohü, nε gui cü'tui bę ja ra ngu da yü't'a. ¹¹ Nε gui xihmi a ra məngu bę: "Nu'a ra xänbate bá pənga'be ngue gui xic'be hapü i ja ra cuarto ngue ga sägähe ra dänsihme," gui 'yønui. ¹² Nε nu'a ran 'yohü da zix aui bę magats'i hapü i ja ra cuarto xən ndoho. Guepü gui hocui rán sihme ran däbaxjua, bi 'yømp'ü yü xädi.

¹³ Nu ra Pedro nε ra Xuua bęya bi mba bi dñi tengutho bi man'a ra Jesús. Nε bi hocpü ran sihme bęya.

¹⁴ Nu'bę mi zön ra ora bęya, nu'a ra Jesús nε mi'da yü xädi bi zön bę nε bin sihmebę.

¹⁵ Nu ra Jesús bi 'yømp'ü yü xädi:

—Ęmmę dán ndegä ga sihü na ran sihme ran däbaxjua 'bę di 'będi ga tugä. ¹⁶ Nε dí xi ahü, him man'dandı ga sigä na ran sihme jague'bę bi zön ra pa ngue gán yämhbę xən ho 'bę gám 'bęhmbę bę di manda rá ts'edi Oja.

¹⁷ Nu ra Jesús bęya bi dęca n'da baso ra vino nε bi un ra jamadi Oja, nε bi 'yømp'ü yü xädi bęya:

—Dami comhbę na po na ra baso, gui sihü. ¹⁸ Nguetho dí xi ahü, hin ga sigä mahön'a asta gue'bę go da zön ra pa di manda ua rá ts'edi Oja xən ho.

¹⁹ Nε nubęya, bi hyac ra hme nε nu'bę mi gua'a bi un ra jamadi Oja bęya, bi xeni nε bi darpa ü yü xädi, bi 'yøna:

—Nuna ra hme na, ma ngøc'yeigä na, ga ungä nangue ahü. Nε n'dandı ngu n'dandı 'bę guí sihü, guim bęnjü, bi 'yøn'a ra Jesús.

²⁰ Nε nu'bę mi guadi bin sihme ü, nu ra Jesús bi dęc'a ra baso ra vino nε bi un'dü yü xädi nε bi 'yømp'ü:

—Nuna, ran hoqui ma'da'yo, guehna nam bøni ma jigä ngue bi hoc'a ra 'da'yo'yu bi 'yøt'ahü Oja na, bi 'yøna.

²¹ Pε dí huhmbę ua n'da di dägä. ²² Nε nugä, ngue dán ja'igä ua ja ra ximhäi, da thogä, ngue gue'a bi zänd Oja, pe í huëhi maha a di dägä, bi 'yøn'a ra Jesús.

²³ Nu yü xädi, 'bex bin 'yänzehë to'o di dä'a ra Jesús.

Ra Jesús bi ma to'o dim 'bęt'o

²⁴ Nε man'da ran junt'i bi 'yøt'ü yü xädi ngue to'o dim 'bęt'o nanguesü. ²⁵ Pε nu ra Jesús bi 'yømp'ü:

—Nuua ja ra häi, nu yü ts'ut'abi nε'ü i ja yü ts'edi, xən hęi i ḥrpa yü ja'i 'bę di manda ü, i ɔt'e yü 'yøhe ü, nε i t'ęmbi xən ho a i ɔt'e.

²⁶ Pε nu ahü, hin gan jahü bę. Nu'a to'o dim 'bęt'o, da 'yøt'e dim 'bęjua thoho. Nε nu'a to'o din ngärpi, da 'yøt'e din 'yøhe thoho a. ²⁷ Nu yü hmu 'bęcua ja ra häi, hin dim pe'ü, pe gue i tø'mi da mbęp'ü yü 'yøhe, pe nugä madague dím hmugä, pe dí ɔt'ä ngue ni 'yøhegahü, bi 'yøn'a ra Jesús.

²⁸ Nε man'da bi xifi, bi 'yøna:

—Pε nu'ahü, dán hyämhbę 'bę má nugä yü'nibü ua ja ra ximhäi. ²⁹ Janangue ga 'da'a nin t'ędihü, tengutho bi 'dacä ma Ta.

³⁰ Nε nu'bu bi zon ra pa ga øt' ran ts'øt'abi, 'darpa dan johyahu, nε gui comhbu ma ts'edi gui juqnbahu ma mi'israelhu, dyu judiohu, bi 'yen'a ra Jesús.

Ra Jesús i pqdi 'be'a da 'yøt'a ra Pedro

³¹ Nε bi t'ømp'a ra Pedro:

—Ma zu Pedro, nu'a ra zjithu bi 'yäh ran t'ødi ngue da zä'a ni mbuihu, in nde ahu gan 'uexthu tengu'bu i 'uext ran dähi yu häi ra trigo. ³² Pe nugä, ya dá äp ma Ta him má zä gui pumben*i* ni t'øc'yeihu. Nε nu'bu gán 'yomfuni ts'ø, gui 'yec'yei xu ho mahøn'a, nε gui zerpa yu mbui ni mi'yec'yeihu, bi 'yembi.

³³ Nε nu'a ra Pedro bi däh phaya:

—Nugä, ga ten'na i madague dan ofädiui ogue ga tuui, bi 'yena.

³⁴ Bi dä'a ra Jesús buya:

—Gra Pedro, dí xi'i, nu'bu hin ní mbah ra øni, ná hyundj xquí cøngui, bi t'ømp'a ra Pedro.

Ra Jesús bi ma mi ts'øtho da nu ran unbi

³⁵ Xø bi 'yemp'ø yu xädi buya:

—Nu'bu ra mbudi dá pen'nahu bu gá mamhbu ran ho ma'da'yo, nε hin te gá hyaqxhu. 'Be'a gá 'yøthu, ha bin ja 'be'a gätho gá hyomhbu, uague hin'na.

Nε gätho yu xädi bi 'yena:

—Hin te dá 'behmbe.

³⁶ Pe nuya n'dan'yo gui 'yøthu, gui tux ni buxahu, nε gui hyaq ni mbetihu. Nε nu'bu hin'yu ni espadahu, gui pa ni pahnihu gui tämhu n'da. ³⁷ Nguetho i jatho din jagä tengu i mam bu ja rá hman Ojaq, i øm bu: "Yu ja'i da 'yembi ra ts'om'bäi a," i øm bu ja rám hman Ojaq nanguecä, bi 'yen'a ra Jesús.

³⁸ Nε nu'u yu xädi bi 'yembi:

—Gra Hmu, i jaje yoho yu espada, bi 'yen'u.

—Dí gua'u, bi 'yen'a ra Jesús.

Ra Jesús in yqui Ojaq bu ja ra nyuni Olivos

³⁹ Nu'a ra Jesús buya, bi bøm bu ja ra cuarto mi sihmu, bi mba bu ra nyuni Olivos, bi mbähä yu xädi. ⁴⁰ Nε nu'bu mi zøm bu, nu ra Jesús bi 'yemp'ø.

—Dami 'yäfu rá ts'edi Ojaq gue da zä gui hyäthu yun ts'äte ra zjithu, bi 'yembi.

⁴¹ Nε nu'a ra Jesús bi 'ue'i ts'ø bu mí 'bäh yu xädi, nε bin dänyahmu, bin yuai Ojaq. ⁴² Nε bi 'yena:

—Ma Ta'i, nu'bu ni pähä, dami japi ngue hin ga sigä a ra mbohi gá sänni ga sigä, pe hin dín nde ma pähäzehe pe go ni pähä dín nde ga øt'ä, bi 'yen'a ra Jesús.

⁴³ 'Bex bi nequi bu n'da rám 'behni Ojaq mahëts'i ngue bá hanba a í zerpa rá mbui.

⁴⁴ Pe nu'a ra Jesús ømmu bi du rá mbui, nε man'da nts'edi bin yuai Ojaq. Xøgue ra ji a rá xänthe mi täpu häi.

⁴⁵ Nε bi ndants'a ra Jesús buya, bi mba bu 'beh yu xädi. Pe nu'u, gätho min qha nguetho bi güent yu ja'i ø nangue ra dumbui mim beni. ⁴⁶ Nu'a ra Jesús bi 'yemp'ø:

—Hanja gnán qhmbu. Dami nuhmbu, gan yu Ojaq janangue'a da zä gui tahmbu rán ts'äte ra zjithu, bi 'yembi.

Bifent'a ra Jesús

⁴⁷ Nε nu'bu min yu qh yu xädi, 'bex bá øpu n'da nets'i yu ja'i, nε bá 'bet'o ra Judas, gue'a n'da rá xädi ra Jesús. Nε nu'a bi zøm bu 'beh ra Jesús nε bi zaspa rá 'yogu 'bu mi zengua.

⁴⁸ Pe nu'a ra Jesús bi 'yembi:

—Grá Judas, ha ran ts'ø'ts'i guí dägui, nugä ngue dán ja'igä ua ja ra ximhäi, bi 'yen'a ra Jesús.

⁴⁹ Nε nu'u mi'da yu xädi 'bu mi nu 'beh'a bin ja, bi 'yen'na ra Jesús:

—Ha ga japähe ma espadahu, øn'u.

⁵⁰ Pe him bi dø'mi 'beh'a da si'a n'da ø, 'bex bi zecua rán 'yeizagu rá 'yehu ra ngurpa mbäju. ⁵¹ Pe nu'a ra Jesús 'bex bi hecua yu xädi:

—O guí øthu a, bi 'yembi.

Nε 'bex bi hocua mahøn'a a rá zugu a ran 'yohu. ⁵² Nε nu'a ra Jesús 'bex bin yu qh yu ja'i ngue bá øhe da zits'i. Min 'yohu yu ngurpa mbäju nε yu ngurpa mbädi bu ja ra däniu, nε mi'da yu ngurpi yu judío. Nε bi 'yembi:

—Ha drá begä ngue guá hahni espadahu nε ni zahu ngue gui sixcahu, bi 'yena. ⁵³ Hanja hin gá bentcahu bu ja ra däniu, nε zant'a min xänbategä bu. Pe nuya bi zøn ra ora din ja a bi zänd Ojaq nε n'da ora thoho gui taju, nε'a ra dämant's'o n'da ora thoho da däqui, bi 'yen'a ra Jesús.

Ra Pedro bi gøn'ra Jesús

⁵⁴ 'Bex bi fent'a ra Jesús ne bi ts'ixpu ja rá ngu ra hmumbäja. Ne nu'a ra Pedro bi denni a na 'bejua thoho. ⁵⁵ Ne mi zø bu n'da ra sibi bu mbo rá mbä't'i rá ngu ra hmumbäja. Ne nu ra Pedro madin taspihu bu yuj*ä*'i. ⁵⁶ Ne mi 'bäpu n'da ra hmute ngue ra 'yéhe bu. Ne nu'bu mi nu'a ra Pedro, bi 'yéna:

—Nuna ran 'yohu hucua, min 'yohu ra Jesús.

⁵⁷ Pe nu'a ra Pedro bin cøni, ne bi 'yéna:

—Nu'i grá xisu, xøgue hin dí pacä to'o a guí ma, bi 'yéna.

⁵⁸ Nu'bu mi tho n'da zu t'u ora, n'da ran 'yohu bi nu'a ra Pedro ne bi 'yémbi mahøn'a:

—Nu'i grán 'yohu, gue'e gmin 'yohu ra Jesús.

Pe nu'a ra Pedro bin cøni:

—Hinga guecä, bi 'yéna.

⁵⁹ Ne nu'bu mi thoh man'da ora, xø man'da ran 'yohu bi 'yémbi:

—Nugä, dí pacä na ran 'yohu. Guehna n'da rá xädi ra Jesús. Néhna ra mëngu Galilea na, bi 'yéna.

⁶⁰ Pe nu'a ra Pedro bi däti:

—Nu'i grán 'yohu, hin dí pacä 'be'a guim ma, bi 'yéna.

Ne 'bex bi mbah ra øni buya. ⁶¹ Nu'a ra Jesús 'bex bin yégui ne bi hyant'a ra Pedro. 'Bex bi ben'a ra Pedro xí xi'a rá Hmu, ngue bi 'yémbi: "Dí pacä nu'bu hin ná mbah ra øni, hyundi xquí cøngui," ngue xí 'yémbi. ⁶² Ne nu'a ra Pedro buya, bi mba bu thi ne bin zoni, bi benman' u 'be'a bi 'yøt'e.

Ra Jesús bi tuspi

⁶³ Ne nu'u yen 'yohu mi fä'a ra Jesús, bin uspate tho'. ⁶⁴ Ne bi gorpa rá dä ra Jesús, ne bi mbem' puya, ne bi 'yémp'a ra Jesús:

—Grá pøngahyq, xije to'o bi mbep'a'i, bi 'yémbi.

⁶⁵ Ne emme xan ngu ran ts'o bi xi'a ra Jesús.

Ra Jesús bi juqnbayu ngurpi yujudío

⁶⁶ Ne nu'bu mi hyax puya, bim peti bu yu däc'yei, ne yu ngurpa mbäja, ne yu xänbate nija. Ne nu'u bi zixpu madim peti gätho yu ngurpi yujudío, ngue di juqnba ra Jesús. Ne bi 'yémp'a:

⁶⁷ —Dami xije ya, ha majuqni gue'e grá Cristo, rá Thahni i Oja.

Ne nu'a ra Jesús bi däti:

—Madague'a ga xi ahu, hin gui 'yéç'yéigahu. ⁶⁸ Ne ngutho'bu ga än'nahu n'da ran t'änni, hin gui thähmbu, bi 'yéñ'a ra Jesús. ⁶⁹ Pe nuya, bi zøn ra ora ga com'be rá ts'edi Oja nuixte thoho, nugä ngue dán ja'igä ua ja ra ximhäi, bi 'yéñ'a ra Jesús.

⁷⁰ Ne nu'u mi hupu bi 'yänni:

—Ha gue'e rá Ts'unt'u e Oja 'bu.

Ne nu'a ra Jesús bi däti:

—Gue'a guí mamhbu, bi 'yéna.

⁷¹ Pe nu'u buya, 'bex bi 'yéñ'u:

—Hingui jatho ga homhbu mi'da yu testigo, nguetho ya bin juqnehe, ne dá øhmbu a bi ma, bi 'yéñ'u.

23

Ra Pilato bi juqnba ra Jesús

¹ Janangue'a bi ndants'u, bi zix'a ra Jesús 'bu'h ra ts'ut'abi Pilato. ² Ne gätho u bi yap'a ra Jesús. Ne bi 'yémp'a ra Pilato:

—Nuna ran 'yohu i 'bäcua, emme i hät yu ja'i, ne bi xih yu ja'i ngue hin din jut yu renta im man ra ts'ut'abi Roma, ne bi manse ngue guese ra Cristo, ra hmuts'ut'abi na, bi 'yéñ'u madí yap'a ra Jesús.

³ Ne nu'a ra Pilato buya, bi 'yän'na ra Jesús:

—Ha majuqni gue'e rá hmuts'ut'abi yu judío.

Ra Jesús bi däti:

—Gue'a gá ma, bi 'yéñ'a ra Jesús.

⁴ Nu ra Pilato buya bi 'yémb yu ngurpa mbäja ne yu ja'i mi 'bäpu:

—Xínga n'da ra ts'oqui dá tjuñbä na ran 'yohu, bi 'yéna.

⁵ Pe emme man'da nts'edi bi man' u yu yapate:

—Nuna ran 'yohu bi du'ma n'da ran heque nangue 'be'a bi xänba yu ja'i. Gue'a bi 'yørpu ja ra häi Galilea, nepu ra xequi Judea, ne nuya bi zøcua ja ra hnini Jerusalén, ngue da 'yøt'ua, bi 'yéñ'u.

Ra Herodes bi juqnba ra Jesús

⁶ Nu'bu mi 'yøde 'be'a bi man yu ja'i, nu ra Pilato bi 'yänni:

—Ha ra mëngu bu Galilea na ran 'yohu bu.

⁷ Nε nu'ba mi badi gue ra mengu ba Galilea a ra Jesús, bi manda da ts'ixpa 'bah ra Herodes. Nguetho ra Herodes ra ts'at'abi ba ja ra häi Galilea, nε gue'a ra pa i 'bapa ja ra dahnini Jerusalén a. ⁸ Nε nu'a ra Herodes, 'ba mi nu'a ra Jesús, bin johya, nguetho mi øde 'be'a gätho mi øt' ra Jesús, nε in nde da nu n'da ran t'øt'e nujxte. ⁹ Nε nu'a ra Herodes, xan ngu bi 'yän yan t'änni, pε nu'a ra Jesús him bi 'yørpatho ra güenda, xíngui ts'u bi dadi. ¹⁰ Nε hinga yatho mi 'bah ya ngärpa mbaja, nε ya xanbate nija, nε emme ts'edi bi mbafi, di yäp'a ra Jesús. ¹¹ Pε nu'a ra Herodes nε yü dofai, emme bi denthoho a ra Jesús, nε xíngui ts'u bi numansu'a. Nε nu'u ya dofai bi het'a ra pahni tengu ya pahni ya hmuts'at'abi, nε bi mbenh mahøn'a ba 'bah ra Pilato. ¹² Nε madín suhmi a ra Herodes a ra Pilato, pε nu ra pa a, bin amigoui baya.

Nu ra Pilato bi manda dí ho ra Jesús

¹³ Nε nu'a ra Pilato bi zon'du ya ngärpa mbaja nε'mi'da ya ngärpi ya judío. ¹⁴ Nε bi 'yëmbi:

—Guá sihu na ran 'yohu 'bacua, nε gá xiju ra hyäte na. Pε xan ngu yan t'änni xtá ändä nε xínga n'da ra ts'oqui dá tjuba na, bi 'yëna. ¹⁵ Nε xínga gue'a ra Herodes bi ma xtán dinba n'da rá ts'oqui, nε bá pentho ua mahøn'a. Nε hin'ya 'be'a bi 'yøt'na ran 'yohu gue dí nu ran date. ¹⁶ Nuya, ga manda da 'bei nε nubaya ga thøtho, bi 'yëna.

¹⁷ Nguetho nu ra Pilato nzai di thø'a n'da ra ofädi 'ba i ja ram peti ran dabaxjua. ¹⁸ Pε nu ya ja'i emme bi mbafi nε n'dat'a bi man u:

—Dami hyo na ran 'yohu, nε go gui thø'a ra Barrabás, bi 'yën'u:

¹⁹ Nε nu'a ra Barrabás, ra hyodu a, nε mi ofädi nguetho bi parpa ya ja'i din suhmbu ra ts'at'abi. ²⁰ Pε nu'a ra Pilato, emme min nde di thø'a ra Jesús, nε bi zäpi din yähu ya ja'i mahøn'a. ²¹ Pε nu'u ya ja'i emme i mbafi. Nε bi 'yën'u:

—Cuarpu ja ra pont'i, bi 'yën'u.

²² Nε ná hyundi baya, bi 'yän'na ra Pilato:

—'Be'a ní ts'oqui bi 'yøt'na ra Jesús, xínga n'da ra ts'oqui xtá tjuba ngue dí nu ran date, pε 'be'a da gua'a m'bei ga xoca baya, bi 'yën'a.

²³ Pε man'da nts'edi bi mbah ya ja'i, nε n'dat'a bi ma ngue di cuarpa ja ra pont'i ra Jesús. Nε bi daha 'be'a min nde baya. ²⁴ Nguetho nu'a ra Pilato bi manda da t'øt'a 'be'a go i nde ya ja'i. ²⁵ Go bi thø'a ra Barrabás, ngue bi man ya ja'i, madague'a ín ofädi a nam parpate nε ne'a ín hodu. Pε nu'a ra Jesús, go bi däp'u ya ja'i da 'yørpe tengu mim beni da 'yørpe.

Nu ra Jesús bin cuatpa ja ra pont'i

²⁶ Nε nubaya, bi ts'ixa ra Jesús bandechnini. Nε bin c'athu n'da ran 'yohu, í Simón, ra mengu ba ja ra hnini Cirene, ngue ní mba ba ja ra hnini Jerusalén. Nε bi fent'i nε bin japi da duspa rá pont'i ra Jesús. ²⁷ Nε n'dan nets'i ya ja'i bi den'na ra Jesús. Nε nu'u 'da ya xisu zom ba ní mba, i tu ya mbai 'be'a da t'ørpa ra Jesús. ²⁸ Pε nu'a ra Jesús bi hyët'u nε bi 'yëmp'u:

—Gyü za xisuhu, ngue gyü menguhu Jerusalén, o guí zomhbu ngue ga tugä, pε man'da go gui zomhbu nangue 'be'a gui nuschu, gyü menguhu Jerusalén, nε ni t'uhnihu. ²⁹ Nguetho da zøn ra pa xan u tho ran u**u**bi guin nuhu. Nε him man guisamhbu u ya xisu him bi djuyü t'uhni, peggue guim bemhbu majäpi u, nguetho ya njo'o ya t'uhni da nu'a ran u**u**bi xan u tho tengu da nu ni t'uhnihu. ³⁰ Nε da 'yën'i 'da: "Man'da xan ho 'ba xtan yøt' ya t'øhø nε ya nyuni xtan gogbahu, xinda gue'ba ga thoqui ga nuhu ran u**u**bi xan u tho," da 'yën i 'da. ³¹ Nε guipahmbu, nu'ba xan u tho ran u**u**bi bi t'ørpa n'da ngue hin'ya rá ts'oqui, man'da xan u tho da t'ørpa u ja ya ts'oqui, bi 'yën'a ra Jesús 'ba mi xih ya xisu i zoni.

³² Nε' u yoho yan 'yohu bi ts'its'i ngue 'darpu da thohu a ra Jesús. Pε gätho u yoho mi ja ya ts'oqui u. ³³ Nε gätho bi zøm ba ja n'da ra nyuni t'ëmbi ra yäxmu. Guepu bi mba ma cuati ba ra Jesús nε'mi yoho yan 'yohu. N'da a n'da bi guarpu ja ya pont'i. ³⁴ Nε nu'a ra Jesús bi 'yëna:

—Ma Ta'i, dami punba a i ørcä ya ya ja'i, nguetho hingui pädi 'be'a i øt'e, bi 'yën'a ra Jesús.

Nε nu'u ya ja'i bi 'yøt'a n'da ran täha to'o da gäxa rá pahni ra Jesús. ³⁵ Nε mi hand thohu ya ja'i. Nε nu ya ngärpi, emme bi den thohu nε bi 'yëna:

—Nuna ran 'yohu bi pø'i 'da, i sää dim pøse ya gue'bu gue'a ra Cristo rá Thahni Oja nu, bi 'yøn'u.

³⁶ Ne'u yu dofui çmme bi denthoho ne di säti di un'na ra vino xun ju, çmbi da zi a ra Jesus. ³⁷ Ne bi 'yømbi:

—Nu'bu gue'e rá Hmuts'ut'abi yu judío, damim pøse 'bu, bi 'yøn'u yu dofui.

³⁸ Ne mán t'o't'i n'da ra xithu bu ja ra pont'i bu ja rá yu ra Jesus. Ne nt'o't'i bu: "Nuna rá Hmuts'ut'abi yu judío na."

³⁹ Ne nu'a n'da ran 'yohu mi cuat rá pont'i mi 'bäpu nán ja rá hyo ra Jesus, bin sante thoho. Ne bi 'yøna:

—Nu'bu majuqni gue'e grá Cristo, hanja hin gám pøse, necä'be xquí pøc'be, bi t'çmp'a ra Jesus.

⁴⁰ Pe nu'a man'da ran 'yohu mi cuarpu buya, bi hecpa a bin sante ne bi 'yømbi:

—Ha xíngui ts'u guí su Oja, ne 'dat'a man unbihu, bi 'yøna. ⁴¹ Pe nugüi, ran däte rán säui a dá øt'ui. Pe nuna ra Jesus, xíngui ts'u ran ts'o bi 'yøt'na, bi 'yømbi.

⁴² Pe nubuya, bi 'yømp'a ra Jesus:

—Dami bunc 'bu bin ja ni ts'edi ngue gui manda ua, bi 'yøna.

⁴³ Nu ra Jesus bi 'yømbi:

—Majuqni dí xi'a'i, ga sømmi nám pa ya bu mahuts'i, bi 'yømbi.

Bi du ra Jesus

⁴⁴ Pe nu'bu huxyadi, bim 'bexui gätho ra ximhäi, asta gue'bu hyunde. ⁴⁵ Ne nu'bu mim 'bexui, bin xengui nde ra 'bø't'e i ndam bu mbo ra däniqu. ⁴⁶ Ne nu'a ra Jesus nts'edi bi mbafi, ne bi 'yøna:

—Ma Ta i, dadí dä'a ma te ya, bi 'yøna.
Ne 'bex bi du buya.

⁴⁷ Ne nu ra hmudofu mi 'bäpu, 'bu mi nu 'bu'a bin ja, bi 'yøspa Oja, ne bi 'yønsu:

—Majuqni nunu ran 'yohu hin te mi ja ra ts'oqui, bi 'yøna.

⁴⁸ Ne gätho na ngu yu ja'i 'bäpu ngue yu nute, 'bu mi nu 'bu'a bin ja, 'bex bi mba yu ngu, bi bundumbu ne bi hyonya thoho.

⁴⁹ Pe nu'u yu amigo ra Jesus n'danni ts'u mi 'bäi. Ne'u 'da yu xisu mi ten'a ra Jesus 'bu mambá nuexpu ja ra häi Galilea, gätho bi nu 'bu'a bi t'ørpa ra Jesus.

Bi t'ä'a ra Jesus

⁵⁰⁻⁵¹ Ne mi 'bu'a n'da ran 'yohu, í José, ra mengu bu ra hnini Arimatea, n'da rá hnini yu judío bu ra xuequi Judea. Nu'a, ra hoc'ja'i a, ne mi hnumansu. Ne mi tøm' ra pa di manda ua rá ts'edi Oja. N'da rá ngurpi yu judío a, pe hinga 'da'ingu bi bucmhbu u bi juanba ra Jesus. ⁵² Ne nu'a ra José bi mba bu bí 'buh ra Pilato ne bi 'yäp rá ngøc'yu ei ra Jesus ngue da 'yägui. ⁵³ Ne bi tong bu ja ra pont'i a ra Jesus. Ne bi mbantpa rá ja'i ra Jesus n'da ra hoc'bø't'e xun ho, ne bi gärpu ja n'da ra hyädo xínga n'dandí bi 'yo n'da ra du. ⁵⁴ Ne nu'bu mi 'yägui, gue'a ra pa din sää yu ja'i ngue da nu ra pa ran säya.

⁵⁵ Ne nu'u yu xisu, mi ten'a ra Jesus 'bu xí nuexpu ja ra häi Galilea, bi den'a ra José ne bi nu hapu bi jät'a ra Jesus, ne mi nu hapu áñ ja rá yu. ⁵⁶ Ne nu yu xisu bi mba buya, di hoc ra 'yøthi i yuman'u, ne ra aceite da gospa rá ja'i ra Jesus. Pe nu'bu mi mbu'a ra pa ran säya, bin säya tengu thoho bi mam bu ja yun t'çdi.

24

Bi dämbuni ra Jesus bu ja rán 'yägui

¹ Ne t'uxuditho ra pa ndomingo, nu'u yu xisu bi dux ra 'yøthi bi hoqui, ne bi mba bu ja ran 'yägui ngue ra hyädo guepu mi o ra Jesus. ² Ne nu'bu mi zøm bu, bi nu, ya xí mba njenni a ra do mi juaxpu ja ra hyädo.

³ Ne 'bex bi yurpu mbo, pe him bi dñm bu rá ja'i ra Jesus. ⁴ Ne nu'bu mi 'bäpu ne din 'yomfuni 'bu'a bin ja, 'bex bim 'bähmbu yoho yum 'behni Oja, mi he yu pahni di fexni. ⁵ Ne nu'u yu xisu, çmme bin su ne bi hyøt'u yun 'yohu. Ne bi 'yømp'u:

—Hanja gní hyomhbu ua n'da ran 'yohu i 'bui, guecua ja ran 'yägui. ⁶ Nu'a guí homhbu, bi ndants'a, njo'o ua a. Nde'bu guim bumhu a bi xi ahu 'bu gám 'buhmu bu ja ra häi Galilea. ⁷ Ngue bi ma jatho da nu ran unbihu, ne da mba ma dä bu 'buh yu ts'om'bui, ne da du bu ja ra pont'i, ne nu'bu ná hyu pa da dämbuni, bi 'yøn'ahu, bi 'yøn'u yum 'behni Oja.

⁸ Ne nu'u yu xisu bi bucm buya 'bu'a xí man'a ra Jesus. ⁹ Ne bi nuexpu ja ran 'yägui, bi mba bu 'bu'u 'de'ma'da yu xädi ra Jesus ne'u gätho mi'da, ne bi xi'u 'bu'a bin ja bu ja ran 'yägui. ¹⁰ Ne nu'u yu xisu, ra María

Magdalena a n'da, ne ra Juana a man'da, ne ra María rá mbe ra Jacobo a man'da, ne' mi'da min 'yohu gue' u bi xi'u yá xädi a ra Jesús 'be'a bi nu bu ja ran 'yägui. ¹¹ Pe nu'u yá xädi, him bi 'yec'yei 'be'a bi man yá xisu, ne bi 'yembi bi bënsé 'be'a bi man'u.

¹² Pe nu'a ra Pedro, bi mba n'dih i bu ja ran 'yägui ne bi nu bu mbo. Ne bi nu mi 'bøntho bu ra 'bø't'e má mbant'i ra Jesús. Ne bi mbeng bu ja rá ngu buaya, bi hyonya thoho 'be'a bin ja.

Ra Jesús bin 'yohu bu 'yu 'da yá 'yec'yei

¹³ Ne gue'a ra pa bi mba yoho yá 'yec'yei bu ja ra hnini Emaús ngue hinga yatho, hyu ora tho ná 'yo. ¹⁴ Ne i mam bu ní mba 'be'a bin ja bu Jerusalén. ¹⁵ Ne gätho ná ya'hu, bi zäpü 'yu a ra Jesús ne bin 'yohu. ¹⁶ Ne nu'u bi nu a, pe him bi bädi to'o a. ¹⁷ Ne nu'a ra Jesús bi 'yän'du:

—'Be'a guí mammi.

Ne nu'u yoho bim 'bäpü buaya, ne emme tu yá mbai.

¹⁸ Ne nu'a n'da í Cleofas bi däti, bi 'yëna:

—Masque høn'a zëhe hin guí padi 'be'a bin ja bu Jerusalén yá pa i ja buaya, bi 'yembi.

¹⁹ Nu'a ra Jesús bi 'yänni:

—'Be'a bin ja bu.

Ne bi xih paya 'be'a bin ja, bi 'yembi:

—Nu ra Jesús, ra mëngu Nazaret, n'da rá pøngahyä Ojä emme mi ja rá ts'edi, bi 'yøt' yän t'øt'e nuixté ne bi hoc yän zäman'. Ne bi 'yøt' ran ho bu na nu Ojä, ne nu yá ja'i bi numansu a. ²⁰ Ne nu'u yá ngurpa mbäjäq ne mi'da ma ngurpihu, bi dä'a ra Jesús bu 'buh ra ts'ut'abi ngue da tho. Ne bi mba ma cuati bu ja ra pont'i buaya. ²¹ Ne nugähe, dá bëmhbe gue'a da yanju dyu ja'i israelgähä, ne xtín jase ma ts'edi zehähä mahøn'a. Pe ya ná hyu pa ya bi tho. ²²⁻²³ Pe nu'u 'da yá xisu ma mi 'yec'yeihe, mán t'uxuditio bi mba bu ja rán 'yägui, guepu bí o ra Jesús, pe him bi dñm bu a, ne bá peng bu ja ra ngu bi xije 'be'a bi nu, ne bi man'u bi nu 'da yám 'behni Ojä mahëts'i, bi xifi i 'bu'a ra Jesús. Ne emme dadí hyonya thohe. ²⁴ Pe nu'u 'da man 'yohe, bi mba bu ja ran 'yägui ne ngutho bi man'u ngue hin'yá bu rá ja'i, bi 'yën'u yá 'yec'yei.

²⁵ Pe nubuya, nu'a ra Jesús bi xi'u min 'yohu:

—Nu'aui, guí 'yämbuiui ne xíngui ts'u güí chya gui 'yec'yeiui 'be'a gätho bi man yá pøngahyä Ojä. ²⁶ Nguetho gätho u bi ma jatho da nu ran unbi ra Cristo, gue'bu go bi gonhui rá ts'edi Ojä, bi 'yën'a ra Jesús.

²⁷ Ne nubuya, bi xi'u 'be'a gätho bi man yá pøngahyä ngue din ja, ne 'be'a nam bøn'a nt'o't'i bu. Bi dñ'mi bu rá mbudi rá sòcuä ra Moisés ne bi xifi gätho u mi'da yá sòcuä Ojä.

²⁸ Ne nu'bü mi ts'utho da zøm bu ní mba, nu ra Jesús bi 'yøt'e tengu 'bu da thogui.

²⁹ Pe nu'u yoho min 'yohu bi zammi din oxhu bu, nguetho bin de. Ne nu'a ra Jesús buaya, bi gohmbu bu u.

³⁰ Ne nu'bü min sihmehu, nu ra Jesús bi hyac ra hme, ne bi un ra jamadi Ojä, bi xeni, bi un'du mi 'bäpü buaya. ³¹ 'Bexgue 'dahmantho bi bädi to'o a ra Jesús tengu'bu ja bin zø yá dä. Pe nu'a ra Jesús 'bexque bim 'bøtho bu, him bi nu hapu í mba. ³² Ne nu'u yoho bin yäse u, bi 'yën'hu:

—Pe hanja hin dá pähmi 'bu mán c'athu bu ja ra 'yu. Ha him bin johya ma mbäui 'bu mí xicui 'be'a nam bøn'a rám hma Ojä, bin 'yemzehu u.

³³ 'Bex bi ndants'i, bi mbeng bu Jerusalén, ne bi dñm bu u 'de'ma'da ngue madím petihu mi'da yá ja'i. ³⁴ Ne emme madí johya u, ne i ma ngue bi ndants'i mahøn'ara Hmu ne bin yäui ra Pedro. ³⁵ Pe nu'u bi zøhø ngue min 'yohu ra Jesús bu 'yu, bi xi'u mi'da 'be'a bi 'yørpü 'yu. Ne bi xi'u ngue gue'a í bå'a ngue bi xen ra hme ra Jesús.

Ra Jesús bin 'yuse bu 'buh yá xädi

³⁶ Ne nu'bü gätho na ya'hu yá xädi, ya xí 'bäpü ra Jesús 'bu mi nu. Ne bi zengua u, bi 'yembi:

—Gan johyahu.

³⁷ Ne emme bin su, bi bëni gue i nu n'da ran dähi, ngue him majuäni. ³⁸ Pe nu ra Jesús bi 'yemp'hu:

—Hanja ngue in jabu nin 'yomfënihu, ne hingui sä gui 'yec'yeigahu. ³⁹ Dami hyetcahu, ne guin nuhu ma 'ye ne ma gua, ne gui nuhu ngue gueczehégä. Dami thäqui, janangue da zä gui pähmbu ngue i ja a ma ngøc'yei. Pe nu'a n'da ran dähi tengu

guím bεmhba, hinguin 'youi rá ngøc'yεi a, bi 'yεn'a ra Jesús.

⁴⁰ Nε nubuya, bi 'yut' u yá 'yε ne yá gua. ⁴¹ Pe guexta'a him 'bexque bi 'yεc'yεi nguetho bi hyonya thoho, ne xin di johya u. Nu ra Jesús buya, bi 'yäpi 'be'a da zi. ⁴² 'Bex bi un'na n'da xequi ra huq. ⁴³ Bi hyam buya ne bi za, ne gätho yu ja'i mi 'bupu bi nu. ⁴⁴ Nε nu ra Jesús bi 'yεmp'u:

—Nuya bin ja 'be'a gätho dá xi ah 'bá mám 'buhmba. Ya dá xi ah u gue din ja a nt'o't'i bu ja yán t'edi ra Moisés, nepu ja yá søcuq yu pøngahyq, ne'a nt'o't'i bu ja yu thuhu, yu salmo, ne ya bin ja, bi 'yεn'a ra Jesús.

⁴⁵ Nu ra Jesús buya, bi xocpa yán 'yomfεni ngue da zä da ba'u 'be'a nam bøn'a rám Hman Oja. ⁴⁶ Nε bi 'yεmp'u:

—Nt'o't'i bu ja rám Hman Oja gue da nu ran u nbi ra Cristo, ne da tho, ne ná hyu pa da dämben'i. ⁴⁷ Nε nt'o't'i bu ngue dí mbupu Jerusalén da hman ran ho ma'da'yo, ne gätho ná nguni ra ximhäi, ne da sih yu ja'i di päh yán 'yomfεni ne da mba ma punbi yá ts'oqui, ngue nangue rá thuhu ra Cristo. ⁴⁸ Nu ah, sä guim mamhbø majuani ran ho ma'da'yo, nguetho gá nuhu 'be'a gätho bin ja. ⁴⁹ Nε gua pen 'nahu rá Hogandähi Oja bi mam ma Ta di 'da ah. Pe jatho gui tømhbu ua Jerusalén, gue'bø go bá ɬh mahets'i rá ts'edi gan 'yohu, bi 'yεn'a ra Jesús, bi 'yεm'bø min yahu yá xädi.

Bi index mahets'i ra Jesús

⁵⁰ Nu'bø mi gua'a bi man ra Jesús, bi zix u yá xädi bu ja ra 'yu ní mba bu Betania, ne guepu bi 'uq'ts' yá 'yε ne bi jøp'u buya. ⁵¹ Pe nubuya bi zopu u yá xädi ne bi index mahets'i. ⁵² Nε gätho u mi 'bäpø bi 'yεspi ne emme bin johya yá mbui u. Nε bi mbeng bu Jerusalén buya. ⁵³ Nε gätho yu pa bin de bu ja ra däñijø, mi numansu Oja ne bi un ra jamadi Oja bu. Nε hønt'a dí xi'a ya.

Xuua Ran ho ma'da'yo bi 'yo't'a ra Xuua rá xädi ra Jesús, ne xin rá 'bäiui a

Nu'a ra Cristo t'ëmbi ram Hma

¹ Nu'a ra Cristo tengu'b  ram hma nguetho di jaj  ga p ahmb  Oj  a. Ne ya xm  'b  hin te m  ja ra ximh i, ne i 'b hmi Oj  a, ne nu'a Oj  a. ² Ne gue'a m  'b hmi Oj  'b  rá mb di thoho. ³ G  tho bi 'y t'e 'b 'a i ja. Nu'b  hin xt  'y t'a, hin te di ja 'b . ⁴ I jase r  te, ne gue'a n  ja y  te u y  ja'i, ngue di 'yomf n p y  mb i. ⁵ Janangue'a nu'a tengu ran nequi di yorp  ja ra 'b xui. Pe nu'a ra 'b xui hin da z  di hu t'a ran nequi.

⁶ Nu Oj  bi huahna n'da ran 'yoh  gue'a ra Xuua Nxixy  a. ⁷ Nu'a ra Xuua Nxixy  bi thahni da ma nangue'a ran nequi maju ni, ndepe g  tho da 'y c'y i ran nequi y  ja'i, nangue'a bi man'a ra Xuua. ⁸ Pe nu'a ra Xuua Nxixy  hinga gue'a ran nequi a, pe bi ma nangue'a ran nequi. ⁹ Nu'a ran nequi maju ni, b   cua ja ra ximh i, ndepe g  tho din ja ran nequi y  mb i y  ja'i.

¹⁰ Nu'a ran nequi maju ni bi 'y t' ra ximh i, ne bim 'b cua, pe nu y  ja'i ua ja ra ximh i him bi b di gue gue'a. ¹¹ I z cua d  'b hmbe ngue ma mengug he a. Pe x n ngu u him bi 'y manho a. ¹² Pe g  tho to'o bi zim b  mbo y  mb i a ra Cristo, ne bi 'y c'y i gue y  y ante a, gue'a i z  bi x nd mah n'a Oj  u ngue bi 'y t'e y  t hn  z h . ¹³ Pe nu'b  bi x nd mah n'a Oj  n'da, hinguin ja tengu'b  x m 'b  a n'da ra 'uere, ngue bi ndesse y  ja'i ne nangue y  ja'i z h , pe bim 'b i mah n'a nangue Oj .

¹⁴ Ne nu'a tengu'b  ram hma bin ja'i a, ne m  'b hmbe a. Ne d  nuhe r  nujxte nguetho r  'dats' nt'  Oj  a, hin hap  i s  a r  mate, ne g  tho maju ni bi ma. ¹⁵ Nu'a ra Xuua Nxixy  bim p ngahy  nangue'a. Ne ts' di bi ma bi 'y na:

—Nuna guehna d  mang  'b  m  xi ah , m b ejua ba  h , pe man'da nujxte xinda guec , nguetho ya xm  'b  r  mb di

thoho, ne hin'na g , m   ng , bi 'y n'a ra Xuua Nxixy .

¹⁶ Ne g  tho gah  dy  'y c'y ih , d  h mh b  r  mate x n ndoho, ne thocua thoho di 'daj  man'da r  mate. ¹⁷ Nu ra Mois s bi x ngah  y n t edi Oj . Pe nu ra Jesucristo bi 'daj  r  mate ngue maju ni d  zingdah  Oj  a. ¹⁸ Njo'o n'da ra ja'i da z  da nu Oj  ngue xt m b se, hinda h nt'a r  'dats' nt'  dim p seui a r  Ta, ne gue'a bi jaj  d  p ahmb  a.

Ra Xuua Nxixy  bi ma to'o a

¹⁹ Nu'u ma ng rp ihe dy  jud ohe dy  israelhe ngue m  'b p  ja ra d ahnini Jerusal n, bi mba u 'da y  mb j  ne'u 'da y m f ts'ih , bi z m b  'b h ra Xuua Nxixy  da 'y nni to'o a. ²⁰ Ne nu'a bin ju nni, him bin c ni, ne bi 'y na:

—Hinga guec  dra Cristo gue x  huand Oj , bi 'y n'a.

²¹ Ne bi t nni mah n'a:

—To'o e, ha gue'e gra El as.

—Hin'na, hinga guec , bi 'y n'a.

—Ha gue'e gra p ngahy  bi man ra Mois s gue ba  h .

Ne bi d ti:

—Hin'na, bi 'y ntho.

²² Ne bi t nni mah n'a:

—To'o e. Xije. Nu'b  gui xije ne da z  ga xihmbe u b  p ngah  b ya.

²³ Ne bi d ra ra Xuua Nxixy  b ya:

—Nug  guec  bi man ra p ngahy  Isa as 'b  mi ma: "Dim 'b  a n'da dim 'b p  ma'ueni ra hnini, ne ts' di da ma di hoc y  mb i y  ja'i gue da 'y manho ra Hmu 'b  bi z h ," bi 'y n'a ra Isa as, bi 'y n'a ra Xuua Nxixy .

²⁴ Ne nu'u bi z m b , y m 'b hni y  fariseo u.

²⁵ Ne bi t mp'a ra Xuua:

—Hanja g n  'y t' ran xixy  'b  hinga gue'e gr  Cristo, x ng  gue'e gr  El as, x ng  gue'e man'da ra p ngahy  bi man ra Mois s.

²⁶ Nu'a ra Xuua b ya bi d t' , bi 'y na:

—Nug , ra dehe thoho n  xixy ba y  ja'i, pegue i 'b  inde n'da ran 'yoh  ua d  'b hmbe, ngue hin gu  p ahmb  'b 'a di 'y t'ui a. ²⁷ Nuna guehna d  mang  ngue m b ejua di d ump' r  'b fi, pe man'da nujxte xinda guec , janangue'a hin d  s c  tengu a, bi 'y n'a ra Xuua Nxixy .

²⁸ Nε guehya gätho yuñ t'änni bi hmam bø ja ra xequi Betábara, n'danguadi ra däthe Jordán, guepø bi 'yøt' ran xixyä ra Xuua.

Tengu ra t'üde'yo ra Cristo

²⁹ Nu'bø mi hyats'i, nu ra Xuua Nxixyä bi nu ba ñpø ra Jesús, nε bi 'yëmp'ø mí 'bähmbø:

—Dami hyanthø ya, tengu'bø ra t'üde'yo, nguetho bi zänba Ojä dim 'bøts'e zëhe, gue di hocpa yú ts'oqui yø ja'i 'bæcua ja ra ximhäi.
³⁰ Nunø guehnø mím mangä nø 'bø má ñngä: "Ba ñ a'n'da ran 'yohø m'bejua, nu'a man'da nuijte xinda guecä, nguetho ya xmi 'bø 'bø rá mbødi thoho, nε hin'nagä." ³¹ Nε nugä him mí pácä to'o a t'ëmbi ra Cristo. Pø bi siqui ga xixyä ahø nangue ra dehe, ngue guí pähmbø to'o a ni yanterior, ma mi israel ahø, bi 'yëna.

³² Nε bi ma majuqni ra Xuua Nxixyä, bi 'yëna:

—Dá nugä rá Hogandähi Ojä bá cäh mahëts'i, tengu n'da ra t'azø, nε bi gohmi ra Jesús 'bø má ñrpa ran xixyä. ³³ Ja dá pácä bøya ngue gue'a. Nguetho nu Ojä ngue bi xi qui ga øt' ran xixyä nangue ra dehe, nε bi xi qui: "Nu'bø guin nu ma Hogandähi da gai ne da gohmi n'da ran 'yohø, guí padi ngue gue'a di un ma Hogandähi yø ja'i," bi 'yëngui. ³⁴ Nε gue'a dá nugä a bøya, janangue dím mangä: "Guehna rá Ts'unt'ø Ojä na," dí ñngä, bi 'yën'a ra Xuua Nxixyä.

Yú mbødi yú xädi ra Jesús

³⁵ Xø man'dapa bøya mí yo'be mi 'bähmbe ra Xuua Nxixyä yú xädigä'be a. ³⁶ Nu ra Xuua Nxixyä bøya bi hyandi ngue 'yo bø ra Jesús, nε bi 'yënc'be:

—Dami nuui ya ra t'üde'yo ngue'a rám 'bëhni Ojä, bi 'yëna.

³⁷ Nu'bø má ø'be a bi ma, dá tñ'be ra Jesús. ³⁸ Nε nu'a ra Jesús bin yø 'bø má tñ'be nε bi 'yänga'be:

—Be'a guí hommi, bi 'yënc'be.

Nε dá än'be a:

—Rabí, nde da ma, xänbate i, hapø guí 'bøi.

³⁹ Nε bi xic'be ra Jesús:

—Ga mbähä gua nuui bø dí 'bæcä.

Dá mbähmbe bøya nε dá nu'be hapø mi 'bøi. Nε man'da ora dám 'bø'be bø 'bø má

sømhbe bø, nguetho mbø goho nde 'bø má sømhbe bø.

⁴⁰ Nε nu'a man'da gue min 'yohe 'bø mi xic'be ra Xuua Nxixyä ga tñ'be ra Jesús, ra Andrés a, rán 'yohø ra Simón Pedro.

⁴¹ Nuna ra Andrés 'bex bi mba bá xi a rán 'yohø.

—Ya dá tñ'm'be ra Mesías, bi 'yëna. Nu'a nde da ma rá Thahni Ojä a, ngue gue'a ra Cristo a.

⁴² Nε nu ra Andrés bøya, bi zix'a ra Simón guepø bí 'bä a ra Jesús. Nε nu ra Jesús 'bø min nu, bi 'yëmbi:

—Nu'i gra Simón rá ts'unt'ø i ra Jonás. Nuya ga xi a man'da ni thuhu ga hut'a ra Cefas, n'dat'a ra Pedro gue nde da ma, ra do.

Ra Jesús bi zon'na ra Felipe nε ra Natanael

⁴³ Xø man'dapa mahøn'a bøya bi bën a ra Jesús da mba bø ra häi Galilea. Nε nu'bø má mbähmbe bin tñmmi ra Felipe.

—Dami tengui, bi 'yëmp'a.

⁴⁴ Nuna ra Felipe ra mengu bø Betsaida, nε ra Andrés, nε ra Pedro. ⁴⁵ Nε nu'bø mi mba ra Felipe nε bi dñ'n'a ra Natanael, bi 'yëmbi:

—Ya dá tñgähe a gue mi hmam bø ja rá søcuq ra Moisés, nøpø ja yú søcuq yú pøngahyä Ojä mi hma, nε gue'a ra Jesús ra mengu Nazaret, rá ts'unt'ø ra José, bi 'yën'a.

⁴⁶ Nu ra Natanael bøya bi 'yëna:

—Hague dán zä di nøqui n'da ra hocja'i bø Nazaret.

Nu ra Felipe bøya bi 'yëmp'a:

—Ga mbø gua nuse.

⁴⁷ Nε nu'bø min nu ra Jesús gue ba ñpø ra Natanael, bi 'yënjø bø mi 'bähmbe:

—Dami nuhø nø ran 'yohø ba ñhnø ya, gue rán säui njuantho da t'ëmbi ra israel, nguetho hingui yoho rán 'yomfëni, bi 'yëna.

⁴⁸ Bi 'yën'a ra Natanael bøya:

—Hanja guí padi gue hingui yoho man 'yomfënígä nε njäm'bø gá nugui, bi 'yëna.

Nu ra Jesús bi 'yëmp'a:

—Nu'bø hin ní zo a ra Felipe, dí padi 'be'a gnám bëm 'bø gmi hupø ja ra za, bi 'yëmp'a.

⁴⁹ Nu ra Natanael bøya bi 'yëmp'a:

—Ma Hmu i, rá Ts'unt'ø i Ojä, gue'e bi zän'na Ojä gam hmuts'ut'abi nanguecähe dyø israelhø, dyø judíoø.

50 Nu'a ra Jesús bi 'yεmp'a:

—Ha gue'a guí 'yεc'yεigä a dá xi i, gue'b✉ má xi i: “Dí padi 'bε'a gnám bεm 'b✉ gmi hup✉ ja ra za.” Pε man'da nuijte guin nu 'b✉ m'bεjua xinda guehna dá xi i. **51** Nguetho majuani dí xi i, guin nuh✉ da xoh mahεts'i, ngue guin nuh✉ yám 'bεhni Ojä ba cah mahεts'i, nε da zøp✉ hap✉ gä dan 'yogä, nε da ndets'e, gue guecä dán ja'igä ua ja ra ximhäi, bi 'yεn a ra Jesús.

2

N'da ran thqti bin ja b✉ Caná

1 Nε nu'b✉ mí tho'a nyopa b✉ya bin ja n'da ra dants'ihme 'b✉ mín thäta n'da ra ts'unt'✉ b✉ Caná ra häi Galilea. Nε bi zøm b✉ rá mbe ra Jesús, bi mbäx'✉ bi hoc ran ts'ihme. **2** Nε ra Jesús necähe yá xädigähe bi ts'oncahe b✉ ja ran ts'ihme. **3** Nε nu'b✉ min theh ra gui'uva dá sihe, bi 'yεn'a rá mbe ra Jesús:

—Bin the'a ra gui'uva, bi 'yεmp'a ra Jesús.

4 Bi dä'a ra Jesús b✉ya:

—Ma mbe i, 'bε gám bεnse 'bε'a ga øt'ä, nguetho hinga na sön ra ora ga øt'a n'da ran t'øt'e nuijte, bi 'yεmp'a rá mbe.

5 Nε nu'a rá mbe ra Jesús b✉ya bi xi ✉ y✉:

—Hønt'a go 'bε'a da xi ah✉ ra Jesús, dami 'yøth✉, bi 'yεna.

6 Nε mí høp✉ 'dato y✉ xaro ngue y✉ do, mbe goho 'däte litro i hät'✉. Nguetho i ja ran t'ødi ma mi judíohe gue i jatho din xøt'ye.

7 Nε nu'b✉ mí zøn ra ora bi man ra Jesús, bi xi ✉ y✉ 'yεhe 'b✉pa:

—Dami yus'h✉ y✉ xaro nangue ra dehe.

—Nε bi yus' p✉ya. **8** Nε bi 'yεmbi mahøn'a:

—Dami 'yä i ts'✉ ra dehe nε gui un'na ra ngurpa 'yεhe, bi 'yεna.

Nε bi un buya. **9** Nε nu'b✉ mí zä a ra ngurpa 'yεhe gue xín gui'uva a ra dehe, bi zä manchhi. Pε him bi badi hap✉ bi nequi, pe nu y✉ 'yεhe gue bi 'yä a ra dehe mi p✉. Janangue'a nu ra ngurpa 'yεhe bi ma bá ts'i a ra ts'unt'✉ da 'yønni nangue ra gui'uva, gue nu'a ra ts'unt'✉ go din thäti. **10** Nε bi t'ømp'a:

—Pε hanja 'bε bin niyä ✉ y✉ ja'i, gá un'na ra gui'uva xøn cahhi, nε hinga gue'a zai øt' y✉ ja'i a. Pε zai rá mbadi thoho di un a xøn cahhi b✉ ja n'da ran ts'ihme, nε nu'b✉ bin niyä y✉

ja'i din t'un'na hin ε ho, bi 'yεn'a ra ngurpa 'yεhe. Nε xinga gue'a mí p✉ a.

11 Nε guehna rá mbadi ran t'øt'e nuijte bi 'yøt' ra Jesús b✉ Caná ra häi Galilea, gue bi 'yuh rá ts'edi. Nε man'da dá εc'yεihe b✉ya yá xädigähe a.

12 M'bεjua b✉ya dá mbähmbe ra Jesús b✉ ra hnini Capernaum, nε rá mbe nε yán 'yoh✉. Pε hinga nya'a dám 'b✉hmbe b✉.

Ra Jesús bi mbaxt'a ra dñijä

13 Dá mbähmbe ra Jesús b✉ Jerusalén 'b✉ ma guep✉ da dät' ra pa mahøn'a ran däbaxjua gue 'b✉ mi hyo ra t'øde'yo b✉ Egipto mam bombøtahe. **14** Nε nu'b✉ mí y✉rp✉ mbo má mbä't'i ra dñijä, bi nu ngue 'b✉p✉ y✉ mbändäni nε y✉ mbäde'yo nε y✉ mbäts'äha mim p✉ b✉. Nε mí 'b✉p✉ u y✉m pämbe'øt' y✉ 'befi b✉. **15** Nε bi 'yøt'a n'da ram fei gue ra xähi gue í dæx'✉ y✉ mbä. Nε gätho bi hyøn a thi y✉ mbä nε yán dñi nε y✉ de'yo. Nε bi 'uεnba y✉ mbeti y✉m pämbe'øt', bi ndønba y✉ mexa. **16** Nε bi t'ømp'✉ y✉ mbäts'äha:

—Ní mbähä, dami six ni dojah✉. Hingui sā gui 'yøth✉ ra nguntäi ua rá ngu ma Ta, bi 'yεn'a ra Jesús.

17 Nε 'bex dá bεmhbe a mán t'o't'i ja rá t'ohni Ojä: “Ena da guah ma mbai nangue ra dumbai 'b✉ má nu a ni ngu, nguetho εmmε dín ndepe xtán hotho b✉,” bi 'yεmp a rá Ta ra Cristo, bi 'yεn rá t'ohni.

18 Nu'✉ ma ngurpihe dy✉ judíohe bi 'yán b✉ya, nε bi 'yεmbi:

—Bε'a ní hmepya gui 'yurcahe ya, n'dahma da zä ga pähmbe 'b✉ i ja nin t'ødi gui 'yøt'a gá 'yøt' ya, gue gá hyøn a thi y✉ mbä, bi 'yεn'✉.

19 Nu ra Jesús bi dæt'✉:

—Ga xi ah✉ ra hmepya gá 'yäju. Nu'b✉ gui xoth✉ ra nijä ua, nε hyupa thoho dá høh mahøn'a, bi 'yεmp'✉.

20 Bi 'yεn'✉ ma ngurpihe b✉ya:

—Pε yote ma 'dato njøya án guahna ra nijä, nε guí εna, nhypa thoho gdí hyøh mahøn'a, bi 'yεn'✉.

21 Pε nu'a ra nijä bi man a ra Jesús, bi ma nangue rá ngøc'yεi zεhe. **22** Nu'b✉ mí zøn ra ora bi du nε bi dæmbøni, 'bexgue dá bεmhbe 'bε'a xí man'a, nε man'da dá

pahmbe majuani a bi man rá t'ohni Ojá ne yám hman ra Jesús.

Gätho i pase ra Jesús

23 Né nu'bá mám 'báhmbe bá Jerusalén, gue'á yá pa ran dábaxjua, xán ngu éna bi 'yéciyei ra Jesús 'bá míñ nu yán t'ot'e nujxte bi 'yørpá. **24** Pe nu'a ra Jesús hinga gätho bi xi á 'bé'a míñ bëni, nguetho bi bádi 'bé'a di ja yá mbui gätho yá jà'i, bi bádi hin da 'yømanho á. **25** Né hinga hnchi tho da sih ra Jesús 'bé'a im bëñ yá jà'i nguetho ya i pà a ra Jesús 'bé'a di ja yá mbui.

3

Bin yqui ra Jesús a ra Nicodemo

1 Mí 'bá a n'da ran 'yohá, n'da ra fariseo, gue'á min éhya da 'yot' yán t'edi Ojá, í Nicodemo a. Nu'a n'da rá ngüipi ma mi-judiohe. **2** N'da ra xui bi zóm bá 'báh ra Jesús, né bi 'yémbi:

—Xänbate i, dí pahmbe Ojá bi zän'ni i gui xängahe, nguetho hin xtán zä xquí 'yot' yán t'ot'e nujxte 'bá hin di ze a Ojá, bi 'yéna.

3 Nu ra Jesús bi dädi, bi 'yémp'a:

—Majuani dí xi a i, nu'a hin dim 'bá ma'da'yo, hin da zä da yørpá di manda Ojá, bi 'yémbi.

4 Nu ra Nicodemo bi 'yém báya:

—Hague dán zä dim 'bá ma'da'yo n'da gue'bá xán dac'yei n'da. Ha da zä da yut' mahøn'a bá ja rá mbui rá mbe né dim 'bá mahøn'a.

5 Nu'a ra Jesús bi 'yémp'a:

—Majuani dí xi a i, gue nu'a to'o him bim 'bá ma'da'yo nangue ra dehe né rá Hogandáhi Ojá, hin da zä da yørpá di manda Ojá. **6** Nguetho nu'bá din xänd yá jà'i, xó yá jà'itho yá t'hni, pe nu'á di xänd rá Hogandáhi Ojá, gue'á i ja rá te Ojá bá ja yá mbui á. **7** Janangue'a o gadi hyonya thoho a dí xi a i, jatho gam 'bá ma'da'yo. **8** Né tengu ran dähi i 'yo hønbá go hapá in nde, né guí øde di hí, pe hin guí padi hapá né 'yéhë o hapá né mba. Njabá i øt' rá Hogandáhi Ojá 'bá bi xänd mahøn'a n'da, hingam 'batho ha bin ja 'bá mí un ra 'da'yote, pe mfädi ngue i ja a, bi 'yén a ra Jesús.

9 —Hín dí padi 'bé'a nam bøn a guí man ya, bi 'yén a ra Nicodemo.

10 Nu ra Jesús bi 'yémp'a:

—Nu'i grá xänbate, zai guí xänba rám Hman Ojá á ma mi israelhá, hanja hin guí padi 'bé'a dí xi a i. **11** Majuani dí xi i, dím mangä a dí pácä, né dím ma majuani 'bé'a xtá nugä, pe hin guí hámhbá mam hmangä. **12** Dá xi'a rá 'bëfi Ojá i øt' ua ja ra ximhäi, pe hin gá 'yéciyei. Pe dami 'yéciyei a, janangue'a da zä ga xi i 'bé'a rán 'yomfëni Ojá, ngue 'bëpá né qui rá 'bëfi i øt' ua.

13 Né høngdä da zä ga mangä ua a, nguetho drá mengugä bá mahëts'i né bá éçä bá, guecä ngue dán jà'igä ua ja ra ximhäi. Né njo'o man'da ra jà'i ngue bi yut' mahëts'i né bá pengui ngue da mangua 'bé'a øt' Ojá.

14 Né tengu thoho bi 'yot' ra Moisés, gue bi cuarpá magåts'i n'da ra pozá nt'ot'e ra t'egui, nu'bá míñ 'yo bá ja ra t'häi, ngutho jatho din jacä din cuarcä magåts'i, guecä gue dán jà'igä ua ja ra ximhäi. **15** Né nu'bá bin jacä tengu a, né hønt'a go to'o da 'yéciyei 'bé'a dá tugä bá, hin da nu ran tñbi mazai, pegue din ja ra 'da'yote mazai a, bi 'yén a ra Jesús, bi 'yémp'a ra Nicodemo.

Ojá di huéci 'bácuja ra ximhäi

16 Nguetho émmé di huégahá Ojá gue dí 'báhmbá ua ja ra ximhäi. Janangue'a bi 'dajá rá 'dats'ñnt'á ngue ma yantehá, n'damhma hin da nu ran tñbi mazai to'o gätho di däp rá mbui a, pegue din t'un ra 'da'yote mazai. **17** Nguetho in nde Ojá da yanju gueju dí 'báhmbá ua ja ra ximhäi, né hinguin nde di 'dajá rá muui ma ts'óquihá, né gue'a bí mbénhua rá Ts'ñnt'á ua ja ra ximhäi a.

18 Né nu'a to'o di däp rá mbui a rá Ts'ñnt'á Ojá, hin da nu a rá muui yá ts'óqui. Pe nu'a to'o hin di däp rá mbui a, pe guehma da nu a xí ts'ñbi da nu nangue yá ts'óqui, nguetho hingui éciyei a rá 'dats'ñnt'á Ojá.

19 Né gue'a bí mbéen Ojá ran né qui ua ja ra ximhäi, gue né qui 'bé'a di ho yá jà'i. Nu'á to di ho ra 'bexui hingui sñm bá ja ran né qui, nguetho øt' ran ts'o. Mfädi xán ho din tñba á. **20** Nguetho gätho á i øt' ran ts'o hin di ho ran né qui, né hingui sñm bá ja ran né qui, ngue i su hin da hnumanho 'bé'a øt'á. **21** Pe nu yá jà'i i honi da 'yot'a ran ho, i pa bá ja ran né qui, n'dahma da hnu gue gue'a Ojá di ze á da 'yot' ran ho.

Nu ra Xuua Nxixyä bi ma mahön'a nangue ra Jesús

²² M'bëjua dá mbähmbe ra Jesús dyä xädihe, dá mbähmbe bü ja ra häi Judea, ne dám 'bähmbü bü 'da yü pa ne dá xixyäbahe yü ja'i bü. ²³ Ne'a ra Xuua Nxixyä mí øt' ran xixyä bü Enón 'darpü ra xequi Salim, nguetho xän ngu yü mbøthe i pøpü, ²⁴ ngue'bü hin ní jot'a fädi ra Xuua Nxixyä.

²⁵ Bin junthü 'da ü yü mijudíohü ü yü xädi ra Xuua, gue bi bëni man'da di muui rán xixyä i øt'a ra Jesús. ²⁶ Bi zøm bü 'bä'a ra Xuua Nxixyä ü yü xädi büya, ne bi 'yëmbi:

—Xänbate i, nu'a ran 'yohü gmín 'youi bü 'danguadi ra däthe Jordán, gue gá xije to'o a, pe nuya i øt' ran xixyä, ne gätho yü ja'i i tenni.

²⁷ Nu ra Xuua Nxixyä büya bi 'yëmp'ü:

—Guesë Ojä bi zänni hangu nangu ra 'befi n'da ngu n'da ngue da zä da 'yøt'a n'da. ²⁸ Nu'ehü guí pähmbü 'bë'a gätho dám mangä gue dá xi ahü, hinga guecä drá Cristo, pe nugä bám 'bë'togä, gue dá xih yü ja'i din sää da dën ra Cristo. ²⁹ Tengu'bü n'da ra hmute din thäti, da dën'na rá ndø. Ne nu'a rá amigo a ran 'yohü bin thäti, i 'bäpü i ø'a i ma, ne di johya gue i tën'na rá ndø a ra hmute. Dín jadä büya, dadín johyagä 'bü dín nu i tën yü ja'i a ra Jesús. ³⁰ Nu'a ra Jesús jatho da däha gue nugä, pe nugä jatho ga 'bëcä, bi 'yën a ra Xuua Nxixyä.

Bí 'yëh mahëts'i ra Jesús

³¹ Nguetho nu'a ra Jesús bá ñh mahëts'i, man'da nujxte a xinda gue ü gäthogahü. Pe nujü dám 'bähmbü nangue yü ja'i ua ja ra ximhäi, dyü menguhü ua ja ra ximhäi, ne hinga gätho da zä ga pähmbü, hønt'a 'bë'a da zä da bë'a n'da ua ja ra ximhäi. Pe nu'a bá ñh mahëts'i man'da xän ho ngue gätho mi'da, ³² ne im ma 'bë'a bi nu bü ne 'bë'a bi 'yørpü. Pe hingui ngu bi hyänba rám hman a. ³³ Nu'a to'o bi hyänba rám hma, bi bëdi majuäni bi man Ojä ngue gue'a rá Ts'ant'ü a. ³⁴ Nguetho bá pënh Ojä a, ne guesë Ojä i yä 'bü i yä a, nguetho nte di 'bëh rá Hogandähi Ojä a. ³⁵ Nu'a ra Ta ñemmë in numanho rá Ts'ant'ü, janangue'a bi un ran t'ëdi gätho di manda rá 'bëfi. ³⁶ Nu'a to'o i ñc'yëi rá Ts'ant'ü Ojä ya i ja ra 'da'yote mazai, pe nu'a hingui ñc'yëi rá Ts'ant'ü Ojä,

hin da nu ra te pe guexta'a da nu rá cuë Ojä mi ja da nu, ne gätho yü pa mazai.

4

Nu ra Jesús bi 'yäp ra dehe ra xisu bü Samaria

¹ Ne nubüya nu yü fariseo bi 'yø a man yü ja'i ngue man'da xän ngu i tën ra Jesús ne man'da xän ngu di xixyäbi, xinda gue'a ra Xuua Nxixyaq. ² Pe nu ra Jesús him bi 'yøzehü ran xixyä, pe høngdähe yü xädigähe dá øthe ran xixyä. ³ Ne nu'bü mi bë'a ra Jesús 'bë'a mi 'yø ü yü fariseo, bi bëni da 'uetho, ngue hin da bëñ yü fariseo din sähmi ra Xuua. Bi bøm bü ja ra häi Judea büya, ne dá mbähmbe mahön'a bü ra häi Galilea.

⁴ Pe guemhma bá thohmbe bü ja ra häi Samaria. ⁵ Ne nu'bü má thohmbe bü, dá sømhbe bü ja ra hnini Sicar, mbë häntho ra xequi bi un'a ra Jacob, bi un'na ra José rá ts'ant'ü. ⁶ I jabü n'da ra pozò ra dehe gue bi 'yøt'a ra Jacob maya'bü. Ne guepü bin säya ts'ü ra Jesús, nguetho bi yäh ra 'yu. Mbë huxhyadi 'bü má sømhbe bü. ⁷ Ne bi zøm bü n'da ra xisu ra mengu Samaria, da gëx ra dehe. Bi 'yën'a ra Jesús:

—'Daqui ts'ü ni dehe, ga sigä ts'ü, bi 'yëmp'a.

⁸ Ne gätho gähe dyü xädigähe xtá sohmbe bü ra Jesús, ne dá cüthe bü ja ra hnini ga tämhbe 'bë'a gätho ga sihe.

⁹ Nu'a ra xisu bi 'yëna:

—Hanja gní zoqui ne guí äc ra dehe, nguetho nu'i grá judío, ne nugä drá mengu Samaria, bi 'yëmbi.

Ngubü bi man ra xisu nguetho nu ma mijudíohé hinguin zomanho yü mengu bü Samaria. ¹⁰ Nu ra Jesús bi 'yëmbi:

—Nu'bü xquí pä a rá mate Ojä in nde di 'da'i, ne'bü xquí päqui to'ogui gue dí ä'a ra dehe, xquí 'yäc ra dehe di un ra te, ne nugä xcá 'da'a 'bü, bi 'yëna.

¹¹ Ne nu ra xisu bi 'yëna:

—Nu'i grán 'yohü, hin'yü nin jëxthe, ne xän hë ua po na ra dehe. Hapü ja a ra dehe di un ra te guím ma. ¹² Pe nu mam bombøtahü ra Jacob bi zi ra dehe i po ua ne ü gätho yü t'ahni ne yëñ däni. Ne bi zogahe ra pozò ja ua. Ha man'da ja ni ts'ëdi ngue

guí ḓna man'da xān ho ra dehe gui 'daje, bi 'yēn'a ra xisu.

13 Nε nu ra Jesús bi dąt'a b̄uya:

—Hōnt'a go to'o i sithe ua, gue'a nám 'b̄u u yu pa ja b̄uya, pε i tuthe mahōn'a.

14 Pε hōnt'a go to'o da zì ra dehe dadí ungä, njäm'b̄u din tuthe mahōn'a, pε din ja tengu n'da ra mb̄othe b̄u mbo rá mb̄ui njäm'b̄u din thegue, nε gue'a nám 'b̄uh mazai n'da a, bi 'yēna.

15 Nu'a ra xisu bi 'yēmbi:

—Grán 'yohu, 'daqui ts'u ra dehe guím ma gue hin dan tuthe mahōn'a, nε hin gua ḓcä mahōn'a ua ja ra pozo ga jux ra dehe b̄uya.

16 Nu'a ra Jesús bi dąt'a:

—Grá xisu, ní mba bá si a ni ndø.

17 Nu'a ra xisu bi dąt'a:

—Njo'o ma ndø, bi 'yēntho.

Nu'a ra Jesús bi 'yēmp'a:

—Majuani guím ma, njo'o ni ndø.

18 Nguetho ya hin guí 'b̄uhmi 'da u c̄at'a yuñ 'yohu xcán thāthu, pε nu'a guí 'b̄uhmi ya hin ni ndøse a. Janangue'a majuani njo'o ni ndø, bi 'yēn'a ra Jesús.

19 Bi dą'a ra xisu b̄uya:

—Nu'i grán 'yohu, masque grá pøngahyä Ojä. **20** Xiqui ts'u 'b̄e'a ga øt'ähe, nguetho nu ma tahe mí thānde Ojä ua ja ra t'øhø, pε nu ahu gyu judío ahu guí ḓmhbu, jatho da mba n'da b̄u Jerusalén da dānde Ojä b̄u, bi 'yēna.

21 Nu ra Jesús b̄uya bi 'yēmp'a:

—Grá xisu, dami 'yēc'yεi a ga xi i, ε maguep̄u da zøn ra pa hinga hōnt'ua ja ra t'øhø, xínga hønb̄u Jerusalén din thānde ra Ta. **22** Sä guí ḓna guí thāndehu Ojä, pε hin guí thāndehu tengu bi zän zehe Ojä ngue din thānde. Nugähe dyu judíohe dí thāndehe a bi zän Ojä nguetho bi zän Ojä ma t'ec'yεihe, nε'a ra Yante bi zän'na Ojä ra judío a. **23** Pε bi zän Ojä n'da ra xequi b̄u din thānde, guep̄u ja ní mb̄ui n'da. Nε mi ts'utho da zøn ra ora, pε ya bi zøni, ngue da dānde Ojä nangue yu mb̄ui u to majuani da dānde, nε hin nangue yu t'øt'e ua ja ra ximhäi. Nguetho nu'a Ojä i honi to'o da dānde nangue yu mb̄ui. **24** Nguetho hin di nequi Ojä. Janangue'a hōnt'a go to'o da dānde Ojä, jatho da dānde nangue rá mb̄ui nε nangue i tøn'na ram hma majuani, bi 'yēn'a ra Jesús.

25 Nu'a ra xisu b̄uya bi 'yēmbi:

—Dí pācä ba ε a rá Thahni Ojä ngue ra Cristo a. Nε nu'b̄u bá εhe da xāngahu xān ho gätho.

26 Nu'a ra Jesús bi 'yēmbi:

—Guecä drá Cristogä dín zo'a i ya, bi 'yēmbi.

27 Nu'b̄u mí gua'a bi man ra Jesús, ε xø dí sømhbe b̄u dyu xädigähe. Nε dá hyonya thohohe gue nu ra Jesús mi yäui a ra xisu. Pε xínga n'dagähe gue dá änhde hanja bin yäui o 'b̄e'a bin xifi. **28** Nu ra xisu b̄uya 'bex bi zop̄u rá mbamhmi, nε bi mba b̄u hnini bi xih yu ja'i:

29 —Mbähä nε gua nuhü n'da ran 'yohu bi xicä gätho 'b̄e'a xtá øt'ä. Ha hinga gue'a ra Cristo 'b̄u, bi 'yēmp'u.

30 Bi mba yu ja'i b̄uya da zøm b̄u 'bä a ra Jesús. **31** Pε nu'b̄u hin ni zøm b̄u yu ja'i, nugähe dá xihmbe ra Jesús:

—Xānbate i, xi'b̄u gan sihmε ya, dá εmfe.

32 Pε bi dą'a ra Jesús, nε bi 'yēnje:

—Ja man'da ní niyä ma mb̄uigä, pε hinga ná pāhmb̄u, bi 'yēnje.

33 Dán 'yānzehēhe:

—Ha 'b̄u to'o bi 'uñi, dán 'yēmfe b̄uya dyu xädigähe.

34 Nu'a ra Jesús bi 'yēnje:

—Tengu'b̄u man ts'ihmegä a ngue ga øt'ä rá pāhä a bá pøngä nε ga juacä rá 'b̄efi a. Nε gue'a man'da ní niyä ma mb̄uigä a.

35 Janangue'a gue'a dí xi ahu a ya, nguetho ya ba εhnü yu ja'i. Nε ha guí ḓmhbu di 'b̄eh man goho zäna din ja ran sofo. Pε dami hyanthu yu ba εhnü, tengu'b̄u n'da ra huähi ya xu 'yot'i gue da mba nsoqui, nguetho 'bexque da zä ga c̄athu b̄u di manda Ojä yu. **36** Nε nu'u to i pa ma c̄at'i b̄u din zäm b̄u hōnt'b̄u go njäm'b̄u. Janangue'a nu'u to da xoqui di johya, nε nu'u to bi duhu nε'u bi xoqui 'da dán johya thoho. **37** Nguetho majuani rán theui rá 'b̄efi Ojä a bi 'yøt'a n'da ra ja'i, "bi zop̄u rá huähi bi duhu, nε n'dan'yo bi xoqui," ngue i man yu ja'i. **38** Ya xtá xi ahu gui xojü hapu hin gá tuhmbu, xín gá uafu, pε n'dan'yo bi 'yøt' ra 'b̄efi b̄u, pε guehma gui comhb̄u 'b̄e'a da dą u, bi 'yēngähe ra Jesús.

39 Nε nu'b̄u mí mam b̄u ja ra hnini ra xisu, xān ngu yu mènguhu bi 'yēc'yεi gue ra Cristo a ra Jesús, nguetho bi man'a ra

xisu gue xí xi a ra Jesús gätho 'be'a xí 'yøt'e.

⁴⁰ Nu'bø mí zøm bø yø mengu Samaria bø 'bäh ra Jesús, bi 'yøn'ø:

—Dami 'bøcua ja ma hninihe, bi t'ømp'a ra Jesús.

Nø dán dehe bø nyopa bøya. ⁴¹ Nø emme man'da xøn ngu bi 'yøc'yøi yø ja'i bø, nangue rám hmansi ra Jesús. ⁴² Bi t'ømp'a ra xisu bøya:

—Ya dí 'yøc'yøihe ya, pø hinga hønt'a gá xije ná 'yøc'yøigähe ya, pø ne'a dá øsehe bi man na ra Jesús. Nø dí pøhmbe majuøni ra Cristo na, rám pørpate yø ja'i 'bøcua ja ra ximhäi, bi 'yøn'ø yø ja'i.

Ná mbähmbe Galilea a ra Jesús

⁴³ Nu'bø mí gua'a nyopa dá pømhbe bø ra hnini Sicar, dá hæxhe ra 'yu mahøn'a ní mba bø Galilea. ⁴⁴ Nø bi mansi ra Jesús, nubø rá häi zehé n'da ra pøngahø hin da hnumansu bø. ⁴⁵ Pø nu'bø má sømhbe bø ra häi Galilea, bi numanho ma menguhe bø. Nguetho xí nu yøn t'øt'e nuixte bi 'yøt'a ra Jesús bø Jerusalén 'bø mín ja ra dømpeti ran døbaxjua, ngue ne'ø xí mba bø ø.

Bi yøn rá ts'ønt'ø rám fäts'iui ra ts'ønt'abi

⁴⁶ Nø dá mbähmbe ra Jesús mahøn'a bø ra hnini Caná ra häi Galilea, guepø xí päh ra dehe bin gui'uva. Nø mí 'bøpø n'da rám fäts'iui ra ts'ønt'abi xøn ø rá ts'ønt'ø, ne i 'bøm bø ja rán oi nubø ja ra hnini Capernaum.

⁴⁷ Nu'bø mí 'yøde gue bi zøh mahøn'a bø ra häi Galilea ra Jesús ne i 'bøpø ra hnini Caná, ne bø 'øphø 'bøh ra Jesús bøya, bi 'yørpa ra ts'ødi da zixpø Capernaum bø ná 'ben a rá ts'ønt'ø, da xospi nguetho nde da du a. ⁴⁸ Nø bi dø a ra Jesús:

—Pø ha jatho m'bøt'o guin nuhø yø hmøpya ne yøn t'øt'e nuixte, ja gui 'yøc'yøigahø bøya.

⁴⁹ Pø man'da i humbi sits'i, ne bi 'yømbi:

—Pø mbøhma ts'ø cuø, xøhma da du ma t'øhnigä.

⁵⁰ Nø bi døt'a ra Jesús:

—Ní mba bø nu, nguetho hin da du ni t'øhní.

Nø nubøya bi 'yøc'yøi a rám hman a ra Jesús, ne bi mba bøya. ⁵¹ Nø bø thø ø 'da yø 'yøhe 'bø mí mba bø 'yu bi xifi:

—Bi zä ni ts'ønt'ø ya, øn'ø.

⁵² Nø bi 'yønni:

—'Be'a ma ora bi zä.

Nø bi t'ømbi:

—N'dande mande bi bøn ra pa, bi 'yøn'ø.

⁵³ Nø 'bex bi bø'a rá ta gue gue'a ra ora míñ yøqui ra Jesús 'bø mí 'yømbi da yøn a rá ts'ønt'ø. Janangue'a nu'a ran 'yohø bi døp rá mbøhi ra Jesús bøya, ne'ø gätho mi'da 'bøpø rá ngu.

⁵⁴ Guehna bi 'yøt' ra Jesús 'bø mambá penje bø Judea dá sømhbe bø Galilea. Ya ná yondø ra hmøpya bi 'yørpa ja ra häi Galilea.

5

Bi yøn ran 'yohø bø Betesda

¹ M'bøjua bøya bin ja man'da ra dømpeti ma mijudíohe. Nø dá mbähmbe ra Jesús bø Jerusalén. ² Nubø Jerusalén mí po bø n'da ra mbothe mbø hænþo bø ja rá goxthi yø de'yo, gue ma ndehe dyø judíohe dí ømfe Betesda. Nø jabø cøt'a yø 'døzangu midí mbø't's'a ra dehe. ³ Nø xøn ngu i 'bom bø yø mbødi, 'da ø yø xødø ne ø yø dogua ne ø bi ts'a yø ja'i. Nø gätho ø i tø'mi di 'yøn ra dehe. ⁴ Nguetho ja'bø bí øhø mahøts'i n'da rám 'bøhni Ojø ne i øn ra dehe. Nø nu'bø xøn nu di 'yøn ra dehe, ne nu'a rá mbødi da yøpø ja ra dehe din ho a rá mbødi i ja. ⁵ Nø mí 'bøm bø n'da ran 'yohø, ya ná 'dæte ma 'dø'ma hyøto njøya madí ts'a rá ja'i, him mi sá din 'yo. ⁶ Nø nu'bø min nu a ra Jesús, ne bi bødi nya'a thoho mi hømbi, bi 'yømbi:

—Ha guín nde xtán ho i, bi 'yømp'a.

⁷ Bi døt'a ra mbødi:

—Dín ndehma thø, n'yø, pø njongui bøcua da zixcø nø ja ra dehe. N'dandø ngu n'dandø dí øna ga cøhøø ja ra dehe, 'bex go i 'bøt'o ø 'da.

⁸ Bi 'yømp'a ra Jesús bøya:

—Dami ndants'i jøx ni fødi ne gan 'yo, bi 'yømbi.

⁹ 'Bex bin hoh rá ja'i 'bø mí ndants'i, ne bi gøx rá fødi ne bin 'yo. Nø nu'a gue'a ra pa ran ts'øya a. ¹⁰ Nø 'da ma mijudíohe bi 'yømp'a ran 'yohø xín hoh rá ja'i:

—Nuya ra pa ran ts'øya ya, hingui sá gui cøx ni fødi, bi t'ømp'a.

¹¹ Bi døt'a ran 'yohø:

—Pø nu'a bi hoga ma ja'i, gue'a bi xiqui nguetho bi 'yøngui: "Dami ndants'i gui cøx

ni fídi ne gan 'yo," bi 'yεngui, bi 'yεn'a mí ts'a rá ja'i.

¹² Nε nu'✉ 'da ma mijudíohe bi 'yänni:

—To'o nín 'yoh✉ bi xi i gui cax ni fídi ne gan 'yo, bi 'yεn'✉.

¹³ Pε nu'a him mi padi to'o xí hocpa rá ja'i, nguetho nu ra Jesús bi y✉t'inde b✉ 'yo y✉ ja'i xun ngu.

¹⁴ M'bεjua bi mba ra Jesús b✉ ja ra dñija. Nε nu'b✉ mi dñ'n'a ran 'yoh✉ b✉ya, bi 'yεmbi:

—Bin ho a ya, nde'b✉ hin gmi 'yot' mi'da y✉ ts'oqui. Man'da ts'edi ran unbi guin nu'b✉ gui 'yot' mi'da y✉ ts'oqui, bi 'yεmbi.

¹⁵ 'Bex bi mba a ran 'yoh✉ b✉ya, da xi ✉ ma mijudíohe xí'yänni, gue gue'a ra Jesús bi hoqui. ¹⁶ Janangue'a bi dñp'✉ ma ngurpihe dy✉ judíohe di acpa ra Jesús, nε im bεni da hyo. Nguetho εn'✉: "I øt' rá 'befi a ra pa ran ts'äya." ¹⁷ Pε nu ra Jesús bi 'yεmp'✉:

—Nzai dim pεh ma Ta, janangue'a necä jatho dam pecä, bi 'yemp'✉.

¹⁸ Pε nanguehna bi man ra Jesús, nu'✉ ma ngurpihe b✉ya man'da bi bεni da hyo, nguetho hinga hønt'a bim pεfi ra pa ran ts'äya í acpi, pε nε'a í ma gue gue'a Ojä rá Ta, nam bøni 'da i guui Ojä.

Ija rá ts'edi rá Ts'unt'✉ Ojä

¹⁹ Janangue'a nu ra Jesús bi 'yεna:

—Majuani dí xi ah✉, nte sā ga øzehegä pε hønt'a 'be'a dín nu øt' ma Ta. Nε gätho 'be'a i øt' ma Ta, gue'a dí øt'ä a. ²⁰ Nguetho nu ma Ta εmme in numanhogui ngue rá Ts'unt'✉ä a, nε i urqui 'be'a gätho i øt'e. Nε da 'yurcä mi'da y✉n t'øt'e man'da nuixté xinda gue ✉ gán nuh✉, nε gui hyonya thohoh✉. ²¹ Nguetho tengu ma Ta i xox'✉ xun du nε di un ra te mahøn'a, nguthogä, rá Ts'unt'✉ä a, dadí un ra te mahøn'a ✉ to'o gätho dín nde ga unni. ²² Nε nu ma Ta hingui juqnbatese, pε bi 'dacä ra ts'edi go dan juqnbategä rá Ts'unt'✉ä a. ²³ Nguetho in nde ma Ta gätho y✉ ja'i da numansugui gue rá Ts'unt'✉ä a, tengutho ma Ta i hnumansu. Nu'b✉ 'b✉ a n'da hingui numansugui, xinga gue ma Ta i numansu a, gue gue'a bá pengä.

²⁴ Majuani dí xi ah✉, nu'a øh mam hmangä nε i εc'yei ma Ta bá pengä, gue'a i ja ra 'da'yote mazai a. Nε hin da nu rá muui rá ts'oqui pε tengutho 'b✉ xí thambεni

b✉ 'b✉ ✉ xun du, nguetho ya i ja ra 'da'yote mazai a. ²⁵ Majuani dí xi ah✉, ya bi zøn ra ora da 'yøh mam hmangä ✉ xun du nangue y✉ mbøi, pεgue din t'un ra 'da'yote 'b✉ da 'yømanho mam hmangä rá Ts'unt'✉ Ojägä. ²⁶ Nguetho tengu ra Ta i jase ra te rá mbøi, nε bi 'dacä ra ts'edi din jase ra te ma mbøigä, nε gue'a ra 'da'yote dí un y✉ ja'i. ²⁷ Nε bi 'dac ra ts'edi dan juqnbategä, nguetho dán ja'igä ua ja ra ximhäi, dí padi 'be'a i sā n'da. ²⁸ O gadi hyonya thohoh✉ a dá xi ah✉, nguetho da zøn ra ora gätho y✉ ja'i x✉ t'ägi da 'yøh ma nde 'b✉ dá zohni. ²⁹ Nε da bøx'✉ bi 'yot' ran ho, din ja ra 'da'yote mazai. Nε da bøx'✉ bi 'yot' ran ts'o, da nu ran unbi mazai.

Di dä majuani nangue ra Jesús

³⁰ Nε man'da bi man'a ra Jesús, bi 'yεna:

—Nugä hin te dím mangä nangue man 'yomfεnise. Pε nu'a i xic ma Ta gue'a dím mangä a. Nε'a 'be'a dí sändä, xun ho a, nguetho him ma pähä zεhe dí honi ga øt'ä, pε hønt'a rá pähä ma Ta bá pengä. ³¹ Nu'b✉ høngdä xcá däse majuani gue i ja ma ts'edi, nte di muui a mam hmangä 'b✉. ³² Pε nε a ma Ta di dä majuani ngue rá Ts'unt'✉ä a, nε dí pçä ngue majuani im ma 'b✉ im ma nanguecä.

³³ Nu ah✉ gá penhd✉ 'da da 'yän'na ra Xuua Nxixyä nanguecä. Nε nu'a ra Xuua bi ma majuani a. ³⁴ Nε madague'b✉ hin xtí dä majuani, pε guemhma ja ma ts'edigä. Pε dadí bεn'nah✉ a bi man ra Xuua Nxixyä ngue man'da da zä gui 'yεc'yeigah✉ nε gan yømhøb✉ b✉ya. ³⁵ Nε tengu ra sibi di hyät'i nε i fät y✉ zu'uε, bin ja b✉ ra Xuua Nxixyä, gá numanhoh✉ 'da y✉ pa. ³⁶ Nε nu'a ra Xuua Nxixyä bi ma nanguecä. Pε i ja 'be'a gue man'da i udi nanguecä xinda gue'a rám hman ra Xuua, nε gue'a ra 'befi bi 'dacä ma Ta gue ga juacä. Nε gue'a ε xø i uh majuani bá pengä ma Ta. ³⁷ Nε'a ma Ta gue'a bá pengä, di dä majuani nanguecä, pε nu'ah✉ njäm'b✉ gá 'yømanhoh✉ 'b✉ míñ y✉, xín gá 'yørpah✉ ra güenda 'b✉ míñ 'yuse.

³⁸ Mfødi hin gá hyømhøb✉ rám hma b✉ ja ni mbøih✉, nguetho nu'b✉ xquí hyømhøb✉ a, xquí 'yεc'yeigah✉ gue bá pengä a. ³⁹ Nu ah✉ thocpa thoho guidín xähmb✉ y✉ søcuä Ojä, nguetho guí εmhøb✉ gue'a gní tømhøb✉ ra

te mazai a. Pe nu'ä gätho yä söcuä guidín xähmbä gätho im ma nanguecä. ⁴⁰ Nu ahä hin guín nde gui xijä gan yan'na ni tehä, pe hinda hont'ba gui xijä gan yan ahä din ja ahä ra te mazai 'ba, bi 'yen a ra Jesús.

⁴¹ Ne xø bi 'yenä:

—Pe madague'ba njon da numansugui, pe guexta'a rá Ts'unt'ugä Oja. ⁴² Pe dí padi hanja hin guí pajä, nguetho hín guín numansuhä Oja nangue ni mbuihä. ⁴³ Bá ecä nangue rá thuhu ma Ta, pe nu'ehä hin guín numanhojä. Pe nu'bä ba ä a n'da nangue rá thuhu zehä, man'da guín numanhohä a. ⁴⁴ Njam'bä da zä gui 'yec'yeigahä, nguetho guí homhbä da numanho ahä yä ja'i, ne hin guí homhbä da numanho ahä Oja ngue hont'a i 'bäi. ⁴⁵ Ha guí emhbä guecä ga yap'ahä bä 'bäh ma Ta. Pe dí xi ahä gue gue'ä yám hman ra Moisés gue'ä dí nequi i ja ni ts'oquihä a, pe sä guím bëmhba gue'ä dí yan'ahä a. ⁴⁶ Pe nu'bä xquí 'yec'yeihä yám hma bi 'yo't' ra Moisés, xquí 'yec'yeigahä ya, nguetho bi ma nanguecä. ⁴⁷ Pe hin guí ec'yeihä 'be'a bi 'yo't' ra Moisés, janangue'a xín guí ec'yeihä 'be'a dí mangä ya, bi 'yen'a ra Jesús 'ba min yan'ya ma ngärpíhe dyä judíohe.

6

Ra Jesús bi 'ujn ä cät'a mahuqhi

¹ Ne nu'bä mí tho i 'da yä pa, m'bëjua baya, dá mbähmbe ra Jesús bä 'danguadi ra dädehe Galilea, n'dat'a ra dädehe Tiberias.

² Ne xän ngu yä ja'i bi dengähe nguetho bi nu yan t'ot'e nuixte bi 'yot'a ra Jesús nangue a mín zäman'ä. ³ Ne dá mbähmbe ra Jesús bä ja n'da ra nyuni, ne dá huhmbe bä. ⁴ Ne nu'ä yä pa a mí ts'utho da zön ra pa ga ot'ähe ra dämpeti ran däbaxjua, dyä judíohe. ⁵ Ne nu'a ra Jesús bin hanni ne bi hyandi xän ngu yä ja'i ba epä. Nu'a ra Jesús bi 'yemp'a ra Felipe baya:

—Bepä dí zä ga tämhba 'be'a da zi yä ba ehna.

⁶ Gue'a bi man ra Jesús nguetho in nde da bädi 'be'a dí dat'a a ra Felipe. Pe nu ra Jesús mí pase 'be'a da 'yozehä. ⁷ Ne bi dat'a ra Felipe:

—Pe hin dí gua'ä yä mahuqhi tho dá tämhba a da zi yä ba ehna 'ba di ja,

madague'ba za ts'utho din t'unni n'da ngu n'da, bi 'yenä.

⁸⁻⁹ Ne nubuya nu'a man'da ma mixädihe ra Andrés, rán 'yohä ra Simón Pedro, bi xi a ra Jesús:

—'Bacua n'da ra ts'unt'ä i hä za ts'ä rán zedi, gue cat'a yä hmé ra cebada, ne yoho yä t'ahuä. Pe hin dí gua'ä yä ja'i nguetho xän ngu a, bi 'yen'a ra Andrés.

¹⁰ Ne bi 'yengdahe ra Jesús:

—Jafä din säya yä ja'i, bi 'yenä.

Nguetho mi ja bä ra 'bot'ei. Ne bi hyupä häi baya, ne mí jua i cat'a mahuqhi a yan 'yohä. ¹¹ Ne nu'a ra Jesús bi hyan'a ra hmé, ne bi 'yäp rán jápi Oja nangue ra hmé ne bi 'daje yä xädigähe. Ne nugähe dá darpähe a yä ja'i baya, ne a yä huä, ne bin niya gätho yä ja'i. ¹² Ne nu'bä míni niya yä ja'i, nu ra Jesús bi xicähe:

—Pethä a gätho 'be'a bi bongui, gue nte dim 'bedi, bi 'yenje.

¹³ Ne nu'bä má pethe baya bi yu a gätho 'de'ma yoho ma 'bøts'ehe yä xequi, 'bä míni niya yä ja'i nangue cat'a yä hmé. ¹⁴ Nu'bä míni nu ran t'ot'e nuixte a gue bi 'yot'a ra Jesús, bi 'yen'a baya:

—Masque majuqni guehna ra pøngahyä mí hma da zöcuja ra ximhäi, bi 'yen a.

¹⁵ Pe nu'a ra Jesús bi bädi 'be'a mbën a yä ja'i ngue nde da bent'i, im bënbì din ts'ut'abi. Janangue'a bi zoh yä ja'i baya, bi mbase, ne man'da bi guam bä ja ra däpo.

Ra Jesús bin 'yo maxøts'e ra dehe

¹⁶ Nu'bä mí de baya dá mbäsehe bä ja ra dädehe. ¹⁷ Ne dá hux ma mbosahe, gue ga sömhbe bä ja ra hnini Capernaum. Ne hin ná nuthe ra Jesús 'ba mí zäje ra 'bexui. ¹⁸ Ne nts'edi bi 'yen ran dähi a ra dehe baya. ¹⁹ Nu'bä mí däq i ts'ä ra mbosa mí huxhe ne dá sömhbe made ra dädehe, dá nuhe ba epä ra Jesús, ba 'yo maxøts'e ra dehe, ní 'yepä ja a ra mbosa mí huxhe. Ne emme dá suhe nguetho him min nuhe xän ho, him mi pähmbe ngue gue'a ra Jesús. ²⁰ Nu ra Jesús bi 'yenje:

—Guecä, o guín suh.

²¹ Ne bi hyu ma mbuihe, ne dá xihmbe a ra Jesús da hyuxpä ja ra mbosa. Ne éna ya xmí 'bähmbe bä ndenthe ná mbähmbe baya nubä ra hnini Capernaum.

Bi thon'ara Jesús

²² Nu'bh mí nec puya, nu'u yu jaq'i 'buhpu hapu xí 'uin a ra Jesús, bi bem buya gue hont'a n'da ra mbosa mí hop'a ran de dán sihmehe, ne hin dá mbähmbe ra Jesús 'bu má huhe ra mbosa, pe dá mbässhe. ²³ Pegue m'bejua thoho bi zom bu mi'da yu mbosa bí nexp'a Tiberias, ne bi zom bu jom bu dán sihmehe 'bu mí 'yäp rán japi Ojaq ra Jesús. ²⁴ Ne nu'u yu jaq'i 'bu mí hyon'a ra Jesús ne him bi dim bu, xínga guecähe, bi hyux'u mi'da yu mbosa buya ne bi zom bu ja ra hnini Capernaum, i hon a ra Jesús.

Ra Jesús ra hme dám 'buh mazai n'da a

²⁵ Ne nu'u yu jaq'i 'bu mí dim bu ra Jesús bu 'danguadi ra dadehe, bi 'yänni:

—Mán jam'bu gá socua, bi 'yemp'u.

²⁶ Nu'a ra Jesús bi 'yemp'u:

—Majuani dí xi ahu, hin gní hyonju gue gui pahmb'a ran t'uti dá ut'ahu, pe nu'a guín niyaq'u 'bu gmín sihmehe gue'a gní hyonju a. ²⁷ Pe dami 'yes'hu ngue hont'a gní hyomhbu ra hme nám 'buhmb'u yu pa ja buya. Pe m'bet'o thoho dami hyomhbu a ra hme nám 'buh mazai n'da a gue ga 'da ahu, guecä dán jaq'igä ua ja ra ximhäi. Nguetho gue'a ran t'edi bi 'dac Ojaq ma Ta, bi 'yena.

²⁸ Nu yu jaq'i buya bi 'yän'na ra Jesús ne bi 'yembi:

—Be'a sä ga ot'ähe gue ga timhbe a guím ma, bi 'yen'u.

²⁹ Nu'a ra Jesús bi dädi:

—Nu'a in nde Ojaq gui 'yoth'u gui sinju bu ni mbuih'u, guecä bá pengä Ojaq, bi 'yena.

³⁰ Ne bi t'emp'a ra Jesús:

—Be'a ní hmepya gui 'yurcähe, ngue da zä ga sin ahe bu ma mbuihe. Ha da zä gui 'yot'e tengu bi 'yot'a ra Moisés. ³¹ Nguetho nu'u mam bombotah'u bi zi ra maná 'bu mí 'yo bu ja ra uhái, tengu mán t'o't'i bu ja rá socuä Ojaq, i ena: "Nu'a ra Moisés, bi un yu jaq'i ra hme bí 'yeh mahets'i," i ena, bi 'yen'u yu jaq'i.

³² Nu'a ra Jesús bi 'yemp'u:

—Majuani dí xi ahu, hinga gue'a ra Moisés bi un'a ra hme bí 'yeh mahets'i, pe Ojaq bi un a. Ne hinga gue'a ra hme nám 'buh mazai n'da a ra maná mi si u. Pe nuya, nu ma Ta di un a njuantho ra hme mahets'i gue nám 'buh mazai n'da a. ³³ Ne nu'a njuantho

ra hme di un Ojaq, bí 'yeh mahets'i a, gue dám 'buh mazai u yu jaq'i 'bucua ja ra ximhäi, bi 'yena.

³⁴ Ne bi 'yen'u:

—Daje thocpa thoho a ra hme guím ma, n'yo.

³⁵ Nu'a ra Jesús bi 'yemp'u:

—Guecä drá hme dám 'buh mazai n'da a. Nu'a to'o da zingä bu ja yu mbui tengu'bu i sihme, ne njam'bu din tumanthuhu yu mbui ne xín din tuthe buya. ³⁶ Pe tengu dá xi ahu, hin guí ec'yeigahu, madague'bu gá nuhu 'be'a dá ot'ä. ³⁷ Pe nu'u to'o bi 'dacä ma Ta, gue'u di däcä yu mbui u. Ne nu'u di däc yu mbui, njon ga embi hin da zä ga sini.

³⁸ Nguetho bá ecä mahets'i ngue ga ot' rá pähä a bá pengä, ne him bá ecä ga ot' ma pähä zehe. ³⁹ Nu'a rá pähä ma Ta bá pengä, gue'a nte ga 'becä gätho bi 'dacä, pe ga xoxä u 'bu rán zegui ra pa, ne dim 'bui mazai. ⁴⁰ Nu rá pähä ma Ta, gue hont'a go to'o da bädi rá Ts'unt'ugä Ojaq, ne da 'yec'yeigui, din ja ra te mazai u. Janangue'a ga xoxä u 'bu rán zegui ra pa, bi 'yen'a ra Jesús.

⁴¹ Ne bi mbudi bi acpa a ra Jesús u ma mijudíohe 'bu mí 'yø a bi ma, gue bi 'yena: "Nugä drá hme majuani gue bá cah mahets'i." ⁴² Ne bin 'yemzehe u:

—Ha hinga guehna ra Jesús, rá ts'unt' u ra José na, rá ta ne rá mbe dí pahmb'. Hanja ní 'yen'a bí 'yeh mahets'i, bi 'yen u.

⁴³ Ne nu ra Jesús bi 'yemp'u buya:

—O gadí c'äman'u u n'da ngu n'da ahu.

⁴⁴ Xínga n'da sä da dengui 'bu hin di un ra pähä a ma Ta, gue'a bá pengä, ne ga xoxä 'bu rán zegui ra pa u, ga undä ra te mazai. ⁴⁵ Tengu mán t'o't'i bu ja yu socuä yu pongahyä Ojaq, bi 'yen'a: "Gätho yu jaq'i da xänba Ojaq," bi 'yen'u. Janangue'a nu'u to'o gätho bi hyani xan ho a bi xänba Ojaq, ne gue'u di däc yu mbui u.

⁴⁶ Pe hin dí ena 'bo'o xan nu Ojaq, hinda höngdä gue bá nexä bu, dín nugä a.

⁴⁷ Majuani dí xi ahu, nu'a to'o ec'yeigui i ja ra 'da'yote mazai a. ⁴⁸ Nugä drá hme majuani gue nám 'buh mazai n'da. ⁴⁹ Nu'u mam bombotah'u bi zi ra maná bí 'yeh mahets'i 'bu min 'yo bu ja ra uhái, pe guehma bi du u. ⁵⁰ Pe nugä drá hme majuani, bá nexä bu mahets'i, gue sä da zin'a n'da tengu'bu

i sihme, ne njäm'bu da du. ⁵¹ Nugä drá hme majuani, bá ęcä mahëts'i, tengu ra hme i si n'da i ja rán zaqui yu pa i ja bu ya. Pe nu'a ra hme dím mangä, din ja ran zaqui mazai to da zi. Ne gue'a ma ja'igä a gue ga uni, ngue din ja ra 'da'yote u 'bucua ja ra ximhäi, bi 'yén'a ra Jesús.

⁵² Bin junzehe u ma mijudíohe buya, bin 'yemzehé u:

—Hague nja ran 'yohu sä di 'daju rá ja'i ga sahu, bin 'yemp'u:

⁵³ Ne nu ra Jesús bi dät'hu:

—Majuani dí xi ahu, nu'bu hin gui sihu ma ngöc'yëi ne ma ji, guecä dán ja'igä ua ja ra ximhäi, hin'yu mbo ni mbuhu ra 'da'yote mazai. ⁵⁴ Nu'a to'o da za ma ngöc'yëi ne da zi ma ji, i ja ra 'da'yote mazai, ne ga xox 'bu rán zegui ra pa. ⁵⁵ Nguetho nu ma ngöc'yëi ne ma ji njuantho ran ts'ihme ngue dám 'bu mazai n'da. ⁵⁶ Nu'a to'o da za ma ngöc'yëi ne da zi ma ji dí zäm bu ja yu mbui, ne i ja ra te nanguecä. ⁵⁷ Tengu thoho dí øt'be ma Ta, nu'a i jase rá te, ne i jagä ra te nangue'a buya. Ne bá pengä gue ga thocpa a ra te u to da zingä, tengu'bu i sagä. ⁵⁸ Nuna ra hme dí xi ahu gue bá cah mahëts'i, hinga ngu a bi zi mam bombotahu, nguetho bi du u. Pe nu'a to'o da zi ra hme dím mangä ya, gue'a dím 'bu mazai a, bi 'yén'a ra Jesús.

⁵⁹ Ne guehna ram hma bi man'a ra Jesús 'bu míñ xänbate bu ja ra nijä bu Capernaum.

Yum hma di un ra 'da'yote mazai

⁶⁰ Nu'bu mí gua'a bi man ra Jesús, bi 'yén'u mí tenni:

—Hingui ho a bi xiju nu ya, to'o da hyät'i da 'yode, xan ngu u bi 'yëna.

⁶¹ Nu ra Jesús bi badi 'be'a bi bëñ'hu yu ja'i, gue him bi numanho rám hma, ne bi 'yemp'u:

—Ha guim bëmhbu hingui ho a dá xi ahu.

⁶² 'Be'a guim bëmhbu 'bu gá nuju ga texä bu mahëts'i guephu bá nexä, guecä dán ja'igä ua ja ra ximhäi. ⁶³ Pe nu'a nam bøn'hu yum hma dá xi ahu, hingan juantho gui saju, pe guí 'yec'yëihu ngue ga un ma te nangue ahu, ne din ja ahu ra te buya. ⁶⁴ Pe 'bu i 'da ahu hin guí 'yec'yigahu, bi 'yén'a ra Jesús.

Nguetho xmí padi to'o hin da 'yec'yëi, ne xmí padi to'o di dä a. ⁶⁵ Ne bi 'yemp'u mahøn'a:

—Janangue'a dá xi ahu, hingui sä n'da ra ja'i ba ęhe da dengui 'bu him bi jap'a ma Ta bi däc rá mbui.

⁶⁶ Nu'bu mí 'yøh mahøn'a u mí tenni, xan ngu bi 'ue u ne him bin 'yohu mahøn'a.

⁶⁷ Janangue'a nu ra Jesús bi 'yängahe dí 'de'mayohogähe:

—Ha ne ahu gui sogahu, bi 'yënjje.

⁶⁸ Nu ra Simón Pedro bi dät'a:

—Ma Hmu i, pe njo'o man'da da zä ga tñhde nguetho nu'i ja nim hma di un ra 'da'yote mazai. ⁶⁹ Ne nugähe dí 'yec'yëi ahe ne dí pähmbe gue gue'e grá Cristo rá Ts'unt'u i Ojä i 'bu, bi 'yëna.

⁷⁰ Bi dä'a ra Jesús:

—Nugä xtá huan'nahu guí 'de'mayohohu, pe nu'a n'da ahu i ten ra zithu, bi 'yënjje.

⁷¹ Pe nu'a bi man ra Jesús, gue'a ra Judas a, rá ts'unt'u ra Simón Iscariote, nguetho gue'a di dä a. Ne gue'a n'da míñ 'yohe a, mí 'de'mayohogähe.

7

Hingui 'yec'yëi yu'n 'yohuzehé a ra Jesús

¹ M'bëjua buya, bin 'yo bu mi'da yu hnini bu Galilea. Him bi nde bi mba bu ja ra xequi Judea, nguetho nu ma ngärpihe dyu judíohe, dyu israelhe, nde xtá hyo bu. ² Ne ma guephu da dät'ra pa ngue zai dim peti ma mijudíohe, 'bu xu hyøh yu tñngu, im bëni 'be'a bi 'yørpa Ojä u mam bombotahu 'bu min 'yo bu ja ra uhäi. ³ Nu yu'n 'yohu a ra Jesús bi 'yëmbi:

—Nde'bu gui pøngua ní mba bu ja ra xequi Judea, ba nu a bu i ten'ni i nangue'a guí 'øt'e.

⁴ Nguetho njo'o to da 'yäf'rá 'bëfi 'bu in nde da t'ëspi. Nu'bu majuani guí 'øt' yu'n t'øt'e nujxte bá ut yu ja'i, ne gätho ra ximhäi da bá'a i, bi t'ëmp'a ra Jesús.

⁵ Ngubu bi xih yu'n 'yohu nguetho him mi 'yec'yëi u. ⁶ Nu a ra Jesús bi 'yemp'u buya:

—Hinga na sön ra ora bi ts'ängä ga mbagä bu, pe nu'ahu hønt'a go 'be'a má ora da zä guí mbähä bu. ⁷ Nu'bu 'bucua ja ra ximhäi hin di uc'ahu nguetho 'da i gu guí 'øthu u, pe go di ugä u nguetho dím mangä gue hingui ho 'øt'u. ⁸ Ní mbäsehu 'bu guín ndehu, nugä

hin ga mba ya nguetho hinga na són ra ora ga mba bá, bi 'yéna.

⁹ Nu'bá mí gua'a bi man báya bim 'báet pá mi'da yá pa bá ra xequi Galilea.

Bin xänbate ra Jesús bá ja ra dämpeti

¹⁰ Nu'bá mí mba bá Jerusalén yán 'yohá, m'bejua bi mba bára Jesús. Mbe bin 'yantho nguetho bi nde him 'bexque da hnu. ¹¹ Ne nu ma ngáripihe dyá judíohe i 'bápa, bi hyon'a ra Jesús bá ja ram peti. Ne bin 'yém zéhe:

—Hapá i 'bái 'bá, bin 'yémp'á:

¹² Ne xán ngu yá ja'i bin yanjo'dre nangue'a ra Jesús, nu'á 'da im ma ngue xán ho a, ne nu'á 'da i éna: "Häte a."

¹³ Pe xinga n'da bin yá ts'edi nangue'a ra Jesús nguetho i su ma ngáripihe 'bápa.

¹⁴ Nu'bá mí tho'i ts'á yá pa, ya bi zo i nde yám peti i t'órpá, ja bi mba bá ja ra danija ra Jesús báya ne bin xänbate bá. ¹⁵ Ne nu ma ngáripihe bá ja ra nijsa bi hyonya thoho ne bi 'yénp'á:

—Hague nja i sá da ma xán ho rám hman Ojá na ran 'yohá, ne him bi zá'a man xádiha, bin 'yém zéhe.

¹⁶ Bi dá a ra Jesús:

—Nu'a man xádigá him mam hmanségá a pegue rám hman a to bá pengá. ¹⁷ Nu'bá 'bá a n'da gue nde da 'yot' rá pähä Ojá, da bá 'bá rán xádi Ojá, o gue da bá 'bá mam hmanségá. ¹⁸ Nu'bá 'bá a n'da im ma 'bé'a mbénsé, i honi da hnumansuse. Pe nu'bá 'bá a n'da i honi da t'ëspa rá hmu, im ma majuani a ne hingui häte a.

¹⁹ Ne xó bi 'yéna:

—Bi 'dajá yán t'ëdi ra Moisés, pe xinga n'da ahá guí othá nguetho bi ma njon din hote, ne guín nde gue hyojá, bi 'yéna ra Jesús.

²⁰ Ne bi dá'á yá ja'i thoho:

—Masque bi bén'na ra zíthu a gám ma, njoo to in nde da hyo i, bi 'yénp'á.

²¹ Nu ra Jesús bi dát'á:

—Nugá dá ot'a n'da ra 'befi 'bá ra pa ran ts'äya, ne gátho ahá gá hyonya thohohá.

²²⁻²³ Pe ne'ahá, nu'bá din tñi i yoho yán t'ëdi bi man ra Moisés, nu'a n'da bi ma gue gue hyecpahá yá ja'i yá 'uere, ne nu man'da báya ra pa ran ts'äya, guí huanhdá nda'a guí othá, gue guí hecpahá yá ja'i yá 'uere.

Nguetho hin guín nde gue festahá a rán t'ëdi ra Moisés. Ne hinga hónt'a ra Moisés bi ma da thecpa yá ja'i yá 'uere, pe ne'á mam bombóthá bi ma. Ne ngutho dá ot' 'bá má hoc'a n'da ra hyénni 'bá ra pa ran ts'äya. Hanja gní sújá ne gue'a n'youi bá rán t'ëdi ra Moisés dá ot'ä. ²⁴ Pe damin 'yomfeniha xán ho 'bá guí éna gue juanbahá n'da ra ja'i. Jatho 'bá gue pahmbá 'bá'a nam bón'a i ot'a n'da, bi 'yéna ra Jesús.

Bin 'yán'dá 'bá gue'a ra Cristo

²⁵ Ne nu'á 'da yá mengu bá Jerusalén bin 'yémp'á:

—Ha hinga guehna ran 'yohá im ma ma ngáripiha da hyo. ²⁶ Pe hague in ja, in xänbate ua bim peti gátho yá ja'i ne nte i xih ya. Uague bi bén'á ma ngáripiha gue majuani ra Cristo na ra Jesús, gue bi huand Ojá dim Hmu ua. ²⁷ Pe nuna ran 'yohá, dí pahmbá hapá bá nexna, pe nu'bá bá é a majuani ra Cristo, njoo to da bádi hapá dí nex'a, bin 'yém zéhe.

²⁸ Nu'bá mí xänbate ra Jesús bá ja ra danija, nts'ëdi bi 'yéna:

—Guím bémhbá guí pajá ne guím bémhbá guí pahmbá hapá bá nexá. Pe hin bá éca nangueségá, pegue bá pengá a majuani i ja rá ts'ëdi. Nu'ehá hin guí pahmbá a. ²⁹ Nugá dí pácá a nguetho bá nexá bá i 'bá a, ne gue'a bá pengá a, bi 'yéna.

³⁰ Ne 'bexque nde da bent puya, pe njom bi zá bi bent'i nguetho hin ní zón ra ora da bent'i. ³¹ Ne xán ngu yá ja'i bi 'yéci gue majuani ra Cristo a. Ne bi 'yénp'á:

—Guehma majuani ra Cristo na ra Jesús gue mí hma ba éhe, nguetho njon da zá da 'yot' yán t'ot'e man'da nujxte, bi 'yénp'á.

Bi 'benhyá asmayo da bent'a ra Jesús

³² Nu'bá mí 'yohá yá fariseo ne yá dambajá 'bá'a bi man yá ja'i nangue'a ra Jesús, bi xi á 'da yá asmayo báya da bent'a ra Jesús ngue da got'i. ³³ Nu'a ra Jesús 'bá mí thoqui bin xänbate, bi 'yéna:

—Mi ts'átho dí 'báhmbá ua nguetho gama bá bí 'bá a bá pengá. ³⁴ Ne nu'ahá báya gue hyonjá pe hin da zá gue tñjá, ne hin da zá gue somhbá bá hapá dam 'báca, bi 'yéna.

³⁵ Ne bin 'yémzéhe ma ngáripihe:

—Hapu da mba gue hin da zä ga t̄imhbu. Ha da mba bu n'danni 'bu u ma mijudíou, ne da xänba u, ne'u n'dan'yo yu ja'i gue yu griego. ³⁶ 'Be'a ním bøn'a man'a: "Guí hyonju ne hin gui t̄inju, ne hin da zä guí sømhu hapu ga mba," enju, bin 'ȳemzehu.

Tengu n'da ra døthe da nexpu ní mbu i n'da

³⁷ Nu rán zegui ra pa nangue yum peti mí òt'u, gue'a ra pa ñemb yu ja'i man'da xun nduxqui a. Ne 'bäpu ra Jesus ne nts'edi im man'a:

—Nu'a to'o di 'be a man'da mahyoní thoho rá mbui, tengu'bu i tuthe, ba ȝhe ga un'na mahyoní thoho, tengu'bu da zi ra dehe. ³⁸ Ne nu'a to'o da zi ra dehe dím mangä, din ja tengu n'da ra døthe da nexpu rá mbui gue di un mahøn'a ra 'da'yote, tengu xí man rá t'ohni Ojaq, bi 'ȳen'a ra Jesus.

³⁹ Ne gue'a bi ma nangue rá Hogandaq Ojaq da hyaq*ni* to'o gätho da 'ȳec'yel. Pe hin ní zøh rá Hogandaq Ojaq 'bu mí mma nguetho hin ní ndex mahæts'i ra Jesus gue tpa pengahu a.

Dahma 'dan'yo bi ben yu ja'i

⁴⁰ Nu'bu mí 'yøh yu ja'i 'be'a bi man ra Jesus, bi 'ȳen'i 'da:

—Masque majuq*ni* rá pøngahyq Ojaq mí hma ba ȝhe.

⁴¹ Ne mi'da bi 'yena:

—Nu'a, ra Cristo gue rá Thahni Ojaq a.

Pe nu mi'da bi 'yena:

—Pe ha dí 'ȳepu Galilea ra Cristo.

⁴² Nguetho bi man rá t'ohni Ojaq, gue ra Cristo ba ȝhe nangue rá 'yu ra David, ne di nequi bu ra hnini Belén guepu mí 'bah ra David, enu.

⁴³ 'Bex bin hec yu ja'i nangue'a bi man'u, ne 'dahma 'dan'yo 'be'a mí beni ngue to'o a ra Jesus. ⁴⁴ Ne 'da u nde da bent'i ngue da got'i, pe xínga n'da bi zä bi bent'i.

Him bi 'ȳec'yel yu ngurpi

⁴⁵ Nu'bu mbenc'u yu asmayo bu 'bu u yu dãmbäju ne yu fariseo, nu'u bi 'yänni:

—Hanja hin guá sihu a dá xi ahu, bi 'ȳen'u.

⁴⁶ Ne nu yu asmayo bu ya bi daqdi:

—Pe him mí 'bu a n'da im ma tengu man'a ra Jesus, bi 'ȳen'u.

⁴⁷ Ne bi daq u yu fariseo buya:

—Ha ne ahu bi hyä ahu. ⁴⁸ Pe xínga n'dagähe dyu fariseohe dí ȝc'yeihe a, xínga gue'a mi'da ma mingurpihe. ⁴⁹ Pe nu u yu ja'i thoho gue hingui pah yun t'edi, hønt'u i ȝc'yei a ran 'yohu u, pe da nu ran u**nb**i mazai u, bi 'yen u.

⁵⁰ Ne nubuya nu ra Nicodemo, gue'a xízøm bu 'buh ra Jesus 'bu n'da ra xui, bi 'ȳemp'u yu mifariseohu:

⁵¹ —Nu'a man t'edihiu, hingui sä ga juanbahu n'da ra ja'i 'bu hin dá øhmbu 'be'a da mansu, ne'bu hin dí pahmbu majuq*ni* 'be'a i òt'e, bi 'yena.

⁵² Ne bi daq u, bi 'yenmbi:

—Nu'i tengu'bu ne'i guí 'ȳepu Galilea, nguetho ne'i guíma tengu im man yu 'yambu*u*. Pe dami hyomhbu ja rá socuq Ojaq gue'bu di nequi bu Galilea n'da rá pøngahyq Ojaq.

⁵³ Ne n'da ngu n'da bi mba yu ngu buya.

8

Ra xisu ra 'yomt'eni

¹ Pe nu ra Jesus bi mba bu ja ra nyuni Olivos. ² Ne nu'bu t'uxudi tho bi mbeng bu ja ra dñiju mahøn'a ne bi hyupu. Ne gätho nan ngu yu ja'i bá ȝhe nangue'a ne bi xänba u. ³ Ya xí yu bu ra Jesus 'bu mí zøm bu yu fariseo ne yu xänbate niju, bi zispa n'da ra xisu gue bi nu 'bu mí yu qui n'da ran 'yohu hing rá ndø. Ne bi mbä'minde bu 'buh yu ja'i. ⁴ Bi 'ȳemp'a ra Jesus:

—Xänbate, nuna ra xisu dá t̄imhbe bu i òt' ran 'yomt'eni. ⁵ Ne nu ran t'edi bi xiju ra Moisés, tengu na bi 'yøt' ra xisu ya, ne i jatho da mba ma bat'ado gue da du. Xi'e, 'be go guí xije ya, bi 'yenu yu fariseo ne yu xänbate niju.

⁶ Pe guehna bi man u nguetho i sätho ra Jesus, i honi 'bepu dí yapi. Ne 'bex bi mbom thoho a ra Jesus ne bi 'yo't' rá saha bu häi tengu'bu hin xtá 'yø'a bi man'u. ⁷ Pe man'da bi thoqui bi 'yänni, nu ra Jesus bim 'bäh puya ne bi 'ȳemp'u:

—Nu'bu bu a n'da ahu hin'yu ni ts'oquihu, gue'a di daqmi da 'yenmba ra do ra xisu a.

⁸ Ne bi mbo'mi mahøn'a bu häi ne bi 'yo't' rá saha bu ja ra häi. ⁹ Ne nu'bu mí 'yø'u 'be'a bi man ra Jesus, bi daqmi 'dahmi 'datho bi mba, m'bet'o bi mba a man'da xín dac'yei

asta gue'bu go míñ the u yu yapate, nguetho bi base mbo yá mbai i ja yá ts'oqui. Ne hont'a ra Jessús bi gohmbu bu u mí xänbi, ne'a ra xisu. 10 Ne nu'bu míñ 'bä'a ra Jessús ne bi nu njo'o bu yu yapate, pe hont'a ra xisu bi gopu, bi 'yembi:

—Grá xisu, hapu bi mba u bi yap'i i. Ha njo'o ua u in nde xtí 'da'a rá muui ní ts'oqui.

11 Ne bi da'a ra xisu:

—Grá Hmu, xínga n'da.

Ne nu ra Jessús bi 'yembi:

—Necä, xínga guecä ga 'da'a rá muui ni ts'oqui. Ní mba ya, pe hin gui 'yøt' mi'da yu ts'oqui.

Rá nyot'i yá mbui yu jq'i

12 Nu ra Jessús bi thoqui bi xänba yu ja'i mahon'a, bi 'yena:

—Nugä, drá nyot'i yá mbai yu ja'i 'bacua ja ra ximhäi. Nu'a to'o da dengui him man 'yo bu ja ra 'bexui, pe din ja ran nequi yá mbai gue ra 'da'yote mazai, bi 'yemp'u:

13 Janangue'a nu'bu mi da u 'da yu fariseo mi 'bapu, bi 'yembi:

—Pe nu'i guím manse 'be'a guí Øzehe, janangue'a säti thoho a guím ma, sä bi 'yen'u.

14 Nu'a ra Jessús buya bi dat'u ne bi 'yemp'u:

—Madague'bu dim manse nanguesgä, pe di muui a, nguetho dí pacä hapu bá nexä ne hapu ná mbagä. Pe nu ahu hin guí pahmbu hapu bá nexä o hapu ná mbagä.

15 Nu'ehu sä gadí juqnbahu n'da 'bu hin guí pahmbu xan ho 'be'a øt'a n'da. Pe nugä madague'bu dí paqi 'be'a øt'a n'da, pe njon dadí juqnbä ya. 16 Pe nu'bu dim mangä 'be'a øt'a n'da, majuqni dim ma, nguetho hin dí 'dase pe n'dat'a dim mam'be ma Ta gue bá pengä ua. 17 Nt'o't'i bu ja yan t'ëdi zai guidín xähmbu, gue nu'bu yoho yan 'yohu 'da'angu da ma 'bu xan juqnni, mfaqdi gue ya majuqni a buya. 18 Nugä dí xi ahu to'ogä, n'dahma guí paju, ne'a ma Ta bá pengä di jaqui da faqui, bi 'yena.

19 'Bex bi 'yen'u:

—Hapu 'bah ni ta, bi 'yembi.

Ne nu ra Jessús bi dat'u:

—Hin guí paju, xínga gue'a ma Ta guí pahmbu. Nu'bu xquí paju, ne'a ma Ta xquí pahmbu 'bu, bi 'yena.

20 Ne guehna bi man ra Jessús 'bu míñ xänbate bu ja ra daqnijä guepu i pa m'be'ts'i ra mbeti. Ne njom bi bent'i gue xtan got'i nguetho hin ní zøn ra ora dim fent'i.

Him bi zä bi mbähä ra Jessús

21 Nu ra Jessús bi thoqui bi xih mahon'a u:

—Nugä ga mbagä, ne m'bejua gui hyonu, ne gui tuhu 'bu hin níñ hotho ni ts'oquihu. Nubu hapu ga mbagä hin da zä gui mbähä bu, bi 'yena.

22 Ne bi 'yen u ma ngärp*hi*e:

—Ha din hyose nanguese nguetho bi ma: “Nubu ga mbagä, hin da zä gui mbähä bu,” bi 'yenju, bi 'yen'u.

23 Ne nu'a ra Jessús bi 'yemp'u:

—Nu'ahu i ja ahu rán 'yomfeni ra ximhäi nguetho gyu menguhu ua ja ra ximhäi. Pe nugä 'da'angu díñ bem'be Oju, nguetho hin dra mengugä ua ja ra ximhäi. 24 Janangue'a dí xi ahu, nu'bu hin gui 'yec'yeihu 'be'a díñ manse gue to'ogä, gui tuhu ne njam'bu din hoh ni ts'oquihu, bi 'yena.

25 Ne bi 'yän'ndu buya:

—To'o i, bi 'yen'u.

Nu'a ra Jessús buya bi 'yemp'u:

—Ya xtá xi ahu to'ogä ne guexta thohogä.

26 I ja man'da xan ngu ga xi ahu 'berpu níñ ja ni ts'oquihu. Pe majuqni a díñ ma nguetho majuqni a bá pengä. Ne nu'u yum hma di bengä a, gue'u díñ mangä ua ja ra ximhäi u, bi 'yena.

27 Pe nu'u ma ngärp*hi*e 'bu mí xi u, him bi baq u gue'a bi ma ra Jessús gue Oju bá pengä.

28 Janangue'a xo bi 'yen'a ra Jessús:

—Nu'bu gá cuarcah bu magats'i, guecä dán ja'igä ua ja ra ximhäi, m'bejua buya ja gui pahmbu to'ogä. Ne ja gui pahmbu buya nte díñ manse, pe gätho xtá ma bi xänga ma Ta. 29 Nu a ma Ta gue bá pengä ua, n'dat'a díñ bem'be, ne njam'bu i sogä a nguetho zai gätho dí øt'ä a in numanho, bi 'yen'a ra Jessús.

30 Nu'bu mí man na, xan ngu u mi'da bi 'yec'yei mahon'a.

Yá 'yehe a ra ts'oqui

31 Ne nu ra Jessús bi 'yemp'u 'da ma mi-judiohe ngue qna bi 'yec'yei a:

—Nu'bu gui thoqui gui tenhdu mam hmangä, majuqni ma 'yec'yei ahu 'bu. 32 Ne

da zä gui pähmbü 'be'a nam bøn'ü yam hma majuani, ne gue'a dí yan ahü gue da zin ahü Oja, bi 'yëna.

³³ Ne bi dä u:

—Pe nugähe, dyam bom'betoje ra Abraham janangue'a ya yá t'uhni gähe Oja. Ne njäm'bu midí mandagähe man'da ra hmu. Hanja gní xije da mba nhyanigähe gue da zinje Oja, bi 'yën'ü.

³⁴ Ne nu'a ra Jesús bi 'yëmp'ü:

—Majuani dí xi ahü, nu'a to'o øt' ra ts'oqui, rá hmu ra ts'oqui a. ³⁵ Nehna man'da guim bëmhbu, hin gui sä gui comhbü ran ho ra Abraham, pe tengu'bu yá 'yëhe thoho ahü a. Pe hønt'ü njuantho yá t'uhni da gomhbu ran ho mazai. ³⁶ Nugä njuantho rá Ts'unt'ü Ojagä. Ne nu'bu guecä ga juc'ahü bu ja yá ts'oqui, majuani da zin ahü ma Ta ne yá t'uhni ahü a 'bu. ³⁷ Ne madague'bu bi xant'ahü ra Abraham, tengugä, pe guín nde gui hyoju, nguetho hin hapü da zä da yut' mam hma bu ja ni mbüihü. ³⁸ Hønt'a bi 'yurcä ma Ta dím mangä. Ngutho ahü, hønt'a bi 'yut'a ni tahü guí øthü, bi 'yëmp'ü.

³⁹ Ne bi dä u ma mijudíohe mí 'bäpu:

—Ra Abraham ma tahe.

Ne nu ra Jesús xö bi 'yëmp'ü:

—Nu'bu majuani yá t'uhni ahü ra Abraham xquí comhbü ran 'yomfëni ra Abraham 'bu. ⁴⁰ Pe nuya guín nde gui hyoju, guecä dí xi ahü a majuani gue'a bi xänga ma Ta. Pe hinga nguba bi 'yot' ra Abraham tengu guín nde gui 'yørcahü. ⁴¹ Janangue'a dí xi ahü, guí øthü rá 'befi man'da ni tahü, bi 'yëna.

Ne 'bex bi 'yën'ü:

—Hin dyü 'bëtat'uhni gähe, pëgue n'datho ma tahe 'bu, Oja a, bi t'ëmp'a ra Jesús.

⁴² Nu'a ra Jesús bi dätp'ü:

—Nu'bu da gue'a Oja ni tahü, xquí numanhoju 'bu, nguetho bá çä bu bí 'bu Oja. Ne hin bá çä nangue ma ts'edi zehë pe gue'a Oja bá pengä ua. ⁴³ Hanja hingui sä gui pähmbü 'be'a dím mangä. Nguetho hin guín nde gui pähmbü a. ⁴⁴ Nguetho ra zithu ni tahü, ne guí honi gui 'yothü rá pähä a. Ne nu'a, rá mbüdi thoho bi dämi bin hote, ne guet'ü yü pa i ja bu ya i øthoho. Ne nu'a, him

bin zammi a majuani nguetho him bi numanho a. Ne hønt yü fehni man'a nguetho rám 'bäi a. Ne in ta nangue gätho yü fehni.

⁴⁵ Pe nugä dím ma majuani, janangue'a hin guí çc'yëigahü. ⁴⁶ To'o ahü da ma majuani dí øt' ran ts'o o gue dím man ra fehni. Pe nu'bu gätho majuani a dí xi ahü, hanja hingui sä gui 'yëc'yëihü. ⁴⁷ Nu'a to'o bim 'bu nangue Oja, i ømanho rám hman Oja a, pe nu'ahü hin guí ømanho rám hman a nguetho hin gám 'bühmbü nangue Oja, bi 'yën'a ra Jesús.

Ya xmí 'bu h ra Cristo 'bu hin ním 'bu h ra Abraham

⁴⁸ 'Bex bi dätp'ü ma mijudíohe baya:

—Ha him majuani dím mamhbe, gue nu'i grá mëngu bu Samaria, gue him majuani grá mbom'beto ra Abraham. Ne guí 'bühmi n'da ra zithu, sä bi 'yën'ü.

⁴⁹ Nu ra Jesús bi dätp'ü:

—Nugä hin dí 'bu'be n'da ra zithu pe dí numansu ma Ta. Nu'ahü hin guí numansu. ⁵⁰ Ne hin dí honi gue da hnumansugui pe i 'bu a n'da gue i honi da hnumansugui, ne di ünbi to'o hingui numansugui. ⁵¹ Majuani dí xi ahü, nu'a to'o da 'yëc'yëi a dím mangä hin da nu ran däte a, bi 'yëna.

⁵² 'Bex bi dätp'ü ma mijudíohe:

—Nuya dí pähmbe go gue'e guí 'bühmi a ra zithu, nguetho bi du ra Abraham ne gätho yá pøngahyä Oja, pe sä guí çna, hin da du to'o da 'yëc'yëi i. ⁵³ Ha guí çna man'da guín nuixte xinda gue'a ma tahe ra Abraham ne yü pøngahyä, ne maya'bu xün du. To'o guí çna gue gue'e 'bu, bi 'yën'ü.

⁵⁴ Nu'a ra Jesús bi dätp'ü:

—Nu'bu xcá honi dan nuixte zehégä, säti thoho 'bu. Pe nangue a rá ts'edi ma Ta, gue'a nán nuixtegä a, gue'a guí çmfü ni Ojahu. ⁵⁵ Pe njäm'bu gá pähmbü a. Pe nugä dí pácä a, ne nu'bu xcá mangä hin dí pácä a, xcám fehnigä 'bu, tengu ahü. Pe majuani dí pácä a ne dí øt'a im man a. ⁵⁶ Nu a ra Abraham, zai guí çmfü ni tahü, pe bin johya 'bu mi bødi da zøn ra pa ba çä ua. Ne bi t'uti gue ga sòcä ua, ne bin johya 'bu mi nugui, bi 'yëna.

⁵⁷ Ne sä 'bex bi 'yëmp'ü ma mijudíohe:

—Hin guí pe'ts'i yote ma 'det'a njëya ne guí çna gá nu ra Abraham, bi 'yën'ü.

⁵⁸ Ne nu ra Jesús bi 'yëmp'ü:

—Majuani dí xi ahu, nu'bu hin ním 'buh ra Abraham, xmí 'bucä, nguetho zai dí 'bui, bi 'yεmp'u.

⁵⁹ 'Bex bi gux yu do u, εna di bat'i, pε nu ra Jesús 'bex bi yut'i nde bu 'buh yu ja*'i*, bin 'yεni ne bi bom bu ja ra danija buya.

9

Ra xädä 'bu mim 'bui bi yεni

¹ Nu'bu má mbähmbe bu 'yu ra Jesús, dá nuhe n'da ran 'yohu, ra xädä gue'bu go mim 'bui. ² Ne nugähe dyu xädihe dá änhde:

—Xänbate i, to'o bi 'yøt' ra ts'oqui, ha gue'a rá ta o gue rá mbe, uague rá ts'oqui zehe gue bin xädä, dí 'emfe.

³ Nu'a ra Jesús bi 'yεngähe:

—Xínga guehna ran 'yohu ne xinga gue'a rá ta ne xínga gue'a rá mbe, pε hønt'a ran t'øt'e nuixte da 'yørpa Oju gue da nu yu ja*'i*.

⁴ Nuju i jatho ga humbi ga Ørpahu rá 'befi Oju ya tengu'bu ma patho ya, nguetho da zonra pa ga tuhu, ne hin man da zä ga øthu ra 'befi ua ja ra ximhäi buya. ⁵ Nu'bu dí 'bucuja ra ximhäi dí xänba yu ja*'i*, tengu'bu dí xocpa yu dä da nu ran nequi, bi 'yεnje.

⁶ Nu'bu mí jua'a bi ma, bi zoh rá jini bu häi, ne í 'yøt' ra bøhäi rá jini ne gue'a í gospa rá dä ra xädä a buya. ⁷ Ne bi 'yεmp'a ra xädä:

—Ní mba bán xudä nu ja ra mbothe Siloé.

Bi mba ne bán xudä. Ne nu'bu mam bá pengui in nu ran nequi buya. ⁸ Ne nu'u din tøt'am'buihu ne'u mi'da yuj*'i* gue zai míñ nu'bu míñ xädä, nu'bu míñ nu u, bin 'yεmp'u:

—Ha hinga guehnu ra xädä nu mí hæxta'a bε'a mí si.

⁹ Da'u bi ma:

—Guehnu.

Ne nu'u mi'da bi 'yεna:

—εna ngunu a pε hinga guehnu.

Pε nu ra xädä bi daqdi:

—Guecä, bi 'yεn'a.

¹⁰ Ne bi 'yæn'du buya:

—Hague nja bi xoh ni dä.

¹¹ Ne nu ra xädä bi daqdi:

—Nu'a ran 'yohu rá thuhu ra Jesús bi 'yøt' ra bøhäi ne bi gosca ma dä. Ne bi 'yεngä: "Ní mba bu ja ra mbothe Siloé ne guan xudä bu," bi 'yεngä a. Ne dá mba dán xudä, ne bi zä dä nu ran nequi ma dä buya, bi 'yεna.

¹² Ne bi t'εmp'a:

—Hapu i 'bu a.

Ne bi daqh puya:

—Hin dí paqdi, bi 'yεntho.

Bi t'ørpa ran t'ønni a mí xädä

¹³ Ne bi zix bu 'buh yu fariseo buya.

¹⁴ Nu'a ra pa bi 'yøt' ra bøhäi ra Jesús ne bi xocpa rá dä ra xädä, ra pa ran ts'äya a. ¹⁵ Nu yu fariseo bi 'yænni mahøn'a:

—Hague nja bi nu ran nequi ni dä.

Ne bi 'yεmp'u:

—Bi gosca ra bøhäi ma dä, ne bán xudä, ne nuya dín nu ran nequi, bi 'yεna.

¹⁶ Janangue'a bi 'yεn'u 'da yu fariseo:

—Nu'a ran 'yohu guím ma, hingui numansu Oju nguetho hingui numansu ra pa ran ts'äya, sä bi 'yεn'u.

Pε nu'u mi'da u bi 'yεna:

—Pε nu'bu ra ts'om'buhi xtán zä da 'yøt' yun t'øt'e nuixte gue i øt'a.

'Bex bin hec'u buya. ¹⁷ Ne bi tæn'na ra xädä:

—'Bε'a guím ma nangue'a bi xoc'a ni dä.

Ne bi 'yεna:

—Nu'a, n'da rá pøngahyu Oju a, bi 'yεna, ne bi bom buya.

¹⁸ Pε nu'u him bi 'yεc'y*'e*i gue gue'a mí xädä, jague'bu mí zonpa a rá ta ne rá mbe.

¹⁹ Ne bi 'yæn'du:

—Ha gue'a ni ts'unt'uui gue mí xädä a. Hague nja in nu ran nequi ya, bi 'yεn'u.

²⁰ Bi daqa rá mbe ne rá ta:

—Dí paq'be gue gue'a ma ts'unt'u'be gue mí xädä 'bu mim 'bui. ²¹ Pε hin dí paq'be hague in ja in nu ran nequi ya, hin dí paq'be to'o bi xocpa rá dä. Nu'a xan dan'yohu ya, dami 'yænhdu, da manse to'o.

²² Ngubu bi man rá ta ne rá mbe nguetho i su ma ngærp*hi* dyu judíohe. Gue bi zan'na n'da ra nde, gue da hyøn'a thi bu ja ra niju u to'o da ma bá penh Oju a ra Jesús, ne ma zä hin da hnumanho bu ja yu hnini.

²³ Janangue'a bi 'yεntho rá ta ne rá mbe: "Xan dan'yohu ya, dami 'yænhdu," bi 'yεntho u.

²⁴ Janangue'a bi zonh mahøn'a ran 'yohu mí xädä, ne bi 'yεmp'a:

—Pε dami ma majuani gue gue'a Oju bi xoc'a ni dä. Pε nu'a ran 'yohu gá ma, dí paqhme ra ts'om'bu a, bi 'yεn'u.

²⁵ Ne nu'a mí xädä bi daqdi:

—Hin dí pācä 'bä ra ts'om'bäi a, o gue hin'na, pe hønt'a dí pādi mí xädägä, ne dín nu ran nequi ya.

²⁶ Ne bi 'yëmbi mahøn'a:

—'Bë'a bi 'yøt'a'i 'bä mí xoc'a ni dä.

²⁷ Ne bi dä'a:

—Nugä ya xtá xi ahü ne hin gá 'yëc'yëihü. Ha gui 'yëc'yëihü 'bä ga xi ahü mahøn'a. Ha ne ahü guín nde gui tñhda a 'bä, bi 'yëna.

²⁸ 'Bex bin sante thoho a 'bä mí 'yëmp'a:

—Nu'i rá xädi i a ra ts'om'bäi. Pe nugähe yü xädigähe a ra Moisés. ²⁹ Dí pähmbé Ojä bin yäui ra Moisés, pe nu'a ran 'yohü guí xëspi hin dí pähmbé hapü bi nëx'a rán t'ëdi a, bi 'yën'ü.

³⁰ Bi dä'a míx xäda bëya:

—Nugä dadí hyonya thoho nangue'a gá mamhbu, gue hin guí pähmbü hapü bí 'yë a rán t'ëdi, ne ya bi xoga ma dä a. ³¹ Ne dí pähmbü hin da 'yømanho Ojä 'bä da 'yäp rá ts'ëdi n'da ra ts'om'bäi, pe nu'bä 'bä a n'da i thände Ojä ne ørpa rá pähä, i ø Ojä 'bä i äp rá ts'ëdi. ³² Ne gätho yü jëya xü thogui njäm'bä bim 'bä a n'da bi xocpa rá dä n'da mi xäda 'bä mím 'bäi. ³³ Nu'a ran 'yohü dím ma, nu'bä hin di fäx Ojä a, hin te sä da 'yøt yü nuixte 'bä, bi 'yën'a mí xäda.

³⁴ Ne bi t'ëmp' mahøn'a:

—Nu'i grá dädits'oqui, janangue'a guí xäda 'bä gmím 'bäi. Ha go gui xängahe, bi 'yën'ü.

Ne bi hyøn a thi gue ma zä hin da nu manho ma mijudíohe bëya.

I xäda yü mbäi a 'da

³⁵ Nu'bä mí 'yø'a ra Jesús gue bi thøn'a thi ra xäda, bi dñni ne bi 'yänni:

—Ha guí 'yëi rá ts'unt'a Ojä, bi 'yëmbi.

³⁶ Ne bi dä't'a:

—Ma Hmu, to'o a guím ma. Dami xiqui ts'ü, ga 'yëi a, bi 'yëna.

³⁷ Ne nu ra Jesús bi 'yëmp'a:

—Guecä guín nug ya, ne dí yäui ya.

³⁸ Ne bi 'yëmbi:

—Ma Hmu i, dí 'yëi a ya.

Ne bin dänyahmu bë ja rá hmi bëya. ³⁹ Ne nu ra Jesús bi 'yëna:

—Janangue'a dám 'bäcä ua ja ra ximhäi, gue ga japi di nequi 'bë'a mbëni n'da ngu

n'da. Ne nu'ü i xäda da nu ran nequi, ne nu'ü in nu ran nequi din xäda, bi 'yëna.

⁴⁰ Ne nu'ü 'da yü fariseo bi 'yøh rám hman a, bi 'yën'ü:

—Ha neçähe dí xädahe, bi 'yën'ü.

⁴¹ Ne nu ra Jesús bi 'yëmp'ü:

—Nu'bä xquí pähmbü gue guí xädahe, xtán zä xtím pun'nahü 'bä ne njon xtá xi ahü gue ja ni ts'oquihü bëya. Pe guí xënsëhü guín nuhü ran nequi, janangue'a hin dim pun'na ni ts'oquihü, bi 'yën'a ra Jesús.

10

Ran t'uti nangue rá mbä't'i yü de'yo

¹ —Majuäni dí xi ahü, bi 'yën'a ra Jesús, nu'ü hin dí yärpü ja rá goxthi a rá mbä't'i yü de'yo, ne dí dons pü ja ra mbä't'i, yü bë ü.

² Pe nu'ü dí yärpü ja ra goxthi, njuäntho yü mbände'yo ü. ³ Ne da xocpa a ra mbängoxthi ne da yü't'ambo ra mbände'yo bëya. Ne nu'ü yü de'yo i ørpa rá nde a rá mbädi ne i øt'a i xifi. Ne i ndønba yü thuhu nguetho i pü yü mbëti a. Ne i sixpü ja yü 'bot'ei. ⁴ Ne nu'bä mí gëc pü thi gätho ü yü de'yo, di 'bet'o 'bä i sits'i, ne nu'ü yü de'yo i tenni nguetho i pärpa rá nde 'bä im mba't'i. ⁵ Hingui tenna n'dan'yo n'da ra ja'i, pe i 'dagui, nguetho hingui pärpa rá nde a n'dan'yo, bi 'yëna.

⁶ Nu'a ran t'uti bi man'a ra Jesús, pe hingu pü yü 'be'a nam bøn'a bi si ü.

Ra Jesús ra hogambände'yo

⁷ Janangue'a 'bex bi 'yëmbi mahøn'a:

—Majuäni dí xi ahü, nugä drá goxthigä a ra mbä't'i guepü i 'bäh yü de'yo. ⁸ Pe gätho ü im bëni dim 'bet'o zëhe xinda guecä, ne gue'ü yü bë ü. Pe nu'ü yü de'yo hingui ørpa yü nde ü. ⁹ Nugä drá goxthigä, nu'a to'o da yü't'i nanguecä, ma zä da ts'imano bë. Ne da bëdi gue rá ngu bë, janangue i 'yo ne da dñni 'bë'a dí zërpa yü mbäi, tengutho ra de'yo i tñn yü t'ei.

¹⁰ Nu'ü yü bë ní 'yëhë dim pe ne din hodu ne di ts'onbi gätho rá 'bëfi Ojä. Pe nugä ná 'yëhë gue dí tñn ra te n'da ne din ja ra te i juadi xëñ ho. ¹¹ Nugä drá hogambände'yo ne ga 'bëh ma te gue gan yäñ ü ma de'yo. ¹² Pe nu'ü 'da yü mbëfi, hønt'ü yëñ zäbi nde da däha, ne him majuäni yü mbände'yo, gue hin yü mbëti ü yü de'yo. Janangue'a nu'bä

in nu ba ɛpʉ n'da ra zate, i sopa yʉ de'yo ne i 'dagui. Ne nu ra zate bʉya im bənt'ʉ yʉ de'yo ne im maxt'i. ¹³ Nu'ʉ yʉ mbefi i 'dagui nguetho hin'yʉ yán huçcate nangue yʉ de'yo, ne hønt'ʉ yán zäbi ní hyu yʉ mbui.

¹⁴ Nugä drá hogambänd'e'yo, ne dí pah ma de'yo ne nu'ʉ i pąqui. ¹⁵ Tengu thoho dí øt'be ma Ta, i pąqui ne dí pącä a. Ne ga ungä ma te ngue gan yan ʉ ma de'yo. ¹⁶ I 'buh mi'da ma de'yo gue hinga guecua i 'bucua. Ne'ʉ jatho gua sigä. Ne da 'yø 'bu dá mba't'i. Janangue'a 'darpu din 'yo gätho ma de'yo. Ne gätho ga fäh pʉya nguetho høngdä drá mbänd'e'yogä.

¹⁷ Èmme numanho ma Ta 'be'a ga øt'ä gue ga ungä ma te nangue ma de'yo. Pe ga thəmbənigä mahøn'a. ¹⁸ Xínga n'da ra ja'i da zä da hyogui, pe nugä ga unsə ma te. Ja ma ts'edi ga uni ne ja ma ts'edi ga thəmbəni, nguetho gue'a bi xic ma Ta, bi 'yøn'a ra Jesús.

¹⁹ Nangue'a bi man ra Jesús, bin hec ma mijudíohe mahøn'a. ²⁰ Xun ngu ʉ bi 'yøna:

—Nuna 'buhmi ra zíthu ne ran gat'i na. Hanja gní 'yøhmbʉ 'be'a man na, bi 'yøn'ʉ 'da.

²¹ Pe nu'ʉ mi'da bi 'yøna:

—Pe hinguin jabʉ rám hman a in 'youi ra zíthu. Ne mfədi hin'yʉ rá ts'edi ra zíthu da xocpa yʉ dä yʉ xädä, bi 'yøn'ʉ mi'da.

Him bi hnumanho a ra Jesús

²² Nu yʉ pa xun se bin ja ran ts'ihmə bʉ Jerusalén ngue ra dämpeti bi 'yøt' ma mijudíohe. ²³ Nu ra Jesús mí 'yo bʉ ja rá ngun'yu ra dənjə ní hu ra Salomón. ²⁴ Nu'ʉ 'da ma mijudíohe bʉya bi mbä'ts'a ra Jesús, ne bi 'yømp'a:

—Hanja gní jactohohe dan 'yänhde nangue'e, pe dami xije njuqñtho 'bʉ gue'e grá Cristo, bi 'yøn'ʉ.

²⁵ Ne nu ra Jesús bi dat'ʉ:

—Ya xtá xi ahʉ pe hin gá 'yøc'yøigah. Ne'a ra 'befi dí øt'ä nangue rán t 'edi ma Ta, i udi to'ogä. ²⁶ Pe nu ahʉ hin guí ɛc'yøihʉ nguetho him ma de'yo ahʉ, tengu xtá xi ahʉ. ²⁷ Nu'ʉ ma de'yo i ømanho ma nde, ne dí pärpa yʉ mbai ʉ ne i tengui. ²⁸ Ne dí un ra 'da'yote mazai ʉ ne njäm'bʉ dim 'bedi. Ne njo'o to'o da zä da huq'ts'ʉ i o ma 'yø. ²⁹ Nu a ma Ta bi 'dacä ʉ, man'da nujxte a,

ne njo'o man'da tengu a. Ne njo'o to da zä da huq'ts'ʉ i o rá 'yø ma Ta. ³⁰ Nugä ne ma Ta n'datho dí com'be, bi 'yøn'a ra Jesús.

³¹ 'Bex bi gax yʉ do mahøn'a ɛna di bat'i ngue da hyo. ³² Pe nu ra Jesús bi 'yømp'ʉ:

—Xun ngu yʉ 'befi xun ho xtá ut'ahʉ ngue bi xic ma Ta. Nda'a ní 'befi guín nde gdí bajʉ yʉ do, bi 'yøna.

³³ Ne bi 'yømp'ʉ yʉ judío:

—Hin nangue yʉ 'befi xun ho dí ɛna ga ba ahe, pe nangue hin guí ɛspa Ojä gue gá 'yøna, n'datho guí cohmi Ojä, ne grá ja'i thoho, bi t'ɛmp'a ra Jesús.

³⁴ Nu ra Jesús bi dat'ʉ:

—Ha hinga nt'o't'i bu ja yan t'ɛdi gadín xähmbʉ, gue bi 'yøn Ojä: “Nu ahʉ tengu'bʉ gyʉ ojahu,” i ɛm bu ja ra t'ohni. ³⁵ Gue bi 'yømbi tengu'bʉ yʉ ojä ʉ bi un rán t'ɛdi Ojä. Ne hingui sā dim 'beh rá T'ohni Ojä.

³⁶ Pe hanja gní 'yønjʉ hin dín numansugä Ojä 'bʉ dím mangä, rá Ts'unt'ʉ Ojagä, guecä gue bi huangä ma Ta ne bá pengä ua. ³⁷ Nu'bʉ hin dí øt'ä tengu øt'a ma Ta, hin gui 'yøc'yøigah 'bʉ. ³⁸ Pe nu'bʉ dí øt'ä tengu øt'a ma Ta, dami pähmbʉ ngue hønt'a Ojä sā i øt'ʉ yʉ nujxte dí øt'ä. Janangue'a da zä gui 'yøc'yøihʉ gue n'datho ran 'yomfəni dí com'be ma Ta, bi 'yøna.

³⁹ Janangue'a bi 'yøna da bənt'i mahøn'a ʉ ma mijudíohe mí 'bæpʉ. Pe nu ra Jesús bi 'uegue.

⁴⁰ Ne bi mbeng mahøn'a bʉ 'danguadi ra dathe Jordán, guepʉ rá mbədi mí øt' ran xixyä ra Xuua, ne bim 'bəpʉ 'da yʉ pa. ⁴¹ Ne xun ngu yʉ ja'i bá ɛpʉ 'buh ra Jesús. Ne bi man ʉ:

—Madague'bʉ nte man t'øt'e nujxte bi 'yøt' ra Xuua Nxixyä, pęgue gätho majuqñ a bi mam 'bʉ mi xijʉ nanguehna ra Jesús, bi 'yøn'ʉ.

⁴² Ne xun ngu ʉ bi mba bʉ, bi 'yøc'yøi a ra Jesús.

11

Bi du ra Lázaro

¹ Mí 'bəpʉ Betania n'da ran 'yohʉ in zäman'ʉ, í Lázaro. Ne mí 'buhmbʉ yoho yán ju, ra María ne ra Marta. ² Ne nuna ra María, guehna bi xispa ra 'yøthi rá gua ra Jesús èmmə yʉman'u ne bi 'yonbi nangue yʉ

xtä. Guehna rán ju ra Lázaro na, gue xän u.
³ Janangue'a nu'ü yán ju bi mbéhna n'da ra
 nde bu'bäh ra Jesús ne bi 'yëmp'a:

—Ma Hmu a'be, xiya 'bë' a ga øthü ya, xän u a guidí huëqui, bi 'yëmbi.

⁴ Ne nu'bä mí 'yøh ra Jesús, bi 'yëna:

—Nu'a ran u hing ran däte a pe hønt'a gue da hnu rá ts'edi Ojä nuixté thoho, nëcä rá Ts'unt'ü Ojägä, bi 'yëna.

⁵ Nu ra Jesús èmme madi huëc'a ra Marta ne rá juhue ne'a ra Lázaro. ⁶ Pe nu'bä mí 'yøde xän u ra Lázaro, him 'bex bi nde da mba, 'bë' bi døm' man yopa guepä mí 'bühmbe. ⁷ M'bëjua bëya bi xije dyu xädigähe a:

—Ga mbähä bu Judea mahøn'a, bi 'yënje.

⁸ Pe dá èmfe bëya:

—Xänbate i, ha gui mba bu mahøn'a, nguetho nu ma mijudíohü 'bëpä him maya'bä gue nde di bat'a do i, dá èmfe.

⁹ Nu ra Jesús bi xije n'da ran t'uti bëya:

—Ha hinga gue'a 'dë'mayo ora n'da pa. Nu'bä ma pa i 'yo n'da ra ja'i, hin di fet rá gua nguetho in nu hapä i pa. ¹⁰ Pe nu'bä 'yoxui n'da, di fet rá gua nguetho hinguin nu hapä i pa. Nu'a bi ma gue hingana sön ra ora da du.

¹¹ Ne m'bëjua bi 'yënje mahøn'a:

—Nu'a ma amigohü ra Lázaro i qha. Ne ga mbähä ga ents'ä a, bi 'yëna.

¹² 'Bex dá èmbähe a bëya:

—Ma Hmu ahe, nu'bä i qha da yäm 'bä, dá èmfe.

¹³ Pe nu ra Jesús bi ma gue bi du 'bä mí ma i qha. Pe dá bëmhbe gue i qha. ¹⁴ 'Bexque njuñtho bi man ra Jesús:

—Ya bi du ra Lázaro. ¹⁵ Pe nangue ahü, xän ho gue hin dá nugä 'bä mí hyëñ'na, gue man'da gui 'yëc'yëigahü 'bä guin nuhü 'bë' a ga øt'ä ya. Nuya ga mbähä ba nuhü.

¹⁶ Pe nu'a ra Tomás ne i t'ëmbi ra Go, ma mixädihe, bi 'yënje:

—Mbähmahü 'bä, madague'a 'darpä ga tuhü.

Nu ra Jesús di un ra te u xän du

¹⁷ Nu'bä má sòmhbe bu ra Jesús bëya, ya ná goho pa xí t'ä a ra Lázaro. ¹⁸ Nu bu Betania hinga ya bu Jerusalén, mbë made ora na 'yo. ¹⁹ Janangue'a xän ngu ma mijudíohü bi mba bu rá ngu ra Marta ne ra María gue

da hyurpa yá mbäi u, nangue'a rá jda bi du. ²⁰ Nu'bä mí 'yøh ra Marta gue ba èpä ra Jesús, bi mba ne bin c'at'ui bu 'yu. Pe nu ra María bi gotpuja rá ngu. ²¹ Ne nu'a ra Marta bi 'yëmp'a ra Jesús:

—Ma Hmu i, nu'bä xquím 'bëque ua, hin xtán du ma jda. ²² Pe madague'bä ya bi du ya, pe dí pácä di 'da'a Ojä hønt'a go 'bë' a gui 'yäpi, bi 'yëna.

²³ Nu a ra Jesús bi dat'a:

—Nu'a ni jda da ndants' mahøn'a, bi 'yëna.

²⁴ Nu ra Marta bi 'yëna:

—Dí pácä da ndants'a rán zëgui ra pa a, ne u gätho xän du, bi 'yëna.

²⁵ Ne nu ra Jesús bi 'yëmp'a:

—Nugä guecä dadí un ra te u xän du. Nu'a to'o da 'yëc'yëigui, madague'a da du, pe ga japi da ndants'i ne din ja ra 'da'yote mazäi. ²⁶ Ne nu'a to'o 'bäi nanguecä ne 'yëc'yëigui, njäm'bä da du a. Ha guí 'yëi a dí xi i, bi 'yëmbi.

²⁷ Ne bi 'yëmp'a:

—Häha ma Hmu i, dí 'yëi gue gue'e grá Cristo, rá Ts'unt'ü i Ojä, gue'e mí hma gua ècua ja ra ximhäi, bi 'yëna.

Bin zon'a ra Jesús

²⁸ Ne nu'bä mí gua'a bin yäui ra Marta a ra Jesús, bi mbeng bu rá ngu ne bin yajodreui a rá juhue ra María, ne bi xi a:

—Bí 'bäpä ra xänbate ne in zon'na i, bi 'yëna.

²⁹ Ne nu'bä mí 'yø a 'bë' a bi sifi, bi ndants'a ne bi mba n'dihí guepä 'bäh ra Jesús. ³⁰ Nu ra Jesús him 'bex bi zøm bu ja ra hnini, pe bim 'bätho bu ndehnini guepä xín yäui ra Marta. ³¹ Nu ma mijudíohü mí hupä mbo rá ngu ra María gue i hurpa rá mbäi, nu'bä mí nu bi ndants'a ra María ne bi mba n'dihí, bi dënd'ü ma mijudíohü bëya, ne bi 'yën u: "Masque ní mba ban zom bu ja ran 'yägui na."

³² Nu'bä mí zøm bu ra María bu bí 'bäh ra Jesús, bin dänyahmu bu ja rá gua, ne bi 'yëmp'a:

—Nu'bä xquím 'bëque ua, hin xtán du ma jda 'bä, bi 'yëna.

³³ Nu'bä mí nu ra Jesús gue i zon'a ra María, ne u ma mijudíohü zoni gue'u bi

denni, bin gąs' pąya nε bi hyundumbui.

³⁴ Nε nu ra Jesús bi 'yānni:

—Hapu bi t'ä a ra Lázaro.

Nε bi t'ęm bęya:

—Ma Hmu ahe, ga mbähä gua nu, bi t'ęmbi.

³⁵ Nε a ra Jesús bin zom bęya. ³⁶ 'Bex bin 'yęm zehę ma mijudíohe bęya:

—Nuna ya mfądi ęmmę madi huęc'a, bin 'yęmp'ę. ³⁷ Nε nu'ę da bi 'yęn'ę:

—Nuna guehna bi xocua yá dä ra xädä. Ha hin xtán zä xtíjapi hin xtán du ra Lázaro 'bę.

Nu ra Jesús bi xox'a ra Lázaro bę ja rán 'yägui

³⁸ Nu'bę mí zom bę ja ran 'yägui ra Jesús, bin gą'ts' mahən'a. Nu ran 'yägui n'da ra hyądo a nε bi juaspa n'da ra xındo. ³⁹ Nε nu ra Jesús bi 'yęmp'ę:

—Dami 'uejü ts'ę na ra xındo.

Pε nu ra Marta, rán ju a xí du, bi 'yęmbi:

—Ma Hmu i, masque xən xą ya nguetho má goho ma pa ya bi du, bi 'yęna.

⁴⁰ Nu ra Jesús bi 'yęmp'a:

—Pε dí xi i mahən'a, nu'bę gui 'yęc'yęi gue i ja ma ts'ędi, guin nu rá ts'ędi Ojä nujxte, bi 'yęmbi.

⁴¹ 'Bex bi mba ma 'ueque ra do bęya. Nε nu ra Jesús bi ndøts'e nε bi 'yęna:

—Ma Ta i, dadí 'da a ra jamadi, nguetho gá 'yøh ma nde 'bę má äp'i'i nanguehna ra Lázaro. ⁴² Nε dí pądi thocpa thoho guí 'øh ma nde. Pε nu'a dí xi a ya, ngue dí ndepe da 'yøh ya i 'bäcua ya, n'dahma da 'yęc'yęi gue gue'e bá pengä ua.

⁴³ Nε nu'bę mí jua'a bin yäqui Ojä bin yänts'ędi:

—Lázaro, bá pöni.

⁴⁴ Nε nu'a xí du bá pöm bę ja rán 'yägui bęya, nsøt'e thoho ra 'bø't'e rá 'yε ne rá gua, nε nu rá yä n'dan'yo ra 'bø't'e mán söt'e. Nu ra Jesús bi 'yęmp'ę:

—Xothu, da zä din 'yo bęya, bi 'yęn'a ra Jesús.

Ihma da fent'a ra Jesús

⁴⁵ Nε xən ngu ma mijudíohe ngue xí dən'na ra María, bi 'yęc'yęi ra Jesús 'bę mí nu a bi 'yøt'e. ⁴⁶ Pε nu mi'da bi mba bá xih yę fariseo 'bę'a bi 'yøt' ra Jesús. ⁴⁷ Janangue'a

bi man yę dąmbäjä nε yę fariseo ngue 'darpę dim pętihü u yę mi ngürpihü, nε bin 'yęm zehę ę:

—'Bę'a sä ga øthü, nguetho nu'a ran 'yohü i øt'e xən ngu yęn t'øt'e nujxte. ⁴⁸ Nu'bę hin ga hęcpahü, gätho yę ja'i da 'yęmbi yę ngürpi. Nε nubęya nu yę romano da zəjü ngue da bęni ya dá tenhdü man'da ra Hmu, nε hinga hønt'ę dí tenhdü ę, nε di juarca ma duxca nijahü ne di juajü bęya.

⁴⁹ Nε nu'a n'da í Caifás, ra dąmbäjä a ra jeya a, bi 'yęna:

—Ha hin guí pąhmbü 'bę'a da zä ga øthü ya. ⁵⁰ Ha hin guí pąhmbü man'da xən ho 'bę n'datho da du n'dahma hinga gätho na ngujü ga juahmbü, bi 'yęna.

⁵¹ Pε him bi bęnse a bi ma, pε nangue'a ra dąmbäjä a ra jeya a, janangue'a bi jap Ojä da ma 'bę'a da t'ørpa ra Jesús, gue da du da yanje dyę judíohe. ⁵² Pε nu ra Jesús 'bę mí du, hinga høngdähe in nde da yanje, pε nε ę gätho mi'da i 'bəi hønbü go bi zä gätho na ndoho ra ximhäi, 'darpę dam 'bəhmbü a. ⁵³ Nε nangue'a xí man ra Caifás, 'da'angu bi bęn ę gätho ma ngürpihe bęya. Nε gue'a ra pa bi ma njuantho da hyo ra Jesús.

⁵⁴ Janangue'a m'bęt'o bi 'uetho ts'ę bę 'bəh ma ngürpihe, nε bi mba bę ja rá nyani n'da ra əhái, nε dám 'bəhmbü bę 'da yę pa bę ja ra hnini Efraín.

⁵⁵ Nε mi ts'ętho da zən ra pa ran dąbaxjua, n'da ra dąnts'ihme bi zängahe Ojä maya'bę dyę judíohe. Janangue'a xən ngu yę ja'i 'da'a n'danni bi nets'i bi mba bę Jerusalén. Nguetho bi sije m'bęt'o thoho ga hoc ma ja'ihe bę, nangue ra dehe. ⁵⁶ Nε nu'bę mí zom bę ja ra dąniję ę 'da ma mijudíohe, bi hyom bę a ra Jesús nε bin 'yän'dę n'da ngu n'da ę:

—'Bę'a guím mamhbü, ha ba əh ra Jesús da nu ram pęti ua uague hin'na, bin 'yęmp'ę:

—Nu'bę 'bəi to i pądi hapu i 'bəi, jatho da ma, n'dahma da zä gam bęnthe, bi 'yęmp'ę yę ja'i.

¹ Di 'bəh man 'dato pa din ja ra dənts'ihmə bə Jerusalén nangue ran dəbaxjua, nə bi mba mahən'a bə Betania a ra Jesús, nguepə rá ngu a ra Lázaro, gue'a xí jap ra Jesús bi dəmbəni bə ja rán 'yägui ngue xí du. ² Nu'bə míñ de, nu ra Marta bi 'yørpa n'da ran ts'ihmə ra Jesús. Ne'a ra Lázaro 'darpə bin sihməhə bə ja ra məxa. ³ Ne bi mba ra María bə mí huh ra Jesús, bi xispa rá gua made litro ra 'yəthi əmmə yəman'u nə xəm hmadi, nə í 'yonba ra 'yəthi nangue rá xtə. Ne gätho ra ngu bi yən'a ra 'yəthi. ⁴ Ne mí 'bəpə rá ts'ənt'ə ra Simón, ra Judas Iscariote a, n'da ma mixädihe a, nə gue'a bi dä a ra Jesús. Ne nu'bə míñ nu a bi 'yøt'a ra María, bi 'yəna:

⁵ —Hanja him bi 'bä a ra 'yəthi, yə mahuəhi thoho xtín ja rá muui gue xtín t'un yə hyoya, sə bi 'yən a ra Judas.

⁶ Ngubə bi man a nguetho ra bə a, nə him majuəni di huəc yə hyoya. Pe rá 'bəfi a gue ní mbəsca ma mbətihe dyə xädihe nə'a rá mbəti ra Jesús. Ne nzai həc zəhə ra mbəti 'bə in nde. ⁷ 'Bex bi 'yən'a ra Jesús:

—O guidí həcpa na ra xisu, nguetho bi 'yørca a rán säui da 'yørque, nguetho mi ts'ətho ga tu ngue da t'ägagui. Janangue'a mí pesta'a ra 'yəthi na, xtí jacä ma jə'i 'bə dá tu. ⁸ Pe thocpa thoho gam 'bəhmbə yə hyoya, pe nugä hinga thocpa thoho dam 'bəhmbə ua, bi 'yən'a ra Jesús.

Ihma da tho ra Lázaro

⁹ Nu'bə mi 'yøde xən ngu ma mijudíohe, gue 'bəpə ja rán ngu ra María a ra Jesús, bi mba bá nu, pe hinga hənt'a ra Jesús in nde da nu, pe nə'a ra Lázaro gue xí xox ra Jesús bə ja ran 'yägui. ¹⁰ Janangue'a nu yə dəmbäjə bi bəni nə'a ra Lázaro da hyo. ¹¹ Nguetho gue'a ra Lázaro í japi man'da xən ngu bi 'yəc'yəi a ra Jesús a ma mi-judíohe.

Bi t'əspa ra Jesús 'bə mí yət'a Jerusalén

¹² Nu'bə mi hyax bəya dá mbähmbe ra Jesús bə Jerusalén. Ne nu'ə yə jə'i xən ngu xí zən bə Jerusalén gue in nu ra dəmpeti, bi 'yøde da mba bə ra Jesús. ¹³ Janangue'a bi gəx yə xi yə jəxiza nə bi mba bá thəpə 'yu. Ne nts'ədi bi 'yən'ə:

—Nujxte tho rá ts'ədi Ojə di jəp na ma Hmuts'ət'abihə dyə israelhə, dyə judíohe, bi zəcua ya nangue rá thuhu Ojə, bi 'yən'ə.

¹⁴ Nu'a ra Jesús i hux'a n'da ra t'əburu xí dñi, tengu mán t'o't'i bə ja rám hman Ojə.

¹⁵ Gue mán t'o't'i:
Him man gan suhə ya gyə mənguhə ua Sión,
nguetho ba əh ni hmuts'ət'abihə,
da hyux'a n'da ra t'əburu, mí ən rá t'ohni maya'bə.

¹⁶ Pe nuje dyə xädihe him 'bexque dá pəhmbə 'bə'a nám bən na bin ja, pe nu'bə mí mbəng mahəts'i ra Jesús dá bəmhbe bəya gue guehna bi t'ərpa ra Jesús gätho mán t'o't'i maya'bə.

¹⁷ Nu'ə yə jə'i mí 'bəhmbə ra Jesús 'bə mi xox'a ra Lázaro, xí ma gue xí xox'a ra Lázaro. ¹⁸ Janangue xən ngu yə jə'i bi mba bá thə a ra Jesús, nguetho bi 'yø a xin ja.

¹⁹ Janangue'a nu yə fariseo bin 'yəmzəhə ə:
—Nte ts'ə ní mbatho 'bə dadí həcpahə yə jə'i. Ha hin guín nuhə ya gätho ra ximhäi i tənnə ra Jesús, bin 'yəmp'ə.

I hon ra Jesús ə yə məngu bə Grecia

²⁰ Ne nu'ə 'da bi mba bə Jerusalén da nu ram pəti bə, yə məngu bə ja ra häi Grecia ə. ²¹ Ne bin təmhəbə ra Felipe ə 'bə mám 'bəhmbə bə Jerusalén. Ne nu ra Felipe, ma mixädihe a, ra məngu bə Betsaida ra xəqui Galilea. Ne nu yə məngu bə Grecia bi 'yən'ə:

—Hague n'yø, dín nde dan yəhe ts'ə ra Jesús, bi 'yən'ə.

²² Nu'a ra Felipe bəya bi xi a ra Andrés, ne nu'ə bəya bi xi a ra Jesús. ²³ Ne nu ra Jesús bi dat'ə:

—Ya mi ts'ətho da zən ra pa dan ujxtégä 'bə dá tu, guecä dán jə'igä ua ja ra ximhäi.

²⁴ Majuəni dí xi ahə, tengu n'da ra hmudä, nu'bə hin da thupə ja ra häi ngue dim 'bəpə, hin din xəndi. Pe nu'bə da thuhu, da zä din xəndi xən ho. ²⁵ Nu'a to'o i su din ənba 'bə da dəngui, da mba ma ənbi rá te a, pe nu'a hingui su din ənba 'bə da dəngui guecua ja ra ximhäi, din ja ra te mazai a.

²⁶ Nguetho nu'bə 'bə a n'da in nde din 'yəhə nanguecä, jatho da bəni tengu dím bəngä, nə ga com'be ma ts'ədi bə mahəts'i bəya. Nu'bə 'bə a n'da din 'yəhə nanguecä, nu'a ma Ta da numanho a.

Ra Jesús im ma da tho

²⁷ —Pε nuya ḡmm̄e tu ma mb̄ui, bi 'yεn'a ra Jesús. 'Bε'a sā ga xih ma Ta. Ha sā ga äpi di 'uegä 'bε'a din jacä ya. Pε hingui sā, nguetho gue'a bá ḡcä ngue gan nu'a i jatho gan nugä ya, bi 'yεn'a ra Jesús.

²⁸ Nε nub̄uya bin yäqui rá Ta:

—Ma Ta a i, dami jaqui gan nugä hønt'a go nda'a dí t'εs'i i, bi 'yεmbi.

'Bexque bi t'ø'a n'da ra nde b̄ mahεts'i, bi 'yεna:

—Pε ya dí ja'i guín nu, nε guin nu mahøn'a, bi 'yεna.

²⁹ Nε nu' u yu ja'i mí 'bähmbu b̄, bi 'yøh rá nde Ojä ne bi 'yεn' u 'da:

—Bin gäni.

Nε nu' u mi'da:

—Masque n'da rám 'behni Ojä mahεts'i bi zofó, bi 'yεn' u.

³⁰ Pε nu'a ra Jesús bi 'yεmp' u:

—Nu'a ra nde gá 'yøhmbu, nts'edi bi zocä Ojä, hin nangue ga päcä bi 'yøh ma nde, pε guep̄a gui pähmbu ya i øh ma ndegä a.

³¹ Nuya mi ts'utho ga øt'ä a dí fädi nda' u da mba ma unbi, nε nda' u hin da mba ma unbi. Nε mi ts'utho ga tap̄ ra zjithu, gue in ts'ut'abi ua ja ra ximhäi a, nε da ts'änba ya da t'erbu ja ran unbi. ³² Nu'b̄ dá cuat'ä b̄ ja ra pont'i, gue'a dá zohn'du gätho yá mb̄ui yu ja'i ga xifi di däc yá mb̄ui gan yan' u, bi 'yεn'a ra Jesús.

³³ Nε guehna mi man na, ngue mi ndepe xtám bäh yu ja'i 'bε'a nín däte dí tho a. ³⁴ Nε nu yu ja'i buya bi dät'a:

—Nugähe ya dá øhmbe im mam b̄ ja rán t'εdi Ojä, i 'bui mazäi a ra Cristo. Nε guí εnsε jatho gui tu b̄ ja ra pont'i, gán ja'i ua ja ra ximhäi. To'o e ngue guí εnsε gán ja'i ua ja ra ximhäi. Masque hinga gue'e gra Cristo 'b̄.

³⁵ Nu ra Jesús 'bex bi 'yεmp' u:

—Him min ngu yu pa ga xän'nahu ya, ngue drán nequigä. Nde'b̄ gan 'yohu b̄ ja ran nequi ya, nε hin da zu ahu ra 'bexui. Nguetho nu'a to'o i 'yo b̄ ja ra 'bexui hingui pädi hap̄u i 'yo. ³⁶ Dami hyämhbu ran nequi ya, janya i ja ya, nε din ja ran nequi ni mbuihu buya, bi 'yεmp' u.

Nε nu'b̄ mí jua a bi man ra Jesús bi mba, bin 'yanse.

Hinguin nde da 'yεc'yεi u ma mijudíohe

³⁷ Pε guexta'a him bi 'yεc'yεi xän ngu ma mijudíohe, madague'a xän ngu yuñ t'øt'e nujxte bi nu bi 'yøt' ra Jesús. ³⁸ Pegue bin ja tengu thoho bi man ra pøngahyä Isaías 'b̄ mí ma 'bε'a din ja, bi 'yεna:

Ma Hmu i, to'o maha bi 'yεc'yεi a dá mamhbe

nε to'o bi b̄ gmí 'yuh ni ts'edi, bi 'yεna.

³⁹ Him bi zä bi 'yεc'yεi u 'da nguetho nu'b̄ him mínd ne, bi mba njapi tengu bi man ra Isaías 'b̄ mí ma mahøn'a:

⁴⁰ Nu'a Ojä bi gomba yá dá u nε bi mep yá mb̄ui u, gue din ja tengu'b̄ din xädä, nε hin din ja yán 'yomfëni yá mb̄ui, nε hin da zä di päh yá mb̄ui gue xtí punba Ojä u, bi 'yεn a ra Isaías.

⁴¹ Guehna bi man ra Isaías 'b̄ mí 'yut Ojä din ja rá ts'edi nujxte ra Cristo, nε bi mam buya 'bε'a da 'yøt'a ra Cristo.

⁴² Pε xän ngu ma ngäipihe mim bεnsε ngue εc'yεi ra Jesús. Pε him bi ma gue εc'yεi u, nguetho i su xtá hyøn a thi yu fariseo b̄ ja yá nijä, gue má zä da zan'u. ⁴³ Nguetho man'da bi bεni 'bε'a da man yá mijä'ihu, gue da 'yεmbi xän ho u, xinda gue'b̄ go xtá 'yεmp Ojä xän ho u.

Dí mba ma juqnb̄i n'da u yá m hman ra Jesús

⁴⁴ Pε nu ra Jesús nts'edi bi ma:

—Nu'a to'o i εc'yεigui, i εc'yεi a bá pεngui.

⁴⁵ Nguetho nu' u to'o i päqui, i pä a bá pεngä.

⁴⁶ Nu'a bá ḡcä gue ga yorba yá mb̄ui u 'bæcua ja ra ximhäi. Nu'a to'o da dεngui hin din 'yo b̄ ja ra 'bexui a. ⁴⁷ Nu'a to'o da 'yøh mam hmangä nε hingui εc'yεi, pε hinga guecä ga juqnbä a, nguetho hin ná εcä ga øt' ran juqnbate, pε ná εcä ua gan yan u 'bæcua ja ra ximhäi. ⁴⁸ Nu'a to'o hin da 'yεc'yεigui nε hin da 'yo a dím mangä ya, nu'a mam hma dá mangä ya, gue'a dí juqnbä u 'b̄ rán zegui ra pa. ⁴⁹ Nguetho him mam hmansε a dá ma, pε nu'a ra Ta gue bá pεngä bi xiqui 'bε'a dá mangä nε 'bεp̄u ná xänba yu ja'i. ⁵⁰ Nε dí päcä da dín ra te mazäi u to'o da hyänt rám hma ma Ta. Nε gue'a i xicä a nε dí mangä a buya, bi 'yεn'a ra Jesús.

¹ Nu'bu mi ts'utho da mbah ra dampeti nangue ran d^abaxjua, ne mí pah ra Jesús ya mi ts'utho da zøn ra ora da bøngua ja ra ximhäi, da mbeng bu bí 'bah rá Ta. Ne gätho yu pa mi 'bacua, midí huëc'u to gätho bi 'yec'yei a, ne nya man'da di huëc'u di huëqui.

² Ne nu'bu mán sihmehe ra Jesús 'bu bin de, nu'a ra zjithu buya bi benba ra Judas rá ts'unt'u ra Simón Iscariote gue di dä a ra Jesús. ³ Nu ra Jesús i pädi bí nexpu 'bah rá Ta ne da mbeng bu mahon'a, ne i pädi gue rá Ta bi unni gätho 'be'a i ja gue di manda zehe. ⁴ Pe guehma bin 'yehe nanguecähe. Nguetho bi ndants' 'bu mí sihme ne bi mbø'a n'da rá pahni, in nde nte di heni. Ne bi dut' rá foho n'da ran thu'yε. ⁵ Ne nu'bu mí xit' ra dehe ra ximbo, bi da'mi bi mberca ma guahe ne bi dugahe nangue'a ran thu'yε mim bongui bu rá foho.

⁶ Ne nu'bu mí zøm bu huh ra Simón Pedro, nu ra Pedro bi 'yemp'a buya:

—Ma Hmu i, ha gui perca ma gua, bi 'yena.

⁷ Nu ra Jesús bi däti ne bi 'yembi:

—Majuani hingui sä gui pah ya 'be'a nam bøn'a dí øt'ä, pe m'bejua da zä gui pädi, bi 'yembi.

⁸ Nu ra Pedro xø bi 'yemp'a:

—Njam'bu dan uni gui perca ma gua.

Pe nu ra Jesús bi dä'ta:

—Nu'bu hin ga pe't'ä ni gua, nte man jau'i bu, bi 'yena.

⁹ Nu ra Simón Pedro buya bi 'yemp'a:

—Ma Hmu i, hinga hønt'a ma gua 'bu, ne'a ma 'yε ne'a ma yaq, bi 'yembi.

¹⁰ Nu ra Jesús bi 'yemp'a:

—Pe ya ma zä bi bo ahu nangue ni ts'oquihu, nguetho nu'a to'o bin hi ya bi bo rá ja'i. Pe hønt'u ni guahu zai da 'be't'e ngue pärpu yu fonthäi hapu guí 'yohu. Pe nu n'da ahu him bin hi, bi 'yena.

¹¹ Ngubu bi ma nguetho bi bädi i hupu a di dä a. Janangue'a bi ma hinga gätho dán hihe.

¹² Nu'bu mí jua a bi xaguagahe, bi hye mahon'a rá pahni ne bin säya. Bi 'yenje buya:

—Ha guí pahmbu 'be'a nam bøn'a dá øt'ahu ya. ¹³ Nu ahu guí enju drá xänbategä

ne guí enju drá Hmugä. Xen ho guím mamhbu nguetho gue'a dí øt'ä a. ¹⁴ Dá pe't'ä ni guahu, guecä ni xänbateju ne ni Hmuu. Janangue'a ne ahu gam perpa ni guahu n'da ngu n'da ahu, ngue gui 'yøthu gui cohmbu häi ne 'da gdám fäxtahu.

¹⁵ Nuya dá ut'ahu 'be'a gui 'yøthu nguetho dín nde ahu gui 'yøthu tengu dá øt'ahu.

¹⁶ Majuani dí xi ahu, man'da nujxte n'da ra Hmu xinda gue'u yu mbefi, man'da nujxte a i pehnate xinda gue'a ram 'behni. ¹⁷ Nu'bu guí pahmbu a dí dí mangä ya ne thocpa thoho gui 'yøthu a, gan johyahu nangue Ojaq 'bu.

¹⁸ Pe hín dí dí mangä gätho ahu da zä gan johyahu nangue Ojaq, nguetho dí pat'a ni mbøihu n'da ngu n'da ahu gue dí huan'nahu. Pe guehma dí huahni gätho ahu, n'dahma din ja 'be'a bi man rá t'ohni Ojaq ngue bi 'yena: "Nu'a n'da dí sihme'be, gue'a di dägä a." ¹⁹ M'bet'o dí xi ahu 'be'a da t'orcä, janangue'a da zä gui thoqui gui 'yec'yegah gue drá Cristogä 'bu ya bin ja.

²⁰ Majuani dí xi ahu, nu'a to'o da 'yømanho a im man a n'da mam 'behni gätho, i simanhogä a ne i simanho a bá pengä, bi 'yenje.

Ra Jesús i pädi di dä a ra Judas

²¹ Nu'bu mí jua a bi man ra Jesús, bi du rá mbøi, ne bi xijé mahon'a:

—Majuani dí xi ahu, i 'bu a n'da ahu di dägä, bi 'yenje.

²² Nugähe buya dyu xädigähe, dán hyethe n'da ngu n'daje ne dán 'yänhde: "To'ogahu di dä 'bu," dán 'yemfe. ²³ Ne nugä 'darpu mi hu'be ra Jesús nguetho emme midí huegä.

²⁴ Nu ra Simón Pedro buya bi uänga rá 'yε, ndeque ga änni nda'a di dä a. ²⁵ Nugä buya gue 'darpu mí hu'be ra Jesús, dá änni:

—Ma Hmu i, to'o a guím ma, dá embi.

²⁶ Bi 'yengä a ra Jesús buya:

—Nu'a ga cärpa a ra hme ra tuh gue ga unni, gue'a di dägä a, bi 'yengä a buya.

Ne 'bex bi un'na ra hme a ra Judas Iscariote rá ts'unt'u ra Simón. ²⁷ Ne nu'bu mí zi ra hme, 'bex bi yut' ra zjithu rá mbøi. Ne nu ra Jesús bi 'yembi:

—Nu'a guí nde gui 'yot'e dami 'yot'a n'dih*ya*, bi 'yena.

²⁸ Ne xínga n'dagähe mi humbe bu ja ra mexa gue dí pahmbu 'be'a nám bøn a bi xifi.

²⁹ Pe 'dagähe dím bëmhbe gue gue'a bi xih ra Judas da mba da däi 'be'a ga homhbe 'b  bin ja ra d nts'ihme. N  nu mi'da g he d m b mhbe gue bi xih ra Judas da mba di unni ts'  ra mb ti y  hyoya, nguetho m  h  ra buxa i o ma mb tihe. ³⁰ N  nu'b  ya x  zi ra h , 'b x bi mba n'dihi. Ya bin xui b ya.

Ra 'da'yont' di

³¹ Nu'b  ya x  mba ra Judas, nu ra Jes s bi 'y ng he:

—Nuya di nequi dan uixteg  guec  d n ja'ig  ua ja ra ximh i. N  nu'a ga  t'  ya, gue'a man'da d  nequi gue x n hotho Oj . ³² Ga udi nujxte x n hotho Oj , n  nu Oj  da 'yudi gue nujxte x n hog  guec  ngue d n ja'i ua ja ra ximh i. N  mi ts' tho ya din ja a d m mang . ³³ Ma z  t hni ah , man'da z  ora dam 'b hmb  ya. N  m'bejua guim b nj . N  ga xi ah  ya tengu d  xi   ma ng rpihu, hingui s  'darb  ga mb h  hap  ga mbag . ³⁴ Nuya ga xi ah  n'da ran t edi ma'da'yo, gue 'da xt n hu ctah  n'da ngu n'da ah . Tengu thoho b  d  hu c'ah , ngub  gan 'y rpah  n'da ngu n'da ah . ³⁵ Nangue 'da gd n hu ctah  n'da ngu n'da ah , g tho y  ja'i da b di g u  t ngah , bi 'y nje.

Ra Jes s i pqdi din c n'a ra Pedro

³⁶ Nu ra Sim n Pedro bi 'y mp'a:

—Ma Hmu i, hap  gui mba.

Nu ra Jes s bi d t'a:

—Hingui s  'b x gui t ng  ya hap  ga mba. Pe m'bejua da z  gui mba b  ga mbag .

³⁷ Janangue'a nu ra Pedro bi 'y mp'a:

—Hanja hingui s  'darp  ga mb  ya, madague'a nec  da thog  nangue'a ga ten'ni i, bi 'y na.

³⁸ Nu ra Jes s bi d t'a:

—Ha maju ni gui tengui madague'b  da tho i, nguetho n  hyundi xqu  c ng 'b  bi mbah ra tamf , bi 'y mbi.

14

Ra Jes s ra 'yu n  z m b  b h r  Ta

¹ —Pe o di tu ni mb ih . Gu   c'yeih  Oj  janangue'a nec  dami 'y c'yeigah . ² Nub  r  ngu ma Ta b  ja b  x n ngu y  ngu mahotho. Nu'b  hin te di ja b , xc  xi

ah  'b . Pe gue i ja b , janangue'a nu'b  d  mba g a hoc'ah  hap  dam 'b hmb . ³ N  nu'b  d  mba g a hoc'ah  b  dam 'b hmb , n  ba peng  mah n'a ga six ah  b  ngue 'darp  dam 'b hmb  b ya. ⁴ Nub  ga mba g a p h m b  n  gu  p h m b  ra 'yu, bi 'y nje.

⁵ Pe nu'a ra Tom s bi 'y mp'a:

—Ma Hmu i, hin d  p h m be hap  gui mba, x n d  p h m be a ra 'yu, bi 'y na.

⁶ Nu ra Jes s bi 'y mp'a:

—Nug  dr  'yug  ne guec  n  f  a maju ni ne dad  ung  ra 'da'yote maz i. Njon da z  da z m b  'b h ma Ta hind  h nt'b  da 'y c'yeigui. ⁷ Nu'b  maju ni xqu  p ju n 'a ma Ta xqu  p h m b  'b . Pe ja g  p h m b  ya nguetho ya gu nuh  a ya, bi 'y nje.

⁸ Pe nu ra Felipe bi 'y mp'a:

—Ma Hmu i, pe hin d n nuhe a ni Ta, dami jaje gan nuhe n  nte ga 'b hm be, bi 'y na.

⁹ Nu ra Jes s bi d t'a:

—Ha guexta'a hin gu  p qui n  nya'a tho xt m 'b hmb . Nu'a to'o x n nugui, ya x n nu ma Ta. Hanja gn  'y ngui: "Yurcahe ni Ta." ¹⁰ Ha hin gu   c'yei gue n'datho d  com'be ma Ta. Nu'u y m hma d  xi ah  him mam hm n seg , pe y m hman a ma Ta i 'b c ua ja ma mb ig , ne gue'a di jac  ga  t'  a d   t' . ¹¹ Dami 'y c'yeigah  gue n'datho d  com'be ma Ta. Pe nu'b  x n hei gui p h m b , dami p h m b  gue h nt'a Oj  s  i  t'  y  nujxte d   t' . Janangue'a da z  gui 'y c'yeih  gue n'dat'a d  com'be ma Ta. ¹² Maju ni d  xi ah , nu'b  gui 'y c'yeigah , nu ra 'befi d   t' , ne ah  da z  gui 'y oth  'b . Ne man'da nujxte y  'befi da z  gui 'y oth  nguetho ga mba b  b  'b h ma Ta. ¹³ Nguetho h nt'a go 'be'a gui 'y h mb  'b  'da angu d m b mh , ga  t' , janangue'a da t spa ma Ta nangue a ga  t' , r  Ts' nt' g  a. ¹⁴ H nt'a go 'be'a gui 'y qui 'b  n'dat'a d m b mh , ga  t' .

Ra Jes s bi ma ba penpa r  Hogand hi Oj 

¹⁵ N  man'da bi man ra Jes s, bi 'y na:

—Nu'b  maju ni h ng d  gu numan-ho , dami p s'h  'be'a g tho d  xi ah .

¹⁶ N  ga  p ma Ta ba pen'nah  man'da nim f ts'ih  da mb x ah  tengu d   t' , ne gam 'b hmb  maz i a b ya. ¹⁷ Gue'a r 

Hogandähi Ojä a, ne di ja ahü gui pähmbü a majuäni. Pe nu'ü di ho ra ximhäi hin da zä da zini, nguetho hin'yü 'be'a dí bä a, xíngui pädi 'be'a rá 'befi a. Pe nu ahü guí pähmbü a nguetho dí 'bähmbü a, ne da zön ra pa din zäm bü mbo ni mbuihü. ¹⁸ Hin gan jahü tengu ya hyoya t'uhni 'bu dá mbagä, nguetho ba pengä dam 'bucä bu mbo ni mbuihü. ¹⁹ Mi ts'ütho ya him man da nuc'ü di ho ra ximhäi. Pe nu ahü da zä guin nuju nangue ni mbuihü, ne zai gam 'bähmbü nguetho zai dí 'bucä. ²⁰ Ne nu a ra pa da zohrá Hogandähi Ojä, da zä gui pähmbü gue dam 'büpü mbo ni mbuihü, ne gam 'bähmbü bu ja ma mbüigä buya. Ne da zä gui pähmbü dí 'bui nangue ma Ta. ²¹ Hønt'a go to'o i øt' man t'edigä ne pe'ts'a mam hmangä, gue'a majuäni høngdä i numanhogä a. Ne nu'a ma Ta necä ga huç'be a, ne ga japi da badi xän ho ma ts'edi, bi 'yëne.

²² Nu'a ra Judas, pe hinga gue'a ra Judas Iscariote, bi 'yän'na buya:

—Haguen ja høngdähe gui jaje ga pähmbe xän ho ni ts'edi, ne hin'na ü di ho ra ximhäi, bi 'yëna.

²³ Nu ra Jesús bi dat'a:

—Nu'bü i 'bu a n'da ahü majuäni høngdä i numanhogui, da mbesca mam hmangä a 'bu. Ne di huç' a ma Ta buya, ne ba 'be, ne dan zäm'be bu mbo rá mbui a. ²⁴ Pe nu'a to'o hingui numanhogui, hingui pe'ts' mam hmangä a. Ne nu'a mam hmangä, him mam hmansëgä pe rám hma ma Ta gue'a bá pengä ua, bi 'yëna.

²⁵ Ne xö bi 'yëna:

—Nuya yäm hma dá xi ahü gätho yü pa dám 'bähmbü ua ja ra ximhäi. ²⁶ Pe nu'a nim fäts'ihü rá Hogandähi Ojä gue ba penh'nahü ma Ta, tengu'bu da guecsëgä a, nu'a di bëñ'nahü yäm hma xtá xi ahü, ne da xän'nahü 'be'a gätho mi'da.

²⁷ Dadín 'yëhmbü ya, dami hyämhü ran t'unni ngue ran johya dadí 'da ahü ya, ne thocpa thoho din ja ahü. Hinguin ja tengu rán johya ra ximhäi. O di tu ni mbuihü ne hin din su ni mbuihü. ²⁸ Ne nu'bü majuäni guín numanhøjü, din johya ni mbuihü nanguehna dí xi ahü: "Ga mba bu bí 'bu ma Ta." Ne man'da ja rá ts'edi xinda guecä.

²⁹ Nugä xtá xi ahü 'be'a gätho din ja guepü da zä man'da gui 'yëc'yëigahü 'bu ya bin ja.

³⁰ Nuya him ma nya'a dan yähu ya, nguetho ba çpu rá ngurpi ra ximhäi. Pe njäm'bü bi dacpä a, janangue hin'yü rá ts'edi da dacpä a ya. ³¹ Pe jatho ga øt'ä a ma 'befi ga øt'ä ya, n'dahma da bä ü 'bucua ja ra ximhäi hønt'a ma Ta dín numanhogä, ne zai dí øt'a i xiqui. Janangue'a ga ndanshü ya ga mbähä, bi 'yëne je ra Jesús.

15

Rá za ra uva majuäni ne'ü yü 'yë

¹ Nu ra Jesús bi 'yëna:

—Nugä drá za majuäni, ngue i zäh yän dät'o. Ne nu'a ma Ta di jamansu a. ² Ne nu'ü yü 'yë hingui ja yän dät'o, nu'a ma Ta da hyequi, ne da mbøgue. Pe nu'ü yü 'yë i ja yän dät'o, di hoqui gue din ja mi'da yän dät'o. ³ Nu'ahü ya mahoqui ahü nangue mam hmangä dá xi ahü. ⁴ Dami thoju ngue thocpa thoho dam 'bähmbü. Nguetho hingui sä gui 'yøthü rá 'befi Ojä 'bu hin gui thoqui gui hyämhü ma tegä, tengu n'da rá 'yë ra za hingui sä din jasé yän dät'o 'bu hin da nexpü rá te a rá za.

⁵ Nugä tengu'bu drá za, nu ahü tengu'bu yü 'yë ahü ra za i zäh yän dät'o. Nu'a to'o da guat'i nanguecä, da hyängä ma ts'edi ne din zädi xän ngu yän dät'o. Pe nu'a hin da guat'i nanguecä nte din ja. ⁶ Nu a to'o da hyegä din ja tengu n'da ra 'yeza 'bu bi däse, da 'yot'i, da mba ma buñti ne i pa ma pe'ti da t'upü ja ra sibi.

⁷ Nu'bü gui thoqui gui cuathü nanguecä ne'bu din zäm bu ja ni mbuihü mam hmangä, dami 'yähmbü 'be'a guín nde gui 'yähmbü ne din ja buya. ⁸ Ne nu'bü din ja xän ngu nin dät'ohü, gue'a dí 'yu a rá nujixe ma Tahü a, ne gue'a dí fädi majuäni ma 'yëc'yëi ahü a. ⁹ Tengu thoho bu ni huégä ma Ta, ngubü na huç'ahü. Dami thoqui guin ndehü man huçcate. ¹⁰ Nu'bü gui pe'spü ni mbuihü gätho dí xi ahü ne gui 'yøthü a, da zä thocpa thoho gui pähmbü man huçcate 'bu. Tengu bu na pe'ts'ä rám hma ma Ta, janangue'a thocpa thoho dí päh rán huçcate.

¹¹ Gätho ya dí xi ahü n'dahma ga comhbü a man johyagä, ne da yupü ni mbuihü ne da

bonts' thoho b̄aya. ¹² Nu'a man t'ɛdi dí xi ah̄, gan huęj̄u n'da ngu n'da ah̄, tengu b̄u na huęc'ah̄. ¹³ Nu'a ran huęcate man'da x̄un ho, gue di un rá te n'da nangue u yú amigo da yanı. ¹⁴ Nu ah̄ ma amigo ah̄ 'b̄u guí őth̄u 'b̄e'a gätho dí xi ah̄. ¹⁵ Him ma xi ah̄ ma 'yęhe ah̄, nguetho nu a ra 'yęhe hinguí pądi 'b̄e'a i őt' rá hmu. Pe nuya dí xi ah̄ ma amigo ah̄, nguetho ya dá xi ah̄ gätho bi xicä ma Ta. ¹⁶ Nu'ah̄ hin gá huangah̄, pe go dá huan'nah̄ ne dá sän'nah̄ din z̄uh nin dät'oh̄, nangue gui 'yøth̄u ma 'b̄efigä ne da hyät' mazai. Janangue'a hønt'a go 'b̄e'a gui 'yähmb̄u ma Ta nangue n'dat'a dím b̄emhb̄u, din ja b̄aya. ¹⁷ Nuna man t'ɛdigä dí xi ah̄, gan huęj̄u n'da ngu n'da ah̄.

Nu ra ximhäi di ńcpa ra Jesús ne' u i tenni

¹⁸ Ne xø bi 'yęn'a ra Jesús:

—Nu'b̄u di ńc'ah̄ u di ho ra ximhäi, dami pähmb̄u m'b̄et'o thoho bi ńgä. ¹⁹ Nu'b̄u da 'da angu guí őth̄u u di ho ra ximhäi, nu'u da numanho ah̄ u 'b̄u. Pe hin guí őth̄u tengu őt' u nguetho dá huan'nah̄. Janangue'a di ńc'ah̄ ya. ²⁰ Pe guim b̄emhb̄u a ram hma dá xi ah̄: "Pe man'da rán säui da hnumanho n'da ra Hmu xinda gue' u yú mb̄efi." Ne nugä hingui hnumanhogui, janangue'a ha ma gue'adah̄, da hnumanho ah̄. Ne him bi t'ømanho a dá ma, janangue'a ngutho hin da t'ømanho a guim mamhb̄u. ²¹ Ne din ja bu da t'ot'ah̄ nangue guí tengah̄. Nguetho nu'u di ho ra ximhäi hingui pą a bá pengä.

²² Nu'b̄u hin xcá sōcä ua gue xcá zofo, hin xtám bądi gue ja yá ts'oqui 'b̄u. Pe nuya hingui sā da ḡon yá ts'oqui u ya. ²³ Nu'a to i pøh rá cue nanguecä, ne a ma Ta i numan'u. ²⁴ Nu'b̄u hin xcá őt' yén t'ot'e njo'o sā da 'yøt'e, hin xtám bądi gue ja yá ts'oqui 'b̄u. Pe nuya ya bi nu man t'ot'e nujixte. Pe bi cuecthohogä u. Pe nu'u bi ńgä gue'a ma Ta bi ńp'u. ²⁵ Pe gue'a mán t'o't'i bu ja rán t'ɛdi Oja maya'b̄u, bi 'yęna: "Din ja ra cue nanguecä, pe hin'yá 'b̄e'a dín cue u," mí ęn ra t'ohni zai din xä u.

²⁶ Pe gue ga xicä ma Ta ba ńpen'nah̄ rá Hogandähi, ne da mbäx ah̄ di ja ah̄ gui pähmb̄u a majuani ne da xi ah̄ nanguecä. ²⁷ Ne ah̄ da zä guim mamhb̄u majuani nanguecä, nguetho gätho yá pa

xtám'bähmb̄u gue'b̄u go má təm' ra 'b̄efi ne guehya, bi 'yęn'a ra Jesús.

16

1 Ne man'da bi man ra Jesús bi 'yęna:

—Guehya dí xi ah̄ n'dahma hin gui hyęgah̄ 'b̄u gá nuh̄ yén ńnbi. ² Nguetho da hyøn ah̄ thi bu ja yú niј̄ ma mijudíoħu, ne da zən ra pa da hyo ah̄ ne da bęni gue'a ní 'yørpa rá 'b̄efi Oja a. ³ Ne din ja bu da 'yøt'ah̄, nguetho him bi bącä, xínga gue'a ma Ta. ⁴ Pe nuna dí xi ah̄, janangue'a nu'b̄u bin ja, guim b̄emhb̄u b̄uya gue gue'a xtá xi ah̄. Ne nuna dí xi ah̄ ya, hin dá xi ah̄ mám'b̄et'o, nguetho hin ní zən ra ora ga mba.

Nu rá 'b̄efi rá Hogandähi Oja

⁵ —Nuya ga mbagä b̄u bí 'b̄u a bá pengä. Ne xínga n'da ah̄ guí ängah̄ ya hap̄u ga mbagä. ⁶ Nguetho i tu ni mb̄uiħu ngue dá xi ah̄ ga mbagä. ⁷ Pe guehma majuani dí xi ah̄, man'da x̄en ho nangue ah̄ ngue ga mbagä. Nguetho nu'b̄u hin ga mbagä, hin da zä ba ęh nim fäts'ih̄u 'b̄u. Pe nu'b̄u dá mbagä, ba ńpen'nah̄u nim fäts'ih̄u gue rá Hogandähi Oja. ⁸ Ne nu'b̄u bi zəcua ja ra ximhäi rá Hogandähi Oja, di jap yá ja'i ua ja ra ximhäi da bądi i ja yá ts'oqui, ne di japi da bądi drá 'yugä nangue ran ho, ne di japi da bądi din ja rá muui ran ts'o. ⁹ Nu rá Hogandähi Oja di bęnba yá ja'i gue i jatho yá ts'oqui nguetho him bi xiqui gan yanba yá te. ¹⁰ Ne di bęnba yá ja'i gue drá 'yugä nangue ran ho. Da fądi nguetho ga thämbeñi ne da zingä ma Ta bu bí 'b̄ui, ne hin da hnugä ua ja ra ximhäi. ¹¹ Ne nu rá Hogandähi Oja di bęnba yá ja'i ngue din ja ran ńnbi rá muui ran ts'o, nguetho da ts'änba rá muui a rá 'b̄efi ra z̄ithu gue nu'a rá ngürpi ra ximhäi.

¹² Guexta'a i jagä x̄en ngu dín nde ga xi ah̄, pe hin gui hyäth̄u gui 'yøhmb̄u mi'da 'b̄u ga xi ah̄. ¹³ Pe nu'b̄u bi zəcua rá Hogandähi Oja, da xän'nah̄u gätho a majuani. Ne nte da mansë nanguesë, pe hønt'a 'b̄e'a da xi Oja, gue'a da xi ah̄ a. Ne da xän'nah̄u 'b̄epu gdí 'yøth̄u rá 'b̄efi Oja, ne da xi ah̄ 'b̄e'a gätho man'da din ja. ¹⁴ Ne di japi da fądi i ja ma ts'edi x̄en ho, nguetho ga un mam hma da xän'nah̄u nanguecä. ¹⁵ Nu'a nam bøni

n'dat'a ra ts'edi i jac'be ma Ta, janangue'a dá xi ahu, ga un mam hma da xän'nahu nanguecä.

Ni dumbih dim pommi ran johya

¹⁶ —Né hin guin nuju man'da pa o gue manyopa, pe sá guin nuju mahøn'a mi'da yu pa, né m'bøjua ga mba bu bí 'bøh ma Ta, bi 'yøna.

¹⁷ 'Bex bin 'yän'du 'da ma mixädihe:

—'Be'a ní mba bi ma, né ñna: "Hin guin nuju man'da pa o gue manyopa, pe sá guin nuju mahøn'a 'da yu pa, né m'bøjua ga mba bu bí 'bøh ma Ta," bi 'yønju. ¹⁸ 'Be'a ní mba gue bi xiju na, 'be'a da 'yøt'e 'da yu pa. Hingui sá ga pahmbu 'be'a man na, bin 'yømzehe ma mixädihe.

¹⁹ Nu ra Jesús mi pødi 'be'a nde da 'yønni, gue 'be'a nam bøn'a xí man a, né bi 'yønje:

—Ha gadín 'yänzeheh 'be'a nám bøn'a dám mangä 'bu má xi ahu: "Hin guin nuju man'dapa o manyopa, pe sá guin nuju mahøn'a mi'da yu pa," gue dá ñøgä.

²⁰ Majuñi dí xi ahu, da du ni mbøihu né gan zomhbu, pe nu'u yu ja'i i ten ra ximhäi din johya u. Pe m'bøjua buya nu ni dumbøihu dim pommi ran johya. ²¹ Tengu n'da ra xisu 'bu bi zøn ra ora dim 'bøh rá t'uhni, i tu rá mbøi nguetho in nu ran unbi, pe m'bøjua din johya 'bu bim 'bøh rá t'uhni buya, né him mam bøn a ran unbi mínu. ²² Né ngutho ahu i tu ni mbøihu ya. Pe gan nu ahu mahøn'a né da hyu ni mbøihu, né njon da zä da hyac'a nin johyahu buya.

²³ Né nu'bu bi zøn ra ora a dím mangä ya, nte gui 'yängahu. Pe majuñi dí xi ahu, hønt'a go 'be'a gui 'yäfu ma Ta 'bu 'dat'a dím bømhu, né din ja buya. ²⁴ Nte ganá äfu ma Ta nangue ma thuhugä, pe nuya dami 'yäfu ya né din ja ahu, janangue'a da yuh ni mbøihu ran johya.

Nu ra Jesucristo bi 'berpa rá ts'edi ra ximhäi

²⁵ —Nuya yøm hma dá xi ahu, yøn t'uti u, bi 'yøn'a ra Jesús. Pe da zøn ra ora hin ga xi ahu mi'da yøn t'uti, pe njuantho ga xi ahu xøn ho nangue Oja. ²⁶ Né nu'bu bi zøn'a ra pa dím mangä, da zä gui 'yäpzeheh ma Ta nangue ya guí paju, né him man ga thocpä a guí äfu ma Ta. ²⁷ Nguetho guesø ma Ta

di huç'ahu nangue guín numanhoju, né gá 'yøc'yøihu gue guepu bí 'bøh ma Ta bá nexä. ²⁸ Nugä bá nexä bu 'bøh ma Ta, né dá søcua ja ra häi. Né ga pøngä mahøn'a ua ja ra häi, ga mba bu bí 'bøh ma Ta, bi 'yønje.

²⁹ —Nuya mfødi 'be'a guí xije ya, nguetho hin guí xije n'da ran t'uti ya, dá ñømfe buya.

³⁰ Nuya dí pahmbu nte guídí 'be'di gui pødi, nguetho m'bøt'o thoho guí pødi 'be'a dím bømhu 'bøh ya ja a dín nde ga än'nahe. Né gue'a ná pahmbu gue guepu bí 'bøh Oja gbí 'yøque, dá ñømfe.

³¹ Nu ra Jesús bi 'yønje mahøn'a:

—Ha majuñi guí 'yøigahu. ³² Pe nuya bi zøn ra ora gan 'uøxthu, gui 'dahmbu, n'da an 'danni gui mbähä. Né gätho ahu gui sogahu. Pe hin dan 'dase nguetho dí 'bø'be ma Ta. ³³ Nuya yøm hma dá xi ahu, n'dahma guexta'a gan johyahu nanguecä, madague'bu guin nuhu ran unbi nangue ra ximhäi. Pe o di tu ni mbøihu, pe guim bømhu dá tapä ra ximhäi.

17

Bin yqui rá Ta ra Jesús

¹ Nu'bu mí jua a man ra Jesús, bi ndøts'e, né bin yøqui rá Ta:

—Ma Ta a i, ya bi zøm ma oragä din ja a gá sängui. Dami jap ya ñømme da bømanho 'be'a ga øt'ä ya, ni ts'unt'ugui, né gue'a dí fødi nujxte xøn ho i buya. ² Nguetho ya xcá 'dac ra ts'edi ga unni 'be'a xcá sänba u gätho i 'bøcua ja ra ximhäi, janangue'a ga un ra 'da'yote mazai u gätho gá 'daqui. ³ Né nu'a to'o i ja ra 'da'yote mazai, majuñi dím pahmbu u, gue gue'e høn'a thoho i majuñi grá Oja, né nugä drá Jesucristogä gue guá pøngä dan yanategä u.

⁴ Ya ní mba bu ga juacä ra 'be'fi gá 'daqui, guepu da bøh yu ja'i ua ja ra ximhäi ñømme xøn hotho i. ⁵ Ma Ta i, nu'bu ya dá juacä, dami jaqui ga conhui ni nujxte bu guí 'bøi, tengu tho mínu jaui 'bu má hin'yu ra ximhäi.

⁶ Nuya dá xih yu ja'i nangue e, gue nu'u gá huanhua ja ra ximhäi. Ni mbøt's'a nim hma dá xänba u.

⁷ Né i pø u ya gue gue'e gá 'dac ra ts'edi dá øt' ra 'be'fi dá øt'e, né u yøm hma dá mangä.

⁸ Nguetho bi hyøn'a ram hma gá xiqui dá xifi. Janangue'a i pødi majuñi bá nexä bu

guí 'bui, ne bi 'yεc'yεi gue gue'e guá pεngä dan yanategä ua.

⁹ Nugä dí äp'a ya gui fäx'i ts'ua, ne hin dí ä a nim fäts'i nangue u i ten ra ximhäi. Pe hønt'ua gue gá 'daqui nguetho ni mbeti ua. ¹⁰ Ne nu'ua gätho ma mbeti ni mbeti ua, ne nu'ua gätho ni mbeti ma mbeti ua. Ne gue'ua i udi nuixte xən hogä ua.

¹¹ Nuya him man dam 'bucua ja ra ximhäi. Ga mbagä bu guí 'bui. Pe nu'ua go di thoqui dim 'bucua ua. Janangue'a, ma Hogata i, dami jamansu ua gätho gá 'daqui nangue ni ts'edi zehε, gue da gohi tengu'bui n'danjä'itho tengu gaui. ¹² Gätho yua pa dám 'buhmbe ua gá 'daqui, dá jamansu ua nangue ni ts'edi gá 'daqui. Ne xinga n'da bim 'bedi, hønt'a n'da nts'anni dim 'bedi, tengu mán t'o'ti bu ja ni sōcuq maya'bui ngue ngubui din ja.

¹³ Ne nuya mi ts'utho ga mba bu guí 'bui, pe nuna dím mangä ya ngue dí 'bucua ja ra ximhäi, janangue'a da yuh yá mbui ua i øh ya nangue man johyagä. ¹⁴ Nugä dá un'na nim hma ne bi hyam buya. Janangue'a di ucpa ra ximhäi ua, nguetho hing yá mengu ua ja ra ximhäi ua, tengugä hind rá mengugä ua ja ra ximhäi. ¹⁵ Hin dí ä'a i gue gui 'uec'ua nanguecua ja ra ximhäi ua, pe dí ä'a i gui jamansup yá mbui hin da däp ra zithu ua. ¹⁶ Nu'ua hing yua mengu ua ja ra ximhäi ua, tengu thohogä. ¹⁷ Dami xänbi xən ho a nim hma majuani, janangue'a da 'uegue xən ho nangue yən ts'o i ja ua ja ra ximhäi. ¹⁸ Tengu tho bu guí 'dac ra 'befi dá jap yua ja'i ua ja ra ximhäi da bəi i, nguthogä dí un ra 'befi ua, di jap yua ja'i ua ja ra ximhäi da bəi i. ¹⁹ Dan unsə janangue'a ne'ua tengu'bui da du nangue yá nyombui, ne da zä da den'na ram hma majuani.

²⁰ Ne nu'bui bi mam mam hmammi ua i εc'yεigä ya, ne nu'bui bi 'yεc'yεigä ua da sifi, ne'ua dí äp'a nim fäts'i nangue gätho ua buya. ²¹ Janangue'a gätho da gohi tengu'bui n'danjä'itho, tengu thohogaui ma Ta i, n'datho dí conhui. Dami japi n'dat'a da bən ua, nguetho n'dat'a man 'yomfəniui dá unui gätho ua. Janangue'a da 'yεc'yεi ua i ten ra ximhäi, gue gue'e guá pεngä dan yanategä ua ja ra ximhäi. ²² Nu ra ts'edi gá 'daqui dá undä ua, gue da zä da gohi

tengu'bui n'danjä'itho, tengu gaui. ²³ Nugä dí 'buhmbe ua, ne'e dí 'buhmi, janangue'a majuani da zä gätho 'dat'a gam bəmhbu. Ne da nu ua i ten ra ximhäi, da bədi gue gue'e guá pεngä dan yanategä ua ja ra ximhäi, ne da bəi i ten ra ximhäi gue εmmε guidí huεc'u tengu bu gní huεgagui.

²⁴ Ma Ta i, dín nde 'darpua dan zəmhbu ua gá 'daqui, gue da nu mazai a ran ho tate thoho gá 'daqui. Nguetho zai guidí huεgä ne gue'bui go má hin'yua ra ximhäi. ²⁵ Ma Hogata a i, nu ra ximhäi hingui pə'a i. Pe nugä dí pə'a i, ne'ua 'da gá 'daqui i pədi gue gue'e guá pεngä. ²⁶ Nugä dá japi bi bəi a i, ne man'da man'da ga japi da bədi gätho nin ho, gue da zä din ja xən ho nin huεcate bu mbo yá mbui ua, tengu tho bu nan jagä nin huεcate. Ne dan zəm bu ja yá mbui ua, bi 'yεmp'a rá Ta.

18

Bifent'ara Jesús

¹ Nu'bui mí ju'a bin yəui rá Ta, dá mbähmbe ra Jesús buya dyu xädihe, dá 'daxhe n'da ra t'uhye gue ra Cedrón, ne dá cəthe bu ja n'da ra nuəndät'o. ² Nu'a ra Judas, gue'a di dä a ra Jesús, mí pəpu ja ra nuəndät'o nguetho zai mí pähmbe bu ra Jesús. ³ Nu yua fariseo ne yua dəmbäjä bá pəhn'du 'da yua dofui ne mi'da yən 'yohu gue bá 'yohu ra Judas. Gätho i hə yua sibi ne yua juai. ⁴ Nu ra Jesús i pədi gätho 'be'a din ja ngue da t'ørpe. Janangue'a bi mba bin c'athu, ne bi 'yān'du:

—To'o guí homhbui, bi 'yεmbi.

⁵ Ne bi də ua:

—Dí homhbe ra Jesús ra mengu bu Nazaret, bi 'yεn'ua:

—Guecä, bi 'yεn'a ra Jesús buya.

Ne i 'bähmbu bu ra Judas gue di dä.

⁶ “Guecä,” bu mí 'yεn'a ra Jesús, 'bex bi goh yá xətha ua yən hyonte ne bi 'ya ua buya nangue ra mbidi. ⁷ Nu ra Jesús bi ma mahøn'a:

—To'o guí homhbui.

Ne bi də ua:

—Dí homhbe ra Jesús ra mengu bu Nazaret, bi 'yεn'ua:

⁸ Nu ra Jesús bi dat'ua buya:

—Ya dá xi ahü, guecä. Pe nu'bü høngdä guí honjü, hinga nüehya ma xädi gui sixhü, bi 'yüna.

⁹ Nüe guehna bi man na ra Jesüs bin theui a bi xih rá Ta 'bü mín yüqui, ngue xí 'yümbi: "Gätho gá 'daqui xínga n'da ga 'bedi," xí 'yümbi. ¹⁰ Nu ra Simón Pedro büya bi güx a rá juai mí hü ne bi 'yespa rán 'yüezagu a rá 'yühe ra dämbäjü, rá thuhu Malco a. ¹¹ Pe nu'a ra Jesüs bi 'yümp'a ra Pedro:

—Fo'ts' ni juai a nin t'ojuai. Nuna ra mbohi xün zänga ma Ta ha hin ga sigä na, bi 'yümbi.

Bi ts'ix bü 'büh ra hmumbäjü a ra Jesüs

¹² 'Bex bi büent'ü yü dofüi ne'ü yü hmu ne yü policía bi mbüen ma mijudíohe, nüe bi du't*i*. ¹³ M'bet'o bi zixpu 'büh ra Anás rá ndøhyü a ra Caifás, nüe nu'a ra Caifás, ra dämbäjü a ra jüya a. ¹⁴ Guehna ra Caifás ngue xí xi ü yü mi ngürpihü, gue man'da xün ho 'bü n'datho da du, xinda gue'bü gätho ga juahmbü.

Nu ra Pedro bi güom mahün'a ra Jesüs

¹⁵ Nu ra Simón Pedro, nücä büya, düa tüen'be ra Jesüs. Nüe madíñ pü'be a ra dämbäjü, janangue'a bi zä düa cüt'ä bü bi mba ma cüt'i a ra Jesüs bü mbo rá mbä't*i* a rá ngu ra dämbäjü. ¹⁶ Pe nu ra Pedro mí 'bäpü thi bü ja ra goxthi. Pe dá püengä büya gue dá äp ra mate a ra mbängoxthi, janangue'a bi zä bi yüt'ambo ra Pedro büya. ¹⁷ Nu'a ra mbängoxthi büya, gue n'da ra xisu, bi 'yümp'a ra Pedro:

—Nu'i ha hinga gue'e rá xädi'i nü ran 'yohü, bi 'yümbi.

Nu ra Pedro bi dä't*a*:

—Hin'na, hinga guecä, bi 'yüna.

¹⁸ Madíñ tüspihü ü yü 'yühe ra dämbäjü nüe yü policía a ra Pedro, nubü ja ra sibi xí 'yudi, nguetho xün se.

Nu ra hmumbäjü bi juanba ra Jesüs

¹⁹ Nu ra dämbäjü bi 'yännä ra Jesüs to'o gätho i tünni, nüe bi 'yänni 'büe'a nüm hma im ma 'bü in xänbate. ²⁰ Nu ra Jesüs bi dä't*a*:

—Nugä zäi dá mam bü ja ma nijahü nüpü ja ra dänijsü, guepü zäi dim püeti gätho ma mijudíohe. Njam'bü dá mangä bü njongui 'büh yü ja'i. ²¹ Nüe ndetho guí ängui 'büe'a dá mam 'bü mán xänbate. Nde'bü gui 'yäñ'dü

bi 'yøh mam hmangä. Nu'u i püadi 'büe'a dá mangä u, bi 'yüna.

²² Nüe nu'a ra Jesüs 'bü mí dä't*a* ra dämbäjü, nüe nu'a n'da ra ngürpa dofüi bi mbüemp'a rá hmi, bi 'yümbi:

—Hanja ngubü gá xih ra dämbäjü, bi 'yümbi.

²³ Nu ra Jesüs bi 'yümp'a:

—Nu'bü ja 'büe'a dá mangä gue hingui ho, dami ma. Pe nu'bü nte dá mangä, hanja gní püegbi, bi 'yümbi.

²⁴ Nu ra Anás büya bi mbüenhna ra Jesüs 'büh ra Caifás, rá mi dämbäjüai.

Nu ra Pedro bi güom mahün'a ra Jesüs

²⁵ Nüe mí 'bäpü ra Simón Pedro madíñ tüsp*i* a. Nüe än'dü i 'bähmbü:

—Ha nüe rá xädi'i nü.

'Bex bin cüni:

—Hinga guecä, üna.

²⁶ Nu'a n'da rá 'yühe ra dämbäjü büya, gue dim müeniu a ra 'yühe xí 'yespa rá zugu ra Pedro 'bü mí 'yüna da yan'a rá Hmu, bi 'yümbi:

—üna gue'e dá nu a bü ja ra nuandät'o, bi t'ümp'a ra Pedro.

²⁷ Nüe bin cüom mahün'a ra Pedro. 'Bex bi mbüh ra tamfø.

Nu ra Pilato bi juanba ra Jesüs

²⁸ Tüxuditüho bá ts'i bü ja rá ngu ra Caifás a ra Jesüs, nüe bi ts'ix bü ja ra nguts'ut'abi. Pe nu ma ngürpihe dyü judíohe dyü israelhe, him bi yüzehü bü mbo nguetho ün yüñ t'üdi din ts'on yü ja'i 'bü da yürpü ja yüngu ü hing yü judío, nüe hin da zä da zi ran ts'ihmü nangue ran däbaxjua 'bü xtán yürpü mbo.

²⁹ Janangue'a nu ra ts'ut'abi Pilato, bi mba bü thi gue da zo ü yü yapate, nüe bi 'yäñ'dü:

—'Büe'a gní yüqü a ran 'yohü, bi 'yüna.

³⁰ Nüe bi dä u ma ngürpihe:

—Nu'bü hin gra ts'om'bäi, hin xcá dä ahü 'bü, bi 'yün'ü.

³¹ Nüe nu ra Pilato bi 'yümp'ü:

—Dami sixhü 'bü, nüe gui juanbahü nangue nin t'üdi zehühü, bi 'yüna.

Nüe nu ma ngürpihe bi dä't*a*:

—Pe hin'yü man t'üdizehühe gue'a ga hohe n'da, bi 'yün'ü.

³² Nu'a bi man'ü bin theui a bi man a ra Jesüs 'bü mí ma 'büe'a mán däte dí du a, gue da mba ma cuati bü ja ra pont'i.

³³ Nu ra Pilato bi mbeng mahøn'a bø ja ran ts'embate nø bi 'yænna ra Jesús:

—Nu'i ha gue'e grá hmuts'ut'abi yø judío, bi 'yæmbi.

³⁴ Nu ra Jesús bi døt'a:

—Ha guím bønsø 'be'a guím ma, uague n'dan'yo bi xi i nanguecä, bi 'yæmbi.

³⁵ Nu ra Pilato bi 'yæm bøya:

—Hin drá judiogä. 'Be'a gá 'yøt'e thø, ngue bi dø'a ua ni mijudíohø ne ni dambøjøha.

³⁶ Nu ra Jesús bi døt'a:

—Hin dám hmuts'ut'abigä ua ja ra ximhäi. Nu'bø xcám hmuts'ut'abigä ua, xtín tunhðø ma ja'igä bi bøndgui 'bø, ne hin xtí dägä ua 'bø. Pe nu ma ts'edigä him bi nequi ua ja ra ximhäi a, bi 'yæna.

³⁷ Nu ra Pilato bi 'yæmbi mahøn'a:

—Ha majuøni grá hmuts'ut'abi 'bø, bi 'yæmbi.

Nu ra Jesús bi døt'a:

—Majuøni guím ma gue drá hmuts'ut'abigä ne gue'a dám 'bøcä ua ja ra ximhäi, ne gue'a ná øcä ua gue ga u'a majuøni. Nu'u to'o in nde da bø'a majuøni, da 'yømanho a dím mangä ø, bi 'yæna.

³⁸ Nu ra Pilato i øna:

—'Be'a maha a majuøni, njon da zä da bødi nda'a a majuøni, bi 'yæmthoho.

Bi ts'änba rán unbi ra Jesús

Nø nu'bø mí jua'a bi man ra Pilato, bi mba bø thi din yøhø ø yø yapate mahøn'a, ne bi 'yæmp'ø:

—Nte mán ts'o dá tønbi. ³⁹ Pe nu'ahø zai guí xijø ga thøc'ahø n'da ra ofädi 'bø bi døt' ra pa ran døbaxjua. Ha guín ndehø ga thøc'ahø ni hmuts'ut'abihø, bi 'yæna.

⁴⁰ Nø bi mbødi bi mbafi nts'edi ø, bi 'yæn'ø:

—Hin'na, hinga gue'a, pe nu'a ra Barrabás, gue'a gui thøgahe a, bi 'yæn'ø ma ngærpihe.

Nu ra Barrabás, n'da ra hyote a.

19

¹ Nu ra Pilato bi manda dí fei a ra Jesús.

² Nu yø doføi bøya bi 'yørpa n'da ra corona gue yø 'yø'ujni, ne nts'edi bi huspa rá yø ra Jesús. Ne bim pärba n'da ra 'bø't'e xøn jøpoi tengu dim pät' yø hmuts'ut'abi. ³ Nø bi den bøya ne bi 'yænspa yø bøba, bi 'yæmbi:

—Biba, grá hmuts'ut'abi yø judío, bi 'yæmbi. Nø bi mbø'mi bøya ngue yø 'yø.

⁴ Bi mba bø thi mahøn'a a ra Pilato, bin yøhø ma ngærpihe:

—Nuya ga dä ahø na ran 'yøhø, dami pøhmbø nte dá tønba n'da ran ts'o gue xø 'yøt' na, bi 'yæna.

⁵ Bi ts'ix bø thi ra Jesús bøya, ya i hu'ts' ra corona ngue nt'øt'e yø 'yø'ujni, ne he ra 'bø't'e xøn jøpoi.

—I 'bäcua na ran 'yøhø ya, bi 'yæn'a ra Pilato.

⁶ Nu'u yø dømbøjø nø ma ngærpihe 'bø mín nu a ra Jesús, nts'edi bi mbafi, ne xøn ngu yø nidi bi 'yæna:

—Dá du, dá 'døm'ø ja ra pont'i.

Nu ra Pilato bi 'yæmp'ø bøya:

—Dami sizehø 'bø guín nde gui cuathø bø ja ra pont'i, nguetho nugä hin te dá tønba n'da ran ts'o xø 'yøt' na, bi 'yæmp'ø.

⁷ Nu'u ma ngærpihe bi døphøya:

—Nugähe i jaje n'da man t'ødihe gue da du n'da im ma tengu im ma na, nguetho bi mansø guesø rá Ts'unt'ø Ojø, bi 'yæn'ø.

⁸ Nu'bø mí 'yø a ra Pilato mí øn'a ra Jesús gue rá Ts'unt'ø Ojø a, man'da bi zu a. ⁹ Nø bi zix pø mbo ja ran ts'embate mahøn'a a ra Jesús, bi 'yænni:

—Hapø e majuøni guí nets'i.

Pe nu ra Jesús him bi døt'i.

¹⁰ Nu ra Pilato bi 'yæmp'a:

—Hanja hin gníthørcagui. Ha hin guí pødi ja ma ts'edi ga cuat'a bø ja ra pont'i, ne ja ma ts'edi ga xoc'a bø, bi 'yæmbi.

¹¹ Nu ra Jesús bi døt'i:

—Hin xtín ja ni ts'edi ne nte sá gui 'yørque 'bø hin xtán zän Ojø 'be'a gui 'yørque. Pe nu'u bi døgä ua, man'da ja yø ts'oqui ø xinda gue'e, bi 'yæn'a ra Jesús.

¹² Nø nubøya nu ra Pilato ømmø bi hyoni 'bøpø dí hyøtho a ra Jesús. Pe nu ma ngærpihe nts'edi bi mbafi, bi 'yæn'ø:

—Nu'bø gui hyøt na, nin sñui a ma hmuts'ut'abihø ra César 'bø. Nguetho nu'bø 'bo'o da ma gue im hmuts'ut'abi zøhe din sñumi a ra César 'bø, bi 'yæn'ø.

¹³ Nu'bø mí 'yøhøna ra Pilato, bá si bø thi mahøn'a a ra Jesús bø ja rá ngun'yø ran juøbate magøts'i, dí ømfe ma ndehe Gabata. Nø bi hyux ra Pilato bø ja rá mëxa

ran juanbate. ¹⁴ Nu'a ra pa a, i pa ma hoqui yən ts'ihmə da ts'i 'bə bi hyats'i, nangue ran dəbaxjua. Nə di 'bəh mits'ə da zən i huxhyadi. Nə nu ra Pilato bi 'yəmp'ə ma ngərpihe:

—Nuya 'bäcua na ni hmuts'ət'abihə, bi 'yəmp'ə.

¹⁵ Pə nts'ədi bi mba ə:

—Dá du, dá duhma, dá 'dəm'pə ja ra pont'i, bi 'yən'ə.

Nə nu ra Pilato bi 'yəmp'ə:

—Hanja gní 'yənjə gam ma da 'dəm'pə ja ra pont'i ni hmuts'ət'abihə, bi 'yəmbi.

Pə nu yə dəmbäjə bi dədi:

—Njongui 'bäcua man'da ma hmuts'ət'abihə hənt'a ma hmuts'ət'abihə bə Roma ngue ra César, bi 'yən'ə.

¹⁶ Nu ra Pilato bəya bi 'yət'a bi nde yə mbäjə, bi manda dí cuati bə ja ra pont'i ra Jesús. Nə bi ts'ix bəya.

Bi mba n'də'mi bə ja ra pont'i ra Jesús

¹⁷ Nə bi zix yə dofəi a ra Jesús bəya, nə i tuzeħə rá pont'i bə ní mba, da zəm bə ja n'da ra nyuni t'əmbi Gólgota, nde da ma ra Nyuni nyaxmu. ¹⁸ Nə nu'bə mí zəm bə, bi mba n'də'mi ra Jesús bə ja ra pont'i. Bim 'bə inde rá pont'i, nə n'da an 'danguadi bim 'bə ə mi'da yə pont'i, bi guarpə ə mi yoho.

¹⁹ Nu ra Pilato, bi 'yo't'a n'da ram hma bi 'yəna: "Nuna ra Jesús ra məngu bə Nazaret, rá hmuts'ət'abi yə judío na," bi 'yo't'i. Nə nu'a ra t'ohni bi mba n'də'mi bə ja ra pont'i.

²⁰ Xən ngu ma mijudiōhe dyə israelhe bi nu bəya 'bə'a nt'o't'i bə, nguetho mbe ndehnini tho bə. Nə nt'o't'i nangue ma ndesche ra hebreo, nə yə nde yə məngu bə Grecia gue ra griego, nə yə nde yə məngu bə Roma gue ra latín. ²¹ Nu'ə yə dəmbäjə bəya bi 'yəmp'ə ra Pilato:

—Hanja gá 'yo't'i gue ma hmuts'ət'abihe. Pə dami hoqui da ma: "Bi mansə: Nugä drá hmuts'ət'abi yə judío," da 'yəna, bi 'yən'ə.

²² Pə nu ra Pilato bi dət'ə:

—Ya nt'o't'i 'bə'a dá o't'ə, dá guet'a, bi 'yəmthoho.

²³ Nu'bə mí cuar bə ja ra pont'i ra Jesús, nu yə dofəi bəya bi gəspa yə he, goho munts'i bin ja yə he, n'da ngu n'da yə dofəi n'da n'da munts'i bi gəx'ə. Pə nu rá

pahni rám 'bəxəts'e hin hapə ma zəte a.

²⁴ Janangue'a bin 'yəmzəħə ə:

—Nde'bə ga əthə n'da ran təha to'o da bəni din theui rá pahni na.

Nə nu'a bi man'ə bin theui a mán t'o't'i bə ja rá t'ohni Ojə gue njabə da 'yət'ə, mi əna: "Bi mba ma darqui ma he, n'da a n'da munts'i bi gəx'ə 'da. Pə nu'a mam 'bəxəts'e bi t'ət'a n'da ran təha to'o da gəts'i," mí ən rá t'ohni. Gue'a bi 'yət' yə dofəi a.

²⁵ Nuya mí 'bəpə ja ra pont'i rá mbe ra Jesús nə a rá juhue, nə'a ra María rá bəmbe a ra Cleofas, nə'a ra María ra məngu bə Magdala a. ²⁶ Nə nu'a ra Jesús 'bə mí nū a bəya, nəcä gue madí huęgä, bi xi a rá mbe bəya:

—Ma mbe i, dami 'yəmbi ni ts'ənt'ə nə ma xədi guí 'bəhmi, bi 'yəmbi.

²⁷ Nə bi 'yəngä ra Jesús bəya:

—Dami bəni tengə'bə ni mbe nə ma mbegä, bi 'yəngui.

Nə 'bex dá sixä bə ja ma ngu bəya, nə dá jamansu a.

Bi du ra Jesús

²⁸ Nə nu'bə mí man a ra Jesús bi bəpə pəya gue bi juah rá 'bəfi mí mam bə ja rá T'ohni Ojə gue din ja. Nə bi 'yəm bəya:

—Dí tuthe, bi 'yəna.

Nə'a bin theui a mán t'o't'i a bi ma. ²⁹ Nə mí həpə n'da ra t'əxaro i po ra guindät'o xən ju. Nu'ə mí 'bəpə bəya bi gərpə ja ra guindät'o a n'da əna ra fənjo gue bi zinni, bi fospa rá yə ra xithi bəya nə bi hyurpa rá nde ra Jesús da zə'ts'i. ³⁰ Nu'bə mí zə'ts'a ra Jesús:

—Ya bi guah ma 'bəfi, bi 'yəna.

'Bex bin ye'mahäi rá yə, nə bi unse rá te bi du bəya.

Bin sənba rá 'bəts'e ra Jesús

³¹ Nu ma ngərpihe hingui ndepe da guathoho bə ja yə pont'i ə yə jə'i 'bə ya xə hyats'i, nguetho gue'a ra pa a ya man'da təte nangue ra dəmpeti. Janangue'a bi t'əp ra mate ra Pilato da mba n'uacpi yə juęngua gue da du n'dihi ə, nə da mba ma tongui bəya. ³² 'Bex bi mba ə yə dofəi, nə bi 'uacpa yə juęngua ə yoho mí cuarpə ja yə pont'i guepə mí 'bəh rá pont'i ra Jesús. ³³ Pə nu'bə

mi zōm bə cuat'a ra Jesús, bi nu gue ya xí du, janangue'a him bi 'uacpa yú juāngua a.

³⁴ Pe nu'a n'da ra dofai bi sənba rá 'bi'bōts'e ra Jesús a ra ts'at'egui. 'Bex bi bōn ra ji ne ra dehe. ³⁵ Ne nugä gätho dá nuse 'be'a bi t'orpa ra Jesús. Janangue'a majuāni na dí o'tä ya. Ne guehna dí o'tä na n'dahma da zä gui 'yēc'yēih. ³⁶ Ne nu 'be'a gätho bin ja, bin theui a mán t'o't'i bə ja rá sōcuq Ojä gue din ja. Ne man t'o't'i: "Xínga n'da rá do'yo da mba n'uacpi," mi en ra T'ohni. ³⁷ Ne man'da bi hmam bə ja rá T'ohni Ojä, bi 'yēna: "Nu'u di uacpi da nu gue gue'a bi mba ma sənbi ra ts'at'egui rá 'bōts'e," mí man'a ra T'ohni.

Bi t'ä'a ra Jesús

³⁸ Ne nubəya nu ra José ra mēngu bə Arimatea, nu'a n'da rá 'yēc'yēi ra Jesús, pe him mi ma gue mí 'yēc'yēi nguetho mí su ma ngərpihe, pe nuya bi 'yäp ran t'ëdi ra Pilato di tongba rá ngōc'yēi ra Jesús bə ja ra pont'i da 'yägui. Ne nu'bə min t'un ran t'ëdi ra José, bi mba bəya ne bi tongba rá ngōc'yēi ra Jesús. ³⁹ Ne bá əh ra Nicodemo bəya, gue gue'a xí zōm bə mí 'bəh ra Jesús n'da ra xui. Ne i tu ra 'yēthi emme i yəman'u, mbe 'däte ma 'dət'a kilo nan hyə, ma thəspı ra mirra a ra áloes. ⁴⁰ Nu'bə mi mbantpa rá ngōc'yēi ra Jesús ra hoc'bō't'e xən ho, ne bi 'yərpa ra 'yēthi guepə ním fìx ra 'bō't'e, tengu zai dí øthe dyu judiohe 'bə dí ähmbe n'da ra du. ⁴¹ Ne i ja bə n'da ra mba'ye jombə ja ra pont'i xí 'dəm'ma ra Jesús, ne nubə häi oqui bə n'da ra hyädo ngue ran 'yägui, mahoqui pe njon ní 'yo bə n'da ra du. Ne jabə n'da ra nuqndät'o bə rá goxthi a ra hyädo gue ran 'yägui. ⁴² Ne nu'a ra pa man'da təte thoho nangue ran dəbaxjua e ma guepə da mbədi. Janangue'a bi cə't'a n'dihi bə ja ra hyädo a rá ngōc'yēi ra Jesús, nguetho hinga yatho bə.

20

Bi dəmbəni a ra Jesús

¹ T'əxuditho domingo hin ní nec ra häi nu ra María ra mēngu bə Magdala bi zōm bə ja ran 'yägui. Bi nu gue xí mba njənni a ra xjñdo mi juax bə ja rá goxthi ran 'yägui. ² Bá pengui ne bán tih, bi zōm bə mí 'bə'be ra Simón Pedro ne bi 'yēnc'be:

—Bin jəc ma Hmuha. Ne hin dí pədi hapə bi thux ya, bi 'yēnc'be.

³ Dá mbe'be bə ja ran 'yägui bəya. ⁴ Emme dán ti'be, bin ts'ogui ts'ə ra Pedro, ne m'bət'o go dá sōngä bə ja ra hyädo. ⁵ Dá c'ə't'ä bə mbo dá nu hənt'ə yə 'bō't'e cəx bə ngue xí 'bant'i. Pe him 'bex dá cət'ä mbo. ⁶ Ne nu'bə mí zōm bə ra Simón Pedro, 'bex bi uəntho bə mbo, ne'a bi nu cəx bə yə 'bō't'e. ⁷ Ne nu'a n'da ra 'bō't'e xí 'banba rá yə ra Jesús n'danni mí cəts'i, ma do'mi a. ⁸ Nəcä dá cət'ä mbo bəya, madague'bə m'bət'o dá sōngä bə. ⁹ Ne nu'bə má nu 'be'a di ja bə, dá əc'yēigä gue majuāni bi dəmbəni a ra Jesús. ¹⁰ Dá peng'be bə ma ngu'be bəya.

Nu ra Jesús bi nequi bə mi 'bä a ra María

¹¹ Pe nu'a ra María bi gotho bə ja rá goxthi ra hyädo ne i zoni ne di c'ərpə mbo. ¹² Ne bi nu yoho yəm 'bəhni Ojä mahəts'i i he yə t'axcahe. I hupə n'da bə mí ja rá yə ra Jesús ne hupə man'da bə mí ja yə gua. ¹³ Ne bi xi a ra María:

—Grá xisu, hanja gná zoni, bi 'yēmp'a.

Ne nu ra María bi dət'ə:

—Nguetho bin jəc'a ma Hmu ne hin dí pədi hapə bi thuts'i, bi 'yēna.

¹⁴ Ne nu'bə mí hanni ra María, bi nu ra Jesús i 'bəpə. Pe him mi pədi gue gue'a.

¹⁵ Nu'a ra Jesús bi 'yēmp'a:

—Grá xisu, hanja gná zoni, to'o guí honi, bi 'yēmbi.

Pe nu ra María mí bəni gue gue'a ran 'yohə di jamansu ra nuqndät'o. Janangue'a bi 'yēmbi:

—Nu'bə gue'e gá jəga ma Hmu, dami 'yurqui ts'ə hapə gá pəgui ne ga tuxä, bi 'yēmbi.

¹⁶ Ne nu ra Jesús bi ndənba rá thuhu:

—María, bi 'yēmbi.

Nu ra María 'bex bi 'bä't'i xən ho bəya, bi nu ne bi 'yēna:

—Raboni, nde da ma, "Xänbate i," bi 'yēmbi.

¹⁷ Ne nu ra Jesús bi 'yēmbi:

—Pe hingui sə 'bexque gui thäcä ya nguetho di 'bəh mi ts'ə ga mba bə bí 'bəh ma Ta. Janangue'a 'bə ní mbahma bá xi ə ma cuui ga pengbə bí 'bəh ma Tagä, ne ahə ni Tahə a, nu'a ma Ojägä a, ne ahə ni Ojähə a, bi 'yēmbi.

18 Nu'a ra María ra m̄engu b̄a Magdala bi mba b̄aya, n̄e bi xije dyu xādihe gue bi nu ra Hmu n̄e bi xije 'b̄e'a bi man'a.

Nu ra Jesús bi n̄equi b̄u mí 'b̄u yú xādi

19 N̄e nu'b̄a mí de guet'a ra pa domingo, nthu't'i yá jut'i ra ngu b̄a dám 'b̄ahmbe nguetho dá su ma nḡurpihe, n̄e nu'b̄a má nuhe, 'b̄ä inde b̄a dí 'b̄ahmbe ra Jesús. N̄e bi 'ȳena:

—Daman johyah̄a, bi 'ȳenje.

20 N̄e nub̄aya bi 'yurcahe yú 'ȳe guep̄a xí 'd̄ombi, n̄e rán zu'b̄ots'e guep̄a xín sunba ra ts'at'egui. N̄e nu'b̄a má nuhe, dá p̄ahmbe majuāni ma Hmuhe a, n̄e ɛmm̄e dán johyah̄e b̄aya. **21** N̄e bi ma mahōn'a ra Jesús:

—Daman johyah̄a. N̄e tengu tho b̄u í 'dac ra 'b̄efi ma Ta dá jap yu ja'i ua ja ra ximhāi da b̄adi, nguthogä dí 'da ah̄a ra 'b̄efi gui jaf̄a yu ja'i ua ja ra ximhāi da b̄adi, bi 'ȳenje.

22 N̄e nu'b̄a mí jua a bi man na, bi huigāhe ran dāhi n'da ngu n'dagāhe b̄aya.

—Dami hyq̄mhba rá Hogandāhi Oj̄a, bi 'ȳenje. **23** Nu'a to'o di pāh yá mb̄ai nangue yá ts'oqui, i ja nin t'edih̄a gui xihmb̄a ma punbi a. Pe nu'a hin di pāh yá mb̄ai nangue yá ts'oqui, i ja nin t'edih̄a gui xihmb̄a him ma punbi a, bi 'ȳenje.

Bi hyq̄xanjuāni a ra Tomás

24 Pe nu ra Tomás gue'a i t'ɛmbi ra Go a, n'da ma mixādihe, njo'o b̄u 'b̄u mí n̄equi ra Jesús. **25** M'b̄ejua b̄aya dá xihmb̄a ra Tomás:

—Nugāhe dá nuhe ra Hmu.

Pe nu ra Tomás bi 'ȳena:

—Pe nugä dí ɛna him majuāni a guí xij̄a hindā hōnt'b̄a gan nuse hap̄a bim fospa yu clavo yá 'ȳe, n̄e ga fospa ma saha hap̄a bim fox yu clavo ne ga fot ma 'ȳe b̄a ja rá 'b̄i'b̄ots'e, sā ga ɛc'ȳei 'b̄a, bi 'ȳenje.

26 Nu'b̄a mí dät'an hyq̄to pa b̄aya dám p̄etihe mahōn'a. N̄e'a ra Tomás. N̄e nthu't'i yu jut'i tengu mam'b̄et'o, pe xø bi n̄equi b̄a ra Jesús mahōn'a, bim 'b̄ä inde b̄a dí 'b̄ahmbe.

—Daman johyah̄a, bi 'ȳenje mahōn'a.

27 Nu'a ra Jesús b̄aya bi xi a ra Tomás:

—Dami fos' ni saha ua bim foscä yu clavo n̄e guin nu ma 'ȳe, n̄e bá 'uət ni 'ȳe gui fo'ts'ua ja ma 'b̄ots'e. O guí ɛna him majuāni pe dami 'ȳec'ȳei, bi 'ȳembi.

28 Nu ra Tomás bi 'ȳemp'a:

—Ma Hmu i, ma Oj̄a i, bi 'ȳena.

29 Nu'a ra Jesús bi 'ȳemp'a:

—Tomás, guí ɛc'ȳei ya nguetho ya gá nugui. Pe nu'u to da 'ȳec'ȳigui 'b̄u nte ní nu, man'da di jāp Oj̄a u, bi 'ȳembi.

'B̄ep̄u án t'o't' na ra s̄ocuq

30 Pe nu'u yu hyonya nt'ot'e dá nuhe bi 'ȳot' ra Jesús, hinga gätho dá o't'ä ua ja ra s̄ocuq. **31** Pe hōnt'u 'da dá o't'ä dí ja ah̄a gui 'ȳec'ȳeh̄a gue majuāni ra Cristo a ra Jesús rá Ts'ant'u Oj̄a a. N̄e nu'b̄a gue'a gui 'ȳec'ȳeh̄a din 'da ah̄a ra 'da'yote mazai.

21

Bi n̄equi ra Jesús b̄u ndenthe

1 M'b̄ejua b̄aya dá nuhe ra Jesús mahōn'a, bi jaje dá p̄ahmbe man'da x̄an ho b̄a ja ra dädehe Tiberias, n'dat'a ra dädehe Galilea. N̄e ga xi ah̄a gätho bin ja. **2** Mín 'yohe ra Simón Pedro n̄e ra Tomás i t'ɛmbi ra Go, n̄e ra Natanael ra m̄engu b̄a Caná ra x̄equi Galilea, n̄e man 'yohügä yá ts'ant'u gä'be ra Zebedeo, n̄e mí yoho ma mixādihe. **3** N̄e nub̄aya bi 'ȳenje ra Simón Pedro:

—Nugä ga mba na 'bahuq, bi 'ȳenje.

—Ga mbähä 'b̄a, dá ɛmfe.

Dá mbähmbe b̄aya 'bex dá huhe n'da ma mbosahe. Pe gätho ra xui nte dá th̄ehe yu huq. **4** N̄e nu'b̄a mí hyax b̄aya mí 'bäp̄u ndenthe a ra Jesús. Pe nugähe him 'bexque dá p̄ahmbe gue gue'a. **5** Bi 'ȳenje ra Jesús:

—Gyu ts'ant'uha, ha nte gá th̄eh̄u yu huq.

—Hin'na, dá ɛmfe.

6 Nu ra Jesús bi 'ȳenje b̄aya:

—Pe dami 'ȳent ni xit'q̄hu b̄a ja rán 'ȳei ra mbosa, n̄e 'bex gui th̄eh̄u b̄aya.

Dá ðthe a bi xije ra Jesús, n̄e ɛmm̄e x̄an ngu dá th̄ehe yu huq, him mí sā ga juxhe ra xit'q̄. **7** N̄e nugä gue madi huęgä ra Jesús, dá ɛmp'a ra Pedro:

—Guehn̄a ma Hmuñu n̄u.

Nu'b̄a mí 'ȳoh ra Simón Pedro gue gue'a ra Hmu a, 'bex bi hye rá he nguetho xí mbøgue. N̄e bin säcp̄a ja ra mbosa gue bi z̄on'a n'dihi b̄a i 'bäh ra Jesús. **8** Pe nuje dá cohmbe b̄a ja ra mbosa, z̄an jante dá s̄omhbe b̄a ndenthe nguetho dí jut'ähe ra

xit'ä ne yupä yä huä. Ne hinga yatho nden-the, mbë n'da ciénto metro. ⁹ Ne nu'bä mí zöm bä ndenthe ra mbosa mí huhe, dá nuhe n'da ra sibi i zö bä, ne n'da ra huä i oxpä ja yä despi, ne mí oxpä ra hmë. ¹⁰ Ne nu ra Jesús bi 'yënjé:

—Bá cä 'da ni huähä xcá thëhää.

¹¹ Nu ra Simón Pedro bäya, bi mba bá jut'a ra xit'ä bä ja ra häi i yuh yä huä, n'da ciénto ne yote ma 'dë'ma hyu yä huä xän ndoho. Pe hin hapä bi xet'a ra xit'ä. ¹² Nu ra Jesús bi xije:

—Ba çhmbä dan sihmëhää, bi 'yënjé.

Pe xínga n'daje xcá änhde to'o a, nguetho dá pähmbe gue gue'a ma Hmuhe. ¹³ Ne bi mba bä zö ra sibi a ra Jesús bi hyäc ra hmë, ne bi 'daje, ne ra huä.

¹⁴ Ne ná hyundi dá nuhe ra Jesús bäya gue bin 'yuse, gue'bä go mí dämbëni bä ja rán 'yägui.

Iyqui ra Jesús a ra Simón Pedro

¹⁵ Nu'bä mán niyähe, nu ra Jesús bi 'yëmp'a ra Simón Pedro:

—Simón rá ts'ant'ä i ra Jonás, ha man'da guí numanhogui xinda guehya 'da.

Nu ra Pedro bi 'yëmp'a:

—Häha ma Hmu i, guí padi gue dí numanho i.

Nu ra Jesús bi 'yëmb bäya:

—Dami 'ujn ä ma t'udë'yo, nangue mam hmangä gui xänba yä ja'i i ëc'yëigui.

¹⁶ Ná yondi xö bi 'yëmp'a:

—Simón rá ts'ant'ä i ra Jonás, ha majuani guí numanhogui.

—Häha ma Hmu i, guí padi gue dí numanho i, bi 'yëmbi.

Ne nu ra Jesús bi 'yëmp'a:

—Dami fäh ma dë'yo 'bä.

¹⁷ Ne ná hyundi bäya bi 'yëmbi:

—Simón rá ts'ant'ä i ra Jonás, ha guí numanhogui, bi 'yëmbi.

Ne bi du rá mbäi ra Pedro, nguetho ya ná hyundi bi 'yän 'bä i numanho. Ne bi däti:

—Ma Hmu i, gätho guí padi, guí padi dí numanho i.

Nu ra Jesús bi 'yëmbi mahön'a:

—Dami 'ujn'ä ma za dë'yo dadí huëcä.

¹⁸ Nu'bä gmín ts'ant'ä zai gán 'yose hönba go hapä guín nde gui mba, ne guí tuzehe rá ngut'i ni foho. Pe nu'bä gán dac'yëi gui jing

ni 'yë ne n'dan'yo da tut'i i, ne da zix'i i hapä hin guín nde gui mba, bi 'yëmbi.

¹⁹ Guehna bi man ra Jesús, gue da bäh ra Pedro 'bë'a nín däte da nu a, ne gue'a dí 'yudi xän hotho Ojä a. Ne nu ra Jesús bi 'yëmp'a ra Pedro mahön'a:

—Dami tengui gui thoc'a ma 'bëfigä, bi 'yëmbi.

Bi t'än'na ra Jesús nangue a ra Xuua

²⁰ Ne nu'bä mí dä'mi bi dëñ bäya bi nyëgui, bi nugä gue nequi dí tet'i, guecä madí huëgä ra Jesús, ngue 'darpa xtá hu'be bä ja ra mëxa 'bä mán sihmëhe gue'bä má änni to'o di dä a. ²¹ Ne nu'a ra Pedro 'bä mí nügui dí tet'i, bi 'yän'na ra Jesús:

—Ma Hmu i, 'bë'a nín däte xin da nu na ra Xuua, bi 'yëmbi.

²² Nu ra Jesús bi däti:

—Nu'bä ma pähä di 'bätho ua gue'bä go dá sòcä mahön'a, hin ni 'bëfi gui 'yängui. Pe nu'a ni 'bëfi gui tengui gui thoc'a ma 'bëfi, bi 'yëmbi.

²³ Pe janangue'a mi mansë yä 'yëc'yëi gue njäm'bä ga tugä. Pe hinga ngubä bi man ra Jesús, pe bi 'yëna: "Nu'bä ma pähä di 'bätho ua gue'bä go dá sòcä mahön'a, hin ni 'bëfi gui 'yängui," xí 'yëmp'a.

²⁴ Guecä rá xädigä gue bi man ra Jesús, ne guecä xin dí o't' na ra sòcuä 'bë'a dá nu gue majuani bin ja. Ne dí pähmbe majuani na dí o't'ä ya. ²⁵ Ne xän ngu mi'da yän t'ot'e bi 'yot'a ra Jesús. Pe nu'bä gätho xcá o't'ä, hinga xöt'a gätho xtín ja ua ja ra ximhäi 'bä. Ne hont'a dí xi ahä ya.

HECHOS Yún t'øt'e yú 'bäihu rá Jesucristo

Bi man ra Jesús ba ḥrá Hogandähi Ojá

¹ Nu'i Teófilo, rá mbüdi ra sōcuq dá o't'a'i mám'bët'o, dá xi'i gätho bi 'yøt' ra Jesús nu'bü mi dëmp' rá 'bëfi. Ne dá xi'a'i gätho ngue bi ma 'bü mí xänbate. ² Ne dá xi'a'i gätho bi 'yøt'a ra Jesús asta gue'bü mi mba mahëts'i. Ne nu'bü mi 'bucua ja ra häi, nu rá Hogandähi Ojá bi xih ra Jesús 'be'a da xih yú 'bäihu gue da 'yøt'e. Nu'u yú 'bäihu, gue'ü yún 'yohü bi huanh ra Jesús ngue man yú xädi ü. ³ Nu ra Jesús bi nu ran ünbi ne bi du. Ne gätho nyote pa 'bü mí ndants'i mahøn'a, bin 'yuse bü 'buh yú 'bäihu, ja'bü bi hnu, ja'bü hin'na. Ne bi 'yuti xan ngu yún t'øt'e guepü bi nde da fädi gue i 'bui. Ne bi xi'ü nangue rá 'bëfi i øt' Ojá ua ja ra ximhäi, ne 'bepü dí manda Ojá ü gätho dim 'bui.

⁴ Nu'bü mim 'buhmbü yú 'bäihu mahøn'a a ra Jesús, ne bin sihmehü, bi xi'ü da dømp'ü Jerusalén 'be'a bi ma majuani rá Ta gue ba ḥe. Ne yn'a ra Jesús:

—Ya xcá 'yøhmbü dá mangä mam'bët'o ngue ba pënh Ojá rá Hogandähi. ⁵ Nu'a ra Xuua bi 'yøt'ahü ran xixyä nangue ra dehe thoho, pe mi ts'ütho ya ga 'da ahü rá Hogandähi Ojá, bi 'yen'a ra Jesús.

Bi index mahëts'i ra Jesús

⁶ Nu'bü mim peti ü, bi 'yanni:

—Ma Hmu ahe, hague guehya yü pa jabüya gui 'yøt'e din ja ma ts'ëdi zehëhü mahøn'a, dyü israelhu.

⁷ Bi dä'a ra Jesús:

—Hingui sä gui pähmbü nda'a ní pa xan zän ma Tahü da 'yøt'a 'be'a gätho da 'yøzehë. Hin ni 'bëfihü gui pähmbü. ⁸ Pe nu'bü bá ḥü rá Hogandähi Ojá, ne gam 'buhmbü, din ja ni ts'ëdihü. Ne nu'bü bin ja, gui xihmbü yü ja'i ua ra dähnini Jerusalén nanguecä, ne gätho ua ra häi Judea, nepü ra häi Samaria, ne gätho na ngüni ra ximhäi.

⁹ Nu'bü mi gua'a man ra Jesús bi mba mahëts'i. Nu yú 'bäihu bi nu nu'bü mi ndex mahëts'i. Ne n'da ra güi bi go'mi ne him bi

nu yá 'bäihu mahøn'a. ¹⁰ Ne mi 'bäpü, mi ndø'ts' mahëts'i, 'bex mi 'bähmbü yoho yám 'bëhni Ojá mahëts'i, i he yü t'axca pahni. ¹¹ Ne bi 'yëmbi:

—Nu'ahü gyü menguhü Galilea, hanja gní 'bähmbü ua ya ne gni ndøs'hü mahëts'i. Nu ra Jesús bi ndex ua guí 'bähmbü, ne tengutho bü á ndets'e, ngutho 'bü bá cäh mahøn'a, ne guet'a ra Jesús a.

Bi thahn'na ra Matías rám ponuira Judas

¹² Nu yú 'bäihu ra Jesús bi nexpü ja ra nyuni Olivos buya, bi mba bü ra hnini Jerusalén, ne hinga yatho, ndehnini. ¹³ Ne nu'bü mi yärpü ja ra hnini bi ndexpü n'da ra cuarto magäts'i guepü i 'bü'ü. Gue'ü i 'büpü ü, ra Pedro, ne ra Xuua, ne ra Jacobo, ne ra Andrés, ne ra Felipe, ne ra Tomás, ne ra Bartolomé, ne ra Mateo, ne ra Jacobo rá ts'ünt'ü ra Alfeo, ne ra Simón gue t'ëmbi ra Zelote, ne ra Judas rán 'yohü ra Jacobo. ¹⁴ Gätho ya 'darpu bim peti ne zäi min yähu Ojá. Ne bi zöpü 'da yü xisu ne ra María rá mbe ra Jesús, ne'ü yán 'yohü ra Jesús.

¹⁵ 'Darpü madím peti ü n'da ciënto ne 'däte njä'i. Ne nu'ü yü pa'ü bi ndants'a ra Pedro ne bi 'yëna:

¹⁶ —Ma cu ahü nangue ra Cristo, nu rá Hogandähi Ojá maya'bü bi jap'a ra David da 'yo't' ra sōcuq, ne bi ma 'be'a da 'yøt' ra Judas, nguetho mí pä Ojá 'be'a da 'yøt'a. Gue'a ra Judas ngue bi dä'a ra Jesús nu'bü mi fënt'i. Ne gue'a bin ja nguetho gätho 'be'a mán t'o't'i bü rám hman Ojá din ja. ¹⁷ 'Dat'a ra 'bëfi dá øthe ra Judas nguetho ra Jesús bi huahn'na ra Judas tengu bü á huancähe. ¹⁸ Ne bi thän'a n'da ra häi nangue'a í mbä'a ra Jesús. Nu'bü mi zohäi ra Judas, bi nyepü häi, ne bi foh rá foho, ne bi böni gätho yü xëfo. ¹⁹ Gätho yü ja'i mi 'büpü Jerusalén bi 'yøde 'be'a bin ja. Jananjabü bi mba ma hutí ra häi ngue yü nde'ü, Aceldama, gue nde da ma bim fäm bü ra ji. ²⁰ Nguetho nt'o't'i bü ja rá sōcuq ra Salmos:
Din häitho ra häi
ne njon dim 'büpü,
ne nt'o't'i ngue n'dan'yo da hyän rá 'bëfi mi ja xtá 'yøt'a.

²¹ Janangue'a jatho ga huahndü a dam pëhmbe. Jatho ga huahndü n'da rám ponuira Judas, gue'a n'da madí hyünje gätho yü

pa mí 'bəhmbe ra Hmu, ra Jesús. ²² Né ga huahndu n'da bi nu 'bə mi xixyāba ra Jesús a ra Xuua, né madí hyenje gätho yə pa dám 'bəhmbe ra Jesús, gue'bə go mí mba mahəts'i, bi nu, nguetho n'dat'a ga mamhbe ngue bi ndants' mahən'a ra Jesús 'bə mi du, bi 'yēn'a ra Pedro.

²³ Né nubuya bi ndənba yá thuhu to'o da thahni, gue yoho yán 'yohu bi hndəni. Nu'a n'da ra José Barsabás né í Justo, né nu'a man'da ra Matías. ²⁴ Né nu'u yə ja'i bin yəqəra Hmu bəya, né bi 'yēna:

—Ma Hmu ahe, guí párpa yá mbəi gätho, dami 'yurcahe ya yoho nda'a xcá huahni. ²⁵ Nu'a ga comhbe ra 'bəfi ngue ma 'bäigähe ra Jesucristo, ngue'a xtá 'yøt'a ra Judas. Nguetho xí 'uepu ja rá 'bəfi nangue rá ts'oqui, bi mba da nu'a rán säui da nu, bi 'yēm 'bə min yəqə Ojə.

²⁶ Nu yə 'yēc'yēi bəya bi 'yøt'e tengu'bə n'da ran təha, ngue nde da bə'ə nda'a bi nde Ojə. Bi bəni gue gue'a ra Matías. Né nu yə 'yēc'yēi bəya bi huanh ra Matías, né bi gomhbə yə 'bəfi u 'də'ma'da yá 'bäihə ra Cristo.

2

Bi zəh rá Hogandəhi Ojə

¹ Pə guexta'a di thoqui dim peti gätho yə 'yēc'yēi, din ja'a mí tø'mi, gue bá pənh Ojə a rá Hogandəhi, né bin theui n'da ra dəmpeti mí sənba Ojə u yə israel, t'əmbi Pentecostés.

² Dahmantho bi zəphu di hí, tengu'bə n'da ra ndənthi gue bí 'yēh mahəts'i a. Né nu'a ní hí bə, bi yus'pə ja ra ngu guepə mi hu'u. ³ Bi nequi tengu yə t'əsibi né 'da'i ts'ə bi zox yá yə ja'i n'da ngu n'da u mi 'bəpə. ⁴ Ngu n'da ngu n'da mi 'bəpə, gätho bin t'un rá Hogandəhi Ojə, né bi hət ra ts'ədi xən ho u. Né bi mbədi 'dahma 'dan'yo bə án yə'ə n'da ngu n'da'u nangue rá ts'ədi rá Hogandəhi Ojə in 'yohu.

⁵ Né nu'u yə pa'u bi zəm bə Jerusalén u yə judío, da 'yøt'a ra dəmpeti mí xi Ojə maya'bə, ngue bá nexpə gätho yə häi ua ja ra ximhäi. ⁶ Né nu'bə mi 'yø'a di hí u yə ja'i, bim peti bə, né n'da ngu n'da u bi zo'u yə 'yēc'yēi nangue yá ndesə, né him bi zä bi bəni ha bin ja. ⁷ Né bi hyonya thohu né him bi bədi 'bə'a nam bəni, né bin 'yēmb zəhə u:

—Hague án zä bin ja bə, bin 'yēmp'ə. Ha hinga gue'u yə məngu bə Galilea gätho i yə ua ya. ⁸ Hanja sā i sijə ma ndesəhə n'da ngu n'dajə. ⁹ Né nujə n'da'a n'danni bá nəxhə, né 'dajə, 'bə'i 'da bá nexpə Partia, nəpə Media, nəpə Elam, nəpə Mesopotamia, nəpə Judea, nəpə Capadocia, nəpə Ponto, nəpə ra häi Asia. ¹⁰ Nəpə Frigia, nəpə Panfilia, nəpə ra häi Egipto, nəpə ra häi Africa jom bə Cirene. Né nu'u mi'da yə romanos u, madague'bə gätho yə judío u, né nu mi'da u gue əc'yēi tengugahə dyə judiohə, né 'bəh mi'da bá nexpə Creta, nəpə Arabia. ¹¹ Né dí øhmbə i mam ma ndehə nangue yán t'øt'e gue i øt' rá ts'ədi Ojə, bin 'yēmp'ə.

¹² Né gätho madi hyonya thohu, né hingui pədi 'bə'a da bəni. Né n'da ngu n'da bi mənse u:

—'Bə'a ní mba na in ja ya.

¹³ Pə nu'u mi'da bi ma:

—Iti u:

Bizoh yə jq'i ra Pedro

¹⁴ Né nu ra Pedro bəya 'darpə mí 'bähmbə u mi 'də'ma'da yá 'bäihə ra Cristo, né nts'ədi bin yə, bi 'yēna:

—N'yohu ahə dyə judiohə ne gätho ahə guí 'bəhmbə ua Jerusalén, dami 'yøhmbə xən ho 'bə'a ga xi ahə ya. ¹⁵ Nuje hin dí ətihe tengu guím bəmhə, nguetho ja gəto ya. ¹⁶ Pə nuna guehna gue bin ja ya, gue'a bi man ra Joel rá pəngahyə Ojə, bi 'yēna:

¹⁷ Din ja bə n'da ra pa ba əhə, ən Ojə, gue ga pən'nahə ma Hogandəhi gätho nangu yə ja'i 'bəcua ja ra ximhäi. Né nu'u ni ts'ənt'əhə ne ni t'ixuhə dim pəngahyə. Né ni ts'ənt'əhə da nu'u yən t'uti tengu yə t'j ne ni dəc'yēlə da 'uј yə t'j.

¹⁸ Nu'bə bin ja, nu'u ma 'yēhə, yən 'yohu né yə xisu, ga pənpə ma Hogandəhi u, né dim pəngahyə nanguecā. ¹⁹ Né ga uh yə hməpya bə magəts'i, nəpə ja ra häi, yə hməpya ra ji, né ra sibi né ra 'bifi.

²⁰ Né nu'a ra hyadi ya hin din ja rán nequi, né ra zəna xtan theni tengu ra ji. M'bət'o nja bə din ja, m'bəjua da zən ra pa dua əh ra Hmu mahəts'i, né nu'a ra pa a, nujxtē thohu né nts'utho 'bə'a din ja.

²¹ Ne nu'a ra pa dua ɿhe, din ja gue hønt'a to'o xí mba't'a ra Hmu da yan Oja a. Ngubu bi 'yo't'a ra Joel 'bø maya'bø, bi 'yøn'a ra Pedro.

²² Nu ra Pedro xø bi 'yømp'ø mahøn'a:

—N'yohø ahø dyø israelhø, dami 'yøhmbø ma nde. Dím mangä nangue ra Jesús ra mengu Nazaret. Oja bi japi ngue bi 'yøt' yan t'øt'e nuijte nangue rá ts'edi Oja, ne yø hyonya nt'øt'e, ne yø hmøpya, guepø da zä gui pøhmbø ngue Oja bi ze'a. ²³ Ne maya'bø Oja mi pødi 'be'a gá 'yørpahø rá Ts'ønt'ø. Ne Oja mi sànni gue gá cuathø bø ja n'da ra pont'i nangue yø 'yø yø tonto, ne gá hyohø.

²⁴ Pe nu'a Oja bi xox 'bø mí du, ne bi hyacua ran døte, nguetho hin'yø rá ts'edi ran døte xtán zä xtán zäm'ma ra Jesús. ²⁵ Nguetho bi man ra David gue 'be'a da nu ra Jesús, 'bø mí 'yøna:

Nugä thocua thoho dí nugä Oja bø ja ma hmi. Ne di 'dac ra ts'edi, janangue'a njon da zä di 'uegagui.

²⁶ Janangue'a i hu ma mbøi, ne dadín johya 'bø dím mangä nangue'a.

Ne nu'bø din sønya ma ja'i bø ja ran 'yägui, dí tøp'ma ran ho da t'ørcagui.

²⁷ Nguetho hin gui hyegä ma te da gopø guepø o'ø xøn du,

Ne hin gui japi da 'ya ma ngøc'yøi, guecä, ni Hoga t'øhnigui.

²⁸ Ne gá 'yurqui 'bøpø dám 'bøhmi mazäi mahøn'a,

ne nu'i gui jaqui ngue din ja ran johya ma mbøi nu'bø dá nut'a ni hmi,

bi 'yøn ra Pedro tengu bi man ra David.

²⁹ Ne xø bi 'yøn'a ra Pedro:

—N'yohø ahø, da zä ga xi ahø majuqni nangue ma ngarpa mbombøtahø ra David mi 'bøi maya'bø, him bi mansø nanguesø 'be'a da t'ørpe, nguetho bi du, ne guexta'a i o bø rán 'yägui i ja ua dí 'bøhmbø. ³⁰ Pe nu ra David bim pøngahyø 'bø mí man na, ne mí pødi majuqni 'be'a bi xi'a Oja, gue n'da rám bom'bøto ra David din ts'ønt'abi nangue yø israel tengu ra David, ne guehna ra Cristo na. ³¹ Ne mi pøh ra David 'be'a din ja, janangue'a bi ma nangue da ndants' mahøn'a ra Cristo, ne hin da ts'opø nidu rá te, ne xín da 'ya rá ngøc'yøi a. ³² Nguehna ra Jesús, Oja bi xox 'bø mi du, ne nu'a dí

pøhmbø majuqni gätho gahe, ne dí mamhbe nguetho dá nuhe 'be'a bi t'ørpe. ³³ Oja bi xots'i ne bi zixpø ja rá ts'edi, ne bi un'na rá Hogandähi tengu xí man Oja, janangue'a bi 'dacähe bøya. Gue'a rá Hogandähi i øt'e 'be'a gätho guín nuhø ya, ne guí øhmbø ya.

³⁴ Nguetho ra David him bi ndex mahøts'i, pe gue'a im mansø a:

Nu'a ra Hmu bi xi'a ma Hmu:
“Dami hyucua ja ma ts'edi,

³⁵ asta gue'bø ga tøhui man søui,”
bi 'yøn'a ra David, bi 'yøn'a ra Pedro.

³⁶ Ne xø bi 'yøna:

—Gätho ahø ma mi israel ahø, gui pøhmbø ya majuqni bi jap Oja dim hmu a gá cuathø bø ja ra pont'i, ne guehna ra Jesús, ne gui pøhmbø gue bi huan Oja a, bi 'yøn'a ra Pedro.

³⁷ Nu'bø mi 'yøh yø ja'i 'be'a bi man'a ra Pedro, emme bi du yø mbøi, 'bø mí 'yøde gue rá Ts'ønt'ø Oja a xí hyo. Ne bi t'än'na ra Pedro ne yán 'yohø:

—Man 'yohø ahø, 'be'a da zä ga øthe ya, en'ø.

³⁸ Nu ra Pedro bi døti:

—Gui päh nin 'yomfønihø nangue ran ts'o, ne gan xixyøhø n'da ngu n'da ahø nangue rá thuhu ra Jesucristo. Ne din ja ra punbi ni ts'oquihø, ne di 'da ahø rá Hogandähi Oja. ³⁹ Nguetho bi man Oja di 'da ahø ran t'unni gue'a rá Hogandähi Oja, ne ni t'øhnihø din t'unni, ne gätho ø hønbø go hapø i 'bøi din t'unni, gue hønt'a go to'o da zohn'na Oja ra Hmu, bi 'yøn'a ra Pedro.

⁴⁰ Ne nu ra Pedro man'da xøn ngu bi xifi ne bi hecui, ne bi 'yømbø:

—Damin yamhø nangue'a ran ønbi da nu'ø yø ts'om'bøi i 'bøcua ya, bi 'yøn'a ra Pedro.

⁴¹ Ne gätho to'o bi 'yømanho a bi man ra Pedro bi mba ma xixyøbi. Nu ra pa gue bi man ra Pedro, mbe hyu mahuøhi yø ja'i bi 'yøc'yøi. ⁴² Ne nu'ø bi thocta'a bi xønba yø 'bøihø ra Cristo ø, ne bi hyu yø mbøi nguetho 'da'angu im bøni. Ne thocua thoho bim pøti gue din yøhø Oja, ne da zi ra xøcahmø, ngue bi bøn rán døte ra Hmu.

Yøm 'bøi ø mbødi bi 'yøc'yøi

⁴³ Gätho yø ja'i bi numansu Oja ne emme bi hyonya thoho 'be'a bin ja nangue yøn

t'ot'e nuijxte ne ya hmepya bi 'yøt' yá 'bäihu ra Cristo. ⁴⁴ Ne gätho gue bi 'yøc'yøi n'dat'a in numanho n'da ngu n'da, ne nu'a 'be'a mí pe'ts'i n'da ngu n'da, 'da nan gomthoho. ⁴⁵ Ne nu'bø n'da mí honi 'be'a madí 'bedi, nu'a man'da bøya bi mbä 'be'a mí pe'ts'i, bi un'na bøya. ⁴⁶ Ne mpa 'bø mpa 'bø madím peti bø ja ra dñijä. Ne nu'bø xøn sihme, bin sänbi bi mba bø ja yá ngu yá mi'yøc'yøihø, ne bin johya yá mbøi, ne 'dat'a im bøni. ⁴⁷ Ne bi 'yøspa Ojø, ne bi hnumansu ø nangue gätho yø ja'i. Ne nu Ojø bi japi n'dapa ngu n'dapa i curpu ja rá ts'edi mi'da yø ja'i, gue bi zin'ø.

3

Bi zä ra dogua

¹ N'da ra pa 'bø hyunde, gue'a ra ora 'bø nzai mí yøhø Ojø yø ja'i, bi mba bø ra dñijä ra Pedro ne ra Xuua. ² Mi 'bøpø n'da ran 'yøhø ra dogua gue'bø go mim 'bøi. Ne nzai bi thuxpø ja rá goxthi ra dñijä. Nu ra goxthi t'ømbi mahotho. Nu ran 'yøhø da 'yäp yøn t'unni yø ja'i i thopø mbo. ³ Nuna, nu'bø min nu ra Pedro ne'a ra Xuua ní mba bø ja ra dñijä, bi 'yäp ran t'unni. ⁴ Nu ra Pedro n'youi ra Xuua, nu'bø min nu i hupø, bi 'yømbi:

—Hyandgä'be.

⁵ Nu ra dogua bi hyant'ø, mi tø'mi da hyøni 'be'a di un'dø. ⁶ Pe nu ra Pedro bi 'yømbi:

—Xíng ra t'axi xíng ra c'axt'i dí hægä, pe nu'a i jagui dadí 'da'a'i. Nangue rá ts'edi ra Jesucristo mëngu bø Nazaret, damí ndants'i ne gan 'yo, bi 'yømbi.

⁷ Nu ra Pedro bi bøntpa rán 'yøi, bi xots'i. 'Bex bin häts'edi rá gua, ne rá hyudi xøngua. ⁸ Ne n'da sägui thoho bi 'yøt' 'bø mi ndants'i ne bin 'yo. Ne'a bi yøtha bø ja ra dñijä, sägui ne 'yo, ne 'yøspa Ojø. ⁹ Gätho yø ja'i bi nu ran 'yøhø ngue bin 'yo ne bi 'yøspa Ojø. ¹⁰ Ne mi pødi gue nu'a mi hupø ja ra goxthi mahotho bø ja ra dñijä mi äh ra mbøti. Ne gätho bi hyonya thoho 'be'a bin ja ran 'yøhø.

Nu ra Pedro im mam bø ja ra ngun'yu t'ømbi Salomón

¹¹ Nu'a mi dogua hingui nde da hyø'a ra Pedro ne ra Xuua, ne bá 'øpø xøn ngu yø ja'i guepø ja ra ngun'yu mi 'bä ø, t'ømbi

Salomón, ne madí hyonya tho'ø. ¹² Nu'bø mí hyant'ø yø ja'i a ra Pedro, bi 'yømbi:

—N'yøhø ahø dyø israelhø, hanja gadí hyonya thohø nanguehna ra dogua, ne hanja gní hyandga'be. Ha guí 'ømhø gue ma ts'edise'be ne man hose'be gue xtá jap'be bin 'yo na. ¹³ Hin'na maha, pe ga xi ahø hague bin ja. N'dat'a Ojø gue mí 'yøspa mam bombøtahø ra Abraham ne ra Isaac ne ra Jacob, bi zixpø mahëts'i a rá Ts'unt'ø, ne bi un rá ts'edi. N'dat'a ra Jesús gue gá dähu bø ja rá hmi ra Pilato ne gá cømhø bø. Nu ra Pilato mim ma xtá mba nthegui. ¹⁴ Pe nu'ehø gá cømhø n'da xøn ho, ne gue'a rá Thahni Ojø a. Ne gá 'yähmbø n'da ra hyodu da soc'ahø. ¹⁵ Ne gá mamhø gue da mba ntho ra Hmu gue di un ra te. Pe Ojø bi xoxpø 'bø'ø xøn du, gue'a dá nuhe ne dadín juanhde. ¹⁶ Bi zä na ran 'yøhø nguetho bi 'yøc'yøi ra Jesús. Ne guehna ran 'yøhø guín nuhø ya, ne guí pøhmbø to'o na.

¹⁷ Pe nuya, n'yøhø ahø, dí pøcä ngue hin gmí pøhmbø 'be'a xcá 'yøthø 'bø gmí hyohø ra Jesús, ne ximangutho ni ngørpøhø. ¹⁸ Pe Ojø bi japi bin ja 'be'a gätho bi ma maya'bø, gue bi man yø pøngahyø nangue ran unbi bi nu ra Cristo rá Thahni Ojø. ¹⁹ Janangue'a nuya, damí päh nin 'yomfønihø ne gui däp ni mbøihø Ojø. Ne nu Ojø bøya da zä da duc'a ni ts'equihø ne di 'da ahø ran johya ni mbøihø. ²⁰ Ne nu Ojø ba penhua mahøn'a ra Jesús ne gue'a ra Cristo xa ts'anni di jacuahø. ²¹ Nu ra Jesús jatho da gopø mahëts'i jague'bø da zøn ra pa da mba ma hoqui gätho ua ja ra ximhäi, tengu bi man Ojø maya'bø, nangue yá nde yá hoga pøngahyø. ²² Pe bi 'yønsø a ra Moisés: "Nu'a ra Hmu ma Ojøhø, da zännä n'da rám 'bøhni ngue gue'a nin 'yøhøhø tengugä. Damí 'yøhmbø 'be'a gätho da man'a. ²³ Ne din ja, hønt'a go to'o má ja'i hin da 'yømanho a, da mba ma 'ueque nangue yá t'øhni Ojø, ne da mba ma 'bøpi rá te," bi 'yøn'a ra Moisés.

²⁴ Ne majuqni, gätho bi man yá pøngahyø Ojø gue'bø mí man ra Samuel ne gätho mi'da yø pøngahyø m'bøjua mí 'bøi, gätho bi ma 'be'a gätho da 'yøt' Ojø, ne gue'ø dí nuhø yø pa jabøya. ²⁵ Guejø dyøm bom'bøtojø yá pøngahyø Ojø, ne ndejø Ojø ga comhbø rán hogui bi 'yørpa ma ngørpa bøtahø nu'bø

mi t'ɛmp'a ra Abraham: "Nangue n'da nim bom'beto dim 'bəh niya'bə, dí mba ma japi gätho yə ja 'i guecua ja ra häi," bi t'ɛmp'a. ²⁶ Janangue'a nu'bə mi xoxa Ojə a rá Ts'ənt'ə gue bi du, m'bət'o thoho bá pənhua dí 'bəhmbə, ngue nde di 'uegahə n'da ngu n'dajə nangue ma ts'oquihə, bi 'yən'a ra Pedro.

4

Pa ma juqnbı ra Pedro ne ra Xuua

¹ Nu'bə mi xänba yə ja'i ra Pedro ne ra Xuua, bá əh yə mbäjə nə yə hmu bə ja rá dənijə yə judío, ne yə saduceos. ² Nu'ə ɛmmə bin cue ə, nguetho bi xänba yə ja'i gue bi ndants'a ra Jesús bə 'bə'ə xən du. ³ Nu'ə bi bənt'a ra Pedro ne ra Xuua, ne bi got'a fädi, jague'bə mi hyats'i bi juqnbı, nguetho xən de 'bə mi got'i. ⁴ Pe xən ngu ə xí 'yəh ram hma bi ma, bi 'yəc'yəi. Mbe í jua'i cət'a mahuəhi yən 'yohə ngue bi 'yəc'yəi.

⁵ Nu'bə mi hyats'i bim peti bə Jerusalén yə ngurpa mbäjə nə yə dəc'yəi ne yə xänbate njə. ⁶ Mi 'bəpə ra Anás ra dəmbäjə a, ne ra Caifás, ne ra Xuua, ne ra Alejandro, ne gätho mi'da yá meni ra dəmbäjə, bim peti ngue di juqnbı ra Pedro ne ra Xuua. ⁷ Ne bi manda da ts'ispa ra Pedro ne ra Xuua, ne bim 'bəpə ja yá hmi ne bi 'yənni:

—'Bə'a má ts'ədi o gue to'o rán t'ədi ngue xcá 'yət'ui na.

⁸ Nu ra Pedro bəya n'youi xən ngu rá ts'ədi rá Hogandəhi Ojə, bi 'yəmbi:

—Gyá ngurpihə yə ja'i ne gyə dəc'yəihə dyə ja'i israelhə. ⁹ Ha guí ängahə nam pa ya nangue ran ho bi t'ərpa na ran 'yohə, ne hague nja bi zä na ran 'yohə ngue mi ə. ¹⁰ Nu'bə majuəni guí ängahə, gui 'yəhmbə ya, ne gätho ma mi'israelhə, ngue nangue rá ts'ədi ra Jesucristo, gue'a í zä ín 'yo na ran 'yohə ya. Gue'a ra Jesús ra məngu bə Nazaret, gue gá cuathə bə ja ra pont'i, ne nu Ojə bi xoxpə 'bə'ə xən du. ¹¹ Guehna ra Jesús hin gá nde gá pəhmbə, ngue tengu'bə gyə gədohə gá samhbə n'da ra do. Pe nuya Ojə bi japi ngue tengu'bə n'da ra do man'da mahyonidə bə pa nthøe ra ngujədo. ¹² Njo'o man'da da zä di pə'a n'da hinda hənt'a ra Jesús. Nguetho him bi zän Ojə man'da ra

ts'ədi ua ja ra ximhäi gue da zä di pəja, hinda hənt'a ra Jesús, bi 'yən'a ra Pedro.

¹³ Ne madi hyonya thoho ə yə juqnbate 'bə mí bədi him bi zu din yəhə ra Pedro ne ra Xuua, gue mí pədi him bin xädi. Pe bi bəm bəya, bin 'yohə ra Jesús ra Pedro ne ra Xuua. ¹⁴ Ne nu'bə min nu ran 'yohə xí zä gue mi 'bəhmbə ə, hin'yə 'bə'a man'da sääda xifi. ¹⁵ Ne bi mbəhn bə thi ə yoho n'da zə ora, ngue nde din 'yān'də 'bə'a da zä da 'yərpe. ¹⁶ Ne bin 'yān'də:

—'Bə'a sää ga Øthə nangue yən 'yohə, nguetho majuəni n'da ran t'ət'e nujxte bi 'yət'ə. Ne gätho 'bəcua Jerusalén i pədi, hingui sää ga cəmhəbə. ¹⁷ Pe guehma nde'bə ga səhmbə n'dahma njon da xifi nangue ra Jesús, gue him man'da di thoc ram hma bə 'bəh yə ja'i, bi 'yən'ə.

¹⁸ Bi zohn mahən'a ə, bi xih pəya, gue him man'dandı da ma, xín da xänba yə ja'i nangue ra Jesús. ¹⁹ Bi dəh ra Pedro ne ra Xuua, bi 'yəmbi:

—'Bə'a go guím bənsəhə ngue i nde Ojə ga Øt'be, ha gue'a guím mamhbə o gue'a man Ojə a ga Øt'be. ²⁰ Nguetho jatho ga mamhbe 'bə'a xtá nuhe ne 'bə'a xtá Øhmbe, bi 'yən'ə.

²¹ Nu'bə man'da mi dəmhyə ə, bi hyəgui nguetho him mi təni 'bə'a dí ənba ə. Nu'ə i supi din cue yə ja'i 'bə'ə xtí ənba ra Pedro ne ra Xuua, nguetho gätho yə ja'i mí ɛspa Ojə nangue'a xín ja. ²² Nguetho nu ran 'yohə mi ponga nyote njeya mi pe'ts'i, ngue bi t'ərpa ran t'ət'e nujxte, gue bi zä.

Nu yə 'yəc'yəi bi 'yäp Ojə hin din su

²³ Nu'bə mi thəh ra Pedro ne ra Xuua, bá ɛpə guepə mi 'bəh yə 'yəc'yəi. Ne bi xifi gätho xí xi'ə yə mbäjə nə yə dəc'yəi. ²⁴ Nu'ə, nu'bə mí 'yəde, bi zo Ojə, n'dat'a im bəni, ne bi 'yən'ə:

—Ma Ojə ahe, gue gra Hmu, gá 'yət' mahəts'i necua ja ra häi ne ra dejə ne gätho ə i jabə. ²⁵ Ne nu ní Hogandəhi bi bənba mam bombətahe ra David, ni 'yəhə, 'bə mí 'yəna: Hanja nín 'yo'ts'ə yə ja'i gue hingui ten'na Ojə,

ne im bən'ə gue him majuəni.

²⁶ Yá hmuts'ət'abi yə häi ya bi də'mi bi zä bi

dəmp' ra səi.

Ne yə ts'ət'abi bim peti

din s̄ehmb̄a ra Hmu Oja n̄e ra Cristo rá Thahni Oja,
bi 'ȳen'a ra David.

²⁷ Nguetho majuqani bim peti ua ja ra hnini ra Herodes, n̄e ra Poncio Pilato, n̄e ȳa j̄a'i ngue hing ȳa judío, n̄e ma mi'israelhe, n̄e bi z̄h ni hoga Ts'unt̄a Jesús, gue'a gá huahni. ²⁸ Nu' u bi 'ȳot' u gätho 'be'a xcá sān mam'b̄et'o gue bin ja. ²⁹ Nuya ma Hmu ahe, damí nu' u gue nde di unje, n̄e damí 'daje ni ts'edi, ni 'ȳehgähe, ga huthe ran zamb̄ai ga mamhbe nim hma. ³⁰ N̄e ga uthe ȳa j̄a'i ni ts'edi gue da zä' u ȳan zäman' u. N̄e gui 'yut ȳan t'ot'e nuixte n̄e ȳa hm̄epya nangue ni Hoga ts'unt̄a ra Jesús, bi 'ȳem 'b̄u min ȳah Oja u.

³¹ N̄e nu'b̄u mí jua'a bin ȳah Oja, nu ra ngu guep̄a xím peti bin huqani, n̄e gätho u man'da bi hyä ȳa ts'edi nangue rá Hogandähi Oja. N̄e gätho ȳa 'ȳec'ȳei bi hyut'an zamb̄ai, bi mamp'a rám hman Oja.

Bi gohmi 'be'a gätho mi ja

³² Gätho ȳa 'ȳec'ȳei i 'b̄ai tengu n'danjä'i tho, 'dat'a i ot'e, 'dat'a im b̄eni. Xínga n'da bi ma gue jase ȳa mb̄eti, n̄e gätho 'be'a mi ja mi cohmi. ³³ N̄e nu ȳa 'bäihu ra Cristo, nu'b̄u mí thoqui bi ma gue bi ndants'a ra Hmu Jesús 'b̄u mi du, n̄e bi jap Oja bin ja rá ts'edi ȳam hma, n̄e x̄an ngu rá mate Oja bin t'un'ndu n'da ngu n'da u. ³⁴ Gätho ȳa 'ȳec'ȳei nte madi 'b̄edi 'be'a gätho mi honi, nguetho x̄an ngu bi mbä ȳa häi o gue ȳa ngu mí ja, n̄e bi un ra mb̄eti ȳa 'bäihu ra Cristo. ³⁵ N̄e nu'u bi darpa u to'o di 'be a da hyoni. ³⁶ N̄e gue'a bi 'ȳot'a n'da ra 'ȳec'ȳei, ra José na, ra mengu Chipre, rá ȳa ra Leví, pe nu'u ȳa 'bäihu ra Cristo bi zänba man'da rá thuhu gue dí Bernabé, nde da ma i hurpa rá mb̄ai n'da. ³⁷ N̄e gue'a bi 'ȳot'e, bi mbä n'da rá huqhi mi ja, n̄e bá h̄a ra mb̄eti, n̄e bi dä b̄u 'b̄ah ȳa 'bäihu ra Cristo, ngue di un'du nte mi ja.

5

Rá ts'oqui ra Ananías ne ra Safira

¹ Pe nu'a man'da ra 'ȳec'ȳei í Ananías mi 'b̄ap̄a, n̄e rá xisu, bi mbä ȳa häi. Nu'a rá xisu ra Safira a. ² N̄e bi ḡon'i ts' u ra mb̄eti n̄e 'dat'a bi b̄e mmi rá xisu. N̄e bá h̄ac made ra

mb̄eti, bi gäp̄a 'b̄u u ȳa 'bäihu ra Cristo. ³ Pe nu ra Pedro bi 'ȳemp'a:

—Nu'i grá Ananías, hanja guí c̄a't' ni mb̄ai ra z̄ithu, ra Satanás, gue di 'b̄ep'i'i gui xih ra fēhni rá Hogandähi Oja, ngue gá hyäc'i ts' u ra mb̄eti gui p̄a ni häi. ⁴ Nu'b̄u hin xquí p̄a ni häi, ha hin xquí cohmi gue ni mb̄eti z̄ehé. N̄e nu'i gá p̄a ni häi, ha hinga gue ni 'b̄efizeh̄e xquí 'ȳot'e nangue ni mb̄eti. Hanja ngub̄u guím b̄eni. Hinga gue'u ȳan 'yohu gá xih ra fēhni, p̄egue Oja gá xih ra fēhni, bi 'ȳen'a ra Pedro.

⁵ N̄e nu'b̄u mí 'ȳo'a ra Ananías 'b̄e'a bi man'a ra Pedro, 'bex bi du. N̄e gätho to'o bi 'ȳode nangue'a emm̄e bin ja ra mbidi ȳa mb̄ai u. ⁶ Nu'u ȳan 'yohu mi 'b̄ap̄u bi ndants'i, bi mbant'a ra á anima Ananías, bi duts'i, bi 'yägui.

⁷ N̄e nu'b̄u mi tho'i ts' u nhuy ora, bi z̄oh ra Safira, rá xisu ra Ananías, n̄e him mi p̄adi 'b̄e'a bi thogui. ⁸ Nu ra Pedro bi 'ȳan'n'a ra xisu:

—Xiqui hangu guí p̄aui ni häi, tengu man ni ndø, bi 'ȳen'a ra Pedro.

—Häha ngub̄u rá muui, bi 'ȳenthro ra Safira.

⁹ Nu ra Pedro bi 'ȳemp'a b̄uya:

—Hanja 'dat'a gá b̄emmi, hanja sā gá c̄on rá Hogandähi Oja. Nuya 'bäcua ja ra goxthi u gue bá äc'a ni ndø, n̄e'e da dux'a ya, bi 'ȳembi.

¹⁰ N̄e 'bex bi ȳorp̄a ja rá gua ra Pedro, n̄e bi du. Bi ȳut' u ȳan 'yohu, bi nu, ya xí du, n̄e bi duts'i, n̄e bi 'yägui, 'darpa thoho bi 'youi rá ndø. ¹¹ N̄e emm̄e bi mbidi gätho u ȳa 'ȳec'ȳei, n̄e'u gätho mi'da bi 'ȳode bi mbidi.

X̄an ngu ȳan t'ot'e nuixte bi 'ȳot' ȳa 'bäihu ra Cristo

¹² X̄an ngu ȳa hm̄epya, n̄e ȳan t'ot'e nuixte bi 'ȳot' ȳa 'bäihu ra Cristo b̄u 'b̄ah ȳa ja'i. N̄e gätho madim peti b̄u ja ra däñijä guep̄a t'ëmbi rá ngun'yu ra Salomón, n̄e 'dat'a im b̄en'u. ¹³ N̄e nu'u mi'da u gue hingui ëc'ȳei, bi zu din uqns'h u ȳa 'ȳec'ȳei, n̄e bi hnumansu ȳa 'ȳec'ȳei. ¹⁴ Pe man'da man'da x̄an ngu bi 'ȳec'ȳei ra Hmu, ȳan 'yohu n̄e ȳa xisu. ¹⁵ N̄e nangue bi 'ȳot' ȳan t'ot'e nuixte ȳa 'bäihu ra Cristo, jananjabu i ts'op̄a ja 'yu ȳa hyënni guep̄a da tho'u, i oxp̄a ja ȳa 'tots'i n̄e ȳa f̄di. N̄e nu'b̄u da thop̄a rá xudi ra Pedro da yaní.

¹⁶ Nε xən ngu bi bøm bə ja yə hnini guepa hän bə Jerusalén, bi mba bə Jerusalén, bi zix'ə yən zäman'ə, nə'ə min 'yohə yə zjthu. Gätho bi zä.

Ra Pedro ne ra Xuua bi hnuman'ə

¹⁷ Janangue'a yə dämbäjä nε gätho min 'yohə, nu'ə ɛmbi yə saduceos, ɛmme bin ja yən ts'əya yə mbəi ə. ¹⁸ Janangue'a bi bent'ə yə 'bäihə ra Cristo ne bi got'a fädi. ¹⁹ Pe nu'a n'da ram 'bəhni bí 'yəh mahəts'i 'bə min xui, bi xocua ra jut'i yə ofädi ne bi zixpə thi. Nε bi xifi:

²⁰ —Ní mba, damam 'bähmbə bə ja ra dənijə, dami xihmbə yə ja'i gätho nangue ram 'bəi ma'da'yo, bi 'yəna.

²¹ Nu'ə, nu'bə mí 'yøh na, bi yərpə ja ra dənijə 'bə mi t'əxuditho, ne bi xənba yə ja'i.

Nε nu'bə mí peti yə hmumbäjä bə ja n'da ra ngu, nε'ə min 'yohə, ne madin zohni yə ngərpi ne yə dac'yəi yə israel, ne sə bi mbənpə fädi yə asmayo gue ba si yə 'bäihə ra Cristo. ²² Pe nu'bə mi zəm bə ja ra fädi yə asmayo, njom bi dəm bə ə. Bi mbeng mahən'a bə bí 'bəh yə hmumbäjä, ²³ ne bi 'yəmbi:

—Dá təm'be ra goxthi xə man thə't'i thoho ne yə mbädi mi 'bäpə thi ja ra goxthi. Nε nu'bə ma xoc'be, njo'o to'o dá təm'be bə mbo, bi 'yən'ə.

²⁴ Nε nu'bə mi 'yø'a rá hmu yə mbädi bə ja ra dənijə, ne yə hmumbäjä, bi hyonya thoho. ɛmme bi du yə mbəi: "Hapə maha nín se'a ət'ə," din 'yəmp'ə. ²⁵ 'Bex bi zən'a n'da, bi xifi:

—Nu'ə yən 'yohə gá cothə fädi bí 'bäpə ja ra dənijə ya, ne i xənba ə yə ja'i, bi t'əmp'ə.

²⁶ Nε bi mba rá hmu yə mbädi bəya, ne in 'yohə yə mbädi. Nε xə bá si yə 'bäihə ra Cristo, ne him bi ənbi, nguetho mí su xtí mba ma bat'ado. ²⁷ Nε nu'bə bá ts'i bə ja ra junta, bi 'yən yən t'ənni a ra hmumbäjä. Bi 'yəmp'ə:

²⁸ —Ha hin dá hec'ahə gue hin gui xənbahə yə ja'i nangue ra Jesús. Pe hin guí əhmbə 'bə'a dá mangähe. Nuya gätho yə ja'i 'bəcua Jerusalén i pah ram hma guí mamhbə. Ha guí ənje go ma ts'oquihe bi du ra Jesús.

²⁹ Nu'a ra Pedro ne'ə mi'da yən 'yohə bi dəti:

—Jatho ga øthe 'bə'a i xije Ojə xinda gue i xije yə ja'i. ³⁰ Nu Ojə gue bi dənde ma ngərpa bøtahə, bi xox'a ra Jesús, nu'a gue'a gá hyohə 'bə gmí cuathə bə ja ra za.

³¹ Pe Ojə bi zixpə bi gonhui rá ts'ədi, ngue dim hmu ne dim pørpate. Nε da japi di päh yə mbəi yə ja'i israel ne di punba yə ts'oqui. ³² Nε nugähe dí mamhbe majuəni nanguehna. Nε'a rá Hogandəhi Ojə im ma majuəni nanguehna. Nε nu Ojə bi un rá Hogandəhi to'o gätho bi 'yəc'yəi, gue da bəse gue majuəni a, bi 'yən'a ra Pedro.

³³ Nε nu'bə mí 'yø'ə hupə, ɛ mmə bi de ra cuə, ne min nde xtá hyo ə. ³⁴ Pe bi ndants'a n'da ran 'yohə mi hupə ja ra junta, nuna n'da ra fariseo rá thuhu ra Gamaliel. Gue'a n'da ra xənbate yən t'ədi yə judío. Nε gätho yə ja'i in numansu a. Nu'a bi manda da ts'ixpə thi n'da zə ora ə i pa ma juənbi. ³⁵ Nε bi 'yəna:

—N'yohə ahə, dyə israelhə, dami jamansu 'bə'a guí ərpahə ya yən 'yohə. ³⁶ Nguetho hin ə huə maya'bə bi ndants'a n'da ran 'yohə ra Teudas, mi əna mi jase rá ts'ədi. Nε xən ngu yə ja'i bi dənni, mbə goho ciento. Nε nte dá ərpahə pe bi tho, ne gätho mi tenni bin 'uəxt'i 'da'a n'danni bi mba. ³⁷ M'bəjua bəya, bi ndants' ra Judas ra məngu ra häi Galilea. Nu yə pa bin ja ra pede bin tet'i 'da yə ja'i. Pe ne'a bi mba ntho, ne gätho mi tenni bin 'uəxt'i. ³⁸ Janangue'a dí xi ahə, dami hyəhmbə ya yən 'yohə, nguetho nu'bə rá ts'ədi zəhə gue ra 'bəfi i ət'e, da mba ma juadi 'bə. ³⁹ Pe nu'bə rá 'bəfi Ojə i ət'e, hingui sə guí hecpahə. Nu'bə guí əna guí hecpahə, gan səhmbə Ojə 'bə, bi 'yən'a ra Gamaliel.

⁴⁰ Nu'ə, bi 'yømanho 'bə'a bi man ra Gamaliel, ne nu'bə mí xifi da yət'a mbo mahən'a yə 'bäihə ra Cristo, bi mba m'bei, ne bi xi'ə hin din xənbate nangue ra Jesús, ne bi hyətho bəya. ⁴¹ Nu'bə mí bøm bə ja ra junta ə, bin johya yə mbəi, nguetho ya bi nu ran ənbi nangue ra Jesús. ⁴² Nε xínga n'da ra pa mi ət'i gue him mi mamp'a ra hogam hma nangue ra Jesucristo, ne bi xənba yə ja'i nubə ja rá dənijə yə judío, ne pə ja yəngu.

Bi thahni yoto má 'yohu ngue dim fäxte

¹ Nu'ʉ yʉ pa ʉ man'da xən ngu bi 'yɛc'yεi. Nu'ʉ 'da bʉya gue i yaq ra griego, bi dʉ'mi bi zu'ʉ i yaq ra hebreo, i ɛna hingui pa ma peti xən ho ʉ 'da yú menguhʉ, gue yʉ xisu xən du yú ndø, gue'bʉ pa ma dat'i yən ts'ihmɛ n'da pa ngu n'da pa. ² Nu'ʉ 'dɛ'mayoho yú 'bäihʉ ra Cristo bi ma gue dim peti yʉ 'yɛc'yεi bʉya, ne bi xifi:

—Hingui sä yoho ga øt'ähe, hingui sä ga thoqui ga unhde yən ts'ihmɛ yʉ ja'i, nguetho jatho ga mamhbe rám Hman Ojə. ³ Janangue'a ma zu cu ahʉ nangue ra Cristo, dami huahndʉ 'da gue gue'ahʉ yoto yʉ hogan'yoħʉ gue i hä ra ts'edi xən ho nangue rá Hogandähi Ojə in 'yohu, ne xən ho yán 'yomfɛni, di darpa yán ts'ihmɛ yʉ ja'i ngue nte i ja. ⁴ Pe nugähe ga thoje dan yaqhe Ojə ne ga mamhbe rám Hman Ojə.

⁵ Ne gätho ʉ gue madi peti bʉ, bi 'yømanho ʉ 'bɛ'a bi man'ʉ yú 'bäihʉ ra Cristo. Ne bi than'na ra Esteban, n'da ran 'yohu ɛmmɛ ɛc'yεi xən ho ne in 'youi xən ho rá Hogandähi Ojə. Ne bi than'na ra Felipe, ne ra Prócoro, ne ra Nicanor, ne ra Timón, ne ra Parmenas, ne ra Nicolás, nu'a mí tenba yú t'ɛc'yεi yʉ judío 'bʉ hin ní 'yɛc'yεi ra Cristo, nu'a bá nexpʉ ja ra hnini Antioquia. ⁶ Ne gätho bi ts'ixpʉ 'bʉ yú 'bäihʉ ra Cristo. Ne nu'ʉ bi gäspa yú 'yε yá yaq ʉ bʉya, ne bin yaqhʉ Ojə ngue da mbæk'ʉ nangue ra 'bɛfi bin t'un'dʉ.

⁷ Ne man'da man'da bi hman rám hman Ojə, janangue'a man'da xən ngu yʉ ja'i bʉ Jerusalén bi 'yɛc'yεi. Ne'ʉ yʉ mbäjʉ bʉ ja yʉ nijə yʉ judío, xən ngu bi 'yɛc'yεi ne bi dənni.

Bifent'a ra Esteban

⁸ Nuna ra Esteban, xən ngu rám fäts'i Ojə bi unni ne rá ts'edi, ne bi 'yøt' yən t'øt'e nujxte ne yʉ hmepya nangue rá ts'edi Ojə bʉ 'bʉ yʉ ja'i. ⁹ Pe nu'ʉ 'da yən 'yohu bi dʉ'mi bin junthʉ ra Esteban, gue'ʉ i pa bʉ ja n'da rá nijə yʉ judío guepʉ i pa yʉ ja'i min 'yɛhε, ne'ʉ 'da yʉ mengu bʉ ra häi Cirene, nɛpʉ ja ra hnini Alejandría, nɛpʉ ja ra häi Cilicia, ne 'da yʉ mengu bʉ ra häi Asia, gätho bin junthʉ ra Esteban. ¹⁰ Pe him bi zä bi däp'a ra Esteban, nguetho xən ngu rán 'yomfɛni mijə, ngue mi yaq con rá ts'edi rá Hogandähi Ojə. ¹¹ Janangue'a nt'agui thoho bi 'bɛp'i

'da da man ra fehni, da 'yɛna: "Dá øhmbe a bi ma, bi c'qaman'ʉ ra Moisés gue bi 'dac man t'ɛdihi, ne bi c'qaman'ʉ Ojə," bi t'ɛmp'ʉ 'da. ¹² Bi parpa yʉ ja'i bʉya, ne yʉ dac'yεi, ne yʉ xänbate nijə, bi fent'a ra Esteban ne bi ts'ixpʉ bí ja ra junta nguepʉ i ja rán juänbate yʉ hmumbäjə. ¹³ Ne bi mba nthoni 'da da man yʉ fehni, ne bi 'yɛna:

—Hingui ε'ts'a ní c'qaman'ʉ na ra dənjə ne'ʉ yán t'ɛdi ra Moisés. ¹⁴ Nguetho dá øhmbe bi man na ran 'yohu, bi 'yɛna: "Nu ra Jesús ra mengu Nazaret da xo't' ra dənjə ne di päh yán t'øt'e gue bi xijʉ ra Moisés," bi 'yɛn na ra Esteban, sä bi 'yɛn'ʉ.

¹⁵ Gätho mi hupʉ ja ra junta bi hyand ra Esteban, ne bi nu ngue majuqni in 'youi xən ngu rá ts'edi Ojə.

7

Din juqn ra Esteban

¹ Nu'a ra dəmbäjə bi 'yán'na ra Esteban:

—Ha majuqni 'bɛ'a si'a ya.

² Nu ra Esteban bi dädi:

—N'yoħʉ ahʉ, gyʉ ta ahʉ, dami 'yøhmbʉ ya 'bʉ majuqni guecā dí øt'ä a i sicä. Nu'a Ojə nujxte thoho bin yaqi ma ngärpa bøtahʉ ra Abraham, nu'bʉ mí 'bʉpʉ Mesopotamia, ne hin ní mba bʉ ra häi Harán. ³ Ojə bi xifi: "Dami pøngua ni häi, ne gui socua ni məni, ne gua ɛpʉ n'da ra häi ga ut'a'i," bi 'yɛmbi. ⁴ Janangue'a bi bøm bʉ ra häi Mesopotamia, ne i t'ɛmbi Caldea, ne bim 'bʉpʉ ra häi Harán. Nu'bʉ ya bi du rá ta, bi nexpʉ Harán ne Ojə bá si ua ja ra häi dí 'bʉhmbʉ ya. ⁵ Pe nu ra Abraham hinga gue'a ra ora bi xi Ojə di un'na ra häi, xíngə n'da xəqui da ma gue rá häi zehε. Pe majuqni bi xifi di un ra häi gue da gomhbʉ yám bom'beto. Nu'bʉ mi xifi, mán jo'o yá t'uhni ra Abraham.

⁶ Nu'a Ojə bi 'yɛmbi: "Nu nim bom'beto ban 'yɛhε bʉ n'danni ra häi, ne da mba ma ʉnbi goho ciuento njεya." ⁷ Ne xø bi 'yɛmbi: "Nugä ga ʉnbä ʉ yʉ ja'i 'bʉpʉ ja ra häi guepʉ din 'yɛhε, ne m'bejua bʉya nu'ʉ ba pøm bʉ guepʉ min 'yɛhε, ne ba ɛcua ja ra häi, ne guecua da dəndegui," bi 'yɛn Ojə. ⁸ Ojə bi 'yøt'ui ran hoqui ra Abraham, nu rá hmepya a gue da mba nthəqui rá xifani, ne'ʉ yú xifani yá ts'unt'ʉ. Bin jabʉ 'bʉ mim 'bʉh ra Isaac rá

ts'unt'ra Abraham, ná hyato pa bi mba nthequi rá xifani. Ne nu'bú míñ dán'yohú ra Isaac, bim 'búh ra Jacob rá ts'unt'ra, ne nu'bú min te ra Jacob bim 'bú'i 'd'e'mayoho yá ts'unt'ra, nu'ra gue'ra ma ngurpa bøtahú, bi 'yén'ra ra Esteban.

⁹ Ne xø bi 'yéna:

—Nu'a n'da rá ts'unt'ra Jacob, ra José a. Ne nu yán 'yohú ra José bi seyabi, ne bi mbá. Ne nu'a to'o bi dái bi zixpú ja ra häi Egipto. Pe Ojá min 'youi ra José. ¹⁰ Nu Ojá bi zeh ra José nangue gätho yán unbi bi nu, ne bi un rám fäts'i ne bi un rán 'yomfeni xán ho. Ne nu'a ra Faraón, ra hmuts'ut'abi bú ja ra häi Egipto, bi numanho a ra José, ne bi japi di manda gätho ra häi bú nepú ja rá ngu.

¹¹ Ne bin ja n'da ra døthu bú gätho ra häi Egipto, nepú ra häi Canaán, ne nu yá ja'i bi nu ran unbi nguetho xø ma hin'yá 'b'e'a da zi ma bøtahú bú mí 'búpú. ¹² Ne nu'bú mi 'yøh ra Jacob gue mi pa m'b'e'ts'i bú 'b'e'a da ts'i bú ja ra häi Egipto, bi mben'dú 'da yá ts'unt'ra, gue'ra ma bøtahú. ¹³ Ne nu'bú mi mba mahøn'a yán 'yohú, guexta'a him mi pø'a ra José. Nu ra José bi 'yémp'ra: "Dadín 'yohahú." Ne nu'a ra José bi xi'a ra Faraón gue gue'ra yán 'yohú. ¹⁴ Nu ra José bøya bi ma din zohni rá ta, ra Jacob, ne gätho ná ngu mi 'búpú ja rá ngu, gue í jua'i hyato ma'de'ma cat'anja'i. ¹⁵ Janangue'a nu ra Jacob bi mba bú ja ra häi Egipto ne bi du bú. Ne'ra yá ts'unt'ra mam bombøtahú bá tu bú. ¹⁶ Pe nu'ra, him bá t'ápú, pe bi thuxpú Siquem nubú ra häi mí 'búi, ne bi t'ápú ja n'da ra jàdo. Nu ra jàdo gue'a bi dän'a ra Abraham gue bi mbá yá ts'unt'ra Hamor, ra mengu Siquem.

¹⁷ Nu'bú mi ts'ut'ho da hyän yá pa tengu bi xi Ojá ra Abraham, gue di un rá häi yám bom'beto, emme bin xänd yá ja'i bøya, gue ma mi'israelhú, nubú ja ra häi Egipto. ¹⁸ Ne nubúya bi ndants' man'da ra Faraón bú Egipto, nguetho gätho ní huti yá Faraón yá ts'ut'abi Egipto. Ne nuna man'da ra Faraón him mí pøh ra José. ¹⁹ Janangue'a bi acpi ne bi unba mam bombøtahú. Ne bi manda da mba ma bønbi gätho yá ts'unt'ra a ra pa dim 'búi, gue da du, nguetho in ndepe him man'da din xänd yá ja'i israel. ²⁰ Nu'ra yá pa'ra bim 'bú'a ra Moisés. Nu'a,

n'da ra t'ahni madi nequi din hocja'i, ne mi numanho Ojá. Nhyuzna bi jamansu rá ta ne rá mbe bú ja yá nguse. ²¹ Pe nu'bú mi thøn'a thi ra 'uere Moisés, nu rá t'ixu ra Faraón bi dñi. Ne bi zini ne bi tede tengu'bú e rá t'ahni zeh. ²² Nu'a ra Moisés bøya gätho mi sänbi 'b'e'a mí pøh yá mengu Egipto. Ne gätho i pømanho 'b'e'a mi ma, ne xán ngu mi sä da 'yøt'e.

²³ Ne nu'bú mi mbe'ts'a nyote njeya, bi bøni da mba bí zengua hapú madím pøh yá menguhú gue yá ja'i israel. ²⁴ Nu'a n'da, bi nu ran unbi ngue bi unba n'da ra ja'i egipto. Nu'bú mi nu'a ra Moisés, bi yáni, bi cospa ra pengui bi hyo ngue bi du ra ja'i egipto. ²⁵ Nu ra Moisés mim bøni gue mi pø'ra yá ja'i israel 'b'e'a da 'yøt' Ojá, gue ra Moisés da yán'ra, di japi him man da nu ran unbi. Pe him mi pø'ra yá ja'i. ²⁶ Man'da pa bøya bi nu mahøn'a ra Moisés gue bin tuhni yoho yán 'yohú israel, ne nu ra Moisés bi zä bi hocua yá mbøhi, bi 'yémbi: "N'yohú aui gadín cuui, 'b'e'a guí énui a guí øt'ui gadín sähmi," bi 'yémbi. ²⁷ Pe nu'a gue mi ja rá ts'oqui bin cue, ne bi ndøn'na ra Moisés, bi 'yémp'a: "Ha i ja nin t'ëdi gui hegä'be, to'o bi xi'i gan ts'ut'abi ngue gui hogä'be. ²⁸ Ha guí éna gui hyogui tengu'bú gmí hyo ra mengu Egipto mán de," bi 'yémbi. ²⁹ Nu ra Moisés nu'bú mi 'yøde 'b'e'a bi man'a ran 'yohú, bi 'dagui, bi mba bú 'danguadi ra häi Madián. Ne mí 'búpú tengu bú nam 'bú'ra yá 'dan'yo ja'i, ne guepú ja bim 'búpú yoho yá ts'unt'ra.

³⁰ Ne nu'bú mi tho'a nyote njeya ngue mi 'búpú, bi nequi n'da rám 'bëhni Ojá mahëts'i bú ja ra t'ëza mi zø ra sibi, nubú ja ra unbi, jombú ra t'øhø t'ëmbi Sinaí. ³¹ Nu'bú míñ nu ra Moisés, madi hyonya thoho, bi mba bi hyän'i ts'ra bú ja ra t'ëza éna da nu 'b'e'a i ja bú. Bi 'yørpa rá nde ra Hmu mahëts'i bøya, ³² bi 'yémbi: "Nugä drá Ojá gue i thånde ni ngurpa mbombøtahú. Nugä dra Ojá gue i thånde ra Abraham, ne ra Isaac, ne ra Jacob," bi 'yémbi. Pe nu ra Moisés bi fet'i ne bin su, him bi hyäñzambúi gue xpi hyandi. ³³ Nu'a ra Hmu bi 'yémbi: "Dami c'oc ni thixfani nguetho nuua guí 'bäi, xán ho ua, ngue ya dí 'bäcä ua," bi 'yén Ojá. ³⁴ Ne xø bi 'yén Ojá: "Dá nu ma t'ahni 'búpú ra häi Egipto ngue i pa ma unbi. Ne dá øcä yá

hmbafi u. Bá չcä ya gue ga japi da thegui. Ne nuya gui mba bu Egipto,” bi 'ynOjä, bi t'չmp'a ra Moisés, bi 'yna ra Esteban.

35 Nu ra Esteban xo bi xi'u yu juqnbate mahn'a, bi 'yna:

—Guehna ra Moisés bi ts'u 'bu mí 'yna xtí hecua yoho yn 'yoh ma mi'israelhu, ne bi t'չmbi: “Ha i ja nin t'չdi gui hegä'be, to'o bi xi'i gan ts'u't'abi.” Guehna ra Moisés, Ojä bi mbnpu ngue din ts'u't'abi nangue yu ja'i israel, ne bi japi bi mba nthegui. Ne nu'a 'bu'a bi 'yt'a ra Moisés, bi 'yt'e nangue rám 'behni Ojä mahets'i bi nequi bu, nu'bu mi de ra t'uchza. **36** Nuna ra Moisés bi 'yt' yn t'ot'e nuixte ne yu hmepya nubu ja ra häi Egipto. M'bejua buya bi gacpu thi yu ja'i bu ja ra häi Egipto, nepu ja ra thenga dejä bi 'yt'a n'da ran t'ot'e nuixte, nepu ma'ueni nguepu bin 'yo yote njeya yu ja'i. **37** Guehna ra Moisés bi xih yu ja'i israel: “Ojä da huan'nahu n'da ra pongahyq guepu 'buh nin 'yohhu, tengutho bu bi huancä. Nu'a jatho gui 'yohmbu 'bu'a da man'a,” bi 'yna, bi 'yna ra Esteban.

38 Nu ra Moisés gue'a bin 'yoh yu ja'i bu ma'ueni. Ne nubu ja rá yu ra t'ohh Sinaí bin yuqui rám 'behni Ojä mahets'i, 'bu mi gopu ja rán dui ra t'ohh mam bombotahu. Ne bi hyanba rám hman Ojä ra Moisés gue njam'bu da guadi, ne gue'a bi thogahu a ya.

39 Pe nu'u mam bombotahu him bi nde bi 'yc'yei a ra Moisés, him bi nde bi dennni xun ho, pe bi numan'utho ne bi goh yu mbui, mím becm bu Egipto. **40** Nu'u bi 'yçmp'a ra Aarón, ra hmumbäjä: “Dami 'yorcahe 'da yu ojä da zixcahu. Nguetho hin dí pahmbe 'bu'a bi ja a ra Moisés gue bá jugähe bu ja ra häi Egipto,” bi 'yn'u. **41** Nu'u bi 'yt'a n'da ra tundqni buya, չmbi yu ojä, ne bi hyo yndani ne bi mbox yu 'bots'e. Ne madín johya a bi 'yt'e nangue yu 'yese. **42** Pe nu Ojä bi 'uegue nangueu, ne bi hyegui da dande ra hyadi, ra zäna, ne yu so, nguetho nt'o't'i bu ja rá socuq yu pongahyq:

Pe hanja hinga guecä gá poscahu 'bu gmí hyohu yndani 'bu gmí 'bahmbu nyote njeya bu ma'ueni, i en Ojä, bi 'yn'u yu pongahyq.

43 Pe hinga guecä gá thandegahu pe guá tuhu n'da ra ngu'bo't'e guepu gá thandehu

a gá sänba zehe rá thuhu, gá չmfu ra Moloc.

Ne guá tuhu n'da rá hmite ra so gá 'yemb zehhu ra ojä Renfán, ngue gá nde gá thande zehhu.

Janangue'a ga un'nahu ne ga pen'nahu man'da yatho xínda guepu ra häi Babilonia, i en Ojä, bi 'yn'u yu pongahyq.

44 Pe guehma mi tu n'da ra ngu'bo't'e gue mí sänba Ojä u ma ngurpa bombotahu 'bu mín 'yo bu ma'ueni, guepu da dande Ojä u, bi 'yt'e tengu xí xi Ojä ra Moisés, nu'bu min yuqui bu ja ra t'ohh. Bi xifi da 'yt'e tengu ra hmepya xí nu. **45** M'bejua buya, nu'bu mí ngurpi ra Josué, pe guexta'a ra ngu'bo't'e bá tu'u ma ngurpa bombotahu 'bu mí zom bu ja ra häi xí xi Ojä. Ne mí 'bupu mi'da yu ja'i gue hing yu israel. Nu Ojä buya bi hyon'a thi yu 'dan'yo ja'i ne bim 'bupu yu israel buya. Ne guexta'a mí jatho ra ngu'bo't'e nu'bu min ts'u't'abi ra David. **46** Nu'a Ojä չmmu mí numanho ra David, gue 'dat'a Ojä mí thande ra Jacob. Nu'a ra David bi 'yäp rán t'չdi Ojä da hyombu rá ngu gue rám ponui ra ngu'bo't'e. **47** Pe nu ra Salomón rá ts'u'nt'u ra David a, gue'a bi hyombu rá ngu Ojä. **48** Pe nu'a Ojä nuixte thoho hingui 'bupu ja yu ngu nt'ot'e ngue yu 'ye yn 'yoh. Ngubu bi man ra pongahyq 'bu mi thocpa rám hma ra Hmu mahets'i, ne bi 'yna:

49 Nuua mahets'i i ja ma ts'edi, necua ja ra ximhäi ja ma ts'edi, 'bu'a ní ngu guín nde gui hyoguahu, o hapu guí չmhu ja ma säya.

50 Ha hinga guesgä dá ot'ä gätho ja ua ya, i en Ojä, bi 'yn'a ra pongahyq, bi 'yn'a ra Esteban.

51 Ne bi thoc'a ra Esteban bi xi'u yu mbäjä i șrpu ran juqnb*u*:

—Nu'ahu xíngui ts'u guí șhmu 'bu ja'a si ahu, ne xum me ni mbuihu, xíngui ts'u di cu't'i ni zuguhu. Thocua thoho guí säman'uh rá Hogandähi Ojä tengutho mam bombotahu, guín jahu bu. **52** Xínga n'da rá pongahyq Ojä gue him bi hyo mam bombotahu, n'dat'u yu pongahyq gue bi ma dua șh ra Hoga Cristo, gue'a gá dähu ne gá yuqu ne xin gá hyohu. **53** Nu'u yu 'behni Ojä mahets'i bi 'daju rán t'չdi Ojä, pe hin guí șrpu ra güenda a 'bu'a

bi ma, bi 'yεn'a ra Esteban 'bu mi 'yεmp'u yu
ngurpi.

Bi tho ra Esteban

⁵⁴ Nε nu'bu mí 'yøh ya 'bε'a bi ma ra Esteban, bi dε ra cuε yu mbui nε bi yεxpa yu ts'i.
⁵⁵ Pε nu ra Esteban mí hu ra ts'edi xun ho rá mbui nangue rá Hoganduhi Oju in 'youi, nε bi ndøs' mahεts'i nε di nec thoho hapu 'bu Oju. Nε bi nu ra Jesús 'darpu 'buhmi Oju nε i ja rá ts'edi. ⁵⁶ Nε bi 'yεna:

—Pε dami ndøs'hu nudín nugä, n'yø, nso-
qui mahεts'i nε dín nugä a bin ju'i ua ja ra
ximhäi, i 'buhnu ja rán 'yεi Oju, bi 'yεna.

⁵⁷ Pε nu'u buya man'da bi got yu zugu,
nε bi mbafi nangue yu cuε, gätho bi muxpu
'bäh ra Esteban. ⁵⁸ Nε bi gucpu ja ra hnini
nε bi bat'ado bu ma'ueni. Nε nu'u gue bim
bate, bi mbuh yu coto nguetho in nde nte di
hεn'u. Bi mbuph ja rá gua n'da ran 'yohu ní
huti ra Saulo, nε bi 'yεn'u:

—Gui jamansu ts'u ma cotogähe, bi
t'εmp'a. ⁵⁹ Nε nu'bu gätho ní mba ma
bat'ado ra Esteban, bi zo'a Oju, bi 'yεmbi:

—Nu'i ma Hmu Jesús, dami hyungu ma te
ya.

⁶⁰ Nε bin dunyahmu, nts'edi bi mbafi, bi
'yεna:

—Ma Hmu i, o guí urpu ra güenda
nanguehna ra ts'oqui bin ja ya.

Nε nu'bu mi man na, bi du buya.

8

Nu ra Saulo bi un ran unbi yu 'yεc'yεi

¹⁻³ Nε nu'a ra Saulo 'da'angu bi mamhbu
u bi hyo'a ra Esteban. Janangue'a nu ra
pa ngue bi nu ran unbi ra Esteban, nu yu
'yεc'yεi mi 'buph Jerusalén bi mba ma ucpi.
Nε xun ngu u bi mba bu mi'da yu hnini bu ra
hái Judea, nεpu ra hái Samaria, pε bi gopu
u 'dε'mayoho yu 'buihu ra Cristo. Nε 'da'u yu
'yεc'yεi bi 'yäh ra Esteban, nε umme bin zoni
nangue'a. Nu ra Saulo umme madi ucpa yu
'yεc'yεi, nε mi ucpa ja yu ngu mi six yun
'yohu nε yu xisu, nε bi got'a fädi.

I hman ran ho ma'da'yo nubu ra häi Samaria

⁴ Pε nu'u bi 'dagui, bi mamp'a rán ho
ma'da'yo ra Cristo bun'danni nímpa. ⁵ Nε'a
ra Felipe bi mba bu ja n'da ra hnini ra häi
Samaria, nε bi xih yu ju'i nangue ra Cristo.

⁶ Gätho yu ju'i bi 'yømanho 'bε'a bi man na
ra Felipe 'bu mi nu yun t'øt'e nuixte bi 'yøt'a.

⁷ Nguetho xun ngu yu ju'i bi hyønba thi yu
zjthu, nε nts'edi bi mba 'bu mí bøn'u. Nε nu'u
mí 'ue'ts' yu ju'i nε'u yu dogua gätho bi zä.

⁸ Janangue'a umme bin ja ran johya bu ja ra
hnini.

⁹ Nε mí 'bupu n'da ran 'yohu í Simón, mi
øt' ran thäte, nε nu'u yu mengu Samaria
madi hyonya thoho. Nu ra Simón min ndep
yu ju'i da buni jase rá ts'edi. ¹⁰ Nε gätho na
ngu'u, yu t'uhni nε yu duc'yεi, nu'bu mi 'yø'u
'bε'a bi man a, bi 'yεna:

—Nuna ran 'yohu na, ja ra ts'edi tengu
Oju, un yu ju'i.

¹¹ Nε' u mi numansu ra Simón nguetho
nya'a thoho mi häte. Nε bi hyonya thoho
u 'bε'a bi 'yøt'a. ¹² Pε nu yu ju'i bi 'yεc'yεi
'bε'a bi man'a ra Felipe nu'bu mí ma ra
Hogamhma 'bupu ní manda rá ts'edi Oju,
ngue bi ma nangue ra Jesús. Nε bi mba
ma xixyäbi yun 'yohu nε yu xisu. ¹³ Nε'a ra
Simón una bi 'yεc'yεi, nε nu'bu mí n xixyä,
bi dun'a ra Felipe. Nε nu'bu mí n nu yu
hmepya nε yun t'øt'e nuixte bi 'yøt' ra Felipe,
bi hyonya thoho ra Simón.

¹⁴ Nε nu'bu mi 'yø'u yu 'buihu ra Cristo
'bupu Jerusalén gue bi 'yεc'yεi yu mengu
Samaria, bi mbunpu ra Pedro nε ra Xuua u
mi'da yu 'buihu ra Cristo. ¹⁵ Nu'bu mi zøm
bu buya, bin yuhu Oju, bi 'yäp rá ts'edi ngue
da hyun rá Hoganduhi Oju yu 'yεc'yεi 'bupu.

¹⁶ Nguetho hin ní zøh rá Hoganduhi Oju bu
ja yu mbui u, pε hønt'a nangue rá thuhu ra
Hmu Jesús bin xixyä u. ¹⁷ Nu ra Pedro nε ra
Xuua buya, bi gäspa yu 'yε yu yu 'yεc'yεi,
nε bi hyun rá Hoganduhi Oju buya.

¹⁸ Pε nu ra Simón, nu'bu mi nu bi hyun rá
Hoganduhi Oju u bi gäx yu 'yε yu 'buihu ra
Cristo, bi 'yut ra mbuti buya. ¹⁹ Bi 'yεmbi:

—Dami 'dac ma ts'edi gue hønt'a to'o ga
cäx ma 'yε da hyun rá Hoganduhi Oju tengu
guí øt'ui, ma gá jut'aui, bi 'yεna.

²⁰ Pε nu ra Pedro bi 'yεmbi:

—Di juu Oju ni mbuti, nε'e, nguetho guím
buni nangue ra mbuti sä gui tän'a 'bε'a di un
Oju. ²¹ Nguetho hinga gue'e ga comhbu na
ra 'bufi, mfadi ya him mahoqui ni mbui bu
ja rá hmi Oju. ²² Dami päh ní mbui nangue
ran ts'o. Dami 'yäp rá punbi ra Hmu, nε

da zä di pun'na'i nangue ran ts'o gá bëni.
23 Nguetho dí padi ḡmme ja ran ts'eya ni mbai, ne ḡmme xun ngu ran ts'o ja ni mbai guim bëni.

24 Nu ra Simón bi däti:

—Nu'auí gui 'yähmi ts'ü rá ts'edi ra Hmu nanguecä, ngue hin gan nugä a guí mammi, bi 'yëmp'ü.

25 Nu'bü mim 'bü'i ts'ü bü ra Xuua ne ra Pedro, ne xí mamp'a rám hma ra Hmu mahëts'i, bi mbeng bü Jerusalén. Pe him 'bex bi züm bü, ne m'bët'o gätho ná ngu ra häi Samaria bi man'a ran ho ma'da'yo bü bi thogui.

Nu ra Felipe ne ra mëngu Etiopía

26 Nu'a n'da rám 'bëhni Oja mahëts'i bi züm bü bí 'bü'a ra Felipe, ne bi 'yëmbi:

—Ní mba 'danguadi guepü bí thoh ra 'yu ní mba Gaza, gue ní bóm bü Jerusalén. Nuna ra 'yu ní mba bü ra huenhäi na, bi 'yëmp'a rám 'bëhni Oja.

27 Bi ndants'a ra Felipe 'bex bi mba bü. Bi nu, i 'yo bü 'yu n'da ran 'yohü xun hëts'i rá 'bëfi, di jamansup rá mbeti ra xuts'ut'abi Candace bü ra häi Etiopía. Janangue'a i t'ëmbi ra eunuco, ngue nde da ma, m'boqui. **28** Nu'a xpí mbeng bü Jerusalén guepü bá thände Oja. **29** Nu rá Hogandähi Oja bi 'yëmp'a ra Felipe:

—Guí mba gui sü'a ran 'yohü i hux ra carro.

30 Nu ra Felipe bin tih püya ne bi züdi. Nu'bü mí züm bü, bi 'yöde gue mi neh ra sòcuä ran 'yohü, gue rá sòcuä ra Isaías rá pøngahyä Oja. Ra Felipe bi 'yän büya:

—Ha guí padi 'bë'a nam bøn'a ra sòcuä gadín xäh ya.

31 Bi dä'a ran 'yohü:

—Hague dán zä ga pácä nu'bü njon da xängui.

Ne bi xih ra Felipe da ndets'e din hyummi bü.

32 Ne nu'a ra sòcuä madin xäh ran 'yohü mim ma gue:

I ts'ix'a n'da ran 'yohü tengu n'da ra de'yo i ts'its'i ngue da hyo.

Ne tengu n'da ra t'üde'yo nu'bü i ąxpa rá xingu, hin di c'uëhe,
 ne ngutho a ran 'yohü hin din ya.

33 Ne nu'bü mí nu ran ünbi, njom bi yaní, njom bi mbäts'i.

Ne njon da zä da ma hangu da dënni, nguetho bi thäcua rá te ua ja ra ximhäi. Gue'a bi man ra sòcuä bi nu ran 'yohü.

34 Nu ran 'yohü büya bi 'yän'na ra Felipe:

—Dami xiqui ts'ü to'o nín 'yohü na da nu ran ünbi, uague guesë na ra pøngahyä bi nu, uague n'dan'yo, bi 'yëmbi.

35 Nu'a ra Felipe büya, bi dä'mi bi ma 'bë'a nam bøn'a ra sòcuä nubü madín xäh na ran 'yohü, ne bi xifi nangue ra Jesús bi t'ørpa na im man ra sòcuä, ne bi thoqui bi xifi xun ho.

36 Ne nu'bü mí züm bü po ra dehe, nu'a ran 'yohü bi 'yëmp'a ra Felipe:

—Ha hin da zä dan xixyagä 'bü, ne po ua ra dehe ya, bi 'yën'a.

37 Bi dä'a ra Felipe:

—Da zä, nu'bü guí ḡc'yëi a dí xi'i nangue ra Jesús, gue gätho ni mbai.

Bi dä'a ran 'yohü:

—Dí ḡc'yëi gue gue'a ra Jesucristo rá Ts'ünt'ü Oja a.

38 Ne bi säyabi rá carro büya. Ne bi gapü ja ra carro ne bi mba bü mi po ra dehe. Nu ra Felipe büya bi 'yørpa ran xixyä a ran'yohü. **39** Ne nu'bü mi bøxpü mí po ra dehe, 'dahmantho bi 'berpü ra Felipe gue bi zix rá Hogandähi Oja. Ne nu ra mëngu Etiopía him man'dandí bi nu'a. Ne nu'bü mí thogui, bin johya rá mbai. **40** Pe nu ra Felipe ní nequi mahøn'a bü ra hnini Azoto. Ne nu'bü mambá thopü ja yü hnini, bi mam bü ran ho ma'da'yo asta gue'bü mi züm bü ja ra hnini Cesarea.

9

Nu'a ra Saulo bi päh rán 'yomfëni

1 Pe nu'a ra Saulo mim man yün acuate, ne ran däte nangue yü 'yëc'yëi, gätho ná 'yøt'a bi 'yøt' ra Felipe. Ne bi mba bü 'bëh ra hmumbäjä. **2** Ne bi 'yäp ra sòcuä ngue ran t'ëdi da mba bü ja yü nijà yü judío nubü ra hnini Damasco. Ne nu'bü 'bo'o da däm bü gue i tën ra Cristo, ogue ran 'yohü ogue ra xisu, da bënt'i ne da zixpü Jerusalén nthu't'i din ofädi bü. **3** Ne nu'bü mí mba bü 'yu, mí ts'ütho da züm bü Damasco, 'bex bí 'yëh mahëts'i n'da ra nyot'i ḡmme bi hyärpu

i 'bä'a ra Saulo. ⁴ Bi däng bu häi ra Saulo baya, ne bi 'yø'a n'da ra nde bi 'yøna:
—Saulo, Saulo, hanja gní ṫngui.

⁵ Bi da'a ra Saulo:

—To'o i, gra Hmu.

Nu ra Hmu bi dat'a:

—Nugä dra Jesúś, guecä gadí ṫngui, ne xun hei guí øt'e tengu n'da ra mbändäni i pa ma səni ra t'o ndepe dim pefi xun ho, ne i nète thoho.

⁶ Nu'a ra Saulo ḡmmë bin su ne bi fet'i, bi 'yøna:

—Ma Hmu, 'be'a guín nde ga øt'ä.

Nu ra Hmu bi 'yømbi:

—Dami ndants'i gui mba bu ja ra hnini, nubü, da si'i 'be'a gui 'yøt'e, bi t'ømbi.

⁷ Ne nu'u gätho mìn 'yohü him mi sä din ya nguetho bin su. Nu'u mí øh ra nde pe him min nu to'o min ya. ⁸ Nu'bü mi ndants'a ra Saulo bi zöt' rá dä pe him mi nu, mi xädä thoho. Nu'u mìn 'yohü bi bëntpa rá 'yø bi zixpü Damasco. ⁹ Ne hyupa bám 'büpü, ne mi xädä, ne him mi sihme, xing ra dehe mi si.

¹⁰ Ne mi 'büpü Damasco n'da ra 'yøc'yøi rá thuhu ra Ananías. Nu ra Hmu mahëts'i bin 'yuse bu ne bi zofo tengu'bu bin 'uji.

—Ananías, bi 'yømbi.

Nu ra Ananías bi dädi:

—Dí 'bucä ua gra Hmu.

¹¹ Nu ra Hmu bi 'yømp'a:

—Dami ndants'i gui mba bu ja ra 'yu t'ømbi xun juäni, ne gui hyom bu n'da ran 'yohü ra Saulo, ra mengü Tarso, i 'büpü ja rá ngu ra Judas. Nuya in zocä ya. ¹² Ne'a ra Saulo in nu tengu'bu ra t'i ngue guí mba bu ne guí cäx ni 'yø, ne da nu ran nequi mahøn'a, bi 'yøn Ojä.

¹³ Bi dat'a ra Ananías:

—Ma Hmu i, xun ngu yø ja'i bi xiqui 'be'a øt'na ra Saulo, xun ngu yøn ts'o xø 'yørpa yø 'yøc'yøi 'büpü Jerusalén. ¹⁴ Ne nuna bá äp rán t'ødi yø hmumbäjä da bënt'i ne da got'a fädi gätho to'o da ndøn'na ni thuhu, bi 'yøna.

¹⁵ Pe nu'a ra Hmu bi xi'a ra Ananías:

—Ní mbahma nguetho dá huahndä da ma nanguecä bu 'büpü hing yø judío, ne yø hmuts'ut'abi, ne yø ja'i israel ngue yø judío. ¹⁶ Ne ga xifi xun ngu yøn ṫnbi da nu nanguecä, go bi 'yøn Ojä.

¹⁷ Bi mba ra Ananías baya, ne nu'bü mi yarpü ja ra ngu, bi gäx rá 'yø rá ya ra Saulo ne bi 'yømbi:

—Ma cu'i Saulo, nu ra Hmu Jesúś, nu'a gue gá nu bu 'yu 'büpü guá ḡhe, bá pencä ua ya gue di ja i da xoh ni dä. Ne di ja igui hya ra ts'edi xun ho nangue rá Hogandähi Ojä gan 'youi, bi 'yøna.

¹⁸ Ne 'bex bi hyø'ü mi comba yø dä tengu ra xihuä. Ne 'bex bi hyand ran nequi yø dä ra Saulo, 'bex bi ndants' püya ne bin xixyä.

¹⁹ Ne nubaya, bin sihme ne bi zac mahøn'a rá ja'i. Ne bám 'büpü bu bí 'büpü 'da yø 'yøc'yøi bu ra hnini Damasco.

Nu'a ra Saulo bi mam bu rám Hman Ojä bu Damasco

²⁰ Ne nu ra Saulo baya 'bex bi dä'mi bá mam bu rám Hman Ojä bu ja yø njä yø judío. Ne bi xifi gue nu ra Jesúś rá Ts'ant'ü Ojä a. ²¹ Gätho mi øde bi hyonya thoho ne bi 'yøna:

—Ha hinga guehna ran 'yohü na mi cot'a fädi gätho mi ndønba rá thuhu ra Jesúś bu Jerusalén. Ne ha him bá ḡcua ngubü da 'yøt'e, ne da zits'i nthu't'i bu 'buh yø hmumbäjä, bin 'yømp'ü.

²² Pe nu ra Saulo man'da bi hya ra ts'edi bi ma xun ho. Ne nu yø judío 'büpü Damasco nte mi sä da ma, nguetho bi xifi, nu 'be'a gätho mán ts'änni da'yøt'a rá Thahni Ojä gue ra Cristo, pe gue'a bi 'yøt'a ra Jesúś, guepü bi 'yuti n'dat'a.

Nu'a ra Saulo bi 'dagui, ḡna xtám bënt yø judío

²³ Ne nu ra Saulo 'büpü mím 'büpü nya'a ts'ü yø pa, n'dat'a mí man'ü yø judío hing yø 'yøc'yøi, ngue da hyo. ²⁴ Pe nu ra Saulo mi øde 'be'a mbën'ü yø judío. Nu'u mí fäh yø goxthi bu ja ra ndehnini, guepü ma mbä't'i ra jädo. Ma pa ne ra xui mí fäh yø goxthi ngue nde da hyo. ²⁵ Pe nu yø 'yøc'yøi bi zix ra Saulo gue ra xui, í cä'ma n'da ra 'bøts'e bu thi bu ja ra jädo ngue ma fø't'e ra hnini. Gue'a í 'da'a.

Ra Saulo 'büpü ja ra hnini Jerusalén

²⁶ Nu'bü mí zøm bu Jerusalén ra Saulo, mim bëni gue xtín 'yohü yø 'yøc'yøi. Pe nu'u mí su'ü ne him mi ḡc'yøi gue ra 'yøc'yøi ra Saulo. ²⁷ Pe nu ra Bernabé bi zix'a ra Saulo

guepa 'buh yá 'bäihu ra Cristo. Ne bi xifi ngue bi nu ra Hmu bu 'yu, ne bin yäui ra Hmu. Ne bi xifi bi hyut' ran zambai bu Damasco nu'buh míma nangue ra Jesús. ²⁸ Nu yá 'yec'yéi bi zim buya, ne bin 'yohu bu Jerusalén. ²⁹ Ne nu ra Saulo bi hyut' ran zambai bi mamp'a rám Hman Oja nangue ra Jesús. Pe nu'u 'da yá mijudíohu gue i yäui nande ra griego, madin junthu ra Saulo, ne'nde da hyo'. ³⁰ Nu'buh mí 'yohu yá 'yec'yéi gue nde da tho ra Saulo, bi zixpu Cesarea ne bi mbenpu Tarno.

³¹ Nuya bin hë yán ubi yá 'yec'yéi gätho ra häi Judea, ne ra häi Galilea ne ra häi Samaria. Ne bin te yá mbui nangue Oja. Bi numansu ra Hmu ne bi nu rám fäts'i rá Hogandahi Oja. Ne man'da xan ngu bi 'yec'yéi.

Bi zä'a ra Eneas

³² Nu'a ra Pedro mí 'yo mi nu u yá 'yec'yéi 'bepu ja yá hnini, ne bi zom bu ja ra hnini Lida gue da nu yá 'yec'yéi 'bepu. ³³ Ne bi dñm bu n'da ran 'yohu ní hu Eneas, nhyaqtó njeya xí 'yo gue xan u, xín t'e'ts' rá ja'i. ³⁴ Nu ra Pedro bi 'yemp'a:

—Eneas, da zä'i nangue ra Jesús, dami ndants'i pants' ni fidi, bi 'yembi.

'Bex bi ndants'a ra Eneas buya. ³⁵ Ne gätho ngue 'bepu Lida nepu Sarón bi 'yec'yéi ra Hmu 'buh mínu'a bin ja, ne bi hyesé yá 'yec'yéi.

Nu'a ra Dorcas bi dämbéni 'buh mi du

³⁶ Ne nu'u yá pa u, mí 'bepu ja ra hnini Jope n'da ra xisu gue ra 'yec'yéi, í Tabita, ne í Dorcas ngue rá nde yá griego. Nuna ra xisu emme xan ngu ran huçcate mí Ørpa yá mijä'ihu. ³⁷ Pe nuya bin zäman'u, ne bi du. Nu'buh mi 'berpa rá ja'i, bi jäxpu bí ja n'da ra t'ots'i magats'i. ³⁸ Nu ra hnini Lida mí hän bu Jope. Nu'buh mí 'yohu yá 'yec'yéi, gue 'bepu Lida ra Pedro, bi mbéhn'du yoho yán 'yohu gue ba Ørpa ra ts'edi ba ñhe. ³⁹ Nu ra Pedro buya 'bex báñ 'yohu u. Nu'buh mí zohño, 'bex bi ts'ixpu magats'i ja a ra cuarto guepu mí 'bä'u yá hyoya xisu mí zoni. Ne bi 'yut yá he xí t'ørpabi, gue bi 'yørpabi ra Dorcas 'buh mi 'bui. ⁴⁰ Pe nu ra Pedro bi xifi:

—Dami pømhbu ts'u n'da zu ora gätho ahu.

Ne bin dänyahmu ne bin yäui Oja. Ne bi hyant'a gue bi du, bi 'yembi:

—Tabita dami ndants'i, bi 'yembi.

'Bex bi zot' rá dä, ne nu'buh mínu ra Pedro, bi hyudi. ⁴¹ Nu ra Pedro buya bi bñtpa rá 'yec'yéi ne bi xots'i, bim 'bäi. 'Bex bi zohn'du yá 'yec'yéi ne yá hyoya xisu buya:

—Dami nuhna na xí du, ne bi dämbéni ya, bi 'yemp'u.

⁴² Nu'buh mí 'yohu gätho ra hnini Jope, xan ngu bi 'yec'yéi ra Hmu. ⁴³ Ne nu ra Pedro xan ngu ts'u yá pa bá copu Jope, bám 'bepu rá ngu ra Simón. Nu ra Simón ra hoca xindanai a.

10

Ra Pedro ne ra hmudofu Cornelio

¹ Mí 'bepu n'da ran 'yohu í Cornelio, nubu ra hnini Cesarea. Gue nuna ran 'yohu im hmu nangue'u n'da munts'i yá doftu gue'a ní t'ëmbi Italiano u. ² Nuna ra Cornelio madague'buh hing ra judío a, pe nu'a ne gätho 'bepu rá ngu mi thändé Oja ne mí numansu a. Nzai mi un yán t'unni yá hyoya ne nzai min yáhu Oja. ³ N'da ra pa mbé hyunde, tengu'buh bi 'uq 'buh mí nu n'da rám 'bëhni Oja mahets'i, bi yärpu ja ra cuarto mí 'bäi, bi zofo:

—Cornelio, bi 'yembi.

⁴ Ne nu'buh mí hyandi, bin su ne bi dädi:

—'Bé'a ma Hmu.

Nu ram 'bëhni bi 'yembi:

—Nu'a Oja im bën'i, ne i ø'buh guí yäui, ne in nu Oja 'buh gdí un yán t'unni yá hyoya.

⁵ Nuya, gui pëhn'du 'da yán 'yohu bu Jope da dñm bu n'da gue ra Simón, ne guet'a ra Pedro a, ne gua pënhua. ⁶ Nu'a ra Pedro i 'buhmbuh n'da ran 'yohu í Simón gue ra hoca xindanai a, ne i 'bepu ndendeja. Nu'a da xi'a'i 'bë'a guí 'yøt'e, bi 'yøn'a rám 'bëhni Oja.

⁷ Nu'buh mí gua'a im ma, 'bex bi mbeng mahets'i ram 'bëhni. Nu ra Cornelio buya bi zohni yoho yá 'yëhe ne n'da ra doftu ngue i numansu Oja, ngue rá 'yëhe a. ⁸ Ne nu'buh mi xifi gätho 'bë'a bi xih rám 'bëhni Oja mahets'i, bi mbenpu Jope u buya.

⁹ Man'da pa buya mbé huxyadi nu'buh bá ñpu 'yu yám 'bëhni ra Cornelio, häntho Jope, nu ra Pedro bi ndexpu thi bu ja ra ze'ts'angu bu mí 'bui, guepu din yäui Oja. ¹⁰ Nu'a ra Pedro emme bin tumanthuhu, ne gätho ní mba mahoqui ran ts'ihme, nu ra Pedro

baya bi nu n'da ran t'uti, tengu'ba bi 'uí.
11 Ne bi nu nsoqui mahets'i, ne bá cai tengu n'da ra the'bo't'e xan ndoho gue mfent'i ya ts'at'i. **12** Ne ba 'yo bu ja ra 'bo't'e hont'a go 'be'a má zu'ué i ja goho ya gua, ne yu zate, ne yu pozu, ne yu doja. **13** Nu ra Pedro bi 'yo'a n'da ra nde, bi t'embi:

—Dami ndants'i gui hyo gue gui sa.

14 Bi da'a ra Pedro:

—Hin'na ma Hmu, nguetho njam'ba xtá sagä xan ts'o, gue'a i man nin t'edi hingui ho 'ba ga sa.

15 Ne bi 'yembi maheon'a:

—'Yo guí éna hingui ho 'be'a dá sändä da ts'a, ngue gätho dí hocäu, bi 'yemp'a ra nde.

16 Ná hyundi bi sifi, bi ndex maheon'a mahets'i ra 'bo't'e. **17** Nu ra Pedro, nu'ba gätho madí hyonya thoho ne im beni 'be'a ní mba'a xí nu tengu ra t'i, 'bex bi zøh yúm 'behni ra Cornelio. Ne mí 'bapu thi ja ra goxthi rá ngu ra Simón, ne xí 'yánni hapu ja'a ra ngu. **18** Nu'ba mí zøm ba, bi 'yánni:

—Ha 'bucua ra Simón Pedro.

19 Ne gätho nín 'yomfeni ra Pedro 'be'a ní mba a xí nu, nu'a rá Hogandáhi Oja bi 'yembi:

—'Bapu hyu yán 'yohu i hon'i. **20** Dami ndants'i, gui cai ne gui mbähä u yán 'yohu, gui tenni ne hin gan su, nguetho nugä bá penhdä u, bi 'yembi.

21 Nu ra Pedro baya bi gapu mi 'bah yán 'yohu gue bá penh ra Cornelio, ne bi xifi:

—Nugä guecä guí hongui. 'Be'a gní hyonu.

22 Bi da'u:

—Nu ra Cornelio ra ngärpa dofai bá pencähe. Nu ra Cornelio n'da ra hocja'i gue i numansu Oja. Ne gätho yu judío i ndómanho nangue'a. Ne n'da ram 'behni mahets'i bi xi'a da zonh'nai, gue gui mba ba rá ngu, ne da t'ómanho 'be'a gätho gui xifi, bi 'yen'u.

23 Nu ra Pedro bi xifi da yärpu mbo ra ngu, bin oxpu baya. Nu'ba mi hyats'i bi mbähä ra Pedro. Ne' u 'da yu 'yec'yei mí 'bapu Jope bi mbähä.

24 Man'da pa baya bi zøm ba ra hnini Cesarea. Nu ra Cornelio xí zohni gätho 'bapu ja rá ngu ne ya amigo, ngue dim peti ba ja rá ngu. Gätho i tóm'ba. **25** Nu'ba mí zøm

ba ja ra goxthi ra Pedro, bá pon ra Cornelio, bi dädi ne bin dänyahmu bi dände. **26** Pe nu ra Pedro bi gu'ts'i ne bi 'yembi:

—Dami ndants'i nguetho nugä dran 'yohu thohogä tengutho i, bi 'yena.

27 Ne i yáui gätho án yát'a mbo rá ngu. Ne bi nu xan ngu xím peti ba. **28** Nu ra Pedro bi 'yemp'u baya:

—Guí pahmba hin 'yu man t'edihe dyu judíohe gue dan uaqs'hu o gue ga chthe ba ja ni ngumhba, nguetho hin gyu judío ahu. Pe Oja xu 'yurcagui gue xínga n'da yu ja'i ga emhbe hin da zä dan yámanhohe, ogue ga emfe hingui ho. **29** Janangue'a nu'ba gmí zoncagui, bá çä ne nte mán t'ánni dá ánni. Nuya dín nde ga pädi hanja gá zoncagui, bi 'yen'a.

30 Nu ra Cornelio bi 'yem baya:

—Ná goho pa tengu ra ora jabaya, dá e't' man ts'ihme 'ba mán yägä'be Oja, 'bex bi zø'a n'da ran 'yohu ua dí 'bui, mí he ra pahni di fexni. **31** Ne bi 'yengui: “Cornelio, Oja bi 'yöde 'be'a gám ma ne bi nu yán t'unni gá un yu hyoya, ne im ben'a'i. **32** Nuya guin zohna ra Simón Pedro 'bapu Jope ba ja rá ngu ra Simón ra hoca xindäni a, ne i ja rá ngu ba ndendeja. Ne nu'ba da zøcuu gan yáui,” én'a ram 'behni mahets'i 'ba min zoqui. **33** Jananjaba dá zonh'nai 'i ne xan ho guá éhe. Nuya gäthogähe dí 'bahmba ua ngue da nuje Oja, ga Øhmbe 'be'a gätho da xije Oja, gue gui xije, én'a ra Cornelio.

Bi sih ran ho ma'da'yo a ra Cornelio

34 Nu ra Pedro bi 'yemp'u:

—Nugä dí pacä ya hingui huahna Oja to'o da numanho gue'ba ra judío o hing ra judío. **35** Nu Oja da zini hont'a go nda'a ní nde i yá, ngue to'o gätho da numansu'a, ne to'o i øt' ran ho. **36** Guí pahmba ram hma bá pencähe Oja dyu israelgähe, dyu judiogähe, bi ma nangue ra Jesucristo, gue nu'a di hocpa ní mbui n'da, guehna rá Hmu u gätho hont'a go 'be'a ní nde i yá. **37** Ne guí pahmba ram hma nangue ra Jesucristo bi hmam ba gätho ra häi Judea, bí mbupu Galilea, gue'ba ya xí juah rá 'befi ra Xuuu Nxixya gue bi ma di xixyäba yu ja'i. **38** Ne guí pahmba Oja bi un rá ts'édi rá Hogandáhi Oja ra Jesús, ra mengu ba Nazaret. Nu ra

Jesús hønbu go hapu bin 'yo mí øt' ran ho, ne gätho u mín 'yohu ra zjthu bi hyønba thi ra zjthu. Gätho bi 'yøt'u nguetho min 'youi Oja. ³⁹ Ne nugähe ma 'bäigähe a ra Jessús, dí mamhbe majuqni, nguetho dá nuhe 'be'a gätho bi 'yøt' ra Jessús nubu ma häihe dyu judíohe, nepu ma ngurpa hninihe Jerusalén. Ne m'bejua bi tho, bi guarpu ja ra pont'i. ⁴⁰ Pe Oja bi xox'a ná hyupa, ne bi japi dá nugähe xan ho. ⁴¹ Pe njom mi'da bi nu, høngdähe gue xí huancähe Oja. Janangue dí mamhbe majuqni, gue ya majuqni dán sihmegähe ra Jessús 'bu mi ndants' 'bu mi du. ⁴² Ne nu'a bi mbencähe gue ga xihmbe yu ja*'i* ne ga mamhbe, gue gue'a bi huahn'na Oja da 'yørpa ran juanbi yu ja*'i* 'bu ne'u xan du. ⁴³ Ne guehna mím man'u gätho yu pøngahyq Oja, gue gätho to'o da 'yøc'yei nangue ra Jessús, da hyan ra punbi nangue yu ts'oqui, bi 'yøn'a ra Pedro.

Nu'u hing yu judío bin t'un rá Hocandähi Oja

⁴⁴ Ne i yaq ra Pedro, 'bex bá ɛh rá Hogandähi Oja, gätho bi gohmbu yu ja*'i* i øh rám hma ra Pedro. ⁴⁵ Ne nu'u yu judío min 'yohu ra Pedro madí hyonya thoho 'bu mí badi bin t'un rá Hogandähi Oja u hing yu judío. ⁴⁶ Nguetho bi 'yøde bin ya'da yu nde hing yu ndesu, gue bi 'yøspa Oja 'bu mí yaq. ⁴⁷ Ne bi 'yøn'a ra Pedro, bi 'yønni:

—Ha sá da mba ma hecpi ya 'bcua gue hin din xixyq, ne ya xu hyan rá Hogandähi Oja tengugahu, bi 'yøna.

⁴⁸ Ne bi ma di xixyqbi nangue rá thuhu ra Jesucristo. M'bejua buya bi 'yøpu ra mate ra Pedro da gohmbu bu mi'da yu pa.

11

Nu ra Pedro i xih yu 'yøc'yei bu Jerusalén hague án zä bi 'yøc'yei u hing yu judío

¹ Ne nu'u mi'da yu 'bäihu ra Cristo ne yu 'yøc'yei bu ra häi Judea mí øde gue yu ja*'i* hing yu judío bi hyan rám hman Oja. ² Pe nu'bu mí mbeng bu Judea ra Pedro, ne bi zøm bu Jerusalén, nu'u 'da yu judío yu 'yøc'yei bu, bi zu'a ra Pedro. ³ Nu'u bi xi'a ra Pedro, bi 'yømbi:

—Hanja gá mba bu yu ngu yu ja*'i* ngue hing yu judío, ne gán sihmehu.

⁴ Nu ra Pedro buya bi xifi 'be'a gätho xín ja, gue'bu mí du'mi bi xi Oja gue da zøm bu rá ngu ra Cornelio. Bi 'yøna:

⁵ —Mí 'bcä bu ra hnini Jope, ne mí yagä'be Oja. Dá nugä tengu'bu dá 'uj, bá cah mahets'i tengu n'da ra the'bo't'e. Ne bá cai mfenti goho yu ts'at'i, ne bi zøpu dí 'bu. ⁶ Nu'bu má handi dá nu hønt'a go 'be'a má zu'uq 'bcua ja ra häi. Dá nu'u ja goho yu gua, yu zu'uq ne yu zate ne mi'da. Ne dá nu yu pozu ne yu doja. ⁷ Ne dá ø'a n'da ra nde bi xiqui: "Pedro, dami ndants'i gui hyo gue gui sa," bi 'yøngui. ⁸ "Hin'na ma Hmu," dá ɛmbi, "nguetho njam'bu dá sagä a man nin t'ɛdi ngue hin ga sahe."

⁹ Pe nu ra nde mahets'i bi xiqui mahøn'a: "Pe 'yo guí ɛna hingui ho 'be'a dí sändä da ts'a, ngue gätho dá hocä yu," bi 'yøngä a ra nde. ¹⁰ Nhyundi bi 'yøt'e njabu, bi mba ra 'bo't'e bu mahets'i buya. ¹¹ Ne 'bexque gue'a ra pa bi zøpu hyu yan 'yohu bu ja ra goxthi guepu dám 'bcä, gue yum 'behni bá nexpu Cesarea, ne bi hyongui. ¹² Ne nu'a rá Hogandähi Oja bi xiqui ga tenni, ne nte mán t'anni ga änni. Ne 'bcua ya 'dato yu 'yøc'yei ngue dá mbähmbe. Ne dá cæthe bu ja rá ngu n'da ran 'yohu í Cornelio. ¹³ Ne nu'a bi xije gue bi nu n'da rám 'behni Oja mahets'i mí 'bäpu ja rá ngu, gue bi xifi da mbenpu ja ra hnini Jope 'da yan 'yohu, da 'yønni nanguecä. ¹⁴ Ne bi xifi gue ga xifi hague dán zä dim pøhø, ne'u 'bøpu rá ngu. ¹⁵ Ne nu'bu mí jua'a bi xic ra Cornelio, dá du'mi dá zocä buya. Ne nu'bu má du'mi dá mangä, nu rá Hogandähi Oja bá ɛhe ne bi gohmbu u mí 'bøpu buya, tengutho bi 'yørcahu rá mbädi thoho. ¹⁶ Ne nubuya dá bøngä rám hma ra Hmu Jessús nu'bu mim ma: "Nu ra Xuua bi xixyq ahu ra dehe, pe nugä ga 'da ahu rá Hogandähi Oja," bi 'yøngähe ra Jessús, bi 'yøn'a ra Pedro.

¹⁷ Ne xø bi 'yøna:

—Nu'bu n'dat'a ran t'unni bi un Oja u, tengutho bi 'daju 'bu ya xtá ɛc'yeihu ra Hmu Jesucristo, ha da zä ga serpä a in nde da 'yøt' Oja, bi 'yøn'a ra Pedro.

¹⁸ Nu'bu mí 'yø'u yu 'yøc'yei 'bøpu Jerusalén 'be'a bi man ra Pedro, him mam bi zu'i pe bi 'yøspa Oja, ne bi 'yøn'u:

—A, njabu øt Ojaq 'bu, gue ne'u yu ja'i hing yu judío di japi di päh yan 'yomfeni nangue yu ts'oqui, ngue ne'u din ja ra temazai u, bi 'yen'u.

Nu yu 'yec'yei dim peti bu Antioquía

¹⁹ Nu'u 'da yu 'yec'yei ngue bi nu ran unbi bu Jerusalén 'bu mí mba ntho ra Esteban, bin 'uext'u. Nu'u 'da bi mba bu n'danni yu häi Fenicia nepu Chipre nepu ja ra hnini Antioquía. Bi man rán ho ma'da'yo ra Cristo bu bim 'bui, pe hont'u yu mijudío bu bi xifi. ²⁰ Pe nu'bu mí zom bu Antioquía 'da yu mengu bu Chipre nepu Cirene, bi zo'u hing yu judío, gue ne'u bi xifi nangue ra Hmu Jesus. ²¹ Nu'u mí ja ra ts'edi xan ho nangue Ojaq u, janangue'a xan ngu yu ja'i hing yu judío bi 'yec'yei, bi hyese yu t'ec'yei, ne bi den'na ra Hmu.

²² Ne bi 'yo'u yu 'yec'yei 'bapu Jerusalén gue bi 'yec'yei u 'da hing yu judío bu Antioquía. Janangue'a bi mbenpu a ra Bernabé. ²³ Ne nu'bu mí zom bu, bi nu ngue i nu rá mate Ojaq yu ja'i i 'bapu. Bin johya rá mbui ra Bernabé buya, ne bi zofo, bi xifi hin da hyegui, pe din 'yomanho bu ja rá 'yu Ojaq, ne da 'yorpa rá 'befi Ojaq ngue gätho yu mbui. ²⁴ Nuna ra Bernabé n'da ra hocja'i na, ne mí hä rá ts'edi xan ho rá mbui nangue rá Hogandaqhi Ojaq in 'youi, ne mí 'yec'yei xan ho. Janangue'a xan ngu mi'da yu ja'i bi 'yec'yei ra Hmu.

²⁵ Nubuya, bá pom bu ra Bernabé, bi mba bu Tarso bi hyom bu ra Saulo. Ne nu'bu mi dini, bi zixpu Antioquía. ²⁶ Ne n'dajey**a** bám 'buhmi bu, ne mi pa bu ja ram peti ne bi xanbi xan ngu yu ja'i. Guepu ra mbadi bi t'embi yu cristiano u yu 'yec'yei, gue mí nde da ma, i ten ra Cristo u.

²⁷ Nu'u yu pa u, bá nexpu Jerusalén 'da yu pongahyq, bi mba bu Antioquía. ²⁸ Nu'u n'da í Agabo, bi ndants'i bim 'bapu madím peti yu 'yec'yei, ne bi ma con rá ts'edi rá Hogandaqhi Ojaq. Bi ma gue din ja ra thuhu gätho ra ximhäi. Ne nuna bin ja 'bu mim hmuts'ut'abi bu Roma a ra Claudio. ²⁹ Ne nu'bu mí n ja ra thuhu, nu'u yu 'yec'yei bu Antioquía bi zänni hangu na ngu ts'u ra mbeti da badi n'da ngu n'da, gue da 'benpu u yu mi 'yec'yei 'bapu ra häi Judea, ngue da mbäx'i ts'u. ³⁰ Ne ngubu bi 'yot'e, bi mbenpu

ra mbeti u yu ngurpi yu 'yec'yei bu Judea, bi hyaq'a ra Bernabé ne ra Saulo.

12

Bi tho ra Jacobo ne bi mba mfent'i ra Pedro

¹ Nu'u yu pa u, nu ra ts'ut'abi Herodes bi manda da mba mfent'i yu 'yec'yei, bi du'mi di unba u. ² Ne bi manda ngue bi tho ra Jacobo rán 'yohu ra Xuua, ra juai í tho a. ³ Nu'bu mi baq ra Herodes gue i numanho yu judío hing yu 'yec'yei gue bi hyo ra Jacobo, bi bent'a ra Pedro, ne bin theui n'da ra dämpeti mí sänba Ojaq u yu israel, t'embi däbaxjua. ⁴ Janangue'a him 'bex bi tho ra Pedro, pe bi jot'a fädi. Ne bi manda 'de'ma 'dato yu dofu ra Herodes di jamansu ra goxthi, 'da'i goho n'da cat'i. Mím ben'a ra Herodes xtán zixpu 'buh yu ja'i, mí en xtá hyo bu 'bu mí gua'a ram peti ran däbaxjua. ⁵ Nu ra Pedro guexta'a mí pa m'bädi xan ho bu ja ra fädi, pe nu yu mi 'yec'yei bim peti, ne emme bin yaq Ojaq nangue ra Pedro.

Ojaq bi guc'a ra Pedro nu'bu mí ofädi

⁶ Nu ra xui a gue mi en'a ra Herodes xtán guc 'bu mí hyats'i, nu ra Pedro mi cat'inde yoho yu dofu, ne nu'a, nthu't'i yoho yu cadena, ne bin aqha. Ne xø mí 'bapu mí'da yu dofu bu ja rá goxthi ra fädi. ⁷ N'dahmantho bi zopu 'buh ra Pedro n'da rám 'behni ra Hmu mahets'i. Ne bi necpu mbo ra fädi. Nu ram 'behni bi 'yaqba rá hyo ra Pedro, bi 'yä'a, ne bi 'yembi:

—Ndants'a n'dihi, bi 'yembi.

Nu yu cadena bi xose gue'a mán thu't'i rá 'yei. ⁸ Ne nu ram 'behni bi 'yemp'a mahon'a:

—Dami tu't' ni ngu't'i ne gui 'yu't' ni thixfani.

Nu ra Pedro bi 'yot'e tengu bi si'a. Ne xø bi 'yembi:

—Hye ni dapahni ne gui tengui.

⁹ Nu ra Pedro bi den'na ram 'behni, bi bom buya. Pe him mí paq 'bu majuaqni gue'a rám 'behni Ojaq bi zits'i, uague tengu'bu bi 'uitho. ¹⁰ Ne nu'bu mi thopu bí 'bäh rá mbadi yu mbädi, ne bi thopu ná yoho 'bäh yu mbädi, bi zom bu bí ja ra jut'it'egui bu ja ra 'yu ní mba bu hnini. Bi xose ra jut'i ne bi bom buya. Ne nu'bu min 'yo bu 'yu, bi 'ue'a rám 'behni Ojaq, bi ts'o'a ra Pedro buya.

11 Nu'a ra Pedro, nu'bu mi badi 'be'a gätho bin ja, ngue majuqni ne hing ra t'i, bi 'yense:

—Dí pasgä ya gue ra Hmu mahets'i bá pehna n'da rám 'behni, ne bá jugä bu ja rá ts'edi ra ts'ut'abi Herodes, ne bi yangä nangue 'be'a nde xtá 'yorcä ma mijudíohe, bi' yense ra Pedro.

12 Ne nu'bu mí 'yomfeni ts'u, bi mba bu ja rá ngu ra María, rá mbe ra Xuua Marcos, ne xun ngu madí peti bu, i yah Ojaq nangue ra Pedro. **13** Ne nu'bu madí jät ra jut'i bu thi ja ra mbä't*i*, bi mba bu n'da ra hmute, ra 'yehé, í Rode, gue da badi to'o i 'bapu. **14** Ne nu'bu mí 'yorpa rá nde ra Pedro, bi badi to'o, ne emme madí johya. Pe him 'bex bi xocuabi nguetho in nde m'bet'o bi xi'a n'dihi yu ja'i 'bapu, gue 'bapu ra Pedro bu ja ra goxthi. **15** Nu yu ja'i bi 'yenmbi:

—Guí häte.

Pe nu'a ra hmute guexta'a mi ma gue gue'a ra Pedro. Ne nu'u bi ma:

—Gue'a rán daqhi a.

16 Pe nu ra Pedro bi thoc thoho di jät ra jut'i, ne nu'bu mi xocpi ne bi nu gue gue'a ra Pedro, bi hyonya thoho u. **17** Pe nu'a ra Pedro bi uanba rá 'ye, ndepe din hç. Ne bi xifi ha án zä bi gacpu ja ra fädi ra Hmu. Ne bi 'yenmp'u yu ja'i:

—Dami xihmbu a man'da ra Jacobo, gue ra Santiago a, ne'u mi'da yu 'yec'yei 'be'a bin ja, bi 'yenna.

Ne bi bon'a ra Pedro bi mba n'danni.

18 Nu'bu mi hyats'i, emme bin ja ran cui, gue'da xnin 'yänthoho yu dofui, nguetho him bi badi 'be'a bin ja ra Pedro. **19** Ne nu ra Herodes bi manda dí honi pe him bá thi*n*i. Ne nubuya bi 'yän'du yu mbängoxthi hague bin ja, ne bi manda ngue da tho'u buya. M'bejua bi bon'a ra Herodes ra häi Judea, bi mba bu ja ra hnini Cesarea, ne bám 'bapu.

Bi du a ra Herodes

20 Ne nu ra Herodes emme mí numan'u yu ja'i 'bapu ra hnini Tiro nepu Sidón. Pe nu yu ja'i bim peti, pe m'bet'o bin amigohu ra Blasto, rám fäts'iui ra ts'ut'abi Herodes. Ne bi sih ra Blasto din hocpahu a ra Herodes, nguetho jatho dí nexpu 'be'a da zi yu ja'i bu bí ja rá häi ra Herodes. **21** Janangue'a bi zän man'da ra pa buya, nu yu ja'i bim peti. Nu ra Herodes bi hye rá pahni emme xun ho, ne

bi hyupu ja rá mexa, ne bin hot'ahyaq. **22** Ne emme bi mbahni yu ja'i ne bi 'yenn'u:

—Hing rá nde n'da ran 'yohu bu na yq nu, pegue rá nde n'da ra ojaq, sä çn'u.

23 'Dahmantho n'da rám 'behni Ojaq mahets'i bi japi 'bex bin zäman'u ra Herodes, nguetho him bi ma ngue hinga gue'a Ojaq a, him bi 'yespa Ojaq. 'Bex bi nequi yu zu'uç mbo rá foho, bi du buya.

24 Pe nu rám Hman Ojaq bi thoqui bi hma, gätho bu n'danni bi 'yøh rám Hman Ojaq yu ja'i.

25 Nu ra Bernabé ne ra Saulo, nu'bu mi guah yu 'befi, gue bi sifi da hyaq ra mbeti bu Jerusalén, bá peng buya, bán 'yohu ra Xuua Marcos, bi zøpu Antioquia mahøn'a.

13

Nu ra Bernabé ne ra Saulo bi damp' yu 'befi ngue bi mamp rám hman Ojaq bu n'danni yu häi

1 Nubu ra hnini Antioquia mi 'bapu yu 'yec'yei ngue nzai dim peti. 'Da'u yu pøngahyq, ne 'da'u yu xänbate. Mí 'bapu ra Bernabé, ne Simón t'embi Negro, ne ra Lucio ra mengu bu Cirene. Ne mí 'bapu ra Manaén, nu'a 'darpu bi mba ma tedeui ra Herodes rá ts'ut'abi ra häi Galilea, ne mí 'bapu ra Saulo. **2** N'da ra pa nu'bu mí 'yøt' ram peti u, ne mí 't' yán ts'ihme, ne nu'a rá Hogandaqhi Ojaq bi 'yenmp'u:

—Dami 'ueju ya yoho yun 'yohu, ra Bernabé ne ra Saulo, nguetho xtá huanhdä u da 'yøt' ra 'befi dá xifi, bi 'yenmbi.

3 Nu'bu mí 'yø't' yán ts'ihme mahøn'a, bi 'yäp rám fäts'i Ojaq 'bu mí dospa rá yq ra Bernabé ne ra Saulo.

Bin 'yehmbu buya:

—Ojaq da zix ahu, bi 'yenmbi.

Nu'u bi 'behni bi mam bu rám Hman Ojaq bu Chipre

4 Nubuya nu rá Hogandaqhi Ojaq bi zix'a ra Bernabé ne ra Saulo, bi mba bu ra hnini Seleucia. Nu'bu mí nexpu, bi hyu ra barco, bi mba bu ra häi Chipre, ra t'uhäi i ja bu made ra dejaq. **5** Ne nu'bu mi zøm bu ra hnini Salamina, bi mam bu rám Hman Ojaq bu ja yu njaq yu judío. Ne ra Xuua Marcos mí'n 'yohu ne bim fäxpu. **6** Nu'bu mi thopu gätho ra häi Chipre, bi zøm bu ja yu hyodi ra hnini

Pafos. Ne bin t̄imhb̄a n'da ra judío gue ra bādi, ḓna rá p̄ongahyä Ojä p̄gue ra hyäte a, nu rá thuhu í Barjesús. ⁷ Nu'a mín 'youi b̄a ja rá 'b̄efi ra Sergio Paulo, rá ts'ut'abi ra häi b̄a. Nu'a ra Sergio Paulo n'da ran 'yohä ḓmmë mí ja rán 'yomfçni x̄an ho. Nu'a bi zohna ra Bernabé ne ra Saulo nguetho nde da 'yøh rám Hman Ojä. ⁸ Pe nu ra bādi Barjesús, n'dat'a ra Elimas, bi 'yut'a ra ts'ut'abi, nguetho hingui ndepe da 'yec'yεi a i sifi, ne bin junthu a ra Bernabé ne ra Saulo. ⁹ Nu ra Saulo, n'dat'a ra Pablo a, n'youi x̄an ngu ra ts'edi nangue rá Hogandähi Ojä a, ḓmmë bi hyet'a ran 'yohä ngue ra bādi. ¹⁰ Ne bi 'yemp'a:

—Nu'i gra ndøhyäte ḓmmë guín 'youi gätho 'b̄e'a x̄an ts'o. Nu'i gra ts'unt' u i ra dämants'o. Nu'i gadí ucu'a u gätho x̄an ho. Ha njäm'b̄a gui 'yε't's'a gní xih yu ja'i hingui ho 'b̄a da dēn Ojä. ¹¹ Nuya da 'yot'a'i ran unbi ra Hmu mahëts'i. Gan xädä gue hin da zä gui nu ran nequi 'da yu pa, bi 'yemp'a ra Pablo.

'Bex bin xädä, bi gä 'b̄exui rá dä, ne bi hyoni to'o da gurpa rá 'yε'a b̄uya. ¹² Nu'b̄a mí nu'a ra ts'ut'abi 'b̄e'a bin ja, bi hyonya thoho, 'bex bi 'yec'yεi b̄uya, nguetho ya bi bādi majuani a rán xädi ra Hmu mahëts'i ngue mí man'a ra Pablo.

Ra Pablo ne ra Bernabé nub̄ ra hnini Antioquía, gue ra häi Pisidia

¹³ Nu ra Pablo ne'u mín 'yohä bi hyu ra barco, bi nexpa Pafos ne bi zøm b̄a Perge b̄a ja ra häi Panfilia. Pe nu ra Xuua Marcos bá ḓ'a, bá sotho u mí 'yohä, ne bá peng mahøn'a b̄a Jerusalén. ¹⁴ Nu ra Pablo ne'a ra Bernabé mí 'youi, bi nexpa Perge bi mba b̄a man'da ra hnini Antioquía b̄a ra häi Pisidia. Ne nu'b̄a mi zøn ra pa ran säya, bi yarp̄a ja rá nijä yu judío ne bi hyup̄a u. ¹⁵ Nu'b̄a mi gua'a man'u 'b̄epa, ngue rá s̄ocuä yén t'edi yu judío ne rá s̄ocuä yu p̄ongahyä, nu'u di jamansu b̄a ja ra nijä bi xi'a ra Pablo ne ra Bernabé:

—N'yohä aui, nu'b̄a ja aui ts'u n'da ran zofo, dami xije ts'u.

¹⁶ Bi ndants'a ra Pablo b̄uya, bim 'bäi, bi uqñ rá 'yε ngue ndepe da 'yøh yu ja'i, ne bi 'yembi:

—N'yohä ahü ma mi'israelhu, ne gätho ahü guín numansuhu Ojä, dami 'yøhmb̄a ya. ¹⁷ Nu'a Ojä gue dí tenhd̄a dyu israelhu, bi huan'da mam bombøtahu ne bi japi bin xändi x̄an ngu nu'b̄a mí 'b̄epa ra häi Egipto, ne mí 'b̄epa tengu yu n'dan'yo ja'i. Ne nu Ojä b̄uya bá ja'c'u nangue rá ts'edi b̄a mi 'b̄ui. ¹⁸ Ne madague'a him madí däp Ojä yu mbui u 'b̄a min 'yo mbε nyote njeya b̄a ma'ueni u, pe guehma bin ja rá yemb̄a Ojä. ¹⁹ Ne bi un'na ra häi Canaán u ma mi'israelhu gue di manda zεhε, 'b̄a mí jua'a bi hyo'u yoto yu nde xmí 'b̄epa. Ne bin zäm b̄a ma mi'israelhu b̄uya. ²⁰ Nu Ojä b̄uya bi japi bim 'b̄ah yu zε'mi, ne goho cierto ne yote ma'det'a njeya madí manda ma mi'israelhu, asta gue'b̄a go mí'm 'b̄ah ra p̄ongahyä Samuel. ²¹ M'b̄ejua bi ndesε yu ja'i n'da ra hmuts'ut'abi di manda u. Ne bi jap Ojä a ra Saúl dim hmuts'ut'abi b̄uya. Nu ra Saúl, rá ta a ra Cis, gue rám bombøta ra Benjamín mí 'b̄ah maya'b̄a. Ne nu'a ra Saúl bim hmuts'ut'abi yote njeya. ²² Nu'b̄a mi 'uec Ojä ra Saúl b̄uya, bi japi bim hmuts'ut'abi ra David. Ne mi man Ojä, bi 'yεna: "Nuna ra David, rá ts'unt' u a ra Isaí, ḓmmë dín numanho, nguetho da 'yørca a ma pähä ne 'b̄e'a gätho dín nde," bi 'yεn Ojä, bi 'yεn'a ra Pablo 'b̄a mí zo'u yu mijudío b̄a ra hnini Antioquía, ra häi Pisidia.

²³ Ne bi thoqui bi man ra Pablo, bi 'yεna:

—Ne gue'a ra David rám bom'bεto na ra Jesús gue bá pencahu Ojä, ma pørpatehu dyu israelhu, dyu judío b̄a, tengu mí man Ojä maya'b̄a. ²⁴ Ya ma guep̄a di dømp'rá 'b̄efi ra Jesús, nu ra Xuua mí xih ma mi'israelhu gue din xixyä to'o gätho bi päh yu mbui nangue yu ts'oqui. ²⁵ Nu'b̄a mi ts'utho da du a ra Xuua, nu'a mí mam buya: "Nu'a gá b̄emhb̄a gue guecä pe hinga guecä. Pe m'b̄ejua ba εhε, ne hin dí s̄ucä tengu a, nguetho ḓmmë x̄an hëts'i rá ts'edi a," mí ḓn'a ra Xuua, bi 'yεn'a ra Pablo.

²⁶ Ne bi thoqui bi man ra Pablo, bi 'yεna:

—Man 'yohä ahü, yám bom'bεtojü ra Abraham, ne mi'da ahü gue ne'ahü guí numansuhu Ojä, guejü bá pencahu na rám hma Ojä, ne i ma hague dán zä di pøjü. ²⁷ Pe nu ma menguhu mí 'b̄epa Jerusalén, ne yu ngurpi u, him mi pødi gue gue'a ra Jesús mí

o't' yu pøngahyq, madague'bu i hmam bu ja ma nijahu gätho yu pa ran säya. Janangue'a bi 'yørpa ra Jesús tengu mán t'o't'i 'bu mí yapi gue da hyo. ²⁸ Nu ra Jesús nte mí dupate, pe bi si'a ra Pilato gue di manda da tho. ²⁹ Ne nu'bu mí 'yørpe 'bu'a gätho mán t'o't'i bu ja rám hman Oja, ne m'buejua buya bi mba ma cq'mi bu ja ra pont'i, ne bi t'ägui. ³⁰ Pe nu Oja m'buejua ts'u bi xoxpa 'bu'u xudu. ³¹ Ne nu yun 'yohu mí 'yohu mam'buet'o a ra Jesús 'bu mí nuxpu ra häi Galilea, ne bi mba bu ra daqhnini Jerusalén, ne guet'u i xih yu ja'i u ya.

³² Necä'be dí xi ahu ya nangue ra Jesús, ran ho ma'da'yo gue'a mí xi Oja u ma butahu 'bu mí ma gue 'bu'a majuqni din ja. ³³ Ne gue'a bin ja a ya. Gue bi jacuahu 'bu mí xox'a ra Jesús, gue gueju dyum bom'buetoju u bi xi Oja majuqni. Tengu mán t'o't'i bu ja rám Hman Oja, ná yoho ra Salmo, i ɛna: "Nuya nam pa ya, dí ɛ'ts'i'i, da nu'u yu ja'i ya gue majuqni ma Ts'ant'u i," mí ɛn Oja 'bu mi 'yɛna, bi 'yɛn'a ra Pablo.

³⁴ Ne xo bi 'yɛn'a ra Pablo:

—Ne bi xox Oja a ra Jesús 'bu mí du, ne hin da du mahon'a. Ne gue'a bi man Oja, 'bu mi 'yɛna: "Dat'a ra hoganjapi ga 'da'i tengu dá xih majuqni ra David," bi 'yɛn Oja, bi 'yɛn'a ra Pablo.

³⁵ Ne xo bi 'yɛna:

—Ne gue'a bi mam bu man'da ra Salmo gue bi 'yo't'a ra David, bi xi Oja: "Hin gui jap'a ni Hoga Ts'ant'u da 'ya a rá ngøc'yɛi," bi 'yɛmbi. ³⁶ Pe nu ra David nu'bu mí jua'a rá 'buefi ngue bi 'yørpa rá pähä Oja gätho mí 'bucua ja ra häi, bi du. Ne 'darpu yun 'yägui yu buta bi t'ägui, ne bi 'ya bu rá ngøc'yɛi a buya. ³⁷ Pe nu'a rá ngøc'yɛi ra Jesús, bi xox Oja a, him bi 'ya a. ³⁸ Ma cu ahu, dín nde ahu gui paqhmbu, nangue ra Jesús i jaju ra punbi nangue ma ts'oquihu, ne gue'a dí xi ahu a ya. ³⁹ Hønt'a go to'o gahu ga däp ma mbuihu a ra Jesús, din jaju ra punbi gätho ma ts'oquihu. Ne madague'a dí øthu yun t'ëdi ra Moisés bi xi Oja, pe hinga gue'u dí punga ma ts'oquihu u. ⁴⁰ Dami 'yɛc'yɛihu ra Cristo ya, janangue'a hin gui nuhu 'bu'a bi man yu pøngahyq bu ja rám Hman Oja, nu'bu mí ma:

⁴¹ Damin 'yomfɛnihu ts'u a gnán thennate thohu, nguetho dí øt'ä n'da ra 'buefi nujxte yu pa jabuya guí 'buhmbou.

Pe nu'bu hin gui 'yɛc'yɛihu 'bu 'bo'o i xi ahu, gui hyonya thohohu 'bu bi mba ma un'n'i ahu, ne gui tuhu buya.

Gue'a mí man yu pøngahyq 'bu mí 'yɛn Oja, bi 'yɛn'a ra Pablo.

⁴² Ne nu'bu mí bøm bu ja ra niju ra Pablo ne'a mí 'youi, ne nu'u 'da gue madim peti bu bi 'yäp ra mate gue da xih mahon'a 'bu ni yoto u, tengu xí xih ya. ⁴³ Ne nu'bu mí gua'a ram peti bu ja ra niju, xun ngu yu mijudíohu ne'u i 'yɛc'yɛi tengu yu judío, bi den'na ra Pablo ne ra Bernabé. Nu ra Pablo ne ra Bernabé bi xif*u*ngue di thoqui da 'yɛc'yɛi ra Jesús, gue dí 'daju rá mate Oja a.

⁴⁴ Janangue'a nu'bu mí zon'a hyøto pa buya, ngue ra pa ran säya, mbe gätho na ngu yu ja'i 'bupu ja ra hnini bim peti bu, ngue da 'yøh rám Hman Oja mahon'a. ⁴⁵ Pe nu'bu mi nu'u yujudíohu ngue ní mba bu ja yuniju gätho yu ja'i, ne bin seya u buya. Ne bin junthu ra Pablo ne mí ɛn'u him majuqni a bi ma, ne bi c'qman'u a. ⁴⁶ Nu ra Pablo ne ra Bernabé bi hyut'ran zambui ne nts'edi bi ma:

—Bi zän Oja m'buet'o thoho bi siju rám Hman Oja dyujudíohu, ne hin gá hyømhbu. Janangue'a hin nin sähu gui hyømhbu ra temazai. Pe ga mbähmbe ga xihmbe yu ja'i hing yu judío ya. ⁴⁷ Nguetho ra Hmu mahots'i bi mbuencähe ne mi ma:

Ya dá penh'nahu gui xihmbu yu ja'i hing yu judío, din ja ran nequi yu mbui.

Ne gätho ra ximhäi gui mamhbu hague dán zä ga yanba yu te yu ja'i, ne gue'a bi xiye ra Hmu a, bi 'yɛn'a ra Pablo.

⁴⁸ Ne nu'bu mí 'yøh yu ja'i ngue hing yu judío 'bu'a bi man ra Pablo, bin johya yu mbui, ne bi 'yɛna:

—Xun ho rám Hman Oja, bi 'yɛn'u.

Ne bi 'yɛc'yɛi to'o gätho mán thahni gue din t'un'na ra temazai. ⁴⁹ Ne nu rám Hman Oja, ya gätho bu ja ra häi Pisidia bi hma.

⁵⁰ Pe nu'u 'da yu judío bi parpa u 'da yu xisu, gue'u 'da mí søm bu ja yuniju ne mí pa nt'ëspi bu ja ra hnini, ne'u mi'da yun 'yohu gue yungurpi bu ja ra hnini. Ne nu'u bi ucpa ra Pablo ne ra Bernabé buya, ne bi xif*u* da

bøm bø ja yú häi. ⁵¹ Janangue'a nu ra Pablo ne ra Bernabé bi huac yú gua yø fonthäi, ngue n'da ra hmepya nde da ma, da nu rán theui a bi 'yøt'ø. Ne bi mba bø ja ra hnini Iconio bøya. ⁵² Pe nu yø 'yøc'yøi bø Pisidia ñmme bin johya, ne bi hyø ra ts'edi xøn ho nangue rá Hogandøhi Oja.

14

Ra Pablo ne ra Bernabé nubø ra hnini Iconio

¹ Nubø Iconio, bi yørpø ra Pablo ne ra Bernabé bø ja yø niqø yø judío, ne bi mam bø a rám Hman Oja. Ne bi ma xøn ho, janangue'a xøn ngu yø mijudíohø bi 'yøc'yøi, ne'ø yø ja'i gue hing yø judío. ² Pe nu'ø da yø judío ngue him bi 'yøc'yøi ñmme madin 'yøthø ø hing yø judío, bim parbi da zø'ø yø 'yøc'yøi. ³ Pe nu ra Pablo ne ra Bernabé nya'a bim 'bøpø, nguetho xøn ngu bi 'yøc'yøi bø, ne bi hyut' ran zambøi bi ma nangue ra Hmu mahøts'i. Nu ra Hmu bi un yø ts'edi ø ngue da 'yøt' yø hmepya ne yøn t'øt'e nujxte, guepø da bøh yø ja'i, Oja in 'yohø ra Pablo ne ra Bernabé. ⁴ Pe nu yø ja'i bø ja ra hnini bin heque. 'Da'ø bi døn yø judío hing yø 'yøc'yøi, ne 'da'ø bi døn ra Pablo ne ra Bernabé. ⁵ Janangue'a, nu yø ngørpi bø ja ra hnini bi un ran t'ødi ø hing yø 'yøc'yøi, yø judío ø'da, hing yø judío ø 'da, gue da zø'ø, ne di bat'ado ø. ⁶ Pe nu ra Pablo ne ra Bernabé, 'bø mí bødi 'be'a nde da 'yørpe, bi 'dagui, bi mba bø ja ra hnini Listra, nøpø ra hnini Derbe nubø ra häi Licaonia. Ne bin 'yo gätho ra xøqui bø. ⁷ Nøpø bø mam bø rán ho ma'da'yo ra Cristo bø ø.

Bi mba ma bat'ado ra Pablo bø Listra

⁸ Nubø ja ra hnini Listra mí 'bøpø n'da ran 'yohø, ra dogua, ngue ya xín jabø 'bø mim 'bøi. Ne mí hurpø nguetho hin jøm'bø bin 'yo. ⁹ Nu ran 'yohø i øde 'be'a bi man ra Pablo. Nu'bø mí hyøt a ra Pablo, mí pødi 'be'a mím bøn'a zø dogua, ngue ya i 'yøc'yøi gue dí hocpa rá gua ya. ¹⁰ Janangue'a nu ra Pablo nts'edi bi ma:

—Ndants'i gam 'bäi.

Nu ran 'yohø bøya 'bex bi zägui bin 'yo.

¹¹ Ne nu'ø yø ja'i, nu'bø mínu 'be'a bi 'yøt'a

ra Pablo, nts'edi bi mbafø, ne bin yø yø nde 'ø licaonia, bi 'yøna:

—Nuya yø ojø ya, pe bi nequi tengu'bø yøn 'yohø, bi zøcua ja ra häi dí 'bøhmbø, bi 'yøn'ø.

¹² Nu ra Bernabé bi 'yømbi tengu rá thuhu yø ojø zøhe ra Júpiter, ximangutho a ra Pablo bi 'yømbi tengu rá thuhu yø ojø zøhe ra Mercurio. Nguetho man'da mi yø'a ra Pablo, ne i ñmbi rá pøngahyø ra Júpiter a ra Mercurio. ¹³ Nu'a ra mbøjø bøya, ngue mí pøp'a yø ojø Júpiter, mí ja bø n'da ra ngu bø ndehnini, guepø mí thønde ra Júpiter yø ja'i. Nu'a ra mbøjø ne'ø 'da yø ja'i bø si yøn døni guepø 'bøh ra Pablo ne ra Bernabé, ñmbi ra Mercurio ne ra Júpiter, gue da hyø yøn døni da mbøspe. Ne bø cø yø døni, gätho da mbøspe. ¹⁴ Pe nu'bø mí bøh ra Bernabé ne ra Pablo 'be'a i nde da 'yøt'ø yø ja'i, bi yørpø 'bøh yø ja'i, bi døn yø pahni, ndepe da bøh yø ja'i hingui numanho 'be'a nde da 'yøt'ø, ne bi 'yømbi:

¹⁵ —N'yohø ahø hanja ngubø gní 'yøthø. Nguetho dyán 'yohø thoho'be, pe bø 'be ua gue døn nde ga xi a'be gui 'yes'hø 'be'a guí øthø, nguetho säti thoho 'be'a guím bømhø. Nde'bø gui 'yes'hø gní thøndeheø ø guí ñmfø yø ojø ua ja ra häi, ne gui thøndeheø majuøni Oja. Nguetho gue'a bi 'yøt' mahøts'i ne cua ja ra häi ne ra dejø ne gätho i ja ua. ¹⁶ Nu'ø yø pa bi thogui, Oja bi hyøtho yø ja'i da 'yøzøhe yø pähä zøhe. ¹⁷ Pe nu Oja bøya zøi i urcahø rá hogan 'yomføni i ørcahø, gue bí pønh ra 'ye ne di japi din ja ma huøhiø, ne di 'dajø 'be'a dí sihø ne di 'dajø ran johya ma mbøihø, bi 'yøn'a ra Pablo.

¹⁸ Madague'bø ngubø mí man ra Pablo, pe xøn høi bø í høcpø yø ja'i gue hin da mbøspe.

¹⁹ Pe bi zøm bø 'da yø judío bø ne xpø ra hnini Antioquia bø ja ra häi Pisidia, nøpø Iconio, ne nu'ø bi parba yø ja'i da zøh ra Pablo ne ra Bernabé. Nu yø ja'i bøya bi bat'ado ra Pablo ne bi gørpø häi, bi hyøn'a thi bø ja ra hnini, ne ñmbi gue ya bi du. ²⁰ Pe nu'bø mí zøh yø 'yøc'yøi bø 'be'n'a ra Pablo, bi ndants' pøya, ne bi mba mahøn'a bø ja ra hnini. Nu'bø mí hyax bøya bi mbø ra Bernabé bø ja ra hnini Derbe.

²¹ Nuba ja ra hnini Derbe bi mamp'a rán ho ma'da'yo ra Cristo, ne xan ngu bi 'yec'yei. Ne nubuya, nu ra Pablo ne ra Bernabé bá nexpa, bi thoh mahon'a buja ya hnini Listra ne Iconio nexpa Antioquía bu ra häi Pisidia. ²² Guepa bi thoqui bi hat ra ts'edi yá mbai yá 'yec'yei, ne bi xifi di thocta a dí 'yec'yei, nguetho gätho to'o da yarpá di manda rá ts'edi Oja, jatho da nu xan ngu yan ubi. ²³ Ne nubuya nu ra Pablo ne ra Bernabé bi 'yec't' yan ts'ihme 'bu mí huan'da din ngurpi n'da ngu n'da buja yam peti. Ne bi 'yap Oja ngue da mbax'á yá ngurpi. Ne bi dáp'a Oja á gätho na ngu yá 'yec'yei gue di jamansu, nguetho bi 'yec'yei Oja.

Bá peng bu ra Pablo ne ra Bernabé bu Antioquía ra häi Siria

²⁴ Ne nubuya ra Pablo ne ra Bernabé bi thopu ra häi Pisidia ne bi zom bu ra hnini Perge nubu ra häi Panfilia. ²⁵ Ne guepa bi mamp'a rán ho ma'da'yo ra Cristo. M'bejua buya bi mba bu ra hnini Atalia. ²⁶ Guepa bi hyu ra barco bi mba bu Antioquía bu ra häi Siria, guepa ra mbudi xí un Oja yá 'befi, ne xí t'ap rám fäts'i Oja. Ne nuya bi juah ya. ²⁷ Nu'bá mi zom bu, bi ma dim peti yá 'yec'yei, ne bi xifi gätho bi 'yot'e ngue bi ze'a Oja, ne bi xifi ne'á hing yá judío bi jap Oja bi 'yec'yei. ²⁸ Ne nu ra Pablo ne ra Bernabé, nya'a bim 'buhmbu yá 'yec'yei bu buya.

15

Bim peti yá ngurpi bu Jerusalén

¹ Nu'á yá pa bi zom bu Antioquía 'da yan 'yohu bi nexpa ra häi Judea. Ne sá bi xi'á yá 'yec'yei hing yá judío ngue hingui sá dim pø'a n'da bu hinga nthequi yá xifani, tengu bi xänba ra Moisés yá judío. ² Nu ra Pablo ne ra Bernabé nts'edi bin junthá, janangue'a bi t'embí da mba bu Jerusalén, ne'á mi'da yá 'yec'yei, din yahu bu yá 'bäihu ra Cristo ne'á mi'da yá ngurpi bu, nangue 'be'a bi man'á yan 'yohu.

³ Janangue'a nu'á yá 'yec'yei bu Antioquía bin 'yehmbu buya, bi mbenpu ja ra 'yu. Ne nu'bá mi hyaq ra 'yu ní mba Jerusalén, bi thopu ja ra häi Fenicia nexpa ra häi Samaria. Ne nubu bi thogui, bi xih yá 'yec'yei ngue bi hye'á yá t'ec'yei zehé yá hing yá judío, ne

bi den ra Cristo. Ne nu'bá mí 'yø'á yá cu nangue ra Cristo 'be'a bi man ra Pablo, bin johya buya.

⁴ Nu ra Pablo ne ra Bernabé ne'á mí'n 'yohu buya, bi zom bu Jerusalén. Ne yá 'bäihu ra Cristo ne'á mi'da yá ngurpi mi 'bupá, ne gätho mi'da yá 'yec'yei, bin johya 'bu mí'n nu'á, ne bim petihá. Ne nu ra Pablo ne ra Bernabé bi ma gätho 'be'a bi 'yot'e, ngue bi ze'a Oja 'bu mí xi'á hing yá judío. ⁵ Pe 'da'á yá judío, yá fariseo á ngue mí 'yec'yei, bim 'bäi ne bi 'yena:

—Jatho da mba nthequi yá xifani yá 'yec'yei gue hing yá judío, ne da sifi da 'yot' yan t'edi ra Moisés, bi 'yén'á.

⁶ Nu'á yá 'bäihu ra Cristo buya, ne'á mi'da yá ngurpi, bim peti ngue bin 'yán'da 'be'a man'da xan ho da 'yot'e. ⁷ Ne nu'bá nya'a thoho madín 'yomfeni, bim 'bä'a ra Pedro, ne bi 'yena:

—N'yohu ahá, guí pähmbu gue maya'bá ts'á bi xicá Oja n'dandí gue ga xi'á 'da yá ja'i hing yá judío ran ho ma'da'yo. Ne nangue dá mangä, bi zä bi 'yode ne bi 'yec'yei. ⁸ Nu Oja gue i pärpa yá mbai yá ja'i, bi jajá ga pähmbu i sin'á hing yá judío, nguetho bi un rá Hogandáhi Oja, tengu bi 'daju dyu judiohá. ⁹ Nu Oja him bi 'yot'a n'da ran heque nanguejá dyu judiohá ne'á hing yá judío, pe ne'á bi japi bi bo yá mbai ngue bi 'yec'yei. ¹⁰ Nuya hanja guí emhbá hin da zin Oja yá gue him bi 'yot' yan t'edi ra Moisés, pe ya bi zin Oja. Nguetho guí emhbá i jatho da 'yot'á yan t'edi, tengu'bu guí hyøspahá n'da ra 'beni, gue hin dá häthá, xinga gue'á mam bombøtahá xtá hyät'i, bi 'yén'a ra Pedro.

¹¹ Ne xø bi 'yena:

—Pe nuju dí ec'yeihá ngue da mba ma pøhogähá nangue rá mate ra Hmu Jesú, ngutho'á hing yá judío, bi 'yén'a ra Pedro.

¹² Ne nubuya bi ya ra Bernabé ne ra Pablo, ne bi xi'á 'be'a gätho bi 'yot'e nangue rá ts'edi Oja, yá hmepya ne yan t'ot'e nujxte ngue bi 'yørpá 'buh yá ja'i hing yá judío. Ne gätho ná ya'á njom bin ya. ¹³ Nu'bá mí gua'a bi ma ra Pablo ne ra Bernabé, nu ra Jacobo Santiago bi 'yec'mp'á madim peti bu:

—N'yohu ahá guí 'yøhmbu ya 'be'a dí mangä. ¹⁴ Nu ra Simón Pedro ya bi xijá ha

ín ja Ojä ra mbädi bi huahn'ni 'da yü ja'i hing yü judío ngue da 'yec'yei. ¹⁵ Në ngutho bi man yü pøngahyä 'bä maya'bä, 'bä mi 'yo't'i 'bë'a bi man Oja.

¹⁶ Bi 'yëna:

M'bëjua gua pengä mahön'a,
në ga japi din thändegui mahön'a tengu mi
thändegui nu'bä mí 'bëh ra David.
Tengutho 'bä di hoc mahön'a n'da ra nijä
gue xän yöt'e.

¹⁷ Në gätho mi'da yü ja'i da hyongui, guecä dra Hmu mahëts'i.

Gätho to'o yü ja'i hing yü judío ngue ma
mbëti ü, da hyongui.

¹⁸ Njabä bi man Ojä maya'bä në bi japi bi
fahya gue'bä go maya'bä.

¹⁹ Janangue'a dí xi ahü ya, ën'a ra Jacobo, nde'bä hin te ga xihmbä da 'yot'a xän hei ü hing yü judío, gue nu'ü xí hyesë yü 'yec'yei në i ten'na Oja. ²⁰ Pe ga othü n'da ra söcuä, në ga xihmbä ü da hyegui gätho yän t'ot'e yü hmite, në hin da 'yot' yän 'yomt'ëni, në hin da za ra ngø gue him bi bön rá ji 'bä mí tho, në hin da zi ra ji. ²¹ Janangue'a hin di unba yü mbäi to i ten yän t'ëdi ra Moisés, nguetho xän ngu yü jeya xí thogui i hmam bä ja yü nijä yü judío yän t'ëdi ra Moisés, gätho yü hnini i hma 'bä ra pa ran ts'äya, bi 'yën'a ra Jacobo.

²² Gätho yü 'yec'yei në yü 'bäihü ra Cristo në mi'da yü ngärpi bi numanho 'bë'a bi man'a ra Jacobo. Në mi ën'ü gue da thanh'ni 'da da 'behni da mbähä ra Pablo në ra Bernabé bä Antioquía. Në bi thanh'na ra Judas t'ëmbi Barsabás në ra Silas, në gue'ü 'da yü ngärpi yü 'yec'yei ü. ²³ Në nu ra söcuä ngue bi gäts'i bi ma:

"Nugähe, ma 'bäigähe a ra Jesucristo, në mi'da gähe gue dyü ngärpigähe, në gätho ni cuje nangue ra Cristo, dí pen'nahü ra söcuä, ma cu ahü, në dadí zengua ahe. Dadín cuhü nangue ra Cristo gyü ja'ihü ngue hin gyü judiohu güí 'bähmbä bä Antioquía, nepü gätho ra häi Siria nepü ra häi Cilia. ²⁴ Nugähe dá øhmbe ngue 'da yän 'yohü bi nexua bi mba bä, në bi pat'ahü në bi xi ahü ngue jatho da mba nthëqui ni xifanihü në gui 'yothü rán t'ëdi ra Moisés. Pe nu'ü hin dá penhdähe ü. ²⁵ Nugähe dám petihe në dá sänhde 'da yän 'yohü da mbähä ra Pablo në

ra Bernabé. ²⁶ Nu ra Pablo në ra Bernabé èmme dí numanhohe, nguetho hingui su din 'yo bä hapü ëna da tho, ngue da ma nangue ma Hmu hra Jesucristo. ²⁷ Në dá penhde ra Judas në ra Silas da xi'asehü 'bë'a dá othe. ²⁸ Nguetho rá Hogandähi Ojä bi xije, në dá numanhohe, ngue hin ga 'da ahü mi'da yän t'ëdi xän hei gui 'yothü nangue yän t'ëdi ra Moisés. Hønt' ya zu ts'ü yän t'ëdi dá ot'ahe. ²⁹ Nuya dí xi ahe ya, ngue hin gui sihü 'bë'a bi 'bøspa yü hmite, xíngä gue ra ji gui sihü, xíngä gue gui sahü ra ngø gue him bi bön ra ji 'bä mí tho. Në hin gui 'yothü yän 'yomt'ëni. Nu'bä gui hyehmbä gätho 'bë'a dí xi ahe, xän ho 'bä. Ojä da mbäx ahü. Në hønt'a dí xi ahe ya," bi 'yën'a ra söcuä bi 'yo't'a ra Jacobo Santiago 'bä mí ja ram peti bä Jerusalén, bi gäx ra Pablo.

³⁰ Në nubäya, bi mbähä ra Pablo, ra Bernabé, në ra Judas, në ra Silas bä ja ra hnini Antioquía. Nu'bä mí zöm bä, bi ma dí peti yü 'yec'yei në bi dä ra söcuä baya. ³¹ Në nu'bä mí nu'ü 'bë'a mí mam bä ja ra söcuä, bin johya yü mbäi nangue ran zofo bi sifi, ngue bi hyurpa yü mbäi. ³² Nu ra Judas në ra Silas, në'ü, yü pøngahyä ü. Në nangue rán zofo ü bi hyurpa yü mbäi yü 'yec'yei. Në bi mbäts'i da 'yec'yei xän ho. ³³ Nu ra Judas në ra Silas bim 'bäpü Antioquía 'da yü pa. M'bëjua bin 'yëte yü 'yec'yei, bi mbëhni da mbeng bä 'bä'ü ngue bá penh'dü. ³⁴ Në m'bëjua him bi nde bi mbeng bä ra Silas, në bá copü Antioquía. ³⁵ Në ra Pablo në ra Bernabé bi gopü Antioquía. Nu'ü në'ü gätho mi'da yü xänbate bin xänbate bä, në bi mamp'a rám Hman ra Cristo.

Náyondi bimba n'danni ra Pablo, bi man rám Hman Oja

³⁶ Nu'bä mí tho'i 'da yü pa, ra Pablo bi 'yëmp'a ra Bernabé:

—Ga mbë bä ja n'da ngu n'da yü hnini xtán 'youi xtám mammi rám Hman Oja. Ga nuui ma cuhü nangue ra Cristo 'bë'a di ja'ü.

³⁷ Nu ra Bernabé bi nde da zix'a ra Xuua Marcos. ³⁸ Pe nu ra Pablo him mi nde da zix'a, nguetho nu'a bi 'dapü Panfilia, në him bi thoc rá 'befi bä. ³⁹ Në hinga 'da'angu bi bëmmi në bin heque. Nu ra Bernabé bi zix'a ra Marcos bi hyu ra barco í mba bä ra t'uhäi Chipre. ⁴⁰ Nu ra Pablo bi huanh'na

ra Silas ngue da mbe. Ne nu yü 'yec'yei bu Antioquia bin yahü Ojä, bi 'yap rá mate Ojä nangue'u. Bi mba buya. ⁴¹ Ne nu'u bi thopü ra häi Siria neptü Cilicia, ne nya'a ts'u bim 'bapü hapü bi thogui, gue bi hat ra ts'edi xan ho yü 'yec'yei bu.

16

Nu ra Timoteo bin 'yohü ra Pablo ne ra Silas

¹ Nu ra Pablo ne ra Silas bi mba bu ra hnini Derbe neptü Listra. Ne bin tümhbü bu n'da ra 'yec'yei, ra Timoteo na. Nu rá mbe ra judío, ne ra 'yec'yei a, pe nu rá ta, ra mengu bu Grecia a. ² Nu yü 'yec'yei bu Listra neptü Iconio bi mamanho nangue ra Timoteo. ³ Ne nu ra Pablo bi nde din 'youi a, janangue'a bi hyepa rá xifani, gue hin di u't' yü mbüi yü judío. Nguetho gätho yü judío 'bapü i padi ngue rá ta ra mengu bu Grecia a. ⁴ Ne gätho yü hnini bu bi thogui bi xih yü 'yec'yei da 'yot'e 'be'a bi man ra Jacobo ne yü 'bäihü ra Cristo ne yü ngarp*i* yü 'yec'yei bu Jerusalén, ngue 'be'a xan ho da 'yot'u hing yü judío. ⁵ Ne gätho yü 'yec'yei bi thoctatho bin te yü mbüi nangue 'be'a bi 'yec'yei. Ne mpa 'bu mpa 'bu man'da i hux'a ná ngu yü 'yec'yei.

Nu ra Pablo bi 'uütengu'bü n'da ra mengu Macedonia

⁶ Nu'u bi thocpü ra häi Frigia neptü ra häi Galacia buya, nguetho him bi jep'a rá Hogandähi Ojä xtá man ram hma bu ra häi Asia. ⁷ Nu'bu mi zom bu ra häi Misia üna xtá mba bu ra häi Bitinia, pe nu rá Hogandähi Ojä xinga guepü bi japi da mba bu. ⁸ Bi thorpü ja ra häi Misia buya, bi mba bu ra hnini Troas bu ndendeja. ⁹ Ne nubuya nu ra Pablo bi nu n'da ran t'uti 'bu míxui, tengu'bü ra t'i, üna gue'bü n'da ran 'yohü ra mengu Macedonia mí 'bapü ja rá hmi, ne bi 'yembi: "Ba ecua ja ra häi Macedonia ne gui zeje ts'u," bi 'yena. ¹⁰ Ne nugä dra Lucas, dí o'tä ra söcuü i ja ua, din nde ga mbähmbe bu ra Pablo. Ne nangue'a bi t'ut'a ra Pablo, janangue'a 'bex dán sahe ga mbähmbe bu ja ra häi Macedonia, nguetho dá haxhe njuüngue'a Ojä bi zoncähe bu, in ndeje ga mamhbe bu ran ho ma'da'yo dí yanju a.

Bizom bu Filipos ra Pablo ne ra Silas

¹¹ Nu'bu má pömhbe bu Troas dá huhe n'da ra barco ne njuüntho dá uenthe bu ja ra t'uhäi Samotracia gue i jabu made ra dejä. Nu'bu mi hyats'i dá thohmbe bu Neápolis. ¹² Dá nexhe bu Neápolis buya ne dá sömhbe bu ra dahnini Filipos, rán guat'i ra häi Roma. Nu ra hnini Filipos man'da ja rá ts'edi xinda gue mi'da yü hnini bu ra häi Macedonia. Ne dám 'buhmbe bu 'da yü pa. ¹³ Ne nu'bu ra pa ran säya dá pömhbe bu ja ra hnini, dá mbähmbe bu ja ra ndendaüthe guepü zant'a min yahü Ojä yü ja'i. Ne dá humbe bu, dá xihmbe rám Hman Ojä u yü xisu ngue madim pöti bu. ¹⁴ Ne nu n'da ra xisu í Lidia ra mengu bu Tiatira, bi 'yode 'be'a dá mamhbe. Nu'a ra Lidia ra mbä'bü't'e na, i pä ra 'bü't'e xan japo*i* ngue xan ho. Nu'a i ec'yei ne mi numansu Ojä, janangue'a bi xocua rá mbüi da 'yode xan ho 'be'a bi man'a ra Pablo. ¹⁵ Nu ra Lidia bin xixyü buya ne gätho 'bapü rá ngu. M'bejua bi xicähe:

—Nu'bu guí üna majuüni dí ec'yei ra Hmu mahets'i, ba ühmbü ua ja ma ngu gam 'buhmbe ua 'da yü pa, bi 'yemje.

Ne bi 'yorcahe ts'edi janangue'a dá mbähmbe.

¹⁶ N'da ra pa nu'bu má mbähmbe bu zai bi yahü Ojä yü ja'i, dán c'athe n'da ra hmute ra 'yehü. Nu'a man ra 'yode nangue ra zithu min 'youi, ne mí tümha xan ngu ra mbüti di un'du yü hmu. ¹⁷ Nu'a ra hmute mi ten'na ra Pablo necähe. Bi mbafi bi 'yena:

—Nuya yün 'yohü, yü mbüfi Ojä nuixte thoho, i xängahü hague dán zä dam pöhmbü, bi 'yena.

¹⁸ Ne xan ngu yü pa ngubü mi øt' ra hmute. Madí xombüi ra Pablo ne bi xi'a ra zithu min 'youi ra hmute:

—Nangue rá thuhu ra Jesucristo dami pöm bu rá mbüi na ra hmute, bi 'yembi.

'Bexque bi büon ra zithu buya.

¹⁹ Nu'bu mí pöh yü hmu ra hmute gue him man zä da däp rán zäbi, bi bent'a ra Pablo ne ra Silas, ne bi zixpü ja ra täi guepü 'buh yü ze'mi. ²⁰ Ne nu'bu mi dä bu 'buh yü ze'mi, bi 'yem'u:

—Nuya yün 'yohü 'bücua, yü judío ya. Ne in nde di ts'on yü ja'i 'bücua ja ma hniniü.

²¹ Ne i man yün t'øt'e gue hingui sä ga øthu,

nguetho nujá dyá romanohá. Né hin'yá man t'ëdi ga ñothá a i xijá, sá bi 'yéñ'á yá yápate.

²² Né bi munts' yá ja'i ngue nde da zá'á. Nu yá ze'mi báya, bi manda da 'bócuá yá pahni, da mba m'bei ra Pablo né ra Silas. ²³ Né nu'bá mi juadi ngue émme xí 'bei, bi mba njot'i bá ja ra fádi. Né bi sih ra mbängoxthi da mbädi xán ho. ²⁴ Nu'bá min t'un ran t'ëdi ra mbädi bi zixpá man'da mbo. Né bi zemba yá gua bá ja ra fädiza.

²⁵ Nu'bá mi zóm made ra xui báya, nu ra Pablo né ra Silas min yáhá Ojá né bin tuh yá thuhu Ojá. Né gátho mi'da yá ofädi mi ñode. ²⁶ Né 'dahmantho 'bá mi mbädi bin ja n'da ra 'yáñhái, gue'bá go mi guhni yá guangu ra fádi. Gátho yá jut'i bin xozehé né gátho yá t'ëgui man thät'i yá ofädi bin xozehé. ²⁷ Né nu'bá mi nuh rá mbängoxthi ra fádi, bi nu gátho nsoqui yá goxthi, bi gáx rá juai báya gue nde xtín hyosé, nguetho mim bëni ngue émbi gátho xí 'da'á yá ofädi. ²⁸ Pe nu ra Pablo nts'ëdi bi mba't'i, bi 'yémbi:

—O gadín unba zehé nguetho gátho dí 'bucáhe ua.

²⁹ Né nu'a ra mbängoxthi báya bi 'yá'a n'da ra sibi, bi yárpá mbo, né émme di fet'i nguetho min su. Né bi yárpá ja rá gua ra Pablo né ra Silas. ³⁰ Né bi gácpá thi á, né bi 'yánni:

—N'yohá aui 'be'a sá ga ñot'á nguepá da zá dam pøcä, bi 'yéna.

³¹ Nu ra Pablo né ra Silas bi 'yémbi:

—Dami däp ni mbäi ra Hmu, ra Jesucristo, di pun'na ni ts'oqui, né da zimanho i, né 'a gátho 'bápa ni ngu, 'bá di däp yá mbäi a, bi 'yémbi.

³² Nubáya bi xih rán ho ma'da'yo ra Cristo né gátho 'bápa rá ngu. ³³ Né nu'a ra mbängoxthi né gátho 'bápa ja rá ngu bin xixyá a ra xui a. ³⁴ Nu'a ra mbängoxthi báya bi zix'a ra Pablo né ra Silas bá ja rá ngu, né bi 'uñi. Né 'a, né gátho 'bápa ja rá ngu émme bin johya nguetho bi 'yéç'yei Ojá.

³⁵ Nu'bá mí hyats'i, nu'u yá ze'mi bi mbéñh'dá yá asmayo da xih ra mbängoxthi da bóm bá ja ra fádi ra Pablo né ra Silas. ³⁶ Né nu'a ra mbängoxthi bi xi'a ra Pablo báya:

—Nu yá ze'mi bá penh ra nde ga xoc'ai. Nuya sá gui pømmi né nte gui jauí, bi 'yémbi.

³⁷ Pe nu ra Pablo bi 'yémbi:

—Nugä'be dí cä'be ran t'ëdi bi bóm bá Roma, pe guehma bi 'benzagä'be bá 'báh yá ja'i, né him 'be bi juangä'be pe bi goctä'be. Nuya ha én'á gui jügä'be ngue njon da nu. Hin'na, hingui sá. Bá xifi ba ése da xogä'be, bi 'yéna.

³⁸ Nu yá asmayo báya bi mba bi xih yá ze'mi 'be'a bi ma ra Pablo. Nu yá ze'mi nu'bá mi 'yóde ngue i cä' yán t'ëdi bá Roma a ra Pablo né ra Silas báya, émme bin su. ³⁹ Né nu'bá bá éh yá ze'mi báya, bi xocuabi né bi 'yáp ra punbi, né bi xi'á:

—'Yörcahe ra mate gui pømmi ua ja ra hnini, bi 'yémbi.

⁴⁰ Pe nu ra Pablo né ra Silas 'bá mí bóm bá ja ra fádi, bi mba bá ja rá ngu ra Lidia. Né nu'bá mi nu yá cu nangue ra Cristo, bi hät ra ts'ëdi yá mbäi á, né bi mba báya.

17

Ran 'yo'ts'i bá Tesalónica

¹ Nu'a ra Pablo né ra Silas bi thopá ja ra hnini Anfípolis népá Apolonia né bi zóm bá ja ra hnini Tesalónica. Guepá Tesalónica bí ja bá n'da rá nijá yá judío. ² Né nhuyu semana bim 'bápa, né nu'bá xán dát yá pa ran säya, bi mam bá rám Hman Ojá a ra Pablo. ³ Né jante thoho bi xifi xán ho nangue ram hma mán t'o't'i maya'bá, gue gue'a ra Cristo jatho da nu ran unbi né da du, né m'bejua da ndants' mahón'a bá 'bá'á xán du.

—Né gue'a bi nu ra Jesús a mán t'o't'i tengu dí xi ahu, janangue'a ga pähmbá gue gue'a ra Cristo rá Thahni Ojá a, bi 'yéñ'á mi xänbi.

⁴ Né nu'u 'da yá judío bi däp yá mbäi ra Cristo, né bi den'na ra Pablo né ra Silas. Né émme xán ngu yá mëngu bá Grecia ngue mi numansu Ojá bi 'yéç'yei. Né xán ngu yá xisu yá mëngu bá grecia gue mí hnumansu, bi 'yéç'yei. ⁵ Pe 'da yá judío ngue him mí 'yéç'yei bin seya, né bi zonh'ná yá ts'om'bái bi xifi di parba yá ja'i, asta gue'bá gátho ra hnini bi parbi. Né nu'u bi mba bá rá ngu ra Jasón, bi 'uexpa bá rá ngu, i hon'a ra Pablo né ra

Silas, ḓna da g̃aqui gue di dā b̃a 'b̃ah ỹa ja'i. ⁶ Nε nu'b̃a him mi d̃in ra Pablo nε ra Silas, bi zix'a ra Jasón, nts'edi bi g̃ats'i, nε mi'da ỹa 'ỹc'ỹei, bi zixp̃a 'b̃ah ỹa ze'mi b̃a ja ra hnini. Bi mbafi nε bi 'ỹena:

—Guehna n'dat'a mb̃emhb̃a u ỹan 'yoh̃a gue ya bi ts'oni gätho ra ximhäi, nε bi z̃ocua ya. ⁷ Nε nuna ra Jasón bi säyaba b̃a rá ngu. Nε nu'u hingui numansu rán t'ëdi ma ts'ut'abih̃a b̃a Roma, nguetho ḓn'u i 'b̃ah man'da ra ts'ut'abi guehna ra Jesú, bi 'ỹen'u ỹa ts'om'bäi.

⁸ Nu ỹa ja'i nε ỹa ze'mi bin cuε 'b̃a mí 'ỹode 'b̃e'a bi man'. ⁹ Nε nub̃aya nu ra Jasón nε'u mi'da bi thäcua ra mb̃eti gue da b̃om b̃a ja ra hnini ra Pablo nε ra Silas, nε bi mba ma th̃ogue b̃uya.

Bizom b̃a Berea ra Pablo nε ra Silas

¹⁰ 'Bexque guet'a ra xui a bin 'ỹemb̃a ỹa 'ỹc'ỹei a ra Pablo nε ra Silas. Bi mba b̃a ja ra hnini Berea. Nε nu'b̃a mí z̃om b̃a, bi mba b̃a ja rá nij̃a ỹa judío. ¹¹ Nu ỹa judío gue 'b̃ap̃a, man'da x̃an ho ỹa mb̃ai xinda gue' u 'b̃ap̃a Tesalónica. Nguetho 'bexque bi xoc ỹa mb̃ai, mí ja ra pähä ngue da hỹan a bi man ra Pablo. Nε gätho ỹa pa bi neh ỹa s̃ocuq̃ Oj̃a maya'b̃a, ngue nde b̃a da b̃adi 'b̃a din theui u i man'a ra Pablo. ¹² Nε x̃an ngu u bi 'ỹc'ỹei. Nε ỹa xisu, ỹa m̃engu b̃a grecia, ngue mi hnumansu, x̃an ngu bi 'ỹc'ỹei, ximangut ỹan 'yoh̃a bi 'ỹc'ỹei. ¹³ Nε nu ỹa judío b̃a Tesalónica nu'b̃a mi b̃adi gue i man ran ho ma'da'yo b̃a Berea a ra Pablo, bi mba b̃a b̃uya ngue di parba ỹa ja'i. ¹⁴ Pe nu ỹa 'ỹc'ỹei 'bex bi zix'a ra Pablo b̃a ndendeja. Pe nu ra Silas nε ra Timoteo bi gop̃a Berea. ¹⁵ Nε'u min 'yoh̃a ra Pablo bi zixp̃a ja ra hnini Atenas b̃uya. Nε bi mbeng b̃a, nε bi xi'a ra Silas nε ra Timoteo gue ra Pablo ndepe da mba b̃a n'dihi b̃a 'b̃ai.

Bizoh ỹa m̃engu Atenas a ra Pablo

¹⁶ Nε nu'b̃a min d̃o'mate ra Pablo b̃a Atenas, ḓmme bi du rá mb̃ai 'b̃a mí'n nu gätho ra hnini xí muns' ỹa nyogui. ¹⁷ Janangue'a nu ra Pablo bin ỹah̃a ỹa judío b̃a ja ra nij̃a, nε'u mi'da ngue mi th̃ande Oj̃a. Nε gätho ỹa pa mi ỹah̃a ỹa ja'i ngue gätho mi t̃im b̃a ja ra täi. ¹⁸ Nε'u 'da ỹan 'yoh̃a gue i tenba ỹa t'ëc'ỹei z̃eh̃e ỹa Epicúreos, nε mi'da i tenba ỹa

t'ëc'ỹei z̃eh̃e ỹa Estoicos, bin ỹah̃a ra Pablo. Nε'u 'da bi ma:

—'B̃e'a ní mba i man na ra ndemhỹa n'yoh̃a.

Nε'u mi'da bi ma, bi 'ỹena:

—Masque im ma ngue 'b̃ah mi'da ỹa oja, bi 'ỹen'u.

Ngub̃a bi ma nguetho bi man ra Pablo nangue ra Jesú, nε bi ma ngue bi ndants' 'b̃a mi du. ¹⁹ Nε'u bi zix'a ra Pablo b̃a ja ra nyuni t'ëmbi Areópago b̃a ja ra hnini guep̃a zai i hman ỹan zofo. Nε bi xi'a ra Pablo:

—'B̃e'a ním hma guín nde gui xije, dín nde ga pähmbe. ²⁰ Nguetho guí xije 'dan'yo ỹam hma ngue hin dí pähmbe, nε dín nde ga pähmbe 'b̃e'a nám b̃on'a, bi 'ỹen'u.

²¹ Nguetho ỹa m̃engu b̃a Atenas nε'u mi'da ỹa 'damhnini mí 'b̃ap̃a, hont'a numanho da 'ỹot'a, gue da 'ỹode 'b̃e'a gue ma' da'yo, nε da ma.

²² Nε nu ra Pablo bi 'b̃a'inde b̃a ja ra junta guep̃a Areópago. Nε bi xi'u:

—N'yoh̃a ah̃a gỹa m̃engu ua Atenas, dá nugä ḓmme guí th̃andeh̃a ỹa oja. ²³ Nu'b̃a mán 'yogä b̃a ja ni hninih̃a dá nugä 'b̃e'a guí th̃andeh̃a. Nε dá nugä n'da ra m̃exado guep̃a guí th̃andeh̃a man'da ra Oj̃a, nε man t'o't'i b̃a: "Ra Oj̃a ngue njongui p̃adi to'o a." Nuya ga xi ah̃a ya nangue ra Oj̃a guí th̃andeh̃a pe hin guí pähmb̃a to'o.

²⁴ Nu'a Oj̃a ngue bi 'ỹot' ra ximhäi nε gätho 'b̃e'a i ja ua, nu'a gue'a ra Hmu mahets'i necua ja ra häi. Nu'a hingui 'b̃ap̃a ja ỹa ngu i h̃oh ỹa ja'i. ²⁵ Nε nte di 'b̃edi, hingui jatho da hỹani 'b̃e'a da 'ỹorpa ỹa ja'i nguetho gue'a di un ra te nε di un ran zaqui gätho to'o i 'b̃ai. Nε gätho mi'da mahyonid uni.

²⁶ Nε 'dat'a ra ji bi 'ỹot' Oj̃a gätho ỹa ja'i ngue gätho ỹa nde, ndepe dim 'b̃ai gätho na ngan'i ra ximhäi, nε bi zänba ỹa pa dim 'b̃acua ja ra häi, nε bi zänbi hap̃a dim 'b̃ai. ²⁷ Njab̃a bi 'ỹot' Oj̃a, ndepe gätho ỹa ja'i da hyon'a Oj̃a nguep̃a da d̃ini. Pe majuq̃ni hinga yatho i 'b̃a Oj̃a 'b̃a ga homhb̃a ga pähmb̃a a. ²⁸ Nguetho nu Oj̃a bi jaj̃a dám 'b̃uhmb̃a, nε bi jaj̃a dí 'yoh̃a, nε dadí 'ỹamhb̃a. Tengu bi man'i 'da ni 'yosøcuq̃h̃a nu'b̃a i ḓna: "Nuju ỹa ja'igäha Oj̃a nguetho bi zänni dám 'b̃uhmb̃a ua," bi

'yęn'ę. ²⁹ Nu'bę gue'a Oją di 'daję ma tehę, hanja gní 'yęmfę Oją a ra hmite ra c'axt'i o gue ra t'axi o gue ra do nt'ot'e ngue yę 'yę yęn 'yohę, nangue yęn 'yomfęnise. ³⁰ Pe nu Oją him bi 'yarpa ra güenda 'be'a mim bęnse ę yę ja'i 'bę him mi bę Oją mam'bet'o. Pe nuya Oją bi ma ngue gätho yę ja'i di päh yęn 'yomfęni. ³¹ Nguetho xęn zän Oją n'da ra pa din ja ran t'anni nangue ra ximhäi. Da 'yöt'ran t'anni xęn ho n'da ran 'yohę ngue bi huanh Oją. Nuna ran 'yohę, Oją bi xox 'bę mi du, janangue'a da bęh yę ja'i hingui hęi da 'yöt' ran juanbi, bi 'yęn'a ra Pablo.

³² Ne nu'bę mí 'yö'ę yę ja'i 'be'a mí man'a ra Pablo, gue bi ndans' 'bę mi du, 'da'ę bin thennate ne 'da'ę mí ęna:

—Ga øhmbę mahön'a nanguehna bi ndants'i.

³³ Nu ra Pablo bi 'uepę bęya. ³⁴ Pe nu'ę 'da bi dęn'na ra Pablo ne bi 'yęc'yęi. Nuna n'da, ra Dionisio na, gue n'da ra ze'mi bę guepę madim peti yę ja'i bę Areópago. Ne n'da ra xisu, ra Dámaris, ne'ę mi'da bi dęn'na ra Pablo.

18

Bi zom bę Corinto ra Pablo

¹ M'bejua bęya nu ra Pablo bi bęm bę Atenas, bi mba bę ra hnini Corinto. ² Ne bin tjemmi bę n'da ra judío í Aquila, ra mengu ponto. Ja ní söhö bí 'yępę Roma bę ra häi Italia ra Aquila ne rá xisu Priscila, nguetho nu ra hmuts'at'abi Claudio bę hön'a thi gätho yę judío bę ra dähnini Roma. Nu ra Pablo bi mba bę nu'a ra Aquila ne ra Priscila bęya. ³ Ne bin zam bę yęngu, nguetho 'dat'a ra 'befi i øt'e, i øt' yęngu'bęt'e. ⁴ Ne gätho yę pa yęn säya mí pa bę rá niję yę judío a ra Pablo, ne bi mam bę rám Hman Oją ne bi hyoni 'bępę dí 'yęc'yęi yę judío ne'ę hing yę judío.

⁵ Nu'bę bę ępę ra häi Macedonia ra Silas ne ra Timoteo, bi nu ra Pablo gue gätho yę pa ęmme mi mam rám Hman Oją. Mí xänba yę judío ngue gue'a ra Jesús majuani ra Cristo mí tə'bę yę judío ngue din yęntę a.

⁶ Pe nu yę judío bi dę'mi bi ęcpa a, ne bi man yę ts'ore nangue ra Pablo. Ne nu ra Pablo bęya bi huac rá pahni, n'da ra hmepya gue hingui numanho 'be'a i øt'ę. Bi 'yęmbi:

—Ya ni ts'oqui zehęhę ngue hin gá hyan ra te mazai, tengu'bę gán hyosehę. Nuya hingui pa ma güendagä, nguetho ya dá xi ahę. Pe nuya ga mbagä ga xih yę ja'i hing yę judío, bi 'yęn'a ra Pablo.

⁷ Ne má zä bi bęm bę ja rá niję yę judío a ra Pablo, bi mba bę ja rá ngu ra Justo. Nu'a, n'da ran 'yohę ngue i thandé Oją, ne nu rángu, 'darpę jaui rá niję yę judío, ne guepę din xänbate bę mahön'a. ⁸ Nu ra Crispo, n'da ra ngärpi bę ja rá niję yę judío, bi 'yęc'yęi ne gätho 'bępę rángu. Ne xęn ngu yę mengu corinto mi øh ran ho ma'da'yo, ne bi 'yęc'yęi, ne bi mba ma xixyäbi. ⁹ Nu ra Hmu mahęts'i bi zo'a ra Pablo bęya, nu'bę min xui, tengu'bę bi 'uq n'da ra t'lı. Ne bi xifi:

—O guín su, pe dami thoqui gan yę, hin gan hętho, ¹⁰ nguetho dadí hyan'a'i, ne njon da zä di ęn'na'i, ne xęn ngu i 'bęcua ja ra hnini da 'yęc'yęigui, bi 'yęn Oją.

¹¹ Nubęya nu ra Pablo bi gopę ja ra hnini Corinto n'da jęya made, ne bi xänba rám Hman Oją ę yę ja'i.

¹² Pe nu'bę mí ts'at'abi ra Galión nubę ra häi Acaya, nu 'da'ę yę judío bim peti ngue nde da zę'a ra Pablo. Ne bi zix'a ra Pablo bę 'bęh ra ts'at'abi. ¹³ Bi 'yęmbi:

—Nuna ran 'yohę na bi xänba yę ja'i ngue da dąnde Oją, pe n'dan'yo im ma, hinga gue'a tengu man t'ędihi, ęn'ę.

¹⁴ Ne nu ra Pablo in nde din yę, pe nu ra ts'at'abi ra Galión 'bex bi 'yęmp'ę yę judío:

—Nu'bę xcuá sihę na ran 'yohę nangue n'da ran ts'o xtá 'yöt na, xcá øcä a guim mamhę. ¹⁵ Pe guín cuéhę nangue rá t'ęc'yęi na, ngue nde da xi ahę to'o gui thandehę, ne nangue nin t'ędi zehęhę. Hin dí nde dan juanbate nangue nin t'ędi zehęhę, janangue'a dami hocpa zehęhę, bi 'yęn'a ra Galión.

¹⁶ Bi 'yęt'i, bi hyon'a thi bęya. ¹⁷ Nubęya gätho yę mengu bę ja ra hnini gue hing yę judío bi bęnt'a ra Sóstene, ra ngärpi bę ja rá niję yę judío, ne bi 'bęnza bę ja rá hmi ra ts'at'abi. Pe nu ra ts'at'abi ra Galión him bi 'yörpamasu.

Bi mbeng bę ra häi Siria a ra Pablo

¹⁸ Nu ra Pablo bęya bi thoqui bim 'bępę nya'a ts'ę yę pa mahön'a bę Corinto. M'bejua bí 'yę'ę yę 'yęc'yęi, bin 'yohę ra

Aquila n̄e ra Priscila, n̄e bi hyu ra barco bi mba ra häi Siria. N̄e nu'b̄ mí jua'a ra hm̄epya gue bi te rá xt̄a, bi 'yäx rá yä b̄uya, gue'a bi 'ȳrp̄a Cencrea. N'da ra hm̄epya nangue ram hma xí man ra Pablo gue bi xi Ojä di ja'ts'i. ¹⁹ Nu'b̄ mi z̄om b̄ ra hnini Éfeso ra Pablo, bi zop̄a ra Priscila n̄e ra Aquila n̄e bi mba b̄ rá nijä yä judío. N̄e bi xih yä judío b̄ rá n̄o ma'da'yo ra Cristo. ²⁰ Nu yä judío mi ndepe xt̄an gop̄a 'da yä pa, p̄e nu ra Pablo him bi nde. ²¹ Bin 'ȳete n̄e bi 'ȳmbi:

—Jatho ga mba b̄ Jerusalén ga nu b̄ ra dampeti da 'ȳot' ma mijudío. Pe nu'b̄ rá pähä Ojä gua pengä mahön'a, bi 'ȳna.

Bi n̄exp̄a, bi hyu n̄da ra barco b̄uya.

Ná hyundi bi mba n'danni ra Pablo

²² Nub̄ Cesarea bi gap̄a ra Pablo b̄ ja ra barco, n̄e bi mba b̄ Jerusalén, bi z̄engua yä 'ȳc'ȳei b̄ ja ra nijä, n̄e 'bex bi mba b̄ Antioquia. ²³ Nu'b̄ mim 'b̄p̄a 'da yä pa, bi mba b̄ ja n̄da ngu n̄da yä hnini b̄ ja ra häi Galacia n̄ep̄a Frigia, bi hat̄ ra ts'edi yä mb̄ai yä 'ȳc'ȳei 'b̄p̄a.

Ra Apolos bi mamp rám Hman Ojä b̄ Éfeso

²⁴ Nu'u yä pa u bi z̄om b̄ Éfeso n̄da ra judío, rá thuhu Apolos, ra m̄engu b̄ ra hnini Alejandría. Nu'a bi b̄adi x̄an ho rám Hman Ojä maya'b̄. ²⁵ N̄e bi sänbi zu ts'ü nangue ra Hmu, ra Jesucristo. N̄e emme bin johya n̄e nts'edi bi ma x̄an ho 'b̄ min xänbate, bi ma majuqñi nangue ra Jesús. Pe h̄ont'a rám hma ra Xuua Nxixyä mí p̄adi, n̄e rán xixyä. ²⁶ N̄e nu ra Apolos bi hyut'an zamb̄ai him bi zu bi mam b̄ ja rá nijä yä judío. Pe nu'b̄ mí 'ȳoh ra Priscila n̄e ra Aquila 'b̄e'a man'a, n'danni bi zits'i n̄e bi xänbi man'da x̄an ho ngue rá 'yu Ojä. ²⁷ N̄e nu'b̄ mí nde da mba ra Apolos ra häi Acaya, guep̄a Corinto, nu yä cu nangue ra Cristo bi xifi ngue x̄an ho da mba. Bi 'ȳrp̄a n̄da ra s̄ocuq̄ da gäts'i, bi xih yä 'ȳc'ȳei b̄ ngue da zini. N̄e nu'b̄ mi z̄om b̄, bi hat̄ ra ts'edi yä mb̄ai yä 'ȳc'ȳei b̄, n̄e bi mbäts'i gätho bi 'ȳc'ȳei rá mate ra Cristo. ²⁸ Nguetho nu'b̄ min yähu yä judío gue hing yä 'ȳc'ȳei, bi däha, ngue ya mí yä con rá ts'edi Ojä. Bi 'yuti nangue rám Hman

Ojä maya'b̄, gue gue'a ra Jesús ra Cristo mí hmam b̄, gue mí tø'b̄.

19

Bi z̄om b̄ Éfeso ra Pablo

¹ Nu'b̄ mí 'b̄p̄a Corinto ra Apolos, n̄e nu ra Pablo b̄uya i 'yo gätho yä hnini maxøts'e, n̄e bi z̄om b̄ ra hnini Éfeso. N̄e bin t̄jmh̄b̄ b̄ 'da yä 'ȳc'ȳei. ² Nu ra Pablo bi 'yän b̄uya:

—Ha bin 'da ahä rá Hogandähi Ojä nu'b̄ gmí 'ȳc'ȳihä, bi 'ȳna.

Nu'u bi däti:

—Hin'na, njäm'b̄ dá øhmbe gue i 'b̄h rá Hogandähi Ojä, bi 'ȳn'u.

³ Nub̄uya bi 'yän'na ra Pablo:

—'B̄e'a ním hma gá hyämh̄b̄ 'b̄ gmí xixyä, bi 'ȳemp'u.

N̄e bi 'ȳn'u b̄uya:

—Tengu thoho bi man ra Xuua Nxixyä, bi ȳn'u.

⁴ N̄e nu ra Pablo bi 'ȳmbi:

—Guim b̄emh̄b̄ 'b̄e'a bi man ra Xuua, ngeutho nu'a ra Xuua bi xixyä yä ja'i to'o bi päh yän 'yomf̄eni nangue yä ts'oqui, n̄e bi xih yä ja'i da 'ȳc'ȳei n̄da ba ȳhe m'b̄ejua, gue ra Jesús ra Cristo na, bi 'ȳna.

⁵ N̄e nu'b̄ mí 'ȳoh rám hman ra Pablo, nu'u bi mba ma xixyäbi nangue rá thuhu ra Hmu Jesús. ⁶ N̄e nu'b̄ mí dospa yä yä yä ja'i ra Pablo, bi hyänt rá Hogandähi Ojä u. N̄e n'dan'yo yä nde bin yä'u b̄uya, n̄e bim p̄ongahyä bi man rám Hman Ojä. ⁷ N̄e nu'u yä ja'i gue bi 'ȳc'ȳei, í jua'i 'd̄e'mayoho u.

⁸ Nu ra Pablo bim 'b̄p̄a nhuyuzna b̄ Éfeso b̄uya. Bi hyut'an zamb̄ai bin yä b̄ ja rá nijä yä judío, bi xih yä ja'i hague dán zä di manda Ojä b̄ ja yä mb̄ai, n̄e bi hyoni 'b̄p̄a dí 'ȳc'ȳei yä ja'i. ⁹ Pe nu'u 'da bi u't' yä mb̄ai, hingui nde da 'ȳc'ȳei, n̄e bi man ra ts'ore nangue rá 'yu Ojä, guep̄a madím peti yä ja'i. Janangue'a bi 'ue'a ra Pablo b̄uya n̄e bi mbähä yä 'ȳc'ȳei b̄ ja n̄da ra nguxädi, nu'a ra Tiranno ra xänbate b̄. Nu'b̄ x̄am p̄on yä xädi, i c̄ut'a ra Pablo b̄uya n̄e gätho yä pa mí xänbate b̄. ¹⁰ Nyo jeyä njab̄u bi 'ȳot'a ra Pablo. N̄e gätho yä ja'i 'b̄p̄a ja ra häi Asia, yä judío ne'u hing yä judío mí øh ran ho ma'da'yo nangue ra Hmu, ra Jesús. ¹¹ N̄e x̄an ngu yän t'øt'e nujxte bi 'ȳot'a ra Pablo, ngue bi 'ȳot' Ojä. ¹² Nguetho bi dä'u

yu bayu o gue yu 'bo't'e a ra Pablo, gue'u bi mbenpa u yn zäman'u baya, ne gätho bi zä, ne bi bon'u yu zithu min 'yohu.

¹³ Nubuya 'da yu judío ngue zai yu mbonni, ɛna pädi da hyon'a thi yu zithu, ne sä i ndønpa rá thuhu ra Jessús. Bi dä'mi bi xih yu zithu:

—Dami pöni nangue rá thuhu ra Jessús, gue'a ra Jessús i man ra Pablo, sä ɛn'u.

¹⁴ Ne nuya guehya yoto, yu ts'unt'u n'da ra judío, ra Esceva, ra hmumbäja. Ne nu'u yu ts'unt'u ɛna da hyon'a thi n'da ra zithu. ¹⁵ Pe nu ra zithu bi dädi:

—Nu ra Jessús dí päcä ngue ja rá ts'edi, ne ra Pablo dí päcä ngue ja rá ts'edi, pe nu'ehu, to'o ehu, bi 'yɛn'a ra zithu.

¹⁶ Ne nuna ran 'yohu min 'youi ra zithu, bi zäspa maxøts'e guepu mi 'bä'u yoto má 'yohu, bi däha bin tunhdu ne bi unbi, gätho di dunba yu pahni. Ne bi bom bu thi yn 'yohu, ya xí unbi gätho, nte he yu he. ¹⁷ Ne nu'a bin ja, gätho bi t'opu ja ra hnini Éfeso. Gätho yu judío ne'u hing yu judío bi 'yøde ne gätho mí ja ra mbidi. Ne gätho bi 'yɛspa ra Jessús, ra Hmu baya.

¹⁸ Ne xn ngu u gue mí ɛc'yei, bi zøm bu, bi nde da gomanho yu mbai, ne bi dä ra güenda a xí 'yøt'e. ¹⁹ Ne'u 'da mim bädi bá cä yu søcuq, ngue yu libro yn xädi yu bädi, ne bi hyøspu ja ra sibi, gätho da nu'u mí 'bøpu. Ne nu'bu mi mbede hangu gätho di muui, mbε mí jua'a yote ma 'det'a mahuqhi yu mbeti gue ra t'axi. ²⁰ Ne man'da xn ngu bi 'yɛc'yei rám hman Oja yu ja'i bu Éfeso, man'da bi fädi ja rá ts'edi Oja.

²¹ M'bejua baya bi bøn'a ra Pablo da mba bu Jerusalén, pe m'be't'o da zøm bu ra häi Macedonia, nepu ra häi Acaya. Ne bi 'yɛna:

—Dam 'bøcä ts'u bu Jerusalén, m'bejua ga mbagä bu ja ra dähnini Roma, bi 'yɛna.

²² Ne bi mbenpu Macedonia u yoho yám fäts'ihu, ra Timoteo ne ra Erasto, pe guese ra Pablo bim 'bøpu mi'da yu pa bu Éfeso gue ra häi Asia.

Ran 'yo'ts'mahyq bu Éfeso

²³ Nu yu pa u, xn ngu bi ndesai nangue rá 'yu Oja bu Éfeso, ²⁴ Nguetho nu'a n'da ran 'yohu í Demetrio, rá 'befi da 'yøt' yu zu t'ungu ngue ra t'axi, ngue yu pøte ra däniju

guepu i pa nthände ra ojq Diana. Nu'a, ne'u madím pehmbu, xn ngu bi däha nangue ra 'befi i øt'u. ²⁵ Nu ra Demetrio baya bi zonh'du 'da'angu ra 'befi mí øthu, ne bi xifi:

—N'yohu ahu guí pähmbu nangue ma 'befihu xn ngu ra mbeti dí tähmbu. ²⁶ Dí nuhu ne dí øhmbu hinga hønt'ua ra hnini Éfeso pe gätho ra häi Asia, 'bef'a øt' na ra Pablo, i xih yu ja'i gue nu'u yu ojq nt'øt'e yu 'yɛ yn 'yohu ɛmbi ngue hing yu ojq u. Ne xn ngu yu ja'i bi päh yn 'yomfeni ne bi 'yɛc'yei a bi man ra Pablo. ²⁷ Nuya dán thähu n'da ra 'yänthu, ngue nu ma pøte dí øthu njon da däi. Ne dim 'beh rá ts'edi rá ngu ra ojq Diana, ngue i nuixte. Ne da t'ɛmbi nte di muui. Pe nu'a ra Diana gue'a ojq a, ne gätho yu ja'i 'bøcua ja ra häi Asia ne gätho ra ximhäi i thände a, sä bi 'yɛn'a ra Demetrio.

²⁸ Ne nu'bu mí 'yø'u, ɛmmε bi de ra cuε. Ne nts'edi i mbafi:

—Xn ngu rá ts'edi ra Diana gue ma ojqhu dyu menguhu ua Éfeso.

²⁹ Ne gätho bi yäntonto gue 'bøpu ja ra hnini. Ne gätho bin tihi 'darpu ní muxpu ja n'da ra ngu xn ndoho, ne bá bent' ra Gayo ne ra Aristarco, bi zixpu, ne nu ra Gayo ne ra Aristarco, yu mengu bu Macedonia min 'yohu ra Pablo bu 'yu. ³⁰ Ne'a ra Pablo nde xtá mba bu 'buh yu ja'i, pe nu yu 'yɛc'yei bi japi hin da mba. ³¹ Ne'da' u gue mi ja yu ts'edi bu ja ra häi Asia madin amigohu ra Pablo, bi mbenpa ra nde gue hin da mba bu bí mux yu ja'i. ³² Ne 'dahma 'dan'yo bi man'u n'da ngu n'da nguetho gätho bi yäntonto. Ne xn ngu u hingui pädi hanja bim peti bu. ³³ Nu ra Alejandro mi 'bä'inde bu 'buh yu ja'i, bi mba njäqui bu ja yu hmi yu ja'i baya, nguetho ndep'u yu mijudíohu din yu. Nu'a ra Alejandro baya bi uqnba rá 'yɛ ndepe din hø yu ja'i, nguetho nde da xifi nte mán ts'o mí øt' yu judío. ³⁴ Pe nu'bu mi nu yu ja'i ngue ra judío ra Alejandro, mbε ma nyo ora bi mbafi, ne 'da'ingu bi ma:

—Xn ngu rá ts'edi ra Diana ma ojqhu dyu menguhu ua Éfeso.

³⁵ Nu ra secretario bu ja ra hnini baya, bi japi ngue bin hø yu ja'i, bi xifi:

—Dyun 'yohuhu, dyu me'efesohu, hingui 'bøcua n'da ran yohu gue hingui pädi dí jamansuhu ra ojq Diana, gueju dyu

mε'efesohu, ne gätho dí εspahu ra do bi däh mahęts'i, gue rá pøte ra Diana. ³⁶ Ne nuna njo'o da zä da gøni. Janangue'a daman 'yomfęnihu ts'hu ne hin gui 'yøthu a hin da bømanho. ³⁷ Nu yøn 'yohu ngue guá sihu ua, him bim pε bu ja rá nijä ra ojä Diana. Ne him bi man ra ts'ore nangue'a ma ojahu ra Diana, bi 'yεna.

³⁸ Ne xø bi 'yεn'a ra secretario:

—Nuna ra Demetrio ne'hu mi'da gue dim pεhmbu, nu'bhu i ja 'be'a i nde dí yøpa n'da, nde'bhu gue din yøqui bu ja ra døngu n'dahma n'da ngu n'da da zä din yøse. ³⁹ Ne nu'bhu ja man'da guí nde gui 'yøthu, dami xihmbu ra zε'mi da 'yøt'a n'da ra junta, guephu da mba ma hoqui. ⁴⁰ Nguetho dí su da hnεrcahu häi 'bu da t'ängahu nangue ra mbahni dá øthu ra pa jabuya, nguetho hin'yø 'be'a sā ga mamhbhu nangue'a dá øthu ya, bi 'yεna.

⁴¹ Ne nu'bhu mi gua'a im ma, bi 'yet' yø ja'i.

20

*Nu ra Pablo bi mba bu ra häi Macedonia
nephu ra häi Grecia*

¹ Ne nu'bhu min hε nín 'yo'ts'mahyø bu ra hnini Éfeso, nu ra Pablo bi zonh'du yø 'yεc'yei. Ne nu'bhu mí un ran zofo, bin 'yεte buya, bi mba bu Macedonia. ² Ne gätho bi zengua yø'yei gätho ra häi Macedonia, bi hät ra ts'edi yø mba bu nangue rám hman Oja bi xi'u. Ne m'bejua bi zøm bu ja ra häi Grecia mahøn'a. ³ Hyuzna bim 'bøphu, εna xtá hyu ra barco, gue xtá mba bu ra häi Siria, pe nu'u 'da yø judío εna xtán däqui. Ne nu'bhu mí bødi 'be'a nde xtá t'ørpe, bin 'yomfęni ne bá peng bu ja ra häi Macedonia. ⁴ Ne min 'yohu ra Pablo ra Sópater ra mεngu berea a, ne'a ra Aristarco ne ra Segundo, yø mεngu tesalónica u, ne nu ra Gayo ra mεngu derbe a, ne nu'a ra Timoteo ne ra Tíquico ne ra Trófimo, yø mεngu asia u. ⁵ Nu'u bim 'bet'o bi mba ní tøguahé bu ra hnini Troas, ne nugä dra Lucascä, dí o't' ra søcuq jaua, dín hyønbahé u. ⁶ Nu'bhu mí guah yøm peti nangue ran døbaxjua, dá huhe ra barco dá nexhe bu ra hnini Filipos, ncøt'a pa dán 'yohe dá sømhbe bu Troas guephu i tøguahé u mi'da. Ne nyoto pa dám 'bøhmbe bu.

Nu ra Pablo i 'bøphu Troas

⁷ Nu'a ra pa domingo dám pøtihe yø 'yεc'yei bu ja ra hnini Troas, dá sihe ra xεcahmε, gue dá bømhbe rán døte ra Hmu. Ne nu'a ra Pablo bi man rám Hman Oja. Ne nya'athoho bin yø gue'bhu go mi zøm made ra xui, nguetho da mba 'bu bi hyats'i. ⁸ Ne εmmε xøn ngu ra sibi mí zø bu ja ra cuarto magåts'i guephu bim pøti yø ja'i. ⁹ Ne huxphu ja n'da ra ventana n'da ra ts'unt'u í Eutico, ne εmmε bi ndet'øha, nguetho ra Pablo nya'a bin yø. Nu ra ts'unt'u bi dop ra t'øha, bi dägui, ná hyu tøque ra ngu bu bi dägui. Ya xí du 'bu mi thøts'i. ¹⁰ Ne bi gøh ra Pablo, ní nyexpu 'ben'a ra ts'unt'u ne bi hyøfi, ne bi xi'u buya:

—O di tu ni mbøihu, ya bi dømbøni na.

¹¹ Nu ra Pablo bi ndex mahøn'a bu ja ra cuarto buya, ne dán sihmøhe. Ne nya'a thoho bin yø ra Pablo mahøn'a, gue'bhu go mi bøx ra hyadi, ja bi mba buya. ¹² Ne nu'bhu mí ts'ix'a ra ts'unt'u gue bi dägui, ne i te 'bu mí zøm bu rá ngu, gätho bin johya u.

Bi mba bu Miletu ra Pablo

¹³ Nugähe dá hugähe ra barco ne dá mbähmbu bu ra hnini Asón nguetho nubu dan c'athe ra Pablo, ngubu bi xije mam'bet'o, gue xí 'yøn ra Pablo din 'yogua thoho. ¹⁴ Ne nu'bhu mán tømhbe bu Asón a ra Pablo, dá sixhe dá huhe ra barco ne dá sømhbe bu ja ra hnini Mitilene. ¹⁵ Ne dá nexhe bu, ne man'da pa dá sømhbe bu ní hø't'a ra t'øhäi Quío gue i jabu made ra dejø. Ne man'da pa buya dá sømhbe bu ra t'øhäi Samos gue i jabu made ra dejø. Ne dán säyahe ts'hu bu ra hnini Trogilio, ne man'da pa buya dá sømhbe bu ra hnini Miletu. ¹⁶ Nguetho nu ra Pablo bi nde bi thoctho bu ra hnini Éfeso, hingui nde din säya bu ra häi Asia. Nguetho di xøni da zøn'a n'dihí bu Jerusalén, ya dí 'bøphu 'bu ra pa ra dømpeti t'εmbi Pentecostés.

*Nu ra Pablo bi zonh'du yø ngørpi yø
yεc'yei bu Éfeso*

¹⁷ Ne nu'bhu má sømhbe bu Miletu, ra Pablo bi ma dín zonh'du yø døc'yei, ngue yø ngørpi yø 'yεc'yei dim peti bu ra hnini Éfeso. ¹⁸ Ne nu'bhu mi zøphu u, bi 'yεmp'a ra Pablo:

—Nu'ehu guí pøhmbu 'be'a gätho mam 'bøi dá øt'ä ua ra häi Asia, asta gue'bhu go

rá mbədi dá səcä ua. ¹⁹ Gätho yə pa dám 'bəcä ua dá ørpa rá 'bəfi ra Hmu mahəts'i, ne hin dadín 'yəts'i. Ne xən ngu ma guidä dá fəni gue'bə má həh ma mbəi dá äp Ojə nangue ahə. Ne xən ngu ran ənbi dá nu ngue bi 'yørcä yə judío. ²⁰ Pe nugä hin te dá cən'nahə pe dá xi ahə gätho 'bə'a da mbäx ahə. Ne dá xän'nahə bə dim pəti yə ja'i, ne dá xän'nahə bə ja ni ngumhbə. ²¹ Ne dá xifi xən ho yə judío ne'ə hing yə judío, ngue di päh yán 'yomfəni nangue Ojə, gue da 'yəc'yəi ma Hmu hə ra Jesucristo. ²² Pe nuya, rá Hogandähi Ojə i ørca ra ts'ədi ga mbagä bə Jerusalén, ne hin dí pədi 'bə'a gua thocä bə. ²³ Pe hənt'a dí pəcä gue dan ofädi bə Jerusalén, ne ga nugä xən ngu yən ənbi, nguetho guese rá Hogandähi Ojə bi xiqui hənbə go hapə dá thocä bə ja yə hnini. ²⁴ Pe hinga guet'a dím bən'a, hin te di muui ma tesegä nanguec zəhegui. Hənt'a ran johya dí nde ga nu 'bə dá juah ra 'bəfi bi 'dacä ma Hmu hə ra Jesús, gue'a ga mangä ran ho ma'da'yo nangue rá mate Ojə.

²⁵ Ne gätho ahə dá xi ahə rám Hman Ojə gue 'bəpə ní mandagahə Ojə, ne dí pəcä xinga n'da ahə gui nurcahə ma hmi mahən'a. ²⁶ Nuya nam pa ya dí xi ahə, hingui pa ma güendagä bə gui 'bəhmbə rán ho Ojə ya. ²⁷ Nguetho hin te dá cən'nahə, gätho dá xi ahə 'bə'a nde Ojə gui pəhmbə. ²⁸ Nuya gui jamansu 'bə'a gui 'yøthə, ne da zä bə gui jamansufə yá mbəi ni mi 'yəc'yəihə bəya. Ne gue'a ra 'bəfi bi 'da ahə rá Hogandähi Ojə, gue gui jamansufə yá 'yəc'yəi ra Hmu, gätho ná ngu'u i 'bəhmbə ra Cristo, nguetho rá jise ra Cristo í gurpa yá ts'oqui 'bə mí du. ²⁹ Pe nu'bə dá mbagä, dí pəcä m'bejua ba ə'i 'da tengu yə zate, nde da za'ə yə de'yo, din jabə da 'yøt'ahə gue di ən'na ni mbəihə gyə 'yəc'yəihə. ³⁰ Ne 'da'ə gue guese ahə da ndants'i, ne hinga njuənho da man rám Hman Ojə, gue da ndep'a dí tən'də mi'da. ³¹ Janangue'a gui jamansu ni mbəihə ngue hin da hyä ahə. Ne guim bəmhbə gue nhuyjəya, ma pa ne ra xui, dá xän'nahə n'da ngu n'da ahə, ne əmmə dán zoni nangue ahə.

³² Nuya dadí dä ahə Ojə. Ne ga soc'ahə rám Hman Ojə, nu'a i ma nangue rá mate Ojə, gue'a ram hma di zət'a ni mbəihə, ne

gue'a dín ja ahə gätho i ja Ojə, tengu tho ə gätho mi'da i pa nthahni. ³³ Nugä hin dá nde a ni mbətihə, xinga gue ni pahnihə. ³⁴ Pe guí pəhmbə dám pəpzehe ne dá undä 'bə'a gätho mí hon'ə dán 'yogähe. ³⁵ Dá øt'ä gue dá honse man ts'ihme, dá ut'ahə gue dam pəhmbə ne ga fäxhə ə hin 'yə 'bə'a da hyoni. Ne gam bəmhbə 'bə'a bi ma ma Hmu hə ra Jesús 'bə mí 'yəna: "Man'da di johya ní mbəi n'da 'bə di uni, xinda gue'bə din t'unna n'da," ngubə bi man ra Hmu, bi 'yən'a ra Pablo.

³⁶ Ne nu'bə mi gua'a rám hma ra Pablo, bin dənyahmu gätho mí 'bəpə, ne bin yəhə Ojə. ³⁷ Ne nu'ə gätho bin zoni, ne bi hyə'a ra Pablo ne bi zəspa rá 'yogu. ³⁸ Nu'ə əmmə bi du yá mbəi, nguetho ra Pablo bi xi'ə him man'dandı da nu mahən'a. Ne nu'ə bi zix'a ra Pablo bə ja ra barco bəya.

21

Bi mba bə Jerusalén ra Pablo

¹ Ne nu'bə mán hyəhmbe yə 'yəc'yəi, dá huhe ra barco, ne njuənho 'bex dá səmhbe bə ja ra t'əhái Cos ngue i ja bə made ra dejə. Ne man'da pa bəya dá thohmbe bə ja ra hnini Pátara. ² Nubə, dá təmhbe n'da ra barco ní mba bə ra häi Fenicia, dá huhe bəya dá mbähmbe. ³ Ne nu'bə má thohmbe nthandi thoho ra t'əhái Chipre i ja bə made ra dejə, ngaha dá mbähmbe dá səmhbe bə ra häi Siria nubə ra hnini Tiro, guepə da zoh rá 'bəni ra barco. Ne dá cəhmbe bəya, dá mbähmbe bə ja ra hnini. ⁴ Nu'bə má təmhbe bə yə 'yəc'yəi bəya, dá 'bəhmbe nyoto pa. Ne nu rá Hogandähi Ojə bi bənba yə 'yəc'yəi 'bə'a da thoh ra Pablo 'bə da mba bə Jerusalén. Janangue'a bi xifi hin da mba. ⁵ Ne nu'bə mí gua'a nyoto pa, dá pəmhbe bə. Ne gätho yə 'yəc'yəi, yən 'yohə ne yə xisu ne yə t'əhni, dá mbähmbe asta gue dá pəmhbe bə ja ra hnini. Dán dənyahmuhe bə ja ra ndendejə bəya, ne dán yəhe Ojə. ⁶ Nubəya dá 'yəhmbe ne nugähe dá huhe ra barco, pe nu'ə bi mbeng bə ja yá ngu.

⁷ Bá nəxhe bə Tiro, dá mbähmbe ne dá cəhmbe 'bə má səmhbe bə Tolemaida. Nu'bə má zənguahe yə cu, dán tehe bə n'da pa.

⁸ Nu'bə mi hyats'i, gätho gahe ngue dín 'yohé ra Pablo dá thohmbe bə ra dəhnini

Cesarea. Ne dán säyahe bu ja rá ngu ra Felipe. Nu'a ra Felipe zai mi mam bu rán ho ma'da'yo Oja. Nu'a, n'da gue'u yoto má 'yohu nthahni míñ 'yohu ra Esteban. ⁹ Ne nu ra Felipe mi 'bui goho yá t'ixu him bin thati, ne nu'u, yu pøngahyu u, bi man rám Hman Oja. ¹⁰ Ne nu'bu mám 'buhmbe bu 'da yu pa bi zø'a n'da rá pøngahyu Oja í Agabo, bá nexpu ra häi Judea. ¹¹ Nu'bu mi zøm bu dí 'buhmbe a, bi gaspa a rá ngat'i ra Pablo ne bi duzehu yá gua ne yá 'ye ra Agabo, ne bi ma:

—Nu rá Hoganduhi Oja bi bengä ngue nguba da 'yørpa yu judío a rá mbeti na ra ngat'i bu Jerusalén, ne din dä bu 'buh yu ja'i ngue hing yu judío.

¹² Nu'bu má øhmbe 'be'a bi man ra Agabo, gätho gahe ne yu mengu bu, dá ørpahe ra ts'edi hin xtá mba ra Pablo bu Jerusalén. ¹³ Nu ra Pablo bi 'yem buya:

—'Be'a guí othu guí zomhbu. O gadí angahu ma mbui. Nugä dadín sägä hont'a go 'be'a da t'ørcagui, o gue da thurqui o gue da thog bu Jerusalén nangue ra Jesús, ma Hmu.

¹⁴ Ne him bi zä dá sámhbe, dá hethe buya ne dá çmhbe:

—Nu'a rá pähä Oja da t'øt'e.

¹⁵ Ne m'bejua buya dán sähe ne dá mbähmbe ra Pablo bu Jerusalén. ¹⁶ Ne 'da'u yu 'yec'yei bu Cesarea dá mbähmbe. Ne nu'bu má sømhbe bu Jerusalén, nu'u bi zixcähe bu rá ngu ra Mnasón, ra mengu chipre. Ne maya'bu thoho mí çc'yei ra Mnasón. Guepu rá ngu dán säyahe.

Bizengua ra Jacobo ra Pablo bu Jerusalén

¹⁷ Nu'bu má sømhbe bu Jerusalén, nu yu cu nangue ra Cristo bu, bi hyu yá mbui 'bu mi nuje, ne bi zimanhoje. ¹⁸ Man'da pa buya dá mbähmbe ra Pablo dá nuhe ra Jacobo Santiago, ne'u gätho mí 'bupu, yá mingurpihu, yu dac'yei. ¹⁹ Nu ra Pablo bi zengua u ne 'bex bi du'mi 'dahmi'datho bi ma 'be'a gätho bi 'yøt' Oja nangue rá 'befi ra Pablo, nubu 'buh yu ja'i ngue hing yu judío. ²⁰ Ne nu'bu mi 'yø'u 'be'a bi man ra Pablo gue bi 'yømanho 'bu mí sih rám Hman Oja, çmme bin johya ne bi 'yespa Oja. Pe nu'u, bi 'yembi:

—Pe guí padi, ma zu cu'i Pablo gue yu mahuuhi thoho yu judío i çc'yei ya, ne gätho i ñna jatho da 'yøt' yán t'ëdi ra Moisés. ²¹ Ne nu'u bi sifi 'be'a gätho gá 'yøt'e. Ne sääñ'nu gá xänbi gue gätho da hyeh yán t'ëdi ra Moisés u yu judío gue 'bupu 'buh yu ja'i hing yu judío, ne gá xifi ngue hin da mba nthequi yá xifani, ne hin da 'yøt' yán t'øt'e yu judío, ñn'u. ²² Nuya 'be'a sá ga othu ya, guehma dim peti u ma mi 'yec'yeiñ yu judío, gue da gohmahyu'a'i, nguetho da 'yøde ya gá søhø, bi 'yembi. ²³ Nuya nde'bu gui 'yøt'e 'be'a ga xi ahe. Nuya 'bucua goho yán 'yohu ngue bi ma da 'yøt'a n'da ran hogui nangue Oja, ne jatho da 'yøt'e. Nuya gui 'yøt'e 'be'a da 'yøt'u. ²⁴ Nu'i gue'e gui six buya yán 'yohu, ne gui 'yøt'e tengu jatho da 'yøt'u, ngue mí ma n'da ran hogui nangue Oja. Ne gätho gui jurpa yá gasto u, gui tämb yu de'yo ngue da mbøts'e. Ne nubuya sá gui 'yaq ni yaq tengu i øt' yu ja'i nu'bu xen guah yu pa yán hogui. Ne gätho yu ja'i sá da badi ngue him majuani'be'a bi man'u 'da nangue'e. Ne da bah puya ne'e guí ten'na rán t'ëdi ra Moisés. ²⁵ Pe nangue yu ja'i hing yu judío ngue bi 'yec'yei, ya dá penpahe n'da ra søcuq, ne dá xihmbe hin da zi 'be'a bi 'bøspa yu hmite, xín da za'a ra ngø ngue him bi bøn rá ji, xín da zi ra ji. Ne hin da 'yøt' yán 'yomt'ëni, bi 'yen'a ra Jacobo Santiago.

Bi mba mfent'i ra Pablo bu danijä Jerusalén

²⁶ Nu ra Pablo bi zix'u yán 'yohu buya, ne bi 'yøt'e tengu bi 'yøt'u. Ne bi mbähä bu mbo yá danijä yu judío, ngue da ma nda'a ní pa da guah yá pa ran hogui. Ne bi ma nda'a ní pa di un yu 'bøts'e.

²⁷ Hin ε ní zøn'a yoto pa mi juah ran hogui, nu yu judío gue hing yu 'yec'yei, yu mengu ra häi Asia, bi nu bu mbo ra danijä ra Pablo. Nu'u bi parba yu ja'i ne bi bent' ra Pablo. ²⁸ Bi mbafi:

—N'yohu ahu dyu israelhu, dami zeje gam benthu na ran 'yohu 'bacua, i xänba yu ja'i hønbu go hapu i pa ngue hingui hoju, ne ñna nte di muui yán t'ëdi ra Moisés ne nte di muui ma danijä. Ne hinga hont'a bi 'yøt'e, pe man'da, bá si ua mbo ra danijä yu ja'i ngue hing yu judío. Janangue'a bi ts'on'a ra hoganijä ngue majapi, sá ñn'u.

²⁹ Nguetho mi nu min 'youi ra Pablo bu ja ra hnini n'da ra mengu éfeso í Trófimo. Ne mi manse ngue ɛmbi bi zixpu mbo ra dñajq.

³⁰ Ne nubuya gätho ra hnini bin ja n'da ran 'yo'ts'i, ne gätho ní muxpu 'bäh ra Pablo, bi bent'i, bi gacpu thi ra dñajq. Ne 'bex bi gut' yá njq. ³¹ Ne nu'bu mí zäpi ɛna xtá hyo ra Pablo, nu ra hmudofai mí ðe ngue gätho ra hnini Jerusalén bin 'yo'ts'i. ³² Nu'a 'bex bi zix'u yá dofai ne gätho yá hmudofai, ne bi mba n'dihi bu 'bah yá ja*'i*. Ne nu'bu mi nu yá ja*'i* gue mba bu yá dofai ne yá hmudofai, 'bex bin hç ním 'benza ra Pablo. ³³ Ne nu'a ra hmudofai buya bi bent' ra Pablo ɛna da got'i, ne bi manda ngue da mba nthqt'i yoho yá cadena. M'bejua bi t'än'du, ne bi t'ɛmp'u:

—To'o na, 'besa bi 'yot'na.

³⁴ Pe nu yá ja*'i* ɛmme madí mbahni ne gätho 'dahma 'dan'yo bi ma. Janangue'a nu ra hmudofai him mi sä da bädi hanja bin 'yo'ts'i. Bi manda ngue da zixpu ja ra ngundofai a buya. ³⁵ Ne nu'bu mí zom bu ja rá 'dede ra ngu, bi dux'u yá dofai a ra Pablo, nguetho nu yá ja*'i* man'da nde da bent'i mahøn'a. ³⁶ Nguetho xan ngu yá ja*'i* bi denni bi mbafi:

—Dami hyohu, ɛn'u.

Nu ra Pablo bin juqn zehε bu ja yá hmi yá ja'i**

³⁷ Ne nu'bu manguepu da zixpu mbo ja rá ngu ra Pablo bi 'yän'na ra hmudofai:

—Dami 'yørqui ts'u ra mate dan yäui ts'u, bi 'yëna.

Nu ra dofai bi dädi:

—Ha guí pä'a rá nde yá griego.

—Häha, bi yën'a ra Pablo.

³⁸—Oh, ha hinga gue'e gra mengu Egipto, ngue gá dap'a n'da ran 'yo'ts'i ne gá sixpu ma'ueni goho muhuqhi yän 'yohu ngue yá hyodu, bi 'yëmbi.

³⁹ Nu ra Pablo bi dädi:

—Hin'na, hinga guecä. Nugä dra judiogä ne dra mengu Tarso, n'da ra dähnnini ngue ja rá ts'edi bu ja ra häi Cilicia. Nuya dí ä'a n'da ra mate ngue ga xicä ts'u yá ja*'i*.

⁴⁰ Nu ra hmudofai bi un ran t'edi. Nubuya, nu ra Pablo bí 'bäpu ja ra 'dede, ne bi uq'ts' rá 'yε ndepe din hç yá ja*'i*. Ne nu'bu min hç, bi zofo nangue yá ndesε u, gue yá nde ra hebreo, bi 'yëna:

22

¹ —N'yohu ahu, gyu ta ahu, gui 'yøhmbu 'bε'a ga xi ahu ya, bi 'yën'a ra Pablo 'bu mi dä'mi bin yä.

² Ne nu'bu mi 'yø'u ngue bi ts'ofo nangue yá ndesε ra hebreo, man'da bin hç. Nu ra Pablo bi 'yëm buya:

³—Nugä dra judiogä, dám 'bucä bu Tarso, nubu ra häi Cilicia, ne bi mba ma tedegä ua Jerusalén. Ne dán xäcä rán xädi ra Gamaliel, ne dán xäcä xan ho yán t'edi u ma ngurpa bötahu. Ne ɛmme mi ɛhyagä nangue rá 'befi Ojä ngue gätho ma mbai, tengutho ahu ya. ⁴ Ne madí undä ran unbi to'o gätho mi ɛc'yei ra Jesús, ne 'da'u dá ho ne'u mi'da, yán 'yohu ne'u yá xisu dá sixpu fädi. ⁵ Nu ra hmumbäjä ne yá däc'yei da zä din juanní 'bε'a xtá øt'ä, nguetho dá canba yá søcuä bi 'dacä, gue mí ɛna xcá un yá ngurpi bu ja yá njq ma mijudíohu bu Damasco. Ne dá hæx ra 'yu dá mba bu Damasco. Nu ra søcuä dá jucä ngue'a ran t'edi ga cot'a fädi yá 'yɛc'yei, ne dí ɛna xcuá si ua Jerusalén, ngue xtá nu ua ran unbi.

Nu ra Pablo bi ma ha bin jabu í 'yɛc'yei

⁶ Ne nu'bu mán 'yogä bu 'yu hänu Damasco, tengu'bu mbe huxyadi, bá cä n'da ra nyot'i mahçt's'i, ngue nts'edi bi hyärpu dí 'bäi. ⁷ Nugä dá taqng bu häi, ne dá ø'a n'da ra nde bi xiqui: "Saulo, Saulo, hanja gní ungagui," bi 'yëngui. ⁸ Ne dá thäti: "To'o i ma Hmu." Ne nu'a bi xiqui: "Nugä dra Jesús, dra mengu nazaret, guecä gadí ungagui." ⁹ Ne nu'u 'da min 'yogähe bi nu'a ra nyot'i, pe him bi 'yø'a ra nde ngue bi zocä.

¹⁰ Ne dá änni: "Ma Hmu 'bε'a sä ga øt'ä." Ne nu ra Hmu bi 'yëngui: "Dami ndants'i ní mba bu Damasco, nubu, da si'a bu 'bε'a gätho dá sän'ni'i gui 'yøt'e." ¹¹ Ne nugä 'bex dán xädä nangue'a ra nyot'i, ne nu'u mí'n 'yogähe bi gurca ma 'yε, ne dá sømhbe bu ja ra hnini Damasco.

¹² Ne mi 'bäpu n'da ra hocja'i í Ananías, ngue mi tenni xan ho yán t'edi ra Moisés. Ne gätho yá judío mi 'bäpu mi numanho a. ¹³ Nu ra Ananías bi zøpu dám 'bucä, ne bi xiqui: "Ma cu'i Saulo, dami hyand ran nequi ni dä ya." Ne 'bex bi zø ma dä, ne bi zä dá nu a ran 'yohu buya. ¹⁴ Ne bi xiqui: "Nu'a Ojä mi thände ma ngurpa bötahu bi

huahn'na'i ngue gui pādi 'be'a rá pāhā a. Nē bi ja'a'i gá nu rá Hoga Ts'unt'ā, nē bi ja'a'i ngue gá 'yōrpa rá nde a. ¹⁵ Nuya gui mam bā 'bāh yā ja'i 'be'a gá nu nē 'be'a gá 'yōde. ¹⁶ Nē hin'yā 'be'a man'da gui tō'mi, dami ndants'i gan xixyā, gui 'yēc'yēi majuāni a ra Hmu ngue di 'uec'a'ā ni ts'oqui nangue rá thuhu a ra Hmu," bi 'yēngā ra Ananías, bi 'yēn'a ra Pablo.

Bi man ra Pablo hanja bi mba bā 'bāh yā hing yā judío

¹⁷ Nē xō bi 'yēna:

—Nē nu'bā jāmbá pengā ua Jerusalén, dán yā'be Ojā bā mbo ra dānijā, nē nu Ojā bi jacā dá nu tengu n'da ra t'i. ¹⁸ Nē dá nugā ra Hmu, bi 'yēngui: "Dahmantho dami pōngua Jerusalén, nguetho hin da t'ōrpamasu 'be'a gui ma nanguecā." ¹⁹ Nē dá xi'a: "Ma Hmu, nu'ā ma mēnguhe ua gātho i pādi 'be'a gātho dá ḍt'ā, dá mba bā gātho ma nijāhe, nē dá unba a gātho bi 'yēc'yēi i, nē dá cot'a fādi a. ²⁰ Nē nu'bā mi mba ntho ra Esteban mi 'bācā bā, nē 'da'angu dá bēmhbe a bin hote, nē dá jamansup yā pahni a." ²¹ Pē nu ra Hmu bi xiqui: "Ní mba, nguetho ga pēnh'na bā yabā guepā 'bāh yā ja'i ngue hing yā judío," ngubā bi xiqui, bi 'yēn'a ra Pablo.

Nu ra Pablo bi mba ma dā bā 'bāh yā hmudofāi

²² Nu'ā bi 'yōmanho 'be'a bi man'a ra Pablo, asta gue'bā mí ma da mba bā 'bāh yā ja'i hing yā judío. Nubāya bin cu'e'ā yā judío i 'bāpā gue hing yā 'yēc'yēi, bi mbafī nē bi 'yēna:

—Dá tho na ran 'yohā, man'da xān ho 'bāh hin di thoqui dim 'bāi, bi 'yēn'ā.

²³ Man'da bi mbafī bi huā't' yā pahni nē bi 'yēnts' yā fonthāi. ²⁴ Nu ra hmudofāi bi manda da ts'ixpā mbo ra Pablo, nē bi manda da mba m'bāi, ngue ndep'a dín juān'na ra Pablo hanja ná mba'ā yā ja'i. ²⁵ Nē nu'bā i pa nthāt'i ra Pablo ngue ra xifani, bi 'yān'na ra dofāi ngue mi 'bāpā:

—Ha i ja nin t'ē dihā guí fe'a n'da ra romano nu'bā hin ní t'ōrpa ran juānbi, bi 'yēn'a ra Pablo.

²⁶ Nē nu'bā mi 'yō'a ra dofāi a bi man ra Pablo, bi mba bā xi'a rá hmu nē bi 'yēmbi:

—Dami jamansu 'be'a guí ḍrpa na ran 'yohā, n'da ra romano na.

²⁷ Nē bā ḫ'a ra hmudofāi bāya, bi 'yān'na ra Pablo:

—Ha majuāni gue'e gra romano.

Nu ra Pablo bi dādi:

—Hāha, bi 'yēna.

²⁸ Nu ra hmudofāi bi 'yēmp'a:

—Xān ngu ra mbeti dá jut'ā ngue dán romanogā.

Nu ra Pablo bi xi'a:

—Pē nugā mbādi thoho ma ta bin t'un ran t'ēdi gue din romano, janangue'a man'da dra romanogā.

²⁹ Nē nu'a ra hmudofāi bin su nguetho ya xí du't'i nē nu'a ra Pablo ra romano na. Janangue'a nu'ā nte bi 'yōrpa ra Pablo, ḫna xtā mbēi.

Nu ra Pablo mi 'bāpā ja rá junta a yā hmumbājā yā judío

³⁰ Nē nu'bā mi hyats'i, nu ra hmudofāi nde da bādi hanja íyāp'ā yā judío, bi xocta'a ra Pablo mán thu't'i, nē bi manda dim peti yā hmumbājā nē yā ngūrpi yā judío. Nē bi zix'a ra Pablo bā dim peti.

23

¹ Nu ra Pablo ḫmme madín hyēthā bā, nē bi xifi:

—N'yohā ahā, nugā zai dí ḍt'ā a i xicpa ma mbāi Ojā, asta gue ra pa jabāya, bi 'yēm 'bā mí dā'mi din yā.

² Pē nu ra Ananías, ra dāmbājā, bi xi'a gue 'darpa mi 'bāhmbā ra Pablo, da mberpa rá nde. ³ Nu ra Pablo bi xi'a ra Ananías bāya:

—Ojā da mbep'a'i nguetho yoho ni mbāi. Sā guí ḫmhba hin dá ḍt' yān t'ēdi, pē go gue'ahā hin guí ḍthā yān t'ēdi, ngue gadí manda da 'bērca ma nde.

⁴ Nē nu'u 'darpa mi 'bāhmi bi 'yēmbi:

—Hanja gní thāt'a ra dāmbājā ngue bi huahn'na Ojā.

⁵ Ra Pablo bi dādi:

—Cu ahā, hin dí pācā ngue ra dāmbājā a, nu'bā xcā pācā hin xcā thātā 'bā, nguetho nt'o't'i gue hin ga c'āman'ā ma ngūrpihā, bi 'yēmbi.

⁶ Nē nu'a ra Pablo 'bā mí nu'u 'da gue hupā ja ra junta, bi bādi hinga 'da'ingu yā t'ēc'yēi a, nguetho 'da'ā bi dēn'dā i man yā saduceo nē nu mi'da bi dēn'dā i man yā

fariseo. Janangue'a nu ra Pablo bi 'yεmp' u 'bεpε ja ra junta:

—N'yohε ahε, nugä dra fariseogä, ne xin rá ts'unt'ugä n'da ra fariseo. Nugä dí 'bäcua ne guí òrcahε ran juanbi nguetho dí εc'yei gue i ndants' mahøn'a u i tu, bi 'yεn'a ra Pablo.

⁷ Ne nangue'a xí man na ra Pablo bin junthu yu fariseo u yu saduceo, ne gätho bin hecpε ja ra junta. ⁸ Nguetho i man'u yu saduceo gue hingui ndants' mahøn'a u i tu, ne i ma ngue njo'o yám 'bεhni Ojä mahεts'i, ne i ma ngue njo'o yän dähi. Pe nu yu fariseo gätho i εc'yei. ⁹ Bin ja n'da ra mbahni, ne nubεya bin ndants'i 'da'u yu xänbate u yu fariseo, bi 'yεn'u:

—Nuna ran 'yohε 'bäcua, nte mán ts'o bi 'yøt'e. Xι'bε majuqni n'da ran dähi o gue n'da rám 'bεhni Ojä mahεts'i bin yäui, nde'bε hin ga sähmbε Ojä, bi 'yεna.

¹⁰ Pe nu'u 'bεpε ja ra junta, emme bin sε'hε, asta gue'bε mí zu ra hmudofεi da sεn'inde ra Pablo. Bi xih yu dofεi bεya gue ba jεcpε 'bεh yu ja'i, ne da zix mahøn'a bε ja ra ngundofεi.

¹¹ Ne nu'bε min xui, ra Hmu mahεts'i bim 'bähmi ra Pablo ne bi 'yεmbi:

—O di tu ni mbai Pablo, nguetho ngutho gui ma bε ja ra dähnini Roma nanguecä, tengutho gá mangua Jerusalén.

Mi εna xtá tho ra Pablo

¹² Nu'bε mi hyats'i, 'da'u yu judío 'da'ingu bi bεn'u da hyo ra Pablo, ne bi ma jatho di ja'ts'a bi man'u. Ne bi 'yεn'u ngue hin din sihme, xíng ra dehe da zi, asta gue'bε go bi hyo. ¹³ Ne mi pongui yote má 'yohε u 'da'angu bi ma ngue da hyo ra Pablo. ¹⁴ Nu'u bi mba bε 'bεh yu hmumbäjä ne yu dac'yei, ne bi xifi:

—Nugähe dá mamhbe majuqni 'bε'a ga øthe, ne hin dan sihmehé asta gue'bε go dá hohe ra Pablo. ¹⁵ Janangue'a nu ahε ne'u mi'da guín 'yohε bε ja ra junta, nu'bε nixudi gui xihmbε ra hmudofεi ba si'a ra Pablo, gui 'yεmbi gue gui 'yānhdε mi'da yän t'änni. Janangue'a nugähe bεya, dan sähe gua täcuahε bε ja ra 'yu, ga hohe, bi 'yεn'u.

¹⁶ Pe nu rá 'bε'ue ra Pablo bi 'yøde 'bε'a nde da 'yørpa yän 'yohε. Bi mba bε ja ra

ngundofεi ne bi xi'a ra Pablo. ¹⁷ Nu ra Pablo bi zonh'na n'da ra dofεi bεya, bi 'yεmbi:

—Dami six na ra ts'unt'u bε bí 'bεh ra hmudofεi, nguetho i ja 'bε'a da xifi.

¹⁸ Nu ra dofεi bi zixpε 'bε'a rá hmu, ne bi xifi:

—Nu'a ra Pablo ngue i ofädi, bi zoncagui ne bi 'yäc ra mate gua siua na ra ts'unt'u, nguetho ja 'bε'a da xi'i.

¹⁹ Nu ra hmudofεi bi bεntpa rá 'yε ra ts'unt'u, n'danni bá änni:

—'Bε'a guín nde gui xiqui.

²⁰ Nu'a ra ts'unt'u bi xi'a ra hmudofεi bεya:

—Nu'u 'da yu judío bin yäse'u, bi ma da 'yä'a ra mate 'bε nixudi, ngue gui sixpε mahøn'a bε ja ra junta ra Pablo, nguetho da 'yεn'i, da 'yän mi'da yän t'änni. ²¹ Pe 'yo guí øt'e 'bε'a da xi'i, nguetho i pongui yote má 'yohε yu judío ngue xεn jot' ra 'yu, i täcuahε bε ra Pablo. Nu'u, 'da'angu xεm ma ngue xín din sithe xín din sihme asta gue'bε go bi hyo ra Pablo. Ne i tøp'a thoho 'bε'a go gui ma, bi t'εmp'a ra hmudofεi.

²² Nu ra hmudofεi bi hεcua rá ts'unt'u ngue njon da xifi, ngue ya xí xi'a ra hmudofεi. Ne nubεya bi xifi da mba.

Nu ra Pablo bi mba m'bεhni bε 'bεh ra Félix

²³ Nubεya nu ra hmudofεi bi zohn'dε yoho yu ngurpa dofεi, bi xifi din sä yociento ndofεi da mba bε ra hnini Cesarea 'bε gato nxui. Ne da mbähä mi hyate ma 'det'a yu dofεi ngue din tøgue, ne da mbähä mi yociento yu dofεi ngue i cε yän ts'at'egui.

²⁴ Ne bi manda da thøspa yu fani ngue da hyux a ra Pablo. Ne bi xifi di jamansu xεn ho bε 'yu, asta gue'bε go bi dä bε 'bεh ra ts'ut'abi Félix. ²⁵ Ne bi 'yo't'a n'da ra sōcuqra hmudofεi, bi mbεnpa ra ts'ut'abi Félix.

²⁶ Ne bi 'yεn'a ra sōcuqra:

“Nugä dra Claudio Lisiás, dadí zεngua'i, gra Félix, gra hogá ts'ut'abi. ²⁷ Nuna ran 'yohε na, nu'bε mi bεnt' yu judío, nde xtá hyo. Pe dá yämhbε nangue xεn ngu yu dofεi, nguetho dá øcä ngue ra romano na.

²⁸ Nugä him mí padi hanja bi mba ma yäpi, dá sixpε ja rá junta yu judío. ²⁹ Pe nubεya dá øde ngue hønt'u yän t'εdi zεhe yu judío ngue í mba ma yäpi, ne hin'yu 'bε'a dí tho, o gue dín ofädi. ³⁰ Ne nu'bε mi sicä 'bε'a nde

da 'yøt' yø judío, ngue nde da hyo, 'bex dá penh'na bø guí 'bøi. Nø dá xi'ø yø nyapate gue da xi'i 'be'a ní mbøspa ra hnuman'ø. Nø hønt'a dá xi'a ya," bi 'yøn'a rá søcuø ra hmudoføi.

³¹ Nu yø doføi bøya bi 'yøt'e tengu bi xi'ø yø hmu. Nu'ø bi zix'a ra Pablo 'bø min xui, asta gue'bø mí zøm bø Antípatris. ³² Nu'bø mí hyax bøya, bá peng bø yø doføi gue him madín tøgue. Pe nu'ø gätho madín tøgue bi thoqui bi zix'a ra Pablo. ³³ Nu'bø mí zøm bø ra hnini Cesarea, bin däp ra søcuø ra ts'ut'abi, ne bi mba ma dä bø ra Pablo. ³⁴ Nø nu'bø mi nu'a ra ts'ut'abi a ra søcuø, bi 'yøn'a ra Pablo:

—Hapø ni häi.

Nø nu ra Pablo bi xifi gue ra mèngu bø ra häi Cilicia. ³⁵ Nu ra ts'ut'abi bøya bi xi'a ra Pablo:

—Nugä ga øcä 'be'a gui mam 'bø bi zø'ø di yap'i'i.

Nø bi manda da mba m'bädi bø ja rá nguts'ut'abi ndudan Herodes.

24

Nu ra Pablo bin juan zehe bø 'bøh ra Félix

¹ Nø nu'bø mi jua'a cøt'a pa, bi mba bø ra Ananías, ra hmumbøjø, ne 'da yø døc'yøi, ne ra Tértulo ran hocpate. Nø bi xi'a ra ts'ut'abi 'be'a í mba ma yapøi ra Pablo. ² Nu'bø mí ts'onh ra Pablo, bi dø'mi bin yapate a ra Tértulo. Nu'a bi xi'a ra Félix:

—Nugähe dí pøhmbe ngue nangue'e i ja ran johya ua ra häi dí 'bøhmbe. ³ Nø gäthogähe man'da dí 'bøhmbe xøn ho nangue 'be'a guí øt'e. Nø gätho yø pa dí xi'ahe ra jamadi nangue'e. ⁴ Nuya hingui ngu 'be'a ga xi'a'i, pe gui 'yørca ra mate gui 'yøde 'be'a dí xi ahe. ⁵ Nuna ran 'yøhø, ømmø ra ts'om'bäi na, ne ømmø di parba yø judío hønbø go hapø 'bøi ngue gätho ra ximhäi. Nø nuna, rá ngurpi 'da'ø yø ja'i t'ømbi yø nazareno. ⁶ Nu'a mí nde xtí ts'on ra dønjø bø Jerusalén, pe nugähe dá benthe, ne dí ømhbe xcá juanbahe tengu im mam bø ja man t'ødi. ⁷ Pe nu ra hmudoføi, ra Lisias a, con rá ts'edi bá jøcpø mi 'bøhmbe. ⁸ Nø bi xije dan yøfe ua. Nuya, nu'bø gui 'yøn zehe a, gui pødi gue majuøni 'be'a gätho ní mba ma yapøi, bi 'yømp'a ra ts'ut'abi a ra Tértulo.

⁹ Nø nu'ø yø judío min 'yøhø, 'da'angu bi man'ø. ¹⁰ Nø nu ra ts'ut'abi bi un ran t'ødi ra Pablo gue din yø bøya. Nu ra Pablo bi ma, bi 'yøna:

—Nugä i hu ma mbøi ngue sä dan juøndä ua, nguetho guí pødi 'be'a nám 'bøhmbe dyø judíohe, gue xøn ngu yø jøya guín ts'ut'abi ua. ¹¹ Nu'bø guí nde gui pødi, sä gui pødi, ja mán 'dø'mayo ma pa ya gue dá mba bø Jerusalén, dá thønde Ojø bø. ¹² Nø nu'ø ma mijudíohe him bi nu 'bø 'bo'o xcán junthe, xím bi nu 'bø 'bo'o xcá parbi, xínga guepø ja ma dønjøhe, xínga guepø ja ma t'ønijøhe, xínga guepø gätho ra hnini. ¹³ Nuya hingui sä din juønni xøn ho nguetho him majuøni 'be'a ní yøcpø ya. ¹⁴ Pe nuya dadín juøndä gue dí tøndä ra 'yu ma'da'yo, ne gue'a ømbi him majuøni. Pe guet'a ra 'yu mí tøn'dø ma ngurpa bøtahe, gue mí numansu Ojø nguetho dí øc'yøi 'be'a gätho mán t'o't'i bø ja rá søcuø yøn t'ødi ra Moisés ne yø søcuø yø pøngahyø. ¹⁵ Nø nugä dí tø'mi 'be'a nín ho da 'yøt' Ojø, tengu i tømp' ya i 'bäcua. Nugähe dí øc'yøihe ngue gätho xøn du da ndants'i, ne'ø bi 'yøt' ran ho, ne'ø bi 'yøt' ran ts'o. ¹⁶ Janangue'a gätho dí øt'ä 'be'a di bøngä Ojø n'dahma hin hapø da thøngø ma ts'oqui, xínga guepø 'bø Ojø xínga guepø 'bøh yø ja'i, bi 'yøna.

¹⁷ Nø xø bi 'yøna:

—Nø nu'bø mi thogui xøn ngu yø jøya, bá pengä bø Jerusalén ngue ga un yøn t'unni ma mènguhe, ne ga un yøn t'unni bø ja ma dønjøhe. ¹⁸ Nø ngubø dá øt'ä bø dønjø, dá thønde Ojø. 'Da'ø yø judío, yø mèngu bø ra häi Asia dán tømhbe bø bøya. Nø njom mí 'bøpø xøn ngu yø ja'i, xíng ra søi mi ja bø. ¹⁹ Nu'ø gue dán tøngähe bø, nde'bø gue'ø xtambá 'yøcua, xtá mangua 'bø ja 'be'a dá øt'ä bø. ²⁰ O gue guehya yøn 'yøhø 'bäcua da ma 'bø ja 'be'a bi nurcä 'bø má mbagä bø ja ra junta. ²¹ Hønt'a nts'edi dá mangä bø, ne dá ømbä: "Nu ahø guí ørcä ran ts'ømbi nam pa ya nguetho dí øc'yøi ngue i ndants'i tu," dá øngä, bi 'yøn'a ra Pablo.

²² Nø nu'bø mi 'yø'a ra Félix 'be'a bi man ra Pablo, 'bex bi ma da guah ra junta, nguetho xøn ngu ts'ø mi pø'a ra Félix nangue rá 'yu Ojø. Nø bi xi'ø:

—Nu'ba dambá ɛcua ra hmudofi, ra Lisiás, sä ga pácä 'be'a gätho bin ja.

²³ Ne nu'a ra Félix bi manda da thoqui da mba m'bädi ra Pablo. Ne bi manda ngue da t'ørpa ran ho nangue'a, ne nu'u ya amigo sä da mba bu ne di unni 'be'a gätho da hyoni.

²⁴ Nu'bu mí tho'i ts'u 'da yu pa, nu ra Félix bá peng bu ja ra hnini Cesarea, bán 'youi rá xisu í Drusila, nu'a ra judío a. Ne bi zon'na ra Pablo, ndepe da ma hague dán zä n'da da 'yc'yei ra Jesucristo. ²⁵ Ne nu'bu mi man ra Pablo nangue ram 'bui njuqantho, ne bi ma ngue di jamansu 'be'a da 'yt'a n'da, ne bi ma din ja ran t'änni 'bu ran zegui nangue yu ts'oqui, nu ra Félix bin su buya, ne bi xifi:

—Hønt'a gá xic ya, 'be ním 'bähma bu ja ra fädi mahøn'a, ne nu'bu da bongui ga zon'na'i mahøn'a, bi t'ëmp'a ra Pablo.

²⁶ Nu ra Félix mí ɛna xtán gu't'i ts'u, n'dahma xtí thø'a ra Pablo. Janangue'a njant'a thoho min zohni ne min yuqui. ²⁷ Ne nu'bu mi gua'a nyojeya bi mba ma pony a ra Félix, ne bi hyu'a ra Porcio Festo. Nu ra Félix 'bu mí bøm buya, bi zopu ra Pablo bu ja ra fädi, nguetho mí su da numan'u yu judío 'bu xtí hocpi.

25

Nu ra Pablo din juqn bu 'buh ra Festo

¹ Nu ra Festo bi mba bu ra häi guepu din ts'ut'abi, ne hyupa bim 'bupu ra hnini Cesarea, bi mba bu ra hnini Jerusalén buya. ² Nubu Jerusalén, yu hmumbäjä ne yu ngurpi yu judío bi xi'a ra Festo, bi nyapi nangue ra Pablo. ³ Ne bi 'yørpa ts'edi bi 'yäp ra mate ngue da zohna ra Pablo ngue da zøm bu Jerusalén, nguetho im buen'u da gorpa bu 'yu, gue nde da hyo. ⁴ Pe' nu ra Festo bi xifi ngue ofädi bu Cesarea ra Pablo, ne "mi ts'ut'ho ga mbagä ya," bi 'ymbi.

⁵ Ne bi xifi:

—Nde'bu ga mbähä 'da ahu gue ja ni ts'edihu, ne nu'bu ja mán ts'o bi 'yt'a, sä gui yuqu.

⁶ Nu ra Festo, masque mbu man 'dt'a pa bim 'bupu Jerusalén, bi mba bu Cesarea buya. Nu'bu mí hyax buya, bi mba bu ja rán juqbate, ne bi manda ba ts'i ra Pablo. ⁷ Ne nu'bu mi zøm bu ra Pablo, nu yu judío ngue bá nexpu Jerusalén bi mbä'ts'i. Ne ɛmmu

xun ngu 'be'a xun ts'o í yupi. Pe' hingui sä da bøm majuqni 'be'a bi man'u. ⁸ Nu ra Pablo bi ma nanguese buya:

—Nte dá øt'ä ngue hingui ho nangue man t'ëdihe dyu judíohe, xíngu gue'a ra däniqu, xíngu gue'a rán t'ëdi ra hmuts'ut'abi bu Roma, bi 'ymn'a ra Pablo.

⁹ Nu ra Festo nde da 'yt'a dí numanho u yu judío, janangue'a bi 'ymn'a ra Pablo:

—Ha guí nde gui mba bu Jerusalén, guepu ba øt'a ran juqbate bu, nangue 'be'a í yuap'a yu judío.

¹⁰ Nu ra Pablo bi dädi:

—Hin'na, guecua rán säui da t'ørca ran juqbate ua, nguetho bi 'da'a ran t'ëdi ra hmuts'ut'abi 'bupu Roma guegui 'yt'a ran juqbate ua. Ne nte mán ts'o xtá ørpa yu judío, guegui sixcä bu. Nu'i guí pädi xun ho ngue te dá øt'ä. ¹¹ Pe' nu'bu xtá øt'ä n'da ran ts'o gue i man nin t'ëdi guí hyogui, jatho ga tu 'bu, hin ga 'dagui nangue man däte. Pe' nu'bu him majuqni 'be'a ní yuçpä u, njo'o n'da i ja rán t'ëdi di dägä bu ja yu 'yu u. Nugä dí ä'a ran t'ëdi guí thocä bu 'buh ra hmuts'ut'abi bu Roma, bi 'ymn'a ra Pablo.

¹² Nu'bu min yuqu yum fäts'ihu a ra Festo, bi xi'a ra Pablo:

—Nu'bu guí ɛna ga dä ahe bu Roma, da zä 'bu, bi 'ymbi.

Nu ra Festo i yuqui ra ts'ut'abi Agripa

¹³ Nu'bu mi tho'i 'da yu pa, n'da rá ts'ut'abi yu judío, ra Agripa na, ne'a rán ju, Berenice, bi zøm bu Cesarea di zengua a ra ts'ut'abi Festo. ¹⁴ Ne nu'bu mi 'bupu 'da yu pa, nu ra Festo bi xi'a ra Agripa nangue ra Pablo, bi 'ymbi:

—O bu n'da ran 'yohu, i ofädi, ngue bi zocua ra Félix, í Pablo a. ¹⁵ Ne nu'bu má mbagä bu Jerusalén, nu yu hmumbäjä ne yu däc'yei ngue yu judío bi xicä nangue ra Pablo. Nu'u mi äp ran unbi nangue'a. ¹⁶ Ne nugä dá xi'u: "Pe' nugähe dyu romanogähe hingui sä ga hohe n'da 'bu hindu nadí juqbähe u, ne dim 'bupu ja yu hmi to'o di yupi, din yuquse." Ngubu dá xifi. ¹⁷ Ne nu'bu mi zøcua yun yuquate, nu'bu mi hyats'i, 'bex dá mba bu ja man juqbate ne dá manda da ts'ixpu a ra Pablo. ¹⁸ Nu'bu mí 'bähmbe bu u yun yuquate, pe' xíngu n'dare bi ma gue yu ts'oqui tengu mím bungä ngue xtá ma. ¹⁹ Pe'

hønt'a n'da ram hma madín junthø nangue 'be'a mi ɛc'yεi zεhe ɥ ya judío. Nε nangue n'da ran 'yohø í Jesús nín junt'ø, ngue bi du, pε nu ra Pablo nts'edi bi ma ngue i 'bøi, bi 'yεna.

20 Nu ra Festo bi thoqui bi ma:

—Nε nugä hin dí pøçä ga øt'ä ran juanbi nangue 'be'a ɛc'yεi yø judío. Janangue'a dá än'na ra Pablo 'bø nde da mba bø Jerusalén, da mba ma juanbi bø. **21** Pε nu ra Pablo bi 'yäc ran t'ødi, nde ga dä bø 'bøh ra hmuts'ut'abi Augusto bø Roma. Dá manda bøya da 'bädi asta gue'bø bi zä ga pøhndä bø 'bøh ra hmuts'ut'abi, ɛn'a ra Festo.

22 Nu ra ts'ut'abi Agripa bøya, bi xi'a ra Festo:

—Nugä dín nde ga øde 'be'a da man'a ran 'yohø.

Bi dø'a ra Festo bøya:

—Nixudi da zä gui 'yøde.

23 Man'da pa bøya bi mba bø ja rá ngu ran juanbate ra Agripa nε ra Berenice. Nε bi mba bø mbo gätho ja yø ts'edi, min 'yohø yø hmudofai nε yø ngurpi bø ja ra hnini Cesarea. Nε bi ts'ini xøn ho nguetho i ja yøts'edi. Nε nu'a ra Festo bi manda da ts'ixpø ra Pablo. **24** Nε nubøya bi 'yøn'a ra Festo:

—Nu'i gra ts'ut'abi Agripa, nε ahø gyøn 'yohø gätho guí 'bøhmbø ua ya, guí nuhø na ran 'yohø. Nε gätho yø judío 'bøpø Jerusalén nε 'bøcua Cesarea madín yapi nanguehna. Nu'ø njam'bø mi ε't'a mi xiqui ngue mi ädi da mba ntho. **25** Pε nu'bø má pøçä ngue nte bi 'yøt'a rán säui dí tho, dä ɛngä ga pønpø 'bøh ra hmuts'ut'abi bø Roma, nguetho mí mansø da mba ma dä bø. **26** Pε hin'yø 'be'a sä ga o'tä a xø 'yøt'e ngue ga pønpø ma hmu. Janangue'a dá zonhdä na ran 'yohø, gui 'yøhmbø ts'ø 'be'a da man ya, ma ts'ut'abi Agripa i. Nε nu'bø gá 'yøhmbø, masque da zä gui xiju bøya 'be'a da zä ga o'tä nangue ran yapi. **27** Nguetho dí ɛna hingui ho ga pønpø n'da ra ofädi, nε nte má søcuø da jøts'i ngue da mam bø hanja i ofädi, bi 'yøn'a ra Festo bøya.

26

Nu ra Pablo bin juqn zεhe bø 'bøh ra ts'ut'abi Agripa

1 Nu'a ra Agripa bi xi'a ra Pablo:

—Da zä gui mansø nangue'a zεhe, bi 'yømbi.

Nu ra Pablo bi uøn rá 'yε ne bi ma nanguesø. Bi 'yøna:

2 —I jagä ran johya, nguetho sä dam 'bäcä ua ja ni hmi, gra ts'ut'abi Agripa, nε sä gam mangä nangue 'be'a í yøcpä ma mijudiohe.

3 Nguetho guí pødi xøn ho 'be'a gätho yán t'øt'e yø judío, nε guí pødi 'dahma 'dan'yo ma t'ɛc'yεihe dyø judíohe. Janangue'a dá ä'a ra mate, gui 'yø'i ts'ø xøn ho 'be'a gam mangä.

Rám 'bøi ra Pablo 'bø hin ní 'yøc'yεi

4 Nu'ø gätho ma mijudiohe i pødi 'be'a ním 'bøi dá øt'ä bø 'bøh ma menguhe, 'bø mán t'øhnigä ne'bø mám 'bøcä bø Jerusalén, asta guehya. **5** Nu'ø hin'yø ra pähä da ma, pø maya'bø mi pødi ngue nya'a thoho dá tenni xøn ho tengu man yø fariseo. Nu yø fariseo man'da ɛhya da 'yøt' man t'ødihe dyø judíohe xinda gue'ø mi'da. **6** Nuya dí 'bøcua ja ran juanbate, nangue'a 'be'a dí ɛc'yεi. Nugä dí ɛc'yεi 'be'a bi xi'a Ojø ma ngurpa bombøtahe, ngue da xox'ø xøn du.

7 Nugähe yøm bom'bøto ɥ 'dø'mayoho yø ts'ønt'ø ma ngurpa bombøtahe ra Jacob, dí ɛhyahe ma pa nε ra xui nangue rá 'bøfi Ojø. Nε nugähe dí tømhbe 'be'a bi man Ojø, gue da xox'ø xøn du. Nugä dí ɛc'yεi gue majuøni bi dø'mi bi 'yøt'a, nε gue'a ní yøcpä ya ma mijudiohe, ma ts'ut'abi Agripa i. **8** Hanja gní bømhøbø ngue hingui sä Ojø da xox'ø xøn du, bi 'yøn'a ra Pablo.

Bi man ra Pablo madí unba yø 'yøc'yεi

9 Nε xø bi 'yøm mahøn'a:

—Guec zεhegä, nya'a thoho dá bøngä ngue mi ɛngä xøn ho 'bø ga søcä ra Jesús, ra mengue Nazaret. **10** Nubø Jerusalén xøn ngu yø 'yøc'yεi dá cot'a fädi, nguetho bi 'dacä ran t'ødi yø hmumbäjø. Nε nu'bø mi t'øna da mba ntho, 'da'angu dá bømhøbe. **11** Nε xøn ngu yø nidø dá unba ɥ yø 'yøc'yεi bø ja ma nijøhe dyø judíohe. Nε dá säpi dá serpa yø t'ɛc'yεi. Nε nugä ɛmmø min cuøgä nangue'ø, nepø ja yø hnini yatho dá mbagä, dá un ran unbi ɥ, bi 'yøna.

Bi man mahøn'a ha bin jabø bi 'yøc'yεi

12 Nε xø bi 'yøm mahøn'a:

—Né dá caxä ra sōcuä, ngue rán t'ëdi yä hmumbäjä, ngue ga unba yä 'yëc'yëi. Dá hä ra 'yu ná mba bë ra hnini Damasco. ¹³ Nu'i ma ts'ut'abi Agripa i, nu'bë mbë huxyadi dá nu bë 'yu n'da ra nyot'i bí 'yëh mahëts'i, né man'da madí hyät'i xínda gue ra hyadi. Né nu'a bi hyärpë dí 'bähmbe. ¹⁴ Né nu'bë gätho má tänje bë häi, dá òcä n'da ra nde ngue ma ndesë í ts'oqui, ra hebreo, i èna: "Saulo, Saulo, hanja gní ungui. Xan hëi guí òt'e, tengu n'da ra mbändäni i pa ma sëni ra t'o hndede dim pëfi xan ho, né i nète thoho," bi 'yëngui. ¹⁵ Né nugä dá änni: "To'o i, ma Hmu." Nu ra Hmu bi dädi: "Nugä dra Jesús, guecä gadí ungui. ¹⁶ Nuya dami ndants'i, gui 'bäi. Nuya dán 'yusegä ua n'dahma gui ma né gan juannni nangue gätho 'bë'a gá nu ya, né gätho 'bë'a ga ut'a m'bëjua." ¹⁷ Né bi 'yëngui: "Nuya ga pëhn'na'i bë 'bëh yä ja'i hing yä judío, né ga jamansu i nangue 'bë'a da nde da 'yøt'a'i yä judío, né yä ja'i ngue hing yä judío. ¹⁸ Né nangue nim hma, ga japi da xoc yá mbäi yä ja'i né him man din 'yo bë ja ra 'bexui, pë din ja ran nequi yá mbäi. Né ga japi da 'uepë ja rá ts'ëdi ra zithu, né din 'yo bë ja rá ts'ëdi Ojä ma Ta. Né din ja ra punbi yá ts'oqui. Né da nu ra te mazai, né gätho ran jápi ga unni, tengu mi'da dá 'uecä," bi 'yëngä ra Jesús, bi 'yën'a ra Pablo.

Ra Pablo him bi mbësta a bi man ra Hmu bë min 'yuse

¹⁹ Né nu ra Pablo bi thoqui bi xi'a ra ts'ut'abi Agripa:

—Nugä hin dá festhoho 'bë'a bi xicä ra nde gue bá èh mahëts'i. ²⁰ Rá mbëdi dá xi'ë 'bëpë Damasco, gue di päh yán 'yomfëni né din 'yo bë rá 'yu Ojä. Né dá xifi da 'yøt' ra 'bëfi xan ho nguepë da fädi xë päh yán 'yomfëni. Ngutho dá mangä bu Jerusalén, népë gätho ra häi Judea, né dá xicä yä ja'i ngue hing yä judío. ²¹ Pë nangue'a 'bë'a dá mangä, nu'ë 'da yä judío bi bëntcä bë ja ra dänijä, mi nde xta hyogui. ²² Pë asta gue yä pa jabëya i fäxcä Ojä. Né dí xi'ë ja yá ts'ëdi, né dí xi'ë hin'yä yá ts'ëdi. Né hõnt'a dí xänbi 'bë'a bi man ra Moisés né 'bë'a bi man yä pëngahyä, ngue bin ja. ²³ Nu'ë, bi ma ngue jatho da nu ran unbi ra Cristo, né gue'a ra mbëdi da mba nsots'i bë 'bë'ë xan du. Da mba nsots'i guepë da zä di un ran nequi yá

mbäi yä judío, né hing yä judío, bi 'yën'a ra Pablo.

Ra Pablo ndepe da 'yëc'yëi ra ts'ut'abi Agripa

²⁴ Né nu'bë ngubë mi man ra Pablo, nu ra Festo nts'ëdi bi mbafi:

—Nu'i gra Pablo, guín gat'i, èmmë xan ngu guí päh ra sōcuä janangue'a guín gat'i.

²⁵ Bi dä'a ra Pablo bëya:

—Hin dí ja'tä, gra hogá ts'ut'abi gra Festo. Pë gätho dí mangä majuäni a. ²⁶ Nu ra Agripa in ts'ut'abi bë 'bëh yä judío, i 'bëcua, i pädi nangue 'bë'a gätho dím mangä. Janangue'a hin dí su ga mangua ja rá hmi. Né dí häxa njuäni ngue i pädi, nguetho him bi t'agui 'bë'a bin ja, bi 'yën'a ra Pablo.

²⁷ Né xö bi xih ra ts'ut'abi Agripa:

—Ma ts'ut'abi Agripa i, ha guí èc'yëi 'bë'a bi man yá pëngahyä Ojä. Nugä dí pácä gue guí èc'yëi, bi 'yëmbi.

²⁸ Nu ra Agripa bëya bi dat'a ra Pablo:

—Nu'i, guí nde 'bex ga pácä man 'yomfëni, ngue ga èc'yëi ra Cristo.

²⁹ Nu ra Pablo bi 'yëmp'a:

—Bexgue guehya, ogue niya'bë ts'ë, Ojä i pädi 'bë'a dín ndegä. Dín nde gue gui 'yëc'yëi, né ahë gätho guí 'bëhmbë ua guí ñhmbü 'bë'a dím mangä ya. Né dín nde gui cohmbë tengugä, pë hõnt'ë yä cadena hin'na, bi 'yëmbi.

³⁰ Né nu'bë ngubë mi man ra Pablo, ra Festo né ra Agripa bim 'bäi, né'a ra Berenice né'ë mi'da mi hupë. ³¹ Né nu'bë mi mba bë thi, n'da ngu n'da bin yäse:

—Nu'a ran 'yohë ra Pablo, nte bi 'yøt'a ngue da du, xíngä gue'a din ofädi, bin 'yëmzehë.

³² Nu ra Agripa bi 'yëmp'a ra Festo:

—Nu'bë hin xtá ma din dä bë 'bëh ra hmuts'ut'abi bë Roma, sä da mba nso'ts'i bë, bi 'yëmbi.

Bi 'benpë Roma a ra Pablo

¹ Nu'bë ya xí hma ngue ga huhe ra barco, né ga mbäcähe bë Roma, ra häi Italia, nu ra Pablo né mi'da yä ofädi bi mba ma däpi a ra ngärpadoñui, rá thuhu

ra Julio, rá ngarpadofai ra hmuts'at'abi Augusto bu Roma. ² Dá huhe ra barco ngue bi nexpa ra hnini Adramitio, ne εn' da thopu ja yu hnini bu ja ndendeja bu ra häi Asia. Dá nexhe bu buya, ne dá mbähmbe ra Aristarco, ra mēngu ra hnini Tesalónica bu ra häi Macedonia. ³ Nu man'da pa dá sōmhbe bu ra hnini Sidón, dán säyahe bu. Nu ra Julio min yamanhoui ra Pablo, ne bi un ran t'edi da mba bu 'bəh yu amigo. Ne nu yu amigo bi un ran säya. ⁴ Ne nu'bū má nexhe bu, dá thohmbe bu nthet'i ra t'uhäi Chipre i ja bu made ra dejä. Dá thothe bu n'danguadi nguetho εmmē ts'edi ran dähi bu njombu. ⁵ M'bejua dá thohmbe bu ja ra häi Cilicia ne ra häi Panfilia ja bu ndendeja. Dá sōmhbe bu ra hnini Mira bu ra häi Licia.

⁶ Guepua bi dīm bu n'da ra barco a ra hmudofai ngue bá nexpa Alejandría, ní mba bu ra häi Italia. Ne nu'a ra hmudofai bi jaje dá huhe ra barco. ⁷ Ne xan ngu yu pa zu njante thoho dán 'yohe bu ja ra dejä, ne xan hei dá thohmbe bu gätho rá nyani ra t'uhäi Gnido. Nu ran dähi him bi jaje njuantho dá uenthe, janangue'a yabu dá cäthe njombu ja ra t'uhäi Creta, guepua nthet'i ra t'uhäi Salmón. ⁸ Ne xan hei dá thohmbe bu gätho rá nyani ra t'uhäi Creta, ne dá sōmhbe bu ja yu säya yu barco, t'embí Buenos Puertos. Ne hinga yabu ja ra hnini Lasea.

⁹ Ne xan ngu yu pa ya dá 'bəhmbe nangue ran dähi, ne nts'utho bu dín 'yo ra barco bu ja ra dehe, nguetho yu pa ya i ja yu ran dähi. ¹⁰ Nu'a ra Pablo bi xi'u min 'yohu:

—N'yohu ahu dí xi ahu, nu'bū ga thohmbu, ga nuhu n'da ra 'yānthi nguetho xan hei thoho bu dí mba ma 'yoní ra barco. Ne hinga hōnt'a ra barco ne ra 'beni ga 'bəhmbe, pe ts'urpu thoho necähu ga tuhu, bi 'yemp'u.

¹¹ Pe nu ra hmudofai man'da mi εc'yei 'bə'a bi ma rá mbeti ra barco ne ra hmu ngue madí 'yoní, xinda gue'a 'bə'a mi man ra Pablo. ¹² Nubu Buenos Puertos hingui ho ngue da gopu ra barco yu pa xu se. Janangue'a nu'u mbe gätho u mi εna xcá sōmhbe bu ra hnini Fenice, guepua xcám 'bəhmbe yu pa xu se. Nubu Fenice, ra hnini bu ra t'uhäi Creta, man'da ja yu säya xan

ho bu yu barco, nguetho hin ε ts'edi thopu ran dähi.

Ran dähi bi 'yen ra dejä

¹³ Ne n'da ra pa bi pom bu bí 'yəh ran dähi, ne hinga nts'edi i 'yo. Ne εn' xan ho 'bu da thogui. Janangue'a bi gux'a ra t'egui mi o bu mbo ra dehe, ngue rán ts'qammi ra barco. Dá thohmbe buya, zu njante thoho á tho'a ndendeja ra barco bu ra t'uhäi Creta. ¹⁴ Ne 'bex bá ε'a n'da ran dähi εmmē nts'edi, bá nexpa Creta. ¹⁵ Ne nu'bū mí mbədi bi ndon ra barco ran dähi, him mí sā da mba ma 'yoní buya, dán unthe buya, ne dá tendahé ran dähi bu í mba. ¹⁶ Ne dá cäthe bu hərpua ja ra t'uhäi Clauda i ja bu made ra dejä, nguetho bi tac'i ts'u ran dähi ra häi. Ne xan hei bu dá juxhe bu mbo a n'da zu t'uhäbarco ngue mí jut'a ra barco. ¹⁷ Ne nu'bū mi cərpu mbo ra t'uhäbarco, bi mba m'bänba yu xəhi a ra barco ngue hin da xə'ts' yu xithε. Ne nu'u buya mí supi da 'yen ran dähi ra barco bu ja ra 'bomu, ne da dontpu guepua t'embí Sirte. Janangue'a bi gacua yán thäcan dähi ra barco. Ne bi duxtho ran dähi ra barco bu ja ra dehe. ¹⁸ Man'da pa buya bi də'mi bi hyərpua ja ra dehe yu 'beni mi həpua mbo ra barco, ndepe hin di hyu ra barco, nguetho εmmē nts'edi mi enje ran dähi. ¹⁹ Ne ná hyu pa buya dá sosəgähe, dá həmhbe thi 'bə'a gätho mí honi 'bu di 'yon ra barco. ²⁰ Ne xan ngu yu pa εmmē mi ja yu güi, ne nya'a him bin c'q̄ ra hyadi, xinga gue yu sə 'bu xan xui. Ne dá nuhe n'da ran datendähi εmmē nts'utho. Ne dí su ga tuhe.

²¹ Ne nya'a thoho njom bin sihme. Nu ra Pablo bim 'bäi bi 'yəna:

—N'yohu ahu nde'bū xquí 'yōde 'bə'a dá mangä. Nde'bū xcambán säyahu bu Creta, ne hin xcá nuhu ran ənbi ya, ne hin xquí 'bəh ni 'benihu. ²² Pe nuya, o di tu ni mbəihu, nguetho xinga n'da ahu gam 'bəhmbe, pe hōnt'a ra barco dim 'bedi. ²³ Nguetho dám 'bä'be n'da rám 'bəhni Ojə mahəts'i má xui, gue nugä rá mbətigä Ojə ne dí thənde a. ²⁴ Ne nu'a ram 'bəhni bi xiqui: "O guín su Pablo, nguetho jatho da mba ma dä'i bu 'bəh ra hmuts'at'abi bu Roma. Ne nu'a Ojə hin di japi da du u güi 'bəhmbe ua ja ra barco, tengu gá 'yäpi," εn'a rám 'bəhni Ojə mahəts'i. ²⁵ Nuya, n'yohu

ahu, dan johyahu, nguetho dí ɛc'yei gue majuqni da 'yøt' Oja tengu bi xic rám 'behni. 26 Pe nu ran dähi da 'yenju bu ja n'da ra t'uhäi i ja bu made ra dehe, bi 'yen'a ra Pablo.

27 Ne nu'bu ya xí gua'i 'de'ma goho ma pa dí 'yohe, nubuya bi 'yengähe ran dähi bu ja rá xequi ra deja t'embi Adria, 'bu min xui. Ne nu'u yu mbefi gue di 'yon ra barco, mím beni hinga yabu ja n'da ra häi. 28 Ne bi 'yeni hangu nan hɛ ra dehe, 'däte ma 'de'ma'dato metro nan hɛ. Ne bi dan'i ts'u ra barco, bi 'yeni mahøn'a, ne nuya hønt'i 'däte ma yoto metro nan hɛ ra dehe. Janangue'a bi bädi him ma yatho bu ndenthe. 29 Nu'u mi supi da zøm bu ndenthe ra barco, gue din theh yu do. Janangue'a bi 'yent'i goho yu t'egui ngue yán ts'äm*mi* ra barco, bi 'yentpu ja rá xuthä ra barco, ndepe hin din 'yo. Ne ɛmme mi xønni din nequi. 30 Nu yu mbefi di 'yon ra barco mim beni xtá 'dagui, bi caq'ma man'da ra t'ubarco bu ja ra dehe. Pe bin häte, nguetho ɛna gue'u yu t'egui xtá 'yent mi'da bu ja rá yu ra barco, gue yán ts'äm*mi*. 31 Pe nu ra Pablo bi 'yemp'a ra hmudofui, ne'u yu dofui:

—I nde da 'dah yu di 'yon ra barco, pe nu'bu da 'dah yu, hin da zä gui ponju 'bu.

32 Nu yu dofui buya bi hyecua yán that'i ra t'ubarco, ne bi dux ra dehe, janangue'a njom bi 'dagui.

33 Ne nu'bu t'anequi tho nu'a ra Pablo bi xifi nde'bu din sihme. Bi 'yena:

—Nuya, ná 'de'magoho ma pa ya ngue mí tutho ni mbuihu, ne hin gán sihmehu. 34 Nuya dí øt'ahu ra ts'edi gui sihu ts'u ra hme. Nu'a dí zac ni ja*'ih*u a, ne guepu da zä xíngu n'da gam 'behmbu ne njon din unbi, xíngui ts'u.

35 Ne nu'bu mi juu'a bi man'a ra Pablo bi hyaca n'da ra thuhme, bi un ra jamadi Oja bu ja yu hmi gätho mí 'burpu, ne bi xeni bi du'mi bi zi. 36 Nu'a bi man ra Pablo bi hyurpa yu mbaiu, bin sihme ts'u buya. 37 Ne nugähe í juaje yociento ne hyate ma 'de'ma 'dato nja'i mi 'behmbe bu ja ra barco. 38 Ne nu'bu mi juadi bin sihme u, nu'a ra trigo mi høpu ja ra barco bi hyøm bu ja ra dehe, ndepe dí cah nan hyu ra barco.

Bi xen ra barco ra dehe

39 Ne nu'bu mí hyats'i, him mi pädi 'be'a rá thuhu ra häi bi hyandi. Nu'bu mi nu mi ja bu n'da ra 'yethe gue him mí ja yu do, guepu mim beni mi sä xtí cu't ra barco. 40 Bi hyecua yán that'i yun ts'äm*mi* buya, bi zopu dehe. Ne bi xocua yán thu't'i yán thäcadehe ngue yám 'bä'l'i ra barco. Ne bi 'yespa mahøn'a n'da ran thäcandähi. Nu ran dähi buya bi 'yon ra barco, ne bi du'mi bi hyä*m* bu ja ra ndendeja. 41 Pe nu'bu má sømhbe hapu hingui hɛ ra dehe, dán timhbe bu yoho yu 'yethe, n'da n'danni ní yøhe. Nu'a rá yu ra barco bi yarpu ja ra 'bomu ne bin du bu, ne him mi sä da thogui. Pe nu rá xuthä buya bi mbudi bi xen ra dehe, nguetho nts'edi din the bu yu dehe. 42 Nu yu dofui buya, ɛna da hyo yu ofädi, ngue mi supi din xaha, da 'dagui. 43 Pe nu ra hmudofui him mi ndepe gue ne ra Pablo da tho, him bi japi da 'yøt'e 'be'a mim ben'u yu dofui buya. Bi manda ngue to'o päh nan xaha, ra mbudi da zo bu ja ra dehe ne din xaha, da zøm bu ja ra häi. 44 Ne'u mi'da ngue him mi päh nan xaha, bi 'yoxpu ja yu xithe o gue yu xeca barco. Ne gätho bi zømanho bu ja ra häi.

28

Bi zøm bu ra häi Malta a ra Pablo

1 Ne nu'bu má søhmbe bu ja ra häi, bi sije ngue rá thuhu ra t'uhäi Malta, i ja bu made ra dehe. 2 Nu yu mengu bu ɛmme bi 'yørcahe ran ho, nguetho bi 'yurcahe n'da ra sibi nguepu dán täspihe. Bin 'ye bu ne xu seje. 3 Nu ra Pablo bi pet yu 'yont'o, bi 'yaspu ja ra sibi, 'bex bi bøn'a n'da ran däte pozu bu ja ra t'o, nu'bu mi zä ra sibi. Ne nuna ra pozu bi zap rá 'yε ra Pablo, ne bin zärpu. 4 Nu'bu mi nu yu mengu bu ngue i zärpu ja rá 'yε ra Pablo ra pozu, bi 'yen'u:

—Masque ra hyodu na ran 'yohu, masque him bi du bu ja ra dehe, pe nuya m'bejua da gut'a 'be'a xí 'yøt'e.

5 Pe nu ra Pablo bi huac rá 'yε, ne bi däh ra pozu, nín so bu ja ra sibi, ne nte mán unbi bi nu ra Pablo. 6 Ne nu'u 'bäpu, mi tø'mi nde da nu 'bu da nden bu bi zapi, o gue da 'yagui ne 'bex da du. Ne nu'bu ná nya'a mi tø'mi, hin te bi ja, bi pä'a mim ben'u. Ne ɛn'u: "Masque n'da ra oja na."

⁷ Nu'a rá ts'ut'abi ra t'uhäi Malta, í Publio a, mí jase n'da xequi rá häi jombu dán taspíhe. Né bi xiye ga mbähmbe bu rá ngu. Né hyu pa dám 'bühmbe bu, né emme xan ho bi 'yörcähe. ⁸ Nu rá ta a ra ts'ut'abi Publio ya xmí u 'bu má sümbe bu, mi ja ra pa ne ra mböni. Nu ra Pablo bi mba bu da nu, bin yäqui Ojä ne bi gäx rá 'ye, ne 'bex bi zä buya. ⁹ Né nu'bü min ja 'be'a bi 'yöt'a ra Pablo, gätho mi 'büpü ja ra häi ngue mín zäman'u bi zöm bu, ne gätho bi hoqui, bi zä buya. ¹⁰ Né xan ngu yan t'unni bi 'daje, ne nu'bü má mbäcähe, xø bi 'daje gätho 'be'a ga homhbe bu ja ra barco.

Bizom bu Roma ra Pablo

¹¹ Nhyuzna dám 'bühmbe bu ja ra t'uhäi Malta, dá huhe n'da ra barco buya. Nu ra barco mi hø bu gätho yu pa xü se, ngue bá nexpü Alejandría. Nu rá thuhu ra barco t'ëmbi yu gon'yohü Cástor ne Pólux. ¹² Né dá huhe ra barco, dá nexhe bu ra t'uhäi Malta buya, ne dá sümbe bu n'da ra hnini Siracusa, ngue 'dan'yo ra häi, ne hyupa dán dehe bu. ¹³ Dá nexhe bu, ne dá cäthe bu ja ndendeja asta gue'bu go má sümbe bu ra hnini Regio. Né man'da pa buya bin 'yo xan ho ran dähi, ne ná yopa dá sümbe bu ra hnini Puteoli, gue ra häi Italia, ne dá cäcähe buya. ¹⁴ Nubü, dá tñmhbe 'da'ü yu cu nangue ra Cristo. Nu'u bi xiye dan säyahe bu nyoto pa. M'bëjua buya dá haxhe ra 'yu í pa bu ra dähnini Roma. ¹⁵ Né nu'u yu cu nangue ra Cristo mi 'büpü Roma, mi øde ba çhmbe bu 'yu. Bá eh puya, bi daje bu ja ra hnini Foro de Apio, ne bi daje mi'da bu ra hnini Tres Tabernas. Né nu ra Pablo 'bu mí nu, bi xi Ojä jamadi, ne nu Ojä bi hyurpa rá mbü buya. ¹⁶ Né nu'bü má sümbe bu ja ra dähnini Roma, nu ra hmudofü bi dä bu yu ofädi bu 'büh rá hmu yu mbädi. Pe nu'a ra Pablo bin t'un ran t'ëdi dim 'büsü bu ja n'da ra ngu, ne hont'a n'da ra dofü da mbädi.

Bi man rám Hman Ojä ra Pablo bu Roma

¹⁷ Né nu'bü mi tho'an hyupa, nu ra Pablo bi zon'dü yu ngürpi yu judío ngue mí 'büpü. Né nu'bü mim peti bu 'bu'a ra Pablo, bi 'yëmbi:

—Man 'yohü ahü, nte man ts'o dá ørpä u ma mijudío, xín dá festa yan thände bi thocta u ma ngürpa bombotahü, pe guehma

bi mba ma dägä bu 'büh yu romano bu Jerusalén. ¹⁸ Né nu'bü mi 'yörcä ran juanbi, nu'u mi nde xtä hyega thoho, nguetho nte dá øt'ä ngue da thogui. ¹⁹ Pe nu ma mijudío him mi nde xtä hyega thoho, janangue'a dá äh ran t'ëdi di dägä ua Roma. Pe hin'yu 'be'a dím bëni dá yäpä u ma mijudío. ²⁰ Janangue'a dá zohn'nahü dan nuhä ne dan yähtü. Nuju dyu israelhü, dí tñmhbu din ja 'be'a bi man Ojä gue din ja. Pe dí 'yëci ngue ya bi du'mi bin ja 'be'a bi man Ojä, jananjabü nthu't'igä ra t'ëgui ja ua, bi 'yën'a ra Pablo.

²¹ Nu'u bi xi'a ra Pablo:

—Nugähe nte má sòcuä bi 'bengähe ní 'yëpü Judea nangue'e. Xíngä n'da man 'yohü bì nexpü, bi man ran ts'o nangue'e, njo'o to'o bi yäp'a'i. ²² Pe dín nde gui xiye ts'u 'be'a guim bëni, nguetho hönbü bi zä i hma hingui ho 'be'a guí 'yëci, bi 'yën'u.

²³ Né nu'u bim peti man'da ra pa nangue'a xí ma, ne xan ngu u bi zöm bu mi 'bu'a ra Pablo. Nu ra Pablo buya gätho ra pa bi xifi nangue rá 'befi i øt' Ojä ua ja ra ximhäi, ne 'bëpü ní manda Ojä u yu ja'i. Bi hyoni 'bëpü dí 'yëc'yei ra Jesús, ne bi 'yuti hapu nt'o't'i nangue ra Jesús bu ja rá sòcuä ra Moisés, ne yu sòcuä yu pøngahyä. ²⁴ Nu'u 'da bi 'yëc'yei 'bu mí man ra Pablo, pe 'da'ü him bi 'yëc'yei. ²⁵ Né nu'bü him mí sää'u ngue 'da'angu da bëni, bi mbüdi bi mba. Pe nu ra Pablo man'da ram hma bi xi'u:

—Nuna rá Hogandähi Ojä majuani bi ma nu'bü mim pøngahyä ra Isaías, ne bi xi'u ma ngürpa bombotahü. ²⁶ Né bi t'ëmp'ü:
Ní mba bu 'büh ni mijudío, ne gui 'yëmbi:
“Nu ahü zai guí øhmbü nangue ni zuguhü, pe
hin guí pähmbü 'be'a guí øhmbü.

Né guín nuhü nangue ni dähü, pe hin guí
pähmbü 'be'a guín nuhü,”
ngubü bi 'yëmb yu ja'i.

²⁷ Nguetho nu yu ja'i xam me yu mbü,

ne xíngui ts'u cü't' yu zagu 'be'a øde.

Né tengu'bü di ts'änt' yu dä,

nguetho su da nu,

su da 'yøde,

nguetho hingui nde di päh yu mbü

guepu da zä xcá hocpa yu mbü,

en'a rá Hogandähi Ojä 'bu mí mím pøngahyä ra Isaías, bi 'yën'a ra Pablo.

28 Ne bi thoqui bi 'yεmbi:

—Dami paħmbu ngue nuya da si'u hing yu
judío 'bepu da zä dí zin Ojä u, ne gätho yu
pa dí mba bu. Ne nu'u, man'da da 'yø'u, bi
t'ɛmp'u yu judío.

29 Ne nu'b u mí gua'a bi ma ra Pablo, nu yu
judío bi mba, ne bin junzehe u 'bu mí mba'u,
nangue 'be'a bi man'a ra Pablo.

30 Ne nu'a ra Pablo bim 'bepu nyo jεya
bu ja ra ngu xí mihi. Ne gätho to'o bi mba
bu, bi numanho. **31** Ne nu ra Pablo bi ma
'bepu dí manda Ojä u, ne bi xänbi nangue
ma Hmuħu ra Jesucristo. Ne nu'a ra Pablo
him mi supi to'o da 'yøde, ne njo'o to bi
hεcpi.

ROMANOS

Ra sōcuq bi 'yorba ra Pablo yə 'yεc'yεi bə ja ra ngərpa dəhnini Roma

Ran zengua

¹ Nugä drá Pablogä, drá 'yεhegä ra Jesucristo. Nε bi xic Ojä ma 'bäigä'be ra Cristo, nε bi huangui gam mangä rán ho ma'da'yo Ojä. ² Nε guet'a ram hma im man Ojä bə ja rá hoga t'ohni bi 'yo't'ə yə pøngahyä maya'bə. ³ Nε n'dat'a ram hma im ma nangue ra Jesucristo rá Ts'ənt'ə Ojä a, nε nangue'a bim 'bəcua ja ra ximhäi, rám bom'bəto ra David a. ⁴ Pe nu'bə mi dəmbəni bə 'bə ə xən du, ja bi 'yu Ojä xən ho gue rá Ts'ənt'ə Ojä a bəya nte həmbi nangue rá Hogandəhi in 'youi. Gue'a ma Hmuhə a. ⁵ Nε rá mate zəhe bi xiqui ma 'bäigä'be ra Cristo, ga japi da'yεc' yεi yə ja'i gätho yə hnini, nε gue'a dí hnumanho ra Cristo a bəya. ⁶ Janangue'a in ndec Ojä ga mba ga fäx'a ni t'εc'yεihə, nguetho bi zon'nahə Ojä bi ja'ahə yə mbeti ahə ra Jesucristo. ⁷ Guehna dí ot'ahə na ya gätho ahə guí 'bəhmbə bə ja ra dəhnini Roma, ngue bi huε'ahə Ojä nε bi zon'nahə, nε bi 'uec'a ni mbuihə in nde ahə hənt'a guim bəmhə a. Dí äp Ojä ma Tahə nε ra Jesucristo ma Hmuhə da hyut'a ni mbuihə nangue rá mate zəhe.

Emme in nde da zəm bə Roma a ra Pablo

⁸ M'bət'o thoho dí xi ahə εmme dadí jo-hyagä, nguetho dí ø'a man yə ja'i hənbə go hapə dí 'yo ngue guí εc'yεihə xən ho. Janangue'a dí xi Ojä jamadi nangue gätho ahə. Nε di thocpa ra jamadi ma Ojähə ra Jesucristo. ⁹ Nε i pə Ojä hin dí ε't's'a ná yə'be nangue ahə. Nε dí hət ma mbui dí ørpa rá 'bəfi 'bə dím man a ran ho ma'da'yo nangue rá Ts'ənt'ə. ¹⁰ Nε dí äp rá mate Ojä ngue hin da ya'a ga mba gätho ahə. Nε hin dí pədi 'bε'a da zä dá səm bə, pe go pə Ojä, nε xəmhma thoho da nde Ojä ga mba bə. ¹¹ Nguetho εmme dín nde gan nu ahə, ga fäx ahə din ja ahə man'da xən ngue rá ts'ədi Ojä, nε man'da gam 'bəhmbə xən ho

bəya. ¹² Necä da zä gui fäxcəhu, janangue'a da zä 'da xtám fäxtahə nangue ma t'εc'yεihə dí comhbə. ¹³ Ma zi cu ahə dín nde gui pahmbə ngue xən ngue yə nidj mí çna xcá mba bə, pe hinga na sə. Pe guehma dín nde ga mba gätho ahə. Nε mba bə mi'da yə hnini xtá mba. ¹⁴ Nguetho i 'yo ma güenda ga xānba yə ja'i, nε 'bəpə ja yə hnini nε yə yəm 'bəndəpo ja'i, nε pədəi hingui pədi, gätho ga xānbi. ¹⁵ Janangue'a nε ahə εmmə jag ra pähä ga xān'nahə rán ho ma'da'yo ra Cristo, gätho ahə guí 'bəhmbə bə ja ra dəhnini Roma.

Nu ran ho ma'da'yo níyqən ə to'o gätho da hyqən a

¹⁶ Nε hin dí pes' ma sə gam mangä ran ho ma'da'yo, nguetho gue'a ram hma rá ts'ədi Ojä a dí yan ə to'o gätho da hyqən a. Nε mbədi bi sije dyə israelgähe, nε xə bi si ə mi'da bəya. ¹⁷ Nguetho nu ran ho ma'da'yo i xijə 'bε'a ní hogahə, gue ga hənthohə rá mate, nε hin'yə 'bε'a man'da dí zinjə Ojä a. Tengu mán t'o't'i: "To'o bi 'yεc'yεi rá mate Ojä, bi hocpa yə ts'oqui, bin t'un ra 'da'yote bəya."

Gätho yə ja'i in dupate yə ts'oqui

¹⁸ Nguetho nu'bə hin da yan Ojä yə ja'i i jatho di ənbi, nangue'a 'dan'yo thoho i thənde, nε i øt'e 'bε'a gä má ts'oqui. Nε nu'a majuəni nde di bənba Ojä ə, pe di hecpada ə, nguetho man'da in numanhose yə ts'oqui. ¹⁹ Pe i pəhma 'bε'a sə da fədi nangue Ojä, nguetho guesə Ojä di bənbi.

²⁰ Nε madague'bə hin di nequi Ojä, pe da zä da bəh yə ja'i gue maguesə Ojä nε i ja rá ts'ədi mazai a, nguetho in nu 'bε'a gätho bi 'yøt'ua ja ra häi. Nε gue'bə go rá mbədi ra ximhäi mi sə xtá fədi xən ho. Nε mi sə xtám bəh yə ja'i xtá numansu Ojä. Janangue'a njon da zä da xi Ojä nte in dupate. ²¹ Nε mi sähma xtám bə Ojä, pe him mi nde xtá numansu a nε him bi xifí jamadi 'bε'a gätho bin t'un'də. Pe bi də'mi bi bən a n'da ran 'yomfəni nte ní mba tho. Janangue'a bi 'bəh ra hogan'yomfəni. Nε njəm'bə bi zä da bən'i 'bε'a xən ho da 'yør pəya. ²² Sə əna pəse ə, nε guepə i 'bεpə ra hogan'yomfəni bəya. ²³ Nu Ojä təte xən ho a, gue i 'bəi mazai. Pe nu'ə bi 'yøzəhe yə ja'i bi bəni

tengu yá pøte yu ja'i dim 'bedi, ne yu doja ne yu zate ne yu pozu, man'da bi 'yembi ojá u. ²⁴ Janangue'a bi hye Ojá u. Ne man'da bi 'yøzehé 'be'a gätho bi numanhose bøya gue ran 'yomt'ëni. Ne bi ts'onse yá ja'i n'da ngu n'da u. ²⁵ Bi hye a majuqani Ojá ne go bi 'yec'yey him majuqani Ojá. Bi dønde gätho bi 'yøt' Ojá ua ja ra ximhäi xinda gue'a Ojá gue bi 'yøt'u. Pe hønt'a Ojá mixte xun ho a gätho yu pa mazai. Janangue'a hønt'a ga øspahu a. ²⁶ Ne gue'a í hye Ojá u. Ne nubøya bi zä bi 'yøt' ran ts'o, gue'bø go mí 'yøt' man'da xun ts'o, ne yu xisu bi pä a bi zänba Ojá xtá 'yøt'e, gue bi 'yøsäba yu mixisuhu tengu'bø ran 'yohu zehé. ²⁷ Ne yu 'yohu bi hyeh yén t'ëdi mi sän Ojá xtín that'u yu xisu ngue xtí manda, nguetho ømme in nde di 'yøsäba yu min'yohuhu, nu'a him mi sä xtá 'yøt'e. Pe bi hyonse ran unbi gue yá ja'i zehé u 'bu mí 'uegue. ²⁸ Ne nu'bø him mi numanho a ran 'yomfëni majuqani nangue Ojá, ngutho bi hye Ojá u, ne man'da bi bøn u yu ts'on 'yomfëni ne bi 'yøt' yu ts'o him mi sä xtá 'yøt'e. ²⁹ Ne ømme di yus' yu mbøi gätho yu ts'oqui, ran 'yomt'ëni, ra ts'om'bäi, ran ts'iyate, ra nexmate, ran ts'eya, ran thote, ran sái, ran thäte, ran upcate, ran c'ate. ³⁰ Ne yu zänfëhni u, ne i san Ojá, ne hingui su n'da ra ja'i, ne din 'yex'u, ne ma maguesu u, thocpa thoho i honse mi'da yu ts'oqui hingui pødi da 'yøt'e, ne i festa'a 'be'a man yu ta ne yu mbe. ³¹ Ne hingui nde din 'yomfëni u, ne hin di ja'ts'a man u, ne hin'yu yén huçcate, ne hin'yu yu yembøi. ³² I pøhma di unba Ojá u gätho yu pa mazai, gue'a yén sähu a nguetho i øt' ya i hmangua. Pe man'da guexta'a i øt'e ne man'da di johya 'bu xun ngu u 'da'angu øthu u.

2

Di unba Ojá u to'o di ho yu ts'oqui

¹ Janangue'a hingui sä ga ømhbø him man sähu a ran unbi hønt'a go to'o gahu. Nguetho nu'bø dí numan'hhu u 'da nangue yu ts'oqui, ne dí ømhbø go yén sähu da nu ran unbi u, pe gue'a nán juanba zehëhu a 'bu gue n'dat'a dí øthu. ² Pe dí pøhma gue yén sähu 'bu di unba Ojá u øt' yu ts'oqui. ³ Pe sá dí ømhbø ngue go ga ponju rán juanbi Ojá, ngue go dí ømfø hingui ho øt'u 'da, ne

ya 'da'angu dí øthu u. ⁴ Ha hin dí pøhma hanja him 'bexque di unghahu Ojá nangue ma ts'oquihu. Pe gue'a ní jaju ga päh ma mbøihu xun ho a. Pe nuju dí festahu rá yembøi i ørcahu. ⁵ Pe nu'bø xum me ní mbøi n'da, ne xíngui ts'u coh rá mbøi nangue yu ts'oqui, pe ømme di pet yu unbi da t'ørpa 'bu bi zøn ra pa, ngue rá muui a bi 'yøt'e, ne da zemp Ojá a. ⁶ Ne n'da ngu n'da din t'un'na rán theui 'be'a bi 'yøt'e. ⁷ Nu Ojá di unt'a ra temazai 'bu 'bo'o zai øt'a ran ho, nguetho honi dim 'bøhmi Ojá, ne i honi da 'yøt'a i numanho Ojá, ne i honi da t'ørpa ran ho njam'bø din thegue. ⁸ Pe nu'bø dadín sahmbø Ojá, ne hin dí numanho a ra 'yu majuqani pe hønt' yu ts'oqui go dí numanho, pe gue'a dí 'daju ra cué Ojá a 'bu, ngue ømme nts'utho. ⁹ Nts'ëdi yu unbi ne 'be'a gätho má dumbøi da nu'u n'da ngu n'da to'o gätho nzai øt' yu ts'oqui, neje dyu israelhe, ne ahu hin gyu israelhu. ¹⁰⁻¹¹ Pe hønt'a go to'o da hyoni da 'yøt' ran ho, di japi 'darpu dim 'bøhmi Ojá ne da numanho Ojá a, ne da hyurpa rá mbøi thocpa thoho, necähe dyu israelgähe, ne ahu hing yu israelhu. Nguetho gätho 'da'anguju bu na nuju Ojá. ¹² Ne nu'u hing yu israel him bi sih yén t'ëdi Ojá. Ne madague'bø him bi sifi, pe guehma da nu yu unbi to'o di thocta yu ts'oqui. Ne ngutho u yu israel ngue bi sih yén t'ëdi Ojá, ne gue'u yén t'ëdi Ojá dí juanba u to'o di thocta yu ts'oqui. ¹³ Nguetho nu'bø da bøtho yén t'ëdi Ojá n'da, hin da numanho Ojá a 'bu, hinda hønt'bø da 'yøt'a hmam bu. ¹⁴ Nu'u hing yu israel, him bin t'un yén t'ëdi Ojá ngue ran hocja'i xtá 'yøt'e. Pe guehma i pøse mbo yu mbøi nda'a xun ho, nguetho ja'bø i øt'a rán theui u yén t'ëdi Ojá ngue ran hocja'i. ¹⁵ Ne madague'bø him bi sih yén t'ëdi Ojá u 'da, pe tengu 'bu mán t'o't'i bu ja yu mbøi u yén t'ëdi Ojá, ne guesu yu mbøi i xifi ngue hingui ho a bi 'yøt'e, o ja'bø xun ho. ¹⁶ Ne gue'a dí juanba Ojá u gätho yu ja'i, nangue ra Jesucristo 'bu bi zøn ra pa. Ne di juanba u nangue u i qøse mbo yu mbøi u. Ne gue'a i mam bu ja ran ho ma'da'yo ngue dím mangä.

Sä in 'yex'u 'da yu israel u yén t'ëdi Ojá

¹⁷ Pe nu ahu ma mi'israel ahu, guidín 'yexhu nguetho gyu mèngu israelhu, ne,

"hønsegahu i numanhoju Oja, nguetho bi 'daju u yán t'edi," sá guí emhbu. ¹⁸ Ne gá pahmbu rá pähä Oja, nguetho gán xähmbu yán t'edi, ne gá pahmbu nda'a xan ho da zä da 'yot'a n'da. ¹⁹ Ne guím bensehu guí uthra 'yu u yu xädä, guím bemhbu yu nyot'i ahu u i 'yo bu ja ra 'bexui. ²⁰ Ne sá guí emhbu ja nin t'edi gui xänbahu yu 'yambu, nguetho guí pahmbu u yán t'edi Oja ngue majuani, ngue di un ran 'yomfeni n'da. ²¹ Pe nu'bu gue'a guí othu ma mi'israel ahu guí xänbahu mi'da, hanja hin gán xäsehu thaq. Guí xihmbu mi'da ngue hin dim pe, pe hanja go guím pesehu thaq. ²² Guí xihmbu mi'da ngue hin din 'yomt'eni, pe hanja go guí 'yomt'eni zehehu. Guí xihmbu mi'da hin da 'yespa u yu hyäte oja, pe ha hin guím bemhbu ngue go guí cuzehehu bu i thande yu ojase u, ne guí pefu 'be'a guí numanhobu. ²³ Gná yathu a ngue'a guí emhbu guí pahmbu yán t'edi Oja. Pe man'da gadí jafu hin da numansu Oja u mi'da, nguetho guí festahu u yán t'edi bi ma. ²⁴ Janangue'a bin ja tengu mán t'o't'i, ngue di c'qamu Oja u hing yu israel 'bu i nu a ran ts'o guí othu, gyu israelhu. ²⁵ Pe nu'bu xcá othu yán t'edi Oja bi man ra Moisés, xan ho ngue am hmepya ma ja*'ih*u, ngue dyu israelhu. Pe nu'bu hin dí tenhdu u, säti thoho am hmepyagahu 'bu, ne nte ja bu a uh ma hmepyahu. ²⁶ Ne nu'u hing yu israel ngue him bi mba ma hmepyabi yu ja*'i*, nu'bu ot yán thehu u yán t'edi Oja, nu'u i numanho Oja u, tengu'bu xtá hmepya bu na nu Oja u. ²⁷ Ne nu'u hing yu israel ngue nte ma hmepya i ja, pe nu'bu i ot yán t'edi Oja, gue'u dí jaju din c'q ma ts'oquihu u, dyu israelhu. Nguetho sá dá mepya ma ja*'ih*u, tengu man'a ran t'edi, ne hin dá othu a rán säui ma hmepyahu. ²⁸ Ne madague'bu n'dat'a mam bombetahu ra Abraham, pe hinga gue'a ní 'yot'e rá tahni Oja n'da a. Ne xín nangue'a am hmepya maxots'e rá ja*'i* n'da. ²⁹ Pe hindu hønt'bu hmepya ma mbuihu nangue rá Hogandaqhi Oja, nu'a njuantho ra hmepya i nu Oja a. Ne nu'bu njabu ma mbuihu, hin gam bemhbu ngue da numanhoju ma mij*'ih*u, pe hønt'a Oja gam bemhbu da numanhoju.

3

¹ Nu'bu 'bo'o da 'yengui: "Pe hanja bi huand Oja u yu israel thaq, ne 'be'a nam bon'a ra hmepya bi si u," gue'bu 'bo'o da 'yengui. ² Pe xan ngu 'be'a í huand Oja u. M'bet'o thoho gam bemhbu bin t'un rám hman Oja maya'bu u ndu mam bombetahu. Ne gue'a ga xi u to'o da 'yängui. ³ Pe xan ngu u him bi nde. Pe ha gam bemhbu bi zepu a mí enna xtá 'yorpa Oja yu ja*'i* 'bu. ⁴ Hin'na maha, pe guehma guese Oja di ja*'ts*a rám hma, madague'bu gätho xtín hetho yu ja*'i* nangue rá 'befi. Ne tengu bi man rá t'ohni Oja, gätho di ja*'ts*a bi ma, ne hin hapu ga timhbu ngue him bi 'yot' Oja a mí ma, 'bu ga änhdu. ⁵ Pe sá en u 'da hingui oth rám hman Oja: "Hingui ho 'bu di ungahu Oja nangue ma ts'oquihu, nguetho man'da di necmanho rán ho Oja 'bu gätho xan ts'otho ga othu," en'u yu ja*'i*. ⁶ Pe hingui sähma ngubu ga mamhbu, ne xan ho 'bu di ungahu Oja nangue ma ts'oquihu, nguetho jatho da 'yot' ran ts'utabi nangue gätho ra ximhäi. ⁷ Ne sá en u 'da: "Man'da dí espahu Oja nangue ma fehnihu dí mamhbu. Pe hanja di ungahu 'bu, tengu'bu dyu 'yot'a ts'oquihu, ne man'da dí uhmbu ngue njam'bu dim fehni Oja," sá en u 'da. ⁸ "Ne mbähä ga othu ran ts'o, n'dahma di nequi a ran ho," i enju dí emhbu u 'da 'bu dí enna hin ní yanju Oja u yán t'edi, gue'u to i sanju. Pegue da ts'embu u nangue yám hman u.

Gätho dín dupatehu yu ts'oqui

⁹ Pe ha gam bemhbu man'da xan hoju dyu israelhu. Pe hin'na, tengu thoho dá xi ahu 'bu rá mbudi, nguetho 'da'angu dyu 'yot'a ts'oquihu, ne'u yu israel ne'u hin yu israel. ¹⁰ Ne mán t'o't'i:

Njo'o n'da xan ho, xinga n'da.

¹¹ Njo'o n'da i ja rán 'yomfeni,

ne njo'o i hon Oja ngue nde da denni.

¹² Gätho gahu dá 'uethohu, ne 'da án ts'ontho 'be'a dá othu.

Xínga n'daju dí othu ran hocji.

¹³ Emme xan ts'o ma ndehu, tengu'bu n'da ra hyahäi bu ja ran 'yägui ngue hin-

gan jo'mi, xan xaq, in jabu ma ndehu.

Nguetho emme dí mamhbu yu fehni,

ne ran date i pom ma ndehu, tengu'bu dyu pozahu.

- ¹⁴ Nu ma ndehh ξ mm*e* yupu ran ts'ante ngue xan ju.
¹⁵ Nu ma guahu, ξ mm*e* i ξ hya na 'dihi ngue dan hotehu.
¹⁶ Pe í huehhi thoho u 'bapu hapu dí 'yohu, ngue xan ts'o 'be'a dí \varnothing rpahu u.
¹⁷ Ne hin dadí hocpahu yú mbui ma mija'ihu, xínga gue'a ma mbui zehehhu.
¹⁸ Ne xíngui ts'u dím bemhbu ngue ga numansuhu Ojaq.

Ne gue'a bi man rá t'ohni Ojaq 'bu maya'bu a. ¹⁹ Ne nu'a mí hmam bu ja ram hma maya'bu ngue bi xije Ojaq dyu israelgáhe, ga pahmbu gátho i ja ma ts'oquihu bu na nuju Ojaq. Janangue'a gátho ra ximhái din hetho 'bu bi 'yorpa ran juanbi Ojaq. ²⁰ Ne nu'u yan t'edi Ojaq, xínga n'da ra ja'i dí 'yembi xan ho u ngue bi xiju ran hocja'i xcá \varnothing thu. Pe nu'u yan t'edi, ja ga timhbu bu 'be'a dá \varnothing thu.

Dayaqnju Ojaq 'bu ga haqmhbu rán hoqui

- ²¹ Janangue'a nuya bi t'urcahu man'da ran hoqui ngue dí 'yenju xan hoju Ojaq, ne hin nangue u yan t'edi ngue bi xiju xcá \varnothing thu ran ho, madague'bu midí nequi ts'u bu ja ram hma maya'bu a ran hoqui dí xi ahu ya. ²² Gue ga hanthohu a rán hoqui Ojaq nangue ra Jesucristo di hoga ma ts'oquihu hont'a go to'o gahu. ²³ Nguetho njo'o gahu dá jas'hu gátho ran ho nguepu xtá numanhoju Ojaq, pe gátho dá \varnothing thu yú ts'oqui bu án nuju. ²⁴ Janangue'a bi zánni di hogazehhu Ojaq ngue rán t'unni thoho, nguetho bi gurca ma ts'oquihu ra Cristo Jesús. ²⁵ Nguetho bi zán Ojaq a ra Cristo ngue bim 'bots'e zehe, bi gurca ma ts'oquihu nangue rá ji. Ne gue'a ní yan u to'o da hyan'a bi 'yorpe.

Ne ngutho nangue u mí 'buh maya'bu, nu'bu mi du ra Cristo, ja bi nequi a í punba yú ts'oqui u to'o mí nde rá punbi Ojaq. Ne ja bi 'yu Ojaq baya 'be'a í thøtho u. ²⁶ Ne ja bi 'yu Ojaq a rán jut'i ma ts'oquihu, janangue'a da zá di hogahu ya, ne da zimanhoju ngue gueju dá ξ c'yeihu rá mate ra Jesús. ²⁷ Pe xiya, hapu bi go'a man 'yets'ihu. Bi mba ma 'berquigahu. Pe hague nja. Nguetho hin dá jas'hu yan t'edi Ojaq, pe bin 'dactahu rá mate 'bu má ξ c'yeihu a. ²⁸ Ne dí pahmbu ngue bi hogahu Ojaq 'bu má hanthohu rám hma nangue rán hoqui. Ne hin da 'yängahu

'bu xcá jas'hu, o hin'na. ²⁹ Pe sá dí ξ mhbu dyu israelhu høngdahu i numanhoju Ojaq. Pe i jatho ga pahmbu ngue ne'u hin yú israel in nde da numanho Ojaq. ³⁰ Nguetho n'datho a Ojaq, ne gátho to'o da hyan rá mate gátho 'da ni hocpada Ojaq u ne da zimanho, ne u yú israel, ne u hing yú israel. ³¹ Pe ha dí ξ n ahu mate di muui yan t'edi Ojaq ngue dí ξ n ahu ga hanthohu rá mate. Pe hin'na, pe man'da dí jas'hu yan t'edi Ojaq ya, nangue ra Cristo rá mate Ojaq i fäxcahu.

4

Ran t'uti nangue ra Abraham

¹ Xi a mam bombøtahu ra Abraham ngue dyu israelhu, 'be'a í hocpa yú ts'oqui Ojaq a thu, ne 'be'a í 'yembi xan ho a. ² Pe hinga gue'u 'be'a gátho bi 'yøt'e í t'embi xan ho a, nguetho nu'bu da gue u, ya mí ja 'be'a xtín 'yezehu 'bu. Pe hin te ín 'yex'a ra Abraham bu án nu Ojaq a. ³ Pe tengu man rá t'ohni Ojaq, nu ra Abraham bi 'yec'yei tho a ram hma 'bu mí xifi 'be'a da 'yorpa Ojaq. Ne gue'a í 'yembi xan ho a baya. ⁴ Nu'bu xtá xiju Ojaq ngue gue'a rá 'befi ga \varnothing thu dí 'yenju xan hoju a, pe hing ra mate thoho a dí 'yenju xan hoju 'bu, pe tengu'bu man zäbithohu a 'bu. ⁵ Pe nu Ojaq hingui xiju n'da ra 'befi dí 'yenju xan hoju, nguetho hinguin zaqui ma mbuihu nangue ma ts'oquihu. Janangue'a i xiju ga hanthohu a rá mate di hoga ma ts'oquihu, ne gue'a dí 'yenju xan hoju a baya. ⁶ Ne'a ra David ngubu bi 'yorpu ja rá t'ohni Ojaq maya'bu ngue:

ξ mm*e* di johya n'da ra ja'i ngue da 'yemp Ojaq xan ho, ne hin da 'yarpa ra güenda 'bu xan ho xtá 'yøt'e o hin'na.

⁷ Nguetho bi mba ma punbi yú ts'oqui, ne him man din c'a, bi 'yena.

⁸ Ne ξ na:

Di johya u to'o bi mba ma hoqui yú ts'oqui ne nte da thinba 'bu bi mba ma juanbi, bi 'yena ra David. ⁹ Pe ha guím bemhbu ngue hont'u am hmepya yú ja'i da nu na ran johya i hmangua. Ha hin guím bemhbu ngue ne u hin gam hmepya, da zin Ojaq, ngue'bu 'da'angu im bemhbu a ra Abraham 'bu mi hyantho a ra mate bi man Ojaq, ne gue'a í t'embi xan ho a baya. ¹⁰ Pe ga än'nahu, ha m'bejua bi t'embi xan ho a ra

Abraham, 'ba mi hmepya rá ja'i. Uague m'beto thoho bi t'embí xan ho. Pe hinga m'bejua maha, pe 'bexque bi t'embí xan ho 'ba hin ní hyec rá ja'i. ¹¹ Ne m'bejua bi sifi da hyec rá ja'i, ngue ra hmepya ya xí 'yemp Oja xan ho a. Pe bi 'yembí xan ho 'ba mi hyantho a ram hma 'ba hin ní hyec rá ja'i. Janangue'a i embí rá ta ra Abraham u to'o gätho i ec'yei tho a bi man Oja. Ne'u hing yu israel, ngue him bi mba nthequi yá ja'i, ne'u da t'embí xan ho u. ¹² Neju dyu israelhu gue dá hec ma ja'ihu, da'igu ba na 'yenju xan hoju Oja a ra Abraham, 'ba 'da'angu dím bëmhbu ra Abraham 'ba hin ní hyec rá ja'i.

Ga hampbú rám hma Oja nangue ran japi i xiju

¹³ Ne nu Oja bi mam majuani a da 'yørpa ra Abraham, ngue bi 'yembí: "Ga 'da'a ran japi ne'u nim bom'beto gätho ná ndoho ra ximhäi, ne ga 'da ahu ra 'da'yo häi," bi 'yemp Oja a ra Abraham. Pe hin nangue n'da ra 'befi nín t'un na ran japi na, pe nangue bi t'embí xan ho 'ba mí hyantho na ram hma bi sifi. ¹⁴ Pe nu'bu dím bëmhbu gue gue'u yán t'edi dí jàp Oja n'da, pe dím bëmhbu nte ní mba tho a man'da ran hogui 'bu, ngue ga hænthohu a rám hma, ne hin da zä di jàcpahu Oja 'bu. ¹⁵ Nguetho nu'bu dí ena gue gue'u yán t'edi Oja ga homhbú, o gue'u dí páseshu xcá ñothu, pe dí festahu u, ne hønt'a ran unbi ga nuhu 'bu. Pe nu'bu hin xtín ja yán t'edi, o gue'bu hin xcá páseshu mbo ma mbuihu, hin xtí nequi yu ts'oqui 'bu. ¹⁶ Pe hingui ma nangue yán t'edi dí jàcpahu o gue'u dí páseshu, nguetho hin xcá nuhu ran ho 'bu. Pe i ma ga hænthohu rám hma nangue rá mate, ne nubuya da zä majuani gätho gahu ga nuhu ran ho bi sih ra Abraham da nu yám bom'beto. Ne madague'bu njuantho dyum bom'betoju ra Abraham o hin'na, pe 'da'angu dím bëmhbu ra Abraham. Janangue'a ma tahu ra Abraham bu nam bén Oja. ¹⁷ Ne gue'a nam bøn'a mí xi Oja ra Abraham 'bu mí 'yembí: "Nu'i grá Abraham, ga ñot'e'e ngue grá ta xan ngu nim bom'beto gätho nan ndoho ra ximhäi." Ne nu'a ra Abraham bi hyan'a ram hma bi sifi, nguetho bi bødi jase rá ts'edi Oja, gue da zä di un ra ts'edi u xan dac'yei ne u xan du. Ne tengu'bu ya bin ja 'bu mí ma Oja,

nguetho majuani da 'yøt'e. Ne gue'a bi bøn'a ra Abraham. ¹⁸ Ne nu ra Abraham him mi sá xtín ta nangue u yám bom'beto dim 'bu. Pe bi hyan a ram hma 'ba mi sifi: "Xan ngu nim bom'beto dim 'bu gätho nan ndoho ra ximhäi." Ne bi dø'mi din ja, janangue'a bin ja buya. ¹⁹ Ne madague'bu xí thoh yu pa i 'bu ngue xtím 'bu yá t'uhni, nguetho ya xí ndø, xí mbe'ts'a n'da ciuento njeya, ne 'da'angu xín dac'yeiui a rá xisu ra Sara, him mí sá xtím 'bu yá t'uhni, pe him bi 'beh rá ts'edi rá t'ec'yei, bi bødi majuani dim 'bu rá t'uhni. ²⁰ Ne xingui ts'u bi bøni ngue hin da 'yøt' Oja a bi ma, nguetho bi bødi hingui hëmp'a da 'yøt' Oja. Janangue'a bi hyan rá ts'edi Oja a buya, ne gue'a í 'yëspa Oja a. ²¹ Ne n'dat'a mim bøni ngue jase rá ts'edi Oja di ja'ts'a bi ma. ²² Ne nu'a bi hyantho a ram hma 'bu mí sifi 'be'a da 'yørpa Oja, ne gue'a í hocpa Oja a, ne bi 'yembí xan ho, i em bu ja rám hman Oja. ²³ Pe hinga hønt'a ra Abraham bi t'embí xan ho 'ba mi hyantho a ram hma bi man Oja. ²⁴ Pe neju, bi hogahu Oja ne bi 'yenju xan hoju 'bu má hænthohu a ram hma bi xiju Oja, ngue bi xox'a ma Hmuhu ra Jesúus 'bu mi du. ²⁵ Nu'a bi un rá te bi gurca ma ts'oquihu, ne bi t'ägui. Ne bi xox Oja a, janangue'a dí pähmbu majuani bi døha bi xogahu.

5

Dí yamanhohu Oja nguetho bi pungahu rá Ts'ant'u

¹ Bi hogahu Oja 'bu má hampbú rán ho qui bi ma. Midín sähmbu Oja, pe nuya dí yamanhohu, ngue bi hogahu ma Hmuhu ra Jesucristo. ² Ne bi zixcahu ra Jesucristo bu i ja rá mate Oja, nguetho dí hampbú rán hoqui, ne dí 'buhmbu bu. Ne dadín johyahu gue dí tømhbú a ran ho tate thoho da 'yørcahu. ³ Ne hinga hønt'a ran ho dí tømhbú nán johyahu ya, pe ne u yán unbi dín nuhu ya, guexta'a dadín johyahu. Nguetho nu'u yán unbi ní jaju ga häthu xan ho u. ⁴ Ne nu'bu dí häthu xan ho, gue'a dín te ma mbuihu a. Ne nu'bu bin te ma mbuihu, gue'a ná tømhbú a ran ho di 'daju Oja buya. ⁵ Ne dí pähmbu hin da hyäju Oja nangue ran ho dí tømhbú, nguetho di huëgahu. Ne nu'a rá Hogandähi bi 'daju, di jaju dí sähu rán

huēcate Ojä ḡemmë xän ngu. ⁶ Né him mí sää xcán yanse ma tesehü, nguetho bi güendga ma mbühü nangue ma ts'oquihü. Pe bi du ra Cristo 'bü mi zön ra pa bi man Ojä, ngue bi yanju dyü ts'om'bäihu. ⁷ Pe hinga ngubü rán huēcate n'da ra ja'i, hont'bü ra hocja'i rá amigo, da nde di 'bëh rá te ngue xtán yan a, pe nu'bü ra ts'om'bäi, hin da nde di 'bëh rá te 'bü. ⁸ Pe nu Ojä i urcahu tate thoho xän ho rán huēcate, nguetho hin dyü hocja'ihü, pe bi du ra Cristo bi yanju 'bü man dyü ts'om'bäihu. ⁹ Nuya bi hogma ts'oquihü nangue rá ji ra Jesucristo, né bi zimanhoju Ojä. Janangue'a dí pähmbü majuani da yanju ra Jesucristo nangue rá cué Ojä 'bü rán zegui. ¹⁰ Né nu'bü midín sähmbü Ojä, pe bi hogahu rá Ts'ant'ü zehü 'bü mi du. Né i 'büh ya, janangue'a bi zä di thoqui di 'dajü ra hogambü ya, né da xoxcahu 'bü rán zegui. ¹¹ Pe né a i ørcahu ya dadín johyahü nangue dadín amigohü Ojä ya. Nguetho bi 'uegahü 'be'a midín sähmbü Ojä a ma Hmuhi ra Jesucristo.

Ra Adán bim pommi ra Jesucristo

¹² Pe n'datho maha ran 'yohü bi dëmp' ra ts'oqui ua ja ra ximhäi, gue nu ra Adán. Né bi dëmp' ran däte nangue rá ts'oqui a baya. Né gue'a gätho ran däte bi thoc'ü yü ja'i a baya. Nguetho tengu'bü 'dat'a dá øthü ra ts'oqui ra Adán. ¹³⁻¹⁴ Né ngutho bin ja ü bi xänd ra Adán, guehma bi du nangue yü ts'oqui, madague'bü him bi si'a n'da ran t'ëdi tengu bi sih ra Adán. Gue gätho yü ja'i mi 'bü 'bü him mi hman yén t'ëdi Ojä, gue hin nám 'büh ra Moisés, pe bi du, nguetho yü hmu a ra Adán. Pe bi zöh man'da ra hmu ngue rám ponui ra Adán, nu'a ra Jesucristo a, gue mí hma ba ḡhe. ¹⁵ Pe n'dan'yo thoho bi 'yot' ra Adán né ra Jesucristo. Nu'a ra Adán, bi un ran däte gätho yü ja'i, nangue rá ts'oqui a. Pe nu ra Jesucristo ḡemmë man'da xän ngu rá ts'ëdi, nguetho rá mate zehü bi punga ma ts'oquihü hont'a go to'o da hyan a. Né gue'a rán t'unni Ojä bi 'dajü. ¹⁶ N'dat'a rá ts'oqui ra Adán, ín unba yü ja'i. Pe nu ra Cristo bi gut'i xän ngu yü ts'oqui nangue rá mate zehü, janangue'a da zä da xocpa yü ja'i. ¹⁷ Né nangue ra ts'oqui bi 'yot' a n'da ra ja'i ngue ra Adán, gue'a án ja rá ts'ëdi ran däte a nangue gätho yü ja'i a baya. Pe

nu to'o gätho da hyan rá mate Ojä, da mba ma hoqui yü mbü, 'darpü dim hmuhi a ra Jesucristo, né din ja bü dim 'bühmbü gätho yü pa mazai. ¹⁸ Nu'u bi xänt'a ra Adán gätho bi ts'änba ran unbi nangue rá ts'oqui ra Adán. Pe nu ran ho bi 'yot' a ra Jesucristo, da zä da xocpa yü ja'i, né di un ra temazai. ¹⁹ Nu'a ra Adán bi mbesta'a rám hman Ojä, gue'a ín ts'om'bäi gätho ü bi xändi. Pe nu ra Jesucristo 'bü mi 'yot' a bi man Ojä, gue'a ín hocja'i ü to'o gätho bi xänt'a. ²⁰ Nu Ojä bi un yén t'ëdi, da fädi ḡemmë xän ngu yü ts'oqui i ja. Nguetho nu'bü dí pähmbü ngue ḡemmë xän ngu yü ts'oqui i jajü, ga pähmbü baya, ḡemmë man'da xän ndoho rán huēcate Ojä ngue di pungahü. ²¹ Tengu thoho a ra ts'oqui bim hmu, né mí nde xtí 'dajü ran däte. Né ngutho a rá mate Ojä, bim hmu né gue'a bi pungahü, né bi 'yenju xän hoju, né di 'dajü ra te mazai nangue ma Hmuhi ra Jesucristo.

6

Bi 'berca man 'yomfënișehü a rán däte ra Cristo

¹ 'Be'a maha gam bëmhü baya, ha ga thoqui ga øthü yü ts'oqui 'bü, n'dahma man'da xtán ndoho rán huēcate Ojä di pungahü. ² Pe hingui sähma ngubü gam bëmhü, ngue xö ga thoqui ga øthü yü ts'oqui. Pegeue dín jahü tengu n'da ra du hingui ø 'bü sifi da 'yot' yü ts'oqui. Hague dán zä ga thoqui ga øthü yü ts'oqui 'bü. ³ Ha hin dím bëmhü 'be'a nám bön'a ran xixyä dí øthü. Nám bóni bi 'berca ma ts'on 'yomfënihü 'bü mí du ra Cristo. ⁴ Né nu'a ran xixyä nam bóni bi t'ä a ma ts'on 'yomfënihü 'bü mí t'ä a ra Cristo. Né bi 'dajü ran 'yomfëni ma'da'yo 'bü mi xoxa rá Ta nangue rá ts'ëdi mixte. Janangue'a bi zä 'darbü dí 'bühmbü bü ja ra 'da'yote né dí øthü yén thehu a. ⁵ Nu'bü mí du ra Cristo, né'a ma ts'on 'yomfënihü bi du baya. Janangue'a nu'bü mi xox Ojä a ra Cristo, dám 'bühmbü ma'da'yo né ma'da'yo dím bëmhü ya. ⁶ Né dí pähmbü tengu'bü mi mba ma cuati ma ts'on 'yomfënihü bü ja ra pont'i 'bü mi du bü ra Cristo. Janangue'a bi thäcpa rá ts'ëdi man 'yomfënișehü, ngue hin dí mandagahü yü ts'oqui. ⁷ Nguetho tengu'bü n'da ra

du, ya him ma 'yøt' ra ts'oqui, pe ya bi mba ma thøgue bu ja rá ts'edi ra ts'oqui. ⁸ Bi du ma ts'on 'yomfønihü nangue bi du ra Cristo, janangue'a dí pähmbü 'darbu dí 'bühmbü ra Cristo ya. ⁹ Ne dí pähmbü ngue bi ndants' mahøn'a ra Cristo 'bu mi du, ne him man'dandj da du mahøn'a, him man ja rá ts'edi ran däte mahøn'a nangue ra Cristo. ¹⁰ Nguetho má zät'a n'dandj bi du ra Cristo nangue ma ts'oquihü, ne nuya nám 'bu di japi da fah rá ts'edi Oja ya. ¹¹ Janangue'a i jatho ga pähmbü tengu'bü dá tuhü nguetho bi thagahü rá ts'edi ra ts'oqui nangueju, ne hin dín nde ga øhmbü yu ts'oqui ya. Ne nuya nám 'bühmbü dí jafü da fah rá ts'edi Oja, nangue ra Cristo Jesús dí 'bühmbü. ¹² Janangue'a hingui sä dan hyehmbü ngue di mandagahü ra ts'oqui mahøn'a, ngue di 'becpahü ga øthü 'be'a im mam man 'yomfønisëhü. ¹³ Ne hingui sä ga un ma ja'ihi da 'yøt' yám pefi ra zithu, ngue ga øthü yu ts'oqui. Pégue dan unsehü bu 'bu Oja ngue bi 'dajü ra 'da'yote 'bu mí du man 'yomfønisëhü. Ne ga un ma ja'ihi da 'yøt' yám pefi Oja, ngue ga øthü ran ho. ¹⁴ Ne hin man sähü di mandagahü ra ts'oqui ya, nguetho dín 'yohü a rá mate Oja ngue di zerca ma mbuihü. Ne hin di mandagahü yán t'ëdi Oja, nu'ü hingui sä di zerca ma mbuihü ü.

Hin ga èc'yëihü yu ts'oqui, pe ga èc'yëihü Oja

¹⁵ Pe nu'bu rá mate thoho Oja dín 'yohü ya, ne hin di mandagahü yán t'ëdi Oja, ha da zä ga øthü yu ts'oqui 'bu. Pe hingui sä ngubü gam bëmhbu. ¹⁶ Ha hin dí pähmbü nu'bu dadí däp ma mbuihü a n'da ra hmu ngue ga ørpahü rá 'befi, ma hmuhü a 'bu, ne dí tenhdü a buya. Nu'bu gue'a ra ts'oqui ma hmuhü, hønt'a ran unbi mazai di 'dajü a. Pe nu'bu da gue'a Oja ma hmuhü, dí øthü a i xijü, ne di 'dajü ra hogambü, ne dam 'bühmanhohü a Oja gätho yu pa buya. ¹⁷ Pe jamadi Oja nangue ahü. Ne madague'bu gá pep ni hmuhü ra ts'oqui mäm'bet'o, pe nuya i ja ni pähä gui thoctahü 'be'a bi 'yut'ahu 'bu gmín dähu bu ja rán xädi Oja. ¹⁸ Ne bi mba njac'i ahü nangue rá ts'edi ra ts'oqui, janangue'a guín 'yëhëhü rá ts'edi ran ho ya. ¹⁹ Dí xi ahü yán t'uti, n'dahma hingui hei bu dí pähmbü.

Ngue tengu bu dán dähu bu ja yu ts'oqui, gue dá øthü gätho yu ts'o dím bëmhbu. Pe ngutho ya, mbähä dan dähu bu ja ran ho, gue dam 'bühmbü ga øthü gätho rá hoga'befi Oja. ²⁰ Pe nu mäm'bet'o xíngui ts'ü mí ndehü ran ho 'bu mí 'yëhëhü yu ts'oqui. ²¹ Pe nte mán ho bi bøn'a ma 'befi dá øthü. Ne nuya dí pes' ma sähü 'bu dím bëmhbu 'be'a dá øthü mam'bet'o, ne gue'ü mí sixcahu bu ja ran unbi mazai ü. ²² Ne nuya bi mba njuguigahü nangue rá ts'edi ra ts'oqui, ne dín 'yëhëhü bu 'bu Oja ya. Janangue'a man'da da hnurca ma hoga 'befihü bu. Ne i ts'ixcahu bu dan zamhbu bu, gätho yu pa mazai. ²³ Nu'a rán zäbi da dä ü to'o øt' yu ts'oqui, ran unbi mazai a. Pe nu'ü to'o i 'bühmbü ra Cristo Jesús ma Hmuhü, di unda Oja ra te mazai ü, ne hingui jut'ü.

7

Tengu'bu dán thäthü ra Cristo

¹ Ma zi cu ahü, ga xi ahü n'da ran t'uti ya. Guim bëmhbu hague in ja ü yán t'ëdi, di manda n'da 'bu i 'bu, pe nu'bu bi du, ya ma hin'na. ² Tengu'bu n'da ran 'yohü i 'bu rá xisu. Ne nu rá xisu i jatho din zammi a rá ndø gätho yu pa i 'bu. Pe nu'bu bi du rá ndø, him man zä di manda a rá xisu. ³ Pe nu'bu hinga na tu rá ndø, ne nu'bu dim 'bühmi man'da ran 'yohü ra xisu, da t'ëmbi ra 'yomt'ëni 'bu. Pe nu'bu bi du rá ndø, bi mba ma thøgue bu mi 'bühmi rá ndø. Nuya da zä dim 'bühmi a man'da ran 'yohü, ne hin da t'ëmbi ra 'yomt'ëni buya. ⁴ N'da ran t'uti nangueju, ngue bi mba ma thøguegahü nangue ma hmuhü mí 'bühmbü, ngue yán t'ëdi Oja, nguetho tengu'bu dá tuhü 'bu mi du ra Cristo. Ne gue'a ma hmuhü dán thäthü 'bu mí xox Oja a ya. Ne 'darbu dí 'bühmbü a ya, pe gue'a ní zä ga øthü xan ho rá 'befi Oja ya. ⁵ Pe nu'bu mi 'bühthohü a man 'yomfønisëhü èmme xöt yu ts'oqui midí hohü. Janangue'a nu'bu mi xijü ü yán t'ëdi Oja ngue hin ga øthü ü dí numanhosehü, man'da dá øthü ü buya. Ne nu'ü bin ja ma 'befihü, ran däte ne ran unbi a buya. ⁶ Pe nuya ma thøguegahü nangue ü yán t'ëdi Oja nguetho bi du man 'yomfønisëhü mi pa ma hecpi. Janangue'a dí ørpahü rá 'befi Oja ya, nangue ma'da'yo ra ts'edi, ne gue'a rá

Hogandähi Ojä a. Ne hin dí tenthohohu a maya'bä nt'o't'i nangue yän t'ëdi Ojä.

Nán c'q ma ts'oquihu u yän t'ëdi Ojä

⁷ 'Be'a gam bëmhbu buya, ha ga ñmfu hingui ho u yän t'ëdi Ojä. Hin'na maha, xän ho yän t'ëdi Ojä, nguetho gue'a dá pácä ngue i ja ma ts'oquigä. Nugä hin jäm'bä xcá pácä gue dí òt' ra ts'oqui ngue ran ts'ëya. Pe nu'bä má bëngä a ran t'ëdi ngue i ñna: "O gadí seyaba ni mijä'ui," ja dá pácä i ja ma ts'oqui. ⁸ Pe nu'bä má bëngä 'be'a man na rán t'ëdi Ojä, man'da dá òt'ä ran ts'ëya mí o ma mbüigä buya. Pe nu'bä hin xcá ca't' ma mbüi a ran t'ëdi, hin xtí nequi xän ho yu ts'oqui o ma mbüigä 'bu. ⁹ Janangue'a nu'bä him ma ná bëngä nangue rán t'ëdi Ojä, him mi pácä ngue drá ts'om'bäigä. Xø mi'bätho, dá bënsé ngue xän hogä. Pe nu'bä má bëngä nangue'a ran ho xcá òt'ä, dá festä a. Ne ja dá pácä buya ngue ran däte mazai a man zäbi. ¹⁰ Janangue'a nu yä hogant'ëdi Ojä, ngue xtí 'dac ra te 'bu xcá ja'ts'ä u, pe nangue hin dä ja'ts'ä u, mí ja xtí 'dac ran däte. ¹¹ Ne mí ñengä xcám 'bämanho nangue yän t'ëdi Ojä. Pe bi mu'tu yän t'ëdi a ma ts'oqui, janangue'a mí ja xtí angä u yän t'ëdi Ojä buya. ¹² Pe xän hohma u yän t'ëdi Ojä, ne n'da ngu n'da ran t'ëdi gätho xän hotho u, ne i ma nangue rá pähä Ojä u, ne hin hapu di 'bedi. ¹³ Pe ha gue'a rá hogant'ëdi Ojä í zixcä bu ja ran däte 'bu. Hin'na. Pe nu'u yän t'ëdi nán c'q ma ts'oqui i o ma mbüigä, ngue n'dan'yo thoho dí òt'ä. Ne mí ja xtí 'dac ran unbi nangue a. Da zä ga pähmbu buya ngue majuäni xän ts'o u ma ts'oquihu, nguetho di jap'a rá hogant'ëdi Ojä da 'yörcahu ran unbi.

I örcahu ran shi a man 'yomfënisëhu

¹⁴ Dí pähmbu bi man yän t'ëdi Ojä a rá Hogandähi. Pe n'dan'yo thoho dím bëmhbu. Nugä dán däse bu ja ra ts'oqui, ne dá òt' ma hmu a. ¹⁵ Pe xíngui ts'u dí pácä 'be'a dí òt'ä, nguetho hin dí òt'ä a majuäni dín nde. Pe nu'a xíngui ts'u dí numanho, go dí òt'ä a. ¹⁶ Ne dín juan zehégä 'bu hin dí òt'ä yän t'ëdi Ojä, pe nu'a nán juan zehégä gue'a ná pácä xän ho yän t'ëdi Ojä a buya. ¹⁷ Pe hinga guecä dí òt'ä 'bu dí òt'ä xän ts'o, pegue ma nyon 'yomfënidä i 'bäpä mbo ma mbüigä gue'a di 'bëcpí ga òt'ä a. ¹⁸ Ne dí pácä ngue

nu ma nyon 'yomfënidä, hin te manho i ja. Dín ndehma thocpa thoho ga òt'ran ho, pe ja'bä hingui sä. ¹⁹ Dín nde ga òt'ä ran ho, pe hin dí òt'ä a, ne hin dín nde ga òt' ran ts'o, pe go dí òt'ä a. ²⁰ Nubuya, dí pàdi ngue hinga guecä dá òt'ä a him ma pähä 'bu dí òt'e, pegue gue'u yu ts'oqui o ma mbüigä. ²¹ Ne njabu dí òt'ä, ngue nu'bä dín nde ga òt'ä ran ho, pe man'da hingui hei ga òt'ä yu ts'oqui. ²² Ne nu'a e ma mbüigä, gue ñmmë dadí hohma a rán t'ëdi Ojä. ²³ Pe dín nugä man'da ran t'ëdi gue rán t'ëdi ra ts'oqui i o ma ja'igä, ngue din sahmi a rá hogant'ëdi Ojä ngue dí numanhögä. Nguetho ne'a xø in nde da xiqui ga ørpa rá pähä. ²⁴ Pe í huëhi mahagä nangue ma nyon 'yomfënisëgä, i ørca ran shi, in nde da zixcä bu ja ran däte, ngue gätho yu dumbüi gätho yu pa mazai. To'o maha da zä da yañgui. ²⁵ Pe jamadi Ojä, da yañgui nangue ma Hmuha ra Jesucristo. Ne nuya dí ørpa rán t'ëdi Ojä nangue ma 'da'yon 'yomfënidä, madague'bä numanho ra ts'oqui a ma nyon 'yomfënidä.

8

Hönt'a rá Hogandähi Ojä nám 'bähmbu ya

¹ Janangue'a, nuya, hin te da gügbahu a rá muui a ma ts'oquihu, nguetho dí 'bähmbu ra Cristo Jesús, ne hin dím bëmhbu man 'yomfënisëhu ya, pe dím bëmhbu rá Hogandähi Ojä. ² Dí comhbä ra 'da'yote ra Cristo Jesús nangue rá ts'ëdi rá Hogandähi Ojä. Ne gue'a í thögahu bu ja rá ts'ëdi ra ts'oqui, ngue mí ñna xtí 'daju ran unbi mazai. ³ Nu yän t'ëdi Ojä hin dä hät'i dá òtha, janangue'a him bi zä bi 'daju ra hogambüi u guepu xtá numanhoju Ojä. Pegue bi 'dactahu ra hogambüi Ojä 'bu mam bá penhua rá Ts'untu zehë, ngue bin ja'i a, tengu'bä n'da ma mi ts'om'bäihu, bin däse, bi nu ran unbi nangue ma ts'oquihu. Ne gue'a í yañju nangue ra ts'oqui midí mandagahu. ⁴ Ne gue'a í zä bi 'daju ra hogambüi tenguthoho 'bu dá ja's'hä yän t'ëdi bu án nuju Ojä. Janangue'a hin dím bëmhbu man 'yomfënisëhu ya, pe nuya hönt'a rá Hogandähi Ojä dím bëmhbu ya. ⁵ Pe nu'a to'o 'bäi nangue rán 'yomfënisë, im bëni da 'yot'e 'be'a i numanhosé, pe nu'a to'o i 'bäi nangue rá Hogandähi Ojä,

im b n a r n 'yomf ni Oj  di un'na r  Hogand hi. ⁶ N  nu'a to'o i t n'na r n 'yomf nise, ra dumb i a ngue g tho y  pa n  ran  nbi maz i. P  nu'a to i t n r  Hogand hi Oj , ra te a n  ran johya g tho y  pa maz i. ⁷ Nguetho nu man 'yomf niseh  r n s ui Oj  a, n  hin j m'b  da hy t'i da 'y t'  y n t edi Oj , n  hingui nde da 'y t' . ⁸ Janangue'a nu'  to'o i t n thoho y n 'yomf nise, hingui h t'i da 'y t'a i numanho Oj . ⁹ P  nuj  hin d m b mh  a man 'yomf niseh  ya, nguetho 'b p  mbo ma mb ih  a r  Hogand hi Oj . P  nu'b  'b  a n'da hingui 'b hmi r  Hogand hi ra Cristo, hin te r n jaui ra Cristo a 'b . ¹⁰ N  madague'b  o tho ran  n  ran d te ma j 'ih  nangue ma ts'oquih , p  nangue ra Cristo i 'b p  mbo ma mb ih , d  'b manh  ngue ya bi hogah  Oj . ¹¹ N  nu'b  'b p  mbo ma mb ih  r  Hogand hi Oj , gue n'dat'a r  Hogand hi bi xox'a ra Cristo Jes s 'b  mi du, janangue'a n 'a ma j 'ih  di un ra 'da'yote 'b  bi xoxcah . ¹² Janangue'a ma zi cu ah , hin'y  ran t edi ga tenhd  a man 'yomf niseh  ngue r  p h  ma ng c'y ihi. ¹³ Nguetho nu'b  d   th  r  p h  man 'yomf niseh , ga tuh  'b . P  nu'b  thocpa thoho dan s amz h e  nangue r  Hogand hi Oj , tengu'b  ga hoseh  man 'yomf niseh , n  dam 'b hmb  'b . ¹⁴ Nguetho nu'  din uni di manda r  Hogand hi Oj , h nt'  y  t hnigah  a, nangue r  Hogand hi. Janangue'a, "ma zi Ta ahe," d   mf  Oj  ya. ¹⁵ N  nu r  Hogand hi Oj  di b nga ma mb ih , gue majuani y  t hnigah  Oj . ¹⁶ N  nangue y  t hnigah  Oj , ga comhb  r  herencia Oj  bin t'un ra Cristo. Nguetho nu'b  ga comhb  r n  nbi ra Cristo, n  ga comhb  r  herencia b  b  ja r  ts'edi b ya.

N 'a ma ng c'y ihi di p rcah  Oj 

¹⁸ P  gam b mh   mm  zi ts'utho ran  nbi d n nuh  ya, p  nu'  y n ho gan nuh  m'bjua  mm  mixte thoho. ¹⁹ N  g tho 'b a bi 'y t' Oj   mm  i t 'mi 'b a da t' rp a  

'b a bi z n ra pa din t'un y n ho mixte thoho   y  t hnigah  Oj . ²⁰ Nguetho nu 'b a g tho bi 'y t' Oj , g tho him bi gohi x n ho, p  hin y  ts'oquizeh , p  nangue r  ts'oqui ra Ad n. P  bi z nd Oj  gue hin da gohi x n ho ra ximh , nguetho ndep'  y  j 'i da hyon'a ran ho da 'y rp a 'b  m'bjua. ²¹ Nguetho nu y  ximh  bi 'y t' Oj , g tho da mba ma hoqui nangue'a ran ts'oni bin ja, ngue him man ja y  'yanth  n  y n  nbi, n  'b a g  i ja. N  g tho   dat'a da mba ma hoquigah  y  t hnigah  Oj , 'b  bi p rca ma j 'ih . ²² Nguetho d  p ahmb  g tho 'b a bi 'y t' Oj , tengu'b  g tho 'da na mbahni thoho gue'b  go maya'b  n  asta guehya, tengu'b  x n  , n  tu y  mb i, tengu'b  in nde dim 'b h r  'uere n'da ra xisu. ²³ N segah  tengu thoho 'b  'da na mbahni thohoh  g tho 'b a i ja, madague'b  bi d 'mi bi ts'inj  ya, gue d  'b hmb  r  Hogand hi Oj , gue'a r  mb di a ran ho da 'y rcah  Oj . P  d  s ah  ran   nangue ma mb ih  g tho y  pa d n d 'mateh  ua, gue'b  go n 'a ma ng c'y ihi da y ngah . ²⁴ N  gue'a d  p ahmb  'b  m  z nj , ngue him 'b ex da mba mahoqui g tho ma ng c'y ihi. Janangue'a d  t mh  ya. P  nu'b  'b exque xc  nuh  a d  t mh , ya hin di t mh  a ya 'b , n  hingui jatho ga t mh  a ya bin ja. ²⁵ P  nuya d  t mh  a hinga nan ja, n  d  h th  y n  nbi, gue'b  go bi p j  x n ho Oj . ²⁶ N  g tho y  pa d n d mth ohoh , di z j  r  Hogand hi Oj , nguetho x n g uent'igah , gue hin d  p ahmb  dan y h  Oj  x n ho, ja'b  d  c stah  b  nam b n Oj . P  gues  r  Hogand hi i y oui a Oj  b  ja ma mb ih  'b  d  y h  a. ²⁷ N  nu Oj  di  asca ma mb ih  'b  d  y h  a. N  i p adi 'b a d   f , nguetho din theui r  p h  z h  a bi b ngah  r  Hogand hi Oj .

P  d  t f  x n ho y n  nbi nangue ra Cristo

²⁸ N  d  p ahmb  di jap Oj  d  'y rcah  ran ho a 'b a g  d  thohmb  ua, ngue nuj   mm  d  numanho h  a Oj . Nguetho ya bi z nni 'b p  d  cohmb  m'bjua. ²⁹ Ngue nu'  to'o bi huanh Oj  mam'b t'o, guet'  bi z nni da gohi tengu r  Ts'unt'  z h . Janangue'a dim 'b t'o r  Ts'unt'  z h  ngue x n ngu y  cu dim 'b jua. ³⁰ N  nu'  bi z nd Oj  m m'b t'o, n  guet'  in zonh Oj    ya

ngue da yarpu bí 'bai. Ne nu'u in zonh Oja, gue'u i ɛmbi xən ho u ya, ngue bi hocpa yú ts'oqui. Ne guet'u da gohi tengu rá Ts'unt'u zehe. 31 'Be'a gam bɛmhbu bəya, nguetho guese Oja i numanhoju. To'o maha da zä da 'yørcahu ran ts'o. 32 Nu Oja xínga gue rá Ts'unt'u zehe bi huɛqui, pe bi däp ran däte nangueju. Janangue'a gätho di 'daju 'be'a i ja, nte da gøngahu. 33 Pe nuju to'o maha da xi Oja ngue hingui ho dí Øthu, ngue yú thahnigahu Oja. Nguetho guese Oja thocpa thoho di hoga ma ts'oquihu. 34 To'o gue da zä da xi Oja ngue dan ənbahu nangue ma ts'oquihu, nguetho guese ra Cristo bi du, bi nu ran ənbi nangueju, ne xø bi xox Oja bəya, ne bí 'bəpu guepu i conhui rá ts'edi Oja. Ne thocpa thoho i äp rá mate Oja nangueju. 35 'Be'a maha da zä di 'uegahu, gue hin gan nuhu a rán huɛcate ra Cristo. Ha gue'u yən ənbi, uague yu dumbu, uague yən əcpu, uague ra thuhu, uague ra 'yəhe, ua gue'bu nts'utho hapu dí 'yohu, uague da thoju nangue ra juai. Ha gam bɛmhbu ngue hin di huɛgahu ra Cristo 'bu dín nuhu. 36 Pe hin'na, nguetho ya nt'o't'i:

Thocpa thoho t'ëna da thoju nangue Oja dí
ɛc'yəihu,

ne im bəni tengu'bu dyu de'yohu gue
nts'anni da tho.

37 Pe nu gätho yən ənbi, dí tafu xən ho, nangue ra Cristo di huɛgahu. 38 Ne dí pahmbu majuəni hin'yu n'da ra ts'edi da zä di 'uegahu gue hin ga nuhu a rán huɛcate ra Cristo. Xínga guehya gue dí 'bəhmbu, ne xínga gue'bu dá tuhu. Ne xínga gue'a n'da rám 'behni Oja mahəts'i, ne xínga gue'a n'da rám 'behni ra zəjtu, xínga gue man'da ra ts'edi. Ne xínga gue'a 'be'a gätho i ja ya, o din ja nixudi o nimani, da zä di 'uegahu. 39 Ne xínga gue'u 'bəpu mahəts'i, ne xínga gue'u 'bəcua ja ra häi, ne hin'yu 'be'a gätho i ja ngue da zä di 'uegahu gue hin ga nuhu rán huɛcate Oja i ørcahu ra Cristo Jesús ma Hmuu, nguetho gätho bi 'yøzehe Oja u.

9

Bi huand Oja yu israel maya'bu

1 Nu ra Cristo dí 'bu'be, i pädi majuəni dí xi ahu ya, ngue ɛmmu dadí huɛcmahagu ma mijudíohe yu israel. Pe ne'a rá Hogandu

Oja i xicpa ma mbəi ngue majuəni dí mangu. 2 Ne thocpa thoho dín nu ran ənbi ngue ma mbəi ne ɛmmu tu ma mbəi nangue ma mijudíohe. 3 'Be'a sä ga Øt'u ngue xtím pø' ma mi'israelhe. Ha ga xi Oja di 'berca ma te ngue njam'bu ga nu ra Cristo. Ngue gue'a ga Øt'u 'bu gue'a dí pø u. 4 Nguetho nuje dyu israelhe bi thahn ma ngurpa bøtahe ngue bi nde dyu t'uhni Ojaje, ne bi nu rá Thai Oja ma bøtahe ne bi bəh paya ngue Oja mí 'bəhmbu. Ne gue'u bi 'yøthu ran hoqui a Oja u, ne gue'u bin t'un yən t'ëdi Oja nangue 'bəpu dám 'bəmanhohe. Ne bi sih yən t'øt'e dí dənde Oja. Ne bi sih majuəni nangue 'be'a gä da 'yørpe. 5 Ne nu'u ma mi'israelhe i 'bəh ya, yú t'uhni ndu ma ngurpa bombøtahe ngue bin yəqui Oja maya'bu. Ne guet'u yu israel bu ám 'bu'a ra Cristo 'bu min jə'i ua ja ra ximhäi. Pegue Oja a, rá Hmu ngue gätho 'be'a i ja, janangue'a gätho yu pa mazai ga numansuhu a. Ne hønt'a gam bɛmhbu a ya. 6 Pe xən ngu hingui ɛc'yəi u ma mijudíohe yu israel. Pe hin gam bɛmhbu ngue bi zəpu a bi man Oja, ngue hin di jə'ts'a ran hoqui bi ma. Pegue gam bɛmhbu ngue'a hinga gätho majuəni yu israel u yú t'uhni ra Israel bu nam bən Oja, gue'bu mí ma di jəp yu israel. 7 Ne hinga gätho yú t'uhni ra Abraham bu nam bən Oja u bim 'bəi, pe hønt'a bi xi a Oja ngue dim 'bəi. Tengu bi man Oja: "Pe hønt'u di xənt'a ra Isaac, ngue ni ts'unt'u, ga ɛmbi ni t'uhni," bi 'yømp Oja a. 8 Nu'a in nde da 'yørcahu ngue njo'o n'da rá t'uhni Oja bim 'bəi nangue rá ta o gue rá mbe. Pe hønt'u bim 'bəi nangue'a bi man Oja, da 'yømbi yu t'uhni. 9 Ne guehna bi xi a Oja a ra Abraham: "Ni jəya, tengu ya, ga ut'au*u* ma ts'edi ne din ja a dí xi i, gue dim 'bu a n'da rá ts'unt'u ra Sara," bi 'yømp Oja a. 10 Ne ngutho nangue yú ts'unt'u ra Isaac, Oja bi ma nda'a da numanho. Bin ja ngue bim 'bui yoho yú ts'unt'u ra Rebeca, nangue a ra Isaac a rá ta u. 11 Pe nu'bu hin ní'm 'bu u yoho, hin ní 'yøt' ran ho, ne xíñ ni 'yøt' ran ts'o, pe Oja mí sanní 'be'a din jəp'u. Janangue'a bi zä bi jəpi nda'a bi nde di jəpi, nangue bi ndese, ne hin nangue yən t'øt'e bi 'yøt'u. 12 Ne nu'bu hin ní'm 'bu yú t'uhni, bi xi Oja a ra Rebeca: "Nu'a m'bət'o dim 'bəi,

din 'yęhe nangue'a m'bęjua dim 'bəi.' ¹³ Ne tengu nt'o't'i, man'da ram hma i ḥna: "Dá numanho a ra Jacob ngue ra Israel, pę nu ra Esaú hin dá numanho," bi 'yen Oja. ¹⁴ Xiya, ha gam bęmhba hingui ho 'bę'a bi 'yot' Oja, ngue bi huahna n'da, ne hin'na a man'da. Pe hingui sā ga ęmhba hingui ho øt' Oja. ¹⁵ Pe tengu bi xi Oja a ra Moisés: "Ga un ra mate to'o dín nde ga unni, ne ga huęqui to'o dín nde ga huęqui," bi 'yen Oja. ¹⁶ Dí pahmba ya, nangue in ndesę Oja di un rá mate ne hin nangue bi ndesę n'da, o gue bi 'yot' yun t'øt'e ngue bi bęni dí dąh rán jąpi Oja. ¹⁷ Ne tengu bi man ra t'ohni, bi sih ra ts'ut'abi bę Egipto, ngue ra Faraón: "Dá sän'ni i ngue gan ts'ut'abi, ne ga mep'a ni mbəi ngue hin guı 'yot'a ga xi i. N'dahma da zä ga ut'a ma ts'edi 'bę ga pęnh yę 'yanthı bę ja ni häi. Ne da färca ma ts'edigä gätho na nguni ra ximhäi bęya," bi 'yen Oja. ¹⁸ Janangue'a ga pahmba ya, Oja di un rá mate to'o in ndesę di unni, ne guesę Oja di mep rá mbəi n'da to'o in nde di mep rá mbəi, tengu thoho bi 'yørpa a ra Faraón. ¹⁹ Pe ha 'bo'o da 'yängä bęya: "Nu'bę in jabę i øt' Oja, hague dän zä da 'yen i ja rá ts'oqui n'da 'bę, ne njon da zä da zerpaa in nde Oja gue xtám bęni 'bę'a xęn ho xtá 'yot'e." ²⁰ Pe hingui sā ngubęgui mamhbę, gyę ja'ihę, to'o ahę ngue guı xihmbę hingui ho øt' Oja. Xibę n'da ra ts'øe ngue ra jähäi, ha da zä da 'yänni to'o bi 'yot'e: "Hanja ngubę gá 'yørque," ha da zä da 'yen. ²¹ Ha hin'yę rá ts'edi a to i øt' ra ts'øe, ha hingui sā da zän zehę 'bę'a da 'yørpa n'da ra bøhäi 'bę, ngue da zän'na n'da mahotho, ne'a man'da him mahotho, ne n'dat'a ra bøhäi ní 'yot'e. ²² Nguetho in ndesę Oja da 'yuh rá cue nangue u to yán sähę di ḥnbi. Ne madague'bę i hät'i set rá mbəi nangue u to di ḥnbi. Pe nu'bę hinguim bęni 'bępę nan dö'ma Oja, gue'a man'da dí nequi xęn ho rá cue Oja ne rá ts'edi 'bę bi ḥnba u bęya. ²³ Janangue'a da fädi tąte xęn ho rá mbəi Oja 'bę bi un rá mate u mi'da yę ja'i, madague'bę ne'u yán sähę xtí ḥnbi, tengu thohogahę. Ne nuya m'bęt'o thoho di hogahę Oja, ngue da zä ga comhbę rán ho. ²⁴ Ngue gueję bi zongahę Oja, nangue ma 'yęhę 'dahma 'dan'yo, ne u yę judío, ne u hin yę judío, pe hønt'ę bi numanhosę bá si.

²⁵ Ne gue'a bi mam bę ja rá sōcuą ra Oseas, bi 'yen: Nu'ę him mi ęmbä ma t'uhni, gue'ę ga ęmbi ma t'uhni u ya. Ne nu'ę him madí huęcä, pę nuya ga huęcä u ya, bi 'yen Oja. ²⁶ Ne mi ḥn ra t'ohni: Nubę hapę bi t'ęn ahę: "Him ma t'uhni ahę," guepę da t'ęn ahę bęya ngue yę t'uhni ahę Oja i 'bęi. ²⁷ Pe nangue yę israel bi man ra Isaías: "Madague'bę ęmmę xtá ngu u yám bom'bęto ra Israel, tengu yę 'bomu bę ja ra deję, pe hønt'ę zi yoho dim pøhø," bi 'yen. ²⁸ Nguetho Oja di juanba ra ximhäi, ne di jua'a n'dihi rán ts'embı bi ma. ²⁹ Ne tengutho mi ma mam'bęt'o ra Isaías, bi 'yen: Nu'bę hin xtá 'yę Oja 'da yę hmudä nangueję, dyę israelhę, gätho xtí juaję 'bę, tengu ra hnini Sodoma, ne ra hnini Gomorra, ngue bi jua Oja, bi 'yen. *Xęn ngu yę israel him bi nde bi hyqń rá mate Oja* ³⁰ Pe xiya, hague bin ja nangue yę ja'i hin yę judío. Bi t'ęmbi xęn ho nguetho bi hyqńho rá mate Oja ngue bi hocpa yę ts'oqui, madague'bę him mím bęni xtá 'yot' ran hocja'i i mam bę ja yán t'ędi Oja. ³¹ Pe nu yę israel gue mí honi xtá 'yot' ran hocja'i i mam bę ja yán t'ędi Oja, pe him bi zoni ngue xtá t'ęmbi xęn ho u. ³² Pe hanja him bi t'ęmbi xęn ho u yę israel. Nguetho him bi nde bi hyqńho rá mate Oja nguepę xtá t'ęmbi xęn ho u. Pe bi bęni xtá hnumanho 'bę mi 'yozehę yán t'ędi Oja u. Ne nu ra Cristo bęya tengu'bę n'da ra do 'bęm bę ja ra 'yu, guepę di fet rá gua n'da, ne bi dąng bę yę israel 'bę mi 'yen xtán dąh ra 'dihi. ³³ Ne gue'a mán t'o't'i bę rám hman Oja, i ḥna: Dami bęmhba, dí høpę n'da ra do bę Sión, nguepę da dąng bę n'da, ne dim 'będi. Pe nu'a to'o da 'yęc'yei a, hin da mbęs' yę sää, pe guehma da hnumanho.

10

¹ Ma zi cu ahę, ęmmę dí hąh ma mbəi dí äp rá mate Oja di pø u ma mi'israelhe. ² Ne

dí pādi ngue majuāni ḥmme ḥhya u nangue Ojā, p̄gue hingui pādi ndana majuāni rá 'yu Ojā u. ³ Nguetho hingui nde da bādi 'bep̄ dí 'yēmp'a Ojā ngue xtán ho. Im b̄eni din hoc zehé nangue yān hose, nguetho im b̄eni dí numanho Ojā 'b̄e'a ḥt'u. Janangue'a hingui nde din uni xtí hoc Ojā u, nangue ran hoqui bi zānd Ojā. ⁴ Pe gätho to'o bi 'yēc'yei ngue gue'a ra Cristo bi hoqui, bi 'yēts'a ní hyoni ngue xtín hoqui nangue yān t'edi.

To'o gätho da 'yäp rám fäts'i ra Hmu, da yan u

⁵ Nu ra Moisés bi 'yo't'i 'b̄e'a da 'yōt'a n'da nangue yān t'edi nguep̄ xtán zōni xtá numanho Ojā n'da. Ngue bi 'yēna: "Nu'u yā ja'i 'b̄u di ja'ts'u yān t'edi, gue'u dí japi dim 'b̄u'u," bi 'yēna. ⁶ Pe nu'a ran hoqui ga hāmhba rá mate Ojā, o guí ḥmhba xān h̄ei b̄u dā t̄imhb̄a, gue ba sōnseh̄u b̄u mahets'i ba sisēh̄ua ua ra Cristo. ⁷ Ne o guí ḥmhba ga mbähä b̄u 'b̄u u xān du ngue ba sisēh̄u b̄u a ra Cristo. ⁸ Pe 'b̄e'a i man'a ran hoqui 'b̄u. Pe hingui h̄ei b̄u dā t̄imhb̄a. Ne ḥna: "Gui hyānthoh̄u rá mate Ojā, ne da zā da 'yo ni mb̄uih̄u b̄uya, ne da zā da 'yo ni ndeh̄u b̄uya." Ne gue'a ram hma dím mamhbe a. ⁹ Ngue nu'b̄u ga ḥmhba ma Hmu h̄ra Jesús, ne ga ḥc'yeih̄u mbo ma mb̄uih̄u ngue bi xox Ojā a 'b̄u mi du, da yanju Ojā 'b̄u. ¹⁰ Nguetho gue'a ní 'yēnj̄u xān hoju Ojā a ga ḥc'yeih̄u mbo ma mb̄uih̄u, ne gue'a ní p̄oj̄u Ojā a gam mamhba nangue ma ndeh̄u. ¹¹ Ne mí ḥn rá t'ohni Ojā: "To'o gätho da 'yēc'yei a bá p̄enh Ojā, hin da thāda u," bi 'yēna. ¹² Ne hin gam b̄emhb̄u ngue n'dan'yo yā hmu i 'b̄u u yā judío ne u hing yā judío. Pe n'dat'a yā hmu ngue gätho yā ja'i i 'b̄u, ne 'da dí unthoho xān ngu to'o gätho da 'yäp rám fäts'i. ¹³ Nguetho nu'u to'o gätho da 'yäp rám fäts'i ra Hmu, di p̄o u, mi ḥn ra t'ohni maya'b̄u. ¹⁴ Pe hague dán zā da 'yäp rám fäts'i ra Hmu 'b̄u him bi b̄a a rá mate b̄u ja rá mb̄ui. Ne hague dán zā da hyān rá mate 'b̄u him bi 'yōde. Ne hague dán zā da 'yōde 'b̄u njon da xifi nangue ra Cristo. ¹⁵ Ne hague dán zā da mba n'da da xifi 'b̄u hingam 'b̄ehni. Janangue'a i ḥn rám hman Ojā: "Mahotho i ḥt'a n'da 'b̄u i man ran ho ma'da'yo di 'daj̄u ran johya, hap̄u i 'yo," bi

'yēna. ¹⁶ Pe hinga gätho i ḥmanho u i sih ran ho ma'da'yo. Tengu bi man ra Isaías, bi 'yēna: "Ma Hmu i, nda'a u bi 'yōmanho a dá mamhbe ya." ¹⁷ Pe nu'b̄u 'b̄u to'o da sih ram hma nangue ra Cristo, da zā da hyān rá mate Ojā 'b̄u. ¹⁸ Pe dí än 'b̄u hin xtamá 'yō u yā judío. Pe haguen ja ngue him bi 'yēc'yei ra Cristo. Bi 'yōhma, nguetho hōnb̄u go hap̄u bi mba rám hman Ojā, bin 'yo gätho ná ngāni ra ximhāi. ¹⁹ Ne xō dí än'nah̄u, ha him mí p̄a u yā israel ngue man'da da t'emb̄i yā t'uhni Ojā u hing yā israel. Bi bāhma, nguetho nub̄u ja rá sōcuā ra Moisés mí ḥn Ojā:

Ga ja ah̄u gan seyah̄u 'b̄u ga simanho 'da yā ja'i him mí ḥmb̄a ma t'uhni.

Ne ga ja ah̄u gan cuēh̄u 'b̄u ga simanho 'da yā 'yāmb̄u ja'i, bi 'yēmp Ojā u yā israel.

²⁰ Ne bi xifi xān ho b̄u ja rá sōcuā ra Isaías, bi 'yēn Ojā: "Bi dīngä u 'da him mí hongui, ne dá japi da bāc'u him mi ängui," bi 'yēna. ²¹ Pe nangue yā israel bi 'yēn Ojā, "Gätho ra pa dá 'uarpa ma 'yē, dá zon'ndu, pe bi mbesca thoho ma 'yē, ne bi ugä thoho u," bi 'yēn Ojā.

11

'Da u yā israel bim p̄oh ya

¹ Pe ga än'nah̄u mahōn'a, ha gätho bi hyē u yā t'uhni Ojā, gue nu u yām bom'bēto ra Israel. Pe hin'na. Nguetho gueczehégä drá me'israel, ngue mam bombøtagä ra Abraham, ne ra Benjamín. ² Pe Ojā hingui h̄e u njuāntho yā t'uhni ngue'u bi huan 'b̄u mam'bēt'o. Ha hin guím b̄emhb̄u 'b̄e'a bi man rá t'ohni Ojā, gue bi sih ra Elías 'b̄u mí yāp'u yā mi israelh̄u. Ne bi 'yēna: ³ "Ma Hmu i, bi hyo ni p̄engahyā u yā israel, ne bi xot'a b̄u ja ni mexa mí pa m'bōts'e ni 'bōts'e, ne hōngdā dá pongä, nequi nde da hyogui," sä bi 'yēn a ra Elías. ⁴ Pe ha hin guím b̄emhb̄u 'b̄e'a í dā Ojā b̄uya ngue bi t'emb̄ ra Elías. "Pe hin'na, hin guí 'dase," bi 'yēmb̄i. "Pe dá jamansup yā mb̄ui u yoto mahuāhi yān 'yoh̄u israel, gue'u him bin dānyahmu b̄u 'bāh ra p̄ote ra Baal," ngue mi t'emb̄ ojā. ⁵ Ne ngutho ya, 'b̄u i 'da yā israel him bi 'uegue nangue Ojā, ngue gue'u to bi huand Ojā nangue rá mate thoho. ⁶ Ne gam b̄emhb̄u nu'b̄u rá matethoho Ojā bi

huan'ndu, ga pahmbu baya hin nangue yan t'ot'e i ot'a n'da ni huan'na n'da. Nguetho nu'bua xtá hnumanho nangue yan t'ot'e bi sifi, hin xtín ja rá mate tho Oja'bua, ne nte nam bøn'a rá mate Oja'bua. ⁷ Xiya, 'be'a gam bëmhbu nangue yu israel, ne hinguin ngu u bi díni 'be'a mí honi, gue da t'ëmbi xan ho. Pe hønt'u nthahni bi díni, ne bim pøhø. Pe nu'u mi'da bi mep yu mbui u. ⁸ Ne gue'a mán t'o'i: "Oja bi pumbenip yu mbui, tengu'bua bin aha. Ne bi japi him bi zä bi nu ne him bi zä bi 'yøhnahyä. Ne guexta u yu pa i jabu ya," bi 'yen rá t'ohni Oja. ⁹ Ne ngutho bi man ra David:
Da mbøspa Oja, pe hin da bëni 'be'a nam bøn u yu 'bøts'e da 'yøt'u,
ne gue'a dán unba u.

¹⁰ Ne din xädä, hin da nu ran nequi.
Ne nu yu xatha dim mboqui ma zä, nangue yu ts'oqui xan ngu i tut'si, bi 'yen a ra David.

Ne'u 'da hing yu israel bim pøhyu

¹¹ Pe dí än'nahu mahøn'a, nu'bua mí 'ue'u yu israel, ha bi bøn Oja him man'dandi da 'yen spa rán japi u 'bu. Pe hin'na. Pe nangue'a bi zan rá mate Oja u yu israel, ne gue'a í zä bim pø u hing yu israel buya. Pe gue'a bi 'yøt' Oja, n'dahma din seya yu israel 'bu bi nu u bi hyan rá mate Oja, ne da hyon Oja mahøn'a. ¹² Nu Oja bi zä bi jøp'u 'da yu jø'i hing yu israel gätho ná ndoho ra ximhäi, nangue bi 'ue'u yu israel. Ne bi dín rá mate Oja u hin yu israel 'bu mi thøcpa rán japi Oja u yu israel. Janangue'a man'da xan ngu ran japi da nu u hing yu israel 'bu bá peng bu 'bu Oja u yu israel mahøn'a. ¹³ Guehna dí xi ahu na ya, ngue hin gyu israel ahu, nguetho drám 'bëhnigä nangue ahu. Ne dín nde ga ja ahu gui pømanhohu nangue ra Cristo, ¹⁴ n'dahma din 'yomfëni u ma mijudiohe yu israel 'bu bi nu a ran ho gá tñmhbua, janangue'a man'da xtá ngu dim pø u buya. ¹⁵ Ne nu'bua mí hye Oja u yu judío, bi zä bi hocpa u hing yu judío 'bæcua gätho ua ja ra ximhäi. Pe ñmme man'da xan ho dín ja ua gätho ra ximhäi 'bu bi ts'im mahøn'a xan ngu u yu judío. Ne din ja tengu'bua ya bi ndants'u yu du. ¹⁶ Nu mam bombøtahe mí yøhu Oja maya'bua, yu mbeti Oja u, tengu'bua yu 'bøts'e Oja u. Ne tengu'bua mí 'bøspa Oja ra

mbadi thuhme 'bu øt ra thuhme, janangue gätho a ra jøni rá mbeti Oja buya. Ne nu'bua mí huand Oja a ra Abraham, ne gue'a í than'ndu yu 'yu a buya, tengu'bua n'da ra za xan zaqui rán dui, ne'u yu 'ye xan zaqui u. ¹⁷ Pe bi ts'ëcpa 'da u yu 'yesé a ra hogaza. Ne nu ahu hing yu israel ahu ne tengu'bua bá ts'ëc'ahu bu gmí tøhmbu tengu n'da ra za hingui ho. Ne bi t'ës'ahu bu bi ts'ëcpa u 'da yu 'ye ra hogaza. Ne gá comhbu rán zaqui a ra za, gue bá nexpu rán dui, ngue nu ra Abraham bi huand Oja maya'bua. ¹⁸ Pe hingui sá gdá yøthu a ngue bi t'ës'ahu bu bi ts'ëc u 'da yu 'ye ra za. Dami bëmhbu ngue hinga gue ahu guidí unhdú rán zaqui a rán dui ra za, pe gue'a rán dui ra za i øt'ahu rán ho Oja bu guí tøhmbu. ¹⁹ "Pe man'da xan hoje, nguetho bi ts'ëc' u 'da yu 'ye, ne go bi t'ëscähe ua," masque guí ñmhbu. ²⁰ Majuani bi ts'ëc' u 'da yu israel nguetho him bi nde rá mate Oja. Bi bëni xan hose. Ne guí tøhmbu bu 'da ahu ngue hing yu israel ahu, nguetho guí pahmbu hønt'a rá mate Oja nán ho ahu. Pe o guim bëmhbu gán tøsehu bu, pe gan jamansuhu. ²¹ Damí bëmhbu him bi yan Oja u 'da yu 'yesé ra za. Ha má gue'adahu da yan ahu 'bu guim bëmhbu xan hose ahu. ²² Pe nu'bua 'bo'o hinguin nde rá mate Oja, pe da nuse a rán säui a to'o da 'uepu ja rá mate. Pe nu ahu gui nuhu rá mate Oja 'bu gui thoqui guim bëmhbu a. Pe nu'bua hin'na, ne ahu da ts'ëc'ahu mahøn'a bu ja ra za 'bu. ²³ Ne nu'u yu 'yesé a ra hogaza, ngue yu israel, nu'bua da 'yëc'yëi rá mate Oja, da t'ës' mahøn'a bu ja yu zase. Nguetho ja rá ts'ëdi Oja da 'yes' mahøn'a bu bi zëqui. ²⁴ Nu'bua mam bá ts'ëc'ahu bu gmi tøhmbu ja n'da ra za hingui ho, ne bi t'ës'ahu bu ja man'da ra za ngue hin ni zasehu, pe man'da hingui hei da ndøpu mahøn'a u yu 'yesé nguetho rá zase.

Da zøni n'dat'a dim pøhø xan nguyu israel

²⁵ Ma zi cu ahu, dín nde ahu gui pahmbu a ja bi t'uhya, n'dahma hin gan 'yëzehëhu hing yu judío ahu. Dín nde gui pahmbu, 'da yu patho bi meh yu mbui u 'da u yu israel, ja gue'bua bi zøn ra pa xtí cüthu xan ngu ahu hønt'a go to'o hing yu judío ahu. ²⁶ Ne m'bëjua buya, xan ngu dim pø u yu israel. Ne gue'a bi man rá t'ohni Oja, bi 'yen:

Di nəqui n'da yá yanente ngue yá mi'israelhu
bú Sión,
da yan'a ra Jacob nangue yá ts'oqui. Ngue
ra Israel a ra Jacob.

²⁷ Nε ja gue'bú ga já'ts'a dá xifi,
ga punba yá ts'oqui, bi 'yém bú ja rá t'ohni
Ojá maya'bú.

²⁸ Nu'ú yá israel i ót'e ngue yán shihú Ojá
ya, ngue'a hingui ęc'yei ra hogamhma. Pe
gue'a í zä bi zin ahú Ojá a. Pe guehma di
huęc Ojá ú yá israel, nguetho bi than 'bú
maya'bú ú yá ngurpa bombøta. ²⁹ Nguetho
njäm'bú da goh rá mbhi Ojá nangue ú to xí
zohni, pe majuani di un'na bi ma, tengu'bú
ya xí um 'bú mí ma 'be'a di unni. ³⁰ Nε nu
ahú hin gyá israel ahú gmí óthú ram fe'ts'i
nangue Ojá mam'bet'o. Nε m'bejua ne ú yá
israel bi mbesthoho Ojá. Janangue'a bi zä
gá tımhbu rá mate Ojá. ³¹ Nε gue'a in ja ya,
ngue i festa a rá mate Ojá ú yá israel, nε
guí tımhbu rá mate Ojá ya. Pe gue'a dí dín
rá mate Ojá mahøn'a ú yá israel. ³² Ojá bi
ma, njo'o n'da ra ja'i bi 'yec'yei a nguetho
ja yá ts'oqui. Nε bi 'yøt' Ojá búya gue njon
da hyät'i din hoc zehé, nguetho in nde gätho
di un rá mate di hoqui to'o gätho in nde
dim pøhø. ³³ Emme xán ngu rá mate Ojá,
nε emme xán ndoho rán 'yomfëni. Nε hin'yá
ngue hingui pág Ojá. Njo'o n'da ra ja'i da
bädi 'be'a nam bøn'a i ót' Ojá, nε njongui
sä da bädi 'be'a gätho i sänd Ojá da 'yøt'e.
³⁴ Njo'o n'da ra ja'i da bädi da 'yøt'e tengu
rán t'øt'e Ojá, nε njon da 'yut Ojá 'be'a da
'yøt'e. ³⁵ Nε njo'o n'da ra ja'i da hyoni 'be'a
di un Ojá nε ngue'a dí 'yëmbi dín dupate
Ojá a. ³⁶ Nguetho gätho bí 'yëpú 'bú Ojá, nε
gätho di 'yonse Ojá ú, nε gätho bi 'yøt'ú gue di
pøpzehé ú. Janangue'a nde'bú ga ęspahú Ojá
gätho yá pa mazai. Nε hønt'a gam bëmhbu a
ya.

12

Dam 'buhmbú ngue hønt'a Ojá gam
bëmhbu

¹ Ma zi cu ahú, ts'edi dí xi'ahú, nu'bú dí
pahmbú rá mate Ojá, pe nde'bú gätho ma
ja'ihi dan umhbú bú 'bú Ojá gue ga ørpahú
rá 'befi. Nε gue'a majuani ná thandehú
Ojá a, nε gue'a ra 'bøts'e in numanho Ojá
a. ² Nε hin gam bëmhbu ga homhbú 'be'a

gätho xán ho nangue yá pa i jabú ya, tengu
i ót'ú 'bucua ja ra ximhäi. Pegue thocpa
thoho ga päh man 'yomfëni gam bëmhbu
ma'da'yo. Janangue'a thocpa thoho ga
homhbú ga pahmbú nda'a rá pähä Ojá, ngue
nda'a xán ho ga óthú, nε nda'a numanho
Ojá búya. ³ Bi 'dacä rá ts'edi Ojá ga ørpá
rá 'befi nangue rá mate. Janangue'a dí
xi ahú, ngue 'nε ahú gätho n'da ngu n'da
ahú bin tat'ahú rá mate Ojá nangue rá
'befi. Janangue'a hin gan 'yexhú, pegue gui
páséhú nda'a ní 'befi bi zän'nahú n'da ngu
n'da ahú, nangue rám fäts'i Ojá. ⁴ Tengu ní
ja'i n'da, ngue an ts'anni xán ngu yá xequi.
Nε hinga gätho 'dat'a ra 'befi ót'e, pe 'dahma
'dan'yo yá 'befi ú yá xequi. Ngutho dí óthú.
⁵ Nε madague'bú xán ngujú, pe tengu'bú
n'danjá'itho ma ja'i dí comhbú ra Cristo.
Nε tengu ní ja'i n'da, 'da nam fäxta n'da
ngu n'da yá xequi, ngutho dí óthú ngue dí
comhbú rá 'befi ra Cristo. ⁶ Bi 'dajú ra ts'edi
Ojá gue ga óthú rá 'befi 'dahma 'dan'yo,
nangue rá mate zehé. Pe nde'bú ga óthú xán
ho. O nu'bú n'da dim pøngahyá da hyoni
'bepú dí ma xán ho a di bënba Ojá, nangue
rám fäts'i. ⁷ O nu'bú n'da bin t'un ra 'befi dim
fäxté 'be'a di 'be a n'da, pe di ja'ts'i xán ho,
ngue da mbäx yá cu. O nu'bú n'da bin t'un
ra 'befi din xänbate, din xänbate 'be'a nam
bøn'a rám hman Ojá. ⁸ O nu'bú n'da ra zote,
pegue da xifi nda'a xán ho da 'yøt'ú yá cu.
O nu'bú n'da bin t'un ra 'befi di un rá mbëti,
pe hin da bëni da hnumanhose. O nu'bú yá
ngurpi ngue di manda rá 'befi Ojá, di ja'ts'i
xán ho nangue ra ts'edi bin t'unni. O nu'bú
n'da bin t'un ra 'befi da mbäx ú yá hyoya nε
yán zäman'ú, mpähä thoho da mbäts'i.

Gam bëmhbu nda'a xán ho dá tenhdú Ojá

⁹ Nε hingui yoho gam bëmhbu 'bú ga
huejú n'da, pe majuani ga óthú ran huëcate.
Nε xingui ts'ú gam bëmhbu ga óthú a hingui
ho, pe dan ęhyahú ga óthú a 'be'a gätho
xán ho, nε nzai ga óthú a. ¹⁰ Dan huejú
n'da ngu n'dajú nguetho dadín cuhú. Nε
n'da ngu n'da man'da da bëni da 'yëspa rá
mija'iui, xinda gue'bú da t'ëspa zehé. ¹¹ Nε
hin ga cüthú ran däñhyéi ma mbuihú, pe dan
ęhya ga ørpahú rá 'befi ma Hmuuhú. ¹² Dan
johyahú nangue'a ran ho dí tømhbu, nε hin
dan xømbuihú nangue yán unbi. Nε thocpa

thoho yu ora thoho dan yaqha Oja. 13 Ga fäxhu yu 'yec'yei 'bu ja 'be'a di 'bedi. Ne mpähä thoho ga säyabahu yu ja'i bu ja ma ngumhbu. 14 Pe ga äfu ran japi nangue u to di ugahu, ne hin ga äfu ra 'yanthi. 15 Ne 'dat'a dan johyahu to'o di johya, o nu'bu 'bo'o tu rá mbui, 'da dán du ma mbuih buya. 16 Ne gätho 'dat'a gam bemhbu. Ne hin da ben'a n'da man'da xan ho xinda gue rá mija'iui, pe din amigohu u yu ja'i hin'yu yu ts'edi. Ne hin gam bemhbu ngue jase man 'yomfenihu. 17 Nu'bu 'bo'o örcahu ran ts'o, hin ga cospahu ran ts'o. Pe gam bemhbu nda'a xan ho ga örpahu, ngue 'be'a gätho i hnumanho. Ne nubuya da nu gätho yu ja'i ngue xan ho ma mbuih. 18 Ne dam 'bumanhohu u gätho yu ja'i 'bu da zä. 19 Ma zi cu ahu, hin ga cos'hu ra pengui 'bu ja'a da t'örcahu. Pe 'be ga tomhbu ts'u di unba Oja 'bu gue'a in nde di unba u. Nguetho nt'o't'i: "Ma 'befi zehégä ngue ga unba n'da ne ga un rán theui a bi 'yot'e," bi 'yen Oja. 20 Janangue'a nu'bu tumanthuhu man suih, ga 'ujmhu. Ne nu'bu tuthe, ga sithebahu. Nguetho nu'bu njabu dí örpa man suih, xan u da ben ni ngue'a midí ugahu, ne xohma thoho da goh yu mbui buya. 21 Hin ga cos'hu ran ts'o pe ga örpahu ran ho, gue'a dá tafu a ran ts'o a buya.

13

Ga öthu yan t'ëdi yu ts'ut'abi

1 Gätho gahu ga ec'yeihu ra ts'ut'abi ua ma häihu. Nguetho njo'o n'da ra ts'ut'abi ua ja ra häi ngue bi zän zehe yan t'ëdi. Pe Oja bi zänni ngue din ja yu ts'ëdi. 2 Janangue'a nu to din suhmi ra ts'ut'abi, din suhmi a to bi zänba rá ts'ëdi a, ne i honse rán use. 3 Nguetho nu'u yu ts'ut'abi ua ma häihu, hin ga suhu 'bu dí öthu ran ho, hinda hont'bu ga öthu ran ts'o ga suhu 'bu. Pe nu'bu dín nde hin ga suhu ra ts'ut'abi, pe ga öthu ran ho, ne da numanhoju buya. 4 Nguetho nu'u yu ts'ut'abi, Oja bi zänni da mbäxcahu. Pe nu'bu dí öthu ra ts'oqui, ga suhu 'bu, nguetho i ja rán t'ëdi di unba n'da. Ne Oja bi un yan t'ëdi di unba u to'o öt' ra ts'oqui. 5 Janangue'a i jatho ga ec'yeihu yan t'ëdi u yu ts'ut'abi, n'dahma hin di ugahu. Ne gue'a di bengahu Oja 'bu in zoc ma mbuihu.

6 Ne janangue'a ga juthu 'be'a gätho i äju yu ts'ut'abi, n'dahma di thoqui da 'yot' yu 'befi ngue bi zänba Oja, ne i tah yan zäbi u.

7 Mpähä thoho ga juthu xan ho to'o gä i ja yan t'ëdi da 'yädi 'be'a gä da 'yäju. Ga jut'a ma häihu, ne ga juthu yu puesto, ne mi'da yu cota i äh ra ts'ut'abi. Ne ga numansuhu yan t'ëdi u to'o gätho i ja yan t'ëdi.

Ga örpahu ran ho ma mija'ihu

8 Ne ga juthu 'be'a gätho dín dupatehu, ne hin te gam bemhbu ngue dín dupatehu buya. Pe gam bemhbu ngue dan hueju n'da ngu n'daju. Nguetho nu to gätho ja yan huecate bi ja'ts'i gätho yan t'ëdi Oja u.

9 Nguetho gue'a bi man'u yan t'ëdi Oja bi 'yena: "O guí 'yomt'enihu, ne o guí hacpahu rá te ni mija'ihu, ne o guím pehu, ne o guidí seyabahu 'be'a pe'ts' ni mija'ihu." Ne nu 'be'a gätho mi'da yan t'ëdi i man yan t'ëdi, nu'u gätho n'dat'a i ma: "Gui huec ni mija'ihu tengu bu gní hueczehe ni ja'ihu." 10 Nu'a öt' ran huecate, hingui örpa ran ts'o rá mija'iui a. Janangue'a di ja'ts'u yan t'ëdi Oja a ran huecate i öt'a n'da. 11 Ne man'da ga humbi ga öthu na, nguetho dí pahmbu ya bin de, ya bi thoh yu pa. Damin 'yomfenihu xan ho ya ngue daná hämhu yu pa gan nuhu ra Hmu, xinda gue'a dá öthu 'bu ja má du'mi dá ec'yeihu. 12 Ya bi thoh ra xui, ya maguepu da hyats'i. Mbähä ga bunthu yan t'ët'e ra 'bexui, ga he man thäquihu, ngue dan samzehehu janangue'a da dah ran nequi.

13 Mbähä ga öthu a rán säui ran nequi, hin dan jtihu, ne hin dam muns'hu bu ja yan johya zehe yu ja'i. Ne xin dan 'yomt'enihu, xinga gue'a ma pähä zehehu ga öthu, xin ga öthu yu sai, xin ga öthu yan ts'eya. 14 Pe jatho gam bemhbu ga hämhu rá ts'ëdi a ma Hmu hu ra Jesucristo, ngue ga öthu tengu bi 'yot'e, ne him ma gam bemhbu ga öthu rá pähä ma ngoc'yeihu.

14

Dahma 'dan'yo bu na ec'yeihu

1 Nu'bu 'bu a n'da ra 'yec'yei gue hin e padi xan ho, pe ga simanhohu bu ja mam petihu u. Ne hin dan junthu nangue 'be'a im ben ni ngue xan ho da 'yot'e. 2 Nguetho 'dahma 'dan'yo im bense 'bepu ní 'yec'yei Oja. Nu'u

'da im bëni xan ho da zi gätho 'be'a i ts'i. Pe nu mi'da im bëni hingui ho 'bu da za u 'da yu ngø. ³ Ne nu ra 'yec'yei gue i si ne i sa gätho 'be'a i ja, pe hin da zan'a n'da to'o mbëni hingui ts'i. Ne ximangutho a n'da to'o hingui si, pe hin da 'yec'mbi hingui ho øt'a i si gätho 'be'a i ts'i. Nguetho Oja 'da nan zintho. ⁴ Nu'i, to'o e, gue guí embi hingui ho øt' ni mi'yehëh. Nu rá hmuse n'da da mam 'bu xan ho 'be'a øt'a n'da rá 'yehë, o hin'na. Pe guehma da bømanho n'da ngu n'da ra 'yec'yei, nguetho i ja rá ts'edi ra Hmu di japi da bømanho. ⁵ Ne i 'bu i 'da yu 'yec'yei im bëni din säya 'da yu pa. Ne nu mi'da buya im bëni xan ho 'bu hin din säya 'da yu pa. Pe gue n'da ngu n'da da bënsé 'be'a xan ho da 'yøzehë. ⁶ Nguetho nu to din säya 'da yu pa, din säya nangue da bëni Oja. Ne ngutho 'bu hinga gä i si yu ts'ihme u 'da, njabu øt'e nguetho im bëni Oja, ne i xifi jamadi Oja nangue u 'da i si. Ximangutho a to gätho i si, njabu i øt'e nguetho im bëni Oja bi un'na, ne di un ra jamadi Oja. ⁷ Njo'o gahë gue gam bëmhbu dyá hmuseh. Pe yu mbetigah a ma Hmu. Ne ngutho 'bu dí 'buhmbu ne ngutho 'bu dá tuhu. ⁸ Nguetho dán däsehbu bu 'bu Oja gätho yu pa dí 'buhmbu. Ne ngutho 'bu dá tuhu, dan dähu bu 'bu ma Hmu ne guexta'a yu mbetigah a. ⁹ Ne gue'a í du ne í ndants'a ra Cristo mahøn'a, ngue dim hmu nangue u xan du ne'u i 'bu. ¹⁰ Pe 'da ahë hanja gní numan' a ni cuhu ngue guí xihibu hingui ho 'be'a i si. Ne nu mi'da ahë guí pahmbu xan ho 'be'a gätho i ts'i, pe hanja gní numan' a 'da ni cuhu guí emfhu nte di muui 'bu hingui nde da zi 'da yu ts'ihme. Nguetho gätho gahë dam 'bähmbu bu ja rá hmi ra ze'mi ngue'a ra Cristo. ¹¹ Nguetho nt'o't'i 'be'a bi man Oja gue'bu mí 'yëna:

Guehma majuani din ja a dím ma, ngue gätho yu ja'i din dänyahmu bu dí 'bu, ne gätho din juan bu ja ma hmi ngue guecä drá Oja, bi 'yëna Oja.

¹² Janangue'a dí pahmbu, gätho gahë ga däfhu ra güenda Oja nangue man t'øt'e zehëh.

Hin ga jafu da dæng bu ja ra ts'oqui n'da ma cuhu

¹³ Him ma numan'ah u n'da ngu n'daj. Pe hønt'a gam bëmhbu hin ga jafu n'da ma cuhu di fet rá gua bu ja yu ts'oqui. ¹⁴ Dí pækä

nangue ran 'yomfëni bi 'dac ma Hmu hra Jesùs, gue hin'yu 'be'a da ts'i ngue hingui ho. Pe nu'buh mbënsé n'da hingui ho da ts'i, ra ts'oqui a 'bu da zi 'bu. ¹⁵ Pe nu'buh 'da ni cuhu hingui numanho nin ts'ihme zehëh, nde'bu hin gui thoqui gui sihu, nguetho hin guí ørpahu ran huëcate 'bu guidí thoqui gui sihu. Pe o guí øthu nangue ran ts'ihme dí 'ue u 'da ni cuhu bi pøh ra Cristo 'bu mi du. ¹⁶ Pe gui 'yes'huh a ní jafu da ts'an'a guí pahmbu xan ho. ¹⁷ Ne hin gam bëmhbu nangue ran ts'ihme ná øthu rá 'befi Oja. Pe nu rá 'befi Oja, ga øthu ran hocjai, ne 'dat'a gam bëmhbu, ne dan johyahu nangue rá Hogandahi Oja dí 'buhmbu. Gue'a nam bøni gue rá 'befi Oja a. ¹⁸ Ne nu'buh njabu i øt'a n'da, majuani i ørpa rá 'befi ra Cristo a 'bu. Ne Oja da numanho a, ne'u yu mijahuh da numanho a. ¹⁹ Mbähä dan çhyahu dan hocpa ma mbuhih n'da ngu n'daj, ne 'da dám fäxtahu din te ma mbuhih n'da ngu n'daj. ²⁰ Ne hin ga ts'onbahu rá 'befi Oja nangue man ts'ihmeh. Mfadi gue gätho xan ho da ts'i. Pe hingui ho 'bu dadí unbahu rá mbuhi n'da ma cuhu nangue 'be'a dí sihu. ²¹ Man'da xan ho 'bu ga es'huh a na unbahuh yu mbuhi 'da ma cuhu nangue ra ngø dí sahuh, o ra vino o 'be'a gä ní dehe dí sihu. ²² Nu'buh bi bënnah Oja ne guí pahmbu gue xan ho 'be'a guí sihu, xan ho a 'bu. Ne'a Oja in numanho. Pe hin dá yathu a. Ne di johya n'da 'bu xise rá mbuhi xan ho 'be'a gätho i øt'e, ne hin te mbem buya. ²³ Pe nu'buh n'da im bëni hingui ho da ts'i 'be'a gätho i ja, pe nu'buh bi zi buya, ya ra ts'oqui a bi 'yøt' 'bu. Nguetho 'bexque bi bëni bi mbesta'a rá pähä Oja 'bu mi zi. Ne'u 'be'a gätho dí øthu, nu'buh hin dí pahmbu majuani rá pähä Oja a, ra ts'oqui 'bu dí øthu a 'bu.

15

Ga homhbuh 'bepuh dí zac yu mbuh ma cuhu

¹ Pe nuju 'bu dí pahmbu xan ho 'be'a da zä da 'yøt'a n'da, pe nde'bu man'da gam bëmhbu ga fäxhu u hin e padi xan ho, xinda gue'bu ga øthu 'be'a gätho dím bënséhuh xan ho. ² Pe n'da ngu n'daj, ga øthu 'be'a i numanho ma mi 'yec'yeihu gue 'be'a dín te yu mbuhi u. ³ Tengu ra Cristo, him bi 'yøt'e 'be'a di hose pe bi 'yøt'e 'be'a bi numanho Oja.

Janangue'a bi 'yεmp'a rá Ta: "Go dá tuxä yun ts'ante bi si i," bi 'yεn a ra Cristo. ⁴ Ne 'be'a gätho bi t'o't' maya'bü bü ja rám hman Ojä, bi t'o't'i ngue da xängahü, ne di zerca ma mbuihü, di jajü ga tømhbu rám fäts'i Ojä, hin dan xømbuihü. ⁵ Ojä di jajü dan zämhbü bü, ne di zerca ma mbuihü. Ne dí äp rá mate di ja ahü 'da'angu guim bεmhbu n'da ngu n'da ahü, nguetho 'darbü güí bεhmbü ra Cristo Jesús. ⁶ Ne janangue'a da zä n'dat'a guim bεmhbu 'bü güí thändehü Ojä, ngue nu rá Ojä ne rá Ta ma Hmuhi ra Jesucristo.

Gä da sih ra hogamhman ü hing yü judío

⁷ Janangue'a n'da ngu n'da ahü gan numanhohü, ne ü yü judío ne ü hing yü judío, tengu thoho ra Cristo 'da nan zimanhog-dahü n'da ngu n'dajü. Ne gue'a ná εspahü Ojä a. ⁸ Nguetho bí 'yεh ra Cristo ngue din 'yεhë nangue yü judío. Ne bi ja'ts'a mi man Ojä maya'bü ngue bi sih yám bombøta yü judío ba εh ma yan-tehü. Janangue'a bi fädi majuqni bi man Ojä. ⁹ Pe ne ü hing yü judío ne ü yü judío bi jap ra Cristo 'darbü bi 'yεspa Ojä ü nangue rá mate. Tengu mán t'o't'i 'be'a bi xih rá Ta ra Cristo:

Ga xi ü hing yü judío nangue ni mate,
ne ga xifi εmmë xän ho i, bi 'yεmb rá Ta a ra
Cristo.

¹⁰ Ne man'da bi man ra t'ohni:

Gan johyahü ya gyü ja'l'i gue hin gyü judío
ahü, gan 'yohü ü bi huand Ojä ngue
yü judío.

¹¹ Ne man'da bi mam bü:

Dami 'yεspahü ra Hmu Ojä gyü ja'l'ihü ngue
'dahma 'dan'yo bü gná yähu gätho ná
nguni ra ximhäi,

gätho gui numansuhü Ojä.

¹² Ne bi 'yεn a ra pøngahyä Isaías:

Dim 'bü a n'da rám bom'beto ra Isaí gue ne'ü
hing yü judío da 'yεmbi rá Hmu,
ngue da dø'bü rám fäts'i a, bi 'yεna.

¹³ Nu'a Ojä di jajü dí tømhbu ran ho bi xijü.
Janangue'a dí äp Ojä da hyut'a ni mbuihü
nangue güí εc'yεihü a. Ne xíngui ts'ü nte
guim bεmhbu, pe thocpa thoho gui tømhbu
da mbäx ahü rá Hogandähi Ojä nangue rá
ts'edi.

I man ra Pablo hanja bi 'yo't' na ran zofo

¹⁴ Ma zi cu ahü, dí pøcä gue xän ngu
ni hogambuihü, ne i ja nin 'yomfεnihü

xän ho, ne guí pøhmbü 'da gdín xänba tho-hohü n'da ngu n'da ahü. ¹⁵ Pe guehma dá hut'anzambüi dá ot'ahü na, ngue dadí bεn'nahü 'be'a gá pøhmbü. Nguetho gue'a ran t'εdi bi 'dacä Ojä nangue rá mate. ¹⁶ Nguetho rá mbøfigä ra Cristo Jesús bü 'bü ü hing yü judío, dím mangä ran ho ma'da'yo. Ne tengu'bü drá mbäjä dadí hocpa rá 'bøts'e Ojä, nu'a nám bøni dadí hoc'a ni mbuihü ngue hing yü judío ahü n'dahma da numanho ahü Ojä. Ne ma-hoqui ahü nangue rá Hogandähi Ojä guín 'yohü. ¹⁷ Janangue'a εmmë i hu ma mbøigä nangue 'be'a gätho bi 'yørpa ü hing yü judío a ra Jesucristo, bi jaqui bi bømanho rá 'befi Ojä dá øt'ä bü i 'bü ü. ¹⁸ Pe hingui sä gam mangä 'be'a bi 'yøt'a ra Cristo nangue ü mi'da yá mbøfi. Pe hønt'a da zä gam mangä 'be'a bi 'yørpü dám pecä. Ne bi jap ü hing yü judío da den'na ra Cristo nangue ram hma dá xifi ne nangue yün t'øt'e bi 'yuti. ¹⁹ Nguetho bi 'yøt' yü hmøpya, ne yün t'øt'e mixte nangue rá ts'edi rá Hogandähi Ojä. Ne dá ja'ts'ä ma 'befi dá mangä ran ho ma'da'yo nangue ma yan-tehü ra Cristo. Dá dø'mi dá mangä bü Jerusalén, ne dá mangä gätho yü xequi nán zant'i ra häi gue'bü go má søm bü Ilírico, gätho dá mangä bü ram hma. ²⁰ Ne guehna dá nde ga øt'e, gue dá mba dá mamp'a ram hma guepü him mi färpa rá thuhu ra Cristo. Ngue hin dá nde dá mba bü ja yá 'befi ü mi'da bi mbøn'na ra Cristo. ²¹ Pe dá øt'ä tengu bi mam bü ja rá t'ohni, ngue i εna:
Nu'ü 'da gue njäm'bü mi sifi pe nuya da bød
ya.

Ne nu'ü 'da njäm'bü mi øde da zøni da bød
nangue rá 'yu Ojä.

Im bøni da mba bü Roma a ra Pablo

²² Ne janangue'a him 'bexque bi zä dá
mba bü güí bøhmbü. Nguetho guexta'a mi
ja ma 'befi ua bí ja ra xequi ua nán jongua.
²³ Pe nuya ya nte mi ja ua ma 'befi ya. Ne
xän ngu yü nidi mín nde xcá mba bü güí
'bøhmbü bü Roma. ²⁴ Ne mí ts'ütho ya ga
mbabü ga zengua ahü ne dam 'bøhmbü bü
'da yü pa. Ne nu'bü dá thopü Espanña, da
zä dan hyømhbu ts'ü bü ja ra 'yu ní mba
bü. ²⁵ Pe 'be ga mba bü Jerusalén, ne ga
dä bü a ra mbøti dí mbäx ü yü 'yεc'yεi bí

'bəpə. ²⁶ Nguetho bi bən u yə cu bí 'bəpə Macedonia nəpə Acaya ngue da mbäx'i ts' u yə hyoya 'yəc'yəi bí 'bəpə Jerusalén, ngue ga həx 'bə dá mba bə. ²⁷ Ne gue'a bi zənni da 'yət'u hing yə judío, nguetho in nde di co'ts'a ra mate bi t'ørpe. Nguetho bi gomhbə rán jəpi Ojə u hing yə judío u yə judío gue yá mi 'yəc'yəihə 'bəpə Jerusalén. Janangue'a nde da mbənbi ts' u ra mbəti u. ²⁸ Ne nu'bə ya dá dä a 'bə'a bi 'bəhnī, ja ga mba bə Roma ga nu ahə bə, ne ga thocä bə España bəya. ²⁹ Ne nu'bə dá səngä bə guí 'bəhmbə, dí pəcä da 'yənscahə rán jəpi xən ngu a ra Cristo nangue dí pəhmbə rám hma. ³⁰ Ma zi cu ahə 'yərcahə ts' u ra mate əmme gui 'yäfə rám fäts'i Ojə nanguecä, nangue 'dat'a ma Hmuhə ra Jesucristo ne nangue rá Hogandəhi Ojə bi jajə dan huəjə. ³¹ Dami xihibə Ojə da yəngui nangue u hing yə 'yəc'yəi bə ra häi Judea, gue't'a ra xəqui bə Jerusalén. Ne dami 'yäfə rá mate Ojə nangue u yə cu bí 'bəpə Jerusalén, ngue da hyəmanho a ra mbəti ga həx bə ga unni, ngue bi mbən'ndə hing yə judío bə Macedonia nəpə Acaya, ngue u yá cu. ³² Ne nu'bə da nde Ojə dan johyagä 'bə dá mbagä bə, dan säya ts' u bə guí 'bəhmbə. ³³ Ne nu Ojə nzai i hurpa rá mbəti n'da, pe ne ahə da hyut'a ni mbəihə. Ne hənt'a gam bəmhə a ya.

16

Nu ra Pablo i penba ran zəngua yá amigo

¹ Nuna man juhə ra Febe, mi ts'utho da mba bə guí 'bəhmbə ya ne di zəngua ahə na. Nuna, rá 'bəfi im fäxtē ram peti bə Cencrea. ² Ne dami simanhohə na, nangue rá thuhu ma Hmuhə, ngue nujə dyə 'yəc'yəihə gue'a man sähə ga øthə. Ne dami fäxhə 'bə'a gätho ní 'bəfi da 'yət'a ra Febe, nguetho guesə bi mbäx u xən ngu mi'da, necä bi mbäxqui. ³ Dami zənguagui ts' u bə ra Priscila, ne ra Aquila rá ndø, ma mimbəfihe nangue rá 'bəfi ra Cristo Jesús. ⁴ Ne nugä 'bə mi t'əna xtá thogä, ne u mi t'əna xtá tho u 'bə mí yəngä 'bə n'dandj. Gue'a ná undä ra jamadi Ojə nangue u. Pe hinga həngdä pe ne u gätho yá mpeti yə 'yəc'yəi ngue hing yə judío, 'da xna undähe ra jamadi Ojə nangue u. ⁵ Ne dami zənguagui ts' u u gätho dim peti bə rá nguse ra Aquila. Ne'a ma

amigogä ra Epeneto dami zənguagui ts' u bə a. Nu'a ra mbədi 'yəc'yəi bə ja ra häi Acaya a. ⁶ Ne'a ra María, dami zənguagui ts' u bə. Nu'a əmme xən ngu ra 'bəfi bi 'yət'e nangue ahə. ⁷ Ne a ra Andrónico ne ra Junias ma mijudíohe, ne 'darbə dá sāhe ran ənbi. Nu'u gätho yá 'bəihə ra Cristo i numanho u, ne m'bət'o bi 'yəc'yəi ra Cristo u xinda guecä. ⁸ Ne a ra Amplias dami zənguagui ts' u bə. Dadí huəcä a nangue rá thuhu ra Hmu. ⁹ Ne dami zənguagui ts' u bə ra Urbano, ma mimbəfi'be nangue ra Cristo, ne ra Estaquis ngue dadí huəqui. ¹⁰ Ne a ra Apeles dami zənguagui ts' u bə. Nu'a əmme bi ts'ä rá t'əc'yəi, ne bi bəmanho. Ne u 'bəpə ja rá ngu ra Aristóbulo dami zənguagui ts' u bə. ¹¹ Ne a ra Herodión ma mijudío'be, ne u 'bəpə ja rá ngu ra Narciso, gue nu yə 'yəc'yəi 'bəpə, dami zənguagui ts' u bə. ¹² Ne a ra Trifena ne ra Trifosa dim pəfi nangue ra Hmu, gätho dami zənguagui ts' u bə. Ne a ra Pérsida mahuəqui a, ne a xən ngu ra 'bəfi bi 'yət'e nangue ra Hmu. ¹³ Ne dami zənguagui ts' u a ra Rufo, an thahni da 'yərpa rá 'bəfi ra Hmu, ne a rá mbe tengu'bə ma mbegä a. ¹⁴ Ne a ra Asíncrito, ne ra Flegonte, ne ra Hermas, ne ra Patrobas, ne ra Hermes, ne u yən 'yohə bí 'bəhmbə u, dami zənguagui ts' u bə. ¹⁵ Ne a ra Filólogo, ne ra Julia, ne ra Nereo ne a rán ju a, ne a ra Olimpas, ne u gätho mi'da yə 'yəc'yəi bí 'bəpə. ¹⁶ Ne damín zənguaħə n'da ngu n'da ahə nangue ran huəcate. Ne gätho yá mpeti yə 'yəc'yəi ja ua i pen'nahə ran zəngua.

N'da ran zofo rán zəgui bi man ra Pablo

¹⁷ Pe dí xi ahə ma zi cu ahə, damim fäseħə nangue u to'o in nde di hec'ahə gue di 'uec'ahə nangue a ra hogamhma gán xānbahə. Pe hin gui 'yərbahə ra güenda u. ¹⁸ Ne nu'u yə 'yət'ate, hingui ørpa rá 'bəfi ma Hmuhə ra Jesucristo u. Ne i häte thoho nangue əmme xən ho 'bə'a mma ne i sixmanho ahə. Pe i härpa yá mbəti u 'da hingui pədi dim fäse. Ne gue'u yá 'bəfi zəhe i øt'u. ¹⁹ Pe nu'u mi'da gätho i pədi hin guí fəstahə rám hman Ojə. Janangue'a i hu ma mbəigä. Pe dadí hec'a thohohə ngue'a dín nde ahə guí pəhmbə gätho 'bə'a xən ho, pe nu'a hingui ho hin dín nde ahə guí pəhmbə a. ²⁰ Ne nu Ojə ngue'a nzai di hoc ra shi, nu'a di ja

ah^u 'dahmantho gui 'yeth^u b^u häi ra z^lthu nangue ^u to in nde di hec'ah^u. Janangue'a gui comhb^u rá mate ma Hmu^hu ra Jesucristo. Ne h^ont'a gam b^çmhb^u a ya.

²¹ Nuna ra Timoteo i p^{en}'nah^u ran z^{eng}ua, ma mimbefi'be na. Nehna ra Licio nehnna ra Jasón, nehnna ra Sosípater, ma mijudíohe ya, gätho i p^{en}'nah^u ran z^{eng}ua. ²² Nugä dí Terciogä rá 'yosøcu^gä ra Pablo, dí o't^ä ra s^øcu^q ja ua, dadí z^{eng}ua ah^u nangue ma Hmu^hu. ²³ Nehna ra Gayo, i p^{en}'nah^u ran z^{eng}ua, nuna di säyagui ua rá ngu drá Pablogä, ne ^u gätho y^u 'y^çc'y^{ei} di säyabi ua rá ngu. Nehna ra Erasto i ja rá 'befi i h^{aq} ra mbeti ua ja ra hnini, nehnna man 'yoh^hu^hu ra Cuarto, gätho i p^{en}'nah^u ran z^{eng}ua.

²⁴ Dami comhb^u rá mate ma Hmu^hu ra Jesucristo gue gätho ah^u.

H^ont'a Oj^u ga espah^u gätho y^u pa mazai

²⁵ Zai ga espah^u Oj^u, nu'a i ja rá ts'^{edi} di z^{et}'a ni t'^çc'y^{ei}ih^u 'b^u guím b^çmhb^u ran ho ma'da'yo ngue 'b^ç'a bi 'y^øt' ra Jesucristo, tengu dím mangä. Nguetho nuya i si ah^u ram hma ngue maya'b^u thoho him mí f^{aq}di.

²⁶ Pe nuya i pa mhman ya, ne i sifi gätho y^u ja'i h^{on}b^u go hap^u i 'b^ui gätho ra ximhäi. Ne nu'a ram hma i hman ya, guet'^u y^{ám} hman ^u y^u pøngahy^u Oj^u maya'b^u. Ne i hman ya nangue rán t'^çdi Oj^u gue i 'b^ui mazai, in ndepe gätho y^u ja'i da 'y^çc'y^{ei} ra hogamhma. ²⁷ Emme xun ho rá 'yu Oj^u bi 'daj^u, janangue'a ga espah^u Oj^u gätho y^u pa mazai nangue ga espah^u ra Jesucristo. Ne h^ont'a dí xi ah^u ya.

1 CORINTIOS

Ná n'da ra sōcuā bi 'yorba ra Pablo u yu 'yεc'yεi bū ja ra dāhnini Corinto

Ran zengua

¹ Ma zi cu ahu guí 'buhmbu bu ra dāhnini Corinto, dí ot'ahu ra sōcuā i jaua. Dí zengua ahu gätho gyu 'yεc'yεihu Ojá. Ne nugä drá Pablogä, bi huangä Ojá, ne rá pähä zehé bi xiqui gam mangä rám hman ra Jesucristo hōnbu go hapu. Ne'a man 'yohuhu ra Sóstenes dí 'bu'be ua, di zengua ahu. ² Nu'a ra Cristo Jesús bi 'uec'a ni mbuihu bu ja ra ts'oqui. Ne bi zon'nahu gui 'yørpahu rá 'befi Ojá. Ne tengu'bū 'darpu guí 'buhmbu u mi'da to'o gätho i thānde ma Hmuuhu ra Jesucristo, ngue n'dat'a ra Hmu dí comhbhu u. ³ Ne dí äpä Ojá ma Tahu ne ma Hmuuhu ra Jesucristo ngue di 'da ahu yén japi, ne'a rán johya gui hyāmhbu a.

Bi dīn yán japi Ojá nguetho i 'buhmbu ra Cristo

⁴ Bi 'da ahu yán japi Ojá nguetho 'darpu guí 'buhmbu ra Cristo Jesús. Gue'a ná undä ra jamadi Ojá a ya. ⁵ Ne nte di 'bepu ja nim petihu, nguetho 'darpu guí 'buhmbu ra Cristo. Pe gä i ja ahu ran 'yomfēni da zä gui pahmbu xən ho a ya, ne da zä guim mamhbu xən ho rá 'befi Ojá ya. ⁶ Ne gue'a rám hman ra Cristo gá hyāmhbu, gue'a gní bømanhohu a ya. ⁷ Janangue'a i juadi xən ho rá ts'edi bi 'da ahu Ojá nangue rá 'befi guí øthu gätho gní tømhbu dí 'yεh mahøn'a ma Hmuuhu ra Jesucristo. ⁸ Ne di ja ahu Ojá gan zəmhbu bu gue'bū go rán zegui yu pa, janangue'a nte ma ts'oqui da dīn'nahu 'bū bá peng ma Hmuuhu ra Jesucristo. ⁹ Nguetho dí pahmbu nzai di ja's'a im man Ojá, ne guese Ojá bi zoncahu dam 'buhmbu rá Ts'unt'u ma Hmuuhu ra Jesucristo.

Bin suh yu 'yεc'yεi

¹⁰ Dí äcä ra mate n'dat'a guim bømhbu, nguetho guí tøndhu a ma Hmuuhu ra Jesucristo. Ne 'yo guidín heju, pe jatho n'datho guim bømhbu ne n'dat'a guí 'yøthu. ¹¹ Gue'a dí xi ahu a, ma zi cu ahu, nguetho bi xicä

'da yu cu ngue yú mənguhu ra Cloé, bi xiqui 'be'a guí øthu. ¹² Nguetho guí ømhbu 'da ahu guí tengahu, ne εn'i 'da tøn ra Apolo, ne εm mi'da tøn ra Pedro, ne εm mi'da ngue tøn'na ra Cristo. ¹³ Pe ha guím bømhbu gá xemhbu ra Cristo. O xigä ha dá tugä bu ja ra pont'i nangue ahu. Uague guím bømhbu ngue gán xixyāhu nangue ma thuhugä. ¹⁴ Pe jamadi Ojá ngue njo'o to dá xixyā ahu, hønt'a ra Crispo ne ra Gayo. ¹⁵ N'damhma njon da zä da ma bin xixyā nangue ma thuhugä. ¹⁶ Ne hønt'u gätho 'bepu rá ngu ra Estéfano dá xixyābi. Pe hin dí dí mangä 'bu 'bo'o xcamá xixyābi mi'da, uague hønt'u. ¹⁷ Nguetho hinga gue'a ra 'befi bi xicä ra Cristo ga øt' ran xixyā, pe bi xiqui gam mangä ran ho ma'da'yo. Pe nu'bu dí mangä a, pe hin dí yä tengu bu na yä yam bømhyä, nguetho hønt'a dí honi da bøh yu ja'i ma ts'oquihu í du ra Cristo bu ja ra pont'i. Janangue'a din ja ra ts'edi ram hma di hocpa yu ts'oqui u.

Gue'a ra Cristo ní 'daju ran 'yomfēni Ojá

¹⁸ Pe nu'a ram hma ngue ra Cristo bi du bu ja ra pont'i, εmbi nte ní mbatho u ní mba bu ja ran unbi mazai. Pe nuju ná mbähä bu ja ra temazai, dí pahmbu gue'a ram hma ní zinju Ojá ngue bi du ra Cristo bu ja ra pont'i, bi hogá ma ts'oquihu. ¹⁹ Ne i εm bu rá t'ohni Ojá:

Ga uti ngue nte ní mbatho u im ma jase yán 'yomfēni,
ne ga hacpa yu ts'edi zehé yu ja'i, ga εm bu ma'ueni, bi 'yεn Ojá.

²⁰ Nguetho bi zän Ojá hin te ní mbat u to'o εna jase yán 'yomfēni, ne'u εmme bin xäse yam hmansé yu ja'i, ne'u εna padi da dāh yam hma. Nguetho hingui sä da yan a n'da u nangue yam hman u. ²¹ Ne bi bønse Ojá, bi zän bøya ngue hin dí bø Ojá n'da u yán 'yomfēnise. Pe bi zänni da yan u to da hyan'a rám hma nangue ra Cristo bi du, madague'bū t'εmbi nte ní mbatho.

²² Nguetho nu ma mijudíohe im bøni gue'u yán t'ø'e mixte da nu 'bu gue'a n'da ram hma ngue majuəni. Ne nu'u 'da ni mənguhu ngue hing yu judío ahu nzai i honse n'da ram hma ngue i εmb zehé majuəni. ²³ Pe nu'a ram hma dí mangä mamhbu ngue bi du

bu ja ra pont'i ra Cristo, njonguin numanhose a. Ne' u yu judío i san tho 'bu i sifi, ne' u hing yu judío i embi nte ní mbatho 'bu i sifi. ²⁴ Pe nuju ngue bi zoncah Oja, madague'bu dyu judío hogue hin dyu judío hogue, pe n'dat'a dí pahmbu i ja rá ts'edi Oja di hoga ma ts'oquih nangue'a ra Cristo bi du. Janangue'a bi nequi emme xan ndoho rán 'yomfeni Oja. ²⁵ Ne nuna ra 'yu bi zän Oja, pe man'da di muui na, madague'bu t'embí hin te ní mbatho, xinda gue'u yu 'yuse bi zän zehé yu ja'i. Ngue gue'a í t'embí hin'yu rá ts'edi Oja a, ngue bi du ra Cristo, pe man'da xan ngu bu ní nequi a, xinda gue'u gátho yán t'ot'e zehé yu ja'i. ²⁶ Ma zi cu ahue ngue bi zoncah Oja, gam bëmhbu hague dín jahu bu na nuju ra ximhái, ngue xan nguju dyu 'yambui, ne xan nguju hin'yu ma ts'edih, ne xan nguju ngue bin hyoya ma tah. ²⁷ Pe bi huan Oja u i t'embí yu 'yambui, n'damhma da mbe'ts' yu sá u i jase yán 'yomfeni. Pe gue'a í huan Oja u hin'yu yu ts'edi bu na nu ra ximhái, janangue'a da mbe'ts' yu sá u i jase yu ts'edi. ²⁸ Ne bi huan Oja u nte di muui bu na nu ra ximhái, ne' u to'o i pa nts'ani, pe man'da in numanho Oja u, ne gue'a dí 'berpa yu ts'edi u to'o ena i ja se yán t'edi. ²⁹ Janangue'a njon di jap Oja din 'yezehé. ³⁰ Ne bi jaj Oja 'darpu dám 'bahmbu ra Cristo Jesús, ne gue'a ní 'daju ran 'yomfeni Oja a, ne nangue'a ra Cristo ní zimanhoju Oja, ne gue'a í 'yercahu Oja ngue yu t'uhni gahue a, ne gue'a ní yanju bu ja ran ts'o. ³¹ Nguetho i mam bu ja rá t'ohni Oja, hin'yu 'be'a man'da ran ho da zä da man'a n'da, hinda hont'a ran ho bi 'yerpua Oja.

2

Hont'a ram hma 'be'a í du ra Cristo i ja rá ts'edi

¹ Ma zi cu ahue, nu'b u má mbaagä bu guí 'bahmbu, ngue dá xi ahue rám hman Oja majuani, pe hin dá huan thohogä yem hma guepu da numanhogä ra ximhái, ne hin te dá ma nangue man 'yomfénise. ² Ne nu'b u má bení ga mba bu guí 'bahmbu, pe dá bení hont'a ga xi ahue 'be'a ín unba ra Jesucristo 'bu mí du bu ja ra pont'i. ³ Ne nu'b u mám 'bahmbu bu, dá ot'ä hin'yu ma ts'edi, nguetho dá su Oja hin da numanho

'bu xcá uaçpa mam hmanse, ne dá fet'i. ⁴ Ne nu'b u mán yah u bu ngue dá xi ahue ram hma, hinga gue'a mam hmanse ngue mahotho bi pät a ni mbuih, pe hont'a rá ts'edi rá Hogandáhi Oja bi zä bi hoc a ni mbuih. ⁵ Janangue'a hinga gue'u yán 'yomfeni 'da yu 'yohu bi ja ahue gá 'yec'yehu Oja, pe hont'a rá ts'edi zehé Oja bi ja ahue gá 'yec'yehu.

Rá Hogandáhi di japi dífa Oja

⁶ Pe nu'a ram hma dím mamhb u nangue ra Cristo, go i p a xan ho yu t'ec'yec, ngue ran 'yomfeni majuani a. Ne hinga gue'a rán 'yomfeni ra ximhái bi b a u xan ho yu t'ec'yec, xinga gue'u yem hmanse u yu ngurpi ra ximhái, ne nu'u mi ts'utho di 'beh yu ts'edi. ⁷ Pe nu ran 'yomfeni dím mamhb u him mám fadi, pegue urcahu Oja ya, nangue ra Cristo mi sanni da yanju 'bu him mani 'yøt' ra ximhái, ne da zixcahu bu mahets'i ní comhb u rán ho buya. ⁸ Pe xinga n'da u i ena jase yu ts'edi ua ja ra ximhái ngue i parpa rán 'yomfeni Oja. Nu'b u xtám b a 'da, hin xtí cuarpu ja ra pont'i a ra Hmu mixte. ⁹ Pe tengu mán t'o't'i bu ja rá t'ohni Oja:
Hin da zä da b ase n'da a ran ho bi zän Oja
da 'yorpua u to'o hont'a Oja im bení,
ne njam'b u da zä da 'yose n'da,
ne njam'b u da zä da nuse n'da, bi 'yen rá t'ohni Oja.

¹⁰ Pe nuju dí pahmbu a, nguetho bi xiju rá Hogandáhi Oja. Ne nu rá Hogandáhi Oja di qts'i xan ho bu ja rán 'yomfeni Oja, ne gue'a i xiju a buya. ¹¹ Tengu yu ja'i hin jon da zä da b a rpa rá mbui rá mijai, pe hinda hont'a rá mbui zehé n'da i padi. Ne in jabu Oja, njon da b a rpi 'be'a mbení, pe hinda hont'a rá Hogandáhi zehé i padi. Ne di bengahue a. ¹² Nguetho bi 'daju rá Hogandáhi Oja, ne hinga gue'a rán 'yomfeni ra ximhái, ngue in nde di bengahue rán 'yomfeni Oja, ne gátho yu hogant'unni bi 'daju nangue rá mate xan ndoho. ¹³ Pe nu'b u dím mamhb u rán 'yomfeni Oja, pe hin dí uaçpah u yem hma nangue man 'yomfeni sehu, pe hont'u yem hma bi xängah u rá Hogandáhi Oja, ne da zä dí xihmbu xan ho u to'o bin t'un rá Hogandáhi Oja. ¹⁴ Pe nu'a hingui 'buhmi rá Hogandáhi Oja, hingui sá da hyaqni 'be'a gátho i xängah u rá Hogandáhi Oja, ne embi

rám hman a n'da ra 'yambéi. Ne njam'bá sä da bádi, hinda hónt'bá dim 'báhmi rá Hogandáhi Ojá. ¹⁵ Pe nu'a ra já'i ngue 'báhmi rá Hogandáhi Ojá da zá da bádi 'b'e'a nam bón'a 'b'e'a gá i ja, ngue nda'a da numanho ne nda'a hin da numanho. Pe nu'a hing ra 'yéci'yei hin da zá da bárpa yén 'yomféri u yá 'yéci'yei. ¹⁶ Njon da 'yénsé da bárpa rán 'yomféri Ojá ra Hmu, njo'o da xifi xán ho 'b'e'a da 'yot' Ojá. Pe nuju dí comhbá a rán 'yomféri a ra Cristo.

3

I comhbá Ojá rá 'béfi u yá mbéfi

¹ Ma zi cu ahá, nu'bá mám 'báhmbá bá him bi zá dá xi ahá u xán héi tengu i si u in 'youi xán ho rá Hogandáhi Ojá. Pe dá xi ahá tengu'bá gmí 'yothohá ua ja ra ximhái, uague tengu'bá ja gním 'báhmbá nangue ra Cristo. ² Pe dá xi ahá a hinguí héi tengu'bá ra xi'ba thoho dá 'da ahá, nguetho tengu'bá hin ní zá gui sihá xán ho ra hme. Ne ngutho ya, guexta'a hónt'a ra xi'ba da zá gdín sihmehá. ³ Nguetho hin guín zac ni mbáihá. Ne guín nde gam mixte zéhahá, jananjabá gadín sáhmbá. Pe ha hin guí óthá tengu'bá gyá já'i thohohá ua ja ra ximhái. ⁴ Nguetho guím mamhbá to'o guí tenhdá, ne 'da'ahá guí émhá guí tengahá, ne mi'da éna tén ra Apolo. Pe gue'a gní 'yóthá tengu'bá gyá já'i thohohá. ⁵ 'B'e'a dadí mu'be a ra Apolo. Ha hin guí pahmbá ngue yá mbéfi thoho gá'be Ojá, ngue dá fáxa'be gá 'yéci'yeihá ra Hmu, nangue ra 'béfi bin 'dac'be n'da ngu n'da gá'be. ⁶ Nugá dá tuh ra hmudá bá, ne nu'a ra Apolo bi uápi, pe nu'a Ojá bi japi bin te ne bi bóx u yá hmudá. ⁷ Janangue'a hin'yá rá ts'edi a bi duh ra hmudá, xinga gue'a bi uápi, pe hónt'a Ojá i ja rá ts'edi ngue bi japi bin te yá hmudá a. ⁸ Ne nugá dí comhma'béfi'be a ra Apolo, ne nugá dá tuhu, ne nu'a ra Apolo bi uápi. Ne di 'dac'be Ojá 'b'e'a in nde di 'dac'be nangue ra 'béfi dá ót'be n'da ngu n'da gá'be. ⁹ Nesé Ojá dí comhbé rá 'béfi. Ne nu'ahá tengu'bá yá huáhi ahá Ojá ngue bi thuhu.

Ne nu'ahá tengu'bá n'da ra ngu ngue i hó a Ojá. ¹⁰ Ne nugá tengu'bá n'da drá ngúrpagádo nangue rá mate zéhá Ojá, ngue dá fá'mi xán ho yá guanguádo a ra ngu.

Ne nu man'da pe di thoqui dim pérpá ja a ra ngu. Pe n'da ngu n'da ra mbéfi 'bá dim pérpá ja a ra ngu, pe i jatho dim pefi xán ho. ¹¹ Ne njon da zá di párpa a rá guanguádo ra ngu, ne hónt'a ra Jesucristo ngue rá guangu n'da rá ngu Ojá. ¹² Pe nu'u to'o di thoc'a ra ngu, sá da huahni xán ho 'b'e'a da japi. Xán ho 'bá xótho yá do dí fó't'a ra ngu, ne nu rá 'bet'e, xótho yá t'egui u. Pe 'bo'o im bení dí fó't' yá za, o gue yá 'yox'yo, ne 'bo'o im bení dí mbet' yá paxi. ¹³ Ne nu yá 'béfi n'da ngu n'da yá 'yéci'yei da hnu hangu nangu di muui 'bá bi zón ra pa din ja ran juanbi. Nguetho da zón ra pa da ts'á nangue ra sibi, ne da fah puya gue'bá xán ho bi 'yot rá 'béfi n'da ngu n'da yá 'yéci'yei. ¹⁴ Ne nu'bá n'da ra mbéfi bi hyát' ra sibi a rá ngu bi hyøe, da däh rán zábi báya. ¹⁵ Pe nu'bá bin zó a ra ngu bi hyøe, ne nte da däh rán zábi báya nangue rá 'béfi bi 'yot'e. Ne maguepá hin xtám bongui, tengu u 'da bi 'da 'bá min zó yá ngu. ¹⁶ Pe ha hin guí pahmbá ngue gue ahá yá ngu ahá Ojá, ne nu rá Hogandáhi Ojá i 'báphá mbo ni mbáihá. ¹⁷ Ne nu'a to'o da 'yéna di ts'onba rá ngu Ojá, émmé xán ngu yán unbi da 'yörpa Ojá. Nguetho nu rá ngu Ojá xán ndáxqui a, ne guesé ahá rá ngu ahá Ojá. ¹⁸ Ne hin da zá gui thoqui gan hyázéhahá ngue guim bémhbá jase nin 'yomférihá. Pe jatho gam pumbéñihá a guim bémsehá, janangue'a da zá gui témhbá a njuántho ran 'yomféri xán ho. ¹⁹ Pe nu rán 'yomféri ra ximhái nte di muui bá na nu Ojá. Ne gue'a mán t'o't'i bá rám hman a, ngue nu'a nín 'yomférihá n'da 'bá i éna dim mixte, pe di jap Ojá dim 'bésé bá n'da báya. ²⁰ Ne man'da bi man ram hma, ngue nu'a to'o éna jase yán 'yomféri, pe go i pá a ra Hmu ngue nte di muui u yán 'yomféri. ²¹ Janangue'a hin guim bémhbá man'da di muui n'da ra já'i. Pe Ojá bi 'da ahá gátho ni ngúrpiahá ngue da mbáx ahá. Ne gátho u i jaua ja ra ximhái ne'u 'b'e'a gá i 'báu, ne bi zán Ojá di ze ahá u. ²² Necá ngue drá Pablogá dí fáx ahá, ne ra Apolo, ne ra Pedro. Pe ne'a 'b'e'a gátho dín nuhá ua ja ra ximhái i fáxahá ga pahmbá Ojá, ne ra te i fáxahá, ne ran dáte, ne ra pa i jabá ya, ne ra pa ba éhe. Ne janangue'a gátho ni mbétihá u. ²³ Nguetho yá mbéti ahá ra Cristo ne nu ra

Cristo rá mbeti Ojá a.

4

Yú 'befi i øt' yú 'bäihu ra Cristo

¹ Pe nugä ne ra Apolo, ne jatho guim bëmhbu ngue yú 'yéhë gä'be ra Cristo, bin 'dac'be ra 'befi ngue ga xi a'be rám hman Ojá him mám fädi. ² Pe damím bëmhbu, n'da ra 'yéhë thoho 'bu bin t'un ra 'befi, i jats'edi tho di ja'ts'a sifi. ³ Pe hin dí ürpä a ra güenda a guím bëmhbu, ximangutho ü mi'da yú ja'i éngui hin dí ja'ts'i. Ne xínga guecä i sä ga pase 'bu dí ja'ts'i uague hin'na. ⁴ Pe nu ma mbüigä dím bëni hin dá soh ma 'befi. Pe madague'bu ngubu dím bënsé, pe jatho ga tø'mi gue'bu go da nuse Ojá 'be'a dá øt'ä. ⁵ Pe hin go m'bët'o gui 'yëmfu hingui ho bi 'yøt'a n'da. Pe 'be' gui tømhbu ba ɬh ra Hmu, ne gätho di nequi buya 'be'a mim bëmhbu mbo ma mbüihü n'da ngu n'dajü. Ne di un Ojá buya 'be'a rán säui a bi 'yøt'a n'da ngu n'da ra 'yëc'yëi. ⁶ Nu ram hma dí xi ahü, ma zi cu ahü, nanguecä'be ra Apolo, pe n'da ran zofo ngue hin da donts'i 'be'a gui 'yøthü. Ne him man guim bëmhbu i ja rá ts'edi n'da ra xänbate, ne xín guim bëmhbu n'datho xün ho xinda gue'ü mi'da. Janangue'a hin gui thoqui gan 'yëxhü. ⁷ Pe to'o bi ja ahü ngue xün ho ahü xinda gue'ü mi'da. Gätho 'be'a i ja ahü bi 'da ahü Ojá. Ne nu'bü guí pahmbu bin 'da'adahü 'be'a gä i ja ahü, pe hanja gnán 'yëzehëhü, tengu'bu gá tñsehü a ran ho i ja ahü. ⁸ Pe guí øthü tengu'bu gám hmusehü, ngue hin te guidí 'bëhmbu, ne tengu'bu ya bin 'da a ni ts'edihi ngue guidí mandahü gätho mi'da. Pe nuya tengu'bu ya gá sogaque. Pe hyöcta hmaha 'bu xquí sóni ngue xtín ja ni ts'edihi, nguetho necähe n'dat'a xtín 'dac ma ts'edihi 'bu. ⁹ Pe nugähe ngue ma 'bäihe ra Cristo, dím bëmhbe Ojá bi 'yørcähe ngue i hnuhäigahe xinda gue gätho mi'da. Ne tengu'bu dyá ofädihe i pe'ts'i da thoje. Ne i pa ma ünguigahe 'bu i thengahe ra ximhäi. Ne'ü yám 'bëhni Ojá mahëts'i di hyonya thoho nangue 'be'a dí sähe. ¹⁰ Ne nuje t'ëne dyá 'yämbüihe, nguetho dí tñhde ra Cristo. Pe nu'ahü èmmë guí homhbü da t'ën ahü i ja nin 'yomfënihü nguetho guí èna guí tñhde ra Cristo. Pe nugähe hin'yü ma ts'edihe bu na hnuje, pe nu bu

na hnu ahü tengu'bu èmmë i ja ni ts'edihi. Ne èmmë i pa nt'ëts'i ahü, pe nugähe i pa nts'ani gähe. ¹¹ Ne gätho yü pa xü thogui, ne gätho yü pa i jabü ya, èmmë dí sähe ra thuhu, ne ra tuthe, ne dyá 'yähehe, ne pa m'bë'migahe, ne hin hapü pöni i ja ma ngumhbe. ¹² Ne èmmë dí yähmbe ngue dadim pesche nangue ma 'yëhe. Ne èmmë i ts'anje, pe man'da dí äfe rán jápi Ojá nangue ü i sante. Ne èmmë pa ma üngui gahe, pe mpähä thoho dí häthe 'be'a i t'ørcahe. ¹³ Ne di c'äman'üje, pe man'da dín zomanhohe. Ne ngutho yü pa jabü ya, i t'ørcahe tengu'bu dyü ngohäihe ra ximhäi ngue hin'yü 'be'a dadí muje. ¹⁴ Pe hin dín nde ahü gui pe'ts' ni sähü nanguehna dí xi ahü. Pe dadí 'da ahü n'da ran zofo, nguetho tengu'bu ma t'ühni ahü èmmë dadí huëc'ahü. ¹⁵ Pe madague'bu xquín nuhü 'det'a mahuahi ni ngürpiü i xän'nahü nangue ra Cristo, pe hønt'a n'datho ni tahü i 'bu, ngue guecä, nguetho rá mbüdi thoho dá xi ahü nangue ra Cristo, jananjabü gá 'yëc'yëihü buya. ¹⁶ Janangue'a dí ä'ahü ra mate ngue gui 'yøthü tengu dí øt'ä. ¹⁷ Ne gue'a dá pëhndä bu ra Timoteo, ngue di ze ahü. Ne nu'a tengu'bu majuäni ma ts'ünt'ü ngue èmmë dadí huëqui, ne di ja'ts'i xün ho, nguetho èc'yëi xün ho a ra Hmu. Ne di bën'nahü ngue 'be'a dí øt'ä ngue dí tenni xün ho ra Cristo Jesús. Ne ngutho dím mangä bu hapü gätho i ja yám pëti yü 'yëc'yëi. ¹⁸ Nu bu guí 'bëhmbu, i 'bëpü 'da im bëni jase yü ts'edi, im bëni ngue hin ga mba bu. ¹⁹ Pe mi ts'ütho ga mba bu gan nu'ahü 'bu da nde Ojá. Ne ga pädi to'o gätho i èna i jase yü ts'edi. Ne hinga hønt'ü yám hma ga øts'e, pe gan nu 'bu majuäni i ja yü ts'edi nangue Ojá. ²⁰ Nguetho nu'bü majuäni di manda Ojá bu ja rá mbü n'da, hinga høntho da bädi din yä xün ho, pe din ja ra ts'edi njuänto. ²¹ Ha guín ndehü ga femhyä ahü 'bu dá mbagä bu, uague guín nde ga huëc'ahü 'bu dá sönge bu.

5

Da thøn'a thi n'da ra 'yëc'yëi bi 'yøt' tengu'bu ran 'yomt'ëni

¹ Ne dí øcä bin thäti rá hømbe n'da ra cu. Pe n'da ran thäti gá 'yøthü èmmë xün ts'otho, tengu'bu ran 'yomt'ëni. Ne njo'o to'o

numanho tengu a, xínga gue' u yu ja'i hingui
 ፩'yei Ojä. 2 Ne sää emme guídín 'yexhü güi
 emhbü nte guídí 'behmbü. Pe xingui ts' u
 tu ni mbüihü nangue 'be'a bi 'yø't'a. Hanja
 ngue hin güi hømhbü thi a. 3 Pe madague'bü
 njo'ogä bü güi 'behmbü, pe tengu'bü 'darpü
 dí 'behmbü, ngue dá sändä a ran unbi da nu
 a bi 'yø't' ra ts'oqui, tengu tho 'be ya dí 'bacä
 bü. 4 Pe i jatho gätho gam pëtihü nangue rá
 thuhu ma Hmuhä ra Jesucristo. Ne tengu
 thohö 'be necä dí 'bacä bü, janangue'a dá
 'da ahü ran t'ëdi i ja ua. Pe gan 'yohü rán
 t'ëdi ma Hmuhä ra Jesús. 5 Ne nu'a ran
 'yohü, dami hyømhbü thi da bent'a ra zithü,
 di unba rá ngoc'yei, n'damhma da 'yäp rá
 punbi Ojä nangue rá ts'oqui. Ne da zä
 da yan Ojä nangue rá mbüi 'be bi zon ra
 pa bá peng ra Hmu baya. 6 Pe hingui sää
 gan 'yexhü. Ha hin güi pahmbü n'da ram
 hma, ngue ts'utho ra íxi pe i sinni gätho ra
 jüni. 7 Dami hyømhbü thi a ra nyo'ixi ngue
 ran ts'o güi 'behmbü di ts'on'na nim pëtihü.
 Janangue'a xtán ho ahü, tengu ra thuhmë
 an t'øt'e nangue ra jüni ma'da'yo ngue nte
 ma íxi da mbë, i ts'i 'be ndäbaxjua. Ne i jatho
 dan hojü, gue'a bi nde a ra Cristo 'be mim
 'bëts'e zehë bi hoga ma ts'oquihü. Ne gue'a
 ra hmepya mi u u yu ja'i 'be ndäbaxjua mi
 pøxa n'da ra t'ëde'yo. 8 Janangue'a thocpa
 thohö hønt'a xan ho ga ñthü, ne hønt'a ra
 'yu majuqni ga tenhdü. Ne gue'a ra thuhmë
 a ngue hin'yü ra íxi. Pe hin ga ñthü tengu
 ra nyo'ixi, ngue 'be'a gätho dín numanhose
 nangue man 'yomfënisëhü, ne 'be'a gätho
 mi'da xan ts'o. 9 Pe nu ra sòcuq dá pen'nahü
 mam'bet'o, ne hin gá pahmbü 'be'a dín nde
 xcá xi ahü, ngue dá xi ahü hin gan 'yohü
 n'da ra 'yomt'ëni. 10 Pe hin dí en ahü him
 man zohmbü a hinga na padi, madague'bü
 yü 'yomt'ëni, ne yü ziyate, ne yü be, ne' u
 thånde yü hyäte ojä. Nguetho nu'bü güi
 sothohü, ne güi 'uehmbü ua ja ra ximhää
 'be. Pe hinga gue'a dá xi ahü a. 11 Pe nu'a
 mi nde xcá xi ahü, ngue hin güi 'yemfë
 ni cuhü u 'da, ne xin güi comhbü rá 'befi
 Ojä n'da 'be embi ra cu 'be güexta'a ran
 'yomt'ëni øt'e o gue'bü bin thåtui a him mi
 sää xtín thåtui, o ran ts'iyate, o i thånde yü
 hyäte ojä, o ne' u yü acuate, o gue ra iti,
 o gue ra be. Pe o guín 'yohü u tengu u,

xínga 'darpü gan sihmehü. 12-13 Nguetho
 ni 'befihü güi juqnbahü ni mi'yec'yeihü 'bepü
 ja nim pëtihü. Janangue'a güi hyømhbü thi
 a bi 'yø't' ra ts'oqui bü güi 'behmbü. Pe nu'u
 hinga ná ec'yei, hingui sää ga juqnbahü, hønt'a Ojä di juqnbahü.

6

Sä din hocpa zehë yü 'yec'yei

1 Hanja gnín yap zehëhü ba 'be'h ra ze'mi,
 nu'a hing ra 'yec'yei. Hanja hinga gue' u ni
 mi'yec'yeihü güi xihmbü di hoc'ahü. 2 Ha
 hin güi pahmbü ngue ga juqnbahü ra ximhää
 'be rán zegui yü pa, nguetho yá t'uhni gahü
 Ojä. Hague má guet'u yen sui dí ñothü hin
 ga hoju, nguetho man'da hingui hei dan
 hocpahü. 3 Ne asta gue' u yám 'behni Ojä
 mahëts'i ga juqnbahü. Ha má guet'u yen
 junt'i dí ñezehëhü yü pa i jabü ya ngue hin
 da zä ga hoju. 4 Janangue'a nu'bü ja n'da
 ran junt'i, pe hin ga xihmbü n'da ra ze'mi,
 nguetho hin dí comh ma 'befihü a. 5 Gue'a
 dí xi ahü a, janangue'a jatho güi pëts' ni
 sähü 'be'a güi ñothü. Ha njo'o n'da ahü i ja
 ts' u ran 'yomfëni ngue'a di hoc'ahü nangue
 ran sui güi ñothü. 6 Ha i jatho da zix rá cu
 bü 'be'h ra ze'mi n'da ra 'yec'yei, ne hing
 ra 'yec'yei a ra ze'mi. 7 Ne nu'a gní 'yøthü
 yen junt'i, ne gue'a gním 'behmbü a. Hanja
 hin gní hyäthü a ran ts'o i t'øt ahü, ne hin
 güidí jafü da fë ahü 'be'a güi peshü. 8 Hin
 güi häthü, nguetho guesë ahü güi ñorpahü ran
 ts'o ni cuhü, ne güi pefü 'be'a i pëts'i. 9 Pe ha
 hin güi pahmbü ngue hin da zä da yurpü di
 manda Ojä n'da ra ts'om'bäi. Ne o sää guim
 bëmhbü da zin Ojä u yü 'yomt'ëni, o gue' u i
 thånde yü hyäte ojä, o gue' u in nutonto yü
 xisu yü mim 'yohähü, o gue' u di 'yästabä yü
 mim 'yohähü tengu'bü ra xisu. 10 Ne hin
 da yurpü di manda Ojä u yü be, o yü ziyate,
 o yü iti, o yü acuate, o yü nexmate. 11 In
 jabü gá 'yøthü 'da ahü, pe bi mba m'be't'e
 ni ts'oquihü, ne guesë Ojä bi 'yøt'e yü t'uhni
 ahü. Ne bi hoc'ahü nangue a güi ec'yeihü
 ra Hmu Jesús, ne nangue a güi 'behmbü rá
 Hogandähi ma Ojähü.

Rá mbeti Ojä ma ja'iühü

12 Majuqni a ram hma ngue i ja man
 t'ëdihü ga ñothü 'be'a gätho dín ndehü. Pe

m'batho a da bømanho ga øthø. Majuani ngue i ja man t'edihø ga øthø 'be'a gäthø dín ndehø. Pe hin gan nde ga øthø a da dacpa ma mbøihø. ¹³ Ne majuani a ram hma nangue ran ts'ihme, ngue nu'bø in ndehme ma fohohø, dan sihmehø. Pe hin'yø 'be'a man'da nts'ænni nangue ma fohohø, ne da zøn ra pa ngue da man Ojø him man dan sihmehø. Pe nu'bø in nde ran 'yomt'ëni ma ja'ihø, hingui sã ga øthø a, nguetho nu ma ja'ihø bi zän Ojø dim 'bøpø ra Hmu. ¹⁴ Ne da xox Ojø ma ja'ihø nangue rá ts'ëdi, tengu thoho a ra Cristo bi xox 'bø mi du. ¹⁵ Ha hin guí pahmbø ngue nu ma ja'ihø, gue'a rá ja'i ra Cristo a. Ha da zä ga hajø n'da xequi rá ja'i ra Cristo, ngue ga øt' ran 'yomt'ëni, tengu'bø n'danjø'i tho ga øt'be n'da ra xisu ra 'yomt'ëni. Pe hingui sã ga øthø tengu a. ¹⁶ Pe gue'a i øt' ra 'yomt'ëni bø na nu Ojø, tengu bi mam bø ja rá t'ohni, ngue nu'u mi yonjø'i, pegue bi 'yøt'e tengu'bø n'danjø'i tho bi gohi. ¹⁷ Pe nu'a ra ja'i 'bø in 'youi ra Cristo, tengu'bø n'danjø'i tho da 'yøt'ui. ¹⁸ Janangue'a da zä guí 'dahmbø bøya nangue'a ran 'yomt'ëni. Nguetho nu mi'da yø ts'oqui di ts'onba bø maxøts'e rá ngu Ojø, pe nu ran 'yomt'ëni di ts'onba bø mbo rá ngu Ojø. ¹⁹ Ha hin guí pahmbø ngue nu ni ja'ihø rá nguse rá Hogandahi Ojø a, nguetho 'bøpø mbo ma ja'ihø a, gue'a bi 'dajø Ojø a. Ne nu ni ja'ihø hin ni mbøti zehøhø a. ²⁰ Nguetho Ojø bi 'yøt'e rá mbøti ahø, ne tengu'bø xøm hmadi bi gut'i. Janangue'a ga ørpahø rá 'befi Ojø nangue ma ja'ihø ne nangue ma mbøihø.

7

Ran zofo nangue ran thaqi

¹ Pe nuya ga xi ahø a guí ängahu. Ne ya dí xi ahø ngue xøn ho 'bø da zet'a n'da ran 'yohø, hin da hyon rá xisu. ² Pe èmmè xøn ngu ran 'yomt'ëni i ja. Janangue'a man'da xøn ho 'bø dim 'bøh rá xisu n'da ran 'yohø, ne dim 'bøh rá ndø n'da ra xisu. ³ Nu ran 'yohø i jatho dim 'bøhmi xøn ho rá xisu. Ne ngutho ra xisu, i jatho dim 'bøhmi xøn ho rá ndø. ⁴ Nguetho nu n'da ra xisu hin di manda zehø a rá ja'i zehø, pegue di manda a rá ndø. Ne ngutho n'da ran 'yohø hin di manda zehø a rá ja'izehø,

pegue di manda a rá xisu, nguetho n'dat'a ram 'bøi øt'e. ⁵ Pe hin da 'ue'a n'da nangue rá xisu, ne xín da 'ueh ra xisu nangue rá ndø. Pe hinda hønt'bø gá bømhø gan yahø Ojø 'da yø pa da zä gui seethø. Pe i jatho 'da'angu guim bømhø ni xisu. Ne m'bøjua bøya da zä gan yahø ni xisu mahøn'a. Nguetho nu'bø nya'a ts'ø yø pa hin gui yahø ni xisu, xømhøma thoho da hyä ahø ra zøthu 'bø hingui sã gui seethø. ⁶ Nu'a dí xi ahø, tengu'bø n'da ran t'ëdi. Pe hin dadí hec'ahø 'bø guín nde gan thøthø o xin guín nde gam 'bøsehø. ⁷ Pe dí ènsegä ngue xøn ho 'bø gäthø dim 'bøse tengugä. Pe hingui sã, nguetho n'da ngu n'da bin 'dajø ra ts'ëdi nangue Ojø, ngue 'dahma 'dan'yo ga øthø n'da ngu n'dajø. ⁸ Pe dí xi ahø, nu'u to'o hinga na din thøti, ne'u xøn du yø xisu, ne'u xøn du yø ndø, man'da xøn ho 'bø ya hin gan simhbø, tengu thohogä. ⁹ Pe nu'bø hingui sã da zethoho n'da, man'da xøn ho da hyon rám pøpiui, ngutho n'da ra xisu, ne ngutho n'da ran 'yohø. Nguetho èmmè di xømbøi ngue njongui 'bøhmi. ¹⁰ Ne dí xi u to'o i 'bøhmi yø ndø, hingui sã da zogui. ¹¹ Ne nu'bø bi zoh rá ndø n'da ra xisu, i jatho dim 'bøse, o gue dim 'bøhmi mahøn'a a rá ndø. Ne ximangutho n'da ran 'yohø, hingui sã din xummi a rá xisu. Ne nuna ran t'ëdi i jaua dí xi ahø, him mam hmansègä, pegue rám hma ma Hmu høra Jesucristo 'bø mi'bøcua ja ra ximhäi. ¹² Ne nu man'da ram hma dí xi ahø him bi man'a ma Hmu hø 'bø mi'bøcua. Ne nu'a ram hma dí xi ahø, nu'bø n'da ra cu, ngue hing ra 'yøc'yei a rá xisu, pe nu ra xisu 'bø in nde ma zä dim 'bøpø, pe man'da xøn ho 'bø di thoqui dim 'bøhmi. ¹³ Ne ngutho n'da ra xisu 'bø ra 'yøc'yei, ne hing ra 'yøc'yei a rá ndø, pe nu rá ndø 'bø ma zä in nde dim 'bøhmi a rá xisu, pe man'da xøn ho 'bø di thoqui dim 'bøhmi. ¹⁴ Ne nu Ojø di jamansu n'da ran 'yohø ngue hing ra 'yøc'yei, ngue'bø ra 'yøc'yei a rá xisu. Ne ngutho n'da ra xisu ngue hing ra 'yøc'yei, pe Ojø di jamansu ngue'bø ra 'yøc'yei a rá ndø. Nu'bø hin xtan jabø, ya hin xtí jøp Ojø ni t'uhnihø 'bø. Pegue ya majøpi nangue Ojø. ¹⁵ Pe nu'a ran 'yohø hing ra 'yøc'yei, o gue n'da ra xisu, ne nu'bø in nde da zo a ra 'yøc'yei mi 'bøhmi, man'da xøn ho 'bø

di thøtho da mba. Ne hingui sā da 'yørpa ra ts'edi dim 'bøhmi 'bø ya hingui nde. Nguetho Oja bi zängahø dam 'bømanhohø ngue nte man sai din ja. ¹⁶ Ne nu'bø guí 'bøhmbø hing yø 'yøc'yøi, xømhma thoho da yan yø mba'i 'bø gui fäxhø da dñ ra 'yu, ne'ahø gyø xisuhø, ne'ahø gyøn 'yohø. ¹⁷ Pe jatho gui 'yøthø a dí bømanho a rá ts'edi bi 'da ahø Oja, n'da ngu n'da ahø, ngue nda'a bi zän Oja gdám 'bøhmbø, tengu gmí øthø 'bø hin ni zon'nahø Oja. Ne ngutho díxicā mi'da ngue hønbø go hapø i ja yém pøti yø 'yøc'yøi. ¹⁸ Ne nu'u to'o nthøqui yø xifani 'bø mi 'yøc'yøi Oja, pe i jatho guexta'a rá hmøpya yø ja'i nguetho yø judío. Ne nu'bø n'da ngue him mán thequi rá xifani, pe hin da bøni ngue m'bøjua tho da hyøqui. ¹⁹ Nguetho nte ni mba tho 'bø am hmøpya uague hin'na. Pe man'da i jats'editho ga øthø a i xijø Oja. ²⁰ Pe n'da ngu n'da da 'yøt'e nda'a da zä dám 'bøi, tengu mi øt 'bø hin ni 'yøc'yøi. ²¹ Nu'bø gmín 'yøhøhø bø 'bøh yø ja'i 'bø gmí däp ni mbøihø Oja, pe hingui jatho gui päh ni 'bøfihø. Pe nu'bø da xi a ni hmuhø ngue gui pømhbo, pe man'da xøn ho 'bø gui pømhbo bøya. ²² Ne nu'bø n'da ra 'yøhø, 'bø mi däp rá mba'i ra Cristo, bi mba ma thøgue bø na nu Oja. Ne ximangutho n'da ra ja'i ngue him bin 'yøhø, pe bin 'yøhø nangue ra Cristo. ²³ Ngue nu Oja bi 'yøt'e yø t'uhni gahø, ne tengu'bø xøm hmadi bi gut'i. Janangue'a 'yo guí tenthohohø 'bø'a di 'bøp ahø gui 'yøthø yø ja'i 'bø i xi ahø gui 'yøthø yø ts'ouqui. ²⁴ Ne n'da ngu n'da ahø, ma zi cu ahø, gui thoqui gui 'yøthohohø ni 'bøfihø, tengu gmí øthø 'bø hin gní 'yøc'yøihø Oja. Pe man'da gui thoqui gui 'yøthø xøn ho guepø da numanho Oja. ²⁵ Ne nu man'da ram hma guí ängahø nangue'ø njo'o yø xisu o yø ndø, pe hin'yø n'da ram hma bi mansø a ma Hmuhø ra Jesucristo 'bø mim 'bøcua ja ra häi. Pe ga xi ahø a dím bøngä. Ne xøn ho 'bø gui 'yøthø a dím mangä, nangue a rá mate ma Hmuhø bi 'dac ran 'yomføni. ²⁶ Ne nu mam hmangä dí xi ahø ya, nangue njo'o yø xisu o njo'o yø ndø, xøn ho 'bø din jatho tengu in ja ya. Nguetho nu'u yø pa jabø ya, xøn høitho 'bø gan nuhø yøn unbi 'bø dán simhbø. ²⁷ Ne nu'bø n'da i 'bøh rá xisu, hin da bøni ngue da hyøgui, ne nu'bø n'da njo'o

rá xisu, hin da bøni da hyoni. ²⁸ Pe nu'bø guín ndehø gan simhbø, hin guim bømhø ngue ra ts'ouqui a. Ne ngutho 'bø n'da ra hmute da bøni din thøti, pe hin da 'yømbi ra ts'ouqui a. Pegue nu'bø gan simhbø, man'da xøn høi ram 'bøi gui 'yøthø, xinda gue'bø njon xtím 'bø ahø. Ne dín nde gan yan ahø nangue a xøn høi. ²⁹ Ma zi cu ahø, nu'a nam bøn a dí xi ahø, him min ngu yø pa dam 'bøhmbø ua ja ra ximhøi. Janangue'a ijatho ga humbahø ga juahmbø n'dihi rá 'bøfø Oja yø pa ní mba bø. Ne nu'u to'o i 'bøh yø xisu bøya, ne xingui ts'ø da bøni da 'yøts'a rá 'bøfø Oja nangue a rá xisu. ³⁰ Ne hingui sā nya'a ga esha rá 'bøfø Oja 'bø ya dín nuhø ra dumbøi, nguetho dí xønhødø ga juahmbø n'dihi rá 'bøfø Oja. Ne xíngui sā nya'a dan johyahø nangue ma amigohø, xínga gue'ø dí tämhø nya'a gan numanho. ³¹ Ne ngutho a to'o gätho i øt' yø 'bøfø zøhø ua ja ra ximhøi, pe man'da zi ts'øtho da bøni. Nguetho mi ts'øtho da guadi 'bø'a gätho dín nuhø ya. ³² Janangue'a dín nde ahø ngue man'da ts'øtho guim bømhø 'bø'a di høn ahø ua ja ra ximhøi. Ne nu'bø n'da ran 'yøhø ngue njo'o rá xisu, pe man'da ømmø da bøn a rá 'bøfø Oja, nguetho 'bøse, ne i honi 'bø'a da numanho Oja. ³³ Pe nu'bø ya i 'bøh rá xisu, ne hinga hønt'a rá 'bøfø Oja da hyom bøya, ne'a rá xisu da numanho ne da hyonbi 'bø'a gätho da hyoni. ³⁴ Ne nu'a n'da ra xisu ngue njo'o rá ndø, pe man'da da zä hønt'a rá 'bøfø Oja da bøni da 'yøt'e. Pe ne'a rá ja'i ne'a rá mba'i hønt'a rá 'bøfø Oja øt'e. Pe nu'a ra xisu 'bø ya i 'bøh rá ndø, ne da 'yøt'e dí numanho a rá ndø. ³⁵ Ne nuna dí xi ahø dín nde ga fäx ahø, ne hin dín nde ga unnahø. Ne dín nde ahø gui 'yøthø a xøn ho, ngue hin di høi ni mbøihø 'bø gui 'yøthø rá 'bøfø Oja. ³⁶ Pe nu'bø n'da ran 'yøhø ngue i 'bø a n'da rá t'ixu, ne ya bi zøn ra ora din thøti. Ne im bøni hingui ho 'bø da zømmi, ne ømmø in nde rá t'ixu din thøti, xøn ho 'bø di thørpø a rá t'ixu, ne hin da 'yømbi ra ts'ouqui a. ³⁷ Pe nu'bø n'da ran 'yøhø hin te im bøn rá mba'i ngue din thøt'a rá t'ixu, ne nu'bø ja rán t'ødi rá ta da zä da xifi, pegue man'da xøn ho 'bø dim 'bøtpø. Ne n'dat'a im bøni ngue gue'a xøn ho da 'yøt'a. Ne da bødi xøn ho a bi 'yør bøya. ³⁸ Janangue'a nu'u to'o di thørpø

yú t'ixu, xən ho i øt'e, pe ne'ʉ to hingui nde di
tharpa yú t'ixu, pe man'da xən ho i øt'ʉ. 39 Pe
nu'bʉ n'da ra xisu bi hyon rá ndø, pe i jatho
dim 'bʉhmi gätho yʉ pa i 'bʉ a rá ndø. Ne
nu'bʉ ya bi du a rá ndø, 'bʉ in nde din thät
mahøn'a, xən ho ngue din thäti, pëgue n'da
rá mi'yec'yεiui din thätui mahøn'a. 40 Pe dí
ɛnsegä ngue man'da din johya 'bʉ hin din
thäti mahøn'a. Ne dím bεni ngutho di bεngä
rá Hogandähi Oja.

8

'Da yʉn t'änni nangue yʉ 'bøts'e

¹ Ne nuya dín nde ga xi ahü a gá 'yängahu, 'bü da zä gui sahü a ra ngø xí 'bøspa u yü hyäte ojä, uague hin'na. Ne majuäni guim mamhbü ngue gätho gahü dí pähmbü xän ho a. Pe nu'a gní pähmbü, gue'a gnín 'yäxtahü a. Pe man'da gue'a ran huäcate nan te rá 'befi Ojä a. ² Pe nu'bü guí ɛnsehü guí pähmbü ran 'yomfäni, pe guepü na fapü bäya ngue hinga ná pähmbü xän ho, nguetho guidín 'yäxhu. ³ Pe nu'bü majuäni dín numanhohü Ojä, ne dí comhbü rán 'yomfäni Ojä 'bü. ⁴ Nuya, nu'ü 'bé'a gätho bí 'bøspa u yü hmite, pe dí pähmbü hing yü ojä u ɛmbi n'youi. Ne dí pähmbü n'datho Ojä 'büi, ne hönt'a i ja rá ts'edi a. ⁵⁻⁶ Ne madague'bü t'ɛmbi 'büah yü ojä ua ja ra häi nɛpü mahäts'i, ne t'ɛmbi xän ngu yü ojä ne yü hmu, pe nujü, hönt'a n'datho a Ojä dí 'bühmbü, ngue ra Ta, ne bi zänni 'bé'a gätho i ja, nejü bi zängahü ga ørpahü rá 'befi. Ne hönt'a n'datho a ra Hmu dí 'bühmbü, ngue gue'a ra Jesucristo a, ne gue'a í 'yøt' Ojä 'bé'a gätho i ja, ne gue'a bi 'daju ra te xän ho ma mbüihü a. ⁷ Pe hinga gätho yü cu guí 'bühmbü i pädi xän ho nangue u yü hyäte ojä, ne zai mi thände u, janangue'a ɛna guexta'a im bëm 'bü ya bi za a ra ngø xí 'bøts'e. Ne i ɛnse ngue'a ra ts'oqui a 'bü ya bi za, nguetho hinguin zai yü t'ɛc'yüi. ⁸ Pe hinga gue yan ts'ihme dí sihü nan numanhohü Ojä. Xín gam bëmhbü ngue'a nan numanhohü a 'bü dí sihü o hin dí sihü. ⁹ Pe i jatho gui jamansufü yü mbü ni cuhü. Ne mami jafü da däng bü ja ra ts'oqui, nguetho hinga na pädi 'bé'a guí Øthü 'bü guí Øthü a guí pähmbü xän ho. ¹⁰ Pe xi'bü da nu ahü 'da ni cuhü gue'a guí sihmehü bü ja yü njä yü hmite. Ne guí pähmbü xän

ho 'b'e'a guí sihá. Pe nu'á ni cuhá im bénse
gue'a ra ts'oqui a 'bá da ts'i. Ne xi'bá sá da
'yéna da hyut'an zambái da ziá xí'bóx béya.
11 Jananjabá nu nin 'yomfénihá gue'a nam
'béh ni cuhá a, nguetho hinga na pádi xán
ho. Pe nu'á ni cuhá, gue'a í du ra Cristo a
ngue da yanba yá te. 12 Janangue'a nu'bá
ngubá guí ðótha, pe guí ðópahá ra ts'oqui ra
Cristo 'bá, nguetho guí ðópahá ra ts'oqui
ni cuhá ngue hinguin zaqui yá t'ec'yéi, ne
guidí ts'onbahá yá mbái. 13 Ne nugá drá
Pablogá, nu'bá gue'a ra ngø dí sagá nin
unba rá mbái n'da ma cu, pe man'da xán ho
'bá him man ga sagá ra ngø 'bá, janangue'a
hin ga japi da mbeng bá ja yá ts'oqui n'da
ma cu.

9

*Da b̄enī nda'a x̄n ho da 'yōt' yá 'bāih̄ ra
Cristo*

¹ Ne nugä man'da ja man t'ëdi xcá øt'ä 'bë'a gätho dín numanho ga øt'ä, nguetho majuäni ma 'bäigä'be a ra Cristo, ngue dá nusegä a ra Hmu. Ne mfädi majuäni bin 'dac man t'ëdi nguetho dá ja ahü gá 'yëc'yëihü Ojä nangue rám fäts'i ra Hmu.

² Ne masque i 'bä'h mi'da ḡngui him ma
'bäigä'be ra Cristo, pe nu'ahꝫ guí pahmbꝫ,
ne mfädigui nangue ahuꝫ. ³ Ne gue'a ga xicä
ꝫ to'o da 'yängui nangue man t'ëdi. ⁴ Ne i
ja man t'ëdi xcá tåh man zäbi o xtín 'dac
man ts'ihmë. ⁵ Ne i ja man t'ëdi xcán that'be
n'da ra xisu, ngue ma mi'yëc'yëi'be, ne xcá
sits'i hönbtꝫ go hapꝫ dí 'yo, tengu i øt'u yún
'yohꝫ ra Cristo, ne ra Pedro, ne mi'da yá
'bäihꝫ ra Cristo. ⁶ Pe ha guím bëmhbtꝫ hin'yꝫ
man t'ëdi'be a ra Bernabé ngue xcá e'ts' ma
'bëfi zëhë'be ngue'a ná tåh man ts'ihmë'be.

⁷ Nguetho njo'o n'da ra dofui i juzehe yá
gasto zehé. Ne n'da ra ja'i 'bu i øt' ran
uændät'ä i jant'ëdi da zi. Ne yu ja'i 'bu di
'yeh yá dë'yo, i jant'ëdi da zip yu xi'ba u yá
dë'yo 'bu in nde. ⁸ Pe hinga hønt' u yu ja'i im
ma tengu na dí xi ahü, pe ne'a Oja im ma
tengu na, ne gue'a mán t'o't'i bu ja rán t'ëdi
Oja a. ⁹ Nguetho nu'a rán t'ëdi Oja bi 'yo't'a
ra Moisés: "Pe nu'bü n'da ra mbændäni i
pu, hingui sä da thurpa rá nde, n'damhma
da zä da za u yu xi'yømpøhø i jabü," bi
'yëna. Pe ha gam bëmhbü hønt' u yan däni

in nu Oja. ¹⁰ Ha hin dí pahmbu ngue neju da t'ørcahu a i hmangua, nguetho n'da ran t'uti a, man t'o't'i nangueju. Ne tengu'bu dadim pahmbu bu ja ra häi, ngutho u yu duju ne'u yu mbeju, ne xan ho 'bu da bëni da däg yén zäbi nangue yé 'befi øt'e. ¹¹ Ne nugä'be tengu'bu ya dá tu'be ra hmudä bu guí 'buhmbu nangue ra te. Pe xiya ha guím bëmhbu hingui ho 'bu xcá xoc'be ngue ga si'be. Nu'a nam bøn'a dí xi ahu, tengu'bu ya xquí jurca'be. ¹² Pe nu'u mi'da yu xänbate i häni 'be'a guídí unhdhu, ne man'da i ja man t'ëdi'be xcá ham'be 'bu xcá nde'be. Pe hinga gue'a dí hongä'be ngue'a ga tq'be. Xan ngu u gätho dadín 'yepa'be, nguetho dí su'ahu hin xquí hyämhbu a rán ho ma'da'yo ra Cristo. ¹³ Pe guí pahmbu 'be'a i øt'u to'o dim pepu ja yu nijs ma mijudiohe, hønt'a i tñm bu ja ra nijs i si, ne gue'a nam pep u yu t'unni din t'un'na Oja bu. ¹⁴ Ne nguthogähe ya, ngue'a dím mamhbe rán ho ma'da'yo ra Cristo, bi zän ra Hmu ngue gue'a dám pepähe a rám hma. ¹⁵ Pe hin dí øt'u yu t'ëdi gä bin 'daqui. Ne hinga gue'a nam bøn'a dá ot'ahu a, ngue gui 'daju man zäbigä. Pe man'da xan ho 'bu ga tugä, xínda gue'bu 'bo'o da 'uïngui, ne ndetho dí 'uega man johya. ¹⁶ Pe nu'bø hønt'a ga øt'a ngue ga mangä rám hman ra Cristo, pe hin dí guah man johyagä a 'bu, nguetho gue'a ín 'dac ma 'befi a. Nguetho jats'ëdi tho gam mangä a ram hma. ¹⁷ Pe nu'bø mpähä thoho dí øt'a rá 'befi ma Hmu, ne i ja 'be'a dí tähä. Pe nu'bø dats'ëdi tho ga øt'e ts'utho, pe guemhma 'yo ma güenda ga juadi. ¹⁸ Pe 'be'a nin jurca 'bu mpähä thoho dím man rán ho ma'da'yo ra Cristo. Pe man'da dí täh ran johya 'bu nte dí tacä ra hmë. Janangue'a man'da xan ho 'bu nte ga tähä, madague'bu i ja man t'ëdi ngue xcá tähä nangue'a ma 'befi. ¹⁹ Ne madague'bu hingan ts'änni ngue dan 'yehgä, ne njo'o n'da ra ja'i ngue'a ma hmu, pe dí cohi tengu'bu drá 'yehgä u gätho yu ja'i, nguepu da zä ga zedi da dñr ra 'yu xan ho u mi'da xan ngu. ²⁰ Janangue'a nu'bø dí 'buhmbu ma mijudiohe, ngue i øt' yu t'ëdi bi xi Oja yu judío, necä dí øt'a u, madague'bu hin di mandagä u. Janangue'a da zä ga zerpa yu mbhi da 'yec'yëi ra Cristo. ²¹ Pe nu'bø dí 'buhmbu u hingui pah yu t'ëdi bi xi Oja yu

judío, necä hin dí øt'a u. Janangue'a da zä bu ga zedi da 'yec'yëi ra Cristo. Pe hingui nde da ma ngue dí sotho u yán t'ëdi Oja, nguetho dí tendä a im man ra Cristo. ²² Ne nu'bø dí 'buhmbu xan güent'i thoho yá t'ëc'yëi, pe necä dí øt'a tengu'bu xan güent'i thohogui, janangue'a i sä bu dí zedi da 'yec'yëi ra Cristo. Ne gue'a dí øt'a, ngue 'da'iguje n'da ngu n'da yu ja'i, ne dí honi xan ho 'bepu dí 'yec'yëi yu ja'i. ²³ Guehna gätho dí øt'a na, janangue'a da zä ga comhbua rán japi ra Cristo hønt'a go to'o ní ja'i da hyän'a ran ho ma'da'yo. ²⁴ Pe guín nuhu yu t'uti nangue'u i tihi, madague'bu i tihi, pe n'datho a i täh ran t'unni. Pe dami tihmbu ya nguepu da zä gui tähmbu. ²⁵ Ne tengu thoho yu 'yeni ua ja ra ximhäi, emme din jamansuse, ne hingui nde da 'yøt'a di hëni. Pe hønt'a dim 'bedi i tq' u. Pe nu'bø in jabu ga øthu, ga tähmbu a da hyät'i mazäi. ²⁶ Ne nugä tengu'bu dí øt' ra 'dihi, dí häx ra 'yu i uenho bu hapu i ja ran tähä. Ne tengu'bu 'bo'o dadín tun'be, pe hinga ha sätho dí pahcipi, pe dí padi hapu dí täpi xan ho. ²⁷ Pe dí sam zehë ma ngøc'yëi, dín ndepe da 'yøt'a dí xifi, n'damhma hin go ga 'becä a 'be'a dí xi'u mi'da ngue da dähä.

10

Ma hæcpi yu 'yec'yëi nangue yu hmite

¹ Ne gue'a dín nde ahu gui pahmbu a, ma zi cu ahu, ngue 'be'a bi 'yøt' mam bombøtahe maya'bu, gätho mi cot ra güi bu ní mba u, ne bi zits'i. Ne gätho bi 'daxpu 'danguadi ra thengdejä. ² Ne gätho bin yäm bu ja ran unbi bu mi den ra Moisés, tengu'bu ya yu yannte a. Ne janangue'a i t'ëmbi tengu'bu bin xixyä nangue'a ra dejä bu bi thogui ne ra güi. ³ Ne gätho 'da'an zitho ra maná ngue ra hmë bi un Oja hapu ní mba. ⁴ Ne gätho bi zi ra dehe bi bøm bu ja ra do, tengu'bu bi zip rán zaqui a ra Cristo, ne tengu'bu ya bin 'yohu ra Cristo bu ní mba u. ⁵ Ne madague'bu bi t'ørpe gätho u, pe emme xan ngu u him bi numanho Oja a bi 'yøt'e. Ne hønbø go hapu bin c'uaxt' yu do'yo bu ja yu däpo bi thogui. ⁶ Ne gue'a urcahu a, janangue'a hin gan ndehu ga øthu yu ts'oqui, tengu mi øt'u 'bu mi 'yo bu ja ra däpo. ⁷ Janangue'a o guí thandehu yu hyäte oja, tengu mi øt'i

'da ፩, tengu mán t'o't'i, ngue bin sihme ፩ ne bim mihni, bi ndants'i bin ne 'bすこと mi dānde ra pøte xí 'yøzehe. ⁸ Janangue'a hin ga øthu ran 'yomt'ëni tengu mi øt'i 'da, ne n'dapa thoho án du 'däte ma hyu mahuahi njä'i. ⁹ Pe hingui sä ga sähu ra Hmu nangue ma ts'oquihu, tengu mi øt'i 'da, ne xən ngu bi du, bi za yu c'eyq. ¹⁰ Janangue'a hin ga säman'uhu nangue Oja, tengu bi 'yøt' ፩ 'da, ne gue'a bí mbənh Oja n'da ram 'bəhni mahet's'i ngue'a bi hyo ፩. ¹¹ Ne gue'a bin ja a tengu'bhu ya n'da ran t'uti ngue i sujhu dan jahu bu. Ne gue'a xmán t'o't'i 'be'a dám 'bəhmbhu yu pa i jabu ya ngue rán zegui. ¹² Janangue'a nu'bhu dím bəmhbu tengu bi 'yøt' ፩, pe hingui sä ga əmhbhu, nangue ra ts'edi bi 'dajhu Oja hin'yu 'be'a ga suhu. Pe i jatho əmme dam fäsehu, ngue hin ga tənjhu bu ja yu ts'oqui. ¹³ Pe nu'bhu i ts'äc ma mbəihu ga øthu yu ts'oqui, tengu'bhu i ts'äp yu mbəi gätho mi'da yu ja'i. Pe dí pəhmbhu di zərca ma mbəihu Oja ga təfhu ran ts'äte. Pe nu'bhu əna da sijhu mi'da xən hei ngue hin da zä ga təfhu, hin di jahu Oja gan nuhu ፩. Ne i urcahu 'bəphu dá təfhu dín nuhu. ¹⁴ Ne nuya, ma zi cu ahu, ne xingui ts' ፩ guim bəmhbu gui thəndehu yu hyäte oja. ¹⁵ Ne guehna dá xi'ahu na ya, nguetho i ja nin 'yomfənihu, ne sä gui pəsəhu 'be'a nam bən'a dá xi ahu. ¹⁶ Ne zai dí äfhu Oja rán japi 'bu dí sihu ran ts'ihme bi zän'na ra Cristo bu ja ram pəti. Ne nu'bhu dí sihu rán gui ra uva, ha hin dím bəmhbu ngue dí comhbhu rá ji ra Cristo ngue bi hogahu. Ne'bhu dí xəmhbu ra hmə ne dí sihu a, ha hin dím bəmhbu ngue dí comhbhu rá ja'i ra Cristo ngue bi ənba 'bu mi hogahu. ¹⁷ Madague'bhu əmme xən ngujhu ngue dá sihu ፩, pe n'dat'a ra hmə, ne gue'a ní 'yørcahu n'datho ma ja'i dí comhbhu a ra Cristo. ¹⁸ Ne tengu bi 'yøt' ma mi'israelhe, gä bi zi yən t'unni mí pa nt'unni Oja, ne gue'a í gomhma rá te Oja a. ¹⁹ Janangue'a hin nin sähu gui comhbhu a i si ፩ pa m'bøspe yu hmite, madague'bhu hingui ndəxqui ፩ yu ngø i pa m'bøspe ፩, ne hin'yu yu ts'edi ፩ yu hmite. ²⁰ Pegue dí xi ahu, nu' ፩ da ngue hingui pə Oja, i pøspa yu hmite, pegue yu zjthu i həni. Janangue'a hin dín nde'ahu gui com'ma gui sihu ፩ yu bøts'e, n'damhma hin gui comhbhu rá 'befi yu zjthu. ²¹ Hingui sä ga

theçpahu rá tasa ra Cristo 'bu dí theçpahu rá tasa yu zjthu. Ne hingui sä ga comhbhu rá ngøc'yëi ra Cristo 'bu dí comhbhu yu bøts'e yu zjthu. ²² Uague guim bəmhbu go gui muthu a Oja. Ha man'da i ja ni ts'edihu xinda gue Oja.

I sä 'be'a da 'yøt' yu 'yøc'yëi, pe da bən ran huęcate

²³ Majuani a ram hma ngue da zä ga øthu 'be'a go dín numanhohu. Pe nu'bhu ga øthu 'be'a gä i ja, hinga gä xən ho bu dán gohi. Majuani da zä da 'yøt'e hønt'a go numanho n'da ra ja'i, pe hinga gätho nan te rá 'befi Oja ፩. ²⁴ Pe i jatho ga huanhdhu nda'a man'da xən ho, ngue da zä ga fäxhu ፩ mi'da, ne hin nangue man hosehu. ²⁵ Pe dami sihu 'be'a gätho i 'bä bu ja ra täi, ne hingui jatho gui 'yänhdhu 'be'a di ja a ra ngø 'bu m'bøts'e o hin'na. ²⁶ Nguetho gätho rá mbəti Oja ፩ gätho i ja ua ja ra häi, ne ra ngø, ne'a ra ximhäi buya. ²⁷ Ne nu'bhu 'bo'o da zix'ahu na ts'ihme bu ja yu ngu ፩ hing yu 'yøc'yëi, ne nu'bhu guín nde gui mbəhə, dami sahu 'be'a gätho di 'da'ahu, ne hin te gui 'yänhdhu, ne o guim bəmhbu ngue di hec'ahu Oja ngue gui sihu. ²⁸ Pe nu'bhu n'da ngue da xi'ahu: "Nuna ra ngø bi mba m'bøspe yu hmite," da t'ən'ahu, pe o guí sihu buya, janangue'a hin gui ənbahu rá mbəi a to bi xi'ahu, nguetho im bəni hingui nde Oja gui sihu a. ²⁹ Nguetho i jatho gui jamansup rá mbəi ni mijä'iui, madague'bhu guí pədi ngue xən ho a ra ngø. Pe masque 'bu'i 'da ahu guín nde gui 'yängahu: "Hanja ngue ga et' man ts'ihmehu 'bu 'bo'o hingui numanho a, pe tengu'bhu hin'yu ma ts'edihu 'bu. ³⁰ Ne nu'bhu dadí unhde ra jamadi Oja nangue man ts'ihme dí sihe, hanja ngue sä di c'əman'uje ፩ 'da," gue'bhu 'bo'o da 'yängui. ³¹ Pe dí xi'ahu, dami jamansuhu a guí øthu, uague ran ts'ihme guí sihu, o 'be'a gätho gui øthu, pe hønt'a dí t'əspa Oja gui 'yøthu. ³² Ne əmme ga jamansuhu 'be'a dí øthu ngue njon ga jafhu da dəngui, xinga n'da ra judío, xinga gue' ፩ hing yu judío, ne xinga gue' ፩ ma mi'yøc'yëihu. ³³ Nguthogä ya, əmme dí honi ngue ga øt'ä 'be'a gätho da numanho mi'da yu ja'i xən ngu, ne hin dí honi 'be'a dín numanhosegä. Pegue dí honi nangue

mi'da, nguepu da zä da dñ ra tema'da'yo u
gä mi'da xun ngu.

11

¹ Pe dí xi'ahü gui tñhdü a dí øt'ä, nguetho
dí øt'ä a i øt'a ra Cristo dí tendä.

'Be'a da 'yøt'yü xisu bu ja ram peti

² Pe xun ho guí øthü ngue'a guím
bënthohü 'be'a gätho dá xi'ahü, ngue bi
bëngä Ojä ga xi ahü. ³ Pe dín nde ahü gui
pähmbü, ngue nu ra Cristo, go rá hmu n'da
ngu n'da ran 'yohü, ne nu yü xisu, tengu'bü
yü hmu u yü ndø. Ne dín jahü bu nangue
Ojä. Ne in jabü a ra Cristo, rá Hmu a Ojä
a. ⁴ Pe nu'bü n'da ran 'yohü i yäui Ojä bu
i ja ram peti, o gue im man ram hma, pe
hingui sä da hyu'ts' rá füi, tengu'bü hin'yü
rá ts'edi. ⁵ Pe nu'bü n'da ra xisu i yäui Ojä
bu ja ram peti, o gue im man ram hma, i
jatho da gomp' rá yä, ngue hin da mispa a
rá ndø, ne hin da 'yøt'e tengu'bü nt'äxi rá yä.
⁶ Pe nu'bü n'da ra xisu hingui nde da gomp'
rá yä, man'da xun ho 'bu da 'yäx rá yä 'bu. Pe
nu'bü guím bëmhü ra 'yäsa 'bu nt'äxi n'da
ra xisu, o gue'bü tengu'bü hin'yü yü xtä, pe
man'da xun ho 'bu xtán gomp' rá yä. ⁷ Pe nu
n'da ran 'yohü hingui sä da hyu'ts' rá füi bu
ja ram peti, nguetho i ubi i ja rá ts'edi xun
ho, tengu'bü gues Ojä i 'büpü. Pe nu n'da ra
xisu i ubi man'da ja rá ts'edi n'da ran 'yohü.
⁸ Nguetho mbüdi bi 'yøt' Ojä a ran 'yohü, ne
m'bëjua büya bi thäcpa n'da rá do'yo'böts'e
a ran 'yohü, ne gue'a i t'øt' ra xisu a büya.
⁹ Nu ran 'yohü hin í t'øt'e ngue da mbäx'a ra
xisu, pe í t'øt'a ra xisu ngue da mbäx'a ran
'yohü. ¹⁰ Ne e gue'a dím mangä a, ngue nu
yü xisu i jatho da gomp' yü yä, janangue'a
da 'yudi ja yü ts'edi yü ndø. Ne gue'a dín
numanho yäm 'bëhni Ojä mahëts'i a büya.
¹¹ Pe nu bu ja rá 'befi ra Cristo, hin da
bømanho 'bu hønt'ü yän 'yohü dim pepü, xín
da bømanho 'bu hønt'ü yü xisu, pegue gätho
'da dám fäxtahü u. ¹² Nguetho majuäni nu'a
ra xisu nt'øt'e nangue rá do'yo'böts'e a ran
'yohü, pe guexta'a majuäni ím 'bu a n'da ran
'yohü nangue rá mbe. Ne gätho bi zän Ojä
din jabü. ¹³ Pe dami bënsëhü 'be'a man'da
xun ho gui 'yøthü, nangue n'da ra xisu 'bu
in yäui Ojä, 'bu hingan jo'mi rá yä. Ha guí
ëmhü xun ho i øt'e uague hin'na. ¹⁴ Ne dí

pähmbü 'yäsa 'bu xtá mba rá yä n'da ran
'yohü. ¹⁵ Ne ngutho n'da ra xisu, gue'a ni
necmanho a rá xtä 'bu xü mba. Ne gue'a i
ts'änba n'da ra xisu a, ngue'a xtá mba yü
xtä, tengu'bü ya rán jo'mayä a. ¹⁶ Pe nu'bü
'bo'o in nde dán junt'a 'be'a dí xi ahü, pe
hingui sä dán junthü a. Ne i jatho ga xifi
ngue ngutho i t'ørpü ja mi'da yäm peti yü
'yëc'yëi.

Da hnumansu ran ts'ihme bi zän ra Hmu

¹⁷ Pe nu'a man'da ga xi ahü ya, hingui
sä ga ën'ahü xun ho guí øthü. Nguetho
hingui sä di zet'a ni mbuihü a guí øthü
bu ja nim petihü, pe man'da di ts'on'nahü.
¹⁸ Nguetho i siqui 'be'a guí øthü 'bu guídím
petihü, guídín junthü n'da ngu n'da ahü. Ne
dí ëc'yëi ngue majuäni a i siqui. ¹⁹ Masque
guím bëmhü jatho gan heju. Pe guepu bi
fadi nda'a majuäni yü 'yëc'yëi. ²⁰ Nguetho
nu bu ja nim petihü guí sihmehü, pe him
majuäni gue'a ran t'øt'e bi xic ma Hmu
guí øthü. ²¹ Pe nu'bü ra ora guí sihmehü,
ëmmë guídín uëmhü nin ts'ihmehü n'da
ngu n'da ahü. Nu'ü 'da xínga n'damhme gá
unhdü, ne nu'ahü büya gue'bü go ëmmë gán
niyahü. ²² Ha hin'yü ni ngumhü ngue gan
sihmehü bu. Nguetho guídí ts'onbahü rá
'befi Ojä, ne guídí 'yäsa'bahü u ni cuhü nte gá
unhdü. 'Be'a guí ëna ga xi ahü. Ha guí ëna
ga ën'ahü xun ho a guí øthü. Pe hin'na.

Nangue 'be'a nam bøn a ran ts'ihme bi zän ra Hmu

²³ Janangue'a dín nde ga xi ahü mahøn'a
ya 'be'a nam bøn a ran ts'ihme bi zän ra
Hmu. Ne tengu thoho bi xängä ra Hmu,
ne ngutho dí xi ahü. Ngue n'dat'a ra xui
bi mba ma dä ra Hmu Jesùs, ne bi hyac
ra hme, ²⁴ bi 'yäp ra jamadi Ojä ne bi xëm
büya. Ne bi 'yëna: "Dami sihü na, nuna
ma ngøc'yëgä na, ngue din ünbi nangue
ahü. Ne gui thoqui gui 'yøthü na, n'damhme
guim bënjü." ²⁵ Nu'bü mi jua a bi zi a ra hme,
bi dec a ra tasa büya, ngue mi po ra gui'uva,
ne bi 'yëna: "Nuna nam bøni ngue ya di
hoc'ahü xun ho ra 'da'yo'yu da 'yøt'ahü Ojä
nangue ma jigä. Ne n'dandü ngu n'dandü
gui sihü, guim bënjü dá tugä nangue ahü,"
bi 'yëna' ra Jesùs. ²⁶ Janangue'a n'dandü
ngu n'dandü ga sihü ra hme ne ra gui'uva,

dí uhmbu rán dâte ra Hmu gue'bu go bá pengua mahøn'a.

'Bepu dá fen ran ts'ihme bi zän ra Hmu

²⁷ Pe nu'a to'o hin din 'yomfen, ne sä i si a ra hme ne ra gui'uva, ya i ja rá ts'oqui, nguetho hingui numansup rán dâte a ra Hmu bi du. ²⁸ Janangue'a i jatho m'bet'o da base n'da 'be'a i ja mbo rá mbai, ne nubuya da zä da zi ra hme ne'a ra gui'uva. ²⁹ Nguetho nu'bu i si a ra hme ne i si rán gui ra uva, ne hinguim beni 'be'a ín unba ra Hmu 'bu mi du, ne hont'a ran unbi da nu a. ³⁰ Ne gue a guí otha, janangue'a xan ngu xan ahu ne xan güent'i ahu, ne ya xcá tuhu 'da ahu. ³¹ Pe nu'bu m'bet'o dadí juanbazehu ma mbaiihu, hin da zegbahu ra Hmu 'bu. ³² Pe nu'bu hin dadí juanbazehu ma mbaiihu, guemhma da 'yorcahu ram fei 'bu. Pe man'da xan ho 'bu da mbegbahu ra Hmu ya, n'damhma hinga 'darpu gan nuhu ran unbi ra ximhäi. ³³ Janangue'a ma zi cu ahu, nu'bu guidim petihu, ngue gui sihu ra hme ne ra gui'uva, nde'bu hin gan uenschu, pe gui tomhbu din 'da ahu n'da ngu n'da ahu. ³⁴ Ne nu'bu 'bo'o i tumanthuhu, hin da beni din sihme bu ja ram peti, pe jatho 'be din sihme bu ja rá ngu, n'damhma hin da mbep ahu Ojaq nangue'a nim peti guí otha. Ne nu'a 'be'a gätho man'da guí otha, ga hoc'ahu 'bu dá mba bu.

12

'Dahma 'dan'yo yú ts'edi bi un rá Hogandaqhi Ojaq

¹ Ne nuya ma zi cu ahu, dín nde ahu gui pahmbu 'be'a nam bon a ra ts'edi di 'daju rá Hogandaqhi Ojaq nangue ga orpah rá 'befi 'dahma 'dan'yo. ² Gui pahmbu 'be'a gá 'yotha 'bu him maní 'yec'yehu, ne gá hyq 'dahu yu hyäte ojaq, ne hingu yq a. ³ Janangue'a dín nde ahu gui pahmbu a ma-juani ya. Nu'bu guí shmbu 'bo'o i yq nangue rá Hogandaqhi Ojaq, da 'yembi rá Hmu a ra Jesús 'bu i yq. Pe nu'bu i san'a ra Jesús 'bu i yq, him majuani in 'youi rá Hogandaqhi Ojaq a. ⁴ Ne 'dahma 'dan'yo yu 'befi da zä da hyqn'a n'da ngu n'da yu 'yec'yei, pe n'dat'a rá ts'edi rá Hogandaqhi Ojaq ngue di unni. ⁵ Ne 'dahma 'dan'yo 'bepu ní 'yorpa rá 'befi Ojaq n'da ngu n'da, pe n'dat'a ra

Hmu dí orpah rá 'befi. ⁶ Ne gätho bi ts'änb*i* 'be'a da mbefi n'da ngu n'da yu 'yec'yei, pe n'dat'a Ojaq di benbi 'be'a da 'yot'e. ⁷ Ne nu Ojaq bi 'daju ra ts'edi, janangue'a gätho dí uhmbu ngue dín 'yohu rá Hogandaqhi Ojaq. Ne gue'a bi 'yorcahu Ojaq a, n'damhma da zä 'da dám fäxtahu. ⁸ Nu'u 'da bin t'un ra ts'edi da man'a rá hogan'yomfen Ojaq ngue him mám fädi, pe nangue rá Hogandaqhi Ojaq di benbi da ma. Ne nu mi'da bin t'un ra ts'edi da ma xan ho 'be'a nam bon'a rám hman Ojaq. Ne n'dat'a rá Hogandaqhi Ojaq bi unni gätho yu 'befi 'dahma 'dan'yo. ⁹ Ne nu mi'da bin t'un ra ts'edi da bädi din t'un'na i äp'a Ojaq. Ne nu'u 'da bin t'un ra ts'edi da xox yu hyenni, ne n'dat'a rá Hogandaqhi Ojaq di unni. ¹⁰ Ne nu'u 'da bin t'un ra ts'edi ngue da 'yot' yan tot'e mixte ngue hingui sä da 'yot'a n'da ra ja'i. Ne nu'u 'da bin t'un ra ts'edi da ma 'be'a din ja. Ne nu'u 'da bin t'un ra ts'edi da bädi nda'a ním hma bi benba rá Hogandaqhi Ojaq, ne nda'a bi benba ra zithu. Ne nu'u 'da buya bin t'un ra ts'edi din yq man'da ra nde ngue hingam fädi 'be'a nam boni. Ne nu'u 'da buya da ma 'be'a nam bon'a bi man a. ¹¹ Pe gätho ya i ozehe rá Hogandaqhi Ojaq, ne di darpi n'da ngu n'da 'be'a da ndese Ojaq da 'yot'e.

Gätho n'danja'i tho dí comhbu

¹² Ne tengu n'da ra ja'i emme xan ngu ní hut rá ja'i, pe n'danja'i tho i cohi. Ne in jabu ra Cristo nangueju. ¹³ Ne dá gue'bu dyu judíou o dyu griegou, o dá gue'bu dyu 'yehehu o hin'n'a, pe n'dat'a rá Hogandaqhi Ojaq dá hampbu bu ja ma mbaiihu, tengu'bu 'darbu í nex ra dehe dá sihu. Ne gue'a í 'yorcahu ngue n'danja'i tho dín jahu. ¹⁴ Pe nu rá ja'i n'da, hinga n'datho ní hutu, pe emme xan ngu i ja yu thuhu, ngue i juadi xan ho n'da ra ja'i. ¹⁵ Pe nu'bu n'da ra gua da 'yense ngue hinga gue'a ra 'ye: "Janangue'a hin te dí pecä 'bu," ena. Pe hingu sä ngubu da beni, nguetho rá gua ra ja'i a. ¹⁶ Ne nu'bu n'da ra zagu da beni: "Hin te dí pecä," nguetho im beni hinga gue'a ra dä a. Pe hingu sä ngubu da beni, nguetho rá zagu ra ja'i a. Ne hingu sä da beni ngue hing rá ngø ra ja'i a. ¹⁷ Nguetho nu'bu gätho xtín ja'i a rá dä n'da, 'be'a dí 'yohnahyq 'bu. Xi'bu gä xtín zagu rá ja'i n'da, ne hin'yu rá xiju,

'be'a xtán zä xtám báha tengu rá xiyu. ¹⁸ Pe nu Ojá bi zánni 'be'a gátho i ja rá ja'i n'da, ne n'da ngu n'da bi un rá ts'edi ngue da zä da 'yøt'e 'be'a gátho in ndepe da 'yøt'e. ¹⁹ Pe nu'bá n'daxequi tho, ha dán zä din ja tengu ra ja'i. ²⁰ Pe in jabá n'da ra ja'i, emme xan ngu yá xequi i ja, guepu nan ho a n'da ra ja'i. ²¹ Pe nu rá dä n'da hingui sá da 'yømp a rá 'yø, ngue nte ní mbäts'i, xinga gue'a rá yá hingui sá da 'yømp u yá gua nte ní mbäts'i. ²² Pe hingui sá ngubá da ma, nguetho n'da ngu n'da yá xequi gátho i ja yá 'befi. Pe nu yá xequi ma ja'ihi ngue dí emfa nte i pefi, pe man'da emme di muui. ²³ Ne nu 'da yá xequi dí emfa di 'bedi, pe man'da ga hoju n'damhma xtán ho. Ne nu yá xequi dí emfa hingui sá da hnu, pe man'da dí jamansuhu n'damhma hin da ts'ani. ²⁴ Pe nu 'be'a di necmanho nangue ma ja'ihi, ya hin'yá 'be'a man'da ga jafá. Pe Ojá bi hoqui gátho ma ja'ihi, ne bi japi ngue man'da bi muui a dí emfa hingui ho. Janangue'a hin da t'emp a n'da xequi nte di muui. ²⁵ Janangue'a hin da zä din hec yá 'yøc'yø, tengu'bá yá xequi ma ja'ihi, pe 'da xtín jamansu n'da ngu n'da. ²⁶ Janangue'a nu'bá n'daxequi ma ja'ihi xan, ya 'da nan u tho gátho ma ja'ihi baya. O nu'bá n'da ra xequi ngue hin hapu i sá, ya di johya gátho ma ja'ihi baya. ²⁷ Pe guim bëmhba nangue nim pëtihi, ne gue'a rá ja'i ra Cristo a, ne n'da ngu n'da ahá tengu'bá n'da a n'daxequi ahá rá ja'i ra Cristo. ²⁸ Ne ngubá bi zän Ojá nangue ram pëti dí othá, ngue 'be'a ní 'befi dí othá n'da ngu n'dajá. Ne nu'u yá 'bäihá ra Cristo man'da bi ts'änbí da hnumansu. Ne nu yá pøngahyá Ojá, ne'u bi ts'änbí da hnumansu, pe hinga 'da'igu. Ne ná hyu baya yá xänbate nangue rám hman Ojá, ne bi ts'änbí ne'u da hnumansu, pe hinga 'da'iguha mi'da. Ne'u mi'da i øt' yøn t'øt'e mixte, ne'u mi'da i øthe yá hyenni, pe ne'u mi'da to'o i fäx yá mi'yøc'yøihá nangue ran huëcate ørpe, ne'u mi'da yá ngurbi di manda ram pëti, ne'u to'o 'dahma 'dan'yo bá na yá ngue yá nde hingam fädi, gátho bi ts'änbá yá 'befi n'da ngu n'da. ²⁹ Pe ha gátho ahá ni 'bäihá ra Cristo 'bá, uague yá pøngahyá ahá Ojá 'bá, uague guí emhbá gátho gan xänbatehá, uague gátho guí 'yøtha yøn t'øt'e mixte 'bá.

³⁰ Ha gátho i ja ni ts'edihá ngue gui xoxhá yá hyenni, uague gá 'dahma 'dan'yo yá nde guí yáhá, ha gátho guí pädi guim mamhbá 'be'a nam bøn'á yá nde xan hëi. Ne majuäni dí xi ahá ngue hin'na. ³¹ Pe dami hyomhbá Ojá ngue di 'da ahá ra ts'edi nda'a man'da dí fäx ni mijä'ihá. Pe nuya ga ut'ahá man'da ra 'befi 'be'a ctí fäx ni mijä'ihá pe xinda gue mi'da.

13

Nangue'a ran huëcate

¹ Pe nu'bá gá xcán yáhá yá nde yá ja'i, o tengu bá na yá u yám 'behni Ojá mahëts'i, pe nu'bá hin'yá man huëcatehá, hin te ní mba tho 'be'a dí øthá 'bá, tengu thoho n'da ra dambu o gue'u yá xit'egui zanthono ne ndetho emme xan hëi. ² Ne madague'bá i ja ma ts'edihá gam mamhbá ram hma ngue dím pøngahyáhá nangue Ojá, pe nu'bá hin dadí huëjá to dí xihmbá ram hma, nte ní mba tho. O nu'bá xcá pähmbá 'be'a gátho an t'ägui nangue Ojá, o gue'bá xcá pähmbá 'be'a gátho man'da xan hëi, o nu'bá ga pähmbá da t'ørcahá a dí äfá Ojá, ne'u yá t'øhø da zä da 'uegue, pe nu'bá hin'yá man huëcatehá, hin te dadí muhá 'bá. ³ O nu'bá xcá unhdá yá hyoya 'be'a gátho dí peshá, pe nu'bá hin dá bëmhba a ran huëcate, ya nte dá tähmbá bá na nu Ojá 'bá. Ne ma xinda gue'bá gátho ma ja'ihi xcá umhbá ngue xtín zø, pe nu'bá him bin ja man huëcatehá, ya nte dá tähmbá baya nangue rán jäpi Ojá. ⁴ Pe nu'a ran huëcate nam bøni, ra yembái, ne hin din xømbái, ne hin din seya, ne xín ná yä'ta ngue ja rá ts'edi, xingui honi da t'ëspa zéhe. ⁵ Ne nu ran huëcate nam bøni, pëspa rá sá rá mijä'ui, ne hingui honi nangue rán hose pe i honba ran ho rá mijä'ui. Ne hingui säman', ne hingui ørpa ra güënda ran ts'o bi t'ørpe 'bá majuäni ja rán huëcate. ⁶ Ne nu'u di huëc yá mijä'ihá, hin di johya 'bá 'bo'o in nu i øt' ra ts'oqui, pe emme di johya 'bá 'bo'o in nu i ten'na ra 'yu majuäni. ⁷ Ne nu'a i ja rán huëcate, hingui sumanhëi di huëc'a n'da, madague'bá i ørpa ran ts'o. Ne hinjam'bá èc'yø 'bá t'ëmbi øt' ran ts'o a to di huëqui. Pe nu'bá i pädi bi 'yøt' ran ts'o, i tø'mi din 'yomfëni. Ne hinjam'bá è'ts'a ní 'yøt' ran huëcate. ⁸ Pe nu'u 'da gá dí øthá

ya, da zəni da ze'ü. Nguetho da zən ra pa ngue njom mam pøngahyä nangue Ojä, ne njom mam ma nangue mi'da yü nde 'dahma 'dan'yo ngue hingam fədi. Ne nu'ü to'o i ja yü ts'edi da ma 'be'a gätho xən həi da fədi nangue Ojä, pe him ma man'ü, 'bü ya gätho ga pahmbü xən ho. ⁹ Pe nuya nu to'o bin t'unni da man'a xən həi, pe hinga gätho i pədi xən ho nangue Ojä. Ne'ü to bin t'unni dim pøngahyä, pe hinga gä im ma. ¹⁰ Ne nu'a dí Øthü ya ngue dí 'bəhmbü yü pøngahyä, pe ya him ma homhbü 'bü dá pahmbü xən ho, nguetho hinga gätho im man'ü. ¹¹ Ne tengu'bü mán t'uhnihü, dá yəhü tengu bü na yə yü t'uhni, ne ngubü dám bəmhü, tengu bü nam bən yü t'uhni. Ne nu'bü mán dən'yohü bəya, ya dá bəmhü ngue ga sohmbü 'be'a gätho mí Øthü 'bü mán t'uhnihü. ¹² Ne gue'a dí Øthü yü pa i jabü a ya, ne hingui sää gan nuhü 'be'a di ja Ojä. Tengu thoho 'bü dí həthü n'da ran hyədä hingui di nequi xən ho rá hmi n'da ra jə'i. Pege da zəni ngue da zä ga pahmbü xən ho 'bü dá nusehü Ojä. Nuya hingui sää ga pahmbü xən ho ha in ja, pege da zəni ga pahmbü xən ho, tengu thoho Ojä i pajü ya. ¹³ Pe hyu i jajü ngue hinjam'bü ga juahmbü. Nu'a n'da, ngue'a ga pahmbü majuəni da 'yət'a ran ho bi man Ojä, ne nu'a ná yoho ngue'a ga təmhü a i mam bəya, ná hyu bəya, ngue a ran huçcate. Ne man'da xən ngu di muui ran huçcate xinda gue'ü mi'da i hmangua.

14

Nangue'ü 'dahma 'dan'yo bü nayq

¹ Pe man'da ga humbi ga Øthü ran huçcate. Ne a man'da di bəngahü rá Hogandähi Ojä, dam pøngahyähu ga mamhbü rám hman Ojä. Ne m'bəjua ts'ü da zä ga Øthü mi'da yü 'befi di bəngahü rá Hogandähi Ojä bəya. ² Pe nu'ü to'o i yə n'da ra nde hingam fədi, hənt'a Ojä da zä din yəqui, ne hinga gue'ü yü jə'i i yəhü. Nguetho njongui Øde 'be'a im ma. Ne masque rá Hogandähi Ojä di bənbi, pe nt'əgui thoho. ³ Pe nu'ü to'o dim pøngahyä nangue ra nde ngue'a mfədi, i xih yü mijə'ihü, ne da zä di japi din te yü mbəi, ne di zərpa yü mbəi, ne əmme di un ran johya yü mbəi. ⁴ Pe nu'ü to'o i yə n'da ra nde ngue hingam fədi, masque

di zəse rá mbəi, pe nu'ü to dim pøngahyä, gä di zə'ü yü mi'yec'yeiħü. ⁵ Ne dín ndehmagä gätho ahü gan yəhü 'dahma 'dan'yo yü nde. Pe əmme man'da dín nde ahü gätho gui mamhbü rám hma Ojä nangue ra nde ngue mfədi. Nguetho man'da xən ho a, xinda gue'bü gan yəhü mi'da yü nde gue n'dan'yo hinda hən'bü da zä gui mamhbü 'be'a nam bən'a gá mamhbü, ne gätho din te yü mbəi yü 'yec'yei bəya. ⁶ Jannangue'a ma zi cu'ahü, xi'bü hənt'ü yü nde hingam fədi gam mangä 'bü dá mbagä bü, 'be'a ním fəts'i ga Øt'ahü 'bü. Pe man'da xən ho 'bü ga xən'nahü rám hman Ojä nangue ma ndesəhü, ne ga 'da ahü n'da ran 'yomfəni hin guí pahmbü, ne ga xən'nahü 'be'a bi 'yurcä Ojä. ⁷ Ne gam bəmhü 'bə'a i Øt' yəm 'bixt'i ne yü 'bida. Nu'ü hingui ja yü te pe i yə. Pe nu'bü hingui pømanho a im ma, ya hingam fədi 'be'a ní 'bəi a bəya, nguetho 'da nan gətho. ⁸ Ne ngutho n'da ra thəxi bü ja ra səi, da ma xən ho a ra 'bəi ngue dín tunh yü dofəi. Pe nu'bü hin da mba m'bixt'i xən ho, njon da bədi 'be'a nam bəni, ne njon din sää da mba ra tuhni. ⁹ Ne ngutho ahü 'bü hin guí yəhü n'da ra nde nt'əde xən ho, hague dán zä da fədi 'be'a guim mamhbü. ¹⁰ Ne masque əmme xən ngu yü nde i ja ua ja ra ximhäi, ne gätho xən ho 'bü 'bo'o i pədi 'be'a nam bəni. ¹¹ Pe nugä, nu'bü hin dí pə a ra nde ní ts'əqui, ya xcá Øt'be tengu'bü n'da an 'danni ma hnini'be, ne hingui sää dam pə'be. ¹² Nu'a guí ndehü əmme din ja ni ts'ədiħü nangue rá Hogandähi Ojä, pe dami 'yäfə 'bə'a ní ts'ədi da zä dín te yü mbəi gätho yü 'yec'yei guí 'bəhmbü. ¹³ Nu'bü n'da ra jə'i dín yə man'da ra nde hingam fədi, pe da 'yäp rá ts'ədi Ojä da zä da ma 'be'a nam bəni. ¹⁴ Nu'bü dí yə'be Ojä nangue man'da ra nde n'dan'yo, go i yə rá Hogandähi Ojä i o ma mbəi, pe hin dí thocpa ran 'yomfəni ü mi'da 'bəpə, ngue 'be'a nam bən'a dí ma. ¹⁵ 'Bə'a xən ho ga Øt'e. Pe nde'bü dan yə'be Ojä nangue rá Hogandähi, pe i jatho ga japi da bə ə mi'da 'bəpə ngue 'be'a nam bəni. Ne ngutho 'bü dan tuh yü thuhu, ga əspa Ojä nangue rá Hogandähi, pe guexta'i i jatho ga bəni 'be'a nam bəni, ne ga japi da bən'ü mi'da bəya. ¹⁶ Nguetho nu'bü guí əspahü Ojä nangue n'da ra nde hingam fədi,

në madague'b  di b n'nah  rá Hogand hi Oj , p  nu'  'da hin da z   gui comhb  a ram hma 'b 'a gn  'y spah  Oj , nguetho hingui p di 'b 'a nam b n'a gu  mamhb . **17** N  madague'b  maju ni gu d  unhd  ra jamadi Oj  gue'b  n'dan'yo ra nde gu  y h , p  hin gu d  z rpah  y  mb i ni mij 'ih , ngue n '  d  un ra jamadi Oj . **18** Jamadi Oj  nguetho man'da i s  dan y g  y  nde hingam f di xinda gue ah . **19** P  nu b  ja y m p ti, madague'b  h nt'i c t'a thoho y m hma ga ma gue'  nt' de x n ho, p  man'da x n ho, xinda gue'b  ga  na ga mam b  'd t'a mahu hi y m hma gue'  hingam f di 'b 'a nam b ni. Nguetho d n nde ga x nba y  cu. **20** Ma zi cu ah , o gu   th  tengu'b  gy  t hni ah , p  dam n 'y mf nih  x n ho 'b 'a man'da x n ho gui 'y th  b  ja nim p tih . Nguetho gy  d ja 'ih , madague'b  i t n'ah  gy  'u reh  ngue'a hin gu  nde gui 'y th  y  ts'oqui. **21** Bi 'y m b  ja r  t'ohni Oj : "Madague'b  d  japi b   h y  'damhnini ngue 'dan'yo b  na y , ngue da zo   'b cua, p  ngutho him bi 'y rpa ra g  enda a d m mang   , " bi' y n Oj . **22** Janangue'a ga p hmb  n'da ra hm pya 'b  'bo'o din y  man'da ra nde n'dan'yo, i uh r  ts' di Oj , hndepe da 'y c'y i   hingui nde da 'y c'y i. N  hinga gue'  y  'y c'y i i pa nt' rpe y  hm pya. P  nu ra ts' di ngue da man r m hman Oj  nangue y  ndes , x n ho ngue'a da x nbi g  ho y  'y c'y i, ne hin nangue'   mm  x m me y  mb i, hingui nde da 'y c'y i. **23** P  xi'b  b im p ti g  ho y  'y c'y i ne g  ho 'dahma 'dan'yo y  nde i y , ne da z m b  'da ngue hing y  'y c'y i, o gue'  hinga na p di x n ho. Ha hin gu m b mh b  ngue da 'y n'ah  gu  j th . **24** P  nu'b  g  ho gu  mamhb  r m hma Oj  ngue ra nde mf di, ne da y rpa 'da hing y  'y c'y i o gue'  hinga na p di x n ho. Ne da b se b ya ngue ja y  ts'oqui, ne da b di 'b 'a i ja y  mb i z h  'b  bi 'y 'a gu  mamhb . **25** Ne nu'a nt' gui b  mbo y  mb i da japi di nequi x n ho. Ne din d nyahmu ne da 'y p r  punbi Oj  b ya. Ne da 'y na: "Maju ni maha gu  'b hmb  Oj , " da 'y m b ya.

Da t' t'e x n ho a ram p ti

26 Nuya, ma zi cu ah , d n nde ga xi ah  'b 'a man'da x n ho gui 'y th  'b  gu d  p tih . P  nde'b  'b  gu m b mh b  'b 'a d n te y  mb i g  ho y  'y c'y i, ne da z   gan tuhmb  n'da ra thuhu gu n nde gan tuhmb  b ya, o gue n'da ram hma gu n nde gan x nbateh , o gue n'da ram hma bi b n'nah  Oj  ngue gui mamhb , o n'da ram hma gu  nde gui mamhb  n'da ra nde hingam f di 'b 'a nam b ni, p  gue'b  di 'b i to'o da man a 'b 'a nam b ni ngue hingam f di. **27** P  nu'b  gu  y h  man'da ra nde n'dan'yo, h nt' yonja'i din y , ne nu'b  x n ngu, hyunja'i. N  hinga n'dat'a ra ora din y  g  ho. Nub ya i jatho dim 'b 'a n'da da ma 'b 'a nam b n a bi hma. **28** P  nu'b  njongui 'b p  n'da i p di da ma 'b 'a nam b n'a bi hma, man'da x n ho 'b  nte da mam b  ja nim p tih . Da z   din y , p  n'danni din y s ui Oj . **29** Ximangutho   i man r m hman Oj  nangue ra nde mf di, din y  yoho o hyu. Ne nu'  to'o bin t'un ra ts' di da b di 'b 'a nam b n'a ram hma, da mam 'b  hingui ho, ua gue'b  x n ho. **30** Ne nu'b  i hup  n'da bi b nba Oj  da ma 'b 'a im b ni da ma, p  'b  di jua a i y  b , ne gui jaf  din y  a man'da b ya. **31** Janangue'a da x t'a gan y h  'dahmi 'datho, ne g  ho ah  to'o g  ho di b nba Oj  din y . Nub ya tengu 'b  g  n niy bah  y  cu nangue y  mb i ne g  ho da hy  y  ts' di y  mb i b ya. **32** Nu'  to i man r m hman Oj  i jatho da z mz h  r  mb i z h , madague'b  Oj  bi b nbi din y , p  jatho da d o'mi ts' , 'b  din y  a man'da. **33** Nguetho nde Oj  da ts' nni 'b 'a g  ho din ja b , ne hinga 'da ni th s thoho 'b 'a g  ho i  t' Oj . Ne in jab  i t' t'e h nb  go hap  i ja y m p ti ma mi'y c'y ih . **34** Ne nu y  xisu hingui s  din y  b  ja y  d mpeti, nguetho hin'y  y n t' di din y , ne i jatho da 'y 'a 'b 'a da sifi, ne hin dim 'b t'o, tengu i mam b  ja r  t'ohni Oj . **35** Ne nu'b  in nde da 'y nni 'b 'a nam b n a hm m b , i jatho da 'y n'na r  nd  b  ja r  nguse, nguetho hin di ne manho 'b  i y  n'da ra xisu b  ja ram p ti. **36** Ha gu m b mh b  g  d mz h h  r  'b fi Oj , ngue gu   mh b  da z   gui s n z h h  'b 'a gui 'y th . Uague gu m b mh b  h n'adah  g  hy mh b  a ram hma. **37** P  nu'b  maju ni bi 'da

ahu rá ts'edi Ojaq gui mamhbu rám hma, o gue'bu majuqni bin 'da ahu nin 'yomfenihu nangue rá Hogandahu Ojaq, nu'bu, jatho gui 'yøthu a dá ot'ahu 'bu, nguetho rá manda ra Hmu a. ³⁸ Ne nu'bu 'bo'o hingui nde da 'yø'a dá ot'ahu, pe hingui sá gui 'yarpahu ra güenda a. ³⁹ Janangue'a ma zi cu ahu, man'da ɛmme gui hyumbi gui mamhbu rám hman Ojaq nangue ra nde mfaqdi. Pe hin gui hecpahu to'o in nde din yaq man'da ra nde. ⁴⁰ Pe gan 'yomfenihu xan ho, ne 'darpu dí mba gui 'yøthu, ne hinga 'da dí thas thoho 'bu'a gätho gui 'yøthu.

15

Bindants' mahon'a ra Cristo

¹ Nuya ma zi cu'ahu, dín nde ga xi ahu mahon'a ran ho ma'da'yo, tengu dá xi ahu mam 'bet'o. Ne gue'a ram hma gá hyamhbu, ne gue'a gní'm 'bähmbu xan ho a. ² Ne guet'a ram hman a gní yan ni tehu a 'bu guidí thoqui gui ten thohohu a dá xi ahu. Pe nu'bu hin'na, säti tho guí ɛmhbu guí øthu 'bu. ³ Ne dá ja ahu gá paqhmbu a ram hma bin 'dacä ngue man'da jats'edi tho ga paqhmbu. Ngue dá xän'nahu bi du ra Cristo, bi hogma ts'oquihu, tengu thoho mán t'o't'i bu ja rá t'ohni Ojaq. ⁴ Bi t'ägui, ne bi xox Ojaq 'bu ná hyupa, tengu thoho mí mam bu ja rá t'ohni Ojaq. ⁵ Ne nu'bu mi dämbeni ra Cristo, m'bet'o bin 'yuse bu 'buh ra Pedro, ne m'bejua buya bi nu mi'da yu xädi. ⁶ Ne m'bejua buya xo 'bexque bi nequi bu 'darpu mídim peti cat'a ciento yu cu. Ne ɛmme xan ngu i 'butho u ya, madague'bu xan du u 'da. ⁷ Ne m'bejua bi nu ra Jacobo, ne m'bejua mahon'a bi nu gätho u yu 'bäihu. ⁸ Pe rán zegui thoho necä bi zä dá nugä ra Cristo bu 'yu. Ne ɛmme xan hei bu dá ɛc'yeigä a ram 'bai ma'da'yo, tengu'bu n'da ra 'uere hingui sá dim 'bai, ne ɛmme din unbi. ⁹ Ne him man zä'be ngue xtá t'engä ma 'bäi'be ra Cristo, ne man'da ts'utho dadí mu'be xinda gue'u mi'da yu 'bäihu, nguetho ɛmme dá unbä u yu 'yɛc'yei Ojaq. ¹⁰ Pe nu Ojaq rá mate zehe bi jaqui tengu dín jagä ya. Ne hinga säti thoho rá mate Ojaq bi 'yørque, nguetho ɛmme dá humbi xinda gue gätho mi'da yu 'bäihu ra Cristo. Pe hinga guecä dá øt' ra 'befi, ne gue'a rá mate zehe Ojaq bi zequi dá

øt'e. ¹¹ Madague'bu guecä o gue'u mi'da bi xän'nahu, pe n'dat'a ram hma dí mamhbe ngue bi du ra Cristo nangue ma ts'oquihu, ne bi xox Ojaq 'bu mi du. Ne gue'a ram hma gá 'yɛc'yeihi a.

Da xox Ojaq u xan du

¹² Pe xi a ram hma dí mamhbu, ngue bi dämbeni ra Cristo 'bu mí du, pe hanja gní 'yɛmhbu 'da ahu buya, ngue hingui sá da dämbeni u xan du. ¹³ Nu'bu hin da dämbeni u xan du, pe xinga gue'a ra Cristo xtán dämbeni 'bu, ne guexta'a ya xan du a ya 'bu. ¹⁴ Ne nu'bu hin xtán dämbeni a ra Cristo, hin'yu rá ts'edi a ram hma dí mamhbu 'bu, ne ndetho guí 'yohu bu 'bu. ¹⁵ Ne nu'bu ngubu guím bɛmhbu ngue hingui sá da dämbeni u xan du, guí nubethäni gahe 'bu ngue dí mamhbe bi xox Ojaq a ra Cristo 'bu mi du. ¹⁶ Nu'bu hingui sá da dämbeni n'da ra du, pe xinga gue a ra Cristo xtán zä xtán dämbeni 'bu. ¹⁷ Ne nu'bu guexta'a ra du a ra Cristo, säti thoho guí ɛc'yeihi a 'bu, ne guexta'a him mahoqui ni ts'oquihu 'bu. ¹⁸ Ne nu'bu ngubu guím bɛmhbu, pe ne'u yu 'yɛc'yei xan du bu ja rá 'ye ra Cristo, ne má zä dim 'bepa 'bu Ojaq 'bu, gue'bu ya má zä bim 'be a ra Cristo 'bu mí du. ¹⁹ Pe nu'bu hontya dí nuhu ran ho nangue ra Cristo, ha hin guím bɛmhbu ga nuhu man'da ran ho 'bu dá tuhu 'bu. Pe huɛhigahu 'bu nte ga nuhu, xinda gue'u gä mi'da yu ja'i ngue nte mbeni da nu. ²⁰ Pe majuqni maha bi dämbeni ra Cristo 'bu mí du. Ne tengu'bu rá mbudi n'da ra thu bi sopu ja n'da ra huqhi, ne gue'a nam bøni ngue da xox Ojaq u to'o gätho i 'buhmi ra Cristo. ²¹ Tengu thoho 'bu mí dämp' ran date ua ja ra ximhäi n'da ran 'yohu, ngue ra Adán, ne ngutho a man'da ran 'yohu ngue ra Cristo, bi du'mi ngue da ndants' mahon'a yu du. ²² Ne tengu tho u gätho bi xand ra Adán, gätho i tu, pe nu gätho di xand ra Cristo, gätho da mba nsots'i. ²³ Pe hinga gätho n'dat'a ra ora da mba nsots'i, nguetho rá mbudi a ra Cristo, ne nu'bu bá ɛh ra Cristo, gätho u xu huahni da mba nsots'i m'bejua. ²⁴ Ne nubuya, ba ɛh rá pa ran zegui. Nguetho nu'a ra Cristo xí dapi 'be'a gätho má ts'edi, ngue yán suihu Ojaq, ne gätho to'o i hase yán t'ëdi, ne to'o di manda zehe, ngue'u yu ja'i ne'u yu zithu.

Né nu'bu ya bi dáha, di un'na Ojá rá Ta rá ts'edi mahón'a. 25 Nguetho nu ra Cristo, im Hmuts'at'abi ya, né gue'bu go bi dáha di 'berpa yá ts'edi u gätho yán saih. 26 Né nu'a ran dáte ran zegui thoho da dapi, né má zä dim 'be a buya. 27 Tengu bi mam bu ja rá t'ohni Ojá, di japi da dáha ra Cristo 'be'a gätho má ts'edi i ja. Pe njon da beni né'a Ojá rá Ta da dapi, nguetho guese bi un rá ts'edi ra Cristo a. 28 Né nu'bu gätho bi da a ra Cristo u 'be'a gä ní ts'edi i ja, né nu'a ra Cristo buya, ngue rá Ts'unt'u Ojá, né din däse bu 'bu Ojá rá Ta. Nguetho m'bet'o xí un rá ts'edi. Nubuya da hónse Ojá din ja rá ts'edi buya. 29 Né man'da guí otha guídín xixyqhu nangue'u xan du. Pe hanja gní 'yemhbu him mam 'bu u xan du buya. 30 Né hanja hin dí su man dátehe, gätho u yu pa dí 'buhmbe ua thá, gue'bu xcá pahmbe hin ga ndanshe mahón'a. 31 Né majuqni thocpa thoho dadím pom'be ran dáte. Né gue'a dí xi ahu a ngue'a dín nde ahu gui pahmbu 'be'a dí ot'ä. Nguetho emme dí numanho ahu, ma zi cu ahu, ngue n'dat'a ma Hmuhra Jesucristo dí çc'yeih. 32 Né dá hät'i xan ngu yan unbi, né xi u yu zate dán tunhdä'be ua Éfeso, ngubu i emb yu jä'i. Pe 'be'a ní mba a dá ot'ä 'bu hin da dämbeni u xan du. Pe nu'bu hin ga ndanshu mahón'a, mbähä dan sihmehu ya né dam minhdu, nguetho má zä ga tuhu nixudi mani. 33 O guídín hyehmbu da thá ahu gui tenhdu yám hman u 'da yu hyäte, janangue'a hin gui 'behmbu yu hogan t'ot'e. 34 Pe damin 'yomfenihu xan ho gui pahmbu nda'a ram hma gue majuqni, né gui 'yeshu yu ts'oqui buya. Nguetho guí 'buhmbu 'da hinga ná pahmbu xan ho Ojá. Né guehna dí xi ahu na, janangue'a gui pes' ni sähu.

Hague din ja 'bu bi dämbeni u xan du

35 Uague guím bemhbu 'da ahu gui 'yängahu: "Be'a di ja 'bu bi dämbeni u xan du, né 'be'a ní ngøc'yei din ja mahón'a." 36 Pe n'da rán t'änni yu 'yämbu a. Ha hin guí nuhu 'be'a di ja n'da ra hmudä 'bu pa nthuhu ngue i 'ya rá xi ne ja da box'a rá mbu a buya. 37 Né hont'a go má hmudä guí tuhmbu, hinga guexta'a rá ndä 'bu bi bots'e. Nguetho gue'a rá ndä gá tuhmbu, né ra

paxi bu dán go 'bu bi bots'e. 38 Né hont'a go nda'a má hmudä da thuhu, gätho yá xise 'bu bin ja, tengu bi zänba Ojá a. 39 Né hinga 'da'angu ma ngøc'yeih yu fani o gue yu doja o yu huq. 40 Né in jabu 'be'a gätho i ja bu mahëts'i né 'be'a gätho i ja ua ja ra ximhäi, nu'u bí ja bu mahëts'i, n'dan'yo thoho nán ho xinda gue'u ja ua ja ra häi. 41 Nu'a rán nequi ra hyadi né ra zäna né yu sø gätho 'dahma 'dan'yo. Né hinga 'da'angu u yu sø, 'dahma 'dan'yo bu ni nequi. 42 Né ngutho nangue'bu bi dämbeni yu du, né nu'bu bi t'ä a ra ngøc'yei, da 'ya nguetho nts'änni da 'ya a. Pe nu'bu bi dämbeni buya né hin njam'bu da du mahón'a. 43 Nu'a bi t'ägui hingui ho, pe nu'a da bots'e emme xan ho a. Nu'bu mi t'ägui hin'yu rá ts'edi, pe nu'bu mí bots'e, man'da emme bin ja rá ts'edi. 44 Nu'a ra ngø 'bu mi t'ägui, nts'änni hont'ua ja ra ximhäi dim 'buhi. Pe nu'bu bi bots'e, nts'änni dim 'bupa mahëts'i buya. Né guí pahmbu i ja ma jä'ihu nangue ra ximhäi, pe man'da i jatho gui pahmbu ngue né'a din ja ma jä'ihu nangue rá Hogandähi Ojá. 45 Né gue'a in ja a tengu mán t'o't'i bu ja rá t'ohni Ojá, gue ná n'da ra Adán bi ts'änni bin jä'i ua ja ra ximhäi. Pe nu'a ná yoho gue'a di un ra temazäi ngue njam'bu da guadi, gue'a ra Cristo a. 46 Né m'bet'o dám 'buhmbu nangue ma ngøc'yeih ngue hont'ua ja ra ximhäi dim 'buhi. Né m'bejua buya dam 'buhmbu nangue ra ngøc'yei ngue nts'änni dim 'bupa mahëts'i. 47 Né nu rá mbudi ran 'yohu nt'ot'e nangue ra häi. Nu a ná yoho gue'a bí 'yëh mahëts'i, ma Hmuhra Cristo a. 48 Né ngutho ma ngøc'yeih ua ja ra häi, tengu tho a ran 'yohu ngue bi t'ot'e nangue ra häi. Pe nu ma ngøc'yeih m'bejua din ja tengu thoho rá ngøc'yei a ma Hmuhra Cristo, nu'a ran 'yohu bí 'yëh mahëts'i a. 49 Né tengu thoho bu dá nequihu nangue ra Adán nt'ot'e ra häi, né ngutho bu dá nequihu mahón'a nangue'a ra mengu bu mahëts'i. 50 Né dín nde ga xi ahu mahón'a, ma zi cu ahu, ngue nu'a man ngøhu né ma jihu i jaju ya, hingui sä da gonhui rá ts'edi Ojá mahëts'i a. Nguetho nu'a hingui hät'i, hingui sä 'darpu da 'bes'ui a da hyäte'i hön'bu go njam'bu. 51 Pe dín nde ahu gui pahmbu a him mam fädi, ngue hinga gätho ga tuhu

ngue dyú 'yεc'yεihu, pe gätho da mba ma pärquigahu ma ngøc'yεihu. ⁵² Ne xøgue n'dan c'uerpadätho da 'yørcahu 'bu bin yø ra thøxi 'bu rán zegui ra pa. Ne nu'bø bin yø ra thøxi, 'bex da ndants'i gätho u yø 'yεc'yεi xøn du, ne din ja yø ngø him man zä din ts'oni. Ne'u xí du, ne'u hin ní du, gätho da mba ma pädi. ⁵³ Ne nu ma ngøc'yεihu dí hehø ya hin da hyät'i, janangue'a da mba mahoqui ngue da hyät'i mazai bøya. Ne i ja rán däte a ma ngøc'yεihu ya, pegue din jajø a njam'bu da du. ⁵⁴ Ne nu'bø bin ja ma ngøc'yεihu ngue njam'bu da du, ya bi ja'ts'a bi man rá t'ohni Ojø bøya, bi 'yøna: "Pe nu'bø dám 'bøhmbø mahøn'a, gue'a dí guah ran däte a, nguetho ya bi thøpi." ⁵⁵ "Hague grán däte, hapø i ja ni ts'edi ya ngue gui hyoje. 'Be'a gá ja ya thø, ne ya guí εna xquí taje." ⁵⁶ Ne nu yún t'ødi Ojø ne gue'u nám fadi ja ma ts'oquihu. Ne nu'a ma ts'oquihu bøya, gue'a ní zä di ungahu ran däte a. ⁵⁷ Pe jamadi gahø Ojø, nguetho bi jajø dá tøfø ran däte nangue'a ma Hmuuhu ra Jesucristo. ⁵⁸ Janangue'a, ma zi cu ahø, damín zømhbu bu xøn ho ne hin hapø gui 'uehmbø bu. Ne gui hyumbi man'da man'da gam pehmbø nangue rá 'befi ra Hmu, nguetho guí pøhmbø hinga sáti thoho a, xinda gue'bø hin ga ndanshu mahøn'a.

16

Nthøqui yø mbeti da 'bæx yø cu

¹ Ne nuya dín nde ga xi ahø 'be'a gui 'yøthø nangue ra mbeti guídø pøthø, ngue nu'a rám fäts'i ma mi'yεc'yεihu. Damí 'yøthø tengu thoho dá xicä u 'bøpø ja yøm pøti bu Galacia. ² Ngue gätho 'bu domingo, n'da ngu n'da ahø gui hyajø ts'u a hangu xquí tøhmbø nhøqto 'bu nhøqto, gui pøshø. Ne nu'bø dá søngä bu, ya di jabø, ne hinga ja gui pøthø bøya. ³ Ne nu'bø dá søngä bu, ga pehndä bu Jerusalén u yøn 'yøhu ngue gá huanhø. Ne ga un ra søcuqø da qøts'i nangue ran zengua, ne da hyaq'a xquí pøthø bøya. ⁴ Ne 'be dán 'yomføni 'bu da zä 'nequi ga mba, ya 'darpu dá mbähmbe bøya.

Bi ma da bøn na 'yo ra Pablo

⁵ Ne nu'bø dá mba na 'yo, i jatho 'be ba søngä bu Macedonia, ne ja ga thocä bu Corinto bøya. ⁶ Ne xømhma thoho dam

'bøhmbø bu 'da yø pa, uague dam 'bøhmbø bu gätho dám bøn yø pa xø se. Ne nubuya xømhma thoho da zä gui zeju ts'u 'bu di nequi to'o da 'yurca ra 'yu hapø gätho dan 'yo m'bøjua. ⁷ Pe hin dín ndegä ngue xø ga thotho bu guí 'bøhmbø, pe dín nde dam 'bøpø 'da yø pa, 'bu gue'a da nde ma Hmuuhu a. ⁸ 'Be dam 'bøcä ua ja ra hnini Éfeso man yozna, ja ga mba bu. ⁹ Nguetho εmmø hndeque ga man rám hman Ojø ua, madague'bø xøn ngu man shi'be 'bøcua. Pe εmmø i te rá 'befi Ojø ua, jannangue'a him 'bexque sá ga mba n'dihi. ¹⁰ Ne nu'bø da zøm bu a ra Timoteo, dami simanhøhu, janangue'a nte da bøni. Nguetho dim pøfi nangue rá 'befi ma Hmuuhu a, tengu thohogä. ¹¹ Pe jatho gätho ahø guí numansuhu a ra Timoteo. Ne nu'bø bá εcua, dami fæxhu ngue da zømanho ua. Nguetho dí tøn'ua a, ne εmmø dín nde ga nu mahøn'a, ne'u gätho mi'da. ¹² Ne εmmø dá xicä ma cuhø ra Apolo xtá mbähä 'da yø cu 'bøcua, ngue da nu ahø. Pe him bi nde bi mba ya. Pe xømhma thoho m'bøjua da mba bu 'bu bi zä da mba.

Yán zegui ran zengua

¹³ Ne jant'a thoho guí 'yøthø tengu'bø gan äthøhu, ngue gan zømhbu bu ja ni t'εc'yεihu. Dami hyuthø ran zambøi, din ja ni ts'ediha xøn ho. ¹⁴ Ne 'be'a gätho guí øthø, pe dami 'yøthø nangue ran huçcate. ¹⁵ Ne nuya ma zi cu ahø, guí pøhmbø ngue gätho ja a yán jahø ra Estéfano, mbødi yø 'yεc'yεi bu ra häi Acaya, ne εmmø hønt'a im bøni ngue da mbæx yø mi'yεc'yεihu u. ¹⁶ Janangue'a dín nde ahø εmmø guí numansuhu a ra Estéfano, ngue'a guí 'yøthø a da man a. Pe ne'u mi'dai i 'bøpø, ngue 'da'angu i øthø ra Estéfano, ngue'a hin din shi, ne humbi da 'yø' ra 'befi xøn ho, ne'u guí numansuhu u. ¹⁷ Ne εmmø dadí johyagä, ngue nu'a mí hømbø 'be'a guí øthø, pe ya dí pøcä ya, nguetho bi zøcua a ra Estéfano, ne ra Fortunato, ne'a ra Acaico. ¹⁸ Janangue εmmø bi xah ma mbøi. Ne ahø bi xah ni mbøihø ya, nangue'a ram hma gá 'yøgahø gue'a hin gmí pøhmbø. Ne dami numanhøhu u yø ja'i tengu u. ¹⁹ Nu yø cu i 'bøcua ra häi Asia, gätho i pen'nahø ran zengua. Nu ra Aquila ne ra Priscila rá xisu, ne gätho u dim pøti bu ja rá ngu, ne gätho i pen'nahø

ran zəngua nangue rá thuhu ma Hmuħħa.
²⁰ Dami hyaṇbahu yáñ zəngua gätho yá cu
i 'bæcua. Damin zəngua zəħeħha n'da ngu
n'da ahħa ngue 'da gdín huęctahħa. ²¹ Pe nugä
dra Pablogä ga ozəħegä n'da ran zəngua dí
peñ'nahħa nangue ma 'yεsegä. ²² Nu'bħa i 'bħa
a n'da ngue him majuqni i numanho a ma
Hmuħħa ra Jesucristo, ne hin te rán jaui Ojä
a 'bħa, ne da zänba ran uħbi a. Ne mi ts'utho
ba ɬi ma Hmuħħa da 'yøt' ran juqnbī a. ²³ Ne
nuya da mbäx ahħa rá mate ma Hmuħħa ra
Jesucristo. ²⁴ Ne ɬimmex dadí huęc'ahħa gätho
ahħa nangue 'darpħa dí 'bħħimbħa ra Cristo
Jesús. Ne hønt'a dí xi ahħa ya.

2 CORINTIOS

Ná yoho ra sōcuā bi 'yorba ra Pablo u yu 'yēc'yēi bū ja ra dāhnini Corinto

Ran zengua

¹ Nugä drá Pablogä, nē nangue rá pähä Ojä ma 'bäigä'be a ra Jesucristo. Dín 'yogä'be ma cuhü ra Timoteo. Nē dí pen'nahü bū ra sōcuā gyü 'yēc'yēihü ngue dim peti bū ja rán ngu Ojä bū ja ra hnini Corinto, nē gätho yu 'yēc'yēi i 'büpü ja ra xequi Acaya. ² Nē nu'a Ojä ma Tahü nē ra Jesucristo ma Hmuuhü di 'da ahü rá mate a, nē da hyut'a ni mbuihü.

Yún unbi ra Pablo

³ Jamadi Ojä rá Ta ma Hmuuhü ra Jesucristo, nguetho i ja rá yembü nanguejü. Nē guese Ojä thocua thoho i hurca ma mbuihü. ⁴ Nu'a Ojä i hurca ma mbuihü nangue gätho yän unbi dín nuhü. Janangue'a da zä ga hurpahü yü mbui 'da to'o in nu ran unbi, tengu tho bū í hyurcahu ma mbuihü Ojä. ⁵ Nu'bū dí comhbü yün unbi ra Cristo, nu'a di zerca ma mbuihü, go din theui ran unbi dín nuhü. ⁶ Nē nangue ran unbi dín nugä'be, gue'a dín te ni t'ēc'yēihü, nē di zet'a ni mbuihü a. Nē nu'bū di zerca ma mbui'be Ojä, nē ahü di zet'a ni mbuihü. Nguetho nu'bū guim bëmhü a ran unbi dín nu'be, sä gui hyäthü nē hin gan xömbühü ran unbi guín nuhü, tengu thohogä'be. ⁷ Hin ts'ü dadí 'yon ma mbui'be nangue ni t'ēc'yēihü. Nē dí pä'be ngue güí comhbü man unbi'be. Ngutho Ojä da hyurca ma mbuihü. ⁸ Nugä'be dín nde ahü, ma cu ahü, gui pähmbü ngue dán nu'be ran unbi bū ja ra häi Asia. Nē hin'yü ma ts'edi'be ngue xcá häzehü'be, nguetho emme ts'edi ran unbi dá nu'be, nē mi ts'ütho xcá tu'be bū. ⁹ Majuani e maguepu xcá tu'be, pe gätho u bin ja n'damhma sä ga pä'be ngue hin'yü ma ts'edi zehü'be, pe ga tóm'be 'bë'a da 'yöt' Ojä, ngue man'da xän ndoho rá ts'edi ngue da xox'ü xän du. ¹⁰ Nu'a Ojä bi yängä'be bū ja ran däte ngue emme nts'utho, nē dí pä'be ngue Ojä da yängä'be mahön'a. Nē dí

ec'yel'be nē dí tóm'be ngue thocuā thoho da yängä'be Ojä. ¹¹ Nē nu ahü sä gui zec'be ts'ü 'bü guín yahü Ojä nanguecä'be, nē m'bëjua bëya da zä gätho ahü n'dat'a ga xihmbü jamadi Ojä nangue 'bë'a bi 'yörca'be.

Ra Pablo bi ma hanja him bi mba n'dihi bu ja ra hnini Corinto

¹² I hu ma mbui'be nguetho di bënga ma mbui'be ngue xän ho 'bë'a dí ot'be ua ja ra ximhäi, nē xän ho 'bë'a dí ot'be nangue ahü. Nē hin nangue man 'yomfénise'be, pe Ojä i fäxca'be ngue dí ot'be ran ho. ¹³ Dín nde ahü gui pähmbü xän ho 'bë'a dí ot'be, tengu dí ot'ahü ya. ¹⁴ Nē madague'bü hin güí pähmbü gätho ya dí xi'ahü, pe nu'bü bi zön ra pa ba ehü ra Hmu Jesús, gan johyahü nangue a ram hma dí ot'ahü. Nē ngutho ga'be da hyu ma mbui'be nangue ahü. ¹⁵ Majuani min ndegä xcá mba bü, nē nu'bü xcá mba bü, mi sä nyondjü xcá hut'a ni mbuihü. ¹⁶ Mim bëngä ngue xcá thocä bü güí 'bühmbü, gan nu ahü ts'ü nu'bü má mbagä bü ja ra häi Macedonia, nē dím bëngä ga thopü mahön'a 'bü dá pëngä ua ja ra häi Macedonia. Nē nu'bü dá mba bü, dím bëngä ngue gui fäxcä bü ja ra 'yu Judea. ¹⁷ Pe hingui yoho man 'yomfénigä, tengu güí enju dí ot'ä 'bü him má thocä bü. Hin dí ot'ä tengu ot'i 'da u yän 'yohü ngue yoho im bëni. ¹⁸ Nē majuani dá bëngä xcá mba bü 'bü má xi ahü. Nē i pä Ojä majuani dí xi ahü. ¹⁹ Nugä nē ra Timoteo nē ra Silvano ya dá xi ahe nangue ra Cristo Jesús, rá Ts'üntü Ojä. Nē nu'a ra Cristo hin di pä a im bëni, pe hënt'a majuani im man a. ²⁰ Nē gue'a ra Cristo ní ja'ts'i 'bë'a gätho i săn Ojä da 'yöt'e, nē nangue bi hogahü ra Cristo dí pähmbü di 'dajü rá mate Ojä 'bü dí äfü, nē gue'a ná ephähu Ojä a. ²¹ Guet'a Ojä bi 'dajü ra ts'üdi ngue thocua thoho ga tenhdü ra Cristo, nē n'da ngu n'dajü bi 'dajü ra 'bëfi. ²² Nē guet'a Ojä bi 'yöt'e yü mbeti gahü a, nē bi 'dajü rá Hogandähi mbo ma mbuihü, guepu na fädi majuani di 'dajü 'bë'a gätho man'da. ²³ Majuani a dí xi ahü ngue hanja hin dá thocä bü güí 'bühmbü. Nu'bü xcá söngebü a ra pa dá xi ahü, xcá dämhyä ahü ts'ü 'bü, nguetho hinga nadí hoju 'bë'a güí öthü. Nē ndetho emme xcá un'n'a ni mbuihü 'bë'a xcá xi ahü. Nē dí pädi majuani a dí xi

ahu ya, ne dí xi Ojä di 'dac ran unbi 'bu him majuäni a dím ma. ²⁴ Pe dín nde ahu da hyu ni mbäihu, ne hin da du ni mbäihu 'be'a ga xi ahu. Ne gue'a dín nde ga ot'ahu 'bu dá mbagä bu. Pe hin'yu man'da sä ga xi ahu gui 'yec'yeihu, nguetho i jua'a guí ec'yeihu ngue guí pähmbu majuäni ra Cristo.

2

¹ Janangue'a dá ensegä, nu'bu dá mba bu mahän'a, hin ga 'da ahu ra dumbäi mahän'a. ² Nguetho nu'bu guim bändumbäihu, hingui sä gui 'daju ran johya 'bu. Ne hänsäe ahu sä gui 'daju ran johya, pe hingui sä 'bu i tu ni mbäihu. ³ Janangue'a dá ot'ahu ra säcuängue dín nde ngue gan 'yomfänhu ts'u, ne sä gui hoju 'be'a gnám 'buu. Ne nu'bu dá mbagä bu, ya xquí hoju a 'be'a man'da gnám 'buu, ne sä gui 'daju ran johya buya ne hin din ja'ahu ra dumbäi. Nguetho dí ensegä ngue n'dat'a dím bämhbu, nu'bu dín johyagä ne ahu ja nin johyahu. ⁴ Ne emme mi tu ma mbäi nu'bu má ot'ahu ra säcuä, ne emme dán zoni, nguetho hin dín nde gui u't' ni mbäihu nangue 'be'a dá ot'ahu, pe dín nde gui pähmbu ngue emme dadí huec ahu.

Da mba ma punbi to'o bi 'yot' ran ts'o

⁵ Hinga hänsägä pe gätho ahu i ja ahu ra dumbäi nangue 'be'a bi 'yot' ran 'yohu ngue bi zin rá hämbe. ⁶ Pe dí ena xät'a ya ran unbi gá unhdu a ran 'yohu. ⁷ Ne nuya nde'bu gui punbahu rá ts'oqui, ne gui hyurpahu rá mbäi. Nguetho nu'bu hin gui hyurpahu rá mbäi, man'da din ja ra dumbäi ngue njam'bu sä din hogui. ⁸ Nuya dí ä ahu ra mate ngue gui 'yuthu xän ho nin huecatehu a ran 'yohu. ⁹ Nugä dá ot'ahu nguetho dín nde ga pä 'bu guí ot'hu tengu dí xi ahu, uague hin'na. ¹⁰ Nu'bu guí punbahu n'da ni mijä'ihu, necä ga punba a. Ne nu'bu guí punbahu 'be'a bi 'yot'a n'da, ne dí punbäa nangue rán tädi ra Cristo. ¹¹ Nguetho hin dín ndegä da daju ra zäthu nangue 'be'a dí ot'hu. Dí pähmbu 'be'a nde da 'yot'a ra zäthu nguetho in nde da hyäju.

Him bin säya a ní bäem bu Corinto ra Pablo

¹² Nu'bu má sängä bu ja ra hnini Troas, Ojä ya xí xocua yá mbäi yá ja'i bu. Ne hingui

he*í* dá mangä bu rán ho ma'da'yo ra Cristo nguetho yá ja'i min nde da 'yode. ¹³ Pe hin dán johyagä, nguetho hin dá tängä bu ma cuhu ra Tito. Ngue xtá xiqui 'be'a guí ot'hu bu. Jananjabu dá socä yá ja'i bu Troas ne dá mbagä bu ja ra häi Macedonia, ja dá tängä bu a ra Tito.

Nangue ra Cristo sä ga täfu ra zäthu

¹⁴ Pe jamadi Ojä, nangue dín 'yohu ra Cristo di jaju ga täfu ra zäthu be'a gätho dí ot'hu. Ne hänbu go hapu dím mam'be ran ho ma'da'yo, Ojä di japi da tho a, tengu tho 'bu n'da ra 'yethi i tux ran dähi i yämanho. ¹⁵ Ne nangue dín 'yohu ra Cristo, Ojä in numanhoju, tengu ra 'yethi i yämanho bu nam bän Ojä. Nugä'be dím mam'be ra Cristo Jesús bu 'bu gätho yá ja'i, gue'u i ja yá temazai, ne u di 'beh ra temazai. ¹⁶ Nu a ram hma dím mam'be, da zänba ran unbi a 'bu hingui nde da hyan a n'da, pe nu u to'o i ec'yei 'be'a dím mam'be, di un ra te a. Pe to'o maha da hyät'i da'yot' na. ¹⁷ Hänt'u tengu gä'be ngue n'dat'a Ojä dím bämhbu, ne dyu 'behnigä'be Ojä, ne dyu 'yethe gä'be ra Cristo, ne nu a Ojä in nuc'be. Ne nugä'be hin dí ot'be tengu ot'u 'da xän ngue in nde da däse nangue rá 'befi Ojä i ot'e.

3

Rán hoqui Ojä ma'da'yo

¹ Ha guí emhbu dí ozähe ma certificado'be 'bu dí xi ahu 'be'a dí ot'be. Ha jatho din ja ma certificado'be ngue da xi ahu xän ho dí ot'be tengu i ca yá hyäte xänbate guí 'buu bu. O ha guí emhbu jatho guí 'yorca'be n'da tengu guí orpa u 'da. ² Pe go guesä ahu ma certificado ahu nguetho nu'bu 'bo'o ngue bi bä'a gnim 'buu, da bädi 'be'a ma hoga'beffí dá ot'ä bu 'bu mám 'buu bu. ³ Ne nu u yá ja'i ngue hingui ec'yei da nu ahu, tengu 'bu bi nu n'da ra säcuängue rám hman Ojä. Pe hinga gue ra säcuä nt'o't'i ra tinta o gue nt'o't'i bu ja ra do ngue da nu u, pe gue'a bi 'yo't'a ra Cristo bu ni mbäihu nangue rá Hogandähi Ojä 'bu má xän'nahu. ⁴ Da zä ngubu ga xi ahu ngue xän ho ra 'befi dí ot'a'be, nguetho i fäxäbe Ojä nangue dín 'yohu ra Cristo. ⁵ Ne hin nangue man hose'be da zä ga ot'be ran ho, pe hänsäe Ojä di 'dac'be ra ts'edi ga

øt'be 'be'a dí øt'be. ⁶ Nu Ojä bi 'dac'be 'be'a ga hom'be ngue i juadi xän ho, ngue da zä ga xi'be yä ja'i rán hoqui Ojä ma'da'yo. Nu ran hoqui hinga 'da'anguui i mammi yän t'ëdi nt'o't'i maya'bä. Nguetho nu'a ran ho ma'da'yo i xijä di 'dajä ra temazäi a rá Hogandähi Ojä. Pe nu yän t'ëdi i xijä tengu 'bä ma yapatehü, ngue'a hin dí hät'i ga øzehëhü a ran ho im mam bä. ⁷ Pe nu'bä rá mbädi bin t'un yän t'ëdi, pe min 'youi a rá nujxte Ojä, nguetho èmme madi yoxni rá hmi ra Moisés 'bä madín t'un yä do nt'o't'i yän t'ëdi, janangue'a hingui sää yä ja'i da hyërpa rá hmi. M'bejua baya bim 'be a rá nujxte mi ja bä rá hmi. Pe madague'a in 'youi ra nujxte yän t'ëdi 'bä ja min t'uni, pe din yapate ne ran unbi. ⁸ Nu yän t'ëdi min 'youi rá nujxte Ojä ne bi man a ran däte. Pe èmme xän ngu man'da rá nujxte Ojä in 'youi rá 'befi rá Hogandähi Ojä. ⁹ N'youi rá nujxte Ojä yän t'ëdi ngue din yapate, pe èmme man'da xän ngu rá nujxte Ojä din 'youi ran ho ma'da'yo ngue im man Ojä di hogahü. ¹⁰ Nuya bim 'beh rá ts'ëdi yän t'ëdi, nguetho èmme man'da i ja rá ts'ëdi ran ho ma'da'yo. ¹¹ Nu yän t'ëdi min 'youi ra nujxte, pe nts'änni 'da yä patho da hyät'i, ne bi thogui. Pe nuya èmme xän ngu ra nujxte in 'youi a ran ho ma'da'yo, ne njäm'bä da guadi. ¹² Dí pähmbä ngue njäm'bä dim 'beh rá ts'ëdi a ran hoqui ma'da'yo ngue bi 'yøt' Ojä. Janangue'a sää ga huthü nzämbäi gam mamhbä ran ho ma'da'yo. ¹³ Ne nu'bä dím mamhbä ran ho ma'da'yo, hin dí øthü tengu mi øt' ra Moisés maya'bä, ngue bi gop rá hmi ra 'bø't'e, ndepe hin da nu yä ja'i israel gue'bä xtím 'be a rá nujxte. ¹⁴ Pe nu yä ja'i him mi pä ngue dim 'be yä nujxte yän t'ëdi ne guexta'a yä pa ya, nu'bä in nu ra söcuä guepä nt'o't'i yän t'ëdi rán hoqui Ojä maya'bä, hingui sää da bådi. Nguetho tengu 'bä i ja n'da ra 'bø't'e bä ja rá hmi da gop rá dä. Ne hønt'a ra Cristo sää di 'uecpa a. ¹⁵ Guexta'a yä mbäi 'da i 'bähya, nu'bä in nde da den yän t'ëdi ra Moisés ne nu'bä im ma, hingui sää da bådi 'be'a nam bøn, nguetho njot'i tho yä mbäi. ¹⁶ Pe nu'bä di päh rán 'yomfëni n'da nangue a ra Cristo ne di däp rá mbäi a, din ja ran nequi rá mbäi 'bä. ¹⁷ Nu'a ra Cristo, 'da angui

rá Hogandähi. Ne nu'bä i 'bäpä mbo ma mbäihü, ne gue'a í thøgahü bä ja ra 'bexui ne ran unbi. ¹⁸ Ne hingan jo'mi ma mbäihü tengu 'bä dí hanthü xän ho a rá nujxte ra Cristo. Ne tengu n'da ra hyëdä di nequi bä to'o da hyandi, ne ngutho gahü man'da man'da di nequi gahü rá nujxte ra Cristo dí hanthü, ne gue'a ní 'yørcahü a ngue ga cohmbä tengu a.

4

¹ Nu rá mate zehë Ojä ngue bi 'dac'be ra 'befi, janangue'a hingui cuent ma mbäi'be nangue ra 'befi dí øt'be. ² Zai hin di thoc man 'yomfëni'be nangue rá 'befi Ojä, ne hin dí häte'be 'bä dím mam'be rám hman Ojä tengu i øt'ü 'da. Pe dím mam'be ngue majuäni a rám hman Ojä, ne gätho yä ja'i sää da bådi ngue dí 'yo'be xän ho bä ja rá hmi Ojä. ³ Hønt'ü ngue ní mba bä ja ran unbi hingui pädi 'be'a nam bøn a dím mam'be ngue ran ho ma'da'yo. ⁴ Nguetho nu ra zithu t'ëmbi ojä ua ja ra ximhäi i ja ya di xädäba yä mbäi i tenni, hin di japi ngue da nu nujxte a rán ho ma'da'yo ra Cristo, ngue xtí yorpä 'bäi. Pe nu'a ra Cristo gue'a ní fä Ojä a, ne 'da angui rá ts'ëdi. ⁵ Pe nugä'be hin dím mam'be a dí hnumanhoc'be, pe dím mam'be ngue gue'a ra Cristo Jesùs ra Hmu a. Ne dí øt'be ni 'yëhë ga'be, nguetho èmme dín numanho'be ra Jesùs. ⁶ Nu Ojä rá mbädi bi manda din ja ran nequi bä mi ja ra 'bexui, guet'a Ojä bi yorbä ja ma mbäihü. Ne nangue ran nequi i jajä bä ma mbäihü, sää ga pähmbä rá nujxte Ojä. Nguetho ra Jesucristo bi jajä dá pähmbä rá nujxte Ojä.

Nám 'bähmbä a ngue dí pähmbä a majuäni

⁷ Ojä bi 'dajä rá ts'ëdi mbo ma mbäihü, tengu n'da ra jähäi bi järpä a xän ngu di muui. Tengu 'bä dyä ts'øehü din xen'a n'dihi. Pe guepä na fädi him ma ts'ëdi zehëhü a ná ørpahü rá 'befi Ojä, pe guesë rá ts'ëdi a bi 'dajä. ⁸ Nguetho thocua thoho dín nu'be yän unbi, pe hingui tu ma mbäi'be nangue rá ts'ëdi Ojä dín 'yohe. Ne ja'bä hin dí pä'be 'be'a dán go a dí øt'be, pe hin dím mam'be ngue ga heh ma 'befi'be. ⁹ I 'bäh man shi'be pe hin dí 'yosë'be nguetho 'bäh mam fäts'ihe ra Cristo, ja'bä in nu ran a ma ja'i'be, pe hin dí tu'be. ¹⁰ Hønbä go

hapu ga mbe'be, dín nu'be ran unbi, ne sä xcá tu'be nangue rá 'befi ra Jesús dí ot'be, tengu tho 'bu mi du ra Jesús. Pe nangue dí hä'tbe yan unbi di nequi dí 'buhmbra Jesús, ne di jamansuc'be. 11 Ne thocua thoho en da thog'be nangue dí ot'be rá 'befi ra Jesús, pe gue'a ní nequi rá ts'edi ra Jesús dín 'yo'be a, ngue i fäxca'be, ne hin'yu ma ts'edi zeh'e'be. 12 Janangue'a thocua thoho i thusca man dätehu, pe gue'a man'da gním 'buhmb Ojaq xan ho a. 13 Nu'a n'da ran 'yohu bi ma maya'bu bu ja rá t'ohni Ojaq: "Nugä dí ec'yeigä, janangue'a dím mangä na," bi 'yena. Ngutho dí ot'ä'be ya, dí ec'ye*ib*e, janangue'a dí mam'be a dí ec'ye*ib*e. 14 Ne hin dí su'be, nguetho dí paq'be madá thog'be, pe guet'a Ojaq ngue bi xox'a ma Hmuhra Jesús 'bu mi du, da xoxcä'be tengu bu í xox'a ra Jesús. Ne ahu dan 'yohu 'bu dá sømhbu bu 'bu a Ojaq. 15 Pe nu'u 'be'a gätho dín nu'be nangue ahu, n'damhma man'da xtán ngu ahu guin nuhu rá mate Ojaq, ne man'da xtán ngu ahu gui 'yemf Ojaq, jamadi ni mate. Ne gue'a man'da dí t'espa Ojaq a buya. 16 Janangue'a hingui cuent ma mbai'be nangue a ma 'befi'be, madague'bu man'da man'da in theh rá ts'edi ma ja*l'i*'be. Pe Ojaq di un ra ts'edi ma mbai'be gätho yu pa. 17 Nu'u yan unbi dín nuhu ua ja ra häi hingan ya'a u, pe gue'a man'da dá timhbran ho bu mahetsi. Emme man'da xan ngu ra nuixte gan nuhu bu, xinda gue ran unbi dá nuhu ua ja ra häi. 18 Hin dím bemhb gätho yan unbi dín nuhu ua ja ra ximhäi, nguetho da tho u. Pe man'da dím bemhb 'be'a gätho hin dín nuhu ya, nguetho nu'a din jagähu bu mahetsi hin da tho a.

5

1 Ne dí pahmb ngue ma ja*l'i* tengu n'da ra ngu ua ja ra ximhäi, hinga ya'a da hyät'i. Ne nu'bu da yot' ma ngu ua din ja bu a man'da ma ngumhbu bu mahetsi ngue bi hyø Ojaq. Ne njäm'bu da gua a, nguetho him bi hyøh yu ja*l'i*. 2 Ne nuju dadín xømbihu nangue ma ngøc'yihu i jaju ya, ne dín dømdah di pärca ma ja*l'i*hu, da gohi ma'da'yo, ngue rán säui bu mahetsi a. 3 Nu Ojaq di japi ngue din ja ma ngøc'yihu bu. 4 Pe nuya ngue dí 'buhmb ua, ne in nu ran

unbi ma ngøc'yihu ne dín xømbihu. Pe hin nangue a dín nde ga tuhu n'dihi, pe man'da dín ndehu a ma ja*l'i*hu ma'da'yo, ngue dím pärcahu ma ngøc'yihu i ja ya. 5 Nu Ojaq bi zänni ngue di pärca ma ja*l'i*hu, ne bi 'daju rá Hogandähi ngue ra hmepya majuqni din ja. 6 Ne dín dø'mate thohu yu pa dí 'buhmb ua. Nguetho dí pahmb nu yu pa dí 'buhmb ma ja*l'i*hu i jaju ya, hin dí 'buhmb ma Hmuhra Jesús bu ja rá ngu bu mahetsi. 7 Dí pahmb majuqni din ja ma ngumhbu bu, nguetho dí ec'yigähu Ojaq, madague'bu hin dín nuhu. 8 Ne dín dø'mate thohu ua, pe dí emhb ngue man'da xan ho ga sohmbu ua ma ngøc'yihu, ne ga mbähä bu bí 'bu a ma Hmuh mahetsi. 9 Pe man'da hnehi thoho dín nde ga øth 'be'a in nde ma Hmuh, madague'a dí 'buhmb ua ja ra häi, uague dí 'buhmb bu guepu bí 'bui. 10 Nguetho da zøn ra pa ngue gätho dyu 'yec'yihu jatho dam 'bähmb bu ja rá hmi ra Cristo, n'da ngu n'daju. 'Dahmi 'datho ga hamhb 'be'a yan thehu dá øth ua ja ra häi. Ga tahmb bu xan ho, ga 'behmb bu hin ε ho.

Bi hogahu 'be'a nán suhmb Ojaq 'bu mí du ra Cristo

11 Ne dí su ga øt'ä a hin da numanho Ojaq, janangue'a dí humbi dí xifi 'be'a dí 'yec'yei Ojaq u yu ja*l'i*. Nugä'be Ojaq i pac'be xan ho 'be'a majuqni dí ot'be, ne nu ahu dín nde ngue gui pac'be xan ho. 12 Hin dín nde a'be guim bemhb ngue dím ma nangue man hose'be. Pe dín nde ngue guin numanhoc'be, guepu da zä gui hecuah yu ja*l'i* ngue i ten'nd yan 'yohu din 'yezeh, pe nu'u yu mbai u him majuqni u. 13 Pe dí ot'be 'be'a gätho da numanho Ojaq, nguetho dín numanho'be Ojaq, madague'a im man yu ja*l'i* dí tontogä'be. Pe nu'a 'be'a dí ot'ä'be da bømanho nangue ahu. 14 Nangue rán huecate ra Cristo ná ot'be 'be'a gätho dí ot'be, nguetho dí pahmb ngue bi du bi nu ran unbi nangue gätho yu ja*l'i*. Ne gue'a ní zä dim pomhbu ran unbi u, tengu 'bu xtán duse ngue xtán guzehu yu ts'oqui. 15 Ne bi du ne bi ndants' mahøn'a ngue nde di un ra 'da'yote u gätho yu ja*l'i*. Janangue'a da 'yet'sa ní 'yot' yu pähä zehu u to da hyæn ra 'da'yote, ne da 'yot'e 'be'a in numanho a. 16 Janangue'a nuya dá päh man

'yomfənihu, ne nuya hin ná numanhohu ma mija'ihu 'be'a di ja, tengu mi ðthu nu'bu him mi ç'yeihu. Pe gam bemhbu tengu bu nam ben Ojaq u. Ne nu'bu him mi ç'yeigä, dím beni ngue nu ra Cristo n'da ran 'yohu thoho tengugä, pe nuya hinguin ja bu dím bengä ya. ¹⁷ Nguetho gätho to'o in 'yohu ra Cristo tengu 'bu ma'da'yo u, nu yan yon 'yomfeni zehe bi 'be'u, pe nuya gätho bi gohi ma'da'yo. ¹⁸ Pe gätho bi 'yøzehe Ojaq dám 'buhmbu ma'da'yo. Nguetho bi hogahu 'be'a madín suhmbu Ojaq 'bu mi du ra Cristo. Ne nuya bi 'daju ra 'befi ngue ga xihmbu yu ja*l*'i 'be'a dí zin a Ojaq u, ne da mba ma punbi yu ts'oqui u gätho i ç'yei. ¹⁹ Nguetho nu'a Ojaq min 'youi ra Cristo nu'bu mi 'yøt'e 'be'a dí hocpa yu mbui yu ja*l*'i ja ra ximhäi. Nuya hin da gacpa a rá muui u yu ts'oqui gätho to'o da 'yç'yei a. Ne bi 'daju ra 'befi ngue ga xihmbu yu ja*l*'i 'bepu dín yqamanhohu Ojaq u. ²⁰ Nuju ma 'bäigähu ra Cristo, çemme dí hah ma mbui dí xihmbu yu ja*l*'i tengu tho 'bu xtá xise Ojaq u, ngue da 'yäpi di hocpa yu mbui, ne din 'yohu xen ho Ojaq. ²¹ Nu'a ra Cristo hin'yu rá ts'oqui, pe bi nu ran unbi nangue ma ts'oquihu tengu 'bu yu ts'oqui zehe. Janangue'a da 'yçambi rán ho a rán hose ra Cristo to'o gätho da 'yç'yei 'be'a ídu a.

6

¹ Nese a Ojaq dí comhbe rá 'befi, ne janangue'a gätho ma mbui'be dí xi ahu ngue gui jamansuhu rá mate Ojaq. ² Nguetho Ojaq bi mam bu ja rá t'ohni: "Dá ðca ni ndehu a ra pa gá zoju, ne dá ðot'ahu ra mate. Ne dá ze ahu ra pa dá yan ahu," çn'a Ojaq. Nuya yu pa ja buya Ojaq sá da 'yøt'ahu ran ho, nuya nám pa ya Ojaq i sá di pø'ahu. ³ Ne dí honi xen ho 'be'a gätho ga ðot'be, ngue hin di u't' yu mbui 'da 'be'a dí ðot'be, n'damhma njon di cäman'u rá 'befi Ojaq dí ðot'be. ⁴ Ne nangue 'be'a dí ðot'be dín nde ga ut yu ja*l*'i ngue majuqni yum 'behniga'be ra Cristo ua ja ra häi. Ne gätho dí ðot'be xen ho ne hin dín xombhui'be, madague'bu xen ngu ran unbi dín nu'be. Ne xen hei 'be'a nám 'bu'be, ne ja'bu hin dí paq'be 'be'a ga ðot'be. ⁵ Ne xen ngu yu nidi i 'benzaga'be, ne dí ofädi'be, ne dín nu'be 'da yan 'yo'ts'i 'bu in cue yu ja*l*'i. Ne 'da yu pa çemme dí

yä'be nangue ra 'befi xen hei dí ðot'be. Ne dí ätha'be 'da u yu xui, hin dí qä'be, pe dí tomda'be 'be'a din ja. Ne 'da yu pa hin'yu ga si'be. ⁶ Pe n'datho ma mbui'be tengu rán säui a majuqni, ne dá ðot'be ran ho nguetho dín 'yo'be rá Hogandähi Ojaq. Ne hin dadí xombhui'be nangue ma 'befi'be, pe dí utá'be yu ja*l*'i ma yembui'be ne man huçcate'be. ⁷ Ne dím mam'be a ram hma majuqni, nguetho di zec'be Ojaq ga ðot'be rá 'befi. Ne nangue ma hocja*l*'i dí ðot'ä'be, hingui sá di yaqpa'be yu ja*l*'i. ⁸ Ja'bu i hnumansuc'be, ja'bu hin'na, nu'u 'da di cäman'u'c'be, nu'u mi'da im ma xen ho dí ðot'be, nu'u 'da im ma dí fehnigä'be. Pe madague'a xen ngu 'be'a man u yu ja*l*'i, dím mam'be 'be'a ngue majuqni. ⁹ 'Bu i 'da ngue im ma ngue hingui pädi 'be'a dí ðot'be, pe 'bu i 'da i paq'be xen ho. Ne n'dapa ngu n'dapa i husca man date'be, pe guexta'a dí 'bu'be. Ne xen ngu yan unbi dín nu'be, pe hin dí tu'be. ¹⁰ Ne nu'bu dín nu'be ra dumbui, 'bex di 'dac'be ran johya ra Hmu mahets'i. Nugä'be dí hyoya'be, pe xen ngu u dí jap'be da din a ran ho, nguetho dí xicä'be 'be'a di un'na Ojaq. Ne hin'yu 'be'a da zä gam mam'be ngue ma mbeti zehe'be, pe hin'yu 'be'a dadí 'be'be, nguetho Ojaq di 'dac'be gätho dí hom'be. ¹¹ Nu ahu ma amigo ahu guí 'buhmbu bu ja ra hnini Corinto, ya dá xi ahu gätho 'be'a dím beni, nguetho dadí huçc'ahu ngue gätho ma mbui. ¹² Nugä'be majuqni dadí huçc ahu, pe nu ahu hin ε ja nin huçcate nanguecä'be. ¹³ Pe dí xi ahu tengu tho 'bu ma tuhni ahu, dami xoc ni mbuihu ne din ja ahu ran huçcate nanguecä'be, tengu tho dí ðot'be nangue ahu.

Ojaq i 'bupu mbo ma mbuihu

¹⁴ O guín 'yohu u 'da ngue hingui ç'yei Ojaq, nguetho nte yan jahu n'da u ðot' ran ts'o 'bu ðot' ran ho n'da. Ne nte rán jaui ra 'bexui a ran nequi. ¹⁵ Ne hin te rán jaui ra Cristo a ra Satanás ngue ra zjithu, ne hingui 'dat'a im bemmi n'da ra 'yç'yei a hingui ç'yei. ¹⁶ Ne hin te rán jaui rá ngu Ojaq u yu hmite, nguetho ni mbuihu rá ngu Ojaq ngue i 'bai mazai. Ne gue'a bi man Ojaq maya'bu: "Nugä dam 'bupu mbo yu mbui, ne dan 'yohu, ne nugä ga ðot'e yu Ojaqä u, ne nu'u ga ðot'e ngue ma tuhnigä u," bi 'yçn Ojaq.

¹⁷ Janangue'a bi 'yęn Ojä: "Damí 'uehmba bę, o guí tənhdu ngue'ę hingui ęc'yεi, nε 'yo guí sähę 'bε'a xən ts'o. Nε ga ət'e ngue ni Ojaję, nε ga sin ahę bęya. ¹⁸ Nε ga ət'e ni Taję nε nu ahę ga ət'e ma ts'ənt'ę ahę nε ma t'ixu ahę." Gue'a bi man Ojä ngue nujxte rá ts'ədi.

7

Bim päh yá mbüi yęc'yεi

¹ Ma amigo ahę dadí huęc ahę, ya xən ngu yən ho bi man Ojä da 'yørcahę, pe jatho ga 'uehmba bę i ja 'bε'a gätho xən ts'o. Nε ga 'uehmba 'bε'a in nde di ts'on ma ja'iħę, nε ma mbüihę. Jatho ga homhbę man'da man'da 'bε'a dí gua'a dán hoję, ngue gan numansuhę Ojä. ² Nε nu ahę guí 'bəhmbę bę ja ra hnini Corinto, dami bęnc'be nanguecä'be, nguetho xinga n'da ahę bi nu ran ənbi 'bε'a dá ət'ahę, nε hin te dá ət'ä'be ngue di ts'on'na ni mbüihę, nε xinga n'da ahę dá hä ahę ngue m'bęjua ga ęn'ahę gui jurcahu. ³ Nuya hin dín nde ngue ga dämhyä ahę, nguetho ya dí xi ahę ngue ęmme dadí huęc ahę, nε thocua thoho dím bęn ahę, asta gue'bę ga tugä. ⁴ Nugä dí ęc'yεi ngue guí əthę ran ho, nε gue'a ní hyu ma mbüi a. Nε nu ahę gadí 'daję ran johya, madague xən ngu yən ənbi dín nugä'be, pe ęmme hu ma mbüi ran johya. ⁵ Nu'bę má səngä'be bę ja ra häi Macedonia, ęmme xən həi 'bε'a dá ət'be, nguetho hənbę go hapę dá tho'be bi zəc'be yę ja'i, nε xən həi 'bε'a nám 'bę'be nε mi ja ra mbidi ma mbüi'be. ⁶ Pe nu Ojä nzai i hurpa yá mbüi a to'o i tu yá mbüi, nε bi hyurca ma mbüi'be 'bę mi zəm bę ra Tito. ⁷ Bi hyurca ma mbüi'be nangue gá hyurpa rá mbüi ra Tito 'bę gmí 'bəhmbę bę. Nu ra Tito bi xicä'be ngue ęmme bi du ni mbüihę nangue 'bε'a gá 'yøthę ngue hingui ho. Nε bi xicä'be ęmme gmín ndehę guin nuję. Nε nu'bę mi c'əman'ęgä 'da, nu ahę bę gá yənju. Nε nangue guím bęnję, man'da i hu ma mbüi. ⁸ Bi du ma mbüigä 'da yę pa nangue rá mbüdi səcuqá dá pən'nahę bę, pe hin'na ya. Bi du ma mbüi nangue ra dumbüi dá 'da ahę. ⁹ Nuya dadí johyagä, hin nangue bi du ni mbüihę, pe nangue gá päh nin 'yomfənihę 'bę mi du ni mbüihę. Nε nu Ojä bi japi ngue bi bəmanho 'bε'a dá

xi ahę. Nε nte man ənbi bi gohi 'bε'a dá ət'a'be. ¹⁰ Nguetho nu'ę i hon Ojä 'bę i tu yá mbüi, di japi di päh yá mbüi nangue yá ts'oqui, ngue da yənji, nε da 'ue'a ra dumbüi bęya. Pe nu'bę i tu yá mbüi ngue hingui pədi 'bε'a da 'yøt'e nε im bęn ra ximhäi, hin di päh rá mbüi 'bę, pe man'da di un ran dąte bęya. ¹¹ Nu ni dumbüihę bi 'da ahę ran 'yomfəni xən ho nangue gá hyomhbę Ojä, nε ęmme gá hyumbi gá hoję 'bε'a bin ja. Nε ęmme gá numan'ęhę a ngue bi 'yøt' ra ts'oqui, nε ęmme gá suhę 'bε'a bin ja. Nε gá un ran ənbi to'o bi 'yøt' ran ts'o, nε ęmme gán ęhyahę gui 'yøthę ran ho. Ęmme gmín ndehę xcá mbagä bę xcá ze ahę. Nε ya gá 'yuhmbę bin ho a ra ts'oqui gmín 'yohę. ¹² Jananjabę gue'a dá ot'ahę ra səcuqá a, ngue hinga hənt'a ngue di hoc rá mbüi a ran 'yohę ngue bi 'yøt' ran ts'o, xínga gue'a bi t'ørpa ran ts'o, pe nangue ma səcuqá dá ot'ahę, Ojä bi zä bi 'yut'ahę ngue majuqni guí tengahę. ¹³ Janangue'a ęmme hu ma mbüi'be. Nε man'da dadí johya'be nu'bę mi xic'be ra Tito ngue gá hyurpa rá mbüi a nangue 'bε'a gá 'yøthę. ¹⁴ Nε dá xih ra Tito, gue da t'ømanho a rám hma bę guí 'bəhmbę. Nε gue'a gá 'yørpahę, gá 'yømanho a ram hma bi xi ahę. Janangue'a hin dí pe'ts' ma ságä nangue 'bε'a dá xifi, pe ęmme i hu ma mbüi. ¹⁵ Nguetho nu'bę mí mba bę ra Tito, ęmme gá numansuhę, nε ęmme gán ęhyahę gá 'yøthę 'bε'a gätho bi xi ahę. Janangue'a man'da bin ja rán huęcate ra Tito nangue ahę bę. ¹⁶ Nε ęmme hu ma mbüi nguetho sá ga ęc'yεi ngue majuqni guí əthę ran ho.

8

Yáni t'unni yęc'yεi

¹ Ma zə cu'ahę, dín nde ahę gui pähmbę 'bε'a gätho bi 'yøt' rá mate Ojä bę mbo yá mbüi yęc'yεi dim peti bę ja ra häi Macedonia. ² Nu yę 'yεc'yεi bę bi nu ran ənbi nguetho yę hyoya thoho a. Pe guemhma ęmme i ja ran johya yá mbüi, nε man'da man'da di unda yən t'unni yá mi'yεc'yεihę. ³ Nugä dí häxanjuqni ngue bi unni xən ngu, madague'a hin'yę 'bε'a da gopę ja rá nguse, nε rá pähäzehe bi uni. ⁴ Nε bi 'yäc' ra mate ngue nε'ę da gom'ma ram fäts'i din t'un'ndę yę hyoya 'yεc'yεi bę ja ra häi Judea.

⁵ Ne man'da xən ho bi 'yøt'e xinda gue'a dá bęngä, nguetho m'bę'o thoho bi hyon rá pähä Ojä ngue di bęnbi 'bę'a da 'yøt'e, ne nubhäya bi xiqui ngue da mbäxqui ga fäx u yu cu. ⁶ Nu ra Tito rá mbədi bi xi ahü nangue yən t'unni gui umhbü. Ne dá xi'be ra Tito di jua'a di pəti gätho nin t'unnihü gá mamhbü gui umhbü, nangue nin huęcatehü, ngue ra mate thoho. ⁷ Nu ahü ęmme xən ngu yən ho guí əthü, ne i ja ni t'ęc'yehü xən ho, ne sää guím mamfü rám hman Ojä xən ho, ne ęmme guí pähmbü xən ho, ne ęmme guí ęhya gui 'yøthü rá 'bęfi Ojä, ne ja ahü nin huęcatehü nanguecä'be. Pe nuya xən ho 'bü gui umhbü xən ho nin t'unnihü, n'damhma hin te gui 'bęhmbü nangue rá 'bęfi Ojä guí əthü. ⁸ Nugä drá Pablogä hin dín nde ga manda ahü 'bę'a guí əthü. Nuna 'bę'a bi 'yøt' yu cu bü ja ra häi Macedonia, n'da ra hmępya a. Nu'bü ngubü gui 'yøthü, da zä ga pącä ngue majuani i ja ahü nin huęcatehü nangue yu 'yęc'yei. ⁹ Nguetho guí pähmbü rá mate ma Hmuuhü ra Jesucristo. Nu'a tengu 'bü ra məmbeti a, pe bin hyoya nanguejü ngue bi nde din jajü xən ngu. ¹⁰ Nuya i ja a ga xi ahü 'bę'a dím bęngä. Xən ho 'bü gui juahmbü 'bę'a gá dəmhbü má jeya, nguetho ęmme gán ęhyahü má jeya gá un nin t'unnihü. ¹¹ Nuya dami pəthü nin t'unnihü, ne daman ęhyahü ya, tengu 'bü rá mbədi gá bęmhbü, ne guí umhbü 'bę'a gätho sää guí umhbü. ¹² Nu'bü ja a nde di un a n'da, Ojä da numanho, 'bü gue'a rán theui 'bę'a pę'ts'a n'da a di uni. ¹³ Pe hin dí ęna go din dənhyei u 'da o dim məmbeti u 'da nangue a gá unhdü, ne nu ahü bęya hin'yü 'bę'a gui hyomhbü. ¹⁴ Pe nu'a dí xi ahü, pe nuya xən ngu i ja ahü, xən ho 'bü gui unhdü ts'ü u 'da hin'yü 'bę'a da hyoni. Ne nu'bü da zən ra pa ngue hin'yü 'bę'a gui hyomhbü, nu'u di ze ahü u. Janangue'a gätho thocua thoho din ja 'bę'a da hyoni. ¹⁵ Ne gue'a mán t'o't'i bü ja rám hman Ojä: "To'o di pəti xən ngu, pe hin da bong thoho a da hyonse, pe ne'u di pəti zü ts'utho, hin te di 'będi."

Ra Tito ne'u in 'yohü

¹⁶ Dí ęmfe jamadi Ojä ngue bi 'dac mam fäts'i'be ra Tito, ngue ne'a ęmme im bęn ahü ne ęmme ęhya nangue ahü. ¹⁷ Ngue nu ra

Tito min nde da 'yøt'e 'bę'a dá xifi, ne'a mi ja rá pähä zəhe da mba bü. ¹⁸ Ne da mbəra Tito na man'da ra cu ngue dí pənhdä bü, nu'a im man rám hman Ojä xən ho, ne gätho yu 'yęc'yei ngubü im ma nangue'a. ¹⁹ Ma mi'yęc'yehü bi huanhna ran 'yohü na, ngue dan 'yohe 'bü dá hąxhe ra mbəti bü Judea. Ne gue'a ná uh man huęcatehe ngue dín nde ga fäx ma cuhü, ne dí nujxte ra Hmu mahęts'i a. ²⁰ Nugä'be dadí jامansu 'bę'a dí ət'be nangue yən t'unni xən ngu, nguetho hin dín nde din ja 'bę'a dí c'äm'an'uc'be. Ne gue'a í than'ndü mi'da yu cu ngue ga mbähmbe 'bü dá hąxhe a ra mbəti. ²¹ Nguetho dín nde ga ət'be gätho xən ho bü na nu Ojä nəpü na nu ma mijä'i'be. ²² Ne ga pen'nahü bü man'da ra cu mahərn'a ngue da mbähä ra Tito. Ne nuna dí pähmbe ngue ra 'yęc'yei xən ho na. Nəhna ęmme ęhya da 'yøt'e xən ho rá 'bęfi Ojä. ęmme nde da mba bü da nu ahü, nguetho ya dá xihna nangue ni hogant'ət'ehü. ²³ Ne nuna ra Tito, man 'yo'be nangue ma 'bęfi dadí ze ahü. Ne nu'u mi'da in 'yohü ra Tito, yám 'behni u yu 'yęc'yei dim pəti ua. Ne da mbäx ahü nangue rá 'bęfi Ojä, gue'a dín nequi xən ho rá nujxte ra Cristo bü guí 'bęhmbü. ²⁴ Nuya dami 'yörca'be ra mate gui simanhohü yən 'yohü, n'damhma gätho mi'da yu 'yęc'yei da bədi ngue majuani i ja nin huęcatehü, tengu tho dím mangä ngue nzai i ja ahü ran huęcate.

9

Di pət yən t'unni nangue yu mi'yęc'yehü

¹ Nugä hingui jatho ga xi ahü nangue gui zəhmbü ni mi'yęc'yehü, nangue yən t'unni gui unhdü. ² Nguetho dí pədi ngue ęmme i ja ahü ra pähä gui zəhmbü u. Ne ya dá xih yu ja'i ngue i 'bęcua ja ra häi Macedonia 'bę'a guí əthü bü ja ra häi Acaya. Dá xihna ngue gán ęhyahü gá pət nin t'unnihü má jeya. Ne yu cu ua nde da dən'nahü 'bę'a guí əthü. ³ Nuya dí pen'nahü ya yu cu da mbäx ahü gui pəthü nin t'unnihü jannangue'a di ja bü 'bü dá səngähe bü, ne din nequi ngue guín ęhyahü gui fäxhü yu hyoya, tengu dá xih yu cu ua ngue guí əthü. ⁴ Ne nu'bü ga mbähmbe bü u 'da yu məngu ua ja ra häi Macedonia, ne hin xquín ęhyahü gui pət nin t'unnihü, ga pə'ts' ma sähü 'bü. Nguetho ęmme dí ęc'yei

guí Øth  'be'a gu m mamhb . 5 Janangue'a d  xihya y  cu dim 'b t'o da mba b , di z  ah , n'damhma da z  gui p eth  g tho nin t'unnih , di jua a g  mamhb . N  nu'b  d  mb hmbe b , ya xt  guadi xqui p t'  g tho nin t'unnih . N  nu man 'yohe da b di ngue g  umhb  nangue ni p h  z h h , n  hin nangue d  xi ah . 6 Dami b mh b  ya, to'o i tu z  yoho y  hmud , z  yoho da xoc' , p  to'o da duhu x n ngu, da xoqui x n ngu  . Janangue'a mp h  thoho gui unhd  y  hyoya y n t'unni, n  nu Oj  x n ngu ran j pi di 'da ah  b ya. 7 N'da ngu n'da di uni tengu im b n r  mb ai z h e di uni. O gad  umhb  'b  hin gu n ndes  ni mb ih , p  xinga gue'  mi'da da xi ah  gui umhb . Nguetho Oj  di hu c'  to'o i ja ran johya di uni. 8 Nu Oj  s  di 'da ah  x n ngu, janangue'a d  gua a gui hyonseh , p  ne'a thocua thoho gui unhd  to'o hin'y  'be'a da hyoni. 9 Nt'o't'i b  ja r m hman Oj  to'o ngue di unni x n ho   y  hyoya, nu'a r  hogant' t'e da gohi maz i. 10 Nguetho nu'a Oj  ngue nz i di un y  hmud  to'o i tup  ja ra hu hi, n  di japi din x ndi ngue din ja 'be'a da zi, guet'a Oj  di 'da'ah  ra hmud  d n x nd ni hogant' t'eh , tengu b  nan x nd y  hmud  b  ja ra hu hi. 11 Nu Oj  di 'daj  x n ngu, n'damhma da z  x  ga tho  x n ngu b ya. N  nu'b  d  und he nin t'unnih , n  to'o da hy ni da 'y spa Oj  ne di un ra jamadi Oj . 12 Yoho y n ho da b ni nangue nin t'unnih , nu y  'y c'yei din ja 'be'a da hyoni, ne g tho   di un ra jamadi Oj  b ya. 13 N  g tho to'o da hy n nin t'unnih  da 'y spa Oj , nguetho nu nin t'unnih  ra hm pya a ngue maju ni gu  'y c'yei r n ho ma'da'yo ra Cristo, ne  mme di johya ngue gu  p h mb  ni cuh   , ne'  g tho mi'da y  cu. 14 N  to'o da hy n nin t'unnih , da 'y p Oj  da mb x ah , ne di hu c ah  b ya, nguetho i ja ah  x n ngu r  mate Oj  b  mbo ni mb ih . 15 P  jamadi Oj  nangue ran t'unni  mme x n ho bi 'daj , ngue r  Ts' nt' , ne hingui s  gam b mh b  hangu na ngu di muui a. Janangue'a nu'b  d m b mh b  'be'a bin 'daj , hin ga hy j  'be'a d  pes h  b .

10

Ija r n t di ra Pablo 'be'a da xihya 'y c'yei

1 Nug  dr  Pablog ,  mme d n nde ah  gui 'y h mb  a ga xi ah , p  janate tho ga xi ah , tengu thoho 'b  da xi'az h h  ra Cristo. Nguetho gu  'b h mb  b  'da   s   na m e d n su 'b  d  'b h mb  b , ngue'a janate tho d m mang , p  nu'b  d  p n'nah  ma s cu ,  mme nts' di d m mam b ya, s   n   'da. 2 Nu'b  d  mbag  b , hin d n nde ga ut'ah  hangu r  ts' di man zamb i, p  s  ga d mhy g  ts'  to'o im ma ngue d m b nseg  'be 'be'a d   t'be. 3 Maju ni dy  ja'i thohoga'be ua ja ra ximh i, p  hin d  t m'be ua a ra ts' di n  t f  ra ximh i. 4 Nuj  hinga gue'a ma ts' diz h  n n s h mb , p  r  ts' dise Oj  a n  t f  r  ts' di ran ts'o. 5 Nangue r  ts' di Oj  d  hecuah  y n 'y ts'i y  ja'i nangue 'be'a p se, n '  hinguin nde da b  Oj . N  nu r  ts' di Oj  da z  di p r pa y n 'y mf ni y  ja'i ngue 'da'anguui da b mh b  ra Cristo. 6 N  nu'b  ya d  p 'be ngue maju ni gu  Øth  'be'a in nde Oj , nug  ga hut'anzamb i ngue ga 'uec'  'da gu  'b h mb  b , ngue hingui nde da 'y t'a in nde Oj . 7 Dami b mh b  ya 'be'a i t' t'ah . 'B  i 'da ah  ngue im b ni ngue maju ni in 'y h  ra Cristo, x n ho 'b , p  jatho da b di ngue nec 'be d n 'yo'be ra Cristo. 8 Hin d  p 'ts' ma s  x n ngu y  nidi ga xi ah , ngue bi 'dac man t edi'be Oj . Nu Oj  bi 'dac'be ra ts' di ga ze ah  man'da gu  p h mb  Oj , p  hin nangue ga ts'ong 'be ra 'b fi b . 9 Nug  hin d n nde gui suh  nangue 'be'a d   t'ah . 10 Nguetho 'b p  'da di c aman' g , ne  n' : " mme ja r  ts' di r  s cu  ra Pablo, p  nu'b  i 'b cua hin'y  r  ts' di, ne hingui s  din y  x n ho,"  n   'da. 11 P  jatho guim b mh b  'da ah  ngue tengu b  nan ja r  ts' di   ma s cu g , ne ngutho 'b  d  xi a z h h . 12 Nug 'be hinga 'da' gu d m b mh be y  ja'i i 'b p , ngue i ja ran 'y ts'i nangue 'be'a  na p se  . P  nu'  to'o im b ni man'da i p se xinda gue'  mi'da, p  hingui p  a maju ni. Nguetho s  i nu spa y  mij 'ih  nangue 'be'a im b nse. 13 P  nug 'be hin d m mam'be man'da ja man t edi'be xinda gue'a bi z ng 'be Oj , p  h nt'a d   t'be 'be'a i xic'be Oj . N  bi xic'be Oj  dam p 'be b  gu  'b h mb . 14 N  njon da z  da 'y na man'da bi tho'a d   t'be, xinda gue'a bi xic'be Oj  'b  mb di thoho

dá səm'be bə guí 'bəhmbə dá xi ahə rán ho ma'da'yo ra Cristo. ¹⁵ Nə hin dín nde ga əm'be ngue ma 'bəfi'be 'bə'a bi 'yət'ə mi'da bə guí 'bəhmbə, hənt'a ma 'bəfi'be ga ja ahə guim bəntha ni t'ęc'yəihə xən ho, nə gue'a dí zä ga ət'be man'da ra 'bəfi bə, 'bə da xic'be Ojə. ¹⁶ Nə sə ga mbe'be bə mi'da yə hnini bəya ngue man'da yatho guepə njom bi xih yə ja'i rán ho ma'da'yo ra Cristo. Nə njon da zä da ma ngue n'dan'yo dá thocpa rá 'bəfi bə. ¹⁷ Hingui ho 'bə din 'yəzəhə n'da, pə man'da da hyədumbəi da 'yəspa ra Hmu mahəts'i. ¹⁸ Nguetho hin te di muui 'bə din 'yəzəhə n'da, pə nu'bə i ət'e 'bə'a da numanho Ojə, gue'a di muui.

11

Ra Pablo bi ma nangue yə hyäte

¹ O gadín xəmbəihə 'bə'a dí xi ahə ya, madague'a dí yətontogä ts'ə. ² Pə nugä əmmə dí həfət ma mbəi nangue ahə, nguetho i ja bə mbo ma mbəi rán huəcate Ojə. Nə əmmə dín nde ahə hənse ra Cristo guin numanho, tengu n'da ra hmute ngue hin di ts'on rá mbəi, hənt'a in numanho a to'o dim 'bəhmi. ³ Pə dín su ngue di ts'on nin 'yomfənihə nangue ra fehni im man ra zəthu, tengu thoho bi 'yərpa ra zəthu ra Eva rá mbədi thoho, nə ts'ərpə thoho di ja ahə ngue hinga gätho ni mbəihə guin numanho ra Cristo. ⁴ Pə əmmə guí 'bəhmbə 'bə'a gätho i xi ahə 'da yə ja'i ngue i səm bə guí 'bəhmbə, madague'a i xi ahə n'dan'yo ra Jesús ngue'a hin din theui a dá xi ahə, nə n'dan'yo n'da ran 'yomfəni in nde di 'da ahə, nə i xi ahə n'dan'yo thoho nangue ran ho ma'da'yo, xinda gue'a dá xi ahə. ⁵ Pə nugä hingui coh ma ts'ədigä xinda gue a 'da guí tenhdə, ngue im mansə ngue man'da yə 'bəihə ra Jesucristo. ⁶ Pə dí pəcä a majuəni ran 'yomfəni nangue Ojə, nə gue'a dá ut'ahə xən ngu yə nidi, madague'a hingui sə dan hət'ahyə tengu'ə yən 'yohə. ⁷ Uague guí əmhəbə hingui ho dá ət'ə nguetho nte dá həc'ahə 'bə má mangä rán ho ma'da'yo ra Cristo bə. Pə dá ət'ra 'bəfi dá honse man ts'ihmə, nguetho min nde ga ze ahə. ⁸ Nə nu'bə má xən'nahə bə, nu'ə yə 'yəc'yəi i 'bəpə mi'da yəm pəti, gue'ə bi 'dacä 'bə'a dá hongä bə, janangue'a bi zä dá xi ahə ran ho

ma'da'yo ne nte dá ä ahə. ⁹ Nə nu'bə mám 'bəhmbə bə, him mi ja 'bə'a dá hongä, nə hin te dá ä ahə. Pə nu'bə mí zəm bə ma cuhə yə mengu macedonia, bi 'dacä 'bə'a madi 'bəcä. Nə ngubə ga ət'ahə mahən'a bə, hin te ga ä ahə. ¹⁰ Nə dím ma majuəni bə ja rá hmi ra Cristo, ngue hin te ga hacua yə cu 'bəpə ja ni häihə Acaya, nangue rá 'bəfi Ojə dí ət'ä bə, nə njon da zä da xiqui ga äh ra mbəti. ¹¹ Ha gue'a dí ət'ä gní 'yəmhəbə hin dadí huəc'ahə, pə Ojə i pədi ngue dadí huəc'ahə. ¹² Nə ga thoqui tengu dá ət'ä, n'damhma di nəqui ngue hinga 'da'igu dí əthe yə hyäte madague'bə ná yət'a əna i ət'e xən ho rá 'bəfi Ojə. ¹³ Nu ə im mansə ə əna yə 'bəihə ra Cristo, pə him majuəni im man ə, yə hyäte thoho, nə hin yə 'bəihə ra Cristo ə. ¹⁴ Pə nde'bə hin gui hyonya thohohə 'bə'a i ət'ə, nguetho nəse a ra zəthu da zä da hyä ahə, da zä da 'yət'e tengu 'bə n'da ra hogam'bəhni mahəts'i bá pen'na Ojə. ¹⁵ Janangue'a 'da'igu ət'ə ə yə 'yəhə ra zəthu, nə im bən yə ja'i yə hogam'bəhni ə. Pə da zən ra pa da nu ran ənbi din thehə 'bə'a bi 'yət'e.

Ran ənbi bi nu ra Pablo nguetho rá 'bəiui ra Cristo a

¹⁶ Pə əmmə dí nde ahə gui 'yəhmbə 'bə'a dí xi ahə, madague'bə guim bəmhəbə ngue dí tontogä ts'ə 'bə dí mansə 'bə'a dí ət'ä. ¹⁷ Nu'bə dím mansə 'bə'a dí ət'ä, əna gue'bə hinga gue'a bi xicä Ojə ngue gam ma, pə əna gue'bə dí tontogä ts'ə 'bə dím mangä tengu na. ¹⁸ Pə nu yən 'yohə bə i xi ahə nangue yən hose, nuya nəcä ga xi ahə ts'ə nangue man hose. ¹⁹ Nu ahə əmmə xən ho nin 'yomfənihə, pə əmmə guí əhyahə guí 'bəhmbə 'bə'a i xi ahə yə tonto. ²⁰ Nə əmmə gadí hohə gan 'yəhəhə to'o in nde di manda ahə, madague'bə i hä ahə o gue i ä ahə 'bə'a gätho i ja ahə. Nə guín numansuhə ə əmmə din 'yəzəhə, madague da mbəp'a ni hmihə, pə guexta'a guí tenhdə ə. ²¹ Nugä 'bə hingui sə ga ət'be tengu ə, pə gue'a gní mamhəbə hin'yə ma ts'ədigä 'bə. Nu'ə yən 'yohə guí 'bəhmbə bə im man yən hose. Nəcä ga hut'anzambəi gam mangä ts'ə nangue man hose, tengu n'da ra tonto. ²² Ná yət'ə ngue yə hebreo ə, pə nəcä drá hebreogä. Nə ná yət'ə gue yə israel ə, pə nəcä drá israelgä.

Ne ná yat' u gue yám bom'beto ra Abraham u, pe neçä drám bom'bëtoga ra Abraham. **23** Ne ná yat' u ngue yá 'yéhë ra Cristo u, pe nugä man'da drá 'yéhëgä a ra Cristo xinda gue'u. Nuya dím mangä tengu n'da ra tonto. Nugä man'da xan ngu ra 'bëfi dí òt'ä xinda gue'u 'da yán 'yohu, ne man'da xan ngu yá nidj dán ofädigä, ne xan ngu yá nidj dá nu ran unbi nangue yám fei, ne xan ngu yá nidj mi éna xtá thogä. **24** Ne cht'a nidj bi 'yorcä 'däte ma 'de'magato yám fei u ma menguhe yá judío. **25** Ne nhuyndj bi 'benzagä, ne n'dandj yá ja'i bi bat'adogä. Ne nhuyndj án xén'a ra barco mi hugä baya, bi zo bu ja ra dehe, ne 'däte ma goho ora dá o bu ja ra dehe baya. **26** Pe xan ngu yá nidj dán 'yogä ne xan ngu yá nidj má guepu xcá tugä bu ja yá däthe, nepu 'buh yá bë. Ne bi gorçä ra 'yu ma menguhe yá judío, ne'u hing yá judío. Ne mi éna xtá thogä bu ja yá hnini nepu ja yá däpo. Ne dá hu yá barco bu émme en ra dehe ran dähi émme nts'utho. Ne mi éna xtá hyogä u yá hyäte 'yec'yei. **27** Ne ja'bu émme dá yäcä nangue ma 'bëfi, ne bin unba ma ja'i, ne ja'bu nya'a thoho hin dán açä. Ne ja'bu nya'a thoho hin dán sihmegä, xinga gue ra dehe dá sigä. Ne ja'bu xan se nguetho hinga xot'a ma pahnigä. **28** Émme xan hei 'bë'a dí òt'ä, ne'u yá 'yec'yei gätho hønbu go hapu dim peti émme dí hadumbui ga jamansugä u. **29** Ne'a dí òt'ä 'da'angu dí sägähe u 'bë'a gätho i sä u, nu'bu 'bu a n'da ra 'yec'yei xan güent'i, dí com'be rán güent'i a. Ne nu'bu n'da ra 'yec'yei i òt' ran ts'o, nugä émme dí cuegä nangue a to bi 'bëpi da 'yot'e. **30** Pe nu'bu i ja a dín nde dá yädä, pe hønt'a dán güent'igä dá yädä. **31** Nu Oja rá Ta ma Hmuha ra Jesucristo majäpi mazai a, i padi ngue hing ra fehni dím mangä. **32** Tengu dá òt'ä n'dandj nu'bu mäm 'bucä bu ja ra hnini Damasco, nu'bu min ts'ut'abi ra Aretas, ne nu'a ra ts'ut'abi bi xi u yá dofui da gorca ra 'yu bu ja ra goxthi rá mbä't'i ra hnini, mim bëni ngue da bëndgä bu. **33** Pe nugä dá pøngä bu ja n'da ra ventana ne dá hugä bu ja n'da ra dä'bøts'e, ne nu'u ma amigo bi ca'ma ra 'bøts'e ngue ra xahi bu thi rá mbä't'i ra hnini. Ne him bi bëndgä u yá cot'yu. Mahotho dá òt'ä 'bu má pøngä bu ja ra hnini Damasco.

12

Oja bi 'yurpù mahëts'i ra Pablo

1 Nu'bu dím manségä 'bë'a dí òt'ä, hin te di muui. Pe guemhma ga xi ahu 'bë'a bi 'yurcä ra Hmu mahëts'i 'bu n'dandj. **2** Bi bonga 'de'magoho njëya Oja bi zixcä bu mahëts'i. Hin dí pacä 'bu ne'a ma ngoc'yëi o hin'na, pe Oja padi 'bepu ín ja. **3** Hønt'a dí pacä ngue dá mba mahëts'i, hin dí pacä 'bu n'youi ma ngoc'yëi o hin'na, hønt'a Oja padi 'bë'a dá òt'ä. **4** Ne nu'bu mí ts'ixcä bu guepu mahotho, dá òcä 'bë'a bi hmam bu, ne njongui man yá ja'i tengu a. Ne him bin 'dac ran t'ëdi gam ma 'bë'a dá ñpu. **5** Ne nuna bi t'ørcä i sá xcá yädä a 'bu gue'a xcá bëni gam ma, pe hønt'a man hosegä gam mangä ngue dí pacä hin'yá ma ts'ëdi zëhëgä. **6** Nugä i jagä 'bë'a xcan 'yëxä 'bu xcá ndegä ne hin dadin hyät'ä tengu 'bu ra tonto, nguetho da zä xcá ma majuani 'bë'a bi t'urcä. Pe hin dín nde ngue gue'a dí t'ëscä a, pe dín nde ngue gue'a in nuse yá ja'i a dí òt'ä dí numansugä u, ne'a 'bë'a ñse ngue dím mangä. **7** Nugä dá nugä émme mahotho bu. Pe nu ra zjithu bi 'dacä n'da ran unbi dí sägä. Ne Oja bi un ran t'ëdi da 'yørcä, ndeque hin dan 'yëzëhëgä nangue 'bë'a bi 'yurcä Oja. **8** Ne nhuyndj dá äpä Oja ngue di 'uec'i ts'u ran u i jagä. **9** Pe nu'a Oja bi xiqui hin di 'uec'a ran u, pe di 'dacä rá mate ne rá ts'ëdi sá ga hät'ä ran unbi. "Nu'bu hin'yá ni ts'ëdizehë, man'da di nequi ma ts'ëdigä," i éngä Oja. Janangue'a nu'bu hin'yá ma ts'ëdi zëhëgä, man'da émme dadin johyagä, nguetho dí pacä ngue'a man'da dí nequi rá ts'ëdi ra Cristo. **10** Nuya hingui tu ma mbai 'bë'a dí òt'ä, madague'a xan ngu yán unbi dín nugä, ngue di c'aman'ug yá ja'i, uague i pa ma ugugä. Ne hingui tu ma mbai nangue 'bë'a i ørca yá ja'i 'bu dí òt' rá 'bëfi ra Cristo. Nguetho nu'bu hin'yá ma ts'ëdi, pe man'da di 'dac rá ts'ëdi ra Cristo.

I haj rá mbai ra Pablo nangue yá 'yec'yei bu Corinto

11 Nu'a 'bë'a guim bëngahu, jatho ga xi'asehu 'bë'a dí òt'ä, tengu 'bu drá tontogä. Man'da xan ho 'bu xquim mansehu man hogä xinda gue'bu gam manségä. Nu yán 'yohu guí tenhdhu, hin'yá 'bë'a i ja u ngue hin'yugä, madague'a nte i jagä a di muui.

12 Nu'bu mám 'bucä bu, dá ut'ahu ngue majuani ma 'bäigä'be ra Jesucristo, hin dán xombui 'bu má ut'ahu ynt 'øt'e nujxte ne yu hyonya nt'øt'e gue gá nusehu 'bu mám 'bahmbu bu. **13** Hanja guíum mamhbu ngue hin dá øt'ahu bu tengu dá øt'ä bu 'buh mi'da yu 'yec'yei. Pe 'da'angu dá øt'ahu, pe hont'a n'da, ngue hin dá ä ahu 'be'a dá hongä. Ha gue'a gni 'yenju hingui ho a dá øt'ä. Pe dami pungahu 'bu. **14** Nuya ná hyundi ga mbagä bu. Ne hin te ga ä'ahu 'be'a dí hongä mahon'a, nguetho hin dín ndegä a ni mbetihu, pe dín ndegä gan jahu tengu 'bu ma t'uhni ahu. Ne hinga gue'u yu t'uhni i pe'ts'i 'be'a i hon rá ta o rá mbe. Pe nu yu ta ne yu mbe i pe'ts'i 'be'a da hyon yu t'uhni. **15** Pe da hyu ma mbui 'bu da zä ga 'bedi 'be'a gätho dí pe'ts'i gueph da zä ga hon'na ran ho ni mbuihu, ne gueph go him mi sä dam pefi ga ze'ahu. Pe masque hin gadí hucgahu tengu bu na huc'ahu. **16** Ne guíum mamhbu majuani ngue hin te dá hacä ni mbetihu, pe guíum bemhbu 'da ahu ngue dä tacä ni mbetihu ngue guí emhbu dä hä ahu. **17** Ha guíum bemhbu dä hä ahu ngue dä pen'nahu ym 'behni bu. **18** Nugä dä ndep ra Tito da mba bu, in 'youi man'da ma cuhu. Guí pahmbu hin te bi däha ngue dämä 'yä ahu. Nguetho 'da'ingu dím bengä'be ra Tito ngue dadí huc'abe, ne 'da'ingu bu na øt' ma 'befi'be. **19** Ma cu'ahu, dadí huc'ahu, dín 'yohu ra Cristo. Ne Ojaq padi majuani a dím mam'be ya, ngue dí hom'be 'be'a dín te ni mbuihu. Janangue'a dí honi ga tapä u ym hma him majuani, ngue im man'u yu hyäte di ugui. Ne hinga gue'a guíum bemhbu 'da ahu, ngue guí emhbu dí hom'be guin numanhoju. **20** Pe dí su ngue hin gan numanhogä 'be'a guí øthu bu 'bu dä mbagä bu. Pe ne da du ni mbuihu 'be'a ga xi ahu buya. Dí su ngue ga tin ahu gadín suhmbu n'da ngu n'da ahu, ne gadín seyahu, ne gadín cuefu n'da ngu n'da ahu, ne gadín c'qman'uhu, ne gadín 'yospatho'be'a gadín xihmbu, ne gadín 'yezehhu, ne dí su ga tin ahu hinga gue'a guí øthu bu ja nim petihu. **21** Ne nu'bu dä mbagä bu, dí su ngue ma Ojahu di jaqui ga pe'ts'ma sä nangue 'be'a guí øthu bu. Ne din jagä ra dumbui nangue to'o bi 'yøt' ran ts'o

mam'bet'o, ne guexta'a hin ni päh yu mbui, him bi 'yäp rá punbi Ojaq nangue ran ts'o bi 'yøt'e, gue'u bi 'yøt' ran 'yomt'ëni, ne'u bi zinba yu xisu mi'da ynt 'yohu.

13

Rán zofo ra Pablo, ne ynt zengua

1 Na hyundi ya ga mbagä bu gan nu ahu. Ne nu'bu dä mbagä bu, ga juanbä u i bähmbu u yoho o gue hyu yu testigo. **2** Nu'bu mám 'bucä bu mam'bet'o dä dämhyä u to'o zai i øt' ynt ts'o. Nuya ga xi'u mahon'a ne gätho mi'da ahu, nu'bu dä mbagä bu mahon'a, to'o gätho i øt' ran ts'o hin ga huctohoho u. **3** Ne nu'ahu da zä gui pahmbu xn ho ngue majuani rá ts'edi ra Cristo 'bu ja a dím mangä buya, ne him ma ts'edi zehégä. Ne nu'a ra Cristo hingui 'beh rá ts'edi ne guí pahmbu nguetho dim pepu mbo ni mbuihu rá ts'edi. **4** Nu ra Cristo him mi ja rá ts'edi 'bu mi du bu ja ra pont'i, pe nuya i 'bui nangue rá ts'edi Ojaq. Necä'be hin'yu ma ts'edi zehé'be tengu tho a ra Cristo 'bu mi du, pe nuya dín 'yohe ra Cristo nangue rá ts'edi Ojaq, n'damhma da zä ga hoc'ahu bu. **5** Nuya n'da ngu n'da ahu dami bemhbu xn ho mbo ni mbuizehhu, janangue'a gui pahmbu majuani i 'bupu mbo ni mbuihu ra Cristo. **6** Necä'be dín nde ahu gui pahmbu ngue majuani dí ec'yei'be ra Cristo. **7** Dí äp'be rá ts'edi Ojaq ngue gui 'yøthu ran ho, ne hin nangue da bomanho ma 'befi bu, nguetho man'da dín nde ahu gam 'bumanhohu ra Cristo, xinda gue'bu guin numansuc'be. **8** Nugä'be hin dín ndehma ngue ga hem'be to'o i øt'a majuani pe hont'a dín nde ga øt'be 'be'a di ze u. **9** Da hyu ma mbui'be 'bu di zac ni mbuihu nangue Ojaq, madague'a guíum bemhbu ngue hin'yu ma ts'edi'be. Pe hont'a dí äp'be Ojaq ngue din te ni mbuihu nangue Ojaq. **10** Dí o't'ahu ngue gui hoc ni mbuihu, nguetho hin dín nde nts'edi ga dämhyä ahu 'bu dä mbagä bu. Nu Ojaq bi 'dacä ran t'ëdi ngue ga tet'a ni mbuihu, pe him bi 'dac ran t'ëdi ga u't'a ni mbuihu. **11** Nuya hont'a dí xi'ahu ya, ma zu cu'ahu, Ojaq gui cohmbu bu guí 'bahmbu. Pe man'da din te xn ho ni mbuihu. Ne dami bemhbu 'be'a gätho dä xi'ahu, nde'bu

n'dat'a guim bεmhba n'da ngu n'da ahua,
ne gam 'bumanhohua, ne hin gan sahmbua
ba. Ne Oja da zä man'da di huεc ahua ne
da hyu ni mbuihua. ¹² N'da ngu n'da dami
zomanhothua nangue ran huεcate, nguetho
n'dat'a ra Hmu dí tenhdu. ¹³ Ne gätho ya
'yεc'yei 'bucua i pen'nahua ran zengua. ¹⁴ Nu
rá mate ma Hmuha ra Jesucristo, ne rán
huεcate Oja, ne rám fäts'i rá Hogandähi Oja
dí comhbua gätho ahua. Ne hønt'a dí xi ahua ya.

GÁLATAS Ra sōcuā bi 'yorba ra Pablo u yū 'yēc'yēi bū ja ra häi Galacia

Ran zengua

¹ Nugä dra Pablogä, guecä him bi huangä yun 'yohä, pe guese a ra Jesucristo, ne'a rá Ta, ngue bi xox'a rá Ts'unt'ü 'bū mi du. ² Nugä ne gätho ya ma cuhü nangue Ojä ngue i 'bæcua dí pen'nahü ran zengua. Guehna ra sōcuā dí ot'ahü, nangue gätho yü 'yēc'yēi i 'bæpü ra häi Galacia. ³ Dí äp Ojä ra Ta ne ma Hmuhä ra Jesucristo di 'da ahü rán japi ne da hyut'a ni mbaihü. ⁴ Nu'a ra Jesús bin däse bi gurca ma ts'oquihü. Ne nangue'bä mí du a, bi zä da yanju nangue ran ts'o i jaua ja ra ximhäi. Ne guehna rá pähä ma Tahü Ojä bi 'yørcahü. ⁵ Janangue'a dí espahü Ojä ne i ja rá nuixte gätho yü pa mazai.

Hin'yü man'da ram hma ngue dím pø a n'da

⁶ Nugä xøgue dadí hyonya thoho hanja 'bexque gá hyehmbü Ojä ngue bi zon'nahü xquí pahmbü rá mate ra Cristo, ne gá hyaxhü n'dan'yo ra 'yu t'ëmbi ní zin ahü Ojä. ⁷ Pe hin'yü man'da ra 'yu ní zinju Ojä, hindu hønt'a rán ho ma'da'yo ra Cristo. Pe i 'bü'i 'da'ü in nde da hyä ahü, ngue nde di pät'ahü ra 'yu nangue ra Cristo. ⁸ Pe ya xtá xi ahü ra 'yu ngue majuqni dí yanju Ojä a. Nu'bü 'bo'o da xi ahü ne 'dahma 'dan'yo tho da xi ahü, da nu rán ts'ëmbi Ojä a, madague'bü guecä o n'da rám 'behni mahëts'i. ⁹ Ga xi ahü mahøn'a tengu ya xtá xi ahü, nu'bü 'bo'o xi ahü n'dan'yo n'da ra 'yu xinda gue'a gá hyamhbü, Ojä da zänba ran unbi a. ¹⁰ Nuna ram hma dí xi ahü nts'edi ts'ü. Mfadi hin dí honi guin numanhøjü, pegue dí hongä Ojä da numanhogui. Pe nu'bü xcá honi 'be'a dí numanhog yü ja'i, hingui sä xcán 'yehégä nangue ra Cristo 'bü.

Hønt'a Ojä bi bñba ram hma im man ra Pablo

¹¹ Ma zü cu ahü, dín nde ahü gui pahmbü hing rám hman yü ja'i a rán ho ma'da'yo ra Cristo dí xi ahü. ¹² Nu ran ho ma'da'yo

dím mangä, xíngä n'da ran 'yohä bi xiqui, ne hín dá øcä bü ja man xädi a, pe guese a ra Jesucristo bi jaqui dí pädi. ¹³ Nu ahü ya gá 'yøhmbü 'be'a mí øt'ä nu'bü mi tøndä yü t'ëc'yëi u ma mijudiohe, emme madí undä ran unbi u yü 'yëc'yëi ra Cristo, ne mim bëngä xcá juadi gätho u. ¹⁴ Ne mi øt'ä xün ho yü t'ëc'yëi ma mënguhe yü judío, emme mi èhya ga ja'ts'ä u, ne xínda gue'ü mi'da 'da ingu yü jëya mi pes'he. Nguetho emme min nde xcá thocä yén t'øt'e u ndu mam bombøtahe maya'bü. ¹⁵ Pe nu'bü hin nám 'bucä, Ojä xí huangui, ne m'bëjua bi zongui nangue rá mate. Nguetho bi ndesë Ojä a. ¹⁶ Janangue'a bi jaqui dä pä'a rá Ts'unt'ü ngue gue'a ra Cristo, guepü bi zä gam man rám hma bü 'bëh yü ja'i hing yü judío. Ne nu'bü mi zoncä Ojä, xíngä n'da ra ja'i bi xängui. ¹⁷ Ne him 'bex dä mbagä bü ja ra hnini Jerusalén ngue xcán yä'be u mi'da yü 'bäihü ra Cristo ngue m'bët'o xinda guecä. Pe m'bët'o dä mbagä bü ja ra häi Arabia bü njongui 'büi, guepü dán yäse'be Ojä. M'bëjua bëya duá pengä bü ra hnini Damasco. ¹⁸ Pe xí tho'an hyu jëya 'bü má mbagä bü ja ra dähnini Jerusalén, ja dä päcä ra Pedro bëya, ne 'de'macut'a thoho dám 'bë'be bü ra Pedro. ¹⁹ Pe hin dä nugä mi'da yü 'bäihü ra Cristo, pe hønt'a ra Jacobo rán 'yohä ma Hmuhä dä nugä bü. ²⁰ Pe majuqni na dí ot'ahü, nguetho i pä Ojä hin dí mangä ra fehni. ²¹ M'bëjua bëya dä mbagä bü ja ra häi Siria ne ra häi Cilicia. ²² Ne nu'ü yü 'yëc'yëi dim peti bü ja yäm peti bü ra häi Judea, him mi päqui nguetho njäm'bü min nugui. ²³ Pege mi øde ngue guecä drá Pablo mi èna xcá juah yü 'yëc'yëi, pe nuya dím mangä rám hman Ojä. ²⁴ Janangue'a bi un ra jamadi Ojä ngue 'be'a bin ja nanguecä.

2

Mi'da yü 'bäihü ra Cristo bi zimanho a ra Pablo

¹ Nu'bü mi tho'a 'de'magoho njëya dä mbagä mahøn'a bü ja ra dähnini Jerusalén. Dá mbë'be ra Bernabé ne dä six'be ra Tito. ² Nugä dä mbähmbe bü nguetho bi bëngä Ojä. Ne dán yähe 'da'ü yü ngärpi yü 'yëc'yëi. Ne hønt'ü dä xi'be 'be'a ním hma dí xi'ü

hing yu judío, ngue gue'a rán ho ma'da'yo ra Cristo. Nguetho dí su di u't' yá mbai 'be'a dí ñot'ä, ngue hinga ne'u yá t'ëc'yei yu judío dí mangä hapu dí 'yo. Ne nu'bu hin xtá numanho, xtí ts'onga ma 'befi bu 'bu. ³ Pe nte bi xic'be, xím bi ma ngue jatho da thecuq rá xifani ra Tito tengu yá t'ëc'yei yu judío. Ne nuna ra Tito hin ra judío na, pe ra griego na. ⁴ Pe mi 'bupu u 'da yu hyäte ngue yén 'yøxte, ngue høntho in øxtho, ngue nde da budi gue'bu dí ñot'ä yá t'ëc'yei yu judío o hin'na. Nu'u in nde di hegahu 'be'a gätho bi 'daju ra Cristo, ngue bi jaju ga hehmbu yén t'ot'e yu judío. ⁵ Pe xíngui ts'u dán hyehmbu ngue da hyäje u yu hyäte, pe dá zacuahe a ram hma majuqni. Nguetho dín ndehe, hønt'a majuqni rán ho ma'da'yo ra Cristo gui 'yét'ambuihu a. ⁶ Ne nu'u njuqntho yu ngurpi bu, madague'bu t'ëmbi man'da ja yén t'ëdi xinda guecä, pe 'da'angudähe, nguetho 'da'angu yén 'yohuthoho bu na nu Ojá. Ne him bi xiqui n'dan'yo n'da ram hma ga xänba yu ja'i. ⁷ Pe nu'u yu ngurpi bi hyäxa njuqni ngue gue'a Ojá bi 'dacä ra 'befi ga xi'u hing yu judío a rán ho ma'da'yo ra Cristo, tengu thoho ra 'befi bi un Ojá ra Pedro nangue da xih ma mijudio. ⁸ Nguetho n'dat'a Ojá bi 'dac'be ra ts'ëdi ra Pedro, ne bi xifi da xi'u yu judío, pe nugä, bi xiqui ga xi'u hing yu judío. ⁹ Janangue'a nu'bu mi hyäxa njuqni ngue 'da'angu nan hëts'i a ra 'befi bin 'daje u yu ngurpi a ra Jacobo, ne ra Pedro, ne ra Xuua, bi bendga ma 'yé'be ra Bernabé. Nu'a nám bøn'a n'dat'a dí ëc'yeihe, ne n'dat'a dím mamhbe ga mbe'be bu 'bu' u hing yu judío, dam pe'be bu, pe nu'u, di thoqui da xih yu judío. ¹⁰ Hønt'a bi xic'be jatho ga fäx'be yu hyoya, pe ngubu dí ñhya ga ñot'a.

Nu'a ra Pablo bi dqmhyq ra Pedro bu Antioquía

¹¹ Pe nu'bu mi mba bu ja ra hnini Antioquía a ra Pedro, nugä dá xip rá hmi, nguetho hingui ho bi 'yot'e. ¹² Nguetho nu'bu mi zøm bu 'da u ma mijudiohe bi mben'na ra Jacobo, ne 'bex bi 'yéts'a na sihmehu hing yu judío, sä bi zu da 'yémp'u yá mijudiohu hingui ho bi 'yot'e. ¹³ Ne nu'u mi'da yu judío ngue mi ñc'yei bu, bi den'na ra Pedro. Ne'a ra Bernabé bi den'ndu ngue

madí yorba yén t'ot'e. ¹⁴ Pe nu'bu má nugä ngue him bin theui ran ho ma'da'yo a bi 'yot'u, dá xi'a ra Pedro, ne gätho mi 'bäpu: "Nu'i gra Pedro gra judío, pe hin gmi ñot' yén t'ot'e yu judío. Pe hanja gní 'yot' mahøn'a yén t'ot'e yu judío, ne n'danni guín sihme. Pe tengu'bu guí uthu u hing yu judío ngue da 'yot' yén t'ot'e yu judío," dá ñambi.

Dyu judíohe, ní yaqne a ra Cristo

¹⁵ Nugähe ngue dám 'buhmbe dyu judíohe, nzai dá ñthe yén t'ëdi Ojá bi sije. Ne hin dám 'buhmbe tengu'u hing yu judío, ngue hingui pah yén t'ëdi Ojá u. ¹⁶ Pe guehma dí pahmbe hin dí hogahu yén t'ëdi gue Ojá bi un mam bombøtahe maya'bu, pe hønt'bu ga hamhbe rá mate ra Jesucristo, di hogahu ma ts'oquihe, dyu judiogähe. Janangue'a neçähe ngue dá pahmbe yén t'ëdi Ojá, pe dá hamhbe rá mate ra Jesucristo ngue di hogahu. Ne hin dí ñmhbe di hogahu 'bu dí ñzehehhe u yén t'ëdi. Nguetho mán t'o't'i: "Xínga n'da da t'ëmbi xen ho nangue yén t'ëdi Ojá." ¹⁷ Ne nugähe dyu judíohe, pe nangue ra Cristo dí homhbe di hogahu ya. Ne gue'a ná es'he a dím bemhbe di hogahu u yén t'ëdi Ojá. Pe hin dím bemhbe ngue dyu 'yot'ats'oquihe 'bu dí es'he u, nguetho gätho xen hotho rá 'yu ra Cristo. ¹⁸ Pe nu'bu gam mangä ngue jatho ga ñot'ä mahøn'a yén t'ëdi Ojá bi un ma mijudiohe, ngue gue'u dí hogä u, pe ga cohi dra 'yot'ats'oqui 'bu, nguetho hin dí hätl'i ga ñot'ä yén t'ëdi tengu in nde Ojá. ¹⁹ Janangue'a dá ñts'a ná bengä ní zingä Ojá u yén t'ëdi, ne dá ten'na ra Jesucristo nguepu da zä di 'dac ra 'da'yote, ne da zä bu ga ñrpa rá 'befi Ojá buya. ²⁰ Nuya dám 'bucä tengutho 'bu 'darpu xcá tu'be ra Cristo bu ja ra pont'i, ngue bi 'berca man 'yomfenise. Ne gue'a ra Cristo i 'bucua mbo ma mbai ya, di bengä a dím ma ne 'be'a gätho man'da dí ñot'ä. Pe gue'a nám 'bucä a ngue thocua tho dí hangä rá ts'ëdi a rá Ts'unt'u Ojá, ngue bi huegä a ne bi un rá te nanguecä. ²¹ Ne nugä hin te dím mangä ngue säti thoho bi du'a ra Cristo. Pe nu'bu xtí hogahu u yén t'ëdi Ojá, säti thoho bi du'a ra Cristo 'bu.

3

Hinga gue'ʉ yʉn t'ɛdi ín 'dajʉ rá Hogandahí Ojɑ ʉ

¹ Nu'ahʉ ma zʉ cu ahʉ, ngue guí 'bʉhmbʉ bʉ ra häi Galacia, hanja gnán 'yambʉihʉ, to'o bi hyä ahʉ ngue hin gui 'yøthʉ a mazuani. Nguetho rá mbʉdi gá 'yøhmbʉ xʉn ho 'bε'a nam bøn'a í du'a ra Jesucristo. ² Pe damim bømhba ya nda'a ín 'dajʉ rá Hogandahí Ojɑ a, ha gue'ʉ yʉn t'ɛdi Ojɑ bi man ra Moisés, uague gue'bʉ má ɛc'yεihʉ bi du ra Cristo nangue ma ts'oquihʉ. ³ Ne ya gá dʉhmbʉ gán 'yohʉ rá Hogandahí Ojɑ nangue gá 'yεc'yεihʉ ra Cristo. Ha guí ɛna gui hyεhmbʉ a, ne guí ɛna gan hoczehεhʉ ya. Hanja gán tontohʉ. ⁴ Ne nangue gätho yʉn ʉnbi gá nuhʉ, ha hin te ts'ʉ nin 'yomfəni bi 'da ahʉ yʉn ʉnbi. Nde'bʉ gui pahmbʉ ts'ʉ 'bε'a nam bøn'ʉ yʉn ʉnbi. ⁵ Pe gá 'yεc'yεihʉ 'bε'a bi 'yøt'ahʉ ra Cristo, ne gue'a ín 'da ahʉ rá Hogandahí Ojɑ a, ne gue'a ní ja ahʉ gui 'yøthʉ yʉn t'øt'e nuixte, ne hinga gue'a gní 'yøthʉ yʉn t'ɛdi yʉ judío. ⁶ Nu ra Abraham bi 'yεc'yεi a bi xi Ojɑ da 'yørpe, ne hin'yʉ man'da 'bε'a í ts'imanhø a. ⁷ Nde'bʉ gui pahmbʉ ya ngue gätho yʉ 'yεc'yεi i comhbʉ rán japi Ojɑ bin t'un'na ra Abraham, tengu'bʉ njuqñtho gätho yʉ t'uhni ra Abraham. Nguetho i ɛc'yεi 'bε'a bi man Ojɑ tengu ra Abraham. ⁸ Nu Ojɑ mám'bøt'o mi padi ngue da numanho ʉ gätho to'o da 'yεc'yεi 'bε'a bi ma, dague'bʉ dyám bom'bøtohʉ ra Abraham o hin'na. Janangue'a Ojɑ bi xi'a ra Abraham: "Gätho yʉ nde 'dahma 'dan'yo gui comhbʉ ran japi ʉ da 'yεc'yεigui tengu i," bi t'ɛmp'a ra Abraham. ⁹ Janangue'a gätho to'o da hyqñtho ram hma nangue ran ho da 'yørcahʉ Ojɑ, n'dat'a ran japi ga comhbʉ ra Abraham, nguetho n'dat'a rá t'ɛc'yεi dí øthʉ. ¹⁰ Nu'ʉ gätho ngue i ɛna, jatho da 'yøt' yʉn t'ɛdi bi un Ojɑ yʉ judío, gätho da nu rán ts'embí Ojɑ ʉ. Nguetho i mam bʉ ja rám Hman Ojɑ: "Nu'bʉ gui festhohohʉ a n'da ran t'ɛdi, säti thoho 'bε'a mi'da gui 'yøthʉ 'bʉ, ne guexta'a gui nuhʉ rán ts'embí Ojɑ." ¹¹ Mfadi ya ngue xínga n'da ra ja jɑ'i sá da zin'a Ojɑ nangue'a ní 'yøt' yʉn t'ɛdi yʉ judío. Pe tengu i mam bʉ ja rám Hman Ojɑ: "Gätho to'o da hyqñtho ram hma nangue ran ho da t'ørpe, nu Ojɑ di

hocpa yʉ ts'oqui, ne di un ra temazai." ¹² Pe nu yʉn t'ɛdi Ojɑ, guí ɛmhbʉ gui uaçphahʉ rá mate Ojɑ ʉ. Pe bi 'yøntho ʉ: "Nu'bʉ 'bøi to'o da hyät'i da 'yøt'e gätho yʉn t'øt'e yʉn t'ɛdi, dí zin Ojɑ ʉ yʉn t'ɛdi 'bʉ," bi 'yøn'ʉ. ¹³ Nu'a ra Cristo bi yanjʉ nangue ran ts'embí mi ja xcá nuhʉ ngue hin dá jas'hʉ yʉn t'ɛdi. Nguetho bi nu ran ts'embí nanguejʉ 'bʉ míñ zəphʉ ja ra pont'i. Ne gue'a nam bøn'a mán t'o't'i bʉ ja rám Hman Ojɑ: "Da nu rán ts'embí Ojɑ a to'o din zəphʉ ja ra za," mi ɛna. ¹⁴ Nangue 'bε'a bi 'yøt'a ra Cristo Jesús, sä ga hømhba rá Hogandahí Ojɑ, nangue'a dá ɛc'yεihʉ. Ne n'dat'a ran japi bi un Ojɑ ra Abraham ngue da comhbʉ yʉ ja'i hing yʉ judío, ne gätho mi'da ngue da 'yεc'yεi.

Hingui sä yʉn t'ɛdi di ts'onba ran hoqui bi 'yøt'ra Jesucristo

¹⁵ Ma zʉ cu ahʉ, ga xi ahʉ n'da ra hmεpya ya. Tengu'bʉ yoho yʉn 'yohʉ i hon yʉ testigo da 'yøt'a n'da ran hoqui, ne i huspa yʉ firma ne rá sello ra zε'mi. Njo'o man'da ran 'yohʉ sä di pädi. ¹⁶ Nu ran hogui bi 'yøt'ui Ojɑ a ra Abraham ne rám bom'bøto. Pe nu rám hman Ojɑ him bi ma ngue gätho yám bom'bøto, pe bi ma hønt'a n'datho, ngue gue'a ra Cristo. ¹⁷ Nugä ga xi ahʉ ya 'bε'a nam bøn'a dím mangä. M'bøt'o thoho xí 'yøt'ui ran hogui Ojɑ a ra Abraham, ne tengu'bʉ ya bi firmabi ngue njam'bʉ dim pädi. Ne m'bøjua bʉya bi un yʉn t'ɛdi ma mijudíohe, 'bʉ ya xí thoqui goho ciento ne 'däte ma 'døt'an jøya. Pe hin'yʉ yʉ ts'edi ʉ yʉn t'ɛdi ngue di ts'onba a ran hogui bi 'yøt'ui Ojɑ ra Abraham. ¹⁸ Ne nu'bʉ da gue'ʉ yʉn t'ɛdi xtí zinjʉ Ojɑ, pe hin xtá man'a Ojɑ a ran hogui í hogazehεhʉ Ojɑ 'bʉ. Pe nu'a ran hogui bi mammi Ojɑ a ra Abraham, di untho nangue rá mate zεhε. ¹⁹ Pe hanja í zän'na Ojɑ ʉ yʉn t'ɛdi, gue'bʉ ya hinga gue'ʉ ørcahʉ ran ho ʉ. Pe m'bøjua bi man Ojɑ yʉn t'ɛdi, gueph da fadi gätho i ja yʉ ts'oqui yʉ ja'i. Pe nu'ʉ yám 'bøhni Ojɑ mahεts'i bi xi'a ra Moisés ngue di un yʉn t'ɛdi yʉ ja'i ne hinga guesε Ojɑ. Ne bi zän Ojɑ din t'ε't's' 'bʉ bi zøh rám bom'bøto ra Abraham ngue bi ma ba εhε, ngue gue'a ra Cristo. ²⁰ Pe nu Ojɑ bin yøseui ra Abraham 'bʉ mí 'yøt'ui ran hogui, njom mi 'bä'inde n'da ra pøngahyɑ, ne

him mi 'bähmi n'da rám 'behni mahëts'i. Ne hønt'a Ojä bi 'yøt'ui ran hogui ra Abraham.

'Bë'a nam bøn u yøn t'ëdi

21 Pe nu'a Ojä hingui yoho yäm hma bi xiju. Nu'bø xcá häthø xcá jäs'hø yän t'ot'e u yän t'ëdi, gue'u xtí 'daju ra temazai 'bø. **22** Pe nu rám Hman Ojä i ma ngue gätho yä ja'i i ja yä ts'oqui. Ne gätho to'o da 'yëc'yëi 'bë'a bi 'yøt'a ra Jesucristo, da hyäni 'bë'a bi man Ojä ngue di unni. **23** Nu'bø hin ní zöcua häi ra Cristo, mí øthe yän t'ëdi Ojä madí mandagahe xän ho, tengu'bø dyu ofädihe. Jague'bø mi zøh ra Cristo, dá hämhbe rá mate bi xogahe. **24** Ne nu yän t'ëdi midí mandagahe 'bø hin ná pähmbø ra Cristo. Ne tengu n'da ra t'uhni i pa ma ünbi 'bø hingui ho øt'e, pe gue'u dá hämhbe rá mate ra Cristo di hogaque. **25** Nuya dá däh ma mbüihø ra Cristo, ne him man dí homhbø 'bë'a man'da di mandagahø. **26** Nguetho gätho bi 'yørcahø yä t'uhnidahø Ojä 'bø má hämhbo rá mate ra Cristo. **27** Ne gätho dán xixyähø nangue dí tenhdø ra Cristo ne 'da'angu dím bëmhbo a. **28** Ne dí 'bähmbø ra Cristo, janangue'a hinga 'dahma 'dan'yo bø na nujø Ojä, dyu judiohø, o gue dyu griegohø, o gue dyu 'yëhëhø o gue hin dyu 'yëhëhø, o gue yän 'yohø, o gue yu xisu. Pe gätho gahø tengu'bø dí 'bähmbø n'danja'itho bø na nu Ojä. **29** Ne nu'bø dí 'bähmbø ra Cristo, tengu'bø ne ahø gätho bi xändgahø ra Abraham, ne sää ga comhbø ran hogui bi 'yøt'ui Ojä a, ne sää ga hämhbo rán japi Ojä bi ma di unni.

4

1 Nuya dín nde ga xi ahø n'da ra hmepya 'bë'a mi ørcahe yän t'ëdi Ojä 'bø him mi tñmhbe ran 'yomfëni. Tengu'bø n'da ra t'ut'uhni da du rá ta, ne i 'bøi tengu'bø n'da ra 'yëhë bø ja rá ngu, madague'bø xän ngu 'bë'a bi zocpa a rá ta. **2** Jatho da mba ma manda asta gue'bø go bin te ra t'uhni. **3** Ne gue'a mi øthe a 'bø hin ná pähmbø, midí mandagahe u yän t'ëdi Ojä, gue bi xije 'bepø dán 'yohe ua ja ra ximhäi. **4** Pe nu'bø mi zøn ra pa ngue bá pënh Ojä rá Ts'unt'ø, ne bim 'bøi nangue n'da ra xisu ngue ma mijudíohe. Ne nu'a rá Ts'unt'ø Ojä bi 'yøt' yän t'ëdi Ojä. **5** Janangue'a bi zä bi hyägahø gätho yu ts'oqui dín dupatehø

nangue hin dá øthø yän t'ëdi xän ho, ne bi zä bø bi zinjø Ojä ngue dyu t'uhni gahø bøya. **6** Ne nujø yä t'uhnidahø Ojä, ne bá pëngahø a rá Hogandahi bø ja ma mbüihø. Ne nangue dí 'bähmbø rá Hogandahi Ojä, sää gam mamhbø ngue ma Tahø Ojä. **7** Nuya guí 'bähmbø ngue yä t'uhni ahø Ojä, ne hin guí 'bähmbø tengu gyu 'yëhëhø. Ne nangue'a 'bë'a bi 'yøt'a ra Cristo, Ojä di 'da ahø 'bë'a gätho i ja, nguetho yä t'uhni ahø.

I hædumbui ra Pablo nangue yu 'yëc'yëi

8 Pe nu'bø hin gní pähmbø Ojä majuäni, ngue gue'ahø hing yu judío ahø, gmín 'yëhëhø yu ojä ngue him majuäni. **9** Pe nu ahø ya gá pähmbø Ojä, ne'a Ojä i pø ahø. Ha guim bëmhbo gui hyomhbø man'da ra 'yu mahøn'a, ngue gan 'yëhëhø yän t'ëdi Ojä guim bënséhø dí zin'ahø Ojä u. Pe nu yän t'ëdi hin'yu yä ts'ëdi u, tengutho a ra 'yu gá hyëhmbø mam'bët'o, 'bø gmí thandehø yu ojä him majuäni. Pe nte manho da 'yøt'ahø mahøn'a u. **10** Pe nuya guí ñmhbo i ja yä ts'ëdi u 'da yu pa, o gue'u 'da yu zäna, o gue 'da yu jeya. **11** Nugä dra Pablogä, ñmme dí su nangue ra 'befi xtá øt'ä bø guí 'bähmbø, ne 'bë'a dá xi ahø, ñna gue'bø nte ní mbatho. **12** Nu ahø ma zø cu ahø, dín nde ahø gam 'bähmbø tengugä, nguetho dá ε'ts' yän t'ëdi mi øt'ä, ne dí 'bæcä tengu ahø ngue njäm'bø gá 'yøthø yän t'ëdi mam'bët'o. Ne nu'bø mäm 'bähmbø bø, gán numanhoju, nte mán ts'o gá 'yørcahø. Masque nähya guí 'yømanhohø na. **13** Pe guí pähmbø ngue mi ugä, ne gue'a dá mbagä bø. Ne nu'bø mäm 'bähmbø bø, dá xi ahø ran ho ma'da'yo bøya. **14** Ñmme xän hëi ran u mi jagä, pe njo'o ahø gá sanjø ngue xän ugui. Pe gätho ahø gá sinjø xän ho, tengu'bø dram 'bëhni mahëts'igä, o tengu'bø da guecä dra Jesucristogä. **15** Ñmme mi hu ni mbüihø 'bø má xi ahø ram hma. Ne nu'bø 'bo'o xtán zä, xtá hyä rá dä ne xtí 'daqui. **16** Pe nuya, ha guí sñjø ya nangue dí xi ahø majuäni. **17** Nu yu ja'i ngue i hä ahø, høntho in nde di 'uec'ahø nanguecä, nguetho in nde ahø go guí numansuhø u ne guí tenhdø u. **18** Xän ho ngue guí tenhdø u 'da, pe guí huanhdø to'o majuäni im ma xän ho, madague'a hinga 'darbø dí 'bähmbø. **19** Ma zø t'uhni ahø nangue ra Cristo, nts'ëdi gá ugahø,

tengu'ba n'da ra xisu ngue hinga nam 'bah
rá t'uhni, ngue xø ga ja ahu gam 'bahmbu
ma'da'yo mahøn'a. Ne guexta'a ga thoqui
ga nu ran unbi, jague'bu gá pahmbu xan ho
a ra Cristo. 20 Xi'bu di 'bacä bu, n'dahma sä
dan yasehu, nguetho nuua dí 'bacä hingui
sä ga padi 'be'a guim bemhbu.

Rá hmepya ra Agar ne ra Sara

21 Nu ahu ngue guín nde gui 'yøthu yén
t'edi ma mijudíohe, ga xi ahu ya 'be'a nam
bon u yen t'edi. 22 Nt'o't'i ngue mi 'bui yoho
yú ts'unt'u ra Abraham. N'da rá ts'unt'u ra
'yehë xisu, ne n'da rá ts'unt'u a rá xisu zehë
ngue hinga gue'a rá 'yehë. 23 Nu rá ts'unt'u
ra 'yehë xisu bim 'bui tengutho 'bu im man
yu ja*'i* dim 'buh yú t'uhni, pe nu rá ts'unt'u
a rá xisu zehë bim 'bui nangue rá ts'edi Ojä
nguetho ya xí man'a Ojä ngue dim 'bui.
24 N'da ra hmepya ngue yoho yu 'yu i hax
yu ja*'i*. Nu ra 'yehë xisu ní huti ra Agar,
rán t'uti u yén t'edi Ojä bin t'un'na Moisés
bu ja ra t'ohø Sinaí. Ne nu'u to i ten'ndu,
tengu'bu yu 'yehë u. 25 Nu ra Agar i uh ra
hmepya nangue ra t'ohø Sinaí nubu ja ra
hái Arabia, ne ngutho ra dähnini Jerusalén
ngue'a i ja bu a ya. Ne nu yu ja*'i* i 'bupu, i
uh ra hmepya tengu'bu yú 'yehë u yén t'ot'e
yén t'edi u. 26 Pe nu ra xisu ngue hing ra
'yehë i uh ra hmepya nguepu mahëts'i, ra
hnini Jerusalén ma'da'yo. Ne njongui pa
ma manda bu nangue yén t'edi. Ne nuju dyá
menguhu bu. 27 Nt'o't'i bu ja rám hman Ojä:
Gan johya gra xisu ngue hing ra 'yehë,
madague'bu hinga nam 'buh ni
t'uhni.
Nts'edi gan yä nangue nin johya, gue'e hin
gana nu ran unbi.

Nguetho dim 'buh mi'da ni t'uhni ngue yú
t'uhni Ojä, emme xtán ngu, xinda
gue'a ra 'yehë xisu ngue i tin yú t'uhni
nangue bi mansë tengu yu ja*'i*.

28 Ma zu cu ahu, nuya dí øthu tengu ra Isaac
rá ts'unt'u ra Abraham, ngue Ojä bi ma dim
'bai. Nguetho yú t'uhnidahu Ojä tengu bi
ma. 29 Pe nu man'da ra ts'unt'u ngue bim
'bai nangue bi mansë tengu man yu ja*'i*,
bi zu'a ra ts'unt'u ngue bim 'bai nangue rá
ts'edi a rá Hogandähi Ojä, tengutho in ja
ya. 30 Im mam bu ja rám hman Ojä; "Dami
'yethu ra 'yehë xisu ne'a rá t'uhni, nguetho

hin da gonhui 'be'a i ja rá ts'unt'u ra xisu
ngue hing ra 'yehë." 31 Gui pahmbu ya, ma
zu cu ahu, ngue hin dyu t'uhni gahu ra 'yehë
xisu. Pe tengu'bu dyu t'uhnidahu ra xisu
ngue hing ra 'yehë.

5

Hin dan 'yehë yen t'edi mahøn'a

1 Nu'a ra Cristo bi yanju bu min 'yehë
mam'bet'o, ngue ya him man dan 'yehë
bu. Pe damin zamhbu bu hapu bi mbäp'ahu
ra Cristo, ne 'yo gadín umhbu gan 'yehë
mahøn'a. 2 Dami 'yøhmbu ya 'be'a dí xi
ahu, nugä dra Pablogä. Nu'bu gui 'yen
gui 'yøthu 'da yen t'edi ngue gui hyec ni
xifanihu, nu'a ra Cristo hin da zä da 'yøt'ahu
n'da ran ho a 'bu. 3 Dín nde ga xi ahu
mahøn'a. Nu'bu gui du'mi gui 'yøthu yén
t'edi ma mijudíohe, jatho gätho gui 'yøthu,
nguetho hinga xot'a n'datho gui 'yøthu.
4 Nu'bu 'bu i 'da ahu ëna ngue ja yú ts'edi
u yén t'edi di hoc'a ni mbuihu ngue da
zimanho ahu Ojä, pe ya gá hychmbu ra
Cristo 'bu, ne gá 'uehmbu bu ja rán huecate
Ojä buya. 5 Pe nu rá Hogandähi Ojä dá
hamhbu 'bu má pahmbu majuäni ra Cristo,
gue'a dí 'yen xan hoju Ojä a, ne gue'a
ná tomhbu da zinju xan ho. 6 Ne nu'bu
dí 'bahmbu ra Cristo, madague'bu da mba
nthequi ma xifanihu o hin'na, hin te di
muui. Pe man'da hnëhi thoho ga simhbu
xan ho ma mbuihu a ra Cristo, ne gue'a dí
jaju ga øthu ran huecate a. 7 Pe nu'bu rá
mbüdi thoho, emme gmí 'yohu xan ho bu ja
rá 'yu Ojä. To'o bi zamp'ahu ngue hin guí
øthu ra 'befi majuäni. 8 Him bi zamp'ahu Ojä,
nguetho guesë Ojä bi zon'nahu gan 'yohu bu
ja rá 'yu. 9 Nu'bu guí 'bahmbu n'da in nde di
ts'on'na nin 'yomfënihu, 'da xni ts'on'natho
ni mbuihu 'bu, tenguthoho 'bu rá íxi ra
thuhmë i sinni gätho ra jäni. 10 Nugä dí
haxa njuäni ngue ma Hmuä Ojä di ja ahu
'da'angu gam bemhbu. Ne to'o i 'bupu ngue
in nde di ts'on'na nin 'yomfënihu, da nu
rán ts'embi Ojä a, hønt'a go to'o. 11 Nu'bu
guexta'a dí xicä yu ja*'i*, jatho gui 'yøthu yén
t'edi ma mijudíohe, hin din nugä ran ëcpi
'bu. Pe guexta'a i pa ma uguigä nguetho dí
mangä, jatho gui 'yçc''yeihu a ra Cristo, ngue
bi du bu ja ra pont'i nangue ma ts'oquihu.

¹² Nu'a to'o in nde da hyec'a ni xifanih^u, man'da x^un ho 'b^u da 'uetho ^u. ¹³ Nguetho nu ah^u, ma z^u cu ah^u, Oj^a bi ja ah^u bi thøc'ah^u y^un t'^ɛdi, ne bi zon'nah^u in nde ah^u gan 'y^ɛheh^u n'da ngu n'da ah^u nangue ran hu^ɛcate. Ne hínguin nde ah^u gui 'yøth^u ni pähä zeh^uha. ¹⁴ Pe tengu'b^u dá j^us'h^u gätho y^un t'^ɛdi Oj^a 'b^u dan hu^ɛjh^u n'da ngu n'daj^u tengu b^u nan hu^ɛcs^uh^u. ¹⁵ Pe gan ja-mansuh^u, xøhma ts'urp^u thoho gam 'b^ɛseh^u 'b^u gan sahmb^u n'da ngu n'da ah^u, ne gan täth^u.

Gam b^ɛmhb^u rá Hogandähi Oj^a

¹⁶ Pe guehna dí xi ah^u na ya. Dami 'yøth^u a di b^ɛn'nah^u rá Hogandähi Oj^a, ne gue'a gní 'yes'h^u gní 'yørpa rá pähäzeh^u ni ja'i b^uya. ¹⁷ Nguetho nín 'yomfénise n'da, hinga gue'a im man rá Hogandähi Oj^a a, ne nu rá Hogandähi Oj^a hinga 'da'anguui ní pähäzeh^u n'da, ne din sahmi ^u. Ne nu rá Hogandähi Oj^a hin di jaj^u ga øth^u 'be'a in nde ma ts'on 'yomfénih^u. ¹⁸ Ne nu'b^u gue'a rá Hogandähi Oj^a dí tenhd^u, di z^urcma mbaih^u, janangue'a hin da zä da sij^u dá festah^u y^un t'^ɛdi Oj^a. ¹⁹ Gätho mfädi 'be'a nín t'^øt'e n'da 'b^u øzeh^u 'be'a in nde ní ja'i n'da. Ngue i øt' ran 'yomt'eni, ne ran ts'om'bäi, ne ra ts'on'yomf^uni, ²⁰ ne i th^unde y^u za o gue y^u hmite, ne i øt' y^un jaxt^uni, ne i øt' y^un shi, ne i øt' ran ts'ey^ua, ne in cue, ne i øt'a i numanhose, ne i øt' y^un heque, ne i nde n'danni din 'yo, ²¹ ne i siyate, ne i hote, ne mihni, ne di muns'p^uja y^u ngo ngue da 'yøt' y^u ts'oqui, ne n'dan'yo thoho i øt'e. Ne dí xi ah^u mah^un'a tengu dá xi ah^u, ngue nu'u to'o øt' ya, hin nan säui da y^urp^u di manda rá ts'^ɛdi Oj^a. ²² Pe nu'a rá Hogandähi Oj^a di jaj^u ga øth^u ran hu^ɛcate, ne ran johya, ne ní hyu ma mbaih^u a, ne hin dan xømbuih^u, ne ga øth^u ra yemb^ui, ne ran hocj^u'i, ne ga j^us'h^u dí mamhb^u, ²³ ne hin ga säman'uh^u, ne ga sámzeh^u ma mbaih^u. Ne nu'b^u ga øth^u ya, hin'y^u n'da ran t'^ɛdi da zä dí z^uj^u 'b^u. ²⁴ Ne nu'a to'o in 'youi a ra Cristo, tengu'b^u xí guarp^u ja ra pont'i a rá ts'on'yomf^uni zeh^u, ngue him man di manda a rá pähä zeh^u ne gätho 'be'a mí nde rá ja'i. ²⁵ Pe nu'b^u dí 'b^uhmb^u rá Hogandähi Oj^a, jatho ga jaf^u di mandagah^u 'be'a gätho dí øth^u 'b^u. ²⁶ Pe nde'b^u hin dan 'y^ɛzeh^uha, janangue'a hin

ga b^ɛnbah^u u mi'da ngue da nde da 'yøt'e tengu'ha 'da bin 'y^ɛts'i.

6

Dam fäxh^u n'da ngu n'daj^u

¹ Ma z^u cu ah^u, nu'b^u 'b^u'a n'da ah^u bi d^ung b^u ja ran ts'o, pe nu'ah^u gue guexta'a guim b^ɛmhb^u rá Hogandähi Oj^a, janate tho guin zohmb^u a, gui zehmb^u da mbeng b^u ja rá 'yu Oj^a, guim b^ɛmhb^u ne'ah^u hin'y^u ni ts'^ɛdih^u, ts'urp^u thoho ne ah^u gui t^uanj^u 'b^u da ts'ä ah^u. ² Ne nu'b^u guí comhb^u ni dumbaih^u, guí øth^u rán t'^ɛdi ra Cristo 'b^u. ³ Pe nu'b^u 'b^u'a n'da ah^u din 'y^ɛzeh^u, ne hin'y^u 'b^u'a p^udi, din hyäzeh^u 'b^u. ⁴ Ne hinga gue'a nan johyah^u ngue gam b^ɛmhb^u x^un ho ma 'befih^u xinda gue mi'da. Pe ga ørpamasu ma 'befih^u ngue ga øth^u x^un ho, ne gue'a dán johyah^u a b^uya. ⁵ Pe n'da ngu n'da ah^u jatho gui 'y^ɛzeh^u 'b^u'a go ní 'befi di 'da ah^u Oj^a, ngue ni 'befizeh^uha. ⁶ Nu ah^u ngue i sän'nah^u ran ho ma'da'yo, nde'b^u gui fäxh^u ni xänbateh^u gätho 'be'a i honi, janangue'a 'da xtám fäxtah^u. ⁷ O guim b^ɛmhb^u gui nuh^u ran ho 'b^u guí øth^u ran ts'o, nguetho guidín hyäzeh^u 'b^u guim b^ɛmhb^u a, ne hingui s^uga häth^u Oj^a. Tengu'b^u ga tuhmb^u y^u hmudä. Nu'b^u dá tuhmb^u a x^un ho, x^un ho a din ja b^uya, pe nu'b^u ga tuhmb^u a hingui ho, hingui ho din ja b^uya. ⁸ Nu'b^u 'b^ui to'o i øt'e ngue i numanhose rá ja'izeh^u, xmá mba di 'b^uh ra temazai 'b^u. Pe to'o 'b^ui nangue rá pähä rá Hogandähi Oj^a, nu'a din t'un ra temazai. ⁹ Nde'b^u hin dan xømbuih^u ngue ga øth^u ran ho, nguetho da z^un ra pa da hnurca ma 'befih^u 'b^u hin da güent' ma mbaih^u. ¹⁰ Janangue'a jant'a thoho ga ørpah^u ran ho gätho ma mij^u'ih^u a ra ora ngue da zä ga ørpah^u. Ne man'da gam b^ɛmhb^u ga ørpah^u ran ho ma cuh^u nangue ra Cristo.

Man'da ran zofo, ne ran zengua ran zegui

¹¹ Guín nuh^u ya y^u t'ohni x^un ndoho dá o't^äzeh^u. ¹² Nu'u to'o in nde di 'b^up'ah^u ngue gui hyec ni xifanih^u, pe hønt'a in nde dí numanho y^u ja'i. I su xtá nu ran unbi 'b^u xtá ma, hønt'a ra Cristo í hogah^u 'b^u mí du b^u ja ra pont'i nangue ma ts'oquih^u. ¹³ Nu'u to'o im ma ngue da thec'a ni xifanih^u, pe nde hønt'a dí y^uat'a gui tenhd^u, gue'b^u da zä

di 'bεp'ah^u gui hyεc ni xifanih^u. Ne hingui
 øt'e gätho y^un t'εdi. ¹⁴ Pe nugä hin dín nde
 dá yq^ta dí øzehε. Pe hønt'a nán johyagä a í
 du b^u ja ra pont'i ma Hmuh^u ra Jesucristo.
 Ne nugä tengu'b^u 'darbu dá tu'be ra Cristo,
 tengu'b^u dá tugä ua ja ra ximhäi, ngue hin
 dí øt'ä y^un t'øt'e a. Ne nu y^un t'øt'e ra
 ximhäi, hin te rán jaui a 'bε'a dí øt'ä. ¹⁵ Pe
 nu'^u in 'yoh^u ra Cristo, hin te di muui 'b^u
 nthεqui o hin'na, pe man'da di muui ngue i
 ja ra tema'da'yo. ¹⁶ Ne dí äp Oj^u da hyurpa
 y^u mb^ui, ne di un rán johya ^u gätho to'o i 'yo
 ra 'yu dí xi ah^u, nguetho gue'^u majuqni y^u
 t'uhni Oj^u ^u. ¹⁷ Nu y^u pa dí mba b^u ya, o
 εmmε gadí ^ungah^u ma mb^ui, nguetho i ja
 y^umb^uedi ma ja'i hap^ubi ts'εgui, nangue dán
 'yεhεgä ra Hmu Jesús. ¹⁸ Ma z^u cu ah^u, dami
 cohmb^u rá mate ma Hmuh^u ra Jesucristo.
 Ne hønt'a dí xi ah^u a ya.

EFESIOS

Nu ra sōcuā bi 'yorba ra Pablo u yu 'yēc'yēi bū ra dahnini Éfeso

Ran zengua

¹ Nugä drá Pablogä, nangue rá pähä Ojä ma 'bäigä'be ra Jesucristo. Nu'ahü gyü 'yēc'yēihü bu ja ra hnini Éfeso, dí ot'ahü na ra sōcuā. Ne gätho gyü mbëti ahü Ojä nangue guí ec'yēihü ra Cristo Jesús. ² Dí äp Ojä ma Tahü di 'da ahü rán jäpi, ne rán johya da hyut'a ni mbuihü, ne ma Hmuuhü ra Jesucristo.

Ojä di jācuahü nangue dín 'yohü ra Cristo

³ Dí espahü Ojä, nu'a rá Ta ma Hmuuhü ra Jesucristo. Ne nangue a dín 'yohü ra Cristo, nu'a Ojä bi jācuahü nangue gätho yán jäpi i ja bu mahëts'i. ⁴ Nu Ojä bi huan-gahü nangue ra Cristo nu'bü ma hin'yü ra ximhäi, nguetho in ndejü hin din ja ma ts'oquihü, ne xtán hotho ma mbuihü bu na nu Ojä. ⁵ Ne nangue rá pähä Ojä ya xü huangahü, ne nangue ra Jesucristo bi jajü ngue dyü t'ahnigahü Ojä. Ne gue'a bi 'yøt'e nguetho bi huégahü. ⁶ Janangue'a zai dí espahü Ojä, nguetho emme xüngu rán hué cate bi 'yørcahü 'darbu dí 'bühmbü a rá Ts'unt'ü di huéqui. Ne gue'a rán jäpi bi 'dajü 'bu má däh ma mbuihü a rá Ts'unt'ü. ⁷ Ngue emme bi huégahü Ojä, ne gue'a í du a rá Ts'unt'ü bi pøju, bi nde bi punga ma ts'oquihü. ⁸ Ne emme xüngu rán huécate Ojä, ngue bi jajü dá pähmbü a rá 'yu, ne bi 'dajü rán 'yomfëni xüngu ho. ⁹ Pe bi jajü Ojä dá pähmbü 'be'a mán t'ägui, ngue 'be'a mím bëñse da 'yøt'e ngue da 'yøt'a ra Cristo. ¹⁰ Nguetho da zön ra pa di jua'a 'be'a mim bëñ Ojä da 'yøt'e, ngue di jup ra Cristo di manda gätho ja ua ja ra häi nèpü mahëts'i. ¹¹ Nu'a Ojä i øt'e 'be'a gätho mim bëñi da 'yøt'e, ne bi huangahü maya'bü ngue dan 'yohü ra Cristo. Ne nangue'a dín 'yohü ra Cristo, sä ga hämhbü yán jäpi di 'dajü a. ¹² Gue'a bi zän Ojä nanguejü, janangue'a da t'ëspa Ojä 'bu bi hnu a ran ho da 'yørcahü.

Ne guecähe yü mbudigähe dá ec'yëihe ra Cristo, ne yü mbudigähe bi 'yørcuhe a. ¹³ Ne ahü, nu'bü gmí 'yøhmbü rán ho ma'da'yo ra Cristo di pøju, gue ram hma majuani a, gá 'yëc'yëihü a. Ne nu'bü gmí 'yëc'yëihü, ne ahü gá hyamhbü rá Hogandähi Ojä, ra hmëpya ngue yü mbëti ahü Ojä, tengu xí ma. ¹⁴ Nu rá Hogandähi i udi ngue majuani ga hämhbü rán t'unni di 'dajü Ojä 'bu bi zön ra pa da zixcahu bu mahëts'i, gätho gahü ngue yü mbëtigahü a. Gue'a ná espahü nujxte thoho a.

Nu ra Pablo i äp Ojä di un ran 'yomfëni xüngu ho yu 'yëc'yëi

¹⁵ Ne nu'bü má öcä ngue guí ec'yëihü a ra Hmu Jesú, ne i ja ahü ran huécate nangue ni mi'yëc'yëihü, dán yä'be Ojä, ¹⁶ ne zai dí xi Ojä i hu ma mbui ngue di huéç'ahü, ne zai dí äpä rám fäts'i nangue ahü. ¹⁷ Ne nu'a ra Ta nujxte thoho, gue'a rá Ojä ma Hmuuhü ra Jesucristo, dí äp'ahü ran 'yomfëni man'da gui pähmbü xüngu ho a. ¹⁸ Ne dí äp'a Ojä ngue man'da da xoc'a nin 'yomfënihü, ngue gui pähmbü a ran ho nujxte guí töhmbü, ngue gue'a í zon'nahü gui comhbü a. Ne gui pähmbü ngue emme nujxte thoho di muui 'be'a di 'da ahü Ojä gätho u to'o yü mbëti a. ¹⁹ Ne dí äp Ojä gui pähmbü emme xüngu ndoho rá ts'edi rá Hogandähi hin hapü nín zegui, ngue dim pepü mbo ma mbuihü, gätho gahü dí ec'yëihü. ²⁰ Ne n'dat'a rá ts'edi ngue emme se a dim pepü mbo ma mbuihü, gue'a bá xox'a ra Cristo bu 'bu u xüngu du, ne bi japi ngue da hyupü ja rán 'yëi Ojä bu mahëts'i. ²¹ Ne nu'a ra Cristo bin t'un man'da ra ts'edi xinda gue'u to'o gätho ja yü ts'edi bu mahëts'i necua ja ra häi, o gue yü ts'ut'abi, o gue yü ngürbi, o gue'u mi'da di manda. Ne hingui sä n'da da ndønba n'da ra thuhu da t'ëmbi i ja man'da rá ts'edi gue i 'bühya o gue yü pa dí 'yëpü. ²² Ne gätho 'be'a i ja Ojä bi jup'a ra Cristo ngue gätho di manda. Ne bi jup'a ra Cristo ngue di manda gätho yü 'yëc'yëi, nguetho tengu 'bu ma yähu a di mandagahü. ²³ Ne nu yü 'yëc'yëi i 'bühya tengu 'bu rá jü'ra Cristo. Ne dí comhbü 'be'a gätho i ja ra Cristo. Ne nu rá ts'edi í yu'a 'be'a gä t'ëzehü ua ja ra häi, nèpü mahëts'i.

2

Dám pøhmbu nangue rán huëcate Oja

¹ Nε mam'bøt'o tengutho 'bø xtá tuhø nangue ma ts'oquihø, nguetho him mi ørpahø masu a ran ho mi sijø. Pe nuya nu Oja bi 'dajø ra temazai nangue ra Cristo. ² Nε nu'ahø nu'bø hin gmi 'yøc'yøiø, gmi tønhdu yán t'øt'e ra ximhäi, ne madí manda ahø rá hmu yø zjthu, tengutho yø pa ja bu ya, gätho to'o hingui ørpa masu Oja, ne hingui øt'e 'be'a nde Oja. ³ Nε gätho gähe 'da'angu tho mi øthø 'bø mam'bøt'o, ne mi tønhdu 'be'a min nde ma ja'i zehéhø. Ne dá øt' ma pähä zehéhø. Nε nu'bø xcá thoqui xcá tønhdu, emme xcá nuhø rá cue Oja 'bø, tengu tho u mi'da. ⁴ Pe nu'a Oja emme xøn ngu rá yembø i ja, ne emme i ja rán huëcate nangueju. ⁵ Janangue'a bi 'dajø ra 'da'yote, tengu 'bø 'darbu bi xoxgahø ra Cristo, madague'bø tengu 'bø ya xí du ma tehø nangue ma ts'oquihø. Pe nangue rá mate thoho Oja xtám pøhmbu. ⁶ Nε nu'a Oja n'dat'a bi xoxgahø ra Cristo Jesùs, ne bi jajø 'darbu dá huhmbu a ra Cristo bu mahëts'i bu nam bøn Oja. ⁷ Guehna bi 'yøt'e, ngue gätho yø pa mazai da 'yuh rán huëcate, ne da fædi hin hapø se a rá mate bi 'yørcahø 'bø mí yanju ra Cristo Jesùs. ⁸ Bi pøju Oja 'bø má hømhbø rá mate thoho Oja, ne hin nangue yø hogant'øt'e dá øthø. Pe nangue a rán t'unni zehé Oja xtám pøhmbu. ⁹ Nε hin nangue ra 'befi xøn ho xtá øthø, janangue'a njon da zä din 'yøts'i. ¹⁰ Nguetho bi 'yørcá zehéhø Oja ngue dám 'bøhmbu ma'da'yo nangue ra Cristo Jesùs, guepu da zä ga øthø xøn ho rá 'befi bi zän Oja maya'bø.

Nu ra Cristo bi jajø dán yømanhohø dyø judíohe ne'ahø

¹¹ Nε nu ahø ngue hin gyø judío'ahø, o gadín 'yøxhø nangue rá mate Oja, pe damim bømhbo ngue yatho gnán hyajø Oja mam'bøt'o. Nε nte má hmøpya gmi øthø tengu mí øt'ähe ngue dá hec ma xifanihe dyø judíohe. Nε gue'a ná hut'a thohohe gyø 'yanthøequihø. ¹² Nε nu'u yø pa u, hin te nin jahø ra Cristo, xín te nin jahø u yø judío. Nε hin gní pøhmbu ran hogui ngue mi man Oja da 'yøt'e. Pe gám 'bøhmbu ua ja ra ximhäi ne nte gmi tømhbo 'be'a

da 'yøt' Oja, nguetho hin gní pøhmbu Oja. ¹³ Nε gmi 'yo man høthø nangue a Oja, pe nuya bá jøn'nahø, ne sä guin 'yohø ra Cristo ngue bi du nangueju. ¹⁴ Pe nu'a ra Cristo bi jajø dán yømanhohø, dyø judíohe ne ahø ngue hin gyø judíohe. Nε bi jajø ngue 'da'angu bø na nujø Oja yø judío ne'u hing yø judío. Nu'a ra Cristo bi hogahø 'be'a madín hyajø. ¹⁵ Nguetho bi du ra Cristo, ne gue'a íjua u yán t'ødi yø judío bi xi Oja, ngue yán t'uti mi øt'u. Nε bi japi ngue 'da'angu ga comhbø ra temazai yø judío ne'u hing yø judío, nangue ma'da'yo dí 'bøhmbu ra Cristo ya, ne hinga 'dahma 'dan'yo bu dán nujø Oja. Janangue'a hin dadín søhmbu ya. ¹⁶ Nε nu'bø mi du bu ja ra pont'i ra Cristo, bi japi da numanho Oja u hønt'a go to'o ma ja'i da 'yøc'yøi a, madague'a yø judío, uague hing yø judío. Nε him man søhmbu. ¹⁷ Nu'a ra Cristo bi zøcua ja ra häi ne bi xijø ran ho ma'da'yo, ngue'a dá eshu ran sñi mi øthø a Oja, guecähe dyø judíohe ngue mi hänthe rá 'yu Oja, ne ahø ngue hing yø judío'ahø ngue gmin 'yomanhøtho nangue rá 'yu Oja. ¹⁸ Nε gue'a ra Cristo bi zä dán yømanhohø Oja rá Ta, nguetho n'dat'a rá Hogandøhi bi 'dajø, madague'bø dyø judíohe o gue hin dyø judíohe. ¹⁹ Pe nuya hin guí 'bøhmbu tengu 'bø gyø 'damhninihø ya, pe 'da'angugdahø ngue dyø 'yøc'yøiø. Nguetho nuya gätho gahø dyø menguhø bu bí 'bø Oja, ne gätho gahø yá t'ahni gahø Oja. ²⁰ Nε nuju dyø 'yøc'yøiø, tengu 'bø n'da ra ngu bi thøe nguepu dim 'bø Oja. Nε bi dø'mi bi hyøh yø pøngahyø maya'bø, ne'u yá 'bøihø ra Cristo nu'bø mi ma nangue ra Cristo. Nε bi dø'mi tengu 'bø i pa m'bø'mi yø guangujødo n'da ra ngu, ne guesø a ra Jesucristo a ra do mahyoni bim pøpø. Nε guenju tengu 'bø dyø fø't'ehø buya. ²¹ Nε nu'a ra Cristo tengu 'bø ra cemento nín zøt'u yø do bu pa nthøts'e a ra ngu, ngue da gomanho, asta gue'bø go bi guadi xøn ho, guepu ja rá ngu Oja, tengu ndesø Oja. ²² Nε nangue dín 'yohø ra Cristo, neju tengu 'bø dyø dohø ngue dim pøpø ja a rá ngu Oja, guepu i 'bøh rá Hogandøhi.

3

Nu ra Pablo rá 'befi i xih ran ho ma'da'yo

hing yu judío

¹ Janangue'a dí äpä rá ts'edi Ojä nangue ahu, drá Pablogä. Pe dí ofädigä nangue dí xi ahu ran ho ma'da'yo, gue ahu ngue hing yu judío'ahu. ² Masque ya gá 'yøhmbu ngue Ojä bi 'dacä ra 'befi ngue dí xi ahu rám hma, nangue rá mate thoho. ³ Nugä ya dá ot'ahu ts'u 'be'a bi 'yurcäzehe Ojä, ngue njom mi padi, ngue ne u hing yu judío da zin Ojä nangue ra Cristo. ⁴ Ne nu'bu gá nuhu ra søcuq, sä gui pahmbu a bi xicä Ojä ngue njom mi padi nangue ra Cristo. ⁵ Ne xæn ngu yu jeya bi thogui ngue him mi xi Ojä yu ja*i*'be'a mim beni da 'yøt'e. Pe nuya bi 'uega ma mbuihe gueje ma 'bäigähe ra Cristo ne u yu pøngahyq, ne bi jaje rá Hogandähi ga pahmbe 'be'a him mam fadi, ngue i fah ya. ⁶ Pe nuna him mam fadi, guehna ngue ran ho ma'da'yo sä gui pahmbu ya 'be'a i ja ua ya, ngue ne'u yu ja*i*'hing yu judío sä dim 'buhmbu Ojä tengutho yu judío. Ne n'dat'a gui comhbu yu judío ran hogui bi 'yøt' Ojä nangue ra Cristo Jesús. Ne n'danja*'itho* gui comhbu nangue rá ja*i*'ra Cristo, nguetho ya gá 'yec'yeihu rán ho ma'da'yo ra Cristo. ⁷ Pe nangue rá mate zehe ne rá ts'edi Ojä sä gam mangä rán ho ma'da'yo ra Cristo, madague'a him man 'yenigä'be. ⁸ Nugä hin te ts'u dadí mu'be, ne him man 'yeni'be ngue ga xih yu ja*i*'ngue hing yu judío rán ho ma'da'yo ra Cristo. Pe guehma bi 'dacä Ojä ra mate ngue gam mangä a, ne ga xih yu ja*i*'njon da hyä*t*'i da mbede hangu nan ngu yæn ho in nde di 'daju ra Cristo. ⁹ Ne bi 'dac rá 'befi ga japi gätho yu ja*i*'da badi 'be'a him mam fadi, ngue 'be'a mím ben Ojä da 'yøt'e 'bu rá mbudithoho, ngue ne'u hing yu judío da zin Ojä 'bu da hyan rá mate ra Cristo. Ne gue'a mi sänni da 'yøt' Ojä, n'dat'a Ojä bi 'yøt'e 'be'a gätho ja ua ja ra ximhäi, ne'u mahets'i. ¹⁰ Gue'a mím ben Ojä da 'yørpa yu 'yec'yei, guepu da fadi xæn ho gätho rá hogan'yomfeni, da baq u i 'bepu mahets'i ngue i ja yu ts'edi. ¹¹ Ne gue'a i øt' Ojä ya, tengu mim bem 'bu ra mbudithoho da 'yøt'e, nangue ma Hmuhra Jesucristo, ne da 'yøt'e gätho yu pa mazai. ¹² Ne nangue dí 'yec'yeihu ra Cristo, hin dí su ga sømhbu bu nangue ma mbuihu ngue dan yaqhu Ojä. Ne dí pahmbu da 'yøde. ¹³ Janangue'a dí

ä'ahu ra mate hin da du ni mbuihu 'bu dín nugä ran unbi, nangue'a dá xi ahu ran ho ma'da'yo. Xingui ts'u guim bçmhbu ngue'a dín nugä ran unbi, pe 'da dán johya thohohu ngue bin 'dac ra ts'edi ga hät' yæn unbi.

Rán huecate ra Cristo

¹⁴ Nu'bu dím bçngä ngue ne ahu gyu menguhu bu bí 'bu Ojä, dín danyahmu dí äp'ahu ra jamadi Ojä rá Ta ma Hmuhra Jesucristo. ¹⁵ Ne rá Ta u gätho yu 'yec'yei, ne'u bi zøm bu mahets'i, ne'u 'butua ja ra ximhäi. ¹⁶ Ne dí äp Ojä ma Tahu nujxte thoho di muui rá ts'edi, ngue di zac ni mbuihu nangue rá ts'edi rá Hogandähi Ojä. ¹⁷ Ne dí äp Ojä ngue din zam bu mbo ni mbuihu a ra Cristo, nguetho guí 'yec'yeihu a. Ne dí äp Ojä ngue man'da din te nin huecatehu, ne nangue nin huecatehu dí zac ni mbuihu. ¹⁸ Janangue'a ne ahu ne gätho mi'da yu 'yec'yei da zä gui pahmbu hangu nan uant'i, ne hangu na mba, ne hangu nan hæ, ne hangu nan hets'i a rán huecate ra Cristo. ¹⁹ Ne madague'bu hingui sä gätho ga pahmbu rán huecate ra Cristo nguetho 'yec'yeihu, ne'pu mbo ma mbuihu. ²⁰ Ne gätho gahu dyu 'yec'yeihu, xæn ho dan johyahu ga 'espahu Ojä, nangue'a ra Cristo Jesús dí pahmbu, høn'bu go njam'bu mazai. Ne hønt'a gam bçmhbu a ya.

4

Nu rá Hogandähi Ojä di jaju n'dat'a gam bçmhbu

¹ Nugä drá Pablogä dí ofädigä nangue dí øt'a rá 'befi ra Hmu. Ne dí ä'ahu ra mate ngue gam 'bumanhohu tengu nin sähu ngue ya bi zon'nahu Ojä. ² Ne hin gan 'yexhu, pe'gui 'yøthu ngue hin'yu ni ts'edi zehehu, ne hin gan xømbui n'da ngu n'da ahu 'be'a i t'øt'ahu, ne hin gan xuhnanyahu n'da ngu n'da ahu, pe'gan hueju. ³ Ne 'yec'yeihu gan jamansuhu ngue hinga 'dahma 'dan'yo guim bçmhbu. Pe dami thoqui gui

tenhdə rá Hogandəhi Ojə di ja ahə n'dat'a guim bəmhə. ⁴ Nguetho tengu 'bə gätho n'danja' idähə bə na nuju Ojə dyə 'yęc'yəihə, ne n'dat'a rá Hogandəhi Ojə dí comhbə. Ne n'dat'a dí təmhə 'bə'a da 'yørcahə Ojə, ngue gätho bi zongahə. ⁵ Hønt'a n'da ma Hmuuhə i 'bəi ngue di mandagahə. Ne n'dat'a ma t'ęc'yəihə nangue ma Ojəhə i 'bəi, ne n'dat'a man xixyahə dí øthə, ngue dí uhmbə yá mbetigahə Ojə. ⁶ Ne n'dat'a Ojə gue'a ma Tahə dí comhbə, ngue gätho gahə, ne gätho di mandagahə, ne gätho di 'yonjhə, ne gätho gahə i 'bəpə mbo ma mbəihə a. ⁷ Nu'a ra Cristo, nangue ra mate thoho, 'dahma'dan'yo yə ts'edi bi 'dajə n'da ngu n'dajə ngue sā ga øthə ra 'bəfi ngue ndejə ga øthə. ⁸ Ne gue'a mán t'o't'i bə ja rám hman Ojə maya'bə: "Pε gue'a ra Cristo bi un yə ts'edi u yə jə'i 'bə mí mbeng bə mahəts'i, 'bə mi dəmbəni. Ne bi 'berba rá ts'edi gätho nan ngu ran ts'o mim bənt'ə yə jə'i." ⁹ Ne nu'bə mi mbeng bə mahəts'i, mfədi ngue guepə bá nexpə, ne bi zəcua ja ra häi, ne bi mba nt'ägui. ¹⁰ Guet'a bá cəi, ne guet'a bi ndex mahəts'i, ngue da yu'ts' rá ts'edi bə mahəts'i, ne hønbə go hapə, necua ja ra häi bi yu'ts' rá ts'edi. ¹¹ Ne 'dahma 'dan'yo yə ts'edi bin 'dajə n'da ngu n'dajə ngue dyə 'yęc'yəihə. Bin 'dac ma ts'edihe 'dagähe ngue ma 'bäigähe ra Cristo, ne 'da ahə di ja'ahə gam pøngahyəhə, ne mi'da ahə di ja ahə gadí 'yomhbə a ran ho ma'da'yo, ne 'da ahə di ja ahə gam mbädihə, ne mi'da ahə di ja ahə ngue gan xänbatehə nangue rám hman Ojə. ¹² Ngubə bi 'yøt'a ra Cristo, bi un yə ts'edi yə 'yęc'yəi, nguepə da zä da 'yøt'e xən ho ra 'bəfi bi zənbi n'da ngu n'da, nangue rá 'bəfi Ojə. Janangue'a da zä 'da dám fäxtahə. Ne gue'a dín te rá 'bəfi Ojə a, tengu 'bə bi zac rá jə'i ra Cristo. ¹³ Ne da zəni ngue gätho 'dat'a gam bəmhə nangue ma t'ęc'yəihə, ne gätho n'dat'a ga pahmbə xən ho rá Ts'unt'ə Ojə. Ne gue'a dín te xən ho ma mbəihə ne dam 'bəmanhohə tengu ra Cristo. ¹⁴ Ne nu'bə gue'a dí homhbə, hin da thäjə tengu 'bə dyə t'uhnihə, 'bə 'bo'o 'dahma 'dan'yo da xijə ngue da 'yęna da hyäjə. Nguetho nu'u yə hyäte ęna gue'bə ęmme pədi, pε hønt'a in ndejə ga tenhdə yə fehni. ¹⁵⁻¹⁶ Pε ga pədi ga tenhdə a majuəni

nangue ran huçcate. Ne gue'a nán te xən ho ma mbəihə, ne di jajə tengu 'bə n'danja'i tho ga cohmbə. Tengu 'bə rá ja'igahə ra Cristo, ne nu'a ra Cristo, tengu 'bə rá yə a. Ne gue'a nín zət'ə yə 'yęc'yəi. Nguetho di manda gahə ne di zerca ma mbəihə, di jajə n'dat'a gam bəmhə, ne gätho ga comhma'øt'ehə xən ho ra 'bəfi bi 'dajə n'da ngu n'dajə, ngue 'da dám fäxtahə, nangue ran huçcate. Ne gue'a nán te xən ho rá 'bəfi Ojə, tengu 'bə bin te xən ho rá jə'i ra Cristo.

Dám 'bəhmbə ma'da'yo nangue ra Cristo

¹⁷ Nugä dra Pablogä dím pøngahyägä nangue ra Hmu 'bə dí xi ahə na jaua, ngue nu'ahə him mam 'bəhmbə ya tengu ə yə jə'i hinga na pə Ojə. Ne him mam 'bəhmbə tengu yə jə'i ngue di manda yá ts'on'yomfəni zəhə. ¹⁸ Ne nu'u i 'yo tengu n'da ra xädä nangue yán 'yomfəni, ne hinguin pədi 'bə'a nam bøn'a i øt'e nguetho hingu 'yo bə ja rán nequi Ojə. Ne hinguin nde da bə Ojə nguetho ęmme xəm me yá mbəi ə. ¹⁹ Ne hinguin pε'ts' yá sā 'bə øt yə ts'oqui, nguetho ya xəm bənt ran ts'o, ne ęmme di ho da 'yøt'e hønt'a go 'bə'a man ts'o, nguetho hin'yə mbo yá mbəi 'bə'a di zədi ngue da zəmmi. ²⁰ Pε nu'ehə hinga ngubə bi xän'nahə ə bi xi'ahə nangue ra Cristo. ²¹ Ya gá 'yøhmbə nangue ra Cristo, ne nu'bə majuəni gá 'yøhmbə 'bə'a bi xi ahə, guí pahmbə ya ngue gue'a majuəni a. ²² Janangue'a dami hyəhmbə gätho 'bə'a gnám 'bəhmbə, ngue ni nyon'yomfənisəhə i hä ahə, ngue 'bə'a guí ndesə gui 'yøthə. ²³ Ne ma'da'yo ni mbəihə ne nin 'yomfənihə, ngue gätho ma'da'yo guim bəmhə ya. ²⁴ Ne dami hyehə ngue gätho ma'da'yo tengu bi zän'nahə Ojə nangue rá pähä zəhə. Nuya dami 'yuhmbə ram 'bəi njuənho gui 'yøthə, ngue nte man ts'o gui 'yøthə ya. ²⁵ Dami 'yeshə a ra fehni ngue madín xihmbə n'da ngu n'da ahə, ne guim mamhbə a majuəni. Nguetho tengu 'bə n'danja'itho dí comhbə ra Cristo. ²⁶ Ne nu'bə guín cuəhə nangue ran ts'o i t'øt'e, pε damím fähmbə, mamán də ahə ran ts'o. Ne hinga n'dapa gan cuəhə. ²⁷ Pε xingui ts'ə ga cəthə ra zj̄thu bə ja ma mbəihə. ²⁸ Nu'bə guím pəhə 'da ahə, pε gui 'yeshə a gnám pəhə. Ne gam pəhmbə

xən ho, nə gue'a gdí t̄imhbə a guí homhbə, nə da zä gui fäx'ə mi'da ngue hin'yə 'be'a da hyoni. ²⁹ Nə 'yo guím mamhbə yə ts'ore, pə guim mamhbə ran ho dí ze'ə nə dí hyu yə mbəi ə to'o gui xihmbə. ³⁰ Nə 'yo gadí unhdə ra dumbəi a rá Hogandəhi Ojə nangue n'da ra ts'oqui. Nguetho nu'a i 'bəpə mbo ma mbəihə, nə gue'a da 'yudi ngue yə mbetigahə Ojə 'bə rán zəgui ra pa, tengu 'bə jajə ra sello. ³¹ Dami 'yeshə a gní bəman'əhə, nə hin gan cuehbə 'bə ja 'be'a da si ahə o ja 'be'a da t'ət'ahə. Nə 'yo gadí c'əman'əhə n'da ngu n'da ahə, nə o guím bəmhəbə ran ts'o nangue ni mijə'ihə. ³² Pə gan 'yərpahə ran ho n'da ngu n'da ahə, nə 'da xtán ja ni yembəihə, nə gam punbahə n'da ngu n'da ahə, tengu tho i pun'nahə Ojə nangue ra Cristo.

5

Da 'yət'e xən ho ə yə t'əhni Ojə

¹ Ga əthə 'be'a ət'a Ojə, nguetho yə t'əhni gahə a ngue di huęgahə. ² Ngue ga ərpahə ran huęcate ma mijə'ihə, tengutho ra Cristo bi huęgahə 'bə mín dāse bə ja ra pont'i nanguejə. Nə nu ra Cristo bi un rá te, n'da ran t'unni ngue bi numanho Ojə. ³ Nə yə t'əhni gahə Ojə, janangue'a xingui ts'ə gam bəmhəbə ran ts'o, hin ga əthə ran 'yomt'əni, xing ran ts'iyate, nə xinga n'da ran ts'o ga əthə. ⁴ Nə hin gam mamhbə ra ts'ore o gue ran 'yənt'ə, nə hin dan yə mangat'ihə, nguetho hin rán theui rá 'yęc'yəi Ojə ə. Pə ga xihmbə Ojə jamadi nangue rán ho bi 'dajə. ⁵ Pə dí pəhmbə hingui sā n'da da yərpə di manda ra Cristo nə Ojə, nu'bə i əthohoh ran 'yomt'əni, o gue im bən ra ts'on'yomfəni, o gue i ət' ran ts'iyate. Nguetho nu ra ziyate tengutho 'bə i thənde 'be'a i ja. ⁶ Nə njon ga jafə da hyäjə gue'bə 'bo'o da xijə ngue xən ho 'bə ga əthə ran ts'o. Nguetho to'o da 'yət' ya yən ts'o, emme xən ngu da nu rá cué Ojə, nangue a him bi 'yərpa masu Ojə. ⁷ Pə hin dan 'yohə to'o i ət' ran ts'o, nguetho hin'yə 'be'a man jahə ə. ⁸ Pə nu'ahə mam'bət'o gmí 'yohə bə ja ra 'bəxui. Pə nangue guí 'bəhmbə ra Cristo ya guí 'bəhmbə bə ja rán nəqui a. Nuya dəmam 'bəhmbə tengu rán səui bə ja ran nəqui. ⁹ Nə nu'a rán nəqui Ojə, gue'a dán jahə ra hogambəi a, nə gue'a dám

mamhbə majuəni a, nə gue'a dá əthə ran ho a. ¹⁰ Nə dami hyumbi gan xähmbə gui 'yəthə 'be'a dí hyu rá mbəi Ojə. ¹¹ Pə xíngui ts'ə ga əthə tengu ət'ə i 'yo bə ja ra 'bəxui. Pə ga uhmbə ngue nte ní mbatho 'be'a ət'ə. ¹² Pə ga pə'ts' ma sähə hin gam mamhbə 'be'a ət'ə i ət' mán t'əguitho ran ts'o. ¹³ Pə nu'a rán nəqui Ojə di yot'ə to'o i 'yo bə ja ra 'bəxui, ndepe da bədi ngue i ja yə ts'oqui. Nə hingui sā da 'yən mant'əgui thoho n'da 'be'a ət'ə, nguetho nu'a rán nəqui Ojə di yot'ə gätho ran ts'o. ¹⁴ Janangue'a nt'o't'i: "Daman nuhmbə ngue guí əhmbə, tengu 'bə gyə duhə, nguetho nu'a ra Cristo di 'da ahə ran nəqui," bi 'yəna. ¹⁵ Janangue'a dami jamansu 'be'a guí əthə, nə hin gam 'bəhmbə tengu ə yə ja'i ngue hingui pədi 'be'a ət'ə. ¹⁶ Pə madague'a xən həi yə pa i ja bə ya, dami hyumbi gam pəhmbə xən ho. ¹⁷ 'Yo guí co'yəmbəihə, pə dami hyumbi gui hyoni gui pəhmbə rá pəhə ra Hmu. ¹⁸ Pə hin dán johyahə a ra səi, nguetho di ts'ongahə a. Pə man'da dán johyahə rá Hogandəhi Ojə. ¹⁹ Nə 'da dán johyabahə n'da ngu n'dajə ngue dan xihmbə 'be'a i ərcahə ra Hmu, ngue dan tuhmbə yə thuhu Ojə gätho ma mbəihə dā əspahə Ojə a. ²⁰ Nə thocua thoho ga xihmbə jamadi Ojə ra Ta, nangue 'be'a gätho jajə, nangue rá thuhu ma Hmu hə ra Jesucristo.

Dim 'bəmanho yə 'yęc'yəi bə ja yən nguse

²¹ Nə hin dan junthə, pə 'da xtán 'yəhə thohohə, nguetho gätho gahə dín numansuhə ra Cristo. ²² Nə nu ahə gyə xisuhə, dami 'yəthə 'be'a im man ni ndəhə, tengutho bə gní 'yəthə a im mam ma Hmu hə mahəts'i. ²³ Nguetho nu'ə yən 'yohə i 'bət'o bə ja rá ngu, tengu a ra Cristo i 'bət'o bə 'bəh yə 'yęc'yəi, ngue tengu 'bə guesə a rá ja'i a, nə rám pərpate gätho ə. ²⁴ Nu'ə yə xisu da 'yət' 'be'a gätho im man yə ndə, tengu tho yə 'yęc'yəi da 'yət' 'be'a gätho im man ra Cristo. ²⁵ Nə nu ahə ma min'yohə ahə, dami huęc ni xisuhə, tengu tho a ra Cristo bi huęc yə 'yęc'yəi, nə bi un rá te nanguejə. ²⁶ Nə nu a ra Cristo ngubə bi 'yət' e, nu'bə mi japi da bo xən ho gätho yə 'yęc'yəi nangue rám hman Ojə. Nguetho ram hma tengu 'bə ra dehe i pe't'e gätho ran ts'o. Nə nu'a

ran xixyä, n'da ra hmepya ngue ra Cristo bi hoga ma mbuihü. ²⁷ N'damhma da zin ü yü 'yęc'yεi, ngue ya gätho mahoqui, ne nte man ts'o din 'yohü. Ne hin'yü 'bε'a da thijnbi, pęgue gätho i jua a ran ho. ²⁸ Ne gätho yün 'yohü, nde'bü di huęc yü xisu, tengu bu ni huęc rá ja'izehë. Nguetho nu'ü to'o di huęc rá xisu, din huęc zehë a. ²⁹ Ne xinga n'da ra ja'i i san rá ja'izehë, pe din jamansu, ne i 'ujni xän ho rá ja'i, tengutho i öt'a ra Cristo nangue yü 'yęc'yεi. ³⁰ Nguetho nuju dyü 'yęc'yεihü, tengu 'bü rá ngöc'yεi ne rá do'yo gahü a rá ja'i ra Cristo. ³¹ Tengu mán t'o'i: "Nu'bü n'da ran 'yohü i sin rá xisu, i soh rá ta ne rá mbe, n'damhma da zä di manda rá xisu, tengu 'bü e rá ja'izehë," bi 'yęn'a ra t'ohni. ³² Ne xän hei da badi 'bε'a nam bøn na, pe dí ęngä drá Pablogä, ngue i udi nangue ra Cristo ne nangue yü 'yęc'yεi. ³³ Pe ne im ma, gätho ahü ngue gyün 'yohü, dami huęc ni xisuhü tengu bü gní huęc zehëhü. Ne nu'ahü gyü xisuhü damin numansu ni ndøhü.

6

¹ Nu'ahü gyü t'uhnihü gyü 'yęc'yεihü dami 'yøthü 'bε'a man ni tahü ni mbehü, nguetho gue'a yén thehü a ngue gui 'yøthü. ² Dami numansu ni tahü ne ni mbehü. Ne gue'a rá mbüdi a rán t'edi Ojä ngue ní jąp Ojä n'da a, ngue bi ma maya'bü. ³ Ne guehna ran japi bi ma da nu n'da 'bü da 'yøt'e, ngue din ja ran johya ne xän ngu yü pa dim 'bęcua ja ra häi. ⁴ Ne nu ahü gyü tahü, nu'bü guí səh ni t'uhnihü, nde'bü hin gui jafü din cuetho. Pe dami temanhohü guepu dí 'yęc'yεi ra Hmu ü. ⁵ Ne nu ahü gyü mbefihü ne gyü 'yehëhü, dami 'yøthü xän ho 'bε'a im man ni hmuuhua ja ra häi, ne guin numansuhü, ne guisuhü. Ne mpähä thoho gui 'yøthü ni 'befihü, tengutho bü gní 'yørpahü rá 'bεfi ni Hmuuhra Cristo. ⁶ Dami 'yøthü xän ho ni 'befihü, hinga hön'bü in nu ahü ni hmuuhü, pe dami 'yøthü tengutho bü gní 'yehëhü ra Cristo. Ne gätho ni mbuihü, ne gue'a rá pähä Ojä a buya. ⁷ Dami 'yøt' ni 'befihü nangue ran johya, tengu bü gní 'yøthü rá 'bεfi ni Hmuuhmahects'i, ne hinga hön't'a dín numanho ahü yü ja'i. ⁸ Ne damim bęmhbü ya, Ojä di cos'ahü ran ho nangue ran ho xcá 'yøthü,

madague'a gyü 'yehëhü o gue gyü hmuuhü. ⁹ Ne nu ahü gyü hmuuhü, pe gui 'yørpahü a xän ho ü ni mbefihü, o gue ni 'yehëhü, tengu tho bü gní ndepe da 'yøt'ahü ran ho. Ne hin gui xihmbü yün unbi, nguetho güí pąhmbü ngue n'dat'a ni Hmuuhü mahęts'i. Ne nu a ra Hmu mahęts'i hin di hyęspü na nuju.

Di zerca ma mbuihü rá ts'edi Ojä tengurá hera dofüi

¹⁰ Ne nuya ma zu cu ahü, ga zacua ma mbuihü nangue rá ts'edi Ojä i jajü. ¹¹ Ngue tengu n'da ra dofüi i he rá he ngue ra t'egui ní täcua yün sə ü yün səihü. Ne ngutho rá ts'edi Ojä 'bü dí homhbü ngue hin da zä da hyäjü ra zithu. ¹² Nguetho hinga gue'ü yü ja'i man səihü, pe gue'ü yü hmu yü ts'oqui, ngue ra zithu rá hmu ra 'bexui i ja gätho ra ximhäi. Ne ü gätho yám fäts'ihü ra zithu in 'youi ran dähi, ne gätho 'bε'a má ts'edi bá nexpü 'bü rá hmu ran ts'o, gätho man səihü ü. ¹³ Janangue'a tengu 'bü ga hehü yü t'egui ya, nangue gätho rá ts'edi Ojä, ngue ga häthü ga tafü yün sə ra zithu i säc ma mbuihü. Ne nu'bü dá təhmbü ran səi, ya dá juahmbü xän ho, ne dá nuhü xingui ts'ü dá 'bəhmbü. ¹⁴ Ne nu yü t'egui dí xi ahü, ne gue'ü nán səhü ü. Ngue nu'a ram hma dí tənhdu, ngue tengu 'bü ran gət'i ngue ra t'egui gam pāthü. Ne nu'a ná həmhü ran hogui bi 'yørcahü ra Cristo, tengu 'bü ra coto ngue ra t'egui a, ngue hingui sə da daju ra zithu. ¹⁵ Ne nu'a ná yamanhohü Ojä nangue'a ran ho ma'da'yo dá həmhü, ne gue'a ná huthü ran zambü tengu 'bü dí net' ma zapatohü ngue yü t'egui, ne dan tihmbü ga səhmbü ra zithu. ¹⁶ Ne man'da, nu'a ná pąhmbü majuqni Ojä, ngue tengu 'bü n'da ra xit'egui ní däqui gätho yün sə ra zithu, tengu 'bü t'engbahü n'da ra sibi. ¹⁷ Ne nu'a ná pąhmbü majuqni dám pəhmbü, tengu 'bü dá pant' ma yəhü ra fəi ngue ra t'egui, ngue hin gam bęmhbü a in nde di bęngahü ra zithu. Ne nu'a rám hman Ojä, tengu 'bü ra espada di 'daju rá Hogandähi Ojä, gue'a dám muthü ra zithu a. ¹⁸ Pe thocua thoho dan yəhü Ojä, ga äfü rá ts'edi, xingui ts'ü ga eshü nan yəhü Ojä, tengu di bęngahü rá Hogandähi Ojä. Ne dan ęhyahü hin dan xəmbuihü, ngue ga äfü Ojä da mbäx'ü gätho ma mi'yęc'yεihü. ¹⁹ Ne nugä drá Pablogä, dami 'yäfü Ojä

nanguecä, n'damhma di 'dacä ran 'yomfëni
 ne ga hut'anzambui gam mamp'a rám hma,
 ne ga xi u hing yu judío 'be'a nde Ojä ngue da
 bäh ya. ²⁰ Gue'a nán ofädigä a, ngue dí xicä
 yu ja'i 'be'a bi xicä Ojä. Dami 'yäfú rá ts'edi
 Ojä ngue hin ga su ga thoqui gam mangä
 rám hma.

Ran zengua ran zegui

²¹ Nuya dí penhdä bu na ma cuhü ra
 Tíquico, ngue emme mahuequi. Ne nuna
 emme øt'e xan ho rá 'befi Ojä. Nu'a da
 xi ahü 'be'a gätho dadí jagä, ne nangue
 gätho 'be'a dí øt'ä. ²² Nuna ra Tíquico
 da gax na ra sœcuä dí øt'ä, ne da xi ahü
 nanguecähe, ne da hyut'a ni mbuihu. ²³ Pe
 Ojä ma Tahü ne ma Hmuhi ra Jesucristo
 da hyut'a ni mbuihu, ne di ja ahü gui huë
 c ni mi'yec'yehü, nguetho gá hyämhbu rán
 ho mbo ni mbuihu. ²⁴ Pe Ojä di 'da ahü rán
 japi gätho ahü to'o gätho hin gui 'yec'ta gnín
 numanhohü a ma Hmuhi ra Jesucristo. Ne
 hønt'a dá xi ahü ya.

FILIPENSES

Ra søcuq bi 'yorba ra Pablo u yü 'yec'y*yei* bü ja ra dahnini Filipos

Ran zengua

¹ Nugä drá Pablogä dí yo'be ra Timoteo drá 'yeh'be ra Jesucristo. Dí o't'a'be na ra søcuq gätho ahü ma zu cu ahü, ne ü yü ngurbi ne ü yüm fäts'i ü yü ngurbi, ne gätho ü i 'bäpü ra dahnini Filipos ngue i ten'na ra Cristo. ² Pe dí ndep Oja ma Tahü ne ma Hmuahü ra Jesucristo da 'yents'ahü rán japi ne da hyut'a ni mbüihü.

Nu ra Pablo i äp rajamadi Oja nangue yü 'yec'y*yei*

³ Jamadi, dí emp'a ma Oja, n'dand*i* ngu n'dand*i* dím ben ahü, nguetho gue ahü mam fäts'i ahü bi 'dacä Oja. ⁴ Ne zai emme i jagä ran johya 'bü dí äpä ra jamadi Oja nangue ahü. ⁵ Ne dadin johyagä nguetho n'dat'a rá 'befi ran ho ma'da'yo dí comhbü, gue'a gní zejü a, ne gue'a gá 'yøthü 'bü rá mbüdi gá 'yec'yehhü, ne asta gue yü pa i jabüya. ⁶ Nugä dí pädi ngue Oja di thocta a ra hogabüfi ngue bi dümi bi 'yørbü ni mbüihü, janangue a di juadi xen ho 'bü bi zon ra pa ba eh mahon'a ra Jesucristo. ⁷ Ne gue'a ná äpä ra jamadi Oja a, ngue emme dím ben ahü. Ne tengu'bü 'da'angu dí sähü ran enbi dí sägä ne gue'a ná comhbü rán japi Oja a, dá gue'bü dí ofädigä, o gue'bü dí 'bäpü ja ran juanbate, ngue dadin yan a rán ho ma'da'yo ra Cristo dím ma ngue majuani a. ⁸ Ne hont'a Oja i pädi hangu nan gu bü ná huec'ahü, ne tengu bü emme ni huegahü ra Jesucristo. ⁹ Hanangue'a dí äp Oja ngue man'da xen gu din ja ahü ran huecate n'da ngu n'da ahü, ne din ja ahü ran 'yomfeni xen ho, ne guim bemhbü xen ho nangue a 'be'a gätho guí øthü. ¹⁰ N'damhma gui huanhdü 'be'a man'da xen ho gui 'yøthü, ne n'dat'a guim bemhbü, ne hin hapü di nequi ni ts'oquihü 'bü bi zon ra pa ngue ba eh ra Cristo. ¹¹ Ne hont'a ra Jesucristo sá di 'da ahü ra hogambüai, ngue xen gu yü hogabüfi din ja ahü, ne gue'a dí t'espa Oja a.

Hont'a ra Cristo nám 'bü a ra Pablo

¹² Ma zu cu ahü, dín nde ahü ngue gui pähmbü, gue'a nán te ran ho ma'da'yo a nám 'bäcä ua. ¹³ Ngue gätho yü dofüi ua ja ran guts'ut'abi, ne ü gätho mi'da yü ja'i i pädi ngue rá 'befi ra Cristo a ná 'bäcä ua. ¹⁴ Ne dá gue'bü dí ofädigä, pe gue'a ní hyut'an zambüai ma cuhü ngue' ü xen gu i 'bacua, ne hinguin su 'bü im man rám hman Oja. ¹⁵ I 'bacua 'da ü ngue im mamp'a rám hman Oja, i seya nangue rám hman Oja dí øt'ä. Pe i 'buh mi'da ngue im man rám hman Oja ngue nde da 'yøt' ran ho. ¹⁶ Ne nu' ü ngue ü i ja ran ts'eyü, im ma nangue ra Cristo, nguetho in nde 'be'a da dase ü. Pe hinga gätho rá mbüi im ma, pe hontho nde ü ngue di yop a ma dumbüigä ua ja ra fädi. ¹⁷ Pe nu' ü mi'da di huegä, ne nde da mbäxgui, ne gue'a ní man rám hman ra Cristo ü, nguetho i pädi 'be'a ná 'bäcä ua, ngue dín yanba a rán ho ma'da'yo ra Cristo. ¹⁸ Pe madague a hont'a go to'o im mamp'a rám hman Oja, dá gue'bü n'dat'a im beni o hin'na 'bü im ma nangue a ra Cristo, ne guexta a emme dadin johya. Ne thocuq thoho dan johyagä. ¹⁹ Nguetho dí pädi ngue ga pømanhogä ua ja ra fädi, nguetho zai guí äfü rá ts'ed*i* Oja nanguecä, ne zai i fäxcä rá Hogandähi ra Jesucristo. ²⁰ Nugä hin dín ndegä ngue m'bejua ga pe'ts' ma sá nangue 'be'a dí øt'ä, pe emme dín nde ga hut'an zambüai gam mangä xen ho rám hman Oja 'bü bi ts'egbä. Janangue a gätho yü ja'i da bah rán ujxte ra Cristo nangue a dí øt'ä, madague'bü dí 'bacä o gue'bü da thogä. ²¹ Nguetho hont'a dí 'bü nangue ra Cristo, dín ndegä ngue din ujxte ra Cristo nangue 'be'a gätho dí øt'ä, ne man'da tho 'bü dá tugä. ²² Pe nu'bü guexta a dadí thoqui dí 'bacua ja ra häi, sá ga tah mi'da yü ja'i ngue da 'yec'y*yei* a ra Hmu mahets'i. Pe hin dí pase nda a ga huanhni, hague dam 'büai, uague ga tu. ²³ Pe nugä emme xen hei ga pädi nda a ngue man'da xen ho. Pe nu'bü da honsegä, man'da dín nde 'bü ga tu ngue ga mba ním 'bübe ra Cristo, nguetho man'da xen ho nanguecä. ²⁴ Pe man'da xen ho nangue ahü ngue guexta a dí 'bacä ua ja ra ximhäi. ²⁵ Janangue a dí haxanjuani guexta a dam 'bacä ua ngue ga fäx ahü

ngue dín te ni t'ɛc'yεihu. Ne man'da din ja ahu ran johya 'bu man'da góá 'yɛc'yεihu ra Cristo. ²⁶ Ne nu'bu dí 'bucä ua ja ra häi, ne guín nuju mahøn'a, εmme da hyu ni mbuihu nangue ra Cristo, ne gui 'yɛspahu ra Cristo buya. ²⁷ Pe damam 'buhmbu 'bu'e'a rán sähu rán ho ma'da'yo ra Cristo. Ne madague a 'darbu dí 'buhmbu o yabu dí 'bucä, pe ga øcä ran ho gui 'yøthu buya, nangue 'da' angu guim bumhbu, ne gui fähmbu ma t'ɛc'yεihu nangue rán ho ma'da'yo ra Cristo. ²⁸ Ne hin gui suhu to'o da zu ahu nangue ran ho ma'da'yo. Ne nangue hin góá suhu, da badi ngue di 'buh yu te u, ne da badi ngue i ja ahu ra temazai ngue bi 'da ahu Oju. ²⁹ Nguetho hinga hønt'a ran ho bi 'da ahu Oju ngue gui 'yɛc'yεihu ra Cristo, pe ne'a man'da ran ho, ngue gui sähu yun unb*u* nangue ra Cristo. ³⁰ Ne 'da'angu dí øthu ya, dadín unbahu ngue dín yømhu a ran ho ma'da'yo, tengu thoho góá nuhu dá øt'ä mám'bet'o, ne guí Øhmbu ngue guexta'a dí øt'ä ya.

2

Nu rán uixte ra Cristo, hin'yu ran 'yɛts'i

¹ Nu'bu gue'a ra Cristo di ze ahu, ne guí pøhmbu rán huçcate a, ne nu'bu guín 'yohu rá Hogandahi Oju, ne guí pøhmbu gui 'yøthu ra yembui ne ra mate, dan johyagä 'bu. ² Pe dami yusca ma mbui ran johya nangue 'bu'e'a guí øthu ya, ngue n'dat'a guim bumhbu, ne 'da xctín huçctahu, ne 'da'angu nin 'yomfønihu guim bumhbu, hinga 'dahma 'dan'yo guim bumhbu. ³ Ne hin ga øthu ran 'yøya, ne hin dan 'yøxhu, ne hin gam bumhbu ngue dan uixtehu, pe man'da da buense n'da hingui hose xinda gue'u gä mi'da. ⁴ Ne hinga hønt'a ga honsehu gam bumhbu, pe ne'a i hon u mi'da ga fäxhu. ⁵ Pe n'da ngu'n'da dam bumhbu tengu tho bu í buenju ra Cristo. ⁶ Nu ra Cristo 'da'angudui Oju a, pe him bin 'yøzehu ngue Oju a, nguetho bi buenju. ⁷ Ngue bá sogui gätho rá ts'edi mahëtsí, ne bin 'yøhe 'bu míñ ja'i ua ja ra ximhäi, ne bi mbäx yu ja'i. ⁸ Ne nu'bu míñ ja'i xingui ts'u bin 'yøts'i, pe bi 'yøt'e gätho 'bu'e'a min nde Oju, ne bi du bu ja ra pont'i tengu n'da ra ts'om'bäi. ⁹ Ne nangue a bi 'yøt' ra Cristo, Oju bi 'yøspa a, ne bi un ra ts'edi man'da xun gu, ne gue'a

ra thuhu bi unni εmme man'da di muui. ¹⁰ Janangue a nu'a ra Jesús gue'a rán säui din thunde a, gätho 'bupu mahëts'i ne cuja ra häi ne'u gätho xun du, yu ja'i ne yém 'buhni Oju ne yu zithu, gätho da 'yøspa ra Jesucristo ra Hmu. ¹¹ Ne gätho nán gu da badi ne da ma ngue gue'a ra Jesucristo a ra Hmu nangue gätho 'bu'e'a i ja, n'damhma gätho da 'yøspa Oju ra Ta.

Nu yu 'yɛc'yεi guese u yun yot'i ua ja ra 'buexui

¹² Janangue a ma zu cu ahu ngue dadí huç'ahu, zai góá 'yøthu 'bu'e'a dá xi ahu nu'bu 'darbu mám 'buhmbu, pe madague'a yaua dí 'bucä ya, man'da hnuhi thoho gui 'yøthu a nin sähu ngue i 'buh ma pørpatehu, ne hin gan 'yøxhu, pe guin numansuhu Oju. ¹³ Nguetho gue'a Oju dim pepu mbo ma mbuihu ne gue'a di 'daju rá pähä ne rá ts'edi ngue ga ørbahu rá pähä Oju. ¹⁴ Ne o gadí yan*u* thohu, xín gan junthu, pe dami 'yøthu gätho in nde Oju. ¹⁵ N'damhma njon da dingahu n'da ran ts'o ngue da ma i ja ma ts'oquihu. Pe dam 'buhmbu tengu man sähu ngue yu hogat'uhni gahu Oju, guepu 'bu u yu ja'i ngue i øt' ram fe'ts'i. Janangue a ga øthu buya tengu n'da ran yot'i bu ja ra 'buexui, ngue ga xihmbu rám hman Oju di un ra te. ¹⁶ Ne nu'bu gui xihmbu rám hman ra temazai, nugä dan jhyagä 'bu bi zøn ra pa ngue ba ɛh ra Cristo, ngue hin'yu 'bu'e'a dá pe'ts' ma sä nangue ra 'bufi xtá øt'ä bu guí 'buhmbu. ¹⁷ Nguetho dadí hoc'a ni t'ɛc'yεihu, tengu'bu dadí hocä n'da ra 'buots'e, xun ho 'bu dá undä Oju. Ne nugä 'bu hin dí gua u yun angi dá sä 'bu gmí 'yɛc'yεihu, pe man'da xun ho 'bu ga un ma te ne ga fäm ma ji, ngue dí gua a ra 'buots'e ga undä Oju nangue gätho ahu. Guexta a dadín johyagä, ne da zä gui hyømhu man johyagä. ¹⁸ Janangue a ga comhbu man johyagä 'bu bi zøn ra pa da t'ɛna da thogä.

Ra Timoteo ne ra Epafrodito

¹⁹ Ne nu'bu rá pähä Oju 'buex ga pøn'nahu bu ra Timoteo da nu ahu. Ne nu'bu dá pødi 'bu'e'a gadí jahu bu dan johyagä buya. ²⁰ Nguetho njohgui 'bucua man'da ngue im bueni tengu dí m'be ra Timoteo nangue ahu. ²¹ Nguetho gätho mi'da i 'bucua im

bensenge nangue yá 'befi zehe, ne him majuani rá 'befi ra Cristo Jesús im bem buya. 22 Pe ya guí pahmbu ngue ɛmme di muui nangue 'be'a i øt' na ra Timoteo, ngue di com'be rá 'befi Ojá, tengu n'da ra ts'untu i conhui rá 'befi rá ta. 23 Pe di tø'mi hasta gue'bu ga paca 'be'a din jacä ua. Ne m'bejua ga penhdä bu na ra Timoteo. 24 Pe xømhma da nde ra Hmu mahets'i ngue da zä ga mba bu n'dihi, gan nu ahu. 25 Pe dím beni ngue m'bet'o ga pen'nahu bu mahon'a na ra Epafrodito, ma cuhu, ne di com'be rá 'befi ra Cristo dín yanba'be a rán ho ma'da'yo. Guehna guá pencä'be ua nangue da mbäxca'be. 26 Pe nuya ɛmme nde da mba bu gam 'buhmbu mahon'a, ne ɛmme tu rá mbui ngue ya rá 'yøhmbu ngue mí u a. 27 Ne majuani ɛmme mi u ne mi ts'utho xtán du. Pe nangue rá mate Ojá ngue him bi du. Ne nu'bu xtán du, man'da ɛmme xen gu ra dumbui xcá nugä 'bu. 28 Pe janangue a di humbi ga penhdä n'dihi na, n'damhma gan johyahu 'bu guin nuhu mahon'a, necä da hyu ma mbuigä ua. 29 Ne nu'bu bi zøm bu dami simhbu xen ho, ne gui 'yäfu ra jamadi Ojá ngue bi xox a. Ne gätho yá ja'i guin numansuhu ngue øt'e tengu i øt' na ra Epafrodito. 30 Ne nuna mi ts'utho xtán du nangue rá 'befi Ojá, nguetho bi 'yen rá te nangue bi zequi, ngue bi 'yøt' rá 'befi tengu tho'bu gue ahu xzuí zequi.

3

Nu ra Cristo bu di ɛc'yεihu, gue'a ni bo ma mbuihu a

1 Nuya ma zu cu ahu, di xi ahu, daman johyahu nangue ra Hmu mahets'i. Nugä hin dadín xømbu ngue ga xi ahu mahon'a, gan johyahu, nguetho nin hos'ehu ngue di xi ahu. 2 Daman jamansuhu nangue u yá ts'on'yomfenni ja'i, nguetho nu'u tengu tho'bu yá sateqxä'yo, ne i xi ahu jatho da hmepya ni ja'i ihu ngue da mba nthequi ahu. 3 Pe nuju majuani am hmepya gahu bu na nuju Ojá, nguetho di thandehu Ojá nangue rá Hogandähi, ne dadín johyahu nangue a ra Cristo Jesús, ne di pahmbu hinga gue'a man hosegahu ní 'yenju yá tungahu Ojá. 4 Pe nu'bu 'bo'o sä ɛna yá tuhni Ojá nangue xen hose, pe man'da sä xcá ɛnga 'bu, nguetho man'da mi pømanho man tøt'egä.

5 Nguetho dám 'bui nangue yá judío, ne ná hyatopa xtám 'bcä 'bu mi thegä ma xifani, ne gätho di comhbe a bi xije Ojá dyá hebreo dyá judíohe, nguetho nu'a ma ta ra hebreo a gue a bi xand mam bombøta ra Benjamín mi 'buh maya'bu. Ne di tendä 'be'a im man yá fariseo, ngue ɛmme di humbi di øt'ä u yén tɛdi yá judío. 6 Ne nugä ɛmme di yangä a ma tɛc'yεihe dyá judíohe, janangue a madí unba yá 'yɛc'yεira Cristo. Ne mi øt'ä u gätho yén ho im man u yén tɛdi yá judío, janangue'a njo'o to'o mi sä da man'a n'da rán tɛdi Ojá ngue di festhoho. 7 Ne mím bengä ní zingä Ojá a man hose. Pe nuya di pädi ndetho di 'berpa nín 'yomfenni n'da a. Ne di ɛ'ts'ä a ná bengä xen ho segä janangue bi zä di tjngä ran ho nangue ra Cristo. 8 Ne madague'a hangu nan gu xtá øzehégä, pe ndetho man'da di 'bedi, nguetho man'da di muui ngue di paca ra Cristo Jesús ma Hmu. Janangue a gätho man hose di 'bedi, ya him mínumanho, n'damhma bi zä dán 'yo'be ra Cristo. 9 Ne nuya sä dam 'bu'be ra Cristo, ne ntemanho i jagä 'be'a di øzehégä nangue yén tɛdi, pe nangue a di ɛc'yεi 'be'a bi 'yørca ra Cristo, ne gue'a í bo ma mbui a ne in numanhogä Ojá. Nguetho Ojá in numanho ui hænthono rá mate ra Cristo. 10 Ne nuya hønt'a man'da ɛmme din nde ga pädi xen ho a ra Crsito. Ngue ga com'be xen ho a rá ts'edi bin tum 'bu mi dambenu, nguepu da zä dam 'bui xen ho 'bu di 'butua ja ra ximhäi, ne da zä dan unbä tengu yén unbi bi nu a, ne da zä ga com'be rán date, ngue nde da ma di 'berqui xen ho a man yombui zehe. 11 Ne nubuya xømhma thoho da zä ga com'be xen ho a rá ts'edi ra Cristo bin tum 'bu mí dambenu, ngue dam 'bui xen ho a ra 'da'yote.

*Gan uεnthohu ga tqhmbu ra 'dih*i* buya*

12 Pe nugä hingui sä gam mangä ngue gätho di com'be rá ts'edi ra Cristo, nguetho hin daná soni ngue gätho xtán hotho ga øt'e. Pe guexta a dadí thoqui di honi ngue ga pädi gätho 'be'a bi bengä ra Cristo Jesús 'bu mi bendgä. 13 Pe ma zu cu ahu di xi ahu ya, ngue hinga gätho di øt'ä xen ho, pe hin din nde gam bengä mahon'a 'be'a xtá øt'ä mam'bet'o. Pe guexta a ɛmme dadí

thoqui dí nde man'da ga øt'ä ran ho, ngue ga tähä xän ho. ¹⁴ Ne dín nde gan uen tho xän ho, ngue ga tähä ga hän a í zoncaha Oja bæ mahëts'i ga hämhba, nangue dí øc'yehä ra Cristo. ¹⁵ Ne gätho ahæ ngue xän te nin 'yomfëniha nangue ni t'øc'yehä, nde'bæ 'da'angu guim bëmhba tengu dím bëngä. Ne nu'bæ bæ a n'da ahæ n'dan'yo guim bëmhba, nu a Oja di ja ahæ ngue gui pähmba 'be'a nde Oja. ¹⁶ Pe nde'bæ ga thohmba tengu zai dí øthæ, nangue rá 'befi Oja. ¹⁷ Ma za cu ahæ, dami tenhdæ a 'be'a dí øt'ä, ne'æ mi'da 'bæ i øt'a tengu dí øt'ä, dami tenhdæ. ¹⁸ Nugä drá Pablogä, ga xi ahæ mahøn'a, emme xän gu yæ nidj ya xtä xi ahæ, nguetho emme tu ma mbæi nangue 'be'a i øt'æ 'da xän gu, i ñna i 'yo bæ rá 'yu Oja, pegue din sähmba ra Cristo ngue hingui øc'yehä 'be'a í du bæ ja ra pont'i. ¹⁹ Ne da zøn ra pa ngue da guadi ne di 'beh yæ te, nguetho hønt'a 'be'a i si ne 'be'a ndesé rá ja'i i hädumbæ. Pe emme din 'yex a nangue 'be'a i øt'æ ne hin'yæ yæ 'yasä. Ne hønt'a im bæni nangue a 'be'a jaua ja ra ximhäi. ²⁰ Pe nuju dyæ 'yec'yehä, dyæ menguhæ bæ mahëts'i, ne dadí thoqui dí tømdahæ ngue ba eh mahëts'i a mam pørpatehæ, ngue gue'a ma Hmuha ra Jesucristo. ²¹ Ne nu'a ra Cristo di pärca ma ngøc'yehä tengu rá ja'izehæ ngue nuixte thoho, rá rs'edi i ja. Ne n'dat'a rá ts'edi ngue di manda 'be'a gätho i jaua.

4

Thoscua thoho dan johyahæ nangue ra Hmu

¹ Ma za cu ahæ emme dadí huç'ahæ ne emme dím bæn ahæ, nguetho xcá 'dajæ ran johya, ne nangue gá 'yec'yehä, gue'a ní nequi xän ho ma 'befigä a. Ne nuya ma za cu ahæ, o gadí uanspa nin 'yomfëniha nangue ni t'øc'yehä. ² Ne nu aui man ju aui nangue ra Cristo ra Evodia ne ra Sintique, dami 'yørcaui ra mate ngue 'yo gadín sähmi, nguetho gadín cuui nangue ra Hmu mahëts'i. ³ Ne nu i ma hogamfåts'i'i ngue gá fäxca ra 'befi, dami fäx a yæ xisu ngue dim 'bæmanho, nguetho emme dám pecähe a nu'bæ má mamhbe bæ rán ho ma'da'yo ra Cristo. Ne a ra Clemente ne'æ mi'da bi mbäxqui, ngue gätho bi thusca

ma thuhuhæ bæ ja ra xöcuq bæ mahëts'i nangue bin 'dajæ ra temazai. ⁴ Pe thocua thoho dan johyahæ nangue ra Hmu, ne dí xi ahæ mahøn'a, dan johyahæ. ⁵ Ne ga fäxhæ ma mijä'ihæ, n'damhma gätho yæ ja'i da nu ngue dadí jamansuhæ 'be'a nám 'bæhmba. Ne gam bëmhba ngue mi ts'utho ba eh ra Hmu mahëts'i. ⁶ Ne hin ga hädumbæiha nangue 'be'a gätho dí homhba, pe gätho ga xihmba Oja 'be'a dí homhba, ne ga xihmba ra jamadi ngue zai ørcahæ a xän ho. ⁷ Ne nu Oja da hyurca ma mbæihæ bæya nangue ran johya hingui sä xtäm bæse n'da, pe gue'a ran johya ní jamansuc ma mbæihæ ne man 'yomfëniha, nangue dín 'yohæ ra Cristo Jesús.

Gam bëmhba 'be'a gätho xän ho

⁸ Nuya ma za cu ahæ, mi'da jaua ngue dín nde ga xi ahæ. Ngue gam bëmhba gätho 'be'a a majuani, ne gätho 'be'a yæn thëhæ ngue dí hnumansujæ, ne gam bëmhba hin di yoho bæ dá øthæ 'be'a dí øthæ, ne hin te man ts'o gam bëmhba. Ne gam bëmhba ga ørpahæ 'be'a dí hyu yæ mbæi a ma jijä'ihæ, ne gam bëmhba ga øthæ 'be'a mfadi ngue xän ho. Ne gam bëmhba gätho 'be'a emme xän ho, ne gam bëmhba ngue 'be'a gätho da t'ëspi xän ho. ⁹ Ne gui 'yøthæ 'be'a gätho dá xän'nahu, ne gui tenhdæ gätho 'be'a xtä ut ahæ. Ne nu'bæ ngubæ gui 'yøthæ, da zä gan 'yohæ xän ho Oja ngue zai i hurpa ní mbæi n'da.

Bi 'benpi ts'æ ram fäts'i a ra Pablo

¹⁰ Ne nu Oja bi 'dacä ran johya nangue a gá bænjæ mahøn'a, ngue gadí zeju ts'æ. Ne dí pácä ngue hin gá pumbënijæ, pe hønt'a nja, him mi sä bæ gui zeju mam'bet'o. ¹¹ Pe hin dí ñna ngue xcán unbæ 'bæ hin xquí fäxcaha, nguetho ya xtán zai ngue i jagä ran johya madague 'bæ i ja a ga honi o hin'yæ. ¹² Nugä dí pácä 'be'a nám 'bæmanho n'da ra hyoya, ne dí pácä 'be'a nám 'bæmanho n'da ngue i ja xän gu. Ne dadín johyagä madague a dín niyagä o gue dí tumanthuhugä. Ne hønt'a go 'be'a dín nu, uague xän gu i jagä o hin'yæ, pe i hu ma mbæigä. ¹³ Ne hønt'a go má ts'edi i ndec Oja, ya gätho sä ga øt'e, nguetho i fäxca ra Cristo. ¹⁴ Pe guexta a xän ho gá 'yøthæ ngue gá zeju ts'æ, ngue i pan hnuman'ugä.

15 Nε nu ahu guí 'bahmbu bu Filipos, guí pahmbu ngue honse ahu gá zeju ts'u nu'bu má pøngä bu ra häi Macedonia, ngue rá mbudi dá mangä ran ho ma'da'yo bu, nε gá pencahuu ra mbeti. **16** Nε nu'bu guexta a mí 'bacä bu ra hnini Tesalónica, yondj hyundi gá pencahuu ra mbeti, gue'bu má hongä. **17** Nε hinga hontho dín nde ga häni, pe dín nde ngue di jap ahu Ojä nangue a xcá 'daju, nangue gá zeju. **18** Nugä ya dá häni 'be'a guá pencähu 'bu mi zocua ra Epafrodito, nε i pongui ts'u 'be'a dí honi. Nε nangue 'be'a guá pencähu, nu Ojä i numanho, tengu'bu n'da ran t'unni emme di muui. **19** Nε nu'a ma Ojähu di 'da ahu xan ho 'be'a gätho guí homhbu nangue dí 'bahmbu ra Cristo Jesús. Nguetho nte di 'be'a, nε emme xan ho a di 'daju. **20** Pe dí espahu ma Tahu Ojä nε gätho yu pa mazäi. Nε hont'a dí bëngä a.

Rán zegui ran zengua

21 Nε dí pen'nahu ran zengua gätho yu 'yec'yei ngue i 'bepu, nangue rá thuhu ra Jesucristo. Nε gätho ya yu cu dí 'bahmbe ua i pen'nahu ran zengua. **22** Nε' u mi'da yu 'yec'yei ngue i 'bacua ja ra hnini, gätho i pen'nahu ran zengua. Nε nu'u yu 'yec'yei ngue dim pecua ja ran guts'ut'abi man'da in nde di zengua ahu. **23** Nε nu ma Hmuhu ra Jesucristo dí äpä di 'da'ahu rán japi gätho ahu. Nε hont'a dí xi ahu a, nε hont'a gam bëmhbu a ya.

COLOSENSES

Ra s̄ocuā bi 'yorba ra Pablo ¹

ȳ 'ȳc'ȳi b̄ ja ra d̄ahnini

Colosas

Ran z̄engua

¹ Nugä drá Pablogä, ma 'bäigä'be ra Cristo Jesús, nangue rá pähä Ojä. ² Ne dí yo'be ma cuhü ra Timoteo, dadí z̄engua ahu gätho ȳ 'ȳc'ȳi ngue guí 'buhmbü b̄ ja ra hnini Colosas, dadín cuhü nangue n'dat'a dím b̄mhbbü ra Cristo. Ne dín ndehe ngue gätho ahu guin nuhü rán japi Ojä ma Tahü, ne da hyut'a ni mbuihü.

Jamadi dí emfe Oja

³ Nu'bü dí yahe Ojä ngue rá Ta ma Hmu hü ra Jesucristo, thocua thoho dí emfe jamadi nangue ahu. ⁴ Nguetho ya xtá øhmbe nangue ni t'ec'ȳihü nangue ra Cristo Jesús, ne dá øhmbe ngue ja ahu ran huçcate nangue ni mi 'ȳc'ȳihü. ⁵ Nguetho guí tømhbü 'b̄e'a gätho ȳn ho guin nuhü b̄ mahëts'i, ne guí tømhbü gue'bü go rá mbüdi gmí 'ȳc'ȳihü a ram hma majuqani. ⁶ Nu ran ho ma'da'yo ngue xcá 'yøhmbü, nuya din xandi, ne hønbü go hapü i pa, di pärpa ȳ mbüi ȳ ja'i, tengu tho bin ja b̄ guí 'buhmbü 'b̄ gmí 'ȳc'ȳihü njuqantho rá mate Ojä. ⁷ Gmí 'yøhmbü ran ho ma'da'yo gue'a bi xi ahu man 'yo'be ra Epafras. Nugähe emme dadí huçje na, nguetho nuna ran 'yohü n'da rá 'ȳhë ra Cristo, ne di ze ahu nangue rá 'befi Ojä. ⁸ Ne nuna ra Epafras bi xije ngue gadí huçgahe nangue rá Hogandähi Ojä di b̄en'nahü. ⁹ Ne nu'bü ra pa dá øhmbe ngue xan ho ni t'ec'ȳihü ne nin huçcatehü, thocua thoho dí äfe rá ts'edi Ojä nangue ahu, ngue gui pahmbü rá pähä Ojä ne gui pahmbü rán 'yomfeni a rá Hogandähi Ojä. ¹⁰ Ne dí äfe rá ts'edi Ojä ngue gam 'buhmbü tengu rán säui u ȳ t'ahni Ojä, ne thocua thoho zai gui 'yøthü a in numanho ra Hmu. Ne dí äfe Ojä ngue gui 'yøthü ȳ hogant'ot'e, ne din te ni mbuihü ngue man'da gui pahmbü Ojä. ¹¹ Ne gätho nan gu rá ts'edi Ojä dí äpähe nangue gätho ȳn unbi guín nuhü, ngue hin gan

xømbuihü. Ne nangue rá ts'edi Ojä di ja ahu ngue hin di un'na ni mbuihü, ne din ja ahu ran johya. ¹² Janangue a da zä gui 'ȳmfü jamadi ma Tahü Ojä, nguetho bi hogahü da zä ga comhbu 'b̄e'a gätho di un ȳ 'ȳc'ȳi guepü bí ja rán nequi. ¹³ Ne bi yanju Ojä b̄ ja rá ts'edi ra 'bexui, ne bi zixgahü b̄ di manda rá Ts'unt'ü di huçqui. ¹⁴ Ne nu'a rá Ts'unt'ü bi gurca ma ts'oquihü, ne gue'a í zä bi pungahü Ojä a.

Rá 'befi bi 'yøzehë ra Cristo

¹⁵ Ne nu Ojä hingui sá da nu n'da, pe nu ra Cristo ngue 'da'angudui Ojä, ne bin ja'i ua ja ra häi tengu tho 'b̄ dá nuhü Ojä. Nu ra Cristo mi 'b̄ 'b̄ rá mbüdi thoho, 'b̄ nte mi ja ua. ¹⁶ Ne nangue rá ts'edi Ojä ra Cristo bi 'yøt'e 'b̄e'a gätho i ja ne to'o gätho i 'b̄ai, guecua ja ra häi, nepü mahëts'i, nu'u di nequi ne'u hin di nequi, gätho u i ja yá ts'edi, ne'u embi i jase yá ts'edi, pe nu ra Cristo bi 'yøt'e gätho u ngue di manda u. ¹⁷ Ne nu'a ra Cristo mi 'b̄ai nu'bü ma hin'yü ua ra ximhäi. Ne nangue rá ts'edi di jamanus xan ho gätho 'b̄e'a bi 'yøt'e, ne gue'a ní bömanho a. ¹⁸ Nu gätho ȳ 'ȳc'ȳi i 'b̄ai n'dam'b̄ai tho i öt'e tengu'bü n'danjä'i tho, nu ra Cristo tengu'bü rá yä a. Ne di un ra temazai ȳ 'ȳc'ȳi. Ne nu'a, rá mbüdi ngue bi dämbëni a. Janangue a hin'yü man'da ra ts'edi nuixté tengu rá ts'edi a. ¹⁹ Nguetho bi zän Ojä hønt'a rá Ts'unt'ü bi unni gätho rá ts'edi. ²⁰ Ne nu'bü mí mbän rá ji ra Cristo b̄ ja ra pont'i, bi 'berpa ȳ ts'edi u gätho madín suhmbü Ojä i 'b̄acua ja ra häi nepü mahëts'i. Ne gue'a dí hocpi gätho 'b̄e'a i ja, ne gue'a dí hocpa u to'o gätho in nde. ²¹ Ne nu'a ra Cristo bi hogahü, nguetho yatho dá 'uehmbü b̄ rá 'yu Ojä, ne mí øthü yun ts'o, ne gue'a dán suhmbü Ojä a. Pe nuya Ojä sá da numanhoju. ²² Nu Ojä bi hogahü gätho ma ts'oquihü, nguetho rá ja'i ra Jesús bi nu ran unbi ne ran däte nangueju. Janangue a xtán hotho gahü 'b̄ bi däjü b̄ 'b̄ Ojä, ne hin da dñiga ma ts'oquihü. ²³ Pe nu'bü guín nde ngue din ja ahu b̄, pe jatho thocua thoho gui 'ȳc'ȳihü, ne hin gui 'yon nin 'yomfenihi. Ne gui thoqui gui tømhbü ran ho ma'da'yo gá 'yøhmbü, nu'a bi sih ȳ ja'i gätho ra ximhäi. Ne n'dat'a ram hma dí öt'a ngue dím pøngahyagä, guecä drá Pablogä.

Rá 'befi ra Pablo

24 Né nugä di johya ma mbai 'bá dín nu ran unbi nangue ahá. Né xán zän Ojá ga comhbá rán unbi ra Cristo, nguetho yá mbeti gahá a. Nu'a bi nu ran unbi nangue gátho yá 'yec'yéi, necä dín nu ran unbi tengu bi zän Ojá ngue gan nugä. **25-26** Né bi huancá Ojá gátho yá 'yec'yéi ga pëpi, ngue ga xih ran ho ma'da'yo. Né nu'a ran ho ma'da'yo ní gua a rám hman Ojá a, ngue im ma gátho him mam fädi mam'bët'o. Nguetho gue'bá rá mbádi thoho njom mí pàdi. Né nu'bá mám 'báhmbá báya, né ja dá pähmbá báya. **27** Né nuna ram hma him mam fädi, ngue dim 'bápá ra Cristo bá mbo ma mbaihá, ngue gátho dyá 'yec'yéiha i 'báh ra ximhäi, né'á hing yá judío. Né nangue dim 'bápá mbo ma mbaihá ra Cristo, sá ga tómhba a rán ho nuixte bí ja bá mahëts'i. Né guehna ran t'ot'e nuixte in ndeja Ojá ga pähmbá ya. **28** Janangue a nu ran ho ma'da'yo dím mamhbe né dí xänbahe xán ho, né gátho yá ja'i dí xihmbe ran ho, nangue bi 'dacä ran 'yomfëni Ojá. Nguetho dí ndepe gátho da mba ma hocpi yá mbai a, nu'bá i pàdi 'bë'a bi 'yörba ra Cristo. Né da zá dim 'bá xán ho ra Cristo bá mbo yá mbai báya. **29** Janangue a gátho ma mbai dí ot'ä ma 'befi, nangue ra ts'edi ngue bi 'dac ra Cristo dí ot'ä.

2

1 Nugä drá Pablogä dín nde ahá gui pähmbá ngue dí hadumbai dí äpä rá ts'edi Ojá nangue ahá gyá 'yec'yéiha. Né'á ngue 'bápá ra hnini Laodicea né gátho a mi'da ngue njäm'bá mi nugui. **2** Dín nde ahá ngue da hyu ni mbaihá, né n'dat'a guim bëmhba nangue i ja ahá nin huëcatehá n'da ngu n'da ahá. Né hin te di 'bëdi ngue gui pähmbá nangue ra Cristo, nguetho 'bë'a gátho him mam fädi nangue rán 'yomfëni ra Cristo. Né hønt'a ra Cristo sá da 'yut ahá rán 'yomfëni Ojá. **4** Nuna guehna dí xi ahá na, nguetho 'bá'i 'da nde da hyá ahá, èmmë mahotho im man a, pe him majuäni. **5** Nugä hinga 'darbá dí 'báhmbá ya, pe i so ma mbai nangue ahá. Né èmmë i hu ma mbai 'bá dí øde ngue hingui cuent' ni mbaihá, né hingui tåp a

ni mbaihá a yá hyäte, nangue ni t'ëc'yéiha nangue ra Cristo. **6** Nde'bá thocua thoho gan 'yohá ra Cristo Jesúz ra Hmu, nguetho ya gá sin a ra Cristo ngue dim Hmu bá ja ni mbaihá, né bi du nangue ahá. **7** Nu ra Cristo tengu'bá ra dä'yá a, né n'dat'a guí comhbá rá te ni mbaihá, né gue'a nán te ni mbaihá a. Né dami zacua ni t'ëc'yéiha, tengu bi sän'nahá. Né zai gui 'yemfá jamadi Ojá gátho bi 'da ahá.

Dí comhbá ra 'da'yote ra Cristo

8 Damin jamansuhá ngue hin din ts'on ni t'ëc'yéiha nangue 'bë'a im man i 'da yán 'yohá, ngue nde da hyä ahá. Pe im bënsé a i xi ahá, né him majuäni a i xi ahá. Gue'á yám hmanse yán 'yohá im ma mi'da yá hmu hin di nequi di manda ua ja ra ximhäi, né hin rán t'ëdi ra Cristo a. **9** Pe nangue a ra Cristo da zá ga pähmbá xán ho Ojá. Nguetho Ojá bin ja'i nangue rán gòc'yéi ra Cristo, né nte di 'bëdi gátho i ja a Ojá nangue rá ja'i ra Cristo. **10** Janangue a nu'bá dín 'yohá ra Cristo, i jajá 'bë'a gátho dí homhbá. Né nu'a ra Hmut'sat'abi a, né hønt'a di manda gátho 'bë'a i ja. **11** Né nu'bá má èc'yéiha ra Cristo, bi thegahá gátho ma ts'oquihá gátho gahá, né ahá ngue hing yá judío ahá. Né gue'a njuäntho ran thequi in nu Ojá a bi 'yot ahá ra Cristo. **12** Nguetho nu'bá mán xixyähá, tengu'bá 'darbá bi t'ägahá a ra Cristo, ngue dá sohmbá bá ma nyon 'yomfënihá. Né tengu'bá 'darbá dá thämbënihá ra Cristo bá ja ra 'da'yote, nguetho dí èc'yéiha rá ts'ëdi Ojá bi xox'a ra Cristo 'bá mi du, nangue rá ts'ëdi xán ndoho. **13** Né nu'bá hin ní hoc ni mbaihá, gátho ahá ngue hing yá judío ahá, tengu'bá gyá duhá nangue ni ts'oquihá, né hin gmi comhbá ran hoqui bi man Ojá maya'bá. Pe nu Ojá bi ja ahá né'ahá dá comhbá ra tema'da'yo ra Cristo, né bi pungahá gátho ma ts'oquihá. **14** Né nujá hin dá jashá yán t'ëdi Ojá, o gue'a ran hocja'i dí páschá hin dá jashá a, né gue'a gä dín dupatehá a. Pe bi gurga man dupatehá a ra Jesúz 'bá mi du bá ja ra pont'i. Né gue'a ní hogahá Ojá a. **15** Né nangue a 'bë'a bi 'yot' ra Cristo 'bá mi du bá ja ra pont'i, bi 'berpa yá ts'ëdi a i èna i ja yá ts'ëdi ngue hin di nequi. Né bi japi ngue bi mbë'ts' yá sá 'bá mi hnu ngue bi dä a ra Cristo.

Ga homhbu ga øthu ngue dyu menguhu bu mahets'i.

¹⁶ Janangue a njon da zä da xiju ga sufu 'be'a dí sihu, ne njon da zä da xiju jatho ga sufu n'da ran go, gue'u yu t'ungopa, o gue'u yu pa ran ts'äya. ¹⁷ Ne nuya yun t'ëdi ñambi xun duxqui, bi man Oju maya'bu ngue bi xi u yu judío, pe 'da yu patho u. Ne din t'es' 'bu bá ñh ra Cristo u, nguetho yu hmepya thoho nangue a ra Cristo. Pe nuya bi zoh ra Cristo, ne gue'a majuani i ja rá ts'ëdi a. ¹⁸ Ne masque i si ahu gui 'behmbu rán jápi Oju 'bu hin gui thandeh yám 'behni Oju mahets'i. Pe o guí suhu. Gue'a im man u 'da, nguetho ñambi ran 'yëts'i 'bu dí thandeh ra Cristo, nguetho i ja rá ts'ëdi. Pe go i ñn u hing ran 'yëts'i 'bu ga thandeh u i coh yu ts'ëdi, ngue yám 'behni Oju mahets'i. Pe im manse, ne him bi 'yut Oju, nguetho ñmme xun ts'o yun 'yomfëni u. ¹⁹ Pe nu'u hin'yu 'be'a yun jahu ra Cristo. Pe nuju dyu 'yëc'yëlhu dí 'behmbu ra Cristo tengu'bu n'danju'i tho dí comhbu. Nu ra Cristo tengu'bu ra yu, ne di bëngahu yun 'yomfëni xun ho, ne gue'a nán te ma mbuih a, tengu bi zän Oju.

Darbu dá tuhu ra Cristo ne 'darbu dí 'behmbu a

²⁰ Ha hin gá tuhu ra Cristo, ne guí ñna gá hyëhmbu yun t'øt'e ra ximhäi. Pe hanja guexta a gní 'yøthu tengu'bu rá mbeti ahu ra ximhäi, ngue guí ñdahu yun t'ëdi u to'o ñambi di manda ua ja ra ximhäi. ²¹ Ngue sä i ñn ahu: "Yo guí thähmbu ya, ne o guí sahu ya, ne o guí häxhu ya." Pe nde'bu hin gan hyëhmbu ngue di 'bëp ahu u yun t'ëdi u. ²² Pe gátho ya ñnju ga sufu, pe an ts'änni gátho ga homhbu ne din thegue. ²³ Ne ñna gue'bu gue'a ran 'yomfëni xun ho a im man ya yun 'yohu, nguetho im man a n'da ran thande ngue hin dín 'yëx a n'da, ne im ma da zæthoho 'be'a in nde n'da. Pe mfädi hinga gue'a, nguetho hinga gue'a nízerpa nímbu n'da 'bu im bëni da 'yøt' ran ts'o.

3

¹ Pe gam bëmhu ngue 'darbu dá thämbënihu ra Cristo, tengu'bu ya dá sohmbu ra ximhäi. Janangue a ga homhbu ga øthu ngue dyu menguhu bu mahets'i, ngue ya dí 'behmbu ra Cristo, ne nu'a i 'bupu

ja rán 'yei Oju, i conhui rá ts'ëdi a. ² Gam bëmhu tengu bu nam bën u 'bupu mahets'i, ne hin gam bëmhu tengu bu nam bën u 'bucua ja ra ximhäi. ³ Gam bëmhu ngue 'darbu dá tuhu ra Cristo, ne nuya 'darbu bi 'besca ma tehu ra Cristo bu bí ja rá ts'ëdi Oju, bu nam bën a. ⁴ Nu ra Cristo dá simhbu mbo ma mbuih, ne gue'a ma tehu i jaju a ya. Ne nu'bu bi hnu a rá ts'ëdi nujxte ra Cristo, neju da hnu ngue dí comhbu rá nujxte a.

Hönt'a ma'da'yo gam bëmhu ya

⁵ Janangue a nuya gátho yun ts'o ra ximhäi i ja bu mbo ma mbuih ga hëhmbu, tengu'bu dán hyosh. Hin dan 'yomt'ñnihu, xin ga øthu yu 'yäsä, ne ga eshu u yu ts'on'yomfëni. Xín dan siyatehu, nguetho tengu'bu dí thandeh u yu oju ngue him majuani. ⁶ Pe gue guehya da nu rán ts'ëmbi Oju nts'utho, ngue gátho u hin di jamansu 'be'a im man Oju. ⁷ Nu'ehu ngubu gmí øthu 'bu gmí 'yohu bu ja ra 'bexui. ⁸ Pe nuya dami hyëhmbu 'be'a gmí bënbahu ni miju'ihu ya, gátho ra cue, ne dami hyëhmbu a gní 'yëc'ambuih ran ts'o. Ne o gadí c'qamanu ni miju'ihu nangue ra ts'ore, ne guí 'yeshu nangue ra ts'ore i pøn ni ndehu.

⁹ Ne o gadín xihmbu yu fehni n'da ngu n'da ahu, nguetho ya gá pähmbu nin 'yomfënihu ne gátho 'be'a gmí øthu. ¹⁰ Ne nuya i ja ahu ma'da'yo nin 'yomfënihu. Pe nu Oju man'da man'da di 'da ahu ran 'yomfëni, da gohi tengu thoho rán 'yomfëni ra Cristo, ngue bi 'daju ra 'da'yote. ¹¹ Nu ra Cristo 'da'angu bu na nu yu ja'i, madague hönt'a go 'be'a má ja'i, yu griego, o gue yu judío o gue hing yu judío, o gue yum 'bändapo ja'i, o gue yu 'yëhë, o gue hing yu 'yëhë. Nu ra Cristo in 'yohu hönt'a to'o nde da 'yëc'yëi, ne nangue ra Cristo ga tümhbu gátho dí homhbu. ¹² Ne nangue rán huëcate Oju ya bi huancahu ngue ga 'yëc'yëlhu. Janangue a nde'bu ga øthu ran hocju'i, ne hin dan 'yëxhu, ne ga Ørbahu ran ho ma miju'ihu, ne din ja ma yembuih, ne hin dan xømbuih 'be'a da t'ørcahu. ¹³ Ne dam punbahu n'da ngu n'daju nu'bu da 'yørcahu ran ts'o n'da, tengutho bu í pungahu ra Cristo. ¹⁴ Pe man'da ñmme hnëhi thoho ga øthu ran huëcate, hin te dadí 'behmbu 'bu. ¹⁵ Ne ga

jafu ra Cristo di manda gahu, n'damhma dim 'bumanho ma mbuihu. Nguetho ya bá zoncahu Oja ngue dam 'buhmbu tengu'bu n'danja'itho. Ne thocua thoho ga xihmbu ra jamadi 'bu'a bi 'yorcahu Oja. ¹⁶ Ne gam bumhbu rám hman ra Cristo, ne nangue rám hma din jaju ran 'yomfeni xan ho. Ne gue'a dán xanbahu a n'da ngu n'daju. Ne ga emfu jamadi Oja nu'bu dí tuhmbu yu thuu, o gue dím mamhbu rám hman Oja. ¹⁷ Ne 'bu'a gätho dí othu, ne 'bu'a gätho dím mamhbu, pe ga othu a dí t'espa ra Hmu Jesús. Ne ga emfu jamadi Oja ma Tahu, nangue a ra Jesús.

Dam 'bumanhohu bu ja ma ngumhbu

¹⁸ Ne nu ahu gyu xisuhu, dami 'yohmbu 'bu'a im man ni ndøhu, nguetho gue'a rán säui n'da ra 'yec'yei. ¹⁹ Ne nu ahu gyu 'yohhu, dami huc ni xisuhu, ne hin gui sahmbu u. ²⁰ Ne nu ahu gyu t'uhnihu, dami 'yøthu 'bu'a gätho man ni tahu ne ni mbehu, nguetho gue'a in numanho Oja a. ²¹ Ne nu ahu gyu tahu, ne gyu mbehu, hinga thocua tho gui sah ni t'uhnihu, janangue a mpähä thoho da 'yøt'a guín numanho. ²² Ne nu ahu gyu 'yehhu ne gyu mbefihu, dami 'yøthu 'bu'a gätho nde ni hmuu, yu ja*'i*. Pe hinga hønt'u guim bemhbu da numanho ahu u, pe gue'a Oja guín ndehu da numanho ahu. Janangue a gui 'yøthu xan ho ni 'befihu ngue dí numanho ahu Oja. ²³ Ne nu'u 'bu'a gätho ní 'befi guí othu, gui 'yøthu xan ho, nguetho hinga hønt'a ra ja*'i* ni hmuu, pe nese a Oja. ²⁴ Nguetho ya guí pahmbu a ra herencia di 'daju ra Cristo, ngue i juadi xan ho, ne gue'a majuani ni Hmuu a. ²⁵ Pe nu'u to'o i øt' ran ts'o, Oja di cospa a bi 'yøt'e, madague a hønt'a go to'o ní ja*'i*.

4

¹ Ne nu ahu gyu hmuu, dami 'yorpahu ran ho ni 'yehhu o gue ni mbefihu, nguetho guí pahmbu i 'bupu mahets'i ni Hmuu.

Man'da ran zofo

² Ne gätho gahu hin dan xombuihu nangue dan yahu Oja, ne thocua thoho ga xihmbu jamadi Oja 'bu'a gätho di 'daju. ³ Ne nu ahu damin yahu Oja nanguecähe, ngue di jaje ga thoje gam mamhbu rám hma, ne

ga xih yu ja*'i* 'bu'a bi 'yurcahu, ram hma ngue him mam fadi, ngue dim 'bupu mbo ma mbuihu ra Cristo. Ne nugä dí ofädigä nguetho dím mangä na ram hma. ⁴ Dami 'yäfu rá ts'edi Oja ngue da bømanho 'bu'a dím mangä, ngue 'bu'a bi 'yurcahu, nguetho jatho gam mangä xan ho a. ⁵ Ne dami jamansu ni mbuihu, janangue a nu yu ja*'i* hing yu 'yec'yei da nu ngue majuani guín 'yohhu ra Cristo. Ne daman hyahu gui xihmbu nangue ra Cristo. ⁶ Dami zomanhohu yu ja*'i*, ne hin gui 'yuthhu u, pe dami hyurpahu yu mbui. Pe ga pahmbu 'bu'a dá thahmbu n'da ngu n'da, nangue a ran ho di bengahu Oja ngue ga xihmbu.

Ran zengua ran zengui

⁷ Nuna ma zu cuhu ra Tíquico, emme dadí hucä na, ne bi mbäxqui xan ho ngue dá øt'be rá 'befi Oja. Nu'bu bi zøm bu, da xi ahu gätho 'bu'a dadí jagä. ⁸ Janangue a dí pehndä bu ya, ngue gui pahmbu 'bu'a dí jagähe ua. Ne nu'a da hyut a ni mbuihu nangue ra Cristo. ⁹ Ne da mbe ra Tíquico ma cuhu ra Onésimo, nuna i ec'yei xan ho na, nehna dadí hucä na. Nuna n'da ra mengu bu guí 'buhmbu, ne da xi ahu 'bu'a gätho bin ja ua. ¹⁰ Nehna ma mi ofädi'be ra Aristarco, i pen'nahu ran zengua, ne ra Marcos rá meni ra Bernabé i pen'nahu ran zengua. Ne ya dá xi ahu nangue ra Marcos, ne nu'bu da zøm bu, dami simhbu xan ho. ¹¹ Nehna ra Jesús i Justo i pen'nahu ran zengua. Pe høndi hyutho ya ma mijudíohe ngue yu 'yec'yei dadí pehmbe ua nangue rá 'befi Oja, ne guehya hyu emme i hurca ma mbui. ¹² Ne nuna i pen'nahu ran zengua na ra Epafras, n'da ra mengu bu guí 'buhmbu, ne rá 'yeh ra Cristo na. Ne zai i äp rá ts'edi Oja nangue ahu, ngue hin gui päh nin 'yomfeni hu nangue ra Cristo, pe njuantho gui 'yøthu rá päh Oja. ¹³ Ne majuani dím mangä nangue ra Epafras, ngue emme xu hyadumbui in yaqui Oja nangue ahu, pe hinga høn'a thohu, pe neu'u yu 'yec'yei i 'bupu ja ra hnini Laodicea, neu'u 'bupu ja ra hnini Hierápolis. ¹⁴ Nu'a ra Lucas, ra médico, emme dadí hueju a, ne'a i pen'nahu ran zengua. ¹⁵ Neca dra Pablogä dí penpa ran zengua yu 'yec'yei ngue i 'bupu ja ra hnini Laodicea,

nε'a man juhu nangue ra Cristo ra Ninfas, nε gätho u yu 'yεc'yεi ngue dim pεti bu rán gu. ¹⁶ Nε nu ahu, nu'bū gá jua a gá mamhbū na ra sōcuq dí pεn'nahu ya, dami thocpahu u yu 'yεc'yεi bí 'bupu ja ra hnini Laodicea. Nε'a man'da ra sōcuq dá pεhndä bu Laodicea, dami nuhu bu. ¹⁷ Nε nu'i gra Arquipo, pε i jaua a dí xi a'i. Dami 'yøt'e xan ho ra 'befi ngue bi 'da a'i ra Hmu, nε hingui ts'øtho gui 'yøt'e. ¹⁸ Nugä dra Pablogä, dá o'tä ua na man zengua nangue ma 'yεsε. Pε damim bεmhbu ngue dí ofädigä. Ojä di jamansu ahu nε da mbäx ahu. Nε hønt'a dí xi'ahu ya.

1 TESALONICENSES

Ná n'da ra sōcuā bi 'yorba ra

Pablo u yu 'yēc'yēi bū ja ra

dāhnini Tesalónica

Ran zengua

1 Nugä dra Pablogä ne ra Silvano ne ra Timoteo dí ot'ähe na ra sōcuā, ne dí pēnh'nahe ran zengua gätho u yu 'yēc'yēi gue dim peti bū ja ra hnini Tesalónica, gätho yu ja'i ngue in 'yohu Oja ma Tahu ne ra Jesucristo ma Hmu. Ne nu ahu ne dín ndehe din ja ahu rán japi Oja, ne da hyut'a ni mbuih u Oja ma Tahu ne ma Hmu ra Jesucristo.

Bi t'ut'u 'bepu dí 'yēc'yēi u 'bupu mi'da yu häi

2 Ne zai dí xihmbe jamadi Oja nangue ahu. Ne zai dím bēn ahu 'bu dí yāhe Oja. **3** Ne dím bēn ahu 'bu dí yāhe Oja ma Tahu, nangue ni t'ēc'yēihu gni'yōthu rá 'befi Oja ne nangue nin huēcatehu emme guí humbi gam pēhmbu, ne nangue a guí tōmdahu ngue ba eh mahōn'a ra Jesucristo, ne gue'a gní hyät'i gní sēthu 'be'a gätho guín nuh. **4** Ma zu cu ahu dí pahmbe ngue emme di huē'ahu Oja, ne bi huan'nahu ngue gyu mbeti ahu a. **5** Ne nu'bū rá mbudi dā mangāhe bu a rán ho ma'da'yo ra Cristo, gá pahmbu him mam hmanségä, pe nangue rá ts'edi a rá Hogandāhi Oja guí hyāmhbu a ram hma bi bēn'nahu gue majuani a. Ne guí pahmbu mam 'buihe nu'bū mām 'bucähe bu, nguetho dā ut'ahu 'be'a dám 'bu a n'da. **6** Ne nu ahu gá tēnhdu a ram 'bui dā ut'ahue nangue tengu bi 'yōt' ra Hmu mahets'i. Ne madague'a xun ngu ran unbi gá nuh, pe guehma gá hyāmhbu a ram hma ne gān johyahu nangue rá Hogandāhi Oja. **7** Pe nangue mpähä thoho gá hyāmhbu ram hma ne gám 'būmanhohu, gätho gá 'yuthu 'bepu dí 'yēc'yēi u 'bepu ra häi Macedonia nepe ra häi Acaya. **8** Ne nangue ahu gá jafu bi fa a rán ho ma'da'yo ra Cristo, janangue'a hinga hōnbu ra häi Macedonia ne ra häi Acaya, pe hōnbu go hapu i fādi gue emme i ja ni t'ēc'yēihu nangue Oja. Ne him mahyoni ga

xihmbe a ram hman ya. **9** Ne nu'u gätho yu ja'i i ma ngue emme gá simanhoje 'bu má mbähmbu bu ni hninih. Ne i ma nangue gá sohmbu ni nyoguihu, ne nuya guí thāndehu Oja i 'bu ngue majuani a. **10** Ne i ma gue guí tōhmbu ba eh mahōn'a mahets'i ra Jesús, rá Ts'ant' u Oja. Gue'a bá xox'a Oja bu 'bu u xun du, ne gue'a ra Jesús da yanju nangue rán ts'embu Oja xun u tho ngue ba eh.

2

Rá 'befi ra Pablo bu Tesalónica

1 Ne nu ahu ma zu cu ahu guí pahmbu ngue hinga säti thoho dá mbähmbu bu guí 'buhmbu. **2** Ne guí pahmbu hangu nangu ran unbi bi mba ma unguigahe nu'bū mām 'buhmbu bu ja ra hnini Filipos. Pe madague'a dá nuhe ran unbi, nu Oja bi 'daje ran zambui dā xi ahu rán ho ma'da'yo ra Cristo, madague xun ngu min nde da zue. **3** Nguetho hin dá xi ahu n'da ram hma him majuani, ne hin dá xi ahu nangue 'be'a ga tāsehe, ne hin dím bēni ngue hōntho xcá hä ahu. **4** Pe nugähe nzai dí mamhbe tengu in nde Oja, nguetho Oja bi huangähe ga mamhbe rán ho ma'da'yo ra Cristo, ne i pā Oja ngue hin te dá cōmhbe, ne hin dá homhbe 'be'a da numanho yu ja'i. Pe Oja di qasca ma mbuihe. **5** Ne hin dí huanhde yām hma mahotho guepu da numanhoje yu ja'i. Ne hin dí homhbe ngue ga tāhmbe ra mbeti. Nu'a Oja i pādi 'be'a dí mamhbe. **6** Ne hin dí homhbe 'be'a dí numansuje yu ja'i, xinga gue ahu o gue'u mi'da, madague'a mi sā xcá øt'ahé ts'edi nguetho ma 'bāigähe ra Cristo. **7** Pe emme dá tump'a ma mbuihe tengu 'bu n'da ra mbe di jamansu yu t'uhni, nangue man huēcatehe dá øt'ahu. **8** Dín nde ga comhbū a rám hman Oja madague'a jatho ga em ma tehe, nguetho emme dadí huē'ahu. **9** Ma zu cu ahu, ha hin guim bēmhbu 'be'a dā øthe 'bu mām pēhmbu bu ma pa ne ra xui ngue dá honséhe 'be'a dā homhbe, nguetho him mi nde ga pa ahe. Pe ra mate thoho dá xi ahu rám Hman Oja. **10** Pe ha hin guí pāsehu, ne a Oja i pādi 'be'a mam 'buihe nu'bū mām 'buhmbu bu guí 'buhmbu gyu 'yēc'yēihu, ngue hōnt'a Oja dín ndehe da t'ēspi, ne hin'yu 'be'a dí mba ma yacpihe, nguetho gätho xun ho 'be'a dā øthe.

¹¹ Nε guí pähmbu ngue n'da ngu n'da ahu dá øthe tengu'b u ma t'uhni ahe tengutho n'da ra ta di huç yá t'uhni ne di un ran zoso. Nε xtá hat'ah u ra ts'edi ni mbuihu. ¹² Nε dá xi'ah u ja ts'editho gui 'yøthu ram 'bui tengu i numanho Ojá. Nguetho Ojá bi zonh'nah u gui comhb u a rá ts'edi nujxte bu di manda. ¹³ Nε nzai dadí unhde ra jamadi Ojá nangue ah u, nguetho nu'b u má xi ah u rám Hman Ojá, gá hyamhb u a majuani rám Hman Ojá, ne hin gá 'yemhb u gue høntho rám hman ra ja'i. Nε gue'a ram hma dim pep u mbo ni mbuihu ya, gätho ah u ngue guí 'c'yeh u. ¹⁴ Nu ah u ma za cu ah u, gá nuh u ran unbi gue bi 'yøt'a ni menguh u, tengutho bi nu yu 'yec'yeyi bu ra häi Judea nu'b u mi nu ran unbi ngue bi 'yørpa yu mijudiohu. ¹⁵ Nu yu judío bi hyo a ra Hmu Jesú, tengutho bi 'yørpa yu pøngahyá Ojá mam'bet'o, ne cähe bi hyønje thi, ne Ojá din sähmb u, ne njo'o to i numanho. ¹⁶ Nε nu'b u má xihmbe yu ja'i ngue hing yu judío ra 'yu dí pø Ojá, pe bi hegähe u yu judío. Janangue'a bin te yu ts'oqui u, ne nuya bi ts'anni da nu rán ts'embí Ojá nts'utho.

Nu'a ra Pablo nde da mba mahøn'a bu Tesalónica

¹⁷ Ma za cu ah u, nu'b u má njo'ogähe bu 'da yu pa, hin dadí pumbeni ah u, pe dím bëñ ah u ne emme dín ndehe ga mbähmb be bu, gua nu ahe. ¹⁸ Nugähe mim bëñi ga mbähmb be bu, ne nugä dra Pablogä mi säpi ga mbagä bu xan ngu yu nidj, pe 'bex bi zangua ra zithu. ¹⁹ Pe gue'a zehéhu man johya ahe. Nguetho nu'b u bá eh mahøn'a ma Hmuhu ra Jesucristo, di ne qui xan ho ma 'bëfihe, ngue ya gá 'yec'yeh u. ²⁰ Majuani gues ah u man johya ah u, nguetho tengu'b u man t'unni ah u ga dä ah u bu.

3

¹⁻² Pe nugä him mí hät'i ga tø'mi mi'da yu pa ngue da 'bäx ah u. Janangue'a dá pen'nah u na ma za cuhu ra Timoteo ba fäx ah u ne di ze ah u nangue ni t'ec'yeh u, ne dá co'be ua ja ra hnini Atenas. Nε nu ra Timoteo n'da rá 'yøhe Ojá ngue dadim pehmbe ngue dí mamhbe rán ho ma'da'yo ra Cristo. ³ Nuna ra Timoteo di ze ah u ngue hin gui 'uehmbu bu ja rá 'yu Ojá nangue ran

unbi guín nuhu. Nguetho ya guí pähmbu gue rá pähä Ojá ga nuh u ran unbi nangue'a ga tøndu ra Cristo. ⁴ Guí pähmbu 'bë'a dá xi ah u nu'b u mám 'buhmb u, ngue jatho guin nuh u ran unbi tengu guín nuh u ya. ⁵ Nε nu'b u him mi sä man'da nya'a ga tø'mi, dá pehndä n'dihi bu ra Timoteo, nguetho dín nde ga padi 'bë'a guí øthu nangue ni t'ec'yeh u. Nguetho nugä dí su da dä ah u ra zithu, ne säti thoho ra 'bëfi dá øt'ahe bu 'bu. ⁶ Pe nuna ra Timoteo ya bí 'bärp u guep u guí 'buhmb u ne dá hämhbe ra nde nangue ni t'ec'yeh u ne nangue nin huçcatehu. Nε bi xije ngue nzai emme guim bëñje ne guín nde guin nuje, tengutho bu na ndegähe gan nu ahe. ⁷ Janangue'a ma za cu ah u, madague'a dín nuhe ran unbi ua, pe nu'b u má øhmbe ngue'a gadí zacuatho ni t'ec'yeh u, 'bex bi hyu ma mbuihe. ⁸ Nε nugähe sä ga häthe u yen unbi dín nuhe ua, nguetho dí pähmb gue ya gadí thot'a ni t'ec'yeh u nangue'a ra Hmu. ⁹ Thocua thoho dí xihmbe jamadi Ojá nangue'a ran johya gadí 'daje. ¹⁰ Nε nu ra pa ne ra xui dí yøhe Ojá nangue ah u, ne dí áp'ahe rá ts'edi Ojá ngue gan nu ah u mahøn'a. Nguetho dín nde ga xän'nah u 'bë'a gadí 'bëhmb u nangue ni t'ec'yeh u. ¹¹ Nε dí äcähe Ojá ma Tah u ne'a ma Hmuhu ra Jesucristo gue di jaje ga mbähmb be bu gua nu ah u. ¹² Nε ma Hmuhu di ja ah u ngue 'da gdán huçtahu n'da ngu n'da ah u, ne gui huej u gätho mi'da, tengugähe ngue dadí huç'ah u. ¹³ Gue nu'a ran huçate i ja ah u dí zac'a ni mbuihu ne di ja ah u n'dat'a Ojá guim bëmhbu, ne gätho ma hoqui bu dán nu Ojá ma Tah u nu'b u bá eh mahøn'a ma Hmuhu ra Jesú din 'yohu gätho xam pøhø.

4

Dam 'buhmb u a dí numanhoj u Ojá

¹ Nuya ma za cu ah u, dí xi ah u nangue rá thuhu ma Hmuhu ra Jesú gue gui thoju guí 'yøthu 'bë'a dá xän'nah u. Nε gam 'buhmb u a dí numanho ah u Ojá, ne man'da gui thoju xan ho. ² Nε guim bëmhbu ya 'bë'a gätho dá xän'nah u nangue rá thuhu ma Hmuhu ra Jesú gue gui 'yøthu. ³ Nε gue'a nde Ojá gue gui däf u gätho ni mbuihu, ne hin gui 'yøthu ran 'yomt'ëni. ⁴ Nε n'da ngu n'da ah u nde bu gui pähmbu guin numansu

ni xisu zehet, janangue'a hin gui 'yøthu ran 'yomt'eni mi'da yu xisu. ⁵ Ne hin gui 'yørpahu ran ts'o tengu i øt' u yu ja'i ngue hingui pa Oja. ⁶ Nde'bua xinga n'da ahu gui 'yøthu gui unba ni min'yohuhu ngue gui nutontofu rá xisu. Nguetho Oja di cos'ahu ran unbi 'bu gue'a gui 'yøthu, tengu dá xi ahu. ⁷ Nguetho Oja bi zongahu ga øthu ran ho ne him bi zongahu ga øthu ran ts'o. ⁸ Nu'a to'o festhoho u yu zofo im mangua, pe hin rám hmanse n'da ran 'yohu i festhoho pe rán t'edi Oja, ngue bi 'daju rá Hogandahi. ⁹ Nu Oja ya bi xän'nahu ngue gan huëju n'da ngu n'da ahu, janangue'a hin'yu man'da ga xi ahu. ¹⁰ Ne ya gá 'yuthu nin huëcatehu gätho yu cu i 'buhu ra häi Macedonia. Pe dí xi ahu ma za cu ahu ne man'da gui 'yuthu nin huëcatehu. ¹¹ Ne nu ahu o gadim pate thohohu pe gui 'yøzehu ni 'befi zehet, ne gui hyädumbu gui hyomhbua 'be'a gdám 'bahmbua, tengu xtá xi ahu. ¹² Nu'bua ngubua gui 'yøthu, da numanho ahu u hingui 'ec'yei, nguetho hin guí äthu 'be'a guí homhbu.

Ba eh mahon'a ma Hmuha ra Jesucristo

¹³ Nuya ma za cu ahu dín nde ahu gui pahmbua 'be'a din ja u yu 'yec'yei xan du, janangue'a hin da du ni mbuihu tengu u yu ja'i nte mán ho i tø'mi, ngue hingui pa Oja. ¹⁴ Ne tengu bu na ec'yeihu ngue bi du ra Jesúus ne bi dambeni a, ne ngutho bu dá ec'yeihu da dambeni u yu 'yec'yei xan du, ne di jap Oja gätho din 'yohu ra Jesúus nu'bua bá eh mahon'a. ¹⁵ Guehna rám hman ra Hmu dí xi ahu ya, nuju dyu 'yec'yeihu gue dí 'buthohu bu bá eh mahon'a ra Hmu, hin dam 'bet'ohu ga texhu mahets'i, pe nu'u yu 'yec'yei xan du dim 'bet'o u. ¹⁶ Nguetho guese ra Hmu ba cah mahon'a mahets'i, ne emme ts'edi da ma nangue rá ts'edi nu'bua bi zon ra pa da man Oja. Ne rá ngurpa m'behni mahets'i emme nts'edi da ma. Ne gätho na nguni ra ximhäi da t'ø a rá thuxi Oja. Ne gätho u to'o xí 'yec'yei, ngue xan du, da dambeni, ne gue'u rá mbudi da ndexpu mahets'i. ¹⁷ Ne dim 'bejua u yu 'yec'yei ngue i 'butho, 'dat'a da zixcahu, ne dan c'athu ra Hmu bu i ja yu güi ne dam 'bahmbua ra Hmu gätho yu pa mazai. ¹⁸ Ne guehna dá xi ahu gnín hyurpa ni mbuihu n'da ngu n'da ahu.

5

¹ Ma za cu ahu, hingui jatho ga xi ahu jam'bua da zon u yu pa din ja u an ts'anni din ja. ² Nguetho nu ahu guí pahmbua xan ho ngue njongui padi, o gue ra pa o gue ra xui ba eh ra Hmu. Tengu'bu hingui pa a n'da jam'bua ba 'a n'da ra be. ³ Ne nu'bua da man u hing yu 'yec'yei gue gätho i 'buhmanho ne nte mán ts'o din ja, 'bex ba eh ran ts'embida 'yøt' Oja ngue hin dim pommi u. Nguetho tengu n'da ra xisu gue bi zon ra ora dim 'buh rá t'uhni, ne hin hapu sä da mbatho. ⁴ Pe nu ahu ma za cu ahu, hin di pi ahu ngue tengu'bu ba 'a n'da ra be, ne hingan ts'ärba da zóhø, ne di pi u i hupu ja ra 'bexui. Pe guí tømhbua ra pa ba eh ra Hmu. ⁵ Nguetho gätho gahu dí 'bahmbua bu ja ra 'bexui tengu'bu ra xui. ⁶ Nde'bua hin dam 'bahmbua tengu'bu dí 'ahmbua, tengu u mi'da, pe dí nuhmbua ne dan 'yomfennihu xan ho. ⁷ Nu ra xui i ah yu ja'i ne ra xui di ho di mihni. ⁸ Pe nuju gue dí 'bahmbua ja rán nequi Oja, nde'bua nzai din jaju ran 'yomfenni xan ho. Ne nuju jatho ga hehu rá ts'edi Oja nangue ma t'ec'yeihu, ne ran huëcate, ne ga tømdahu rán ho ma'da'yo ra Cristo gue gue'a dí pøju, janangue'a hin da daju ra zithu. ⁹ Nguetho Oja him bi zängahu ga nuhurán ts'embida. Pe bi zängahu ga hämhbu a ran ho ma'da'yo ngue di pøju ma Hmuha ra Jesucristo. ¹⁰ Nguetho nu ra Jesucristo bi du nangueju, ngue in nde 'darbu dam 'bahmbua a, madague'bu xtá tuhu o gue dí tehu nu'bua bá eh mahon'a. ¹¹ Janangue'a damin hyurpa ni mbuihu ne gam fäxhu n'da ngu n'da ahu tengutho guí øthu ya.

Nu ra Pablo di un ran zofo yu 'yec'yei

¹² Nuya ma za cu ahu, damin numansuhu u gätho bi huan Oja ngue yu ngurpi bu, ngue xän'nahu ne di 'da ahu ran zofo nangue Oja. ¹³ Dami numanhohu u ne emme gui huëju nangue ra 'befi i øt'e nangue ahu. Ne dami 'yes'hua a gnín junthu bu guí 'bahmbua. ¹⁴ Nuya ma za cu ahu dí xi ahu, dami xihmbua u i dñhyei ngue hingui ho 'be'a i øt'e. Ne dami zehmbua to'o i tu yu mbui, ne dami zehmbua u ngue hinguin zaqui yu t'ec'yei. Ne o gadín xømbuihu nangue gätho u, pe dami fäxhu u. ¹⁵ Ne gan jamansuhu hin guí cospahu ran ts'o 'bu i

øt'ahu ran ts'o u 'da, pe gan 'yørpahu ran ho n'da ngu n'da ahu, ne gätho i 'bucua ja ra ximhäi. ¹⁶ Ne daman johyahu gätho yu pa. ¹⁷ Ne 'yo guí es'hu gan yqhu Oja. ¹⁸ Ne Oja gui xihmbu jamadi 'be'a gätho bi 'yøt'ahu. Nguetho gue'a in nde Oja a gui 'yøthu, gue ahu guín 'yohu ra Cristo Jesús. ¹⁹ Ne 'yo guí serpahu rá ts'edi rá Hogandähi Oja dim pepu mbo ni mbaihu. ²⁰ Ne 'yo guí øman'ahu 'bu 'bo'o da ma, ngue dim pøngahyu Oja. ²¹ Dami bemhbu gue 'be'a gätho xan ho o hin'na. Nu'bu xan ho, dami pes'hu. ²² Dami 'uehmbu gätho 'be'a mán ts'o. ²³ Nu Oja gue bi hoc'ahu, ne di ja ahu gätho ni mbaihu guim bemhbu a. Ne di ja ahu ni mbaihu ne ni tehu nte mán ts'o din 'yohu nu'bu bá ɛh mahøn'a ma Hmuhu ra Jesucristo. ²⁴ Nu Oja gue'a bi zon'nahu, ngubu da 'yøt'ahu. Nguetho di ja'ts'a im ma ne da 'yøt'e gätho na.

Ran zengua ran zegui ne rán japi Oja

²⁵ Ma zu cu ahu dami 'yäfu rá ts'edi Oja nanguecähe. ²⁶ Dami zenguagahu ts'u u yu cu nangue ran huɛcate. ²⁷ Nuya dí xi ahu nangue rán t'ɛdi ma Hmuhu, dami mamhbu ma søcugä bu 'bui gätho yu cu. ²⁸ Ne gue'a ma Hmuhu ra Jesucristo di jap'ahu. Hønt'a dí xi ahu ya.

2 TESALONICENSES

Ná yoho ra sōcuq bi 'yorba ra

Pablo u yu 'yēc'yēi bu ja ra

dāhnini Tesalónica

Ran zengua

¹ Nugä dra Pablo, ne ra Silvano ne ra Timoteo dí o't'ahua na ra sōcuq gätho ahua gyu cuhau nangue ra Cristo guí 'buhmbu bu ra hnini Tesalónica, gue ahua guí 'buhmbu Oja ma Tahua ne ma Hmuha ra Jesucristo. ² Nu'a Oja ma Tahua, ne ma Hmuha ra Jesucristo dí ndepe di 'da ahua rán japi ne da hyut'a ni mbuihua.

Di unba u yu ts'om'bäi 'bu bá peng ra Cristo

³ Ma zu cu ahua jatho ga xihmbe Oja jamadi nangue ahua. Ne xan ho ngue ngubu dím bëmhbe, nguetho thocua thoho man'da te ni t'ec'yehua, ne man'da man'da gnín huectahua n'da ngu n'da ahua.

⁴ Janangue'a man'da jagähe ran johya nu'bua dí xihmbe mi'da yu 'yēc'yēi 'bē'a guí ñothua. Nguetho hin gadín xombuihua nangue ni t'ec'yehua, madague'a hangu nangu yan unbi guín nuhau ne'u 'bē'a gätho i t'ot'ahua ya nangue guí tenhdua ra Cristo. ⁵ Nangue a guí häthua yan unbi, guí uhmbu gue jatho di unba Oja u to di unnahua, pe nu ahua gám pomhbua. Ne nu'u yan unbi guín nuhau ya, gue'a ní hoc'a ni mbuihua Oja tengu rán sáui bu di manda Oja. ⁶ Ne xan ho da 'yot' Oja 'bu bi un ran unbi u to di unnahua. ⁷ Ne nu Oja di japi din säya nin unbi guí nuhau ya, ne ngutho da 'yørcahe 'bu bá ñh mahøn'a mahets'i ma Hmuha ra Jesús, din 'yohua yäm 'behni gue i ja yá ts'edi, ne ban 'yohua ra sibi nts'utho. ⁸ Ne nu'bua bá ñh, di un ran ts'embu gätho to'o hingui pa Oja, ne gätho to'o him bi 'yørpamasu rán ho ma'da'yo ma Hmuha ra Jesucristo. ⁹ Ne nu'u to'o da nu ran ts'embu xmá mba da nu ran unbi ngue njam'bua da guadi, ne ma 'ueque tho bu 'buh ra Hmu mahets'i, nepu hapu ja rá ts'edi nujxte. ¹⁰ Pe nu'u yu 'yēc'yēi, gue'u dí hnu a rá nujxte a ra Hmu 'bu bi zon ra pa ba ñh. Ne gätho yu 'yēc'yēi da 'yēspa a,

ne ahua gan 'yohua u, nguetho gá 'yēc'yehua ran ho ma'da'yo dá xi ahua. ¹¹ Janangue a nzai dí yáhe Oja nangue ahua. Ne dí äfe di 'da'a ni mbuihua ngue yán thehu ram 'bui bi zän'nahua. Ne nu'a Oja di 'da ahua rá ts'edi gui 'yøthua ran ho guim bëni gui 'yøthua. Ne nangue ni t'ec'yehua, Oja di ze ahua gui 'yøthua rá 'bëfi. ¹² Ne nangue'a 'bē'a gui 'yøthua bëya, nu'a ma Hmuha ra Jesucristo da t'ëspi. Ne nu'a xin da 'yës'ahua, nangue rá mate zëhe a Oja ne ma Hmuha ra Jesucristo.

2

Ran 'yohua ngue ra ngurpa 'yot'ats'oqui

¹ Nuya ma za cu ahua, dí xi ahua ya 'bē'a din ja nu'bua bá ñh mahøn'a ma Hmuha ra Jesucristo, ngue di percahu 'darbu dam 'buhmbu. ² Yo gadí päh nin 'yomfënihua 'bu 'bo'o da xi ahua, ya bi zon ra pa ba ñh ra Hmu. 'Yo gadí 'yon ni mbuihua 'bu 'bo'o da xi ahua bi bënba Oja ngue ya ba ñh ra hmu ya. Ne 'yo guí ec'yehua 'bu 'bo'o da hyä ahua ngue da 'yën ahua dá o't'ähe ra sōcuq dá mamhbe ya bi zon ra Hmu mahets'i. ³ Ne 'yo guí ec'yehua 'bē'a gätho i man yu ja'i. Nguetho him ba ñh ra Hmu asta gue'bua go gätho yu ja'i i 'bucua ja ra häi ngue hingui ec'yëi din sahmbu Oja. Ne him ba ñh ra Cristo asta gue'bua din 'yo a n'da ran 'yohua ngue ra ngurpa 'yot'ats'oqui, ngue m'bëjua da t'ërpua ja ran unbi mazai.

⁴ Ne nu'a ra ngurpa 'yot'ats'oqui da zai gätho yu 'yēc'yēi gue i thandé Oja, ne da za u mi'da i thandé hont'a go 'bē'a i thandé, nguetho in nde a dí mba nthandé zëhe. Ne da yarpua ja n'da ra nijä ne da hyupua, tengu'bua gue'a Oja a. ⁵ Ha hin guim bëmhbu guehna dá xi ahua nu'bua mäm 'buhmbu bu. ⁶ Pe nuya guí pahmbu 'bē'a i sàmmi ngue ba ñh, nguetho hinga na són ra pa da man Oja gue ba ñh. ⁷ Pe nuya emme xan ngu dim pepu yá mbui yu ja'i a rá ts'edi ra zithu, ngue hin di nequi. Pe i pa nts'ambi thoho rá ts'edi asta gue'bua go bi zon ra pa ngue Oja di 'uec'a to'o i sàmmi. ⁸ Ne gätho da nu ran 'yohua ngue ra ngurpa 'yot'ats'oqui. Pe nu'bua bá ñh mahøn'a ra Hmu Jesúsu nujxtetho rá ts'edi, da hyo a ran 'yohua, ngue da huic thoho. ⁹ Ne nu'bua bá ñh ran 'yohua ngue xan ngu rá ts'edi ra zithu in 'youi, ne da 'yot'e xan ngu yá hmepya, ne yan t'ot'e nujxte ngue dí hyät'

yu ja'i. ¹⁰ Ne gätho 'be'a mán thäte da 'yøt'e, ngue da hyät' yu ja'i i 'yo rá 'yu ram 'bedi, gue'u him mínd da 'yøc'yei a majuani guepa mí sá xtím pøhø. ¹¹ Ne nu'u gätho him bi nde da 'yøc'yei a majuani Ojä, di japi da 'yøc'yei yu fehni ne da døn'na ran 'yohu ngue ra ngärpa 'yøt'ats'oqui. ¹² Janangue'a gätho u him bi 'yøc'yei a majuani pe man'da di ho ran ts'o, 'darbu da nu rán ts'embí Ojä u.

Nthahni dim pøhø

¹³ Pe nzai ga xihmbe jamadi Ojä nangue ahu 'be'a gätho bi 'yøt'ahu ma zu cu ahu, ngue di huëc'ahu ra Hmu. Nguetho Ojä bi huahn'nahu rá mbudi thoho ngue di pø ahu. Ne nangue gá 'yøc'yeihu a majuani, nu'a rá 'befi rá Hogandähi Ojä í bo ni mbuihu. ¹⁴ Ne bi huahn'nahu Ojä ngue gá 'yøc'yeihu 'bu má xi ahe rán ho ma'da'yo ra Cristo. Ne bi zän'nahu Ojä gui comhbu rá nuixte ma Hmuu ra Jesucristo. ¹⁵ Nuya ma zu cu ahu dami thoctahu ni t'ec'yeihu, ne 'yo gadí uqns'hu 'be'a guím bumhu, ne 'yo gadí pumbenihu 'be'a dá xän'nahu nu'bu 'darbu mám 'buu, ne'a 'be'a dá xi ahu nu'bu má o't'ahe u yu sòcuq. ¹⁶ Nuya gue ma Hmuu ra Jesucristo, guese a, ne Ojä ma Tahu, da hyut'a ni mbuihu mazai nangue rán hose Ojä. Nu'a Ojä di huëc'ahu, ne nangue rá mate bi jaju ga tøhmbu 'be'a di 'daju. ¹⁷ Ne nu'a Ojä da hyu ni mbuihu, ne di zet'a ni mbuihu ngue gui mamhbu ne gui 'yøthu 'be'a gätho xun ho.

3

Gui 'yäfu Ojä nanguecähe, en'a ra Pablo

¹ Hønt'a dí xi ahu ya ma zu cu ahu, dami 'yäfu rá ts'edi Ojä nanguecähe n'dahma din ja rá ts'edi rám hman ra Hmu, ne da bømanho hønbu go hapu ga 'yomhbe. Ne gätho to'o da 'yøde da hyäni nangue ran johya, tengutho bin ja bu guí 'buu. ² Ne gui 'yäfu rá ts'edi Ojä ngue da yanje bu 'buu yu ts'om'bäi ja'i, nguetho hinga gätho in nde da hyäni rám hman Ojä. ³ Nguetho nu'a ra Hmu njäm'bu da hyegahu pe nzai da mbuju, ne i ja rá ts'edi ngue hin di japi di un'nahu ra dämants'o. ⁴ Ne nu'a ra Hmu di jaje dí pahmbu ngue gadí thoctahu guí øthu 'be'a gätho dí xi ahe. ⁵ Ne nu'a ra Hmu di ja ahu

man'da man'da gui pahmbu rán huëcate Ojä, ne di ja ahu gui hyäthu 'be'a gätho guí thohmbu tengutho bi 'yøt'a ra Cristo.

Jatho gui 'yøt' ni 'befi zehehu

⁶ Ma zu cu ahu dí xi ahu nangue rá thuhu ma Hmuu ra Jesucristo, dami 'uehmbu ts'u bu 'bu u ni cuhu i dñhy*ei*, ngue hingui nde dim pefi, gue'u hingui ten'na 'be'a dá xän'nahe. ⁷ Ne nu'ahu guí pahmbu 'be'a gdám 'buu, tengu dá ut'ahe 'bu mám 'buucähe bu, ngue hin dám 'buuei thohogähe. ⁸ Ne xíngui ts'u gá 'daje 'be'a dá homhbe. Pe dám pehmbu ra pa ne ra xui n'dahma bin ja 'be'a dá homhbe, ne xíngui ts'u dá pa ahe. ⁹ Madague mí sá xcá ähmbe ngue xquí zeje. Pe dá ndehe ga ut'ahe ra hmepya gui 'yøthu. ¹⁰ Ne nu'bu mám 'buu bu, dá xi ahu, ngue'bu 'bu a n'da hingui nde dim pefi, hin din sihme 'bu, pe da zä ra thuhu 'bu. ¹¹ Nguetho dí øhmbe gue 'bu i 'da ahu hingui nde dim pefi, pe di hødñhy*ei* thoho ne ndetho din thïnt pu hin yu 'befi. ¹² Nuya nangue rá ts'edi ma Hmuu ra Jesucristo, dí xi u to'o hingui nde dim pefi, ngue da hyänya zehehu rá 'befi da 'yøt'e, ne da hyonse 'be'a dám 'bu. ¹³ Pe nu'ahu ma zu cu ahu, o gadín xømbuihu gui 'yøthu ran ho. ¹⁴ Nu'bu 'bu a n'da ahu hingui nde da 'yøt'a 'be'a dí xi ahu, dami hyethu 'bu, janangue'a da mbe'ts' yu sá. ¹⁵ Pe o gadín sahmbu, pe gui unhdu ran zofo tengu'bu ni cuhu.

Ran zegui ran zofo

¹⁶ Ne guese ra Hmu, hønt'a sá da hyut'a ni mbuihu, hønt'a go 'be'a guí thohmbu gätho yu pa. Ne nu'a ra Hmu gam 'buu gätho ahu. ¹⁷ Nugä dra Pablo dí o't'ä na ran zengua i ja ua ya nangue ma 'yesegä. Tengu'bu ma firmagä na, ngue gätho ya ma sòcuq. ¹⁸ Nuya nu'a ma Hmuu ra Jesucristo di jap'ah, gätho ahu. Ne hønt'a dí xi ahu a ya.

1 TIMOTEO

Ná n'da ra sōcuā bi 'yorba ra Timoteo a ra Pablo

Ran zengua

1 Nugä dra Pablogä, ma 'bäigä'be ra Jesucristo nangue rán t'ëdi Ojä ma yan tehu, ne ra Jesucristo, gues'e a ran ho dí tømhbu a. **2** Dí pënh'na n'da ra sōcuä gra Timoteo, tengu'bü majuäni ma ts'unt'ü i, ngue ya dá xän'na ma t'ëc'yëihü. Ne dí äp Ojä ma Tahü di 'da'a rá mate ne rán huëcate, ne da hyut'a ni mbüi a ra Cristo Jesús ma Hmuhi.

Da mba ma hecpi ü n'dan'yo in xänbate

3 Ne tengu dá xi'a 'bü má mba bu Macedonia, ne ngutho dí xi'a ya, dami copü Éfeso, ne gui hecpa ü 'da bí 'büpü, ngue hinga n'dan'yo da ma 'bü in xänbate. **4** Ne dami xifi hin din xäh mi'da yü cuento gue 'be'a sää embi bi 'yøt'ü ndu ma bombøtahü maya'bü ne'bü emmë ma 'be'a yü thuhu ü, ngue man'da di xant'ü yäm hma. Nguetho nu'ü yäm hma tengu ü, säti thoho ran 'yomfëni di un'na n'da, pe hin di 'yomfënibü n'da da 'yëc'yëi Ojä. **5** Pe nu'a ma 'befihü dyü xänbatehu, ga xänba yü ja'i dan huëjü. Ne gue'a ran huëcate di nequi bü ma mbüihü 'bü m'be't'e a, ne'bü zai dí øthü a di bëngahü Ojä, ne'bü hønt'a Ojä dím bëmhbu a. **6** Pe nu'ü 'da hinga guehya yäm hma dín huëca n'da i honi, pe bi 'uepü ja rá 'yu Ojä, janangue i ten yäm hma säti thoho. **7** Nu'ü, emmë i honi nde din xänbate nangue yän t'ëdi Ojä bi man ra Moisés, pe hingui padi 'be'a im ma. Sä i mants'editho, pe ne hingui padi 'be'a nam bøn'ü yäm hmansë i ma 'bü i man yän t'ëdi. **8** Dí pahmbü gue xän ho ü yän t'ëdi bi xi Ojä ra Moisés. Pe bi ts'än yän t'ëdi Ojä gue dí mba ma hecpi ü yü dädits'oqui. **9** Ne gue'ü yän t'ëdi dí mba ma hecpi ü to'o jase yän t'ëdi zehë, ne'ü i festa yän t'ëdi Ojä, ne'ü to hingui numansu Ojä, ne di ho da 'yøt' yü ts'oqui. Ne'ü to hingui spa Ojä, ne i ten ra ximhäi, ne i ho yü ta ne yü mbe, ne yü hyodu. Gue'ü da sih yän t'ëdi Ojä ü, ne hinga gue'ü hønt' Ojä mbëni. **10** Ne bi ts'än yän t'ëdi Ojä dí mba ma hecpi ü øt' ran 'yomt'ëni, ne'ü

din 'yasäbi yü min'yohëhu tengu'bü n'da ra xisu, ne'ü i pe yü mijä'ihü, ne'ü i man yü fehni, ne i xih ra fehni yü ze'mi. Ne gätho ü n'dan'yo i øt'e xínda gue ra hoganxädi, ne gue'ü da sih yän t'ëdi Ojä ü, nguetho i xijü hin ga øthü yü ts'oqui. **11** Pe nu'a rán ho ma'da'yo ra Cristo dí pärca ma mbüihü Ojä a, nu'a mixte xän hotho a. Ne gue'a ran ho ma'da'yo bi xicä Ojä gam mangä.

I xi Ojä jamadi ra Pablo, nangue rá mate xün ngu

12 Jamadi dí xih ma Hmuhi ra Jesucristo, nguetho bi huangui dram 'bëhnigä, ne i padi ga ja'ts'i, nguetho di 'dac rám fäts'i ga øt'a i xiqui. **13** Pe nugä emmë dra nematemegä mam'bët'o, ne mí sangä a ra Cristo gue'bü go má ünba ü 'da yü 'yëc'yëi. Ne xíngui ts'ü mí pacyä 'be'a nam bøn'a mí øt'ä, nguetho him mí 'yëc'yëigä ra Cristo. Pe Ojä bi 'dac rá mate bi pungui. **14** Pe emmë xän ngu rá mate ma Hmuhi ra Cristo Jesús, bi jaqui dá däpä ma mbüi a, ne bi jaqui emmë dá numanhögä a Ojä ne dá huëc ma mijä'i'be. **15** I ja ua n'da ram hma da zä ga pahmbü majuäni, ngue bi zöcua ja ra ximhäi a ra Jesucristo di pø'ü yü ts'om'bäi tengugä man'da xän ts'o dá øt'ä. **16** Pe emmë xän ngu rá mate bi 'yørcä Ojä, nguetho nde gätho da 'yut mí'da yü ja'i emmë ja rá yembüi a ra Jesucristo. Ne tengu thohogä, ngutho da 'yørpa ü to'o di däp yü mbüi a, ne'ü din ja ra te mazai. **17** Janangue'a ga spa ma Ojähü gätho yü pa mazai. Nu'a, ra Hmut's'ü'abi mazai a, ne njongui sä da nu, ne njäm'bü da guadi. Ne n'datho Ojä, njo'o man'da, ne gätho i padi. Ne hønt'a gam bëmhbu a ya. **18** Ne nuya gra Timoteo, tengu'bü ma ts'unt'ü i, i ja ua a dí xi'a ya. Nu'i gra dofüi nangue Ojä, dami 'yøt' ra hogatuhni, tengu thoho bi xi'a ü yü pøngahyä Ojä. Janangue'a dami hyädumbüi gui 'yëc'yëi rá hogamhma Ojä, ne gui 'yøt'a 'be'a i xi'a 'bü in zop'a ni mbüi. **19** Ne hin gui 'yøt'e tengu mi øt'ü 'da 'bü mí zop yü mbüi Ojä, pe bi mbësta'a 'be'a bi sifi, bi ts'onse yü mbüi buya. **20** Tengu mí øt'a ra Himeneo ne ra Alejandro. Pe dá juanba ü, ne dá xifi bi mba ma dä bü 'büh ra zithu, di ünbi, da bådi hin da zan Ojä.

2

*Da mba nt'äpi rám fäts'i Ojä nangue gätho
yü jaq'i*

¹ Ne i ja ua n'da ram hma ga xi'i, gra Timoteo, ngue mahyoní gui 'yørpü ja ram pëti. Ngue nu'bü guí yähu Ojä, gui xihmbü nangue gätho yü jaq'i, gui 'yäfü rá mate nangue'ü, nee gui xihmbü jamadi Ojä nangue'a 'be'a bi 'yørpa n'da ngu n'da ü yü jaq'i. ² Ne'ü yü ts'ut'abi nee gätho to'o ja yü ts'edi, dami 'yäfü rám fäts'i Ojä nangue'ü, ngue hin din ja yü sui ne xíng ra dumbai, nee hin te gam bëmhbu, nee da zä bu ga ñothü xan ho 'be'a bi man Ojä buya. ³ Ne xan ho 'bu ga ñothü a, nguetho gue'a numanho Ojä mam pørpatehü a. ⁴ Nguetho in nde Ojä da yaní gätho yü jaq'i nangue rá ts'edi ra zithu nee di 'yomfëni nangue'a majuqni. ⁵ Ne n'datho Ojä i 'bui. Ne n'datho a i 'bä'inde nee din hocpate bu bí 'bu Ojä, nu'a ra Jesucristo ngue bin jaq'i a. ⁶ Nguetho bin däse ngue gätho bi gurca ma ts'oquihu. Ne guehna ram hma bi xiju Ojä 'bu mi zon ra pa bi ma. ⁷ Ne guehna ram hma í thangä gam mangä na, nee guehna bí 'bencä na, nee majuqni hin dí fehnigä, ngue ma 'befigä ga xänba ü hing yü judío, ga japi di däp yü mbü Ojä, da yaní, nee da 'yec'yëi a majuqni. ⁸ Ne man'da dí xi'i, hønbü go hapü dim pëti yü 'yec'yëi, xtán hotho yü 'ye ü yün 'yohü di 'uq'ts' 'bu din yähu Ojä, ngue nte má cuë da bëni, nee xíng ran ucpte. ⁹ Ne dí xi'i 'be'a gui xih yü xisu, ngue hin din hoc zehë nangue ran 'yets'i, uague di hoc yü ya, uague ra oro o yü thebe o 'be'a xam hmadi da japi. Pe din hoc zehë nangue yü he rán säui n'da ra hogambü nee ra hogan'yomfëni. ¹⁰ Ne da bëdi da 'yot' ra hogambü, nee gue'a ran hoqui rán säui n'da ra xisu i numansu Ojä. ¹¹ Ne nubü ja nim petihu, da ndesë yü xisu da sänbi, nee hin go din xänbate, nee gätho da 'yode. ¹² Ne dí xi'i hin dim 'bet'o yü xisu ngue da xänba yün 'yohü, pe din hëtho. ¹³ Nguetho m'bet'o bi 'yot' Ojä a ra Adán, nee m'bëjua a ra Eva, janangue'a hingui sä dim 'bet'o n'da ra xisu. ¹⁴ Nguetho nu ra xisu bi numanho 'bu mí xih ra zithu da 'yot' ra ts'oqui, pe nu ra Adán him mínd ne xtá 'yot'e. ¹⁵ Janangue'a din unba 'bu xam 'buh yü t'uhni ü yü xisu, pe da mbäx Ojä ü

'bu thocpa thoho i ec'yëi, nee'bu din ja yán huëcate, nee'bu din 'yomfëni xan ho, n'dat'a Ojä da bëni.

3

Nda'ü yün 'yohü din ngürpi

¹ Majuqni a ram hma, nu'bü in nde din ngürpi n'da, in nde n'da ra 'befi xan ho. ² Pe jatho din hocjaq'i n'da ra ngürpi, nee nte da thinqba n'da rá ts'oqui. Ne hønt'a n'da rá xisu da zi, nee da bëdi da zamzehë rá mbü i nee din 'yomfëni xan ho, nee di jamansu 'be'a i ñot'e, nee di ho di un ran ts'äya bu ja rá ngu, nee da bëdi din xänbate nangue rám hman Ojä. ³ Ne njam'bu dim mihni, xín din ndesai, nee hin da 'yoman'ü a i sifi, nee xín din hecpate pe din hocpate, nee hin da nde xan ngu ra mbëti. ⁴ Ne da bëdi dim 'bet'o bu ja rá nguse, nee nu yü t'uhni da 'yot'e 'be'a i xifi, nguetho numansu yü ta. ⁵ Nguetho nu'bü hingui padi dim 'bet'o bu ja rá nguse n'da ran 'yohü, hin da bëdi di jamansu yü 'yec'yëi 'bu. ⁶ Ne hin din ngürpi n'da ra 'da'yo 'yec'yëi, ts'urpu thoho din 'yets'i tengutho ra zithu, nee da dex'a Ojä a. ⁷ Ne nu yü ngürpi da 'yot'e ngue da hnumansu, nee'bu ü hing yü 'yec'yëi da 'yot'e 'be'a dí hnumansu, janangue'a njon di c'aman'ü, nee hin da däp ra zithu buya.

Ndana níjaq'i dim fäxte

⁸ Ximangut'ü yám fäts'ihü yü ngürpi, ngutho guexta'a jatho din hocjaq'i, nee 'da'angu da ma, nee hin dim mihni, xín din siyate nangue ra mbëti. ⁹ Ne da bëdi xan ho 'be'a gätho rán theui a ram hma nee din zäm bu, nee zai ñot'a xi Ojä 'bu in zop yü mbü. ¹⁰ Ne nde'bu 'be' da hnu 'bu tenni xan ho, nee nubaya nu'bü hin te da thinqbi, da zä da 'yot' ra 'befi dim fäxte buya. ¹¹ Ximangutho 'bu dim fäxte n'da ra xisu, i jatho da hnumansu, pe hin din c'ate, nee xín dim mihni, pe din 'yomfëni xan ho, nee di jaq'ts'i 'be'a gä ñot'e. ¹² Ne nu n'da ran 'yohü 'bu im fäxte, n'datho rá xisu da zi, nee da bëdi dim 'bet'o bu ja rá ngu, nee da 'yot'ü yü t'uhni 'be'a da xifi. ¹³ Nguetho nu'bü i ñot'e xan ho rá 'befi n'da ram fäts'i, da hnumanho buya, nee man'da da hyut' ran zambü nangue rá 'befi ra Cristo.

Mixte xan ho a ram hma dí ec'yëihü

14 Guehna dí ot'a na ya, gra Timoteo, madague'bu dím beni ga mba bu n'dihu. **15** Pe xi'bu him 'bex da zä ga mba bu, pe ya dá xi'i 'be'a xen ho gui 'yot'e nangue a rá ngu Oja. Ngue nu yu 'yec'yei xa hyømba rá ngu Oja nangue yu mbai, ngue 'dat'a Oja i 'bai. Ne tengu'bu rá nguju Oja guepu na fadi xen ho rám hma Oja, ne dín yamhbu a. **16** Ne gue'a ran ho ma'da'yo dí tenhdu mixte xen ho a, ngue bin 'yuse ra Cristo ua ja ra häi 'bu míñ ja'i a, pe bin 'youi rá Hoganduhi Oja guepu í fadi hin'yu rá ts'oqui a, ne bi nu u yam' behni Oja mahets'i. Ne bi hmangua dí 'behmbu honbu go hapu 'buh yu ja'i gue 'dahma'dan'yo bu na yu. Ne bi t'ec'yei ua ja ra ximhäi, bi ts'ix mahets'i bu bí ja rá ts'edi Oja mixte buya.

4

Mi paq Oja da 'ue'u 'da

1 Nu rá Hoganduhi Oja m'bet'o di bengä ngue da 'uepu ja rá 'yu Oja u 'da. Ngue da 'yømanho u yu nde u yu hyäte xänbate bin xädi nangue yam hman yu zithu. **2** Nu yu hyäte hingui sä bu da zop yu mbai Oja, nguetho bi ts'on yu mbai nangue yu fehni zai im ma. **3** Ngue sä di hecpa yu ja'i, i xifi hin din thäti, xin da zi 'da yu ts'ihme, sä xn'u. Pe bi zängahu Oja ga hamhbu hont'a go 'be'a mán ts'ihme 'bu dí xihmbu jamadi Oja, gue nuju dyu 'yec'yeihu, ne dí pahmbu nda'a majuani. **4** Nguetho gätho xen ho 'be'a bi 'yot' Oja, ne hin'yu 'be'a ga emhbu, pe ga hamhbu ne ga xmfu jamadi Oja buya. **5** Nguetho majäpi ngue'a dí äfu rán japi Oja, ne nu rám hman Oja i xmbi xen ho a.

Rá hogambefi ra Jesucristo a ra Timoteo

6 Nu'i gra Timoteo, xen ho 'bu guim benba yu cu na ram hma i ja ua, janangue'a gam pefi xen ho nangue ra Jesucristo. Nguetho bi hä'a ra ts'edi ni mbai a ra hogamhma dí ec'yeihu, ngue ra hoganxädi guí tenni. **7** Ne o gui urpa ra güenda yam hmanse yu ja'i säti thoho ne xen ts'o. Pe dami hyadumbai nangue rá 'befi Oja. **8** Ne tengu 'bu zai dadin cunh ma ja'ihu, ne da hyq ra ts'edi,

ne ngutho ga øthu nangue ma mbaihu, da hyq ra ts'edi 'bu zai ga humbahu nangue rá 'befi Oja. Ne xmme xen ngu di muui 'bu ga humbahu, nguetho i ørcahu ran ho yu pa i jabu ya, ne gätho yu pa mazai. **9** Ne majuani na ram hman na, janangue'a nde'bu gätho ga øthu xen ho. **10** Janangue'a dí häthu yu unbi ne dí humbi dadím pehmbu, guepu go da zä ga xihmbu xen ho rám hma Oja yu ja'i. Ne da zä ga däp yu mbai Oja buya, ne dim pøhø. Nguetho n'dat' Oja dí tomhbu i 'bai, nu'a in nde da yan'u gätho yu ja'i i 'bai, ne da yan'u to'o da 'yec'yei a. **11** Nuya yu xädi i ja ua, thocpa thoho gui hyadumbai xmme gui benbi ne gui xänbi gätho yu cu bí 'buhpu. **12** O to guídí japi da 'yu'ts'i'i ngue gra ts'ant'u thoho. Pe gui 'yut'u yu cu nangue yu t'ot'e bi xiju Oja gue gui 'yøzehe xen ho, gui jamansu 'be'a gui ma, o 'be'a gui 'yørpu. Janangue'a gui 'yuti din huetqui n'da ngu n'da, ne di ja'ts'i, ne da zämzehu yu mbai. **13** Pe gätho 'bu hin ná søngä bu, pe gui jamansu ni 'befi 'bu guí man rám hman Oja, ne'bu gadí un ran zofo yu ja'i, ne'bu guí xänbi 'be'a nam bøn'a n'daxøqui gui xifi. **14** Damim pefi xen ho nangue a rá ts'edi Oja bi 'da'i, tengu bi xi'a u 'da yu pøngahyu Oja. Ngue bi ben'na ni mbai Oja 'bu mí 'yäp rá mfäts'i nangue'e, ne bi gäx yu 'yø bu ja ni yu. **15** Thocpa thoho gui 'yot'a dí xi'i, ne hønt'a gui hyadumbai gui 'yot'a, ne nubuya da nu i gätho yu ja'i ngue bin te xen ho ni mbai nangue rá 'befi Oja guí øt'e. **16** Ne thocpa thoho gui hyadumbai gam fäse nangue ni mbai, ne gui jamansu 'be'a gätho gui xi u 'buhpu nangue rám hman Oja. Ne nu'bu ngubu gui 'yot'e, ne di jap'a Oja, ne'u gä mi'da yu ja'i guí xänbi.

5

Ga fäx ma cuhu

1 O guí su'a n'da ra dac'yei, pe dami zofo xen ho, tengutho 'bu ni ta. Ne nu'u yu ts'ant'u gui 'yot'e tengutho 'bu nin 'yohuhu. **2** Ne nu yu zi bømbe gui 'yot'e tengutho 'bu ni mbe, ne nu yu hmute, gui 'yot'e tengutho 'bu nin ju, ne hin guim ben'a n'da ra 'yasä nangueu. **3** Ne nubu ja yam peti gui jamansuhu n'da ra bømbe 'bu xen du rá ndø, ngue'bu njo'o to'o di jamansu. **4** Pe nu'bu

n'da ra bømbe xan du rá ndø, ne 'bøh yá t'ahni, o gue yá 'bøto, da bødi rán t'ëdi Ojá a di jamansu yá mbe, tengutho bi 'yørpa 'bø mín t'ahni. Ne gue'a in nde Ojá. ⁵ Ne nu'bø n'da ra zi bømbe i nyäui Ojá gä ra pa ne ra xui, ne hønt'a Ojá im bøni, ne nu'bø njo'o to'o di jamansu, pe gui fäxhu a bøya. ⁶ Pe nu mi'da yø xisu, xan du yá ndø, ngue hinguim bøn Ojá, ne i honi da 'yøzehé yá pähä zehé. Madague'bø i 'bøi, pe tengu'bø xan du bø nam bøn Ojá. Hinga gue'ø da mba ma jamansu bø ja ram peti ø. ⁷ Ne nuya yøm hma i ja ua, gui xänba ø ya cu, janangue'a njon da 'yøna hingui ho øt'ø. ⁸ Ne nu'bø n'da hin di unni 'bø'a di 'bø a rá ta o gue rá mbe, o gätho mi'da yá meni, man'da xan ts'o rá mbøi 'bø, xinda gue'bø hin xtá 'yøc'yøi, ne bi gøn'a ra Cristo. ⁹ Nuya ga xi'i nda'ø ní hyoya bømbe gui hyuspa yø thuhu dim peøø ja ram peti. Hønt'ø pe'ts'a hyåte njeya ne ømme bim 'bømanhoui yø ndø. ¹⁰ Ne i hnumanho nangue yø hoga'bøfi i øt'e, ne bi jamansu xan ho yø t'ahni, ne zai di säyaba yø ja'i bø ja yø ngu, ne him bin 'yøzehé pe bin 'yøhe nangue yø mi'yøc'yøihø, ne bi hyurpa yø mbøi to'o mi tu yø mbøi, ne bin øhya bi 'yøt' mi'da yø hogant'øt'e. Ne guehya yø hyoya bømbe gui hyuspa yø thuhu ya. ¹¹⁻¹² Pe nu mi'da yø xisu xan du yø ndø, nu'bø hingui ngu yø jeya pe'ts'i, hin gui hyuspa yø thuhu gue gui 'yømfø dim peøø. Nguetho ts'ärpø thoho da bøni din thåti, ne nu'bø din thåti mahøn'a hin da 'yøt'a ra 'bøfi mí ma xtá 'yøt'e. Ne ra ts'oqui a nguetho him bi ja'ts'a bi ma. ¹³ Ne nu'ø, ts'ärpø thoho din dñhyøi yø mbøi 'bø njo'o yø ndø, ne da hyøda thoho yø ngu, ne høn nan c'åte di ja, im man'a hingui ho, ne sä din thønt'i i øt'e ne hin rá 'bøfi bø. ¹⁴ Janangue'a man'da xan ho 'bø din thåti mahøn'a, dim 'bøh yø t'ahni, ne dim peøø ja yø nguse. Ne nu'bø din jabø da 'yøt'e, hin di c'åman'øjø man saihø 'bø. ¹⁵ Nguetho i 'bø i 'da yø xisu xan du yø ndø, ne ya xø mbengui ne i ten ra zjøthu. ¹⁶ Ne dí xi'i mahøn'a, nu'bø 'bø a n'da ra cu ngue bi du rá ndø a rá mbe, jatho da mbøpi, o gue rá nana bi du rá ndø, o gue rá meni, i jatho di jamansu, ne hinga gue'a ra mbøti pa ma peti bø ja ra nijä dí mba ma jamansu ø. Janangue'a dí gua'a ra mbøti bø

ja ra nijä ngue hønt'ø njo'o to'o di jamansu da mba m'bøpi bø ja ram peti, nu'ø to di ja'ts'i xan ho yø 'bøfi, da t'ëspa ø, ne da mba m'bäts'i 'bø'a di 'bødi. Ne nu'ø to i humbi din xänbate nangue rám hman Ojá, man'da jats'ëditho da t'ëspi. ¹⁷ Nguetho nt'øt'i: "Nu yø uafanindäni 'bø i uøhi hingan thu't'i yø nde, pe da zä da za yø paxi i ja bø." Ne man'da ram hma i ja: "Nu'a to dim peøi ja rán t'ëdi din ju't'i," i øna. ¹⁸ Ne hin gui 'yørpa ra güienda 'bø da mba ma yøapi n'da ra ngürpi t'ëmbi bi 'yøt' ra ts'oqui, hinda hønt'bø di yoho hyu ø di yøapi gui 'yøh pøya. ¹⁹ Ne nu'bø majuøni bi 'yøt' ra ts'oqui, da mba ma heçpi bø dim peti ø mi'da, n'dahma gätho din su. ²⁰ Ne madague'bø gadín amigoui o hin'na, pe 'da'angu gui 'yørpe. Ne gue'a i jats'ëdi dí xi'i gui 'yøt'a, nguetho in nu a Ojá, Ojá da bødi 'bø guí ja'ts'i, ne'a ra Hmu, ra Jesusristo, in nu i, ne yø hogam 'bøhni Ojá mahøts'i in nu i. ²¹ Him 'bex gui un ra 'bøfi n'da ran 'yohø, 'bø gui pøhmbø 'bø'a rá mbøi. Nguetho nu'bø n'da gá un ra 'bøfi, ne da 'yøt' ra ts'oqui, guí conhui rá ts'oqui a bøya. Janangue'a gan 'yomføni xan ho, ne nte gan dupate bøya. ²² Nuya dí xi'i gra Timoteo, nangue ni mbøi xan ø, ne jant'a pønts' thoho, dami si zits'øtho ra vino, ne hinga hønt'a ra dehe gui si. ²³ Guim bømhøbø ndana ø yøn 'yohø da sih ra 'bøfi bø ja ram peti, 'bø i 'da ngue mfødi i ja yø ts'oqui, ne 'bøh mi'da ngue hinga mfødi i ja yø ts'oqui jague'bø da zøn ra pa da thønba yø ts'oqui. ²⁴ Ne ngutho nangue ran hocja'i i øt'a n'da, mfødi nangue yø ja'i. Ne nu'bø him 'bexque mfødi, pe m'bøjua da fødi, nguetho hingui sá da 'yagui.

6

¹ Nu'ø yø 'yøhe bí 'bøpø, da numansu ø yø hmu to i ørpa yø 'bøfi. Ne nu'bø din jabø da 'yøt'e, njon di c'åman'ø nangue Ojá ne njon di c'åman'ø rán xädi Ojá. ² Ne nu'bø yø 'yøc'yøi ø yø hmu yø 'yøhe, pe guexta'a da numansu ø yø hmu ne hin da zani ngue'bø mbøni din cuhø ø. Pe man'da da bøni da mbøpi xan ho, nguetho rá mi'yøc'yøiui da mbøpi, ne di huç'a rá hmu. Dami xänba na ram hma, ne thocpa thoho gui bønba ø.

*Xən ngu dí təhmbu nangue rá 'bəfi Oja
nguetho i hurca ma mbəihu*

³ Pe i 'bə'i 'da yə xənbate n'dan'yo ram hma in xənbate, ne hin din theui a rám hma ma Hmuhu ra Jesucristo ngue majuəni di zərca ma mbəihu, ne hin din theui a ram hma ga däp ma mbəihu Oja. ⁴ Pe nu'u, bi u't' yə mbəi nangue ran 'yəts'i, ne nte i pədi. Ne əmme honi di dunba yəm hma guepu fəpə ran ts'eya, ran heque, ran ts'ante, ran t'u't'ate, 'bə'a gätho im bən rá mbəi. ⁵ Ne nu'u thocpa tho din səi n'da ngu n'da u, gue'u bin ts'on yən 'yomfəni, ne hingui sā da bədi ndana a majuəni. Ne im bəni xən ngu ra mbəti da dəha nangue rá 'bəfi Oja. Pe o guí øhmbu a i man u. ⁶ Pe majuəni xən ngu dí təhmbu nangue rá 'bəfi Oja, i hurca ma mbəihu, ne dí 'bəmanhohu nangue Oja. ⁷ Nguetho nte bá həjh 'bə mám 'bəhmbu ua ja ra ximhäi, ne nte da zā ga həxh 'bə bi zən ra pa ga tuh. ⁸ Pe hin da du ma mbəihu 'bə zí ts'utho dí pes'hə yən ts'ihme ne yə he. ⁹ Pe nu'u to'o in nde dim məmbeti, hingan ts'ärpə thoho da thät'i da 'yət'a ra ts'oqui. Ne tengu'bə da mba nthu't'i rá mbəi, ne man'da man'da nín xəndi 'bə'a gätho da bən rá mbəi. Pe ndetho din ənbazəhe, ne din tonto rá mbəi 'bə'a gätho honi, ne gue'u yən t'ət'e ní zo bə ja ram 'bədi. ¹⁰ Nguetho nu'bə 'bə a n'da əmme in nde ra mbəti, gue'a ní mbədi gätho yə ts'oqui bə rá mbəi a. Ne nu'a ní ho ra mbəti u 'da, bi 'uepə rá 'yu Oja, ne di ənba zəhe rá mbəi nangue ra dumbəi.

I ət'ra hogatuhni nangue Oja a ra Timoteo

¹¹ Pe nu'i gra Timoteo, rá mbəfi'i Oja, dami 'uegue nangue yən ts'o i mangua. Pe gui hyumbi gui tən'na ran ho, ne hənt'a Oja guim bəni da mbəx'i'i, ne gui huç ni mijə'ihu, ne hin gan xəmbəi, ne din ja ni yembəi. ¹² Xən ngu yə ja'i bi 'yə 'bə gmím ma xən ho ni t'əc'yəi. Ne ngutho ya gui hyut'anzambəi gui təha, tengu'bə n'da ra dofti i hät yən ənbi ngue da dəh ran səi. Janangue'a da zā guim bənt'i xən ho a ra te ma'da'yo, gue'a í zon'na a. ¹³ Ne guim bəni Oja in nu i, nu'a di un yə te 'bə'a gätho i 'bəi. Janangue'a gui hyut'anzambəi ne hin gui su nin dəte. Ne in nu'a ra Jesucristo ngue bi ma xən ho a majuəni 'bə mí mba

ma dəpi ra Poncio Pilato. ¹⁴ Janangue'a dí xi'i, jats'editho gui ja'ts'i gätho ra 'bəfi bin 'da'i, nte gui ts'oni, ne njon da man ran ts'o nangue'a bəya. Ne gue'a gui 'yət'a ya, gue'bə go bi zən ra pa di nequi ma Hmuhu ra Jesucristo. ¹⁵ Nguetho nu'bə bi zən ra pa nts'ənni, Oja ba penhua ra Cristo mahən'a. Ne nu Oja mixte xən ho tho, ne əmme di johya, ne i 'dase ngue di manda. Ne nu'a Oja ra ts'ut'abi xinda gue gätho mi'da yə ts'ut'abi 'bəi, ne nu'a ja rá ts'edi xinda gue gätho mi'da ja yə ts'edi. ¹⁶ Ne hənt'a Oja njam'bə da du. Ne əmme di neć thoho hapə bí 'bəi, njon da zā da hyäm bə, ne njongui sā da nu Oja. Nu'a əmme i t'əspi ne da 'yuh rá ts'edi mazəi. Ne hənt'a gam bəmhəbə a ya. ¹⁷ Dami xi'u yə məmbeti 'yəc'yəi, ngue'u to i ja yə mbəti ua ja ra ximhäi, dami xifi hin din 'yəts'i, ne xín da bəni di muui yə mbəti, nu'u ts'ərpə thoho dim 'bədi. Pe dami xifi hənt'a Oja da bəni, ngue di muui xən ho, ne da bədi bí nexpə 'bə Oja gätho xən ho dí pes'hə, ndejə dan johyah. ¹⁸ Pe dami xifi da 'yət' ran ho, ne man'da tengu'bə gue'a ná məmbeti u bəya. Ngue hin din 'yəya pe da gomhbə yə ja'i 'bə'a pe'ts'i. ¹⁹ Ne nu'bə din jabə ga øthə, ga pes'hə 'bə'a majuəni di muui, ne ga nuhə xən ngu rán jəpi Oja 'bə bi zən ra pa, ne majuəni dam 'bəmanhohu gätho yə pa mazəi.

N'da ran zofo ran zəgui

²⁰ Nu'i gra Timoteo, dami jamansu xən ho ra 'bəfi nangue rám hma Oja bi 'da'i. Ne dami 'uegue nangue'u yəm hma əmbi ní dín ran 'yomfəni n'da, pe hingui ho u. Säti thoho, ne n'dan'yo tho ra 'yu i ut'a n'da. Ne nu'u to'o bi dənni, bi 'bəh rá 'yu Oja. ²¹ Ne nuya Oja di 'da ahə rá mate. Ne hənt'a dí xi'a ya.

2 TIMOTEO

Ná yoho ra sōcuā bi 'yorba ra

Timoteo a ra Pablo

Ran zengua

¹ Nugä dra Pablogä, Ojä bi zänni ma 'bäi'be a ra Jesucristo, ga xih yü ja'i a bi mam majuäni Ojä, ngue di un ra temazai a to di däp yü mbüi ra Cristo Jesús. ² Dí pən'na ra sōcuä gra Timoteo, dadí huęc'a'i tengu'bü ma ts'ant'ü i. Ne dí äp Ojä ma Tahü di 'da'a rá mate ne rán huęcate ne da hyut'a ni mbüi, ne ra Cristo Jesús ma Hmuhä.

Ra Timoteo da ma ran ho ma'da'yo nangue ra Jesucristo

³ Dí ḥembä jamadi Ojä 'bü dím bęn'i, ra xui ne ra pa thocpa thoho, nguetho dí pədi guí ḥec'yεi xən ho tengugä, ngue dá øt'ä ra 'bəfi bi 'dacä Ojä, ne ngutho mi øt'ü mam bombøtahe 'bü maya'bu. ⁴ Dím bęn'i gán zom 'bü mán xummi, ne bi däh ni guidä. Ne ḥemmé dín nde ga nu i mahøn'a, ne din jagä ran johya xən ho 'bü ga nu i. ⁵ Dím bęn'i ngue hingui yoho ni mbüi. Pe guí ḥec'yεi xən ho, tengubü na 'yec'yεi ni ndømbe ra Loida ne'a ni mbe ra Eunice. ⁶ Janangue'a dín nde'e thocpa tho guim bęn'i bi 'da'a rá ts'edi Ojä 'bü má cäx ma 'yε bü ni ya, ne dí xi'i gan ḥhya gui 'yøt' rá 'bəfi Ojä bi 'da'i. ⁷ Nguetho nu'a rá Hogandähi Ojä bi 'dajü hin di jajü dan suhü, pe di jajü ga huthü ran zambüi, ne dan huęjü n'da ngu n'dajü, ne ga säm zehë ma mbüihü. ⁸ Janangue'a o guí pes' ni sä gui mamp'a rám hmam ma Hmuhä, ne o guí su ngue dí ofädigä nangue Ojä. Pe ne'i dami hyät'i gui set yən ünbi tengu thohogä, nangue rám hman Ojä guí øt'e. Ne Ojä da mbäx'i'i. ⁹ Ne bi yanju Ojä ne bi mberca ma mbüihü, ne nubüya bi xijü ga ørpahü rá 'bəfi. Pe hin í yanju a rá 'bəfi Ojä dí øthü, pe bi yanju 'bü má həmhbü rá mate. Ne gue'a bi zän zehë Ojä 'bü him maní 'yøt' ra ximhäi, ngue da yanju ra Jesucristo. ¹⁰ Nuya bi nequi a mán ts'änni, ngue bi nequi ma yantehü ra Jesucristo, nu'a bi däp rá ts'edi ran däte, ne bi jajü dán 'yohü rá 'yu ra te mazai. Ne gue'a i xijü rán ho ma'da'yo

ra Cristo. ¹¹ Ne gue'a ram hma dá mangä, ne bá 'bəngä, ne gue'a ram hma dá xänba ü yü ja'i hing yü judío. ¹² Janangue'a dí sägä ran ünbi ya. Pe hin dí pes' ma sä, nguetho dí pəcä a to'o dí ḥec'yεigä, dí pədi i ja rá ts'edi da mbesca ma tegä ngue dá däpi, ga pømanho 'bü rán zegui. ¹³ Ne nangue ran ho ma'da'yo dá xän'ni'i, dami thoqui gui 'yec'yεi ra Cristo Jesús ne dami 'yøt' ran huęcate bi 'da'i. ¹⁴ Ne dami jamansu ran ho ma'da'yo i 'yo ni güenda, nangue rá Hogandähi Ojä i 'bəpü mbo ma mbüihü. ¹⁵ Guí pədi gätho bi 'ue'ü yü cu ngue yü mengu bü Asia, bi 'uegue nanguecä, ne ra Figelo ne ra Hermógenes. ¹⁶ Pe nu'ü gätho 'bəpü rá ngu ra Onesíforo, Ojä dí jap'ü. Nguetho nu ra Onesíforo xən ngu yü nidü bi mbäxcagui, ne him bi mbes' rá sää nangue yü cadena i thurcä. ¹⁷ Ne nu'bü mi zöcua Roma a, ḥemmé bi hyongui ne bi dingui. ¹⁸ Nu ra Jesucristo di japi xən ho 'bü rán zegui ra pa, nguetho nu'bü mám 'bəpü Éfeso, ne ḥemmé xən ngu 'bε'a gätho bi 'yørpü ngue bi mbäx rá 'bəfi Ojä bü a. Ne man'da guí pədi xinda guecä.

2

Ra hogä dofüi nangue ra Jesucristo

¹ Pe nu'i tengu'bü ma ts'ant'ü i, gra Timoteo, dami hyä ra ts'edi nangue rá mate bi 'da'a ra Jesucristo. ² Nu ram hma gá 'yøde dá mangä, ne xən ngu'ü i man'a majuäni. Ne n'dat'a ram hma gui thocpa ra 'bəfi mi'da yü hocja'i, gui huan'ndü to'o da zä da xänba ü mi'da. ³ Dami hyät yən ünbi tengugä, nguetho gra hogadofüi nangue ra Jesucristo. ⁴ Nu ra dofai hingui sä xtán hëti rá mbüi, ngue xən ngu mi'da 'bε'a gätho da 'yøt'e tengu mi'da yü ja'i thoho, janangue'a da zä da 'yøt'a i numanho rá hmu ngue bi cü't' ran dofai. ⁵ Nu'a to'o nde da däf ran t'ëni, pe hin da dä 'bü hin da 'yørpü yén t'ëdi a ran t'ëni. ⁶ Nu'a to dim pəpü ja ra häi da zi a rá mbüdi din ja, janangue'a da hyumbi da 'yøt' rá 'bəfi, ngue da bədi rá mbüdi i təsə rá 'bəfi nangue rá mbüi zehë. ⁷ Dami pədi 'bε'a dí xi'i, Ojä di 'yomfəni'i ngue 'bε'a gätho gui 'yøt'e. ⁸ Thocpa thoho guim bęn'i i 'bü'a ra Jesucristo ya, bi dämbęni 'bü mi du, ne nu'a n'da rám bom'bëto ra David. Ne gue'a ram hma dí mangä a. ⁹ Janangue'a

dí sää ran ḥnbi ya, ne dí ofädi, tengu'bä drá ts'om'bäigä. Pe nu rám hman Ojä hingui ofädi a. ¹⁰ Ne dí hät'i dí thocä a ra 'befi, madague'bä pa ma ḥnguigä, dín ndepe ne'ä dim pø ä to'o gätho nthahni. Ne ga comhbä rá ts'edi mixte a ra Cristo, gätho yä pa mazai. ¹¹ Majuqni a ram hma, ngue

Nu'bä dím bëmhba tengutho 'bä 'darbä xcamá tuhü ra Cristo, da zä 'darbä dam 'bähmbä 'bä.

¹² Ne nu'bä dí häthü yän ḥnbi, pe 'darbä ga comhbä bu ja rá ts'edi 'bä.

Pe nu'bä dí cömhba a ra Cristo, ne'a da gönja a.

¹³ Nu'bä hin dí ḥc'yehä gue majuqni a, pe guexta'a majuqni a, ne gätho da 'yöt'a bi ma da 'yöt'e.

Ojä da numanho ra hogambëfi

¹⁴ Dami bënba ä bí 'bäpä nanguehyä yäm hman ya, nguetho in nu Ojä ä. Gui xifi hin din junt'i nangue yäm hma. Nguetho säti tho 'bä din junt'i, ndetho di ä't'ä to'o i öde. ¹⁵ Ne gan ḥhya gan xädi nguetho gra hogambëfi nangue a ram hma majuqni. Damin 'yomfëni gui hyoni 'be'a nam böni n'da ngu n'da ram hma, ne gui päd'i 'be'a pe ä n'da ngu n'da yäm hma, ne gui pepi xän ho. Janangue'a da numanho Ojä a guí öt'e, ne hin gui pes' ni sää. ¹⁶ Ne gui 'uegue nangue yäm hma säti thoho, nguetho nu'ä hingui ho ä, ne di japi ḥmmë din ts'om'bäi n'da. ¹⁷ Ne nu'ä yäm hma, tengu'bä ra säsä din ndoqui, ne da 'ya rá ja'i n'da. Ngue tengu yäm hma i man'a ra Himeneo ne ra Fileto. ¹⁸ Nu'ä bi 'uegue nangue ram hma majuqni, ne sää ḥn'ä ya bin ja ngue ya xän dämbëni ä yä 'yëc'yëi i 'bäi. Janangue'a bi pärpa yä t'ëc'yëi ä 'da. ¹⁹ Pe nu rá 'befi Ojä i örpa ya 'yëc'yëi, hin da zä dim 'bedi, nguetho di jamansu ä yä t'uhni Ojä. Ne nu'ä yä t'uhni Ojä, ngue i man rá thuhu ra Cristo, i jatho da 'uepu ja ra ts'oqui. ²⁰ Ne nuju dyä 'yëc'yehä, dí öt'ä tengu'bä dyäm pefihä bä ja rá ngu Ojä. Ne tengu'bä xän ngu yäm pefi bí ja bä. Nu'ä 'da yä oro, ne yä t'axi, pëgue ra za ä 'da, ne ra jähäi ä mi'da. Nu'ä 'da ḥmmë pa nthoni, nu'ä 'da hin ε mahyoni. ²¹ Nu'bä n'da ra ja'i da 'uese bä ja ra ts'oqui, da gohi xän ho, tengu n'da ram pefi i pa nthoni, da mba ma jamansu, ne da zä di pepi xän ho rá hmu

bä ja rá ngu. ²² Janangue'a dami 'uegue nangue yä ts'oqui di ho yä ts'ant'ä, pe gan ḥhya gui 'yöt' ran ho in nde Ojä. Ne gui hyä ra ts'edi nangue guim bën Ojä, ne din ja nin huçcate, ne n'dat'a guim bëmhba ä gä mi'da i ḥc'yëi Ojä, nangue'ä m'be't'e yä mbäi. ²³ Ne gui 'uetho nangue ran junt'i im man'ä to'o hin din 'yomfëni, nguetho ja guepu da mbäpä n'da ra sää. ²⁴ Pe nu yä 'yëc'hë ra Hmu hingui sää din sää, pe din ja yä yembäi nangue n'da ngu n'da ä, ne din ḥhya din xänbate, ne da hyät'i xän ho 'be'a da t'ørpe. ²⁵ Ne nu'bä 'bä'a n'da n'dan'yo im bëni, jante thoho gui 'yuti, xöhma tho Ojä di japi di päh rá mbäi, da zöni da bä a majuqni. ²⁶ Ne da dän ran 'yomfëni xän ho bëya, nguetho da yanı nangue rá 'dihí ra zithu xí bënt'i, míndé a ra zithu xtá 'yørpa rá pähä.

3

Ijatho dam fähmbä nangue'ä yä ts'om'bäi

¹ Nu'i Timoteo, dami pädi 'be'a din ja. Ba ḥpä yä pa xän hëi, nguetho dim 'bäh yä ts'om'bäi. ² Nguetho din huç zëhë, ne hont'a ra mbëti da nde. Ne ná yäta, ne din 'yëzëhë, ne din sante, da mbësta'a 'be'a i xih rá ta ne rá mbe, ne hinguim bën ra mate bi t'ørpe, ne hingui numansu Ojä. ³ Ne hin din ja yän huçcate, ne njäm'bä din hoh yä mbäi, ne hont'a go 'be'a da xih yä mijä'ihä, ne øzëhë yä pähä zëhë, ne njo'o to i su, ne i san'ä i öt' ran ho. ⁴ Ne yä zändatetho, ne hingam 'be din 'yomfëni 'be'a da 'yöt'e. Ne mbëni ma guesë, ne di ho rán johya ra ximhäi xinda gue rá pähä Ojä. ⁵ I ja yän t'öt'e tengu yä t'ëc'yëi, pe hingui nde da hyän rá ts'edi Ojä ä. Pe gui 'uegue nangue'ä. ⁶ Ne i pa bä ja yä ngu, i hät' yä xisu, i xifi 'da'angu da 'yöthü ngue'ä yä xisu hinguin zaqui yä mbäi, ngue'a xän ngu yä ts'oqui i tu. Ne man'da ní ts'ixpä ja ra ts'oqui. ⁷ Ne da 'yömanho 'be'a gä ním hma da sifi ne thocpa tho din xädi pe njäm'bä da bä a majuqni. ⁸ Tengu mi öt'ä ra Janes ne ra Jambres, ngue'a mim bädi ä, ne midín sähmbä ra Moisés, ngue rá pøngahyä Ojä. Ne ngutho i öt' yän 'yohä ya, din sähmbä a ram hma majuqni. Ne bi ts'on yän 'yomfëni, ne bim 'bedi nangue'a ra 'yu majuqni. ⁹ Pe hingui ngu yä pa da hyät'i, nguetho gätho

da t'uti nte ní mbat' u yám hma, tengu bin jap' u yu bádi ngue ra Janes ne ra Jambres.

Rán zegui ran zofo

¹⁰ Pe nu'i Timoteo, gá tenni 'be'a dá xän'na'i. Ne guí padi 'be'a dám 'bucä, ne guí padi hanja dá øt'ä a. Guí padi 'be'a dí øc'yéigä, ne gán nu njäm'bü dán xömbüigä. Ne guí padi ja man huëcate. ¹¹ Ne guí padi èmme bi mba ma ugui, ne gán nu 'be'a mán unbi dá hät'ä. Ne guí padi 'be'a gätho dá thocä bu Antioquia, neptu Iconio, neptu Listra, ngue nu yuñ ucipi dá nugä. Pe Oja bi yanguí nangue gätho u. ¹² Ne majuäni dí xi'i, to'o gätho da nde n'dat'a ra Cristo da dënni, da mba ma ucipi u. ¹³ Nu yuñ ts'om'bäi ne yu hyäte, man'da man'da xän ts'o 'be'a da 'yøt'e. Ne 'da xtín hyäthoho. ¹⁴ Pe nu'i, dami thoqui 'be'a gán xädi, guí padi gue majuäni a, gue guí padi to'o bi xän'na'i. ¹⁵ Ne gue'bu go gmín t'uhni, gá pah rá t'ohni Oja, i ja rá ts'edi bi bëñni'i gá däp ni mbui ra Jesucristo, ne gán yaní. ¹⁶ Gätho rá t'ohni Oja bi bëñba Oja nangue rá mbui to'o bi 'yo't'i. Ne mahyoní di jajü ga pahmbü 'be'a rán 'yomfëni Oja, ne da xijü 'bu hinga gue'a dí øthü, ne gue'a dí pärca ma mbuihü a, ne da xängahü ran ho ga øthü. ¹⁷ Janangue'a nte di 'be a rá mbefi Oja, da zä bu da 'yøt'e 'be'a gätho xän ho.

4

¹ Janangue'a dí xi'i gra Timoteo, Oja in nujü, ne ra Jesucristo, nu'a i jatho ba pengua da 'yøt' ran ts'ut'abi, di juanbä u 'bu ne'ü xän du. In nujü, janangue'a èmme dí xi'i: ² Dami mamp'a rám hma, èmme gan èhya guim ma, hönbü go hapü ne hønt'a go ní ora, pe guehma gui xifi n'da ngu n'da yu ja'i. Dami hecpa yu dädits'oqui, japi da 'ye'ts' yu ts'oqui, ne gui zerpa yu mbui baya. Ne jante thoho gui xänbi ne hin gan xömbui. ³ Gui hyumbi nguetho ba èpu yu pa njon da nde da 'yø'a ram hma di hocpa yu mbui, pegue da zonh'nü mi'da yu xänbate, da man u 'da yuñ hma man'da di hose. ⁴ Da goh yu mbui nangue'a majuäni, ne da dën'nü yuñ hma him majuäni. ⁵ Pe nu'i thocpa thoho gan 'yomfëni xän ho. Dami hyät' yuñ unbi, dami ja'ts'i xän ho a ni 'befi, nangue rán ho ma'da'yo ra Jesucristo. ⁶ Ne nugä, mi ts'utho

da zøn ra pa da guah ran t'unni nangue ma te dadí un Oja, da zøn ra ora ga pøngä ua, ngue ga tu. ⁷ Bi gua a ran tåha dá øt'ä ya nangue'a ran tåha xän ho, ne bi gua a ra 'dihí dá øt'ä. Dá jamansu ma 'befi nangue ma t'øc'yëi dá øt'e. ⁸ Ne nuya bí jabü a ran ho di 'dacä ra hoga Inspector, ngue rán theui a ran ho dá øt'ä. Ne di 'dacä 'bu bi zøn ra pa. Ne hinga høngdä, ne gätho u mi'da gue i xønni ba Ɂh ra Hmu, ne'ü gätho din t'un ran ho u.

Bi mba ma bëñbi ra Timoteo

⁹ Ne nu'i, Timoteo, dami 'yøt' ra ts'edi gua çcua n'dihí. ¹⁰ Nguetho nu ra Crescente bi mba bu Galacia, ne ra Tito bi mba bu Damacia, nu'a go ra Demas bi mbase bu ra hnini Tesalónica, ngue bi ho ra ximhäi in nu ya. ¹¹ Hønt'a ra Lucas dí 'bu'be ua. Bá si a ra Marcos 'bu guá Ɂhe, nguetho ga hongua a. ¹² Ne dá pønh pu ja ra hnini Éfeso a ra Tíquico. ¹³ Pe nu'bu guá Ɂhe, gua çangui ts'ü ma coto dá sopü Troas bu bí 'bu'ra Carpo, ne'ü ma libro gua çangui ts'ü, pe man'da jats'edi gua çanga yu søcuä hinga nt'o't'i. ¹⁴ Nu ra Alejandro ra 'yøt'acobre, xän ts'o 'be'a bi 'yørque. Oja di cospi nangue yán t'øt'e. ¹⁵ Damim fädi hin da 'yøt'e'e tengu bi 'yørcä, nguetho èmme bi gorca ma nde 'bu mán yä. ¹⁶ Nu'bu rá mbüdi bi mba ma juangui njom bi mbäxcagui, pe gätho bi hyëga thoho. Oja di punba u. ¹⁷ Pe Oja dám 'bä'be ne bi zerca ma mbui, janangue'a dá ja'ts'i dá man'a rám hman bu bí 'bu' u hing yu judío. Ne Oja bi mbäxcui bi yanguí nangue yu nde yu zate. ¹⁸ Ne Oja da yanguí nangue gätho 'be'a xän ts'o, ne 'bex da zixca bu mahëts'i bu di manda. Ga èspahü Oja gätho yu pa mazai. Ne hønt'a gam bëmhü a ya.

Yuñ zengua rán zegui

¹⁹ Dami zenguagui ts'ü ra Prisca, ne'a rá ndø, nu'a ra Aquila, ne'ü 'bu'pu rá ngu ra Onesíforo. ²⁰ Nu ra Erasto bí copü Corinto. Nu'a ra Trófimo dá sopü Mileto ngue xän u. ²¹ Dami 'yøt' ra ts'edi gua è 'bu' hin ní yu' u pa xän se. I pønh'na ran zengua gätho yu cu i 'bucua, nu ra Eubulo ne ra Pudente, ne ra Lino, ne ra Claudia, ne gätho mi'da yu cu 'bucua, gätho i pønh'na ran zengua. ²² Nu ma Hmu høngdä ra Jesucristo da mbäx'a ni mbui,

nε di 'da ahₙ rá mate Oja. Nε hønt'a dá xi'a
ya.

TITO

Ra søcuq bi 'yo't'a ra Pablo bi mbənpa a ra Tito

Ran zengua

¹ Nugä drá Pablogä, dí pen'na ra søcuq i ja ua grá Tito. Nugä rá 'yεhεgä Ojä, ne ma 'bäigä'be ra Jesucristo. Ga zedi da 'yεc'yεi u bi huan Ojä, ne da bą a ram hma majuqni, janangue'a da 'yøt' ran hocja'i nangue Ojä. ² Guehna dí øt'ä nguetho dín ndep u ga comhbüra temazai ngue bi ma majuqni Ojä 'bü rá mbüdi ra ximhäi. Ne nu Ojä hingui sä da man ra fehni a. ³ Ne nuya bi zøn ra pa ngue bi ts'anni da hman ran ho ma'da'yo, ne bi 'dac man t'ëdi gam mangä, ngue guese Ojä ma yantere. ⁴ Ne nu'i Tito, tengu'bü majuqni ma ts'unt'üi, ngue dá ja i gá 'yεc'yεi. Ne dí äp Ojä ma Tahü di 'da'a rán jápi ne rán huçcate, ne da hyut'a ni mbüi, ne ra Jesucristo ma Yantere.

Ipa nsifi ra Tito 'be'a da 'yørpü Creta

⁵ Janangue'a dá soc'a bü ja ra häi Creta, ngue gui juadi hapü di 'be'a ra 'befi. Ngue gui huan'ndü yü ngürbi n'da ngu n'da yü hnini bü güi 'büi, ngue nu yü ngürbi nangue yü 'yεc'yεi, tengu dá xi'a mam'bët'o. ⁶ Gui huan'ndü to'o nte ma ts'oqui i thinqbi, nu'a n'datho rá xisu i si, ne nu yü t'uhni bi däp yü mbüi Ojä, ne hingui øt'a n'da ran tonto, xinga gue ram fe'ts'i i øt'ü yü t'uhni, janangue'a njon di yapı. ⁷ Nguetho nu yü ngürbi i 'yo yü güenda a rá 'befi Ojä. Janangue'a da thahni to'o hingui øt' ran ts'o, nu'a hin din 'yεzεhe, ne hin din cuε, ne xín dim mihni, xín din ndesui, xín din siyate ngue ra mbeti. ⁸ Ne da thahni to'o di säyaba yü mijä'ihü bü ja rá ngu, ne di ho 'be'a gätho xän ho. Ne din 'yomfëni ts'ü, ne 'da ni huçthoho gätho, ne da numansu Ojä nangue n'da ra hogambüi, ne i sämzehe rá mbüi hin din tonto. ⁹ Ne din zäm bü ja ram hma majuqni, nangue ram hma dadín xähmbü, janangue'a da zä da xänba u bí 'büpü, da mbäts'i. Ne nu mi'da bí 'büpü, ngue'u di ücpa rám hman Ojä, di bënbüi hapü di 'be'u, janangue'a da 'yεc'yεi. ¹⁰ Nguetho

nu'u to'o im ma da 'yøthoho yün t'øt'e mi xi Ojä yü judío maya'bü, i jatho da mba ma hæcipi u. Nguetho nte ní mbat'u yám hma u, ne i häte u, ne i øt' yü pähä zεhe. ¹¹ Ne hønbü go hapü i carpü ja yüngu, i u't'u gätho i 'büpü, nangue yám hmansé yü hyäte, ngue hingui sä da hma. Ne hønt'a ra mbeti in nde. ¹² Ne i øt'e tengu mi man'a n'da yü mëngu zehëhü bü ra häi Creta, ngue n'da ra båsøcuq, bi ma: "Zäi yü ndøbethäni u ma mënguhe ua, ne tengu yü zate ngue xän ts'o øt'u, ne hønt'a da zi i honi, ne εmme i dñhyεi," bi 'yεna. ¹³ Ne majuqni bi man'a n'da yü mënguhü. Janangue'a gui hæcpa u, n'damhma da bömanho yü t'ëc'yεi u i 'büpü. ¹⁴ Ne gui xifi hin da 'yεc'yεibi yám hman se u yü judío, ne xín da numansup yü t'ëc'yεi se yü ja'i, gue'u hinguin nde da 'yøt'a majuqni. ¹⁵ Nu'u to'o xän ho yü mbüi, hønt'a xän ho im bëni, pe nu'u to'o hin bi däp yü mbüi Ojä ne xän ts'o yü mbüi, nu'u, hin'yü 'be'a numanho u. Nguetho bin ts'on yán 'yomfëni, ne him bi zä bi 'yø'a bi xi Ojä 'bü mi zop yü mbüi. ¹⁶ Ne nu'u yü ja'i tengu u, εna ngue i εc'yεi Ojä, pe n'dan'yo thoho yán t'øt'e, guepü ní fädi hingui εc'yεi u. Ne xän ts'o yü mbüi nangue'a festhoho 'be'a sifi, hingui sä da 'yøt' ran ho.

2

Ra Tito din xänbate nangue ra hoganxädi

¹ Pe nu'i gra Tito, dami xänbi 'be'a nín t'øt'e rán theui a ra hoganxädi. ² Nu yü zí ndø, dami xifi hin din jti, ne da 'yøt'e ngue da hnumansu, ne da bëni xän ho 'be'a da 'yøt'e, ne da 'yεc'yεi xän ho, ne da 'yøt' ran huçcate, ne hin din xømbüi. ³ Ne'u yü zí bömbé, dami xifi da numansu Ojä hapü din 'yo, ne njon di c'äman'ü, ne xín dim mihni, ne da 'yuh ra hoga'yu. ⁴ Ne nu yü zí bömbé da xänba yü hmute di huçc yü ndø ne yü t'uhni. ⁵ Ne da xänba n'da ran 'yomfëni xän ho, hin din 'yomt'ëni, ne di jamansu bü ja yü nguse, din ja ra yembüi, ne da 'yøt'a da xih yü ndø, n'damhma njon da zä da man ran ts'o nangue rám hman Ojä. ⁶ Ne nu'u yü ts'unt'ü, gui xifi din 'yomfëni ts'ü. ⁷ Ne nu'i Tito, dami 'yut'u mi'da 'be'a gätho güi øt'e, ngue dim 'bumanho. Ne n'dat'a guim bëni ngue gui xänbi 'be'a majuqni, ne gui 'yøt'e ngue

da hnumanho'i 'bu guín xänbate. ⁸ Ne ḡmme
xtán ho 'be'a gätho guim ma, n'damhma nte
da thijn'na nim hma. Ne da mbe'ts' yá sá to'o
nde da zuju, ne hin hapu dí mbu'a 'be'a da
ma. ⁹ Ne' u yá 'yéhe i 'bupu, dami xifi da 'yót'e
gätho i xih yá hmu, ne hin da dati, ne mpähä
thoho da 'yót'a i sifi. ¹⁰ Ne hin da bep*u* 'be'a
pe'ts' yá hmu, pe da 'yót'a gätho in numanho
yá hmu. Ne nu'bu gätho din jabu da 'yót'e,
gue'a dí necmanho ram hma nangue ma
yantehu Ojá. ¹¹ Nguetho bi nequi rá mate
Ojá ngue in nde di po'u gätho 'bucua ja ra
ximhäi. ¹² Ne nu rá mate Ojá di bengahu
ga hehmbu ran ts'om'bäi, ne ga hehmbu ma
pähä zehehu. Ne di bengahu ga samzehe
ma mbuihu ne ga othu ran hocj'i, ne gan
numansuhu Ojá gätho yá pa dí 'buhmbu ua
ja ra ximhäi. ¹³ Ne di bengahu ga tømhu ja
gue'bu bi nequi a ran johya dí tømhu, ngue
di nequi a ma Ojáhu ra Jesucristo tate tho
rá ts'edi, ne ma yantehu a. ¹⁴ Ne bin däse
a ngue di 'bercahu gätho man ts'om'bäihu,
ne da mberca ma mbuihu, da 'yót'e ngue yá
tuhni zehegahu Ojá, ne di ḡhyagahu nangue
ran ho ya. ¹⁵ Ne guehna i ja ua gui xänba
buya. Dami xänbi, gui 'yomfenip yá cu, ne
gui hecpi, nguetho bin 'da'a ran t'edi xun ho
gui 'yót'e. Ne o guidí japi da mbesta'a nim
hma.

3

I sih ra Tito nda'a nín zofo da xänba yá yéc'yéi

¹ Ne nu'i gra Tito, dami benba u yá cu
ngue da numansu ra ts'ut'abi, ne' u yám
fäts'ihu ra ts'ut'abi gätho da numansu. Ne
hin da 'yórpa ram fe'ts'i, pegue mpähä
thoho da 'yót'e 'be'a gätho xun ho. ² Ne
gui xifi njon ga c'āman'uhu, ne hin dan
junthu, pe ma pähä zehehu da thacpahu.
Ne din jaju ra yembui nangue gätho yá
ja'i. ³ Guim bemhu ngue neju dán tontohu
mám'bet'o, ne mi jase man t'edihu, neju dán
hyäzehehu, ne gätho dán 'yéhehu rá ts'oqui
ra ximhäi. Ne dá 'beh ma pahu nangue
man ts'om'bäihu dá othu, ne dá seyabahu
ma miju'ihu. Mí ts'anju ne xim mí santehu.
⁴ Pe bi zon ra pa bi nequi rá mate Ojá ma
yantehu, ngue bi 'yórpa ran huéctate u yá
ja'i. ⁵ Ne bi yánju Ojá. Pe hin nangue yán

t'ot'e xun ho dá othu, pe bi yánju nangue rán
huéctatese 'bu má omanhohu a. Bi 'daju ra
'da'yote 'bu mi mberca ma mbuihu, ne dí
'buhmbu ma'da'yo nangue rá Hogandáhi.
⁶ Ne bi 'daju xun ho rá Hogandáhi n'youi
xun gu rán japi ne rá ts'edi nguetho ra Je-
sucristo ma yantehu a. ⁷ Ngue bi hogahu
nangue rá mate, janangue'a 'darbu dam
'buhmbu nangue ra temazai, ne gue'a dí
tømhu a ya. ⁸ Ne gätho majuqni na im
mangua. Gui hyáh ni mbuui gui xänbi xun ho
yá 'yéc'yéi 'bupu, janangue'a da beni ḡmme
da hyumbi da 'yót'a ran ho. Nguetho xun ho
a, ne da mbuä yá miju'ihu buya. ⁹ Pe
o guidíñ junthu nangue'u yám hma nte ní
mbatho, ne hinguin junthu nangue 'be' u yá
thuhu u yám bombota maya'bu. O guidíñ
suhmbu nangue yán t'edi midí un Ojá yá
judío, nguetho säti thoho 'bu dán suhmbu u.
¹⁰ Nu'bu 'bu a n'da n'dan'yo yám hma im ma
ní dup'ahu yán junt'i, dami hecpi. N'dandí
o yondí gui hecpi. Pe nu'bu hin da 'yóde,
gui hyéthohu a. ¹¹ Nguetho nu'a xi'ahu yám
hma ní dup'ahu yán junt'i, xí bom bu ja rá
'yu Ojá a, ne øt' yá ts'oqui, ne da nuse bu 'be' a
xí 'yór buya.

Man'da i xih yá amigo ra Pablo

¹² Dí ḡna ga penhna ra Temio o gue ra
Tíquico. Nu'bu bi zom bu, 'yórqui ts'u' ra
mate gua ḡ'a n'dihi, dan c'at'ui bu ra hnini
Nicópolis. Nguetho dín nde dam 'buhmbu
bu 'bu bin ja yá pa xun se. ¹³ Dami fäts'i xun
ho a ra Zenas, nu'a im pøngahq nangue
yán t'edi. Ne'a ra Apolos, dami zedi da
dín'a mahyoni ngue da hyáx 'bu bi mbu
bu n'danni. ¹⁴ Nguetho nu yá cu da bädi
ngue dim pefi xun ho nangue yá 'befi zehe,
n'damhma da zä da mbuä u mi'da di 'be' a
mahyoni. ¹⁵ Dami zëngua gahe ts'u' u bí
'bupu, ngue'u ma mi 'yéc'yéi hu, ngue 'da
xtán huéctahu. Ne dí äp Ojá da 'yénts'ahu
rán japi gätho ahu. Ne hönt'a dí xi ahu ya,
ne hönt'a gam bemhu a ya.

FILEMÓN

Ra s̄ocuā bi 'yo't'a ra Pablo bi mb̄enpa a ra Filemón

Ra Pablo bi 'yorba ra s̄ocuā ra Filemón

¹ Nguä drá Pablogä dí ofädigä nangue ra Cristo Jesús. Dí ot'ä'be ra s̄ocuā ra Timoteo, n̄e ga pen'na'be ma amigo'a'be grá Filemón, man 'yohu i nangue rá 'b̄efi Ojä. ² N̄e dadí z̄engua'be yu 'ȳc'ȳi ngue zai dim peti b̄u ni ngu, n̄e ma cuh̄u ra Apia. N̄e dadí z̄engua ra Arquipo man 'yohuhu dín ȳamhbe rá 'b̄efi Ojä. ³ Nu Ojä ma Tahu n̄e ma Hmuuhu ra Jesucristo di 'da'ahu rá mate n̄e da hyut'a ni mb̄uih̄u.

Rán huēcate ne rá t'̄c'ȳi ra Filemón

⁴ N̄e nu'i ma zu cu mahuēqui i, nu'i grá Filemón, dadí undä ra jamadi nangue'e nu'b̄u dí yä'be Ojä. ⁵ Nguetho dá øde 'b̄e'a guí 'ørphu guí 'buhmb̄u, èmm̄e i ja nin huēcate nangue yu t'uhni Ojä b̄u. N̄e dí øde ngue i ja ni t'̄c'ȳi x̄an ho nangue ra Jesús ra Hmu. ⁶ N̄e dí äcä rá ts'edi Ojä ngue x̄an ngu yu ja'i da 'ȳc'ȳi ra Jesús nangue nim hma, n̄e da hyäni 'b̄e'a gätho ran ho di 'dajh̄u ra Cristo Jesús. ⁷ Gueczehégä èmm̄e dadí johya, n̄e i hu ma mb̄ui nangue nin huēcate, ma zu cu i grá Filemón. Nguetho x̄an ngu gá hyurpa yu mb̄ui yu t'uhni Ojä.

Bi t'äp ra mate ra Filemón nangue rá 'ȳeh̄ ra Onésimo

⁸ Nuya madague a i ja man t'edigä nangue ra Cristo ngue xcá manda i, ⁹ p̄e man'da x̄an ho ga ä'a n'da ra mate tho gui 'ȳot'e nangue ran huēcate tho, ngue gui simanho mahon'a na ni 'ȳeh̄ ra Onésimo. Nugä drá Pablogä, ya xtán dac'ȳigä, n̄e dí ofädigä nangue rá 'b̄efi ra Cristo Jesús. ¹⁰ Dí ä'a ra mate nangue ra Onésimo, nu'a tengu'b̄u ma t'uhnidä nangue ra Cristo, nguetho bi 'ȳc'ȳi ra Cristo nangue dá xicä ua ja ra fädi. ¹¹ Nu'u 'da yu pa x̄u thogui, hin te madí muui ni 'ȳeh̄ ra Onésimo. Pe nuya x̄an ho da 'ȳorcaui. ¹² Nuya ga pen'nahu ra Onésimo b̄u guí 'b̄ui. N̄e nu'b̄u bi mba a, da du ma mb̄ui, nguetho èmm̄e dím b̄en a. ¹³ N̄e dín ndepe xtán gocua ra Onésimo, sâ

xtí z̄equi ts'ü, nguetho dí ofädigä, ngue dím mangå ran ho ma'da'yo, ngue tengu'b̄u da gue'a z̄eh̄ xquí z̄equi. ¹⁴ Pe hin dín nde gam ma ngue da gocua 'b̄u nte guim ma, nguetho nu'a ran huēcate jatho da b̄ense n'da, hin da t'ørba ts'edi n'da a. ¹⁵ Pe nu'a bi 'ȳot'nä bi 'dapu guí 'b̄ui 'da yu pa, pe bi b̄omanho, nguetho bi hocpa rá mb̄ui Ojä ya. N̄e nuya gadín cuui mazai na ya. ¹⁶ Hin gui sini nangue ni 'ȳeh̄ thoho pe gui sini nangue ni zu cu nangue ra Cristo, nguetho nuna ma zu cuh̄u mahuēqui. Nuya man'da di nuui ya, nguetho hinga hønt'a ni 'ȳeh̄, pe ni zu cu nangue ra Cristo ma Hmuuhu ya. ¹⁷ Nu'b̄u majuäni dadín amigoui x̄an ho, dami sin na ra Onésimo, tengu tho 'b̄u xquí sin z̄eh̄gä 'b̄u xcá mb̄asegä b̄u. ¹⁸ Nu'b̄u ja 'b̄e'a bi 'ȳot'e'e, uague i ja 'b̄e'a i tu'a'i, pe 'yo ma güenda ga juzehégä. ¹⁹ Nugä ga firmagä, drá Pablogä, janangue da fädi majuäni ga ju't'ä a rá güenda na. Janangue'a hingui h̄ei gui sin ya n̄e gadín cuui. Pe nde'b̄u guin 'yomf̄eni ts'ü, nguetho guengä dá ja'a'i gá tñ a ra temazai 'b̄u gmí 'ȳc'ȳi ram hma dá xi'i. ²⁰ Nuya ma zu cu, 'ȳorqui ts'ü ra mate 'b̄e'a dí ä'a'i, nangue guín 'youi ra Hmu. Nu'b̄u gui 'yut nin huēcate nangue ra Onésimo, da hyu ma mb̄ui 'b̄u. ²¹ Nugä dá o't'ä a ra s̄ocuā i ja ua ya, nguetho dí èc'ȳi ngue gui 'ȳot'e 'b̄e'a dí xi'a'i. N̄e dím b̄en'i hinga hønt'a dí xi'a'i pe man'da ran ho guim b̄ense 'b̄e'a gui 'ȳot'e. ²² Dami hoqui ts'ü hapu sâ dan säyagä b̄u, n̄e dami 'yäfu Ojä nanguecä, n̄e Ojä da 'ȳot'e da xogogui, da zä ga mbagä b̄u, gan nu'ahu b̄u.

Yán z̄engua ra Pablo, n̄e bi ma da nu ran jäpi a ra Filemón

²³ Nuya dí ofädi'be ra Epafras, n̄e'a di z̄engua i. N̄e nu'a i ofädi nangue bi mamp'a rán ho ma'da'yo ra Cristo Jesús. ²⁴ Nu ra Marcos n̄e ra Aristarco n̄e ra Demas n̄e ra Lucas, nuya ma mimbefihe nangue rá 'b̄efi Ojä di z̄engua i. ²⁵ N̄e nu'a ma Hmuuhu ra Jesucristo di 'da'ahu rán jäpi a, gätho ahu. N̄e hønt'a dí xi a ya.

HEBREOS

Ra səcuə bi 'bənba yə 'yɛc'yəi, yə israel, ngue na yə ra hebreo ə

Bin 'yuse Ojə nangue'a rá Ts'ənt'ə

¹ Nu'bə maya'bə thoho 'dahmi ts'ə bə í 'yu'a rán 'yomfəni Ojə, ne 'dahma 'dan'yo bə á xi'ə yú pəngahyə. Ne gue'ə bi xi a mam bombətahə ə, gue dyə israelhə. ² Pe nuya rán zəgui yə pa ya, bi jajə ga pəhmbə xən ho Ojə ya nangue rá Ts'ənt'ə bi zəcua dí 'bəhmbə. Ne guese a rá Ts'ənt'ə í 'yøt' Ojə gätho yə ximhäi, ne bi zənni dim Hmu 'bə'a gätho i ja. ³ Ne ní 'yəpə bí 'bə Ojə rá Ts'ənt'ə tengu'bə rá thai ra hyadi, gue'a di jajə ga pəhmbə a rán ho Ojə. Ne tengu'bə ra sello, 'da angu da bəni. Ne di 'yonse 'bə'a gätho i ja a rá Ts'ənt'ə Ojə, nangue rám hma i ja rá ts'ədi. Ne nu'bə mí juase bi hoga ma ts'oquihə ua, bi mbeng bə mahəts'i 'darpə ní mandaui a təte thoho i ja rá ts'ədi.

*Man'da i ja rá ts'ədi rá Ts'ənt'ə Ojə xinda
gue'ə yám 'bəhni mahəts'i*

⁴ Nu rá Ts'ənt'ə Ojə 'bə ya xí hogahə, bin t'un rá ts'ədi xən ho xinda gue'ə yám 'bəhni mahəts'i. Nguetho ya rá Ts'ənt'ə zəhe Ojə a, i conhui rá ts'ədi rá Ta xinda gue'ə yám 'bəhni. ⁵ Nguetho:

Nu'i ma 'dats'ənt'ə i,
dí 'da a ni ts'ədi ya,
pe njəm'bə bi t'əmp'ə yám 'bəhni Ojə, pe
hində hənt'a rá Ts'ənt'ə zəhe. Ne:

Nugä dra Ta nangue ma Ts'ənt'ə,
ne xíngə n'da rám 'bəhni Ojə bi 'yəmbi. ⁶ Pe
nu Ojə 'bə mambá si ua ja ra ximhäi a rá
Ts'ənt'ə, ne bi 'yəna:

Nu ahə gyəm 'bəhnihə mahəts'i, gätho gui
thəndehə na ma Ts'ənt'ə,
bi 'yən Ojə. Nguetho nu'a rá Ts'ənt'ə go da
t'əspa a bə na nu Ojə. ⁷ Pe nu yám 'bəhni
mahəts'i, i øt' Ojə yá 'yəhə thoho ə, tengu
mán t'o't'i:
Emme i tih yám 'bəhni 'bə i Ørpa rá 'bəfi
tengu'bə yən dəhi,

ne di juadi 'bə'a gätho hingui numanho Ojə
tengu 'bə yə sibi, nangue rá ts'ədi
zəhe Ojə.

⁸ Pegue bi 'yəmp'a rá Ts'ənt'ə Ojə:
Nu'i gra Ojə, thocpa thoho gam manda zəhe
mazəi,
njəm'bə dim 'bəh ni ts'ədi, ne guidí manda
xən ho.

⁹ Ne bi 'yəmbi:
Nu'i gra Ojə, emme guí numanho a ran ho,
ne 'bə xingui
ts'ə guí nde gui nu a ran ts'o.

Janangue'a ni Ojəgui man'da dá 'da'a ran
johya
xinda gue'ə gätho mi'da ni cu gue ma
'yɛc'yəi,
bi 'yəmbi. ¹⁰ Ne bi 'yəmp'a rá Ts'ənt'ə a Ojə:
Nu'i gra Hmu, rá mbədi gá 'yøt' ra ximhäi,
ne gá 'yøzəhe 'bə'a gä bí ja mahəts'i,
bi 'yən Ojə.

¹¹ Ne nu'a ra ximhäi dim pädi, ne mahəts'i,
pe nu'i gam 'bəi mazəi.

Gätho yə din ts'oni tengu'bə yə 'yahe.

¹² Ne tengu'bə di päh ní he n'da,
din jabə 'bə gá päh ra ximhäi.

Pe nu'i njəm'bə gam pädi gätho yə pa,
ne njəm'bə da gua'a ni te.

¹³ Ne, dami manda ua ja ma ts'ədi ui,
ja gue'bə ga ja i gui təp'ə gätho man shihə,
bi 'yəmp'a rá Ts'ənt'ə a Ojə. Pe njəm'bə bi
xi ə yám 'bəhni Ojə tengu a. ¹⁴ Gätho yám
'bəhni bí pənhua, tengu'bə yən dəhi gue hin
dí nuhə, i øt' yá 'yəhə Ojə nangueja to'o
gätho nts'ənni da hyən a ra te njəm'bə da
guadi.

2

Jatho ga Ørpahə ra güenda a níyənja Ojə

¹ Pe nu'a rá Ts'ənt'ə Ojə bi 'yurcahə rá
'yu Ojə, xinda gue ə 'bə'a mí hma maya'bə.
Janangue'a man'da emme jats'əditho ga ja
mansuhə a 'bə'a dí Øhmbə ya, n'dahma hin
ga 'bəhmbə a, ne xín dam 'bəhmbə bəya.

² Nu'bə mí man'ə yám 'bəhni Ojə ə yən t'ədi
Ojə maya'bə, pe guehma bi nu ran ənbi a
rán säui a to bi mbəsta a bi ma. Pe nu'a
rám hma Ojə bi man'a rá Ts'ənt'ə, man'da
ja rá ts'ədi a. ³ Janangue 'be xingui ts'ə ga
ponja 'bə hin dí Ørpahə ra güenda a rám
hma mixte thoho. Ne gue'a ram hma ní

yajanja Oja a. Ne rá mbədi bi manse ra Hmu 'bə mim 'bəcua ja ra ximhäi. Ne m'bejua bi xijə u yá xädi gue bi 'yø a bi man ra Hmu.

⁴ Ne'a Oja bi 'yudi majuqni a ram hma 'bə mí 'yøt' yá hmepya ne xən ngu yən t'øt'e mixte. Ne'bə mí 'dajə ra ts'edi nangue rá Hogandähi, tengu mí ndesə Oja bi darcaha. Ne gue'a í 'yudi majuqni a ram hma.

Nu ra Jesús njuqntho bin ja tengu thogahə

⁵ Pe nuna rá ts'edi Oja gue dí mangä, hinga nan ja xən ho. Pe hinga gue' u yám 'bəhni mahəts'i di jap Oja di manda bə ja ra 'da'yo ximhäi 'bə bin ja rá ts'edi Oja xən ho bə. ⁶ Pegue bi zän Oja to'o di manda bə, tengu bi si'a Oja 'bə mí t'ənni 'bə'a di 'yət'ui yə ja'i:

'Bə'a gue ε dí pəhmbe gue εmmε guím bənje, ne dyə ja'i thohohe. Ne man'da guidí ja mansuje.

⁷ Pe ja 'da yə pa gá jaje him mí ja ma ts'edihe, xinda gue' u nim 'bəhni bə mahəts'i. Pegue gá sənni gui 'yəscahe, ne gui 'dac ma ts'edihe.

Ne gá sənni ga mandahe 'bə'a gätho i 'bəi ne 'bə'a gätho i ja gue gá 'yøt'e.

⁸ Ne gätho gá sän'ndə mi'da 'bə'a gä gá 'yøt'e gue da 'yəc'yəigahe,

bi 'yəm bə mán t'o't'i. Janangue'a hin'yə 'bə'a bi zənni gue hin ga mandahə, nguetho bi 'yəna: "Gätho da t'əc'yəi u yə ja'i." Pe hindaná nuhə gue gätho da 'yəc'yəigahə.

⁹ Pe hinda hənt'a ra Jesús, bin ja tengu mán t'o't'i, bi t'əspa 'bə mí du, bin t'un rá ts'edi. Pegue xín ja 'da yə pa bin japi him mí ja rá ts'edi xinda gue' u yám 'bəhni Oja mahəts'i.

Janangue'a bi zä bi du nangue n'da ngu n'dajə, nangue rán huəcate Oja. Ne nu'a ran däte bi nu, gue'a í t'əspa a. ¹⁰ Nu Oja bi zän'ndə gätho da hyonse. Ne bi nde bá si xən ngu yá t'əhni bə ja rá ts'edi. Janangue'a xən ho a bi 'yøt' Oja gue bin unba u yá Hmu, guepə bi zä bi yanja xən ho. ¹¹ Ne nu'a ra hocpate ne' u to'o mahoqui, ne n'dat'a yə Ta. Janangue'a hingui pe'ts' rá sää a ra hocpate da 'yəmbi yá cu u bi hoqui. ¹² Tengu mán t'o't'i, bi 'yəna:

Ga xi u ma cu gätho nangue'e, ne ga ε's'i'i nubə ja rám pəti ma cu,

bi 'yən'a ra Cristo. ¹³ Ne man'da bi man ra Cristo:

Dí tø'mi da mbäxcä Oja.

Ne xø bi 'yəna:

Dí 'bähmbe ua ya yá t'əhni Oja bi 'daqui, bi 'yən'a ra Cristo. ¹⁴ Nujə yá t'əhnigahə a, dyə ja'i thohohə, ngue i ja ma ngøhə ne ja ma jihə. Ne a ra Jesús bin ja'i ne bin ja rá ngøc'yəi tengu thoho gahə. Janangue'a bi zä bi du ngue í 'berpa rá ts'edi a rá hmu ran däte, ngue ra zithu. ¹⁵ Ne guepə da

zä di 'uecpa yá mbidi u to'o i su ran däte gätho yə pa i 'bəi. ¹⁶ Ne mfədi hinga gue' u yám 'bəhni Oja mahəts'i bi 'yørpa ra güenda da yanji, pegue guenja dyə 'yəc'yəihə yám bom'betojə ra Abraham, nde Oja da yanja.

¹⁷ Janangue'a nu ra Jesús njuqntho bin ja tengu thoho gahə, bi bəni 'bə'a gätho dím bəmhə, bi zä 'bə'a gätho dí sähə. Nu'bə hin xtín jabə, hin xtán zä xtí huəgahə, hin xtán zä xtí juah rá 'bəfi Oja gue bi hogā ma ts'oquihə. Gue'a í t'əmbi bim hmumbäjə a. ¹⁸ Ne nuya da zä da mbäxcəhə to'o i ts'ä nangue yən unbi, nguetho nese a bi ts'ä nangue yən unbi, ne bi hyät'i.

3

Nu ra Jesús man'da sä da t'əspi xinda gue'a ra Moisés

¹ Nuya, ma hogā cu ahə, gue bi huan'nahə 'darpa dam 'bəhmbə bə mahəts'i a Oja. Dami 'yøhmbə ya nangue ra Jesús, nu'a ra pəngahyə ne ra hocpate nangue rá 'yu Oja dí tenhdə. ² Nu ra Jesús bi juah rá 'bəfi bi un'na Oja, tengutho ra Moisés bi juah rá 'bəfi gue bi jamansu u n'dam'bəi yá t'əhni Oja. ³ Pe nu ra Jesús man'da sä da t'əspi xinda gue'a ra Moisés, tengu thoho ra ta bə ja n'da ra ngu man'da da t'əspi xinda gue' u yá t'əhni. ⁴ Pe madague'bə i ørpa rá 'bəfi Oja u yə ja'i, tengu bi 'yøt' ra Moisés, pe nu'a Oja i øzəhe gätho rá 'bəfi. ⁵ Nguetho rá 'yəhə Oja a ra Moisés, ne bi ja'ts' rá bəfi bi jamansu gätho yá t'əhni Oja maya'bə. Ne nu rá 'bəfi ra Moisés bi 'yu i ts' u a rá 'bəfi ra Cristo da 'yøt' 'bə bi zəhə.

⁶ Pe nu ra Cristo rá Ts'ənt'ə Oja a, ne bi ja'ts' i bim hmu nangue' u n'dam'bəi yá t'əhni Oja. Ne guectahə ya n'dam'bəi yá t'əhni gahə Oja, 'bə dadí thoctahə dí pəhmbə majuqni

a, nē'bū dadí thoju a nán johyahū a ran ho dí tōmhbū.

Da zin'yá t'uhni Ojá da hyurpa yá mbui

7 Janangue'a i εn'a rá Hogandāhi Ojá bū ja rá t'ohni:

Nuya ra pa i jabū ya in zo ahū Ojá. Pe εmmε xən ho 'bū gui 'yøhmbū a i xi ahū.

8 Yo gadí u't' ni mbuihū tengu bi 'yøt'u mí ten ra Moisés, bi numan'utho Ojá 'bū mí 'yo bū ja ra uhäi.

Nε bi zä Ojá u yū ja'i nangue 'be'a bi numan-hosε.

9 Nu nim bombøtahū bi 'yørca ran ts'äte nε bi

numan'uthogui 'bū nyote njeya mí 'yo bū ja ra 'yu, madague'bū bi nu xən ngu yān t'øt'e gue dá ut ma ts'edi, bi 'yøn Ojá.

10 Janangue'a dán cuegä nangue'u yū ja'i, nguetho thocpa thoho i 'uegue nangue yá mbui,

hin jäm'bū bi bā a ra 'yu dá xifi, bi 'yøn Ojá.

11 Janangue'a εmmε dán cuegä nangue'u. Majuqni dá ma,

hin ga singä bū ja ra häi u ngue da hyu yá mbui, bi 'yøn Ojá.

12 Ma zi cu ahū, pe dam fähmbū. Xi'bū n'da ahū gui 'uehmbū 'bū din ja ahū ra ts'ombui, gue gui 'yøna hin gui nde gui 'yøc'yεihū Ojá, i 'bui. **13** Pe n'da ngu n'da ahū damim fäxhū

bū ja ra hoga'yu, n'da pa ngu n'da pa, janya i sā ga øhmbū a im ma Ojá, yū pa ya. Nε nu'bū din jabū gui 'yøthū, xinga n'da ahū da hyä ahū yū ts'oqui, gue di 'bät'a ni mbuihū.

14 Nguetho dí comhbū a rán ho ra Cristo 'bū dí thoju a ní hyu ma mbuihū a, gue'bū go rán zegui tengu 'bū rá mbudi dá tñmhbū.

15 Janangue'a i xijū a rá t'ohni Ojá ya: εmmε xən ho 'bū gui 'yøhmbū a rá nde Ojá gue in zo ahū ya.

'Yo gadí u't' ni mbuihū tengu bi 'yøt'u 'da bi numan'utho Ojá, bi 'yøna.

16 To'o u bi 'yøh rám hma Ojá nε bi numan'utho. Ha hinga gue u yū ja'i bi yan Ojá nangue'a ra häi Egipto mí 'yøh ra Moisés.

17 Nε to'o bi un ra cue Ojá gätho nyote njeya. Ha hinga guet'u bi yan Ojá bū ja ra häi Egipto, bi 'yøt' yū ts'oqui, janangue bi du bū ja ra uhäi. **18** Nε to'o u majuqni bi t'εmbi hin da hyurpa yá mbui Ojá. Ha hinga guet'u

him bi 'yøc'yεi Ojá. **19** Gam bømhbu ya hanja him bi zä bi zin Ojá u, nguetho him bi 'yøc'yεi Ojá u.

4

1 Nuya i jatho ga suhū, janya i ja yū pa i xijū Ojá da zinjū bū ja rá ngu ngue da hyurca ma mbuihū. Xøhma ts'urbū thoho hin da zøni ga cøthū bū. **2** Nguetho nejū bi sijū a ram hma gue dí cø't'a n'da, tengu bi sih yū ja'i mí 'būh maya'bū, gue'u bin 'yøhū ra Moisés. Pe nu'u, him bi zä í ts'im bū a ram hma bi sifi, nguetho him bi nde bi bā u gue majuqni a. **3** Pe nujū gue dí pahmbū majuqni a ram hma, guenjū gue ga cøthū bū da hyurca ma mbuihū Ojá. Nε guepū him bi zä bi yøt'u 'da, bi 'yøn Ojá:

Janangue'a dán cuegä nangue u, nε majuqni dá ma, njäm'bū ga singä u gue da hyu yá mbui, bi 'yøn Ojá.

Pe bi du'mi bi xih yū ja'i gue da zim bū 'bū mí jua a bi 'yøt' ra ximhäi Ojá, nε bin säya bū, bi hyu rá mbui zehε. **4** Tengu bi ma rá t'ohni gue nubū bi ma, gue: Ná yoto ma pa bin säya Ojá 'bū mí jua a bi 'yøt' ra ximhäi.

5 Pøgue bi xi'u bøya nangue'u 'da mí 'yøhū ra Moisés: "Njäm'bū ga singä u gue da hyu yá mbui," bi 'yøn Ojá.

6 Pe guehma 'bui to'o din säya bū da hyu yá mbui. Pe hinga gue'u 'da bi sifi maya'bū, nguetho him bi 'yøc'yεi a ram hma. **7** Pøgue bi 'yu Ojá n'da ra pa mahøn'a, gue ra pa i jabū ya, tengu bi ma ra David nangue u xən ngu yū jeya xí thogui 'bū mí 'būh ra Moisés. Nε gue'a ram hma xí hmangua, gue εna: Nuya ra pa i jabū ya in zo ahū Ojá. Pe εmmε xən ho 'bū gui 'yøhmbū a i xi ahū.

'Yo gadí u't' ni mbuihū tengu bi 'yøt'u 'da bi numan'utho Ojá, bi 'yøna ra David.

8 Nu'a ra Moisés bim pommi a ra Josué bi thoqui bi zix u yū ja'i. Bi säyabi bū ja a ra häi Canaan bi un Ojá, bin johya bū. Pe nu'bū da gue'a ran johya bi man a Ojá, hin xtā ma mahøn'a Ojá nangue man'da ra pa 'bū.

9 Janangue'a guexta'a i ja n'da ra xεqui í juadi xən ho, guepū da hyurca ma mbuihū Ojá, gue yū t'uhnidahū a. **10** Nu'u to'o da yøt'i gue da hyurpa yá mbui a Ojá, din säya

nangue gätho yá 'bëfi u tengu tho Ojä bin säya nangue gätho rá 'bëfi bi hyu rá mbëi 'bë mí jua a bi 'yøt' ra ximhäi. ¹¹ Janangue'a nde'bë emme ga ndehu ga cuthu bu. Hin ga øthu tengu u him bi 'yëc'yëi ram hma 'bë mí xi Ojä. ¹² Pe nu'a rám hman Ojä dim pëfi tengu'bë ra theni yoho yá het'i, pe man'da i ja rá ts'edi a xinda gue ra theni, ngue i sá da zörpu mbo ní mbëi n'da, i urcahu 'bë'a gätho dím bëmhbu mbo ma mbëihu, 'bë'a majuani dín nde ga øthu, ngue nda'a bi bëngahu Ojä, ne nda'a dá bënséhu. ¹³ Xinga n'da u bi 'yøt'a Ojä gue i sá da 'yäcpí 'bë'a mbëni, gätho i pädi, ne di nequi bu ja rá dä a to i häscuhu ra güenda.

Nu ra Jesús ma hmumbäjahu xén ndoho rá ts'edi

¹⁴ Nu ra Jesús rá Ts'unt'u Ojä, i t'ëmbi ma hmumbäjahu nguetho ma hocpatehü a. Ne bi zom bu mbo mahëts'i. Ne i fäxcahu a gue i ja rá ts'edi mixte. Janangue'a ga thoqui ga tenhdü a rám hma. ¹⁵ Nu ra Jesús ma hmumbäjahu i pädi hinga gätho dí häthu u dí sähu, nguetho bi zä 'bë'a gätho dí sähu. Pe hin jäm'bë bi 'yøt'a n'da ra ts'oqui. ¹⁶ Janangue'a hin ga suhu dan yahu Ojä bu bí ja rá ts'edi, nguetho di huëgahu ne di pungahu, ne da mbäxcuhu a ra ora dí homhbü a.

5

¹ Bi than'du 'da yu ja'i israel 'bë maya'bë nangue dim hmumbäjä. Ne da 'yäp'a Ojä nangue gätho mi'da. Ne midí thocpa Ojä u yá 'bëts'e nangue u yu zu'uë bi tho, gue ní mba ma punbi yá ts'oqui yu ja'i. ² Ne nangue yu ja'i thoho u yu hmumbäjä, hinga gätho bi 'yøt'e xén ho, ngutho u mi'da yá mijä'ihü. Janangue'a bi zä janate tho bi hoc'u yu 'yämbüi ne yu 'yøt'ats'oqui. ³ Ne jatho rá mbëudi midí un Ojä n'da ra 'bëts'e ra mbäjä nangue yá ts'oqui zëhe, tengu bi 'yøt'e nangue yá ts'oqui yu ja'i. ⁴ Njongui sá da 'yøt'e gue dim hmumbäjäse, ne hønt'a Ojä sá da huahna n'da ra hmumbäjä, tengu 'bë mí huahna ra Aarón. ⁵ Ne ngutho bin ja nangue ra Cristo, him bi mansë gue dim hmumbäjäse, pe Ojä bi un ran t'ëdi gue dim hmumbäjä, tengu bi ma rá t'ohni Ojä 'bë mí 'yëna:

Nu'i ma 'dats'unt'u i, dadí 'da'a ni ts'edi ya.

⁶ Ne bi 'yëmbi mahøn'a:

Nu'i gam mbäjä gätho yu pa ya, tengu ra hmepya bi 'yøt' ra Melquisedec, bi 'yën Ojä bu ja rá t'ohni. ⁷ Nu ra Cristo 'bë mim 'bëcua ja ra häi, zäi nan yäui Ojä, bi 'yäp rá mfäts'i da däp'u. Nts'edi bi mbafi ne bin zoni. Pe bi bådi ja rá ts'edi Ojä da yäm bu ja ran däte. Ne bi 'yø Ojä 'bë mí nde din unse bu ja rá pähä Ojä. ⁸ Nu'a ra Cristo, madague'bë rá Ts'unt'u Ojä a, pëgue bin jä'i a, janangue'a bi xänba yän unbi 'bë'a dí 'yörpa rá pähä Ojä a. ⁹ Bin jabü bi 'yøt'e, janangue'a bi zöni bi jä'ts'i gätho rá pähä Ojä. Ne bi zä bi un'na ra te mazai gue to'o gätho da 'yëc'yëi a. ¹⁰ Nguetho bi huan Ojä a gue dim hmumbäjä nangue dyu 'yëc'yëihu, tengu ra hmepya bi 'yøt' ra Melquisedec.

Nts'utho bë ga penju

¹¹ I ja xén ngu 'bë'a dín nde ga xi ahü nangue a bim hmumbäjä a ra Cristo. Pe xén hëi ga xi ahü nguetho hin guí honi gui pähmbü. ¹² Ne xén ngu yu pa xë thogui gue mí ja ngue xquín xänbatehu, pe guexta'a i jatho da si ahü u yäm hma hingui hëi nangue Ojä. Nguetho gá cohi gán 'yämbüihü. I jatho gui sihü ra xi'ba tengu'bë gyu 'uerehu, ne hin guí häthu gui sihü njuantho ran ts'ihme. ¹³ Ne nu'a gnán ts'ihmehü ra xi'ba, in ja tengu yu 'uere, ne hinda ná pähmbü 'bë'a ra te gue dám 'bëhmbü njuantho. ¹⁴ Pe nu ran ts'ihme xén ho nt'ot'e nangue yu dajä'i. Ne xén te yu mbëi nangue zäi din 'yomfëni, janangue'a pädi nda'a xén ho ne nda'a hingui ho.

6

¹ Janangue'a nde'bë ga thoqui ga homhbü gue dan dajä'ihü. Nde'bë hinga hønt'a ga mamhbü a rá mbëudi bi sängahu nangue ra Cristo. Nde'bë hinga hønt'a ga mamhbü gue ga päh ma mbëihu gue mí èna xtá hyojü, ne hinga hønt'a ga mamhbü ga däp ma mbëihu Ojä. ² Nde'bë hinga hønt'a ga mamhbü ram hma dan xixyahu, ne nangue ran jäxa'yë, ne nangue da dämbëni u xén du, ne nangue din ja ran juänbü 'bë rán zëgui, nde'bë hinga hønt'u ga mamhbü ya, nguetho dí pähmbü nda'a u. ³ Mbähä

ga thoju 'bu da zä da xoc'a ni mbuihu Oja, nguetho i ja mi'da. ⁴⁻⁶ Nguetho nu'bu hin ga thohmbu, xöhma thoho da beni da mbenc i 'da. Ne nubuya him man'dandi da nde ba pengui mahon'a. Nguetho nu'bu mí numanho n'dandi rán nequi Oja, ne bi zämanho a bi un Oja, ne bin 'yohu rá Hogandahhi Oja, ne bi zämanho a rá hogamhma Oja, ne bi ba i ts'u rá ts'edi a ra 'da'yo ximhäi din ja. Pe nu'bu da mbengui, ya him man'dandi da zä di hoc yu mbui mahon'a. Nguetho im beni tengu'bu da zä di cuat mahon'a bu ja ra pont'i a rá Ts'ant'u Oja, ne di japi din thenda a ra Cristo. ⁷ Nguetho tengu'bu n'da ra häi a ra ja*'i*, n'dandi ngu n'dandi din 'ye, i pot'e, ne i pots'e 'be'a pa nthuhu bu. Ne nu'a ra häi nu'bu di japi din ja 'be'a tupu a ra mbefi, da hyan rán japi Oja a. ⁸ Pe nu'bu hin di japi da box'a 'be'a bi thupu, ne hont'u yu 'ujni i ja bu, nte di muui 'bu. Ne hin da hnumanho a ra häi 'bu. Ne nzegui da mba nt'udi nangue ra sibi.

Bi zangba ma mbuihu a ra Jesús, dí tomhbu a ran ho ya

⁹ Pe madague'bu njabu dá mamhbe, ma zi cu ahu, pegue dí haxhe njuani gan jahu tengu ra hogahai, bin japi bin ja xan ngu 'be'a bi thupu, nguetho bi hoc'a ni mbuihu Oja. Ne xan ndoho ran japi ba ehe, guin nuhu. ¹⁰ Nguetho xan ho ot' Oja ngue hin di pumbeni a ra 'befi gá 'yothu, ne ran huecate gá 'yuthu u 'da ni cuhu, nangue rá thuhu Oja, ne nangue a guí ðdahu ya. ¹¹ Emme dí ndehe gui thoju gan hyahu, n'da ngu n'da ahu, gue'bu go rán zegui ra pa. Janangue'a da zoni gui hyamhbu 'be'a gätho guí tomhbu. ¹² Hin dí ndehe da yandanhyi thoho ahu, pe dami 'yothu 'be'a mí ot'u 'da 'bu mí badi majuani a rám hma Oja, ne bi hyät'i bi zet yu mbui, janangue'a bi hyan a ra herencia bi ma majuani Oja. ¹³ Nu Oja 'bu mí xih majuani a ra Abraham, bi ma majuani nangue rá thuhu zehe. Nguetho njo'o man'da xan ndoho rá ts'edi hindu honse a. ¹⁴ Ne bi 'yen Oja: "Majuani xan ngu ran ho ga 'da i, ne ga 'da i xan ngu nim bom'beto," bi t'emp'a ra Abraham. ¹⁵ Nu ra Abraham buya bi hyät'i bi do'mi, janangue'a bi hyan 'be'a bi xi a Oja. ¹⁶ Nu'bu 'da yu ja*'i* im ma majuani

'be'a da 'yot'e, i ndenba rá thuhu Oja, ne ya him ma hyom mi'da yum hma dí hoc'a, nguetho i fadi majuani a bi ma. ¹⁷ Ne'a Oja 'bu mí nde da 'yurcah ngue majuani a rám hma, bi man rá thuhu zehe 'bu mí xiju ra herencia. Ngue gueju nts'änni ga hamhbu a. Janangue'a ga pahmbu njam'bu di pa a bi xiju. ¹⁸ Janangue'a yoho bu dá pahmbu, rám hmanse ne rá thuhu zehe, ga pahmbu hin dim fehni Oja, pe majuani da zinju bu. Ngue gueju bá 'dahmbu bu mí ja xcá tuhu, dá benthu bu hapu da zinju ya. ¹⁹ Janangue'a bi zinju bu a ra Jesús, bi zangba ma mbuihu bu mbo rá ngu Oja, njam'bu da hyegahu. ²⁰ Nguetho m'bet'o bi yarpa a ra Jesús. Ne bi xi a Oja ngue bi hogahu ngue da numanhou bu. Gue'a nam boni ma hmumbajahu, ngue i 'bu*u* mazai, tengu ra hmepya bi 'yot' ra Melquisedec.

7

Bim mbäjq ra Jesús tengu ra hmepya bi 'yot'a ra Melquisedec

¹ Nu ra Melquisedec bim hmuts'ut'abi bu ja ra hnini Salem, ne bim mbäjq nangue Oja mixtetho rá ts'edi. Ne nu ra Abraham 'bu mam bá tap'u 'da yu ts'ut'abi, bin c'at'ui ra Melquisedec, bi täp rán japi Oja nangue a ra Abraham. ² Ne nu'a ra Abraham buya bi un'na ra Melquisedec a ná 'det'a gue xpí hyanba yán suihu, gue rán t'unni Oja a ná 'det'a. Ne nu rá thuhu ra Melquisedec nde da ma "ra hoga hmuts'ut'abi." Ne nde da ma gue "ra hmuts'ut'abi di hocpa ra sui," ne gue'a nam bon'a rá thuhu rá hnini Salem.

³ Ne hinga mfädi to'o rá ta ra Melquisedec, o to'o rá mbe. Ne hinga mfädi nda'a rá 'yu, ne hinga nt'o't'i gue'bu mí'm 'bu*u* o gue'bu mí du. Janangue'a tengu'bu rá ts'edi rá Ts'ant'u Oja bu ín 'yu a ra Melquisedec, gue dim mbäjq gätho yu pa hon'bu go njam'bu.

⁴ Janangue'a sä ga pahmbu ya gue xan ngu rá ts'edi ra Melquisedec 'bu min ja, nguetho guese ma ngarpa botahu ra Abraham bi un'na ná 'det'a bá tap'u yán suihu. ⁵ Nu rán t'edi Oja bi xi u yá tuhni ra Leví gue yu mbäjq yu israel, gue da hyacpa a ná 'det'a u yu meni, madague'bu yum bom'beto ra Abraham u, pe nese u. ⁶ Pe nu ra Melquisedec, madague'bu hingui conhui

rá 'yu ra Leví gue ra Abraham, pε bi un'na ná 'det'a gue'a bá tāh ra Abraham. Nε nu ra Abraham, madague'bū xən ngu rá ts'edi bū nam bən Ojə, nguetho bi xifi majuani da 'yørpa a Ojə. Pε man'da ja rá ts'edi ra Melquisedec nguetho bi t'äp a ran japi a ra Abraham. ⁷ Nε mfadi nu'a di jip'a n'da man'da ja rá ts'edi xinda gue'a pa ma japi. ⁸ Pε nu'u yú mbäjä ra israel zai midin t'un'na ná 'det'a, pε yu ja'i u, nε i tu u. Pε nu man'da ra mbäjä gue ra Melquisedec, i mam bū ja ra t'ohni tengu 'bū i 'butho. ⁹ Nε da zä gam bəmhbū ya, gue gätho rá 'yu ra Leví, gue yú mbäjä ra israel, gue i äp'a ná 'det'a u yú meni, gam bəmhbū gue ne' u tengu'bū bin jut'u 'bū mí un'na ná 'det'a xequi a ra Melquisedec a ra Abraham. ¹⁰ Nguetho da zä gam bəmhbū nangue ra Abraham, tengu'bū ya xmín 'yohu yám bom'beto 'bū mí c'at'ui ra Melquisedec, madague'bū hin nám 'bui. ¹¹ Bim mbäjä ra Aarón gue rá 'yu ra Leví, nε rá ngurpa bøta a ra Abraham a. Nε gue'u bim mbäjä u nangue'u yu israel, tengu bi man yán t'edi Ojə. Pε nu'bū da guehya yú 'befi gue ní yan Ojə u yu ja'i, him mi jatho xtí nεqui man'da ra mbäjä gue n'dan'yo 'bū, tengu ra hmepya bi 'yu a ra Melquisedec, nε hin nangue a ra Aarón. ¹² Pε nu'bū mí mba ma pādi yu mbäjä, nε 'be'a mí øt'e, nε u yán t'edi mí tenni, mí jats'editho da mba ma pādi u. ¹³⁻¹⁴ Bi 'yen ra t'ohni gue nu a man'da ra mbäjä gue ra Cristo a, bim 'bui nangue man'da rá ts'unt'u ra Israel, ngue hing rá 'yu yu mbäjä. Nguetho mfadi xən ho gue ma Hmuuhū bim 'bui nangue rá 'yu ra Judá. Nε nte bi ma yán t'edi ra Moisés, gue dim mbäjä a rá 'yu ra Judá. ¹⁵ Pε man'da gui pahmbū 'be'a dá mangä 'bū guim bəmhbū nangue a ra Melquisedec, gue i udi tengu a man'da ra mbäjä, nu'a ra Cristo a. ¹⁶ Nε hin nangue ra 'yu bi man u yán t'edi da zä dim mbäjä a ra Cristo. Nε xín nangue u yán t'edi mí ma 'be'a da t'øt'ua bi dən'na, nguetho him mán ts'anni zai din ja u. Pεgue bi zä bim mbäjä nangue a rá ts'edi a rá tesé njam'bū da zä da guadi. ¹⁷ Gue'a bi man Ojə:

Nu'i gra mbäjä mazai,
tengu ra hmepya bi 'yøt'a ra Melquisedec,
bi 'yen Ojə. ¹⁸ Gue'a án t'øts'a ra 'yu gue

bi ts'än maya'bū, nguetho mbε nte midí muui a. ¹⁹ Nguetho njom bi zä bi hocpa yá ts'oqui u yu t'ødi bin t'un ra Moisés. Pε bi nεqui man'da xən ho, gue i sixcahū bū bí 'bū Ojə. ²⁰ Nε man'da xən ho ra 'yu nangue ra 'da'yo mbäjä, nguetho bi mansé rá thuhu Ojə 'bū mí un rán t'ødi a rá Ts'unt'u. ²¹ Pε nu mi'da yu mbäjä 'bū míun t'un yu 'befi, him bi hndønba rá thuhu Ojə. Nε nanguehna ra hmumbäjä, bi mansé rá thuhuse Ojə. Tengu bi mam bū ja rá t'ohni Ojə, bi 'yømp'a rá Ts'unt'u zehē:
Nugä dra Ojə, dí mansé ma thuhugä, nε hin ga pā a dí ma.

Nu'i gam mbäjä gätho yu pa mazai,
tengutho ra hmepya bi 'yøt'a ra Melquisedec,
bi 'yen Ojə. ²² Nu ra Jesú, da zä di ja'ts'a n'da ran hoqui man'da xən ho xinda gue'a mí ja mam'bet'o, nguetho dim hmumbäjä mazai a. ²³ Nu'u 'da yu mbäjä bi zøni xən ngu mí 'bui, nguetho i tu, nε him bi zä bi thoqui høn'bū go njam'bū. ²⁴ Pε nu ra Jesú hingui tu, janangue'a njo'o man'da sā da hyanba rá 'befi. ²⁵ Janangue'a da zä di hoqui xən ho u to'o da zøm bū 'bū Ojə ya, nangue a ra Cristo. Nguetho i 'bui mazai, da zä thocpa thoho da 'yap'a Ojə nangue u to da zøm bū. ²⁶ Njuantho ε gue'a ra Jesú a ma hmumbäjä dí homhbū. Nguetho xən hotho a, nte in dupatese him bi 'yøt' yu ts'oqui, nε him bi hyanba yám 'bui u yu ts'om'bui, nε man'da i pa nt'øspi gue i ja rá ts'edi bū mahets'i. ²⁷ Nu yu ja'i 'bū mim hmumbäjä di thoqui da mbøspa Ojə gätho yu pa, mbødi bi mbøspe nangue yu ts'oqui zehē, nε m'bejua yu ts'oqui yu ja'i. Pε nu ra Jesú him bi 'yøt'e tengu u, nε n'dandí thoho bi mbøspa Ojə 'bū mi un rá tesé, nguetho di muui mazai a. ²⁸ Nu rán t'ødi Ojə bi man ra Moisés bi t'ømbi dim hmumbäjä u yu ja'i thoho, pε him bi hyät'i bi ja'ts'u yán t'ødi Ojə. Pε nu'bū mí mansé rá thuhu Ojə, bi ma gue dim hmumbäjä rá Ts'unt'u zehē. Nε nu'a gätho bi ja'ts'u yu t'ødi nε bi juadi, nte di 'beh ya. Nε gue'a rám ponui a rán t'ødi Ojə bin t'un ra Moisés a ra Jesú.

¹ Bí 'bapu mahets'i a ma hmumbäjahue gue ma hocpatehu, 'darpue ní mandaui a tate thoho rá ts'edi. Ne guehna man'da jats'edi na dí xi ah. ² Ne dim mbäjä bu majuani i pa nthande Oja bu mahets'i, tengu'bue ra nijä bi 'yot' Oja, ne him bi hyoh yu ja'i. ³ Gätho yu hmumbäjä u yu israel, bi ts'anni di un yu 'bøts'e nangue u yu zu'uë bi tho, ne mi'da. Janangue'a ne a ra Jesucristo ja 'be'a bi uni, nguetho ne a ra hmumbäjä a.

⁴ Pe hinga guecua ja ra ximhäi bim mbäjä a. Ne nu'bue xtín zangua ja ra häi, njam'bue xtán zä xtím mbäjä. Nguetho hing rá 'yu ra Leví a, ne hing yu zu'uë bi mbøx'a, tengu bi man rán t'edi Oja bi man ra Moisés. ⁵ Ne nu'a ra nijä bu midim pe u yu mbäjä ua ja ra ximhäi, n'da ra hmepya thoho gue 'be'a ørpue mahets'i. Nguetho bi sih ra Moisés 'bu mí døp'a ra nijä: "Dami jamansu 'be'a gui jap' u i ja bu, ne 'be'a gätho gui 'yørpue, tengu thoho dá ut'a 'bu gmí 'bapue ja ra t'øhø," bi 'yømp Oja. ⁶ Pe nu ra Cristo bin t'un'na n'da ra 'befi èmmë man'da xan ho xinda gue'u mi'da yu mbäjä. Nguetho din hocpate nangue ran hogui man'da xan ho 'be'a gätho i ma da 'yørcahu. ⁷ Nu'bue xtán zä xtí hocpa n'da a rá mbüdi ran hogui, him míjatho xtán ja a ná yoho ran hogui. ⁸ Pe nu Oja him bi zä bi numanho yu ja'i nangue a ran hogui mí ja, pe guexta'a ndupate bu na nu Oja u. Janangue'a bi 'yøna:

Da zøn'a n'da ra pa
ga øt'ä n'da ra 'da'yon hoqui mahøn'a
nangue yu me israel ne yu me judá.

⁹ Ne hin din ja tengu ran hoqui dá xi u yam
bombøta
'bu mambá juçpue ra häi Egipto, ne dá ja
mansu.

Dá xifi xtí ja'ts'i, pe him bi hyät'i da 'yøzehë
man hoqui dá xifi, gue man t'edi dá
xi a ra Moisés.

Janangue'a him bi zä dá numanho u, bi
'yøn'a ra Hmu.

¹⁰ Pe nu ran hoqui ga ørpa yu israel 'bu
m'bejua mi'da yu pa, din ja tengu
gam mangä ya.

Ga un man 'yomfëni bu ja yán 'yomfëni u,
ne ga japi mpähä thoho da dëngui.

Janangue'a da numanhogui, ne ga øt'ä gue
yu Ojagä u, ne din ja gue ma t'uhni
zehë u buya.

¹¹ Ne hinga hnëhi thoho 'bo'o da xänba u,
ne njon da sänbi gue da båqui,
nguetho gätho da båc zëhe u,
yu ngurpi o gue yu ja'i thoho.

¹² Ne ga punbi nangue ran ts'o,
ne him man gam bëngä u yu ts'oqui,
bi 'yøn Oja. ¹³ In jabue a ra 'da'yon hoqui, ne
gue'a í t'ëmbi ra nyonhoqui a mí ja, gue ya
bi juah rá 'befi a, ne ní mba bu dim 'bedi 'bu
mí man na.

9

*Necua ja ra häi mí ja rá ngu Oja, nepu
mahets'i*

¹ Nu'a rá mbüdi ran hoqui, mí ja yán t'edi
nangue yu t'øt'e mí t'ørpue ja ra nijä ua ja
ra ximhäi. ² Ne nu'a ra nijä bi t'øt'e, bin ja
n'da ra cuarto rá mbüdi, t'ëmbi xan dæxqui,
guepue mí ja rán 'døgue yu lámpara, ne ra
mëxa gue i cæx yu 'bøxthuhme. ³ Ne mí ja
man'da ná yoho ra cuarto gue nubue mbo,
mán joti n'da ra 'bøt'e, guepue mí t'ëmbi
man'da xan dæxqui. ⁴ Ne nubue, mí ja bu
ra mëxa ra oro guepue mí zø ra xeca xiza
yumanho. Ne a rá huada ran hoqui gue
mán jots'i ra oro gätho yu hyo. Ne nubue
mbo ra huada mí høpue n'da ra xaro gue ra
oro, mí o bu zi ts'u ra hme i t'ëmbi ra maná.
Ne a rá tøhø ra Aarón gue bi 'dogui, ne u
yu xjñdo bi t'o't'a ra nyonhoqui, gue nu'u
yán t'edi Oja maya'bu. ⁵ Ne nu rán jo'mi
ra huada, n'da ra xithë i t'ëmbi ran ts'aya
ram punbate. Ne mí tøpue yoho yu pøte u
yu mbüdi Oja mahets'i, mí com'pue mate ra
xithë bu mí pa nsits'i ra ji dím punba yu
ts'oqui yu ja'i. Pe hinga xøt'a ga xi ahue 'be'a
nam bøn'u gätho yu hmepya mí ja bu mbo
ra nijä. ⁶ Bin jabue bi t'øt'e. Nu yu mbäjä
thoho, thocpa thoho mí carpue a rá mbüdi ra
cuarto, gue mí øt' yu 'befi nangue ran dænde
bu ja ra nijä. ⁷ Pe nubue ná yoho ra cuarto
man'da xan dæxqui, hønt'a ra hmumbäjä
mí thopue, hønt'a n'dapa thoho i tho a n'da
jeya. Ne nu'bue mí yørpue, i thexpue rá ji yu
zu'uë gue mí xixpue, nangue rá ts'oqui zëhe
'bu rá mbüdi, ne nangue yu ts'oqui yu ja'i
'bu ná yondj. ⁸ Nu'a rá Hogandähi Oja di
jajue ga pahmbue, ngue hin ní soc'a ra 'yu ní
mba bu bí 'bu Oja 'bu gätho mí t'øthoho ran
dænde bu ja a ra nijä ua ja ra ximhäi. Ne

gue'a n'da ra hmepya bi 'yu a ra 'bø't'e mí corpu man'da xən duxqui, mí corpa bu u yu ja'i. ⁹ Gätho u yən t'øt'e mí t'ørpu ja a ra nijə, n'da ra hmepya thoho nangue a njuanə i jaə ya. Nguetho yən t'unni ne yu 'bøts'e bi un'na Ojə, him bi zä bi hocpa bu mbo rá mbəi u mi øt'e. Janangue mí pa ngorpi bu u. ¹⁰ Nguetho hønt'a mí man yən t'ødi nangue yən ts'ihmə midí hoqui, ne midín xəti. Pe nu'u gue'u 'da yən t'ødi gue i ja thi. Ne gue'a bi zän Ojə da 'yøt'u, ja gue'bu mam bá ñh ra Cristo, ja bi nequi a majuəni ra 'yu ja rá ts'ødi a bəya. ¹¹ Gue ya bá ñh ra Cristo, ne gue'a ma hmumbajəhu a, nangue ra 'da'yo nhoqui i ja ya. Ne nu'a ra nijə guepu dim pehna ra mbajə ya, man'da xən ho, ne guepu majuəni bu. Ne him bi 'yøt' yu ja'i, nguetho hing ra ngugua ja ra ximhəa. ¹² Pegue mahəts'i bu bi yu' na ra Cristo ya, tengu ra hmepya bi 'yuh yu hmumbajə'bu mí yərpu man'da xən duxqui. Ne ya hin di un yu ji yu t'øde'yo o gue yu t'øndəni, pe bi un rá jise. Ne n'dandə thoho bi yərpu, ne bi yənju xən ho a. ¹³ Nu rán t'ødi Ojə bi t'ømbi xən ts'o ní ngøc'yəi n'da 'bu xí dä a n'da ra du. Ne bi ma jatho da mba ma c'uaspa rá ji ra toro ne ra dəyo, ne rá 'bospi a ra t'øsundəni gue bi t'upu ja ra sibi. Ne gue'a dí hocpa ní ngøc'yəi n'da a. Ja bi zä bi dande Ojə u bəya. ¹⁴ Pe gam bəmhbu man'da ñmmə i ja rá ts'ødi a rá ji ra Cristo, bi mberca ma ts'on'yomfənih midí 'uegahə nangue Ojə, n'dahma da zä ga Ørpahu rá 'befi Ojə gue i 'bəi. Nguetho hin'yu rá ts'oqui ra Cristo, ne bin unse bu 'bu Ojə, ra 'bøts'e gue mazai di muui bu nam bən Ojə. ¹⁵ Nu ra Jesucristo bin hocpate nangue ra 'da'yon hoqui 'bu mí du. Janangue'a gätho bi mba mahoqui ma ts'oquihu, gue gueju mí tenhdə rá mbədi ra yonhoqui. Hinga høngdahu, pe ne u mí 'bu 'bu hin nán ja a ra 'da'yon hoqui. Ne nubəya gätho bi zä dá comhbu ran japi mazai gue bi xi Ojə u bi zohni. ¹⁶ Nu'bu i man'a n'da to'o da zocpa u 'be'a pe'ts'i, pe 'be' da fadi 'bu majuəni bi du, ja da t'øt'a xi ma bəya. ¹⁷ Hingui sá da t'øt'a xi ma 'bu i 'bətho, hinda høn'bu bi du. ¹⁸ In jabu bin ja 'bu rá mbədi a ran hoqui bi man Ojə, gue bin ho 'bu mí mba m'bənbu rá ji n'da ra zu'uε, ja bi fadi majuəni bi nu ran

dåte bəya. ¹⁹ Janangue'a nu'a ra Moisés 'bu mí xih rán t'ødi Ojə gätho yu mə israel, ne bi c'uaspa ra ji bəya. Bi mit' ra thenga xide'yo ne n'da ra t'øyeza gue n'youi yu paxi, ne bi garbu ja ra dehe n'youi rá ji ra t'øndəni ne rá ji yu chibo, bi c'uaspa bu ja rá səcuə i man rán t'ødi Ojə, ne gätho yu ja'i bi mba ma c'uaspi a ra ji bəya. ²⁰ Nubəya bi 'yəna: "Nuna ra ji, guehna dí hoc'a ran hoqui na, gue bi man Ojə nangueju. Nuya da zä di punga ma ts'oquihu," bi 'yən a ra Moisés. ²¹ Ne nubəya bi c'uas'ra ji bu ja rá nijə Ojə, ne 'be'a gätho mí ja bu mbo mí pa nthoni bu ja rán thænde Ojə, gätho bi mboxpu yu ji. ²² Ne i mam bu ja rán t'ødi Ojə, gue gue'a ra ji í hoc'u 'be'a gätho mí t'øt'e. Pe nu'bu hin dim fän ra ji, hin'yu ra punbi nangue ra ts'oqui, i ñm bu mán t'o't'i.

I'uec yu ts'oqui a ím 'bøts'e ra Cristo

²³ Nu'a ra nijə, n'da ra hmepya thoho mí ja ua ja ra häi, bi mba ma hoqui nangue u yu ji yu zu'uε mí hma. Janangue'a bin ja ra 'bøts'e man'da xən ho gue dí hogahu, tengu'bu dyu nijəhu majuəni bu mahəts'i. ²⁴ Ne hinga guepu ja ra nijə bi 'yøt' yu ja'i i 'buh ra Cristo ya, nguetho yu hmepya tho u nangue a majuəni rá ngu Ojə. Pe e guepu mahəts'i bi yut'i, i äp Ojə ya nangueju. ²⁵ Nu yu hmumbajə yu israel, jey'a 'bu njeya mí cərpu ja ra cuarto man'da xən duxqui, midí un ra ji, pe hin rá jise. Pe nu ra Cristo hinga thocpa thoho di un ra 'bøts'e. ²⁶ Xi'bu xtín ja tengu yu hmumbajə, jey'a 'bu njeya midí un ra ji. Mí jatho xən ngu yu nidi xtán du ra Cristo 'bu, gue'bu go rá mbədi ra ximhəi. Pe him bin jabu bi 'yøt'a. Pe nuya n'dandə thoho bi zəcua ra Cristo gue bin unse bim 'bøts'e zəhu, gue í 'uecpa yu ts'oqui yu ja'i. Ne guehya yu pa gue di ja'u'ts'a mí hma mám 'bet'o. ²⁷ Tengu yu ja'i, nts'änni n'dandə thoho da du, ne m'bəjua da nu ran juanəbi. ²⁸ Ne ngutho ra Cristo, n'dandə thoho bin uni bim 'bøts'e, ngue bi 'uecpa yu ts'oqui u xən ngu yu ja'i. Ne m'bəjua ba pengua da zin u i tə'mi, pe hin dí 'yəhu dí 'uec yu ts'oqui mahən'a.

10

¹ Nu'a ran t'ødi bin t'un ra Moisés nangue yu 'bøts'e bi 'yøt' yu mbajə, n'da ra hmepya

thoho nangue'a ran ho bá ḥhya. Ne hinga gue'a majuāni ran ho a. Ne njam'bū bi zä bi mba ma hocpi yá ts'oqui u mí ḥt' yá 'bōts'e, madague'bū njeya 'bū njeya midí uni. ² Nu'bū da gue'u yá 'bōts'e xtán zä xtín hoc'u, pe n'dandítho xtí uni, ne xtá 'yē'ts'a ní un yá 'bōts'e 'bū. Ne ya xtám bādi n'dandí thoho bi bo yá ts'oqui baya. ³ Pe nangue yá 'bōts'e bi uni gātho yá jeya, bi japi da bēni gue in dupate tho yá ts'oqui. ⁴ Nguetho hinjam'bū da zä di punba yá ts'oqui n'da u yá ji yá ndāni ne yá dē'yo. ⁵ Janangue'a bi 'yēn ra Cristo 'bū mí zōcua ja ra häi, bi 'yēmp'a Ojá rá Ta:

Hinga njuāntho gue'u yá zu'uē guí nde.

Janangue gá jaqui dán ja'igā ngue dam 'bōts'egä, bi 'yēn'a ra Cristo.

⁶ Ne hin gnán johya n'da ran t'unni ngue yá zu'uē bi t'upu ja ra sibi, xínga gue'u yá 'bōts'e nangue yá ts'oqui.

⁷ Janangue dá ḥngä: "Bá ḥcä ya ga ḥt'ä ni pähä ma Ojá i, dam 'bōts'e zehégä, tengu mán t'o't'i bū ja nim hma,"

bi 'yēn'a ra Cristo. ⁸ Nu'a rá mbədi bi mangua, hin nán johya Ojá u yá 'bōts'e gue yá zu'uē bi t'udi nangue yá ts'oqui n'da, madague'bū gue'a bi man'a n'da rán t'ëdi a.

⁹ Pe xø bi 'yēm mahōn'a baya: "Bá ḥcä ya gue ga ḥt'ä ni pähä, ma Ojá i, gue dam 'bōts'e zehégä." Gue nde da ma, dí'ueh ya yá 'bōts'e mí ja, ne din ja ná man'da ra 'bōts'e. ¹⁰ Nu ra Jesucristo bi 'yōt' rá pähä Ojá, gue bi unse rá ja'i n'dandí thoho bi juadi. Janangue'a bi hogahú Ojá ya. ¹¹ Nu yá mbäjä yá israel mí ḥt' u yá 'befi gātho yá pa, ne thocpa thoho midi un yá 'bōts'e, madague'bū hinjam'bū mí sá di hocpa yá ts'oqui n'da u. ¹² Pe nu ra Jesucristo n'dandí thoho bin uni bim 'bōts'e nangue ma ts'oquihú, pe him man'dandí din uni. Ne bí 'bəpū 'darbū ní mandaui Ojá ya. ¹³ Ne guepū bí 'bəpū ya, gue'bū go bi dəp'u yá n̄ səihú. ¹⁴ Nguetho nangue n'dandí thoho bin unse, janangue'a bi juadi bi hoc'u to'o bi 'yōt' e yá mbeti. ¹⁵ Guese a rá Hogandáhi Ojá di jajú ga pahmbú a mangua, 'bū mí ma:

¹⁶ Nu ran hoqui ga ḥrpa yá ja'i 'bū m'bəjua, din ja tengu na, ga bēnba bū ja yá mbəi ma pähä zehé, da ndesé gue da dəngui.

Nguetho ga un man 'yomfēni bū ja yén 'yomfēni u.

¹⁷ Ne xø bi 'yēm mahōn'a:

Him man'dandí gam bēngä yá ts'oqui, ne xínga gue'u yəm fe'ts'i mí ḥt'u, bi 'yēn rá Hogandáhi Ojá. ¹⁸ Nangue Ojá bi punga ma ts'oquihú, hingui sá ga unhdú mi'da yáun t'unni dí punga ma ts'oquihú.

Da zä ga səmhbu bū 'bū Ojá

¹⁹ Ma zi cu ahú, gam bēmhbu nangue a ra nyonhoqui mi ja, njo'o n'da ra ja'i thoho mí sá da yərpú man'da xən dəxqui, ne gue'a í t'u'a ra 'bō't'e mí ndam bū. Pe nuya bi zä dí cəthú bū ja a rá ngu Ojá mahēts'i, man'da xən dəxqui. Ne dí cəthú nangue a rá ji ra Jesucristo, bi hogahú. Ne hin dín suhú ya. ²⁰ Ne dí cəthú nangue a ra 'yu ma'da'yo gue i 'būi. Nguetho bi 'uegahú ra 'bō't'e mí ndam bū ja ra goxthi, 'bū mí unse rá ja'i ra Cristo ya. ²¹ Nu'a ra Jesús, gue'a ma hmumbäjahú, nanguejú gue yá t'uhnígahú Ojá. ²² Janangue'a mbähä ga səmhbu bū 'bū Ojá ya, n'dat'a gam bēmhbu majuāni i ndejú. Nguetho bi mberca ma mbəihú nangue rá ji ra Cristo, hin gam bēmhbu gue dín dupatehú yá ts'oqui ya. Ne tengu 'bū am 'be't'egahú a ra dehe xən güe. ²³ Ne ga thoqui ga mamhbú a ran ho dí təmhbu, hin ga suhú. Nguetho majuāni di ja'i ts'a rám hma bi xijú Ojá gue di pōjú. ²⁴ Mbähä dan xänbahú ga ḥt'hú ran huēcate, ne 'da dán ḥhyadahú ga ḥt'hú a. ²⁵ Ne hin ga ḥt'hú tengu ḥt'i 'da him mi səm bū ja mam pətihú. Pegue mbähä ga thoqui dam pətihú, ne dan xänbahú n'da ngu n'dajú. Ne man'da ga humbi ga ḥt'hú ya, nguetho ya mí ts'utho ba ḥh ra Hmu. ²⁶ Pe nu'bū dí ndesé ga thoctahú yá ts'oqui 'bū ya má pahmbú a majuāni, tengu'bū hin dā jamansuhú a ra 'bōts'e xtím pungahú. Pe ya hin'yá 'be'a man'da sá ga umhbú baya, gue dí mba ma pungui ma ts'oquihú. ²⁷ Pe hənt'a ra mbədi gan nuhú 'bū, gue ran ūnbi dí co'ts'a Ojá, nangue ra sibi nts'utho 'bū bi də, gue di jua u yá n̄ səihú Ojá. ²⁸ Gam bēmhbu tengu ran t'ëdi bin t'un ra Moisés, gue'bū 'bū a n'da i ḥt' ram fe'ts'i, ne di nequi yoho o gue hyu yá testigo gue bi nu, bi tho a ra ja'i baya, ne hin da mba ma huēqui. ²⁹ Pe ha hin dím bēmhbu

gue man'da nts'utho ran ts'embí ga nuhá 'bú dím bení ga nemhbú bú häi a rá Ts'ant'a Ojá, ne dí emhbú nte di muui a rá ji xtí hoga ma mbuihá, ne'bú dí numan'á tho a rá Hogandáhi Ojá gue mí xna xtí huégahá.

³⁰ Pe dí pahmbú a ra Hmu gue bi ma: "Nugá ma 'befí ga ju't'i, ga un'na rá muui bi 'yot'e." Ne bi 'yen ra t'ohni: "Da zemba yá t'uhni Ojá 'bú di thoqui da 'yot' ra ts'oqui." ³¹ Emme nts'utho 'bú da dñiba yá ts'oqui n'da a Ojá bú ja ran juanbi, gue'a i 'bui. ³² Pe dami bémhbú 'be'a gá 'yothá yá pa xá thogui, gue'bú ja gmí tmhbú ran nequi. Xán ho gá 'yothá, jante tho gá hyäthá yan unbi xán ndoho.

³³ Ne 'da ahú bi mba nthenni ahú, ne bi mba ma unni ahú bú ja yá hmi yá ja'i. Ne mi'da ahú gue hin gá suhá da mba ma unni ahú 'bú 'darbú gmí 'yohú bi mba ma unbi. ³⁴ Ne hin gán suhá gue gá zenguahá yá ni cuhá 'bápú ja ra fádi, ne gán johya thohohá 'bú mí thän'nahá 'be'a gmí pes'há. Ne gá pahmbú ja ahú bú mahëts'i a man'da xán ho, gue da hyät'i mazai. ³⁵ O guí es'há a gní hyuthá nzambá, janangue'a din 'da ahú n'da ran t'unni xán ndoho. ³⁶ Pe i jatho ga sethá ts'á, n'dahma da zá ga øthá rá pähá Ojá, janangue ga hämhá a bi ma majuani di 'daju. ³⁷ Nguetho i mam bú ja rá t'ohni Ojá: Mi ts'utho ba ç'a i ja gue ba çhe, ya hin da ya'a ba çhe, ne di 'da ahú a guí tømhá.

³⁸ Ne nu'u to da 'yec'yéi majuani, gue'a ga hocpa yá ts'oqui, ga çmbi xán ho búya, ne ga un'ndá ra temazai.

Pe nu'u bi mbengui hin ga numanho, bi 'yen Ojá. ³⁹ Pe nujá hinga guejá dá penju guepú xcá nuhá ran unbi mazai. Pe dí ec'yéihá gue majuani a Ojá, janangue'a din jajá ra temazai.

11

Ne gue'a ná ec'yéihá majuani a Ojá

¹ 'Be'a nam bøn'a na ec'yéihá majuani a Ojá. Nám bøni, gue dí ec'yéihá majuani ga hämhá a ran ho bi xijá Ojá. Ne nam bøni ga ec'yéihá majuani 'be'a gätho i ma Ojá, madague'bú hin dí nuhá a. ² Nu ma bombøtahá bi hnumanho nguetho bi 'yec'yéi majuani a Ojá. ³ Dí ec'yéihá majuani bi 'yot' Ojá yá ximhäi, madague'bú hin dá

nuhá 'bú mí 'yot'á. Nu'bú mí 'yéna din ja, ya bin ja búya, gue bi 'yot'e nangue a 'be'a him midí nequi. ⁴ Nu'a ra Abel bi un Ojá n'da ra 'bøts'e xán ho xinda gue a bi un a ra Caín, nguetho bi 'yec'yéi majuani a bi xi Ojá. Nu'bú mí thänba a rán t'unni ra Abel, bi fädi bi numanho Ojá a. Ne madague'bú bi du ra Abel, pe tengu 'bú 'bætho, gue urcahá 'be'a mí øt'a, gue bi 'yec'yéi majuani a Ojá. ⁵ Ngutho ra Enoc, bi 'yec'yéi mbo rá mbui a majuani. Janangue'a bi ts'ixpú ja rá ngu Ojá ne him bi du. Ne him bi thängua ja ra häi a, nguetho bi zix'a Ojá. Ne i én ra t'ohni: "Nu'bú hin ní ts'its'i, bi hnumanho a." ⁶ Pe nu'bú i 'bú a n'da i nde da zom bú 'bú Ojá, pegue da 'yec'yéi majuani i 'bú a, ne da 'yec'yéi majuani din t'un ran ho a to i hon Ojá. Nguetho hingui sá da numanho Ojá n'da 'bú hingui ec'yéi a majuani. ⁷ Bi 'yec'yéi a ra Noé gue majuani a mí xi Ojá din ja a ra dämbant'i, madague'bú hin ní nu. Ne bi 'yot'a ra däbarco bi xifi, guepú da yan'á i 'bápú rá ngu. Ne bi 'yembi xán ho Ojá a nguetho mí ec'yéi mbo rá mbui a Ojá. Ne gue'a í nequi hing yá 'yec'yéi gätho ra ximhäi, jan í ts'embá. ⁸ Bi 'yec'yéi majuani Ojá a ra Abraham. Janangue'a bi bøm 'bú mí zon'na Ojá, gue da mba bú ja a ra häi bi xi Ojá gue di unni. Bi nexpú ja rá häi zehé, ne him mí padi hapú man ní mba. ⁹ Ne nu'bú mí zom bú, pe bin 'yotho bú. Nguetho bi 'yec'yéi majuani gue ja nín zäm bú rá ngu Ojá mahëts'i. Janangue'a bi hyøtho yá ngum'bø't'e bú. Ne ngutho bi 'yot'a ra Isaac rá ts'ant'a, ne a ra Jacob rá 'bæto, gue ne'a da gomhbú ra herencia bi sih majuani ra Abraham. ¹⁰ Nguetho nu ra Abraham mí tø'mi da zøni nín zäm bú ja n'da ra dähnini gue mahëts'i, din ja høn'bú go njam'bú, gue bi bøn Ojá ne bi 'yøzehé. ¹¹ Ne bi 'yec'yéi majuani a ra Sara, ne gue'a í hyan rá ts'edi Ojá a gue dim 'búh rá ts'ant'a. Ne him mí sá xtím 'búh rá t'uhni, gue ya xam bømbe. Pe bim 'bú'a rá ts'ant'a, nguetho bi bødi majuani da 'yot'a bi man Ojá. ¹² Ne ngutho ra Abraham, madague'bú ya xí thoh yá pa gue mí sá xtím 'búh yá t'uhni, pegue bi zøni bim 'búh yám bom'bæto emme xán ngu, tengu yá sø mahëts'i, o tengu yá 'bomu bú ja ra ndendejá, gue njongui hät'i da mbede.

13 Ne gätho u bi du 'bu him mani hyan a ran ho bi xi Oja. Pe tengu'bu mí handi yatho bu bí ja a ran ho bi sifi, nguetho mí 'yc'yei mbo yu mbui gue majuani din t'unni. Janangue'a bin johya 'bu mí beni gue da nu a. Jananjabu bi manse tengu'bu bi thotho ua ja ra ximhäi u. 14 Ne nu u im ma tengu na, i udi gue i 'yothro ne i hon man'da ra häi guepa din zai. 15 Ne nu'bu xtám bentho a ra häi bu xpí bon u, mí sá xtá mbeng mahon'a u 'bu. 16 Pe mí nde n'da ra häi man'da xen ho, gue nde da ma, ra häi mahets'i. Janangue'a bin johya Oja gue da 'ycmbi yu Oja u, ne bi hocpa yu hnini u. 17-18 Ne nu'bu mí ts'äp rá mbui ra Abraham, gue bi sifi bá si a rá ts'unt'u ra Isaac, da mbospa Oja. Ne mí nde xtá 'yt'e, nguetho bi 'yc'yei majuani a Oja, madague'bu bi xifi dim 'bah yém bom'beto 'bu bi xand ra Isaac. 19 Gue'a bi ben'a ra Abraham gue i ja rá ts'edi Oja da xox u xen du. Janangue'a tengutho 'bu bi dambeni bu 'bu u xen du a ra Isaac 'bu mam bá si mahon'a a rá ta. Ne n'da ra hmepya bi 'yt' na. 20 Ne nangue a bi 'yc'yei majuani ra Isaac gue da gomhbu rán ho Oja u yu tuhni, janangue bi sih majuani ra Jacob ne ra Esaú gue da mba majapi. Ne bi sifi 'be'a bi zänba Oja n'da ngu n'da u. 21 Ne ngutho a ra Jacob, bi 'yc'yei majuani a ran japi bi man Oja. Ne ní mba bu da du, pe bi thocpa a ran japi u yu 'beto, gue'u yu ts'unt'u ra José. Ne bi dande Oja 'bu mí dospa rá yq rá töh o ra Jacob. 22 Ne a ra José bi 'yc'yei majuani a bi man Oja. Janangue'a nu'bu mí ts'utho da du, bi xi u yu menguhu gue yu israel, gue da zöni da mbeng bu yu häi zehe. Ne bi xifi da thux'a ra áнима 'bu bi bom bu u, gue'a ra José xí du. 23 Ne rá ta ne rá mbe ra Moisés 'bu mim 'bah ra Moisés, bi 'yq'a rá ts'unt'u an hyuzna. Ne him bi numansu a rán tëdi ra ts'ut'abi gue mí ma xtí tho u yu ts'unt'u yu israel. Nguetho midí nequi din hocja'i, ne mí 'yc'yei majuani di jamansu Oja. 24 Ne a ra Moisés guexta'a mí 'yc'yei majuani a Oja. Janangue'a nu'bu mí dan'yohu, him mam bi nde da t'cmbi rá ts'unt'u a rá tixu ra ts'ut'abi bu Egipro, gue xtán zä xtín jase rá ts'edi. Ne gue'a rá tixu a ra ts'ut'abi bi dim bu mán tägui ne bi tede. 25 Pe man'da bi nde 'darbu bin unbahu u yu tuhni Oja a ra Moisés nu'u yu menguhu,

xinda gue'bu xtán den rán johya ra ximhäi gue ní mba bu da guadi. 26 Ne nu'bu mí 'yomfeni ra Moisés, man'da di muui 'bu n'dat'a yu ts'ante da nuui ra Cristo, xinda gue'bu xtí manda 'be'a gätho mí ja bu ra häi Egipro, nguetho man'da mí numanho 'be'a di un Oja m'bejua. 27 Ne nangue bi 'yc'yei majuani ra Moisés, janangue'a bi bom bu ra häi Egipro, ne him bi zu a nán cue a ra ts'ut'abi. Pe bi hyut'an zambui, nguetho bi bädi in 'youi Oja, madague'bu him mí nu. 28 Pe bi 'yc'yei majuani a bi xi Oja a ra Moisés, janangue'a bi 'yt'a bi xifi, ngue bi manda dí cots'i ra ji bu ja yu 'yojut'i yu israel. Janangue'a him bi thop yu mbudi ts'unt'u u yu israel 'bu mam bá éh rám 'behni Oja. Gue'a t'cmbi ndabaxjua bi du'mi bi 'yt'u. 29 'Bu mí 'yc'yei mbo yu mbui i ja rá ts'edi a Oja u yu israel, janangue'a bi jap'a Oja bi xocpa n'da ra 'yu bu ja ra deju, gue bi tho u. Pe nu'bu mí 'yena ne u xtá 'dax'u yu më egipto, gue'u mí cute, bi comp' ra dehe bi du u buya. 30 Nu yu israel bi sifi di thë'ts'a ra dahnini Jericó gätho nyoto pa, nguetho ma mbä't'i ra jädo a ra hnini. Ne nu'a í 'yc'yei majuani a Oja, ne gue'a í yt' ra jädo a 'bu mí gua'a nyoto pa di thë'ts'i. Ne bi zä bi dap ra hnini u yu israel buya. 31 Pe mí 'bapu n'da ra xisu gue ra Rahab. Ne madague'bu man ra 'yomtëni mam'beto, pe hinga ne a bi tho a 'bu mí tho yu menguhu gue him mí 'yc'yei Oja. Ne nu'a í zimmanho u yém 'behni yu israel, ne gue a í fadi mí 'yc'yei mbo rá mbui a Oja. 32 Ne xen ngu mi'da xtán zä xcá xi ahu, pe hinga xot'a yu ora ga xi ahu, nangue ra Gedeón ne ra Barac, ne nangue ra Sansón ne ra Jefté, ne nangue ra David ne ra Samuel, ne gätho mi'da yu pøngahyu. 33 Ne mí 'yc'yei majuani Oja u, ne gue'a í hyan rá ts'edi Oja u, gue bi dap yu ja'i mí 'bapu n'danni mi'da yu häi 'bu mí suhmbu. Ne bin ts'ut'abi xen ho. Ne mí 'yc'yei majuani a bi sifi, janangue'a gätho bi zä bi 'yor buya. Ne nu'u mi'da mí 'yc'yei majuani a Oja, janangue'a him bi za yu dazate. 34 Ne him bin zø u mi'da bí thøtpu ja ra orno 'bu émme midí thoni nám pa, nguetho bi 'yc'yei a majuani u. Ne him bi zä bi tho mi'da 'bu mí t'cmbi xtá tho nangue ra juai. Ne nu'bu mí güent yu ja'i u mi'da, bi jap'a Oja bi zaqui. Ne madague'bu him mí

ja yá ts'edi u mi'da, pęgue tengu'bę ya mí ja yá ts'edi 'bę mí 'yęc'yęi majuqni Ojä, ne gue'a í'da u yę dofai yęn səihü. ³⁵ Ne mí 'bę i'da yę xisu 'da'a n'danni, gue xí du yá t'ahni. Pe bi dąmbęni u yá t'ahni 'bę mí 'yęc'yęi majuqni u yá mbe. Ne nu'u mi'da bi ndesę bi tho nangue'a bi 'benza, ne him bi nde bi goh yá mbəi guepę xtá mba ma thęgue, nguetho bi 'yęc'yęi majuqni da bømanho bę ja ran dąte u, da mba bę ja ra te man'da xən ho. ³⁶ Ne nu'a í 'yęc'yęi majuqni u mi'da, ne gue'a í hyät' yęn ucpı gue bi t'ahspi, ne bi hyät' 'bę mím 'benza, ne'bę bi thu't'i 'da nangue yę cadena ne bi jot'a fädi. ³⁷ Ne bi tho u 'da gue bi mba ma bat'ado. Ne nu'u mi'da bi thęngui nde nangue ra thęngui. Ne mi'da í tho ra juai 'bę mí sifi da mba ma thęgue. Ne mí 'yotho u mi'da, ne í huęhi thoho u, mí he yę xidę'yo, nguetho pa ma ucpı. Ne mí sää ran u gue mí pa ma unbı. Ne gätho u bi hyät'i, nguetho bi 'yęc'yęi majuqni a Ojä. ³⁸ Ne him mí fädi gue man'da xən ho u, pe man'da di muui u xinda gue'u gätho ra ximhäi. Pe ha sää mí 'yotho bę ja yę uhäi 'bę mí 'dagui, neprę ja yę t'ohö. Ne mí 'bępę ja yę hyädo neprę ja yę hyähi. ³⁹ Pe gätho bi hnumanho u nangue bi 'yęc'yęi majuqni Ojä. Janangue'a i pa mfęni thoho u. Pe him 'bex bi hyäna bi xi a Ojä di unni. ⁴⁰ Nguetho xí zän Ojä 'bę a man'da xən ho da 'yöt'e nanguejü, gue 'darbu ní hämhbę ran ho u mí 'bęh maya'bę.

12

*Thocpa thoho ga tenhdü a ma ngürpihü
ra Jesüs*

¹ Janangue'a nujü i 'bęi xən ngu yę ja'i gue xę 'yurcahü a majuqni Ojä tengu ja dá xi ahü. Janangue'a ga 'uejü ts'u gätho di paję, ne yę ts'oqui gue tengu'bę an thu't'i ma guahü, n'dahma ga häthü dan tihmę nangue'a ran təha bin 'daję guepę go him min sää. ² Ne thocpa thoho ga hanthü a ma ngürpihü ra Jesüs, janangue'a da zä n'dat'a ga øthü bęya. Ne di jaję ga øthü tengu bi 'yözehę, gue bi 'yęc'yęi majuqni a Ojä, ne gue'a í hyät' ran unbı bę ja ra pont'i a. Ne nu'a ran dąte bi nu, yęn dąte u yę ts'om'bäi, ęmmę ma ucpı a. Pe him bi zu da nu a tengu a, nguetho mí pądi din ja ran johya m'bęjua

nanguejü. Ne nuya bí 'bępę mahęts'i 'darbu ní mandaui Ojä. Ne guepę i sixcahü bę. ³ Ne gam bęmhbę tengu bi 'yöt' ra Jesüs, bi hyät 'bę mí ts'u, ne'bę bin uńba bę 'bęh yę ts'om'bäi. Janangue'a hin dan xəmbüihü, ne hin gam bęmhbę gue ga penju. ⁴ Pe nu ahü hinga ná es'hü yę ts'oqui guepę gdí tuhü. Pe dami 'yes'hü u, madague'bę gdí tuhü 'da ahü. ⁵ Ha gá pumbęnihü a ran zofo gue i xijü Ojä, gue yá t'ahni gahü a, tengu mam bę ja ra t'ohni bę i ęna:

Ma ts'ant'u i, dami bęni 'bę a dí mbęp'a a ni
Hmu, gue'bę bi xi i hapę gá 'bedi.

Ne xín gui säman'u 'bę bi zę i.

⁶ Nu'a ra Hmu i xänba u di huęqui,
ne i fe u gätho u i ęmbi yá t'ahni.

⁷ Dami hyäthü u yäm fei, nguetho gue'u i xän'nahü u. Nu Ojä i ęna yá t'ahni ahü. Ne jo'o n'da ra t'ahni gue hin da xänba rá ta nangue yäm fei. ⁸ Pe nu'bę hin da mbęp'ahü Ojä, tengu u gätho yá t'ahni i fei, nu'bę, masque hin yá t'ahni ahü 'bę. Guín jahü tengu ra t'ahni gue hinga mfädi to'o rá ta.

⁹ Ne man'da, nu'bę mí n t'ahnihü, gue'bę mí mbęgba ma tahü dám 'bęhmbę ua ja ra häi, dá numansuhü u. Hanja man'da hin dín umhbę da mbęgbahü Ojä, rá Ta ma mbęihü, janangue ga tımhbę ra te ma mbęihü. ¹⁰ Nu ma tahü ua ja ra ximhäi bi mbęgbahü 'bę n'dandı, gue mím bęni xən ho. Pe nu Ojä 'bę i fęgbahü, zai xən ho i ørcahü, gue di jaję xtán hothogahü tengu a. ¹¹ Majuqni hin dí ęmhbę xən ho a ram fei 'bę ra ora dí sähü a, nguetho xən u. Pe nu'bę bin hoh ma mbęihü nangue ram fei, ne dí 'bęmanhohü bęya, ne i hu ma mbęihü.

Nts'utho 'bę ga hęhmbę rá nde Ojä

12-13 Janangue'a dan ęhyahü mahön'a gue ga thoju a rá 'befi Ojä, ne hin ga 'uehmbę. Pe ga häxhü ra 'yu xən juąni. Nubęya nu ni guahü guí hęmfę, mí ęna xtá 'uogui, pęgue da yąni, da hyä ra ts'edi mahön'a. ¹⁴ Ne gui hyomhbę hin gui dęmhbę n'da ra sái. Ne gui hyomhbę ra hogambü. Nguetho nu'a hin'yę ra hogambü hin da zä da nu a ra Hmu. ¹⁵ Ne 'da gdám fäxta nin 'yomfęnihü n'da ngu n'da ahü, janangue'a hin dim 'bę i 'da ahü hin da nde rá mate Ojä. Ne xíngä n'da ahü din ja tengu n'da rá 'yę ra ts'oqui,

gue hin di nequi 'ba rá mbədi, pe nu'ba bi bəts'e din xəndi, di ts'on u mi'da bəya. ¹⁶ Ne dam fähmbə njon dan 'yomt'əniha. Ne xín ga samhbə a rá mate Oja, tengu bi 'yət' ra Esaú, gue í pā a ra təhə a rán jəpi mí əna xtí un'na Oja, gue rá mbədi ts'ənt'ə ra Isaac. ¹⁷ Ne guí pəhmbə 'be'a bi 'yət' ra Esaú, gue m'bəjua bi nde a ran jəpi mí əna xtí un'na rá ta. Pe him mam bi zä bi un'na. Ne ts'ədi bin zoni, pe him bi dñi 'be'a xtá 'yət' mahən'a gue xtá hyən'a. ¹⁸ Gam bəmhə 'be'a bi 'yət' ya israel, bi zəm ba ja n'da ra t'əhə ua ja ra ximhäi, guepə bi de ra sibi nts'utho, ne bi 'bexui ya güi tengu 'ba ra xui, ne bin ja ra ndənthi 'ba mi sih yén t'ədi Oja u. Pəgue n'da ra hməpya a tengutho ba rá ngu Oja gue əmmə xən dəxqui. ¹⁹ Ne bi 'yəh ra thəxi, ne rá nde Oja bi 'yə u. Ne nu'ba mí 'yə a rá nde u ya israel, əmmə bi 'yəh ra mate gue hin da 'yəh mahən'a, nguetho əmmə bin su. ²⁰ Him mí hət'i da 'yə a ra nde bi xifi, bi 'yəna: "Xinga n'da ra ja'i ne xing ya zu'uə da zä da däcua, nu'ba da däcua, 'bexque da tho, ne da mba ma 'yə'mado o gue da mba ma sənza." ²¹ Əmmə nts'utho 'be'a bin ja ba. Nəse ra Moisés bi 'yəna: "Dí fet'i gue dín su." ²² Pe nuju ya njuqantho rá hnini Oja ba mahəts'i dí cəthə, i pəpə ma mbəihə, gue Oja zəi 'ba. Ne i t'əmbi ra t'əhə Sión a rá hnini Oja, ne i t'əmbi Jerusalén ba mahəts'i. Ne dá səmhə ba 'ba yəm 'behni Oja mahəts'i gue ya mahuəhi thoho, guepə di munts'i i thənde Oja əmmə di johya. ²³ Ne dá cəthə ba an thuts'i ma thuhuhə ba mahəts'i, guepə dám pətihə gätho to'o bi hyən ra herencia bi un Oja. Ne dá cəthə ba bí 'ba Oja ra Zə'mi di juənbi gätho. Nəpə 'ba yə mbəi u i tu, gue nu'ba bi t'əmbi xən ho 'ba mí hoc'a Oja. ²⁴ Ne dá cəthə ba 'ba hər Jesús ma hocpatehə ba bí 'ba a i ərcəhə ran hoqui ma'da'yo. Ne dí cəthə nangue rá ji ra Jesús 'ba mí tho, i pungahə Oja a. Janangue'a man'da xən ho i xijə rá ji 'ba mí tho, xinda gue'a rá ji ra Abel 'ba mí tho, nu'a i ma di ənba a to bi hyo a. ²⁵ Janangue'a i jatho dam fähmbə hin ga həhmbə a rá nde a in zoju ya. Gam bəmhə him bi zä bi zo a ran ənbi u bi mbəsta a rá nde Oja, 'ba mí ts'ocua ja ra ximhäi. Janangue'a 'be xingui ts'ə da zä ga sohmbə ran ənbi 'ba ga

festahə a Oja, nguetho mahəts'i ba in zoju ya. ²⁶ Nu'ba mí man yən t'ədi Oja ba ja ra t'əhə, bi japi bi 'yən ra häi. Pe nuya i ən Oja: "Man'dandı ga japi di 'yəni, pe hinga hən ra häi, pe ne mahəts'i," bi 'yən Oja. ²⁷ Ne nu'a 'be'a gätho hingui du, da mba ma bənt'i. Ne din zəm ba u hingui sä da mba ma 'ueque, gue nu'ba 'be'a gätho bi zən Oja gue din zəm ba. ²⁸ Ne bin 'dajə ba di manda Oja gue hingui sä da mba ma 'ueque. Janangue'a ga xihmbə jamadi Oja, ne ga thəndehə ngue ga numansuhə ne ga suhə. Ne gue'a numanho a bəya. ²⁹ Nguetho nu ma Ojəhə di juadi 'be'a hingui numanho tengu ra sibi.

13

Ga əthə a dí numanhojə Oja

¹ O guí ε'ts'a gnán huəjə n'da ngu n'da ahə tengu'ba guidín cuhə. ² Ne guim bəmhə gui səyabahə ja ni ngumhbə to'o da zəm ba. Ne nu'ba 'da njabə mí ət'e, bi zin u 'da yəm 'behni Oja bá nəxpə mahəts'i ne him mí pədi. ³ Ne dami bəmhə u ya ofədi, ngue tengu'ba n'da gnān ofədithohə. Ne guim bəmhə u bi mba ma ənbi, nguetho ne ahə i ja ni ja'i hə gue sä da mba ma ən'nī ahə. ⁴ Ne gätho ahə guin numansuhə a ran thəti gá 'yəthə ni xisuhə, ne a bi 'yət'ə mi'da. Ne gam 'ba manho nangue nin thətihə, njon di ts'on a. Nguetho di ənba Oja u to'o da 'yət' ran 'yomt'əni, ne u hinga na din thəti, ne u xən thəti nu'ba i ət' ran 'yomt'əni. ⁵ Ne 'yo guí numanhohə xən ngu ra mbəti. Pe gan johyahə nangue hangu ts'ə i ja ahə. Nguetho: "Njəm'ba ga həc'ahə, thocpa thoho ga jamansu ahə," bi 'yən Oja. ⁶ Janangue'a sä dan johyahə 'ba dí əmhə: I fəxcahə ra Hmu, ne hin ga suhə 'be'a da zä da 'yərcəhə ya ja'i. ⁷ Dami bəmhə 'be'a bi 'yət'ə ya ngərpi gue bi xi ahə rám hman Oja. Ne guim bəmhə 'be'a bi bəni nangue ra te man nám 'ba u. Ne gujə thojə a bi 'yut'ahə, nangue bi 'yəc'yei majuəni a Oja u. ⁸ Nu ra Jesucristo hingui dim pədi, gue'ba go maya'ba, nehyə ne gätho ya pa hən'ba go njəm'ba. ⁹ Janangue'a hin gan hyəhmbə da ts'ix ahə ba ma'uəni, guepə i hman yəm hma 'dahma 'dan'yo ne hingam fədi. Pe nu'a ná bəmhə rá mate Oja gue'a ní zac ma mbəihə a, xinda gue'

yán t'édi gue 'be'a i ts'i. Nguetho njo'o to'o xí zac yá mbéi 'bé supi 'bé ja a i si. 10 Pegue i jajé n'da ran ts'ihmé, tengu ra hmepya gue ra 'béts'e mí øt' yá mbéjé bé ja ra nié maya'bé, him mí ja ran t'édi da zi. 11 Pe nu rá hmumbéjé yá israel 'bé mí mbéspa Ojá nangue yá ts'oqui, bi déxpé mbo a rá ji u yá zu'ué, guepé ja ra cuarto man'da xén déxqui. Pe nu yá ngø u yá zu'ué mí zø bé ndehnini. 12 Ne gue'a bi 'yøt' ra Jesús, bin unbi bi du bé ndehnini bé 'béh yá israel. Ne gue'a rá jise í hoc yá ja*'i*. 13 Pe ga mbéhá ga tenhdé bé ndehnini bé 'béh ra Jesús, tengu'bé n'da na 'bengadahé bé ma'uueni. 14 Nguetho nuua ja ra ximhé hin'yá ua n'da ma hninihé gue din zai xén ho. Pe dí homhbé ra déahnini gue njam'bé da gua a, guepé nín zamhbé bé. 15 Ne nde'bé thocpa thoho ga théndehé Ojá nangue ma ndehé, ne ga xihmbé ra jamadi. Ne di thoc'a mam hmamhbé a ra Jesucristo, tengu'bé di un Ojá ma 'béts'ehé. 16 Ne hin dam pumbénihé a na øthé ran ho, ne hin dam pumbénihé ga comhbé 'be'a jajé, nguetho ne' u tengu'bé yá 'béts'e i numanho Ojá u. 17 Ne gui 'yøthé a xi a ni ngérpihé, ne gui páhmbé ja yán t'édi da xi ahé 'be'a gui 'yøthé. Nguetho i fæt'a ni mbéihé u, ne i jatho di dæp Ojá ra güénda nangue ahé. Gui 'yøthé a dán johya ni ngérpihé, ne hin da du yá mbéi. Nguetho nu'bé hin gui 'yøthé a, xén da béomanho ahé 'bé. 18 'Yáfé rám fæts'i Ojá nanguecähe, nguetho n'dat'a dím bémhébe ga tenhde a, ne dí nde ga øthe xén ho gätho. 19 Dí ä ahé ra mate, gue émme gui 'yáfé Ojá di jaqui ga mbagé bé n'dih*i*.

I äp ránjqpi Ojá u yá cu

20 Nu Ojá ra hocpate a, bi xoxpé 'bé u xén du a ma Hmuéhé ra Jesucristo, nu'a di jamansuc ma mbéihé. Ne nu'a rá ji í hoc'a ran hoqui njam'bé da guadi. 21 Ne dí äp rá mate Ojá da 'yøt'ahé hin hapé gui 'béhmbé, n'dahma da zä gui 'yøthé rá páhé a. Ne dí äp rá mate da 'yárcahé 'be'a gätho i nde a rá ts'édi ra Jesucristo. Ga numansuhé Ojá gätho yá pa mazai. Ne hont'a gam bémhé a. 22 Ma zi cu ahé, dí ä ahé ra mate hin gan xémbéihé gui 'yáhmbé na ran zofo, nguetho nuna ram hma dá ot'ahé hingui ngu 'be'a

ma. 23 Ja n'da ram hma dí nde ga xi ahé, nu'a man 'yohéhé ra Timoteo ya bi so'ts'i. Nu'bé da zécuu n'dih*i*, ga six 'bé dá mba bé. 24 Zenguagahé ts'u bé gätho ni ngérpihé, ne gätho u yá cu gue ma mi'yéc'yéihé. Néhya bá néxpé Italia i pén'nahé ran zengua. 25 Ne dí äp rán japi Ojá nangue gätho ahé. Ne hont'a dí xi ahé ya.

SANTIAGO

Ra səcuə bi 'yo't'a ra Jacobo Santiago

Ran zəngua

¹ Nugä drá Jacobogä, rá 'yəhəgä Ojä ne ma Hmuuh ra Jesucristo. Ne hənbə go hapə gá mbähä n'da ngu n'da ahə, dí zəngua ahə ma meni ahə, ngue n'dat'ə mam bombətahə 'də'mayoho yə ts'ənt'ə ra Israel.

Di 'dajə ran 'yomfəni Ojə

² Ma zi cu ahə, nde'bə dan johyahə 'bə dí sähə yən ənbi, hənt'a go man ənbi dín nuhə. ³ Nguetho dí pəhmbə nu'bə da ts'äc ma t'əc'yəlhə, gue'a ní jajhə ga häthə xən ho a. ⁴ Pe i jatho ga häthə xən ho ne hin gan suhə, ne gue'a dín te ma mbəihə a, ne di hajə xən ho ra ts'ədi, ne nte ga 'behmbə bəya. ⁵ Pe nu'bə hin dí pəhmbə nda'a xən ho ga øthə, ga äfə Ojə ran 'yomfəni ne di 'dajə a. Nguetho di unni xən ho to'o da 'yäpi, ne hin di japi da mbe'ts' rá sää n'da. ⁶ Pe jatho n'dat'a gam bəmhə 'bə ja 'be'a dí äfə, ne hinga 'dahma'dan'yo gam bəmhə. Hin ga øthə tengu ra t'øthe bə ja ra dədədehe, hənbə go hapə ní 'yən ran dəhi. ⁷ Nu ra ja'i i øt'e tengu a, sää im bəni di un'na i äp a Ojə, pe nte di unni. ⁸ Nguetho 'dahma'dan'yo im bənsə, ne hingui sää n'dat'a da 'yət'e. ⁹ Pe əmmə di johya n'da zi hyoya 'yəc'yəi, ngueho i pədi əmmə xən ngu di muui bə nan nu Ojə. ¹⁰ Ne'a ra məmbəti 'yəc'yəi, əmmə di johya 'bə mi bədi hinga gue'a rá mbəti ní numanho Ojə a, ngue nu rá mbəti tengu yə dəni ə yə paxi i høe. ¹¹ Ngue nu'bə xpám bəx ra hyadi əmmə xəm pa, di hmang yə paxi ne i høh yə dəni bəya, ne him man di necmanho. Din jabə n'da ra məmbəti 'bə hənt'a ra mbəti in numanho, madague'bə di thoqui dim pəfi, pe di 'bedi 'be'a gätho i pə'ts'i.

Ga häthə 'bə bi ts'äjə

¹² Nu'bə ga häthə yən ənbi, dan johyahə bəya. Nguetho nu'bə mi ts'äjə ne dá häthə, ya din 'dajə ra temazai, tengu bi man Ojə di 'dajə 'bə hənt'a gam bəmhə a.

Dím bənsəhə yə ts'əqui

¹³ Nu'bə 'bə a n'da da bəni da 'yət'a n'da ra ts'əqui, pe hin da 'yəna Ojä bi bənbi. Nguetho xən ho Ojä ne hingui xifı da 'yət' ra ts'əqui n'da ra ja'i, ne xín da zä da si Ojä da 'yət' ra ts'əqui. ¹⁴ Pe n'da ngu n'da yə ja'i 'bə im bəni da 'yət' yə ts'əqui, pe bin 'yərpazəhə nangue rán 'yomfəni se. ¹⁵ Ne nu'a 'be'a bi numanho se, ne nu'bə mi bəni da 'yət'e, ne gue'a dí mbəhxca yə ts'əqui rá mbəhi a. Ne nu'bə mi 'yət'ə yə ts'əqui mi bəni, ne man'da bi thoqui bi 'yər bəya, ne gue'a dí nu ran ənbi mazai a bəya. ¹⁶ Ma zi cu ahə, hin dan hyäzəhəhə 'bə dí øthə yə ts'əqui, gue'a hin gam bəmhə Ojä di 'bəcpahə. ¹⁷ Nguetho xən hotho 'be'a gätho di 'dajə Ojä, ne hənt'ə gätho xən ho bí nəxpə bí 'bə Ojä, ngue bi zän yə nyot'i ua ja ra häi. Nu'ə ja'bə di 'beh yən nəqui 'bə xə 'bät'ə, pe nu Ojä njäm'bə di 'beh ran ho. ¹⁸ Rá pähä zəhə Ojä bi xəndgahə 'bə má həmhə rám hma majuəni, ne yə t'əhni gahə a bəya. Janangue'a man'da xən hojə xinda gue'ə mi'da gätho bi 'yət'e.

Dan xähmbə ram hma ne ga øthə yən thəhə

¹⁹ Gue'a dí pəhmbə a, ma zi cu ahə. Janangue'a dan əhya dan xähmbə a rám hma, xinda gue'bə go dan yəsəhə, ogue ga əmhəbə go dí pəsəhə ngue dan junthə. ²⁰ Nguetho nu'bə dadín junthə, hingui sä ga øthə 'be'a nde Ojä. ²¹ Pe ga eshə a ná øthə yə ts'əqui, ne ran ts'ə zai dá bəmhə. Ne hin dan 'yəzəhəhə. Janangue'a da zä ga cə't' ma mbəihə a ram hma, tengu'bə n'da ra hmudä da thupə, ne din te bə. Ne gue'a dí pəcpa ma mbəihə a bəya. ²² Pe hinga həntho dan xäthohə ram hma. Nguetho dán hyäzəhəhə 'bə dím bəmhə hin'yə man'da ga øthə. Pe i jatho thocpa thohoo ga øthə yən thəhə a ram hma dadín xähmbə. ²³ Nguetho nu'bə dí əmhəbə dadín xähmbə ram hma, ne hin dí øthə yən thəhə, dadí pumbəni thohə a dán xähmbə 'bə. Tengu'bə dí həthə ran hyədä ma hmihə, ne hin dí zəmhəbə bə. ²⁴ Dá nuhma a ma hmihə, pe 'bex dá pumbənihə 'bə má 'uehmbə. ²⁵ Pe nu'bə dan zəmhəbə a ra 'da'yomhma, gue'a di zəjə ga øthə yən thəhə a. Ne nu'bə zai dí øthə a, ne hin dí pumbənihə a, di jəcpahə Ojä bəya nangue

'be'a gätho dí øthu. ²⁶ Nu'ba sää ñna ørpa rá 'befi Ojaq n'da, ne hin di jamansu 'be'a ma, din hyäzehe 'bu, ne nte ní mbat'a ní 'yørpa rá 'befi Ojaq 'bu. ²⁷ Pe nuna majuñni rá 'befi Ojaq ma Tahu da numanho 'bu ga fäxhu ya hyoya tuhni, ne ya xisu xan du ya ndø, ngue in nu ran unbi. Ne nde'ba dam fäsehu hin di ts'onga man 'yomfenihu rán tot'e ra ximhäi.

2

Hin ga huandahu to'o gan numanhohu

¹ Ma zi cu ahu, nu'ba dí ec'yenihu ma Hmuh ra Jesucristo ngue mixte xan ho a, nde'ba ga øthu tengu i øt'a, ngue hin ga huandahu to'o dín numansuhu. ² Xi'ba da zøm ba ja mam petihu n'da ran 'yohu i fo rá 'ye ram fo'ye emme xam hmadi, ne mahotho rá he. Ne da zøm ba n'da zi hyoya hingui ho rá he. ³ Ne man'da gan numanhohu a mahotho rá he, xinda gue'a n'da zi hyoya. Ne ga emfu a mahotho rá he: "Nu'i n'yø, damin säya ts'u ua ja ran thuts'i," ga emfu. Ne nu'a zi hyoya buya: "Nu'e, damí 'bäh na ogue damí hyuh na häi ja rá hyo ran thuts'i," ga emfu a buya. ⁴ Ha hin dím bemhba ngue yoho man tot'ehu 'bu dí samhba a nan hyoya u 'da, ne nu'a na membeti u 'da, gue'a na espahu u. Ne guexta'a ra ts'oqui dí øthu 'bu dí huandahu a dín numanhohu. ⁵ Ma zi cu ahu, damí 'yøhmba na ga xi ahu. Ha him bi huan Ojaq u xan ngu i hyoya ba na nu ra ximhäi, ngue da dín a man'da di muui, ngue da gomhba yán japi u di un ya tuhni Ojaq. Ne gue'a bi ma majuñni di un'ndu to'o gätho da ben a. ⁶ Pe nuya gá 'yasäbahu ya hyoya. Ha hin dí pahmba ngue gue'u ya membeti di üngahu, ne i sixcahu ba ja ya ngunts'ut'abi. ⁷ Ha hinga gue'u ya membeti dí øhmba im man ra ts'ore nangue rá hoga thuhu ma Hmuh ra Cristo. ⁸ Pe: "Ga huec ma mija'ihu tengutho ba na hueczehu ma ja'ihu." Guehna xan ho ga øthu na, nguetho rán tedi ra Cristo mixte thoho a, tengu man to't'i ba rám hman Ojaq. ⁹ Pe nu'ba hinga gätho ya ja'i dadí hueju, ra ts'oqui a dí øthu 'bu, ne dín dupatehu a ran tedi ngue im ma gätho 'da i gu ba dán hueju. ¹⁰ Pe dín ndehu made tho ga øthu gätho rán tedi Ojaq. Pe madahont'a n'datho rán tedi Ojaq hin dá

øthu, ya dín dupatethu gätho rán tedi Ojaq 'bu. ¹¹ Nguba dí ørpahu yán tedi Ojaq ngue bi 'yena: "O guí øthu ran 'yomt'eni," ne: "O guí hacpahu rá te ni mija'ihu," bi 'yena. Madague'ba hin dí øthu ran 'yomt'eni, pe dí hacpahu rá te ma mija'ihu, guemhma dín dupatethu gätho rán tedi Ojaq 'bu. Nguetho n'dat'a Ojaq bi ma gätho yán tedi. ¹² Pe nu'a rán tedi ra Cristo, gue'a di zeju ga øthu yán thehu. Ne gue'a rán tedi dí 'yängahu Ojaq a 'bu dá øthu o hin'na. Janangue'a ga jamansuhu a dím mamhba ne'a dí øthu. ¹³ Ne nu'ba him bi 'yøt' ran hueccate n'da, ne hingui ngu 'be'a dí huec Ojaq a 'bu bi juanbi. Pe nu'ba bi 'yøt' ran hueccate n'da, da bømanho 'bu bi juanba Ojaq a.

*Hingui ho 'bu nte n'youi yan tot'e rá tec'yen*i* n'da*

¹⁴ Ma zi cu ahu, 'be'a gue ní mba a i øt'i da sää ñna ja ya tec'yen*i*, pe hingui øt'u yán thehu. Hin da yan Ojaq n'da 'bu sää ñna ja rá tec'yen*i*. ¹⁵⁻¹⁶ Xi'ba 'bu a n'da ma cuhu ra 'yahe ne sää ra thuhu. Ne ga emfu: "Ní mba, bá he ni he, ne bán sihme, da hyu ni mbai," ga emfu. Pe nte dá unhdu 'be'a honi. 'Be'a gue ní mba a dá ørpahu 'bu. ¹⁷ In jabu n'da 'bu hingui øt' yán tot'e rán säui rá tec'yen*i*, nu rá tec'yen*i* nte di muui, tengu'ba n'da ra du ngue hingui di 'yani. ¹⁸ Pe nu'ba gui 'yenju: "Nu'i ja ni hogant'øt'e, pe nugähe dí ec'yeni mbo ma mbaihe." Ne ga xi'ahu buya, damí 'yurca ni tec'yen*i* ngue nte n'youi nin tot'ehu, gan nugä. Nugä da zä ga ut ahu yán tot'e dí øt'ä, janangue'a di nequi ma tec'yigä ngue majuñni a. ¹⁹ Guí pahmba i 'bu Ojaq, pe hin dí gua a zi ts'u. Nguetho ne'u ya zjhu i padi i 'bu Ojaq, pe emme di fet'i, nguetho yán suihu Ojaq u. ²⁰ Gya 'yambu*h*u, ha hin guí pahmba ngue xingui ts'u nte di muui ni tec'yen*i* 'bu hin te guí øthu. ²¹ Nde'ba gam bemhba ts'u nangue mam bombottahu ra Abraham. Ja bi nequi a xmí paq Ojaq xan ho 'bu mi 'yøt'a bi xifi, ngue bi gäxpu ja ra do a Isaac rá ts'unt'u, ngue ñna xtá hyo xtí un'na Ojaq. ²² Nangue bi 'yec'yen*i* mbo rá mbai, bin ja ra ts'edi buya ngue da 'yøt'u yán thehu. Janangue'a rám pe ra tec'yen*i* u yán tot'e. ²³ Ne gue'a mi mam ba ja rám hman Ojaq, bi 'yena: "Nu ra Abraham bi 'yec'yen*i*

a bi man Ojä, janangue'a bi 'yëmp Ojä xän ho," ne bi 'yëmbi rá amigo xän ho Ojä buya. ²⁴ Dí pähmbü ya, i ëmp Ojä xän ho n'da ra ja'i 'bü öt' rán säui rá t'ëc'yëi, ne hinga sääda 'yëna ëc'yëi Ojä. ²⁵ Ximangutho a Rahab, ngue ra xisu zäi min 'yomt'ëni mam 'bet'o. Pe bi 'yëmp Ojä xän ho 'bü midí nequi rá t'ëc'yëi, 'bü mi 'yöt'a ran ho bi 'yöt'e, ngue bi jamansu ü yü 'yëc'yëi 'bü mi mba bá ąspa rá hnini. Ne bá uti n'dan'yo ra 'yu bá hax 'bü mam bá pengui, janangue'a him bi mba mfent'i ü. ²⁶ Ja ga pähmbü buya ngue hingui ho rá t'ëc'yëi n'da 'bü hingui öt'ü yän thehü, tengu n'da ra ja'i xän du ngue hin'yü bü rá mbüi.

3

Ga sámzehë ma jñihü

¹ Ma zi cu ahü, nde'bü hinga gätho dan xänbatehü bü ja ram pëti. Nguetho dí pähmbü Ojä da nu 'be'a dí øthü, ne nuje, man'da da 'yängahe Ojä, xinda gue'bü hin xcán xänbatehe. ² Ne gätho gahü xän ngu yü nidi ja'bü dí øthü yü ts'oqui. Pe nu'bü 'bü'a n'da xinga n'da ra ts'oqui im ma, ya xän te xän ho rá mbüi a, ne i padi di jamansu xän ho gätho i øt'a 'bü. ³ Tengu'bü dí cärbahü yän ts'are yü fani, da 'yöt'a dí xihmbü buya, ne hinga hønt'a rá nde di 'bä't'i, pe 'da dí 'bäthoho. Ngutho 'bü i sámzehë rá jñi n'da, ne hinga hønt'a rám hma da bædi da zämmi, pe da da bædi di jamansu xän ho gätho i øt'e. ⁴ Ne tengu ra däbarco, madague'a xü ndoho, ne ts'edi ran dähi i joni, pe ëmme zicue a ní mba ma 'yon, pe hønbü go da ndepe dí mba a di 'yon. ⁵ Ngutho ma jñihü, zicue, pe ëmme xän ngu da bøni nangue 'be'a da ma. O tengu'bü n'da ra despi zicue, pe ëmme xän ngu 'be'a da 'yudi, ne da zä da 'yu a n'da ra xänthø xü ndoho. ⁶ Nguetho ma jñihü tengu'bü n'da ra sibi. Ne man'da xän ts'o öt' ma jñihü xinda gue'a ma 'yehü ogue ma guahü. Ne gue'a ní ts'oni gätho dí øthü a, ne di xänd ran ts'o gätho ra ximhäi, ngue di bënba a ra zithü. ⁷ Pe nu yü ja'i man'da da zä di maxubi hønt'a go má zate ne yü doja ne yü pozü ne yü huä. ⁸ Pe nu rá jñi n'da, njo'o to da zä di hät ra 'yu. Ne i hote, tengu n'da ra pozü, ëmme in cue, ran däte a rá nde. ⁹ Nangue ma jñihü sää dí ëmhbü dí

ëspahü Ojä ma Tahü, pe ne dí äfü ra 'yäntihü ma mijä'ihü. Pe nu'ü, bi zän'na Ojä ü, bi ndepe dim 'bui tengu tho Ojä ü. ¹⁰ N'dat'a ma ndehü ná yahü 'bü dí ëspahü Ojä ne'bü dí äfü ra 'yäntihü ma mijä'ihü. Pe ma zi cu ahü, hingui sää ga øthü tengu a. ¹¹ Ha i sää 'darbü da bøhmi ra dehe xän ho a ra dehe xän xä. ¹² O 'be'a di ja yü za'ixi, ma zi cu ahü, ha ne'ü yü peni i züpü. O xi n'da ra zabet'i, ha züpü yü ixi. Xíngui sää 'darbü da bøhmi ra dehe xän ho a hingui ho.

Bí nexpü bí 'bü Ojä ran 'yomfëni xän ho

¹³ Nu'bü dí pähmbü ran 'yomfëni, pe ga uhmbü 'bü, nangue ran hocjä'i ga øthü, ne hin dan 'yëzehëhü, guepü da fädi majuqni i ja man 'yomfënihü. ¹⁴ Pe nu'bü xän ju dím bënba ma mijä'ihü nangue ran ts'eya, ne dadí mispahü, ne sää dí ëmhbü ja man 'yomfënihü, pe ra fehni a dím mamhbü 'bü. ¹⁵ Pe nuna ra ts'on'yomfëni na him bí nexpü bí 'bü Ojä, pe bi nequida ua ja ra ximhäi, ne dá bënse ma mbüihü, ne ra zithü bi bëngahü tengu na. ¹⁶ Nguetho nu'bü dí øthü ran ts'eya, ne dín nde dam mixtehü, nu'bü, dí øthü gätho yü ts'oqui 'bü, ne yü shi. ¹⁷ Pe nu ran 'yomfëni di 'daju Ojä, n'dat'a gam bëmhbü, ne ga hocpahü rá mbüi ma mijä'ihü, ne gan numanhohü ü, ne din ja man huëcatehü, ne ga fäxhü ü, ne hin da goh ma mbüihü 'bü ja a dí xihmbü ü, ne hin ga häthü ü. ¹⁸ Pe nu'bü jante thoho ga hocpahü rá mbüi ma mijä'ihü, dí øthü tengu'bü dí pomhbü ra hmudä dí bøx ran ho 'bü.

4

Hin ga øthü rá pähä ra ximhäi

¹ Ha hin guí pähmbü hapü di nequi ü yän shi guí øthü, ne yän heque. Ha hinga gue'ü di ho ni mbüi zehëhü a gnín sahmbü. ² Nu'a hin ní zä guí tñmhü a guín ndehü, gue'a gnín hote thohohü a. Ne gue'a ran ts'eya a gnín sahmbü 'ne gnín tunhdü, nguetho hingui sää guí tñmhü a guín ndehü nangue ni pähä zehëhü. Pe hin guí tñmhü ngue hin guí äfü Ojä. ³ Pe madague'bü guí äfü Ojä a guín ndesehü, pe hin di 'da'ahü, nguetho hingui ho guím bëmhbü, guín nde guí xänd ni pähä zehëhü. ⁴ Sää guí ëmhbü hønt'a Ojä guím bëmhbü, ne ya guí ten thohohü ra ximhäi.

Ha hin guí pahmba gadín sahmba Oja 'ba guín numanhotha ra ximhäi. ⁵ Uague guí emhbä säti thoho bi man rá t'ohni Oja ngue bi 'yëna: "Pe emme dín ndepe da bëngui, janangue'a dá un ma Hogandähi di huëc', ne di jamansup yá mbäi," bi 'yëna Oja. ⁶ Pe di zet'a ni mbäihä Oja, n'damhma da zä hont'a guim bëmhba a. Janangue'a en Oja, di un rá mate n'da 'ba hin din 'yëzehë, pe da za a n'da 'ba din 'yëzehë, i en rá t'ohni Oja. ⁷ Damin unsehü ya ngue di manda ahü Oja, ne dami sahmba ra zjthu, da 'dagui nangue'ahü. ⁸ Zai damim bëmhba ngue 'darba guí 'bahmba Oja, ne zai da hyut'a ni mbäihä baya. Dami 'yesha yá ts'oqui guí ötha, ne hingui yoho da bën ni mbäihä. ⁹ Pe i jatho da du ma mbäihä nguetho dyá ts'om'bäi ha. Ne dan zomhbä, hingui sá dan thethohä. Nu ma thedehü dim pommi ra ts'oni, ne nu man johyahü dim pommi ra dumbäi. ¹⁰ Ne ga ötha ngue hin'yá ma ts'edi zehähü ba ja rá hmi Oja. Ga äföra punbi, janangue'a di pungahü ne di ja ja dan johyahü baya.

Hin dan c'qman'ahü

¹¹ Ma zi cu ahü, o gadín c'qman'ahü, nguetho nu'ba gadín c'qman'ahü, masque guim bëmhba hingui ho rán t'edi Oja i ena dan huëjä. Ne nu'ba hin dí ötha rán t'edi Oja, ena gue'ba jase man t'edihü 'ba. ¹² Pe hont'a n'da sá di 'daju yän t'edi, nguetho Oja a, ne hont'a sá da yan'a n'da ne i sá di jua'a n'da. Pe ha dím bëmhba dyá ojähü ngue sá ga emhbä ja yá ts'oqui a 'da.

Hin dí hand ba ní 'yëh man zaquihü

¹³ Mbähä dan 'yomfënihü ts'ya, nguetho dí enthohä: "Nuya ogue nixudi ga mbähä n'danni, dam 'bahmba n'da jeya ba, ne dam pehmba, ga tähmba," dadín 'yëmfä. ¹⁴ Pe hingui sá gam mamhbä tengu a, nguetho ya hin dí pahmba 'be'a ga ötha, ne hin dí hand ba ní 'yëh man zaquihü. Tengu tho n'da ra güi, guín nu, jabü, ne xø gán nu, hin'yá ba. Njarbu n'da ra ja'i. ¹⁵ Pe nde'ba ga emhbä: "Nu'ba da nde Oja, dam 'bahmba ts'ü, ne din ja 'be'a da zä ga ötha baya." Guehna gam mamhbä na ya. ¹⁶ Pe dán 'yëzehähü 'ba hin dá äföra Oja 'be'a da zä ga

ötha. Pe ra ts'oqui a. ¹⁷ Nu'ba dí pahmba a ran ho, ne hin dí ötha a, ra ts'oqui a 'ba.

5

N'da ran zofo i sih yá membeti

¹ Damin 'yomfënihü ts'ü gyü membetiha, gan zomhbä ne ga mbahmba nguetho nts'utho ra 'yanthi guin nuhü. ² Nu'a 'be'a gä guí peshü tengu'ba xü 'ya ba nam bën Oja, ne ni hehü tengu'ba xan za yü zu'uë. ³ Nu ni mbëtihü xan ts'om ba na nu Oja a, nguetho nin ts'iyatehü a gní tñmhba, ne hin gá pahmba nda'a xan ho xquí jafü. Ne gue'a dí jua ahü a tengu'ba ra sibi. Ne tengu'ba guidí munshü a ran ünbi guin nuhü 'ba ran zegui. ⁴ Gá hyät ni mbefihü hin gá juarpahü yán zäbi 'ba min xopü ni huähiha. Ne nu'a ran zäbi gá cönta ni mbefihü, ne gue'a dí yap ahü a. Ne nu'a rá ts'oni ni mbefihü bi 'yø Oja tate thoho rá ts'edi, ne da hyä ra güenda nangue'ü. ⁵ Nu'ahü gám 'bahmba nangue nin johya zehähü nguecua ja ra ximhäi gyü ziyatehü. Ne bi zac ni mbäihä tengu n'da ra ts'üdi. Pe gue'a dín ja'ahü tengu'ba ran thots'üdi 'ba rán zegui ra pa. ⁶ Ne nu'ahü guí cothü fädi ü nte in dupate, ne xø guí hohü baya, ne hin di mu.

Ga häthü 'be'a i t'ørcahu

⁷ Janangue'a ma zi cu'ahü, nu'ba i t'ørcahu a, pe hin dan xømbäihü, ne ga tømhba gue'ba go bá eh ma Hmuha ra Cristo. Tengu'ba dí tuhmba yü hmudä ua ja ra häi, dí tømhba hont'ba go njäm'ba eh ra 'ye, di hoqui 'be'a gä xtá tuhmba baya. Ne din ja a mi numanhohü din ja baya. ⁸ Janangue'a ga sethu hin dan xømbäihü, nguetho ya him maya'a ba eh ra Hmu. ⁹ Ma zi cu'ahü, hin ga emhbä rá ts'oqui na n'da ma cuhü 'ba dín nuhü yän ünbi, ne xømhma di üngahü Oja. Pe guim bëmhba mi ts'utho da zø'a ra ze'mi ya. ¹⁰ Ma zi cu'ahü, gam bëmhba gue bi hyät yän ünbi ü yá pøngahä Oja, ne ngutho ga häthü. ¹¹ Nguetho dí pahmba majäpi ü i hät yän ünbi. Xtá øhmba ngue bi hyät yän ünbi a ra Job, ne xan ngu ran ho bi t'ørpa m'bëjua. Nguetho nu'a Oja xan ngu rán huëcate ne xan ngu rá mate. ¹² Hnehi thoho hin ga uaspahü rá thuhu Oja a mam hmansëhü, xín ga ndønbahü rá thuhu 'be'a man'da jaua ja ra häi ngue ga emhbä di zerca mam

hmanséhu. “Ha guí ḥc'ye*i* a dí xi'i uague hin'na,” ga ḥmthohohu. Janangue'a hin di ṣangahu Ojaq.

Dan yqhu Ojaq

¹³ Nu'bu dín nuhu ran ṣnbi, dan yaqhu Ojaq'bu. O nu'bu dadín johyahu, dan tuhmbu n'da ra thuhu ngue dí ḥspahu Ojaq. ¹⁴ Nu'bu xun ṣjuu, ga xihmbu yu ngurbi bu ja ram peti ba ḥe*h* da 'yäp rá mfäts'i ra Hmu, ne da jaju ra aceite nangue rá thuhu ra Hmu. ¹⁵ Ne Ojaq di 'uec'a ran u dí hemfu, nguetho dá ḥc'ye*h* ngue maju*q*ni da yanju'u 'bu má äfu a. Ne nu'bu ma ts'oquihu a dán hyenhdu, pe di pungahu. ¹⁶ Ne dan xih ma ts'oquihu n'da ngu n'daju, janangue'a da zä dan 'yäfu rá mate Ojaq n'da ngu n'daju, ne nu'bu xun u n'da da yam buya. Nguetho xun ngu rá ts'edi da 'yøt' Ojaq 'bu da 'yäp a maju*q*ni n'dat'a Ojaq im beni, ne gue'bu di benba Ojaq a i ädi. ¹⁷ Tengu a ra Elías, nu'a n'da ra ja*'i* thoho tengu gahu, ne bi hyaqh rá mbui bi 'yäp Ojaq ngue hin din 'ye. Ne him bin 'ye ua ja ra ximhai gätho nhyunjeya ne n'dato zana. ¹⁸ Ne xø bin yaqi Ojaq mahøn'a ngue bi 'yäp ra 'ye. Ne bá penh'n'a Ojaq ra 'ye, ne bi bøx yu hmudä ua ja ra häi buya. ¹⁹⁻²⁰ Ma zi cu'ahu, nu'bu n'da ra 'yec'ye*i* da 'uepu ja ra 'yu xun ju*q*ni, ne nu'bu da zä ba sihu mahøn'a, ga pahmbu ngue dá yanbahu rá te a xí 'uegue. Ne madague'bu xun ngu yu ts'oqui, pe bi mba ma punbi.

1 PEDRO

Ná n'da ra sōcuā bi 'yo't'a ra Pedro

Ran zengua

¹ Nugä drá Pedrogä, ma 'bäigä'be ra Jesucristo. Dí pēnh'nahü ra sōcuā gyü 'yec'yéihü ra Cristo, n'da'a n'danni gá mbähä ja ra häi Ponto nēpü Galacia nēpü Capadocia nēpü Asia nēpü Bitinia. ² Nu ma Tahü Ojä maya'bü thoho bi huancahü, ne bi zänni da 'yorcahü yú t'uhni gahü. Ne bi 'uega ma mbühü a rá Hogandähi Ojä, ne bi mbän rá ji nanguejü a ra Jesucristo, guepü nan zä ga øthü a i xijü. Dí äp'a Ojä ngue man'da gui hyämhü rá mate, ne man'da da hyu ni mbühü buya.

Ga tafü ran däte

³ Jamadi Ojä, ngue nu rá Ta ma Hmuhä ra Jesucristo, ne rá Ojä a. Nguetho xün ngu rán huëcate bi jajü dám 'bühmbü ma'da'yo. Nuya dí pähmbü gan nuhü ran ho mazai, nguetho bi dämbëni ra Jesucristo. ⁴ Ne nuya dí tømhbu ü yü erencia di 'dajü Ojä ngue m'be'ts'i bü mahëts'i, ne njäm'bü dim 'bedi, ne njäm'bü din ts'oni. ⁵ Ne nuya i fäjü Ojä nangue rá ts'edi, nguetho dí ec'yéihü a. Ne ya i sänni da yanju xün ho 'bü bi zön ra paran zegui. ⁶ Ne nu'bü dím bëmhbu ya, ne guehya ní 'dajü ran johya, madague'bü da du ma mbühü bu na sähü hont'a go man unbi 'da yü pa ya, 'bü da 'yen Ojä. ⁷ Tengu ra oro i ts'ä ngue ra sibi ngue din hogui. Ne ngutho ma t'ec'yéihü i ts'ä, ne man'da di muui a xinda gue'a ra oro ngue dim 'bedi. Janangue'a di necmanho ma t'ec'yéihü 'bü bá peng ra Jesucristo, ne da numanhoju, ne di 'dajü ran ho, ne 'darbu dam 'bühmbü buya. ⁸ Ne nuya madague'bü hinga nán nuhü ra Cristo, pe emme guín numanhohü a. Ne madague'bü hin guín nuhü a ya, pe guí pähmbü majuqni a. Janangue'a emme dadí johyahü, tengu tho'bü ya dí 'bühmbü ra Cristo bü mahëts'i. Ne hin di jua ü mam hmansehü gam mamhbu a ran johya. ⁹ Nguetho ya dí dë'mi dí hämhbu a dí tømhbu, ngue da yanju Ojä. ¹⁰ Guehna bi

'yo't'ü yü pöngahyä maya'bü ngue da yanju rá mate Ojä. Ne bi hyädumbü min nde xtám badi xün ho 'be'a nam bøn a ram hma bi 'yo't'ü. ¹¹ Min nde xtám badi jäm'bü din ja a, ne nda'a ní pa din ja a bi man rá Hogandähi ra Cristo mi o yú mbü. Nguetho bi bënbü da 'yo't'i 'be'a da 'yot' ra Cristo 'bü bi zöhö, ngue da nu ran unbi ngue da tho, ne da t'ëspa 'bü m'bejua. ¹² Pe bi xi Ojä ü yü pöngahyä ngue hin da bëse, xinga gue'ü yü jü'i mi 'bühmbü, pëgue gue'a go i sijü a ya nangue ran ho ma'da'yo. Ne nu'ü to bi xijü na, bi ma nangue rá Hogandähi bá pënna Ojä. Ne ü yám 'behni Ojä mahëts'i emme in nde da badi 'be'a nam bøn a i sijü ya.

I xijü Ojä ngue xtán hoju

¹³ Pe nuya dan sähü ga øthü a rán thehü a dí tenhdü, ngue ga sämzehe ma mbühü 'be'a gätho dím bëmhbu. Ne hont'a rá mate Ojä ga tømhbu di 'dajü 'bü bá eh ra Cristo. ¹⁴ Ne ga øthü 'be'a i xijü Ojä, tengu yü t'uhni i øt'a i xih yü ta. Ne hin ga øthü tengu mi øthü mam'bet'o ngue ma pähä zehëhü 'bü nte mi pähmbü. ¹⁵ Pe gä xtán hotho ga øthü, nguetho xün hotho Ojä ngue bi zoncahu bi 'yot'e yü t'uhni gahü a. ¹⁶ Tengu nt'o't'i: "Xtán hotho ahü nguetho xün hotho gä," bi 'yen Ojä. ¹⁷ Pe nu'bü dí yahü Ojä, dí emfü ma Tahü. Pe gam bëmhbu njuantho da gurcahu 'be'a dá øthü n'da ngu n'dajü. Janangue'a dam fähmbü ngue gan numansuhü Ojä gätho yü pa dí 'bühmbü ua ja ra ximhäi. ¹⁸ Nguetho dí pähmbü bi yanju Ojä nangue yün t'ot'e bi xänga ma tahü säti thoho. Pe hing ra mbeti í yanju a, nu'a dim 'be'a. ¹⁹ Pe bi yanju ra Cristo 'bü mi du ngue bi mbän rá ji, ne hont'a da zä di pø a n'da a. Nguetho xün hotho ra Cristo, tengu n'da ra de'yo mi man Ojä maya'bü ngue da 'bøts'e, pe gue'a hing ra mbedi ne xün hotho. ²⁰ Nu ra Cristo bi ts'änni din yanju 'bü hin ní 'yot' ra ximhäi a Ojä. Ne ran zegui ya ja bi nequi ua ja ra ximhäi nanguejü. ²¹ Ne nangue ra Cristo bi zöcua, gue'a dá ec'yéihü Ojä ya, ngue bi xox a ra Cristo 'bü mi du, ne bi 'yëspi. Janangue'a dí pähmbü majuqni di 'dajü rán ho Ojä dí tømhbu ya. ²² Nuya nangue rá Hogandähi Ojä dá tenhdü ram hma majuqni, ne gue'a dán hoju a. Ne gue'a dán zä ya majuqni ga

huęc ma cuhü. Janangue'a mpähä thoho dan huęjü n'da ngu n'dajü nangue gätho ma mbüihü. ²³ Nguetho dám 'bühmbü ma'da'yo nangue rám hman Oja da hyät'i mazai a, ne njäm'bü di 'beh rá ts'edi a. Pe nu ma tehü bi 'dac ma tahü ne ma mbehü, hinga gue'a da hyät'i mazai a. ²⁴ Ne nt'o't'i:

Tengu yü paxi thoho yü ja'i,
ne gätho xan ho 'be'a pe'ts'i tengu yü döni ü
yü paxi.

Pe nu yü paxi di hmangui, ne yü döni i hœe.
²⁵ Pe nu'a rám hman a ra Hmu njäm'bü dim
'beh rá ts'edi.

Gue'a ran ho ma'da'yo i sijü a.

2

Nu'a ra Cristo tengu n'da ra do

¹ Jatho ga eshü gätho ran acpate ne ra fehni ne'bü yoho ma mbüihü, ne ga eshü ran ts'eya ne ran c'ate. ² Ne tengu yü 'ure ngue ma'da'yo bim 'bui, ngue emme i hon ra xi'ba da zi, ne ngutho ga öthü, thocpa thoho ga homhbü rá hogamhma Oja, ngue dín te xan ho ma mbüihü a. ³ Nguetho ya dá tñmhü a rá mate Oja nangue rám hma, ne dá pahmbü ngue xan ho a. ⁴ Ne man'da gam bëmhbü ga cuathü ra Cristo xan ho, nu'a bi 'dajü ra te. Madague'bü i pa ma acpi, tengu'bü n'da ra gädo di bant'a n'da ra do, pe Oja bi huahni man'da di muui bu da thöh rá ngu. ⁵ Tengu'bü n'da ra do man'da di muui a ra Cristo bu ja ra ngu, ne nuju i pa ma cuati gahü baya, tengu'bü dyü dohü, da 'yøjü rá ngu Oja ngue hin di nequi. Ne yü mbäjägahü Oja, nguetho dí unhdü Oja yun t'unni gätho ma mbüihü. Ne di thocpa a rá Ta man t'unnihü a ra Cristo, janangue'a da numanho Oja. ⁶ Ne nt'o't'i maya'bü bu ja rám hman Oja nangue 'be'a da t'ørpa ra Cristo. Bi 'yen Oja:

Tengu'bü drá ngürpagädo dá huahna n'da
ra do man'da di muui, ne dá høpu ja
ma dongu bu Sión, nubü hapü ja ma
ts'edi, bi 'yen Oja.

Ne nu'a to'o da guat'a, hin da mbe'ts' rá sä
'bu bi nu ran juanbi,
bi 'yen Oja. ⁷ Nejü xan ngu dadí muhü
nguetho dí cuathü a ra Cristo. Pe
madague'bü hin da guat'ü 'da, pe guexta'a
din ja tengu bi man Oja, ngue bi 'yen a:

Madague'bü him bi numanho ü 'da yü gädo
a ra do,
pe da gopü ja ma dongu, ngue man'da di
muui 'bu da thöh ma ngu,
bi 'yen Oja. ⁸ Ne man'da mi hma:
Nu'a ra Cristo tengu'bü n'da ra do ngue di
ferpu rá gua n'da, ne dim 'bepü,
bi 'yen ra t'ohni. Ne bi ts'änbi dim 'bepü,
nguetho hinguin nde da 'yec'yëi ram hma
nangue ra Cristo.

Yü t'uhni gahü Oja

⁹ Pe nuju, Oja bi huancahü bi 'yörcahü
tengu'bü n'da'bui gahü, ma'ueque ma
mbüihü. Ne gätho gahü dyü mbäjägahü
bi 'dac ma ts'edihu Oja, ne yü mbeti gahü
a. Nguetho in nde ga uhmbü ngue mixte
xan ho Oja, ngue bá jugahü bu ja ra
'bexui mi 'bühmbü, ne bi zixcahü bu ja rán
nequi mahotho ya. ¹⁰ Nu'bü mäm'bet'o mi
'bühmbü tengu'bü dyü hyoya t'uhnihü, ne
nuya dí 'bühmbü yü t'uhni gahü Oja. Pe nu
mäm'bet'o him mi pahmbü rá mate Oja, pe
nuya dá hämhü rá mate Oja ya.

Ga humbi ga öthü ngue yü mbefti gahü Oja

¹¹ Ma zi cu ahü, emme dadí huęc'ahü.
Janangue'a nts'edi dí xi'ahü ga öthü
tengu'bü hin dyü menguhü ua ja ra ximhäi,
hin ga öthü rá pähä ma nyon 'yomfënihü
ngue i örcahü ran shi ma mbüihü. ¹² Ne
thocpa thoho dam fähmbü dan 'yoman-
hohü, nguetho in nuju ü hingui pü Oja.
Ne madague'bü i enju dyü ts'om'bäihü, pe
xömhma thoho da zön ra pa da 'yëspa Oja
'bu bi nu ran hocjü i dí örpahü. Nguetho da
zä da xocpa yü mbüi Oja ü. ¹³ Ne ga öthü
a im man a ra ts'ut'abi ngue i 'bet'o ua ja
ma häihü, janangue'a da hnumanho ma
Hmuhä ra Cristo baya. ¹⁴ Ne'u mi'da to'o
gätho bi un yán t'ëdi ra ts'ut'abi, gätho ga
ëc'yëihü ü. Nguetho i ja yü ts'edi di ünba ü
to'o öt' yü ts'oqui, ne da numanho ü to'o öt'
ran ho. ¹⁵ Nguetho ne'a Oja rá pähä a 'bu dí
öthü a, ne gue'a dí 'yë'ts'ü yün c'ate im man
ü yü 'yambüi baya. ¹⁶ Nuya hingui örcahü
ra ts'edi ga tenhdü yán t'ëdi Oja, nguetho in
ndeju mpähä thoho ga tenhdü. Pe hin gam
bëmhbü gue'a ní jajü ga öthü yü ts'oqui a,
pe man'da ga öthü ngue yü mbefti gahü Oja.
¹⁷ Ne gan numanhohü gätho yü ja'i, ne ga

huec ma mi'yęc'yęi hę, ne gan numansuhę Oją, ne ga ęspahę ra ts'ęt'abi i 'bęt'o ua ma häihę.

Ga ętħu tengu bi 'yöt ra Cristo bin ęnbi nanguejħu

18 Gyę 'yęħęħu ne gyę mbęfiħu dami 'yęc'yęi ni hmuħu 'bę gadí zehmbu ę. Ne'ę yę hocjä'i ne'ę yę ts'om'bäi 'bę di ęn'nahu, gätho guin numansuhę ę. **19** Nguetho man'da da numanho ahę Oją 'bę gui hyäthu yęn ęnbi 'bę nte man ts'o gá 'yothu, pe bi ęn'nahu nangue guí tənhdu Oją. **20** Pe nu'bę gan nuhę ran ęnbi nangue ma ts'oquihę, ne ga häthu, pe hin gam bęmhbu ga tħembu n'da ran ho nangue'a. Høntho dá jut ma ts'oquihę. Pe nu'bę ga häthu ran ęnbi nangue ran ho dí ętħu, da numanhojħu Oją. **21** Oją bi zänni ga häthu yęn ęnbi tengu ra Cristo, bi nde bin ęnbi nanguejħu, ne bi 'yurcaħu 'bę'a ga ętħu. **22** Nguetho nu ra Cristo njäm'bę bi 'yöt' yę ts'oqui, ne njäm'bę bi man yę fəhni. **23** Ne nu'bę mi ts'ani, njäm'bę bi dädi. Nu'bę mi mba ma ęcpi, him bi ma dí co'ts'i. Him bi zu da zan yę ja'i, nguetho bi bądi Oją da numanho a. **24** Nu rá ja'i zehħe ra Cristo bi nu ran ęnbi nangue ma ts'oquihę 'bę mi 'dömp'ę ja ra za. Ne gue'a í thəgħahu ma ts'on 'yomfəniħu a, nguep ęda zä ga ętħu ran ho ya. Nu yęn ęnbi bi zä 'bę mi tho, gue'a í yanju a. **25** Nuju dá 'bęħmbu ra 'yu, tengu yę dę'yo. Pe nuya bá penju bę 'bəħ ma mbände'yohu, nu'a i färca ma mbəiħu.

3

Ran zofo bi sih yę xisu ne yá ndø

1 Nu'ahę gyę xisuħu, gui 'yęspa ni ndøseħu n'da ngu n'da ahu. Ne nu'bę 'da ni ndøħu hinguin nde da 'yęc'yęi rám hman Oją, pe nu'bę bi nu guí 'bəħmanħohu, xəmħma thoho da zəni da 'yęc'yęi ę, ne hinga hnəhi thoho ja a gui xiħmbu 'bę hinguin nde da 'yøde. **2** Nguetho da nu ahę gadim fäħmbu ngue guín numansuhę Oją, ne hin gui 'yomt'ęniħu. **3** Ne nu'bę guim bęni gan hoczehħu, pe nangue ni mbəiħu. Ne hin guim bęmhbu nangue 'bę'a gä i ja'ahu thi ngue dí neċmanho ahu, ogue ni yəħħu, ogue ni heħħu gui hojħu, ogue yę thebe, ogue yę ts'angu. **4** Pe gan hoczehħu ngue ni

mbəiħu, ngue di neċmanħoħo bę dá nu Oją, ngue hin di nequi, ne nu'a njäm'bę dim 'bę a. Ngue'a hin gan 'yęzeħħu, pe gan johyahu nangue Oją. Ne ęmmę xən ngu di muui bę nam bęn Oją a. **5** Ne njabu mi ęt' yę xisu mi 'bəħ maya'bę, ngue gue'ę yę 'yęc'yęi mi numansu Oją, nu'ę mi hoczehħe yá mbəi ngue mi numansu yá ndø. **6** Tengu ra Sara bi 'yęc'yęi a rá ndø ngue ra Abraham, ne bi 'yęmbi rá hmu. Nuya tengu'bę yá t'ixu ahu ra Sara 'bę gui ętħu 'bę'a mi ęt'e, ngue thocpa thoho gui 'yothu ran ho ne nte gui suħu. **7** Ne ngutho dí xi'ahu, man 'yohu ahu, dam 'bəħmanħohu ma xisuħu nangue ran 'yomfəni bi 'daju Oją. Ga pħambu hin'yę yá ts'edi yá ja'i ę yę xisu, janangue'a ga fäxhu ę. Ne gan numansuhę ę, nguetho n'dat'a rá mate Oją i conħui rá xisu n'da ran 'yohu, ngue n'dat'a ra te ma'da'yo. Ne nu'bę hin dam 'bəħmanho ma xisuħu, hin da 'yøħħo ma ndehu Oją 'bę.

Ga ętħu a di bęngħa ma mbəiħu Oją

8 Ne gätho għażu n'dat'a gam bęmhbu n'da ngu n'daju, ne gam bęmhbu tengu'bę 'da dá sähu 'bę'a i sā a n'da. Ne dan huęjja n'da ngu n'daju, ne din ja ma yembəiħu, ne hin dan 'yęzeħħu n'da ngu n'daju. **9** Ne hin ga cospahu ran ts'o 'bę 'bəi to da 'yørcħu ran ts'o, xin ga cospahu ran ts'ante 'bę 'bo'o da zanju. Pe ga äfħu ran jəpi tengu thoho i ørcħu Oją, bi zoncaħu di 'daju rán jəpi. **10** Nguetho nt'o't'i:

Hønt'a go to'o in nde dim 'bəħmanho, ne da nu yę pa xən ho,
pe i jatho da zəm rá jəni nangue ran ts'o,
ne xin da man yę fəhni.

11 Ne da hyę a ran ts'o, da 'yöt' ran ho.
Ne hin da nde dim 'bəħ yáñ saħħu, pe ęmmę da hyoni 'bep ędī hocpa rá mbəi rá mijä'iui.

12 Nguetho nu ra Hmu in numanho ę to i ęt'
ran ho,
ne i øħħanho 'bę ja a äpi,
pe gue da zə ę ęt' ran ts'o,
bi 'yən rá t'ohni. **13** Pe to'o maha di
ħəngħu 'bę dan ęxha ga ętħu ran ho. **14** Pe
madague'bę ga sähħu ran ę 'bę dí ętħu ran
ho, pe gue'a man'da ná tħimħbu rán ho Oją
a. Janangue'a hin ga suħu 'bę in nde di piji
ę 'da, xin da du ma mbəiħu. **15** Pe høntho

gan numansuhu ra Cristo mbo ma mbaihu, ngue ma Hmuha a. Ne thocpa thoho dan sähu ga xihmbu 'be'a dí ec'yeihu 'bu 'bo'o da 'yängahu. Pe jante thoho ga xihmbu ne gan numansuhu u. ¹⁶ Ne thocpa thoho ga øthu a di benga ma mbaihu Ojaq. Janangue'a da mbe'ts' yu sä to'o di c'aman'u ran ho dí øthu 'bu dí tenhdu ra Cristo. ¹⁷ Nguetho man'da xan ho 'bu gue'a ran ho ná sähu ran unbi, 'bu da nde Ojaq, xínda gue'bu ga sähu ran unbi nangue ma ts'oqui zehehhu. ¹⁸ Ne'a ra Cristo bin unbi, ne njam'bu bi 'yot' yu ts'oqui. Pe n'dandu thoho bi du nangue ma ts'oquihu, gueju dyu ts'om'baihu, nguetho bi nde da zixcahu bu bí 'bu Ojaq. Ne majuani bi tho rá ngoc'yei, pe nu rá mbai guexta'a mi 'bu. ¹⁹ Ne nu rá mbai ra Cristo 'bu mi du, bi mba bi zop yu mbai u xan du ngue ofädi. ²⁰ Ngue yu mbai yu ja'i nangue u ngue him bi 'yec'yei Ojaq 'bu maya'bu thoho. Pe Ojaq mi to'mi xtá 'yec'yei gätho ní 'yot' ra barco ra Noé. Guepu bi zä bin yan u zi hyato njai thoho, bi bong 'bu min ja ran ts'embu, nangue ra dehe ra dämbant'i. ²¹ Ne nu ran xixyu nam boni, neju dám pomhbu ran ts'embu nangue bi dämbeni ra Jesucristo. Ne nu ran xixyu hinguin nde da ma ngue i pa m'be't'e ma ja'ihu ngue ra häi, pe nam boni dí äfu Ojaq di hoga ma mbaihu. ²² Ne nuya, nu ra Jesucristo bi mba mahets'i, darbu di mandaui bu ja rá ts'edi Ojaq. Ne nu'u gätho yu ts'edi i 'bu i su a ra Cristo, nguetho hont'a i ja rá ts'edi xinda gue'u yum 'behni Ojaq mahets'i ne yu zithu.

4

Dan darbahu rá mate Ojaq

¹ M'be't'o thoho dan sähu din unba ma ngoc'yeihu tengu ra Cristo, ne gue'a ní täc yu ts'oqui a. Nguetho nu'a to bin unba rá ngoc'yei, him man da nde yu ts'oqui a. ² Ne gätho mi'da yu pa dí 'bu hmbu ua ja ra ximhäi, hin dám 'bu hmbu nangue ma pähä zehehhu, pe dam 'bu hmbu ga øthu rá pähä Ojaq. ³ Dá xot'a dá øthu rán tot'e ra ximhäi, midí hohu ran 'yomt'eni, ne mi øt' ma pähä zehehhu, ne mi minhdu, ne madín sixhu bu ja yu calle ne mi mbahmbu bu, ne dám munshu bu dám minhdu, ne mi thandehu yu pote, pegue Ojaq him bi zänni ga thandehu

u. ⁴ Ne nu'u 'bu cuja ja ra ximhäi hingui sä da bädi hanja hin dí øthu ran tonto tengu i øt'u, janangue'a i sanju u ya. ⁵ Pe Ojaq di unba u to i sanju, nguetho di juqanba Ojaq u 'bu ne'u xan du. ⁶ Ne nu yu ja'i xan du ya, bi sih ran ho ma'da'yo 'bu mi 'bu, ngue'a í zä bi un Ojaq ra te yu mbai u, madague'bu ya xan du yu ngoc'yei. Ne gue'a rán säui nangue yu ts'oqui, nangue gätho yu ja'i i tu. ⁷ Nuya bi zon ra pa ran zegui. Janangue'a dan 'yomfenihu xan ho, ne ga sämzehe ma mbaihu, ngue da zä thocpa thoho dan yaqhu Ojaq buya. ⁸ Ne m'be't'o thoho ga øthu ngue emme dan hueju n'da ngu n'daju. Nguetho nu'a to'o ja rán huecate, di punba rá ts'oqui rá mijai'ui, madague'bu xan ngu yu ts'oqui. ⁹ Dan säyabahu n'da ngu n'daju bu ja ma ngumhbu nangue ma pähä zehehhu. ¹⁰ Ne 'da dám fäxtahu n'da ngu n'daju nangue rá 'befi Ojaq 'dahma 'dan'yo bin 'daju, gue dan darbahu a rá mate Ojaq 'dahma 'dan'yo ngue dá hamhbu. ¹¹ Ne nu to bin tun ra 'befi da mamp'a rám hman Ojaq, da ma tengu'bu da guese Ojaq da ma. Nu to bin tun ra 'befi da mbäx'u mi'da, da mbäts'i nangue ra ts'edi xan ho bi un'na Ojaq. Ngue'a da nde dí 'yespa Ojaq a 'be'a gätho øt'e, nangue dí tenhdu ra Jesucristo, nu'a mixte thoho, ne i ja rá ts'edi gätho yu pa mazai.

Gan nuhu ran unbi nangue dí tenhdu ra Cristo

¹² Ma zi cu'ahu, hin ga hyonya thohohu 'bu i ts'äju yan unbi nts'edi, ne hin ga emhbu, hague in ja a ya. ¹³ Pe dan johya thohohu, nguetho dí comhbu yan unbi ra Cristo. Ne nu'bu bi nequi xan ho rá ts'edi, man'da xan ngu ran johya gan nuhu buya. ¹⁴ Nu'bu pa ma ugui gahu nangue dí tenhdu ra Cristo, pe majapi gahu, nguetho mixte thoho rá ts'edi rá Hogandaqhi Ojaq dín nuhu buya. Ne madague'bu di ucpa ra Cristo u 'da, pe nuju dí espahu a. ¹⁵ Pe nu'bu gan hotehu ne gam pehu, ogue n'da ran ts'o ga øthu, ogue sä dan thinthu 'be'a øt' ma mijai'ihu, ga pe't's' ma sähu 'bu, ne gan nuhu ran unbi nangue a ra ts'oqui dá øthu. ¹⁶ Pe nu'bu dín nuhu ran unbi nangue dí tenhdu ra Cristo, hin ga pe't's' ma sähu 'bu. Pe ga emfu jamadi Ojaq, ngue dí pahmbu ngue dí tenhdu ra Cristo. ¹⁷ Nguetho bi zon ra pa ya di du'mi øt'

rán ts'embí Ojá. Pe rá mbədi thoho gahá i ñorcahu ran ts'embí, ngue yá t'uhni gahá a. Pe ts'atho dín nuhá. Pe nu'u hingui ec'yéi rám hman Ojá, xan ngu 'be'a gä da nu u 'bu bi zon ra pa da 'yot'e xan ho rán ts'embí Ojá. ¹⁸ Ne emme xan ngu yan unbi gan nuhá bu dí pøju Ojá, ngue dyu 'yec'yéihá, nguetho ja'bú n'dandí hin dí ñohmbu a i xijá. Ne 'buh mi'da 'be xíngui ts'u nde da 'yode, ne i san Ojá. Ne nu'u hin da zä dim pø u. ¹⁹ Janangue'a nu'bú dí sähá yan unbi bi zängahá Ojá, pe ga däh ma mbuihá Ojá di jamansujá. Ne njam'bú da hyegahá, nguetho gue'a bi 'dajá ra te. Ne ga thoqui ga ñothu ran ho.

5

Dijamansu yá de'yo Ojá u yá ngurbi

¹ Nuya n'da ram hma dí xi'ahá, yá ngurbi ahá yá 'yec'yéi. Necä drá ngurbigä, dá nuse ra Cristo 'bú mi du, necä ga comhbú ran japi din 'dajá m'bejua. ² Ma mi ngurbi ahá dyu mbände'yohá, dí xi'ahá ya, jatho ga jamansuhá yá de'yo Ojá, nguetho 'yo ma güendahá ga jamansuhá u. Ne hin gam bëmhbu i t'ñorcahu ts'edi, pegue gam bëmhbu ma pähä zehéhá ga ñothu. Ne hin nangue a din jurgahá ngue dyu ngurbihá, pe nangue a dín numanho sehu a. ³ Ne hin ga sathohá yá t'uhni Ojá hapu dí 'buhmbu n'da ngu n'dajá, pe janate tho ga uthu ra 'yu nangue man t'ot'e zehéhá. ⁴ Ne nu'bú bi nequi ma Hmuuhá dyu mbände'yohá, di 'dajá ran japi ngue ga tähmbu, ngue hin jam'bú din thegue. ⁵ Ngutho ahá man 'yohá ahá, dami 'yec'yéihá 'be'a im man yá dac'yéi ngue ni ngurbihá. Ne gätho ahá gan umhbu da si ahá n'da ngu n'da ahá. Ne njam'bú gan 'yec'yéihá, nguetho:

Da zu Ojá a din 'yets'i,

pe di un rá mate a to'o hin din 'yets'i.

⁶ Janangue'a ga ñothu ngue hin'yá ma ts'edi zehéhá bu ja rá hmi Ojá, gam bëmhbu hønt'a ja rá ts'edi xínda guejá. Janangue'a da 'yescá zehéhá Ojá 'bú bi zon ra pa. ⁷ Ne ga xihmbu Ojá gätho ma dumbuihá, nguetho di jamansujá a. ⁸ Damín äthahá xan ho, ngue damím fähmbu, nguetho nu man saihá ra zíthu i 'yo ua, tengu n'da ra zate i 'yo, in cué, i honi to'o da za. ⁹ Pe dami sahmbu a ra zíthu

nangue rá ts'edi Ojá guí ec'yéihá. Ne gam bëmhbu ngue n'dat'u yan unbi dín nuhá ma mi'yec'yéihá ngue gätho ra ximhäi. ¹⁰ Pe nu Ojá emme xan ngu rá mate, bi zoncahu ga comhbú rá ts'edi mixte gätho yá pa mazai, nangue dí 'buhmbu ra Cristo. Pe m'bet'o thoho dan unbahá ts'u, ngue di hoga ma mbuihá Ojá, ne di hat ra ts'edi ma mbuihá, ne di jajá dan zämhbu xan ho bu. ¹¹ Nu Ojá nte hëmbi, gätho da zä da 'yot'e, gätho yá pa mazai. Ne gue'a gam bëmhbu a ya.

Rán zegui ran zengua

¹² Dí penh'nahá ra sòcuá i ja ua, ngue da gax a ra Silas, nuna n'da ma cuhá ngue da zä ga ec'yéihá a man a. Nuna ra sòcuá ja ua, hingui ngu 'be'a ma, n'da ran zofo thoho, ne dí xi'ahá majuani rá mate Ojá a guí tenhdá. Janangue'a damín zämhbu bu. ¹³ I penh'nahá ran zengua ni cuhá i 'bucua Babilonia, nthahni nangue Ojá, tengu ahá. Nehna ra Xuua Marcos di zengua ahá, tengu'bú ma ts'unt'u na. ¹⁴ Ne zai gan zohmbu n'da ngu n'da ahá nangue ran huçcate. Ne dín nde da hyu ni mbuihá nangue guí tenhdá ra Cristo. Ne gue'a gam bëmhbu a ya. Hønt'a dí xi'ahá ya.

2 PEDRO

Ná yoho ra s̄ocuā bi 'yo't'a ra Pedro

Ran zengua

¹ Nugä dra Simón Pedrogä, rá 'yεhεgä ra Jesucristo, nε ma 'bäigä'be a. Dí pεnh'nahü ra s̄ocuā ja ua, ngue gätho n'dat'a dí εc'yεihü a bi zängahü Ojä. Nε 'da nan zimanhogdahü Ojä, nguetho 'da í hoga thohohü ra Jesucristo, nu'a ma Ojahü a nε mam p̄orpatehu a. ² Dí äp Ojä man'da gui pähmbü a, nε ma Hmuhü ra Jesús. Nε man'da gui hyämhü rá mate, nε man'da da hyu ni mbüihü buya.

Nu Ojä i ørcahü dan jahü tengü a

³ Nu rá ts'edi Ojä bi 'dajü 'bε'a gätho ga homhbü ngue dam 'bähmbü ra 'da'yom'bui, janangue'a bi zä bü dá tēnhdü Ojä. Nguetho dá pähmbü a bi zoncahü 'darbü dam 'bähmbü bü bí ja rá ts'edi mixte. ⁴ Nε nangue rá ts'edi i ørcahü ran ho mixte thoho ngue mím ma, nguetho i ørcahü dan jahü tengü a, ngue in yanju bü ja rá ts'o'yu ra ximhäi i øt' ran ts'iylate. ⁵ Nε nu'bü dá pähmbü in yanju Ojä nangue ra ts'o'yu, εmme ga hadumbüihü ga øthü 'bε'a mangua 'bü. Ya dí εc'yεihü rá mate bi hogahü. Pε hinga hønt'a, nuya ga øthü yü hogant'øt'e. Nε hinga hønt'a ga øthü yü hogan t'øt'e, pε man'da ga homhbü dan xähmbü ga pähmbü rá 'yu Ojä. ⁶ Nε hinga hønt'a dan xähmbü rá 'yu Ojä, pε man'da ga sámzehü ma mbüihü. Nε hinga hønt'a ga sámzehü ma mbüihü, nε man'da ga sëthü. Nε hinga hønt'a ga sëthü, nε man'da hønt'a Ojä gam bëmhü. ⁷ Nε hinga hønt'a ga øthü ngue gam bëmhü Ojä, nε man'da ga fäx ma mi 'yεc'yεihü. Nε hinga hønt'a ga fäx ma mi 'yεc'yεihü, nε man'da ga huεjü gätho yü ja'i. ⁸ Nε nu'bü εmme ga humbi ga øthü im mangua, dyü hoga mbefi gahü a ma Hmuhü 'bü, nε da zä ga fäx ma mi ja'i buya, nguetho dí pähma Hmuhü ra Jesucristo. ⁹ Pε nu'bü hin ga øthü im mangua, hin dí cüthü xän ho ran nequi ma mbüihü 'bü. Nguetho dí pumbëni thohü ngue m'be't'e ma mbüihü nangue yü ts'oqui mi øthü. ¹⁰ Pε ma zi cu'ahü, εmme

ga hadumbüihü ga uhmbü ngue yá thahni gahü Ojä, ngue bi zoncahü a. Nε nu'bü din jabü ga øthü, hin hapü ga tñjü 'bü. ¹¹ Nε din johya Ojä 'bü dá cüthü bü di manda rá ts'edi mazai a ma Yañtehü ma Hmuhü ra Jesucristo buya. ¹² Janangue'a thocpa thoho dín nde ga bən'nahü na mangua, madague'bü guí pähmahü a, nε guí zanthalü bü ja ram hma majuäni ngue bi si ahü. ¹³ Pε man'da xän ho 'bü ga thoqui ga 'yomfëni ahü, ngue gätho yü pa dí 'bäcä ua gätho ma ngöc'yëi, ga ja ahü guim bëmhü a dá xi'ahü. ¹⁴ Nguetho mits'ütho da zön ra pa ngue ga soh ma ngöc'yëi, ngubü bi xicä ma Hmuhü ra Jesucristo. ¹⁵ Janangue εmme dí humbi dí xi'ahü, n'damhma thocpa thoho guim bëmhü a 'bü dá mbagä.

Dá nuhe rá ts'edi mixte ra Cristo ngue ma däsehe

¹⁶ Nugä xtá xi'ahü nangue rá ts'edi ma Hmuhü ra Jesucristo, din ja 'bü bá εcua mahøn'a a. Hinga ngu mi'da yü ja'i im bënsë 'da yü cuento ngue ní hyät'a n'da. Pε nu'a dá nuhe, gue'a dím mamhbe a. Nε gue'a xtá xi'ahü a, nguetho dá nusehe rá ts'edi mixte ra Cristo ngue ma däsehe. ¹⁷ Gue'bü má øhmbe n'dandü rá nde Ojä bí 'yεh mahëts'i mixte thoho, nε gue'a í 'yεspa a rá Ts'unt'ü 'bü mi 'yëna: "Guehna ma Ts'unt'ugä na, ngue εmme dadí huëcä na, nε ní hyu ma mbüi na," bi 'yën Ojä. Nε bi japi εmme bi necthoho. ¹⁸ Nε majuäni dá øhmbe rá nde Ojä bí 'yεh mahëts'i, nguetho 'darbü mi 'bähmbü ra Jesucristo bü ja ra t'øhø guepu bin yä. ¹⁹ Janangue'a man'da da zä ga pähmbü majuäni a mi hmam bü ja yü s̄ocuā yü pøngahyä maya'bü, ngue mi ma nangue ra Cristo ba εhë, nε din ja rá ts'edi mixte. Nε nu ram hma man t'o't'i, xän ho 'bü thocpa thoho ga honi ga pähmbü, tengü'bü ra nyot'i di yot'ua ja ra 'bëxui, gue'bü go bi zön ra pa ngue da mbüdi gan nuhü yü hmëpya ngue udi ya ba εpü ra Hmu, ga pähmbü xän ho 'bε'a man t'o't'i buya. ²⁰ Nε m'bët'o thoho ga pähmbü ngue xíngä n'da ra ja'i sä da bësë n'da rá t'ohni Ojä 'bü hin nangue a rá Hogandähi di zëdi. ²¹ Nguetho nu'ü yü pøngahyä Ojä ma'ueque yü mbüi, him bi bënsë a ram hma bi 'yo't'ü, pε guesë a rá

Hogandähi Ojä bi bęnbi 'be'a bi 'yo't' 'ba mi 'yo't' rám hman Ojä .

2

Dim 'buh yu hyäte xänbate

¹ Ne mi 'buhmbu 'da yu hyäte pøngahyä yu ja'i israel maya'bä, ngutho ahä, gam 'buhmbu 'da yu hyäte xänbate. Ne yu zändate tho, nguetho di cä't' yám hmansë 'bu im man rám hman Ojä. Ne nangue u yám hma dím 'be'a n'da . Ne hingui örpa rá pähä a ra Hmu ngue bi gurba yá ts'oqui. Janangue a ja xän dämbeni, ya xím 'bedi. ² Ne xän ngu da dën'na dí 'yøt' yá pähäzehe u yu hyäte xänbate. Janangue da mba nthenni thoho a ra 'yu majuani.

³ Ne emme da nde da hyä ahä nangue yám hma mahotho, nguetho da nde gui juthä . Pe ya maya'bä thoho bi ts'anni da nu yu unbi , tengu øt'u, ne guehma da nu nguetho hingui pa ma pumbeni 'be'a da nu. ⁴ Nguetho xínga gue'u yám 'behni Ojä mahets'i bi yäm 'bu mi 'yøt' ra ts'oqui. Ne u bi hyøtpu ja ra 'bexui, bi dat'i con yu cadena, guepu bi got'u, da dømp'u ran juanbi.

⁵ Ne xím bi yan yu ja'i 'bu maya'bä a Ojä, hinda hønt'a ra Noé, ngue bi 'yec'yëi Ojä, ne bi xih yu ja'i xtá 'yøt' ran ho. Ne hønt'u yotonja'i min 'yohä ra Noé bi yan Ojä 'bu mam bá pønh ra 'ye, bin ja ra dämbunt'i gätho ra ximhäi nangue u yu ts'om'bäi mi 'bu.

⁶ Ximangutho a ra hnini Sodoma ne Gomorra, bi nu ran ts'embu ne bi gohi bim 'bospi . Janangue'a nu Ojä i urcahu 'be'a din jap u yu ja'i hinguin nde da dën Ojä. ⁷ Pe bi yan a ra Lot ra hocja'i a. Ne nu'a emme madin xombai nangue u yán t'øt'e u mi sänzehé 'be'a mi øt'e.

⁸ Ne emme madi unba rá mbai a ra hocja'i, nguetho n'dapa ngu n'dapa min nu yún t'øt'e xun ts'o ne mi øh yá ts'ore 'bu 'darbu mi 'buhmbu bu ra hnini Sodoma.

⁹ Janangue'a dí pähmbu ja rá ts'edi Ojä i färpa yá mbai u to'o mben Ojä, hin da 'yøt'e tengu øt' yu ts'om'bäi 'bu 'darbu i 'buhmbu.

Ne i ja rá ts'edi Ojä da gorbu ja ran unbi u yu ts'om'bäi, ne ya in nu ya gätho yu pa tømp'u ran juanbi . ¹⁰ Ne nu'u da i örpa yá pähä yá ngoc'yëi, man'da da nu ran unbi . Pe di ts'on yá mbai ngue i øzehé yá pähä zehé, ne i san ma Hmuuhä ra Cristo.

Nu'u yu zambai , ne yu'n 'yëts'i , i thenda

to'o ja yán t'ødi, ne hingui su.

¹¹ Pe nu yám 'behni Ojä mahets'i man'da i ja yu ts'edi ne yán t'ødi xinda gue'u yu'n 'yohä i sante, pe i su di cospa ran ts'ante u go i sante, nguepu ja rá hmi Ojä.

¹² Tengu yu zu'uë i 'bucua ja ra ximhäi, i ts'änba u ngue da fent'i ne ma zä dim 'bedi, ne ngutho u yu hyäte xänbate.

Ne i sani 'be'a hingui padi. Ne nu'bä bi du, hønt'a ran unbi mazai da nu.

¹³ I øt' ran ts'o, pe hønt'a ran unbi da dähqä. Ne im bëni ngue ran johya 'bu di thoc'a ní 'yøt' yá pähä zehé gära pa.

Ne nu'u tengu yu'n ts'oni ne yu mbüdi bu guidim petihä, nguetho di johya i øt' yá pähäzehe 'bu güi sihmehä .

¹⁴ Ne hønt'a ran 'yomt'eni im bëm 'bu i hand yu xisu, ne njam'bä sä da 'yëts' yá ts'oqui.

I hät'u 'da hinga na ec'yëi xän ho, nguetho nu'u thocpa thoho yu ziyyate.

Pe Ojä di unba .

¹⁵ Nguetho bi zoh ra 'yu xän juani, bi mbase bu ma'ueni.

Ne i ten ra 'yu mi ten ra pøngahyä Balaam, rá ts'ant'u a ra Beor, nu'a emme madi ho din ju'ti nangue yu ts'oqui mi øt'e.

¹⁶ Pe bi hecpa Ojä 'bu n'dandj, ngue bi japi bin yä rá fani hingui sä din yä.

Pe bin yä rá fani ngue bi hecpa a ra pøngahyä, ngue hin da 'yøt'a ra ts'oqui mi ena xtá 'yøt'e.

¹⁷ Pe nuya yu hyäte ya, tengu n'da ra hyädo ena i po bu ra dehe, pe nte po bu.

Ne tengu yu güi i tuxta ran dähi, sä ena din 'ye.

Ne nts'anni ra 'bexui man'da xäm pothi da nu , tengu , gätho yu pa mazai.

¹⁸ Nguetho emme xängu 'be'a ma, pe hin'yu 'be'a nam bøni.

Ne i hät yu ja'i mi ena xtá 'uepu ja ra ts'o'yu.

Ne xø i xifi dá 'yøthä yu ts'oqui, ne emme da 'yørpa yá pähä yá ngoc'yëi, ne im bëni nte din japi.

¹⁹ Ne i xifi, mathøgue thoho ahä, njon da zamp ahä 'bu gui tengahé, sä ena.

Pe i fehni , nguetho guesu u i sam ra zithu .

Nguetho nu'bä bi däp ra ts'oqui n'da ra ja'i, ya rá 'yëhë ra zithu a buya, ne hingui sä da mba mathøgue nangue yu ts'oqui.

²⁰ Nguetho nu'bä n'da ra ja'i bin yan nangue rá ts'o'yu ra ximhäi, nangue bin xäh rám hma ma Hmuuhä mam pøtehu ra Jesucristo, pe nu'bä da mbengui mahøn'a, hingui sä da bøm bu ja yu ts'oqui mahøn'a a.

Ne nubuya man'da xän ts'o da 'yøt'e xinda gue'a mi øt' 'bu him mi pah ra Cristo.

²¹ Janangue'a nu'u to bi mbenc 'bu ya mi da'mi da ba'a ra hoga'yu, man'da xän ho 'bu hin xtí da'mi, nguetho bi

hyεtho rá hogant'εdi Ojä 'bä mi sänbi. ²² Nε bi 'yøt'e tengu man t'o't'i: "Tengu'bä n'da ra fo'yo bi zi mahøn'a yá ts'odi xí zani. Nε tengu'bä n'da ra ts'udi bi 'yo mahøn'a ra böhäi 'bä xín hi."

3

Ra Cristo bi ma majuqni ba εh mahøn'a

¹ Ná yoho na ra søcuä dí ot'ahä ya, ma zi cu'ahä. Nε nu gätho yoho yä søcuä n'dat'a dím bëni man'da ga bën'na ni hogan 'yomfønihä. ² N'damhma guim bëmhba yäm hma mi ma mam'bët'o yä pøngahyä Ojä. Nε guim bëmhba mam hmamhbe dä xi'ahe, ma 'bäi gähe ma Hmuhä ra Jesucristo, ne ma pørpatehä a. ³ M'bët'o thoho ga pähmbä 'bë'a din ja 'bä rán zegui yä pa. Di nequi 'da yä 'yøspate da denthoho ra 'yu majuqni, gue'ä zai øt' yä pähä zehé. ⁴ Nε da 'yøna: "Hapä gán yäähä ngue bi xi'ahä ra Jesucristo ba εh mahøn'a, ne hin jäm'bä i sä ba εhë. Ne gue'bä go mi 'bä ndu ma ngürba bøtahä maya'bä thoho, guexta'a i ja, gue'bä go rá mbëdi ra ximhäi," da 'yøna. ⁵ Pe nu'ä 'da i εna, i εna nguetho di pumbëni tho 'bë'a bin ja maya'bä, ne hinguin nde da bødi, ngue bi juah ra ximhäi Ojä nangue ra dämbänt'i. Nguetho xí 'yøt' Ojä mahøts'i ne ra ximhäi nangue rám hma. Nε bi japi bi bøx pü ja ra dehe a ra häi, ne gue'a ra dehe ín 'yøt' ra häi. ⁶ Pe guet'a ra dehe bi juah ra ximhäi mi ja, ngue bi mbänt'i. ⁷ Nε nuya mahøts'i ne ra ximhäi ngue i ja ya, Ojä i sänni di juadi mahøn'a. Pe i tø'mi da zøn ra pa ngue bi ma ba penh ra sibi ua ja ra häi, gue'a ran εnbi da 'yøt'a Ojä a nangue yäts'om'bäi. ⁸ Ma zi cu'ahä, hin ga pumbëni thohä ngue nu'a dí εmfä n'da mahuähi njøya, da zä da 'yøn Ojä n'dapa tho bä nam bën a, ne nu'a dí εmfä n'dapa thoho, da zä da 'yøn Ojä n'da mahuähi njøya bä nam bën a. ⁹ Nε hingui dñhyøi Ojä tengu im man i 'da, guemhma da 'yøt'e 'bë'a bi ma da 'yøt'e. Pe i tøgbahä Ojä da zøni ga coh ma mbäihä, nguetho in nde xíngä n'da dam 'bëhmbä. ¹⁰ Pe nu'bä bá εh ra Hmu, tengu'bä ba ε'a n'da ra bë 'bä bin xui, hinga mfädi 'bë'a ma ora da zøhø. Nε di juadi gätho a di nequi mahøts'i, εmme din thoni ndøspi, ne gätho 'bë'a i ja da mbänt'i ngue nám pa. Nε gätho

ra häi, ne gätho 'bë'a bi 'yøt' yä ja'i ua ja ra häi, gätho din zø a. ¹¹ Janangue'a nte man ts'o da bën ma mbäihä, ne thocpa thoho gan numansuhä Ojä, nguetho dí pähmbä da mbänt' ra ximhäi ra sibi. ¹² Nε nuya dín dømdahä da zøn ra pa bi man Ojä, ngue da 'yuh mahøts'i, ne dim 'bëdi gätho jabä. Nε din hyøgui 'bë'a gätho i ja nangue ra sibi. Nε dí xønhda din ja n'dihi a. ¹³ Nguetho dí tømdahä ma'da'yo mahøts'i ne ra ximhäi, tengu bi ma majuqni Ojä, ngue din zäm bä ran ho. ¹⁴ Janangue'a, ma zi cu'ahä, nu'bä dí tømhba ngue din ja, ga humbi gan nde da numanhojä ra Cristo 'bä bá εhë da 'yøt' ran ts'ut'abi. Nε nte man ts'oni, ne nte man dupate da dñgahä 'bä bá εh pøya. ¹⁵ Nε gam bëmhba ngue i set rá mbui Ojä, i tø'mi dim pø'ä 'bæcua ja ra ximhäi. Tengu thoho bi 'yot'ahä ma zi cuhä ra Pablo nangue rán 'yomføni bi un Ojä. ¹⁶ Nε mbe gätho yä søcuä bi 'yøt'i im ma tengu dí ot'ahä ya. Pe xun hëi da fädi 'bë'a nam bøn'i 'da yäm hma bi 'yøt'a ra Pablo. Nε 'bä'i 'da him bin xädi ne him bin zäm bä ja ram hma. Janangue'a nu'bä sä im man'a rá t'ohni ra Pablo, ogue mi'da yä t'ohni Ojä, pe hinga gue'a bä na hma. Nε gue'a ím 'bë'i 'da a. ¹⁷ Pe nu'ahä guí pähmbä ngue ngubä da 'yøt'i 'da yä ja'i. Janangue'a gam fähmbä hin da zix'ahä bä rá 'yu Ojä gmí zämhbä, guepä i yä u yä ja'i i honse yäm hmansø. ¹⁸ Pe man'da damí pähmbä rá mate ma Hmuhä ra Jesucristo, ne ma pørpatehä a. Nε nu'a ga εspahä a ya, ne gätho yä pa mazai. Nε gue'a gam bëmhba a ya. Hønt'a dí xi'ahä ya.

1 XUUA

Ná n'da ra səcuə bi 'yo't'a rá 'bäiui ra Jesucristo ra Xuua

Ram Hma ngue di 'daj₄ ra 'da'yote

¹ Nu'a mí 'b₄ 'b₄ rá mb₄di thoho, gue'a dá h̄ethe ma dähe, ne dá Øhmbe a bi ma, ne dá nuhe x₄n ho, ne dá thähmbe ma 'ȳhe. Ne gue'a ra Jesucristo a, rám Hma Oj₄ ngue bi ma di 'daj₄ ra 'da'yote. ² Nguetho nu'a di 'daj₄ ra 'da'yote bin 'yuse gue bin ja'i, ne dá nuhe, janangue'a dí mamhbe majuəni a bin ja, ne dí xi ah₄ ya gue zai xmí 'b₄i ne zai dim 'b₄i. Mam bí 'b₄hmi rá Ta nguetho n'dat' Oj₄ a, ne bin 'yuse ua dí 'b₄hmb₄. ³ Ne nu'a dá nuhe ne dá Øhmbe a bi ma, gue'a dí xi ahe a ya, n'dahma ne'ah₄ gui pahmh₄ a, ne gätho dan yamanhoh₄ a ra Ta ne rá Ts'unt'₄ ra Jesucristo. ⁴ Guehna dí ot'ah₄ na ya, n'damhma ne'ah₄ din ja ah₄ ran johya x₄n ho.

Nu Oj₄ ran Nəqui a

⁵ Nu'a Oj₄ ran Nəqui a, nde da ma x₄n hotho a, ne hin'y₄ ra 'bexui nangue'a. Ne gue'a ram hma bi xije ra Jesucristo, ne gue'a dí xi'ah₄ a ya. ⁶ Sä dí ɬmh₄ dí yamanhoh₄ ra Jesú, pe nu'b₄ guexta'a dí 'yoh₄ b₄ ja ra 'bexui, dí fehnih₄ 'b₄, nguetho hín dí Øth₄ a rán säui a majuəni. ⁷ Pe nu'b₄ majuəni dí 'yoh₄ b₄ ja ran nequi guep₄ 'b₄ Oj₄, hin'y₄ 'b₄ a ga ɬhmb₄ b₄, ne dí yamanhoh₄ a 'b₄, ne nu rá ji ra Jesú rá Ts'unt'₄ Oj₄, thocpa thoho i thugah₄ gätho ma ts'oquih₄ a. ⁸ Pe nu'b₄ sä dí ɬmh₄ hin'y₄ gah₄ ra ts'oqui, dadín hyäzehēh₄ 'b₄, nguetho hin dá c₄'t' ma mb₄ih₄ a majuəni. ⁹ Pe nu'b₄ ga mamh₄ ma ts'oquih₄, gue hingui ho dá Øth₄, da zä di pungah₄ Oj₄ nangue ra Cristo bi gut'i, ne da mbercah₄ gätho ran ts'o, tengu mím ma. ¹⁰ Pe nu'b₄ sä dí ɬmh₄ hin te dá Øth₄ y₄ ts'oqui, dí nubethänih₄ Oj₄ 'b₄, nguetho bi 'ȳen Oj₄ gätho bi 'yøt' y₄ ts'oqui. Pe xíngui ts'₄ dí c₄'t' ma mb₄ih₄ rám hman a 'b₄.

2

Ma hocpateh₄ a ra Jesucristo

¹ Ma zi t'uhni ah₄ gue dy₄ 'ȳc'ȳeih₄, dí ot'ah₄ ra səcuə i ja ua, dadí hec'ah₄ hin gui 'yøth₄ y₄ ts'oqui. Pe nu'b₄ ga Øth₄ n'da ra ts'oqui, gue him majuəni dí numanhoh₄, pe dí 'bähmb₄ ma Hocpateh₄ din hocpaui b₄ 'b₄h ra Ta, ra Jesucristo, ra Hocj₄'i a. ² Nguetho gues₄ a ran t'unni a di hogma ts'oquih₄. Ne hinga høngdah₄ in nde di hogah₄, pe gätho y₄ ts'oqui ja ua ja ra ximhæi in nde di hoqui nangue bi du ra Cristo. ³ Nu'b₄ majuəni dí Øth₄ u yún t'ëdi Oj₄, da zä ga pahmb₄ gue dí yamanhoh₄ a b₄ya. ⁴ Pe sä ɬn i 'da: "Dí pacä Oj₄," ɬn u, pe fehni u ne hingui Ørpa yún t'ëdi, ne hin di c₄'t' rá mb₄i a majuəni. ⁵ Pe nu'b₄ i Øt'a man Oj₄ n'da, hinga ndetho bi huëc Oj₄ n'da 'b₄, pe bi bømanho a bi 'yørpe. Ga xi ah₄ ya 'bep₄ dán zä ga pahmb₄ 'b₄ majuəni dí 'bähmb₄ a ra Cristo. ⁶ Nguetho nu'b₄ ɬn'a n'da gue i 'bähmi ra Cristo, "jatho ga Øt'ä tengu bi 'yøt' ra Cristo," da 'ȳns₄ 'b₄. ⁷ Ma zi cu ah₄, nu ran t'ëdi dí ot'ah₄ gue dan huëj₄, him ma'da'yo a, pęgue guet'a ram hma mb₄di bi sij₄ maya'b₄, 'b₄ ra mb₄di thoho dá pahmb₄ ra Cristo. ⁸ Pęgue tengu 'b₄ ma'da'yo a, nguetho janaguehya dí Øth₄ ya tengu bi 'yøt' ra Cristo. Nguetho bi d₄'mi dí 'uegah₄ ra 'bexui ma mb₄ih₄ ra nyot'i majuəni. ⁹ Nu'b₄ sä ɬn'a n'da i 'bep₄ ja ran nequi, ne i san rá cu, pe guexta b₄ ja ra 'bexui i 'b₄ 'b₄. ¹⁰ Ne nu'a to'o di huëc rá cu, bin zäm b₄ ja ran nequi a, ne nu'a hin hap₄ da dänc'a. ¹¹ Pe nu'a to'o san rá cu, i 'bep₄ ja ra 'bexui a, ne i zäm b₄. Hingui sä da bädi nda'a x₄n ho, nguetho bi 'berpa ran 'yomfëni a ra 'bexui. ¹² Dí ot'ah₄ ma zi t'uhni ah₄, nguetho dí pädi x₄ pun'na ni ts'oquih₄, bi hoc'ah₄ ra Cristo. ¹³ Ne nuya 'da ah₄ dy₄ däc'ȳeih₄, dí ot'ah₄ nguetho dí pädi guí pahmb₄ a mí 'b₄i gue'b₄ rá mb₄di thoho. Ne 'da ah₄ gy₄ ts'unt'uh₄, dí ot'ah₄ nguetho dí pädi gá taf₄ ra zithu. Ne xø dí ot'ah₄ ya gätho ah₄ ma zi t'uhni ah₄, nguetho gätho gah₄ dá pahmb₄ ra Ta. ¹⁴ Ne xø dí ot'ah₄, dy₄ däc'ȳeih₄, nguetho dí pädi gá pahmb₄ a mí 'b₄i gue'b₄ rá mb₄di thoho. Ne xø dí ot'ah₄ gy₄ ts'unt'uh₄, nguetho dí pädi i ja ni ts'edih₄ gá taf₄ ra zithu, nangue rám hman Oj₄ thocpa thoho guím b̄emhb₄. ¹⁵ O guídí hoh₄ rá pähä ra ximhæi, gue hin

gui 'yøt' ni pähä zehet. Nguetho nu'bä dadí ho ma pähä zehet, hin dadi hohä Oja 'ba. ¹⁶ Nguetho nu'ä yá pähä ra ximhäi, gätho him bi zän Oja ä, 'be'a gä di ho ní ngøc'yëi n'da, ne ní dä n'da di ho 'be'a gätho in nu nde da mbezehe, ne'bä im bëni jasë rán 'yomfëni n'da. Pe nu'ä bi nequidä ua ja ra ximhäi ä tengu ä. ¹⁷ Pe nu ra ximhäi ní mba bä da guadi, ne'ä yän 'yomfëni ra ximhäi da gua'ä. Pe nu'ä örpa rá pähä Oja, dim 'bämanho gätho yä pa mazai.

Ba eh rán sëiui ra Cristo

¹⁸ Ma zi t'uhni ahä, rán zëgui ya. Ne xtá øhmbä ngue di nequi n'da rán sëiui ra Cristo. Ne nuya bi mbädi bi nequi xän ngu yá mfäts'iha a rán sëiui ra Cristo. Janangue'a dí pähmbä mbe rán zëgui ya. ¹⁹ Ne gue'ä 'da xäm böngua dí 'bähmbä. Pe him majuäni ma mi'yec'yëihä ä, nguetho nu'bä majuäni ma cuhä ä, hin xtá 'ue ä 'ba. Pe bi bøn'ä janangue'a bi 'yuse gue him majuäni ma cuhä ä gätho ä bi bøni. ²⁰ Pe nu ahä bi 'dajä rá Hogandähi Oja a ra Cristo. Janangue'a gätho gahä dí pähmbä nda'a majuäni. ²¹ Dí ot'ahä na, pe hin dí èn'i hin guí pähmbä a majuäni. Pe guí pähmbä a, ne guí pähmbä hinguin 'youi ra fëhni a majuäni. ²² Nu'a gue èna hing ra Cristo a ra Jesùs, e gue'a ra ngurpa fëhni a, ne rán sëiui Oja a, nguetho i èna hing rá Ts'unt'ä Oja a ra Jesucristo, ne xíngui èc'yëiba a rá Ta bëya. ²³ Nguetho nu'a to'o hingui èc'yëi ra Cristo rá Ts'unt'ä Oja xínga gue'a Oja rá Ta i padi. Pe nu'a to'o èc'yëi rá Ts'unt'ä ne'a rá Ta i pärpa a bëya. ²⁴ Ne nu'a 'be'a gätho dá øhmbä ra mbädi dá pähmbä ra Cristo, ga thoqui gam bëmhba a. Nguetho nu'bä dí thoqui dím bëmhba a, zai dí 'bähmbä a ra Ts'unt'ä ne'a rá Ta bëya. ²⁵ Ne bi xijä majuäni di 'dajä ra 'da'yote gue i ja ya ne njäm'bä da guadi. ²⁶ Guehna dí ot'ahä na, nguetho 'ba i 'da in nde da hyä ahä. ²⁷ Pe nu ahä, nu'a rá Hogandähi bi 'dajä ra Jesucristo bin zäm bëma mbüihä a, ne guesë a i xängahä gätho 'be'a man Oja. Janangue'a him mahyon to'o da xängahä yún thehä. Ne nu'a i xängahä rá Hogandähi Oja majuäni a, hing ra fëhni a. Ne di bëngahä dan zämhbä bëh ra Cristo. ²⁸ Ne nuya ma zi t'uhni ahä, damin

zämhbä bëh ra Cristo, n'damhma dan johyahä 'ba dá nuhä ne hin ga pes' ma sähä. ²⁹ Nu'bä dí pähmbä gue xän ho Oja, ngutho ga pähmbä gue bim 'bäi ma'da'yo nangue Oja ä to'o gätho i øt' ran ho.

3

Yá t'uhnidahä Oja

¹ Dyä 'yec'yëihä, gam bëmhba gue èmmë xän ngu rán huëcate ra Ta, ngue bi 'yøt'e ngue yá t'uhnidahä a. Janangue'a hingui pajä i ten ra ximhäi, nguetho njäm'bä mi pa Oja. ² Ma zi t'uhni ahä, nuya yá t'uhnidahä Oja. Ne hinga na urcahä hague dán jahä m'bëjua. Pe nu'bä bi nequi 'be'a da 'yørcahä, dí pähmbä dan jahä tengu ra Cristo, nguetho da zä ga pähmbä hague majuäni in ja a ra Cristo. ³ Ne n'da ngu n'dajä 'ba dí tømhba dan jahä tengu ra Cristo, janangue'a dadín hoc zëhe ma mbüihä, dín ndehä da gohi xän ho tengu ra Cristo. ⁴ Nu'a to'o øt' ra ts'oqui i festhoho rán t'ëdi Oja, nguetho nu'a ra ts'oqui nam bøni ram fe'ts'i nangue yän t'ëdi. ⁵ Pe dí pähmbä bi zöcua ra Cristo gue di 'berca ma ts'oquihä. Ne nu'a ra Cristo hin'yä rá ts'oqui a. ⁶ Nu'bä zai 'bähmi ra Cristo n'da, hingui nde da 'yøt' yä ts'oqui a. Pe nu'bä bin zäm bëja yä ts'oqui n'da, njäm'bä bi ca't' rá mbüi hague in ja a ra Cristo, ne njäm'bä bi ndepe di hocpa rá mbüi. ⁷ Ma zi t'uhni ahä, njon gui jafä da hyä ahä, nguetho hønt'ä gue zai øt' ran ho bi mba mahoqui ä ne xän ho ä tengu ra Cristo. ⁸ Pe nu'a zai øt' ran ts'o, rá 'yëhe ra zïthu a. Nguetho nu ra zïthu zai øt' ra ts'oqui gue'bä go rá mbädi thoho. Ne gue'a í zöcua ja ra ximhäi rá Ts'unt'ä Oja, gue di ts'onba rá 'befi ra zïthu. ⁹ Nu'ä to'o bim 'bäi mahøn'a nangue Oja, hingan zai øt yä ts'oqui ä, nguetho í hyäxta Oja yä ta gue ra hogambäi. Hingui sä din zäm bëja yä ts'oqui nguetho bim 'bäi mahøn'a nangue Oja. ¹⁰ Da zä ga pähmbä nda'ä yä t'uhni Oja ne nda'ä yä t'uhni ra zïthu. Nguetho nu'ä to'o bin zäm bëja ra ts'oqui, ne hin di huëc yä cu, hing yä t'uhni Oja ä.

Dan huëju n'da ngu n'dajä

¹¹ Nguetho guehna ran t'ëdi bi sijä 'ba rá mbädi dá pähmbä ra Cristo, ngue dan

huej^u n'da ngu n'daj^u. ¹² Ne hin ga øth^u a bi 'yøt'a ra Caín gue í hyäxta a rám 'bäi ra zj^uthu ne bi hyo rán 'yoh^u. Hanja ngue bi hyo a. Nguetho hingui ho rá mb^uai a, janangue'a bi hyo rán 'yoh^u ngue x^un ho rá mb^uai a. ¹³ Janangue'a, ma zi cu ah^u, hin ga hyonya thohoh^u ngue'b^u di ugah^u y^u ja'i i t^un ra ximhäi. ¹⁴ Pe nuj^u dí pähmb^u dá sohmb^u rá ts'edi ran d^ute, ne dá s^umhbu b^u ja rá ts'edi ra te. Guehna dí pähmb^u nguetho dadí huëc ma mi'y^uc'yeih^u. Nu'a to'o hin'y^u rán huëcate, bin zäm b^u ja rá ts'edi ran d^ute a. ¹⁵ Nu'a to'o di up rá cu, ra hyodu a. Ne dí pähmb^u njo'o n'da ra hyodu i ja ra 'da'yote mazai. ¹⁶ Pe nu ra Cristo bi 'yurcah^u 'b^ue'a njuäntho ran huëcate, ngue bi däse rá te nanguej^u. Ne jatho ngutho ga øth^u, hin ga su ga dä ma teh^u guep^u da zä ga fäx ma cuh^u. ¹⁷ Pe nu'a to'o i ja 'b^ue'a i pe'ts'i, ne i p^uadi hin'y^u 'b^ue'a da hyon a rá cu, ne nu'b^u hingui Ørpa ran huëcate, hinguim b^ueni da numanho Oj^u a 'b^u. ¹⁸ Ma zi t'uhni ah^u, hinga höntho gam manthoh^u ran huëcate, pe guemhma ga øth^u a.

Dadín johyah^u 'b^u dí yqah^u Oj^u

¹⁹ Ne nu'b^u majuäni dí øth^u ran huëcate, janangue dí pähmb^u y^u t'uhnidah^u a Majuäni, ne gue'a nan johyah^u b^u ja rá hmi a. ²⁰ Pe nu'b^u ga juänba zeh^u ma mb^uih^u, pe da hyurca ma mb^uih^u Oj^u, madague'b^u i p^uadi 'b^ue'a gätho dá øth^u, nguetho man'da ja rán huëcate xinda guej^u. ²¹ Janangue'a ma zi cu ah^u, nu'b^u hin te dí t^umhbu ja ma mb^uih^u a x^un ts'o, dadín johyah^u ngue dí pähmb^u dí yamanhoh^u Oj^u, ²² ne di 'daj^u 'b^ue'a gätho dí äf^u 'b^u dí yqah^u, nguetho dí Ørpah^u yán t'ëdi, ne dí Ørpah^u gätho i numanho. ²³ Ne i ja ua yán t'ëdi Oj^u, gue ga ec'yeih^u rá Ts'unt^u, ra Jesucristo, ne dan huëj^u n'da ngu n'daj^u, tengu bi xij^u. ²⁴ Ne nu'a to'o i Ørpa yán t'ëdi, i 'b^uhmí Oj^u ne bim 'b^up^u Oj^u b^u rá mb^uai a b^uya. Ne dí pähmb^u dí 'b^uhmib^u Oj^u, nguetho gue'a di b^ungah^u rá Hogandähi bi 'daj^u.

4

Nda'a rám Hman Oj^u, ne nda'a rám hman a rán s^uui Oj^u

¹ Ma zi cu ah^u, hingui s^ua ga ec'yeih^u 'b^ue'a gätho ním hma ñmbi rám hman Oj^u. Pe i jatho ga pähmb^u 'b^u majuäni ngue gue'a rám hman Oj^u, uague hin'na. Nguetho x^un ngu y^u hyäte pöngahyä i 'youa ja ra ximhäi. ² Ne nu'a jatho ga pähmb^u nda'a ním hma bi b^uenba rá Hogandähi Oj^u, nu'b^u im ma ngue rá Thahni Oj^u ngue bin ja'i ne gue'a ra Jesucristo a, gue'a ram hma bi b^uenba rá Hogandähi Oj^u a b^uya. ³ Pe to'o gätho ngue ñna hin bin ja'i a rá Thahni Oj^u gue ra Jesucristo, pe nu'a ra hyäte a 'b^u, nguetho bi thocpa rám hman a rán s^uui ra Cristo. Xtá Øhmb^u ngue din 'yo ua rám hma, ne ya i 'yo ua rám hman a ya. ⁴ Ma zi t'uhni ah^u, y^u t'uhnidah^u Oj^u. Ya dá taf^u u y^u hyäte pöngahyä, nguetho nu'a dí 'b^uhmib^u, man'da ja rá ts'edi a xinda gue'a rán s^uui Oj^u, ngue i 'b^uecua ja ra ximhäi. ⁵ Nu y^u hyäte pöngahyä, y^u mb^uefi ra ximhäi u, ne guecua ja ra ximhäi bi nequidá y^um hman u, janangue'a i Ømanho ra ximhäi 'b^ue'a im man u. ⁶ Pe nuj^u y^u t'uhnidah^u Oj^u. Janangue'a hont'a to'o i p^ua Oj^u i Ømanho ma hmamhb^u u. Pe nu'u ngue hin y^u t'uhni Oj^u, hingui Ømanho ma hmamhb^u u. Guep^u na pähmb^u b^uya nda'a i t^un'na majuäni, ne nda'a i t^un'na him majuäni.

Ran huëcate a Oj^u

⁷ Ma zi cu ah^u, nde'b^u dan huëj^u n'da ngu n'daj^u. Nguetho nu ran huëcate bí 'yep^u 'b^u Oj^u. Ne nu'a di huëc rá mij^u'iui, gue'a bim 'b^ui ma'da'yo nangue Oj^u, ne dim pähmi Oj^u a. ⁸ Pe nu'a hin'y^u rán huëcate, hingui p^ua Oj^u a, nguetho nu'a Oj^u ran huëcate a. ⁹ Oj^u bi 'yurcah^u ran huëcate 'b^u mambá p^unhua ja ra ximhäi rá 'dats'unt^u bi yanju, n'dahma din jaj^u ra 'da'yote. ¹⁰ Oj^u bi 'yurcah^u ran huëcate ngue majuäni, nguetho bá p^unhua rá Ts'unt^u ngue bin däse bi gurca ma ts'oquih^u. Ne mada hangu gam b^umhbu Oj^u, pe njäm'b^u da zä gam b^umhbu, tengu b^u nam b^uenju. ¹¹ Ma zi cu ah^u, nu'b^u emme x^un ngu rán huëcate bi 'yorgah^u Oj^u, nde'b^u nej^u dan huëj^u n'da ngu n'daj^u. ¹² Hingui s^ua gan nuh^u Oj^u nangue ma dähu. Pe mfadi bin zäm b^u ja ma mb^uih^u 'b^u dadín huëj^u. Ne bi b^uomanho rán huëcate i Ørcah^u b^uya. ¹³ Dí pähmb^u ngue dí 'b^uhmib^u Oj^u, ne nu Oj^u bin

zäm bu ja ma mbuihu. Guehna dí pähmbu, nguetho bi 'dajə rá Hogandəhi, ¹⁴ neje dí bən'nahə nguetho dá nusehe rá Ts'ənt'ə Ojə, ne dí mamhbe majuəni bá pənh Ojə ua ja ra ximhəi gue da yanba yé te yə ja'i. ¹⁵ Nu'a to'o im ma ngue rá Ts'ənt'ə Ojə a ra Jesú, nu'a Ojə bin zäm bu ja rá mbui, ne nu'a ra ja'i xim mi 'bəhmi Ojə a. ¹⁶ Dín nuhə rán huęcate Ojə, nguetho dí ęc'yεibahə a. Nu Ojə ran huęcate a. Nu'a to'o zai ęc'yεi rán huęcate Ojə, ne'bə zai di huęcrá mijə'iui, nu'a i 'bəhmi Ojə a, ne Ojə bin zäm bu ja rá mbui a. ¹⁷ Ne nangue dí 'bəhmbu Ojə dí pähmbu xən ho rán huęcate. Janangue'a dan johyahə 'bə bi zən ra pa din ja ran juənbi. Nguetho dí 'bəhmbu tengutho ma Hmuuhə ra Cristo i 'bəhmi Ojə, madague'bə guexta dí 'bəhmbu ua ja ra ximhəi. ¹⁸ Nu'a to'o i su ran juənbi, i su nguetho hinga na pədi xən ho ran huęcate i ərpa Ojə. Pe nu rán huęcate Ojə di 'uec'a ra mbidi a. Pe nu'bə dín suhə, dí ęmhbu di ęngahə Ojə 'bə. ¹⁹ Dí əthə ran huęcate, nguetho m'bət'o bi huęgahə Ojə. ²⁰ "Dí numanho Oja," sä dí ęmhbu, pe dadí əp ma cuhə. Dí fəhnihə 'bə. Nguetho nu'bə hin dadí huęc ma cuhə gue zənt'a dín nuhə, hague dán zä ga numanhoohə Ojə gue njəm'bə dín nuhə. ²¹ Ne jaua rán t'ędi Ojə, bi xijə: "Nu'a to'o da numanho Ojə, pe i jatho ngue ne'a rá cu da numanho, ne di huęqui."

5

Dí təfə ra ximhəi nangue ma t'ęc'yεihə

¹ Nu'u to'o gätho i ęc'yεi gue bin ja'i Oja ne n'dat'a ra Jesucristo a, yá t'əhni Ojə a. Ne gätho to'o i numanho Ojə ne'u yá t'əhni Ojə di huęc'ə nguetho n'dat'a Ojə yá Ta. ² Ne nu'bə majuəni dín numanhoohə Ojə, ne'bə dí əthə yán t'ędi, dí pähmbu bəya ngue majuəni dadí huęc ma cuhə. ³ Ne nu'bə majuəni dín numanhoohə Ojə, ga əthə yán t'ędi, ne nu'u yán t'ędi hingui həi. ⁴ Nguetho nu'u to'o bim 'bəi ma'da'yo nangue Ojə bin t'un ra ts'ędi rá mbui gue da dəp ra ximhəi. Ne dí təfə rá ts'ędi ra ximhəi nangue dí ęc'yεihə ra Cristo. ⁵ To'o ngue i təp rá ts'ędi ra ximhəi. Nu'a gue i ęc'yεi ngue rá Ts'ənt'ə Ojə a ra Jesú.

Rá Hogandəhi Ojə di bęngahə rá Ts'ənt'ə Ojə a ra Jesú

⁶ Nu ra Jesucristo bi zəcua ja ra häi. Bin xixyə ra dehe a. Ne n'dat'a gue bi mbän rá ji 'bə mi du a. Ne hinga hənt'a ngue bin xixyə ra dehe, pe ne bi mbän rá ji, ngue bi du. Nu'a ra Jesucristo, rá Thahni Ojə a. Gue'a im ma majuəni rá Hogandəhi Ojə nguetho hingui sä dim fəhni a. ⁷ Hyu a bí 'bəh mahəts'i im ma majuəni gue rá Ts'ənt'ə Ojə a ra Jesucristo. Nu'a n'da, ra Ta, nu'a n'da ram Hma, nu'a n'da rá Hogandəhi Ojə, ne n'dat'a im man'u. ⁸ Ne hyu a i urcahə majuəni ua ja ra ximhəi gue rá Ts'ənt'ə Ojə a ra Jesucristo. Nu'a n'da, rá Hogandəhi Ojə, nu'a n'da rán xixyə ra Jesucristo, nu'a n'da, rán dəte ra Jesucristo. Ne gätho a hyu n'dat'a i urcahə. ⁹ Dí ęc'yεihə yám hman yə ja'i 'bə majuəni, pe man'da ja ts'ədi tho ga ęc'yεihə rám hman Ojə. Ne bi man Ojə gue rá Ts'ənt'ə a ra Jesú. ¹⁰ Nu'a to'o ęc'yεi rá Ts'ənt'ə Ojə, i pəsə mbo rá mbui gue majuəni a. Pe nu'a to'o hingui ęc'yεi, i nubəthəni Ojə a 'bə, nguetho hingui ęc'yεi a bi man Ojə nangue rá Ts'ənt'ə. ¹¹ Ne i jaua a ram hma ngue bi ma, gue Ojə bi 'dajə ra 'da'yote mazqəi 'bə má ęc'yεihə rá Ts'ənt'ə. ¹² Nu'a 'bəhmi rá Ts'ənt'ə Ojə, i ja ra te ma'da'yo a, pe nu'a hingui 'bəhmi rá Ts'ənt'ə Ojə, hingui ja ra te ma'da'yo a.

Dí pähmbu dí pəshə ra 'da'yote mazqə

¹³ Janangue'a dí ot'ahə gyə 'yęc'yεihə a rá Ts'ənt'ə Ojə, n'dahma gui pähmbu i jajə ra 'da'yote. ¹⁴ Ne dadín johyahə gue dan yəhə Ojə, dí pähmbu i numanhojo. Ne nu'bə din theui rá pähə Ojə a dí ähmbu, dí pähmbu i əmanho 'bə dí yəhə a. ¹⁵ Ne nu'bə dí pähmbu ngue əmanho, ga pähmbu gue da 'yət'a dí ähmbu 'bə. ¹⁶ Nu'bə dín nuhə n'da ma cuhə i ət' ra ts'oqui, ngue him má zä bi hyəx ra ts'o'yu, ga äfə rá mate Ojə nangue a. Nu Ojə bəya di japi ba pengui to'o bi 'yət' ra ts'oqui. Pe nu'bə 'bo'o má zä bi hyəx ra ts'o'yu, pe hin dí ęn ahə ga äfə rá mate Ojə nangue a. ¹⁷ Gätho a hing yán thehə i ət'a n'da, ra ts'oqui a. Pe ja'bə ət' ra ts'oqui n'da him má zä bi hyəx ra ts'o'yu, janangue'a ga äfə Ojə bəya. ¹⁸ Dí pähmbu to'o gätho bim 'bəi ma'da'yo nangue Ojə, hin din zäm bu ja yə ts'oqui a. Nguetho i fāh rá Ts'ənt'ə Ojə a,

nε hingui sā di 'uec'a ra z̄ithu b̄a 'b̄a Oj̄ a.

¹⁹ Ne dí p̄ahmb̄a ngue yá t̄ahnigah̄a Oj̄ a. Ne dí p̄ahmb̄a i o rá ts'edi ra z̄ithu u gätho mi'da i 'bucua ja ra ximhäi. ²⁰ Nuju dí p̄ahmb̄a bi z̄ocua ja ra ximhäi rá Ts'ant' a Oj̄ a, nε nu'a bi jaj̄a dá p̄ahmb̄a majuqni. Ne dí 'b̄ahmb̄a a majuqni nguetho dí 'b̄ahmb̄a ra Jesucristo. Ne gue'a majuqni Oj̄ a, nε gue'a di 'daj̄a ra 'da'yote ma mb̄uih̄a a gue njam'b̄a da guadi. ²¹ Ma zi t̄ahni ah̄a, hin ga ḥc'yeih̄a ȳa hyäte oj̄ a. Ne hønt'a dí xi ah̄a ya.

2 XUUA Ná yoho ra sōcuā bi 'yo't'a rá 'bäiui ra Jesucristo ra Xuua

Ran zengua

¹ Nugä dra däc'yεi nḡrpigä, dí pεnh'na ra sōcuā jaua, grá xisu, nthahni nangue Ojä, ne guí 'bähmbä bä ni t'uhni. Dadí huεc'ahä ngue'a n'dat'a dí tenhdä ram Hma majuäni. Ne hinga høngdä dadí huεc'ahä pe ne'ü gätho mi'da ngue i pä a Majuäni. ² Dadí huεc'ahä, nangue'a ram Hma majuäni bin zäm bä ja ma mbäihä ne njäm'bä dim 'bεpä a. ³ Ma zi cu ahä, 'da'angu dím bεmhba a ram hma majuäni, ne dadín huεjä. Janangue'a dí äp Ojä ma Tahä ne'a rá Ts'unt'ä ra Jesucristo da gopä ni mbäihä a rá mate, ne rán huεcate, ne thocpa thoho da hyut'a ni mbäihä.

Ga cohmbä bä ja rán xädi ra Cristo

⁴ Nugä çmme dán johyagä 'bä má øcä ngue i ten'na ram Hman ä 'da ä ni t'uhni, tengu i xijä ra Ta. ⁵ Ne nuya, grá xisu, nthahni nangue Ojä, n'da ran t'ëdi dín nde ga bεn'ni i. Ne him ma'da'yo na ran t'ëdi gue ga xi i, pe tengu thoho bi sijä rá mbädi dá pähmbä ra Cristo, ngue dan huεjä n'da ngu n'dajä. ⁶ Nu'a ran huεcate nam bøni, gätho ga øtha yán t'ëdi Ojä. Ne gue'a rán t'ëdi bi sijä rá mbädi gue thocpa thoho dan huεjä. ⁷ Guehna dí xi ahä na, nguetho xun ngu yä hyäte i 'youa ja ra ximhäi, ngue i çna him bin ja'i a ra Jesucristo. Pe nu'ü häte ä, ne i ten rán sñui Ojä ä. ⁸ Pe jatho gam fähmbä njon da hyä ahä, janangue'a hin dim 'be a xtä pεhmbä. Pe dami thojä xun ho ni 'befihä, janangue'a gätho gui tähmbä 'be'a in nde Ojä di 'da ahä m'bεjua. ⁹ Pe nu'a to'o in nde da mispa rán xädi ra Cristo, nu'a hinguin 'youi Ojä 'bä. Pe nu'a to'o copä ja rán xädi ra Cristo, nu'a din 'youi ra Ta ne rá Ts'unt'ä a bøya. ¹⁰ Nu'bä da zøm bä n'da çna im man rám Hman Ojä, pe nu'bä hin din theui rám hman ra Cristo, hin ga säyabahä bä ma ngumhbä, xín ga äfä rám fäts'i Ojä nangue a. ¹¹ Nguetho nu'a to i äp rám fäts'i Ojä nangue a, tengu thoho 'bä i fäx'ü yún t'ot'e gue hinguin ho.

Dím bεni ga mba bä

¹² Çmme xun ngu 'be'a dín nde ga xi ahä, pe masque hønt'a dá huxä ra sōcuä jaua. Nguetho xømhma da zä ga mbagä bä, gan nu ahä bä, ne dan yähu bä, janangue a hin te ga 'bεhmbä ran johya. ¹³ I pεnh'na ran zengua ä yä t'uhni a ni juhue, ne'a nthahni nangue Ojä a. Ne hønt'a dí xi ahä ya.

3 XUUA Ná hyu ra s̄ocū bi 'yo't'a rá 'bäiui ra Jesucristo ra Xuua

Ran zengua

¹ Nugä dra däc'yei nḡrpigä, dí penh'na ra s̄ocū ma zi cu i Gayo, mahueçqui i. Dadí huęc'i i nangue ram Hma majuäni dí ęc'yei. ² Dí äp Ojä di ja i gui p̄ommaho, ne di zac ni ja'i, tengu nán zaqui ni mb̄ui. ³ Ęmm̄e dán johyagä nangue'e, nguetho bi xicä 'da yu cu bá peng b̄u guí 'b̄ui, ngue guí t̄en'na ram Hma majuäni, ne nu' u gätho guí øt'e din theui a ram Hma. ⁴ Hin'yu man'da dán johyagä 'b̄u dí øde i t̄en'na ram hma majuäni u dá xänbi.

Xun ngu rá mate ra Gayo

⁵ Ma zi cu i, xän ngu ni mate ngue'a gadí jamansu ni cuh̄u, madague'b̄u hin guí p̄a. ⁶ Nu'u 'da yu cu gue bá peng b̄u guí 'b̄ui bi ma nangue'e. Nu'b̄u mám p̄etihe bi xije ngue i ja nin huęcate. 'Yörqui ts'u ra mate gui fäx'u 'b̄u bi zøm b̄u mahøn'a, nguetho yán säh̄u da 'bäx'u yém 'b̄ehni Ojä. ⁷ Nguetho nu'u 'da bi 'b̄ehni da mba n'danni da ma nangue ra Jesucristo, ne hin te da 'yäp'u hingui ęc'yei. ⁸ Janangue'a jatho ga jamansuh̄u u. Ne nu'b̄u dí fäxh̄u u, dí comhb̄u ra 'b̄efi nangue rám Hman Ojä b̄uya.

Nu ra Diótrefes in hecpate

⁹ Dá penh'na n'da ra s̄ocū b̄u ja nim p̄etih̄u. Pe nu ra Diótrefes hinguin nde da 'yøde 'b̄e'a dí mamhbe, nguetho in nde dim 'bet'o nangues. ¹⁰ Janangue'a, nu'b̄u dá mbagä b̄u, ga xi ah̄u 'b̄u dám p̄etih̄u, 'b̄e'a i øt'a ra Diótrefes, ngue di c'qaman'uje. Ne hinga hønt'a, ne hingui sin'u yém 'b̄ehni ya ní nets'i, ne di hecpa u to'o ęna da zin u, ne i høn a thi b̄uya.

Im mamanho nangue ra Demetrio

¹¹ Ma zi cu'i, dí xi i, hin ga t̄enhdu u yán t'øt'e yu ts'om'bäi, pe ga humbi ga t̄enhdu yán t'øt'e yu hocja'i. Nu'u to'o zai øt' ran ho, bim 'b̄ui ma'da'yo nangue Ojä. Pe nu'u to'o zai øt' ran ts'o hingui p̄a Ojä u. ¹² Pe

nu ra Demetrio gätho im mamanho yu cu nangue'a. Ne nu yán t'øt'e gätho din theui a ram Hma majuäni. Necä n'dat'a dím mangä ngue xän ho a ra Demetrio. Ne guí p̄adi ngue majuäni dím mangä.

Rán zegui ran zengua

¹³ Ęmm̄e xän gu 'b̄e'a dín nde ga xi'i, pe hønt'a dá huxä ra s̄ocū jaua. ¹⁴ Nguetho xømhma mi ts'utho ga mbagä b̄u ba nu i, ne dan yäui bu. ¹⁵ Ojä da hyut'a ni mb̄ui. I penh'na ran zengua ni amigo 'b̄acua ne dami zenguagahe ts'u n'da ngu n'da u guí 'b̄uhmb̄u bu. Ne hønt'a dí xi ah̄u ya.

JUDAS

Ra sōcuā bi 'yo't'a rá 'bäiui ra Jesucristo ra Judas

Ran zəngua

¹ Nugä drá Judascä, drá 'yəhəgä ra Jesucristo, nə man 'yohəgä a ra Jacobo Santiago. Dí o't'ahə ra sōcuā hənbə go hapə i 'bəh yə 'yəc'yəi, gätho ahə ngue Ojə bi huahn'nahə nə əmme di huəc'ahə, nə ra Jesucristo di jamansu ahə. ² Nə Ojə dí ndepe di 'da ahə rá mate xən ngu, nə da hyut'a ni mbəihə. Nə thocpa tho man'da gui hyəmhə rán huəcate Ojə.

Yə hyäte xənbate

³ Nu'ahə ma zə cu ahə dadí huəc'ahə, mí ndegä ga o't'ahə nangue 'bə'a í pəjə Ojə gätho gahə. Pe dím bəngä ngue n'dan'yo jatho ga xi ahə. Jatho gui hyuthə nzambəi guin yəmhə a rám hma ma t'əc'yəihə ngue bi 'dajə Ojə, dyə 'yəc'yəihə, n'damhma njon da zä di pät'ahə 'bə'a guí əc'yəihə. ⁴ Dí xi ahə na, nguetho i 'bə i 'da u yə hyäte xənbate, gue'u 'darbə gadim pətihə, nə him bi xi ahə ngue xən ts'o im bəni da 'yət'e. Əmme xən ts'otho nə hinguin 'yohə Ojə u. Nguetho sä i ən u: "Sä gui 'yəthə 'bə'a go guim bənsehə, nə hin di un'nahə Ojə nguetho i ja rá mate," sä i ən u yə hyäte. Him majuəni i man u, nə nu'u hingui əc'yəi ma Hmuuhə ra Jesucristo gue'a di mandagahə. Nə nt'o't'i bə ja rám Hman Ojə 'bə'a ran unbi da nu u i ma tengu na. Nə Ojə da 'yət'e tengu bi ma. ⁵ Nuya dín nde ga bən'nahə 'bə'a gá pəhmbə mám'bət'o, ngue 'bə'a bi 'yət' Ojə maya'bə. Nu Ojə bi yan u yə ja'i israel gue bi gəcpə ja ra häi Egipto, pe to'o gätho him bi 'yət'e 'bə'a nde Ojə, gätho Ojə bi japi bi du bə ma'ueni u. ⁶ Nə nu 'da u yəm 'bəhni mahəts'i mí ja yə ts'edi. Pe m'bəjua bi 'bəh yə ts'edi 'bə mí ts'on yán 'yomfəni. Janangue'a bá pəm bə mahəts'i guepə mí 'bəi. Nuya Ojə hin di japi da bəm bə ja ra 'bəxui guepə 'bəhyə. Nguetho nu'u tengu nthu't'i yə cadena bə, nə da gopə asta gue'bə go da zən ra pa din ja rán ts'əmbi Ojə nts'utho. ⁷ Nə'u yə ja'i mí 'bəpə ja ra hnini Sodoma nə ra hnini

Gomorra nə yə hnini mbe 'darbə mí jahə, bi 'yət' ran ts'o. Bi 'yət' yən 'yomt'əni, nə yən 'yohə bi 'yərpa ran ts'o yə min 'yohəhə, tengu 'bə ra xisu i 'bəhmi, nə yə xisu mí ət'e tengu a. Pe nu Ojə bi juadi nangue ra sibi mahəts'i. Nə nu'a 'bə'a bi t'ərpə, Ojə bi 'yuh ra hməpya 'bə'a da 'yərpa yə dədits'oqui. ⁸ Pe madague'bə i ja yə hməpya 'bə'a da 'yət' Ojə, pe nu yə hyäte xənbate guexta'a i ət'e tengu mí ət' yə ja'i bə ja ra hnini Sodoma. I ma guesə Ojə i uti 'bə'a da 'yət'e xən ho gue'bə i 'uji, nə i ərpa ran ts'o rá ja'izəhə. Nə i festhoho yán t'ədi ra Hmu mahəts'i, nə di c'əman'u tho yəm 'bəhni mahəts'i. ⁹ Pe nu ra Miguel rá hmu yəm 'bəhni mahəts'i, hingui ət'e tengu i ət'u yə hyäte xənbate. Nguetho nu'bə míjunt'ui ra zəthu nangue rá ja'i ra Moisés xən du, nu'a ra Miguel mí pədi ngue hingui ho 'bə dí yəp'a ra zəthu ram hma xən ts'o. Janangue'a bi t'əm thoho a ra zəthu: "Ojə di hec'a'i." ¹⁰ Pe nu'u yə hyäte i man ran ts'o nangue yəm 'bəhni mahəts'i, nə nangue 'bə'a gue majuəni. Pe nu'u hingui pədi 'bə'a gue majuəni. Hənt'a i pədi tengu yə xə'yo nə yə buru, nə i ət'e tengu u. Pe Ojə di un yən unbi nə di juu u nangue ran ts'o i ət'u. ¹¹ Huəcate u i ət' yə pəhə zəhə tengutho bi 'yət'a ra Caín. Nə nu'u i nde da xənba yə ja'i 'bə'a gue him majuəni, tengu bi 'yət'a ra Balaam, n'damhma da dəh ra məbeti. Nu'u i festhoho yán t'ədi a i ja rá ts'ədi di mandagahə, tengu bi 'yət'a ra Coré. Nə'u da mba ma juadi, tengutho ra Coré. ¹² Nə nu'bə guí ət' nin ts'ihməhə, gue'a ra hməpya gadim huəjə n'da ngu n'da ahə, nə i səm bə yə hyäte xənbate, nu'u tengu 'bə i pät'a xən ts'o bə ja ni pəhnihə. Nə nu'u xingui ts'u i pə'ts' yə sä da zi nangue yán johya zəhə, nə xinguim bəni 'bə'a nam bən'a ran ts'ihmə. Pe nu'u yə hyäte hin te i ja a di muui, tengutho yə güi hinguin 'youi ra 'ye, nə ran dəhi i tut's'i. Nə nu'u tengu tho n'da ra za njəm'bə zəh yán dət'o. Tengutho n'da ra za xə 'yot'i bi 'yət'e. ¹³ Nə nu'u yə hyäte xənbate 'bə i yə, i mbafi tengu 'bə əmme mahyoni tho u yəm hma. Tengu ra dehe bə ja ra dədejə ngue əmme di hị 'bə i ən ran dəhi, pe hənt'a 'bə'a xən ts'o min 'youi ra dehe bi zopə ndendejə. Nə nu'u hingui sä da 'yut ra 'yu n'da nguetho tengu

yu sø bi dägui, hin din ja ran yot'i mahøn'a, da gohi ra 'bexui mazai. ¹⁴ Nu'a ra Enoc bim pøngahyq maya'bu 'be'a nín juanbi da nu a n'da ngue i øt'e tengu i øt'u. Nu'a ra Enoc, ná cat'a a rám bom'beta ra Adán, bi ma: "Dami 'yøhmbu ya 'be'a da 'yøt' ra Hmu mahøts'i. Ba she din 'yohu yu miyone thoho u yum 'behni mahøts'i, ¹⁵ ngue di juanba u gätho u i øt' ran ts'o. Ne di anbi nangue 'be'a hingui ho bi 'yøt'u, ne bi man ran ts'o nangue Oja gätho u ngue him bi 'yøc'yei Oja." ¹⁶ Ne nu'u yu hyäte xänbate i sani nangue dí øt' mam 'buuhu tengu i nde Oja. Ne i ma embi ngue'a n'da ra ja'i rá ts'oqui a 'be'a nám 'bu u. Nu'u i øt' ran ts'o tengu i ndese rá mbui u, ne din 'yøzehe. Ne i xih rán ho u mi'da yu ja'i ngue i honi 'be'a i ndese.

Nura Judas bi zqm yu 'yøc'yei ne bi xifi 'be'a da 'yøt'e

¹⁷ Pe nu'ahu ma za cu ahu, dadí huec'ahu, o guí pumbenihu 'be'a bi man u yu 'bäihu ma Hmuh ra Jesucristo. ¹⁸ Ya bi xi ahu ngue dim 'bu i 'da, gue'bu rán zegui, ngue da den'nahu ne da 'yøt' ran ts'o i ja bu mbo yu mbui u ne gue'a bi si ahu. ¹⁹ Ne nu'u yu hyäte di demp u yu 'yøc'yei din junt'i. Pe i sänzehe 'be'a i øt'e, ne hinguin 'yohu rá Hogandah Oja u. ²⁰ Pe nu'ahu ma za cu'ahu, o guí øthu tengu i øt' yu hyäte, pe dami tenni xen ho ni t'øc'yei him ma thaspi, ne gue'a dán te ni mbuihu a buya. Ne dami japi di manda ahu rá Hogandah Oja 'bu guí yaqhu Oja. ²¹ Dami 'yøthu ram 'bu xen ho ngue din theui rán huecate Oja, ne dami tømhu a ra pa ba sh ra Jesucristo ma Hmuh, din ja rá yembui nangueju ne di 'daju ra temazai. ²² Dami japi da 'yøc'yei to'o di 'yon yu mbui nangue Oja. ²³ Dami yaq bu ja ran ts'o, tengu tho 'bu gá yaq bu ja n'da ra sibi. Ne din ja ni yembui nangue u 'da, pe damin jamansuse ngue hin gui 'yøthu yen ts'o tengu i øt'u. Dami samhbu 'be'a i øt'u gue bi ts'on yu mbui u.

I esp a Oja ra Judas

²⁴ Nu'a Oja i ja rá ts'edi di jaju hin ga øthu yen ts'o, ne di däju bu ja rá hmi mahoqui tho ma mbuihu. Ne emme din jaju ran johya bu. ²⁵ Hønt'a n'datho Oja i 'bu, ne hønt'a i padi xen ho. Ne di pøju nangue 'be'a bi 'yøt'a

ra Jesucristo ma Hmuh. Ne nu'a Oja i ja rá nuixte thoho, nu'a ra Hmuts'ut'abi, ne di manda 'be'a gätho i ja a rá ts'edi, ne gätho mí ja, ne i ja ya, ne din ja mazai. Ne hønt'a dí xi'ahu ya.

APOCALIPSIS

Rán t'uti ra Jesucristo bi nu ra Xuua

Rám hman ra Jesucristo bi sih ra Xuua

¹ Nu'a Ojä bi 'yut yá 'yéhë i 'bæcua ja ra häi. Janangue'a nu ra Jesucristo bá pëhnä n'da rám 'bëhni mahëts'i bi 'yurcä dra Xuuagä, rá 'yéhëgä, 'bë'a din ja. ² Në nugä dra Xuuagä dí o'tä ya 'bë'a gätho dín nugä, në'a rám hman Ojä në'a rám hman ra Jesucristo i xiqui. Gätho dí o'tä ngue da fädi 'bë'a majuäni din ja. ³ Din johya gätho to'o da man'a 'bë'a nt'o't'i ua ja ra søcuä. Në din johya to'o gätho da 'yöde 'bë'a din ja. Në din johya 'bë da 'yøt'e 'bë'a gätho i mangua ja ra søcuä, nguetho him maya'a din ja 'bë'a gätho nt'o't'i ua.

I t'orpa ra søcuä yá 'yëc'yëi bë ja yoto yá hnini

⁴ Nugä dra Xuuagä dí ot'ahë ra søcuä gätho yá 'yëc'yëi dim peti bë ja yoto yá hnini bë ja ra häi Asia. Ojä di jåp ahë ne da hyut'a ni mbæihë, guet'a Ojä i 'bæi në mi 'bæi, në guet'a dim 'bæi mazäi. Në rá Hogandähi Ojä i juadi xæn ho rá ts'edi, gue i 'bæpë hapë di manda rá ts'edi Ojä, i pen'nahë rán jåpi. ⁵ Në bí pen'nahë rán jåpi a ra Jesucristo, në da hyut'a ni mbæihë. Nu'a ra Jesucristo zai i mam majuäni, në rá mbædi bi dämbëni 'bë mi du, në dim hmuts'ut'abi në di manda gätho yá ts'ut'abi gue i 'bæcua ja ra häi. Nu'a di huëgahë në bi yanju nangue ma ts'oquihë, bi mberca ma mbæihë nangue ran ts'o, nangue rá ji bi mbäm 'bë mi du bë ja ra pont'i. ⁶ Nu ra Jesucristo bi 'dajë ra ts'edi dan ts'ut'abihë në dam mbäjähë ga ørpahë rá 'befi bë i ja rá ts'edi Ojä rá Ta. Në nu'a ra Jesucristo din ja rá nuijte në rá ts'edi høn'bë go njam'bë mazäi. Në hønt'a gam bëmhëbë a ya. ⁷ Nuna ra Jesucristo guet'a ba ñhë ban 'yohë yá güi, në gätho yá já'i da nu. Në gätho to'o bi ücpi da nu, në gätho yá já'i i 'bæcua ja ra ximhäi èmme din ja ra dumbæi 'bë bi nu a. Majuäni njabë din ja 'bë bá ñhë. Në hønt'a gam bëmhëbë a ya. ⁸ Nu ra Cristo bi 'yëna: "Nugä ra mbædi dám 'bæcä, në njam'bë him mi 'bæcä," ñn'a ra Hmu

mahëts'i nuijte rá ts'edi, nu'a i 'bæi në mi 'bæi, në i 'bæi mazäi.

Ra Xuua bi nu madq rá ts'edi ra Cristo

⁹ Nugä dra Xuuagä, ni cujë nangue ra Cristo, dí ot'ahë ra søcuä ya. Nujë dí comhbë yæn unbi guín nuhë nangue dí èc'yéihë ra Hmu mahëts'i. Nu'a Ojä di manda bë ja ma mbæihë, në ra Jesucristo bi 'dajë ra ts'edi ngue hin dadí xømbæihë 'bë'a dí nuhë. Në nugä dra Xuuagä dí ofädigä bë ja ra häi Patmos, n'da ra t'uhäi i ja bë ja ra dehe nguetho dím mangä rám hman Ojä në dí mangä nangue ra Jesucristo. ¹⁰ Nu'a ra pa domingo dán yä 'be Ojä, në 'bex bi bëngä a rá ts'edi rá Hogandähi Ojä. Në dá øcä n'da ra nde bë ja ma xæthä tengu'bë n'da ra thæxi, èmme nts'edi thoho. ¹¹ Në nu ra nde bi 'yëna: "Nugä dra mbædigä në hinjam'bë ngue him mi 'bæcä, në zai dí 'bæcä." Në nu'a ra nde bi xicä, bi 'yëna: "Qui 'yo't' ya 'bë'a gätho gui nu, në gui penpë 'bæh yá 'yëc'yëi, gue'ë dim peti bë ja yoto yá hnini bë ja ra häi Asia, guepë ja ra hnini Efeso, nerpë ja ra hnini Esmirna, nerpë ja ra hnini Pérgamo, nerpë ja ra hnini Tiatira, nerpë ja ra hnini Sardis, nerpë ja ra hnini Filadelfia, nerpë ja ra hnini Laodicea." ¹² Në nugä dra Xuuagä 'bex dá nyëgui ngue dín nde ga nugä to'o bin yä. Në dá nugä yoto yá lámpara ngue ra oro yá gua. ¹³ Në dá nugä i 'bä inde bë ja yá lámpara ra Cristo, ngue'a bin já'i ua ja ra ximhäi, mi he ra pahni xæm mba, i sörpë ja yá gua, në man thu't'i rá tÿja n'da ran gët'i ngue ra oro. ¹⁴ Nu'ë yá xtä tengu ra t'axca xide'yo, ogue tengu ra t'axcasë. Në nu yá dä èmme bi hyät'i tengu'bë n'da ra sibi i sò. ¹⁵ Në nu'ë yá gua, èmme di fexni tengu ra xit'egui ra bronce di hoc ra sibi në i pa nthammi xæn ho. Në nu'a rá nde tengu yá däthe xæn ngu në nts'edi di hë. ¹⁶ Në mi o rán 'yëi yoto yá sò, në bi bøxpë ja rá nde tengu n'da ra espada i yoho yá het'i ngue din juanbate. Në nu'a rá hmi èmme bi fexni tengu rá ts'edi ra hyadi 'bë bi hyuxyadi. ¹⁷ Në nu'bë má nugä, dá tængä bë ja rá gua tengu'bë ya xtä tugä. Pe nuna bi dosca rán 'yëi në bi xiqui: "Yo guín su, nguetho nugä dra mbædigä në dran zeguigä, në hinjam'bë him mi 'bæcä. ¹⁸ Nugä zai dí 'bæi, guecä dá tugä pe nuya guí nu dí 'bæcä ya, në dam

'bucä mazai høn'bø go njäm'bø. Ne i ja ma ts'edi gue dadí manda hapø i pa ø xøn du. I jagä ran sogui ngue ga xocpa ø 'da, ne ga jurpa ø mi'da." ¹⁹ Ne bi xiqui, bi 'yøna: "Dami 'yo't' ya 'be'a gätho guí nu ya, ngue gätho i ja ya, ne'ø gätho din ja m'bøjua. ²⁰ Ga xi a ya 'be'a ní hmøpya i ja bu man 'yøi, ngue yoto yø sø ne'ø yoto yø lámpara ngue yø oro yø gua. Gue yoto yø sø, rá hmøpya ø yoto yøm 'bøhni mahøts'i, gue di ze'ø dim peti bu yoto yø hnini, ngue 'da'a n'danni yø hnini i 'bøi. Ne nu'ø yoto yø lámpara rá hmøpya ø yoto yøm peti yø 'yøc'yøi hapø zai dim peti."

2

Ram hma da hmam bu ja ra hnini Éfeso

¹ Nu'a ra nde bi xicä ngue ga o't'a n'da ra søcuq, ga undä a ram 'bøhni ngue i fäx ø yø 'yøc'yøi bu ja ra hnini Éfeso. Ne nu'a ra søcuq da hmam bu 'bøh yø 'yøc'yøi. Nu yøm hmansi a gue i 'yo inde bu ja yoto yø lámpara, ne i o rán 'yøi yoto yø sø. ² Ne nu'a ra nde bi xi'ø yø 'yøc'yøi bu, bi 'yøna: "Dí pøcä 'be'a gätho gá 'yøthø bu, ne dí pøcä hangu nangu ra 'befi gá 'yøthø. Ne dí pøcä gue hin gán xømbøi nangue ni 'befiha. Ne dí pøcä ngue xingui ts'ø gadí jafø da 'yøt' ran ts'om'bøi n'da. Ne gá 'yønhdu 'da yøm hman ø to'o øna yø 'bøihø ra Cristo, ne gá pøhmbø yø hyäte thoho ø. ³ Ne dí pøcä gue hin gán xømbøihø ran unbi gá nuhø, ne ra 'befi gá 'yøthø nangue gá 'yøc'yøigahø, ne xingui ts'ø gá 'yø'ts' ni t'øc'yøihø. ⁴ Pe i ja ahø ts'ø gue hin dí numanhogä, ngue gá 'yøs'hø ts'ø a guí bønjø ya ne hín gadín huëjø. Ne hin guín jahø bu 'bø ra mbødi thoho gá 'yøc'yøigahø. ⁵ Dami bømhø ya hangu na ngu bi gø'a ni t'øc'yøihø 'bø gmí 'yøs'hø a gní bønjø ne gá 'yø'ts' nin huëcatehø. Dami pøh nin 'yomfønihø ya. Dami thojoø a gmí øthø rá mbødi thoho. Pe nu'bø guexta'a guí øthø, ga 'uecä n'da ra lámpara 'bø, ne him man ga ja ahø tengu'bø ra lámpara bu guí 'bøhmbø, 'bø hin gui hoc nin 'yomfønihø. ⁶ Pe i ja ahø 'be'a xøn ho ts'ø, nguetho n'dat'a dí bømhø gue hin dín numanhohø a i øt'ø yø nicolaítas. ⁷ Nu'bø i ja ni zuguhø, guí 'yøhmbø 'be'a da xi ahø a rá Hogandøhi Ojø gätho gyø 'yøc'yøihø. Ne nu'ø to'o hin

da thøpi nangue ran ts'o, ga undä ran t'ødi da za yøn dät'o bu ja ra za t'ømbi rá za ra temazai, gue i 'bøpø 'bø Ojø," bi 'yøn'a ra nde bi zoqui.

Ram hma da hmam bu ra hnini Esmirna

⁸ Ne xø bi 'yøngui: "Nuya gui 'yorpa ra søcuq ram 'bøhni gue i fäx yø 'yøc'yøi bu ja ra hnini Esmirna. Ne gui xifi gue mam hmangä, guecä mi 'bucä 'bø ra mbødi thoho ne dam 'bucä mazai, nugä dä tugä ne dä ndants' mahøn'a ne dí 'bøhya, gui 'yøna. Ne nu'a ra søcuq da hmam bu 'bøh yø 'yøc'yøi bu ra hnini Esmirna." ⁹ Ne øn'a ra nde: "Dí pøcä 'be'a gätho nín unbi guí sähø nanguecä. Ne dí pøcä gue gyø hyoyahø bu ja ra häi, pe xøn ngu i ja ahø nangue Ojø. Nugä dí pøcä gue di c'øman'ø ahø 'da yø judío gue ønse majuøni yø judío ø, gue nde da ma yø t'øhni Ojø ø. Pe him majuøni yø t'øhni Ojø ø, pegue rám peti ra zøthu a i øt'ø. ¹⁰ Ne 'yo guí suhø ran unbi gue mi ts'øtho din ja ahø. Gui 'yøhmbø ya 'be'a din ja ahø, ngue gui nuhø rán ts'äte ra zøthu nu'bø da jo ahø 'da ahø. Ne 'det'apa guin nuhø yøn unbi. Ne nu'bø hin gui 'yø'ts' ni t'øc'yøihø madague'a gui tuhø, gá tøhmbø xøn ho a ra te 'bø. ¹¹ Nu'bø i ja ni zuguhø, guí 'yøhmbø ya 'be'a i xi ahø rá Hogandøhi Ojø gyø 'yøc'yøihø. Ne nu'ø to'o hin da thøpi nangue ran ts'o, hin da mba bu ja ran unbi mazai, ne hin di unba a ná yoho ran døte," bi 'yøn'a ra nde bi xiqui.

Ram hma da hmam bu ra hnini Pørgamo

¹² Ne bi xic mahøn'a ra nde, bi 'yøna: "Nuya gui 'yorpa ra søcuq ram 'bøhni ngue i fäx ø yø 'yøc'yøi bu ja ra hnini Pørgamo, gue da mam bu 'bøh yø 'yøc'yøi. Ne gui 'yo'ti 'be'a dí mangä gue i jagä ra espada yoho yø het'i. ¹³ Nugä dí pøcä 'be'a guí øthø hapø guí 'bøhmbø, guepø di manda ra zøthu. Ne dí pøcä gue hin gá hyøhmbø ni t'øc'yøihø, xingui ts'ø gá cønjø nu'bø mi mba nthø bu a ma hoga'yøhø ra Antipas, guepø 'bøh ra zøthu. ¹⁴ Pe i ja ahø ts'ø a gue hin dí numanhogä, nguetho i 'bø i 'da ahø i ten rán xädi ra Balaam, nu'a ran 'yøhø gue bi xänba ra Balac 'be'a da 'yøt'e gue da hyät'ø yø israel. Nu ra Balac bi xih yø ja'i da døn yøn gopa yø hmite, ngue da zi 'be'a bi mbøspa ø, ne da 'yøt' ran 'yomt'øni. ¹⁵ Ne i 'bø i

'da ahü gue hingui nde da 'yε'ts' yán xädi yü nicolaítas, ne hin dí numanho 'bε'a øt'ü. ¹⁶ Janangue'a dami päh nin 'yomfεnihü. Ne nu'bü hin'na, ga mbagä bü n'dihi ne ga sa'ü nangue mam hmangä, tengu ra espada gue i pøm bü ma ndegä," bi 'yεn'a ra nde gue bí 'yεh mahεts'i. ¹⁷ Ne bi thoqui bi xiqui, bi 'yεna: "Ne to'o i ja yá zagu, da 'yøde 'bε'a xi'a rá Hogandáhi Ojá yü 'yεc'yεi. Ne to'o hin da thäpi nangue ran ts'o, ga undä ra maná mahεts'i gue nt'agui. Ne ga undä n'da a n'da ra do xén t'axi guepü nt'o't'i ma'da'yo rá thuhu zehé. Ne xínga gue'ü mi'da yü ja'i da büdi 'bε'a nt'o't'i bü, hønt'a to'o da hyáni," εn'a ra nde bí 'yεh mahεts'i.

Ram hma da hmam bü ra hnini Tiatira

¹⁸ Ne bi xic mahøn'a, bi 'yεna: "Nuya gui 'yorpa ra sócuq ram 'bεhni gue i fäx u yü 'yεc'yεi bü ja ra hnini Tiatira, gue da hmam bü 'büh yü 'yεc'yεi. Gui 'yorpi 'bε'a dí mangä rá Ts'unt'ugä Ojá, gue i sø ma dä tengu ra sibi i the, ne nu'u ma gua di fexni tengu n'da ra bronce ra xit'egui gue i pa nthäm*mi* xén ho. ¹⁹ Dí päcä 'bε'a gätho guí øthü ne dí päcä gue i ja nin huεcatehü ne majuñni guímbüenjü, ne ja a ni t'ec'yεihü xén ho. Ne dí päcä gue guí øthü xén ho rá 'bεfi Ojá, ne hin gán xómbüihü. Ne man'da xén ho guí øthü ya xinda gue'bü ra mbüdi tho gá 'yεc'yεihü. ²⁰ Pe i ja ahü ts'u a hin dí numanhogä, nguetho gadí jafü in xänbate bü n'da ra xisu, ra Jezabel, gue'a i εnse rá pøngahyá Ojá. Pe nu'a i xänba yü 'yεc'yεi bü da den yán ts'ihme yü hmite, ne i xänba ran 'yomt'εni. ²¹ Nugä dá tø'mi a ra xisu ngue xtí päh rán 'yomfεni, pe hingui nde, i nde di thocta a ra ts'on'yomfεni. ²² Janangue'a ga un ran unbi nts'εdi, gue din hyεn'na ra xisu, ne'u gätho to'o i tenni da nu ran unbi nts'εdi gue ga undä. Ne din jabü ga øt'ä nu'bü hin di päh yán 'yomfεni u ne hin da hyεh ran ts'o i øthü a ra xisu. ²³ Ne nugä ga ho gätho yá t'uhni a ra xisu, guepü da bü u gätho yü 'yεc'yεi gue dí päcä yán 'yomfεni yü ja'i, ne dí päcä 'bε'a gätho in nde yá mbüi u. Ne ga cos'ahü 'bε'a gá 'yøthü n'da ngu n'da ahü. ²⁴ Pe mi'da ahü bü ja ra hnini Tiatira gue hin gá tenhdü rán xädi ra xisu, ne hin guí pähmbü rán xädi ra zithu tengu i man u 'da gue εna pädi xén ho rán xädi

ra zithu. Ne nugä hin ga 'da ahü man'da xén hüi gui 'yøthü. ²⁵ Pe hønt'a ga xi ahü, guim bεnthü xén ho ni t'ec'yεihü asta gue'bü go bá ecä mahøn'a. ²⁶ Ne nu'u to'o hin da thäpi nangue ran ts'o, ne'bü di thoqui da 'yøt'e 'bε'a gätho dí ndegä asta gue'bü go rán zegui ra pa, ga undä ran t'edi di manda 'da yü xεqui ra häi, ngue ga comhbe ra ts'εdi bi 'dacä ma Ta. ²⁷ Ne'u di manda gätho u yü ja'i ngue 'dahma 'dan'yo bü na yá. Ne da 'yut ram fet'egui u man sühe, tengu'bü da xén ra jahäi a ra bareta ngue din tεxt'i. Ne gue'a ra ts'εdi bi 'dacä ma Ta. ²⁸ Nugä tengu'bü dra Dåsø. Ne to'o da 'yøt'e 'bε'a xén ho, dam bühmbe 'bü guá pengä. ²⁹ Ne nu'bü i ja ni zuguhü, gui 'yøhmü 'bε'a i xih rá Hogandáhi Ojá yü 'yεc'yεi," εn'a rá Ts'unt'ü Ojá.

3

Ram hma da hmam bü ra hnini Sardis

¹ Ne xø bi 'yεng mahøn'a: "Nuya gui 'yorpa ra sócuq ram 'bεhni i fäx u yü 'yεc'yεi 'büpü ja ra hnini Sardis. Ne gui xih mam hmangä, ngue dí 'bü'be rá Hogandáhi Ojá i juadi xén ho yá ts'εdi. Ne i o ma 'yε u yoto yü sø. Ne nuna mam hma da hmam bü 'büh yü 'yεc'yεi. Nugä dí päcä 'bε'a gätho guí øthü bü. Nu ahü guí mamhbü maxøts'e thoho, ne sä guí emhbü guí 'bühmü nangue Ojá, pe dí päcä, nu ahü, tengu'bü ya xén du ni tehü. ² Pe daman nuhmbü ya, ne dami zacuahü a zü ts'u ni t'ec'yεihü bi bongui, n'damhma him majuñni da du ni tehü ngue gan unbahü mazä. Nguetho dí päcä gue hin guí øthü in nde Ojá gui 'yøthü. ³ Dami bεmhü ya 'bε'a bi sän'nahü. Nuya dami päh nin 'yomfεnihü, ne dami tenhdü 'bε'a gá pähmbü rá mbüdi. Pe nu'bü hin gui päh nin 'yomfεnihü, ga mbagä bü tengu n'da ra bε, ne hin gui pähmbü 'bε'a má ora ga søngä bü, ne ga un'nahü. ⁴ Pe i 'bü'i 'da ahü gue him bi ts'on yá mbüi. Ne nu'u dan 'yohe u, ne da hye u yü pahni xén t'axi nguetho yán sähu dan 'yohe," bi 'yεn'a ra nde bí 'yεh mahεts'i. ⁵ Ne bi thoqui bi xic ra nde, bi 'yεna: "Ne nu'u to'o hin da thäpi nangue ran ts'o, da hye yü pahni xén t'axi. Ne hin ga ts'onba yá thuhu i huxpü ja ra sócuq i ma to'o i ja ra temazai. Ne gam mangä gue ma mbεtigä

u, guepa ja rá hmi ma Ta, guepa i 'bäh yám 'behni mahëts'i. ⁶ Ne nu'bä i ja ni zaguuh, dami 'yøhmbä 'be'a i xih rá Hogandähi Ojä u yä 'yëc'yëi," èn'a ra nde.

Ram hma da hmam bä ra hnini Filadelfia

⁷ Ne bi xi qui mahøn'a: "Nuya gui 'yo't man'da ra sòcuä, gui un'na ram 'behni i fäx'ä yä 'yëc'yëi 'bäpa ja ra hnini Filadelfia, gue da hmam bä 'bäh yä 'yëc'yëi. Ne gui xih mam hmangä gue xän hothogä, hin'yä ma ts'oqui, ne hønt'a majuani dím mangä. Ne dí hä ran sogui ngue ra hmëpya i jagä ra ts'edi tengu ra hmëpya bi 'yu'a ra David. Ne nu'bä ga xocpa n'da bä ja ma ts'edi, njo'o n'da da zä da gurpi, ne nu'bä ga jurpa n'da, njon da zä da xocpi. ⁸ Nugä dí pácä 'be'a gätho guí øthä bä, ne dá xoc'ahä rá 'yu Ojä man'da da zä gui 'yørcahu ma 'befi, ne hingui sän'da ra ja'i da got ra 'yu. Ne dí pácä ngue hinguin zaqui ni t'ëc'yëihä, pe i ja ahä ts'ä. Thocua thoho gá ten man xädigä, xíngui ts'ä gá hyegahä. ⁹ Pe nuya dami 'yøhmbä ts'ä ya 'be'a din ja yä ja'i bä gue i ten ra zjithu, nu'ä im ma gue yä hogajudío, pe him majuani yä hogajudío, ngue hingui ten Ojä. Nugä ga japi din dänyahmu bä ja ni guahu to'o i ten'na ra zjithu, n'dahma da bä ämmë ngue dädí huëc'ahä gyä 'yëc'yëihä. ¹⁰ Ne nangue a dá xi ahä, ne hin gán xømbuihä 'bä mi mba ma un'ni ahä, tengugä, janangue'a ga jamansu ahä nu'bä bi zøn ra pa din ja ran unbi nts'utho ua ja ra ximhäi, ngue da ts'ä gätho yä ja'i i 'bäcua ja ra ximhäi. ¹¹ Nuya him maya'a ga mbagä bä. Nde'bä gan jamansuhä gue hin gui jafä n'da di ts'on'na ni t'ëc'yëihä, ngue hin da zä gui hyämhä 'be'a gá tähmbä. ¹² Ne nu'ä to'o hin da thäpi nangue ran ts'o, ga japi da hyän a ra 'befi nuijte thoho, ngue tengu n'da ra guangu bä ja rá ngu ma Ojähä mahëts'i, ne njäm'bä da böm bä. Ne ga o't'ä rá thuhu ma Ojä bä ja rá ja'i, ne ga orpä rá thuhu rá hnini ma Ojä, Jerusalén ma'da'yo, guet'a ra hnini ba çapä bí 'bä Ojä mahëts'i. Ne'a ma thuhu ma'da'yo ga o't'ä bä ja rá ja'i. ¹³ Ne to'o i ja yä zagu, dami 'yøhmbä 'be'a i xih rá Hogandähi Ojä u yä 'yëc'yëi," bi 'yëna.

Ram hma da hmam bä ra hnini Laodicea

¹⁴ Ne bi xi qui mahøn'a, bi 'yëna: "Nuya gui 'yorpa ra sòcuä ram 'behni i fäx'ä yä 'yëc'yëi 'bäpa ja ra hnini Laodicea, da hmam bä a. Ne gui xih mam hmangä gueca zäi dím mam majuani. Nugä dá øt'ä 'be'a gätho i ja ua ya gue bi zänd Ojä. ¹⁵ Nugä dí pácä 'be'a gätho gá 'yøthä bä, xøgue guí 'yo indethä, yoho nin 'yomfënihä, ne 'da xni hothä. Man'da xcá numanho ahä 'bä n'dat'a ni t'ëc'yëihä xquí 'yøthä, xtán ho ogue hin di ho. ¹⁶ Pe nugä dí san'nahä a gá 'yøthä, ne ga sox ahä. ¹⁷ Guetho nu ahä sää guí èmhba gyä mëmbetihä 'be'a gätho guí homhba, ne guí èmhba hin'yä 'be'a man'da guí homhba. Pe nugä dí pácä gue hin'yä 'be'a i ja ahä di muui. Pe huëcate ahä, xøgue ndumbäi thoho ahä, tengu'bä gyä 'yähehä ne guí xädähä," èn'a ra nde bí 'yëh mahëts'i. ¹⁸ Ne xø bi 'yëna: "Nugä gan zo ahä ts'ä, gua èhmbä ga 'da ahä ra temazai, tengu'bä gui tämhba ra oro mahoqui ngue ra sibi, janangue'a majuani gam mëmbetihä. Ne ga 'da ahä ran ho ni mbäihä, tengu'bä gui tän yä pahni xän t'axi gui hyehä, janangue'a hin gui pe'ts' ni sähä ngue hin'yä 'be'a gdí comp' ni ja'ihä. Ne ga xoc'a ni dähä, tengu'bä gui tämhba ra 'yëthi gui cospa ni dähä, janangue'a da zä gui nuhä xän ho. ¹⁹ Nugä ga dämhyä ahä ts'ä, ne ga 'da ahä ts'ä ran unbi gätho to'o dadí huëcä, n'damhma di hoc'a ni mbäihä. Janangue'a daman èhyahä gui päh nin 'yomfënihä. ²⁰ Nuya gui 'yøhmbä ts'ä, nguetho dí 'bäcä bä ja ra goxthi, dín zo ahä. Ne to'o da 'yøh ma ndegä ne da xogui, ga carpä, dam 'bä'be bä ne dam pa'be. ²¹ Ne to'o hin da thäpi nangue ran ts'o, ga japi ga huxhe bä mahëts'i, guepa i ja ma ts'edi, tenguthoho 'bä má tåpä ran ts'o ne dí hux'be ma Ta bä mahëts'i. ²² Ne to'o i ja yä zagu, da 'yø'a i xi a rá Hogandähi Ojä u yä 'yëc'yëi," bi 'yëna ra nde bi xi qui.

4

Ran thände bä mahëts'i

¹ Ne nu'bä mi jua a bi mam bäya, dá ndøts'e, ne dá nugä nsoqui n'da ra jut'i mahëts'i. Ne nu'a ra nde dá øt'ä tengu thoho n'da ra thäxi i yä nts'edi, bi 'yëngui: "Ba ècua ne ga ut'a'i 'be'a jatho din ja m'bejua." ² Bex bi 'dacä ra ts'edi rá Hogandähi Ojä

gue bi zä dá nugä bu. Ne dá nugä bu mahëts'i n'da ran thuts'i mahoqui xän ho, tengutho bu hux yu hmuts'ut'abi. Ne mí huxpu n'da. ³ Ne nu'a to'o mi hupu, di fexni tengu yu fexna sodo ra jaspe ogue ra cornalina. Ne bi go'ma ra 'bejäni di fexni tengu ra fexna sodo ra esmeralda. ⁴ Ne bi mbäs' pu ja ran thuts'i mi 'däte ma goho yu thuts'i, guepu mi hupu 'däte ma goho yu dac'yei. Gätho mi he yu pahni xän t'axi ne mi hu'ts' yu corona ra oro. ⁵ Ne guepu ja ran thuts'i mi hø inde, bi bøm bu ra huei nts'edi, ne ran gäni emme di thoni, ne yu nde. Ne nubu mi hu a n'da, mi ja bu yoto yu sibi gue mi xeh yu t'sibi, rá hmepya rá Hogandähi Oja, gue í juadi xän ho yu ts'edi. ⁶ Ne nubu mi hu a n'da, mi ja bu n'da ena ra dejä, ne ena ra xito. Ne dá nugä goho yu t'uti gue madim 'bä't'a ran thuts'i, gue i 'bu. Ne gätho goho yu t'uti mi ja yu dä bu yu hmi ne yu xäthä, ne gätho yu ja'i. ⁷ Nu'a n'da ran t'uti bi nequi tengu n'da ra zate ra león, ná yoho buya bi nequi tengu n'da ra toro, ne ná hyu buya bi nequi tengu rá hmi ran 'yohu, ne ná goho bi nequi tengu n'da ra dapents' u madí tants' yu zahua, tengu'bu 'yo. ⁸ Ne gätho goho yu t'uti i 'bu, ja n'da ngu n'da 'dato yu hua. Ne gätho yu hua i ja xän ngu yu dä maxøts'e nepu mbo. Ne ma pa ne ra xui bi dände Oja, xingui ts' u bin he'a nán tuhu, ne bi 'yem 'bu min tuhu:

Xän ho, xän ho, xän hotho Oja
nuixte rá ts'edi,

gue'a mi 'bu ne i 'buhyu, ne guet'a i 'bu
mazai.

⁹ Ne gätho goho yu t'uti bi dände a gue mi hu inde bu, bi 'yëspa a Oja ne bi xifi jamadi Oja gue i 'buhyu ne dim 'bu mazai høn'bu go njam'bu. ¹⁰ Ne nu'bu mi dände Oja yu t'uti, gätho 'däte ma goho yu dac'yei bin danyahmu bu ja rá hmi a i hu inde bu, ne bi un'ndu yu corona ra oro gue mi hu'ts'i. ¹¹ Ne bi 'yëna:

Nu'i ma Hmu ahe, ma Oja ahe,
høn'a thoho nin säui din ja ni nuixte ne
ni ts'edi, ne høn'a thoho nin säui da
numansu a u gätho i 'bu.

Nguetho gätho gá 'yot'e 'be'a i ja ya,
nangue ni pähä zehé, ne gue'a ni pähä án
ja'u 'be'a i ja ya.

5

Ra T'ude'yo rán säui di tants'a ra sòcuq

¹ Ne nugä dra Xuuagä dá nugä a mi huxpu ja ran thuts'i mi ca bu rán 'yei n'da ra sòcuq m'bants'i ne nt'o't'i maxøts'e nepu mbo. Ne mi ja yoto yu cuahmi bu ja ra sòcuq. ² Ne dá nugä n'da ram 'behni mahëts'i xän zaqui, ne nts'edi bi ma: "Ha 'bu a n'da rán säui da xøc'u yu cuahmi i ja ua ja ra sòcuq, ngue di tants'i," bi 'yëna. ³ Ne xinga n'da mi 'bu pu mahëts'i, xinga n'da mi 'bu pu ja ra häi, ne xinga n'da mi 'bu pu i 'bu u xän du rán säui da xøc yu cuahmi ra sòcuq ngue da bådi 'be'a nt'o't'i bu. ⁴ Ne nugä dra Xuuagä emme dán zongä nguetho njongui 'bu rán säui di tants'a ra sòcuq ngue da nu 'be'a nt'o't'i bu. ⁵ Ne nu n'da ra dac'yei bi 'yëngui: "O guí zoni," bi 'yëngui, "nguetho 'bu a n'da t'ëmbi ra León nangue rá 'yu ra Judá, ne rá 'yu ra ts'ut'abi ra David, nu'a him bi thäpi nangue ran ts'o, ne da zä da xøc'u yu cuahmi ra sòcuq." ⁶ Ne 'bex dá nugä n'da i 'bä inde bu 'bu yu t'uti, ne 'u 'däte magoho yu dac'yei. Ne nu'a bi nequi tengu n'da ra T'ude'yo bi mba ntho. Nu'a ra T'ude'yo mi ja yoto yu däni ne mi ja yoto yu dä, gue'a ra hmepya rá Hogandähi Oja gue í juadi xän ho yu ts'edi, bá 'behni gätho ná ngäni ra ximhäi. ⁷ Ne bi mba bu ne bi gänta ra sòcuq gue mi ja bu rán 'yei n'da gue mi hupu ja ran thuts'i. ⁸ Ne nu'bu mi gänta ra sòcuq, nu'u 'däte magoho yu dac'yei bin danyahmu bu ja rá gua ra T'ude'yo. Ne n'da ngu n'da mi ha yu arpa'bida, ne gätho mi ja yu ximbo ra oro mayuh rán dega ra za i yu manho, ra hmepya gue ní mba nt'ëspi Oja, gue i 'ëspa Oja u yu t'uhni. ⁹ Ne gätho bin tu a n'da ra thuhu ma'da'yo, en'u:

Høn'a zehé i nin säui gui xøcua yu cuahmi
ra sòcuq,

nguetho ya bi tho i, ne nangue ni ji guí jut'u
yu ja'i, ngue gá 'yørpa yu mbeti Oja u
gätho u 'da gue 'dahma 'dan'yo bu na ya, ne
gätho u 'da gue 'dahma 'dan'yo yu 'yu,
ne gätho u 'da gue 'dahma 'dan'yo yu
häi mi 'bu.

¹⁰ Ne gá un ni ts'edi din ts'ut'abi, ne dim
mbäjä bu di manda rá ts'edi Oja,
ne di manda bu ja ra häi, bi 'yem 'bu min
tuhu.

11 Ne nugä dra Xuuagä, 'bex dá nugä ne dá ñäcä yä nde yäm 'behni mahëts'i ñemmë xän ngu yä munts'i, ngue yä millone thoho madim 'bä't'a mi hupä ja ran thuts'i, ne yän t'uti ne yä dac'yei. **12** Ne gätho yäm 'behni mahëts'i nts'edi bin tuhu, ne bi 'yëm 'bä min tuhu:

Nangue bi du ra Jesús ra T'udë'yo,
rán säui din t'un rá ts'edi, ne 'be'a gätho di
muui,
ne ran 'yomfëni nuixte, ne ra ts'edi nuixte,
ne da hyanba yäm hman ä i numansu. Ne
da t'ëspi ne ñemmë da hnumanho.

13 Ne 'bex dá ñäcä bi mba nt'ëspi a huxpä ja ran thuts'i, ne ra Jesús ra T'udë'yo. Gätho i 'bäi bi man'ä tengu n'dare thoho:

Majapi thoho ne i hnumansu ngue nuixte
thoho. Ne din ja rá ts'edi xän ho,
ne gätho i 'bäi da 'yëspi hön'bä go njam'bä
mazai. Njabä bi ma gätho i 'bäpä
mahëts'i, nepä ja ra häi, ne'ä xän du,
ne'ä 'bäpä ja yä dejä, ngue n'dat'a bi
man'ä.

14 Ne gätho goho yän t'uti i 'bäpä mahëts'i
bi 'yëna: "Necähe n'dat'a dím bëmhbe a," bi
'yën'ä. Ne gätho 'däte magoho yä dac'yei mi
'bäpä bin dänyahmu i thände a hu'inde
mahëts'i, ne ra T'udë'yo.

6

Yoto yän cuahmi

1 Ne nugä dra Xuuagä dá nu ra Jesús ra T'udë'yo bi xöc'a rá mbädi rán cuahmi ra sôcuä ne bi dä'mi di tants'a ra sôcuä. Ne n'da ran t'uti bi xicä, ne nt'ðde rá nde tengu ran gäni: "Ba ñcua gua nuua," bi 'yëngui.

2 Ne dá hëtä bä, ne dá nu n'da ra t'axca ndøfani. Ne nu'a mi huxpä mi hä n'da ran sä, ne bi mba ma unni n'da ra corona. Ne bi mba bä zäi da däh yän säi din ja. **3** Ne nu ra Jesús ra T'udë'yo bi xöc'a ná yoho rán cuahmi ra sôcuä. Ne dá ñäcä a bi mam man'da ran t'uti, bi xicä: "Ba ñcua gua nu," bi 'yëngui. **4** Ne dá nugä, bi bøm bä n'da ra thenga ndøfani. Ne mi huxpä n'da, ne bi mba ma unni ra espada xäm mba. Ne bin t'un'na ran t'ëdi gue di japi din së'ä yä ja'i gätho 'bäpä ja ra ximhäi, ngue din hyo n'da ngu n'da ä. **5** Ne nu'a ra Jesús ra T'udë'yo bi xöcua ná hyu ran cuahmi, ne xö dá ñäcä

rá nde man'da ran t'uti bi xicä: "Ba ñcua gua nu," bi 'yëngui. 'Bex dá nugä bi bøm bä n'da ra 'bondøfani, ne mi huxpä n'da mi hä ra t'ënt'i. **6** Ne dá ñäcä n'da ra nde bi bøm bä mi 'bäh yän t'uti, bi 'yëna: "Hönt'a n'da kilo ra trigo da dän'a n'dapa, ne hönt'i hyu kilo ra cebada da dän'a n'dapa. Pe dami jamansuhä ra aceite ne ra vino, o gadí japi dim 'bedi." **7** Ne nu'bä mi xöc'a ná goho ran cuahmi a ra T'udë'yo, dá ñäcä rá nde man'da ran t'uti, bi 'yëngui: "Ba ñcua gua nu," bi 'yëna. **8** Ne 'bex dá nugä bi bøm bä n'da ra ndøfani xän c'axt'i ts'ä. Ne mi huxpä a n'da t'ëmbi ran däte, ne mí ten'na ran däte n'da gue xí bøm bä 'bäi ä xän du. Nu'ä bin t'un ra ts'edi di manda ä ná goho bä 'bäh yä ja'i gätho ra ximhäi. Ne nu'ä bin ja ra ts'edi gue da hyo yä ja'i nangue ra espada, ne nangue din tumanthuhu, ne nangue ra gëhë, ne yä zate da hyo yä ja'i. **9** Ne nu'bä mi xöc'a ná çä't'a rán cuahmi ra sôcuä a ra T'udë'yo, dá nugä bä n'da ra mëxa guepä i pa m'bëspe Ojä, gue bim 'bëts'e zëhë ä yä 'yëc'yëi. Ne dá nugä bi hyupä 'bimëxa yä te ä gätho í tho a rám hman Ojä, ne bi ma nangue ra Cristo. **10** Ne gätho ä mi hupä 'bimëxa nts'edi bi 'yëna: "Ma Hmu tätethoho ni ts'edi, ne xän ho i, ne majuäni guim ma. Ham'mi pa gui tø'mi ngue gui 'yörpa ran juänbä ä, ne gui cospa ä yä ja'i 'bäpä ja ra ximhäi 'be'a bi 'yörcahe," bi 'yën'ä. **11** Pe nu'ä bin t'un yä pahni xän t'axi, ne bi sifi da dø'mi ts'ä 'da yä pa, ja gue'bä bi gua'ä dí du a rám hman Ojä ä yä mi'yëhëhë, ngue tengu ä. **12** Ne nugä dra Xuuagä dá nugä ra T'udë'yo bi xöc'a ná 'dato rán cuahmi a ra sôcuä. Ne 'bex bin ja n'da ra 'yämhäi nts'utho. Ne nu'a ra hyadi gätho 'bex bi boqui tengu n'da ra 'bo'bø't'e, ne nu'a ra zäna 'bex bi thengui tengu ra ji. **13** Ne gätho yä sô bi däpä häi, tengu n'da ra za i höh yän dät'o 'bä i huäñ ran dähi. **14** Ne nubä xän c'ammi ra ximhäi, bi mba m'bants'i tengu'bä ra sôcuä, bim 'bedi. Ne gätho yä t'uhäi mi ja bä ja ra dehe, pe ne'ä gätho yä t'øhø, bi mba ma pädi bä mi ja. **15** Ne gätho yä ts'ut'abi bä ja ra häi, ne gätho yä ngurpi yä ja'i, ne gätho yä hmudofäi, ne gätho yä membëti, ne gätho i jasë yä ts'edi, ne gätho yä 'yëhë, ne gätho hing yä 'yëhë, bi mba bä däpo, mi honi hapä din 'yäni guepä ja yä

hyānhäi, o guepa ja ya hyädo. ¹⁶ Ne gätho mi nde u da zemba yá yá do 'bá bi xo't' ya t'øhø ne da go'mi, ngue i su da nu a rá cue a i huxpá ja ran thuts'i mahëts'i, ne'a ra T'udë'yo. ¹⁷ Nguetho bi zón ra pa ran unbi nts'utho, ne'njon da zä da hyät ran unbi.

7

Rá 'bede u yá israel bu mahëts'i

¹ Ne nubuya dá nugä goho yám 'behni mahëts'i, ne 'da a n'danni mi 'bápá rá nyäni ra ximhäi i sám'ma ran dähi i 'yo ua gue xíngui ts'u din 'yo bá ja ra häi, o guepa ja ra dädejä, ne xínga gue di 'yäni yá za. Ne'yá dädejä hin di 'yäni, di nequi tengu n'da ra xito xán juäni thoho. ² Ne dá nugä n'da ram 'behni mahëts'i bí 'yépá ní bøx ra hyadi, ne nu'a bá hyä a rá sello Oja ngue i 'buí, ne nts'edi bi mba't'á goho yám 'behni Oja gue i 'bápá yá nyäni ra ximhäi. Gue'á mi 'bápá bin t'un ra ts'edi di unba ra häi ne ra dädejä. ³ Ne nu'a ram 'behni mi hä ra sello, bi xi u mi'da gue da dø'mi ts'á, him 'bex di unba ra häi o gue ra dädejä o gue yá za, ja gue'bá di selloba bá ja yá dë yá 'yé'yei a rá sello Oja. ⁴ Ne dá ócä hangu bi 'beh yá ja'i di jap ra sello yá dë, n'da ciénto ne yote ma goho mahuähi, bi thästa u yám bom'bëto yá ts'unt'á ra Israel. ⁵ Bi thästa u 'dë'mayo mahuähi yám bom'bëto ra Judá. Ne bi thästa u 'dë'mayo mahuähi yám bom'bëto ra Rubén. Ne bi thästa u 'dë'mayo mahuähi yám bom'bëto ra Gad. ⁶ Ne bi thästa u 'dë'mayo mahuähi yám bom'bëto ra Aser. Ne bi thästa u 'dë'mayo mahuähi yám bom'bëto ra Neftalí. Ne bi thästa u 'dë'mayo mahuähi yám bom'bëto ra Manasés. ⁷ Ne bi thästa u 'dë'mayo mahuähi u yám bom'bëto ra Simeón. Ne bi thästa u 'dë'mayo mahuähi yám bom'bëto ra Leví. Ne bi thästa u 'dë'mayo mahuähi u yám bom'bëto ra Isacar. ⁸ Ne bi thästa u 'dë'mayo mahuähi u yám bom'bëto ra Zabulón. Ne bi thästa u 'dë'mayo mahuähi u yám bom'bëto ra José. Ne bi thästa u 'dë'mayo mahuähi u yám bom'bëto ra Benjamín.

Yá ja'i mi he yá pahni xán t'axi

⁹ Ne nugä dra Xuuagä, dá handi ne dá nugä xán ngu yá ja'i ne'njon da zä da mbede

hangu na ngu dá nugä. Dá nu u i 'bápá gätho u 'da gue 'dahma 'dan'yo bá na ya, ne gätho u 'da gue 'dahma 'dan'yo yá 'ya, ne gätho u 'da gue 'dahma 'dan'yo yá häi mi 'buí. Ne gätho u mi 'bápá mí hët'a mí huxpá ja ran thuts'i bá mahëts'i, ne mi hët'a ra Jesús ra T'udë'yo. Gätho mi 'bápá mi he yá pahni xán t'axi, ne mi ca yá xijam'boza. ¹⁰ Ne gätho nts'edi bi 'yëna:

Emme dín numanho ahe, ma Oja ahe, tätetho ni ts'edi, ne'e gra Jesús gra T'udë'yo, dí 's'ahe ngue gá pøje, bi 'yën u.

¹¹ Ne gätho yám 'behni mahëts'i bi mbä't's'a mi hupá made bá mahëts'i, ne gätho 'däte ma goho yá däc'yei ne'u gätho goho yán t'uti bi mbäs' thoho gätho mi 'bápá, bin danyahmu, bi nye'mahäi, bi dände Oja i hu inde bá. ¹² Gätho bi 'yëna:

Necähe 'dat'a dím bëmhbe, dí 's'ahe, ma Oja ahe, nuixte xán ho i.

Ne gätho guí pødi. Zai dí xi ahe jamadi nangue ran ho guí ørcahe. Dín numansu ahe, ne nte guí hëmbi, pe i ja ni ts'edi xán ho, ne gam 'bái hòn'bágo njäm'bá mazai.

Ne hòn'a tho dím bëñ ahe ya, bi 'yën'á.

¹³ Ne nu n'da ra däc'yei bi 'yängä dra Xuuagä: "Ha guí pødi hapá bá nèx yá." ¹⁴ Ne dá 'mp'a ra däc'yei: "Nu'i guí pødi." Ne nu'a ra däc'yei bi 'yëngui: "Nu'a gue'á bi 'yé'yei Oja 'bá mi ja ran unbi ndumbáhi tho bá ja ra ximhäi. Ne nu'a rá ji ra Jesús gue a í bo yá pahni u, bi japi xtan t'axi. ¹⁵ Janangue'a i 'bähná ja rá hmi Oja yá. Ne in 'yëhë ma pa ne ra xui ua ja rá nijá Oja. Ne gue'a i huxpá ja ran thuts'i di jamansu yá. ¹⁶ Ne him man'dandí din tumanthuhu yá, ne him man'dandí din tuthe. Ne him man'dandí da nu ran unbi nam pa ra hyadi, xinga gue u mi'da xám pa di unbi. ¹⁷ Nguetho nu ra Jesús ra T'udë'yo gue i 'bá inde bá mahëts'i da 'yøt'e tengu 'bá ra mbändë'yo, ne da zixpá hapá i ja ra dehe gue di un ra te yá mbui. Ne nu'a Oja him man'dandí di japi din zoni."

8

Ná yoto ran cuahmi ne ra t'uts'i ra oro

¹ Ne nu'bá mi xøcua na yoto yán cuahmi ra søcuá, made ora njom bin ya bá mahëts'i

nε nte bi 'yani. ² Nu'bu mí gua'a buya dá nugä yoto ym 'behni mahets'i zai i 'bäpu ja rá hmi Oja, nε bin t'un yu thuxi n'da ngu n'da. ³ Nε dá nugä n'dan'yo ram 'behni mahets'i, bi mba bim 'bäpu ja rá mexa yan t'unni, nε mi the n'da ra t'uts'i ra oro nε bi mba nt'unni xen ngu rá ndega ra za din zo bu, i yman'u, nε nu'a rá 'bifi da mba ma uaspi ym hma yu 'yc'yei 'bu i espa Oja. Nε gätho i zo bu ja rá mexa ra oro gue i hopu ja rá hmi a Oja i hu inde bu. ⁴ Nε nu'a ra 'bifi i nexpu ja rá t'uts'i a ram 'behni, mauats'i ym hman yu 'yc'yei 'bu i espa Oja, nε bi zom bu bí 'bu Oja. ⁵ Nε nu'a ram 'behni bi yus' yu despi bu ja ra t'uts'i ra oro gue mi zo bu ja ra mexa, nε bi 'ym bu ja ra ximhäi. Nε 'bex dá ócä nts'edi yan gäni din thoni. Nε dá nu nts'edi yu huei bi c'ueti bu ja ra ximhäi, nε bin ja n'da ra 'yamhäi bu.

Yu thuxi

⁶ Nuya bim 'bäpu yoto ym 'behni mahets'i i to'mi da huixt' yu thuxi. ⁷ Nε rá mbudi ram 'behni bi huixt' rá thuxi, 'bex bi t'en bu häi yan do, nε ra sibi, mauaspi ra ji. Nε ná hyu xequi ra häi bin zo, bi gopu mi yoxequi ra häi. Nεpu na hyu xequi bin zo yu za nε yu t'ei xen c'ammi. Pe bi gohi yo xequi ngue him bin zo. ⁸ Nε na yoho ym 'behni bi huixt' rá thuxi, nε dá nu tengu n'da ra toho xen ndoho, i so nε emme ndospi, nε bi mba nt'enti bu ja ra dägeja. ⁹ Nε na hyu xequi ra dägeja bi japi din ji. Nε gätho bi du u mi 'bäpu mbo ra dehe. Nε gätho yu dambosa gue mi 'yo bu bin ts'on*u*. Pe bi go u yoxequi ra dägeja ngue him bin ts'on*u*. ¹⁰ Nε ná hyu ym 'behni bi huixt' rá thuxi. Nε 'bex bi däh mahets'i n'da ra so xen ndoho ngue i zo nε emme xeh yu t'usb*u*. Nε bi däpu ja ná hyu yu däthe nε ná hyu yu mbøthe bu ja ra ximhäi. ¹¹ Nu rá thuhu ra so ngue bi dägui ra Ajenjo na. Nε guepu bi däh ra so gätho ra dehe emme bi ju'ts'i. Nε xen ngu yu ja'i bi du ngue bi zi a ra dehe xen ju. ¹² Nε nu ná goho ram 'behni bi huixt' rá thuxi. Nε 'bex bi boqui ná hyu xequi ra hyadi, nε a ná hyu xequi ra zana bi boqui. Nε a ná hyu nets'i yu so bi boqui. Nε mbeu ngoho ora ra pa nε ra xui him bin ja ran nequi. ¹³ Nε drá Xuuagä dá nu n'da ram 'behni mahets'i mi 'yo inde bu mahets'i, nε emme nts'edi mbafi, bi 'yena:

"Hueccate, hueccate, hueccate yu ja'i 'bäpu ja ra ximhäi, nangue 'bea din ja 'bu bi huixt' yu thuxi yu mi hyu ym 'behni mahets'i gue i 'bähnu," bi 'yena.

9

¹ Nε ná cat'a ym 'behni bi huixt' rá thuxi nε dá nu n'da ra so tengu n'da ram 'behni mahets'i ngue hingui ho, bi däpu mahets'i bi zopu ja ra ximhäi. Nε bin t'un'na n'da ran sogui da xoc ra hyähai ngue emme xen hez nε nts'utho, guepu i 'bu a ra zithu. ² Nε nu'bu mí xoc'a, bi bom bu ra 'bifi xemm pothi tengu 'bu fan ra sibi xen ndoho. Nε 'bex bi go'ma ra hyadi a ra 'bifi nε bin uants'ui ran dähi gätho ra ximhäi. ³ Nε xen ngu yu he'yaxi bi bom bu ja ra 'bifi ngue bin 'yo gätho ra ximhäi. Nε bin t'un yu ts'edi da 'yot'e tengu ran unbi di un yu mbozu. ⁴ Nε bi sifi ngue hin di ts'on yu t'ei o gue yu za o gue mi'da i ja ua ja ra ximhäi, hont'u yu ja'i di unbi gätho to'o him mi ja rá sello Oja bu ja yu dez. ⁵ Nε him bi japi da hyo yu ja'i, hont'a cat'a zana di unba yu ja'i, tengu i ot' yu mbozu 'bu i sa n'da. ⁶ Nε nu'u yu pa gue i 'yo ua yu he'yaxi in nde yu ja'i da du pe hingui sá da du, hont'a ran unbi thoho da nu. ⁷ Nε nu yu he'yaxi di nequi tengu yu fani ena da mba ra sai, pe nu yu hmi tengu yu hmi yu ja'i, nε i hu'ts' yu corona yu oro. ⁸ Nε nu u mi ja yu xtaq tengu n'da ra xisu, nε mi ja yu ts'i tengu yu ts'i ra dazate. ⁹ Nε nu u mi ja bu yu tiya tengu rá xi ra dahuq, pe xemm me tengu ra t'egui. Nε di hij yu zahua tengu'bu yu carro i jut yu fani i tihi, emme di thoni tengu'bu i pa bu ja ran sai. ¹⁰ Nε nu yu 'yozu tengu yu mbozu, nε cat'a zana bin t'un ran t'edi di unba yu ja'i, nangue yu 'bite i ja yu 'yozu. ¹¹ Nε nu'a rá hmu u yu he'yaxi 'bäpu ja ra hyähai ngue emme xen hez, nε nu'a rá thuhu ra Abadón ngue rá nde ra hebreo, nε nu'u yu griego embi ra Apolión. Pe nu rá thuhu nde da ma, gue nde di ts'oni 'bea gätho i ja. ¹² Nuya rá mbudi ran unbi bi thogui, pe ba eh mi yoho yan unbi. ¹³ Nε ná 'dato ym 'behni bi huixt' rá thuxi. 'Bex dá ócä n'da ra nde bi bom bu ja yu däni gue' u mi ja bu goho yu ts'at'i ra mexa ngue ra oro i hopu ja rá hmi Oja. ¹⁴ Nε nu a ra nde bi 'yemp'a ná 'dato ym 'behni mahets'i gue i ja bu rá thuxi:

"Dami xoc' u goho yu'm 'behni mahets'i ngue nthu't'i bu ja ra däthe Eufrates," bi t'ëmbi. **15** Ne bi mba nsoqui, nguetho bi dø'mi da zon ra ora, ne ra pa, ne ra zana, ne ra jeya da soc'u. Ne da mba u da hyo a na hyu njai' i bu 'buñ yu ja'i gätho ra ximhäi. **16** Ne yociento millone yu dofui i hux yu ndofani bi den'ndu. Nugä dra Xuuagä dá ñcä hangu na ngu bi mba. **17** Ne in ja bu 'buñ má nugä yu ndofani, ne nu'u yu dofui madin tøgue bi däc yu tjiya ra t'egui ma cuhü xan theni, xan c'ammi ne xan c'axt'i. Ne nu'u yu yu ndofani tengu yu yu dazate. Ne bi bøm bu ja yu nde yu ndofani ra sibi ne ra 'bifi ne ra despi. **18** Ne na hyu ram 'bede yu ja'i mi 'buñcua ja ra ximhäi bi du nangue rán unbi ra sibi, ra 'bifi ne ra despi gue bi bøm bu yu nde yu ndofani. **19** Nu yu ndofani mi ja yu ts'edi nangue 'be'a bi bøm bu ja yu nde, ne mi ja ra ts'edi yu 'yoza, nguetho yu 'yoza i ja yu yu tengu yu pozu di unba yu ja'i. **20** Ne gätho mi'da yu ja'i gue him bi du, him bi päh yán 'yomfensi, pe guexta'a bi dande yu zithu ne'u yu hmite bi 'yozehé, yán t'ot'e ra oro ne ra t'axi ne ra fexna t'egui, ne ra do, ne yu za, yu hmite u gue hingui nute ne hingui ñhnahyä, ne hingui sä din 'yo. **21** Ne xingui ts'u bi hyeh yán t'ot'e xan ts'o. Guexta'a bin hyodu ne bim badi ne bin 'yomt'ensi, ne bim pe.

10

Ra t'usocuq i cq n'da rám 'behni Oja

1 Ne nugä dra Xuuagä dá nugä man'da rám 'behni Oja bá cah mahets'i, mi ja rá ts'edi. Ne bán 'youi n'da ra güi, ne mi comba ra 'bejäni rá yu. Ne nu'a rá hmi bi yoxni tengu ra hyadi, ne nu'u yu gua madi nequi tengu'bu n'da ra sibi. **2** Ne mi cq n'da ra t'usocuq ma tants'i. Ne nu'a rán 'yeigua mí nemph' ja ra dädejä, ne nu'a rá gähäqua mi nemph' ja ra häi. **3** Ne nu'a ram 'behni nts'edi bi mbafi, tengu'bu i mba a ra dazate. **4** Ne nu'bü mi mbafi, 'bex dá ñcä yoto yán gäni. Ne mí ñngä xcá o'tä ra socuq 'be'a dá nugä, pe 'bex dá ñcä n'da ra nde mahets'i bi 'yengui: "Yo güi o't'ya 'be'a bi ma yán gäni, nguetho hingui sä gui ma 'be'a bi man'u." **5** Ne dá nugä rám 'behni Oja mahets'i gue i bapu ja ra dejä nepu ja ra häi, bi 'uq'ts' rán

'yei bu mahets'i. **6** Ne bi ndønba rá thuhu Oja i 'bäi ne dim 'bäi mazai, gue bi 'yøt' mahets'i ne ra ximhäi ne ra dejä ne gätho 'be'a i jabu. Bi ndønba rá thuhu, gue majuani hin da dø'mi mi'da yu pa 'be'a din ja. **7** Ne çna, nu'bü bi huixt' rá thuxi a ná yoto rám 'behni Oja gue mi 'buñhu, 'bex din ja buña 'be'a bi xi Oja yu pøngahyä maya'bu gue din ja, gue him mäm fädi. **8** Ne nu'a ra nde mahets'i bi 'yengä mahøn'a: "Nu'i, ní mba bu, bá çan'a ra sœcuq gue i cq'a rám 'behni Oja mahets'i i 'bähnu ja ra dejä ne ra häi." **9** Janangue'a dá mbagä bu mi 'bä'a ram 'behni mahets'i, ne dá xifi gue di 'dac'a ra sœcuq. Ne nu'a ram 'behni bi 'yengui: "Çani, ne gui sa. Ne nu'bü gá sa, tengu'bu ra t'afit'asa bu dán zä ni nde, pe nu'bü bi mba bu ni foho ñmme xtán ju buña." **10** Ne dá çangä ra sœcuq buña, ne dá sagä a. Ne bin ja tengu bi xicä ram 'behni, xü cuhi 'bu má sagä, ñmme xan q, pe guepu ma foho, ñmme xan ju. **11** Ne bi xiqui: "Jatho gui mamp'a rám hma Oja mahøn'a, hønbü go hapu 'buñ yu ja'i 'dahma 'dan'yo bu na yu ne 'da n'danni yu häi, nepu 'buñ yu ts'ut'abi." Ne gue'a bi sicä a dra Xuuagä.

11

Yoho yu pøngahyä

1 Ne nugä dra Xuuagä, bin 'dacä n'da ra t'ensi gue ra za, ne bi t'engui: "Ní mba bu ja ra däniqä ne gui 'yeni hangu na ndoho ra ngu. Nepu ja ra mexa i pøx yán t'unni yu ja'i." Ne bi siqui ga pede hangu na ngu yu ja'i i thände Oja bu. **2** Pe bi sicä: "O güi eni hangu na ndoho ra häi ma mbä't'i bu thi ja ra däniqä, nguetho bin t'un'du yu ja'i 'dahma 'dan'yo bu na yu, gue'u hingui pø Oja. Ne yote ma yozna din 'yo bu ne di un'na rá hogahnini Oja." **3** Ne bi 'yengui: "Ga penhdä bu yoho ma pøngahyä, ne da hye yu he tengu'bu i tu yu mbäi. Ne n'da muhahi yo ciuento ne hyate pa da man'a mam hmangä bu u," en Oja. **4** Ne nu'u yoho yu pøngahyä Oja, gue'u mí u'u yoho yu za ngue yu olivo, ne'u yoho bu tøh yu lámpara gue i bapu ja rá hmi ra Hmu mahets'i, gue'a di manda gätho ra ximhäi. **5** Ne to'o im bëni di unba u yoho yu 'yohu gue yu pøngahyä Oja, da bøn ra sibi bu yu nde ngue'a í zö'u. Ne gue'a dí du'u gätho yán suihu u yoho yu

pøngahyä Oja. ⁶ Ne nu'ü yoho yü pøngahyä, din ja yü ts'edi ngue di japi hin din 'ye gätho yü pa gue dim pøngahyä bü. Ne din ja rá ts'edi gue gätho yü dehe di japi ngue din ji. Ne din ja yü ts'edi hønt'a go 'be'a man unbi di unba ra ximhäi, hønt'a go ní pa i nde. ⁷ Ne nu'ü mi gua'a rá 'befi Oja ü, 'bex bi bøm bü ja ra hyäähäi emme xüñ hë tengu n'da ran dætezate, rám 'behni ra zithu emme nts'utho. Ne bi mba bü, bi zü'ü yoho yü pøngahyä Oja, ne bi däha bi hyo ü. ⁸ Ne nu'ü yü ngoc'yei ü yoho bi du, mi 'bem bü ja ra calle made ra dähnini, gue n'dat'a ra hnini guepü bi du ra Hmu mahëts'i bü ja ra pont'i. Ne nu'a ran ts'o bin ja bü ja ra dähnini 'da'angu nan ts'oui bin ja bü ja ra hnini Sodoma, nepü ja ra häi Egipto. ⁹ Ne nhypa made bi mba yü ja'i gätho 'dahma 'dan'yo bü na yä gue bi nexpü gätho yü häi, bi hyet'ü 'bom bü xí du. Ne him bi japi bi mba nt'ägui. ¹⁰ Ne gätho yü ja'i i 'bæcua ja ra ximhäi bin johya 'bü mi du ü, ne nangue ran johya, bi un yän t'unni n'da ngu n'da, ne bi hyu yü mbü ngue hin di paha mahøn'a ü yü pøngahyä Oja, nguetho bi nu ran unbi nangue 'be'a bi 'yørpa ü. ¹¹ Pe nu'ü mi tho a nhypa made mi 'bom bü, pe Oja bi un ra xehyä mahøn'a, ne 'bex bi ndants'ü, ne gätho to'o bi nu, emme bin su ü. ¹² 'Bex bá ë'a n'da ra nde mahëts'i nts'edi bin yä, bi 'yëmp'ü: "Ba ëcua ya," bi 'yëna. Ne bi ndex mahëts'i ü, in 'yohü n'da ra güi. Ne gätho yän shihü mi 'bäpü bi nu 'be'a bin ja. ¹³ Ne nu'ü mi mba ü yü pøngahyä Oja, 'bex bi 'yan ra häi bü ja ra dähnini, emme nts'utho. Ne ná 'det'a ra xequi ra hnini bin ts'oni, yoto mahuahi yü ja'i bi du nangue nts'edi ra 'yanhäi. Ne nu'ü yü ja'i gue him bi du, emme bin su, ne bi 'yëspa Oja mahëts'i baya. ¹⁴ Nuya ná yoho yän unbi bi thogui, ne 'bex ba ë'a ná hyu ran unbi.

Ná yoto ra thüxi

¹⁵ Ne nu'ü mi huixt' rá thüxi a ná yoto ram 'behni mahëts'i gue mi 'bäpü, 'bexque nt'ode bü mahëts'i xüñ ngu yü nde nts'edi bin yä, bi 'yëna:

Nuya gätho ra ximhäi bi dä Oja ma Hmuuhü, ne'a ra Cristo bi huahni, ne hønt'ü di manda bü høn'bü go njäm'bü mazai, bi 'yën'ü yü nde i yä mahëts'i.

¹⁶ Ne nu'ü 'däte magoho yü dac'yei ngue mi hupü ja yän thuts'i di mbä't'a Oja bü mi hudi, bin dänyahmu ne bi dände Oja. ¹⁷ Ne bi 'yëm 'bü mi dände:

Nu'i ma Oja ahe nte guí hëmbi, Nu'i zai guí 'bäi, ne zai gmi 'bäi, nuya gá dü'mi gá 'berpa yü ts'edi gätho mi'da, ne da zä gui manda xüñ ho 'be'a gätho i ja. Dí xi ahe jamadi, ngue ya gá 'yuh ni ts'edi tåte thoho.

¹⁸ Nu'ü yü ja'i i 'bæpü hønbü go hapü i ja yü häi emme bin cue

ngue ya bi zøn ra ora da nu ran unbi. Nuya bi zøn ra ora da nu nin juanbi, ne gätho ü xüñ du.

Bi zøn ra ora gue gui un'dü ya 'be'a bi dä'ü ni 'yëhe ne ni pøngahyä.

Ne bi zøn ra ora gue gui un'dü yän t'unni gätho bi 'yëc'yei,

hønt'a go to'o i ja yü ts'edi, ne'ü hin'yü yü ts'edi.

Ne bi zøn ra ora, gue gui juau'ü gätho to'o di unba yü mijä'ihü, bi 'yën'ü.

¹⁹ Ne nu'ü mi gua'a bi man'ü yü dac'yei, dra Xuuagä dá nugä nsoqui ra däni jah mahëts'i. Ne dá nugä ra huada i høpü mbo, guepü m'bë'ts'i ran hoqui bi 'yøt'ui Oja ü yü 'yëc'yei. Ne bin ja nts'edi ra huai, ne bin thoni, ne yän gäni, ne bin ja n'da ra 'yanhäi, ne bi hyøh yän do.

12

Ra xisu ne ra järga

¹ Ne dá hant'a n'da ran t'uti xüñ ndoho bü magats'i, ngue n'da ra xisu mi he ra hyadi ngue rá pahni, ne mi tøpü ja ra zäna. Ne mi hu'ts'a n'da ra corona gue min 'youi 'de'mayoho yü sò. ² Ne nu'a ra xisu mi hät'ü hni a, ne emme mi mba fi ngue xüñ ü, ngue nde dim 'bäh rá t'ü hni. ³ Ne bi nequi bü man'da ran t'uti tengu n'da ra järga xüñ ndoho ne xüñ theni, emme nts'utho. Ne nu'a ra järga mi ja yoto yü yä, ne n'da ngu n'da yü yä mi hu'ts' yü corona. Ne mi ja 'det'a yü däni. ⁴ Ne nu'ü mi uqen'na rá 'yozü, bi hyøm bü häi ná hyu nts'i yü sò mi ja bü mahëts'i. Ne nu ra järga 'darbü mi 'bähmi ra xisu, i nde da zap'a rá t'ü hni 'bä bim 'bäi. ⁵ Ne bim 'bä'a n'da ra ts'unt'ü, rá t'ü hni ra xisu

buya. Ne guehna ra ts'unt' u din ts'ut'abi gätho yu häi, ne njon di japi da mbesta'a da ma. Pe nu'b u mim 'bu i, bi jamansu Oja, ne 'bex bi zixpu mahets'i bí ja rá ts'edi. ⁶ Pe nu ra xisu bi 'dogui, bi mba bu ma'ueni guepu bi hocua Oja dim 'bu n'da mahuahi ne yociento ne hyate pa. Ne din ja bu 'be'a gätho da hyoni. ⁷ Ne nu bu mahets'i bin ja n'da ra däshai, nu'a rá ngurba m'behni Oja mahets'i ngue ra Miguel ne gätho u mi'da yám 'behni Oja mahets'i, bin sühmbu a ra järga ne'u gätho yá 'yehé a ra järga. ⁸ Pe nu'a ra järga him bi däha, ne Oja him bi japi dim 'bepu mahets'i buya. ⁹ Ne bi thön'a thi bu mahets'i a ra järga, guet'a ra c'eyá, ra zithu a, rá thuhu ra Satanás, gue i häte gätho ua ja ra ximhäi gue'bu rá mbudi thoho. ¹⁰ Ne nubuya nugä dra Xuuagä dá ócä n'da ra nde mahets'i nts'edi bin yá bi 'yena: "Ya bi zón ra pa da yan'u yu 'yec'yei, ne da nu a rá ts'edi Oja, di manda rá ts'edi Oja u, ne a ra Cristo. Nguetho ya bi thön'a thi bu mahets'i ra zithu ngue nzai madi yap'u ma cuhu bu ja rá hmi Oja ma pa ne ra xui. ¹¹ Pe gue'a rá ji ra Jesús, tengu'b u ra De'yo, ní däp'a ra zithu u yu 'yec'yei, ne'b u i ma ngue ec'yei ra Jesús, ne'b u hingui su da du. ¹² Janangue'a dan johyahä gätho dí 'buhmbu mahets'i. Pe ndumbu i thoho ahu gue guí 'buhmbu bu ja ra häi, nepu ja ra dejä, nguetho bi zom bu ja ra ximhäi ra zithu, ne emme in cue. I padi him maya'a yu pa din ja rá ts'edi bu," bi 'yén'a ra nde dá ócä bin yá bu mahets'i. ¹³ Ne nu'b u mi nu ra järga zithu ngue bá t'ent'ua häi, bi gu'a ra xisu gue bim 'bu rá ts'unt' u. ¹⁴ Pe nu'a ra xisu bi mba nt'unni yoho yu zahua tengu n'da ra pents'u xan ndoho, ne bi zägui bi mba ma'ueni guepu him bi zä bi bent'a ra järga. Ne bi mba ma jamansu bu hyu jeya made. ¹⁵ Nu ra järga buya bi bøn ra dehe rá nde, tengu'b u n'da ra däthe xan ndoho, ena xtán dux'a ra xisu ra dehe. ¹⁶ Pe Oja bi xoc'a n'da ra hyähäi guepu bi yu'a ra dehe bi bøm bu rá nde ra järga. ¹⁷ Pe nu ra järga buya emme bi de ra cue nangue'a ra xisu, ne bi mba bi zu'u gätho mi'da ngue rá 'yu'a ra xisu, gätho u gue bi 'yot'a bi man Oja ne bi den'du 'be'a bi man'a ra Jesús.

Ran t'uti bi bøxp u ja ra dejä, ne ran t'uti bi bøxp u ja ra häi

¹ Ne bi mba bim 'bäp u ja ndenthe a ra järga zithu. Ne nugä dra Xuuagä dá nu man'da tengu n'da ra zate, bi bøxp u ja ra dädejä. Ne nuna ra zate mi ja yoto yu yá, ne 'det'a yu däni, guepu mi ja 'det'a yu corona. Ne mán t'o't'i bu yu yá yu thuhu zehé a ra zate embi gues Oja, ne bi ma mants'o nangue Oja. ² Ne nuna ra zate dá nu, gue bi bøxp u ja ra dejä, tengu n'da ram hmasni, pe nu yu gua tengu yu gua yu oso, ne nu u yu nde, tengu yu nde yu león. Ne nu'a ra järga bi un zehé rá ts'edi ná yoho ra zate gue xí bøxp u ja ra dejä. Ne bi un ran t'edi di manda bu hapu i ja rá ts'edi ra järga zithu, emme xan ngu ra ts'edi mi ja a. ³ Nu'a n'da rá yá mi ja bu n'da ra seni ngue mí embi dí du a, pe bi zä. Ne gätho yu ja'i mi 'bucua ja ra ximhäi, bi denni, ne bi hyonya thoho nangue rá ts'edi mi ja. ⁴ Ne nu u yu ja'i bi dände ra järga, nguetho ya xi un rá ts'edi ra zate xi bøxp u ja ra dejä. Ne bi dände ra zate, ne bi 'yena: "Njo'o man'da tengu na, ne njo'o to'o da zä din sühmi na." ⁵ Ne bin t'un rán t'edi ra zate xí bøxp u ja ra dejä, da man ra ts'ore xan ts'o nangue Oja. Ne bin t'un ran t'edi din ja rá ts'edi yote ma yozna. ⁶ Ne nu'b u mí nyá, emme xan ts'o bi ma nangue Oja. Bi ndøm mánts'o rá thuhu Oja, nepu bí 'bu i, ne gätho u i 'bupu mahets'i. ⁷ Ne bin t'un ran t'edi ngue din sühmbu yu 'tuhni Oja ngue di japi di 'be'. Ne bin t'un ra ts'edi ngue di manda gätho ná ngu yu ja'i 'bucua ja ra ximhäi, gätho yu häi, ne gätho 'dahma 'dan'yo bu na yá yu ja'i, gätho yu hnini. ⁸ Ne gätho yu ja'i bi dände a. Pe him bi dände u xmán t'o't'i yu thuhu bu ja rá sòcuä ra Jesús gue bi 'yo't'a ra T'adé'yo gue'a bi tho. Ne ya mán t'o't'i bu u yu thuhu u 'bu má hin'yu ra ximhäi, im ma to'o i ja ra temazai. ⁹ Nu'u to'o i ja yu zagu, dami 'yøhmbu xan ho ya. ¹⁰ Nu'a to'o di un ran unbi yu ja'i gue da got' ra fädi, nese a da nu ran unbi ngue da mba njot'i. Ne to'o din hote ngue di sente, nese a da nu ran date ngue da ts'en. Janangue'a to'o gätho u yu 'tuhni Oja, jatho hønt'a da bëni gue yu yannte Oja, ne hin din xømbu. ¹¹ Ne nubuya dá nu man'da ran t'uti gue bi bøxp u ja ra häi, ne mi ja yoho yu

t'udäni tengu n'da ra t'ad'e'yo. Pe nu'bu míñ yu emme nts'utho tengutho ra jurga zuthu. ¹² Ne nu'a ran t'uti xí boxpu ja ra häi bin ja rá ts'edi tengu ra zate ngue xí boxpu ja ra dädeja ngue mi ja n'da ra senu a n'da rá yu gue xí zä. Ne bi japi gätho i 'bacua ja ra häi da dände ra mbudi ra zate. ¹³ Ne nu'a ran t'uti gue bi boxpu ja ra häi, bi 'yot' yun t'uti nts'utho, bi japi bá cah mahets'i ra sibi ngue da nu yu ja'i. ¹⁴ Ne bi hyä't' yu ja'i gätho 'bacua ja ra ximhäi 'bu mi 'yot' yu hyonya nt'ot'e. Ne horn'bu i 'bapu ja rá hmi ra zate xí boxpu ja ra deju, bi zä bi 'yot' u. Ne bi xih yu ja'i da 'yot' a n'da ra nyoguido tengu ra zate xí boxpu ja ra deju, gue mí ja ra senu bu ja n'da rá yu, ngue xí zä. ¹⁵ Ne nu'a ran t'uti gue bi boxpu ja ra häi, bin t'un ran t'edi di japi dim 'bu a ra nyoguido nt'ot'e tengu ra zate bi boxpu ja ra deju. Ne di japi din yu. Ne bi japi da mba ntho gätho to'o him bi dände a. ¹⁶ Ne bi manda ngue gätho yu ja'i din ja rá hmepya ra nyoguido bu ja rá dé nepu ja rán 'yei, madague'a hont'a go má ja'i, gätho i ja yu ts'edi ne' u hin'yu yu ts'edi, gätho yu membeti ne gätho yu hyoya, gätho yu 'yéhe ne gätho ngue hing yu 'yéhe, gätho yu ja'i jatho din ja ra hmepya. ¹⁷ Ne hingui sá n'da ra ja'i dim pá o gue din täi 'bu hin di nequi rá hmepya ra zate xí boxpu ja ra deju, nu bu ja rá ja'i. Gätho jatho din ja ra hmepya ngue nam boni rá thuhu, o rá número, rá hmepya rá thuhu ra zate. ¹⁸ Jatho gan 'yomfénihu xun ho ngue gui pahmbu 'be'a nam bon'a rá número ra zate, nguetho nu rá número, 'dato cierto ne hyäte ma 'dato, rá número n'da ra ja'i.

14

Bin tuhu u bim pøhø

¹ Ne nubuya dá nugä ra Jesús ra T'ad'e'yo i 'bapu ja ra nyuni t'émbi Sión. Ne mi 'bähmbu ra Jesús n'da cierto ne yote ma goho muhuqhi yu ja'i ngue gätho i ja bu ja yu dé rá thuhu ra Jesús ne rá thuhu rá Ta. ² Ne dá ocä n'da ra nde bu mahets'i nt'ode tengu yu dehe xun ngu emme di hí ne tengu ran gäni nts'edi di thoni. Ne dá ocä tengu'bu yu arpa'bida xun ngu i pei. ³ Ne nu'u n'da cierto ne yote ma goho muhuqhi bi yan Oju bu ja ra ximhäi, ne bin tupu n'da ra thuhu

ma'da'yo bu ja rá hmi Oju gue'a i huxpu ja rán thuts'i, ne guepu 'bäh yun t'uti i 'bui, ne yu däc'yui. Ne njo'o mi'da bi zä bi bu a ra thuhu. ⁴ Ne nu'u, gätho xun hotho u, gue hont'a Oju mbeni. Ne i ten'na ra De'yo honbu go hapu da mba. Ne nu'u gue bi yam bu ja ra ximhäi bu 'buh mi'da yu ja'i, yun t'unni man'da xun ho bin t'un Oju ne ra De'yo. ⁵ Ne xinga n'da ra fehni bi thinba u, xøgue xingui ts'u yu ts'oqui bu na nu Oju.

Nu'a bi man'u hyu yám 'behni Oju mahets'i

⁶ Ne nubuya dá nugä man'da ram 'behni mahets'i mi 'yo inde bu mahets'i, ne i caq ra socuq nt'o't'i bu ran ho ma'da'yo hin njam'bu da guadi ne da mba gätho nanguni ra ximhäi. Da mba bu gätho yu häi ne nu yu ja'i 'dahma 'dan'yo bu na yu da 'yode hont'a go to'o ní ja'i. ⁷ Ne nu'a ram 'behni mahets'i nts'edi bi 'yéna: "Dami numansuhu Oju ne gui 'yéspahu rá ts'edi nuixte a, nguetho ya bi zon ra ora da 'yot' rán juanbi Oju. Dami thandehu a ya, gue'a gue bi 'yot' mahets'i ne bi 'yot' ra ximhäi. Ne bi 'yot' yu deju ne bi 'yot' yu mbøthe," bi 'yéna. ⁸ Ne nu'a man'da ram 'behni mahets'i mahøn'a bi den'na rá mbudi m'behni, ne bi 'yéna: "Ya bin theh rá ts'edi ra dahnini Babilonia ngue emme mi ja rá ts'edi. Nguetho nu'u yu ja'i mi 'bupu bi xandni gätho ra ximhäi a ran 'yomt'éni mí Øzéhe. Ne gätho u bi 'yot' ran ts'o tengu n'da ra juti gue com'ma rá sei gätho mi'da," bi 'yéna. ⁹⁻¹⁰ Ne nu'a ná hyu ram 'behni mahets'i bi den'na ná yoho, ne nts'edi bi 'yéna: "To'o gue da dände ra zate gue bi boxpu ja ra deju, ne ra nyoguido, ngue i ja rá hmepya bu ja rá dé o guepu ja rá 'yu, da nu hangu nangu rá ts'edi rá cue Oju. Nu Oju xíngui ts'u da 'yéts'a ran unbi di un'ndu nangue rá cue. Ne da nu a ra Jesús ra De'yo ne yu hogam 'behni mahets'i 'bu bin t'un'na, ngue ra sibi n'youi ra despi. ¹¹ Nu'a ra 'bifi i pom bu njam'bu din hé a hont'bu go njam'bu mazai. Ne nu'u i 'bupu njam'bu din hé a ran unbi i nu u ma pa ne ra xui. Gue'u gätho bi dände ra zate xí boxpu ja ra deju, ne ra nyoguido, gätho u i ja bu ja rá ja'i rá hmepya ne rá thuhu ra zate. ¹² Pe nu ahu gyu 'yéc'yeihu pe nde'bu man'da gui hyadumbuihu gui thoc ni t'éc'yeihu ne

gui hyäthu yan unbi. Nguetho yá t'uhni Ojá u gätho di thoqui i øt' yén t'édi ne di thoqui i ç'yei ra Jesús," bi 'yen'a ná hyu rám 'behni Ojá mahets'i. ¹³ Ne nubuya bi 'yengä man'da ra nde dá øca mahets'i: "Dami 'yo't' ya 'be'a ga xi a i. Din johya thoho gätho u xan du 'bu ya mí ç'yei a ra Hmu Cristo mahets'i. Majapi thoho, en'a rá Hogandahi Ojá, nguetho din säya a rá 'befi mi øt'e. Ne n'u'a ran ho mi øt'ua ja ra ximhäi u, ne nubu mahets'i da nu rá muui bu."

Rán sofo ra ximhäi

¹⁴ Ne dá nu n'da ra güi xan t'axi thoho ne mi hu inde bu ja ra güi a n'da tengu n'da ra já'i. Ne mi hu's'a n'da ra corona ra oro. Ne mi há ra mbore theni çmme het*i*. ¹⁵ Ne bá pom bu rá danijä Ojá mahets'i man'da rám 'behni Ojá, ne nts'edi bi xi a mi hupu ja ra güi: "Dami 'yorpa yu já'i bu häi tengu'bu da hyec yu uva xan yaqxpu ja ra nuqndat'o. Nguetho ya bi zon ra ora gue gui pe'ts'u bin ja bu ni huqhi," bi 'yen'a rám 'behni Ojá. ¹⁶ Ne 'bex bi 'yøt'a mi hupu ja ra güi tengu xi sifi. ¹⁷ Ne man'da ram 'behni bá pom bu ja rá ngu Ojá mahets'i ne'a mi há n'da ra mbore theni çmme i het*i*. ¹⁸ Ne xø bá pom bu man'da rám 'behni Ojá buya guepu ja rá mexa yan t'unni Ojá, ne n'u'a di manda da de ra sibi bu. Ne nts'edi bi xi a ram 'behni gue mi há ra mbore theni: "Dami 'yøt' ya tengu i øt' yu já'i bu i hec yu uva hingui ho nguetho bi zon ra ora gue da nu ran unbi u nangue rán juqnbi Ojá," bi 'yena. ¹⁹⁻²⁰ Ne njabu bi 'yøt' rám 'behni Ojá, tengutho 'bu di pet yu uva ne da 'yen bu ja ran the'mi da bon rán gui buya. Ne tengutho ra já'i i ne't'u yu uva da bon yan gui, ne ngutho da 'yorpa u to da zembi, da nu rá cue Ojá çmme nts'utho. Janangue'a ran t'u*ti* ngue bi mbän rá ji. Ne bi 'yorpu ja ra ndehnini, ne çmme xan ngu ra ji bi mbäni, hyuciente kilómetro nan jenni, ne nan hé tengu 'bu da hyecpu ja yá nde yu fani a ra ji bi 'yugui.

15

Yoto yam 'behni di manda yoto yan unbi

¹ Ne nugä dra Xuuagä dá nu man'da ran t'u*ti* bu mahets'i, ne çmme dá hyonya thoho. Mi 'bähmbu bu yoto yam 'behni Ojá

mahets'i, gue u di manda yoto yan unbi din ja ua ja ra ximhäi, ne nu'bu bi thoh yan unbi, ya bi thoh rá cue Ojá buya. ² Ne dá nu n'da ra xito di nequi tengu ra dejä, rá cuhä xan theni tengu ra sibi. Ne gätho mi 'bäpu ja ra xito, gue' u gue him bi dande ra zate xí bøxpu ja ra dehe, bi zedi, hím bi dande ra nyoguido ngue ra pote a, ne xím bin jap'a rá número o rá thuhu a. Ne n'da ngu n'da mi há yu 'bida, ngue yu arpa xí un'na Ojá u. ³ Ne gätho mi 'bäpu bin tuh rá thuhu ra Moisés rá 'yeh Ojá, ne bin tuh rá thuhu ra Jesús ra De'yo. Bi 'yen'u:

Nu'i ma Ojá ahe, ma Hmu ahe, nujixe thoho ni ts'edi, çmme xan ho i, ne ma hyonya thoho nin t'øt'e.

Majuani nin t'øt'e xan hotho u.

Nu'i grá hoga ts'at'abi mazai.

⁴ Xinga n'da dim 'bai gue hin da dande i, gue hin da numansu ni thuhu, nu'i ma Hmu ahe.

Høn'a thoho i xan ho i, ma Ojá ahe.

Gätho hønt'a go 'be'a má nde da dande i, nguetho gätho ya bi nu ngue xan ho 'be'a gätho guí øt'e, bi 'yen'u.

⁵ Ne nubuya dá nu nsoqui n'da ra jut*i* i ja bu mbo rá danijä Ojá bu mahets'i, guepu m'be'ts'i yan t'édi bi 'yo't' ra Moisés. ⁶ Ne yoto yam 'behni Ojá ngue di manda yan unbi bu ja ra häi bi bøm bu. Gätho i he yá pahni xan t'axi ngue ra lino, ne gätho bi du't' yá tja ra oro. ⁷ Ne nu'a n'da ran t'u*ti* mí 'bäpu bi un'i yoto yu ximbo bi un'ndu yam 'behni Ojá. Gätho ma yudi rá cue Ojá, ne nu'bu 'dah mi'da da mbän u mí po bu ja ra ximbo, gätho yu já'i i'bucua ja ra ximhäi da nu rá cue Ojá, gue i 'bai mazai. ⁸ Ne gätho rá nijä Ojá bu mahets'i ma yudi rá ts'edi ne rá nujixe Ojá tengu ra 'bifi' bu i yupu mbo ra ngu. Ne xinga n'da sä da yurpu asta gue'bu bi gua'a rá 'befi u yoto yam 'behni gue di manda yoto yan unbi ua ja ra ximhäi.

16

Yu ximbo i po yan unbi ngue rá cue Ojá

¹ Ne dá øca n'da ra nde gue bi bøm bu ja rá danijä Ojá. Ne nu'a ra nde bi xi u yam 'behni: "Dami fämhbu bu ja ra ximhäi rán unbi Ojá nts'utho i po u yoto ni ximbohu," bi 'yena. ² Nu rá mbädi ram 'behni bi mbäm bu

ja ra ximhäi rá cuε Ojä mí po bu ja rá ximbo. Nε gätho yu ja*'i* gue bin ja rá hmepya a ra zate xí bøxpu ja ra dehe, nε'a ra nyoguido ngue i thande u, bi nu ran u ngue yu säsí xan ts'otho. ³ Nubuya ná yoho ram 'behni mahetsi bi mbän a rá cuε Ojä mi po bu ja rá ximbo, bu ja ra dägeja. Nu'a ra dehe buya bin ja tengu rá ji n'da ra ja*'i* xan du. Nε gätho mi 'bepu mbo ra deja bi du. ⁴ Nε ná hyu ram 'behni mahetsi bi mbän'a rá cuε Ojä mi po bu ja rá ximbo hapu ja gätho yu dathe nε gätho yu mbøthe. Gätho ra dehe mi po bu bin ji. ⁵ 'Bex dá øcä rá nde rám 'behni Ojä gue'a bi unba yu dehe bi 'yëna: "Nu'i ma hoga Hmu, ma Ojä i, zai guí 'bui nε gmí 'bui, xan hotho gätho nin juanbi, nguetho rán säui u gá unbi. ⁶ Ya gá un ra ji da zi u, nguetho bi hyo u nim 'behni bu häi nε ni pøngahyä. Nuya gá cospa ra pengui nangue 'be'a bi 'yøt'u', bi 'yëna. ⁷ Nε dá øcä n'da ra nde bi bøm bu ja ra mexa guepu mí ja yán t'unni Ojä, i ëna: "Ma Hmu i Ojä nujxte ni ts'edi xan ho, njuantho a nin juanbi, ngue rán säui u," bi 'yëna. ⁸ Nε nu'a ná goho rám 'behni bi mbäm bu ja ra hyadi a rá cuε Ojä mi po bu ja rá ximbo. Nε ëmme bin ja rá ts'edi ra hyadi ngue bin zø u mi 'bepu ja ra ximhäi nangue nam pa ra hyadi. ⁹ Nε nu'u gue bi nu ran unbi nangue rá ts'edi ra hyadi, bi ndømants'o rá thuhu Ojä, gue'a bi manda yán unbi, pe guexta'a him bi 'yëspa Ojä, him bi päh yán 'yomfëni u. ¹⁰ Nuya ná cat'a ram 'behni bi mbäm bu rá cuε Ojä mi po bu ja rá ximbo, nε bi mbäm bu hapu i ja rá ts'edi ra zate xí bøxpu ja ra dehe. Nε nupu hapu ja rá ts'edi, gätho xam 'bexu thohu bu. Nε nu'u yu ja*'i* gue i 'bepu bi zasë yu jani nangue ran unbi bi nu. ¹¹ Nε bi cämants'o Ojä nangue yán u, nε nangue yu säsí mi ja. Pe guexta'a him bi 'yëts'a ran ts'o mi øt'e, him bi päh yán 'yomfëni. ¹² Nε nu'a ná 'dato ram 'behni bi mbäm bu rá cuε Ojä mi po bu ja rá ximbo, bi mbäm bu ja ra dathe xan ndohu tëmbi Eufrates. Nε bi xa ra dehe nε 'bex bi 'yo't' ra dathe ngue da zä da thopu yu ts'ut'abi gue ní 'yëpu ní bøx ra hyadi. ¹³ Nε nugä dra Xuuagä, dá nu hyu yu ts'onthï di nequi tengu yu 'uë, ngue bi bøm bu ja rá nde ra jarga zithu, nepu ja rá nde ra zate xí bøxpu ja ra deja, nε bi bøm bu ja

rá nde ran t'uti xí bøxpu ja ra häi, gue ra hyäte pøngahyä. ¹⁴ Nguetho nu'u, gue'u yu ts'onthï ra zithu u i ja yu ts'edi ngue da 'yøt' yu hyonya nt'øt'e. Nε nu'u bi mba bu gätho ná ngeni ra ximhäi, hønbu go hapu 'bah yu ts'ut'abi, ngue bi japi di pet yu ja*'i*. Ngue din ja ra dasu din suhmbu Ojä. Nε nu'a ra pa din ja ra shi gätho da nu rá ts'edi Ojä nujxte. ¹⁵ Nε dá øcä rá nde ra Jesucristo ngue bi 'yëna: "Gui 'yøhmbu ya, nugä ba ëcä tengu n'da ra bç. Hinga mfädi njam'bu ga søhø. Din johya thoho u gue him bin qha pë bi jamansu yu he dá unni, janangue'a hin din 'yähe nε hin din 'yäsa buya, ngue im bøntho a ran hoqui dá ørpa u, janangue'a hin di nequi yu ts'øqui, nε hin da mbe'ts' yu sä," bi 'yëna. ¹⁶ Nε gätho bim peti bu yu ts'ut'abi nε yu ja*'i* bu ja ra xequi tëmbi Armagedón, ngue yu nde yu hebreo a. ¹⁷ Nuya ná yoto ram 'behni bi mbäm bu rá cuε Ojä mi po bu ja rá ximbo, bi huic ran dahi 'be'a mi po bu. 'Bex bi tø a n'da ra nde bi bøm bu ja rá nijä Ojä mahetsi, guepu i hu inde Ojä. Nε nu'a ra nde bi 'yëna: "Ya da guadi gätho man ts'ëmbi," bi 'yëna. ¹⁸ Nε 'bex bi hyä*t'i* nts'edi yu huei, nε nts'edi bin thoni yu ngäni. Nε bin ja n'da ra 'yänhäi nts'edi hin jam'bu bi nu n'da ra ja*'i* tengu na, asta gue'bu go mim 'bu u yu mbøudi thohu yu ja*'i*. ¹⁹ Nu ra 'yänhäi bi xen'a ra dähnini Babilonia, hyu xequi bi bøni. Nε gätho mi'da yu hnini hønbu go hapu mi ja bi guadi. Nε bi bçen Ojä gue xan ts'otho mi øt' yu ja*'i* 'bepu ja ra dähnini Babilonia, nε nts'edi bi unba u, nangue rá cuε nts'edi a, asta gue'bu go min theh rá cuε Ojä. ²⁰ Nε gätho yu nyuni nε yu tøhø bim 'bedi, hin'yu buya. ²¹ Nε 'bex bi däpu mahetsi yán do ëmme nts'utho nguetho yote kilo nán hyu n'da ran do, bi zä i 'da yu ja*'i*. Pe nu u yu ja*'i* bi cämants'o Ojä nangue ran unbi nts'edi bi nu nangue yán do.

17

Ra ngurpa 'yomt'ëni xisu

¹ Nε nu'a n'da u yán 'behni Ojä mahetsi gue'a mí ja n'da ra ximbo, bi xicä: "Ba ëhe ga ut'a i rán juanbi Ojä da nu ra 'yomt'ëni xisu i hupu ja yu dehe 'dahma 'dan'yo bu gätho ra ximhäi. ² Nu'u yu ts'ut'abi bu ja ra

ximhäi bi 'yøthá ran ts'o a ra 'yomt'ëni xisu. Në yá ja'i 'bécua ja ra ximhäi bi xänba bé gue da 'yøt' ran ts'o guepá 'béa ra 'yomt'ëni xisu. Gätho mi øt' ran ts'o tengu'bé jti thoho," bi 'yøm 'bém xiqui. ³ Në nubáya nu rám 'béhni Ojá bi zixcä bé ja n'da ra huenhäi ma'ueni njon mi 'bépá. Në nu rá Hogandähi Ojá bi jaqui gue dá handi, né dá nugä a ra xisu i hux'a n'da ra zate xén theni. Nu ra zate mi ja yoto yá yá né 'det'a yá dani, né nt'ot'i bé ja rá ja*l* i xasé rá ts'edi, gue rá thuhu xasé guesá Ojá. ⁴ Nu ra xisu mi he n'da ra hoc'bøt'e xén jupoi né xén theni. Në xasé madín 'yøt'e xén ho nangue yá thebe né yam fo'yé ra oro né yá ts'angu xasé xém hmadi thoho, né hønt'a go mi cuat rá pahni. Në mi the n'da ra tasa ra oro. Pe gätho 'bé'a mi po ra tasa ra hmepya nangue gätho yan ts'o mi øt' ra xisu. ⁵ Në nubá ja rá dé nt'ot'i bé rá thuhu: "Ra dähnini Babilonia, ngue ja rá ts'edi tengu'bé rá mbe gätho yá 'yomt'ëni né tengu'bé rá mbe gätho i øt' ran ts'o hønbé go hapá i ja ra ximhäi," bi 'yøn'a ra t'ohni. Pe hin da bésé n'da 'bé'a ním bøn'a. ⁶ Në dá hant'a ra xisu, tengu'bé jti thoho nangue yá ji u gätho bi hyo'bé mi den Ojá né bé mi mamp'a rám hman ra Jesús. Në nugä drá Xuuagä:, dadí hyonya thoho 'bé má nugä a n'da ran t'uti. ⁷ Në nu rám 'béhni Ojá mahéts'i bi xiqui: "O gadí hyonya thoho, nguetho ga xi a ya 'bé'a ni hmepya a ra xisu, né 'bé'a ni hmepya a ra zate i hux'a ra xisu, gue i ja yoto yá yá né i ja 'det'a yá dani. ⁸ Nu'a ran t'uti ngue ra zate gá nu, pe gue'a n'da mi 'béi, né hingui 'béh ya, pe him ma ya'a ba xéhe mahén'a, da bøm bé ja ra hyéhái xasé xén hé. Në m'béjua da nu ran dáte xén ho hin dim 'béh mahén'a. Në gätho yá ja'i ngue hinga nt'ot'i yá thuhu bé ja ra sócuq mahéts'i, gue bi t'orpá 'bé ma hin'yá ra ximhäi, di hyonya thoho 'bé bi nu mahén'a tengu bé í hnu ra zate. Nguetho mi 'béi, né njo'o ya, pe dim 'béi mahén'a. ⁹ Nu'u to'o i ja yén 'yomféni xén ho, sá da bédi 'bé'a nim bøn a ra hmepya. Nu yoto yá yá ra zate ra hmepya ngue u yoto yá nyuni guepá i hu a ra xisu. ¹⁰ Në ra hmepya gue'u yoto yá ts'ut'abi, ngue yá ts'om'bäi thoho. Bi du u cat'a né nu ná 'dato i 'bépá ya, né ná yoto dim 'béi, pe hingan ya'a

din ts'ut'abi. ¹¹ Në nu'a n'da, ná hyéto ra ts'ut'abi béya, gue'a gue mi 'béi, pe njo'o ya. Nu'bé bá xéh mahén'a, di manda tengu u yoto yá ts'om'bäi ts'ut'abi, pe m'béjua da mba da nu ran anbi mazai. ¹² Në nu'u yá dani ra zate gá nu, yá hmepya ngue 'det'a yá ts'ut'abi din ja yá ts'edi 'da yá t'u ora tho né da gomhbé rá ts'edi ra zate. ¹³ Në gätho yá ts'ut'abi 'dat'a da béni ngue di un ra ts'edi di manda ra zate. ¹⁴ Në gätho yá ts'ut'abi da zá'a ra Jesús ra Dé'yo. Pe nu'a ra Jesús da dáha, nguetho ra Hmu a nangue gätho mi'da yá hmu, né ra hmuts'ut'abi nangue gätho mi'da yá ts'ut'abi. Në nu'u gätho din 'yøhá ra Jesús 'bé bi dáhá, gue'u bi zon Ojá u, né bi huahni, né him bi 'yé'ts'a ní dénni," bi 'yøn'a ram 'béhni. ¹⁵ Në nu rám 'béhni Ojá mahéts'i xø bi xicä mahén'a dra Xuuagä: "Nu yá dehe gá nu guepá mi huh ra xisu, ra hmepya a nangue gätho mi'da yá ja'i i 'béh nangéni ra ximhäi, gätho yá häi gätho yá nde 'dahma 'dan'yo bé na yá. ¹⁶ Në nu yá dani gá nu, ngue yá hmepya yá ts'ut'abi, né a ra zate, m'béjua da zá a ra 'yomt'ëni xisu u. Në nu'u da hyacpi 'bé'a gätho mi ja a ra xisu, né da zap rá ngéc'yéi a, né da 'yu'ma ra xisu nangue ra sibi. ¹⁷ Nguetho Ojá bi bénba yá ts'ut'abi da 'yøt'e tengu mim bén Ojá, ngue n'da ngu n'da u di un rá ts'edi ra zate di manda, asta gue'bé go bin ja 'bé'a bi man Ojá ngue din ja. ¹⁸ Në nu'a ra xisu gá nu bé, rá hmepya ra dähnini gue'a di manda yá ts'ut'abi a, nangue gätho yá häi i ja ua ja ra ximhäi," bi 'yøn'a ram 'béhni.

18

Bi 'béh rá ts'edi ra dähnini Babilonia

¹ M'béjua dá nugä man'da ram 'béhni bá cáh mahéts'i, né xasé i ja rá ts'edi. Në i ja rán nequi, bi hyét ra ximhäi 'bé mi gái, tengu ra hyadi. ² Në xasé ts'edi bin yá, bi 'yøn'a: "Bi guahya, bi guahya rá ts'edi ra dähnini Babilonia. Në hønt'u yá zéthu dim 'bépá, né gätho yá ts'onthá. Në i 'bépá hønt'a go 'bé'a mán ts'o, né yá doja gue hingui ho øt'e, xén ts'otho. ³ Nguetho nu yá méngu bé bi xänba ran ts'o gätho yá ja'i mi sóm bé gue i 'béh ná ngéni ra ximhäi. Në gätho yá ts'ut'abi bi gomhbé ran ts'o ra hnini, ngue tengu'bé ra 'yomt'ëni xisu bé. Në xén

ngu yü ja'i da n'danni yü häi, bim membeti 'bü mí mbäpü 'be'a gätho bi numanhose yü mengu bü ja a ra hnini," bi 'yen'a ram 'behni. 4 Ne dra Xuuagä dá øcä man'da ra nde bí 'yeh mahëts'i, bi 'yena: "Ba ɿhe gätho yü ja'i ngue ma mbetigä, dami pøm bü ja ra dähnini, gue hin gui cohma øt'ehü ran ts'o i ja bü, ne hin guin nuhü ran unbi gue da nu u to'o da gopü. 5 Nguetho nu'bü sä da mba ma munts'i yen ts'o i t'ørpu, tengu'bü da züh nán hëts'i ra ximhäi mahëts'i. Ne nu'a Oja xíngui ts'ü bi pumbëni ran ts'o 'be'a bi t'ørpu." 6 Ne bi sih yam 'behni Oja büya: "Nuya dami cospahü ra pengui tenguthoho bi 'yorpa mi'da, dami cospahü ran u gue gui yofü mahøn'a. 7 Dami un ya ran unbi ne nts'edi ra dumbüi 'be'a rán theui bi 'yot'e. Nguetho bi beni maguesü, ne bi 'yot' yü ts'oqui bi numanhose, ne xen ngu 'be'a gätho bi hyonse. Tengu'bü n'da ra xisu da manse mbo rá mbüi, da 'yena: "Nugä xen ngu ma ts'edigä, hingan ts'ogui thohogä, ne njäm'bü din jagä ra dumbüi," ngubü bi ma. 8 Pe janangue'a da nu ran unbi di und Oja, ne gätho 'be'a din ja, 'da huëtho án ja gätho yü 'yanthü. Ne da nu ra gehe ne ra dumbüi, ne di juadi nangue ra sibi. Nguetho tåte thoho rá ts'edi Oja ra Hmu, gue di un'na rán theui bi 'yot'e. 9 Ne nu yü ts'ut'abi gätho yü häi gue zai i comhbü ran ts'o, gätho din zoni ne dim mbafi 'bü i hand rá 'bifi ra dähnini ngue i zö. 10 Ne gätho dim 'bämanhü nguetho emme i su da nu ran unbi tengu in nu u i 'bepu ja ra dähnini. Ne da ma: "Huëcate, huëcate, nguetho mahotho ra dähnini, ne emme mi ja rá ts'edi, pe n'da huëtho gue bi ts'emb*ü*," da 'yen'u. 11 Ne gätho yü mbä bü ja gätho ra ximhäi din zoni ne dim mbafi, nguetho njo'o da dämbi 'be'a da mbä. 12 Ngue yü oro, yü t'axi, yen 'yot'e, yü perla, ne ra 'bot'e ra lino xen ho, ra 'bot'e ra seda, ra 'bot'e xen tudi xen jupoi ne xen theni, ne gätho yü za gue muman'u, ne' u nt'ot'e yü do'yo, ne gätho u yü za nt'ot'e emme xen hmadi, ne' u nt'ot'e ra bronce ngue ra thenga fexna t'egui, ne' u nt'ot'e ra t'egui, ne' u nt'ot'e ra 'yaxi. 13 Ne zai mi 'bä bü yü canela, yü 'yethi ngue in 'yohü yü tuhu, ra t'aza muman'u, yü 'yethi i yümanho, yü perfume, yü vino, yü aceite, ra hocjüni, ra trigo, yen däni, yü deyo, yü fani,

yü carro, ne yü 'yeh mi 'bä bü, nguetho mi 'bäp yü te yü ja'i tengu'bü i 'bä yü fani. 14 Ne da 'yen'u yü mbä: "Gätho gue xen ho gmi honi bin thegue. Ne gätho yü mbeti ne gätho 'be'a mahotho ya bi mba. Him man'dandü guin nu mahøn'a tengu mí ja bü," da 'yen'u. 15 Ne nu'u gue bim membeti ngue'u mim pä bü ja ra dähnini, dim 'bämanhü tho, nguetho i su da nu ran unbi, tengu in nu'u mi 'bepu. Ne emme din zoni, i tu yü mbüi, nguetho njo'o da däi 'be'a i ja da mbä. 16 Ne da 'yena: "Dumbüi thoho nangue 'be'a bin ja ra dähnini, emme mi ja bü mahotho, ne mi ja bü yü 'bot'e ra lino, ne yü 'bot'e xen jupoi, ne yü 'bot'e xen theni, ne madi nequi bü 'be'a mahotho gue yü oro ne yen 'yot'e ne yü perla xen hmadi. 17 Nuya nte jabü ya, n'da oratho ám 'bedi gätho emme xen hmadi mi ja bü," da 'yen'u mim pä bü. Ne gätho yü hmu yü barco ne'u gätho i hu bü, ne gätho yü mbefi di 'yon yü barco, mi 'bämanhü tho. 18 Ne bi du yü mbüi 'bü mi nu ra 'bifi i zö ra dähnini, ne bi 'yena: "Hin'yü man'da ra hnini mahotho tengu nü." 19 Ne nu'u, bi 'yenx yü yä yü fonthäi, ra hmepya gue tu yü mbüi, ne bin zoni ne bi mbafi, ena: "Huëcate ra dähnini emme mi ja rá ts'edi, nguetho gätho gahü dyü hmuhü yü barco dám membetiü nü, ne xøgue n'da oratho ám 'bedi gätho mi ja bü," bi 'yen'u. 20 Pe gan johyahü gätho ahü gue guí 'bahmbu ua mahëts'i, gan johyahü nangue 'be'a bin ja ra dähnini, bi ts'emb*ü*. Ne dan johyahe gätho gahe ma 'bäihe ra Cristo ua ja ra häi, ne gätho gyü pøngahyü Oja, ne gätho gahü ngue dí tehndu Oja, dan johyahü, nguetho ya bi cos'ahü 'be'a bi 'yot'ahü yü ja'i mi 'bepu ja a ra dähnini. 21 Ne nubüya n'da rám 'behni Oja mahëts'i ngue xen ngu rá ts'edi, bi gü'ts'a n'da ra do emme xen ndoho, ne nts'edi bi 'yem bü ja ra dädejü. Ne bi 'yena: "Tengu thoho din ja ra dähnini Babilonia ngue mi ja rá ts'edi, pe njäm'bü da hnu mahøn'a, gätho n'da m'bedi thoho. 22 Ne hin da t'opü mahøn'a yü mbübida, gätho u i pe yü arpa, ne gätho u i huixt yü thuxi, xínga gue'u yü hyuxi. Xinga n'da ran 'yohü dim pepu mahøn'a, ne njon din cum bü mahøn'a. 23 Ne din caq'bexui thoho, him man'dandü mahøn'a di nequi bü yü sibi, ne njon da 'yot' ran thati bü ngue din johya

tengu mi øt'e. Nguetho man'da mi ja yá ts'edi u mi øt' yá 'bëfi bë xínda gue'u mi'da gätho ra ximhäi. Pe mi hät yá ja'i 'bë mi xänbi di ho yá pähä zëhe u gätho mi sön bë, bí nexpu ná ngüni ra ximhäi. ²⁴ Ne guepu bim fän yá ji u yá pøngahyä Ojä, ne u gätho mi'da yá t'uhni Ojä, gue bi tho. Pe guepu bi tho u, ne gue'a í ts'ëmba a ra dähnini," bi 'yën'a rám 'bëhni Ojä.

19

¹ Ne nubuya, dra Xuuagä dá øcä yá nde n'da munts'i yá ja'i i 'bëpü mahëts'i. Ne bi 'yën'u: "Dí espahü Ojä, nguetho ma pørpätehu a, ne hönse ma Ojähü i ja rá nuixte ne tate thoho rá ts'edi. ² Xän ho rán ts'ëmbi Ojä, nguetho rán säui bi t'ørpa ra dähnini, tengu'bë ra 'yomt'ëni xisu, gue bi ts'onba yá mbüi gätho yá ja'i ra ximhäi. Ne nuya Ojä bi cospa u gätho to'o bi hyo yá 'yëhe," bi 'yëna. ³ Ne nts'edi bi mam mahøn'a yá nde dá øcä: "Dí espahü Ojä nguetho ya bi juah ra sibi a ra dähnini, ne hin din hë a nín 'yo rá 'bifi," bi 'yën'u yá ja'i. ⁴ Nubuya gätho 'däte magoho yá dac'yëi ngue zai di mbä'ts'a Ojä, ne'u goho yün t'uti i 'bëi, bin dänyahmu bë i hu a Ojä, ne bi dände. Ne gätho bi ma bi 'yën'u: "Necähe, ngubü dím bëmhbe dí espahü Ojä," en'u.

Bi zin rá xisu ra De'yo

⁵ Ne dá øcä man'da ra nde bi bøm bë guepu i hu a Ojä, ngue bi ma: "Dami 'yëspa ma Ojähü gätho u yá 'yëhe. Dami 'yëspahü gätho to'o i numansu Ojä, ne'u i ja yá ts'edi ne'u hin'na," bi 'yën'a ra nde. ⁶ Ne dá øcä yá nde yá ja'i xän ngu, ngue di hì tengu'bë xän ngu yá dehe, ne tengu'bë bi thoni yün gäni. Ne bi 'yëm 'bë mi yä: "Dí espahü Ojä, nguetho di manda ya ra Hmu, ma Ojähü tate thoho rá ts'edi. ⁷ Gätho dan johyahü, ne da hyu ma mbüihü, ne ga espahü Ojä ngue i ja rá ts'edi. Nguetho bi zön ra ora da zin yá 'yëc'yëi ra Jesùs, ra De'yo, tengu thoho n'da ran 'yohü din thät'ui rá xisu. Ne mahøntho da mba ra xisu, mahoqui thoho. ⁸ Ne bin t'un ran t'ëdi da hye ra pahni di fexni, gue ra lino xíngui ts'u ts'o. Nu'a ra pahni xän t'axi nam bøni ngue bi mba mahoqui yá ts'oqui u yá t'uhni Ojä ne nubuya i øt' yün thehü." ⁹ Ne nuna ram 'bëhni mahëts'i bi xicä 'bë'a ga o't' ya: "Din johya gätho to'o

u bi ts'on bë ja ran sihme nangue rán thäti ra De'yo. Majuäni rám hman Ojä na dí xi a ya," bi 'yëng rám 'bëhni Ojä mahëts'i. ¹⁰ Ne nubuya dán dänyahmu bë ja rá gua ram 'bëhni mahëts'i. Pe nu'a bi xicä: "O guín jabü, nguetho nugä rá 'yëhe thohogä Ojä tengu thoho i, ne tengu ni cuhu, gätho u i mamp'a rám hman Ojä nangue ra Jesùs, gätho dadí jafü da fah ra Jesùs," bi 'yëng 'bë mi xiqui.

Nu'a n'da bi hyux ra t'axca ndøfani

¹¹ Ne nubuya, dra Xuuagä, dá nugä nsou qui mahëts'i. Ne mi 'bëpü n'da ra t'axca ndøfani pa nthuts'i. Ne nu'a i huts'i, Majuäni a rá thuhu, nguetho zai im mam majuäni a. Ne di Ja'ts'a rá thuhu, janangue'a n'da ngu n'da di un'na rán säui 'bë bi juanbi, ne xän ho 'bë i øt' ran säui a. ¹² Ne nu'u yá dä a mi huxpu, mi zø tengu ra sibi, ne mi jabü xän ngu yá corona bë ja rá yä. Ne nu rá thuhu nt'o't'i bë, hönse mi padi 'bë a rá thuhu. ¹³ Ne nu rá pahni mi he, bi zinni gätho ra ji, ne nu rá thuhu, ngue rám Hman Ojä a. ¹⁴ Ne nu'u yá dofai mahëts'i, gätho mi he ra t'axca lino mahotho, xíngui ts'u xän ts'o. Ne gätho mi hux yá t'axca ndøfani, ne bi dën'na ra mbüdi mi huxpu ja ra ndøfani. ¹⁵ Ne nu'a ra ngürbi i pøxpü ja rá nde n'da ra espada emme het'i, ngue da däp yán shihü 'bëpü gätho yá häi bë ja ra ximhäi. Ne gätho di manda u buya, ne njon di japi da mbesta'a da ma. Ne tengutho ra ja'i bë ja ran the'ma gui'uva, i nen yá uva, ne ngutho da 'yørpa u to da zëmbi, di un rá cue Ojä nts'utho, ngue nu'a nte hëmbi da 'yøt'e. ¹⁶ Ne nt'o't'i bë ja rá pahni ne rá xjñthe rá thuhu, ngue ra Hmuts'ut'abi a ngue di manda gätho yá ts'ut'abi, ne rá thuhu, ngue ra Ngürpa Hmu a ngue di manda gätho yá hmu. ¹⁷ Ne dá nugä n'da rám 'bëhni Ojä mahëts'i mi 'bëpü ja ra hyadi, ne nts'edi bi mba't'u gätho yá doja mi 'yo bë magats'i, bi 'yëmbi: "Gätho ahü gyü dojahü, ba çhmbü ya, nguetho Ojä bi 'yøt'ahü n'da ra dänts'ihme. ¹⁸ Ba çhmbü ya gui sihü yá ngøc'yëi yá ts'ut'abi ne yá hmudofü, ne'u gätho mi ja yá ts'edi. Ne yá ndøfani ne gätho mi huts'i, ne gätho yá ja'i yá 'yëhe ne gätho hing yá 'yëhe, ne yá hmu uague yá mbëfi," bi 'yëm 'bë mi mba't' yá doja. ¹⁹ Ne dá nugä ra

zate gue xí bøxpø ja ra dädejä, ne 'darbø bim pøtihø gätho yø ts'ut'abi ngue gätho yø häi, ngue da 'yørpa n'da ra däsu a mi huxpø ja ra t'axca ndøfani, ne'u gätho mi tenni. ²⁰ Ne nu ra zate bøya bi mba mfent'i a, ne'a ra hyäte pøngahyø bi fent'i, gue'a ran t'uti í bøx ra häi ne xí 'yøt' yø hyonya nt'øt'e bø ja rá hmi ra zate. Ne gue'a mi hät yø jø'i gätho to'o mi ja rá thuhu bø ja rá dø. Gätho yoho bi t'entpø ja ra sibi ra azufre, tengu n'da ra dejä na ndoho a ra sibi. ²¹ Ne gätho yø jø'i mi tøn'na ra zate, bi tho nangue ra espada mi pøxpø ja rá nde a mi huxpø ja ra t'axca ndøfani. Ne nu'u yø doja bøya bin niyø thohu nangue yø ngøc'yøi.

20

N'da mahuahi njøya

¹ Ne nubøya, dra Xuuagä dá nugä man'da rám 'bøhni Ojø mahøts'i bá cai ne bá hyø rán sogui ra hyøhái ømme xøn hø ne nts'utho, guepø i 'bøh yø zøthu. Ne nu'a rám 'bøhni Ojø mi cø n'da ra cadena xøn ndoho. ² Ne bi bønt'a ra jørga, ne t'ømbi ra c'øya, pe guet'a ra zøthu, rá thuhu í Satanás. Ne bi mba nthøt'i n'da mahuahi njøya nangue ra cadena. ³ Ne nu'a rám 'bøhni Ojø bøya, bi 'yøntpø ja ra hyøhái a ra zøthu. Ne bi go'mi, ne bi hyøt'a ran sogui, ne bi cuahmi xøn ho, ngue hin da zä da bøm bø da hyøt yø jø'i, asta gue'bø bi gua'a n'da mahuahi njøya. M'bøjua da mba nso'ts'i 'da yø pa. ⁴ Ne dá nugä man'da ra hmøpya mahøts'i, xøn ngu yøn thuts'i, ne nu to'o mi huxpø bin t'un ran t'ødi da 'yøt' ran juønbate, gätho min 'yøhø bi tho 'bø mi ma i øc'yøi ra Jesùs, ne'bø mi mamp'a rám hman Ojø. Gue nu'u gätho him mi thønde ra zate xí bøxpø ja ra dejä ne rá nyoguido. Ne nte mi ja bø yø dø rá thuhu ra zate, xínga guepø ja yø 'yø. Nu'u bi ndants' mahøn'a 'bø mi du, ne bin 'yøhø ra Jesùs bin ts'ut'abi n'da mahuahi njøya. ⁵ Ne guehya yø mbødi bi xox Ojø bi t'urcä. Pe nu'u mi'da gue bi du, hin da dømbøni asta gue'bø bi gua'a n'da mahuahi njøya. ⁶ Ne di johya ne majøpi gätho ra mbødi da xox Ojø, ne hin da nu a na yoho ran døte ngue ra sibi mazøi. Ne dim mbøjø nangue ra Cristo bø bí ja rá ts'ødi Ojø, ne din 'yøhø ra Cristo ngue din ts'ut'abi n'da mahuahi njøya.

Da mba nthøpi ra zøthu

⁷ Ne nu'bø bi gua'a n'da mahuahi njøya, da mba nsocui a ra zøthu mi ofädi. ⁸ Ne nu'a ra zøthu bøya da bøm bø, xø da hyøt mahøn'a yø jø'i gätho na ngøni ra ximhái. Da mba bø ja ra häi Gog ne ra häi Magog ne di japi dim pøtihø gätho nangue din ja ra däsu. Ne xøn ngu da dønni hingui sä da 'bede, tengu ra 'bomu 'bom bø ndendejä, njøn da hyøt'i da mbede. ⁹ Ne din 'yørpa thohu bøní mba bi mbøts'i hapø mi 'bø u min 'yøhø Ojø, guepø ja ra døhnini di huøc Ojø. Pe bá cøh mahøts'i ra sibi bi juadi gätho yán sñihø. ¹⁰ Ne nu'a ra zøthu ngue bi hyøt'u, bi t'entpø ja ra sibi i the ra azufre, tengu n'da ra dejä na ndoho, guepø xí t'entpø ra zate xí bøxpø ja ra dädejä, ne'a ra hyøt pøngahyø gue ran t'uti xí bøxpø ja ra häi. Ne gätho hyu da nu ran unbi nangue ra sibi, ma pa ne ra xui høn'bø go njøm'bø gätho yø pa mazøi.

Ran zøgui ran juønbi

¹¹ Ne drá Xuuagä dá nugä mahøn'a, gue n'da ran thuts'i xøn ndoho xøn t'axi, ne mi hupø Ojø. Ne nu ra ximhái ne mahøts'i bim 'bø 'bø mi hyant'a mi hupø, ne him man ja bøya. ¹² Ne dá nugä gätho u xøn du, hønt'a go 'bø'a ní jø'i, mi 'bøpø ja rá hmi Ojø i hupø. Ne bi mba ma tønts'i yø søcuø bø, ne'a ra søcuø im ma to'o i ja ra temazøi. Ne gätho bi mba ma juønbi nangue'a nt'o't'i bø 'bø'a gätho bi 'yøt'a, nu'bø mi 'bøi. ¹³ Ne gätho u gue bi du bø ja ra dejä, ne gätho u mi'da bi du hønbø go hapø, ngue gätho i 'bøpø 'bø u xøn du, bi bøm bø, ne bim 'bøpø ja rá hmi Ojø. Ne bi mba ma juønbi nangue 'bø'a gätho bi 'yøt' 'bø mi 'bøi. ¹⁴ Ne nu'a ra xøqui mi 'bø'u xøn du, bi t'entpø ja ra sibi, tengu ra dejä na ndoho. Gue'a na yoho ran døte a. ¹⁵ Ne nubø ja ra søcuø gue im ma to'o i ja ra temazøi, ne nu'u gätho him man t'o't'i yø thuhu bø, bi t'entpø ja ra sibi.

21

Ma'da'yo mahøts'i ne ra ximhái

¹ Ne nubøya, dra Xuuagä, dá nugä man'da bi t'urcä, ngue ma'da'yo mahøts'i ne ma'da'yo ra ximhái. Nguetho ya bim 'bødi 'bø'a gätho mi ja bø mahøts'i ne ra ximhái. Ne hin'yø ra dejä bø ja ra 'da'yo ximhái. ² Ne dá nugä bá cøh mahøts'i guepø bí 'bø

Oja n'da ra hogahnini, gue'a ra Jerusalén ma'da'yo, mahotho, mahoqui, tengu n'da ra hmute i he ra pahni mahotho da mba dín thät'ui rá ndø. ³ Nε dá øcä n'da ra nde nts'edi bin ya, gue bá nexpa ja ran thuts'i bu bí hu Oja, bi 'yëna: "Dami hyand ya, bi gacua mahëts'i rá ngu Oja," bi 'yëna, nε nuya zai dim 'bhimbü yü ja'i a. ⁴ Nε guesë Oja di un ran johya, nε him man ja yü guidä yü ja'i, nε hin din ja ran däte mahøn'a bu, nε hin din ja yü dumbai bu. Nguetho gätho 'be'a mán ünbi mi ja, ya bi thogui. ⁵ Nε nu Oja ngue i hupü ja ran thuts'i, bi 'yëna: "Gätho ma'da'yo dá øt'ä ya." Nε bi xiqui, dra Xuuagä: "Dami 'yo't' ya 'be'a dí xi a i, nε sä da t'ç'yei nguetho majuäni a." ⁶ Nε bi xiqui mahøn'a: "Ya bi guadi 'be'a gätho dá øt'ä ya. Gätho dá dñ'mi, nε ga juacä ra 'befi dá dñ'mi. Zai dám 'bucä nε dam 'bui mazai. Nε nu'ü to'o i sä ngue di 'be a ra te mahyoni thoho, tengu'bu i tuthe, ga undä ra te i juadi, tengu'bu ra mbøthe im fonts'a ra dehe ga unni, nε hin da gurqui. ⁷ Nε to'o da däha, ga comhbe 'be'a gätho i jagä, nε ga øt'e ma t'uhnigä ü, nε dyü Ojagä ü. ⁸ Pe ga entpu ja ra sibi ü to'o i su yün ünbi 'bu da dengui, nε'ü to'o yoho yán 'yomfëni, nε gätho ü xän ts'o yü mbui, nε gätho yü hyodu, nε gätho yü 'yomt'ëni, nε gätho ü in yahu yü zithu, nε gätho ü i thände hønt'a go 'be'a gue him majuäni, nε gätho ü i man yü fehni. Gätho ya da nu na yoho ran däte, da t'entpu i zø ra sibi ra azufre, tengu ra dejä na ndoho," bi 'yën Oja.

Ma'da'yo ra hnini Jerusalén

⁹ Nε xø dá nugä man'da ra hmepya bi t'urcä. Nu'a n'da ü yám 'behni Oja mahëts'i gue min 'yohü 'dato yám 'behni, gue'ü mi the yü ximbo gue bi un yün ünbi bu ja ra häi, nε nu'a bi xiqui: "Ba ñhe, ga ut'a ra hnini, tengu'bu ra hmute bin thät'ui ra De'yo." ¹⁰ Nε nu'a rá Hogandähi Oja bi bëngä man'da mahøn'a, tengu'bu bi zixcä a rám 'behni Oja bu ja n'da ra t'øhø xän hëts'i, nε bi 'yurca ra hogahnini Jerusalén ma'da'yo, bi gäh mahëts'i guepa bí 'bu Oja. ¹¹ Nε nu'a ra hnini èmme di yoxni nangue rán hose Oja i 'büpü mbo. Nε di yoxni tengu ra do ra jaspe i pømhyats'i. ¹² Nε nu'a ra hnini mi ja bu ra mbä't'i, ra jädo xän

hëts'i, goho yü ts'at'i. Nε nu'a ra mbä't'i, mi ja bu 'de'magoho yü дажut'i, nε n'da ngu n'da yü jut'i mi 'bäpü n'da rám 'behni Oja mahëts'i, da mbäh ra goxthi. Nε nu'ü 'de'mayoho yü jut'i, n'da a n'da nt'o't'i yü thuhu ü 'de'ma yoho yü ts'ant'ü ra Israel. ¹³ Nε n'da nguadi min ja hyu yü jut'i, hyu i xopü ní bøx ra hyadi, nε hyu i xopü ní yüh ra hyadi, nε hyu i xopü ra norte, nε hyu i xopü ra sur. ¹⁴ Nε nu'a ra hnini mi fa'ts'i 'de'mayoho yü do, n'da'a n'da nt'o't'i yü thuhu ü 'de'mayoho yün 'yohü gue yü 'bäihü ra Jesús, ngue ra De'yo. ¹⁵ Nε nu'a rám 'behni Oja mahëts'i gue dán yä'be, mi ha n'da ra t'ení ra oro, tengu'bu ra metro, gue da 'yen ra hnini, hangu na ndoho yü jut'i, nε yü fø't'e. ¹⁶ Nu'a ra hnini xän zant'ma ndoho, 'da'angu ná mba, nε 'da'angu nán jünni. Nε nu'a ram 'behni mahëts'i bi 'yen ra hnini, nε bi 'yü'ra güenda ngue yo mahuähi nε yo ciento kilómetro ná ndoho, 'da'angu ná mba, 'da'angu nán jünni, nε 'da'angu nán hëts'i. ¹⁷ Nε nu'a ram 'behni bi 'yen i hangu nán hëts'i rá mbä't'i ra hnini, nε bi 'yü'ra güenda ngue hyäte ma goho metro. Nε bi 'yen i tengutho i øt' yü ja'i. ¹⁸ Nε nu'a ra mbä't'i nt'øt'e nangue yü do ra jaspe, pe nu ra hnini nt'øt'e nangue ra oro, tengu'bu ra xito a ra oro. ¹⁹ Nε nu'ü 'de'mayoho yü dädo mi fa'ts'a ra mbä't'i, xän ngu nt'üti yü t'üdo 'dahma 'dan'yo, ngue di fexni, xäm hmadi di muui. Nu'a rá mbüdi ra dädo nt'üti yü t'üdo ra jaspe, nu'a ná yoho ra dädo nt'üti yü t'üdo ra zafiro, nu'a ná hyu ra dädo nt'üti yü ágata, nu ná goho ra dädo nt'üti yü esmeralda. ²⁰ Nε nu'a ná çü't'a ra dädo nt'üti yü ónice, ná 'dato ra dädo nt'üti yü cornalina, ná yoto ra dädo nt'üti yü crisólita, ná hyäto ra dädo nt'üti yü berilo, ná gäto ra dädo nt'üti yü topacio, ná 'det'a ra dädo nt'üti yü crisoprasa, ná 'de'ma'da ra dädo nt'üti yü jacinto, ná 'de'mayoho ra dädo nt'üti yü amatista. ²¹ Nε gätho 'de'mayoho yü jut'i rá mbä't'i ra hnini nt'øt'e nangue yü perla gue xän t'axi, nε n'da'a n'da yü perla gue bi t'øt'e n'da ngu n'da ra jut'i. Nε nu'a ra calle xän ndoho bu mbo ra hnini nt'øt'e nangue ra oro xän ho, tengu'bu ra xito a ra oro. ²² Nε hin dá nugä n'da ra njä bu, nguetho gätho rá nguse Oja a ra hnini,

ngue ra Hmu tätetho rá ts'edi, ne ra Dε'yo, ne 'darpu i 'buhmbu u i 'bupu ja ra hnini. ²³ Ne nu'a ra hnini, him mahyoni ra hyadi di yorp, ogue ra zana, nguetho guese Oja ne ra Dε'yo di yorp. ²⁴ Ne nangue'a ra nyot'i i ja bu, gätho di yot'u ne dim 'bumanho u ya ja'i dim 'bupu gätho ya häi ua ja ra ximhäi. Ne yu ts'ut'abi gätho ya häi dim 'bui di dä bu u yan ho xu 'yot'e, tengu'bu di um bu yan t'unni xu ngu di muui. ²⁵ Ne nsoquitho ya jut'i gätho ra pa, ne njam'bui da mba njut'i, nguetho njam'bui din xui bu. ²⁶ Ne hont'a go 'be'a gätho di muui, gue bi zän Oja bi 'yot' ya ja'i 'dahma 'dan'yo ya häi ua ja ra ximhäi, ne gue'a da hyäxp, ní thim bu mbo ra hnini. ²⁷ Pe hin da yurpu ja ra hnini 'be'a xu ts'o, xing ya ts'om'bäi da yurpu, xing ya hyäte. Pe hont'u to'o bi 'yorpa rá thuhu ra Dε'yo bu ja rá sœcuq, gue to'o gätho bi un ra temazai, hont'u da zä da yurpu.

22

Mi ts'utho ba ehra Jesucristo

¹ Ne nu'a rám 'behni Oja xo bi 'yurcä man'da mahon'a, dra Xuuagä. Ngue n'da ra däthe mahoqui thoho ra dehe xu güe tengu ra xito, t'ëmbi rá dehe ra temazai. Ne bí nexpu ja rán thuts'i Oja ne ra Jesús ra Dε'yo. ² Ne bi tho'inde bu ja ra calle xu ndoho bu ja ra hnini. Ne n'da n'danguadi mi 'bäpu ya za t'ëmbi ya za gue di un ra te. Ne nu'u ya za din zu'di, n'dazna ngu n'dazna ma'da'yo yan dät'o din zu'pu, janangue'a 'demayo nidj din zu'di n'dajeya. Ne nu'u ya xi di un yan zaqui gätho ya ja'i. ³ Ne hin'yu 'be'a dí hnu rán ts'ëmbi Oja bu. Pe din ja bu rá ts'edi Oja ne rá ts'edi ra Jesús ra Dε'yo. Ne gätho yu 'yehé da dände u ne da 'yorpa yu 'befi. ⁴ Ne nu'u dim 'bupu da nu rá hmi Oja, ne gätho din ja rá thuhu Oja bu ja yu dë. ⁵ Ne hin'yu bu ra xui, janangue'a njon da hyom man'da ran nequi, xing ra hyadi, nguetho guese Oja ra Hmu di yozehé bu. Ne nu'u dim 'bupu din ts'ut'abi gätho ya pa mazai. ⁶ Ne nu'a ram 'behni bi xicä: "Gätho ram hma gá 'yode, majuani a, ne da zä da t'ëc'yei gätho. Nu'a Oja ra Hmu, gue'a di un rá Hogandahi yu pøngahya, ya bá pencä ua drám 'behnigä a, ngue ga xi ahu 'be'a din ja, gue yu 'yehé ahu Oja. Ne him maya'a din ja,"

bi 'yen. ⁷ "Dami 'yøhmbu ya," en'a ra Jesús, "him maya'a gue gua ecä. Gan johyahä gätho ahu gue guí ec'yeihü 'be'a din ja, nt'o't'i bu ja ra sœcuq," bi 'yen. ⁸ Ne nugä dra Xuuagä, majuani dá øde ne dá nugä 'be'a gätho bi t'urqui ngue dá o't'ua. Ne nu'bui mi gua'a 'be'a dá øcä ne 'be'a xí 'yurqui, dán dänyahmu bu ja rá gua ram 'behni mahets'i bi 'yurqui gätho, dí en'a gue ga thände. ⁹ Pe nu ram 'behni bi xiqui: "O guí thändegui, nguetho nugä dra 'yehégä tengu i, ne ni cuhü mi'da ya pøngahya, ne gätho mi'da u gue i ec'yei 'be'a gá 'yorpa ja ra sœcuq. Hønse Oja gui thände," bi 'yen. ¹⁰ Ne xo bi xicä ram 'behni buya: "O guí pes' thoho na gá 'yo't'i, ngue 'be'a din ja, nguetho him maya'a din ja. ¹¹ Ne nu'u to'o i øt' ran ts'o, thocua thoho da 'yot' ran ts'o, ne gätho to'o i øt' ran ts'om'bäi, thocua thoho da 'yot'e. Pe nu'u to'o i øt' ran ho, thocua thoho da 'yot' ran ho, ne to'o mahoqui thoho yu mbui thocua thoho gue xtán ho yu mbui," bi 'yen'a rám 'behni Oja mahets'i 'bu mi xiqui. ¹² Ne bi 'yengä ra Jesús buya: "Ne guehna dí xi ahu, him maya'a ba ecä. Ne n'da ngu n'da ga un rán theui 'be'a gätho bi 'yot'e. ¹³ Nugä gätho dá du'mi ne ga juacä ra 'befi dá du'mi, dra mbudigä ne dran zeguigä, zai dám 'bu ni ne dam 'bu mazai. ¹⁴ Majapi thoho gätho mahoqui yu mbui nangue Oja, tengu'bu m'beni yu pahni. Janangue'a i ja yan t'edi da yurpu ja yu goxthi ra hnini. Ne nu'u to'o da zä da yurpu, da zä da zi yan dät'o ya za gue t'ëmbi ya za di un ra temazai. ¹⁵ Pe hingui sá da yurpu gätho u ngue bi 'uegue nangue Oja. Ne da gopu thi u gätho i yahü ya zithu, ne gätho ya 'yomt'eni, ne gätho ya hyodu, ne gätho i thände 'be'a him majuani, ne gätho ya ja'i gue di ho da man ya fehni, hingui sá da yurpu u. ¹⁶ Nugä dra Jesúsgä, dá penhdä bu mam 'behnigä gue da xi ahu gyu 'yec'yeihü, gue 'be'a gá 'yorpu ja ra sœcuq. Nugä dram bom'betogä ra David, ne tengu'bu dra Dåsø dín 'yo'be ran nequi," bi 'yen'a ra Jesús. ¹⁷ "Ba ehmbu gätho ahu," en'a rá Hogandahi Oja, ne'a rá xisu ra Dε'yo ena. Ne'hu gätho gue i øde, da ma: "Ba ehmbu." Ne ba ecua gätho i tuthe, ne gui sihü ra dehe gue di un ra temazai, ne hin gui juthu a.

Ran zofo ran zegui

¹⁸ Nε nuya dí xi ahₔ, gätho ahₔ guí nuhₔ ya yₔm hma i jaua, ngue i ma 'be'a din ja, o gue ahₔ guí Øhmbₔ 'bₔ i hman ya yₔm hma nt'o't'i ua, pe nu'bₔ guí ɛna gui hyuspahₔ mi'da yₔm hma, pe da hyus'ahₔ Ojₔ ɻ yₔn ɻnbi im mangua ja ra søcuq 'bₔ. ¹⁹ O nu'bₔ guí ɛmhbₔ him majuqni 'da yₔm hma nt'o't'i ua, ɛna gue'bₔ gdí 'uejₔ ɻ, pe Ojₔ di 'uec'ahₔ

yₔn jəpi im mangua ngue hin di ja ahₔ gui cərpₔ ja ra hogahnini, ne hin di ja ahₔ gui sifₔ yₔn dät'o a ra za di un ra temazai. ²⁰ Nε nu'a ra Jesús gue bi man ya yₔm hma gätho i jaua, i ɻm bₔya, "Majuqni ba ɛcä n'dihi," bi 'yɛna. Nε gue'a dín nde'e, ne dí xi a i, ba ɛhe ma Hmu i Jesús. ²¹ Nε gätho ahₔ dín nde guin nuhₔ rán jəpi a ma Hmu hₔ ra Jesús. Nε hønt'a dí xi ahₔ ya.